


# परमेश्वर उन खरा वचन



The Holy Bible in the Holiya language of India: परमेश्वर उन

खरा वचन

परमेश्वर उन खरा वचन

**The Holy Bible in the Holiya language of India: परमेश्वर उन खरा वचन**

copyright © 2020 The Word for the World International

Language: Gohllaru (Holiya)

Contributor: The Word for the World International

परमेश्वर उन खरा वचन

व्हाशोद नयिम, 2020

The New Testament in Holiya Language

The Word for the World International

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2023-04-08

---

PDF generated using Haiola and XeLaTeX on 21 Feb 2024 from source files dated 9 Apr 2023  
3943f9d0-5b35-54ad-8e8f-1b7bf74924c6

## Contents

मत्ती . . . . .	1
मरकुस . . . . .	39
लूका . . . . .	65
यूहन्ना . . . . .	105
प्रेरतिगोळ . . . . .	131
रोमयिों . . . . .	165
१ कुरन्थि . . . . .	180
२ कुरन्थि . . . . .	195
गलातगोळ . . . . .	205
इफसिगोळ . . . . .	210
फलिप्पिगोळ . . . . .	215
कुलुससगोळ . . . . .	219
१ थसिसलुनीर्का . . . . .	224
२ थसिसलुनीर्का . . . . .	228
१ तीमुथय्यिस . . . . .	230
२ तीमुथय्यिस . . . . .	235
तीतुस . . . . .	239
फलिमोन . . . . .	241
इबरानगोळ . . . . .	243
याकूब . . . . .	255
१ पतरस . . . . .	259
२ पतरस . . . . .	264
१ यूहन्ना . . . . .	267
२ यूहन्ना . . . . .	272
३ यूहन्ना . . . . .	273
यहूदा . . . . .	274
प्रकाशतिवाक्य . . . . .	276

## मत्ती रचति यीशु मसीह का सुसमाचार मत्ती इन द्वारा लखिसद यीशु मसीह अन्द सुशखबरी परचिय

मत्ती इन अनुसार सुशखबरी व्हाशोद नयिम दा नाक कतिबगोळ दा टु ऊंद हुन जो यीशु मसीह अन्द जीवन इन बारा दा हेळतद. अदुर दा टु हर ऊंद कतिब इक “सुशखबरी अनकु आगतद, यदुरद मतलव सुशखबरी.” अवरी मत्ती, मरकुस, लूका अदकि यूहनना द्वावा यीशु उन सोततुर बाददा लखिसकु आग्याद. याग मत्ती इन अनुसार सुशखबरी लखिसकु आगीत, रा ग्यानी लॉकुरी सही तारीख मालूम हैलेच, लेकीन आग सकतद ईद यीशु मसीह इन जनम इन लगभग ६० साल इन बाददा आगीत. इदुर अलावा, अद जागा येल आद ईद लखिसकु आगीत, मालूम हैलेच, लेकीन हापाळ सा लॉकुर अनुमान हचतार कि ईद फलिसितीन दा लखिसकु आग्याद अदकि शायद आग सकतद कि यूरूशलेम नगर दा भी लखिसकु आग्याद.

लेखक मत्ती हुन, जो यीशु से पयले ऊंद कर ताकोमावाळा ईरोन, आव आंदरी तान चेला बनसोर साटी अंदुन. आंदरी लेवी हेसुर देल भी अरोर. मत्ती हननेळ प्रेरतिगोळ दा टु ऊंद ईरोन अदकि आव यहूदी लॉकुर साटी लखिसीदुन. ईद हाळोद नयिम इन शास्त्रगोळद ६० से यककुल संदरभगोळ देल साफ पू देल नोळकु आग सकतद. आव ईद तोरसोद इरादा माळदुन कि यीशु मसीह ईरोन, परमेश्वर उन नविळुसत उद्धारकर्ता, यार बारा दा भवषियवाणी माळकु आगीत. मत्ती भी परमेश्वर उन राज्ज अन्द बारा दा हापाळ येनारा लखिस्यान. यहूदीगोळ इक उम्मीद ईरोद कि मसीह ऊंद राजनीतिक राज्ज अन्द राजा बनस्यान. मत्ती परमेश्वर उन आध्यात्मिक साम्राज्ज अन्द वर्णन माळकु आ वशिवास इक चुनौती कोळोर साटी हापाळ सावधानी बरतुसतान.

मत्ती इन अनुसार सुशखबरी व्हाशोद नयिम इक शूरू माळोर साटी ऊंद वळलीद कतिब आद, यतकी हाळोद नयिम इन सप्पा संदरभगोळद कारण. ईव येदूद नयिमगोळ इक जोळसताव. ग्यानी लॉकुर ईद भी सुझाव कोट्टुर कि मत्ती मूसा अन्द कतिबगोळद रूप इन नकल माळोद कोशशि माळतीदार, जो हाळोद नयिम इन पयला अईद कतिबगोळ हू. पहाळी मा यीशु उन उपदेश ५-७ इन तुलना परमेश्वर उक मूसा अन नयिम कोळोर सांगूळ आग सकतद. व्यवस्थाविवरण ११:३-२३:२५.

रूप रेखा

1. मत्ती सुशखबरी इक यीशु मसीह अन्द जनम अदकि आंदुर मंत्रालय इन सूरुवात इन बारा दा हेळकु सूरू माळतान. १-४
2. इदुर बाददा मत्ती यीशु उन बारा दा अदकि आंदुर हापाळ सा उपदेशगोळद वर्णन माळयान ५-२५
3. मत्ती अन्द आखरी खंड आंदुरद सायोद अदकि पुनरूत्थान दा यीशु मसीह अन्द मंत्रालय इन शखिर इन बारा दा आद २६-२८

यीशु उन लखिसद वंशावली  
(लूका ३:२३-३८)

- 1 अब्राहम उन पार, दाऊद उन पार, यीशु मसीह अन्द वंशावली ई प्रकार देल आद.
- 2 अब्राहम देल इसहाक पैदा आदुन, इसहाक देल याकूब, याकूब देल यहूदा अदकि आऊन वारटुर पैदा आदुर.
- 3 यहूदा अदकि तामार देल फरिसि अदकि जोरह पैदा आदुर, फरिसि देल हसितुरोन, अदकि हसितुरोन देल एराम पैदा आदुन.
- 4 एराम देल अम्मीनादाब पैदा आदुन, अम्मीनादाब देल नहशोन, अदकि नहशोन देल सलमोन पैदा आदुन.
- 5 सलमोन अदकि राहाब देल बोअज पैदा आदुन, बोअज अदकि रूत देल ओबेद, अदकि ओबेद देल यशि पैदा आदुन.
- 6 \*अदकि यशि देल दाऊद राजा पैदा आदुन. अदकि दाऊद देल सुलैमान, आ आरत इन व्हाट्या टु पैदा आदुन जो पयले उरयियाह अन्द हगिस ईरोर.
- 7 सुलैमान देल रहवाम पैदा आदुन, रहवाम देल अबयियाह, अदकि अबयियाह देल आसाफ पैदा आदुन.
- 8 आसाफ देल यहाशाफात पैदा आदुन, यहाशाफात देल योराम, अदकि योराम देल उज्जयियाह पैदा आदुन.
- 9 उज्जयियाह देल योताम पैदा आदुन, योताम देल आहाज, अदकि आहाज देल हजिकयियाह पैदा आदुन.
- 10 हजिकयियाह देल मनशशहि पैदा आदुन, मनशशहि देल आमोन, अदकि आमोन देल योशयियाह पैदा आदुन.
- 11 अदकि बाक इसत्राएल इन लॉकुरी बंदी माळकु बेबीलोन ओया होती योशयियाह देल यकुन्याह, अदकि आऊन वारटुर पैदा आदुर.
- 12 बंदी आगकु बेबीलोन पोहचुसदुर बाददा यकुन्याह देल शालतएल पैदा आदुन, अदकि शालतएल देल जरूबबाबल पैदा आदुन.
- 13 जरूबबाबल देल अबीहूद पैदा आदुन, अबीहूद देल इल्याकीम, अदकि इल्याकीम देल अजोर पैदा आदुन.
- 14 अजोर देल सदोक पैदा आदुन, सदोक देल अखीम, अदकि अखीम देल इलीहूद पैदा आदुन,
- 15 इलीहूद देल इलियाजार पैदा आदुन, इलियाजार देल मत्तान, अदकि मत्तान देल याकूब पैदा आदुन.
- 16 याकूब देल यूसुफ पैदा आदुन, जो मरयिम इनव गांड ईरोन, अदकि मरयिम देल यीशु जो मसीह कहलुसतान, पैदा आदुन.

17 ईद प्रकर अब्राहम टु हूळकु दाऊद ताका चौदा पीढी आदव, अदकि दाऊद टु बेबीलोन इक बंदी आगकु पोहचुसकु आगासताका चौदा पीढी, अदकि बंदी आगकु बेबीलोन इक पोहचुसकु आगा समय टु मसीह ताका चौदा पीढी आदव.

यीशु उन जनम

(लूका १:२६-३८; २:१-७)

18 \*यीशु मसीह अन्द जनम इत्ता प्रकार देल आत, कियाग आऊन मोय मरयिम इन सगाई यूसुफ उन सांगुळ आगेत, रा आंदुर मलिन आगेर से पयले अच आक पवतिर आत्मा दी टु वहाट्या दी ईरोर. 19 इदुरसाटी आकनि गाड्ड यूसुफ जो न्यायी मळसा ईरोन अदकि आकी बदनाम माळोद ईला चाहासोन, आकी चुपचाप वटिट बुळोद वचिर माळदुन. 20 याग आव ईव मातगोळद सोच दा का ईरोन रा प्रभु उन स्वर्गदूत आऊक कानसा दा काळसकु अनली कुरतुन, "हे यूसुफ! दाऊद उन पार, नी मरयिम उक हगिस माळली अंजबाळ, यतकी जो आकनि गरभ दा आद, अद पवतिर आत्मा दी टु आद. 21 \*आक पार उक हाळदार अदकि नी आऊन हेसुर यीशु ईटेट, यतकी आव तान लांकुरी आंदुर पापगोळ देल बळिस्यान."

22 \*ईद सब इदुरसाटी आत कि जो वचन प्रभु भवषियवक्ता अन्द द्वारा अंददिन, अद पुरा आगुल: 23 "ऊद कुवारा पोर वहाट्या दी ईत्तार अदकि ऊद पार उक हाळदार, अदकि आऊन हेसुर इम्मानुएल ईटकु आदीत," यदुरद मतलब आद, "परमेश्वर नाम सांगुळ."

24 आग यूसुफ जप दा टु यदकु प्रभु अन्द स्वर्गदूत उन आग्या अन्द अनुसार मरयिम उक हगिस माळकु मान्या तंदुन; 25 \*अदकि यागासताका आक पार हाळददिल आगासताका यूसुफ आकनि हात्ती हागीदलिल: अदकि आव आ पार उन हेसुर यीशु ईटदुन.

## 2

पूर्व दशा नोर पाऊनागोळद यीशु से मुलाकात

1 हेरोदेस राजा अन्द दनिगोळ दा याग यहूदिया प्रदेश इन बैतलहम ऊरा यीशु उन जनम आत, रा नोळी, पूर्व दशा टु हापाळ सा जानकार लांकुर यरशलेम दा बंदकु केळली कुरतुर, 2 "यहूदीगोळव राजा यारद जनम आग्याद, यल आन? यतकी नाव पूर्व दा आऊन तारा नोळेव, अदकि नाव आऊक प्रणाम माळली बंदेव."

3 ईद केळकु हेरोदेस राजा अदकि आऊन सांगुळ पुरा यरशलेम घबरूसेत. 4 आग आव यहूदी समाज इन सप्पा प्रधान याजकगोळी अदकि शास्त्रीगोळी जमा माळकु आंदुर से केळदुन, "कमसीह अन्द जनम यल आग पायजे." 5 आंदुर आऊन से अंदुर, "यहूदिया अन्द बैतलहम दा, यतकी परमेश्वर उन भवषियवक्ता अन्द द्वारा ईद लखिसकु आग्याद: 6 हे बैतलहम, नी जो यहूदा अन्द प्रदेश दा आय, नी यातोदारा भी रीतदिल यहूदा अन्द अधिकारीगोळ दा सब से स्याणेव हैलेच; यतकी नीन दा टु ऊद अधपिती होट्टान, जो नान प्रजा इस्त्राएल इन रखवाली माळयान.' "

7 आग हेरोदेस जानकारगोळी चुपचाप कारूकु आंदुर से केळदुन कि तारा ठीक याता समय दा काळसीत, 8 इदुरसाटी आव ईद अन्कु आंदरी बैतलहम कळुदुन, "हांगी, आ पार उन बारा दा बेस-बेस मालूम माळी, अदकि याग आव सकिकेदान रा नानी बातणी कोळी ताकी ना भी बंदकु आऊक प्रणाम माळाईन."

9 आंदुर राजा अन्द मात केळकु होटोदुर, अदकि जो तारा आंदुर पूर्व दी नोळीदुर अदा तारा आंदुर मूद-मूद नळोद; अदकि यल चगिद ईरोद, आ जागा अन्द मयाकुच पोहचुसकु रूकसेत. 10 आ तारा अक नोळकु आंदुर हापाळ खुश आदुर. 11 आंदुर आ मान्ना दा पोहचुसकु आ पार उक आऊन मोय मरयिम इन सांगुळ नोळदुर, अदकि बांगकु आ पार उक प्रणाम माळदुर, अदकि तान-तान झवारा खोलसकु आऊक व्हानना, लुवान, अदकि गन्धरस इन भेट यरसदुर.

12 आग परमेश्वर कानसा दा आंदरी चेतवनी कोटकु ईद अंदुन कि हेरोदेस उन हात्ती मातत होगबाळेतीर, आंदुर दुसरा हादी देल तान द्याश दा होटोदुर.

मसित्तर द्याश इक होगोद

13 आंदुर होगदुर बाददा प्रभु उन ऊद स्वर्गदूत कानसा दा यूसुफ उक काळसकु अंदुन, "येळ, आ पार उक अदकि आऊन मोय इक हूळकु मसित्तर द्याश इक ओळेग; अदकि यागासताका ना नीन से अनालीन, आगासताका अल्या ईरत; यतकी हेरोदेस ई पार उक हुंदसेत्यान कि आऊक कोन्सुस बुळुल."

14 आग आव ईळलकी इच यदकु पार अदकि आऊन मोय इक हूळकु मसित्तर द्याश इक ओळेदुन, 15 \*अदकि हेरोदेस उन सायासताका अल्या ईरतुन. इदुरसाटी कि अद वचन जो प्रभु भवषियवक्ता अन्द द्वारा अंददिन अद पुरा आगुल: "ना तान पार उक मसित्तर द्याश टु कार्सदिन."

चकिरी कोन्नोद

16 याग हेरोदेस ईद नोळदुन, कि तारागोळद बारा दा जानकारी ताकोमावाळेर जानकार लांकुर आऊन सांगुळ धवाका माळदुर, आग आव सटिट देल बेक्की घाई आगेदुन, अदकि लांकुरी कळुकु जानकार लांकुर द्वारा तारा नोळोद समय इन अनुसार बैतलहम अदकि अदुर आसपास इन जागा अन्द सप्पा चकिरी जो येद्व वर्ष इनोर या आंदुर से स्याणेर ईरोर, कोन्सुस बुटुन. 17 आग अद वचन जो यरमयाह भवषियवक्ता अन्द द्वारा अंदकु आगीत, अद पुरा

आतः 18 “रामाह ऊर दा दुख भरा ऊंद आवाज केळ बत्त, वोरलोद अदकि हापाळ गयरा वलिाप इन ईरोद; राहेल तान चकिोर साटी वोरलोर, अदकि शांत आगोद ईला चाहासोर, यतकी ईग आ चकिोर सोतोगीदुर.”\*

मसित्तर द्याश टु वापस बरोद

19 हेरोदेस उन सोत्तर बाददा, प्रभु उन स्वर्गदूत मसित्तर दा यूसुफ उक कान्सा दा कांळसकु अंदुन. 20 “थेळ, पार उक अदकि आऊन मोय इक हुळकु इस्त्राएल इन द्याश दा होटोग, यतकी जो पार उन जीव ताकोमोद चाहासोर, आंदुर सोतोगयार.”

21 यूसुफ येददुन, अदकि पार उक अदकि आऊन मोय इक सांगुळ हुळकु इस्त्राएल इन द्याश दा बंदुन. 22 लेकीन ईद केळकु का अरखलियास तान आप्प हेरोदेस उन जागा दा यहूदिया मा राज्य माळेत्यान, अल होगोर से अंजदुन. वाक कान्सा दा परमेश्वर उन दी टु बातणी ताकोमकु गलील प्रदेश दा होटोदुन. 23 \*आव अल नासरत हेसुर इन नगर दा होगकु कुरतुन, ताकी अद वचन पुरा आगुल, जो भवषियवक्तागोळ द्वारा अंदकु आगीतः “आव नासरी कहलुस्यान.”\*\*

### 3

बपतसिमा कोळावाळा यूहन्ना अन्द उपदेश  
(मरकुस १:१-८; लुका ३:१-१८; यूहन्ना १:१९-२८)

1 आ दनिगोळ दा बपतसिमा कोळावाळा यूहन्ना बंदकु यहूदिया अन्द आळी दा ईद प्रचार माळली कुरतुनः 2\*“पापगोळ देल मन तरिगुसी, यतकी स्वर्ग इन राज्य हात्ती होट बंदाद.” 3 इव आवा हुन याद मातकात यशायाह भवषियवक्ता अन्द द्वारा माळकु आग्यादः

“आळी दा ऊंद कारावाळा अन्द आवाज केळ बरेत्याद,

का प्रभु उन हादी तयार माळी,

आऊन सळकगोळी सरका माळी.”\*\*

4 \*ईव यूहन्ना ऊँट इन चूट्टीगोळद फळक्या हाककु अदकि नेळ्ळा मा तोगुल इन पट्टा कटकु ईरतोगोन. फाफा\* अदकि आळी दाकळोद शयद तनितोगोन. 5 आग यूशलेम अदकि पुरा यहूदिया प्रदेश, अदकि यरदन गांगा अन्द आस-पास इन सप्पा क्षेत्र अन ईरावाळेर लॉकुर आऊंद हात्ती बंदकु जमा आदुर. 6 आंदुर तान-तान पापगोळी मानसकु यरदन गांगा दा आऊन से बपतसिमा ताकोडुर.

7 \*याग आव हापाळ सा फरीसी अदकि सदकीगोळी बपतसिमा ताकोमोर साटी तान हात्ती बरत नोळदुन, रा यूहन्ना अंदुन, “हे हाव इन चकिोरा, याव नीमी चतरा माळ बुटुन का परमेश्वर उन बरावाळा प्रकोप देल ओळी? 8 इदुरसाटी हगि मातगोळ माळी जो नीम पश्चाताप इक तोरसतद, 9 \*अदकि तान-तान मन दा ईद वचिार माळवाळी का नाम आप्प अब्राहम हुन; यतकी ना नीम से अनतीन का परमेश्वर ई कल्लगोळ देल भी अब्राहम उन साटी औलाद पैदा माळ सकतान. 10 \*ईग कोळली मार्रगोळद जळी मा ईटकु आद, इदुरसाटी जो-जो मार्र वळलीद काय तराल, अदरी कळकु अदकि बेक्की दा हाककु आदीत. 11 ना रा नीर देल नीमी मन तरिगुसोद बपतसिमा कोळतीन, लेकीन जो नान बाददा बरावाळा आन, आव नान से ताकतवर आन; ना रा आऊन कूर तेगा लायक भी हैलेच. आव नीमी पवतिर आत्मा अदकि बेक्की देल बपतसिमा कोट्टान. 12 आऊन मार्र आऊन कय दा आद, अदकि आव तान केई वळलीद तरीका देल साफ माळयान, अदकि तान गोदीगोळी रा द्वाला दा जमा माळयान, लेकीन भूसा अन्द गवानडा अक आ बेक्की दा होताक्यान जो यागलु नुनाल्द.”

यीशु उन बपतसिमा

(मरकुस १:९-११; लुका ३:२१,२२; यूहन्ना १:३१-३४)

13 आ समय यीशु गलील टु यरदन गांगा अन्द कनारा मा बपतसिमा कोळावाळा यूहन्ना अन्द हात्ती आऊन से बपतसिमा ताकोमली बंदुन. 14 लेकीन यूहन्ना ईद अनकु आऊक रोक्सली कुरतुन, “नानी रा नीद कय देल बपतसिमा ताकोमोद जरवत आद, अदकि नी नान हात्ती बंद्या?” 15 यीशु आऊक ईद उत्तर कोट्टुन, “ईग रा हगि अच आगगोळ, यतकी नामी ईदा रीतदिल सप्पा न्यायीपन इन कयाल्सागोळी पुरा माळोद उचित आद.” आग यूहन्ना आऊन मात मानस कोडुन.

16 अदकि यीशु बपतसिमा ताकोमकु तुरन्त नीर दा टु म्याकुच बंदुन, अदकि अदा समय आऊन साटी स्वर्ग खुलसेत, अदकि आव परमेश्वर उन आत्मा अक कबूतर इन चाई ईळ्ळतेला अदकि तान म्याकुच बरतेला नोळदुन. 17 \*अदकि स्वर्ग टु ईद आकाशवाणी आत “ईव नान प्रयि पार हुन, ईऊन से ना हापाळ खुश आईन.”

### 4

यीशु उन परीक्षा

(मरकुस १:१२-१३; लुका ४:१-१३)

\* 2:18 २:१८ यरिमयाह ३१:१५ \* 2:23 २:२३ मरकुस १:२४; लुका २:३९; यूहन्ना १:४५ \* 2:23 २:२३ लुका ८:१७ \* 3:2 ३:२ मत्ती ४:१५; मरकुस १:१५ \* 3:3 ३:३ यशायाह ४०:३ \* 3:4 ३:४ २ राजा १:८ \* 3:4 ३:४ फाफा-मतलब टड्डियॉ \* 3:7 ३:७ मत्ती १२:३४; २३:३३ \* 3:9 ३:९ यूहन्ना ८:३३ \* 3:10 ३:१० मत्ती ७:१९ \* 3:17 ३:१७ मत्ती १२:१८; १७:५; मरकुस १:११; लुका ९:३५

1 आग पवतिर आत्मा यीशु उक सुनसान जागा दा ओईत ताकी शैतान उन द्वारा आऊन परीक्षा आगुल। 2 आव चालीस दिन, अदकि चालीस ईळलक, उपास माळ कौडुन, आग आऊक हशु हत्त। 3 आग परखुसावाळा शैतान हात्ती बंदकु आऊन से अंदुन, “अगर नी परमेश्वर उन पार हुय, रा अंदकोम, कि ई कल्ल रोटेगोळ बंसेगुल.”

4 यीशु उत्तर कोट्टुन: “शास्त्र दा लखिसकु आद, भंळसा सर्फि रोटेटी देल अच जित्ता ईरतीदील, लेकीन हर ऊंद वचन देल जो परमेश्वर उन बाय देल होळतद.”

5 आग शैतान यीशु उक यरूशलेम इन पवतिर नगर दा ओईत अदकि मंदिर इन स्यांडा मा नीदरूस्त, 6 अदकि आऊन से अंत, “अगर नी परमेश्वर उन पार हुय, रा तान तान इक ल्यालमा केळदबुळ; यतकी शास्त्र दा लखिसकु आद: ‘आव नीन बारा दा तान स्वर्गदूतगोळी आग्या कोट्टान, अदकि आंदुर नीनी कयगोळ दा नेगु कौडार; ईलारा हगि आगवाळल कि नीन कालगोळी कल्ल देल टेस हत्तुल.’”

7 यीशु आऊन से अंदुन, शास्त्र दा ईद भी लखिसकु आद: “नी प्रभु तान परमेश्वर उन परीक्षा माळवाळ.”

8 बाक शैतान यीशु उक ऊंद हापाळ ऊंचा पहाळी मा ओईत अदकि पुरा दुनया अन्द राज्य अदकि अदुरद वैभव तोरसकु, 9 आग शैतान यीशु से अंत, “अगर नी बांगकु नानी प्रणाम माळया, रा ना ईद सब कुछ नीनी कोट बुळाईन.”

10 आग यीशु आ शैतान उक उत्तर कोट्टुन, “हे शैतान दुर आगेग, यतकी शास्त्र दा लखिसकु आद: नी तान प्रभु परमेश्वर उन भक्ती माळ, अदकि सर्फि आऊंदा उपासना माळ.”

11 अदकि नोळी शैतान आऊन हात्ती टु होटोत, अदकि स्वर्गदूत बंदकु आऊन स्यावा माळली कुरतुर।

यीशु उन स्यावा-कार्य अन्द सुरवात  
(मरकुस १:१४,१५; लुका ४:१४; १५)

12 आग यीशु ईद केळदुन कविपतसिमा कोळावाळा यूहनना बंदी माळकु आगेग्यान, रा आव गलील इक होटोदुन।

13 अदकि आव नासरत इक बटिकु कफरनहूम नगर दा बंदुन, जो झील इन कनिरा जबूलून अदकि नपताली इन दयाश दा आद, होगकु ईरली कुरतुन; 14 ताकी जो यशायाह भवषियवक्ता अन्द द्वारा अंदकु आगीत, अद पुरा आगुल:

15 “जबूलून अदकि नपताली इन दयाश,

झील इन हादी देल यरदन इन आप्पाटी,  
गैरयहूदीगोळ दयाश गलील दा!

16 जो लॉकुर अंधार जदिगी माळोर,

आंदुर ऊंद धोळद महान ज्योती नोळदुर;

अदकि जो मृत्यु उन दयाश अदकि सावली दा कुरतकु ईरोर,

आंदुर मा ज्योती चमकुस्त.”

17 आ समय टु यीशु प्रचार माळोद अदकि ईद अनोद सुरवात माळदुन, “तान पापगोळ देल मन तरिगुमी यतकी स्वर्ग इन राज्य हात्ती हाट बंदाद.”

नाक मेन हुडावाळेरी कारोद

(मरकुस १:१६-२०; लुका ५:१-११; यूहनना १:३५-४२)

18 गलील इन झील इन कनिरा वयाळतेला यीशु येदद वारदूरी मतलब शमौन उक जो पतरस कहलुस्तान, अदकि आऊन वारट अन्दरियास उक झील दा जार हाकत नोळदुन; यतकी आंदुर मेन हुडावाळेरे ईरोर। 19 यीशु आंदुर से अंदुन, “नान हदि बरी, रा ना नीमी मळसागोळी ह्यांग परमेश्वर उन राज्य दा तरतार अद कलसाईन.” 20 आंदुर तुनत जारगोळी बटिकु आऊन हदि होटोदुर।

21 अल टु मुंद वाळुसकु, यीशु मात्त येदद वारदूरी मतलब जब्दी इन पार याकूब अदकि आऊन वारट यूहनना अक नोळदुन. आंदुर तान आप्प जब्दी इन सांगुळ इवांगा मा तान जारगोळी सुधारसोर. आव आंदरी भी कारदुन. 22 आंदुर तुनत इवांगा अदकि तान आप्प उक बटिकु आऊन हदि होटोदुर।

यीशु उन सखि, उपदेश अदकि चंगाई  
(लुका ६:१७-१९)

23 यीशु पुरा गलील दा वयाळतेला आंदुर सभागुहगोळ दा उपदेश कोळोन, अदकि राज्य अन्द खुशखबरी प्रचार माळोन, अदकि लॉकुरद हर प्रकार इन बमारगोळी चंगा माळदुन अदकि कमजोरी इक दुर माळतेला ईत्तुन।

24 अदकि पुरा सीरया दयाश दा आऊन यश फेलुसेत; अदकि लॉकुर सब बमारगोळी जो नाना प्रकार इन बमारगोळ अदकि दुखगोळ दा जकळुसकु ईरोर, अदकि यारदा दुष्टआत्मागोळ ईरव, अदकि मरिगीवाळेरे अदकि लकवा नोर रोगीगोळी, आऊन हात्ती तंदुर अदकि आव आंदरी चंगा माळदुन. 25 गलील अदकि दिकापुलसि\*, यरूशलेम, यहूदीया अदकि यरदन गांगा अन्द आप्पाटी टु भीळ इन भीळ आऊन हदि आगेत।

## 5

यीशु उन पहाळी उपदेश

\* 4:1 ४:१ इव्रानगोळ २:१८; ४:१५ \* 4:6 ४:६ भजन संहिता १:११-१२ \* 4:7 ४:७ व्यवस्थाविवरण ६:१६ \* 4:10 ४:१० व्यवस्थाविवरण ६:२३ \* 4:12 ४:१२ मत्ती १:४३; मरकुस ६:१७; लुका ३:१९,२० \* 4:13 ४:१३ यूहनना २:१२ \* 4:17 ४:१७ मत्ती ३:२ \* 4:23 ४:२३ मत्ती १:३५; मरकुस १:३९ \* 4:25 ४:२५ दिकापुलसि इन मतलब हत्त नगरगोळद शयर

1 यीशू भीळ इक नोळकु पहाळी मा येरेदुन, अदकि याग कुरतोदुन रा आऊन चेलागोळ आऊन हात्ती बंदुर.  
2 अदकि आव आंदरी ईद उपदेश कोळली कुरतुन:

धन्य वचन

(लूका ६:२०-२३)

- 3 धन्य आर आंदुर, जो मन देल गरीब आर,  
यतकी स्वर्ग इन राज्य आंदुर दा आद.  
4 “धन्य आर आंदुर, जो शोक माळतार,  
यतकी आंदरी दलासा सक्कीत.  
5 धन्य आर आंदुर, जो नम्र आर,  
यतकी आंदुर धरती इन वारीसदार आदार.”  
6 “धन्य आर आंदुर, जो न्यायीपन इन हस्तकु अदकि नरिळककु आर,  
यतकी आंदुर संतुष्ट माळकु आदार.”  
7 “धन्य आर आंदुर, जो दयालु आर,  
यतकी आंदुर मा दया माळकु आदीत.”  
8 धन्य आर आंदुर, यारद मन शुद्ध आव,  
यतकी आंदुर परमेश्वर उक नोळ्यार.  
9 धन्य आर आंदुर, जो मेल माळावाळेर आर,  
यतकी आंदुर परमेश्वर उन चकोर कहलुस्यार.  
10 “धन्य आर आंदुर, जो न्यायीपन इन कारण सतुस्कु आगतार,  
यतकी स्वर्ग इन राज्य आंदुरद अच हुन.

11 “धन्य आईर नीव, याग मंळसा नान कारण नीमद अपमान माळयान, अदकि सतुस्यान अदकि खवाटा माताळ माताळकु नीमद वरिगिध दा सब प्रकार इन बुरा मात अंदान. 12 “आग खुश अदकि मगन ईरतीर, यतकी नीम साटी स्वर्ग दा धोळद प्रतफिल आद. यतकी आंदुर आ भवषियवक्तागोळी भी जो नीम से पयले ईरोर ईदा रीत देल सतुसीदुर.

ऊप अदकि ज्योत

(मरकुस ९:५०; लूका १४:३४,३५)

13 “नीव पृथ्वी इन ऊप हुईर, लेकीन अगर ऊप इन स्वाद बगिळुसेदति, रा अद बाक याता चजि देल नमकीन माळकु आदीत? बाक अद यातोदु क्याल्सा अन्द हैलेच, सर्फि इदुरद किव्हार्या भटिकु आगुल अदकि मंळसागोळद काल देल मेटकु आगुल.”

14 “नीव दुनिया अन्द ज्योत हुईर. जो नगर पहाळी मा वसुसकु आद अद होचकु ईरसकाल. 15 “अदकि लॉकुर दगिया होत्ताकु बरतन इन लयालमा ईटालुर लेकीन दीवट\* मा ईटतार, आग अदुर देल मानना अन्द सप्पा लॉकुरी ऊजुळ सक्तिद. 16 “अदा प्रकार नीम ऊजुळ मंळसागोळद मुंद चमकुसुल किव्हार्या नीम वळलीद क्याल्सागोळी नोळकु नीम आप्प उन, जो स्वर्ग दा आन, बळाई माळुल.

व्यवस्था अन्द बारा दा शक्तिषा

17 “ईद समसबाळी, कनि ना व्यवस्था या भवषियवक्तागोळ कतिवगोळी नाश माळली बंदीन, नाश माळली ईला, लेकीन पुरा माळली बंदीन. 18 “यतकी ना नीम से खरा माताळतीन, कनि यागासताका आकाश अदकि पृथ्वी टलुसेगाल, आगासताका व्यवस्था ऊंद ऊंद मात भी बनि पुरा आगद टलुसतीदलि.” 19 इदुरसाटी जो यावारा इव स्याळद से स्याळद आग्यागोळ दा टु यातोदारा ऊंद आग्या अक मूरुल, अदकि हांग अच लॉकुरी कलसुल, आव स्वर्ग इन राज्य दा सप्पा मुंदुर से स्याणव कहलुस्यान; लेकीन जो यावारा आ आग्यागोळद पालन माळयान अदकि अचरी कलस्यान, आवा स्वर्ग इन राज्य दा महान कहलुस्यान. 20 यतकी ना नीम से अनतीन, कनि अगर नीम न्यायीपन शास्त्रीगोळ अदकि फरीसीगोळद न्यायीपन देल धोळद ईरतीदील, रा नीव स्वर्ग इन राज्य दा यागलु प्रवेश माळ सकतीदील.

सट्टि अदकि कोन्नुद

21 “नीव केळ कौंडीर, कनि पूर्वकाल इन लॉकुर से अंदकु आगीत, कनि ‘कोन्नु बाळी’ अदकि ‘जो यावारा कोनतान आव कचेरी दा सजा अन्द लायक ईत्तान.’ 22 “लेकीन ना नीम से ईद अनतीन, कनि जो यावारा तान वार्ट उन सट्टि माळयान, आव कचेरी दा सजा अन्द लायक ईत्तान, अदकि जो यावारा तांद वार्ट उक नकिममा अंदान आव महासभा दा सजा अन्द लायक ईत्तान; अदकि जो यावारा अंदान ‘ये मूसख’ आव नरक इन बेक्की दा सजा अन्द लायक ईत्तान. 23 इदुरसाटी अगर नी तान भेट वेदी मा तंद्या, अदकि अल नी याद माळ्या, कनि नीन वार्ट उन मन

\* 5:10 ५:१० १ पतरस ३:१४ \* 5:11 ५:११ १ पतरस ४:१४ \* 5:12 ५:१२ प्रेरितगोळ ७:५२ \* 5:13 ५:१३ मरकुस ९:५०; लूका १४:३४,३५ \* 5:14 ५:१४ यूहन्ना ८:१२; ९:५ \* 5:15 ५:१५ मरकुस ४:२१; लूका ८:१६; ११:३३ \* 5:15 ५:१५ दीवट: मतलब-दगिया ईटोद जागा \* 5:16 ५:१६ १ पतरस २:१२ \* 5:18 ५:१८ लूका १६:१७ † 5:18 ५:१८ सप्पा चजिगोळ अंत; या इदुरव सप्पा उपदेश खरा आव. ‡ 5:22 ५:२२ जो यावारा सट्टि माळतान; येनारा वचनगोळ दा जो यावारा बनि कारण देल सट्टि माळतान लखिसकु आद.



दा नीन साटी येनारा वरीध आद, <sup>24</sup> रा तान भेट अलया वेदी इन मुंद बटि बुळ, अदकि होगकु पयले तान वार्त उन से मेल मलिप माळ अदकि राजी आगकु बर अदकि तान भेट येर्स.”

<sup>25</sup> यागासताका नी तान आरोप हचावाळा अन सांगुळ हादी मा का आय, आऊन से झटपट मेल मलिप माळकोम ईदारा हगि आगबाळुल कि आरोप हचावाळा नीनी न्यायाधीश उक सोप्सुल, अदकि न्यायाधीश नीनी कत्तीहुडावाळा अक सोप्स बुळुल, अदकि नीनी जयल दा हाक्कु आगुल. <sup>26</sup> ना नीन से खरा माताळतीन कि यागासताका नी कवळी-कवळी तुम कोळाल आगासताका अल टु बळि सकतीदलि.

व्यभचार इन बारा दा शक्तिा

<sup>27</sup> “नीव केळ कोंडीर कि अंदकु आगीत, ‘व्यभचार माळबाळेतीर.’ <sup>28</sup> लेकीन ना नीम से ईद अनतीन, कि जो यावारा यातारा आर्त इक बुरा नजर देल नोळतान आव तान मन दा आकनि से व्यभचार माळ कोंडुन. <sup>29</sup> अग्र नीन ऊम्मा कण्ण नीनी टोकर तनिसुल, रा अदरी तेगुकु भीट बुळ; यतकी नीन साटी ईदा वळ्लीद आद कि नीन शरीर दा टु ऊंद अंग नाश आगुल अदकि नीन पुरा शरीर नरक दा हाक्कु आगबाळुल. <sup>30</sup> अग्र नीन ऊमा कय नीनी टोकर तनिसतद, रा अदरी कळुकु भीट बुळ; यतकी नीन साटी ईदा वळ्लीद आद कि नीन मय दा टु ऊंद नाश आगुल अदकि नीद पुरा शरीर नरक दा हाक्कु आगबाळुल.”

छोळचट्टी अनद बारा दा शक्तिा

(मत्ती १९:१; मरकुस १०:११; लूका १६:१८)

<sup>31</sup> “ईद भी अंदकु आगीत, ‘जो यावारा तान हगिस उक बळिद चाहासयान, रा आकी छोळचट्टी कोळुल.’ <sup>32</sup> लेकीन ना नीम से ईद अनतीन की जो यावारा तान हगिस उक व्यभचार इन शिवाय अदकि दुसरा कारण देल बटिट बुळतान, रा आव आकनि से व्यभचार माळसुसतान; अदकि जो यावारा आ आर्त इन से जो गाड उक बटिकु आर मदा माळतान, रा आव भी व्यभचार माळतान.”

करिया अनद बारा दा शक्तिा

<sup>33</sup> “बाक नीव केळ कोंडीर कि पूरकाल इन लॉकर से अंदकु आगीत, ‘खवाटा करिया तनिबाळेतीर, लेकीन पूरभु उन साटी तान करिया अक पुरा माळेतीर.’ <sup>34</sup> लेकीन ना नीम से ईद अनतीन कि यागुल करिया तनिबाळेतीर; ना रा स्वर्ग इन, यतकी अद परमेश्वर उन सहासन हुन; <sup>35</sup> ना धरती अनद, यतकी अद आऊन कालगोळद पायदान हुन; ना यूशलेम इन, यतकी अद महान राजा अनद नगर हुन. <sup>36</sup> तान तालला अनद भी करिया तनिबाळेतीर यतकी नीव ऊंद चट्टी इक भी ना बळिद, ना करीद माळ सकतीर. <sup>37</sup> लेकीन नीमद मात ‘हव’ इन ‘हव,’ या ‘ईला’ अनद ‘ईला’ आगुल; यतकी जो येनारा इदुर से यककुल आगतद अद बुराई देल आगतद.”

बदला ताकोमोद बारा दा शक्तिा

(लूका ६:२९,३०)

<sup>38</sup> “नीव केळ कोंडीर कि अंदकु आगीत, ‘कण्ण इन बदला कण्ण, अदकि हल्ल इन बदला हल्ल.’ <sup>39</sup> लेकीन ना नीम से ईद अनतीन कि जो नीम से बुरा व्यवहार माळतान आऊन सामना माळबाळेतीर; लेकीन जो यावारा नीमद ऊम्मा गाल्ला मा क्याबरा बळदान, रा आऊन दी दुसरा गाल्ला भी तरिगुस बुळी. <sup>40</sup> अग्र यावारा नीम मा जबरदस्ती माळकु नीमद कळता बेळोद चाहासयान, रा आऊक कोट भी कोट्ट बुळी. <sup>41</sup> जो यावारा नीमी कोस तमि जागा दा वोतान, रा आऊन सांगुळ येदुद कोस होटोग. <sup>42</sup> जो यावारा नीम से बेळयान, आऊक कोळी; अदकि जो नीम से उदार बेळोद चाहासतान, आऊन से बाय तरिगुसबाळी.”

दुश्मनगोळ से प्यार

(लूका ६:२७,२८,३२-३६)

<sup>43</sup> “नीव केळ कोंडीर कि अंदकु आगीत, ‘तान मान्ना हातळोर से प्यार ईटेतीर, अदकि दुश्मनगोळ से दुश्मनी.’ <sup>44</sup> लेकीन ना नीम से ईद अनतीन कि तान दुश्मनगोळ से प्यार ईटी अदकि जो नीमी सतुस्तार आंदुर साटी प्रार्थना माळी, <sup>45</sup> यदुर देल नीव तान स्वर्गीय आप्प उन ओलाद ठहरूसीर यतकी आव तान सूर्य वळ्लीद अदकि बुरा येदुदु मा उदय माळतान, न्यायी अदकि अन्यायी येदुदु मा नीर बरसुसतान. <sup>46</sup> यतकी अग्र नीव तान प्यार इट्टावाळेर से अच प्यार ईट्टीर, रा नीम साटी येन फल आदीत? येन कर ताकोमावाळेर भी हगिा माळालु?’ <sup>47</sup> “अग्र नीव सर्रिफ तान वार्दुद अच भलाई माळीर, रा यातोद धोळद क्याल्सा माळतीर? येन गैरयहूदी लॉकर भी हगिा माळालु?’ <sup>48</sup> इदुरसाटी नीव सदिध आगी, ह्यांग नीमव स्वर्गीय आप्प सदिध आन.”

## 6

गुप्त दान इन शक्तिा

<sup>1</sup> “सावधान ईरी! नीव मळसागोळी तोरसोर साटी तान न्याय इन क्याल्सा माळबाळेतीर, ईलारा नीव तान स्वर्गीय आप्प उन से येनु उच प्रतफिल ताकोम सकतीदलि.”

\* 5:29 ५:२९ मत्ती १८:१; मरकुस ९:४७ \* 5:30 ५:३० मत्ती १८:८; मरकुस ९:४३ \* 5:31 ५:३१ मत्ती १९:७; मरकुस १०:४ \* 5:31 ५:३१ व्यवस्थाविरण २४:१-२४ \* 5:32 ५:३२ मत्ती १९:१; मरकुस १०:११,१२; लूका १६:१८; १ कुरनिथी ७:१०,११ \* 5:34 ५:३४ याकव ५:१२; मत्ती २३:२२ \* 6:1 ६:१ मत्ती २३:५

2 “इदुरसाटी याग नीव दान माळी, रा तान मुंद सैनाई मुरसुसबाळी, हयांग कपटी लॉकुर, सभागोळ अदकि गलीगोळ दा माळतार, ताकी लॉकुर आंदुर बळाई माळुल. ना नीम से खरा माताळतीन कि आंदुर तान प्रतफिल ताकोम कोंडार. 3 लेकीन याग नीव दान माळी, रा जो नीम ऊम्मा कय माळतद, अद नीव तान डाक्या कय इक मालुम नळुगोळ बाळेतीर. 4 कि नीम दान होचकु ईरूल, अदकि आग नीम आप्प जो होचकु नोळतान, नीमी प्रतफिल कोट्टान.”

प्रार्थना अन्द शक्तिषा  
(लुका ११:२-४)

5 \*याग नीव प्रार्थना माळीर, रा कपटीगोळ घाई आगबाळी, यतकी लॉकुरी तोरसोर साटी सभागूह दा अदकि सळक इन मोळ मा नदुरकु प्रार्थना माळोद आंदरी वळलीद हततद. ना नीम से खरा माताळतीन कि आंदुर तान प्रतफिल ताकोम कोंडार. 6 लेकीन याग नीव प्रार्थना माळी, रा तान कमरा दा होगी; अदकि कवाळ बंद माळकु तान आप्प उन से गुप्त दा प्रार्थना माळीर. आग नीम आप्प जो होचकु नोळतान नीमी प्रतफिल कोट्टान.”

7 प्रार्थना माळाहोती गेरयहूदीगोळ घाई घळी-घळी माताळ बाळेतीर, यतकी आंदुर सोचतार कि आंदुर हापाळ माताळदुर देल आंदुरद केळकु आदीत. 8 इदुरसाटी नीव आंदुरद घाई आगबाळी, यतकी नीम आप्प नीम वेळा से पयला अच जानसतान कि नीम येन येन जरवतगोळ आव. 9 इदुरसाटी नीव ईत्ता रीतदिल प्रार्थना माळतोगी: “हे नाम आप्प, नी जो स्वर्ग दा आय;

नीन हेसुर पवतिर मान्सकु आगुल.

10 दुनय्या दा नीन राज्य बरूल.

नीन इच्छा हयांग स्वर्ग दा पुरा आगताव, हांग अच पृथवी मा भी आगुल.

11 \* नाम हागुल तरिमुद रोट्टी ईद नामी कोळ.

12 अदकि यात्ता प्रकार देल नाव तान अपराधीगोळ माफ माळेव,

हांग अच नी भी नाम पापगोळी माफ माळ.

13 † अदकि नामी परीक्षा दा तरबाळ,

लेकीन बुराई देल ऊळस.”

14 \*इदुरसाटी अगर नीव मंळसागोळद अपराध माफ माळीर, रा नीम स्वर्गीय आप्प भी नीमी माफ माळयान. 15 अदकि अगर नीव मंळसागोळद अपराध माफ माळतीदील, रा नीम स्वर्गीय आप्प भी नीमव अपराध माफ माळतीदील.”

उपास इन शक्तिषा

16 \*याग नीव उपास माळीर, रा कपटीगोळ घाई नीम मार्रा मा उदासी ईरबाळुल, यतकी आंदुर तान मार्रा हांग अच माळकु ईटतार, यतकी लॉकुर आंदरी उपासी समसुल. ना नीम से खरा माताळतीन कि आंदुर तान प्रतफिल ताकोम कोंडार. 17 लेकीन याग नीव उपास माळीर रा तान ताल्ला मा याणणा ऊदी अदकि मार्रा तोळी, 18 ताकी लॉकुर ईला लेकीन नीन आप्प जो गुप्त आन, नीनी उपासी जान्सुल ई दशा दा नीन आप्प जो गुप्त कर्मगोळी नोळकु, नीनी अऊरद प्रतफिल कोट्टान.”

स्वर्गीय धन  
(लुका १२:३३,३४)

19 \*तान साटी पृथवी मा धन जमा माळबाळेतीर, यल कळिा अदकि जंग नाश माळताव, अदकि यल काळलुर तजिरी वडुतार अदकि काळलपनी माळतार. 20 लेकीन तान साटी स्वर्ग दा धन जमा माळी, यल न रा कळिा, अदकि जंग नाश माळीत, अदकि यल काळलुर ना तजिरी वळदार अदकि ना चोरी माळ्यार. 21 यतकी यल नीम धन आद अल नीम मन भी हतकु ईत्तीत.”

मय इन ज्योतर्ति  
(लुका ११:३४-३६)

22 “नीन मय इन दगिया कण्ण हुन: इदुरसाटी अगर नीन कण्ण नरिमल आव रा नीन सप्पा मय भी ऊजुळ इन घाई आदीत. 23 लेकीन अगर नीन कण्ण बुरा ईरूल, रा नीन पुरा मय भी अंधकारमय आदीत; ईद कारण अद ऊजुळ जो नीन दा आद अगर अंधकारमय आद रा अद अंधार याट खोल आदीत!”

परमेश्वर अदकि धन  
(लुका १६:१३; १२:२२-३१)

24 “यावारा मंळसा येदुद स्वामीगोळद स्यावा माळ सकालुन, यतकी आव ऊद मंळसा से दुश्मनी अदकि दुसरा मंळसा से प्यार ईट्यान, या ऊद से मेल मलिाप माळयान अदकि दुसरा मंळसा अक नीच जानस्यान. नीव परमेश्वर अदकि धन येदुद स्यावा सांगुळल्या माळ सकालीर.”

25 “इदुरसाटी ना नीम से अनतीन कि तान जीवा अन्द साटी ईद चनिता माळबाळी कि नाव येन तनिदेव अदकि येन कळदेव; अदकि तान मय इन साटी फळक्यागोळद चनिता माळबाळी. येन जीव भोजन देल, अदकि मय

\* 6:5 ६:५ लुका १८:१०-१४

\* 6:11 ६:११ तानीक जरवत आद; या ईद इन साटी, या नाळ इन साटी.

† 6:13 ६:१३ येनारा वचनगोळ दा कारण

राज्य, सामर्थ्य अदकि गौरव सदा अन साटी नीमव आव. आमीन.

\* 6:14 ६:१४ मयकुस ११:२५,२६

\* 6:19 ६:१९ याकूब ५:२,३

फळक्यागोळ देल अनमोल हॅलेच? 26 आकाश ईनव पक्षीगोळी नोळी! अव ना बीजा हचताव, ना कोयताव, अदकि ना तान तनि जागा दा संगूरसकु ईटताव: तरी भी नीम स्वरगीय आप्प अवरी पालसतान. येन नीम कमित अऊर से यक्कुल हॅलेच? 27 नीम दा टु हगि याव आन, जो चनिता माळकु तान जदिगी दा ऊंद घळी भी वाळुस सकतान?"

28 "अदकि फळक्यागोळ साटी येती चनिता माळतीर? आळी दाकळव फूलगोळ मा ध्यान माळी कि अव ह्यांग वाळुसताव; अव ना रा मयनत माळताव, ना तान साटी फळक्यागोळ माळताव. 29 तरी भी ना नीम से अनतीन कि सुलैमान राजा भी, तान पुरा जीवन दा अऊर दा टु यारदु घाई कपळागोळ हाक्कु ईला ईरोन. 30 इदुरसाटी याग परमेश्वर मैदान इन काडडा अक, जो ईद आद अदकि नाळ वेक्की दा झोक्सकु आदीत, हगि कपळा हाकसुसतान, रा हे अल्पवशिवासीगोळा, आव नीमी ईऊर से वळ्लीद येती हाकसुसतदिलि?"

31 "इदुरसाटी नीव वचिार माळकु ईद अनबाळी कि नाव येन तनिदेव, या येन कुळदेव, या येन हाक्केव. 32 यतकी गैरयहूदी ई सपपा वस्तुगोळद खोज दा ईरतार, पर नीम स्वरगीय आप्प जानसतान कि नीमी ई सपपा वस्तुगोळद जरवत आद. 33 इदुरसाटी पयले नीव परमेश्वर उन राजुय अदकि आऊन न्याय इन खोज माळी रा ई सपपा वस्तुगोळ भी नीमी सकिकेदव. 34 इदुरसाटी नाळ इन चनिता माळबाळी, यतकी नाळ इन दनि तान चनिता खुद माळ कोंडीत; ईद इन साटी ईद इन दा दुख काफी आद.

## 7

दुसरा मा दोष हचोदाल  
(लुका ६:३७,३८, ४१, ४२)

1 "दोष हचबाळी कि नीम मा भी दोष हचकु आगुल. 2 यतकी या प्रकार देल नीव दोष हचतीर, अदा प्रकार देल नीम मा भी दोष हचकु आदीत; अदकि याता नाप देल नीव आळुतीर, अदा प्रकार देल नीम साटी भी आळुकु आदीत." 3 "नी येती तान वारट उन कण्ण इन तनिका अक नोळत्या, अदकि तान कण्ण इन लट्टा नीनी ऊमसाल? 4 याग नीद अच कण्ण दा लट्टा आद, रा नी तान वारट उन से ह्यांग अन सकत्या, ता ना नीन कण्ण दा टु तनिका तेगु कोळतीन?" 5 हे कपटी, पयले नी तान कण्ण दा टु लट्टा तेगु कोम, आग नी तान वारट उन कण्ण दा टु तनिका वळ्लीसा नोळकु तेगु सकत्या. 6 पवतिर वस्तु नायगोळी कोळबाळी, अदकि तान मोती हंदीगोळ मुंद हाक्कबाळी; हगि आगवाळुल कि अव अवरी कालगोळ ल्यालमा मेटवुळुल अदकि त्रिगकु नीमी ह्रद बुळुल."

प्रार्थना अन महत्व  
(लुका ११:१-१३)

7 "बेळीर, रा नीमी कोटकु आदीत; दुंदूसीर रा नीमी सकिकीत; ठोकसीर, रा नीम साटी तेरूकु आदीत. 8 यतकी जो यावारा वेळ्यान, आऊक कोटकु आदीत; अदकि जो दुंदूस्यान, आऊक सकिकीत; अदकि जो ठोकस्यान आऊन साटी तेरूकु आदीत."

9 "नीम दा टु हगि याता मंळसा आन, कि अगर आऊन पार आऊक रोटी वेळुल, रा आव आऊक कल्ल कोट्टान? 10 या मेन वेळुल, रा आव आऊक हाव कोट्टान? 11 इदुरसाटी याग नीव बुरा ईतकु, तान चिकीरी वळ्लीद वस्तु कोळोद जानसतीर, रा नीम स्वरगीय आप्प तान वेळावाळेरी वळ्लीद वस्तु यती कोळतीदील! 12 ईद कारण जो येनारा नीव चाहासतीर कि लॉकुर नीम सांगुळ बरताव माळुल, नीव भी आंदुर सांगुळ हांग अच बरताव माळी; यतकी मूसा अन व्यवस्था अदकि भवषियवक्ता अनद शक्ति ईदा हुन."

स्यांळद अदकि चौळा हादी  
(लुका १३:२४)

13 "स्यांळद हादी टु होगोद-बरोद माळी, यतकी चौळा आद अद फाटक अदकि आसान आद अद हादी जो वनिश दी ओयतद; अदकि हापाळ सा आर जो अल टु होगोद-बरोद माळतार. 14 यतकी स्यांळद आद अद फाटक कठनि आद अद हादी जो जीवन दी ओयतद; अदकि ध्वाळासा अच लॉकुर आर जो आ हादी इक हामलि माळतार.

ह्यांग मार्र हांग काय  
(लुका ६:४३, ४४; १३:२५-२७)

15 "ख्वाटा भवषियवक्तागोळ से सावधान ईरी, जो म्यांङडागोळद भेष दा नीम हात्ती बरतार, लेकीन आंदुर बुळक टु हूरकु तनिवाळेर म्यांङागोळ उर. 16 आंदुर करनी देल नीव आंदीर अरू कोंडीर. येन लॉकुर झाळीगोळ दा टु अंगुर, मुळ्लगोळ दा टु अंजीर कोयतार? 17 ईदा प्रकार देल हर ऊंद वळ्लीद मार्र वळ्लीद काय तरतद अदकि बेकार मार्र बेकार काय तरतद. 18 वळ्लीद मार्र बेकार काय तर सकाल, अदकि ना बेकार मार्र वळ्लीद काय तर सकतद. 19 जो जो मार्र वळ्लीद काय तरतदील, अद कळकु अदकि वेक्की दा हाक्कु आदीत. 20 ईद प्रकार देल नीव आंदुर क्वाल्सागोळद कर्मगोळ देल ख्वाटा भवषियवक्तागोळी अरत कोंडीर.

ना नीमी यागलु अरालीन  
(लुका १३:२५-२७)

21 “जो नान से, हे प्रभु! हे प्रभु!” अनतान, आंदुर दा टु हर ऊंद स्वर्ग इन राज्य दा प्रवेश माळतीदील, लेकीन आवा जो नान स्वर्गीय आप्प उन इच्छा मा नळतान. 22 न्याय इन दनि हापाळ सा लॉकुर नान से अंदार, हे प्रभु! हे प्रभु! येन नाव नीन हेसुर देल भवषियवाणी माळीदील, अदकि नीन हेसुर देल दुष्टआत्मागोळी तेगददील, अदकि नीन हेसुर देल हापाळ सा आश्रय चकति क्यालसा माळीदील?” 23 आग ना आंदुर से खुला शब्द दा अंद बुळाईन, ‘ना नीमी यागलु अरतीदलि. हे क्कर्म माळावाळेर, नान हात्ती टु होटोगी.’

मानना कटावाळेर येदद मळसा: बुद्धमिान अदकि मूर्ख  
(लूका ६:४७-४९)

24 “इदुरसाटी जो यावारा नान ई मातगोळी केळकु अवरी माळतान, आव आ बुद्धमिान मळसा अन्द घाई ठहूस्यान याव तान मानना चट्टान मा कटदुन. 25 अदकि माळ बत्त, अदकि बाळ बत्त, अदकि आंधी तुफान नळुत, अदकि आ मानना से टकरूस्त, फिर भी अद बदिदील, यतकी अदुरद पायवा चट्टान मा अगुळकु आगीत. 26 लेकीन जो यावारा नान ई मातगोळी केळतान अदकि अऊर मा नळालुन, आव आ मूर्ख मळसा अन्द घाई ठहूस्यान याव तान मानना धुळा मा कटदुन. 27 अदकि माळ बत्त, अदकि बाळ बत्त, अदकि आंधी तुफान नळुत, अदकि आ मानना से टकरूस्त अदकि अद जोर देल बदिकु सत्यानाश आगेत.”

यीशु उन अधकार

28 \*याग यीशु ई मातगोळी माताळ कौडुन, रा हगि आत कभीळ आऊन उपदेश देल सट्ट आत, 29 यतकी आव आंदुर शास्त्रीगोळ घाई ईला लेकीन अधिकारीगोळ घाई उपदेश कोळतोगोन.

## 8

कोद इन रोगी इक चंगा माळोद  
(मरकुस १:४०-४५; लूका ५:१२-१६)

1 याग यीशु आ पहाळी मा टु ल्यालमा ईळदुन, रा ऊंद धोळद भीळ आऊन हदि आगेत. 2 अदकि नोळी, ऊंद कोद इन रोगी मळसा हात्ती बंदकु आऊक प्रणाम माळदुन अदकि अंदुन\*, “हे प्रभु, अगर नी चाहास्या, रा नानी शुद्ध माळ सकत्या.”

3 यीशु कय मुंद माळकु आऊक मुटदुन, अदकि अंदुन, “ना चाहसतीन, नी शुद्ध आगेत.” अदकि आव तुरन्त कोद इन रोग देल शुद्ध आगेदुन. 4 बाक यीशु आऊन से अंदुन, “नोळ, यारीकु हेळबाळेत, लेकीन होगकु तान तान इक याजक उक तोर्स अदकि मूसा अन आदेश इन अनुसार भेट येर्स, ताकी लॉकुर साटी गवाही आगुल.”

रोमी सुबेदार उन दास उक चंगा माळोद  
(लूका ७:१-१०)

5 याग यीशु कफरनहूम नगर दा बंदुन रा ऊंद रोमी सपिाहीगोळद सुबेदार आऊन हात्ती बंदकु आऊन से वनिती माळदुन, 6 “हे प्रभु, नान दास उक लकवा होळद बुटाद अदकि आव हापाळ दुख दा आन.”

7 आग यीशु सुबेदार से अंदुन, “ना बंदकु आऊक चंगा माळाईन.”

8 सुबेदार उत्तर कोट्टुन, “हे प्रभु, ना ई लायक हेलैच कं नी नांद मानना ताका बंद्या, लेकीन सरिफ आग्या कोटबुळ रा नान सेवक चंगा आगेदान. 9 यतकी ना भी जमिमेदार मळसा हुईन, अदकि सपिाही नान हात्ती आर. याग ना ऊंद से अनतीन, ‘होग!’ रा आव होगतान; अदकि दुसरा से अनतीन, ‘बर!’ रा आव बरतान; अदकि याग तान दास से अनतीन, ‘ईद माळ!’ रा आव माळतान.”

10 ईद केळकु यीशु उक अचम्भा आत, अदकि जो आऊन हदि बरोर आंदुर से अंदुन, “ना नीम से खरा माताळतीन काना इस्त्राएल दा भी हगि मजबूत वशिवास नोळीदील. 11 \*अदकि ना नीम से अनतीन काना पूरव अदकि पश्चिम टु हापाळ सा लॉकुर बंदार अदकि आंदुर भोज दा अब्राहम, इसहाक अदकि याकूब उन सांगुळ स्वर्ग इन राज्य दा कुरतार. 12 \*लेकीन राज्य अन्द ओलाद वहास्या अंधार दा हाककु आदार: अल वोरलोग अदकि हल्लगोळद कच्चोद आदीत.” 13 आग यीशु सुबेदार से अंदुन, “होग, ह्यांग नीन वशिवास आद, हांग अच नीन साटी आगुल.” अदकि आऊन दास अदा घळी दा चंगा आगेदुन.

यीशु हापाळ रोगीगोळी चंगा माळतान  
(मरकुस १:२९-३४; लूका ४:३८-४१)

14 यीशु याग पतरस उन मान्या बंदुन, रा आव आऊन आत्ता अक तेज मय देल बदिकु नोळदुन. 15 यीशु आकनि कय मुटदुन अदकि आकनि मय ईळदोदव, अदकि आक यदकु आऊन स्यावा माळली कुरतुर.

16 याग द्याव आत आग आंदुर आऊन हात्ती हापाळ सा लॉकुरी तंदुर यारदा दुष्टआत्मागोळ ईरव अदकि यीशु आ दुष्टआत्मागोळी तान वचन देल तेगद बुट्टुन; अदकि सप्या रोगीगोळी चंगा माळदुन. 17 \*यतकी जो वचन यशायाह भवषियवक्तागोळ द्वारा अंदकु आगीत अद पुरा आगुल: “यीशु खुद नाम कमजोरीगोळी हुळदुन अदकि नाम बमिारगोळी नेगुकु दुर्ग माळदुन.”

\* 7:28 ७:२८ मरकुस १:२२; लूका ४:३२

\* 8:2 ८:२ नानी साफ माळ; हगि मानसोर कं ईद बमिारी मळसा अक न्यायवधि इन प्रती मैला माळोद.

\* 8:11 ८:११ लूका १३:२९

\* 8:12 ८:१२ मत्ती २२:१३; २५:३०; लूका १३:२८

\* 8:17 ८:१७ यशायाह ५३:४

यीशु उन चेला बनसोद कमित  
(लूका ९:५७-६२)

- 18 यीशु याग तान नाकु दी ऊद धोळद भीळ नोळदुन रा चेलागोळी झील इन आप्पाटी होगोद आग्या कोट्टुन.  
19 आग ऊद शास्त्री हात्ती बंदकु आऊन से अंदुन, “हे गुरु, नी यल होदया, ना नीन हदि होट्ट बराईन.”  
20 यीशु आऊन से अंदुन, “कोलयागोळ गुफा अदकि आकाश इन पक्षीगोळ ग्वादा ईरताव; लेकीन मळसा अन पार उन साटी ताल्ला होचकोमोद भी जागा हेलेंच.”  
21 मात्त ऊद चेला आऊन से अंदुन, “हे परभु, नानी पयले होगगोळ कनिना तान आप्प उक नळसाईन.”  
22 यीशु आऊन से अंदुन, “नी नान हदि आगेग, अदकि सोद मळसागोळी तान मुरदा नळसगोळ.”

तुफान इक शांत माळोद

(मरकुस ४:३५-४१; लूका ८:२२-२५)

- 23 याग यीशु इवांगा मा येरदुन, रा आऊन चेलागोळ आऊन हदि आगेदुर. 24 अदकि नोळी, अचानक झील दा ऊद हगि धोळद तुफान येळत क इवांगा लयरगोळ से मुचली हत, लेकीन यीशु मगिन. 25 आग चेलागोळ हात्ती बंदकु आऊक येवसदुर अदकि अंदुर, “हे परभु, नानी ऊळस, नाव मुळकेतेव.”  
26 यीशु आंदुर से अंदुन, “हे अवशिवासीगोळा, यती अंजेतीर?” आग आव यदकु आँधी अदकि नीर इक डटकारसदुन, अदकि सप्पा शांत आगेत. 27 अदकि आंदुर अचम्भा माळकु अनली कुरतुर, “ईव हयांग मळसा हुन क आँधी अदकि नीर भी ईऊन आग्या मानसताव.”

दुष्टआत्मा-गरस्त मळसागोळी चंगा माळोद

(मरकुस ५:१-२०; लूका ८:२६-३९)

- 28 याग यीशु आप्पाटी गदरेनयो अन प्रदेश दा पोहचसदुन, रा येदद मळसागोळ यारदा दुष्टआत्मागोळ ईरव कवरगोळ दा टु होटकु आऊक सकिदुर. आंदुर ईट भयानक ईरोर क याऊ आ हादी देल होग ईला सकोन. 29 आंदुर चलिळासकु अंदुर, “हे परमेश्वर उन पारा, नाम्द नीन से येन क्याल्सा? येन नी समय से पयले नानी दुख कोळली इल बंदया?”  
30 आंदुर से थवाळासा दुर मा हापाळ सा हंदीगोळद ऊद झुण्ड आळोद. 31 दुष्टआत्मागोळ आऊन से ईद अंदकु वनिती माळदव, “अगर नीनी नानी तेगोद अच आद, रा आ हंदीगोळद झुण्ड दा कळ्बुळ.”  
32 आव आ दुष्टआत्मागोळ से अंदुन, “होगी!” अदकि आ दुष्टआत्मागोळ होटकु हंदीगोळ दा होक्केदव अदकि नोळी, पुरा झुण्ड ऊतार मा टु झील इन नीर दा होगकु वतित अदकि मुळककु सोतोत.  
33 आ हंदीगोळी आळसावाळेर अल टु ओळदुर, अदकि नगर दा होगकु ई सप्पा मातगोळी अदकि यारदा दुष्टआत्मागोळ ईरव आंदुरद सप्पा हाल कळसदुर. 34 आग पुरा नगर इन लॉकुर यीशु से भेट माळोर साटी होटकु बंदुर, अदकि आऊक नोळकु वनिती माळदुर कनिनाम कषेत्तर दा टु व्हार्या होटोग.

## 9

लकवा अन्द रोगी इक चंगा माळोद

(मरकुस २:१-१२; लूका ५:१७-२६)

- 1 बाक यीशु इवांगा मा कुरतकु समुदर अन आप्पाटी होदुन, अदकि तान नगर\* दा बंदुन. 2 अदकि नोळी, हापाळ लॉकुर ऊद लकवा अन्द रोगी इक व्हरस मा मगिसकु आऊन हात्ती तंदुर. यीशु आंदुर वशिवास नोळकु, आ लकवा अन्द रोगी से अंदुन, “हे पारा, हमिमत ईट; नीन पाप माफ आदव.”  
3 इदुर मा हापाळ शास्त्रीगोळ माताळली कुरतुर, “इव रा परमेश्वर उन अपमान माळतान.”  
4 यीशु आंदुरद मन इन मातगोळी अरुक अंदुन, “नीव लॉकुर तान-तान मन दा बुरा वचार येती माळेतीर? 5 आसान येन आद? ईद अनोद, नीन पाप माफ आदव; या ईद अनोद क, येळ नळु अदकि टेट. 6 लेकीन इदुरसाटी कनिनीव जान्स कोमी क मळसा अन्द पार उक पृथवी मा पाप माफ माळोद अर्धकार आद.” इदुरसाटी यीशु लकवा अन्द रोगी से अंदुन, “येळ, तान व्हरस नेगु, अदकि तान मान्नी होटोग.”  
7 आग लकवा अन रोगी यदकु तान मान्नी होटोदुन. 8 लॉकुर ईद नोळकु अंजेदुर अदकि परमेश्वर उन वळाई माळली कुरतुर याव मळसा अक हगि अर्धकार कोतान.

यीशु मत्ती इक कार्तान

(मरकुस २:१३-१७; लूका ५:२७-३२)

- 9 अल टु मुंद होगकु यीशु मत्ती हेसुर इन ऊद मळसा अक कर ताकोमोद चौकी मा कुरतकु नोळदुन, अदकि आऊन से अंदुन, “नान हदि आगेग.”  
आव यदकु आऊद हदि आगेदुन.  
10 याग यीशु मत्ती इन मान्या ऊमोर साटी कुरतुन रा कर ताकोमावाळेर अदकि पापी बंदकु यीशु अदकि आऊन चेलागोळ सांगुळ ऊमली कुरतुर. 11 ईद नोळकु फरीसीगोळ आऊन चेलागोळ से अंदुर, “नीम गुरु कर ताकोमावाळेर अदकि पापीगोळद सांगुळ येती तनितान?”

\* 9:1 १:१ आऊद खुद इन ऊर; कफरनहूम

† 9:10 १:१० लूका १५:१,२

‡ 9:10 १:१० मत्ती इन मान्या; या आऊन मतलब यीशु उन मान्या

12 ईद केळकु यीशु आंदुर से अंदुन, वैदय भला चंगागोळ साटी ईला लेकीन बमारगोळ साटी जरूरी आन. 13 \*इदुरसाटी नीव होगकु इदुरद अर्थ कलत कोमी: 'ना बलदान ईला लेकीन दया चाहासतीन.' यतकी ना न्यायी लॉकुरी ईला, लेकीन पापीगोळी कारूली बंदीन."

उपास इन प्रश्न

(मरकुस २:१८-२२; लूका ५:३३-३९)

14 आग बपतसिमा कोळावाळा यूहनना अनद चेलागोळ आऊन हात्ती बंदकु अंदुर, "येन कारण आद कि नाव अदकि फरीसी ईट उपास ईटतेव, पर नीन चेलागोळ उपास ईटालुर?"

15 यीशु आंदुर से अंदुन, "येन वराती, यागासताका मंळगार आंदुर सांगुळ आन, शोक माळ सकतार? पर अव दिन बंदव याग मंळगार आंदुर से ब्यार माळकु आदान, आ समय आंदुर उपास माळ्यार."

16 \*क्वारा कपळा अनद थगिर हाळोद कपळा मा याऊ हचालुन, यतकी अद थगिर आ कपळा से येनारा मात्त जेडु कोमतद, अदकि बाक अद यक्कुल हर्दोगतद. 17 अदकि लॉकुर व्हाशोद अंगुर इन राससा हाळोद तोगुल इन चलिा दा तुमालुर, यतकी हगि माळदुर देल तोगुल इन चलिा हर्दोगताव अदकि अंगुर इन राससा चेल्लेगतद अदकि तोगुल इन चलिा नाश आगेगताव; लेकीन व्हाशोद अंगुर इन राससा व्हाशोद तोगुल इन चलिा दा तुमतार अदकि अव येददु उळ्दकु ईरताव."

सोतकु पोर अदकि बमार आरत

(मरकुस ५:२१-४३; लूका ८:४०-५६)

18 यीशु आंदुर से इव मातगोळ अनतेला अच ईरोन, कि नोळी यहूदी सभागूह अन ऊद सरदार बंदकु आऊक प्रणाम माळदुन अदकि अंदुन, "नान पोर ईगल्या सोतार, लेकीन नळुकु तान कय आकनि मा ईट, रा आक जत्तिता आगेदार."

19 यीशु यदकु तान चेलागोळ सांगुळ आऊन सांगुळ होतोदुन.

20 अदकि नोळी, ऊद आरत ईरोर आक इक हननेळ वरष टु खुन होगोद रोग ईरोद, हदि टु बंदकु आऊन कपळा अनद कनिारा अक मुटदुर. 21 यतकी आक तान मन दा अनतोगार, "अगर ना आऊन कपळा का मुट बुळाईन रा चंगा आगेगाईन."

22 यीशु तरिगकु आकी नोळदुन अदकि अंदुन, "पोरी धीरज ईट; नीन वशिवास नीनी वळ्लीद माळ्याद. इदुरसाटी आक आरत आटोटीका चंगा आगेदुर."

23 याग यीशु आ सरदार उन मान्या पोहचुसदुन अदकि कोळल ऊयावाळेर इक अदकि भीळ इक सोरसरावा मचुसत नोळदुन, 24 आग आव लॉकुर से अंदुन, "सरकुसेगी, पोर सायली आर, लेकीन मगित्यार." इदुर मा आंदुर आऊन मज्याक हारसली कुरतुर. 25 लेकीन याग भीळ इक व्हार्या तेगुकु आत, रा आव बुळक होगकु पोर इन कय हुळदुन, अदकि पोर यदकु कुरतोदुर. 26 अदकि ई मात इन चर्चा द्याश इन सप्पा प्रदश दा फैलुसेत.

येदद कुददगोळी दृष्टीदान

27 याग यीशु अल टु मुंद वाळुसदुन, रा येदद कुदद मंळसागोळ आऊन हदि ईद कारूतेला नळदुर, "हे दाऊद उन औलाद, नाम मा दया माळ!"

28 याग आव मान्या बुळक पोहचुसदुन, रा आ कुददगोळ आऊन हात्ती बंदुर, अदकि यीशु आंदुर से अंदुन, "येन नीमी वशिवास आद कि ना चंगा माळ सकतीन?" आंदुर आऊन से अंदुर, "हव, प्रभु!" 29 आग आव आंदुरद कण्णगोळी कय हचकु अंदुन, नीम वशिवास इन अनुसार नीम साटी हांगा आगुल "ह्यांग नीव चाहासतीर." 30 अदकि आंदुरद कण्णगोळ देल काळसली हत्त. यीशु आंदरी चेतावनी कोटकु अंदुन, "सावधान, इंदुर वारा दा यारीकु मालूम ईला नळु पायजे."

31 लेकीन आंदुर अल टु होटकु पुरा द्याश दा आ समाचार इक फैलुस बुटुर.

ऊद मुक्का अक चंगा माळोद

32 याग आंदुर व्हार्या होगोर, रा नोळी, लॉकुर ऊद मुक्का अक यारदा दुषटआत्मा ईरोद, आऊन हात्ती तंदुर; 33 अदकि याग दुषटआत्मा तेगद बुटदुन, रा मुक्का मंळसा माताळली हत्तेदुन. इदुर मा भीळ अचमभा माळकु अंत, 'इसत्रापल दा हगि यागलु नोळकु आगीदील."

34 \*लेकीन फरीसीगोळ अंदुर, "इव रा दुषटआत्मागोळद सरदार उन मदत देल दुषटआत्मागोळी तेगुतान."

यीशु उन दया

35 \*यीशु सप्पा नगरगोळ अदकि ऊरगोळ दा वयाळतोगोन, अदकि राज्य अनद खुशखबरी प्रचार माळतोगोन, अदकि हर प्रकर इन बमिारी अदकि कमजोरी इक दुर माळतेला ईत्तुन. 36 \*याग आव भीळ इक नोळदुन रा आऊक लॉकुर मा दया बत्त, यतकी आंदुर आ म्यांडागोळ घाई ईरोर यारद याऊ रखावाला ईला ईरोन, आंदुर वयाकुल अदकि भटकसकु ईरोर. 37 \*आग आव तान चेलागोळ से अंदुन, "हण्ण केई रा हापाळ आव पर क्यालसा माळावाळेर मजदुर गोर्त आर. 38 इदुरसाटी फसल इन स्वामी से वनिती माळी कि आव केई इन फसल कडोर साटी मजदूर कळु बुळुल."

\* 9:13 १:२३ मत्ती १२:७

\* 9:34 १:३४ मत्ती १०:२५; १२:२४; मरकुस ३:२२; लूका ११:१५

\* 9:35 १:३५ मत्ती ४:२३; मरकुस १:३९; लूका

४:४४

\* 9:36 १:३६ मरकुस ६:३४

\* 9:37 १:३७ लूका १०:२

## 10

यीशु उन हननेळ चेलामोळ  
(मरकुस ३:१३-१९; लूका ६:१२-१६)

1 बाक यीशु तान हननेळ चेलामोळी तान हात्ती कारदुन, आंदरी दुष्टआत्मागोळ मा अधिकार कोटदुन क अवरी तेगुल अदक सप्पा प्रकार ईनव बमिरागोळ अदक सप्पा प्रकार ईनव कमजोरीगोळी अक दुर माळुल. 2 इदुर हननेळ प्रेरतिगोळद हेसुर हगि आव: पयला शमौन, आऊक पतरस भी अनतान, अदक आऊन वार्ट अन्दरयास; जब्दी इन पार याकूब, अदक आऊन वार्ट यूहनुना; 3 फलिप्पुस, अदक बरतुलमै, थोमा, अदक कर ताकोमावाळा मत्ती, हलफई नव पार याकूब, अदक तद्दै, 4 शमौन कनानी, अदक यहुदा इस्करयिाती याव यीशु उक धवाका देल हळसुस बुटीदुन.

हननेळ प्रेरतिगोळद सयावा-कारय  
(मरकुस ६:७-१३; लूका ९:१६; १०:४-१२)

5 ई हननेळ प्रेरतिगोळी यीशु आग्या कोटकु कळुदुन: "गैरयहूदीगोळ दी हांगवाळेतीर, अदक सामरीगोळद यातोदो नगर दा प्रवेश माळबाळेतीर. 6 लेकीन इस्त्राएल इन घराना अन्द अच काळद म्यांङागोळद हात्ती हांगेतीर. 7 अदक नळत-नळत ईद प्रचार माळी: क 'स्वरग अन राज्य हात्ती होट बंदाद.' 8 बमिरागोळी चंगा माळी, सोदद मळसागोळी जित्ता माळी, कोदी मळसा अक शुद्ध माळी, दुष्टआत्मागोळी तेगी. नीमी फुकट दा सकियाद, नीव भी फुकट दा वाटसी. 9 तान खसिा दा ना रा व्हान्ना, अदक ना बेळ्ली, अदक ना तांबा ईंतीर; 10 हादी इन साटी ना झवारा, ना दुसरा कुळता, ना जुता अदक ना कोल हुडी, यतकी क्याल्सा माळावाळा मजदूर उक आऊन मजदूरी सकि पायजे.

11 "येल्यारा यातोदारा नगर या ऊरा दा होगी, रा पता हची क अल याव लायक आन. अदक यागासताका अल टु होळालीर, अदा मान्या ईंतीर. 12 मान्या प्रवेश माळाहोती आऊक आशीष कोळतीर. 13 अगर आ मान्या नोर लॉकर योग्य ईतीदार रा नीम आशरिवाद आंदुर ताका पोहचुसीत, लेकीन अगर आंदुर योग्य ईला इतीदार रा नीम आशरिवाद नीम हात्ती वापस होट बंदीत. 14 जो यावारा नीमी ग्रहण माळतीदील अदक नीम मात केळतीदलि, आ मान्ना या आ नगर टु होळावती तान काल इन धुळा झाळस बुळी. 15 जोना नीम से खरा माताळतीन क न्याय इन दनि आ नगर इन दशा से सदोम अदक गमोरा अन्द द्याश इन दशा यक्कुल सहन माळा लायक ईंतीत.

बरावाळा संकट  
(मरकुस १३:९-१३; लूका २१:१२-१७)

16 जोनी, ना नीमी म्यांङागोळ घाई लांडग्यागोळ न्याइया कळुतीन, इदुरसाटी हावगोळ घाई बुद्धमिान अदक कव्तरगोळ घाई भोला बन्सी. 17 लेकीन लॉकर से सावधान ईंरी, यतकी आंदुर नीमी महासभागोळ दा सोपस्यार, अदक तान पंचायतगोळ दा नीमी क्वाळा देल बळदार. 18 नीव नान साटी हाकमिगोळ अदक राजागोळ मुंद आंदुर मा, अदक गैरयहूदीगोळ मा गवाह आंगोर साटी पोहचुसुकु आदीर. 19 याग आंदुर नीमी हळसुस्यार रा ईद चिन्ता माळबाळेतीर क नाव याता रीत देल या येन अंदेव, यतकी जो येनारा नीमी अनोद ईंतीत, अद अदा घळी नीमी हेळकु आदीत. 20 यतकी माताळावाळे नीव आल्लच, लेकीन नीम स्वरगीय आप्प उन आत्मा नीम दा माताळतद.

21 जोवार्ट, वार्ट उक अदक आप्प पार उक, कोन्नोर साटी सोपस्यार, अदक चकिोर मोय-आप्पुर वरिध दा यदकु आंदरी कोनसुस बुट्टार. 22 जोन हेसुर इन कारण सप्पा लॉकर नीम से दुश्मनी माळ्यार, लेकीन जो आखरी ताका धीरज हुडुकु ईततान आऊदा उद्धार आदीत. 23 याग आंदुर नीमी ऊद नगर दा सतुस्यार, रा नीव दुसरा दी ओळेगेतीर. ना नीम से खरा माताळतीन, नीव इस्त्राएल इन सप्पा नगरगोळ दा हांगा से पयले अच मळसा अन्द पार होट बंदान.

24 जोचेला तान गुरु से धोड्डेव ईरालुन; अदक न दास तान स्वामी से. 25 जोचेला तान गुरु अक अदक दास तान स्वामी इन बराबर आगोद अच काफ़ी आद. याग आंदुर मान्ना अन स्वामी इक शैतान अंदुर रा आऊन मान्नावाळे इक येन येनारा अनतीदलि!

यार देल अंजव  
(लूका १२:२-७)

26 जोइदुरसाटी मळसागोळ से अंजवाळी; यतकी येनारा होचकु हेलेच जो तेरदकु आगतीदील, अदक न येनारा रहस्यमय आद जो प्रगत आगतीदील. 27 जो ना नीम से अंधार दा अनतीन, अद नीव ऊजुळ दा अनी; अदक जो ना नीम कवि दा अंदीन, अदरी नीव आळा मा टू प्रचार माळी. 28 आंदुर से अंजवाळी जो मय इक नुकसान माळतार, लेकीन आत्मा अक नुकसान माळ सकालुर; लेकीन परमेश्वर से अच अंजी, जो आत्मा अदक शरीर येदुदु नरक दा नष्ट माळ सकतान. 29 येन ऊद पैस्या दा येदुदु चमिणी पक्षी मारालव? तरी भी नीम आप्प उन इच्छा अन्द

\* 10:10 १०:१० १ कुरनिथि १:१६; १ तीमथियुस ५:१६ \* 10:14 १०:१४ प्रेरतिगोळ १३:५१ \* 10:15 १०:१५ मत्ती ११:२४ \* 10:15 १०:१५ लूका १०:४-१२ \* 10:16 १०:१६ लूका १०:३ \* 10:17 १०:१७ मरकुस १३:९-११; लूका १२:११,१२; २१:२२-२५ \* 10:21 १०:२१ मरकुस १३:१२; लूका २१:२६ \* 10:22 १०:२२ मत्ती २४:९; मरकुस १३:१३; लूका २१:१७; मत्ती २४:१३; मरकुस १३:१३ \* 10:24 १०:२४ लूका ६:४०; यूहनुना १३:१६; १५:२० \* 10:25 १०:२५ मत्ती ९:३६; १२:२४; मरकुस ३:२२; लूका ११:१५ \* 10:26 १०:२६ मरकुस ६:३२; लूका ८:१७

अलावा अऊर दा टु ऊंद भी धरती मा बळिसकाल. <sup>30</sup> नीम तालला अन चुट्टी भी सप्पा आळ्कु आव. <sup>31</sup> इदुरसाटी अंजबाळी; नीव हापाळ चमिणीगोळ से भी बार् आईर.

यीशु उक स्वीकार या अस्वीकार माळोद  
(लूका १२:८; ९)

<sup>32</sup> “जो यावारा मंळसागोळ मुंद नानी मान्स कौडान, आऊक ना भी तान स्वर्गीय आप्प उन मुंद मान्स कोमाईन.  
<sup>33</sup> “लेकीन जो यावारा मंळसागोळ मुंद नान इनकार माळयान, आऊक ना भी तान स्वर्गीय आप्प उन मुंद इनकार माळाईन.

यीशु उन बरोद परणाम  
(लूका १२:५१-५३; १४:२६,२७)

<sup>34</sup> “ईद समसबाळी का ना धरती मा शांती तरली बंदीन; ना शांती तरली ईला, पर तलवार नळसोर साटी बंदीन.  
<sup>35</sup> ना रा बंदीन का: ‘पार उक आऊन आप्प उन से, अदकि पोर इक आकनि मोय इन से, अदकि सासुसा अक आकनि आत्ता से ब्यारर माळ कोमाईन; <sup>36</sup> “मंळसा अन्द दुशमन आऊन मान्या अन लॉकुर अच ईत्तार.’

<sup>37</sup> “जो तान मोय या आप्प उक नान से यककुल पर्यि जान्सतान, आव नान लायक हैलेच; अदकि जो तान पार या पोर इक नान से यककुल पर्यि जान्सतान, आव नान लायक हैलेच; <sup>38</sup> “अदकि जो तान कूरस नेगुकु नान हदि नळालुर आंदुर नान लायक हैलेच. <sup>39</sup> “जो तान जीव ऊळसोद चाहास्यान, आव अदरी खोऊस्यान; अदकि जो नान कारण तान जीव खोऊस्यान, आव अदरी हासलि माळयान.

प्रतफिल  
(मरकुस ९:४१)

<sup>40</sup> “जो नीमी ग्रहण माळतान, आव नानी ग्रहण माळतान; अदकि जो नानी ग्रहण माळतान, आव नानी कळावाळा अक ग्रहण माळतान. <sup>41</sup> जो भवषियवक्ता अक भवषियवक्ता जान्सकु ग्रहण माळुल, आव भवषियवक्ता अन प्रतफिल हासलि माळयान; अदकि जो न्यायी इक न्यायी जान्सकु ग्रहण माळुल, आव न्यायी इन प्रतफिल हासलि माळयान. <sup>42</sup> जो यावारा ई स्याणेर दा टु ऊंद मंळसा अक नान चेला जान्सकु सर्रिफ ऊंद वाटी नीर कूळस्यान, ना नीम से खरा माताळतीन, आव यातोदु रीति देल तान प्रतफिल खोऊसतदिलि.”

## 11

बपतसिमा कोळावाळा यूहन्ना दी टु वातणी कोळावाळेर  
(लूका ७:१८-३५)

<sup>1</sup> याग यीशु तान हन्नेळ चेलागोळी नरिदेश कोट बुदुन, रा आव आंदुरद नगरगोळ दा उपदेश अदकि प्रचार माळली अल टु होटोदुन.

<sup>2</sup> बपतसिमा कोळावाळा यूहन्ना याग बंदीगूह दा मसीह अन क्यालसागोळ्द समाचार केळदुन अदकि तान चेलागोळी आऊन से ईद केळली कळुदुन, <sup>3</sup> “येन बरावाळा नीना हुय, या नाव यावारा दुसरा अन्द हादी कादेव?”

<sup>4</sup> यीशु उत्तर कोटदुन, “जो येनारा नीव केळतीर अदकि नोळतीर, अद सप्पा होगकु बपतसिमा कोळावाळा यूहन्ना अक हेळबुळी, <sup>5</sup> का कुदुदगोळ नोळतार अदकि लंगळागोळ नळुतार वयाळतार, कोदी शुध्द माळकु आगतार अदकि बयरागोळ केळतार, मुरदागोळ जतिता माळकु आगताव, अदकि कंगालगोळी खुशखबरी केळसकु आगतद. <sup>6</sup> अदकि धन्य आर आंदुर, जो नान कारण टोकर तनालुर.”

<sup>7</sup> याग बपतसिमा कोळावाळा यूहन्ना अन चेलागोळ अल टु होदुर, रा यीशु यूहन्ना अन्द बारा दा लॉकुर से अनली कुरतुन, “नीव आळी दा येन नोळली होगीदरि? येन हवा देल हालुसतेला सरकण्डा अक? <sup>8</sup> बाक नीव येन नोळली होगीदरि? येन मुलायम कपळा हागद मंळसा अक? नोळी जो मुलायम कपळा हाकतार, आंदुर राजभवनगोळ दा ईरतार. <sup>9</sup> रा बाक येती येन नोळली होगीदरि? येन यावारा भवषियवक्ता अक? हव, ना नीम से खरा अनतीन का भवषियवक्ता से भी धोडडेव उक. <sup>10</sup> ईव आवा हुन यार्द बारा दा लखिसकु आद: ‘नोळ, ना तान दूत उक नीन मुंद कळुतीन, जो नीन मुंद नीन हादी तयार माळयान.’ <sup>11</sup> ना नीम से खरा माताळतीन का जो आर्तेर से पैदा आग्यार, आंदुरदा टु यूहन्ना बपतसिमा कोळावाळा से याऊ धोडडेव आगीदील; पर जो स्वर्ग इन राज्य दा स्याणेर से स्याणेर आन आव यूहन्ना से धोडडेव आन. <sup>12</sup> “यूहन्ना बपतसिमा कोळावाळा अन्द दनिगोळ टु ईगासताका स्वर्ग इन राज्य दा बलपूर्वक प्रवेश आगतेला ईताद, अदकि बलवान अदरी कसुकोमतार. <sup>13</sup> यूहन्ना अन बरासताका सप्पा भवषियवक्तागोळ अदकि मूसा अन व्यवस्था भवषियवाणी माळीत. <sup>14</sup> “अदकि मानसोद चाहासतीर रा मान्सी का एलियियाह जो बरावाळा ईरोन, आव यूहन्ना अच हुन. <sup>15</sup> यार कवि आव, आव केळ कोमुल.”

<sup>16</sup> “ना ई पीढी इन लॉकुरद तुलना यार देल माळाईन? आंदुर आ चकिोरगोळ धाई आर, जो सात्तागोळ दा कुरतकु आवुर् दाबुर् से कार्कु अनतार.”

<sup>17</sup> “नाव नीम साठी कोळल मुरसदेव,

अदकि नीव कृणदीदलि; नाव वलिपा माळदेव,

✱ 10:33 १०:३३ २ तीमथियस २:१२ ✱ 10:36 १०:३६ मीका ७:६ ✱ 10:38 १०:३८ मन्ती १६:२४; मरकुस ८:३४; लूका ९:२३ ✱ 10:39 १०:३९ मन्ती १६:२५; मरकुस ८:३५; लूका ९:२४; १७:३३; यूहन्ना १२:२५ ✱ 10:40 १०:४० लूका १०:२६; यूहन्ना १३:२०; मरकुस ९:३७; लूका ९:४८  
✱ 11:10 ११:१० मलाकी ३:१ ✱ 11:12 ११:१२ लूका १६:३६ ✱ 11:14 ११:१४ मन्ती १७:१०-१३; मरकुस ९:११-१३



अदकि नीव दुखी आगीदील.”

18 “यतकी यूहनना बपतसिमा कोळावाळा ना रा रोट्टी तति बंदुन अदकि ना अंगुर इन राससा कुडुत बंदुन, लेकीन लॉकुर अनतार, ‘आऊन दा दुष्टआत्मा आद.’ 19 मंळसा अनद पार तति कुडुत बंदुन, अदकि लॉकुर अनतार नोळी, व्हाट्टा तुम्मावाळा अदकि सारा कुडावाळा मंळसा, कर ताकोमावाळेर अदकि पापीगोळव संगी!’ लेकीन परमेश्वर उन ग्यान तान क्यालसा देल सही ठहूरस्कू आग्याद.”

अवशिवासी नगरगोळ  
(लूका १०:१३-१५)

20 आग यीशु आ नगरगोळी धकिकारसली कुरतुन, यऊरदा यीशु हापाळ सा सामर्थ्य ईनव क्यालसा माळीदुन, यतकी आंदुर तान मन ईला तरिगुसीदुर. 21 “हे खुराजीन! नीन मा हाय! हे बैतसैदा! नीन मा हाय! यतकी जो सामर्थ्य ईनव क्यालसा नीम दा माळकु आदव, अगर अव सूर अदकि सैदा दा माळकु आगायदव रा अव हापाळ पयले बाँरा\* होदुकु अदकि राख मा कुरतकु तान पापगोळ देल तरिगेगायदव. 22 लेकीन ना नीम से अनतीन कान्याय इन दशी नीम दशा से सूर अदकि सैदा अनद दशा यक्कुल सहन माळा लायक ईत्तीत. 23 अदकि हे कफरनहूम, येन नी स्वर्ग ताका म्याकुच नेगुको आदया? नी पाताल लोक ताका ल्यालमा होदया! यतकी जो सामर्थ्य ईनव क्यालसा नीन दा माळकु आदव, अगर अव सदोम दा माळकु आगायदव, रा अद नगर ईंगासताका बनस्कू ईराईत. 24 “लेकीन ना नीम से अनतीन कान्याय इन दशी नीम द्याश से सूर अदकि सैदा अनद दशा यक्कुल सहन माळा लायक ईत्तीत.”

नान हात्ती बरी अदकि आराम माळी  
(लूका १०:२१,२२)

25 आटा होती यीशु अंदुन, “हे आप्पा, स्वर्ग अदकि पृथ्वी नव प्रभु, ना नीन धन्यवाद माळतीन कानि नी ई मातगोळी आंदुर से जो गयानी आर अदकि कलत माळकु लॉकुर से होचकोमकु ईदद, अदकि चकोगोळ मा प्रगट माळद. 26 हव, हे आप्पा, यतकी नीनी ईदा वळलीद हत्त.”

27 “नान आप्पा नानी सप्पा येनारा सोप्स वुटान; आप्पा उन अलावा पार उक याऊ अरालुन, सर्फि आप्पा; अदकि न पार उन अलावा आप्पा उक यावारा अरूतान, सर्फि पार; या आवा यार साटी पार आऊक प्रगट माळतान.”

28 “हे सप्पा मयनत माळावाळेर अदकि करज देल मुळककु लॉकुरा, नान हात्ती बरी; ना नीमी आराम कोळाईन. 29 नान भार तान म्याकुच नेगु कोमी, अदकि नान से कली; यतकी ना नमूर अदकि मुलायम आईन; अदकि तान मन दा वशिराम नोळीर. 30 यतकी नान भार आसान अदकि नान ओझा हलका आद.”

## 12

आराम इन दनि इन बारा दा प्रश्न  
(मरकुस २:२३-२८; लूका ६:१-५)

1 आ समय यीशु आराम इन दशी केईगोळ दा टु आगतेला होगोन, अदकि आऊन चेलागोळी हसु हत्त रा आंदुर गोदी नव लॉम्बा मूरू मूरूक तनिली कुरतुर. 2 फरीसीगोळ ईद नोळकु आऊन से अंदुर, “नोळ, नीन चेलागोळ अद क्यालसा माळीत्थार, जो आराम इन दशी माळोद मूसा अन व्यवस्था अन अनुसार उचित हैलेच.”

3 यीशु आंदुर से अंदुन, “येन नीव वाचुसीदील, कानि दाऊद, याग आऊक अदकि आऊन संगीगोळी हसु हत्त रा येन माळदुर? 4 आव हयांग परमेश्वर उन भवन दा होदुन, अदकि भेंट येरसद रोट्टीगोळी तदिन, यवरी तनिोद दाऊद उक अदकि आऊन संगीगोळी उचित ईला ईरोद लेकीन सर्फि याजकगोळी उचित ईरोद? 5 येन नीव मूसा अन व्यवस्था दा वाचुसीदील कानि याजक आराम इन दशी सभागूह दा आराम इन दनि इन वधी इक मुरदुर मा भी नरिदोष ठहूरसतार?” 6 पार ना नीम से अनतीन कानि ईल आव आन जो सभागूह से भी थोडडेव आन. 7 “अगर नीव शास्त्रगोळ दा लखिसद मातगोळद मतलब जानसायदीर, “ना दया देल संतुष्ट आगतीन, बलदान देल ईला, रा नीव नरिदोष उक दोषी ईला ठहूरसायदीर. 8 मंळसा अन पार रा आराम इन दनि ईनव भी स्वामी हुन.”

लकवा ग्रस्त मंळसा अन चंगाई  
(मरकुस ३:१-६; लूका ६:६-११)

9 अल टु नळुकु यीशु आंदुरद यहूदी लॉकुरद सभागूह दा बंदुन. 10 अल ऊद मंळसा ईरोन, यार कय वंळगुको ईरोद. फरीसीगोळ यीशु मा दोष हचोर साटी आऊन से केळदुर, “येन आराम इन दशी चंगा माळोद मूसा अन व्यवस्था अन अनुसार उचित आद?”

11 “यीशु आंदुर से अंदुन, “नीम दा हगि याव आन यारद ऊद अच म्यांडा ईरूल, अदकि अद आराम इन दशी खवॉदरा दा बदिगुल, रा आव अदरी हूळकु व्हार्या तेगुतदील? 12 भला मंळसा अनद कमित म्यांडा से याट यक्कुल आद! इदुरसाटी आराम इन दशी भलाई माळोद उचित आद.” 13 आग आव आ मंळसा से अंदुन, “तान कय मुंद माळ.”

आव मुंद माळदुन, अदकि आ कय वाक दुसरा कय इन घाई वळलीद आगेत. 14 आग फरीसीगोळ व्हार्या होगकु आऊन वरिध दा योजना माळदुर कानि आऊक याता प्रकार देल कोदेव.

\* 11:21 ११:२१ टाट-चददर, दुख इन हासक्या या कतळी \* 11:24 ११:२४ मत्ती १०:१५; लूका १०:१२ \* 11:27 ११:२७ यूहनना ३:३५; यूहनना १:१८; १०:१५ \* 12:१ १२:७ मत्ती १:१३ \* 12:11 १२:११ लूका १४:५

परमेश्वर उन नविळुसद सेवक

15 ईद जानसकु यीशु अल टु होटोदुन. अदकि हापाळ लॉकुर आऊन हदि आगेदुर, अदकि आव सप्पा मुंदुरी चंगा माळदुन, 16 अदकि आंदरी चेतावनी कोटदुन कानानी प्रगट माळबाळेतीर, 17 ताकी जो वचन यशायाह भवषियवक्ता अनद द्वारा अंदकु आगीत, अद पुरा आगुलः\*

18 “नोळी, ईव नान सेवक हुन, यारी ना नविळुसीन;  
नान प्रयि, यार देल नान मन संतुष्ट आद:

ना तान आत्मा आऊन मा हाकाईन,

अदकि आव गैरयहूदीगोळी न्याय इन खुशखबरी कोट्टान.

19 आव ना रा झगळा माळयान, अदकि ना धूम मचुसयान,

अदकि ना रा सात्यागोळ दा यावारा आऊन आवाज केळयान.

20 आव मेडद सरकणडागोळी मूरतदिलि,

अदकि धुंगा कोळद बत्ती इक भी नुनाकतदिलि,

यागासताका आव न्याय इक वजिय माळ कोमालुन.

21 अदकि गैरयहूदी लॉकुर आऊन हेसुर मा आशा ईट्यार.”

यीशु अदकि बालजबूल

22 आग लॉकुर ऊद कुद्वद अदकि मुक्का अक यारदा दुष्टआत्मा ईरोद, यीशु उन हात्ती तंदुर; अदकि आव आऊक चंगा माळदुन, अदकि आव माताळली अदकि नोळली कुरतुन. 23 ईदुर मा सप्पा लॉकुर चकति आगकु अनली कुरतुर, “ईव येन दाऊद उन औलाद हुन?”

24 \*लेकीन फरीसीगोळ ईद केळकु अंदुर, “ईव रा दुष्टआत्मागोळव सरदार बालजबूल उन मदत देल दुष्टआत्मागोळी तेगुतान.”

25 आव आंदुरद मन इन मात अरूकु आंदुर से अंदुन, “अगर यातोदारा राज्य दा फूट बळितद, अद ऊजाळसेगतद; अदकि यातोदारा नगर या घराना दा फूट बळितद, अद टीकुसकु ईरतीदील. 26 अदकि अगर शैतान अच शैतान उक तेगदीत, रा अद खुद इन दा वरिधी आगेग्याद; बाक अदुद राज्य हयांग टीकुसकु ईत्तीत? 27 भला, अगर ना शैतान उन सरदार उन सहायता देल दुष्टआत्मागोळी तेगुतीन, रा नीम अनुयायीगोळ यार सहायता देल तेगुतार? इदुरसाटी आंदुर अच नीम न्याय माळ्यार. 28 पर अगर ना परमेश्वर उन आत्मा अनद सहायता देल दुष्टआत्मागोळी तेगुतीन, रा परमेश्वर उन राज्य नीम हात्ती होट बंदाद.”

29 या हयांग यावारा मंळसा यातोवारा ताकतवर मंळसा अनद मान्या होक्कु आऊन माल कडू सकतान यागासताका क पयले आव आ ताकतवर मंळसा अक कट कोमालुन? आगासताका आव आऊन मान्या होक्कु माल कडू सकालुन.

30 \*जो नान सांगुळ हेल्लेच आव नान वरिध दा आन, अदकि जो नान सांगुळ जमा माळालुन आव बगरूसतान. 31 इदुरसाटी ना नीम से अनतीन क मंळसा अनद सब प्रकार इन पाप अदकि अपमान माफ माळकु आदीत, लेकीन जो यावारा पवतिर आत्मा अन अपमान माळतान आऊक माफ माळकु आगतीदील. 32 \*जो यावारा मंळसा अनद पार उन वरिध दा येनारा मात अंदान, आऊन ईद अपराध माफ माळकु आदीत, लेकीन जो यावारा पवतिर आत्मा अनद वरिध दा येनारा अंदान, आऊन अपराध न रा ई युग दा अदकि न बरावाळा युग दा माफ माळकु आगतीदील.

मारर अदकि अदुरद काय

(लूका ६:४३-४५)

33 \*अगर मारर वळलीद आद, रा अदुरद काय भी वळलीद ईत्तीत, या मारर नकिममा आद, रा अदुरद काय भी नकिममा ईत्तीत; यतकी मारर तान काय देल अच अरतकु आगतद. 34 \*हे हाव ईनव चकिरा, नीव बुरा आगकु हयांग वळलीद मातगोळी अन सकतीर? यतकी जो मन दा तुमकु आद, अदा बाय दा बरतद. 35 वळलेव मंळसा तान मन इन वळलीद भंडार दा टु वळलीद मातगोळी तेगुतान, अदकि बेकार मंळसा बेकार भंडार दा टु बेकार मातगोळी तेगुतान.”

36 “अदकि ना नीम से अनतीन क जो जो नकिममा मातगोळी मंळसागोळ अंदार, न्याय इन दशिी आंदुर हर ऊद आ मात इन लेखा कोट्टार. 37 यतकी नी तान मातगोळ कारण नरिदोष, अदकि तान मातगोळ दा कारण दोषी ठहरसकु आदया.”

स्वरगीय चनिह अनद मांग

(मरकुस ८:११-१२; लूका ११:२१-३२)

38 \*ईदुर मा थवाळासा शास्त्रीगोळ अदकि फरीसीगोळ यीशु से अंदुर, “हे गुरु, नाव नीन कय देल ऊद चमत्कार नोळोद चाहासतेव.”

39 \*आव आंदरी उत्तर कोट्टुन, “ई दुनया अनद बेकार अदकि वयभचिरी लॉकुर योना अनद चमत्कार हुंदसतार, लेकीन योना भवषियवक्ता अनद चमत्कार इक बटिकु यातोदु दुसरा चमत्कार आंदरी कोटकु आगतीदील. 40 योना

\* 12:17 १२:१७ यशायाह ४२:४ \* 12:24 १२:२४ मत्ती ९:३४; १०:२५ \* 12:30 १२:३० मरकुस ९:४० \* 12:32 १२:३२ लूका १२:१०

\* 12:33 १२:३३ मत्ती ७:२०; लूका ६:४४ \* 12:34 १२:३४ मत्ती ३:७; २३:३३; लूका ३:७; मत्ती १४:५८; लूका ६:४५ \* 12:38 १२:३८

मत्ती १६:१; मरकुस ८:११; लूका ११:१६ \* 12:39 १२:३९ मत्ती १६:४; मरकुस ८:१२

मुर दनि अदकि मुर ईळलक आ समुद्र अन धोळ मेन इन व्हाट्या ईत्तुन, हांग अच मंळसा अनूद पार मुर दनि अदकि मुर ईळलक धरती इन वुळक ईत्तान. 41 नीनवे नगर इन लॉकुर न्याय इन दशिी ई दुनया अनूद लॉकुर सांगुळ यदकु आंदरी दोषी ठहूस्यार, यतकी आंदुर योना अनूद परचार केळकु मन तरिगुसीदुर; अदकि नोळी, ईल आव आन जो योना से भी धोडडेव आन. 42 दक्षणि इन रानी न्याय इन दशिी ई दुनया अनूद लॉकुर सांगुळ यदकु आंदरी दोषी ठहूस्यार, यतकी आक सुलैमान उन ग्यान केळोर साटी धरती इन क्वाना टु बंदुर; अदकि नोळी, ईल आव आन जो सुलैमान से भी धोडडेव आन.

दुष्टआत्मा अन वापसी  
(लूका ११:२४-२६)

43 “याग दुष्टआत्मा मंळसा दा टु होट वुळतद, रा वंळगीद जागागोळ दा आराम दुंदसली वयाळतद, अदकि अदरी सकाल. 44 आग अनतद, ‘ना तान अदा मानना दा यल टु होटोदीन, होटोगाईन.’ अदकि होटकु अदरी सूना, झाळ-झुळसकु अदकि सजुसकु नोळतद. 45 आग अद होंगकु तान से मात्त बेकार येळ आत्मागोळी तान सांगुळ तरतद, अदकि अव आ मान्या समुसकु अल ईरताव, अदकि आ मंळसा अनूद दशा पयला टु भी बेकार आगोगतद. ई दुनया अन बुरा लॉकुरद दशा भी हंगि अच आदीत.”

यीशु उन मोय अदकि वारटुर  
(मरकुस ३:३१-३५; लूका ८:१९-२१)

46 याग यीशु भीळ से मातगोळी हेळत अच ईरोन, आग आऊन मोय अदकि वारटुर व्हारया नदिरकु ईरोर अदकि आऊन से मात हेळोद चाहासोर. 47 “यावारा आऊन से अंदुन, “नोळ, नीन मोय अदकि नीन वारटुर व्हारया नदिरकु आर, अदकि नीन से मात हेळोद चाहासतार.”

48 ईद केळकु आव अनावाळेर इक उत्तर कोट्टुन, “याक हुळ नान मोय? अदकि यार उर नान वारटुर?” 49 अदकि तान चेलागोळ दी तान कय वाळुसकु अंदुन, “नोळी, नान मोय अदकि नान वारटुर इंदुरा उर. 50 यतकी जो यावारा नान स्वर्गीय आप्प उन इच्छा मा नळदान, आवा नान वारट, अदकि नान आकतींग, अदकि नान मोय हुळ.”

## 13

बीजा बोऊसावाळा अनूद उदाहरण  
(मरकुस ४:१-९; लूका ८:४-८)

1 अदा दशिी यीशु मान्या टु होटकु झील इन कनिरा मा होंगकु कुरतुन. 2 अदकि आऊन हात्ती हंगि धोळद भीळ जमा आत कं आव डवांगा मा यरेदुन, अदकि सप्पा भीळ कनिरा मा नदिरकु ईत्त. 3 अदकि आव आंदुर से उदाहरणगोळ दा हापाळ सा मातगोळी अंदुन:

“ऊंद बोऊसावाळा बीजा बोऊसली होट्टुन. 4 बोऊसा होती थवाळासा बीजा हादी इन कनिरा मा बदिदव अदकि पक्षीगोळ बंदकु अवरी तनिली कुरतव. 5 येनारा बीजा कल्ल इन जागा मा बदिदव, यल अवरी यक्कुल मुण्ण सकिदील अदकि गहरा मुण्ण ईला सकिदुर कारण अव जलदी वेळदोदव. 6 पर सुरय होळदुर मा अव हात्तदव, अदकि जळ ईला हुळदुर देल वंळगेदव. 7 थवाळासा बीजा मार दा बदिदव अदकि मारगोळ वाळुसकु अवरी वत्त वुट्टव. 8 पर थवाळासा बीजा वळलीद जागा मा बदिदव, अदकि काय तनदव, यातारा सौ गुणा, यातारा साठ गुणा, अदकि यातारा तीस गुणा.”

9 यार कवि आव आव केळ कोमुल.

उदाहरणगोळद उद्देश  
(मरकुस ४:१०-१२; लूका ८:९,१०)

10 चेलागोळ हात्ती बंदकु यीशु से अंदुर, “नी लॉकुर से उदाहरण दा येती मातगोळ माळतया?”

11 यीशु उत्तर कोट्टुन, “नीमी परमेश्वर उन राज्य अनूद भेदगोळद समझ कोटकु आग्याद, पर आंदरी ईला.

12 यतकी यार हात्ती आद, आऊक मात्त कोटकु आदीत, अदकि आऊन हात्ती यक्कुल आगेदीत; पर यारद हात्ती येनु हैलेच, अदुर से जो येनारा आऊन हात्ती आद, अद भी ताकोमकु आगेदीत. 13 ना आंदुर से उदाहरणगोळ दा इदुरसाटी मातगोळी माळतीन कं आंदुर नोळकु भी नोळालुर अदकि केळकु भी केळालुर, अदकि समसालुर.”

14 आंदुर बारा दा यशायाह अनूद ईद भवषियवाणी पुरा आगतद:

“नीव कविगोळ देल रा केळतीर, पर समसालीर;  
अदकि कण्णगोळ देल रा नोळतीर, पर नीमी काळसाल.”<sup>15</sup>

15 “यतकी ई लॉकुरद मन कट्टर आग्याद,  
अदकि आंदुर केळकु भी अनसुना माळतार  
अदकि आंदुर तान कण्णगोळी मुचच वुळतार;

ईलारा हंगि आगवाळुल कं आंदुर कण्णगोळ देल नोळुल,

अदकि कविगोळ देल केळुल  
अदकि मन देल समसुल,

\* 12:47 १२:४७ हाळोद नयिम दा ईद वचन लक्षिसकु हैलेच  
८:१८; १९:२६ \* 13:14 १३:१४ यशायाह ६:९,१०

\* 13:2 १३:२ लूका ५:१-३

\* 13:12 १३:१२ मत्ती २५:२९; मरकुस ४:२५; लूका

अदकि आंदुर तरिगकु बरूल,

अदकि ना आंदरी चंगा माळाईन.”

16 पर धन्य आव नीमव कणणगोळ, कि अव नोळताव; अदकि नीमव कवि अद केळताव. 17 यतकी ना नीम से खरा माताळतीन कि हापाळ सा भवषियवक्तागोळ अदकि न्यायीगोळ याता मातगोळी नोळोद चाहासोर अवरी नीव नोळतीर. लेकीन आंदुर अवरी नोळ सकादिल, अदकि याता मातगोळी आंदुर केळोद चाहासोर, अवरी नीव केळतीर. लेकीन आंदुर अवरी केळ सकादिल.

बीजा बोऊसावाळा उदाहरण इन व्याख्या

(मरकुस ४:१३-२०; लूका ८:११-१५)

18 “इग नीव बीजा बोऊसावाळा अनूद उदाहरण इन अर्थ केळी. 19 जो यावारा राज्य अनूद वचन केळकु समसालुन, आऊन मन दा जो येनारा बोऊसकु आगीत, अदरी आ दुष्ट बंदकु कसुकु वीयतान. ईद अदा हुन, जो हादी इन कनारा मा बोऊसकु आगीत. 20 अदकि जो कल्ल इन जागा मा बोऊसकु आत, ईद अद हुन, जो वचन केळकु तुरन्त खुशी इन सांगुळ मानस कोमतान. 21 पर तांदुर दा जळ ईला ईटदुर कारण आंदुर धवाळासा अच दनी नोर आर, अदकि याग वचन इन कारण क्लेश या उपदरव आगतद, रा आंदुर तुरन्त टोकर तनितार. 22 जो झाळीगोळ दा बोऊसकु आत, ईद अद हुन, जो वचन इक केळतार, पर ईद दुनिया अन चनिता अदकि धन इन धवाका वचन इक वत्त बुळतद, अदकि आंदुर काय तरसकालुर. 23 जो वळ्तीद जागा दा बोऊसकु आत, ईद अद हुन, जो वचन इक केळकु समसतार, अदकि काय तरतार; यारारा सौ गुणा, यारारा साठ गुणा, अदकि यारारा तीस गुणा.”

आळी दाकळोद बीजा अन उदाहरण

24 यीशु आंदरी मातूत ऊंद उदाहरण कोट्टुन: “स्वर्ग इन राज्य आ मंळसा अनूद घाई आद याव तान केई दा वळ्तीद बीजा बोऊसदुन. 25 पर याग लॉकुर मगिोर रा आऊन दुश्मन बंदकु गोदी इन न्याड्या आळी दाकळोद बीजा बोऊसकु होटोदुन. 26 याग कोम होट्टव अदकि लॉम्बागोळ हतदव, रा आळी दाकळोद बीजागोळद मार्रगोळ भी कांळसदव. 27 ईदुर मा मानुना अनूद दासगोळ बंदकु आऊन से अंदुर, हे स्वामी, येन नी तान केई दा वळ्तीद बीजा बोऊसीदलि? बाक आळी दाकळोद बीजा अनूद मार्रगोळ अदुरदा यल टु बंदव?’ 28 आव आंदुर से अंदुन, ‘ईद यावारा दुश्मन उन क्यालसा हुन.’ दासगोळ आऊन से अंदुर, ‘येन नीन इच्छा आद, कि नाव होंगकु अवरी कति बुटव?’ 29 आव अंदुन, ‘ईला, हगि आगवाळुल कि आळी दाकळोद बीजा अनूद मार्रगोळ कति होती नीव अऊर सांगुळ गोदी भी कति कोमी. 30 कटाई ताका येदुदु उक ऊंद सांगुळ वाळुसगोळी, अदकि कटनी इन समय दा ना कडावाळेर से अनाईन कि पयले आळी दाकळोद बीजा अनूद मार्रगोळी जमा माळकु होताकोर साटी अऊर गट्टा कट कोमी, अदकि गोदी इक नान केई दा जमा माळी.’”

राई इन बीजा अनूद उदाहरण

(मरकुस ४:३०-३२; लूका १३:१८,१९)

31 यीशु आंदरी मातूत ऊंद उदाहरण कोट्टुन: “स्वर्ग इन राज्य राई इन ऊंद बीजा अन घाई आद, यदरी यातोवारा मंळसा हुडुकु तान केई दा बोऊस कोडुन. 32 अद सप्पा बीजागोळ से स्याळ्द रा ईरतद लेकीन याग धोळ्द आगेगतद आग सप्पा काण्णा-कस से धोळ्द आगेगतद; अदकि हगि मार्र आगेगतद कि आकाश ईनव पक्षी बंदकु अदुर डगालगोळ मा ग्वादा माळ कोमताव.”

खमीर इन उदाहरण

(लूका १३:२०,२१)

33 यीशु आंदरी मातूत ऊंद उदाहरण केळसदुन: “स्वर्ग इन राज्य खमीर इन घाई आद यदरी यातोवारा आरूत हुडुकु हन्नंळ काली हीट्ट दा मीलुस बुटुर अदकि आगूत-आगूत अद सप्पा हीट्ट खमीर आगेत.”

यीशु उन द्वारा उदाहरणगोळ्द प्रयोग

(मरकुस ४:३३,३४)

34 ईव सप्पा मातगोळ यीशु उदाहरणगोळ दा लॉकुर से अंदुन, अदकि बनिा उदाहरण देल आव आंदुर से येनु ईला अनतोगोन, 35 कि जो वचन भवषियवक्ता अनूद द्वारा अंदकु आगीत, अद पुरा आगुल:

“ना उदाहरण अनली तान बाय खोलसाईन:

ना आ मातगोळी जो दुनिया अनूद उत्पत्त टु होचकु ईताव प्रगट माळाईन.” \*

आळी दाकळोद बीजा अनूद उदाहरण इन व्याख्या

36 आग यीशु भीळ इक बटिकु मानुनी बंदुन, अदकि यीशु उन चेलागोळ आऊन हातूती बंदकु अंदुर, “केई इन आळी दाकळोद बीजा अनूद उदाहरण नामी समझूसवुळ.”

37 यीशु आंदरी उत्तर कोट्टुन, “याव वळ्तीद बीजा अक बोऊसीदुन आव मंळसा अनूद पार हुन. 38 केई दुनिया हुन, वळ्तीद बीजा राज्य अनूद औलाद हुन, अदकि आळी दाकळोद बीजा दुष्ट इन औलाद हुन. 39 या दुश्मन अवरी बोऊसयान आव शैतान हुन; कटनी दुनिया अनूद अनूत हुन, अदकि कडावाळेर स्वर्गदूत उर. 40 इदुरसाटी हयांग आळी दाकळोद कचरा जमा माळकु होताककु आगताव हांग अच दुनिया अनूद आखरी दा आदीत. 41 मंळसा अनूद पार तान स्वर्गदूतगोळ इक कळयान, अदकि आंदुर आऊन राज्य दा टु सप्पा टोकर इन कारणगोळी अदकि कुकर्म

माळावाळेरी इक जमा माळ्यार, 42 अदकि आंदरी बेक्की इन कुण्ड दा हाक्यार, यल आंदुर वरल्यार अदकि हल्ल कच्यार. 43 आ समय न्यायी तान आप्प उन राज्य दा सुर्य अनंद घाई चमकस्यार. यार कवि आव आव केळ कोमुल.”

होचकु खजाना अनंद उदाहरण

44 “स्वर्ग इन राज्य केई दा होचकु धन इन घाई आद, या यावारा मळसा अक सकित अदकि आव अदरी मात होचकु ईटदुन, अदकि हापाळ खुश आदुन अदकि होगकु तान सब येनारा मार बुटदुन अदकि आ केई इक कोड कोडुन.”

अनमोल मोती अनंद उदाहरण

45 “बाक स्वर्ग इन राज्य ऊंद व्यापारी इन घाई आद जो वळलीद मोतीगोळद खोज दा ईरोन. 46 याग आऊक ऊंद बहूमुल्य मोती सकित रा आव होगकु तान सब कुळ मार बुटदुन अदकि अदरी कोड कोडुन.”

जार इन उदाहरण

47 “बाक स्वर्ग इन राज्य आ धोळद जार इन घाई आद जो समुद्र दा हाककु आत, अदकि हर परकार इन जीवगोळी जमा माळकु त्रत. 48 अदकि याग जार मेनगोळ देल तुमते, रा मेन हुडावाळेर अदरी कनारा मा जेडुकु तंदुर, अदकि कुरतकु वळलेव-वळलेव बरतनगोळ दा जमा माळदुर अदकि बेकार-बेकार मेनगोळी भीट बुटुर. 49 दुनिया अनंद आखरी दा हगि अच आदीत. स्वर्गदूत बंदकु पापीगोळी न्यायी लॉकुर से अलग माळ्यार, 50 अदकि आंदरी बेक्की इन कुण्ड दा हाक्यार. यल आंदुर वरल्यार अदकि हल्ल कच्यार.”

हाळोद अदकि व्हाशोद शिक्षा अनंद महत्व

51 यीशु तान चेलागोळ से केळदुन, “येन नीव ई सप्पा मातगोळ समसदीर?”

चेलागोळ उत्तर कोटदुर, “हव.”

52 यीशु आंदुर से अंदुन, “इदुरसाटी हर ऊंद शास्त्री जो स्वर्ग इन राज्य अनंद चेला बनस्यान, आव आ मान्नावाळा अनंद घाई आन जो ताम भंडार दा टु व्हाशोद अदकि हाळोद वस्तुगोळी तेगुतान.”

नासरत दा यीशु उन अनादर

(मरकुस ६:१-६; लूका ४:१६-३०)

53 याग यीशु ई सप्पा उदाहरण अंद कोडुन, रा अल टु होटोदुन. 54 अदकि तान नगर दा बंदकु आंदुरद यहुदी लॉकुरद सभागूह दा आंदरी हगि उपदेश कोळली कुरतुन कि आंदुर चकति आगकु अनली कुरतुर, “ईऊक ईद ग्यान अदकि सामर्थ्य अनंद कयाल्सा यल टु सकिदव? 55 येन ईव व्हरस हुळली माळावाळा अन पार आलच? अदकि येन ईऊन मोय इन हेसुर मरयिम अदकि ईऊन वारटूरद हेसुर याकूब, यूसुफ, शमोन अदकि यहुदा हैलेच? 56 अदकि येन ईऊन सप्पा आकतीगेर नाम न्याड्या दा ईरालुर? बाक ईऊक ईद सप्पा ग्यान यल टु सकित?” 57 ईद परकार आंदुर आऊन कारण टोकर तदुर,

यीशु आंदुर से अंदुन, “भवषियवक्ता अनंद तान दयाश अदकि तान मान्ना अक बटिकु अदकि यल उच अपमान आगाल.” 58 अदकि आव अल आंदुरद अवशिवास इन कारण हापाळ सा सामर्थ्य इन कयाल्सा माळीदील.

## 14

यूहन्ना बपतसिमा कोळावाळा अक कोनसुसोद

(मरकुस ६:१४-२९; लूका ९:७-९)

1 आ समय दा चौथाई दयाश इन राजा हेरोदेस यीशु उन बारा दा चर्चा केळदुन, 2 अदकि तान सेवकगोळ से अंदुन, “ईव यूहन्ना बपतसिमा कोळावाळा हुन! आव सोततुर दा टु जतिता आगयान, इदुरसाटी आऊन से सामर्थ्य नव कयाल्सा परगट आगताव.”

3 यतकी हेरोदेस राजा तान वारट फलिपिपुस उन हगिस हेरोदयिस इन कारण, बपतसिमा कोळावाळा यूहन्ना अक हुडुकु कटसुसुन अदकि जयलखाना दा हाककु बुटदुन. 4 यतकी यूहन्ना आऊन से अंदुन कि तान स्याळद वारट उन हगिस उक ईटोद नीन साठी उचति हैलेच. 5 इदुरसाटी आव आऊक कोद बुळोद चाहासोन, पर लॉकुर से अंजतोगोन यतकी आंदुर बपतसिमा कोळावाळा यूहन्ना अक भवषियवक्ता मान्सतोगोर.

6 लेकीन याग हेरोदेस उन जनम दनि बत्त, रा हेरोदयिस इनोर पोर हाबब दा तान नाच तोरसकु हेरोदेस उक खुश माळदुर. 7 ईदुर मा आव करिया तनिकु वचन कोटदुन, “जो येनारा नी नानी बेळया, ना नीनी कोळाईन.”

8 आक तान मोय इन भळकुसदुर देल ईद अंदुर, “यूहन्ना बपतसिमा कोळावाळा अनंद ताल्ला टाटी दा ईटकु ईगल्या नानी ईल तंदकोळ.”

9 राजा दुखी आदुन, लेकीन तान करिया अन, अदकि सांगुळ कुरावाळेर कारण, आगया कोटदुन कि जो ई पोर अंदुर अद कोटकु आगुल. 10 अदकि आव जयलखाना दा लॉकुरी कळकु यूहन्ना अनंद ताल्ला कळसुस बुटदुन; 11 अदकि आऊन ताल्ला टाटी दा तनकु आत अदकि पोर इक कोटकु आत, अदरी आक तान मोय इन हात्ती ओतुर. 12 आग यूहन्ना नोर चेलागोळ बंदुर अदकि आऊन लाश इक ओतकु नळसदुर, अदकि होगकु यीशु उक ईद समाचार कोटदुर.

अईद हजार मळसागोळी तनिसोद

(मरकुस ६:३०-४४; लूका ९:१०-१७; यूहन्ना ६:१-१४)

13 याग यीशु यूहन्ना अन वारा दा केळदुन, रा आव इवांगा मा येरकु अल टु यातोदारा सुनसान जागा अक, आवना दा होटोदुन. लॉकुर ईद केळकु नगर-नगर टु पैदल अच आऊन हदि आगेदुर. 14 यीशु होटकु ऊंद धोळद भीळ नोळदुन अदकि आंदुर मा तरस तदिन, अदकि आंदुर बमिर मंळसागोळी चंगा माळदुन.

15 याग द्याव आत रा आऊन चेलागोळ आऊन हात्ती बंदकु अंदुर, "ईद सुनसान जागा आद अदकि समय आगेग्याद; लॉकुरी वदि माळकु अन क्वा आंदुर मोहल्लागोळ दा हागकु तान साठी ऊमोद कोमुल."

16 पर यीशु आंदुर से अंदुन, "आंदुरद होगोद जरूरी हेलेच! नीव अच इंदरी तनिली कोळी."

17 आंदुर आऊन से अंदुर, "ईल नाम हात्ती अईद रोटी अदकि येद्व मेनगोळी बटिकु मातुत येनु हेलेच."

18 यीशु अंदुन, "अवरी नान हात्ती ईल तरी." 19 आग यीशु लॉकुरी काड्डा मा कुरली हेळदुन, अदकि आ अईद रोटीगोळी अदकि येद्व मेनगोळी हूळदुन; अदकि स्वरग दी नोळकु धन्यवाद माळदुन अदकि रोटीगोळी मूर मूरकु चेलागोळी कोट्टुन, अदकि चेलागोळ लॉकुरी कोट्टुन. 20 याग सप्पा लॉकुर तनिकु संतुष्ट आगेदुर, रा चेलागोळ मकिकु तुकळागोळ दा टु तुमकु हननेळ फुटीगोळी नेगदुर. 21 अदकि तनिवाळेर आर्तेर अदकि चकोरगोळी बटिकु, अईद हजार मंळसागोळ हात्तीपास ईरोर.

यीशु उन नीर मा नळोद

(मरकुस ६:४५-५२; यूहन्ना ६:१५-२१)

22 आग आव तुरन्त तान चेलागोळी इवांगा मा येरोरसाटी मजबुर माळदुन क्वा आंदुर आऊन से पयला आप्पाटी होटोगुल, आगासताका आव लॉकुरी सार माळयान. 23 यीशु लॉकुरी सार माळकु, प्रार्थना माळली अलग पहाळ मा होटोदुन; अदकि द्यावगा आव अल आवना ईरोन. 24 आ समय इवांगा कनारा टु दुर ईरोद अदकि झील इन न्याड्या दा नीर इन लयर देल लयरगोळ देल ईत्त आतुत आलगाळोद, यतकी आंधी इवांगा अनद ऊलट ईरोद.

25 अदकि यीशु हुंजकुका अन मूर टु आर मुरा अन दरम्यान झील मा नळतेला आंदुर हात्ती बंदुन. 26 चेला आऊक झील मा नळतेला नोळकु घबूसेदुर. अदकि अनली कुरतुर, "ईव भूत हुन!" अदकि अंजक इन मारा देल चलिळास कुरतुर.

27 आग यीशु तुरन्त आंदुर से मातगोळी माळदुन अदकि अंदुन, "हमिमत ईटी! ना हुईन, अंजवाळी!"

28 पतरस आऊक उत्तर कोट्टुन, "हे प्रभु, अगर नीच ह्य, रा नानी तान हात्ती नीर मा नळकु बरोद आग्या कोळ."

29 आव अंदुन, "बा!" आग पतरस इवांगा मा टु ईळकु यीशु उन हात्ती होगली नीर मा नळली कुरतुन. 30 पर हवा अक नोळकु अंजेदुन, अदकि याग मुळकली कुरतुन रा चळिलासकु अंदुन, "हे प्रभु, नानी ऊळस!"

31 यीशु तुरन्त कय वादुसकु आऊक हुडुकोडुन अदकि आऊन से अंदुन, "हे अल्पवशिवासी, नी येती शंका माळद?"

32 याग आंदुर इवांगा मा येरदुर, रा हवा रूकसेत. 33 ईदुर मा आंदुर जो इवांगा मा ईरोर, आऊक दण्डवत माळकु अंदुर, "खराखुरा, नी परमेश्वर उन पार ह्य."

गन्नेसरत दा रोगीगोळी चंगा माळोद

(मरकुस ६:५३-५६)

34 आंदुर आप्पाटी ईळकु गन्नेसरत इन भूमी मा पोहचुसदुर. 35 अलेर लॉकुर आऊक अरत कोडुर अदकि आस-पास इन पुरा प्रदेश दा समाचार कळुदुर, अदकि सब बमिर मंळसागोळी आऊन हात्ती तंदुर, 36 अदकि आऊन से वनिती माळली कुरतुर क्वा आव आंदरी तान कपळा अनद पल्लाक अच मुट गोळुल; अदकि यास मुंदुर आऊक मुटदुर, आंदुर चंगा आगेदुर.

## 15

पुरवजगोळद शकिषा

(मरकुस ७:१-१३)

1 आग यरूशलेम टु धुवाळासा फरीसी अदकि शास्त्री यीशु उन हात्ती बंदकु अनली कुरतुर, 2 "नीन चेलागोळ पुरवजगोळद परंपरागोळी येती टाल्सतार, क्वा बिना कय तोळकु रोटी तनितार?"

3 यीशु आंदरी उत्तर कोट्टुन, "नीव भी तान परंपरागोळ कारण येती परमेश्वर उन आग्या टाल्सतार? 4 यतकी परमेश्वर अंदान, तान आप्प अदकि तान मोय इन आदर माळत; अदकि 'जो यावारा आप्प या मोय इक बुरा भला अंदान, आऊक कोंदकु आदीत.' 5 लेकीन नीव अनतीर क्वा अगार यावारा तान आप्प या मोय से अनुन, 'जो येनारा नीनी नान से लाभ पोहचुस सकोद, अद परमेश्वर उक भेट येरसकु आगेग्याद; 6 रा आव तान आप्प उन आदर माळालुन, ईद प्रकार नीव तान परंपरा अनद कारण परमेश्वर उन वचन टाल्स बुट्टीर. 7 हे कपटीगोळा, यशायाह नीम वारा दा ईद भवषियवाणी खरा अच माळयान."

8 "ई लॉकुर टुटगोळ देल रा नान आदर माळतार,

लेकीन इंदुर मन नान से दुर ईरतद.

9 अदकि आंदुर बेकार नान उपासना माळतार,

यतकी मंळसागोळ वधिगोळी नयिम शास्त्र बनसकु कल्सतार."

अशुध्द माळावाळा मातगोळ

(मरकुस ७:१४-२३)

10 आग यीशु लॉकुरी तान हात्ती कारूक आंदुर से अंदुन, “केळी, अदकि समसी: 11 जो बाय दा होगतद, अद मंळसा अक अशुधद माळाल, पर जो बाय टु होळतद, अदा मंळसा अक अशुधद माळतद.”

12 आग चेलागोळ बंदकु आऊन से अंदुर, “येन नी जान्सत्या क ईद वचन केळकु फरीसीगोळद भावनागोळी ठेस पोहचुसत?”

13 यीशु उत्तर कोटदुन, “हर मारर जो नान स्वर्गीय आपप हचीदलि, कतिकु आदीत. 14 आंदरी होगोळी; आंदुर कुदूद मारगदर्शक आर अदकि कुदूद अगर कुदूद मंळसा अक हादी तोरसुल, रा येदूदु मुंदुर खोंदरा दा बदिदार.”

15 ईद केळकु पतरस आऊन से अंदुन, “ईद उदाहरण नामी समजुस बुळ.”

16 यीशु अंदुन, “येन नीव भी ईगासताका ना समझ आईर? 17 येन नीव जानसालीर कौ जो येनारा बाय दा होगतद अद वहाट्टा दा होगतद, अदकि शरीर टु होट्ट बुळतद? 18 पर जो येनारा बाय दा टु होळतद, अद मन देल होळतद, अदकि अदा मंळसा अक अशुधद माळतद. 19 यतकी बुरा वचिार, कोननोद, परस्त्रीगमन, व्यभचिार, काळलपनी, खवाटा गवाही अदकि अपमान मन देल अच होळतद. 20 ईवा हुव जो मंळसा अक अशुधद माळताव, लेकीन बनिा कय तोळद ऊमली कुरोद मंळसा अक अशुधद माळाल.”

आरत इन वशिवास

(मरकुस ७:२४-३०)

21 यीशु अल टु होटक, सूर अदकि सैदा अनद प्रदेश दी होटोदुन. 22 आ प्रदेश टु ऊंद कनानी आरत होट्टुर, अदकि चिल्लासकु अनली कुरतुर, “हे प्रभु! दाऊद उन पारा, नान मा दया माळ! नान पोर इक दुष्टआत्मा हापाळ सतुसीत्याद.”

23 पर यीशु आकी येनु उत्तर कोटीदील. आग आऊन चेलागोळ बंदकु आऊन से वनिती माळदुर, “ईकी सार माळ, यतकी आक नाम हदि चलिळासतेला बरेत्यार.”

24 आव उत्तर कोटदुन, “इस्त्राएल इन घराना अनद काळद मयांडागोळी बटिकु ना यारदु हात्ती कळकु आगीदील.”

25 लेकीन आक बंदुर, अदकि यीशु उक पूरणाम माळकु अनली कुरतुर, “हे प्रभु, नान मदत माळ.”

26 आव उत्तर कोटदुन, “चकिोरगोळद रोट्टी हळकु नायगोळद मुंद हाककोद उचित हैलेच.”

27 आक अंदुर, “खरा आद प्रभु, पर नायगोळ भी अद चुराचारा तनिताव, जो अऊद स्वामीगोळ मेज मा टु बळितद.”

28 ईदुर मा यीशु आकी उत्तर कोटदुन, “हे आरत, नीन वशिवास धोळद आद. हयांग नी चाहसत्या, नीन साठी हांगा आगुल.” अदकि आकनि पोर अदा घळी चंगा आगेदुर.

अनेक रोगीगोळी चंगा माळोद

29 यीशु अल टु गलील इन समुदर अनद हात्ती बंदुन अदकि पहाळी मा येरकु कुरतोदुन. 30 आग भीळ इन भीळ आऊद हात्ती बत्त. आंदुर तान सांगुळ लंगळागोळी, कुदूदगोळी, मुक्कागोळी, डुण्डागोळी अदकि मातत हापाळ सा मुंदरी आऊन हात्ती तंदुर, अदकि आंदरी आऊन कालगोळ मा हाकक बुट्टुर, अदकि आव आंदरी चंगा माळदुन. 31 याग लॉकुर नोळदुर कौ मुक्कागोळ माताळतार, अदकि डुण्डागोळ चंगा आगतार, अदकि लंगळागोळ नळुतार, अदकि कुदूद नोळतार रा लॉकुर अचमभा माळदुर अदकि इस्त्राएल इन परमेश्वर उन बळाई माळदुर.

नाक हजार लॉकुरी तनिसोद

(मरकुस ८:१-१०)

32 यीशु तान चेलागोळी हात्ती कारूक आंदुर से अंदुन, “नानी ई भीळ मा हापाळ दया बरेत्याद, यतकी आंदुर मुर दनि टु नान सांगुळ आर अदकि आंदुर हात्ती येनु तनिली हैलेच. ना आंदरी उपासा सार माळोद चाहसालीन, ईलारा हगि आगवाळुल कौ आंदुर हादी मा थकसकु ईतोगुन.”

33 चेलागोळ आऊन से अंदुर, “नामी ई आळी दा यल टु ईस रोट्टीगोळ सकियाव कौ नाव ईट धोळद भीळ इक संतुषट माळेव?”

34 यीशु आंदुर से केळदुन, “नीम हात्ती यास रोट्टीगोळ आव?” आंदुर अंदुर,

“येळ, अदकि थवाळासा स्याणैव मेनगोळ.”

35 आग यीशु लॉकुरी ल्यालमा कुरोद आग्या कोटदुन. 36 अदकि आ येळ रोट्टीगोळी अदकि मेनगोळी हुळदुन, धन्यवाद माळकु मुरदुन, अदकि तान चेलागोळी कोळतोदुन, अदकि चेलागोळ लॉकुरी. 37 ईद प्रकाश देल सपपा तनिकु संतुषट आगेदुर अदकि चेलागोळ मगिद तुकळागोळ दा टु येळ फूट्टी नेगदुर. 38 तनिवाळेर आरतेर अदकि चिकीरी बटिकु नाक हजार मंळसा ईरोर.

39 याग आव भीळ इक सार माळकु इवांगा मा येरेदुन, अदकि मगदन प्रदेश दा बंदुन.

## 16

स्वर्गीय चनिह अनद मांग

(मरकुस ८:११-१३; लूका १२:५४-५६)

1 फ़रीसीगोळ अदकि सद्कीगोळ हात्ती बंदकु यीशु उक परखुसोर साटी आऊन से अंदुर, “नामी स्वर्ग इन येनारा तरी चमत्कार इन चनिह तोरस.”

2 यीशु आंदरी उत्तर कोट्टुन, “दयावमुळका अक नीव अनतीर, मौसम वळ्ळीद ईत्तीत, यतकी आकाश क्याचांद आद;” 3 अदकि व्हातरया अक अंतीर, “ईद आंधी बंदीत, यतकी आकाश क्याचांद अदकि करीद आद.” नीव आकाश इन लक्षण नोळकु हवामान इन अंदाजा हच सकतीर, पर समय इन चनिह अन अंदाज येती हच सकालीर? 4 ई युग इन बेकार मंळसा अदकि व्यभिचारी लॉकुर चनिह दुंदूसतर, पर योना अन्द चमत्कार इन चनिह अक बटिकु आंदरी मात्त यातोदु चनिह कोटकु आगतीदील.” अदकि यीशु आंदरी बटिकु होटोदुन.

फरीसीगोळ अदकि सद्कीगोळ्द शक्षिा अन्द खमीर  
(मरकुस ८:१४-२१)

5 चेलागोळ झील इन आपपाटी पोहचुसदुर, पर आंदुर रोटी हुडोद मारतोगीदुर. 6 यीशु आंदुर से अंदुन, “नोळी, फरीसीगोळ अदकि सद्कीगोळ्द खमीर देल सावधान ईरतीर.”

7 आंदुर आपस दा मातचीत माळली कुरतुर, “नाव रोटी तंददील अनकु आव हगि अनेत्थान.”

8 ईद जानसकु, यीशु आंदुर से अंदुन, “हे अल्पवशिवासीगोळा, नीव आपस दा यती वचिर माळतीर कनिनाम हात्ती रोटी हैलेच? 9 येन नीव ईगासताका समसीदील? येन नीमी आ अईद हजार इन अईद रोटीगोळ याद हैलेच, अदकि ना ईद कनि नीव यास फुट्टीगोळ नेगदद्वीर? 10 अदकि ना आ नाक हजार लॉकुर साटी येळ रोटीगोळ, अदकि ना ईद कनि नीव यास फुट्टीगोळ नेगदद्वीर? 11 नीव यती समसालीर कनि ना नीम से रोटीगोळ बारा दा अंददील, लेकीन ईद कनि नीव फरीसीगोळ अदकि सद्कीगोळ खमीर देल सावधान ईरतीर.”

12 आग आंदुर समझ दा बत्त कनि आव रोटी इन खमीर देल ईला, पर फरीसीगोळ अदकि सद्कीगोळ्द शक्षिा देल सावधान ईरली हेळीदुन.

पतरस उन यीशु उक मसीह स्वीकार माळोद  
(मरकुस ८:२७-३०; लूका १:१८-२१)

13 यीशु कैसरिया फलिपिगी इन प्रदेश दा बंदुन, अदकि तान चेलागोळ से केळली कुरतुन, “लॉकुर मंळसा अन पार उन बारा दा येन अनतार?”

14 आंदुर अंदुर, “यारारा यूहनना बपतस्मा कोळावाळा अंतर, अदकि यारारा एलियाह, अदकि यारारा यरिमयाह या भवषियवक्तागोळ दा टु ऊंद यावारा अंतर.”

15 यीशु आंदुर से अंदुन, “लेकीन नीव नानी येन अंतीर?”

16 अमौन पतरस उत्तर कोट्टुन, “नी जतिता परमेश्वर उन पार मसीह हुय.”

17 यीशु आऊक उत्तर कोट्टुन, “हे शमौन, योना अन्द पारा, नी धन्य आय; यतकी मास अदकि खुन देल ईला, लेकीन नान आपु जो स्वर्ग दा आन, ईद मात नीन मा प्रगट माळयान. 18 अदकि ना भी नीन से अनतीन कनि नी पतरस हुय, अदकि ना ईद कल्ल मा तान मंडली माळाईन, अदकि अधोलोक इन फाटक अदुर मा प्रबल आगतीदील. 19 ना नीनी स्वर्ग इन राज्य इन चाबीगोळ कोळाईन: अदकि जो येनारा नी धरती मा कट्टया, अद स्वर्ग दा कट्टीत; अदकि जो येनारा नी पृथ्वी मा खोलसया, अद स्वर्ग दा खुलसीत.”

20 आग यीशु चेलागोळी चेतावनी कोट्टुन कनि यारदु से अनबाळेतीर कनि मसीह हुईन.

तान सायोद बारा दा यीशु उन भवषियवाणी  
(मरकुस ८:३१-३३; लूका १:२२)

21 आ समय टु यीशु तान चेलागोळी हेळली कुरतुन, “जरूरी आद कनि ना यरूशलेम इक होगाईन अदकि पुरनियों, अदकि प्रधान याजकगोळ, अदकि शास्त्रीगोळ कय देल हापाळ दुख नेगाईन; अदकि कौदकु आगाईन; अदकि मुर दनि इन बाददा जतिता आगाईन.”

22 इदुर मा पतरस यीशु उक अलग दनकुसकु अंदुन, “हे प्रभु, परमेश्वर माळवाळुल! नीन सांगुळ हगि यागलु आगतीदील.”

23 यीशु तरिगकु पतरस से अंदुन, “हे शैतान, नान मुंद टु दुर आग! नी नान साटी टोकर इन कारण आय; यतकी नी परमेश्वर उन मातगोळ मा ईला, लेकीन मंळसा अन मातगोळ मा मन हचत्या.”

यीशु उन हदि नळोद मतलब  
(मरकुस ८:३४-९:१; लूका १:२३-२७)

24 आग यीशु तान चेलागोळ से अंदुन, “अगर यावारा नान हदि बरोद चाहासतान, रा तान तान इन इनकार माळुल अदकि तान क्रूस नेगुल, अदकि नान हदि आगेगुल. 25 यतकी जो यावारा तान जीव ऊळसोद चाहासयान, आव अदरी खोऊसयान; अदकि जो यावारा नान साटी तान जीव खोऊसयान, आव अदरी हासलि माळयान. 26 अगर मंळसा पुरा दुनिया अक हासलि माळयान, अदकि तान जीव इन हानि नेगदान, रा आऊक येन लाभ आदीत? या मंळसा तान जीव इन बदला येन कोट्टान? 27 मंळसा अन पार तान स्वर्गदूतगोळ सांगुळ तान आपु उन महमिा

✱ 16:1 १६:१ मत्ती १२:३८; लूका ११:१६ ✱ 16:4 १६:४ मत्ती १२:३९; लूका ११:२९ ✱ 16:6 १६:६ लूका १२:१ ✱ 16:9 १६:९ मत्ती १४:१७-२१ ✱ 16:10 १६:१० मत्ती १५:३४-३८ ✱ 16:14 १६:१४ मत्ती १४:१२,२; मरकुस ६:१४,१५; लूका ९:१७,८ ✱ 16:16 १६:१६ यूहनना ६:६८,६९ ✱ 16:19 १६:१९ मत्ती १८:१८; यूहनना २०:२३ ✱ 16:24 १६:२४ मत्ती १३:३८; लूका १४:२७ ✱ 16:25 १६:२५ मत्ती १०:३९; लूका १७:३३; यूहनना १२:२५ ✱ 16:27 १६:२७ मत्ती २४:३१; रोमियों २:६



दा बंदान, अदकि आ समय 'आ हर ऊंद मंळसा अक आऊन कयाल्सा अनूद अनुसार प्रतफिल कोट्टान.' 28 ना नीम से खरा माताळतीन कि जो इल नदिरकु आर, आंदुर दा टु यारारा हांगि आर कि आंदुर यागासताका मंळसा अन पार उक आऊन राज्य दा बरत नोळतीदलि, आगासताका मृत्यु उन स्वाद यागलु नेकतीदलि."

## 17

यीशु उन रूप बदलुसोद

(मरकुस ९:२-१३; लूका ९:२८-३६)

1 आर दनि इन बाददा यीशु पतरस अदकि याकूब अदकि आऊन वार्ट यूहनुना अक सांगूळ हूळदुन, अदकि आंदरी आवना दा यातोदारा ऊंचा पहाळ मा ओतुन. अदकि आंदुर अलावा अल याऊ ईला ईरोन. 2 अल आंदुर मुंद यीशु उन रूप बदलुसेत, अदकि आऊन बाय सूर्य अनूद घाई चमकुसूत अदकि आऊन कपळा ज्योत इन घाई उजुळ आगदव. 3 अदकि मूसा अदकि एलियियाह आऊन सांगूळ मातगोळ हेळतेला आंदरी कांळसदुर. 4 इदुर मा पतरस यीशु से अंदुन, "हे प्रभु, नाम ईल ईरोद ठीक आद. अगर नीन इच्छा आद रा ना इल मुर हांदरा माळाईन; ऊंद नीन साटी, ऊंद मूसा अन साटी. अदकि ऊंद एलियियाह अन साटी."

5 \*यीशु माताळतेला अच ईरोन कि ऊंद उजला बादल आंदरी झाकस वुळत, अदकि आ बादल दा टु ईद शब्द होळत: "ईव नान प्रयि पार हुन, ईऊन से ना खुश आईन: ईऊन केळी."

6 चेलागोळ ईद केळकु बाय इन भार देल वदिदुर अदकि हापाळ अंजेदुर. 7 यीशु हात्ती बंदकु आंदरी मुददुन, अदकि अंदुन, "येळी, अंजबाळी." 8 आग आंदुर तान कण्णगोळ नेगदुर अदकि यीशु उक बटिकु अदकि यारीकु नोळीदलि.

9 याग आंदुर पहाळी मा टु ईळा होती यीशु आंदरी ईद आग्या कोट्टुन, "यागासताका मंळसा अनूद पार सोत्तुर दा टु जतिता आगालुन, आगासताका जो येनारा नीव नोळीर यारीकु हेळबाळेतीर."

10 इदुर मा यीशु उन चेलागोळ आऊन से केळदुर, "बाक शास्त्री यती अनतार कि एलियियाह अनूद पयले बरोद जरूरी आद?"

11 यीशु उत्तर कोट्टुन, "एलियियाह जरूर बंदान, अदकि सपपा येनारा सुधरसयान. 12 \*लेकीन ना नीम से अनतीन कि एलियियाह होटबंदुन, अदकि लॉकुर आऊक अरतीदलि; लेकीन हयांग चाहासदुर हांग अच आऊन सांगूळ माळदुर. ईदा रीति देल मंळसा अनूद पार भी आंदुरद कय देल दुख नेगदान."

13 आग चेलागोळ समसदुर कि यीशु नाम से यूहनुना वपतसिमा कोळावाळा अनूद बारा दा अंदुन.

दुषटआत्मागरसूत पार उक चंगा माळोद

(मरकुस ९:१४-२९; लूका ९:३७-४३)

14 याग आंदुर भीळ इन हात्ती पोहचुसदुर, रा ऊंद मंळसा यीशु उन हात्ती बंदुन, अदकि ट्वांगरा टेकसकु अनली कुरतुन, 15 "हे प्रभु, नान पार उन मा दया माळ! यतकी आऊक मरिगी बरतद, अदकि आव हापाळ दुख नेगुतान; अदकि घळी-घळी बेक्की दा अदकि घळी-घळी नीर दा बीळतोगतान. 16 ना तान पार उक नीन चेलागोळ हात्ती तंददिन, पर आंदुर आऊक चंगा माळ सकदील."

17 यीशु अंदुन, "हे अवशिवासी अदकि हठीला लॉकुरगोळा, ना यागासताका नीम सांगूळ ईराइन? यागासताका नीमूद सहन माळाईन? आ पार उक ईल नान हात्ती तरी." 18 आग यीशु दुषटआत्मा अक आग्या कोट्टुन, अदकि अद आऊन दा टु होट वुळत; अदकि पार अदा घळी चंगा आगेदुन.

19 आग चेलागोळ आवना दा यीशु उन हात्ती बंदकु अंदुर, "नान आ दुषटआत्मा अक यती तेगु सकदील?"

20 \*यीशु आंदुर से अंदुन, "तान वशिवास इन कमी इन कारण, यतकी ना नीम से खरा अनतीन, अगर नीमूद वशिवास राई इन दाना अन बराबर भी आद, रा ईद पहाळी से अन सककीर, ईल टु सरकुसकु अल होटोग; रा अद होटोदीत; अदकि यातोदु मात नीम साटी असंभव ईरतीदलि. 21 लेकीन ईव दुषटआत्मागोळ प्रार्थना अदकि उपास इन अलावा यातोदु उपाय देल होळालव."\*

तान सायोद बारा दा यीशु उन मातूत: भवषियवाणी

(मरकुस ९:३०-३२; लूका ९:४३-४५)

22 याग आंदुर गलील कषेतर दा ईरोर, रा यीशु आंदुर से अंदुन, "ना मंळसा अन पार मंळसागोळद कय देल हूळसुसकु आगाईन अदकि सौपसकु आगाईन; 23 अदकि आंदुर आऊक कोद बुट्टार, अदकि आव तीसरा दशिी जतिता आदान." ई मात मा चेलागोळ हापाळ उदास आदुर.

सभागूह अन कर

24 याग यीशु अदकि आऊन चेलागोळ कफरनहूम दा पोहचुसदुर, रा सभागूह अन कर ताकोमावाळेर पतरस उन हात्ती बंदकु केळली कुरतुर, "येन नीम गुरु सभागूह अन कर कोळालुन?"

25 पतरस अंदुन, "हव, कोळतान."

याग आव मान्या बंदुन, रा यीशु आऊन केळा पयले अच आऊन से अंदुन, "हे शमौन, नी येन सोचत्या? पृथ्वी इन राजा महसूल या कर यार से ताकोमतार? तान चकीर से या परायागोळ से?"

\* 17:5 १७:५ मत्ती ३:१७; १२:१८; मरकुस १:११; लूका ३:२२ \* 17:5 १७:५ २ पतरस १:१७; १८ \* 17:12 १७:१२ मत्ती ११:१४ \* 17:20 १७:२० मत्ती २१:२१; मरकुस ११:२३; १ कुर्निथि १३:२ \* 17:21 १७:२१ ईद वचन दस्तावेज दा सकलि

26 पतरस आऊन से अंदुन, “परायागोळ से.” यीशु आऊन से अंदुन, “आग अच रा चकीर कर कोळदुर देल ऊळदोदुर. 27 तरी भी इदुरसाटी कं नाव आंदरी टोकर तनिसतीदील, नी समुदुर अन्द कनिरा मा होगकु गरी हाक, अदक जो मन पयले होटटीत, अदरी हुडु; अदुरद बाय तेरदुर मा नीनी ऊंद सक्का सक्कीत, अदरी का हुडुकु नान अदक तान कर आंदरी कोटबुळेत.”

## 18

स्वर्ग इन राजय दा धोड्डेव याव?

(मरकुस १:३३-३७; लूका १:४६-४८)

1 \*अदा घळी चलागोळ यीशु उन हात्ती बंदकु केळली कुरतुर, “स्वर्ग इन राजय दा धोड्डेव याव आन?”  
2 इदुर मा यीशु ऊंद पार उक हात्ती कारूकु आंदुरद न्याड्या दा नीदूरसदुन, 3 \*अदक अंदुन, “ना नीम से खरा अनतीन कं यागासताका नीव बदलुसालीर अदक चकीर घाई बनसालीर, नीव स्वर्ग इन राजय दा प्रवेश माळ सकालीर. 4 जो यावारा तान तान इक ई पार उन घाई स्याणव माळ्यान, आव स्वर्ग इन राजय दा धोड्डेव आदान. 5 अदक जो यावारा नान हेसुर देल ऊंद हगि पार उक ग्रहण माळतान आव नानी ग्रहण माळतान.

पाप माळोद परीक्षा

(मरकुस १:४२-४८; लूका १७:१,२)

6 “पर जो यारारा ई स्याणेर दा टु जो नान मा वशिवास माळतार ऊंद मंळसा अक टोकर तनिस्यार, आऊन साटी भला आगाईत कं धोळद चक्की इन पट्टा आऊन कुतक्या दा लटकूसकु आगाईत, अदक आऊक खोल समुदुर दा मुळकुसकु आगाईत. 7 टोकरगोळद कारण दुनयिा मा हाय! टोकरगोळद हत्तोद जरूरी आद; पर हाय आ मंळसा मा यारद कारण टोकर हततद.

8 \*अगर नीन कय या नीन काल नीनी टोकर तनिस्याव, रा अवरी कळकु भटिबुळ; डुण्डा या लंगळा आगकु जीवन दा प्रवेश माळोद नीन साटी इदुर से वळलीद आद कं येदद कय या येदद काल ईतकु नी अननुत बेक्की दा हाक्कु आगाईद. 9 \*अगर नीनव कण्णगोळ नीनी टोकर तनिस्याव, रा अवरी तेगुकु भटिबुळ; कुदद आगकु जीवन दा प्रवेश माळोद नीन साटी इदुर से वळलीद आद कं येदद कण्ण ईतकु नी नरक इन बेक्की दा हाक्कु आगाईद.

काळद म्यांडागोळद उदाहरण

(लूका १५:३-७)

10 \*नीव ई स्याणेर दा टु यारीकु तुच्छ जानसबाळोतीर; यतकी ना नीम से अनतीन कं स्वर्ग दा आंदुर स्वर्गदूत नान स्वर्गीय आप्प उन मार्रा हमेशा नोळतार. 11 यतकी मंळसा अन्द पार काळद मंळसागोळी उळसली बंदान.

12 “नीव येन सोचतीर? अगर यावारा मंळसा अन्द सौ म्यांडागोळ आव, अदक अदुरदा टु ऊंद भटकसेगुल, रा येन आव ननियानबे अक बटिक, अदक पहाळीगोळ मा होगकु, आ भटकसुद म्यांडा अक हुँदसतीदलि? 13 अदक अगर हगि आत कं अद आऊक सक्कित, रा ना नीम से खरा माताळतीन कं आव आ ननियानबे म्यांडागोळ साटी जो भटकसकु ईला ईरव, आट खुश आगतीदील याट कं ई म्यांडा अन्द साटी आदान. 14 हगि अच नीम आप्प उन जो स्वर्ग दा आन ईद इच्छा हेलेच कं ई स्याणेर दा टु ऊंद भी नाश आगुल.

वारदुर अदक आकतगिर्द पाप

15 \*अगर नीन वारट नीन खलिाप अपराध माळुल, रा होग अदक आबना दा मातचीत हेळकु आऊक समजुप; अगर आव नीद केळयान रा नी तान वारट उक हासलि माळ कोंड. 16 अगर आव केळालुन, रा ऊंद या येदद मुंदरी तान सांगुळ मातत बोय, कं ‘हर ऊंद मात येदद या मुर गवाहगोळद बाय देल नश्चित माळोद आगुल.’ 17 अगर आव आंदुरद भी केळालुन, रा मंडली से अंदकोम, लेकीन अगर आव मंडली अन भी केळालुन रा नी आऊक गैरयहूदी अदक कर ताकोमावाळेर घाई मान्स कोम.

रोकसोद अदक मौका कोळोद

18 \*ना नीम से खरा माताळतीन, जो येनारा नीव पृथ्वी मा कटटीर, अद स्वर्ग दा कट्टीत अदक जो येनारा नीव धरती मा कट्टया, अद स्वर्ग दा खुलसीत. 19 बाक ना नीम से अनतीन, अगर नीम दा टु येदद मुंदुर पृथ्वी मा यातोदारा मात इन साटी ऊंद मन आगकु अदरी बेळीर, रा अद नान आप्प उन दी टु जो स्वर्ग दा आन, आंदुरद साटी आगोदीत. 20 यतकी येल येदद या मुर मुंदुर नान हेसुर मा जमा आगतार, अल ना आंदुर न्याड्या दा ईरतीन.”

नरिदयी सेवक उन उदाहरण

21 \*आग पतरस हात्ती बंदकु यीशु से अंदुन, “हे प्रभु, अगर नान वारट अपराध माळतेला ईत्तान, रा ना यास अनली आऊक माफ माळाईन? येन येळ घन ताका?”

22 यीशु आऊन से अंदुन, “ना नीन से ईद अनालीन कं येळ घन ताका लेकीन येळ घन इन सत्तर गुणा ताका.”

23 “इदुरसाटी स्वर्ग इन राजय आ राजा अन्द घाई आद, याव तान दासगोळ से हिसाब ताकोमोद चाहासदुन. 24 याग आव हिसाब ताकोमली कुरतुन, रा ऊंद मंळसा आऊन मुंद तनकु आदुन जो करोळो नव कर्जदार ईरोन. 25 याग आऊन हात्ती पैस्या खणुळसली येनु ईला ईरोद, रा आऊन स्वामी अंदुन, ‘ईव अदक ईऊन हगिस अदक

\* 18:1 १८:१ लूका २२:२४

\* 18:3 १८:३ मरकुस १०:१५; लूका १८:१७

\* 18:8 १८:८ मत्ती ५:३०

\* 18:9 १८:९ मत्ती ५:२९

\* 18:10

१८:१० लूका १९:१०

\* 18:15 १८:१५ लूका १७:३३

\* 18:18 १८:१८ मत्ती १६:१९; यूहन्ना २०:२३

\* 18:21 १८:२१ लूका १७:३३,४

चकिर चणिग अदकि जो येनारा ईऊन आद सप्पा मारकु आगुल, अदकि करज तुमकु आगुल.' 26 इदुर मा आ दास बदिक्कु आ स्वामी इक पर्णाम माळदुन, अदकि अंदुन, 'हे स्वामी धीरज हुडु, ना सब कुछ तुम बुळाईन.' 27 आग आ दास उन स्वामी तरस तनिक्कु आऊक बटि बुट्टुन, अदकि आऊन करजा भी माफ माळ बुट्टुन.

28 "लेकीन याग आव दास व्हार्या होट्टुन, रा आऊन संगी दासगोळ दा टु ऊंद आऊक सकिदुन जो आऊन सौ दीनार इन करजदार ईरोन; आव आऊक हुडुक्कु आऊन कुतक्या ओतदुन अदकि अंदुन, 'जो येनारा नीन मा करज आद तुमकोम.' 29 इदुर मा आऊन संगी दास बदिक्कु आऊन से वनिती माळली कुरतुन, 'धीरज हुडु, ना सब तुम बुळाईन.' 30 आव मानसदिलि, लेकीन होगकु आऊक बंदीगुह दा हाक बुट्टुन कि यागासताका करज तुम कोमालुन, आगासताका अल्या ईरूल. 31 आऊन संगी दास ईद जो आगीत नोळकु हापाळ उदास आदुर, अदकि होगकु तान स्वामी इक पुरा हाल हेळ बुट्टु. 32 आग आऊन स्वामी आऊक कारूकु आऊन से अंदुन, 'हे दुष्ट दास, नी जो नान से वनिती माळद, रा ना नीद अद पुरा करज माफ माळदीन. 33 इदुरसाटी ह्यांग ना नीन मा दया माळदीन, हांग अच नीनी भी तान संगी दास मा दया ईला माळोद हुन?' 34 अदकि आऊन स्वामी गुप्सा दा बंदकु आऊक सजा कोळावाळ्द कय दा सौप्स बुट्टुन, कि यागासताका आव पुरा करज तुम कोमालुन, आगासताका आंदुरा कय दा ईरूल.

35 "ईदा परकार अगर नीम दा टु हर ऊंद तान वार्ट उक मन देल माफ माळयान, रा नान आप्प जो स्वर्ग दा आन, नीम से भी हांग अच माळयान."

## 19

छोळचटिटी इन बारा दा यीशु उन शकिषा  
(मरकुस १०:१-१२)

1 याग यीशु ईव मातगोळ अंद कौडुन, रा गलील टु होटोदुन; अदकि यरदन गांगा अन्द आप्पाटी यहदया अन्द प्रदेश दा बंदुन. 2 आग धोळद भीळ यीशु उन हदि आगेत, अदकि आव अल आंदरी चंगा माळदुन.

3 आग फरीसी आऊन परीक्षा माळोर साटी हात्ती बंदकु अनली कुरतुर, "येन यातोदारा भी कारण देल तान हगिस् उक छोळ चटिटी कोळोद उचति आद?"

4 यीशु आंदरी उत्तर कोट्टुन, "येन नीव शास्त्र दा वाचुसीदील कि याव आंदरी माळयान, आव सूरवात टु गळ्स अदकि आरत इन रूप दा माळदुन, 5 अदकि अंदुन, 'इदुरसाटी मळसा तान मोय-आप्प उक बटिक्कु तान हगिस् उन सांगुळ ईततान अदकि आंदुर येदुदु मुंदुर ऊंद तन आदार.' 6 इदुरसाटी आंदुर ईग येदुदु ईला, लेकीन ऊंद तन आर. इदुरसाटी यारीक परमेश्वर जोळस्यान, अदरी यावारा भी मळसा अलग माळवाळुल."

7 आंदुर यीशु से अंदुर, "बाक मूसा ईद यती ठहूसदुन कि छोळचटिटी कोट्टुन तान हगिस् उक बटि बुळी?"

8 यीशु आंदुर से अंदुन, "मूसा नीम मन इन कठोरता अन्द कारण नीमी तान-तान हगिस् उक बटि बुळोद आग्या कोटीदुन, लेकीन सूरवात टु हगि ईला ईरोद. 9 अदकि ना नीम से अनतीन, कि जो यावारा व्यभचार इक बटिक्कु अदकि याता कारण देल तान हगिस् उक त्यागसकु दुसरा अन सांगुळ मदा माळुल, रा आव व्यभचार माळतान; अदकि जो आ बटिक्कु आरत से मदा माळुल, रा आव भी व्यभचार माळतान."

10 चेलागोळ यीशु से अंदुर, "अगर गळ्स उन आरत इन सांगुळ हगि संबध आव, रा मदा माळोद वळ्लीद हैलेच."

11 यीशु आंदुर से अंदुन, "सब मदा अन बनिा ईर सकालुर, सरिफ आंदुर यारीक ईद दान कोट्टु आग्याद. 12 यतकी यारारा नपुंसक हगि आर, जो मोय इन व्हाट्या टु उच हगि पैदा आग्यार; अदकि यारारा नपुंसक हगि आर, यारी लौकुर नपुंसक माळ्यार; अदकि यारारा हगि आर, यार स्वर्ग इन राज्य अन्द साटी तान तान इक नपुंसक माळ्यार. जो इदरी ग्रहण माळ सकतान, आव ग्रहण माळुल."

चकिरगोळी आशरिवाद

(मरकुस १०:१३-१६; लूका १८:१५-१७)

13 आग लौकुर चकिर इक यीशु उन हात्ती तंदुर कि आव आंदुर मा कय ईटुल अदकि प्रारथना माळुल, पर चेलागोळ लौकुरी दनकुसदुर. 14 यीशु अंदुन, "चकिरी नान हात्ती बरगोळी, अदकि आंदरी मना माळबाळी, यतकी स्वर्ग इन राज्य हगि अच चकिरद हुन."

15 अदकि यीशु आंदुर ताल्ला मा कय ईटुक्कु आंदरी आशरिपित माळदुन अदकि अल टु होटोदुन.

धनी मळसा

(मरकुस १०:१७-३१; लूका १८:१८-३०)

16 ऊंद धनी मळसा यीशु उन हात्ती बंदुन अदकि आऊन से अंदुन, "हे गुरु, ना यातोद वळ्लीद कयाल्सा माळाईन कि नानी अनन्त जीवन सकिल?"

17 यीशु आऊन से अंदुन, "नी नान से भलाई इन बारा दा यती केळत्या? भला रा ऊन्दा आद, पर अगर नी जीवन दा प्रवेश माळोद चाहासत्या, रा आग्यागोळी मानसतोग."

18 आव यीशु से अंदुन, "यातव आग्यागोळ?"

यीशु अंदुन, "ईद कि यारीकारा कोन्न बाळी, व्यभचार माळबाळी, काळलपनी माळबाळी, खवाटा गवाही कोळबाळी, 19 तान आप्प अदकि तान मोय इन आदर माळी, अदकि तान मानुना हातळोर से तान घाई प्यार ईटी."

20 आ हारोदव मळसा आऊन से अंदुन, "ई सब रा ना मानसीन; ईग नान दा याता मात इन कमी आद?"

21 यीशु आऊन से अंदुन, “अगर नी सदिध आगोद चाहसत्या रा होग, तान माल मारकु कंगालगोळी कोळ, अदकि नीनी स्वर्ग दा धन सकिकीत; अदकि बंदकु नान हदि आगेग.”

22 लेकीन आव हारोदव मंळसा ईद मात केळकु उदास आगकु होटोदुन, यतकी आव हापाळ धनी ईरोन.

23 आग यीशु तान चेलागोळ से अंदुन, “ना नीम से खरा अनतीन क् धनवान मंळसा अन स्वर्ग इन राज्य दा प्रवेश माळोद मुशकलि आद. 24 नीन से मात अनतीन क् परमेश्वर उन राज्य दा धनवान उन प्रवेश माळदुर देल ऊंट इन मुगग इन खंदरा दा टु चुजी होटबुळोद आसान आद.”

25 ईद केळकु चेलागोळ हापाळ चकति आगकु अंदुर, “बाक यार्द उदधार आग सकतद?”

26 यीशु आंदुर दी नोळकु अंदुन, “मंळसागोळ से रा ईद आगसकाल, लेकीन परमेश्वर से सब कुळ आग सकतद.”

27 इदुर मा पतरस आऊन से अंदुन, “नोळ, नाव रा सप्पा येनारा वटिकु नीन हदि आगीदेव: रा नामी येन सकिकीत?”

28 यीशु आंदुर से अंदुन, ना नीम से खरा अनतीन क् व्हाशोद सृषटी दा याग मंळसा अन्द पार तान महिमा अन्द सहिासन मा कुरतान, रा नीव भी जो नान हदि आगेगीर, हन्नेळ सहिासनगोळ मा कुरतकु इस्त्राएल इन हन्नेळ वंशगोळद न्याय माळीर. 29 अदकि जो यावारा नान साटी तान माननगोळ, या वार्दुर, या आकतीगेर, या आप्प, या मोय, या चकिोर-चणिगेर, या केईगोळी नान हेसुर साटी वटि वुटान, आऊक सौ गुणा सकिकीत, अदकि आव अनन्त जीवन इन अर्धाकिरी आदान. 30 लेकीन हापाळ मुंदुर जो पयला आर, हदिळोर आदार; अदकि जो हदिळोर आर, आंदुर पयला आदार.

## 20

अंगुर इन बेली इन क्याल्सा माळावाळेरद उदाहरण

1 “स्वर्ग इन राज्य यातोवारा मान्नावाळा अन घाई आद, जो व्हातर्या होटदुन क् तांद अंगुर इन बेली दा मजदूरगोळी क्याल्सा मा हचुल. 2 आव मजदूरगोळी प्रती ऊंद मंळसा अक ऊंद दीनार रोजी मा ईददुन अदकि आंदरी तान अंगुर इन बेली दा कळदुन. 3 व्हातर्या अक लगभग ऊंम्वत मुरा आव व्हातर्या होटदुन रा दुसरा लॉकुरी सात्ता दा बेकार नदिरत नोळकु, 4 अदकि आव आंदुर से अंदुन, ‘नीव भी अंगुर इन बेली दा होगी, अदकि जो येनारा वळलीद आद, नीमी कोळाईन.’ अदकि आंदुर भी होटोदुर. 5 आग आ लॉकुर भी होटोदुर बाक हन्नेळ मुरा अदकि मुर मुरा अन हात्तीपास आव व्हातर्या होटकु हाग अच माळदुन. 6 अईद मुरा आव मातत व्हातर्या होटकु दुसरा अक नदिरकु नोळदुन, अदकि आंदुर से अंदुन, ‘नीव यती हागुल तीम बेकार नदिरकु ईरतीर?’ 7 आंदुर आऊन से अंदुर, ‘इदुरसाटी क् याऊ नामी क्याल्सा मा हचीदलि.’ आव आंदुर से अंदुन, ‘नीव भी नान अंगुर इन बेली दा होगी.’ ”

8 “दयावमुळका अंगुर इन बेली इन स्वामी तान मुनीम से अंदुन, ‘क्याल्सा माळावाळेर इक कारूकु आखरी मजदूर हात्ती टु पयला मजदूर ताका आंदरी मजदुरी कोटबुळ.’ 9 कम से कम अईद मुरा जो क्याल्सा मा हचकु आगीदुर रा आंदरी ऊंद ऊंद दीनार सकित. 10 जो पयले बंदीदुर आंदुर ईद समसदुर क् नामी यककुल सकिकीत, लेकीन आंदरी भी ऊंद ऊंद दीनार अच सकित. 11 याग आंदरी ऊंद दीनार सकित रा ईद अनकु केईवाळा मा बळबुळसकु अनली कुरतुर, 12 ई जो बाददा बंदार ईदुर रा ऊंद घंटा अच क्याल्सा माळदुर, अदकि नी आंदरी भी नाम बराबर रोजी कोट, यार हागुल तीम ओझा नेगदुर अदकि बसिल झेलसदुर.”

13 आव आंदुर दा टु ऊंद मंळसा अक उत्तर कोटदुन, “हे संगी, ना नीन सांगुळ येनु अन्याय माळालीन. येन नी नान सांगुळ ऊंद दीनार इन मजदुरी पक्का ईला माळीद? 14 जो नींद आद, नेगु कोम अदकि होटोग; नान इच्छा ईद आद क् याट नीनी कोटीन आट अच ई हदिळावाळा अक भी कोळाईन. 15 येन ईद उचति हेलेच क् ना तान माल से जो चाहसाईन अद माळाईन? येन नान भला ईरोद नीन कण्णगोळी नळतद? 16 ई प्रकार देल जो हदिळोर आर, आंदुर पयले आदार; अदकि जो पयले आर, आंदुर हदिळोर आदार.”

तान सायोद बारा दा यीशु उन तीसरा भवषियवाणी

(मरकुस १०:३२-३४; लुका १८:३१-३४)

17 यीशु यरूशलेम इक हांगाहोती हन्नेळ चेलागोळी आबना दा ओतुन, अदकि हादी मा आंदुर से अनली कुरतुन, 18 “नोळी, नाव यरूशलेम इक होगीतेव; अदकि मंळसा अन पार प्रधान याजकगोळ अदकि शास्त्रीगोळद कय दा हूळसुसकु आदान, अदकि आंदुर आऊक मृत्यु इन लायक ठहूस्यार. 19 अदकि आंदुर आऊक गैरयहूदीगोळ कय दा सोपस्यार क् आंदुर आऊन मज्याक हारसुल, अदकि क्वाळा बडुल, अदकि कूस मा येरसुल, अदकि आव तसिरा दनि जत्तिता आदान.”

ऊंद मोय इन वनिती

(मरकुस १०:३५-४५)

20 आग जबदी इन पारगोळद मोय, तान पारगोळ सांगुळ यीशु उन हात्ती बंदकु प्रणाम माळदुर, अदकि आऊन से येनारा तरी बेळली कुरतुर.

21 यीशु आकनि से अंदुन, “नी येन चाहासत्या?”

आक आऊन से माताळदुर, “ईद वचन कोळ क् नानोर ई येदुद चकिोर नीन राज्य दा ऊंद नीन ऊमा कय अदकि ऊंद नीन डाक्या कय दी कुरतार.”

22 यीशु उत्तर कोट्टुन, “नीव जान्सालीर कियेन बेळेतोर. येन नीव अद प्याला कुड्ड सकतीर यदरी ना कुडोर मा आईन?”

आंदुर आऊन से अंदुर, “कुड्ड सकतेव.”

23 आव आंदुर से अंदुन, “नीव नान प्याला रा कुळदीर, पर तान ऊमा कय अदकि डाक्या कय दी यारीकारा कुरसोद नान क्याल्सा आलच, लेकीन यारद साटी नान आप्प उन दी टु तयार माळकु आग्याद, आंदुर दा साटी हुन.”

24 ईद केळकु हत्त चेलामोळ आ येदुदु वारटुर मा नाराज आदुर. 25 यीशु आंदरी हात्ती काकू अंदुन, “नीव जान्सातीर कि गेरयदुदीगोळ हाकमि आंदुर मा वशिवास माळतार; अदकि जो धोड्डेर आर, आ लॉकुर आंदुर मा अधकारि जत्तुसतार. 26 लेकीन नीम दा हगि आगतीदील; लेकीन जो यावारा नीम दा धोड्डेव आगोद चाहासयान, आव नीम सेवक आगुल; 27 अदकि जो नीम दा प्रधान आगोद चाहासतान, आव नीम दास आगुल; 28 ह्यांग कि मंळसा अन पार; ना इदुरसाटी बंददील कि आऊन स्यावा माळकु आगुल, लेकीन इदुरसाटी बंदान कि खुद स्यावा टहल माळ सकुन, अदकि हापाळ लॉकुरद छुटकारा साटी तान जीव कोळ सकुल.”

येदुदु कुदुदुगोळी वृष्टीदान  
(मरकुस १०:४६-५२; लुका १८:३५-४३)

29 याग यीशु अदकि आऊन चेलामोळ यरीहो नगर टु होळोर, रा ऊद धोळद भीळ आऊन हदि आगेत. 30 अदकि येदुदु कुदुदुगोळ, जो हादी इन कनिरा मा कुरतकु ईरोर, ईद केळकु कियेन यीशु हागेतयान, हेसुर ताकोमकु अनली कुरतुर, “हे प्रभु, दाऊद उन औलाद, नाम मा दया माळ.”

31 लॉकुर आंदरी दनकुसदुर कि सुंगा ईरूल; पर आंदुर मात्त जोर देल चळिलासकु अंदुर, “हे प्रभु, दाऊद उन औलाद, नाम मा दया माळ.”

32 आग यीशु नदुरिकु, आंदरी कारदुन अदकि अंदुन, “नीव येन चाहासतीर कनि ना नीम साटी माळाईन?”

33 आंदुर यीशु उक अंदुर, “हे प्रभु, ईद कि नाव कण्णगोळ देल नोळ सककेव.”

34 यीशु दया माळकु आंदुर कण्णगोळी मुटदुन, अदकि आंदुर तुरन्त नोळली कुरतुर, अदकि आऊन हदि आगेदुर.

## 21

यूरूशलेम दा वजिय प्रवेश

(मरकुस ११:१-११; लुका १९:२८-४०; यूहन्ना १२:१२-१९)

1 याग आंदुर यूरूशलेम इन हात्ती पोहचुसदुर अदकि जैतून पहाळ मा बैतफगे नगर इन हात्ती बंदुर, रा यीशु येदुदु चेलामोळी ईद अनकु कळुदुन, 2 “मुदळोद ऊर दा होगी. अल हागेतेला ऊद गधा कटकु, अदकि अदुर सांगुळ पाड्डा नीमी सकिकीत. अवरी खोलसकु नान हात्ती तरी. 3 अगर नीम से यावारा येनारा अनुल, रा अनेतीर कि प्रभु अक ईऊद जरवत आद, आग आव तुरन्त अवरी कळु बुट्टान.” 4 ईद इदुरसाटी आत कि जो वचन भवषियवक्ता अन्द दवारा अनकु आगीत, अद पुरा आगुल:

5 “सयियोन इन पोर इन से अनी,

‘नोळ, नीन राजा नीन हात्ती बरेतयान;

आव नमूर आन, अदकि गधा मा कुरतकु आन;

मतलब गधा इन पाड्डा मा.’”

6 चेलामोळ हागकु, ह्यांग यीशु आंदरी अंददिन, हांग अच माळदुर. 7 अदकि गधा अदकि अदुरद पाड्डा अक तनकु, अऊर मा तान कपळा हाकदुर, अदकि आव आ पाड्डा मा कुरतुन. 8 आग हापाळ सा लॉकुर तान कपळा हादी मा हासदुर, अदकि दुसरा लॉकुर मारगोळद डगाली कडुकु हादी मा हासदुर. 9 जो भीळ मुद-मुद हागतोगोद अदकि हदि-हदि बरतोगोद, कारू-कारूकु अनतोगोर, “दाऊद उन औलाद उक स्तुति, धन्य आन आव जो प्रभु उन हेसुर देल बरतान, दाऊद उन औलाद उन स्तुति आगुल.”

10 याग यीशु यूरूशलेम दा प्रवेश माळदुन, रा पुरा नगर दा हलचल मचुसेत, अदकि लॉकुर अनली कुरतुर, “ईव याव हुन?”

11 लॉकुर अंदुर, “ईव गलील इन नासरत उन भवषियवक्ता यीशु हुन.”

मंदरि इन शुद्धीकरण

(मरकुस ११:१५-१९; लुका १९:४५-४८; यूहन्ना २:१३-२२)

12 यीशु प्रमेश्वर उन मंदरि दा हागकु आ सप्पा मुंदरी, जो मंदरि दा लेन-देन माळोर, तेगद बुट्टुन, अदकि सरराफागोळद पांळसीगोळ अदकि कबूतर मारावाळेरद चौकगिळ उलटुस बुट्टुन; 13 अदकि आंदुर से अंदुन, “शास्त्र दा लखिसकु आद, नान मान्ना प्रार्थना अन्द मान्ना कहलुसीत,’ लेकीन नीव अदरी डाकूगोळद हड्डा माळतीर.”

14 आग कुदुदु अदकि लंगळामोळ, मंदरि दा आऊन हात्ती बंदुर, अदकि आव आंदरी चंगा माळदुन. 15 लेकीन याग प्रधान याजकगोळ अदकि शास्त्रीगोळ ई अदभुत क्याल्सागोळी, जो आव माळदुन, अदकि चकिर इक मंदरि दा “दाऊद उन औलाद उक स्तुति” अनतेला नोळदुर, रा आंदुर गुस्सा आदुर, 16 अदकि आऊन से अनली कुरतुर, “सयेन नी केळत्या कि इंदुर येन अतार?”

☆ 20:25 २०:२५ लुका २२:२५,२६

☆ 20:26 २०:२६ मत्ती २३:११; मरकुस ९:३५; लुका २२:२६

☆ 21:5 २१:५ जकरयाह ९:९

☆ 21:13

२१:१३ यशायाह ५६:७; यरिमायाह ७:११

यीशु आंदुर से अंदुन, “हव; येन नीव ईद यागलु वाचुसीदील: चकिोर अदकि हाल कुडुत चगिद उर बाय देल अपार सुतुती माळसुसद?”

17 आग यीशु आंदरी बटिकु नगर इन व्हार्या बैतनयियाह अक होदुन अदकि अल आव ईळ्लक बतिसदुन.

यीशु द्वारा श्रापति अंजीर इन मार्र  
(मरकुस ११:२२-२४; ११:२०-२४)

18 व्हातर्या का याग यीशु नगर इक वापस बरोन रा आऊक हसु हतुत. 19 हादी इन कनिरा अंजीर इन ऊंद मार्र नोळकु यीशु अदुर हात्ती होदुन, अदकि यालला अक बटिकु अद मार्र मा मातुत येनु ईला ईरोद आव आ मार्र इक अंदुन, “ईग टु नीन दा बाक यागलु काय हततदील.” अदकि अंजीर इन मार्र तुरनुत वंळगेत.

20 ईद नोळकु चेलागोळी अचम्भा आत अदकि आंदुर अंदुर, “ईद अंजीर इन मार्र तुरनुत हयांग वंळगेत?”

21 यीशु आंदरी उत्तर कोट्टुन, “ना नीम से खरा अंतीन, अगर नीव वशिवास ईटी अदकि संदेह माळबाळी, रा न सरिफ ईद माळतीर जो ईद पहाळी इक भी अंदीर, कतितेग, अदकि समुद्र दा होगकु बळि, रा ईद आगोदीत.

22 अदकि जो येनारा नीव प्रार्थना दा वशिवास देल बेळतीर अद सब नीमी सकीकीत.”

यीशु उन अधकारि मा प्रश्न  
(मरकुस ११:२७-३३; लूका २०:१-८)

23 यीशु मंदारि दा मातुत हांगकु उपदेश कोळली कुरतुन, रा प्रधान याजकगोळ अदकि लॉकुव्द पुरनयागोळ आऊन हात्ती बंदकु केळदुर, “नी ईद कयालसा यारद अधकारि देल माळतुया? अदकि नीनी ईद अधकारि याव कोटान?”

24 यीशु आंदरी उत्तर कोट्टुन, “ना भी नीम से ऊंद मात केळतीन; अगर अद नानी हेळतीर, रा ना भी नीमी हेळाईन का ईव कयालसा याताद अधकारि देल माळतीन. 25 यूहन्ना अनद बपतस्मा यल टु ईरोद? स्वर्ग दी टु या मंळसागोळ दी टु?”

आग आंदुर आपस दा मातगोळ माळली कुरतुर, “अगर नाव अंदेव ‘स्वर्ग दी टु,’ रा आव नाम से अंदान, ‘बाक नीव आऊन वशिवास यती माळीदलि?” 26 अदकि अगर अंदेव ‘मंळसागोळ दी टु,’ रा नामी भीऊ इन अंजक आद, यतकी आंदुर सप्पा यूहन्ना अक भवषियवक्ता मानुसतार.” 27 इदुरसाटी आंदुर यीशु उक उत्तर कोट्टुन, “नाव अरालेव.”

आव भी आंदुर से अंदुन, “रा ना भी नीमी हेळालीन का ई कयालसा ना याता अधकारि देल माळतीन.

येदद पारगोळद उदाहरण

28 “नीव येन सोचेतीर? यावारा मंळसा अन येदद पारगोळ ईरोर; आव पयला पार उन हात्ती हांगकु अंदुन, हे पारा, ईद अंगुर इन बेली दा कयालसा माळ: 29 आव उत्तर कोट्टुन, ‘ना हांग सकालीन,’ लेकीन बाददा पसतासुकु होदुन. 30 बाक आप्प दुसरा पार उन हात्ती हांगकु हगि अच अंदुन, आव उत्तर कोट्टुन, ‘हव जी हांगतीन,’ लेकीन हांगोदलि. 31 इंदुर येददु दा टु यार तान आप्प उन इच्छा पुरा माळदुर?”

आंदुर अंदुर, “पयला पार.”

यीशु आंदुर से अंदुन, “ना नीम से खरा अनतीन क किर ताकोमावाळेर अदकि वेश्या नीम से पयले परमेश्वर उन राज्य दा प्रवेश माळतार. 32 यतकी यूहन्ना नयायीपन इन हादी दरशुसतेला नीम हात्ती बंदुन, अदकि नीव आऊन वशिवास माळीदील; पर कर ताकोमावाळेर अदकि वेश्यागोळ आऊन वशिवास माळदुर: अदकि नीव ईद नोळदीर, लेकीन नीव पश्चाताप माळीदील अदकि आऊन मा वशिवास माळीदील.”

दुषट कसिनगोळद उदाहरण  
(मरकुस १२:१-१२; लूका २०:९-१९)

33 “मातुत ऊंद उदाहरण केळी: ऊंद केई इन मालकि ईरोन, आव अंगुर इन बेली हचीदुन, अदुरद नाकु दी भाळा कटदुन, अदुरदा रास्सा अनद कुंड अगुळदुन अदकि मचान माळदुन, अदकि कसिनगोळी अदुरद ट्याका कोटकु परदेश होटोदुन. 34 याग काय इन समय हात्ती बतुत, रा आव तान दासगोळी अदुरद काय तरोरसाटी कसिनगोळ हात्ती कळदुन. 35 पर कसिनगोळ आऊन दासगोळी हुडुकु, यारीकारा रा बळदुर, अदकि यारीकारा कोंद बुदुर, अदकि तसिरा अक कल्लगोळ बळदुर. 36 बाक आव पयले टु यककुल अदकि दासगोळी कळदुन, अदकि आंदुर आ दासगोळ सांगुळ भी हांग अच माळदुर. 37 आखरी दा आव तान पार उक आंदुर हात्ती ईद सोचकु कळदुन का आंदुर नान पार उन आदर माळयार. 38 लेकीन कसिनगोळ पार उक नोळकु आपस दा अंदुर, ‘ईव रा वारीस हुन, बरी, ईऊक कोंद बुळाता अदकि ईऊन धन सपत्ती हुडु कोमाता.’ 39 इदुरसाटी आंदुर आऊक हुळदुर अदकि अंगुर इन बेली टु व्हार्या तेगुकु कोंद बुदुर. 40 इदुरसाटी याग अंगुर इन बेली इन मालकि बंदान, रा आ कसिनगोळ सांगुळ येन माळयान?”

41 आंदुर आऊन से अंदुर, “आव आ बुरा लॉकुरी बुरा रीतदिल नाश माळयान; अदकि अंगुर इन बेली इन ट्याका दुसरा कसिनगोळी कोट्टान, जो उचिति समय मा काय तनकु कोट्टार.”

42 यीशु आंदुर से अंदुन, “येन नीव यागलु पवतिरशास्त्र दा ईद वाचुसीदील: ‘याता कल्ल इक राजमसित्त्रीगोळ बेकार ठहसेदुर, अदा कोना अनद सरिा अनद कल्ल आगेत? ईद प्रभु उन दी टु आगीत, अदकि नाम नजर दा अदभुत आद.’ 43 इदुरसाटी ना नीम से अनतीन का परमेश्वर उन राज्य नीम से ताकोमकु आदीत अदकि हगि लॉकुरी कोटकु आदीत जो ईदुर प्रतफिल तरतार. 44 जो ईद कल्ल मा बदिदान आव चकनाचुर आगेदान; अदकि यदुर मा अद बदिदीत, अदरी पीसुस बुट्टीत.”

45 प्रधान याजक अदकि फरीसी यीशु उन उदाहरणगोळी केळकु समसेदुर क आंव आंदुर बारा दा अनतान. 46 अदकि आंदुर आऊक हुडोद चाहासोर, लेकीन लॉकुर से अंजेदुर यतकी आंदुर आऊक भवषियवक्ता मानसतोगोर.

## 22

मदा अन भोजन इन उदाहरण  
(लूका १४:१५-२४)

1 यीशु मात्त आंदुर से उदाहरणगोळ दा अनली कुरतुन, 2 “स्वर्ग इन राज्य आ राजा अन घाई आद, जो तान पार उन मदा अन भोजन कोट्टुन. 3 अदकि आव तान दासगोळी ईद अनकु कळुदुन क आमन्त्रति लॉकुरी मदा दा ऊमली कारी; लेकीन आंदुर बरोद चाहासीदलि. 4 बाक आव मात्त दासगोळी ईद अनकु कळुदुन, ‘आमन्त्रति लॉकुरी अनेतीर: नोळी ना ऊमोद तयार माळ कोंडीन, नान वस्ता अदकि नानव पालसदव जनावर कडुकु आदव, अदकि सब कुळु तयार आद; मदा अनद भोज दा बरी.’ 5 लेकीन आंदुर ध्यान कोटीदील अदकि तान हादी इक होटोदुर: यावारा तान केई दा रा यावारा तान व्यापार इक. 6 दुसरा लॉकुर जो मक्कि ईरोर आऊन दासगोळी हुडुकु आंदुर अपमान माळदुर अदकि आंदरी कोद वुदुर. 7 आग राजा अक सट्टि बत्त, अदकि आव तान सेना अक कळुकु आ कोन्नावाळेरद नाश माळदुन, अदकि आंदुरद नगर इक होताक वुदुन.”

8 “आग आव तान दासगोळ से अंदुन, ‘मदा अनद भोज रा तयार आद लेकीन नमिन्त्रति लॉकुर आ लायक ईला ईरोर. 9 इदुरसाटी हादी इन कनिरा मा होगी अदकि यास लॉकुर नीमी सकियार, सप्या लॉकुरी मदा अनद भोजन दा कारूकु तरी.’ 10 इदुरसाटी आ दासगोळ हादी इन कनिरा मा होगकु जो भी वळ्लेर या बेकार लॉकुर आंदरी सकिदुर जमा माळदुर; अदकि मदा अनद मान्ना पावनागोळ देल तुम्मेत.”

11 “याग राजा पाऊनागोळी नोळली बंदुन, रा आव अल ऊंद मळसा अक नोळदुन, जो मदा अनद कपळा हाक्कु ईला ईरोन. 12 राजा आऊन से केळदुन, ‘हे संगी; नी मदा अनद कपळा हागद बनि इल यती बंद्या?’ आऊन बाय बंद आगेत. 13 “आग राजा नवकरगोळ से अंदुन, ‘ईऊन कय-काल कटकु ईऊक व्हार्या अंधार दा हाक वुळी, अल वोरलोद अदकि हल्ल कचोद आदीत.’ 14 यतकी कारदोर रा हापाळ आर लेकीन नीवळुसदोर ध्वाळासा अच आर.”

कर कोळोद बारा दा पुरश्न  
(मरकुस १२:१३-१७; लूका २०:२०-२६)

15 आग फरीसीगोळ होगकु आपस दा वचिार माळदुर क यीशु उक याता पुरकार देल मातगोळ दा फसुसेव. 16 इदुरसाटी आंदुर तान चेलागोळी हेरोदया अन सांगुळ आऊन हात्ती ईद अनली कळुदुर, ‘हे गुरु, नाव जानसतेव क नी खरा आय, अदकि परमेश्वर उन हादी सचचाई देल कलसत्या, अदकि यारदु परवा माळाल, यतकी नी मळसागोळद मार्रा नोळकु मातगोळ माळाल. 17 इदुरसाटी नामी हेळ नी येन सोचत्या? रोमी सरकार उक कर कोळोद उचति आद क हिलेच.”

18 यीशु आंदुरद कपट पन नोळकु अंदुन, “हे कपटीगोळा, नानी येती परखुसेतीर? 19 नानी अद ऊंद दीनार तोरस, यदुर देल कर कोटकु आगतद.”

आग आंदुर आऊन हात्ती ऊंद चाँदी इन सकिका तंदुर. 20 आव आंदुर से केळदुन, “ईद छाप अदकि हेसुर यारद हुन?”

21 आंदुर यीशु से अंदुर, “कैसर सरकार उन हुन.” आग आव आंदुर से अंदुन, “जो कैसर सरकार उन हुन, अद कैसर सरकार उक; अदकि जो परमेश्वर उन हुन, अद परमेश्वर उक कोळी.”

22 ईद केळकु आंदुर अचम्भति आदुर, अदकि आऊक बटिकु होटोदुर.

पुनरूथान इन बारा दा पुरश्न  
(मरकुस १२:१३-१७; लूका २०:२०-२६)

23 “अदा दिन सव्वकी जो पुनरूथान इक मान्सालुर, यीशु उन हात्ती बंदुर अदकि आऊन से केळदुर, 24 “हे गुरु, मूसा अंददिन क अगर यावारा मळसा बनि औलाद सोतोदान, रा आऊन वारट आऊन हगिस उन सांगुळ मदा माळकु तान वारट उन साटी औलाद पैदा माळयान. 25 ईंग नाम मान्या येळ वारदुर ईरोर; पयला मदा माळकु सोतोदुन, अदकि औलाद ईला आगदुर कारण तान रांड्या हगिस उक तांद वारट उन साटी बटिट वुदुन. 26 ईंदा पुरकार देल दुसरा अदकि तसिरा भी माळदुन, अदकि येळु वारदुर ताका हगि अच आत. 27 आखरी दा सप्या मुंदुरद बाददा आ आरत भी सोतोदुर. 28 इदुरसाटी जतिता आगदुर मा आ आरत येळु दा टु यारोर हगिस आदार? यतकी आक सप्या मुंदुरद हगिस आगदुर.”

29 यीशु आंदरी उत्तर कोट्टुन, “नीव पवतिरशास्त्र अदकि परमेश्वर उन महमा जान्सालीर; ई कारण नीव भूल दा बदिक् आईर. 30 यतकी जतिता आगदुर मा आंदुर न मदा माळयार अदकि न मदा दा कोटकु आदार लेकीन स्वर्ग दा परमेश्वर उन स्वर्गादूतगोळ घाई आदार. 31 लेकीन सोत्त मळसा अनद जतिता आगोद बारा दा येन नीव ईद वचन वाचुसीदील जो परमेश्वर नीम से अंदुन: 32 ‘ना अब्राहम उन परमेश्वर, अदकि इसहाक उन परमेश्वर, अदकि याकूब उन परमेश्वर हुईन?’ आव सोत्त मळसा नव आलच? लेकीन जतिता लॉकुरद परमेश्वर हुन.”\*

33 ईद केळकु लॉकुर आऊंद उपदेश देल चकति आदुर.

सब से धोळद आग्या  
(मरकुस १२:२८-३४; लूका १०:२५-२८)

34 याग फरीसीगोळ केळदुर कि यीशु सद्कीगोळद बाय बंद माळ बुट्टुन, रा आंदुर जमा आदुर. 35 आंदुर दा टु ऊंद यहूदी व्यवस्था अन शकिक यीशु उक परखुसोर साटी आऊक केळदुन, 36 “हे गुरु, व्यवस्था दा यातोद आग्या सब से धोळद आद?”

37 यीशु आऊन से अंदुन, “नीव परमेश्वर तान प्रभु से तान पुरा मन अदकि तान पुरा जीव अदकि तान पुरा बुद्धी इन सांगुळ प्यार ईट. 38 सब से धोळद अदकि मुख्य आग्या रा ईंदा हुन. 39 अदकि अदुरदा घाई ईंद दुसरा आग्या भी आद कि नी तान मान्ना हातळोर से तान घाई प्यार ईट. 40 ईंवा येदुद आग्यागोळ पुरा व्यवस्था अदकि भवषियवक्तागोळद आधार आद.”

मसीह यार पार हुन?  
(मरकुस १२:३५-३७; लूका २०:४१-४४)

41 याग फरीसी लॉकुर जमा ईरोर, रा यीशु आंदुर से केळदुन, 42 “मसीह अन्द बारा दा नीव येन सोचतीर? आव यार औलाद हुन?”

आंदुर यीशु उक अंदुर, “दाऊद ईंनव.”

43 यीशु आंदुर से केळदुन, रा दाऊद आत्मा दा ईततकु आऊक प्रभु यती अनतान?

44 “प्रभु, नान प्रभु से अंदुन,

नान ऊममा कय दी कुर,

यागासताका कि नाव नीद दुश्मनगोळी नीद काल इन ल्यालमा तंदकोमालेव.”\*

45 “याग दाऊद आऊक प्रभु अनतान, रा आव आऊन पार ह्यांग आदान?” 46 इदुरद उत्तर दा याऊ भी ऊंद मात अन सकादिल. आ दनि टु यारीकु वाक आऊन से येनु केळोद हमिमत आगीदिल.

## 23

शास्त्रीगोळ अदकि फरीसीगोळ देल सावधान ईरी  
(मरकुस १२:३८-३९; लूका ११:४३-४६; २०:४५-४६)

1 आग यीशु भीळ से अदकि तान चेलागोळ से अंदुन, 2 “न्याय कलसावाळेर शास्त्री अदकि फरीसी मूसा अन्द गद्दी मा कुरतकु आर; 3 इदुरसाटी आंदुर नीम से जो येनारा अंदार अद माळेतीर अदकि मान्सेतीर, लेकीन आंदुर घाई क्यालसा माळबाळेतीर; यतकी आंदुर अंतर पर माळालुर. 4 आंदुर ऊंद भारी ओझा अक यदरी नेगोद मुशकल आद, कटक अदरी मळसागोळद खांदा मा ईटतार; लेकीन खुद अदरी तान वेळल देल सरकुसोद चाहासालुर. 5 आंदुर तान सप्पा क्यालसा लॉकुरी तोरसोर साटी माळतार” आंदुर तान ताबीजगोळी चौळा माळतार अदकि तान कपळा अन्द झालर ऊदान माळतार ताकी लॉकुर आंदरी न्यायात्मा समसुल. 6 आंदुर हावबगोळ दा मुख्य-मुख्य जागा हासलि माळोद चाहासतार, सभागोळ दा मुख्य-मुख्य आसनगोळ मा कुरोद चाहासतार. 7 सात्तागोळ दा आदर सत्कार चाहसोद, अदकि मळसागोळ दा गुरु अदकु आगोद आंदरी वळलीद हततद. 8 लेकीन नीव गुरु अनबाळेतीर, यतकी नीमव ऊंदा गुरु आन, अदकि नीव सप्पा वारटुर हुईर.

9 पृथ्वी मा यारीकु आप्प अनबाळेतीर, यतकी नीमव ऊंदा आप्प आन, जो स्वर्ग दा आन. 10 अदकि स्वामी भी अनबाळेतीर, यतकी नीमव ऊंदा स्वामी आन, मतलब मसीह. 11 जो नीम दा धोड्डेव आगव चाहास्यान आव नीमव सेवक आपुल. 12 जो यावारा तान तान इक धोळद माळ्यान, आव स्याण माळकु आदान: अदकि जो यावारा तान तान इक नम्र माळ्यान, आव धोळद माळकु आदान.

यीशु उन द्वारा पाखंडीगोळद भतरसना  
(मरकुस १२:४०; लूका ११:३९-४२, ४४, ५२; २०:४७)

13 “हे कपटी शास्त्रीगोळा अदकि फरीसीगोळा, नीम मा हाय! नीव मळसागोळ साटी स्वर्ग इन राज्य अन्द दरवाजा बंद माळतीर, अदकि न रा खुद अदुरदा होगतीर अदकि न रा अदुरदा होगावाळेरी होगगोळालीर. 14 “हे कपटी शास्त्री अदकि फरीसीगोळा, नीम मा हाय! नीव रांड्यागोळद मान्नागोळी बरबाद माळ कोमतीर, अदकि आ लॉकुर दखावा माळोर साटी हापाळ होत ताका पुरार्थना माळतेला ईरतीर: इदुरसाटी नीमी यककुल दण्ड सकिकीत.

15 “हे कपटी शास्त्री अदकि फरीसीगोळा, नीम मा हाय, नीव ऊंद मळसा अक तान मत दा तोरसाटी पुरा जल अदकि थल मा टेटीर, अदकि याग आव नीम मत दा होट बरतान रा आऊक तान से येदुद गुणा कपटी माळ कोमतीर.

16 “हे कूढद अगुवागोळा”, नीम मा हाय! जो अनतार कि अगुर यावारा मंदरि इन करिया तदिान रा येनु ईला, लेकीन अगुर यावारा मंदरि इन वहानना अन्द करिया तदिान रा अऊर देल कट्टोदान. 17 हे मूरखगोळा अदकि कूढदगोळा, याव धोड्डेव आन; वहानना या अद मंदरि यदुर देल वहानना पवतिर आगतद? 18 बाक अनतीर कि अगुर यावारा वेदी इन करिया तदिान रा येनु ईला, लेकीन जो भेट अदुर मा आद, अगुर यावारा अदुरद करिया तदिान रा अदुर देल कट्टोदान. 19 हे कूढदगोळा, याव धोड्डेव आन; भेट या वेदी यदुर देल भेट पवतिर आगतद? 20 इदुरसाटी जो वेदी इन

\* 22:40 २२:४० लूका १०:२५-२८ \* 22:44 २२:४४ भजन संहिता ११०:१ \* 23:5 २३:५ मन्ती ६:१ \* 23:11 २३:११ मन्ती २०:२६, २७; मरकुस १:३५; १०:४३, ४४; लूका २२:२६ \* 23:12 २३:१२ लूका १४:११; १८:१४ \* 23:14 २३:१४ ईद वचन हाळोद हसतलेखगोळ दा सकिलद † 23:16 २३:१६ स्याणा, नायक



करिया तनितान, आव अऊरद भी करिया तनितान जो आ वेदी मा आद. <sup>21</sup> जो मंदिर इन करिया तनितान, आव मंदरि अदकि अदुर दा ईरावाळा परमेश्वर उन भी करिया तनितान. <sup>22</sup> जो स्वर्गा इन करिया तनितान, आव परमेश्वर उन सहिासन इन अदकि अदुर मा कुरावाळेरु भी करिया तनितान.

<sup>23</sup> हे कपटी शास्त्री अदकि फरीसीगोळा, नीम मा हाय, नीव पदीना, अदकि सौफ, अदकि जीरा अन्द दसवा अंश रा कोळतीर, लेकीन नीव व्यवस्था अन्द गंभीर मातगोळी मतलब न्याय, अदकि दया, अदकि वशिवास इक वटिवुटीर; आगली पायजे होता कि इवरी भी माळतेला ईरायदीर अदकि अवरी भी ईला बळियादरि. <sup>24</sup> हे कुदूद अगुवागोळा, नीव मच्छर इक रा दुदुस कोमतीर, लेकीन ऊँट इक तीन कोमतीर.

<sup>25</sup> हे कपटी शास्त्री अदकि फरीसीगोळा, नीम मा हाय, नीव वाटी अदकि तंळग्या अक म्याक म्याकूच टु रा ऊदतीर लेकीन आव बुळक करेव अदकि लालच खुद इन दा भला माळदुर दा तुमकु आव. <sup>26</sup> हे कुदूद फरीसी, पयले कटोरा अदकि तंळग्या अक बुळक टु ऊदद कि आव व्हाऱ्या टु भी वळलेव काळसुल.

<sup>27</sup> हे कपटी शास्त्री अदकि फरीसीगोळा, नीम मा हाय, नीव चुना हजद मटगोळ चाई आईर जो म्याकूच टु रा सुंदर काळसताव, लेकीन बुळक मुरदा अन्द येल्गोळ अदकि सब परकार इन गंदगी देल तुमकु आव. <sup>28</sup> ईदा रीर्ता देल नीव भी म्याकूच टु मंळसागोळी न्यायी काळस तोगतीर, लेकीन बुळक कपट अदकि बुराई देल तुमकु आईर.

शास्त्रीगोळ अदकि फरीसीगोळ मा दण्ड इन भवषियवाणी  
(लूका ११:४७-५१)

<sup>29</sup> हे कपटी शास्त्री अदकि फरीसीगोळा, नीम मा हाय, नीव भवषियवक्तागोळद कबरगोळी सुधारसतीर अदकि न्यायीगोळद कबरगोळी सजूसतीर, <sup>30</sup> अदकि अनतीर, 'अगर नाव तान आज्ञा बावागोळद जमानानोर ईरायदेव रा भवषियवक्तागोळी कोन्नोर दा भागीदार ईला ईरायदेव.' <sup>31</sup> इदुर देल रा नीव खुद अच गवाही कोळतीर कि नीव भवषियवक्तागोळी कोन्नावाळेर ओलाद हुईर. <sup>32</sup> इदुरसाटी नीव तान आज्ञा बावागोळद पाय इन माळका पुरा तरीका देल तुमकोमी. <sup>33</sup> हे हावगोळा, हे हावगोळ चकिोरगोळा, नीव नरक इन दण्ड देल ह्यांग ऊळदीर? <sup>34</sup> इदुरसाटी नोळी, ना नीम हात्ती भवषियवक्तागोळ अदकि बुधमिानगोळी अदकि शास्त्रीगोळी कळतीन; अदकि नीव आंदुर दा टु यावारा अक कौद बुट्टीर अदकि क्रूस मा येरसीर, अदकि यावारा तान सभागूहगोळ दा क्वाळा बळदीर अदकि ई नगर टु आ नगर दा जेडुतेला ओयाळीर. <sup>35</sup> याव न्यायी हाबील टु हुडुकु बरिक्कियाह अन्द पार जकरयाह ताका, यारी नीव मंदरि अदकि वेदी इन न्याड्या दा कौद बुटीदीर, यास न्यायीगोळद खून धरती मा वाहुसकु आग्याद अद सप्पा नीम ताल्ला मा बदिदीत. <sup>36</sup> ना नीम से खरा माताळतीन, ई सप्पा मातगोळ ईद समय इन लॉकुर मा बंदकु बदिदीत.

यीशु उन यरूशलेम इन साटी प्यार  
(लूका ११:४७-५१)

<sup>37</sup> हे यरूशलेम, हे यरूशलेम! नी भवषियवक्तागोळी कौद बुळतया, अदकि जो नीद हात्ती कळुकु आग्यार, आंदुर मा कल्लगोळ देल हमला माळतया. यास अनली ना चाहासदीन कि ह्यांग कोळी तान पाडडगोळी तान पकिागोळद ल्यालमा जमा माळतद, हांग अच ना भी नीन चकिोरगोळी जमा माळ कोमाईन, लेकीन नी चाहासीदलि. <sup>38</sup> नोळी, नीम मान्ना नीम साटी सुनसान बटिकु आगतद. <sup>39</sup> यतकी ना नीम से अनतीन कि ईंगी टु आगासताका नीव नानी बाक यागलु नोळतीदलि यागासताका नीव अनतीदलि, 'धन्य आन आव, जो प्रभु अन्द हेसुर देल बरतान.'

## 24

मंदरि इन वनिाश इन भवषियवाणी  
(मरकुस १३:१-२; लूका २१:५-६)

<sup>1</sup> याग यीशु मंदरि टु होटकु होगोन, रा आऊन चेलागोळ आऊक मंदरि इन रचना तोरसोर साटी आऊन हात्ती बंदुर. <sup>2</sup> यीशु आंदुर से अंदुन, 'नीव ईद सप्पा नोळतीर ना! ना नीम से खरा माताळतीन, ईल कल्ल मा कल्ल भी ईला बळितीदील जो मंळसकु आगतीदील.'

संकट अदकि क्लेश  
(मरकुस १३:३-३३; लूका २१:७-११)

<sup>3</sup> याग यीशु जैतून पहाळी मा कुरतकु ईरोन, रा चेलागोळ आवना अंदा आऊन हात्ती बंदकु अंदुर, 'नामी हेळ कि ई सब मातगोळ याग आदव? नीन बरोद अदकि दुनया अन्द आखरी इन येन चमत्कार ईत्तीत?'

<sup>4</sup> यीशु आंदरी उत्तर कोटुन, 'सावधान ईरी! याऊ नीमी भरमुस बाळुल, <sup>5</sup> यतकी हापाळ सा लॉकुर हांग ईत्तार जो नान हेसुर देल बंदकु अंदा, 'ना मसीह हुईन,' अदकि हापाळ मुंदरी भरमुस्यार. <sup>6</sup> नीव लळाईगोळ मातचीत केळीर अदकि लळाईगोळद बारा दा अफवाह केळीर, रा घवरूस बाळेतीर यतकी इदुरद आगोद जरूरी आद, लेकीन आ समय दा अन्त आगतीदील. <sup>7</sup> यतकी द्याश मा द्याश, अदकि राज्य मा राज्य चढाई माळेव, अदकि हर जागा दा अकाल बदिदव, अदकि भुकम्प आदव. <sup>8</sup> ईव सप्पा मातगोळ दुखगोळद सूरवात माळेव.'

<sup>9</sup> आग आंदुर क्लेश कोळोर साटी नीमी हुळसुसकु सोपस्यार, अदकि नीमी कौद बुट्टार, अदकि नान हेसुर इन कारण सप्पा जातीगोळ लॉकुर नीम से दुश्मनी ईट्यार. <sup>10</sup> आग हापाळ सा लॉकुर टोकर तदारि, अदकि आबुर दाबुर

हुळसुस्यार, अदकि आबुर दाबुर से दुश्मनी ईट्यार. 11 हापाळ सा ख्वाटा भवषियवक्तागोळ वंदार, अदकि हापाळ मुंदरी भरमुस्यार. 12 अनयाय इन वाळसुदुर देल हापाळ मुंदुर प्यार टंडा बदिदीत, 13 लेकीन जो आखरी ताका धीरज हुळकु ईततान, आऊदा उद्धार आदीत. 14 अदकि राजय इन ईद खुशखबरी पुरा दुनया दा प्रचार माळकु आदीत, क सप्पा जातीगोळ मा गवाही आगुल, आग अन्त होट्ट बंदीत.

महासंकट इन सूरवात

(मरकुस १३:१४-२३; लूका २१:२०-२४)

15 "इदुरसाटी याग नीव आ उजुळसावाळा बेकार वस्तुगोळद यदुर चरचा दानयियेल भवषियवक्ता अन्द दवारा आगीत, पवतिर जागा दा नीदुरकु आद हगि नोळी, वाचुसावाळा खुद अच समसुल किईदुर येन मतलव आद. 16 आग जो यहूदया प्रदेश दा ईतीदार आंदुर पहाळगोळ मा ओळगुल. 17 जो छत मा ईतीदार, आव तान मान्ना दा टु सामान ताकोमली ईळुवाळुल; 18 अदकि जो केई दा ईतीदार, आंदुर तान कपळा ताकोमली हदि होगवाळुल. 19 आ आरतेर साटी हाय जो आ दनिगोळ दा वहाट्या दी ईततार अदकि जो हाल कुळसतेला ईततार! 20 प्रार्थना माळतेला ईरी क नीमी सोळ इन दनिगोळ दा या आराम इन दनि ओळोद वळिवाळुल. 21 यतकी आ समय दा हगि भारी क्लेश आदीत, जसा न रा दुनया अन्द सूरवात टु ईंग ताका आगदील अदकि न यागलु आदीत. 22 अदकि अगर परमेश्वर आ दनिगोळी घटुसोद नश्वचय ईला माळायदुन रा ऊंद भी जीव ईला ऊळाईत, लेकीन तान नविळुसद लॉकुर साटी आव दनिगोळी गोरत माळयान.

23 "आ समय अगर यावारा नीम से अनुल, 'नोळी, मसीह इल आन' या 'आव अल आन,' रा वश्रिवास माळवाळेतीर. 24 यतकी ख्वाटा मसीह अदकि ख्वाटा भवषियवक्ता यदकु नदिर्यार, अदकि धोळद चनिह, अदकि लॉकुरी ध्वाका कोळोर साटी अदभुत क्यालसा तोरस्यार की अगर आग सकुल रा नविळुसकु आग्यार आंदरी भी बैकुश वुळुल. 25 नोळी, ना नीमी सप्पा मातगोळ पयले टु ना हेळ व्टीन."

26 "इदुरसाटी अगर आंदुर नीम से अनुल, 'नोळी, आव आळी दा आन,' रा व्हरया होळवाळेतीर; या 'नोळी, आव कोटरीगोळ दा आन,' रा वश्रिवास माळवाळेतीर. 27 यतकी जसा सुर्य अन्द करिण पूरव टु होटकु पश्चिम ताका चमकुसतद, हांग अच मळसा अन पार उन भी बरोद आदीत."

28 "थल लाश ईततीत, अल्या गीधाळ जमा आदव."\*

मळसा अन पार उन दुवारा बरोद

(मरकुस १३:२४-२७; लूका २१:२५-२८)

29 "अचानक आ दनिगोळ दा क्लेश इन तुरन्त बाददा सुर्य अन्धकारमय आगेदीत, अदकि चन्द्रमा अन्द प्रकाश होगतेला ईततीत, अदकि तारा आकाश टु बीळतेला ईततव अदकि आकाश इन शक्तगोळी हालसुकु आदीत. 30 आग ना मळसा अन पार उन चनिह आकाश दा काळसीत, अदकि आग पृथ्वी इन सप्पा कुलगोळ लॉकुर याद्दा पीटस्यार; अदकि मळसा अन पार उक धोळद सामर्थ्य अदकि महमा अन सांगुळ आकाश इन बादलगोळ मा बरतेला नोळ्यार. 31 आव तुरही इन धोळद आवाज इन सांगुळ तान स्वर्गदूतगोळी कळयान, अदकि आंदुर आकाश इन ईद छोर टु आ छोर ताका, नाकु कवाना टु आऊन नविळुसद लॉकुरी जमा माळ्यार.

अंजीर इन मारर इन उदाहरण

(मरकुस १३:२८-३१; लूका २१:२९-३३)

32 "अंजीर इन मारर देल ईद शकषिा ताकोमी: याग अदुरद डगाली मुलायम आगताव अदकि याल्ला होळली कुरताव, रा नीव जानस कोमतीर की बसुल इन दनि हात्ती आद. 33 ईदा रीतदिल याग नीव ईव मातगोळी आगतेला नोळीर, रा जानस कोमी की अद दरवाजा मा का आद", अदकि अद दरवाजा मा का आद. 34 ना नीम से खरा अनतीन की यागासताका इव सप्पा मातगोळ पुरा आगालव, आगासताका ईद पीदी इन अन्त आगतीदील. 35 आकाश अदकि पृथ्वी टलुसेदति, लेकीन नान मातगोळ यागलु टलुसतीदलि."

अनजान दनि अदकि समय

(मरकुस १३:३२-३७; लूका १७:२६-३०,३४-३६)

36 "लेकीन आ दनि अदकि आ समय इन बारा दा यारु जानसालुर, न स्वर्गदूतगोळ अदकि ना मळसा अन पार, लेकीन सरिक आप्प जानसतान." 37 "ह्यांग नूह अन दनि ईरव, हांग अच मळसा अन पार उन भी बरोद आदीत. 38 ह्यांग नीर इन बाळ बरा से पयला अन्द दनिगोळ ताका लॉकुर तति-कुडुत ईततुर, अदकि मदा माळत ईततुर यागासताका नूह जहाज मा येरीदलि. 39 अदकि यागासताका जल परलय बंदकु आ सप्पा मुंदरी वाहुसकु ओतीदलि, आगासताका आंदरी येनु उच पता नळददिल; हांग अच मळसा अन पार उन भी बरोद आदीत. 40 आ समय दा येदह मुंदुर केई दा क्यालसा माळत ईततार, ऊंद नेगुकु आदान अदकि दुसरा बटिकु आदान. 41 येदह आरतेर जाता दा पीसुसतेला ईततार, ऊंद नेगुकु आदार अदकि दुसरा बटिकु आदार"

\* 24:13 २४:३३ मन्ती १०:२२ \* 24:17 २४:१७ लूका १७:३१ \* 24:21 २४:२१ प्रकाशतिवाक्य ७:१४ \* 24:21 २४:२१ दानयियेल १२:१; प्रकाशतिवाक्य ७:१४ \* 24:26 २४:२६ लूका १७:२३,२४ \* 24:28 २४:२८ लूका १७:३७ \* 24:28 २४:२८ लूका १७:३७ \* 24:29 २४:२९ प्रकाशतिवाक्य ६:१२; प्रकाशतिवाक्य ६:१३ \* 24:30 २४:३० प्रकाशतिवाक्य १:७ \* 24:30 २४:३० दानयियेल ७:१३; जकरयाह १२:१०-१४ \* 24:33 २४:३३ समय हात्ती वरतयाद

42 “इदुरसाटी जागसतेला ईरी, यतकी नीव जान्सालीर क नीम परभु याता दशी बंदान. 43 “लेकीन ईद जान्स कोमी क अगर मान्ना अनंद स्वामी जान्स कोमायदुन क चोर यास मुरा बंदान रा च्याता ईरायदुन, अदक तान मान्ना अन काळलपनी ईला आग गोळायदुन. 44 इदुरसाटी नीव भी तयार ईरी, यतकी याता घळी आऊन बरोद वारा दा नीव सोच भी सकालीर, अदा घळी मंळसा अन पार होट बंदान.”

वशिवासयोग्य दास अदक दुष्ट दास  
(लूका १२:४१-४८)

45 “इदुरसाटी आव वशिवासयोग्य अदक बुद्धमिान दास याव हुन, यारी स्वामी तान नौकर-चाकरगोळ मा अधिकारी ठहरूसदुन क समय मा आंदरी ऊमली कोळुल? 46 धन्य आन आव दास, यारी आऊन स्वामी बंदक हगि अच माळतेला नोळुल. 47 ना नीम से खरा अनतीन, आ स्वामी आऊक तान सप्पा संपत्ती मा अधिकारी नयिकुत माळयान.” 48 लेकीन अगर आ दुष्ट दास ईद सोचुल क नान स्वामी इक बरली समय आद, 49 अदक तान संगी दासगोळी बडली हतुल, अदक सारा कुडावाळेर सांगुळ तनिल-कुडुल. 50 रा आ दास उन स्वामी ईतता दनि दा बंदान, याग आव आऊन हादी ईला कायतीदान, अदक हगि समय यदरी आव जान्सालुन, 51 आग स्वामी आऊक कठोर दण्ड कोट्टान अदक आऊन पापगोळी कपटीगोळ सांगुळ आळदान: यल लॉकर सरिफ वरलतोदार अदक हल्ल कचतोदार.

## 25

हत्त कुवारा पोरगोळ्द उदाहरण

1 “स्वर्ग इन राज्य आ हत्त कुवारा पोरगोळ धाई ईततीत जो तान मशाल हुडुकु मंळगार से भेट माळली होदार. 2 आंदुर दा टू अईद मूरख अदक अईद समझदार ईरोर. 3 आ अईद मूरख पोरगोळ तान मशालगोळ रा हुळदुर, लेकीन तान सांगुळ याणणा हुळदीदलि; 4 लेकीन समझदार पोरगोळ तान मशालगोळ सांगुळ तान चाळीगोळ दा याणणा भी तुम कोंडुर. 5 याग मंळगार उक बरली समय आत्त, रा आंदुर सप्पा पोरगोळ जपसली कुरतुर अदक मगिंदुर.”

6 “आरथा ईळलक इक धूम मचुसत: ‘नोळी, मंळगार बरेत्यान! आऊन से भेट माळोर साटी नळी.’ 7 आग आंदुर सप्पा कुवारा पोरगोळ यदक तान मशालगोळी ठीक माळली कुरतुर. 8 अदक मूरख पोरगोळ समझदार पोरगोळ से अंदुर, ‘तान याणणा दा टू थ्वाळासा नामी भी कोळी, यतकी नाम मशालगोळ नूनेत्याव.’ 9 लेकीन समझदार पोरगोळ उत्तर कोट्टुर, ईला! नाव कोळ सकालेव. कदाचित ईद नाम अदक नीम साटी पुरा आगदिल, भला रा ईद आद क नीव याणणा मारावाळेर हात्ती होगकु तान साटी कोंडकु तंदकोमी.’ 10 याग आंदुर याणणा कोमोर साटी होगोर रा मंळगार होटबंदुन, अदक जो तयार ईरोर, आंदुर आ मंळगार उन सांगुळ यल मदा आगताव आ मान्ना दा होटोदुर अदक दरवाजा बंद माळकु आगीत.”

11 “इदुर बाददा आंदुर दुसरा कुवारा पोरगोळ भी बंदकु अनली कुरतुर, हे स्वामी, हे स्वामी, नाम साटी दरवाजा तूर अदक नामी बुळक बरगोळ! 12 आ मंळगार उत्तर कोट्टुन, ‘ना नीम से खरा अनतीन, ना नीमी अरालीन.’”

13 इदुरसाटी जागसतेला ईरी, यतकी नीव न आ दनि इक जान्सतीर, न आ समय इक.\*

मुर दासगोळ्द उदाहरण  
(लूका १९:११-२७)

14 “स्वर्ग इन राज्य आ मंळसा अनंद धाई ईततीत याव परदेश होगाहोती तान दासगोळी कारूकु तान धन आंदरी सौपस बुट्टुन. 15 आव पयला अक अईद हजार वहान्ना अन सक्कागोळ कोट्टुन, दुसरा अक येदद, अदक तीसरा अक ऊंद; मतलब हर ऊंद मंळसा अक आऊन सामर्थ्य इन अनुसार कोट्टुन, अदक आग परदेश होटोदुन. 16 आग, याऊक अईद हजार वहान्ना अन सक्कागोळ सक्कीदव, आव तुरन्त होगकु सक्कागोळ देल लेन देन माळदुन, अदक अईद हजार सक्का मात्त कमुसदुन. 17 ईदा रीत देल याऊक येदद हजार सक्कागोळ सक्कीदव, आव भी येदद हजार सक्कागोळ मात्त कमुसदुन. 18 लेकीन याऊक ऊंद हजार वहान्ना अन सक्कागोळ सक्कीदव, आव होगकु मूणण अगुळदुन, अदक तान स्वामी इन धन मूणण दा होचकु ईटदुन.”

19 “हापाळ दनि इन बाददा आ दासगोळ्द स्वामी बंदकु आंदुर से हसाब ताकोमली कुरतुन. 20 याऊक अईद हजार वहान्ना अन सक्कागोळ सक्कीदव, आव अईद हजार सक्कागोळ मात्त तनकु अंदुन, हे स्वामी, नी नानी अईद हजार वहान्ना अन सक्का कोटीद, नोळ, ना अदुर मा अईद हजार सक्कागोळ मात्त कमूसीन. 21 आऊन स्वामी आऊन से अंदुन, ‘शाव्बास, हे वळलेव अदक वशिवासयोग्य दास, नी थ्वाळासा दा वशिवासयोग्य ईत्त; ना नीनी हापाळ वसतुगोळ्द अधिकारी माळाईन. तान स्वामी इन खुशी दा सहभागी आग.’”

22 “अदक याऊक येदद हजार सक्कागोळ सक्कीदव, आव भी बंदकु अंदुन, हे स्वामी, नी नानी येदद हजार सक्कागोळ सौपसीद, नोळ, ना येदद हजार सक्कागोळ मात्त कमुसदनि. 23 आऊन स्वामी आऊन से अंदुन, ‘शाव्बास, हे वळलेव अदक वशिवासयोग्य दास, नी थ्वाळासा दा वशिवासयोग्य ईत्त; ना नीनी हापाळ वसतुगोळ्द अधिकारी माळाईन. तान स्वामी इन खुशी दा सहभागी आग.’”

24 “आग याऊक ऊंद हजार वहान्ना अन सक्कागोळ सक्कीदव, आव बंदकु अंदुन, हे स्वामी, ना नीनी अरतीन क नी कठोर मंळसा आय: नी यल टु बोऊसाल अल टु कडुत्या, अदक यल बीजा हाकाल अल टु ताकोमत्या.

\* 24:43 २४:४३ लूका १२:३९,४० \* 25:1 २५:१ लूका १२:३५ \* 25:11 २५:११ लूका १२:३५ \* 25:13 २५:१३ मरकुस १३:३५; लूका १२:४० \* 25:14 २५:१४ लूका १९:११-१२-१७

25 इदुरसाटी ना अंजेदीन अदकि होगकु नीन व्हान्ना अन सक्किगोळ मुण्ण दा होचकु इटदीन. नोळ, जो नींद आद, अद ईंद हुन.’”

26 आऊन स्वामी आऊक उत्तर कोट्टुन, “हे दुष्ट अदकि आलसी दास, याग नी ईंद जानसुया कियल ना बोऊसीदलि अल टु कडुतीन, अदकि यल ना बीजा हाकीदील अल टु ताकोमतीन; 27 आग नी ईंद माळाईद कानान धन सावकार उन हात्ती ईट बुळाईद, आग ना बंदकु तान धन ब्याज समेत आऊन से ताकोम कोमायदीन. 28 इदुरसाटी आऊन से अव ऊंद हज्जर सक्किगोळ ताकोमकोमी, अदकि यार्द हात्ती हत्त हज्जर सक्किगोळ आव, आऊक कोटबुळी. 29 यतकी यार हात्ती आद, आऊक मात्त कोटकु आदीत; अदकि आऊन हात्ती हापाळ आगेदीत: लेकीन याऊन हात्ती हैलेच, आऊन से अद भी जो आऊन हात्ती आद, ताकोमकु आदीत. 30 अदकि ई नकिम्मा दास उक व्हाऱ्या अंधार दा हाक्क बुळी, यल वोरलोद अदकि हल्ल कचोद आदीत.”

आखरी न्याय

31 आग मंळसा अन पार तान महमा दा बंदान अदकि सप्पा स्वरगदूत आऊन सांगुळ बंदार, रा आव तान महमा अन्द सहासना मा वरिजमान आदान. 32 अदकि सप्पा राज्य अन लॉकुर आऊन मुंद जमा माळकु आदार; अदकि ह्यांग चरवाह लांडग्यागोळी मरगोळ से अलग माळ बुळतान, हांग अच आव आंदरी आबुर दाबुर से अलग माळयान. 33 आव लांडग्यागोळी ऊम्मा कय मा अदकि मरगोळी डाक्या कय मा नीदरस्यान. 34 आग राजा तान ऊम्मा कय दी नीदरावाळेर से अंदान, हे नांद आप्प उन धन्य लॉकुरा, बरी, आ राज्य अन्द अधिकारी आगेगी, जो दुनया अन्द पयला टु उच नीम साटी तयार माळकु आग्याद. 35 यतकी ना हस्तकु ईरीन, अदकि नीव नानी तनिली कोटटीर; ना नरिळकु ईरीन, अदकि नीव नानी नीर कुळसदीर; ना अनजान ईरीन, अदकि नीव नानी ताम मान्या ईटदीर; 36 ना ऊगळा ईरीन, अदकि नीव नानी कपळा हाक्सुसदीर; ना बमिर ईरीन, अदकि नीव नान देखभाल माळदीर, ना बंदीगूह दा ईरीन, अदकि नीव नान से भेट ताकोमली बंदीर.’

37 “आग न्यायी लॉकुर आऊक उत्तर कोट्टार, हे प्रभु, नाव याग नीनी हस्तकु नोळदेव अदकि तीनुसदेव? या नरिळकु नोळदेव अदकि नीर कुळसदेव? 38 नाव याग नीनी अनजाना नोळदेव अदकि तान मान्या ईटदेव? या ऊगळा नोळदेव अदकि कपळा हाक्सुसदेव? 39 नाव याग नीनी बमिर या बंदीगूह दा नोळदेव अदकि नीन से भेट माळली बंदेव?” 40 आग राजा आंदरी उत्तर कोट्टान, ‘ना नीम से खरा अनतीन क नीव जो नान स्याळद से स्याळद वारट्टु दा टु यावारा ऊंद मंळसा अन्द सांगुळ माळदीर, अद नांदा सांगुळ माळदीर.’”

41 “आग आव डाक्या कय दी नीदरावाळेर से अंदान, हे शापति लॉकुरा, नान मुंद टु अद अनन्त बेक्की दा होटोगी, जो शैतान अदकि आऊन दूतगोळ साटी तयार माळकु आग्याद. 42 यतकी ना हस्तकु ईरीन, अदकि नीव नानी तनिली कोटीदील; ना नरिळकु ईरीन, अदकि नीव नानी नीर कुळसदील; 43 ना अनजाना ईरीन, अदकि नीव नानी तान मान्या ईटीदील; ना ऊगळा ईरीन, अदकि नीव नानी कपळा हाक्सुसीदलि; ना बमिर अदकि बंदीगूह दा ईरीन, अदकि नीव नान देखभाल माळीदील.’

44 “आग आंदुर उत्तर कोट्टार, हे प्रभु, नाव नीनी याग उपासा, या नरिळकु, या परदेशी, या ऊगळा, या बमिर, या बंदीगूह दा नोळदेव, अदकि नींद स्यावा टहल माळीदलि?” 45 आग आव आंदरी उत्तर कोट्टान, ‘ना नीम से खरा अनतीन क नीव जो ई स्याळद टु स्याणेर दा टु यावारा ऊंद मंळसा अन सांगुळ माळीदलि, अद नांद सांगुळ भी माळीदलि.’ 46 अदकि इदुर अनन्त दण्ड भोगसोर साटी कळुकु आदार लेकीन न्यायी लॉकुर अनन्त जीवन दा प्रवेश माळ्यार.”

## 26

यीशु उन खलिाप साजीश

(मरकुस १४:१-२; लूका २२:१-२; यूहन्ना ११:४५-५३)

1 याग यीशु इव सप्पा मात अंद बुट्टुन रा तान चेलागोळ से अनली कुरतुन, 2 “नीव जानसतीर कियेद्व दनि इन बाददा फनह अन्द हाव्व आद, अदकि मंळसा अन्द पार कूस मा येरसोर साटी हुळसुसकु आदान.”\*

3 आग प्रधान याजक अदकि पूजा अन्द पुरनिए कैफा हेसुर इन महायाजक उन भवन दा जमा आदुर, 4 अदकि आपस दा वचाार माळली कुरतुर क यीशु उक गुप्त तरीका देल हुळकु कोद बुटेव. 5 लेकीन आंदुर अनतोगार, “हाव्वा अन समय दा ईला, ईलारा हांग आगबाळुल कालॉकुर दा दंगा फसाद आगेगुल.”

बैतनयियाह दा यीशु उन अभषिक

(मरकुस १४:३-९; यूहन्ना १२:१-८)

6 याग यीशु बैतनयियाह दा शमौन कोदी इन मान्या ईरोन, 7 आ ऊंद आरत संगमरमर इन वाटुल दा बारर ईत्तर हुळकु यीशु उन हात्ती बंदुर, अदकि याग आव ऊमोर साटी कुरतीदुन रा आऊन तालला मा ऊलटुसदुर. 8 ईद नोळकु आऊन चेलागोळी सट्टि बत्त अदकि आंदुर अनली कुरतुर, “ई ईत्तर येती बरबाद माळकु आग्याद? 9 इदरी रा वळलीद दाम दा मारकु कंगालगोळ दा वाटसकु आग सकोद.”

10 ईद जानसकु यीशु आंदुर से अंदुन, “आ आरत इक येती सतुसतीर? आक नान साटी भलाई इन कयाल्सा माळ्यार. 11 कंगाल रा नीम सांगुळ हमेशा ईरतार, लेकीन ना नीम सांगुळ हमेशा ईर सकालीन. 12 आक नान मय मा

\* 25:29 २५:२९ मत्ती १३:१२; मरकुस ४:२५; लूका ८:१८  
१६:२७; मत्ती ११:२८

\* 26:2 २६:२ नरिगमन १२:१-२७

\* 25:30 २५:३० मत्ती ८:१२; २२:१३; लूका १३:२८

\* 26:7 २६:७ लूका ७:३७,३८

\* 25:31 २५:३१ मत्ती

जो ईत्तर हाक्यार, अद नान सोत्तर बाददा नळसकु आगोद तयारी हुन. 13 ना नीम से खरा माताळतीन, कसि सप्पा दुनयाि दा येल्यारा भी ईद खुशखबरी प्रचार माळकु आदीत, अल आकनि ईद क्यालसा अन्द वरणन भी आकनि याद दा माळकु आदीत.”

यहूदा इस्करयिती इन वशिवासघात  
(मरकुस १४:१०-११; लूका २२:३-६)

14 आग यहूदा इस्करयिती, जो हन्नेळ चेलगोळ दा टु ऊंद ईरोन, प्रथान याजकगोळद हात्ती होदुन, 15 अदकि आव अंदुन, “अगर ना आऊक नीम कय दा हूळसुस कोळाईन रा नानी येन कोट्टीर?” आंदुर आऊक तीस चाँदी नव सकिकागोळ आळकु कोट बुदुर. 16 अदकि आव अदा समय टु आऊक हूळसुसोद सही मवका दुंदसली कुरतुन.

चेलगोळद सांगुळ फसह हाबब इन आखरी भोज  
(मरकुस १४:१२-२१; लूका २२:७-१३,२१-२३; यूहन्ना १३:२१-३०)

17 अखमीरी रोट्टी इन हाबब इन पयला दनि, चेलगोळ यीशु उन हात्ती बंदकु केळली कुरतुर, “नी येन चाहासत्या कनि नाव नीद साटी फसह तनिद तयारी माळव?”

18 यीशु अंदुन, “नगर दा अमुक मळसा अन्द हात्ती होगकु आऊन से अनी, गुरु अनेत्थान कनि नांद समय हात्ती आद. ना तान चेलगोळद सांगुळ नीन मान्या फसह हाबब मानसाईन.”

19 इदुरसाटी चेलगोळ यीशु उन आगया सर्वीकार माळदुर अदकि फसह तयार माळदुर.

20 याग द्याव आत रा आव हन्नेळ चेलगोळ सांगुळ ऊमली कुरतीदुन. 21 याग आंदुर तीनोर रा यीशु अंदुन, “ना नीम से खरा अनतीन कनि नीम दा टु ऊंद नानी हूळसुसयान.”

22 इदुर मा आंदुर च्याच उदास आदुर, अदकि हर ऊंद चेला यीशु से केळली कुरतुन, “हे गुरु, येन आव ना हुईन?”

23 यीशु उत्तर कोट्टुन, “आव जो नान सांगुळ तंळग्या दा ऊमतान, आवा नानी हूळसुसकु सोपसयान. 24 ना मळसा अन्द पार ह्यांग नान बारा दा शास्त्र दा लखिसकु आद, अद आदीत अच; लेकीन आ मळसा अन्द साटी शोक आद याऊन दवारा मळसा अन पार हूळसुसकु आदान: अगर आ मळसा अन्द जनम अच ईला आगाईत, रा आऊन साटी भला आगाईत.”\*

25 आग यीशु उक हूळसुसकु सौप्सावाळा यहूदा अंदुन, “हे गुरु, येन आव ना हुईन?”

यीशु आऊन से अंदुन, “नी रा अंदबुट.”

प्रभु भोज  
(मरकुस १४:२२-२६; लूका २२:१४-२०; १ कुरनिथि ११:२३-२५)

26 “याग आंदुर ऊमोर रा यीशु रोट्टी ताकोडुन, अदकि आशीष बेळकु मुरदुन, अदकि चेलगोळी कोटक अंदुन, हुडी, तनि; ईद नांद मय हुन.”

27 बाक यीशु कटोरा हूळकु धन्यवाद माळदुन, अदकि आंदरी कोटक अंदुन, “नीव सप्पा लाँकुर इदुर दा टु कुडी, 28 यतकी ईद वाचा अन्द नान अद रक्ता हुन, जो सप्पा लाँकुर पापगोळ माफ अन्द साटी वाहुसकु आगतद. 29 ना नीम से खरा अनतीन कनि अंगुर इन ईद राससा आ दनि ताका यागलु कुदालीन, यागासताका नीम सांगुळ तान आप्प उन राज्य दा व्हाशोद राससा कुडू कोमालीन.”

30 बाक आंदुर भजन हाळत-हाळत जैतून पहाळी मा होदुर.

पतरस उन इनकार इन भवषियवाणी  
(मरकुस १४:२७-३१; लूका २२:३१-३४; यूहन्ना १३:३६-३८)

31 आग यीशु चेलगोळ से अंदुन, “नीव सप्पा मुंदुर ईदल्या ईळलक इक नांद बारा दा टोकर तदिर, यतकी शास्त्र दा लखिसकु आद: ‘ना चरवाह अक कोनाईन, अदकि झुण्ड इन म्यांडागोळ ततिर-बतिर आगेदव.’” 32 लेकीन ना तान जत्तिता आगदुर बाददा नीम से पयले गलील इक हागाईन.”

33 इदुर मा पतरस यीशु से अंदुन, “अगर सप्पा मुंदुर नीन बारा दा टोकर तदिर रा तदिर, लेकीन ना यागलु टोकर तनितीदील.”

34 यीशु आऊन से अंदुन, “ना नीन से खरा अनतीन कनि ईदल्या ईळलकी हुंज इन कुग्गोर से पयले, नी मुर घन नांद इनकार माळ्या.”

35 पतरस यीशु से अंदुन, “अगर नानी नीन सांगुळ सायोद भी बदिदीत, तरी ना नीद यागलु इनकार माळतीदील.” अदकि हगि अच सप्पा चेलगोळ भी अंदुर.

गतसमनी दा प्रार्थना  
(मरकुस १४:३२-४२; लूका २२:३१-४६)

36 आग यीशु तान चेलगोळद सांगुळ गतसमनी हेसुर इन ऊंद जागा दा बंदुन अदकि तान चेलगोळ से अनली कुरतुन, “ईल्या कुरतकु ईरेतीर, आगासताका ना अल होगकु प्रार्थना माळतीन.” 37 यीशु पतरस अदकि जब्दी इन येदुदु पारगोळी सांगुळ ओतुन, अदकि उदास अदकि व्याकुल आगली कुरतुन. 38 आग यीशु आंदुर से अंदुन, “नान मन च्याच उदास आद. इल ताका कनि नान जीव होळतेला आद. नीव ईल्या टह्रूसी अदकि नांद सांगुळ च्याता ईरी.”

\* 26:24 २६:२४ भजन संहिता २२:७-८; यथायाह ५३:१

\* 26:31 २६:३१ जकर्याह १३:७

\* 26:32 २६:३२ मत्ती २८:१६

39 बाक यीशु धवाळासा मातूत मुंद होगकु बाय इन भार देल बदिदुन, अदकि ईद प्रार्थना माळदुन, “हे नांद आप्पा, अगर आग सकूल रा ईद संकट नान मा टु टलसेगुल, तौमी हयांग ना चाहासतीन हांग ईला, लेकीन हयांग नी चाहासत्या हांग अच आगुल.”

40 बाक यीशु चेलागोळ्द हात्ती बंदकु आंदरी मगितेला नोळदुन अदकि पतरस से अंदुन, “येन नीव नान सांगुळ ऊंद घळी भी च्याता ईला ईर सकीर? 41 नीव परीक्षा दा बळितीदील इदुरसाटी च्याता ईरी, अदकि प्रार्थना माळतेला ईरी: आत्मा रा तयार आद, लेकीन शरीर कमजोर आद.”

42 बाक यीशु दुसरा बार होगकु ईद प्रार्थना माळदुन, “हे नांद आप्पा, अगर ईद नांद कुढा बनिा ईला हट्सतीदाद रा नीद इच्छा पुरा आगुल.” 43 आग यीशु बंदकु आंदरी मातूत मगितेला नोळदुन, यतकी आंदुरव कण्णगोळ जप देल तुमकु ईरव.

44 आंदरी बटिकु यीशु मातूत होटोदुन, अदकि अवा आवाजगोळ दा मातूत तीसरा बार प्रार्थना माळदुन. 45 आग यीशु चेलागोळ्द हात्ती बंदकु आंदुर से अंदुन, “ईंग मगितेला ईरी, अदकि आराम माळी: नोळी, घळी होट बंदाद, अदकि ना मळसा अन्द पार पापीगोळ कय देल हूळसुसकु आगाईन. 46 येळी, होगता; नोळी, नानी धवाका देल हूळसुसकु सौप्सावाळा नान हात्ती होट्ट बंदान.”

यीशु उन धवाका देल हूळसुसकु आगोद  
(मरकुस १४:४३-५०; लूका २२:४७-५३; यूहन्ना १८:३-१२)

47 यीशु ईद अनतेला अच ईरोन कयिहूदा जो हनुनेळ चेलागोळ दा टु ऊंद ईरोन बंदुन, अदकि आऊन सांगुळ प्रधान याजकगोळ अदकि लॉकुरद पुरनयागोळ दी टु धोळ भीळ तलवारगोळ अदकि कोलगोळ हूळकु बंदुर. 48 यीशु उक हूळसुसावाळा आंदरी ईद संकेत कोटीदुन: “यार्द ना चुम्मा ताकोमाईन आवा हुन; आऊक हूडु कोमेतीर.”

49 अदकि तुरन्त यीशु उन हात्ती बंदकु अंदुन, “हे गुरु, नमस्कार!” अदकि आऊंद हापाळ चुम्मा ताकोडुन.

50 यीशु आऊन से अंदुन, “हे संगी, या क्यालसा अन्द साटी नी बंद्या, अदरी माळकोम.”

आग आंदुर हात्ती बंदकु यीशु मा कय हाकदुर अदकि आऊक हूडुकोडुर. 51 यीशु उन संगीगोळ दा टु ऊंद संगी कय मुंद माळकु तान तलवार जेडु कोडुन अदकि महायाजक उन दास मा नळसकु आऊन कवि हास बूट्टुन. 52 आग यीशु आऊन से अंदुन, “तान तलवार मयान दा ईट कोम यतकी जो तलवार नळसतार आंदुर सप्पा मुंदुर तलवार देल नाश माळकु आदार. 53 येन नी जानसाल काना तान आप्पा उन से वनिती माळ सकतीन, अदकि आव स्वर्गदूतगोळ्द हनुनेळ पलटन से यककूल नान हात्ती ईगलया उपस्थति माळ बुटान? 54 लेकीन पवतिरशास्त्र नव अव मातगोळ कहिगि अच आगोद जरूरी आद, हयांग पुरा आदव?”

55 आ समय यीशु भीळ से अंदुन, येन नीव तलवारगोळ अदकि कोलगोळी हूळकु नानी डाकूगोळ घाई हुडुली होटीर? ना हर रोज मंदरि दा कूरतकु उपदेश कोळतोगीन, आग रा नीव नानी हूळददिल.

56 “लेकीन ई सप्पा इदुरसाटी आगयाद कभविषयवक्तागोळ्द वचन पुरा आगुल.” आग सप्पा चेलागोळ यीशु उक बटिकु वोळदुर.

महासभा अन्द मुंद यीशु  
(मरकुस १४:५३-६५; लूका २२:५४-५५,६३-७१; यूहन्ना १८:१३-१४,१९-२४)

57 आग यीशु उक हुडावाळेर आऊक कैफा हेसुर इन महायाजक उन हात्ती ओतुर, यल नयिम इन गुरु अदकि पुरवजगोळ जमा आगीदुर. 58 पतरस दुर दुर टु उच आऊन हदि-हदि महायाजक उन आंगुळ ताका होदुन, अदकि बुळक होगकु यीशु उन अन्त नोळली सपिाहीगोळ सांगुळ कुरतोदुन. 59 प्रधान याजक अदकि सप्पा महासभा यीशु उक कोननोर साटी आऊन वरिध दा ख्वाटा गवाही इन खोज दा ईरोर, 60 लेकीन हापाळ सा ख्वाटा गवाहगोळ बंदुर मा भी आंदरी येनु हासलिल आगीदील. आखरी दा येदूद मुंदुर बंदुर, 61 अदकि अंदुर, “ईव अंदान काना परमेश्वर उन मंदरि इक केडु सकतीन अदकि अदरी मुर दनि दा माळ सकतीन.”

62 आग महायाजक नीदुरकु यीशु से अंदुन, “येती नी येनु उत्तर कोळाल? ई लॉकुर नीन वरिध दा येन गवाही कोळेतयार?” 63 लेकीन यीशु सुंगा ईत्तुन. आग महायाजक यीशु से अंदुन, “ना नीनी जतिता परमेश्वर उन करिया कोळतीन काना अगर नी परमेश्वर उन पार मसीह हुय, रा नाम से अंद बुळ.”

64 यीशु आऊन से अंदुन, “नी रा खुद अच अंदबुट; लेकीन ना नीम से ईद भी अनतीन कहिगी टु नीव मळसा अन पार उक सर्वशक्तमिन उन ऊमा कय दी कूरत, अदकि आकाश इन बादलगोळ मा बरत नोळीर.”

65 इदुर मा महायाजक तानव कपळा हरदुन अदकि अंदुन, “ईव परमेश्वर उन अपमान माळयान, ईग नामी गवाहगोळ्द येन जरवत आद? नोळी, नीव ईगलया ईद अपमान केळीर! 66 नीव येन सोचेतीर?”

आंदुर उत्तर कोट्टुर, “ईव मृत्यु दण्ड इन योगय आन.”

67 आग आंदुर यीशु उन बाय मा ऊगुळदुर अदकि आऊक बुक्की बळदुर, दुसरा लॉकुर कयाबरा बळकु अंदुर, 68 “हे मसीह, नाम से भविष्यवाणी माळकु अन कयार नीनी बळदुर?”

पतरस उन इनकार  
(मरकुस १४:६६-७२; लूका २२:५६-६२; यूहन्ना १८:१५-१८,२५-२७)

69 पतरस व्हार्या आंगुळ दा कूरतकु ईरोन काना ऊंद दासी आऊन हात्ती बंदुर अदकि अंदुर, “नी भी यीशु गलीली इन सांगुळ ईर्या.”

70 आव सप्पा मुंदुरद मुंद ईद अनतेला इनकार माळदुन, “ना जान्सालीन नी येन अनीत्या.” 71 याग आव व्हारया दरवाजा मा होदुन, रा दुसरा दासी आऊक नोळकु आंदुर से अंदुर जो अल ईरोर, “ईव भी रा आ यीशु नासरी इन सांगुळ ईरोन.”

72 आव करिया तनिकु मातत इनकार माळकु अंदुन: “ना आ मळसा अक अरालीन.”

73 घळती तमिर बाद्दा लॉकरु जो अल नीदुरकु ईरोर, पतरस उन हातती बंदकु आऊन से अंदुर, “खराखुरा नी भी आंदुर दा टु ऊद हुय, यतकी नीन बोली भाषा नीद भेद खोलस बुळतद.”

74 आग आव मना माळली अदकि करिया तनिली कुरतुन: “ना आ मळसा अक अरालीन.” अदकि तुरन्त हुंज कुग्त. 75 आग पतरस उक यीशु उन आ मात याद बतत: “हुंज इन कुगुगोर से पयले नी मुर घन नान इनकार तुम्या.” अदकि आव व्हारया होगकु हापाळ दुखी आगकु वरलदुन.

## 27

पलितासुस उन मुंद यीशु

(मरकुस १५:१; लूका २३:१,२; यूहन्ना १८:२८-३२)

1 याग व्हातुर आत रा सब प्रधान याजक लॉकरुद पुरनएिगोळ यीशु उक कोंद बुळोद साटगाट माळदुर. 2 आंदुर आऊक कटदुर अदकि बोतकु पलितासुस न्यायाधीश उन कय दा कोट बुटदुन.

यहूदा तान कय देल सोततुन

(प्रेरतिगोळ १:१८,१९)

3 याग यहूदा, याव यीशु उक हूळसुसीदुन, ईद नोळदुन कि यीशु उक दोषी ठहरूसकु आग्याद, रा आव पळतासदुन, अदकि चाँदी नव तीस सक्किगोळी प्रधान याजक अदकि पुरनएिगोळी वापस माळदुन 4 अदकि अंदुन, “ना ऊद नरिदोष मळसा अक ध्वाका देल कोन्नोर साटी हूळसुसकु पाप माळदीन!” आंदुर अंदुर, “नामी येन माळोद आद? नी तान जान्स.”

5 आग आव आ सक्किगोळी मंदरि दा भटिकु होटोदुन, अदकि होगकु खुद तान-तान इक फाँसी हचदुन.

6 प्रधान याजकगोळ आ सक्किगोळी हूळकु अंदुर, “इवरी, दान भंडार दा ईटोद उचित हेल्लेच, यतकी ईद खुन इन दाम हुन.” 7 अदकि आंदुर आपस दा साटगाट माळदुर अदकि आ पैसागोळ देल परदेशीगोळी नळसोर साटी गळग्या माळावाळा अनद केई कोंडुर. 8 इदुर कारण आ केई ईगासताका खुन इन केई कहलुसतद.

9 आग आ वचन यरिमयाह भवषियवक्ता अनद द्वारा अंदकु आगीत अद पुरा आत: “आंदुर आ तीस सक्कि मतलब आ जो ठहरूसद दाम इक (यदरी इस्त्राएल इन औलाद दा टु यास मुंदुर ठहरूसीदुर) ताकोम कोंडुर, 10 अदकि ह्यांग प्रभु नानी आग्या कोटीदुन हाग अच अवरी गळग्या माळावाळर्ड केई इन दाम दा कोट बुटदुन.”

पलितासुस उन प्रश्न

(मरकुस १५:२-५; लूका २३:३-५; यूहन्ना १८:३३-३८)

11 याग यीशु न्यायाधीश उन मुंद नदिरकु ईरोन रा न्यायाधीश आऊन से केळदुन, “येन नी यहूदीगोळद राजा हुय?”

यीशु आऊन से अंदुन, “नी खुद अच अनेत्या.” 12 याग प्रधान याजक अदकि पुरनएि आऊन मा दोष हचचोर, रा यीशु येनु उत्तर कोटीदील.

13 इदुर मा पलितासुस यीशु से अंदुन, “येन नी येनु केळाल कि इंदुर नीन वरिध दा याट गवाही कोळेत्यार?”

14 लेकीन यीशु आऊक ऊद मात इन भी उत्तर कोटीदील, इल ताका कि न्यायाधीश उक हापाळ आश्चर्य आत.

यीशु उक मृत्यु-दण्ड इन आग्या

(मरकुस १५:६-१५; लूका २३:१३-२५; यूहन्ना १८:३९; १९:१६)

15 न्यायाधीश उन ईद रीत ईरोद कि आ हाबब दा लॉकरुद साटी यावारा ऊद कैदी इक यारी आंदुर चाहासतोगोर, बळितोगोन. 16 आ समय दा आंदुर बंदीगूह दा बरअब्बा हेसुर ईनव ऊद जाना माना कैदी ईरोन. 17 इदुरसाटी याग आंदुर जमा आदुर, रा पलितासुस आंदुर से अंदुन, “नीव यार इक चाहासतीर कि ना नीम साटी बटि बुळाईन? बरअब्बा अक, या यीशु उक जो मसीह कहलुसतान?” 18 यतकी आव जानसोन कि आंदुर यीशु उक ध्वाका देल हूळसुसकु सोपस्यार.

19 याग पलितासुस राजा न्याय इन गद्दी मा कुरतकु ईरोन रा आऊन हगिस आऊक बुलावा कळदुर कि, “नी आ न्यायी मळसा अनद मामला दा कय हाकबाळ, यतकी ना ईद कानसा दा आऊन कारण हापाळ दुख नेगदीन.”

20 प्रधान याजकगोळ अदकि पुरनएिगोळ लॉकुरी भळकुसदुर कि आंदुर बरअब्बा अक वेळ कोमूल, अदकि यीशु उन नाश माळसुसुल. 21 न्यायाधीश आंदुर से केळदुन, “इंदुर येदहु मुंदुर दा टु यार इक चाहासतीर कि ना नीम साटी बटि बुळाईन? आंदुर अंदुर, बरअब्बा अक.”

22 पलितासुस आंदुर से केळदुन, “बाक यीशु उक जो मसीह कहलुसतान, येन माळाईन?”

सप्पा मुंदुर पलितासुस राजा से अंदुर, “आऊक कूस मा येरस बुळ!”

23 न्यायाधीश अंदुन, “यती, आव येन बुराई माळयान?”

लेकीन आंदुर मातत चळिलास-चळिलासकु अनली कुरतुर, “आऊक कूस मा येरस बुळ.”

24 याग पलातुस नोळदुन कानान से येनु आगसकाल लेकीन उलटा झगळा वाळसेत्याद, रा आव नीर हुड्कु भीळ इन मुंद तान कय तोळदुन अदकि अंदुन, "ना ई मंळसा अनंद रक्ता देल नरिदोष आइन; नीव अच नोळी."

25 सप्पा लॉकुर उत्तर कोट्टुर, "ईऊन खुन नाम मा अदकि नाम औलाद मा आगुल!"

26 इदुर मा पलातुस राजा बरअब्बा अक आंदुर साटी बटि बुट्टुन, अदकि यीशु उक क्वाळा बळदकु सौप्स बुट्टुन, कफि आऊक कूस मा येरसकु आगुल.

सपिाहीगोळ द्वारा यीशु उन अपमान माळोद  
(मरकुस १५:१६-२०; यूहन्ना १९:२-३)

27 आग न्यायाधीश ईनोर सपिाहीगोळ यीशु उक कलिा दा वोतकु सप्पा पलटन आऊन नाकु दी जमा माळदुर, 28 अदकि आऊन कपळा ईळसकु आऊक क्याचांद रंग इन कपळा हाकसुसदुर, 29 अदकि मुळल इन मुकुट तयार माळकु यीशु उन ताल्ला मा ईटदुर, अदकि आऊन ऊम्मा कय दा सरकण्डा कोट्टुर अदकि आऊन मुंद ट्वांगरा टेकसकु आऊन मज्याक हार्सली कुरतुर अदकि अंदुर, "हे यहूदीगोळद राजा, नमस्कार!" 30 अदकि आऊन मा ऊगुळदुर; अदकि अदा सरकण्डा हुळकु आऊन ताल्ला मा बडुली कुरतुर. 31 याग आंदुर यीशु उन मज्याक हार्स बुट्टुर, रा अद च्वांगो आऊन मा टु ईळसकु आऊन अच कपळा आऊक हाकसुसदुर, अदकि कूस मा येरसोर साटी वयली कुरतुर.

यीशु उक कूस मा येरसकु आगोद

(मरकुस १५:२१-३२; लूका २३:२६-४३; यूहन्ना १९:१७-२७)

32 याग आंदुर व्हारया होळोर रा आंदरी शमोन हेसुर ईनव ऊंद कुरेनी मंळसा सकिदुन. आंदुर आऊक बेकार दा हुळदुर कफि आऊन कूस नेगुकु नळुल. 33 अदकि याग आंदुर आ जागा मा बंदुर जो गुलगुता कहलुसतद, मतलब खोपळी इन जागा, पोहचुसकु, 34 आंदुर पतित मल्लिसकु अंगुर इन राससा यीशु उक कुडुली कोट्टुर, लेकीन आव नेकदुन रा आऊक केय हत्त अनकु आव हुळदीदलि.

35 आग आंदुर आऊक कूस मा येरसदुर, अदकि चट्टी हाककु आऊन कपळागोळ वाटा माळदुर, 36 अदकि अल कुरतकु आऊक कायली कुरतुर. 37 अदकि आऊन दोषपत्र आऊन ताल्ला अनंद म्याकुच हचदुर, कफि "इव यहूदीगोळद राजा यीशु हुन." 38 आग आऊन सांगुळ येदढ डाकूगोळ ऊंद ऊम्मा कय दी अदकि ऊंद डाक्या कय दी, कूस मा येरसकु आदुर.

39 होगा-बरावाळेर ताल्ला आलगाळस-आलगाळसकु आऊन अपमान माळतोगोर, 40 अदकि ईद अनतोगोर, "हे मंदरि इक केळावाळा अदकि मुर दनि दा माळावाळा, तान तान इक रा ऊळस! अगर नी परमेश्वर उन पार हुय, रा कूस मा टु ईळदकु बर."

41 ईदा रीतफि देल प्रधान याजक भी नयिम इन गुरगोळ अदकि पुरनयागोळद सांगुळ मज्याक माळ माळकु अनतोगोर, 42 "इव रा च्याच मुंदुर इक ऊळसयान, अदकि तान तान इक ऊळस सकालुन. इव रा 'इसत्राएल इन राजा' हुन. ईग कूस मा टु ईळकु बंदान रा नाव आऊन मा वशिवास माळव. 43 आव परमेश्वर मा भरोसा ईटदुन; अगर आव ईऊक चाहासतान, रा ईग इऊक बळिस कोमुल, यतकी ईव अंददिन, 'ना परमेश्वर उन पार हुईन.'" 44 ईदा प्रकार डाकु भी जो आऊन सांगुळ कूस मा येरसकु आगीदुर, आऊन अपमान माळतोगोर.

यीशु उन जीव त्यागसोद

(मरकुस १५:३३-४१; लूका २३:४४-४९; यूहन्ना १९:२८-३०)

45 हननेळ मुरा टु रा मुर मुरास ताका आ सप्पा प्रदेश दा अंधार आगकु ईतत. 46 मुर मुरा अनंद हात्तीपास यीशु धोळद आवाज दा चळिलासकु अंदुन, "एली, एली, लमा शबकलनी?" मतलब "हे नान परमेश्वर, हे नान परमेश्वर, नी नानी येती बटिबुट?"

47 जो अल नीदुरकु ईरोर, आंदुर दा टु यास मुंदुर ईद केळकु अंदुर, "आव रा एलथियाह अक कारूतान." 48 आंदुर दा टु ऊंद मंळसा तुरन्त हरदुन, अदकि सर्पण हुळकु सरिका दा डोव्सदुन, अदकि सरकण्डा मा ईटकु आऊक नेकसदुन.

49 अदकि च्याच मुंदुर अंदुर, "ईलया ईरी, नोळाता एलथियाह आऊक ऊळसली बरतान का ईला."

50 आग यीशु मात्त धोळद आवाज देल चळिलासकु जीव बटि बुट्टुन.

51 अदकि नोळी, मंदरि इन परदा म्याकुच टु लयालमा ताका हरदकु येदढ तुळका आगेत: अदकि धरती डोलसेत अदकि चट्टानगोळ तळकुसेदव, 52 अदकि कब्रगोळ तेरदोदव, अदकि जो कब्रगोळ दा मंगिकु ईरोर आ पवतिर लॉकुरद हापाळ सा लाश जतिता आदव, 53 अदकि आऊन जतिता आगदुर बाद्दा आंदुर कब्रगोळ दा टु होटकु पवतिर नगर दा होदुर अदकि हापाळ मुंदुर इक काळसदुर.

54 आग सुवेदार अदकि जो लॉकुर आऊन सांगुळ यीशु उक कायोर, याग आंदुर भूकमप अदकि जो येनारा आगीत अदरी नोळकु हापाळ अंजेदुर अदकि अंदुर, "खराखुरा ईव परमेश्वर उन पार ईरोन!"

55 अल हापाळ सा आरतेर जो गलील टु यीशु उन स्यावा माळतेला आऊन सांगुळ बंदीदुर, दुर टु ईद नोळोर. 56 आंदुरदा मरयिम मगदलीनी, अदकि याकूब अदकि योसेस उन मोय मरयिम, अदकि जब्दी इन चकिोरगोळद मोय ईरोर.

यीशु उक नळसोद

(मरकुस १५:४२-४७; लूका २३:५०-५६; यूहन्ना १९:३८-४२)



57 याग द्याव आत रा यूसुफ हेसुर ईनव अरमितया अनूद ऊंद धनी मंळसा, जो खुद अच यीशू उन चेला ईरोन, बंदुन. 58 आव पलातुस उन हात्ती हागकु यीशू उन लाश वेळदुन. इदुर मा पलातुस कोळोद आग्या कोट्टुन. 59 आग यूसुफ लाश इक वोतकु बळिंद मलमल इन चदर दा गुळसदुन, 60 अदकि यीशू उक तान वहाशोद कवर दा ईटदुन, जो आव चट्टान दा अगळसीदुन, अदकि कवर अनूद दरवाजा मा धोळद कलल ढकलुसकु होटोदुन.

61 मरयिम मगदलीनी अदकि दुसरा मरयिम अल कवर अनूद मुंद कुरतकु ईरोर.

कवर मा पहरा कोळोद

62 दुसरा दशिो जो तयारी इन दनि इन वाद इन दनि ईरोद, प्रधान याजकगोळ अदकि फरीसीगोळ पलातुस उन हात्ती जमा आगकु अंदुर, 63 "हे स्वामी, नामी याद आद कि आ भरमुसावाळा याग आव जत्तिता ईरोन, अंददिन, 'ना मुर दनि इन वाद्दा जत्तिता आगाईन.' 64 इदुरसाटी आग्या कोळ कर्तीसरा दनि ताका कवर अनूद रखवाली माळकु आगुल, हगि आगवाळुल कर् आऊन चेलामोळ बंदकु आऊक काळताना माळकु वोयुल अदकि लॉकुर से अनली हतुल, 'आव सोत्तुर दा टु जत्तिता आग्यान.' आग हदिळोद धवाका पयला टु भी बुरा आदीत."

65 पलातुस आंदुर से अंदुन, "नीम हात्ती पहरदार रा आन. हागी, तान समझ इन अनुसार रखवाली माळी."

66 इदुरसाटी आंदुर पहरदारगोळी सांगुळ ओतुर, अदकि कल्ल मा मोहर हचकु कवर अनूद रखवाली माळदुर.

## 28

यीशू उन पुनरुत्थान

(मरकुस १६:१-१०; लूका २४:१-१२; यूहन्ना २०:१-१०)

1 आराम इन दनि इन वाद्दा हपता अनूद पयला दनि व्हातुर आगतेला अच मरयिम मगदलीनी अदकि दुसरा मरयिम कवर अक नोळली बंदुर. 2 अदकि नोळी, ऊंद हापाळ अच भारी भूकम्प आत, यतकी परमेशवर उन ऊंद स्वरगदूत स्वरग टु ईळकु बंदुन अदकि आव कल्ल इक अलग ढकलुसकु अदुर मा कुरतुन. 3 आऊन रूप बजिली इन घाई अदकि आऊन कपळा बरफ इन घाई बळिव ईरव. 4 आऊन अंजुक देल पहरदार नळगली कुरतुर, अदकि सोत्तुर घाई आगेदुर.

5 स्वरगदूत आ येढ आर्तेर से अंदुर, "अंजवाळी ना जानुसतीन कर् नीव यीशू उक जो कूस मा येरसकु आगीदुन आऊक ढुढसतीर. 6 आव ईल हल्लेच, तान वचन इन अनुसार जत्तिता आग्यान. बरी, आ जागा अक नोळी यल प्रभु बदिकु ईरोन. 7 आऊन चेलामोळी इक तुरन्त हागकु हेळी कर् आव सोत्तुर दा टु जत्तिता आग्यान, अदकि नोळी, आव नीम से पयला गलील इक होदान. अल नीमी आऊन अव दर्शन सक्केव अदकि नीव आऊक नोळ सकीर. नोळी, ना नीमी हेळ बुटीन."

8 इदुर मा आंदुर अंजुक अदकि बळा सुशी इन सांगुळ तुरन्त कवर टु वापस आगकु अदकि चेलामोळी इक ईद समाचार कोळेर साटी वोळली कुरतुर.

9 आग यीशू आंदरी सकिदुन. अदकि अंदुन, "सलाम." आंदुर हात्ती बंदकु अदकि आऊन नव काल हुळकु प्रणाम माळदुर. 10 आग यीशू आ आर्तेरी अंदुन, "अंजवाळी; नांद वारटुरी हागकु अनी कर् गलील इक हागी, अल नानी नोळ्यार."

पहरदारगोळद सुचना कोळोद

11 आंदुर हागतेला अच ईरोर कर् पहरदारगोळ दा टु थवाळासा पहरदारगोळ बंदकु पुरा हाल प्रधान याजकगोळ से अनकु केळसदुर. 12 आग आंदुर पुरवजगोळ सांगुळ जमा आगकु सम्मर्ता माळदुर अदकि सपिाहीगोळी हापाळ चांदी नव सक्किागोळ कोटकु अंदुर, 13 "ईद अनेतीर कर् ईळलक इक याग नाव मगिागु ईरव, रा आऊन चेलामोळ बंदकु आऊक काळताना माळकु ओतुर. 14 अदकि अगर् ईद मात न्यायाधीश उन कवि ताका पद्दुचुसीत, रा नाव आऊक समझुस बुटेव अदकि नीमी जोखिम टु वाचुस कोंडेव."

15 इदुरसाटी आंदुर पैसया ताकोमकु हयांग आंदरी कलसकु आगीत. हांग अच माळदुर. ईद मात यहूदीगोळ दा दुर दुर ताका फैलुसेत अदकि ईंगासताका प्रचलति आद.

यीशू उन काळसोद अदकि आखरी आग्या

(मरकुस १६:१४-१८; लूका २४:३६-४९; यूहन्ना २०:११-२३; प्रेरतिगोळ १:६-८)

16 "हनुनेळ चेलामोळ गलील इन आ पहाळ मा होदुर, यारी यारी यीशू हेळीदुन. 17 आंदरी यीशू नव दर्शन सकिदव अदकि आऊक प्रणाम माळदुर, पर यारीकारा यारीकारा शंका आत. 18 यीशू आंदुर हात्ती बंदकु अंदुन, "स्वरग अदकि पृथ्वी इन पुरा अधकारि नानी कोटकु आग्याद. 19 इदुरसाटी नीव हागी, सप्पा जातीगोळ लॉकुरी चेला माळी; अदकि आंदरी आप्प, पार अदकि पवतिर आत्मा अनूद हेसुर देल बपतसिमा कोळी, 20 अदकि जो आग्यागोळ ना नीमी कोट्टीन अदुरद पालन हयांग माळतार अद कल्सी. अदकि नोळी, ना युग इन अन्त ताका सदा नीम सांगुळ आईन."

☆ 27:63 २७:६३ मत्ती १६:२२; १७:२३; मरकुस ८:३१; ९:३१; १०:३३,३४; लूका १:२२; १८:३१-३३

☆ 28:16 २८:१६ मत्ती २६:३२; मरकुस

## मरकुस रचति यीशु मसीह का सुसमाचार मरकुस उन लखिसद यीशु मसीह अन बारा दा खुशखबरी परचिय

यीशु उन जीवन इन वर्णन माळोद नाक कतिब दा टु ऊंद कतिब मतलब मरकुस उन लखिसद खुशखबरी परचिय ईव नाक कतिबगोळी खुशखबरी अनतार यदुरद सोपा मतलब वळलीद कल्याणकारी बातणी या वार्ता आगतद

यीशु उन सोत्तुर बाददा ईव नाक खुशखबरी अनुक्रम मत्ती मरकुस लूका अदकि यूहन्ना इंदुर लखिसयार ईव नाकु दा टु मरकुस रचति खुशखबरी सब से स्यांळद कतिब आद हापाळ ग्यानी लॉकुरद मान्यता आद कि मरकुस रचति खुशखबरी बाकी नव मुर खुशखबरी इन पयले यीशु उन जनम इन ६५ टु ७० वर्ष इन बाददा लखिसकु आग्याद लखिसोद हदिळोद कारण मतलब रोम ईलीद मसीह अन मंडली अनद मनोबल वाढुसोद अदकि प्रोत्साहन माळोर साटी ताकोमकु आत.

ईव मरकुस याव हुन? प्रेरति पौलुस अदकि बरनबास इंदुरद ईव हारोदव सहकारी ईवा रा यूहन्ना मतलब मरकुस रचति खुशखबरी इन लेखक मरकुस आंदुर सांगुळ पयला मशिनीरी यात्रा अन न्याडया दा अच बटिकु होंगदुर देल आऊन परतषिटा अक टेस हत प्रेरतिगोळ १३:१३ बाददा ईवा मरकुस बरनबास उन सांगुळ सेवकाई दा शामिल आगत कांळसदुन. प्रेरतिगोळ १५:३७-३९, अनुसार मरकुस, पतरस ऊंद हात्ती नव संगी ईरोन. १ पतरस ५:१३ ग्यानी लॉकुरद हंगि मान्यता आद कि याग मरकुस यीशु उन जीवन इन अदकि सेवाकार्य अक आमने सामने नोळीदील तरी भी पतरस उन साक्षी अन आधार मा आव आऊंद खुशखबरी लखिसदुन. ईद मरकुस उन खुशखबरी इन आधार इन मात हुन.

मरकुस रचति खुशखबरी इन येदढ बारा दा मतलब, यीशु उन खरा चेला वनसोद अदकि आखरी इन भविष्य अन बारा दा यीशु उन द्वारा कोळद शकिषा.

मरकुस रचति खुशखबरी दा यीशु उन “वनिमूर दास, सेवक” अदकि तान आपु उन इच्छा पुरा माळोर साटी हमेशा तयार हंगि “परमेश्वर उन प्रिय पार” ईव येदढ रूप दा दरसुसकु आन. हांग अच मरकुस दा यीशु उन द्वारा माळद चमत्कार इन बारा दा यक्कुल से यक्कुल लखिसकु आग्याद. ईद खुशखबरी इन समापन यीशु उन चेलागोळी कोटकु आत “महान आदेश कोटकु आग्याद.”

रूप-रेखा

१. बपतसिमा कोळावाळा यूहन्ना अदकि यीशु उन बपतसिमा १:१-१३
२. यीशु उन द्वारा गलील प्रदेश अदकि परसिर दा चमत्कार माळोद १:१४-९:५०
३. गलील टु यूरुशलेम ताका यीशु उन यात्रा अदकि मंदिर दा बरोद १०:१-१२:४४
४. यीशु उन द्वारा भविष्य अनद बारा दा बातणी कोळोद १३:१-३७
५. यीशु उन मृत्यु अदकि पुनरूत्थान अदकि महान आदेश १४:१-१६:२०

यूहन्ना बपतसिमा कोळावाळा अनद प्रचार

(मत्ती ३:१-१२; लूका ३:१-१८; यूहन्ना १:१९-२८)

1 परमेश्वर उन पार, यीशु मसीह अनद खुशखबरी\* इन सूरवात. 2 जसा यशयाह भविष्यवक्ता† अनद कतिब दा लखिसकु आद, परमेश्वर अंदुन,

“नोळ, ना नीन मुंद तान बातणी कोळावाळा अक कळुतीन,

जो नीन साटी हादी तयार माळयान.”

3 आळी दा ऊंद कारावाळा अनद आवाज केळ वरेंत्याद: कि

“प्रभु उन हादी तयार माळी, अदकि

आऊक होंगोर साटी सळकगोळी सरका माळी.”

4 बपतसिमा कोळावाळा यूहन्ना आळी दा बंदुन, “जो बपतसिमा‡ अनद प्रचार माळतोगोन, अदकि पापगोळद माफ अनद साटी मन तरिगुसोद बपतसिमा कोळतोगोन अदकि अनतोगोन, परमेश्वर नीम पापगोळी माफ माळयान.”

5 पुरा यहूदया अनद प्रदेश, अदकि यूरुशलेम इन सप्पा ईरावाळेर नवासी होटकु आऊन हात्ती होदुर, “अदकि तान पापगोळी मानसकु यरदन गांगा दा आऊन से बपतसिमा ताकोडुर.”

6 यूहन्ना ऊँट इन चुट्टीगोळद फळक्या हाकु अदकि नेळु मा तोगुल इन पट्टा कटकु ईरतोगोन. फाफा§ अदकि आळी दाकळोद शयद तनितोगोन, 7 अदकि हंगि अंद अंदकु प्रचार माळतोगोन कि, “नान बाददा आव बरावाळा आन, जो नान से यक्कुल ताकतवर आन, ना रा ई लायक भी हेलच कि बांगकु आऊन काल ईनव केरु तेगु सकाईन. 8 ना रा नीमी नीर दा बपतसिमा कोट्टीन, लेकीन आव नीमी पवतिर आत्मा देल बपतसिमा कोट्टान.”

यीशु उन बपतसिमा

(मत्ती ३:१३-४:११; लूका ३:२१-२२; ४:१-१३)

\* 1:1 १:१ शुभ बातणी † 1:2 १:२ भविष्य अनद बारा दा हेळावाळा ‡ 1:4 १:४ नीर दा मुळकुसोद अदकि तेगोद वधि § 1:6 १:६ टड्डियाँ

9 आ दनिगोळ दा हगि आत की यीशु गलील इन नासरत नगर टु बंदकु, यरदन गांगा दा बपतसिमा कोळावाळा यूहन्ना से बपतसिमा ताकोडुन. 10 अदकि याग आव नीर दा टु होटकु म्याकुच बंदुन, रा तुरन्त आव स्वर्ग इक खुल्सत अदकि पवतिर आत्मा अक कबूतर इन घाई तान म्याकुच ईळुतेला नोळदुन. 11 \*आग स्वर्ग दा टु ईद आकाशवाणी आत की, “नी नान प्रयि पार हुय, ना नीन देल हापाळ खुश आईन.”

यीशु उन परीक्षा

(मत्ती ३:१३-४:११; लूका ३:२१; २२; ४:१-१३)

12 आग पवतिर आत्मा तुरन्त यीशु उक आळी दी कळुत. 13 अदकि चालीस दिन ताका सुनसान जागा दा आऊन परीक्षा, शैतान उन द्वारा आगतेला ईरोद; अदकि आव आळी दाकळव पशुगोळ सांगुळ ईत्तुन, अदकि आग स्वर्गदूत बंदकु आऊन स्यावा माळतेला ईत्तुन.

यीशु उन स्यावा माळोद क्यालसा अन सूरवात

(मत्ती ४:१२-१७; लूका ४:१४,१५)

14 बपतसिमा कोळावाळा यूहन्ना अक बंदी माळदुर वाददा यीशु गलील दा बंदकु परमेश्वर उन राज्य अनंद खुशखबरी प्रचार माळदुन, 15 \*अदकि अंदुन, “समय पुरा आगेग्याद, ‘अदकि परमेश्वर उन राज्य हात्ती होट्ट बंदाद; मन तरिगुसी अदकि खुशखबरी मा वशिवास माळी.’”

यीशु उन द्वारा नाक मेन हुडावाळेर इक कारोद आत

(मत्ती ४:१२-२२; लूका ४:१४-१५; ५:१-११)

16 याग यीशु गलील इन झील इन कनिरा कनिरा होगोन, रा आव शमौन अदकि आऊन वार्ट अन्रदरियास उक झील दा जार हाक्त नोळदुन; यतकी आंदुर मेन हुडावाळेर ईरोर. 17 यीशु आंदुर से अंदुन, “नान हदि बरी; ना नीमी मंळसागोळी परमेश्वर उन हात्ती ह्यांग तरतार अद कलसाईन.” 18 आंदुर तुरन्त जारगोळी बटिकु आऊन हदि नळुली कुरतुर.

19 थवाळासा मुंद होगदुर मा, आव जवदी इन पार याकूब, अदकि आऊन वार्ट यूहन्ना अक, इवांगा मा कुरतुकु जारगोळी सुधूसतेला नोळदुन. 20 ह्यांग यीशु आंदरी नोळदुन हांगा तुरन्त कारदुन; अदकि आंदुर तान आप्प जवदी इक मजदूरगोळद सांगुळ इवांगा मा बटिकु, आऊन हदि होटोदुर.

दुष्टआत्मा हतकु मंळसा अक चंगा माळोद

(लूका ४:३१-३७)

21 आग आंदुर कफरनहूम नगर दा बंदुर, अदकि आव तुरन्त आराम इन दिन यहूदी लॉकुरद सभागूह दा होगकु उपदेश कोळली कुरतुन. 22 \*अदकि लॉकुर आऊन उपदेश केळकु सट्ट आगेदुर; यतकी आव आंदरी शास्त्रीगोळद घाई ईला, लेकीन अर्धकारीगोळद घाई उपदेश कोळतोगोन.

23 आटोटीका, आंदुरद यहूदी लॉकुरद सभागूह दा ऊंद मंळसा ईरोन, यारदा ऊंद दुष्टआत्मा ईरोद. 24 आव ईद अनकु चलिळास कुरतुन, “हे यीशु नासरी, नामी नीन से येन क्यालसा? येन नी नामी नाश माळली बंद्या? ना नीनी अरूतीन, नी याव हुय? परमेश्वर उन पवतिर जन!”

25 यीशु आऊक दनकुसकु अंदुन, “सुंगा ईर; अदकि आ मंळसा दा टु होटबुळ.”

26 आग दुष्टआत्मा आऊक मूरकुळसकु, अदकि धोळद आवाज देल चळिलासकु आऊन दा टु होट बुळत. 27 इदुर मा सपपा लॉकुर आशचर्य माळतेला आपस दा मातचीत माळली कुरतुर, “ईद येन मात आद? ईद रा ऊंद वहाशोद उपदेश आद! आव अर्धकार देल दुष्टआत्मागोळी भी आग्या कोळतान, अदकि दुष्टआत्मा भी आऊन आग्या मानसताव.”

28 अदकि यीशु उन हेसुर इन बारा दा ईद बातणी तुरन्त गलील इन आसपास इन सपपा प्रदेश दा फैलुसेत.

यीशु हापाळ सा बमिर मंळसागोळी चंगा माळदुन

(मत्ती ८:१४-१७; लूका ४:३८-४१)

29 यीशु अदकि आऊन चेलागोळ यहूदी लॉकुरद सभागूह दा टु होटकु याकूब अदकि यूहन्ना अनंद सांगुळ शमौन अदकि अन्रदरियास उन मान्या बंदुर. 30 अल शमौन उन आत्त मय देल वहरस मा बटिकु ईरोर; अदकि आंदुर तुरन्त यीशु उन बारा दा आकी हेळदुर. 31 आग आव हात्ती होगकु आकनि कय हुळकु आक इक येबसदुन; अदकि आकनि मय तुरन्त ईळदोदव, अदकि आक यीशु अदकि आऊन चेलागोळद स्यावा-पानी माळली कुरतुर.

32 द्यावगान होती याग सुर्य मूळकत रा आग लॉकुर सब बमिरगोळी अदकि आंदरी, यारदा दुष्टआत्मागोळ ईरव, आंदरी भी यीशु उन हात्ती तंदुर. 33 अदकि सपपा नगर इन लॉकुर शमौन उन मान्ना अनंद दरवाजा मा बंदकु जमा आदुर. 34 यीशु च्याच मुंदरी जो अलग अलग प्रकार इन बमिरी देल दुखी ईरोर, चंगा माळदुन, हापाळ सा दुष्टआत्मागोळी तेगदुन, अदकि दुष्टआत्मागोळी माताळ गोटीदील, यतकी अरव आऊक अरव.

आबना दा यीशु उन प्रार्थना माळोद

(लूका ४:४२-४४)

35 अदकि यीशु व्हातुर आगोर से हापाळ पयले, मान्या टु यदकु व्हाऱ्या होटुन, अदकि ऊंद सुनसान जागा दा होगकु परार्थना माळली कुरतुन. 36 आग शमौन अदकि आऊन संगीगोळ यीशु उन खोज दा होदुर. 37 याग आव सकिदुन, रा आऊक अंदुर, “सप्पा लॉकुर नीनी हुदसेत्यार.”

38 यीशु आंदुर से अंदुन, “बरी; नाव मात येल्यारा आसपास इन ऊरगोळ दा होगाता, कि ना अल भी प्रचार माळाईन, यतकी ना इदुरदा साटी बंदीन.”

39 इदुरसाटी आव पुरा गलील दा यहूदी लॉकुर सभागूहगोळ दा होग होगकु प्रचार माळदुन अदकि दुष्टआत्मागोळी तेगुतेला ईततुन.

कोद इन रोग इक चंगा माळोद  
(मत्ती ८:१-४; लूका ५:१२-१६)

40 ऊंद कोद\* इन रोगी मंळसा यीशु उन हातती बंदुन, अदकि आऊन मुंद ट्वांगरा टेक्सकु आऊन से वनिती माळदुन, कि “अगर नी चाहास्यारा ना नानी शुद्ध माळ सकत्या.”

41 यीशु आऊन मा तरस तनिकु तान कय वाळुसदुन, अदकि आऊक मुटकु अंदुन, “ना चाहासतीन कि नी शुद्ध आगेग.” 42 अदकि तुरन्त आऊद कोद इन बमिारी वळ्लीद आगेत अदकि आव शुद्ध आगेदुन. 43 आग यीशु आऊक चेतावनी कोटकु तुरन्त सार माळदुन, 44 अदकि आऊन से अंदुन, “नोळ, यारीकु येनु हेळबाळेत, लेकीन होगकु तान तान इक याजक उक तोऱस, अदकि तान शुद्ध आगेद बारा दा जो येनारा मूसा ठहूस्यान अदरी भेट येऱस, कि आंदुर मा गवाही आगुल.”

45 लेकीन आव मंळसा व्हाऱ्या होगकु ईद मात इन हापाळ प्रचार माळली अदकि ईल ताका फैलुसली कुरतुन कि यीशु बाक खुले आम नगर दा ईला होग सकोन, लेकीन व्हाऱ्या आळी दा ईरोन; अदकि नाकु दकिळोर लॉकुर आऊन हातती बरतेला ईरोर.

## 2

लकवा अन्द रोग इक चंगा माळोद  
(मत्ती ९:१-८; लूका ५:१७-२६)

1 हापाळ दनि इन बाददा यीशु बाक कफरनहूम दा बंदुन, अदकि खबर फैलुसत कि आव मान्या आन. 2 बाक ईस लॉकुर जमा आदुर कि दरवाजा अन्द हातती भी जागा ईला ईरोद; अदकि आव आंदरी वचन केळसोन. 3 अदकि लॉकुर ऊंद लकवा अन्द रोग इक नाक मंळसागोळ कय देल नेगुकु आऊन हातती तंदुर. 4 लेकीन याग आंदुर भीळ इन कारण आऊन हातती होग सकदील, रा आंदुर आ छत इक यदुर ल्यालमा आव नीदुरकु ईरोन, खोलस बुदुर; अदकि याग आंदुर अदरी बचिळ बुदुर, रा आ व्हरस इक यदुर मा लकवा अन्द रोगी बदिक् ईरोन, आऊक ल्यालमा ईळसदुर अदकि व्हरस इक हलिगुस बुदुर. 5 यीशु आंदुर वशिवास नोळकु आ लकवा अन्द रोग इक अंदुन, “हे नान पारा, नीन पाप माफ आदव.”

6 आग हापाळ नयिमगोळ गुरु जो अल कुरतकु ईरोर, आंदुर तान-तान मन दा वचारि माळली कुरतुर, 7 “इव मंळसा येती हगि अनेत्यान? इव रा परमेश्वर उन अपमान माळीत्यान! परमेश्वर उक बटिकु अदकि याव पाप माफ माळ सकतान?”

8 यीशु तुरन्त खुद तान आत्मा दा ईद जानस कौडुन कि आंदुर तान-तान मन दा हगि वचारि माळीत्यार, इदुरसाटी आव आंदुर से अंदुन, “नीव येती तान-तान मन दा ईद मात इन वचारि माळेतरी? 9 आसान येन आद? येन लकवा अन्द रोगी से ईद अनोद कि नीन पाप माफ आदव, या ईद अनोद कि येळ तान व्हरस नेगुकु नळ अदकि टेटाळ? 10 ना नीम मुंद सावति माळ बुळाईन, कि मंळसा अन पार उक ईद पृथ्वी मा पाप माफ माळोद भी अधिकार आद.” 11 यीशु आ लकवा अन्द रोगी से अंदुन, “ना नीन से अनेतीन, येळ, तान व्हरस नेगु अदकि तान माननी होटोग.”

12 बाक आव येदुदुन अदकि तुरन्त तांद व्हरस नेगुकु सप्पा मुंदुर मुंद टु होटकु ओळदुन, इदुर मा सप्पा लॉकुर सट्ट आदुर, अदकि परमेश्वर उन बळाई माळकु अनली कुरतुर, “नाव रा हगि यागल्लु नोळीदील!”

यीशु लेवी इक कारदुन  
(मत्ती ९:१-१३; लूका ५:२७-३२)

13 यीशु बाक अल टु होटकु क्याररा अन्द कनिरा मा होदुन, अदकि सप्पा भीळ आऊन हातती बत्त, अदकि आव आंदरी उपदेश कोळली कुरतुन. 14 अल टु होगावती यीशु हलफई नव पार लेवी इक कर ताकोमोद चौकी मा कुरतकु नोळदुन, अदकि यीशु आऊन से अंदुन, “नान हदि आगेग.” अदकि आव यदकु आऊन हदि आगेदुन.

15 बाक हगि आत कि याग यीशु तान चेलागोळ सांगुळ आऊन मान्या ऊमली कुरतुन, आग हापाळ मुंदुर कर ताकोमावाळेर अदकि पापी लॉकुर, यीशु अदकि आऊन चेलागोळ सांगुळ ऊमली कुरतुर; यतकी आंदुर हापाळ मुंदुर ईरोर, अदकि आऊन हदि आगेगीदुर. 16 नयिम इनोर गुरुगोळ अदकि फरीसीगोळ ईद नोळदुर कि आव रा पापीगोळ अदकि कर ताकोमावाळेर सांगुळ ऊमेत्यान, रा आऊन चेलागोळी अंदुर, “आव रा कर ताकोमावाळेर अदकि पापीगोळ सांगुळ तनितान-कुडुतान?”

17 ईद केळकु यीशु आंदुर से अंदुन, “भला चंगा मंळसागोळी वैद्यगोळ्द जरवत हलेच, लेकीन बमिार मंळसागोळी आद: ना न्यायीगोळी ईला, लेकीन पापी लॉकुरी कार्ली बंदीन.”

\* 1:39 १:३९ मत्ती ८:२३; ९:३५

\* 1:40 १:४० कुष्ट रोग

† 1:44 १:४४ मंदिर इन भेट ताकोमावाळा

उपास इन प्रश्न

(मत्ती १:१४-१७; लूका ५:३३-३९)

18 बपतसिमा कोळावाळा यूहन्ना अन्द चेलागोळ, अदकि फरीसी लॉकुर चेलागोळ उपास माळतोगोर. अदकि थवाळासा लॉकुर बंदकु यीशु से अनली कुरतुर, “यूहन्ना अन्द चेलागोळ अदकि फरीसी नोर चेलागोळ येती उपास ईटतार? लेकीन नीन चेलागोळ येती उपास ईटालुर?”

19 यीशु आंदुर से अंदुन, “येन नीव उम्मीद माळतीर कि ऊंद मदा दा वरातीगोळ बनि ऊंदुर तदुर देल होदार? बलिकुल ईला! यागासताका मळगार आंदुर सांगुळ आन, आगासताका आंदुर उपासा होग सकालुर. 20 लेकीन अव दनि बंदव याग मळगार उक आंदुर से अलग माळकु आदीत; अदकि आ दनि आंदुर उपास माळयार.”

21 “क्वारा कपळा अन्द थगिर\* हाळोद कपळा मा यारू हचालुर. ईलारा अद थगिर अदुर दा टु येनारा जेडु कोंडीत, आग वहाशोद, हाळोद से, अदकि अद पयले से यककुल हरदोदति.” 22 वहाशोद अंगुर इन रास्सा अक हाळोद तोगुल इन चलिा † दा यारू ईटालुर, ईलारा अंगुर इन रास्सा तोगुल इन चलिा अक हरद बुट्टीत, अदकि अंगुर इन रास्सा अदकि तोगुल इन चलिा येदुदु नाश आगोदव, “लेकीन वहाशोद अंगुर इन रास्सा वहाशोद तोगुल इन चलिा दा तुमकु आगतद.”

आराम दनि इन प्रश्न

(मत्ती १२:१-८; लूका ६:१-५)

23 अदकि हगि आत कथीशु आराम इन दशिो केई दी टु आगतेला होगोन; अदकि आऊन चेलागोळ नळुतेला गोदी नव लॉमबागोळी मूर कुरतुर. 24 आग फरीसीगोळ आऊन से अंदुर, “नोळ, इंदुर आराम इन दनि दा अद क्याल्सा येती माळतार जो नयिम इन अनुसार माळोद उचति हैलेच?”

25 यीशु आंदरी उत्तर कोट्टुन, येन नीव ईद यागलु वाचुसीदील, कि याग दाऊद उक जरवत ईरोद, याग आव अदकि आऊन संगीगोळ हसतकु ईरोर, आग आव येन माळीदुन? 26 “आव ह्यांग अवयितार महायाजक उन समय दा, परमेश्वर उन भवन दा होगकु भेट इन रोटीगोळी तदिन, यदुरद तनिोद याजकगोळी बटिकु अदकि यारीकु भी उचति हैलेच, अदकि तान संगीगोळी भी कोट्टुन?”

27 आग यीशु आंदुर से अंदुन, “आराम इन दनि मळसागोळद साटी माळकु आग्याद, ना कि मळसा आराम दनि इन साटी. 28 इदुरसाटी मळसा अन पार आराम दनि इन भी स्वामी आन.”

### 3

यीशु वंळगीद कयवाळा मळसा अक चंगा माळदुन

(मत्ती १२:१-१४; लूका ६:६-११)

1 अदकि यीशु बाक यहूदी लॉकुरद सभागूह दा होदुन; अदकि अल ऊंद मळसा ईरोन यारद कय वंळगोगीत, 2 अदकि आंदुर यीशु मा दोष हचोर साटी आऊन ताक मा हतकु ईरोर कि नोळाता, आव आराम दनि दा आऊक चंगा माळतान का ईला. 3 यीशु वंळगीद कयवाळा मळसा से अंदुन, “येळ, लॉकुर न्याड्या दा नीदरग.”

4 अदकि यीशु आंदुर से अंदुन, “येन आराम इन दनि दा नयिम इन अनुसार भलाई माळोद उचति आद या बुरा माळोद? जीव इक उळसोद उचति आद या कोननोद?” लेकीन आंदुर संगा ईत्तुर. 5 बाक यीशु आंदुर मन इन कठोरता देल उदास आगकु, आंदरी सट्टि देल नाकु दी नोळदुन, अदकि आ मळसा से अंदुन, “तान कय मुंद वाळुस.” आव वाळुसदुन, अदकि आऊक कय पयले अन्द धाई वळ्लीद आगेत. 6 आग फरीसीगोळ यहूदी लॉकुरद सभागूह दा टु व्हारया होगकु तुरन्त हेरोदयिों लॉकुर सांगुळ यीशु उन वरिध दा साटगाठ माळली कुरतुर कि आऊक याता प्रकार देल नाश माळव.

यीशु उन हदि भीळ इन नळोद

7 बाक यीशु तान चेलागोळ सांगुळ क्याररा दी होटोदुन. अदकि गलील दा टु ऊंद धोळद भीळ आऊन हदि नळली कुरत, 8 अदकि यहूदिया, अदकि यूशलेम, अदकि इदूमया, अदकि यरदन गांगा अन आप्पाटी, अदकि सूर अदकि सेदा अन्द आपपास टु ऊंद धोळद भीळ ईद केळकु आऊन हात्ती बंदुर कि, आव ह्यांग अवसभा अन्द क्याल्सा माळतान. 9 अदकि बाक यीशु तान चेलागोळ से अंदुन, “भीळ इन कारण ऊंद स्याळदतुसा इवांगा नान साटी तयार ईरुल ताकी आंदुर नानी वत्त ईला सकुल.” 10 यतकी आव हापाळ मुंदरी चंगा माळीदुन; इदुरसाटी अल यास लॉकुर रोग देल बमिार ईरोर, आऊक मुट्टोर साटी आऊन मा बळिली आगोर. 11 अदकि दुष्ट आत्मागोळ देल ग्रस्त लॉकुर भी, याग आऊक नोळतोगोर, अरा आऊन मुद बळितोगोर, अदकि चळिलासकु अनतोगोर कि “नी परमेश्वर उन पार हुय.”

12 यीशु दुष्ट आत्मागोळी आदेश कोट्टुन कि अव यारीकु भी ईद हेळतीदील कि आव याव हुन.

हन्नेळ चेलागोळी नविळुसोद

(मत्ती १०:१-४; लूका ६:१२-१६)

13 बाक यीशु पहाळ मा येरेदुन अदकि यारी आव चाहासोन, आंदरी तान हात्ती कारदुन. अदकि आंदुर आऊन हात्ती बंदुर. 14 आग यीशु आंदुर दा टु हन्नेळ मळसागोळद नविळ माळदुन, यारी आव प्ररतिगोळ हेसुर कोट्टुन. अदकि

\* 2:21 २:३१ वहाशोद कपळा अन्द चट्टी थगिर † 2:22 २:२२ तोगुल इन चलिा दा नीर

☆ 3:9 ३:९ मरकुस ४:१; लूका ५:१-३

अंदुन, “कनिना नीमी तान सांगूळ इंटोरसाटी नीवळुसदीन, ना नीमी प्रचार माळली व्हार्या कळाईन, <sup>15</sup> अदकि नीम हात्ती दुषटआत्मागोळी तेगोद अधकार इत्तीत.”

<sup>16</sup> ई प्रकार देल आव हननेळ चेलामोळद नविळ माळदुन. शमोन यार्द हेसुर आव पतरस ईटदुन, <sup>17</sup> अदकि जब्दी इन पार याक्व, अदकि याक्व उन वार्द युहनुना, यार्द हेसुर आव बुअनरगसि मतलब “गरजन उन पार” ईटदुन, <sup>18</sup> अदकि अन्दरगिस, फलिपिपुस, बरतुलम, मत्ती, थोमा, हलफई इन पार याक्व, तद्दै अदकि शमोन कनानी जो रोमन सरकार उन खलिप इरोन. <sup>19</sup> अदकि यहूदा इसकरयोती, जो यीशु उक ध्वाका देल हुळसुसीदुन.

यीशु अदकि बालजबूल

(मत्ती १२:२२-३२; लूका ११:१४-२३; १२:१०)

<sup>20</sup> बाक यीशु अदकि आऊन चेलामोळ माननी बंदुर; अदकि हगि भीळ जमा आगेत, क् आंदुर रोटी भी तनि सकादील <sup>21</sup> याग आऊन मान्यागोळोर लांकुर ईद केळदुर, रा आंदुर आऊक हुडोर साटी होट्टुर, यतकी आंदुर अनतोगोर, क् आऊन मन ठकान मा हल्लेच.

<sup>22</sup> अदकि शासत्री भी जो यरुशलेम टु वंदीदुर, ईद अनतोगोर, क् “आऊन दा बालजबूल\* शैतान समसकु आन, अदकि ईद भी, क् आव दुषटआत्मागोळव सरदार उन मदत देल दुषटआत्मागोळी तेगुतान.”

<sup>23</sup> इदुरसाटी यीशु आंदरी हात्ती कारूक, आंदुर से उदाहरण दा अनली कुरतुन, “शैतान ह्यांग शैतान उक तेगु सकतान?” <sup>24</sup> अदकि अगर यातोदारा राज्य दा फूट बळिल, रा अद राज्य ह्यांग संची ईर सकतद? <sup>25</sup> अदकि अगर यातोदारा मानना दा फूट बळिल, रा अद मानना ह्यांग संची ईर सककीत? <sup>26</sup> इदुरसाटी अगर शैतान तान अच राज्य अन्द वरिधी आगकु तान दा फूट केडुल, रा आव तान राज्य अक ह्यांग सुरक्षति ईट सकतान? आऊंद रा अन्त अच आगेदीत.

<sup>27</sup> लेकीन यावारा मंळसा यातोवारा ताकतवर मंळसा अन्द मान्या होककु आऊंद माल हगि अच कडू सकालुन, पयले आव आ ताकतवर मंळसा अक कटयान; अदकि आग आ मंळसा आ ताकतवर मंळसा अन्द मानना अन्द बुळक ईड्ड सामान इक कडू सकतान.

<sup>28</sup> ना नीम से खरा माताळतीन, क् मंळसागोळद औलाद ईनव सप्पा पाप अदकि अपमान जो आंदुर माळतार, माफ माळकु आदव. <sup>29</sup> लेकीन जो यावारा पवतिर आत्मा अन्द खलिप अपमान माळतान, आऊक यागलु माफ माळकु आगतीदील, “यतकी आव अनन्त पाप इन अपराधी आन.” <sup>30</sup> यीशु आ लांकुरी इदुरसाटी ईव सब मातगोळ अंदुन “यतकी लांकुर अनतोगोर, क् आऊन दा दुषटआत्मा आद.”

यीशु नोर मोय आकतींग अदकि वार्द

(मत्ती १२:४६-५०; लूका ८:१९-२१)

<sup>31</sup> अदकि यीशु उन मोय आकतींग अदकि वार्द बंदुर अदकि व्हार्या नीदुरकु यीशु उक कार्ली कळदुर. <sup>32</sup> अदकि भीळ यीशु उन आसपास कुरतकु ईरोद, अदकि आंदुर आऊन से अंदुर, “नोळ, नीन मोय नीन वार्द अदकि आकतींग व्हार्या नीनी कारेत्यार.”

<sup>33</sup> यीशु आंदरी उत्तर कोट्टुन, क् “नान मोय नान वार्द अदकि नान आकतींग याक हुळ?” <sup>34</sup> अदकि आव तान आसपास कुरतकु ईरोर आ लांकुरी नोळदुन अदकि अंदुन, “नोळी! नान मोय, आकतींग अदकि वार्दुर इंदुरा उर. <sup>35</sup> यतकी जो यावारा भी परमेश्वर उन इच्छा मा नळदान, आवा नान वार्द, आकतींग, अदकि मोय हुळ.”

## 4

बीजा बोऊसावाळा अन्द उदाहरण

(मत्ती १३:१-९; लूका ८:४-८)

<sup>1</sup> यीशु बाक झील इन कनारा मा उपदेश कोळली कुरतुन: अदकि हगि धोळद भीळ आऊन हात्ती जमा आगेत क् आव झील इन ऊंद इवांगा मा येरकु कुरतोदुन अदकि सप्पा भीळ भूमी मा झील इन कनारा मा नीदुरकु ईत्त. <sup>2</sup> अदकि यीशु आंदरी उदाहरणगोळ दा हापाळ सा मात कलसली कुरतुन, अदकि तान उपदेश दा आंदुर से अंदुन.

<sup>3</sup> “केळी! ऊद घन ऊद मंळसा इरोन जो बीजा बोऊसोर साठी होटीदुन. <sup>4</sup> अदकि आव केई दा बीजा मट्टुन आटोटी येनारा बीजा हादी मा बदिदव, अदकि पक्षीगोळ बंदकु अवरी तनि कोडोव. <sup>5</sup> अदकि येनारा बीजा कल्ल इन जागा मा बदिदव यल अदरी यककुल मुणुण सकादील. अदकि गहरा मुणुण ईला सकिदुर देल अव राटनेरी अंकुर हुळदव. <sup>6</sup> बाक याग सुर्य होळत; रा स्याणव मार्रगोळी होताक बुळत; यतकी जळीगोळ जादा गयरा ईला आगीदव, अदकि मार्रगोळ जल्दी अच वंळगेदव. <sup>7</sup> अदकि थवाळासा बीजा मुळल इन झुनकुळ दा बदिदव, अदकि धोड्डेव आगकु वेळकु बीजा अक वत्त बट्टव अदकि आ बीजागोळी काय हत सकादील. <sup>8</sup> लेकीन थवाळासा बीजा वळलीद जागा मा बदिदव, अदकि अव वेळदव अदकि वेळकु अनाज पैदा माळदव; यातोवारा तीस गुणा, यातोवारा साठ गुणा अदकि यातोवारा सौ गुणा फसल तंदव.”

<sup>9</sup> आग यीशु अंदुन, “यार हात्ती केळोर साटी कवि आव, आव केळ कोमुल.”

उदाहरणगोळद कारण

(मत्ती १३:१०-१७; लूका ८:९,१०)

\* 3:22 ३:२२ मत्ती ९:३४; १०:२५

\* 3:22 ३:२२ बालजबूल-दुषटआत्मागोळव सरदार

\* 3:29 ३:२९ लूका १२:१०

\* 4:1 ४:१ लूका

10 याग यीशु आबना ईरोन, रा याता लॉकुर आऊन उदाहरण केळीदुर, आंदुर दा टु येनारा लॉकुर हननेळ चलागोळ सांगुळ आऊन हातती बंदुर अदकि आऊक उदाहरण इन मतलब येन आद. 11 यीशु आंदुर से अंदुन, नीमी परमेश्वर उन राज्य अनंद भेदगोळद समझ कोटकु आग्याद, लेकीन व्हार्या नोर लॉकुर साटी, सप्पा मातगोळ उदाहरणगोळ दा अंदकु आग्याद:

12 यतकी आंदुर नोळुल अदकि  
नोळतेला अच ईरूल, लेकीन आंदरी येनु समसबाळुल,  
केळुल अदकि केळतेला अच ईरूल  
लेकीन येनु समसबाळुल.

हगि आगबाळुल कि आंदुर मन परमेश्वर उन दी तरिगुल  
अदकि आंदरी माफ माळकु आगुल.

बीजा बोऊसावाळा उदाहरण इन वयाख्या  
(मत्ती १३:१८-२३; लूका ८:११-१५)

13 बाक यीशु आंदुर से अंदुन, येन नीव ईद उदाहरण समसालीर? रा बाक दुसरा यातोदारा उदाहरणगोळी हयांग समसीर? 14 केईवाळा जो बोऊसतान, अद परमेश्वर उन वचन हुन. 15 येनारा लॉकुर हादी माकळोर बदिकु बीजा अनंद घाई आर जो परमेश्वर उन वचनगोळी केळतार. रा शैतान तुरन्त बंदकु वचन रूपी बीजा जो आंदुरदा बोऊसकु आग्याद नेगुकु वोयतान. 16 दुसरा लॉकुर बीजागोळ घाई ईरतार जो कलवाळा जागा मा वीळताव. हयांग आंदुर बातणी केळतार, आंदुर इदरी खुशी देल ग्रहण माळ कोमतार. 17 लेकीन तान बुळक जळ ईला ईटदुर कारण आंदुर थवाळासा अच दनिगोळ साटी ईरतार; इदुरद बाद्दा याग वचन इन कारण आंदुर मा क्लेश या उपदरव आगताव, रा आंदुर तुरन्त टोकर तनिता. 18 दुसरा लॉकुर मुळलवाला झुनकुळ दा बोऊसकु बीजा अन घाई आर. इंदुर वचन केळावाळेर उर. 19 अदकि दुनया अन चनिता, धन इन धवाका, अदकि च्याच वस्तुगोळद लोभ आंदुरदा तुमकु वचनगोळी वतत बुळतद. अदकि अद नषिफल ईतोगतार. 20 लेकीन यारारा लॉकुर वळलीद जागा अनंद घाई आर, जो वचन केळकु ग्रहण माळतार अदकि वळलीद फसल तरतार, यारारा तीस गुणा, यारारा साठ गुणा, अदकि यारारा सौ गुणा.

दगिया अनंद उदाहरण  
(लूका ८:१६-१८)

21 \*अदकि यीशु आंदुर से अंदुन; येन दगिया अक इदुरदा साटी तरतार कि बर्तन या व्हरस इन ल्यालमा ईटुल? येन अदरी दीवट\* मा ईट सकालुर? 22 \*जो येनारा भी होचकु आद अदरी व्हार्या तनकु आदीत, अदकि जो येनारा भी कवर माळकु आग्याद, अदरी उजागर माळकु आदीत. 23 अगर यारोवारा केळव कवि आव, रा आव केळ कोमुल. 24 \*बाक यीशु आंदुर से अंदुन, "जो नीव केळतीर अदुर मा ध्यान कोळी. याता नाप देल नीव दुसरा अक आळुतीर अदा नयिम देल नीमी भी आळुकु आदीत, अदकि नीम साटी अदुरदा यक्कुल जोळसकु आदीत. 25 \*यतकी यार हातती आद, आऊक मातत यक्कुल कोटकु आदीत; अदकि यार हातती हेलच, आऊन से अद भी जो आऊन हातती आद, ताकोमकु आदीत."

कोम होळोद बीजा अनंद उदाहरण

26 बाक यीशु अंदुन, "परमेश्वर उन राज्य हगि आद, जसा यावारा मळसा तान केई इन भूमी दा बीजा भळितान, 27 अदकि आव इळलकी मगिदुन अदकि व्हातरया येदुन अदकि अद बीजा अंकुरीत आगकु हगि बेळुत, कि आव अरू सकादील कि ईद हयांग आत. 28 पृथ्वी तान ताना अनाज तरतद. पयले अंकुर, बाक लॉम्बा, अदकि आग अदुर बाद्दा लॉम्बा दा तयार बीजा. 29 लेकीन याग बीजा हण्ण आगेगतद, आग आव केईवाळा तुरन्त कुळगुल देल कडुली हततान, यतकी फसल इन कटाई होट्ट बंदाद."

राई इन दाना अनंद उदाहरण

(मत्ती १३:३१-३२,३४; लूका १३:१८-१९)

30 बाक यीशु केळदुन, "नाव परमेश्वर उन राज्य हयांग आद इदुर उपमा यार देल कोट्टेव. अदकि याता उदाहरण देल आऊन वर्णन माळेव? 31 आव राई इन दाना अनंद घाई आन याग पृथ्वी मा बोऊसकु आगतद रा पृथ्वी इन सप्पा बीजागोळ से स्याळद ईरतद. 32 लेकीन याग बीजा बेळदोगतद, रा बेळुकु सप्पा मारगोळ से धोळद आगेगतद, अदकि अदुरद हगि धोळद डगालगोळ होळताव यल आकाश इन पक्षी अदुरद सावली दा ग्वादा माळकु ईरताव."

33 यीशु आंदरी ईतता प्रकार ईनव हापाळ सा उदाहरण कोट-कोटकु आंदुरद समझ इन अनुसार यक्कुल से यक्कुल समझ दा वरूल ई प्रकार देल वचन केळसतोगन, 34 अदकि बनिा उदाहरण अंदकु यीशु लॉकुरी येनु ईला कलसतोगन. लेकीन आबना दा आव तान नजिा चलागोळी सप्पा मातगोळद मतलब हेळतोगन.

यीशु आँधी इक शांत माळदुन

(मत्ती ८:२३-२७; लूका ८:२२-२५)

\* 4:21 ४:२१ मत्ती ५:५; लूका ११:३३  
मत्ती ७:२१; लूका ६:३८

\* 4:21 ४:२१ दगिया ईटोद जागा  
४:२५ ४:२५ मत्ती १३:१२; २५:२९; लूका ११:२६

\* 4:22 ४:२२ मत्ती १०:२६; लूका १२:२

\* 4:24 ४:२४

35 अदा दशि द्यावगा अक, यीशु तान चेलागोळ से अंदुन, “बरी, नाव झील इन आप्पाटी होगाता.” 36 आंदुर भीळ इक बट्टिदुर, याता इवांगा दा यीशु ईरोन अदा इवांगा मा चेलागोळ भी बंदुर अदकि यीशु उक तान सांगुळ झील इन आप्पाटी ओतुर; अदकि अल आऊन सांगुळ, मात हापाळ सा इवांगा भी ईरव. 37 अचानक आग ऊंद भयानक आँधी बत्त, अदकि लयरगोळ इवांगा देल टकरूसली हत्त ईल ताका कान्नीर इवांगा दा तुमली हत्त. 38 अदकि यीशु इवांगा अन्द हदिळोद भाग दा ऊसी मा ताल्ला ईटक मगिन. अदकि आंदुर आऊक येबसदुर अदकि अंदुर, “हे गुरु, येन नीनी चन्ता हेलेच कान्नाव मुळकेतेव?”

39 आग यीशु यदकु आँधी अक दनकुसदुन, अदकि लयरगोळ से अंदुन, “शांत आगेग, धाम्सेग!” अदकि आँधी धामसेत अदकि नाकु दी हापाळ सन्नाटा आगेत. 40 अदकि यीशु तान चेलागोळ से अंदुन, “नीव येती अंजेतीर? येन नीमी ईगासताका वशिवास हेलेच?”

41 अदकि चेलागोळ हापाळ अंजेदुर अदकि आपस दा अनली कुरतुर, “ईव मंळसा याव हुन ईल ताका कान्नाव अदकि लयरगोळ भी ईऊन आग्या मान्सताव?”

## 5

दुष्टआत्मा हतकु मंळसा अक चंगा माळोद

(मत्ती ८:२८-३४; लूका ८:२६-३९)

1 यीशु अदकि आऊन चेलागोळ झील इन आप्पाटी गरिसेनयागोळद प्रदेश दा पोहचुसदुर. 2 याग यीशु इवांगा मा टु ईळदुन रा तुरन्त ऊंद मंळसा जो कयारदा दुष्टआत्मा हतकु ईरोद, कबरसतान दा टु होटक यीशु से मलिसदुन. 3 आव कबरसतान दा ईरतोगोन अदकि याऊ आऊक शंकलीगोळ देल भी कटक ईला ईट सकोन, 4 यतकी आऊक वेळीगोळ अदकि शंकलीगोळ देल कटक आगीत, लेकीन आव हापाळ अनली शंकलीगोळी मुरद बुटीदुन अदकि वेळीगोळद तुकळा-तुकळा माळ कोंडीदुन, अदकि यारू आऊक बस दा ईला माळसकोर. 5 आव लगातार ईळलक-हागुल कबरसतान अदकि पहाळीगोळ दा वयाळोन अदकि कीटुरतोगोन, अदकि तान तान इक कलगोळ देल घायल माळतोगोन.

6 आव यीशु उक दुर टु उच नोळदुन, अदकि आव ओळतेला यीशु उन हात्ती बंदुन अदकि द्वांगरा अन्द भार देल बदिकु प्रणाम माळदुन. 7 अदकि आव धोळ आवाज देल चळिलासकु अंदुन, “हे यीशु, महान परमेश्वर उन पारा, नानी नीन से येन क्याल्सा? ना नीनी परमेश्वर उन करिया कोळतीन, कान्नी नानी दुख कोळबाळ.” 8 आव यीशु से इदुरसाटी हगि अंदुन यतकी यीशु आऊन से अंददिन, “हे दुष्टआत्मा, ई मंळसा अन्द मय दा टु होटबुळ!”

9 यीशु आ दुष्टआत्मा से केळदुन, “नीन येन हेसुर आद?”

अद यीशु से अन्त, “नान हेसुर सेना आद; यतकी नाव हापाळ सा आयेव.” 10 अदकि दुष्टआत्मा यीशु से च्याच वनिती माळकु अन्त, कान्नामी ई प्रदेश टु व्हारया कळुवाळ.

11 हात्तीगोळद पहाळ इन दलान मा हंदिगोळद ऊंद धोळद झुण्ड आळोद. 12 दुष्टआत्मागोळ यीशु से वनिती माळकु अंदव, “नामी आ हंदिगोळद झुण्ड दा कळुबुळ कान्नाव आंदुर बुळक होककेव.” 13 इदुरसाटी यीशु आंदरी आग्या कोटुन अदकि दुष्टआत्मा आ मंळसा दा टु होटक हंदिगोळद बुळक होकदव अदकि झुण्ड, जो लगभग येदद हजार इन ईरोद, दलान मा टु घसरूसकु झील दा होगकु बत्तित. अदकि अल्या मुळककु सोत्तव.

14 हंदिगोळी ओळसावाळेर ओळकु नगर अदकि ऊरगोळ दा ईद खबर केळसदुर, अदकि जो आगीत, लॉकुर अदरी नोळली बंदुर. 15 यीशु उन हात्ती लॉकुर बंदकु, आ मंळसा अक नोळदुर यारदा दुष्टआत्मागोळ ईरव, मतलव सेना समुसकु ईरोद, कपळा हाककु अदकि गुमसुम कुरत नोळकु अंजेदुर. 16 या लॉकुर ईद घटना अक पयले नोळीदुर रा हेळदुर कान्नावाळेर आऊन, यारदा दुष्टआत्मागोळ ईरव, अदकि हंदिगोळद पुरा हाल आंदरी अंदकु हेळदुर.

17 आग लॉकुर यीशु से वनिती माळकु अनली कुरतुर कान्नाम प्रदेश दा टु हाटोग.

18 अदकि याग यीशु इवांगा मा येरली कुरतुरन रा आव यारदा पयले दुष्टआत्मागोळ ईरव, यीशु से वनिती माळली कुरतुरन, “नानी तान सांगुळ ईरगोळ.”

19 लेकीन यीशु आऊक आग्या कोटीदील, अदकि आऊन से अंदुन, “तान मान्या होगकु तान परिवार इक हेळ कान्नीन मा दया माळकु प्रभु नीन साटी हयांग धोड्डेव क्याल्सा माळयान.”

20 बाक आव होगकु दकिपुलसि\* दा ई मातगोळी हेळली कुरतुरन कान्नी यीशु नान साटी हयांग धोड्डेव क्याल्सा माळयान; अदकि सप्पा लॉकुर ईद केळकु चकित आदुर.

सोत्त पोर अदकि ऊंद रोगी आरत

(मत्ती ९:१८-२६; लूका ८:४०-४६)

21 याग यीशु बाक इवांगा देल झील इन आप्पाटी होदुन, रा ऊंद धोळद भीळ आऊन हात्ती बंदकु जमा आगेत. आव झील इन कनारारा मा का ईरोन. 22 यारईर हेसुर ईनव ऊंद यहूदी मंळसा, जो यहूदी लॉकुरद सभागूह अन्द सरदारगोळ दा टु ऊंद सरदार बंदुन, अदकि यीशु उक नोळकु आऊन कालगोळ मा बदिदुन, 23 अदकि ईद अंदकु यीशु से हापाळ वनिती माळदुन, “नान स्याण पोर सायापरी आगग्यार: नी बंदकु आकनि मा कय ईट कान्नाक वळ्दीद आगकु जित्ता ईरूल.”

\* 5:20 ५:२० हत्त नगरगोळद धोळद श्यर



24 आग यीशु आऊन सांगुळ नळदुन अदकि ऊंद धोळद भीळ आऊन हदि आगेत, ईल ताका किलॉकुर आऊन मा वळिली आगेर.

25 अन्या ऊंद आरत ईरोर, आक इक हन्नेळ वर्ष टु खून होगोद रोग ईरोद. 26 आ आरत हापाळ परेशान ईरोर आक हापाळ वैद्यगोळ से तान ईलाज माळीदुर तरी भी यककुल दुखी आगेगीदुर. अदकि तान सप्पा धन लुटसदुर बाददा भी आकी येनु आराम सकिर्दिल, लेकीन मात यककुल रोगी आगेगीदुर. 27 आक यीशु उन वारा दा चर्चा केळीदुर, अनकु "भीळ दा हदि टु बंदकु आऊन कपळा अनंद कनारा अक मुटदुर." 28 यतकी आक मन मन दा अच अनतोगेर, "अगर ना आऊन कपळा अक मुटाईन, रा वळलीद आगेगाईन."

29 आग आक यीशु उन कपळा अक मुटदुर अदकि तुरन्त आकनि खून होगोद बंद आगेत, अदकि आ आरत तान शरीर दा ईद जान्स कोंडुर कनि तान आ बमिारी देल वळलेर आगेदीन. 30 यीशु तुरन्त तान मन दा जान्स कोंडुन कनि तान दा टु ईद सामरथ्य होटाद. अदकि आव भीळ दा हदि तरिगकु केळदुन, "नान कपळा अक यार मुटदुर?"

31 आग आऊन चेलागोळ आऊक अंदुर, नी नोळत्या कनि भीळ नीन मा वळिली इक आगतद, अदकि नी अनत्या कनि यार नानी मुटदुर?

32 लेकीन यीशु आक इक नोळोर साठी नाकु दी कण्ण नेगुकु नोळदुन, कनि यार नानी मुटदुर. 33 आग आ आरत जो आकनि सांगुळ आगीत आक ईद जान्सकु कनि नान हयांग भलाई आग्याद, अजंत अदकि नळगतेला बंदुर, अदकि आऊन कालगोळ मुंद टवांगरा टेक्सकु आऊक सब हाल खरा-खरा हेळ बुटुर. 34 यीशु आकनि से अंदुन, "हे पोरि, नीन वशिवास नीनी वळलीद माळ्याद: खुशी देल होग, अदकि तान ईद बमिारी देल ऊळदकु ईर."

35 यीशु ईद अनतेला अच ईरोन कनि यहूदी लॉकुरद सभागूह अनंद सरदार उन मान्या टु थ्वाळासा लॉकुर बंदकु अंदुर, "नीन पोर रा सोतोग्यार, ईग गुरु उक येतरी दुख कोळत्या?"

36 लेकीन जो मात आंदुर अनोर, अदरी यीशु केळदुन पर ध्यान कोटीदील, यहूदी लॉकुरद सभागूह अनंद सरदार से अंदुन, "अजवाळ, सर्फि वशिवास ईट." 37 अदकि यीशु पतरस अदकि याकूब अदकि आऊन वारट यूहन्ना अक वटिकु, दुसरा यारीकु तान सांगुळ बर गोटीदील. 38 याग आंदुर सप्पा मुंदुर यहूदी लॉकुरद सभागूह अनंद सरदार उन मान्या बंदुर, रा यीशु नोळदुन कनि अल खलबली मचुसकु आद. अदकि लॉकुरी हापाळ वरलतेला अदकि चलिळासतेला नोळदुन. 39 आग यीशु मान्या अनंद बुळक होककु आंदुर से अंदुन, "नीव येतरी खलबली मचुसतीर अदकि वरलेतीर? पोर सायलका आर, लेकीन मगित्यार."

40 आंदुर यीशु उन मज्याक हारसली कुरतुर, लेकीन आव सप्पा मुंदरी तेगुकु पोर इन मोय-आपप अदकि तान मुर चेलागोळ सांगुळ बुळक यल पोर बदिकु ईरोर, अल होदुर. 41 अदकि आव पोर इन कय हुळकु आकनि से अंदुन, "तलीता कुमी!" यदुरद मतलब आद, "हे पोरि, ना नीन से अनतीन, येळ."

42 अदकि आ स्याण पोर तुरन्त यदकु नळुली अदकि वयाळली कुरतुर; यतकी आक हन्नेळ वर्ष इनोर ईरोर. इदुर मा लॉकुर हापाळ सट्ट आगेदुर. 43 वाक यीशु आंदरी चेतावनी कोटकु आग्या कोटुन कनि ईद मात यारु जान्स ईला पायजे, अदकि आव अंदुन "पोर इक येनारा तनिली कोळी."

## 6

नासरत ऊर दा यीशु उन अनादर

(मत्ती १३:५३-५८; लूका ४:१६-३०)

1 अल टु होटकु यीशु तान प्रदेश दा बंदुन; अदकि आऊन चेलागोळ भी आऊन हदि बंदुर. 2 आराम इन दशिी आव यहूदी लॉकुरद सभागूह दा उपदेश कोळली होदुन, अल हापाळ सा लॉकुर ईरोर, याग लॉकुर आऊन मातगोळ केळदुर, रा आंदुर सट्ट आगेदुर अदकि अनली कुरतुर, "ईऊक ईव मातगोळ यल टु होटबंदव? अदकि ईद याता ग्यान हुन जो ईऊक कोटकु आग्याद? आव चमत्कार हयांग माळतान? 3 येन ईव व्हर्स हुळली माळावाळा अन पार आलच, जो मरयिम उन पार, अदकि याकूब, योसेस, यहूदा, अदकि शमीन उन वारट हुन? येन आऊन आकतीगेर ईल नाम न्याड्या दा ईरालुर?" इदुरसाठी लॉकुर आऊंद इनकार माळ बुटुर.

4 यीशु आंदुर से अंदुन, "भवषियवक्ता अनंद तान नगर, तान परवार, अदकि तान मान्या मान सम्मान आगाल लेकीन दुसरा लॉकुर आंदुरद मान सम्मान माळतार."

5 अदकि यीशु अल येनु सामरथ्य इन क्याल्सा माळीदील, सर्फि थ्वाळासा बमिार लॉकुर मा कय ईटकु आंदरी चंगा माळदुन.

यीशु हन्नेळ चेलागोळी प्रचार माळली कळुदुन

(मत्ती १०:५-१५; लूका ९:१-६)

6 अदकि यीशु उक आंदुरद अवशिवास मा हापाळ आश्चर्य आत, अदकि आव नाकु दाकळव ऊरगोळ दा उपदेश कोळतेला वयाळदुन.

7 यीशु तान हन्नेळ चेलागोळी तान हातूती कारदुन अदकि आंदरी दुष्टआत्मागोळी तेगोद अधिकार कोटदुन. अदकि येदद-येदद माळकु नगर दा कळुदुन 8 अदकि आंदरी आग्या कोटदुन, "हादी इन साठी कोल इक वटिकु अदकि येनु हुडुवाळी; ना रा रोटीद, ना झ्वारा, अदकि ना नीम खिसा दा पैस्या, 9 लेकीन केरु हाकी अदकि यातोदारा दुसरा कुळता ओयवाळी." 10 अदकि यीशु चेलागोळ से अंदुन, "येल्यारा नीमद यारदारा मान्या स्वागत आत, रा

यागासताका अल टु सार आगालीर आगासताका अदा मान्या दा रूक्सकु ईरी. 11 \*अगर नीव ऊंद ईत्ता नगर दा होगतीर येल लॉकुर नीमद स्वागत माळालुर या नीम मातगोळी केळालुर, रा अदरी बटि वुळी अदकि तान कालगोळद धुळा झाळस कोमी. ईद आंदुर साटी ऊंद चेतावनी आदीन.”

12 आग आंदुर अल टु होटोदुर. अदकि आंदुर होगकु प्रचार माळदुर, तान पापगोळी बळी अदकि परमेश्वर उन दी तरिगी. 13 \*आंदुर हापाळ सा दुषटआत्मागोळी तेगदुर, अदकि हापाळ सा बमिर मंळसागोळ मा जैतून इन याण्णा अन्द मालसि माळकु आंदरी चंगा माळदुर.

यूहन्ना बपतसिमा कोळावाळा अक कोन्नोद  
(मत्ती १४:१-१२; लूका ९:१७-९)

14 \*हेरोदेस राजा भी यीशु उन चर्चा केळदुन, यतकी आऊन हेसुर हापाळ फेलुसेगति, अदकि येनारा लॉकुर अंदुर, “यूहन्ना बपतसिमा कोळावाळा सोत्तुर दा टु जित्ता आग्यान, इदुरसाटी आऊन से इव सामर्थ्य ईनव क्याल्सा प्रगट आगताव.”

15 दुसरा लॉकुर अंदुर, “इव एलिय्याह हुन.”

लेकीन यारारा दुसरा लॉकुर अंदुर, “इव भवषियवक्ता हुन, हाळोद जमाना अन भवषियवक्तागोळ घाई ऊंद.”

16 ईद केळकु हेरोदेस राजा अंदुन, “आव बपतसिमा कोळावाळा यूहन्ना हुन. यारद ताल्ला ना कळसुसीदीन, आवा सोत्तुर दा टु जित्ता आग्यान!” 17 \*हेरोदेस राजा तान सपिआईगोळी कळकु यूहन्ना अक हूळसुसदुन अदकि संकलीगोळ देल कटकु जयल दा हाक बुटीदुन. ईद हेरोदयिास इन कारण हेरोदेस हगि माळदुन, यतकी हेरोदेस तान वारट फलिपिपुस उन हगिस हेरोदयिास इन सागुळ मदा माळ कोंडीदुन. 18 बपतसिमा कोळावाळा यूहन्ना घळी घळी हेरोदेस राजा से अनतेला ईत्तुन, “नीन साटी तान वारट उन हगिस उन से मदा माळोद उचित हिलेच.”

19 इदुरसाटी हेरोदयिास बपतसिमा कोळावाळा यूहन्ना से दुश्मनी ईटतोगोर अदकि ईद चाहासोर क्क आऊक ह्यांगारा भी कोन्सुस बुळाईन; लेकीन हेरोदेस राजा अन्द कारण देल हगि माळ सकदील. 20 हेरोदेस यूहन्ना से अंजजतोगोन. यतकी हेरोदेस जान्सतोगोन क्क बपतसिमा कोळावाळा यूहन्ना ऊंद न्यायी अदकि पवतिर मंळसा आन, इदुरसाटी हेरोदेस आऊक ऊळसुकु ईटतोगोन, अदकि यागल्यारा भी आव यूहन्ना अन्द मातगोळ केळतोगोन रा हापाळ अंजजतोगोन, लेकीन खुशी देल आऊन मातगोळ भी केळतोगोन.

21 आखरी दा हेरोदयिास इक हेरोदेस उन जनम दिन मा वळलीद मौका सकित. अदकि आंदुर प्रधानगोळी, सेनापतीगोळी, अदकि गलील इन धोळ धोळ लॉकुरी ऊमली कार्सदुर. 22 रा हेरोदयिास इन पोर बुळक बंदुर, अदकि कृणुकु हेरोदेस उक अदकि आऊन सांगुळ जो कुरतकु पावनागोळ ईरोर आंदरी खुश माळदुर. रा राजा आ पोर इन से अंदुन, “नी जो चाहास्या अद नान से बेळ, ना नीनी कोळाईन.” 23 अदकि आव करिया तनिकु आकी वचन कोटदुन, क्क नी जो भी नान से बेळ्या अद ना नीनी कोळाईन, ईल ताका क्क नांद आरधा राज्य भी.

24 आग आ पोर व्हार्या होगकु तान मोय इन से केळदुर, “ना येन बेळाईन?” रा आक इन मोय हेरोदयिास माताळदुर,

“यूहन्ना बपतसिमा कोळावाळा अन्द ताल्ला.”

25 आक तुरन्त राजा हेरोदेस उन हात्ती बुळक बंदुर अदकि आऊन से वनिती माळदुर, “ना चाहासतीन, क्क नी ईगल्या बपतसिमा कोळावाळा यूहन्ना अन्द ताल्ला ऊंद टाटी दा नानी कार्सकु कोळ.”

26 इदुर देल हेरोदेस राजा हापाळ उदास आदुन, लेकीन आव तान सप्पा पाऊनागोळद मुंद वादा माळीदुन अदकि करिया तदीदुन. ई कारण देल आकी मना माळ सकदील. 27 इदुरसाटी राजा तुरन्त ऊंद सपिाही इक आग्या कोटकु कळदुन क्क बपतसिमा कोळावाळा यूहन्ना अन ताल्ला कळकु तंदान, आग जल्लाद जेलखाना दा होगकु आऊन ताल्ला कळदुन. 28 अदकि ऊंद टाटी दा ईटकु तंदुन अदकि आ पोर इक कोटदुन, अदकि पोर तान मोय इक कोटदुर. 29 ईद केळकु यूहन्ना नोर चेला बंदुर, अदकि आऊन लाश इक ओतुर अदकि क्वर दा ईटदुर.

हन्नेळ प्रेरतिगोळद वापसी

(मत्ती १४:१३-२१; लूका ९:१०)

30 आग प्रेरतिगोळ वापस बंदुर अदकि यीशु से सकिदुर, अदकि जो भी आंदुर माळीदुर अदकि कलसीदुर, सब यीशु अक हेळदुर. 31 यीशु आंदुर से अंदुन, “नळी अदकि अलग येल्यारा सुनसान जागा दा नळ्कु आराम माळी.” यतकी अल हापाळ लॉकुर होगोद-बरोद माळतोगोर, अदकि आंदरी ऊमोद मवका भी ईला सकितोगोद. 32 इदुरसाटी आंदुर इवांगा मा येरकु, सुनसान जागा दा अलग होटोदुर.

यीशु भीळ इक भोजन तनिसदुन

(मत्ती १४:१५-२१; लूका ९:११-१७; यूहन्ना ६:१-१४)

33 हापाळ मुंदुर आंदरी होगत् नोळदुर अदकि ऊंद घन दा अरत कोंडुर क्क आंदुर यार उर; अदकि सप्पा लॉकुर नगरगोळ दा टु जमा आगकु अल पैदल हरदुर अदकि यीशु अदकि आऊन चेलागोळ से पयले होगकु पोहचुसदुर.

34 \*याग यीशु इवांगा दा टु व्हार्या होटदुन रा ऊंद धोळद भीळ नोळदुन, अदकि आऊक आंदुर मा दया होटद वत्त, यतकी आंदुर आ म्यांडागोळ घाई ईरोर, यारद यारू रखवाला ईरालुर; इदुरसाटी यीशु आंदरी हापाळ सा मातगोळी

\* 6:11 ६:११ प्रेरतिगोळ १३:२१ \* 6:11 ६:११ लूका १०:४-११ \* 6:13 ६:१३ याक्व ५:१४ \* 6:14 ६:१४ मत्ती १६:१४; मरकुस ८:२८; लूका ९:१९ \* 6:17 ६:१७ लूका ३:१९,२० \* 6:34 ६:३४ मत्ती ९:३६

कलसली कुरतुन. 35 याग द्याव हापाळ मुळकेत, रा आऊन चेलागोळ आऊन हात्ती बंदकु अनली कुरतुर, "ईद सुनसान जागा आद, अदकि द्याव हापाळ मुळकेग्याद. 36 लॉकुरी सार माळ कं नाकु दाकळव ऊरगोळ अदकि मोहल्ला दा होगकु, ताम साटी येनारा तनिली कोंड कोमुल."

37 लेकीन यीशु आंदरी उत्तर कोट्टुन, "नीवा आंदरी येनारा तनिली कोळी."

चेलागोळ यीशु से अंदुर, "नाव येदुद सौ दीनार\* इन रोटीगोळी कोडेव, अदकि आंदरी तनिसेव?"

38 इदुरसाटी यीशु आंदुर से अंदुन, "होगकु नोळी नीम हात्ती यास रोटीगोळ आव?"

आंदुर मालूम माळकु अंदुर, "अईद रोटीगोळ अदकि येदुद मेन."

39 आग यीशु तान चेलागोळी आग्या कोट्टुन, कं सब मुंदरी हसीद काडडा मा पंगत पंगत दा कुरस बुळी. 40 आग आंदुर सौ सौ अदकि पचास पचास माळकु पंगत पंगत दा कुरतोदुर. 41 आव आ अईद रोटीगोळी अदकि येदुद मेनगोळी हळदुन, अदकि स्वरगा दी नोळकु परमेश्वर उक धन्यवाद माळदुन, अदकि रोटीगोळ मुर-मुरकु चेलागोळी कोळतोदुन कं आंदुर लॉकुरी वाळसुल, अदकि अव येदुद मेनगोळ भी आ सब मुंदुर दा वाळस बुट्टुन. 42 अदकि सब मुंदुर तनिकु संतुषट आगोदुर. 43 अदकि चेलागोळ मकिकु रोटीगोळ अदकि मेनगोळद तुकळा देल हननेळ फुट्टीगोळ तुमकु नेगदुर. 44 यार रोटीगोळी तदुरि, आंदुरदा सरिफ मंळसागोळद संख्या अईद हजार ईरोद.

यीशु उन नीर मा नळोद

(मत्ती १४:२२-३३; यूहनुना ६:१५-२१)

45 आग यीशु तुरन्त तान चेलागोळी ड्वांगा मा कुरोर साटी मजबुर माळदुन कं आंदुर आऊन से पयले झील इन आपपाटी बैतसेदा नगर इक होटोगुल, कं आव आगासताका लॉकुरी सार माळयान. 46 लॉकुरी सार माळकु यीशु पहाळी मा प्रारथना माळली होटोदुन. 47 याग द्याव मुळकेत, रा आग ड्वांगा झील इन न्याड्या दा ईरोद, अदकि यीशु आवना क्याररा अन्द भूमी इन कनाररा मा ईरोन. 48 याग यीशु नोळदुन कं आंदुर ड्वांगा नळस नळसकु घवसूग्यार, यतकी आँधी ड्वांगा अन्द ऊलट ईरोद, रा ईळलक इन मुर अदकि आर पहर इन हात्ती आव झील मा नळतेला आंदुर हात्ती बंदुन; अदकि आंदुर से मुंद होटबुळोद चाहासोन. 49 लेकीन आंदुर आऊक झील मा नळतेला नोळकु रा समसदुर कं ईद ऊद भूत हून, अदकि चलिळास कुरतुर;

50 यतकी सप्पा मुंदुर आऊक नोळकु अंजेगीदुर. लेकीन यीशु तुरन्त आंदुर से मात हेळदुन अदकि अंदुन, "हमिमत ईटी: ना हुईन; अंजवाळी!" 51 आग आव आंदुर हात्ती ड्वांगा मा बंदुन, अदकि हवा रूकसेत: अदकि आंदुर हापाळ अच आशचर्य माळली कुरतुर. 52 आ चेलागोळ अईद हजार लॉकुरी रोटीगोळ तनिसोद मात समस ईला सकीदुर, यतकी आंदुर अव मन कट्टर आगेगीदव.

गननेसरत दा यीशु रोगीगोळी चंगा माळदुन

(मत्ती १४:३४-३६)

53 यीशु अदकि आऊन चेलागोळ आपपाटी ईळकु गननेसरत इन भूमी मा पोहचुसदुर, अदकि ड्वांगा घाट इन कनाररा मा हचदुर. 54 याग आंदुर ड्वांगा मा टु ईळदुर, रा लॉकुर तुरन्त यीशु उक अरत कोंडुर. 55 आसपास इन पुरा प्रदेश दा हरदुर, अदकि बमारगोळी वहरस मा मगिसकु, येल येल समाचार केळदुर कं आव हून, अल अल हुरतेला वयाळदुर. 56 अदकि येल्यारा यीशु ऊरगोळ, नगरगोळ या मोहल्ला दा होगतोगोन, रा लॉकुर बमारगोळी सात्तागोळ दा ईटकु आऊन से वनिती माळतोगोर, कं आव आंदरी तान कपळा अन्द पल्लाक अच मुट गोळुल: अदकि यास आऊक मुटतोगोर, आंदुर सब चंगा आगेगोर.

## 7

पुरवजगोळद परंपरा अन्द प्रश्न

(मत्ती १५:१-९)

1 आग फरीसी अदकि थवाळासा शास्त्री जो यरूशलेम टु बंदीदुर, यीशु उन आसपास जमा आदुर, 2 आंदुर नोळदुर कं फरीसीगोळद शकिसा अन्द अनुसार अशुध्द मतलब बनिा कय तोळद आऊन चेलागोळ रोटीगोळ तनित्यार.

3 यतकी फरीसी अदकि सप्पा यहूदी, तान पुरवजगोळद परंपरा मा नळुतार, अदकि आंदुर आगासताका ऊमालुर यागासताका वळलीसा कय तोळद कोमालुर. 4 सात्ता टु तरत यातोदु चजि इक बनिा तोळद तनालुर, अदकि हगि हापासा दा दुसरा मातगोळ आव, जो पुरवजगोळद शकिसा अन्द अनुसार आंदुर हात्ती मानसोर साटी पोहचुसकु आग्याद, जसा कटोरा, अदकि गळु, वहरस अदकि तांवा नव बरतनगोळी तोळोद.

5 इदुरसाटी आ फरीसी अदकि नयिम इन शास्त्रीगोळ आऊन से केळदुर, "नीनोर चेलागोळ येती पुरवजगोळद परंपरा अन्द पालन माळालुर, अदकि बनिा कय तोळद रोटी तनितार?"

6 यीशु आंदुर से अंदुन, यशायाह नीम कपटीगोळद बारा दा खरा अच भवषियवाणी माळीदुन; हयांग लखिसकु आद;

ई लॉकुर टुटगोळ देल रा नान आदर माळतार,

लेकीन इंदुर मन नान से दुर ईरतद.

7 इंदुर बेकार अच नान उपासना माळतार,

यतकी इंदुर खुद इन नयिमगोळी

\* 6:37 ६:३७ दीनार-ऊद चॉदी इन सक्किा याने ऊद दिन इन रोजी

परमेश्वर उन नयिम माळक कल्सतार.

8 यतकी नीव परमेश्वर उन आग्या अक टाल्सकु मंळसागोळद रीतीगोळी मान्सतीर.

9 यीशु आंदुर से अंदुन, नीव परमेश्वर उन आग्या अक टाल्सदुर दा बळा चतुर आगेगीर, कतिान परंपरागोळद स्थापना माळ सककीर. 10 यतकी मूसा अंदान, तान आप्प अदकि तान मोय इन आदर माळी अदकि जो यावारा भी तान आप्प या मोय इक बुरा भला अनुल, रा आऊक जूर कोंद बुळी. 11 लेकीन नीव अनतीर कि अगर यावारा तान आप्प या मोय से अनुल, जो येनारा नीनी नान से लाभ आग सकोद, अद ना पयले टु उच परमेश्वर उक अरपति माळ बुटीन. 12 रा नीमी आऊन आप्प या आऊन मोय इन स्यावा ईला माळोद बहाना सकिकेगतद. 13 ई प्रकार देल नीव लांकुर तान परंपरागोळ देल, नयिम ठहूरस्तीर, अदकि परमेश्वर उन वचन टाल्स बुळतीर; अदकि हगि हापाळ सा मातगोळ माळतीर.

मंळसागोळी अशुध्द माळव मातगोळ  
(मत्ती १५:१०-२०)

14 आग यीशु लांकुरी तान हात्ती कारूकु आंदुर से अंदुन, “नीव सब नान मातगोळ केळी, अदकि समसी. 15 हगि रा यातोद भी वस्तु ईलच जो मंळसा दा व्हारया टु बुळक बंदकु आऊक अशुध्द माळीत लेकीन जो वस्तुगोळ मंळसा अन्द बुळक टु व्हारया होळताव अव अच रा मंळसा अक अशुध्द माळताव. 16 \* अगर यारोवारा केळव कवि आव रा केळ कोमुल.”

17 याग यीशु भीळ इन हात्ती टु मान्या होदुन, रा आऊन चेलागोळ ईद उदाहरण इन बारा दा आऊन से केळकु समझुसली हेळदुर. 18 यीशु आंदुर से अंदुन, येन नीव भी हगि नासमज आईर? येन नीव समसालीर कि जो वस्तु व्हारया टु मंळसा अन्द बुळक होगतद, अद आऊक अशुध्द माळ सकाल? 19 यतकी अद आऊन मन दा ईला, लेकीन आऊन वहाट्टा दा होगतद अदकि धाळलकु दा टु व्हारया होट्ट बुळतद! ईद अनकु आव सप्पा भोजन वस्तुगोळी शुद्ध ठहूरसदुन.

20 बाक यीशु अंदुन, “जो मंळसा अन मन दा टु होळतद, अदा मंळसा अक अशुध्द माळतद. 21 यतकी बुळक टु, मतलब कि मंळसा अन मन दा टु, बेकार-बेकार वचिार, व्यभचिार, दुष्टता, काळलपनी, कोनोद, परस्त्रीगमन, 22 लोभ, छल-कपट, लुचपन, बुरानजर, ईर्ष्या, अपमान, अभमिान, अहंकार अदकि मूर्खता होळतद. 23 ई सप्पा बुरा मातगोळ मन इन बुळक टु होळताव अदकि मंळसा अक अशुध्द माळताव.”

गैरयहूदी आरत इन वशिवास  
(मत्ती १५:२१-२८)

24 बाक यीशु अल टु यदकु सूर इन आसपास इन प्रदेश दा बंदुन; अदकि ऊद मान्या होदुन अदकि आव ईला चाहासोन कि यारीकु पता नळुल; कि आव अल आन लेकीन तरी भी आव होचकोम सकदील. 25 अदकि तुरन्त ऊद आरत याद्द सयाळद पोर इन दा दुष्टआत्मा ईरोद, आऊन बारा दा केळकु, अदा घनी आऊन हात्ती बंदुर अदकि आऊन कालगोळ मा बदिदुर. 26 ई आरत गैरयहूदी ईरोर अदकि सीरयिया अन्द फनीकी दा पैदा आगीदुर. आक यीशु से वनिती माळदुर कि नान पोर इन दा टु दुष्टआत्मा तेगुकोळ. 27 यीशु आकिन से अंदुन, “पयले पारगोळी संतुष्ट आगगोळ, यतकी पारगोळद रोट्टी हूळकु नायगोळद मुंद हाक्कोद उचति हेलेच.”

28 लेकीन आ आरत यीशु उक उत्तर कोट्टदुर, “खरा आद प्रभु; तरी भी नायगोळ भी रा मेज इन ल्यालमा चकिरद रोट्टी इन चुराचारा तनि कोमताव.”

29 इदुरसाटी यीशु आ आरत इन से अंदुन, “ई उत्तर इन कारण देल होटोग; दुष्टआत्मा नीन पोर इन मय दा टु होटबुटाद.”

30 अदकि आक तान मान्नी बंदकु नोळदुर कि पोर व्हर्स मा मगिकु आर, अदकि दुष्टआत्मा आकिन मय दा टु होटबुटाद.

यीशु बयरा अदकि तोतळा मंळसा अक चंगा माळदुन

31 बाक यीशु सूर हेसुर इन प्रदेश टु होटकु सैदा टु आगतेला गलील इन क्यार्रा मा बंदकु आव दकिपुलसि ताका बंदुन. 32 रा लांकुर ऊद बयरा अक जो तोतळा भी ईरोन, यीशु उन हात्ती तंदकु आंदुर आऊन से वनिती माळदुर कि तान कय आऊन मा ईटुल. 33 आग यीशु आऊक भीळ टु अलग आवना दा ओतुन, अदकि तान वेळलगोळी आऊन कवि दा हाकदुन, अदकि ऊगुळकु आऊन ल्यालग्या अक मुटदुन; 34 अदकि स्वर्ग इन दी नोळकु लंबा सास ताकोडुन, अदकि आऊन से अंदुन, “इप्पतह!” मतलब “तेरदोग!”

35 अदकि आऊन अव कवि तेरदोदव, अदकि आऊन ल्यालग्या अन्द गाठ भी तेरदोत, अदकि आव साफ साफ माताळली कुरतुन. 36 आग यीशु आंदरी चेतावनी कोट्टुन कि यारीकु हेळवाळी; लेकीन याट आव आंदरी चेतावनी कोटीदुन आट अच आंदुर मात प्रचार माळली कुरतुन. 37 आंदुर हापाळ अच आशुचर्य चकति आगकु अनली कुरतुन, “यीशु याट वळ्लीद तरीका देल ई सब येनारा माळतान; आव बयरागोळी भी केळोद, अदकि मुक्कागोळी माताळोद शक्ती कोळतान.”

\* 7:16 ७:१६ अगर यारोवारा केळव कवि आव रा केळ कोमुल

## 8

नाक हजार लॉकुरी ऊमली कोळोद  
(मत्ती १५:३२-३९)

1 आ दनिगोळ दा याग धोळद भीळ जमा आत, अदकि आंदुर हातूती तनिनी येनु ईला ईरोद, रा यीशु तान चेलागोळी हातूती कार्कु आंदुर से अंदुन, 2 “नानी ई भीळ मा हापाळ दया बरेत्याद यतकी इंदुर मुर दनि टु बराबर नान सांगुळ आर, अदकि इंदुर हातूती तनिनी येनु हल्लेच! 3 अगर ना आंदरी उपासी मान्या कळाईन, रा हादी मा थकूसकु बदिंदार; यतकी आंदुर दा टु यार यारारा हापाळ दुर टु बंदार.”

4 यीशु उन चेलागोळ आऊक उत्तर कोट्टुर, “ईल आळी दा ईस रोट्टी यारारा यल टु तर सकतार कि इंदुर संतुष्ट आगुल?”

5 यीशु आंदुर से केळदुन, “नीम हातूती यास रोट्टीगोळ आव?”  
आंदुर अंदुर, “येळ.”

6 आग यीशु भीळ इक लयालमा कुरोद आदेश कोट्टुन, अदकि आ येळ रोट्टीगोळी हुळदुन, अदकि परमेश्वर उक धन्यवाद माळकु मुरदुन, अदकि अवरी तान चेलागोळी कोट्टुन कि आंदुर आ मंळसागोळ मुंद ईटुल, अदकि आंदुर लॉकुर मुंद वाळस बुदुर! 7 आंदुर हातूती थवाळासा स्याणव मेनगोळ भी ईरव. आव अऊर मा परमेश्वर उक धन्यवाद माळकु अवरी भी लॉकुर दा वाळसली अंदुन. 8 आंदुर तनिकु संतुष्ट आगेदुर अदकि चेलागोळ जो मगिद तुकळागोळ येळ फुट्टी तुमकु नेगदुर! 9 अदकि लॉकुर नाक हजार इन हातूतीपास ईरार. यीशु आंदरी वदि माळदुन, 10 अदकि आव तुरन्त तान चेलागोळ सांगुळ इवांगा मा येरकु दलमनुता प्रदेश इक होटोदुन.

फरीसीगोळ यीशु उक चमत्कार माळली अंदुर  
(मत्ती १२:३८-४२; १६:१-४)

11 वाक फरीसी बंदकु यीशु से बैसबाजी माळली कुरतुर, अदकि आऊन परीक्षा ताकोमोर साटी आंदुर आऊन से ऊद स्वर्गीय चमत्कार बळदुर! 12 आव तान आत्मा दा आह तुमकु अंदुन, “ई समय इन लॉकुर योना अनंद चमत्कार येती दुद्वसतार? ना नीम से खरा-खरा अनतीन कि ई समय इन लॉकुरी येनु चमत्कार कोटकु आगतीदील.”

13 अदकि यीशु आंदरी बटिकु इवांगा मा येरेदुन अदकि दुसरा कनिरा मा होटोदुन.

फरीसीगोळ अदकि हेरोदेस उन खमीर  
(मत्ती १६:५-१२)

14 चेलागोळ रोट्टी हुडोद मारतोगीदुर, अदकि इवांगा मा आंदुर हातूती ऊद अच रोट्टी ईरोद! 15 यीशु आंदरी चेतावनी कोटकु अंदुन, “नोळी, फरीसी नव खमीर\* अदकि हेरोदेस ईनव खमीर देल सावधान ईरी.”

16 आंदुर आपस दा मातचीत माळली कुरतुर, कि “नाम हातूती रोट्टी हल्लेच अनकु आव हगि अनेत्यान.”

17 ईद जानूसकु यीशु आंदुर से अंदुन, “नीव आपस दा येती ईद वचारि माळेतीर कि नाम हातूती रोट्टी ईलच? येन नीम मन कट्टर आगंगयाव? 18 येन कण्ण ईतकु भी नीव नोळ सकालीर? अदकि कवि ईतकु भी केळ सकालीर? अदकि येन नीमी याद ईलच?”

19 कायाग ना अईद हजार लॉकुर साटी अईद रोट्टी मुरददिन रा नीव तुकळा गोळद यास फुट्टी तुमकु नेगददिन? आंदुर यीशु से अंदुर, “हननेळ फुट्टीगोळ.”

20 अदकि येन नीमी याद हल्लेच कि “याग ना नाक हजार लॉकुर साटी येळ रोट्टी मुरददिन रा नीव तुकळा गोळद यास फुट्टी तुमकु नेगददिन?”

आंदुर आऊन से अंदुर, येळ फुट्टीगोळ.

21 वाक यीशु आंदुर से केळदुन, “येन नीव ईगासताका समसीदील?”

यीशु बैतसैदा दा ऊद कुद्वद मंळसा अक चंगा माळदुन

22 आंदुर बैतसैदा दा बुदुर; अदकि लॉकुर ऊद कुद्वद मंळसा अक आऊन हातूती तंदुर अदकि यीशु उन से वनिती माळदुर कि आऊक मुट्ट. 23 आव कुद्वद मंळसा अनंद कय हुळकु आऊक ऊर इन व्हारया ओतुन, अदकि आऊन कण्णगोळ मा उगुळकु आऊन मा कय ईटदुन, अदकि आऊन से केळदुन, “येन नीनी येनारा कांळसतद?”

24 आव कण्ण नेगुकु अंदुन, “ना मंळसागोळी नोळ सकतीन; आंदुर नानी मारगोळ आसपास नळुतेला कांळसीत्यार.”

25 आग यीशु दुबारा आऊन कण्णगोळ मा कय ईटदुन, अदकि आ कुद्वद मंळसा ध्यान देल नोळदुन. आव चंगा आगेदुन, अदकि सब साफ-साफ नोळली कुरतुन. 26 यीशु आऊक ईद अनकु मान्नी कळदुन, “ईद ऊर इन बुळक टु आगकु होगवाळ सीधा तान मान्नी होग.”

पतरस उन यीशु उक मसीह स्ववीकर माळोद  
(मत्ती १६:१३-२०; लूका ९:१८-२१)

27 यीशु अदकि आऊन चेला कैसरया फलिपिपी इन ऊरगोळ दा होटोदुर! हादी मा आव तान चेलागोळ से केळदुन, “लॉकुर नान बारा दा येन अनतार कि ना याव हुईन?”

\* 8:11 द:११ मत्ती १२:३८; लूका ११:१६

\* 8:12 द:१२ मत्ती १२:३९; लूका ११:२९

\* 8:15 द:१५ लूका १२:१

\* 8:15 द:१५

खमीर-फरीसीगोळद गलत शक्तिवा \* 8:18 द:१८ मरकुस ४:१२

28 \*आंदुर उत्तर कोटदुर, ईव "यूहन्ना बपतस्मा कोळावाळा; पर यारारा ईव एल्यियाह अदकि यारारा ईव भवषियवक्तागोळ दा टु यावारा ऊंद हुन."

29 \*यीशु आंदुर से केळदुन, "लेकीन नीव नानी येन अनतीर?"

पतरस आऊक उत्तर कोटदुन, "नी मसीह उधदारक हुय."

30 आग आव आंदरी आग्या कोटकु अंदुन कनिान बारा दा यारीकु हेळबाळेतीर!

तांद मृत्यु अदकि पुनरूत्थान इन बारा दा यीशु उन भवषियवाणी

(मत्ती १६:२१-२८; लूका ९:२२-२७)

31 आग यीशु तान चेलागोळी कल्सली कूरतुन कि मंळसा अन पार उन साटी जरूरी आद कि आव हापाळ दुख नेगदान, अदकि स्याणा अदकि प्रधान याजक, अदकि नयिम शास्त्रीगोळ द्वारा ठहूसकु आगकु आऊक तुचछ समसकु कोदबुटार, लेकीन आव मुर दनि इन बाददा जतिता आगेदान. 32 आव ईद मात आंदुर से साफ-साफ अंद बुटदुन. इदुर मा पतरस आऊक दनकुसकु अंदुन हगि आगसकाल. 33 लेकीन यीशु तरिगकु तान चेलागोळ दी नोळदुन, अदकि पतरस उक दनकुसकु अंदुन, "हे शैतान, नान मुंद टु दुर आग; यतकी नी परमेश्वर उन मात मा ईला, लेकीन मंळसा अन मातगोळ मा मन हचतया."

34 \*यीशु भीळ इक तान चेलागोळ सांगुळ हातुती कारूकु आंदुर से अंदुन, "जो यावारा नान हदि बरोद चाहासतान, आव तान खुद इन इनकार माळुल अदकि आऊक दुख नेगोद बदिदीत आवा, तान कूस नेगुकु, नान हदि आगुल. 35 \*यतकी जो यावारा तान जीव ऊळसोद चाहास्यान आव अदरी खोऊस्यान, लेकीन जो यावारा नान अदकि खुशखबरी इन साटी तान जीव खोऊस्यान, आव अदरी ऊळस्यान. 36 अगर मंळसा पुरा दुनिया अक हासलि माळुल अदकि तान जीव इन नुकसान आगगोळुल, रा आऊक येन लाभ आदीत? 37 मंळसा तान जीव इन बदला दा येन कोट्टान? 38 जो यावारा ईद व्यभचिारी अदकि पापी जाती इन न्याइया नान से अदकि नान मातगोळ देल लाजुस्यान, ना मंळसा अन पार याग पवतिर स्वर्गदूतगोळ सांगुळ तान आपुप उन महिमा अन्द सांगुळ बराईन, आग आव नान से भी लाजुस्यान आंदरी भी ना अपनुसाईन."

## 9

1 यीशु आऊन से अंदुन, "ना नीम से खरा-खरा अनतीन कि जो ईल नीदुरकु आर, आंदुर दा टु यारारा-यारारा हगि आर, कि यागासताका परमेश्वर उन राज्य अक सामर्थ्य सहति बरत नोळकोमालुर, आगासताका आंदुर सायतीदील."

यीशु उन रूप बदलुसोद

(मत्ती १७:१-१३; लूका ९:२८-३६)

2 \*आर दनि इन बाददा यीशु, पतरस, याक्व अदकि यूहन्ना अक सांगुळ हुळदुन, अदकि आवना अन दा ऊंद धोळद पहाळी मा ओतुन. अल आंदुर मुंद आऊन रूप बदलुसेत, 3 अदकि आऊन कपळा हगि चमकुसली हतदव अदकि ईल ताका उजुळ आत, कि पृथ्वी मा यातोवारा धोवी भी हांग उजुळ माळ सकालुन. 4 अदकि आंदरी मूसा अन्द सांगुळ एल्यियाह काळसदुन; आंदुर यीशु उन सांगुळ मात माळतोगोर! 5 इदुर मा पतरस यीशु से अंदुन, "हे गुरु, नाम ईल ईरोद वळलीसा आद: इदुरसाटी नाव मुर हांदरा माळाता; ऊंद नीन साटी, ऊंद मूसा साटी, अदकि ऊंद एल्यियाह अन्द साटी." 6 पतरस ईला जानसोन कि येन उत्तर कोळाईन, इदुरसाटी कि आंदुर हापाळ अंजेगीदुर!

7 \*आग ऊंद बादल आंदरी घेरसकोमत्त, अदकि आ बादल दा टु ईद आवाज होळत, इव नान प्रयि पार हुन, ईऊन केळी. 8 आग आंदुर अचानक नाकु दी नजर माळकु नोळदुर, अदकि यीशु उक बटिकु तान सांगुळ अदकि यारीकु नोळीदील.

9 पहाळी मा टु ईळा होती यीशु आंदरी आग्या कोटदुन कि यागासताका ना मंळसा अन पार सोत्तुर दा टु जतिता आगालीन, आगासताका जो येनारा नीव नोळीर अद यारीकु हेळबाळेतीर.

10 आंदुर आऊन आग्या अक मानसदुर; अदकि आपस दा चरचा माळली हतदुर, "सोत्तुर दा टु जतिता आगोद येन मतलब आद?" 11 \*अदकि आंदुर आऊन से केळदुर, "बाक शास्त्री यती अनतार कि एल्यियाह अन्द पयले बरोद जरूरी आद?"

12 आव आंदरी उत्तर कोटदुन, "एल्यियाह खराखुरा पयले बंदकु सब येनारा सुधारसली बंदान, लेकीन मंळसा अन पार उन बारा दा ईद येती लखिसकु आद कि आव हापाळ दुख नेगदान, अदकि टुकरूसकु आदान? 13 लेकीन ना नीम से अनतीन, कि एल्यियाह रा होटबंदुन, अदकि जसा आऊन बारा दा लखिसकु आद, आंदुर हयांग चाहासदुर हांग अच आऊन सांगुळ माळदुर."

यीशु दुष्टआत्मा हतकु पार उक चंगा माळदुन

(मत्ती १७:१४-२१; लूका ९:३७-४३)

14 याग यीशु चेलागोळ हातुती बंदुन, रा नोळदुन कि आंदुर नाकु दी धोळद भीळ हतकु आद, अदकि नयिम इन शास्त्री आंदुर सांगुळ वविदा माळीत्यार. 15 आऊक नोळतेला अच सप्पा लांकुर हापाळ आश्रय माळली कुरतुर,

\* 8:28 द:२८ मरकुस ६:१४,१५; लूका ९:१७,८८ \* 8:29 द:२९ यूहन्ना ६:६८,६९ \* 8:34 द:३४ मत्ती १०:३८; लूका १४:२७ † 8:34 द:३४ कुरस-दुख इन परतकि \* 8:35 द:३५ मत्ती १०:३९; लूका १७:३३; यूहन्ना १२:२५ \* 9:2 ९:२ पतरस १:१७,१८ \* 9:7 ९:७ मत्ती ३:१७; मरकुस १:११; लूका ३:२२ \* 9:11 ९:११ मत्ती ११:१४

अदकि हयांग आंदुर यीशु उक नोळदुर रा आऊन दी ओळकु आऊक नमस्कार माळदुर. 16 यीशु आ चेलागोळ से केळदुन, “नीव इंदुर से येन बहस माळेंतीर?”

17 भीळ दा टु ऊंद मंळसा यीशु उक उत्तर कोट्टुन, “हे गुरु, ना तान पार उक, यारदा मुक्की आत्मा समुस्याद, अदकि आव माताळ सकालुन नीन हात्ती तंददीन. 18 आक आऊक येल्यारा भी हुडूतार, अलया पटकुस बुळतार: अदकि आव बाय दा फेस तरतान, अदकि हल्ल कचतान, अदकि वंळतेला होगतान. ना नीन चेलागोळ से अंदीन क नीव आ दुषटआत्मा अक तेगी, लेकीन आंदुर तेगु सकदील.”

19 ईद केळकु यीशु चेलागोळी उत्तर कोटकु अंदुन, “हे अवशिवासी लॉकुरा, ना यागासताका नीम सांगुळ ईराइन? अदकि यागासताका नीम सहन माळाईन? आ पार उक नान हात्ती तरी.”

20 आग आंदुर आ पार उक आऊन हात्ती तंदुर: अदकि याग आव आऊक नोळदुन, रा अद आत्मा तुरन्त आऊक मुरकुळसत; अदकि आव जागा मा बदिदुन, अदकि बाय दा टु फेस तेगुतेला गळबळी तनिली कुरतुन.

21 यीशु आऊन आप्प उन से केळदुन, “ईऊंद हगि दशा यागी टु आद?” आव अंदुन, “बचपन टु. 22 आ दुषटआत्मा ईऊक कोन्नोर साटी यागलु बेक्की दा अदकि यागलु नीर दा केडुकु कोन्नोद कोशशि माळतद; लेकीन अगर नी येनारा माळ सकतया रा, नाम मा तरस तनिकु नाम सहायता माळ.”

23 यीशु आऊन से अंदुन, “अगर नी माळ सकतया? रा वशिवास माळ. यतकी वशिवास माळावाळेर साटी सब येनारा आग सकतद.”

24 पार उन आप्प तुरन्त गळिगळिास्कु अंदुन, “हे प्रभु, ना वशिवास माळतीन, लेकीन नान वशिवास काफि हल्लेच नांद अवशिवास इन उपाय माळ.”

25 याग यीशु नोळदुन क लॉकुर ओळकु भीळ जमा माळीतयार, रा आव दुषटआत्मा अक ईद अनकु दनकुसदुन, “हे मुक्की अदकि दुश्मन दुषटआत्मा, ना नीनी आग्या कोळतीन, आऊन दा टु होळबुळ, अदकि आऊन दा बाक यागलु प्रवेश माळवाळेत.”

26 आग दुषटआत्मा चळिलासकु अदकि आऊक हापाळ मुरकुळसकु, होट्ट बुळत; अदकि पार सोत्तुर घाई आगेदुन, ईल ताका क हापाळ लॉकुर अंदुर, “आव सोतोदुन.” 27 लेकीन यीशु आऊन कय हुळकु आऊक येव्सदुन. अदकि आव पार नीदरेदुन.

28 याग यीशु मान्नी बंदुन, रा आऊन चेलागोळ आबना दा आऊन से केळदुर, “नाव आ दुषटआत्मा अक आ पार उन दा टु यती तेगु सकदील?”

29 आव आंदुर से अंदुन, “ईद प्रारथना अन्द अलावा अदकि दुसरा उपाय देल होळ सकाल.”

तान सायोद बारा दा यीशु उन मात्त: भवषियवाणी

(मत्ती १७:२२-२३; लूका १:४३-४५)

30 बाक यीशु अदकि आऊन चेला अल टु होट्टकु, गलील टु आगुत होगोर. आव ईला चाहासोन कियारीकु भी पता आगुल क ना ईल आईन, 31 यतकी आव तान चेलागोळी उपदेश कोळोन अदकि आंदुर से अनतोगोन, “ना मंळसा अन पार, मंळसा अन कयदला हुळसुस्कु आगाईन, अदकि आंदुर नानी कोंद बुट्टार; अदकि ना सोतकु मुर दनि इन बाददा जतिता आगाईन.”

32 पर ईद मात आंदुरद समझ दा बंददील, अदकि चेलागोळ यीशु उक केळोर से अंजतोगोर.

सब से धोड्डेव याव?

(मत्ती १८:१-५; लूका १:४६-४८)

33 बाक आंदुर कफरनहूम दा बंदुर; अदकि मान्ना दा बंदकु यीशु चेलागोळ से केळदुन, “हादी मा नीव याता मात मा बहस माळीर?”

34 लेकीन आंदुर सुंगा ईत्तुर, यतकी हादी मा आंदुर आपस दा ईद बहस माळीदुर क नाम दा टु धोड्डेव याव आन. 35 आग यीशु कुरतकु हनेळ चेलागोळी कारदुन अदकि आंदुर से अंदुन, “अगर यावारा धोड्डेव आगोद चाहासतान, रा आव सब से स्याणेव अदकि सप्पा मुंदुरद सेवक आगुल.” 36 अदकि आव ऊंद पार उक हुळकु आंदुरद न्याड्या दा नीदरसदुन, अदकि आऊक मोगुल दा हुळकु आंदुर से अंदुन, 37 “जो यावारा नान हेसुर देल ईत्ता पारगोळ दा टु यातोवारा ऊंद पार उक ग्रहण माळतान, आव नानी ग्रहण माळतान; अदकि जो यावारा नानी ग्रहण माळतान, आव नानी ईला, लेकीन नानी याव कळ्यान आव आऊक ग्रहण माळतान.”

जो वरिध दा ईरोन, आव पक्ष दा आदुन

(लूका १:४९-५०)

38 आग यूहन्ना यीशु से अंदुन, “हे गुरु, नाव ऊंद मंळसा अक नीन हेसुर देल दुषटआत्मागोळी तेगुतेला नोळदेव अदकि नाव आऊक मना माळली कुरतेव, यतकी आव नाम समूह दाकळव ईला ईरोन.”

39 यीशु अंदुन, “आऊक मना माळवाळी; यतकी हगि यारू हल्लेच जो नान हेसुर देल सामरथ्य इन कयाल्सा माळल, अदकि राटनेरी नानी बुरा अन सकुल, 40 यतकी आव नाम्द वरिध दा हल्लेच, आव नाम्द सांगुळ आन.

✧ 9:34 १:३६ लूका २२:२६ ✧ 9:35 १:३५ मत्ती २०:२६,२७; २३:११; मरकुस १०:४३,४४; लूका २२:२६

✧ 9:37 १:३७ मत्ती १०:४०; लूका १०:१६; यूहन्ना १३:२०

✧ 9:40 १:४० मत्ती १२:३०; लूका ११:२३

41 \*जो यावारा नीमी ऊंद वाटी नीर, इदुरसाटी कूळसुल कनिव मसीह नोर हुईर, रा ना नीम से खरा माताळतीन कऱि आव तान प्रतफिल यातोदारा भी रीतऱि देल खोऊसतदिलि.”

पाप माळावाळरी इशारा  
(मत्ती १८:६-९; लूका १७:१-२)

42 \*जो यावारा भी स्यापेर दा टु नान मा वशिवास माळतार अदकि आंदरी यारारा टोकर तनिस्यार रा आऊन साटी वळलीद ईद आद कऱि ऊंद धोळद चक्की इन पट्टा आऊन कृतक्या दा लटक्युसकु आगुल अदकि आव समुद्र दा हाक्कु आगुल. 43 \*अगर नीन कय नीन पाप माळोद कारण बनसतद रा वळलीद आद कऱि अदरी कळद वुळ. डुण्डा आगकु जीवन दा प्रवेश माळेत, नीन साटी इदुर से भला आद कऱि येदूद कय ईतकु नी, नरक इन बेक्की दा हाक्कु आदया जो यागलु नुनाल्द. 44 येल कऱिळा सायाल्द अदकि बेक्की नुनाल्द. 45 अगर नीन काल पाप माळोद कारण आगुल रा अदरी कळद वुळ. लंगळा आगकु जीवन दा प्रवेश माळोद नीन साटी इदुर से वळलीद आद कऱि नी येदूद काल ईतकु नरक दा हाक्कु आदया! 46 येल कऱिळा सायाल्द अदकि बेक्की नुनाल्द.\* 47 \*अगर नीन कणण नीनी टोकर तनिसतद रा, अदरी तेगुकु भीळ. वळलीद आद कऱि कूदूद आगकु परमेश्वर उन राज्य दा प्रवेश माळ. अपेक्षा इदुरद कऱि नी येदूद कणणगोळ ईतकु नरक दा हाक्कु आदया! 48 येल कऱिळा शाय्याल अदकि बेक्की नुनाल्द.”

49 यतकि हर ऊंद मंळसा अक बेक्की देल शुद्ध माळकु आदीत? ह्यांग बलदान उक ऊप देल शुद्ध माळकु आगतद?

50 \*ऊप रा वळलीसा आद; लेकीन अगर ऊप इन स्वाद ओळेत, रा अदरी मात नमकीन ह्यांग माळीर?”

ताम जीवन इक शुद्ध ईटी, जसा यातोदारा वस्तु ऊप देल शुद्ध माळकु आगतद, अदकि आपस दा संगीपना माळकु ईटी अदकि शांती देल ईरी.

## 10

छोळ चटिटी इन बारा दा यीशु उन शक्पिषा  
(मत्ती १९:१-१२; लूका १६:१८)

1 बाक यीशु अल टु होटकु यहदया अन्द प्रदेश टु आगतेला यरदन गांगा अन क्शेत्तर अन्द आप्पाटी बंदुन. अदकि भीळ मात्त आऊन हात्ती बंदकु जमा आगेत, अदकि आव तान रीतऱि अन्द अनुसार आंदरी मात्त उपदेश कोळली कुरतुन.

2 आग थवाळासा फरीसीगोळ आऊन हात्ती बंदुर अदकि आऊक फसुशोर कोशशिषा दा आऊन से केळदुर, नामी हेळ “येन ईद नयिम इन अनुसार सही आद कऱि यावारा मंळसा अन साटी ईद उचति आद कऱि आव तान हगिस उक छोळ चटिटी कोळुल?”

3 यीशु आंदरी उत्तर कोट्टुन, “मूसा नीमी यातोद नयिम कोटान?”

4 \*आंदुर यीशु उक अंदुर, मूसा इजाजत कोटान कऱि ऊंद मंळसा छोळचटिटी लखिसकु तान हगिस उक बळि सकतान.

5 यीशु आंदुर से अंदुन, “मूसा नीम साटी ईद नयिम लखिस्यान यतकि नीमी कलसोद हापाळ मुशकलि आद.

6 लेकीन ह्यांग शास्त्र दा लखिसकु आद, सूवात दा परमेश्वर आंदरी गंळस अदकि आरत इन रूप दा माळदुन.”

7 ईद कारण देल ऊंद मंळसा तान मोय-आपुप उक बटिकु तान हगिस उन सांगुळ ईततान. 8 अदकि आंदुर येदूदु मुंदुर ऊंद तन आदार; इदुरसाटी आंदुर ईंग येदूद ईला पर ऊंद तन आर. 9 इदुरसाटी आंदुर ईंग येदूद ईला, लेकीन ऊंद तन आर. इदुरसाटी यारीक परमेश्वर जोळस्यान, अदरी यावारा भी मंळसा अलग माळबाळुल.

10 याग आंदुर बाक मान्या वापस बंदुर आग चेलागोळ इदुर बारा दा यीशु उक मात्त केळदुर. 11 \*आव आंदुर से अंदुन, ऊंद मंळसा जो तान पयला हगिस उक छोळ चटिटी कोळतान अदकि दुसरा आरत इन से मदा माळतान, रा आव तान पयला हगिस उन खलिप व्यभचार माळतान. 12 अदुरदा घाई, ऊंद आरत तान गांडुड उक छोळ चटिटी कोळतार, अदकि दुसरा मंळसा से मदा माळतार रा आक तान पयला गांडुड उन खलिप व्यभचार माळतार.

यीशु उन चकिरगोळी आशरिवाद  
(मत्ती १९:१३-१५; लूका १८:१५-१७)

13 बाक लॉकर चकिरी यीशु उन हात्ती तरली कुरतुर कऱि आव आंदुर मा कय ईटुल, पर चेलागोळ लॉकरी दनकुसदुर.

14 याग यीशु ईद नोळदुन रा सटिटी बंदुन अदकि तान चेलागोळ से अंदुन, “चकिरी नान हात्ती बरगोळी आंदरी मना माळवाळी, यतकि परमेश्वर उन राज्य इदुरदा हुन. 15 \*ना नीम से खरा अनतीन कऱि जो यावारा परमेश्वर उन राज्य चकिर घाई हासलि माळालुन, रा आव परमेश्वर उन राज्य दा यागलु उच दाखल आग सकालुन.” 16 आग यीशु आ चकिरी क्वारा दा हूळदुन, अदकि आंदुर मा तान कय ईटकु आंदरी आशरिवाद कोट्टुन.

धनी मंळसा  
(मत्ती १९:१६-३०; लूका १८:१८-३०)

17 याग यीशु अल टु होटकु हादी मा टु होगोन, रा ऊंद मंळसा आऊन हात्ती ओळतेला बंदुन, अदकि आऊन मुंद ट्वांगारा टेक्सकु आऊन से केळदुन, “हे वळ्लेव गुटु, अनन्त जीवन हासलि माळोरा साटी नानी येन माळोद बदिदीत?”

\* 9:41 १:१६ मत्ती १०:४२ \* 9:43 १:४३ मत्ती ५:३० \* 9:46 १:४६ ईद वचन हाळोद नयिम दा लखिसकु हेलेच \* 9:47 १:४७ मत्ती ५:२९ \* 9:50 १:५० मत्ती ५:१३; लूका १४:३४,३५ \* 10:4 १०:४ मत्ती ५:३१ \* 10:11 १०:११ मत्ती ५:३२; १ कुरनिथि ७:३०,११ \* 10:15 १०:१५ मत्ती १८:३



18 यीशु आ धनी मंळसा से अंदुन, “नी नानी वळलेव येती अनत्या? परमेश्वर उन अलावा या रू वळलेव हैलेच. 19 नी परमेश्वर उन आग्यागोळी जानसत्या: ‘यारीकु कोनन बाळी, व्यभचारि माळबाळी, चोरी माळबाळी, यारदारा खलिाप खवाटा गवाही कोळबाळी, बयमानी माळबाळी, तान आप्प अदकि तान मोय इन आदर माळी.’”

20 आ मंळसा यीशु से अंदुन, “हे गुरु, ना रा स्याणपणी टु ईव सप्पा मातगोळद पालन माळतेला बंदीन.”

21 यीशु आऊक प्यार देल नोळदुन अदकि अंदुन, “नीन दा ईग भी ऊद मात इन कमी आद जो येनारा नीन हात्ती आद, अदरी मारकु अव पेसया गरीब लांकुर दा वाट्स बुळ. नीनी स्वर्ग दा धन सक्कीत, अदकि बंदकु नान हदि आगेग.” 22 याग आ मंळसा ई मातगोळी केळदुन रा आऊन मार्रा अन्द नीर हारेत अदकि आव उदास आगेदुन, यतकी आव हापाळ धनी ईरोन.

23 यीशु नाकु दी नोळकु तान चेलागोळ से अंदुन, “आ लांकुर साटी, यार्द हात्ती धन आद, आंदरी परमेश्वर उन राज्य दा प्रवेश माळोद याट कठनि आद!”

24 चेलागोळ आऊन मातगोळ देल अचम्भति आदुर. इदुर मा यीशु मात आंदरी अंदुन, “हे चकिरगोळा, जो धन मा भरोसा ईटतार, आंदुर साटी परमेश्वर उन राज्य दा प्रवेश माळोद याट कठनि आद! 25 परमेश्वर उन राज्य दा धनवान उन प्रवेश माळदुर देल ऊँट इन मुगग दा टु चुजी होटबुळोद आसान आद!”

26 इदुर मा चेलागोळ हापाळ चकति आगेदुर अदकि आवुर दाबुर से केळली कुरतुर, “रा बाक यार्द उद्धार आग सकतद?”

27 यीशु आंदुर दी नोळकु अंदुन, “ईद मंळसागोळ साटी असंभव आद, लेकीन परमेश्वर उन साटी सब येनारा सम्भव आद; यतकी परमेश्वर से सब येनारा आग सकतद.”

28 आग पतरस यीशु उक अनली कुरतुन, “नोळ, नाव रा सप्पा येनारा बटिकु नीन हदि आगेगेव.”

29 यीशु अंदुन, “ना नीम से खरा अनतीन क हिगि यारू हैलेच, जो नान साटी अदकि खुशखबरी इन साटी मान्ना या वार्दुरी या आकतींगरी या मोय या आप्प या चकिर-चळिगेर या केईगोळी बटि बुटीदान, 30 ई वर्तमान युग दा यककुल हापाळ हासलि माळ्यार. आंदुर सौ गुणा यककुल मान्ना, वार्दुर, आकतींगर, मोयगोळ, चकिर अदकि केईगोळी हासलि माळ्यार. अदकि अऊर सांगुळ हापाळ दुखगोळी भी, अदकि बरावाळा युग दा आंदुर अनन्त जीवन हासलि माळ्यार. 31 पर हापाळ सा लांकुर जो पयला आर, आंदुर हदिळार आदार; अदकि जो हदिळार आर, आंदुर पयला आदार.”

तान सायोद बारा दा यीशु उन तसिरा भवषियवाणी

(मत्ती २०:१७-१९; लुका १८:३१-३४)

32 यीशु अदकि आऊन चेलागोळ ईग यरूशलेम इक होगोद हादी मा ईरोर. यीशु तान चेलागोळ से मुंद-मुंद होगोन, चेलागोळ धब्रूसकु ईरोर अदकि जो लांकुर आऊन हदि-हदि नळोर आंदुर अंजकु ईरोर. ऊद धन मातत यीशु तान हन्नेळ चेलागोळी अलग वोतकु आंदुर से अव मातगोळी अनली कुरतुन, जो आऊन सांगुळ आगव ईरव. 33 आव आंदुर से अंदुन, “केळी, नाव यरूशलेम इक होगोतेव, अदकि मंळसा अन पार प्रधान याजकगोळ अदकि नयिम उन शास्त्रीगोळ कय दा कोटक आदान, अदकि आंदुर आऊक कोन्नोर साटी आऊन मा दोष हच्यार, अदकि आंदुर आऊक गैरयहूदीगोळ कय दा कोट्टार. 34 आंदुर आऊन मज्याक हारस्यार, आऊन मा ऊगळ्यार, आऊक क्वाळागोळ देल बळदार, आऊक जान देल कोंद बुट्टार, अदकि मुर दनि इन वाद्दा आव जित्ता आदान.”

याकूब अदकि यूहन्ना अन्द वनिती

(मत्ती २०:२०-२८)

35 आग जबदी इन पार याकूब अदकि यूहन्ना यीशु उन हात्ती बंदुर अदकि अंदुर, “हे गुरु, नाव चाहासतेव कि जो येनारा नाव नीन से वेळेव, अद नी नाम साटी माळेत.”

36 यीशु आंदुर से अंदुन, “नीव येन चाहासतीर कि ना नीम साटी माळईन?”

37 आंदुर यीशु से अंदुर, “नामी ईद अधिकार कोळ कि नीन महिमा दा याग नी सहिसन मा कुरत्या, रा नाव चाहासतेव कि नाम दा टु ऊँद नीन ऊमा कय दी अदकि दुसरा अपमान डाक्या कय दी कूरल.”

38 प्लेकीन यीशु आंदुर से अंदुन, “नीव जान्सालीर कि नीव येन वेळेतीर. जो दुख इन पयाला ना कुडावाळा आईन, येन नीव कुडु सकतीर? अदकि जो बपतसिमा ना ताकोमावाळा आईन येन नीव ताकोम सकतीर?”

39 आंदुर आऊन से अंदुर, “नाम से आग सकतद.” यीशु आंदुर से अंदुन, जो दुख इन पयाला ना कुडावाळा आईन, नीव कुळदीर अदकि जो बपतसिमा ना ताकोमावाळा आईन अदरी ताकोडीर. 40 लेकीन नान अधिकार दा ईलच कि याव नान ऊमा कय दी अदकि डाक्या कय दी कुरतान. परमेश्वर यार साटी ईद तयार माळदुन, आंदरी बटिकु अदकि यारीकु तान ऊमा कय दी अदकि तान डाक्या कय दी कुरसोद नान कयाल्सा आलच.

41 दुसरा हत्त चेलागोळ ईद केळदुर रा आंदुर याकूब अदकि यूहन्ना देल नाराज आदुर! 42 इदुरसाटी यीशु आ सप्पा मुंदरी हात्ती कारूकु आंदुर से अंदुन, नीव जान्सालीर कि जो गैर यहूदीगोळव शासक सम्सतार इंदुर आंदुर मा प्रभुता माळतार; अदकि आंदुरदा जो धोड्डेर आर, आंदुर मा अधिकार जतुसतार, ईद नीव जान्सालीर. 43 पर नीम दा हिगि हैलेच, जो यावारा नीम दा धोड्डेव आगेद चाहासतान, रा नीमी बाकी लांकुरद सेवक आग पायजे; 44 अदकि जो यावारा नीम दा प्रधान आगेद चाहासतान, आव नीम सप्पा मुंदुर दास आगुल. 45 यतकी ना मंळसा अन पार

\* 10:31 १०:३१ मत्ती २०:१६; लुका १३:३०

\* 10:38 १०:३८ लुका १२:५०

\* 10:42 १०:४२ लुका २२:२५,२६

\* 10:43 १०:४३ मत्ती

२३:११; मरकुस ९:३५; लुका २२:२६

इदुरसाटी बंददिल कनिन स्यावा माळुल, पर ना इदुरसाटी बंदीन कनिमद सप्पा मुंदुरद स्यावा माळाईन, अदकि लॉकुर आव पापगोळ छुटकारा अन्द साटी तान जीवन कोळ सकाईन!

कुदुद बरतमाई इक कण्ण इन ज्योत कोळोद  
(मत्ती २०:२९-३४; लूका १८:३५-४३)

46 बाक यीशु अदकि आऊन चेलागोळ यरीहो दा बंदुर, अदकि याग आव अदकि आऊन चेलागोळ ऊंद धोळ्द भीळ इन सांगुळ यरीहो दा टु होगोर, आग ऊंद कुदुद भखिारी, यारद हेसुर तमाई नव पार बरतमाई ईरोद, सळक इन कनिरा मा कुरतकु ईरोन. 47 आव ईद केळकु कनि यीशु नासरी हुन, कारू-कारूक अनली कुरतुन, “हे दाऊद उन पारा यीशु नान मा दया माळ!”

48 आग हापाळ मुंदुर आऊक दनकुसदुर कनि सुंगा ईर. पर आव यक्कुल जोर देल कारूली कुरतुन, “हे दाऊद उन पारा नान मा दया माळ!”

49 आग यीशु नदुरकु अंदुन, “आऊक कारी.” अदकि लॉकुर आ कुदुद मंळसा अक कारूक आऊन से अंदुर. हम्मिसत ईट, येळ! आव नीनी कारेत्यान!

50 आव तान कपळा भटिकु तुरन्त येदुन, अदकि यीशु उन हात्ती बंदुन.

51 इदुर मा यीशु आऊन से अंदुन, “नी येन चाहासत्या कनि ना नीन साटी माळाईन?”

कुदुद मंळसा आऊन से अंदुन, “हे गुरु, ना पयले धाई नोळोद चाहासतीन.”

52 यीशु आऊन से अंदुन, “होटोग, नीन वशिवास नीनी वळलीद माळबुटाद.”

आव तुरन्त नोळली कुरतुन, अदकि हादी मा आऊन हदि आगोदुन.

## 11

यूरुशलेम दा वजिय-प्रवेश

(मत्ती २१:१-११; लूका १९:२८-४०; यूहन्ना १२:१२-१९)

1 बाक याग आंदुर यूरुशलेम इन हात्ती, जैतून पहाळी मा बैतफगे अदकि बैतनयियाह अन्द हात्ती बंदुर रा यीशु तान चेलागोळ दा टु येदुद मुंदरी ईद सुझाव कोटकु कळुदुन, 2 “कनिमुदळोद ऊर दा होगी, अदकि अदुर दा पोहचुसतेला अच ऊंद गधा अन पाड्डा, अदुर मा यागलु यारू कुरतीदील, अद नीमी कटकु सकिकीत. अदरी बटिकु तरी. 3 अगर नीम से यारारा केळ्यार, ईद येती माळतीर?” रा अनतीर, प्रभु उक इदुद जरवत आद, अदकि आव तुरन्त अदरी बाक ईल वापस कळु बुटान.”

4 आंदुर होगकु आ गधा अन पाड्डा अक व्हारया द्वारा इन हात्ती चौक दा कटकु नोळदुर, अदकि अदरी बळिली कुरतु. 5 थवाळासा लॉकुर जो अल नीदुरकु ईरोर, यारारा यारारा अनली कुरतु, ईद येन माळतीर, गधा अन पाड्डा अक येतरी बळिलीर?

6 अदकि यीशु ह्यांग हेळीदुन आंदुर हांग अच आंदुर से अंद बंदुर; आग लॉकुर आंदरी आ पाड्डा अक वोयगोटुर. 7 आंदुर पाड्डा अक यीशु उन हात्ती तनकु अदुर मा तान कपळा हाकदुर अदकि यीशु अदुर मा कुरतुन. 8 आग हापाळ सा लॉकुर तान कपळा हादी मा हासदुर अदकि हापाळ मुंदुर केईगोळ दा टु खजुर इन डगाली कळ-कळकु हादी मा हासदुर. 9 जो आऊन मुंद-मुंद होगोर अदकि जो हदि-हदि नळुतेला बरोर, कारू-कारूक अनतेला होगतोगोर, “परमेश्वर उन स्तुती आगुल! जो प्रभु उन हेसुर देल बरतान! 10 नाम आप्प दाऊद उन बरावाळा राज्य इक परमेश्वर आशीष कोळुल अदकि परमेश्वर उन स्तुती आगुल!”

11 यीशु यूरुशलेम पोहचुसकु मंदिर दा बंदुन; अदकि नाकु दी सप्पा वस्तुगोळी नोळकु हन्नेळ चेलागोळ सांगुळ बैतनयियाह होदुन, यतकी द्याव मुळकेगीत.

यीशु अंजीर इन मारर इक श्राप कोट्टुन

(मत्ती २१:१८-१९)

12 दुसरा दशि याग यीशु अदकि आऊन चेलागोळ बैतनयियाह टु वापस बरोर रा आऊक हसु हत्त. 13 अदकि याल्ला देल तुमकु ऊंद अंजीर इन मारर इक दुर टु नोळकु, यीशु अदुर हात्ती होदुन कनि अल येनारा तनिली सकिदेदत. अल पोहचुसकु याल्ला गोळी बटिकु अदकि येनु ईला ईरोद, यतकी काय हत्तोद मौसम ईला ईरोद.

14 आग यीशु आ मारर से अंदुन, “ईमी टु यारू नीद काय यागलु तनितीदील.” अदकि आऊन चेलागोळ केळोर.

यीशु मंदिर इन शुद्धीकरण माळुदुन

(मत्ती २१:१२-१७; लूका १९:४५-४८; यूहन्ना २:१३-२२)

15 बाक यीशु यूरुशलेम दा बंदुन अदकि आव मंदिर दा होगकु अल लेन-देन माळावाळेरी तेगुली कुरतुन, अदकि सावकारगोळद पांळसी अदकि कव्तर मारावाळेरेद चौकीगोळी ऊलदुसदुन; 16 अदकि आव यारीकु भी मंदिर दा टु आगकु सामान वयोद आग्या कोटीदील. 17 अदकि आव आंदरी उपदेश कोळली कुरतुन, “येन ईद शास्त्र दा लखिसकु हलेच, कनिांद मान्ना सप्पा राष्ट्र अन साटी प्रार्थना अन्द मान्ना कहलुसीत?” पर नीव अदरी डाकूगोळद हड्डा माळकु ईटीर.”

18 प्रधान याजकगोळ अदकि नयिम इन गुरुगोळ ईद केळदुर, रा आंदुर यीशु उक कोन्नोर साटी मवका हुंदुसली कुरतु, यतकी आंदुर आऊन से अंजतोगोर, इदुरसाटी कनि सप्पा लॉकुर आऊन उपदेश देल चकति ईरोर.

19 अदकि द्यावगा आगतेला अच, यीशु अदकि आऊन चेला नगर टु व्हारया होटोदुर.

वंळगीद अंजीर इन मार टु शक्विषा  
(मत्ती २१:२०-२२)

20 बाक दुसरा दशी व्हातर्या का याग आंदुर हादी मा टु होगोर रा आ अंजीर इन मार इक म्याकुच टु जळ ताका वंळगीद नोळदुर. 21 पतरस उक अद मात याद बत्त, अदकि आव यीशु से अंदुन, "हे गुट्ट, नोळ! ईद अंजीर इन मार यदरी नी श्राप कोटीद, वंळगेग्याद."

22 यीशु आंदरी उत्तर कोट्टुन, "परमेश्वर मा वशिवास ईटी. 23 ॐना नीम से खरा अनतीन कि जो यावारा ई पहाळी से अंदान, 'नी अल टु कतितेग, अदकि समुदर दा होगकु बळि,' अदकि तान मन दा संक्या ईट बाळुल, लेकीन वशिवास माळुल कि जो अनतीन अद आगेदीत, रा आऊन साटी हांग अच आदीन. 24 इदुरसाटी ना नीम से अनतीन, कि जो येनारा नीव प्रारथना माळकु वेळीर, रा वशिवास माळकोमी कि अद नीमी सकिकेत, अदकि अद नीमद आगेत. 25 ॐअदकि याग यागलु नीव नीदुरकु प्रारथना माळतीर रा अगर नीम मन दा यारदारा प्रती येनारा वरिध आद, रा माफ माळी, इदुरसाटी कि नीम स्वर्गीय आप्प परमेश्वर भी नमिोव अपराध माफ माळुल. 26 \*अदकि अगर नीव माफ माळतीदील रा नीम आप्प भी जो स्वर्ग दा आन नीम अपराध माफ ईला माळयान."

यीशु उन अधिकार मा प्रश्न  
(मत्ती २१:२३-२७; लूका २०:१-८)

27 आंदुर मात्त ऊद घन यूरशलेम दा बंदुर, अदकि याग यीशु मंदिर दा वयाळोन रा प्रधान याजक अदकि नयिम इन गुट्ट अदकि स्याणागोळ आऊन हात्ती बंदकु केळली कुरतुर, 28 "नी ईद कयालसा याता अधिकार देल माळत्या? अदकि ईद अधिकार नीनी याव कोटान कि नी ईद कयालसा माळत्या?"

29 यीशु आंदुर से अंदुन, "ना भी नीम से ऊद प्रश्न केळतीन; नानी उत्तर कोळी रा ना नीमी हेळाईन कि ना ईद कयालसा यातोद अधिकार देल माळतीन. 30 यूहन्ना अक वपतसिमा कोळोद अधिकार स्वर्ग इन दी टु ईरोद या मंळसागोळ दी टु ईरोद. नानी उत्तर कोळी."

31 आग आंदुर आपस दा मातगोळ माळली कुरतुर कि अगर नाव अदेव स्वर्ग इन दी टु, रा आव अंदान, बाक नीव यूहन्ना मा वशिवास येती माळीदील? 32 अदकि अगर नाव अदेव, मंळसागोळ दी टु, रा लॉकुर नाम मा अच सट्टिट माळ्यार आंदुर नयिम इन गुट्ट लॉकुर से हापाळ अंजतोगोर यतकी सप्पा लॉक ईद मानसोर कि यूहन्ना वास्तव दा ऊद भवषियवक्ता आन.

33 इदुरसाटी आंदुर यीशु उक उत्तर कोट्टुर, "नाव जानसालेव." यीशु आंदुर से अंदुन, "ना भी नीमी हेळालीन कि ईद कयालसा ना याता अधिकार देल माळतीन."

## 12

टयाका देल कोळद अंगुर इन केई इन उदाहरण  
(मत्ती २१:३३-४६; लूका २०:९-१९)

1 बाक यीशु उदाहरणगोळ दा आंदुर से मात माळली कुरतुन; ऊद घन ऊद मंळसा ईरोन याव ऊद अंगुर इन केई हचदुन, अदकि बेली इन नाकु दी जवाळा कटदुन, अदकि राससा अन्द गड्डा अगुळदुन, अदकि मचान माळदुन; अदकि दुसरा केईवाळेरी आ अंगुर इन केई अन्द टयाका कोटकु दुसरा द्याश दा होटोदुन. 2 बाक काय इन मौसम दा आव केईवाळेर हात्ती ऊद दास उक कळदुन, कि आ केईवाळेर से अंगुर इन केई इन फसल इन हसिसा ताकोमुल. 3 लेकीन आंदुर आ दास उक हळकु वळदुर अदकि आऊक खाली कय कळु बुट्टुर! 4 मालकि मात्त ऊद दास उक आंदुर हात्ती कळदुन; आंदुर आऊन ताल्ला ओळद बुट्टुर अदकि आऊन अपमान माळदुर! 5 बाक मालकि ऊद दास उक अदकि कळदुन; आंदुर आऊक कोंद बुट्टुर. अदकि आंदुर हापाळ लॉकुर सांगुळ हांगा व्यवहार माळदुर, आंदुर दा टु आंदुर यारीकारा वळदुर, अदकि यारीकारा कोंद बुट्टुर! 6 ईग ऊदा ईरोन, जो आऊन प्रयि पार ईरोन; आखरी दा आव आऊक भी आंदुर हात्ती ईद सोचकु कळदुन कि आंदुर नान पार उन आदर माळ्यार. 7 लेकीन आ केईवाळेर आवुर दाबुर से अंदुर, ईवा रा वारीस हुन; बरी, नाव ईऊक कोंद बुळाता, अदकि आऊन धन दौलत नाम्द आदीत! 8 इदुरसाटी आंदुर आ पार उक हळ कोंडुर अदकि आऊक कोंद बुट्टुर, अदकि अंगुर इन केई इन व्हारया भीट बुट्टुर!

9 इदुर मा यीशु से केळदुर अंगुर इन केई इन "स्वामी येन माळयान? आव बंदकु केईवाळेर दा नाश माळयान अदकि अंगुर इन केई दुसरा अक कोट बुटान." 10 येन नीव शास्त्र दा ईद वचन वाचुसीदील:

"याता कल्ल इक कारीगरीगोळ बेकार मान्सीदुर,  
अदा क्वाना अन्द महत्वपूरण कल्ल वनसंत;

11 ईद प्रभु अन्द दी टु आत,  
अदकि नाम नजर दा अदभुत आद."

12 आग नयिम इन गुट्टगोळ आऊक हुडोद चाहासदुर; यतकी समसेगदुरि कि यीशु नाम वरिध दा ईद उदाहरण अंदान. लेकीन आंदुर लॉकुर से अंजोर, अदकि आऊक बटिकु होटोदुर.

सरकार उक कर कोळोद  
(मत्ती २२:१५-२२; लूका २०:२०-२६)

\* 11:23 ११:२३ मत्ती १७:२०; १ कुनिधि १३:२

\* 11:25 ११:२५ मत्ती ६:१६,१५

\* 11:26 ११:२६ ईद वचन हाळोद नयिम दा हेनेच

13 आग आंदुर आऊक मातगोळ दा फसुसोरसाटी येनारा फरीसीगोळ अदकि हेरोदेस राजा अन्द पक्ष इन येनारा लांकुगी यीशु उन हात्ती कळदुर. 14 अदकि आंदुर बंदकु आऊन से अंदुर, “हे गुरु, नाव जानसतेव, कनि खरा आय, अदकि यारदु परवा माळाल; यतकी नी मंळसागोळ्द बाय नोळकु मात माळाल, लेकीन परमेश्वर उन खरा हादी कलसत्या! रा येन सरकार उक कर कोळोद उचति आद का ईला?”

15 आव आंदुरद कपट जानसकु आंदुर से अंदुन, “नानी येती फसुसोद कोशशि माळेतरी? ऊंद दीनार नान हात्ती तरी, कनि अदरी नोळाईन.”

16 आंदुर ऊंद चाँदी इन सकिका आऊन हात्ती तंदुर, अदकि आव आंदुर से अंदुन, “ईद छाप अदकि हेसुर यारद हुन?”

आंदुर अंदुर, “रोमन राजा अन्द हुन.”

17 अदकि यीशु आंदुर से अंदुन, “जो रोमन राजा अन्द हुन अद रोमन राजा अक कोळी, अदकि जो परमेश्वर उन आद अद परमेश्वर उक कोळी.”

अदकि आंदुर यीशु नव मात केळकु चकति आगोदुर.

दुवारा मात्त मदा माळोद

(मत्ती २२:२३-३३; लूका २०:२७-४०)

18 वाक सद्कीगोळ भी, जो अनतार कि सोत्त मंळसागोळ्द जतिता आगोद हई हैलेच, यीशु उन हात्ती बंदकु आऊन से केळ कुरतुर, 19 आंदुर अंदुर, “हे गुरु, आंदुर यीशु उक अंदुर, मूसा इजाजत कोटान कि ऊंद मंळसा छोळ चटिटी लखिसकु तान हगिस उक तलाक कोळ सकतान. नाम साटी लखिसयान कि अगर यारदारा वार्ट बनि औलाद पैदा माळत सोतोदान अदकि आऊनोर हगिस ईतोदार, रा आऊन वार्ट आऊन हगिस उन से मदा माळ कोमुल, अदकि तान वार्ट उन साटी वंश पैदा माळुल. 20 ऊंद जागा दा येळ वार्टुर ईरोर. पयला वार्ट मदा माळकु बनि औलाद सोतोदुन; 21 आग दुसरा वार्ट आ आरत से मदा माळ कोंडुन अदकि आव भी बनि औलाद सोतोदुन; अदकि हांग अच तसिरा भी माळदुन. 22 अदकि येळु वार्टुरद ऊंद भी औलाद आगीदील. सप्पा मुंदुर हदि आ आरत भी सोतोदुर. 23 इदुरसाटी पुनरूत्थान आगदुर बाददा आक आंदुर दा टु यारोर हगिस आदार? यतकी आक रा येळु मुंदुर हगिस आगीदुर.”

24 यीशु आंदुर से अंदुन, “नीव रा शास्त्र अक जानसतीर, अदकि ना ही परमेश्वर उन सामर्थ्य इक इदुरसाटी नीव गलती माळतीर? 25 यतकी याग आंदुर सोत्तुर दा टु जतिता आदार, रा आंदुर ना मदा माळ्यार अदकि ना मदा दा कोटकु आदार, लेकीन स्वर्ग दा स्वर्गदूतगोळ घाई आदार. 26 सोत्तुर दा टु जतिता आगोद बारा दा येन नीव मूसा अन्द कतिाव दा होत्त झाळी इन कात्ता दा वाचुसीदील कि परमेश्वर आऊन से अंदुन, ‘ना अब्राहम उन परमेश्वर, अदकि इसहाक उन परमेश्वर, अदकि याकब उन परमेश्वर हुईन?’ 27 परमेश्वर जो सोत्तुर आंदुरव ईला उलटा जतितागोळोव परमेश्वर हुन; इदुरसाटी नीव पुरा पुरा तरीका देल खवाटा आईर.”

सब से धोळद आग्या

(मत्ती २२:३४-४०; लूका १०:२५-२८)

28 आग शास्त्रीगोळ दा टु ऊंद बंदकु आंदरी ववािद माळत केळदुन, अदकि ईद जानसकु कि यीशु सद्कीगोळी वळलीद रीत देल उत्तर कोटदुन, आऊन से केळदुन, “सब से मुखय आग्या यातोद आद?”

29 यीशु आऊक उत्तर कोटदुन, सब आग्यागोळ दा टु ईद मुखय आद: “हे इसत्राएल इन लांकुरा केळी! प्रभु नामव परमेश्वर ऊंदा प्रभु आन, 30 अदकि नी प्रभु तान परमेश्वर से तान पुरा मन देल, अदकि तान पुरा जीव देल, अदकि तान पुरा बुद्धी देल, अदकि तान पुरा ताकत देल प्यार ईटेत.” 31 अदकि दुसरा आग्या ईद आद, “नी तान मानना हातळोर से तांदा घाई प्यार ईटेत. ईव येदुद आग्यागोळी बटिकु दुसरा यात्तु धोळद आग्या ईलच.”

32 नयिमगोळ गुरु यीशु से अंदुन, “हे गुरु,” हापाळ वळलीद! नी खरा अन्द कि परमेश्वर ऊंदा आन, अदकि आऊक बटिकु अदकि याऊ दुसरा परमेश्वर हैलेच. 33 अदकि आऊन से पुरा मन, अदकि पुरा बुद्धी, अदकि पुरा जीव, अदकि पुरा ताकत देल प्यार ईटेत; अदकि बाजुवाळेर से तान घाई प्यार ईटेत, पुरा अर्गन-बलगोळ्द अदकि पशु-बलगोळ से यककुल आद.

34 आग यीशु नोळदुन कि आव समझदारी देल उत्तर कोटदुन, रा आऊन से अंदुन, “नी परमेश्वर उन राज्य टु दुर हैलेच.”

अदकि यारीकु बाक आऊन से येनु केळोद हमिमत आगीदील.

मसीह दाऊद उन पार हुन?

(मत्ती २२:४१-४६; लूका २०:४१-४४)

35 वाक यीशु मंदरि दा उपदेश माळतेला ईद अंदुन, “नयिम इन गुरुगोळ अंदुर कि मसीह ह्यांग दाऊद उन औलाद आग सकतान?” 36 दाऊद तान पवतिर आत्मा अन्द सामर्थ्य देल हगि अंदुन:

प्रभु परमेश्वर नान प्रभु से अंदुन,

“नान ऊमा कय मा कूरल,

यागासताका कनि ना नीनोर दुश्मनगोळी अपमान काल दशिी तरालनि.”

37 दाऊद रा खुद अच आऊक प्रभु अनतान, बाक आव आऊन पार ह्यांग आदुन?

नयिम इन गुरुगोळ से सावधान ईरी  
(मत्ती २३:१-३६; लूका २०:४५-४७)

अदकि भीळ दाकळोर लॉकुर आऊंदा मात खुशी देल केळतोगोर. 38 यीशु तान उपदेश दा आंदुर से अंदुन, “शास्त्रीगोळ से सावधान ईरी, सम्मान सकिंकोर साटी आंदुर ऊद-ऊद चवांगा हाककु वयाळतार अदकि सात्तागोळ दा खुद इक नमस्कार माळसुसोद आंदरी वळलीद हततद. 39 अदकि यहूदी लॉकुरद सभागूहगोळ दा मुख्य आसन अदकि भोज दा मुख्य जागा भी चाहास्तार. 40 आंदुर रांड्यागोळद मान्नागोळ इक तदि वुळतार, अदकि लॉकुरी दखावा साटी हापाळ होतत ताका प्रार्थना माळतेला ईरतार. इंदरी यक्कुल से यक्कुल दण्ड सक्कीत.”

कंगाल रांड्या अन्द दान  
(लूका २१:१-४)

41 यीशु मंदिर इन दानपेटी इन मुंद कूरतकु नोळतोगोन का लॉकुर मंदिर इन दानपेटी दा याता प्रकार देल पैस्या हाकतार; अदकि यक्कुल पैस्यावाळेर लॉकुर भी हापाळ येनारा हाकदुर. 42 इदुर दा ऊंद कंगाल रांड्यागीत बंदकु तांवा अन्द येदद स्याण-स्याणेव सक्का हाकदुर यदुर कमित ईतु आट्टु ऊंद पैस्या अन्द बराबर ईतीदाद, हाकदुर. 43 आग यीशु तान चेलागोळी हात्ती कार्कु आंदुर से अंदुन, “ना नीम से खरा खरा अनतीन, कि मंदिर इन दानपेटी दा हाक्कावाळेर दा टु ई कंगाल रांड्यागीत सप्पा मुंदुर से यक्कुल हाकदुर; 44 यतकी सप्पा मुंदुर तान वळोतरी दा टु हाक्यार, लेकीन इक तांद कमी दा टु जो येनारा आकनि ईरोद, इदुर मतलब तांद पुरा जीवका हाक्क बुटार.”

## 13

मंदिर इन वनाश इन भवषियवाणी  
(मत्ती २४:१-२; लूका २१:५-६)

1 याग यीशु मंदिर टु होळोन, रा आऊन चेलागोळ दा टु ऊंद चेला आऊन से अंदुन, “हे गुरु, नोळ, ह्यांग धोड्डेव कल्ल अदकि ह्यांग भव्य भवन आव!”

2 यीशु आऊन से अंदुन, “येन नीव इव धोड्डेव-धोड्डेव भवन नोळतीर: ईल कल्ल मा कल्ल भी ऊळ्दकु ईतीदील जो ढाऊसकु आगतीदील.”

यीशु प्रेशानी अदकि सताव इन बारा दा हेळदुन  
(मत्ती २४:३-१४; लूका २१:७-१९)

3 याग यीशु जैतून इन पहाळ मा मंदिर इन मुंद कूरतकु ईरोन, रा पतरस अदकि याक्व अदकि यहूनना अदकि अन्दर्यास अलग होगकु आऊन से केळदुर, 4 “नामी हेळ कि ईव मात याग आदव? अदकि याग ईव सब मात पुरा आगत होदव आ समय इन येन चनिह ईतीत?”

5 यीशु आंदुर से अनली कुरतून, सावधान ईरी का यारू नीमी भरमुस बाळुल. 6 अनेक नान हेसुर देल ईद अनतेला बंदार, “ना मसीह हुईन!” अदकि आंदुर हापाळ मुंदरी भरमुस्यार. 7 याग नीव लळाईगोळ मातचीत केळीर अदकि लळाईगोळद बारा दा अफवाह केळीर, रा धवूस वाळेतीर; यतकी अव मातगोळद ईरोद जरूरी आद, लेकीन आ समय दा अन्त आगतीदील. 8 यतकी द्याश मा द्याश, अदकि राज्य मा राज्य चढाई माळ्यार. हर जागा दा भूकम्प आदव, अदकि अकाल बदिदव. ईद रा भयानक दुख इन सूरवात आदीत.

9 “लेकीन नीव तान बारा दा सावधान ईरी; यतकी लॉकुर नीमी महासभागोळ दा सोपस्यार अदकि नीव पंचायतगोळ दा बळसकोंडीर, अदकि नान कारण न्यायाधीशगोळ अदकि राजागोळ मुंद नदिरूसकु आदीर, ताकी नीम साटी खुशखबरी केळसोर साटी मौका आदीत.” 10 पर जरूरी आद का पयला खुशखबरी सब जातीगोळदा प्रचार माळकु आगुल. 11 याग आंदुर नीमी हुळकु न्यायालय दा ओतार, रा पयले टु चिता माळबाळेतीर का नाव येन अंदेव; पर जो येनारा नीमी आटोटीका हेळकु आदीत अदा अनेतीर; यतकी अनावाळेर नीव आलच, लेकीन पवतिर आत्मा हुन. 12 वारट उक वारट धवाका कोट्टान, अदकि आप्प तान पार उक कोनोर साटी नदिर्यान, अदकि पार तान आप्प उक बडोर साटी नदिर्यान अदकि चकिोर तान मोय आप्पु खलिाप यदकु आंदरी कोनुसुस बुट्टार. 13 “अदकि नान हेसुर इन कारण पुरा लॉकुर नीम से दुश्मनी माळ्यार; लेकीन जो आखरी ताका आऊन मा वशिवास ईट्यार, आंदुरदा उद्धार आदीत.

महासंकट-काल  
(मत्ती २४:१५-२८; लूका २१:२०-२४)

14 लेकीन याग नीव अद बरवाद माळावाळा बेकार वस्तु उक यल उचित ईलच अल नीदुरकु नोळीर, वासुसावाळा समसेगुन आग जो लॉकुर यहूदिया दा आर आंदुर पहाळी मा ओळ्गुन; 15 “जो छत मा आर, आव तान मान्ना टु येनारा ताकोमोर साटी ल्यालमा ईळुवाळुल अदकि वुळक होगवाळुल; 16 अदकि आंदुर जो केई दा आर, आव तान कपळा तरोरसाटी हदि होगवाळुल. 17 आ दनिगोळ दा जो वहाट्या दी ईरोर अदकि जो चगिद ऊरी हाल कुळसतेला ईतीदार, आंदुर साटी आ दनि याट भयानक ईततव! 18 अदकि परमेश्वर से प्रार्थना माळतेला ईरी का ईद सोळ इन दनिगोळ दा आगवाळुल. 19 “यतकी आ दनि हगि बरवाद ईनव ईततव का दुनया अन्द सूरवात टु, जो परमेश्वर रच्यान, ईंगासताका ना रा आग्याव अदकि ना बाक यागलु आदव. 20 अगार परभु आ दनिगोळी ईला घटुसायदुन,

\* 13:9 १३:९ मत्ती १०:१७-२०; लूका १२:११-१२

\* 13:13 १३:१३ मत्ती १०:२२

\* 13:15 १३:१५ लूका १७:३१

\* 13:19 १३:१९

प्रकाशितवाक्य ७:१४

रा यातोदु प्राणी भी ईला ऊळाईत; लेकीन आ नविळुसकु आग्यार आ लॉकुर कारण यारी आव नविळुसदुन, आ दनिगोळी गोरत माळयान.

21 आ समय दा अगर यावारा नीम से अंदान; नोळी, मसीह ईल आन, या नोळी, अल आन, रा बश्वास माळबाळेतीर; 22 यतकी खवाटा मसीह अदकि खवाटा भवषियवक्ता यदकु नदिरयार, अदकि हगि-हगि चमत्कार अदकि अदभूत क्याल्सा तोरस्यार क् अगार आग सकूल रा नविळुसकु आग्यार आ लॉकुरी भी बैकुश बुळुल. 23 लेकीन नीव सावधान ईरी: नोळी, ना नीमी सप्पा मात पयले टु ना हेळ वुटीन.

मंळसा अन पार यीशु उन दुवारा बरोद  
(मत्ती २४:२९-३१; लूका २१:२५-२८)

24 "आ दनि दा, आ बरवाद इन वाद्दा दा सुरज अंधार आगेदीत, अदकि चन्द्रमा उजळु कोळतीदील; 25 अदकि आकाश टु तारागन बळिली हत्तेव; अदकि आकाश ईनव शक्तगोळी हालुसेदव." 26 आग लॉकुर ना मंळसा अन पार उक धोळद सामर्थय अदकि महिमा अन्द सांगुळ बादल दा बरतेला नोळयार. 27 आ समय आव तानव स्वर्गदूतगोळी कळुकु, पृथ्वी इन ईद भाग टु हळुकु आ भाग ताका, नाकु दशा दी टु परमेश्वर तान नविळुसद लॉकुरी जमा माळयान.

अंजीर इन मारर इन उदाहरण  
(मत्ती २४:३२-३५; लूका २१:२९-३३)

28 "अंजीर इन मार टु ईद उदाहरण कली: याग अदुरद डगाली मुलायम आगताव, अदकि याल्ला होळली हतताव; रा नीव जान्स कोमतीर क् बसिल इन दनि हात्ती आव." 29 ईदा प्रकार याग नीव ईव मातगोळी आगतेला नोळीर, रा जान्स कोमी कनिन बरोद समय हात्ती आद. 30 ना नीम से खरा अनतीन क् यागासताका इव सप्पा मातगोळ पुरा आगालव, आगासताका ई पीढी नोर लॉकुर सायतीदील. 31 आकाश अदकि पृथ्वी टलुसेदति, लेकीन नान मात्तगोळ यागलु टलुसतीदति.

जागसतेला ईरी  
(मत्ती २४:३६-४४)

32 "आ दनि या आ घळी अन्द बारा दा यारू जान्सालूर, ना स्वर्ग ईनव स्वर्गदूत अदकि ना मंळसा अन पार; लेकीन सरिक आप्प जान्सतान. 33 नोळी, सावधान ईरी अदकि जागसतेला ईरी; यतकी नीव जान्सालीर क् अद घळी याग बंदीत. 34 ईद आ मंळसा अन्द हयांग दशा आद, जो यात्रा दा होगाहोती तान मान्ना बटिकु होगुल, अदकि तान दासगोळी अधकार कोळुल: अदकि हर ऊंद मंळसा अक आऊद क्याल्सा हेळबुळुल, अदकि चौकीदार उक जागसतेला ईरोद आग्या कोळुल." 35 इदुरसाटी जागसतेला ईरी, यतकी नीव जान्सालीर क् मान्ना नव मालकि याग बंदान, द्यावगा या आरधा ईळलीकी, या हुंज कुगतद आ घळी या व्हातूर आगोर से पयले. 36 हगि आगबाळुल क् आव अचानक बंदकु नामी मगितेला नोळबाळुल. 37 अदकि जो ना नीम से अनेतीन, अदा सप्पा मुंदुर से अनतीन: "जागसतेला ईरी!"

## 14

यीशु उक कोन्नोद योजना

(मत्ती २६:१-५; लूका २२:१-२; यूहन्ना ११:४५-५३)

1 येदुद दनि इन वाद्दा फसह अदकि अखमीरी रोटी अन्द हाबब आगोद ईरोद. प्रधान याजक अदकि नयिम इन गुरु ईद मात इन खोज दा ईरोर क् आऊक हयांग कपट देल हळुकु कोनदेव; 2 लेकीन अनतोगोर, "हाबब इन रोज हगि ईला, ईलारा लॉकुर दा झगळा आगेदीत."

बैतनयियाह नगर दा यीशु उन अत्तर देल स्वागत  
(मत्ती २६:६-१३; यूहन्ना १२:१-८)

3 "याग यीशु बैतनयियाह दा शमोन कोढी यारी कोद इन रोग ईरोद आऊन मान्या ऊमली कुरतकु ईरोन, आग ऊंद आर्त संगमरमर इन बाटुल दा जटामांसी अन्द बारर शुद्ध अत्तर हळुकु बंदुर; अदकि बाटुल इक मूरुकु अत्तर इक यीशु उन ताल्ला मा लपटुसदुर. 4 लेकीन यारारा यारारा तान मन दा कुळकुळुसकु अनली कुरतुर, "ईद अत्तर इन येती सत्यानाश माळुकु आत? 5 इदुर मा यीशु अंदुन येती ईद अत्तर इक मूर सौ दीनार" से यक्कुल बारर दा मारकु कंगालगोळ दा वाटसुकु आग सकोद." अदकि आंदुर आक इक दनकुस्ली कुरतुर.

6 यीशु अंदुन, "आकी बटिट बुळी; आकी येती सतुसतीर? आक रा नान सांगुळ भलाई माळदुर. 7 कंगाल नीम सांगुळ हमेशा ईरतार, अदकि नीव याग चाहासीर आग आंदुर से भलाई माळ सकतीर; पर ना नीम सांगुळ हमेशा ईरतीदील. 8 जो येनारा अक माळसकोर, आक माळदुर; आक नान नळसोद तयारी दा पयले टु ना नांद शरीर मा अत्तर मलुस्यार. 9 ना नीम से खरा माताळतीन क् पुरा दुनया दा येलयारा भी खुशखबरी प्रचार माळदुर दा बंदीत, अल आक इन ईद क्याल्सा अन्द च्चा भी आक इन याद दा माळुकु आदीत."

\* 13:24 १३:२४ प्रकाशतिवाक्य ६:१२

\* 13:25 १३:२५ प्रकाशतिवाक्य ६:१३

\* 13:26 १३:२६ प्रकाशतिवाक्य १:७

\* 13:32 १३:३२

मत्ती २४:३६

\* 13:34 १३:३४ लूका १२:३६-३८

\* 14:3 १४:३ लूका ७:३७,३८

\* 14:5 १४:५ मुर सौ चौदी नव सक्का ऊद वरष इन रोजी

यीशु उन वशिवासघात माळोर साटी यहूदा अन्द सहमती

(मत्ती २६:१४-१६; लूका २२:३-६)

10 आग यहूदा इसकरयिती जो हन्नेळ चेलगोळ दा टु ऊंद ईरोन, प्रधान याजकगोळ हात्ती होदुन कय यीशु उक आदुरद कय देल हूळसुसकु आंदरी सौप्स बुळुल. 11 आदुर ईद केळकु खुश आदुर, अदक आऊक पैस्या कोळोद स्वीकार माळदुर; अदक आव मवका नोळोन कऱि आऊक ह्यांगारा भी प्रकार देल हूळसुसकु आदुरद कय दा सौप्स बुळुल.

चेलगोळ सांगुळ फसह अन्द आखरी भोज

(मत्ती २६:१७-२५; लूका २२:१७-१४; २१-२३; यूहन्ना १३:२१-३०)

12 अखमीरी रोटी इन हाव्व इन पयला दनि, यदुरदा आदुर फसह दा म्यांडा अन्द पाड्डा अन्द बलदिन माळतोगोर, यीशु उन चेलगोळ आऊक केळदुर, “नी येन चाहासत्या कऱि नाव होगकु नीन साटी फसह तनिद तयारी माळवे?”

13 यीशु तान चेलगोळ दा टु येदद म्दरी ईद अनकु कळुदुन, “नगर दा होगी, अदक ऊंद मळसा नीर इन माळका नेगुत नीमी सकियान, आऊंद हदि आगोतीर; 14 अदक आव याता मान्या होदान, आ मान्या अन्द मालक से अनेतीर, गुरु अनतान कऱि पाऊनागोळद ईरोद जागा पाऊनागोळद कमरा यल आद यदुरदा ना तान चेलगोळ सांगुळ फसह तनिईन अद जागा यल आद?” 15 आव नीमी ऊंद सजुसकु सजुसद, अदक तयार माळद धोळद म्याकळोद टकान तोरस्यान, अल नाम साटी फसह तनिद तयारी माळतीर.”

16 चेलगोळ अल टु होट्टकु नगर दा बंदुर, अदक ह्यांग यीशु आदुर से अंददिन, हांग अच सकित; अदक आदुर फसह तनिद तयारी माळदुर.

17 याग द्याव आत, रा आव हन्नेळ चेलगोळ सांगुळ बंदुन. 18 याग आदुर कुरतकु ऊमोर, रा यीशु चेलगोळ से अंदुन, “ना नीम से खरा अनतीन कऱि नीम दा टु ऊंद, जो नान सांगुळ ऊमेत्यान, आव नानी धवाका देल हूळसुसकु दुशमनगोळ कय दा सौप्स कौडान.”

19 अदक चेलगोळ मा उदासी छासेत अदक आदुर ऊंद ऊंद माळकु यीशु उक अनली कुरतुर, “येन आव ना हईन?”

20 यीशु आदुर से अंदुन, “आदुर नीम हन्नेळ दा टु ऊंद आन, जो नान सांगुळ तळग्या दा कय हाकतान. 21 यतकी ना मळसा अन पार, ह्यांग नान बारा दा लखिसकु आग्याद, लेकीन आ मळसा अन मा हाय याऊन दवारा ना मळसा अन पार उक हूळसुसकु आदीत अदक सौप्सकु आदीत! अगर आ मळसा अन्द जनम अच ईला आगाईत, रा आऊन साटी भला आगाईत.”

प्रभु-भोज

(मत्ती २६:२६-३०; लूका २२:१४-२०; १ कुरिन्थि ११:२३-२५)

22 याग यीशु अदक आऊन चेलगोळ ऊमेतला अच ईरोर, आव रोटी ताकोडुन, अदक परमेश्वर उक धन्यवाद कोटकु मुरदुन, अदक आव चेलगोळी भी कोटदुन, अदक अंदुन, “हूडी, ईद नान शरीर हुन.”

23 बाक यीशु कटोरा हूळकु परमेश्वर उक धन्यवाद माळदुन, अदक आंदरी कोटदुन; अदक आदुर सप्पा मंदुर अदुर दा टु कळदुर. 24 अदक यीशु चेलगोळ से अंदुन, “अद नान खुन हुन, जो हापाळ मंदुर साटी वाहुसकु आगतद,” ईद परमाणित माळतद कऱि परमेश्वर अदक मळसा अन न्याड्या वहाशोद वाचा अक दरशुसतद. 25 “ना नीम से खरा अनतीन कऱि अंगुर इन रास्सा आ दनि ताका बाक यागल कुडुतीदील, यागासताका परमेश्वर उन राज्य दा ना वहाशोद अंगुर इन रास्सा ना कुडुतीदील.”

26 बाक आदुर भजन हाळ हाळकु व्हार्या जैतून पहाळी मा होदुर.

पतरस उन इनकार इन भवपियवाणी

(मत्ती २६:३१-३५; लूका २२:३१-३४; यूहन्ना १३:३६-३८)

27 आग यीशु चेलगोळ से अंदुन, “नीव नानी बटिकु ओळीर, यतकी शास्त्र हगि अच अनतद: ‘ना रखवाला अक कोनाईन, अदक म्यांडा ततिर-बतिर आगेदव.’ 28 लेकीन ना तान जित्ता आगदुर बाद्दा नीम से पयले गलील इक होगईन.”

29 पतरस आऊन से अंदुन, “अगर सब नीनी बटिटार रा बटिटार, पर ना नीनी बटिकु होगालीन.”

30 यीशु आऊन से अंदुन, “ना नीन से खरा अनतीन कऱि ईदल्या ईदा ईळलक इक हुंज इन येदद घन कुगोर से पयले, नी मुर घन नान इनकार माळ्या.”

31 बाक पतरस अदक जोर कोटकु अंदुन, “अगर नानी नीन सांगुळ सायोद भी बदिदीत, तरी ना नीन इनकार यागल माळतीदील.”

ईदा प्रकार देल अदक सप्पा मंदुर भी अंदुर.

गतसमनी दा प्रारथना

(मत्ती २६:३६-४६; लूका २२:३१-४६)

32 बाक यीशु अदक आऊन चेलगोळ गतसमनी हेसुर इन ऊंद जागा दा बंदुर, अदक आव तान चेलगोळ से अंदुन, “ईल कुरतकु ईरी, आगासताका ना प्रारथना माळतीन.” 33 अदक आव पतरस अदक याकूब अदक यूहन्ना

अक तान सांगुळ ओतुन; अदकि च्याच दुखी अदकि वयाकूल आगली कुरतुन, <sup>34</sup> अदकि आंदुर से अंदुन, “नान मन च्याच उदास आद, ईल ताका काना सायोर मा आईन: नीव ईल रूकसी, अदकि जागुसतेला ईरी.”

<sup>35</sup> बाक आव ध्वाळासा मुंद होदुन अदकि धरती मा बदिक् पुरार्थना माळली कुरतुन कि अगर आग सकुल रा ईद घळी नान मा टु टलसेगुल, <sup>36</sup> अदकि अंदुन, “हे बाबा, हे आप्पा, नीन से सप्पा येनारा आग सकतद; ईद दुख इन कटोरा अक नान हाती टु हट्टसबुळ: तौमी ह्यांग ना चाहासतीन हांग ईला, पर जो नी चाहासत्या अदा आगुल.”

<sup>37</sup> बाक यीशु वापस बंदुन अदकि नोळदुन कि मूरू चेलागोळ मगिग्यार ईद नोळकु पतरस से अंदुन, “हे शमौन, नी मगित्या? येन नी ऊंद तास भी जागुस सकदिल? <sup>38</sup> जागुसतेला अदकि पुरार्थना माळतेला ईरी कि नीव परीक्षा दा बळिबाळी. आत्मा अनंद रा इच्छा आद, पर मय कमजोर आद.”

<sup>39</sup> अदकि यीशु बाक ओळोदुन अदकि अवा शब्दगोळदा पुरार्थना माळली कुरतुन. <sup>40</sup> बाक यीशु बंदकु आंदरी मगित नोळदुन, यतकी आंदुर अव कण्णगोळ जप देल तुमकु ईरव; अदकि ईला जानुसोर कि आऊक येन उत्तर कोटटेव.

<sup>41</sup> बाक यीशु तसिरा गन बंदकु आंदुर से अंदुन, “ईग भी नीव मगितीर अदकि आराम माळतीर? नोळी, घळी होट्ट बंदाद; नोळी ना मळसा अन पार पापीगोळद कय देल हूळकु सौपसकु आगाईन. <sup>42</sup> येळी, हांगाता! नोळी, नानी ध्वाका देल हूळसुसकु सौपसावाळा नान हात्ती होट्ट बंदान!”

यीशु उन ध्वाका देल हूळकु सौपसकु आगोद

(मत्ती २६:४७-५६; लूका २२:४७-५३; यूहन्ना १८:३-१२)

<sup>43</sup> यीशु ईद अनतेला अच ईरोन कि यहूदा जो हनुनेळ चेलागोळ दा टु ऊंद ईरोन, आऊन हात्ती बंदुन. अदकि तान सांगुळ पुरथान याजक अदकि शास्त्रीगोळ अदकि स्याणागोळद द्वारा ऊंद धोळद भीळ कळुकु आगीत, जो तलवार अदकि कोलगोळ हूळकु बंदीदुर. <sup>44</sup> यीशु उक हूळसुसकु सौपसावाळा आंदरी ईद पता कोटीदुन कि याऊक ना चुम्मा ताकोमाईन आवा मळसा हुन, आऊक हूळकु शंकलीगोळ देल कटकु सावधानी देल वयेतीर ताकी आव ओळ बाळुल.

<sup>45</sup> यहूदा बंदुन, अदकि तुरन्त यीशु उन हात्ती हांगकु अंदुन, “हे गुरु!” अदकि आऊन चुम्मा ताकोडुन. <sup>46</sup> आग आंदुर यीशु मा कय हाकुकु आऊक हूडकोडुर अदकि कठ कोडुर. <sup>47</sup> आंदुर दा टु जो हात्ती नीदुरकु ईरोर, ऊंद मळसा तलवार जेळकु महायाजक उन सेवक मा नळसदुन, अदकि आऊंद कवि हारस बुट्टदुन. <sup>48</sup> यीशु आंदुर से अंदुन, “येन ना यावारा अपराधी हुईन, जो नानी हूडोर साटी तलवार अदकि कोलगोळ हूळकु बंदीर? <sup>49</sup> ना रा हर रोज मंदिर दा नीम सांगुळ ईतकु उपदेश कोळतोगीन, अदकि आग नीव नानी हूळदीदल: लेकीन ईद इदुरसाटी आग्याद कि शास्त्र अनंद मात पुरा आगुल.”

<sup>50</sup> इव मातगोळ केळकु आऊन सप्पा चेलागोळ आऊक आबना बटिकु वोळेदुर.

<sup>51</sup> ऊंद हारोदव पार तान दंगदंगा मय मा लुंगी होदुकु यीशु उन हदि-हदि हांगोन; अदकि लॉकुर आऊक हूडोद कोशिशि माळदुर. <sup>52</sup> अदकि आव लुंगी बटिकु नंगा ओळदुन.

यहूदीगोळद महासभा अनंद मुंद यीशु उक तरोद आत

(मत्ती २६:५७-६८; लूका २२:५४,५५,६३-७१; यूहन्ना १८:१३-१४; १९:२४)

<sup>53</sup> बाक आंदुर यीशु उक महायाजक उन मान्नी तंदुर; अदकि सब प्रधान याजक अदकि स्याणा अदकि नियम इन गुरु आऊन मान्या जमा आगेदुर. <sup>54</sup> पतरस दुर दुर टु आऊंद हदि-हदि महायाजक उन आंगुळ इन बुळक ताका होदुन, अदकि आव पहरेदारगोळ सांगुळ कुरतुकु बेककी सेकसली कुरतुन. <sup>55</sup> प्रधान याजक अदकि सप्पा यहूदीगोळद महासभा यीशु उक कोंद बुळोरसाटी आऊंद वरिध दा गवाही इन खोज दा ईरोर, पर आऊंद वरिध दा यातोद भी सबुत सकिदिल. <sup>56</sup> यतकी हापाळ सा लॉकुर यीशु उन वरिध दा ख्वाटा गवाही कोळोर, पर आंदुरद गवाही ऊंद सारखा ईला ईरोद.

<sup>57</sup> आग येनारा लॉकुर यदकु यीशु उन खलिाप ईद ख्वाटा गवाही कोळली कुरतुर, <sup>58</sup> “नाव ईऊक ईद अनंत केळव, ना ईद मळसागोळद कय देल माळद ईद मंदरि इक केळद बुळाईन, अदकि मुर दनि दा दुसरा माळाईन, जो मळसागोळद कय देल माळकु ईरतीदिल.” <sup>59</sup> ईदुर मा भी आंदुरद गवाही ऊंद सारखा होटीदिल.

<sup>60</sup> आग महायाजक न्याड्या दा नीदुरकु यीशु से केळदुन, “नी येनु उत्तर कोळाल? ई लॉकुर नीन वरिध दा येन गवाही कोळतार?”

<sup>61</sup> लेकीन यीशु सुंगा ईततुन, अदकि आव येनु उत्तर कोटीदिल. महायाजक आऊन से मातूत केळदुन, “येन नी आ परमधन्य परमेश्वर उन पार मसीह हुय?”

<sup>62</sup> यीशु अंदुन, हाव “ना हुईन: अदकि नीव मळसा अन पार उक सर्वशक्तमिान इन ऊम्मा कय दी कुरत, अदकि आकाश इन बादल इन सांगुळ बरत नोळीर.”

<sup>63</sup> आग महायाजक तानव फळक्या हरकु अंदुन, “ईग नामी यक्कूल गवाहगोळद येन जरवत आद?”

<sup>64</sup> “येन नीव केळीदिल, कि ईव परमेश्वर उन अपमान माळतान. ईग नीमद येन राय आद?” आ सप्पा लॉकुर आऊक अपराधी टहूसतेला अंदुर, कि ईऊक जीव दण्ड सीक पायजे.



65 आग यारारा आऊन मा उगुळली कुरतुर, अदकि यारारा आऊन कण्णगोळ मा पट्टी कटकु आऊक बुक्का बडुली कुरतुर, अदकि आऊन से अनली कुरतुर, “भवषियवाणी माळ.” नीनी यार बळदुर, अदकि पहरेदारगोळ आऊक हुळकु क्याबरा बळदुर.

पतरस उन यीशु उक इनकार माळोद

(मत्ती २६:६९-७५; लूका २२:५६-६२; यूहन्ना १८:१५-१८, २५-२७)

66 याग पतरस ल्यालमा आंगुळ दा ईरोन, रा महायाजक इन दासीगोळ दा टु ऊंद दासी अल बंदुर. 67 अदकि आ दासीगीत पतरस उक बेक्की सेक्सत नोळकु आऊक टकटकी हचकु नोळदुर अदकि अनली कुरतुर, “नी भी रा आ नासरी यीशु उन सांगुळ ईर्या.”

68 अदकि आव बदलुसेदुन, अदकि अंदुन, “ना जान्सालीन अदकि ना सम्सालीन कानि नी येन अनेत्या.” बाक आव अल टु दरवाजा ताका होदुन; अदकि आटा होती हुंज कुगत.

69 आ दासी आऊक नोळकु आंदुर से अंदुर जो आऊन हात्ती नीदुरकु ईरोर, “ईव मंळसा आंदुर दा टु ऊंद हुन.”

70 लेकीन आव मात्त बदलुसेदुन. घळी तमिर बाददा दा आंदुर जो हात्ती नीदुरकु ईरोर मात्त पतरस से अंदुर, “खरा दा नी आंदुर दा टु ऊंद हुय; यतकी नी गलीली भी हुय.”

71 आग आव इनकार माळकु अनली कुरतुन कानि ना करिया तनिकु खरा अनतीन, “ना आ मंळसा अक, यार्द नीव मातचीत माळतीर, ना अरालीन.”

72 बाक तुरन्त दुसरा घन हुंज कुगत. अदकि पतरस उक अद मात जो यीशु आऊन से अंददिन याद बत्त: “हुंज इन येदद घन कुग्गोर से पयले नी मुर घन नान इनकार माळ्या.” अदकि आव ईद मात इक सोचकु आव वरलीली कुरतुन.

## 15

पलिातुस उन मुंद यीशु

(मत्ती २७:१-२; ११:१४; लूका २३:१-५; यूहन्ना १८:२८-३८)

1 व्हातुर आगतेला अच तुरन्त प्रधान याजकगोळ, स्याणागोळ, अदकि शास्त्रीगोळ उलटा सप्पा यहूदी महासभा आपस दा सलाह माळकु यीशु उक कटसुसदुर, अदकि आऊक वोतकु पलिातुस उन कय दा सौप्सदुर.

2 पलिातुस आऊन से केळदुन, “येन नी यहूदीगोळद राजा हुय?” यीशु आऊक उत्तर कोट्टुन, हव “हयांग नी खुद अच अनत्या.”

3 प्रधान याजक आऊन मा हापाळ मात ईनव दोष हचचोर. 4 पलिातुस यीशु से मात्त केळदुन, “येन नी येनु उत्तर कोळाल? नोळ ईदुर नीन मा यास मात ईनव दोष हचीत्यार!”

5 यीशु फरि भी येनु उत्तर कोटीदील; ईल ताका कानि पलिातुस उक बळा आश्चर्य आत.

मृत्यु-दण्ड इन आग्या

(मत्ती २७:१५-२६; लूका २३:१३-२५; यूहन्ना १८:३१; १९:१६)

6 हर ऊंद फसह हाब्व इन घळी दा पलिातुस यावारा भी ऊंद कैदी इक यारी यहूदी लॉकर चाहासतोगोर, आऊक आंदुर साठी बटिटबुळ तोगोन. 7 वरअबबा हेसुर ईनव ऊंद मंळसा ईरोन जो आ वदिरोह इन सांगुळ कैदी ईरोन, जो रोमन सरकार उन खलिाप वदिरोह दा हत्या माळीदुर. 8 अदकि भीळ म्याकुच होगकु पलिातुस से वनिती माळली कुरत, कानि हयांग नी नाम साठी माळतेला बंद्या हांग अच माळ. 9 पलिातुस आंदरी उत्तर कोट्टुन, “येन नीव चाहासतीर कानि ना नीम साठी यहूदीगोळ राजा अक बटिट बुळाईन?” 10 यतकी पलिातुस जानसोन कानि प्रधान याजकगोळ आऊक सटिट देल सौप्सीदुर.

11 लेकीन प्रधान याजकगोळ लॉकरी येरसदुर कानि आव वरअबबा अक अच आंदुर साठी बीटबुळल. 12 ईद केळकु पलिातुस आंदुर से मात्त केळदुन, “रा यारी नीव यहूदीगोळव राजा अनतीर, आऊक ना येन माळाईन?”

13 आंदुर मात्त चळिलासदुर, अदकि अंदुर “आऊक कूस मा येरसबुळी!”

14 पलिातुस आंदुर से अंदुन, “येती ईव येन वुराई माळ्यान?”

लेकीन आंदुर मात्त अदकि चलिळासदुर, “आऊक कूस मा येरसबुळी!”

15 आग पलिातुस भीळ इक खुश माळोद इच्छा देल, वरअबबा अक आंदुर साठी बटिट बुट्टुन, अदकि यीशु उक कोळगोळ देल बळकु सौप्सदुर कानि कूस मा येरसुल.

सैनिकगोळ द्वारा यीशु उन अपमान

(मत्ती २७:२७-३१; यूहन्ना १९:२-३)

16 सैनिकगोळ यीशु उक कलिा अनद बळक राज्यपाल उन मान्ना अनद आंगुळ दा ओतुर जो प्रीटोरियुम कहलुसतद, अदकि बाकी नोर रोमी सपिाईगोळी कारकु तंदुर. 17 आग आंदुर आऊक जांभळा रंग इन कपळा हाक्सुसदुर अदकि मुळल इन मुकुट माळकु आऊन ताल्ला मा मंळसदुर, 18 अदकि ईद अनकु आऊक नमस्कार माळली कुरतुर, “हे यहूदीगोळ राजा, नीन जय आगुल!” 19 आंदुर आऊन ताल्ला मा सरकण्डा बडोर, अदकि आऊन मा ऊगुळोर, अदकि टवांगरा टेक्सकु आऊक प्रणाम माळतेला ईत्तुर. 20 याग आंदुर आऊद मज्याक हार्सकोड्डुर, रा आऊन मय मा कळव जांभळा रंग इन फळक्या ईळसकु आऊन अवा कपळा मात हाक्सुसदुर; अदकि आग आऊक कूस मा येरसोर साठी व्हार्या ओतुर.

यीशु उन क्रूस मा येरसोद

(मत्ती २७:३२-४४; लूका २३:२६-४३; यूहन्ना १९:१७-२७)

21 आंदरी कुरेन ईनव ईरावाळा शमीन हेसुर ईनव मंळसा, हादी मा सकिदुन. आव ऊरी टु बरोन. अदकि आव सकिनदर अदकि रूफुस उन आप्प ईरोन. सपिाहीगोळ आऊन मा जबरदस्ती दबाव हाकदुर कि आव यीशु उन क्रूस नेगुकु नळदान. 22 आंदुर यीशु उक गुलगुता हेसुर इन जागा मा तंदुर, यदुर मतलब खोपळी इन जागा हुन. 23 अल यीशु उक केय मसाला मीसळुसद अंगुर इन राससा कोळली कुरतुर, लेकीन आव ताकोडीदील. 24 आग आंदुर आऊक क्रूस मा येरसदुर अदकि आऊन कपळा मा चट्टी गोळ हाककु, कियारीक येन सकिकीत, अवरी वाटस बुदुर. 25 याग आंदुर आऊक क्रूस मा येरसदुर रा वहातरी नव ऊंमवत मुरददिव. 26 अदकि आऊन दोषपत्र लखिसकु क्रूस मा आऊद ताल्ला अनंद म्याकुच चपिकुस बुदुर “यहूदीगोळ राजा.” 27 आंदुर आऊन सांगुळ येदुद डाकूगोळी भी क्रूस मा येरसदुर, ऊंद डाकू उक ऊमा कय दी अदकि दुसरा डाकू उक डाक्या कय दी क्रूस मा येरसदुर. 28 आग पवतिरशास्त्र अनंद अद वचन का आऊक अपराधीगोळ सांगुळ आळुकु आदीत, पुरा आत.\*

29 अदकि हादी मा टु होगावाळर ताल्ला हालु-हालुसकु अदकि ईद अन-अनकु आऊद अपमान माळतोगोर, “वाह. मंदरि इक केळावाळा, अदकि मुर दनि दा माळावाळा! 30 तान तान इक ऊळस अदकि क्रूस मा टु ईळुकु वा.”

31 ईदा रीति दिले प्रधान याजक भी, शास्त्रीगोळ सांगुळ, आपस दा आऊद मजयाक हारसकु अनतोगोर, “ईव रा दुसरा अक ऊळस्यान,” लेकीन तान तान इक ऊळस सकालुन.

32 इस्त्राएल इन राजा, मसीह, ईग क्रूस मा टु ईळुदकु वर कानाव नोळुकु वशिवास माळेव. अदकि जो आऊन सांगुळ क्रूस मा येरसकु आगीदुर, आंदुर भी आऊन नीमदा माळतोगोर.

यीशु उन जीव त्यागसोद

(मत्ती २७:४५-५६; लूका २३:४४-४९; यूहन्ना १९:२८-३०)

33 याग दुसरा पहर आत रा पुरा दयाश दा अंधार आगेत अदकि मुर मुरास ताका हांग अच ईतुत. 34 अदकि मुर मुरा दी यीशु हापाळ धोळद शब्द दा चलिळासकु अंदुन, “इलोई, इलोई, लमा शबकतनी?” यदुरद मतलब हुन, “हे नान परमेश्वर, हे नान परमेश्वर, नी नानी येती बटिबुट?”

35 आग जो आऊन हात्ती ईरोर आंदुर दा टु आरधा लॉकर ईद केळुकु अनली कुरतुर, “नोळी, आव एलियियाह अक कारेत्यान.” 36 अदकि ऊंद मंळसा ओळुकु संपज इक सरिके दा नेनाकदुन, अदकि सरकणडे मा ईटकु आऊक नेक्सदुन अदकि अंदुन, “थाम्सेगी, नोळाता एलियियाह आऊक ईळसोर साटी वरतान का ईला.”

37 आग यीशु धोळद शब्द दा चलिळासकु जीव बटि बुटुन.

38 अदकि मंदरि इन परदा म्याकुच टु ल्यालमा ताका हरकु येदुद तुकळा आगेत. 39 जो सुबेदार आऊन मुंद नीदुरकु ईरोन, याग आऊक हांग चलिळासकु जीव बीळतेला नोळदुन, रा आव अंदुन, “खरा ई आद ईव मंळसा, परमेश्वर उन पार ईरोन!”

40 हापाळ आरतेर भी दुर टु नोळतोगोर: आंदुरदा मरयिम मगदलीनी, स्याणेव याकूब अदकि योसेस उन मोय मरयिम, अदकि सलोमी ईरोर. 41 याग आव गलील दा ईरोन रा इंदुर आऊद हदि आगेगोर; अदकि आऊद स्यावा टहल माळतोगोर; अदकि दुसरा हापाळ आरतेर भी ईरोर, जो आऊन सांगुळ यरूशलेम दा बंदीदुर.

यीशु उक नळसोद

(मत्ती २७:५७-६१; लूका २३:५०-५६; यूहन्ना १९:३८-४२)

42 याग द्याव मुळकेत रा इदुरसाटी कतिथार इन दनि ईरोद, जो आराम इन ऊंद दनि पयले ईरतद, 43 अरमितिया नव ईरावाळा यूसुफ बंदुन, जो महासभा दद सदस्य ईरोन अदकि तावा परमेश्वर उन राज्य अनंद हादी कायोन. आव हमिमत माळुकु पलातुस उन हात्ती होगकु यीशु उन लाश बेळदुन. 44 पलातुस उक आशचर्य आत कि आऊद जीव ईट जल्दी होटोत; अदकि आव सुबेदार उक कारूकु केळदुन, “येन आव सोतोगयान?” 45 याग आव सुबेदार उन बाय देल हाल केळदुन, रा लाश यूसुफ उक बेळ कोट्टुन. 46 आग आव मलमल इन ऊंद चादर कौडुन, अदकि लाश इक ईळसकु आ चादर दा गुळमदुन, अदकि ऊंद कवर दा जो चट्टान दा अगुळकु आगीत ईटदुन, अदकि कवर अनंद दरवाजा मा ऊंद कलल ढकलुसदुन. 47 मरयिम मगदलीनी अदकि योसेस उन मोय मरयिम नोळतोगोर कि आऊक येले ईटकु आगयाद.

## 16

यीशु उन पुनरूत्थान

(मत्ती २८:१-८; लूका २४:१-१२; यूहन्ना २०:१-१०)

1 याग आराम इन दनि बतिसेत, रा मरयिम मगदलीनी, अदकि याकूब उन मोय मरयिम, अदकि सलोमी सुगन्धति अत्तर कौडुर अदकि बंदकु यीशु उन लाश मा हचचेव. 2 यहूदीगोळद अनुसार हप्ता अनंद पयला दनि आयतयार इन वहातरया अनंद आर मुरा याग सुर्य होळत, आंदुर कवर मा बंदुर, 3 अदकि आपस दा अनतोगोर, “नाम साटी कवर अनंद दरवाजा मा टु कलल याव ढकलुस्यान?” 4 कलल हापाळ धोळद ईरोद. याग आंदुर कण्ण नेगुकु नोळदुर रा

\* 15:21 १५:२१ रोमियो १६:३३

\* 15:28 १५:२८ ईद वचन हाळोद शास्त्र दा लखिसकु हेलैच

\* 15:29 १५:२९ मरकुस १४:५८; यूहन्ना २:१९

\* 15:40 १५:४० लूका ८:२३

कल्ल कबर टु हटुसकु ईरोद. <sup>5</sup> आ आर्तेर याग कबर अनद बुळक होदुर रा आंदुर ऊंद स्वरगदूत उक हारोदव मंळसा अन घाई बळिव कपळा मा ऊमा कय दी कुरतकु नोळदुर, अदकि हापाळ अंजेदुर.

<sup>6</sup> स्वरगदूत आंदुर से अंदुर, “अंजवाळी, नीव नासरत इन यीशु उक ढुदसेतीर, याऊक कूस मा येरसकु आगीत. आव जतिता आग्यान, ईल हेल्लेच; नोळी, ईदा अद जागा हुन, यल आंदुर आऊक ईटीदुर. <sup>7</sup> लेकीन नीव होगी, अदकि आऊन चेलागोळ अदकि पतरस से अननी क आब नीम से पयले गलील इक होदान. हयांग आव नीम से अंददिन, नीव अल्या आऊक नोळीर.” <sup>8</sup> अदकि आ आर्तेर होटकु कबर टु वोळदुर; यतकी थरथराहट अदकि घबराहट आंदुर मय दा तुममेगीत; अदकि आंदुर यारदारा से येनु अंददिल, यतकी आंदुर हापाळ अंजकु ईरोर.

मरयिम मगदलीनी इक यीशु उन कांळसोद  
(मत्ती २८:१-१०; यूहनना २०:११-१८)

<sup>9</sup> आयतयार इक वहातुर आगतेला अच यीशु जतिता आगकु पयले मरयिम मगदलीनी इक कांळसदुन. आकनि दा टु आव येळ दुषटआत्मागोळ तेगदीदुन. <sup>10</sup> आक होगकु यीशु उन संगीगोळी जो शोक दा मूळककु ईरोर अदकि वोरलोर, ईद समाचार कोटदुर. <sup>11</sup> आंदुर ईद केळदुर क यीशु जतिता आन अदकि मरयिम मगदलीनी आऊक नोळयार, रा आंदुर आकनि मातगोळ मा वशिवास माळीदिल.

येदढ चेलागोळी यीशु उन कांळसोद  
(लूका २४:१३-३५)

<sup>12</sup> ईदुर बाददा दा यीशु दुसरा रूप दा आंदुर दा टु येदढ चेलागोळी याग आंदुर ऊर इन दी होगोर, कांळसदुन. <sup>13</sup> आंदुर भी होगकु दुसरा चेलागोळी ईद समाचार कोटदुर, लेकीन आंदुर फरि भी आंदुर मातगोळ मा वशिवास माळीदिल.

हनदुंद चेलागोळी यीशु उन कांळसोद  
(मत्ती २८:१६-२०; लूका २४:३६-४९; यूहनना २०:१९-२३; प्रेरतिगोळ १:६-८)

<sup>14</sup> यीशु आ हनुन चेलागोळी भी कांळसदुन, याग आंदुर ऊमली कुरतीदुर, कांळसदुन, अदकि आंदुर अवशिवास अदकि मन इन कठोरता मा आंदरी दनकुसदुन, यतकी यार आऊंद जतिता आगदुर बाददा आऊक नोळीदुर, आंदुर आऊंद वशिवास माळीदिल. <sup>15</sup> अदकि यीशु चेलागोळ से अंदुन, “नीव पुरा दुनया दा होगकु पुरा दुनया अन लांकुरी खुशखबरी प्रचार माळी. <sup>16</sup> जो वशिवास माळयार अदकि वपतसिमा ताकोडार आऊंदा उदधार आदीत, लेकीन जो वशिवास माळतीदील आऊंद न्याय आदीत अदकि आऊक दोषी ठहूरसकु आदीत; <sup>17</sup> वशिवास माळावाळेर दा ईव चनिह ईत्ताव क आंदुर नान हेसुर देल दुषटआत्मागोळी तेगदार, अदकि वहासा वहासा भाषा माताळयार, <sup>18</sup> अदकि आंदुर हाव इक नेगु कोडार, अदकि अगर आंदुर जयर भी कुडु कोडार रा आंदरी येनु नुकसयान आगतीदिल; आंदुर वमिारगोळ मा कय मंळसयार, अदकि वमिार चंगा आगेदार.”

यीशु उक स्वरग दा नेगुकु आगोद  
(लूका २४:५०-५३; प्रेरतिगोळ १:९-११)

<sup>19</sup> प्रभु यीशु आंदुर से माताळदुर बाददा दा स्वरग मा नेगुकु आदुन, अदकि परमेश्वर उन ऊममा कय दी कुरतुन. <sup>20</sup> अदकि आंदुर होटकु हर जागा मा प्रचार माळदुर, अदकि प्रभु आंदुर सांगुळ कयाल्सा माळतेला ईत्तुन, अदकि आ चनिह अनद द्वारा जो सांगुळ सांगुळ आगतोगोव, वचन इक मजबूत माळतेला ईरोन. आमीन.\*

\* 16:7 १६:७ मत्ती २६:३२; मरकुस १४:२८

\* 16:15 १६:१५ प्रेरतिगोळ १:८

\* 16:19 १६:१९ प्रेरतिगोळ १:९-११

\* 16:20 १६:२०

## लूका रचति यीशु मसीह का सुसमाचार लूका अन्द लखिसद यीशु मसीह अन बारा दा खुशखबरी परचिय

लूका अन्द लखिसद खुशखबरी वहाशोद नयिम दाकळोद आ नाक कतिब दा टु ऊंद कतिब हुन, यदुरदा यीशु उन जीवन इन वर्णन आद. हर ऊंद कतिब इक "खुशखबरी" अनतार. यीशु उन सोततुर बाददा मत्ती, मरकुस, लूका अदकि यूहन्ना ईद कतिब लखिस्यार. लूका सर्फि यीशु उन जीवन इन कहानी इच लखिसदिलि बल्की, आऊन सोततुर बाददा आऊन चेलागोळद कयालसागोळ बारा दा भी लखिसयान, "प्रेरतिगोळद कयालसा हेसुर इन कतिब दा ईदुर बारा दा वाचुसली सकितद. लूका अन्द खुशखबरी येल अदकि याग लखिसकु आग्याद इदुर बारा दा नश्चिती जानकारी हैलेच लेकीन यक्कुल अभ्यास माळावाळेर ईद मानसतार क् लूका कृत खुशखबरी यीशु उन जनम इन लगभग ७० साल इन बाददा लखिसकु आगीदाद."

ई कतिब इन लेखक खुद लूका हुन जो ऊंद वैद्य ईरोन. आऊन लखिसोद शैली अदकि भाषा देल ईद पता नळतद क् लूका ऊंद सुशिक्षित मळसा ईरोन. लूका चाहासोन क् यीशु उन जीवन इन खरा-खरा वर्णन लखिसकु आगुल, अदकि घटनागोळ ह्यांग आग्याव बराबर हांग अच लखिसकु आगुल ताकी आंदुर बारा दा वाचुसकु फायदा आगुल. १:१-३ लूका यहूदी ईला ईरोन कुलुससगिळ ४:१०-१४ आव हांग प्रकार देल लखिसदुन क् यहूदी भी आऊन लखिसद आसानी देल समस सकुल यातता प्रकार देल यहूदी रीति-रिवाजगोळद वर्णन माळकु आग्याद अदुर देल ईद स्पष्ट आगतद. १:८

हापाळ मात्रा दा लूका कृत खुशखबरी मत्ती अदकि मरकुस इन कतिबगोळद घाई आद. मूर कतिबगोळ दा अवा घटनागोळद वर्णन ऊंद अच घाई माळकु आग्याद. लेकीन लूका अन्द कतिब दा बपतसिमा कोळावाळा यूहन्ना अन्द जनम इन बारा दा सब से यक्कुल जानकारी सकितद. लूका दा "माफ इन बारा दा सब से यक्कुल लखिसकु आद" ३:३,११:४,१७:३-४,२३:३४, २४:४७

प्रार्थना अन्द बारा दा भी सब से यक्कुल लखिसकु आद. ३:२१, ५:१६, ६:१२,११:१-१२, २२:३२  
रूप रेखा:

१. लूका रचति खुशखबरी इन भुमिका अदकि लखिसोद कारण हेळतान. १:१-४
२. अदुर बाददा, यीशु उन जनम अदकि आऊन सेवकाई इन तयारी इन बारा दा लखिसकु आद. १:५-४:३३
३. यूहन्ना बपतसिमा कोळावाळा अन्द जनस्यावा ३:१-२०
४. यीशु उन बपतसिमा अदकि परीक्षा ३:२१-४:१३
५. गलील दा यीशु उन जनस्यावा ४:१४-९:५०
६. गलील टु यरूशलेम ताका यात्रा ९:५१-१९:२७
७. यरूशलेम दा आखरी हप्ता १९:२८-२३:५६
८. प्रभु उन पुनरूथान, काळसोद, अदकि स्वरगारोहण २४:१-५३

### परचिय

१ श्रीमान थयिफलिस, हापाळ सा लॉकुर आ मातगोळी जो नाम न्याड्या दा घळुस्याव, इतहास लखिसोर साटी कय हच्यार, २ ह्यांग क् आंदुर जो पयले टु ना ई मातगोळव नोळावाळेर अदकि खुशखबरी इन प्रचार माळावाळेर सेवक ईरोर, नाम ताका पोहचुसदुर. ३ इदुरसाटी, थयिफलिस नानी भी ईद उचति मालूम आत क् आ सप्पा मातगोळद पुरा हाल सूर टु वळलीसा-वळलीसा जाँच माळकु, आंदरी नीन साटी क्रम इन अनुसार लखिसाईन. ४ ना ईद इदुरसाटी लखिसदीन ताकी नीमी पुरा हकगत यकीन मालूम आगेगुल.

यूहन्ना बपतसिमा कोळावाळा अन्द जनम इन भवषियवाणी

५ यहूदीगोळव राजा हेरोदेस उन समय अबयियाह अन्द दल दा जकरयाह हेसुर ईनव ऊंद याजक ईरोन, अदकि आऊन हांगिस हाऊन इन वंश इनोर ईरोर आकनि हेसुर इलीशबिा ईरोद. ६ आंदुर येदुदु मुंदुर परमेश्वर उन नजर दा न्यायी\* ईरोर, अदकि प्रभु उन सपपा आग्यागोळ मा अदकि सप्पा वधीगोळ मा नर्दोष नळावाळेर ईरोर. ७ आंदुरद यातोदु औलाद ईला ईरोद, यतकी इलीशबिा वांझला ईरोर, अदकि आंदुर येदुदु मुंदुर बाटट हाळांमंडु ईरोर.

८ याग जकरयाह तान दल इन पारी मा परमेश्वर उन मुंद याजक उन कयालसा माळोन, ९ रा याजकगोळद रीति इन अनुसार आऊन हेसुर मा चट्टी होळत क् प्रभु उन मंदिर दा होगकु धूप होताकुल. १० धूप होताका समय लॉकुरद सप्पा मंडली व्हार्या प्रार्थना माळोव.

११ आ समय प्रभु उन ऊंद स्वरगदूत धूप इन वेदी इन ऊम्मा कय दी नीदुरकु आऊन मुंद प्रगट आदुन. १२ जकरयाह आऊक नोळकु घबसुदुन अदकि आऊन मा धोळद अंजक तुम्मेत. १३ लेकीन स्वरगदूत आऊन से अंदुन, "हे जकरयाह, अंजबाळ, यतकी नीन प्रार्थना केळकु आगेग्याद; अदकि नीन हांगिस इलीशबिा देल नीन साटी ऊंद पार पैदा आदान, अदकि नी आऊन हेसुर यूहन्ना ईटेत. १४ आऊन जनम इन कारण नीनी खुशी अदकि हर्ष आदीत: अदकि हापाळ लॉकुर आऊन जनम इन कारण खुश आदार, १५ यतकी आव प्रभु उन नजर दा महान आदान; अदकि

\* 1:6 न्यायी-न्याय इन कयालसा माळावाळा

अंगुर इन रास्सा अदकि सारा यागलु कुडुतीदील; अदकि तान मोय इन व्हाट्टा दा टु अच पवतिर आत्मा देल परपिरुण आगोदान; 16 अदकि इस्त्राएलगोळ दा टु हापाळ लॉकुरी आंदुर प्रभु परमेश्वर उन दी वापस तंदान. 17 आव एलथियाह अन्द घाई आत्मा अदकि सामर्थ्य दा आगकु आऊन मुंद मुंद नळदान क्क आप्प दादागोळ्द मन चकिर-चनिगेर दी हतकु ईरूल; अदकि आग्या ईला मान्सावाळेर इक न्यायीगोळ्द घाई आंदुर समझ दा तरूल; अदकि प्रभु उन साटी ऊंद योग्य परजा तयार माळ्ळु.”

18 जकरयाह स्वर्गदूत से केळदुन, “ना ईद ह्यांग जानसाईन? यतकि ना रा हाळावाट आईन; अदकि नान हगिस् भी हाळामुंड आगोयार.”

19 स्वर्गदूत आऊक उत्तर कोट्टुन, “ना जविराईल हुईन, जो परमेश्वर उन मुंद नदुरकु ईरतीन; अदकि नानी नीन से मातगोळी हेळली अदकि नीनी ईद खुशखबरी केळसली नानी कळ्ळु आग्याद. 20 नोळ, या दिन ताका ई मातगोळ पुरा आगालव, आ दिन ताका नी मौन अवस्था दा ईत्या अदकि माताळ सकतीदलि, यतकि नी नान मातगोळ्द जो तान समय मा पुरा आदव, ई नान वचनगोळ मा नी वशिवास माळीदलि.”

21 लॉकुर जकरयाह अन्द हादी कायतेला ईत्तुर अदकि आश्चर्य माळली कुरतुर क्क आऊक मंदिर दा ईट समय येती हत. 22 याग आव व्हारया वंदुन, रा आंदुर से माताळ सकदील: अत: आंदुर अर्त कौडुर क्क आव मंदिर दा यातोद तरी दर्शन नोळ्यान; अदकि आव अदुर बारा दा आंदुर से संकेत माळतेला ईत्तुन, अदकि मुक्का आगकु ईतोदुन.

23 याग आऊन मंदिर इन स्यावा अन्द दिन पुरा आदव, रा आव तान मान्नी होतोदुन. 24 ई दिनगोळ्द बाददा आऊन हगिस् इलीशवा व्हाट्टा दी ईत्तुर; अदकि आक ईद अनकु तान तान इक अईद तगिळ ताका होचकु ईटदुर, 25 अदकि इलीशवा खुद अच अनतोगोर, क्क “ई दिनगोळ दा प्रभु नान मा कृपा नजर माळ्ळु, मंळसागोळी नान अपमान इक दुर माळोर साटी इच प्रभु नान साटी हगि माळ्ळुन.”

यीशु उन जनम इन घोषणा

26 इलीशवा अन्द गरम-अवस्था अन्द आर तगिळ दा परमेश्वर उन दी टु जविराईल स्वर्गदूत, गलील इन नासरत नगर दा, 27 ऊंद कुवारा पोर इन हात्ती कळ्ळु आदुन यार्द सगाई यूसुफ हेसुर इन दाऊद उन घराना अन्द ऊंद मंळसा से आगीत: आ कुवारा पोर इन हेसुर मरयिम ईरोद. 28 स्वर्गदूत आकनि हात्ती वुळ्ळ बंदकु अंदुन, “नी धन्य आय, नीन मा परमेश्वर उन अनुग्रह आग्याद! प्रभु नीन सांगुळ आन!”

29 मरयिम आ स्वर्गदूत उन वचन देल हापाळ घबर्सेदुर, अदकि मन दा सोचली कुरतुर क्क ईद याता प्रकार इन अभवादान हुन? 30 स्वर्गदूत आकनि से अंदुन, “हे मरयिम, अंजवाळ, यतकि परमेश्वर उन अनुग्रह नीन मा आग्याद. 31 नोळ, नी व्हाट्टा दी ईत्या, अदकि नीनी ऊंद पार पैदा आदान; नी आऊन हेसुर यीशु ईटत. 32 आव महान ईत्तान अदकि परमेश्वर उन पार जो सब से धोड्डेव आन अंदकु आदान; अदकि प्रभु परमेश्वर आऊन आप्प दाऊद उन सहिसन आऊक कोट्टान, 33 अदकि आव याकूब ऊंद घराना मा हमेशा राज माळ्यान; अदकि आऊन राज्य अन्द अन्त यागलु आगतीदील.”

34 मरयिम स्वर्गदूत से अंदुर, “ईद ह्यांग आदीत. ना रा यातोवारा भी मंळसा अन्द संपरक दा हैलेच.”

35 स्वर्गदूत आक इक उत्तर कोट्टुन, “पवतिर आत्मा दी टु नी व्हाट्टा दी ईत्या, अदकि परमेश्वर उन सामर्थ्य नीन मा सावली माळीत; इदुरसाटी आ पवतिर जो पैदा आगावाळा आन, परमेश्वर उन पार अंदकु आदान. 36 अदकि नोळ, नीन कुट्टुमब इनोर इलीशवा अक भी वुळपन दा पार आगावाळा आन, ईद आकनि, यारी लॉकुर वांझला अनतोगोर आरवा तगिळ हुन. 37 यतकि परमेश्वर उन साटी येनु असम्भव हैलेच.”

38 मरयिम अंदुर, “नोळ, ना प्रभु उन दासी हुईन, नानी नीन वचन इन अनुसार अच आगुल.” आग स्वर्गदूत आकनि हात्ती टु होतोदुन.

जकरयाह अदकि इलीशवा अन्द हात्ती मरयिम इन होगोद

39 आ दिनगोळ दा मरयिम यदकु तुरन्त अच पहाळी दयाश दा यहूदा अन्द ऊंद नगर इक होदुर, 40 अदकि आव जकरयाह अन्द मान्या होगकु मरयिम इलीशवा अक नमस्कार माळदुर. 41 आग हगि आत क्क ह्यांग इलीशवा मरयिम इन नमस्कार केळदुर, हांग अच चगिद आकनि व्हाट्टा दा हारदुन, अदकि इलीशवा पवतिर आत्मा देल परपिरुण आगोदुर. 42 अदकि इलीशवा धोळ्द शब्द दा कारूकु अंदुर, “नी आर्तेर दा धन्य आय, अदकि नीन व्हाट्टा अन्द चगिद भी धन्य आद! 43 ईद अनुग्रह नानी यल टु आत क्क नान प्रभु उन मोय नान हात्ती बंदुर? 44 ह्यांग नीन नमस्कार इन शब्द नान कवि मा बत्ति, हांग अच चगिद नान व्हाट्टा दा खुशी देल हारली हत. 45 धन्य आर आक यार वशिवास माळदुर क्क जो मातगोळ प्रभु उन दी टु आकनि से अंदकु आग्याव, अव पुरा आदव!”

मरयिम इन सत्तुर्ता हाळ

46 आग मरयिम अंदुर,

“नान जीवन प्रभु उन बळाई माळतद

47 अदकि नान आत्मा नान उद्धार माळावाळा परमेश्वर देल खुश आद,

48 यतकि आव तान दासी मा नजर ईट्यान;

इदुरसाटी नोळी, ईगी टु सप्पा युग-युग इन पीढी नानी धन्य अदीत,

- 49 यतकी आ शक्तमान प्रभु नान साटी धोळद-धोळद क्याल्सा माळ्यान.  
 आऊन हेसुर पवतिर आद,  
 50 अदकि आऊन दया आंदुर मा, जो आऊन से अंजतार,  
 पीदी टु पीदी ताका बन्सकु ईरतद.  
 51 आव तान भुजा अनंद ताकत तोरसदुन,  
 अदकि जो तान मन दा घमण्ड माळतोगोर, आंदरी ततिर-बतिर माळदुन.  
 52 आव बलवानगोळी आंदुरद राज सहिसनगोळ मा टु केळद बुट्टुन;  
 अदकि नमर लॉकुरी म्याकुच नेगदुन.  
 53 आव हस्तकु लॉकुरी वळलीद वस्तुगोळ देल संतुषट माळदुन,  
 अदकि धनवानगोळी खाली कय तेगद बुट्टुन.  
 54 आव तान सेवक इस्त्राएल उक सम्भालस कोडुन  
 कति तान आ दया अक याद माळुल,  
 55 जो अब्राहम अदकि आऊन वंश मा हमेशा ईत्तीत,  
 हयांग आव नाम आप्प-दादागोळ से अंददिन.”  
 56 मरयिम इलीशबा अनंद सांगुळ लगभग मुर तगिळ ईतकु तान मान्नी वापस बंदुर.

यूहन्ना बपतसिमा कोळावाळा अनंद जनम

57 आग इलीशबा अनंद चगिद हाळोद समय पुरा आत, अदकि आक पार उक जनम कोट्टुर. 58 आकनि मान्ना अनंद हात्तीवाळे अदकि कुटुम्बीगोळ ईद केळकु कति प्रभु आकनि मा हापाळ दया माळ्यान, आकनि सांगुळ खुशी मनुसदुर,

59 अदकि हगि आत कति आठवा दशिी आंदुर आ चगिद ऊद खतना माळली बंदुर अदकि आऊन हेसुर आऊन आप्प उन हेसुर मा जकरयाह ईटावाळे ईरोर. 60 इदुर मा आऊन मोय उत्तर कोट्टुर, “ईद ईला; उलटा आऊन हेसुर यूहन्ना ईटकु आगुल.”

61 आंदुर आकनि से अंदुर, “नीन कुटुम्ब दा यारदु हेसुर ईद हैलेच!” 62 आग आंदुर आऊन आप्प उक इशारा माळकु केळदुर कनि आऊन हेसुर येन ईटोद चाहासत्या?

63 आव लखिसोद पट्टी कारसकु लखिस बुट्टुन, “आऊन हेसुर यूहन्ना आद,” अदकि सप्पा लॉकुरी आश्चर्य आत.  
 64 आग आ चगिद उन बाय अदकि लयालग्या तुरन्त खुलसेत; अदकि आव माताळली अदकि परमेश्वर उन धन्यवाद माळली कुरतुन. 65 आऊन आसपास इनोर सप्पा ईरावाळे मा अंजक तुममेत; अदकि आ सप्पा मातगोळद चर्चा पुरा यहूदी इन पहाळी प्रदेश दा फैलुसेत, 66 अदकि सप्पा केळावाळे तान-तान मन दा वचारि माळकु अंदुर, “ई पार हयांग ईतीदान?” यतकी प्रभु उन कय आऊन मा ईरोद.

जकरयाह अनंद भवषियवाणी

67 आऊन आप्प जकरयाह पवतिर आत्मा देल परपुरण आगेदुन, अदकि आव परमेश्वर उन वातणी कोळली कुरतुन:

68 “प्रभु इस्त्राएल ईनव परमेश्वर धन्य ईरुल,  
 यतकी आव तान लॉकुर मा नजर ईटदुन अदकि आंदुरद छुटकारा माळदुन,

69 अदकि तान सेवक दाऊद उन घराना दा  
 नाम साटी ऊद सामरथ्यकारी उधदारक कोटान.

70 आव तान पवतिर भवषियवक्तागोळद द्वारा जो दुनयिा अनंद सूवात टु आगतेला बंदार, अंददिन.

71 मतलब नाम दुश्मनगोळ से अदकि नाम से नफरत ईटावाळेद कय देल  
 नाम उधदार माळदुन,

72 आव तान आप्प-दादागोळ से अंददिन कति आव दया माळ्यान कति  
 तान पवतिर वाचा अनंद याद माळुल,

73 अद करिया आव नामव आप्प अब्राहम से तदिदुन,

74 आव नामी ईद कोट्टान कति नाव तान  
 दुश्मनगोळद कय दा टु वटिकु,

75 आऊन मुंद पवतिरता अदकि न्यायीपन देल पुरा  
 जीवन तीम नडिर ईतकु आऊन स्यावा माळतेला ईत्तेव.

76 अदकि नी हे पारा, परमेश्वर उन भवषियवक्ता कहलुस्या,  
 यतकी नी प्रभु उन हादी तयार माळोर साटी  
 आऊन मुंद-मुंद नळद्या,

77 कति आऊन लॉकुरी उधार इन ग्यान कोट्टान,  
 जो आंदुरद पापगोळी माफ माळीत.

78 ईद नाम परमेश्वर उन अदा धोळद करूणा देल आग्याद;  
 यदुर कारण म्याकुच टु नाम मा वहातुर इन उजुळ उदय आदीत,

79 कऱ अंघकार अदकऱ ढृतुतुतु ऊदऱ सावली दा कुरावाळेर इकऱ प्रकाशऱ कोळुल, अदकऱ नामऱ कालगोळी शांती इनऱ हादी मा सरका नळसुल.”

80 अदकऱ आऱ चऱगिदऱ धोळदऱ अदकऱ आतुमा दा बलवन्तऱ आगतेला ईतुतुन, अदकऱ इस्तुराएलऱ माऱ प्रगटऱ आगोदऱ दनऱ ताका आळीगोळऱ दा ईतुतुन.

## 2

यीशुऱ उनऱ जनढऱ  
(ढतुती १:१८-२५)

1 आऱ दनऱगोळऱ दा रोढऱ इनऱ राजा औगुस्तुसऱ उनऱ दी तुऱ आगुतुा होळतऱ कऱ पुरा रोढनऱ सामुराजुतु अढदऱ लॉकुरदऱ हेसुरऱ नोदणीऱ ढाळकुऱ आगुल. 2 ईदऱ पयलाऱ जनगणनाऱ आऱ सढतु आतऱ, तुागऱ सरकारी अढधिकारीऱ क्वरऱनऱतुऱसऱ हेसुरऱ इनऱ ढळसाऱ सीरतुऱ हेसुरऱ इनऱ नगरऱ इनऱ शासकऱ ईरोनऱ, 3 सऱपुऱ लॉकुरऱ हेसुरऱ लखऱसुसोरऱ साटीऱ तानऱ तानऱ नगरऱ इकऱ होदुदुरऱ.

4 इदुरऱसाटीऱ तूसुफऱ ढी दाऊदऱ उनऱ घरानाऱ नवऱ ईरोनऱ, इदुरऱसाटीऱ गलीलऱ इनऱ नासरतऱ नगरऱ तुऱ तहदतुऱ दा दाऊदऱ उनऱ नगरऱ वैतलहढऱ इकऱ होदुनऱ, 5 कऱ तानऱ हगऱसऱ ढरतुतुढऱ इनऱ सांगुळुऱ जोऱ वुहातुऱ दा दी ईरोरऱ हेसुरऱ लखऱसुसुलऱ. 6 आंदुरदऱ अलऱ ईराऱ सढतुऱ दा ढरतुतुढऱ इनऱ चऱगिदऱ हाळोदऱ दनऱ पुरा आदवऱ, 7 अदकऱ ढरतुतुढऱ तानऱ पयलाऱ चऱगिदऱ उकऱ हाळदुरऱ अदकऱ आऱ चऱगिदऱ उकऱ कऱपळाऱ दा लऱपटुसकुऱ चरनीऱ दा ईदुदुरऱ; ततुकीऱ आंदुरऱ साटीऱ सरईऱ दा तुरागऱ ईलाऱ ईरोदऱ.

सुवऱरुगदुतुगोळुऱ दुवाराऱ चरवाहगोळीऱ तुरतुणीऱ

8 अदकऱ आऱ प्रदुशऱ दा तुरासऱ चरवाहगोळुऱ ईरोरऱ, जोऱ ईळुलकऱ इकऱ ढैदानऱ दा ईतुकुऱ तानऱ तानऱ इणुणडऱ इनऱ पहराऱ कोळतुगोरऱ. 9 अदकऱ प्रढुऱ उनऱ ऊदऱ सुवऱरुगदुतु आंदुरऱ हातुतीऱ बंदकुऱ नीदुरेदुनऱ, अदकऱ प्रढुऱ उनऱ तेजऱ आंदुरदऱ नऱकुऱ दी चढकुसुतऱ, अदकऱ आंदुरऱ हाऱपऱळऱ अंजेदुरऱ. 10 आगऱ सुवऱरुगदुतु आंदुरऱ सेऱ अंदुनऱ, “अंजऱवऱळीऱ; ततुकीऱ, नऱ नीढीऱ हाऱपऱळऱ खुशीऱ इनऱ खुशखऱबरीऱ केळुसतीनऱ जोऱ सऱपुऱ लॉकुरऱ साटीऱ ईतुतीतऱ, 11 कऱ ईदऱ दाऊदऱ उनऱ नगरऱ दा नीढऱ साटीऱ ऊदऱ उदुधऱरकुरतऱऱ पैदाऱ आगुतुनऱ, अदकऱ ईवऱ ढसीहऱ प्रढुऱ हुनऱ. 12 अदकऱ इदुरदऱ नीढऱ साटीऱ ईदऱ चनऱहऱ आदऱ कऱ नीवऱ ऊदऱ पऱरऱ उकऱ कऱपळाऱ दा लऱपटुसकुऱ अदकऱ चरनीऱ दा बदऱकुऱ नोळीरऱ.”

13 आगऱ अचऱनकऱ आऱ सुवऱरुगदुतु उनऱ सांगुळुऱ सुवऱरुगदुतुगोळुदऱ दलऱ ढरढेशुवरऱ उनऱ सुतुतुऱ ढाळतेलाऱ अदकऱ ईदऱ अनतेलाऱ काळुसदवऱ,

14 “आकऱशऱ दा ढरढेशुवरऱ उनऱ ढहऱढऱ

अदकऱ ढुधुवीऱ ढऱ आ ढंळसागोळुऱ देलऱ तुरऱ सेऱ आवऱ ढरसनुनऱ आनऱ, शांतीऱ आगुलऱ.”

15 तुरागऱ सुवऱरुगदुतु आंदुरऱ हातुतीऱ तुऱ सुवऱरुगऱ दी होदुदुरऱ, रऱ चरवाहगोळुऱ आपसऱ दा अंदुरऱ, “बरीऱ, नऱवऱ वैतलहढऱ होगकुऱ ईऱ ढऱतऱ जोऱ आगुतुऱवऱ, अदकऱ तुरीऱ प्रढुऱ ढऱढऱ ढऱ प्रगटऱ ढऱळुतुऱनऱ, नोळऱतीऱ.”

16 अदकऱ आंदुरऱ तुरनुतऱ होगकुऱ ढरतुतुढऱ अदकऱ तूसुफऱ उनऱ हातुतीऱ होदुरऱ, अदकऱ आऱ चऱगिदऱ उकऱ चरनीऱ दा बदऱकुऱ नोळदुरऱ. 17 ईदऱ नोळकुऱ चरवाहगोळुऱ आऱ ढऱतऱ इकऱ प्रगटऱ ढऱळऱ बुदुरऱ, जोऱ ईऱ चऱगिदऱ उनऱ बऱरऱ दा आंदुरऱ सेऱ अंदकुऱ आगीतऱ, 18 अदकऱ सऱपुऱ लॉकुरऱ आऱ ढऱतुगोळीऱ केळकुऱ जोऱ चरवाहगोळुऱ आंदुरऱ सेऱ अंदुरऱ आशुचरुतुऱ ढऱळदुरऱ. 19 लेकीनऱ ढरतुतुढऱ ईऱ सऱपुऱ ढऱतुगोळीऱ तऱनऱ दलऱ दा ईदुकुऱ ढनऱ दा वऱचऱरऱ ढऱळतेलाऱ ईतुतुरऱ. 20 चरवाहगोळुऱ हतुऱगऱ सुवऱरुगदुतुगोळुऱ होळीदुरऱ सऱवऱ तुरऱनऱऱ हऱंगऱ अचऱ केळकुऱ अदकऱ नोळकुऱ ढरढेशुवरऱ उनऱ ढहऱढऱ अदकऱ सुतुतुऱ ढऱळतेलाऱ होदुदुरऱ.

यीशुऱ उनऱ हेसुरऱ ईदुदुदुऱ

21 हतुऱगऱ तुरेदुदुऱ दनऱ पुरऱ आदवऱ अदकऱ आऊनऱ खतनऱ अढदऱ सढतुऱ बतुतऱ, रऱ आऊनऱ हेसुरऱ तुरीशुऱ ईदुकुऱ आतऱ जोऱ सुवऱरुगदुतु आऊनऱ ढोतुऱ इनऱ गरुढऱ दा बरोदऱ सेऱ पयलाऱ अंददुतुनऱ.

ढंदरऱ दा तुरीशुऱ उनऱ अरऱपणऱ

22 तुरऱगऱ आंदुरऱ तुरीशुऱ उकऱ अंदुरऱ, ढूसऱ इजऱजतऱ कोतऱनऱ कऱ ऊदऱ ढंळसाऱ छोळऱ चदुटीऱ लखऱसकुऱ तऱनऱ हगऱसऱ उकऱ तलऱकऱ कोळऱ सकतऱनऱ. वुधऱवसुधऱ अढदऱ अनुसऱरऱ तूसुफऱ अदकऱ ढरतुतुढऱ इनऱ तऱनऱ खुदऱ इनऱ शुदुधऱ आगऱवऱ दनऱ पुरऱ आदवऱ, रऱ आंदुरऱ तुरीशुऱ उकऱ तुरीशुऱलेढऱ दा ओतुरऱ कऱ प्रढुऱ उनऱ ढुदऱ अरऱपणऱ ढऱळुलऱ, 23 हतुऱगऱ कऱ प्रढुऱ उनऱ वुधऱवसुधऱ अढदऱ कतऱवऱ दा लखऱसकुऱ आदऱ: “हरऱ ऊदऱ पयलाऱ पऱरऱ ढरढेशुवरऱ उनऱ साटीऱ ढऱवतुरऱ ठहरूसुतुनऱ.” 24 अदकऱ प्रढुऱ उनऱ वुधऱवसुधऱ अढदऱ वचनऱ इनऱ अनुसऱरऱ आंदुरऱ: “ढंडकीऱ इनऱ ऊदऱ जऱवऱळाऱ, तुरऱ कऱवुतरऱ इनऱ तुरेदुदुऱ ढऱडडुगोळुऱ” तंदकुऱ बलीऱ तुरेसुलऱ.

25 तुरीशुऱलेढऱ दा शढुीनऱ हेसुरऱ ईनऱवऱ ऊदऱ ढंळसाऱ ईरोनऱ, अदकऱ आऱ ढंळसाऱ नुतुऱतुीऱ अदकऱ ढकुतऱ ईरोनऱ; अदकऱ इस्तुरऱएलऱ इनऱ लॉकुरीऱ ऊळसाऱवऱळाऱ अढदऱ हऱदीऱ कऱतुऱनऱ, अदकऱ ढऱवतुरऱ आतुमा आऊनऱ ढऱ ईरोदऱ. 26 अदकऱ ढऱवतुरऱ आतुमा अढदऱ दुवऱरऱ आऊनऱ बऱरऱ दा वऱदऱ ढऱळकुऱ आगीतऱ कऱ तुरऱगऱसतऱकऱ नीऱ प्रढुऱ उनऱ प्रगटऱ ढऱसीहऱ अकऱ नोळऱ कोढऱलऱ, आगऱसतऱकऱ नीऱ सऱतुऱतीदीलऱ. 27 शढुीनऱनऱ ढऱवतुरऱ आतुमा अढदऱ ढुरेरणऱ देलऱ ढंदरऱ दा बंदुनऱ; अदकऱ तुरऱगऱ ढोतुऱ अदकऱ आपुऱ वुधऱवसुधऱ अढदऱ वधुीऱ इकऱ पुरऱ ढऱळोरऱ साटीऱ चऱगिदऱ तुरीशुऱ उकऱ ढंदरऱ दा तंदुरऱ, 28 आगऱ आवऱ तुरीशुऱ उकऱ कऱवऱरऱ दा हऱळदुनऱ अदकऱ ढरढेशुवरऱ उकऱ ढनुतुऱवऱदऱ ढऱळकुऱ अंदुनऱ:

29 “हेऱ प्रढुऱ, ईगऱ तऱनऱ दऱसऱ उकऱ नीऱ जोऱ वऱदऱ ढऱळीदऱ अदुरऱ अनुसऱरऱ

शांतीऱ देलऱ सऱतुऱगोळुऱ,

30 तुरतुकीऱ नऱनऱ कणुणगोळुऱ नीनऱ उदुधऱरऱ इकऱ नोळऱ कोडऱदऱ,

- 31 यदरी नी सप्पा प्रदेश इन लॉकुरद मुंद तयार माळ्या,  
 32 काँ आव अन्या गैर्यहूदीगोळी सच्चार्ई प्रगट माळावाळा प्रकाश कोळोर साटी ज्योतर्,  
 अदकि नीन नर्जी जात इस्त्राएल इन साटी महमिा आगुल.”
- 33 आऊन आप्प अदकि मोय आ मातगोळ देल जो शमिओन अनतोगोन, आश्चर्य माळतोगोर. 34 आग शमौन आंदरी आशीष कोटक यीशु उन मोय मरयिम से अंदुन, “नोळ, ई पार उक इस्त्राएल दा हापाळ मुंदुरद बळोद, अदकि येळोद साटी, अदकि ऊंद हगि चमत्कार आगोर साटी टहरूसकु आग्याद, यार्द वरिध दा मातगोळ हेळकु आदाव.  
 35 इदुर देल हापाळ लॉकुर मन दा बचिर प्रगट आदव उलटा नीन दलि भी दुखगोळ देल तुमकु आदीत.”
- 36 आशेर इन गोत्र दा टु हनुनाह हेसुर इन फनुएल उन पोर ऊंद भवषियवक्तागति ईरोर. आक हापाळ हाळामुंड ईरोर, अदकि मदा आगदुर बाददा येळ वर्ष तान गांडड उन सांगुळ ईत्तुर बाददा आकनि गांडड सोतोगदिन.  
 37 ईग आक चौर्यासी वर्ष टु रांड्या ईरोर: अदकि आक मंदरि इक ईला बळितोगोर, लेकीन ईळलक-हागुल उपास अदकि प्रार्थना माळ माळकु स्यावा दा हतकु ईरतोगोर. 38 अदकि आक आ घळी अल बंदकु प्रभु उन धन्यवाद माळली कुरतुर, अदकि आ सप्पा मुंदुर से, जो यरूशलेम इन लॉकुरद छुटकारा अन्द हादी कायतोगोर, आ चगिद उन वारा दा मातगोळ हेळली कुरतुर.
- यीशु उन नासरत नगर दा वापस बरोद  
 39 याग आंदुर प्रभु उन व्यवस्था अन्द अनुसार सब येनारा पुरा माळ कोंडुर रा गलील दा तान नगर नासरत इक होटोदुर. 40 अदकि आ चगिद वाहुसत, अदकि बलवन्त आग्त, अदकि बुद्धी देल परपिण्ण आग्त होदुन; अदकि परमेश्वर उन अनुग्रह आऊन मा ईरोद.

### यीशु मंदरि दा

- 41 यीशु उन मोय अदकि आप्प हर वर्ष फसह अन्द हाब्व दा यरूशलेम होगतोगोर. 42 याग यीशु हनुनेळ वर्ष ईनव आदुन, रा आंदुर हाब्व इन रीतर् इन अनुसार यरूशलेम इक होदुर. 43 याग आंदुर आ दनिगोळी पुरा माळकु वापस बरली आदुर, रा स्याण पार यीशु यरूशलेम दा ईतोदुन; अदकि ई मात आऊन मोय अदकि आप्प उक मालुम ईला ईरोद. 44 आंदुर ईद समसकु काँ आव दुसरा यात्रीगोळ सांगुळ इतदिन, ऊंद रोज इन हादी नळदोदुर: अदकि आऊक तान कुटुम्बगोळ अदकि जान पयचान वाळेरद हातती हुंदसली कुरतुर. 45 पर याग आव सकिदिल, रा हुंदसत-हुंदसत मातत यरूशलेम इक होटोदुर, 46 अदकि मुर दनि इन बाददा आंदुर आऊक मंदरि दा उपदेश कोळावाळेरद न्याड्या दा कुरत, अदकि आंदुर केळत, अदकि आंदुर से प्रश्न माळतेला नोळदुर. 47 यास आऊन केळतोगोर, आंदुर सप्पा आऊन समझ अदकि आऊन उत्तरगोळ देल चकति ईरोर. 48 आग आंदुर आऊक नोळकु चकति आदुर अदकि आऊन मोय आऊन से अंदुर, “हे पारा, नी नाम से येती हगि व्यवहार माळद? नोळ, नीन आप्प अदकि ना व्याकुल आगकु नीनी हुंदसेव?”
- 49 यीशु आंदुर से अंदुन, “नीव नानी येती हुंदसीर? येन नीव ईला जानूसीर काँ नानी तान आप्प उन भवन दा ईरोद जरूरी आद?” 50 लेकीन जो मात आव आंदुर से अंदुन, आंदरी आ मात समसदिल.  
 51 आग यीशु आंदुर सांगुळ होदुन, अदकि नासरत नगर दा बंदुन, अदकि आंदुर बस दा ईत्तुन; अदकि आऊन मोय ई सप्पा मातगोळ तान मन दा ईटदुर. 52 अदकि यीशु बुद्धी अदकि मय देल डील-डोल, अदकि परमेश्वर अदकि मंळसा अन्द अनुग्रह दा वाळसली कुरतुन.

## 3

### यूहनुना बपतसिमा कोळावाळा अन्द वातणी

(मत्ती ३:१-१२; मरकुस १:१-८; यूहनुना १:१९-२८)

- 1 तबिरियुस रोमन इन राज्य अन्द पंदरावा वर्ष दा पुनतयुस पलितुस यहूदयिा अन्द न्यायाधीश ईरोन, अदकि गलील दा हेरोदेस, इतरैया अदकि त्रखोनीतसि द्याश दा आऊन वार्ट फलिपिपुस, अदकि अबलिने दा लसानियास, चौथाई इन राजा ईरोर, 2 अदकि याग हनुना अदकि कैफा महायाजक ईरोर, आ समय दा परमेश्वर उन वचन आळी दा जकरयाह अन्द पार यूहनुना अन्द हातती पोहचुसत. 3 बपतसिमा कोळावाळा यूहनुना यरदन इन आसपास इन सप्पा प्रदेश दा होगकु, पश्चाताप माळी, बपतसिमा ताकोमी बाक परमेश्वर नीम पापगोळी माफ माळ्यान, हगि प्रचार माळत टेटदुन.  
 4 हयांग यशायाह भवषियवक्ता अन्द माताळ्द वचनगोळ कतिाव दा लखिसकु आव:  
 “आळी दा ऊंद कारावाळा अन्द आवाज केळ बरेत्याद कर्,  
 ‘प्रभु उन हादी तयार माळी,  
 अदकि आऊन यात्रा अन्द साटी सळकगोळी सरका माळी.  
 5 हर ऊंद घाटी तुमकु आदीत,  
 अदकि हर ऊंद पहाळी अदकि टीला लयालमा माळकु आदीत;  
 अदकि जो वाकळा आद अद सीधा, अदकि जो म्याकुच आद अद लयालमा अदकि जो लयालमा आद अद म्याकुच अदकि अद चौरस हादी बनसीत.  
 6 अदकि हर ऊंद मंळसा परमेश्वर उन उद्धार इक नोळीत.’”



7 \*जो भीळ इन भीळ आऊन हात्ती वपतसिमा ताकोमली होटकु बरतोगोद, आंदुर से यूहन्ना अनतोगोन, “हे हाव इन चक्रोरा, याव नीमी चतरा माळ बुटुन कफ परमेश्वर उन बरावाळा प्रकोप देल ओळी? 8 \*इदुरसाटी हगि मातगोळ माळी जो नीम पश्चाताप इक तोरसतद, अदकि तान तान मन दा ईद वचिर माळबाळी कफ नाम आप्प अब्राहम हुन; यतकी ना नीम से अनतीन कफ परमेश्वर ई कल्लगोळ देल भी अब्राहम उन साटी औलाद पैदा माळ सकतान. 9 \*ईग कोळली माररगोळद जळी मा ईटकु आद, इदुरसाटी जो-जो मारर वळलीद काय तराल, अदरी कळकु अदकि बेक्की दा हाक्कु आदीत.”

10 आग लांकुर आऊन से केळदुर, “रा नाव येन माळेव?”

11 आव आंदरी उत्तर कोटदुन, “यारद हात्ती येदद कुळता आव, आव आऊक ऊंद कुळता कोळल यारद हात्ती हैलेच अदकि यारद हात्ती तनिद आद, आव भी हगि अच माळल.”

12 \*कर ताकोमावाळेर भी वपतसिमा ताकोमली बंदुर, अदकि आऊन से केळदुर, “हे गुरु, नाव येन माळेव?”

13 आव आंदुर से अंदुन, “जो नीम साटी ठहरूसकु आग्याद, अदुर से यक्कुल ताकोम बाळेतीर.”

14 सपिाहीगोळ भी आऊन से ईद केळदुर, “नाव येन माळेव?”

यूहन्ना आंदुर से अंदुन, “यारदारा मा दबाव हाक्कु आऊन से पैसया ताकोमवाळी अदकि ख्वाटा दोष हचवाळी, लेकीन तान रोजी देल अच संतुष्ट ईरी.”

15 याग लांकुर आस हचकु ईरोर, अदकि सप्पा तान तान मन दा यूहन्ना अन्द बारा दा वचिर माळोर कफ येन ईवा रा मसीह आलच, 16 रा वपतसिमा कोळावाळा यूहन्ना आ सप्पा मुदुर से अंदुन, “ना रा नीमी नीर देल वपतसिमा कोळतीन, लेकीन आव बरावाळा आन जो नान से यक्कुल ताकतवर आन; ना रा ई लायक भी हैलेच कफ आऊन केर उन बंध खोलस सकाईन. आव नीमी पवतिर आतुमा अदकि बेक्की देल वपतसिमा कोट्टान. 17 आऊन मारर, आऊन कय दा आद; अदकि आव तान केई वळलीद तरीका देल साफ माळयान; अदकि तान गोदीगोळी रा द्वाला दा जमा माळयान; लेकीन भूसा अनद गवानडा अक आ बेक्की दा होताकयान जो यागलु नुनाल्द.”

18 इदुरसाटी आव हापाळ सा शक्रिषा कोट कोटकु लांकुरी चेतावनी कोळतोगोन कफ तान हादी बदलसुल. 19 \*लेकीन याग आव चौथाई दयाश इन राजा हेरोदेस उक आऊन वारट फलिपिपुस उन हगिस हेरोदयिस इन बारा दा अदकि सप्पा कुकरमगोळद बारा दा जो आव माळीदुन, फटकारसदुन, 20 रा हेरोदेस आ सप्पा देल वाहुसकु ईद कुकरम भी माळदुन कफ वपतसिमा कोळावाळा यूहन्ना अक वदीगृह दा हाक बुट्टुन.

यीशु उन वपतसिमा

(मत्ती ३:१३-१७; मरकुस १:९-११)

21 याग सप्पा लांकुर वपतसिमा ताकोडुर अदकि यीशु भी वपतसिमा ताकोमकु प्रारथना माळोन, रा स्वरग खुलसेत, 22 \*अदकि पवतिर आतुमा कबूतर इन घाई आऊन मय मा ईळुत, अदकि स्वरग टु ईद आकाशवाणी आत कफ: “नी नान प्रथि पार हुय, ना नीन देल हापाळ खुश आईन.”

यीशु उन वंशावली

(मत्ती १:१-१७)

23 याग यीशु खुद उपदेश कोळली कुरतुन, रा लगभग तीस वर्ष ईनव ईरोन हयांग लांकुर समस्तोगोर अदकि यीशु यूसुफ ईनव पार ईरोन; अदकि यूसुफ एली नव, 24 अदकि एली मत्तात ईनव, अदकि मत्तात लेवी नव, अदकि लेवी मलकी नव, अदकि मलकी यन्ना नव, अदकि यन्ना यूसुफ ईनव, 25 अदकि यूसुफ मत्ततियाह नव, अदकि मत्ततियाह आमोस ईनव, अदकि आमोस नहूम ईनव, अदकि नहूम असलयाह नव, अदकि असलयाह नोगह ईनव, 26 अदकि नोगह मात ईनव, अदकि मात मत्ततियाह नव, अदकि मत्ततियाह शमीम नव, अदकि शमीम योसेख ईनव, अदकि योसेख योदाह ईनव, 27 अदकि योदाह यूहन्ना नव, अदकि यूहन्ना रेसा नव, अदकि रेसा जर्बबाबल ईनव, अदकि जर्बबाबल शालतएल ईनव, अदकि शालतएल नेरी ईनव, 28 अदकि नेरी मलकी नव, अदकि मलकी अददी नव, अदकि अददी कोसाम ईनव, अदकि कोसाम इलमोदाम ईनव, अदकि इलमोदाम एर ईनव, 29 अदकि एर यहोशू नव, अदकि यहोशू इलाजार ईनव, अदकि इलाजार योरीम ईनव, अदकि योरीम मत्तात ईनव, अदकि मत्तात लेवी नव, 30 अदकि लेवी शमौन ईनव, अदकि शमौन यहूदा नव, अदकि यहूदा यूसुफ ईनव, अदकि यूसुफ योनान ईनव, अदकि योनान इलयाकीम ईनव, 31 अदकि इलयाकीम मलेआह ईनव, अदकि मलेआह मन्निनाह ईनव, अदकि मन्निनाह मत्तात ईनव, अदकि मत्तात नातान ईनव, अदकि नातान दाऊद ईनव, 32 अदकि दाऊद यशै ईनव, अदकि यशै ओवेद ईनव, अदकि ओवेद बोअज ईनव, अदकि बोअज सलमोन ईनव, अदकि सलमोन नहशोन ईनव, 33 अदकि नहशोन अम्मोनादाब ईनव, अदकि अम्मोनादाब अरनी नव, अदकि अरनी हसित्रोन ईनव अदकि हसित्रोन फरिसि ईनव, अदकि फरिसि यहूदा नव, 34 अदकि यहूदा याक्व ईनव, अदकि याक्व इसाहक ईनव, अदकि इसहाक अब्राहम ईनव, अदकि अब्राहम तरिह ईनव, अदकि तरिह नाहोर ईनव, 35 अदकि नाहोर सरग ईनव, अदकि सरग रऊ नव, अदकि रऊ फलिगि ईनव, अदकि फलिगि एवरि ईनव, अदकि एवरि शलिह ईनव, 36 अदकि शलिह केनान ईनव, अदकि केनान अरफक्षद ईनव, अदकि अरफक्षद शेम ईनव, अदकि शेम नूह नव, अदकि नूह लमिकि ईनव, 37 अदकि लमिकि मथूशलिह ईनव, अदकि मथूशलिह हनोक ईनव, अदकि हनोक यरिदि ईनव, अदकि यरिदि महललेल ईनव,

\* 3:7 ३:७ मत्ती १:२३४; २:३३३

\* 3:8 ३:८ यूहन्ना ८:३३

\* 3:9 ३:९ मत्ती ७:१९

\* 3:12 ३:१२ लूका ७:२९

\* 3:19 ३:१९

मत्ती १४:३, ४; मरकुस ६:१७, २८

\* 3:22 ३:२२ मत्ती ३:१७; मरकुस १:११; लूका १:३५

अदकि महललेल केनान ईनव, <sup>38</sup>अदकि केनान एनोश ईनव, अदकि एनोश शेत ईनव, अदकि शेत आदम ईनव, अदकि आदम परमेश्वर उन पार ईरोन.

## 4

आळी दा यीशु उन परीक्षा

(मत्ती ४:१-११; मरकुस १:१२,१३)

1 बाक यीशु पवतिर आत्मा देल परपिरण आगकु यरदन गांगा टु वापस बंदुन. <sup>2</sup>अदकि चालीस दिन ताका आत्मा अनूद कल्सदुर देल सुनसान जागा दा टेटाळतेला ईततुन; अदकि शैतान आऊन परीक्षा माळतेला ईतत. आ दनिगोळ दा यीशु येनु तंददिल, अदकि याग अव दनि पुरा आदव, रा आऊक हसु हत.

3 आग शैतान यीशु उक अंदुन, “अगर नी परमेश्वर उन पार ह्य, रा ई कल्ल देल अन, क रोटटी आगोगुल.”

4 यीशु आ शैतान उक उत्तर कोट्टुन, “शास्त्र दा लखिसकु आद: मळसा सर्फि रोटटी देल अच जित्ता ईरतीदिल.”

5 बाक शैतान यीशु उक ऊद हापाळ ऊँचा पहाळी मा ओईत अदकि आऊक घळी तमिर दा दुनिया अनूद सप्पा राज्य तोरस बुळत, <sup>6</sup>अदकि आग शैतान यीशु से अंत, “ना ई सप्पा अधकार, अदकि सप्पा वैभव ना नीनी कोट बुळाईन, यतकी अद नानी सोपसकु आग्याद: अदकि ना यारी चाहासतीन आऊक कोट बुळतीन. <sup>7</sup>इदुरसाटी अगर नी बांगकु नानी प्रणाम माळ्या, रा ई सप्पा अपमान आगोदीत.”

8 यीशु आ शैतान उक उत्तर कोट्टुन, “शास्त्र दा लखिसकु आद, ‘नी तान प्रभु परमेश्वर उन भकर्ता माळ; सर्फि आऊंदा उपासना माळ.’”

9 आग आ शैतान यीशु उक यूरुशलेम दा वोतकु मंदरि इन स्यांडा मा नीदूरसूत, अदकि आऊन से अंत, “अगर नी परमेश्वर उन पार ह्य, रा तान तान इक ईल टु ल्यालमा केळदबुळ. <sup>10</sup>यतकी शास्त्र दा लखिसकु आद: ‘आव नीन बारा दा तान स्वरगदूतगोळी आग्या कोट्टान, क आंदुर नीन रक्षा माळुल.’ <sup>11</sup>अदकि हगि भी अंदकु आग्याद, ‘आंदुर नीनी तुरनत तान कयगोळ दा नेगु कोंडार, ताकी नीन कालगोळी कल्ल देल ठेस हतबाळुल.’”

12 यीशु आऊक उत्तर कोट्टुन, “शास्त्र दा ईद भी लखिसकु आद: ‘नी तान प्रभु परमेश्वर उन परीक्षा माळवाळ.’”

13 याग शैतान सप्पा परीक्षा माळकोमूत, आग थवाळासा समय इन साटी आऊन हात्ती टु होटोत.

गलील दा यीशु उन स्यावा-कार्य अनूद सूवात

(मत्ती ४:१२-१७; मरकुस १:१४,१५)

14 बाक यीशु आत्मा अनूद सामरथ्य देल तुमकु मातूत गलील दा बंदुन, अदकि आऊन चर्चा आसपास इन सप्पा प्रदेश दा फैलसत. <sup>15</sup>यीशु आंदुरद यहूदी लॉकुरद सभागृहगोळ दा उपदेश कोळतेला ईततुन, अदकि सप्पा मुंदुर आऊन बळाई माळतोगोर.

नासरत दा यीशु उन अपमान

(मत्ती १३:५३-५८; मरकुस ६:१-६)

16 बाक यीशु नासरत नगर दा बंदुन, यल आव स्याण टु धोडवे आगीदुन; अदकि तान रीति इन अनुसार आराम इन दिन यहूदी लॉकुरद सभागृह दा हागकु वाचुसोर साटी नीदुरदुन. <sup>17</sup>अदकि यशायाह भवषियवक्ता अनूद कतिब आऊक कोटकु आत, अदकि आव कतिब खोल्सकु, अद जागा तेगदुन यल हगि लखिसकु ईरोद:

18 “प्रभु उन आत्मा नान मा ईळदाद,

इदुरसाटी क आब कंगालगोळी खुशखबरी केळसोर साटी आव नान अभषिक माळ्यान,

अदकि नानी इदुरसाटी कळ्यान क बंदीगोळी छुटकारा अनूद घोषणा अदकि कुददगोळी नोळोद खुशखबरी प्रचार माळाईन

अदकि दलतिगोळी बळिसुसाईन,

19 अदकि परमेश्वर उन कृपा दूष्टी इन वर्ष इन घोषणा माळाईन.”

20 आग आव कतिब बंद माळकु सेवक उन कयगोळ दा कोट बुट्टुन अदकि कूरतोदुन; अदकि यहूदी लॉकुरद सभागृह अनूद सप्पा लॉकुर आऊक तार कोटकु नोळोर. <sup>21</sup>आग आव आंदुर से अनली कुरतुन, “ईदल्या अच ईद लेखा ना वाचुसर्दिन अदकि नीम केळदुर देल पुरा आग्याद.”

22 सप्पा लॉकुर आऊन वाहवाही माळदुर, अदकि जो अनुग्रह नव मातगोळ आऊन बाय दा टु होळतोगोव, आ मातगोळ देल अचमभति आदुर; अदकि अनली कुरतुर, “येन ईव यूसुफ उन पार आलच?”

23 यीशु आंदुर से अंदुन, “नीव नान बारा दा ई उदाहरण अंदीर क हे वैदय, पयले तान तान इक वळलीद माळ! नाव केळेव क जो येनारा नी कफरनहूम दा माळ्या, अद ईल तान नगर दा भी माळ.” <sup>24</sup>अदकि आव अंदुन, “ना नीम से खरा माताळतीन यावारा भी भवषियवक्ता अक तान द्याश दा मान सम्मान सकाल.”

25 लेकीन ना नीम से जो खरा आद अद माताळतीन क एलियाहा अनूद दनिगोळ दा याग साळे मुर वर्ष ताका आकाश बंद ईरोद ईल ताका सूबा बतित अदकि इस्त्राएल द्याश दा भयंकर अकाल बतित, रा इस्त्राएल दा हापाळ सा रांड्यागतिर ईरोद. <sup>26</sup>“लेकीन एलियाहा अक आंदुर दा टु यादारा मळसा अनूद हात्ती कळु आगीदिल, सर्फि

सैदा अनन्द सारफत नगर दा ऊंद रांड्यागति इन हात्ती आऊक कळ्ळु आगीत. 27 अदकि एलीशा भवषियवक्ता अनन्द काल दा इस्त्राएल दा ईरतोगोर आंदुर हापाळ लॉकुर कोद इन बमिरी देल ईरोर, लेकीन सीरयिा नव ईरावाळा नामान सीरयिाई इक बटिकु सप्या मंदुरी शुद्ध माळकु आत.”

28 ईव मातगोळ केळतेला अच यास यहूदी लॉकुरद सभागूह दा ईरोर, सप्या लॉकुर सट्टि दा बंदुर, 29 अदकि आंदुर यदकु आऊक ऊरा दा टु व्हार्या तेगदुर, अदकि यात्ता पहाळी मा आऊन ऊर वसुस्कु ईरोद, अदुरद स्यांडा मा ओतुर क्कि आऊक अल टु ल्यालमा भीळ सक्केव. 30 लेकीन आव आंदुर न्याड्या दा टु होटकु होटोदुन.

दुष्टआत्मागरस्त मंळसा अक चंगा माळोद  
(मरकुस १:२१-२८)

31 वाक यीशु गलील इन कफरनहूम नगर इक होटोदुन; अदकि आराम इन दनि लॉकुरी उपदेश कोळोन. 32 आंदुर आऊन उपदेश देल सट्टि आगेदुर यतकी आऊन वचन अधिकार देल माताळव. 33 यहूदी लॉकुरद सभागूह दा ऊंद मंळसा ईरोन, यारदा दुष्टआत्मा ईरोद आ दुष्टआत्मा जो परमेश्वर उन मुंद अशुध्द ठहूरसतद, आव धोळद शब्द देल चलिळासली कुरतुन, 34 “हे यीशु नासरी, नामी नीन से येन क्याल्सा? येन नी नामी नाश माळली बंद्या? येन नीनी जानसतीन नी याव ह्यु? नी परमेश्वर उन पवतिर जन ह्यु!”

35 यीशु आऊक दनकुसकु अंदुन, “सुंगा ईर, अदकि आऊन दा टु होटवुळ!” आग दुष्टआत्मा आऊक न्याड्या दा पटकुसकु बनि हाना पोहचुसत आऊन दा टु होटट वुळत.

36 इदुर मा सप्या लॉकुर इक अचमभा आत, अदकि आंदुर आपस दा मातचीत माळकु अनली कुरतुर, “ईद ह्यांग वचन हुन? यतकी आव अधिकार अदकि सामर्थ्य इन सांगुळ अशुध्द आत्मागोळी आग्या कोळतान, अदकि आ दुष्टआत्मा आत्मागोळ होट वुळताव.” 37 ई प्रकार देल नाकु दशिा दी यीशु उन चर्चा आगली कुरतव.

यीशु उन हापाळ लॉकुरी चंगा माळोद  
(मत्ती ८:१४-१७; मरकुस १:२९-३४)

38 यीशु यहूदी लॉकुरद सभागूह दा टु यदकु शमौन उन माननी होदुन. शमौन उन आत्त ज्वर इन बमिरी देल बदिक् ईरोर, अदकि आंदुर आकनि साटी यीशु उक वनिती माळदुर. 39 यीशु आकनि हात्ती नीदुरकु मय इक दनकुसदुन अदकि मय ईळदोदव, अदकि आक तुरन्त यदकु आंदुरद स्यावा-पानी माळली कुरतुर.

40 द्यावगान होती, याता-याता मान्या लॉकुर अलग अलग इन बमिरीगोळ देल बदिक् ईरोर, आंदुर सब आंदरी आऊन हात्ती तंदुर, अदकि यीशु ऊंद ऊंद मा कय ईटकु आंदरी चंगा माळदुन. 41 अदकि दुष्टआत्मागोळ भी चलिळासव अदकि ईद अनतेला क्कि, “नी परमेश्वर उन पार ह्यु,”

हापाळ मुंदुर दा टु होट वुट्टव. पर यीशु अवरी दनकुसदुन अदकि माताळ गोटीदील, यतकी आ अशुध्द आत्मागोळ जानसव क्कि आव मसीह हुन.

यीशु उन यहूदी लॉकुरद सभागूहगोळ दा प्रचार माळोद  
(मरकुस १:३५-३९)

42 याग वहातुर आत रा यीशु होटकु ऊंद सुनसान जागा दा होटोदुन, अदकि भीळ इन भीळ आऊक हुंदसतेला आऊन हात्ती बत्त, अदकि यीशु उक रोक्सली कुरतुर क्कि आव आंदरी बटिकु होगवाळुल. 43 लेकीन यीशु आंदुर से अंदुन, “नानी दुसरा नगरगोळ दा भी परमेश्वर उन राज्य इन खुशखबरी केळसोद जरूरी आद, यतकी नानी इदुरदा साटी कळ्ळु आग्याद.”

44 अदकि यीशु गलील इन प्रदेश दा अदकि सप्या यहूदीगोळद यहूदी लॉकुरद सभागूहगोळ दा प्रचार माळतेला ईत्तुन.

## 5

यीशु उन द्वारा पयला चेलागोळी कारोद आत  
(मत्ती ४:१८-२२; मरकुस १:१६-२०)

1 आग भीळ परमेश्वर उन वचन केळोर साटी आऊन मा बळिली आगतोगोद, अदकि यीशु गनुनेसरत इन झील इन कनिरा मा नीदुरकु ईरोन, रा हगि आत 2 क्कि आव झील इन कनिरा दा येदद इवांगागोळी हतकु ईरव अवरी नोळदुन, अदकि मेन हुडावाळेर अऊर मा टु ईळ्ळु जार तोळोर. 3 आ इवांगागोळ दा टु ऊंद मा, जो शमौन उन ईरोद, येरकु यीशु आऊन से वनिती माळदुन क्कि कनिरा टु ध्वाळासा सरकुसकु नळु. आग आव कुरतकु लॉकुरी इवांगा मा टु उपदेश कोळली कुरतुन.

4 याग यीशु उन मातगोळ हेळकु आदव रा आव शमौन उक अंदुन, “खोल नीर दा होग, अदकि मेन हुडोर साटी तान जार हाकक.”

5 आग यीशु उक उत्तर कोट्टुन, “हे स्वामी, नाव पुरा ईळलक तीम मेहनत माळदेव अदकि येनु सक्किदीदील; तरी नीन कयना देल ना जार हाकतीन.” 6 आग आंदुर हगि माळदुर, रा हापाळ मेनगोळ जार दा बंदव, अदकि आंदुरद जार हरूनी कुरत. 7 इदुर मा आंदुर तान संगीगोळी जो दुसरा इवांगा मा ईरोर, आंदरी कारदुर क्कि बंदकु नाम मदत माळी, अदकि आंदुर बंदकु येदद इवांगागोळी इल ताका तुमदुर क्कि आ इवांगागोळ मुळकली कुरतव. 8 ईद चमत्कार

नोळकु शमौन पतरस यीशु उन काल मा बदिदुन अदकि अंदुन, “हे परभु, नान हात्ती टु होटोग, यतकी ना पापी मंळसा आईन!”

<sup>9</sup> यतकी ईस मेनगोळ हळदुर देल आऊक अदकि आऊन संगीगोळी हापाळ अचम्भा आत, <sup>10</sup> अदकि हांग अच जव्दी इन पार याकूब अदकि यूहन्ना अक भी, जो शमौन उन भागीदार ईरोर, अचम्भा आत. आग यीशु शमौन से अंदुन, “अंजवाळ; ईंगी टु नी मंळसागोळी परमेश्वर उन राज्य दा तंद्या.”

<sup>11</sup> अदकि आंदुर ड्वांगागोळी कनारा मा तंदुर अदकि सप्पा येनारा बटिकु आऊन हदि होटोदुर.

यीशु उन द्वारा कोद इन रोगी इक चंगा माळोद  
(मत्ती ८:१-४; मरकुस १:४०-४५)

<sup>12</sup> ऊंद घन याग यीशु यातोदारा तरी नगर दा ईरोन, आग आऊन हात्ती ऊंद मंळसा बंदुन; यारी कोद इन रोग हतकु ईरोद, आव यीशु उक नोळकु आऊन काल मा बदिदुन, अदकि वनिती माळदुन, “हे परभु, अगर् नी चाहास्या रा नानी शुद्ध माळ सकत्या.”

<sup>13</sup> यीशु कय मुंद माळकु आऊक मुटदुन अदकि अंदुन, “ना चाहसतीन, कनि शुद्ध आगेग.” अदकि आऊन कोद इन रोग तुरन्त दूर आगेत. <sup>14</sup> यीशु आऊक आग्या कोट्टुन, “यारीकु हेळवाळेत, लेकीन हांगकु तान तान इक याजक उक तोर्स, अदकि तान शुद्ध आगेत बारा दा जो येनारा मूसा नीनी आग्या कोटान अदरी भेट येर्स क्क आंदुर मा गवाही आगुल.”

<sup>15</sup> लेकीन यीशु उन चर्चा दुर दुर ताका फैलुस्तेला होगोद, अदकि भीळ इन भीळ आऊन मातगोळ केळोर साटी अदकि तान बमिारीगोळ देल चंगा आगेर साटी जमा आत. <sup>16</sup> लेकीन आव आळीगोळ दा येल्यारा भी ब्यार हांगकु प्रार्थना माळतोगोन.

यीशु उन द्वारा लकवा अन्द रोगी इक चंगा माळोद  
(मत्ती ९:१-८; मरकुस २:१-१२)

<sup>17</sup> ऊंद दनि हांग आत क्क यीशु उपदेश कोळोन, अदकि फरीसी अदकि व्यवस्थापक अल कुरतकु ईरोर जो गलील अदकि यहूदिया अन्द हर ऊंद ऊरा टु अदकि यरूशलेम टु बंदीदुर, अदकि चंगा माळोर साटी परभु उन सामरथ्य यीशु उन सांगुळ ईरोद. <sup>18</sup> आ समय हापाळ लॉकुर ऊंद मंळसा अक जो लकवा अन्द रोगी ईरोन, वहरस मा नेगुकु तंदुर, अदकि आंदुर आऊक बुळक वयली अदकि यीशु उन मुंद ईटोद उपाय ह्दुसोर. <sup>19</sup> पर याग भीळ इन कारण आऊक बुळक वोय सकदील रा आंदुर मानना मा येरकु अदकि खपरेल सरकुसकु, आऊक वहरस सांगुळ न्याड्या दा यीशु उन मुंद ईळस बुट्टुर. <sup>20</sup> आग यीशु आंदुर वशिवास नोळकु आऊन से अंदुन, “हे मंळसा, नीन पाप माफ आदव.”

<sup>21</sup> आग नयिम इन गुरु अदकि फरीसी तान तान मन दा वचारि माळली कुरतुर, “ईव याव हुन? जो परमेश्वर उन अपमान माळतान! परमेश्वर उक बटिकु अदकि याव पापगोळी माफ माळ सकतान?”

<sup>22</sup> यीशु आंदुर मन इन मातगोळ जानसकु, आंदुर से अंदुन, “नीव तान तान मन दा याता मात इन वचारि माळतीर?

<sup>23</sup> आसान येन आद? येन ईद अनोद क्क ‘नीन पाप माफ आदव,’ या ईद अनोद क्क ‘येळ अदकि टेटाळ?’ <sup>24</sup> लेकीन इदुरसाटी क्क नीव जानस कोमी कनि ना मंळसा अन पार उक पृथ्वी मा पाप माफ माळोद भी अधकारि आद.” बाक यीशु आव लकवा अन्द रोगी से अंदुन, “ना नीन से अनतीन, येळ अदकि तान वहरस नेगुकु तान माननी होटोग.”

<sup>25</sup> आव तुरन्त यीशु ऊंद मुंद येददुन, अदकि या वहरस मा आव बदिक्क ईरोन अदरी नेगुकु, परमेश्वर उन बळाई माळतेला तान माननी होटोदुन. <sup>26</sup> आग सप्पा लॉकुर चकति आंदुर अदकि परमेश्वर उन बळाई माळली हतदुर अदकि हापाळ अंजतेला अनली कुरतुर, “ईद नाव अदभुत क्यालसागोळी नोळेव!”

यीशु लेवी इक कारदुन  
(मत्ती ९:१-८; मरकुस २:१-१२)

<sup>27</sup> इदुर बाद्दा यीशु व्हारया होदुन अदकि लेवी हेसुर इन ऊंद कर ताकोमावाळा अक कर ताकोमोद चौकी मा कुरतकु नोळदुन, अदकि आऊन से अंदुन, “नान हदि आगेग.” <sup>28</sup> आग लेवी सब येनारा बटिकु येददुन, अदकि आऊन हदि आगेदुन.

<sup>29</sup> आग लेवी तान मान्या आऊन साटी ऊंद धोळद भोज ईटदुन; अदकि कर ताकोमावाळेर्द अदकि दुसरा लॉकुरद जो आऊन सांगुळ ऊमली कुरतीदुर, ऊंद धोळद भीळ ईरोद. <sup>30</sup> ईदुर मा फरीसी अदकि आंदुर नयिम इन गुरु आऊन चेलागोळ से ईद अंदकु बळबुळस्ली कुरतुर, “नीव कर ताकोमावाळेर्द अदकि पापीगोळ्द सांगुळ येती तीनतीर अदकि कुडुतीर?”

<sup>31</sup> यीशु आंदरी उत्तर कोट्टुन, “बैद्य भला चंगागोळ साटी ईला, लेकीन बमिारीगोळ साटी जरूरी आन. <sup>32</sup> ना न्यायीगोळी ईला, लेकीन पापीगोळ्द पापगोळी पश्चाताप माळसुसोर साटी कारूली बदीन.”

उपास इन प्रश्न  
(मत्ती ९:१-१३; मरकुस २:१३-१७)

<sup>33</sup> आंदुर यीशु उक अंदुर, “बपतसिमा कोळावाळा यूहन्ना अन्द चेलागोळ रा बराबर उपास ईटतार अदकि प्रार्थना माळतार, अदकि हांग अच फरीसी नोर चेलागोळ भी, लेकीन नीन चेलागोळ रा तीनतार अदकि कुडुतार.”

34 यीशु आंदुर से अंदुन, “येन नीव वरातीगोळ से, यागासताका मंळगार आंदुर सांगुळ ईततान, उपास माळसुस सकतीर? बलिकूल ईला! 35 लेकीन अव दनि बंदाव, याग मंळगार आंदुर से ब्यारर माळकु आदान, आग आंदुर आ दनिगोळ दा उपास माळ्यार.”

36 यीशु मात ऊंद उदाहरण भी आंदुर से अंदुन: “यावारा मंळसा क्वारा व्हाशोद कपळा हरकु हाळोद कपळा दा थगिर हचालुन, ईलारा व्हाशोद कपळा हरदोदति अदकि आ थगिर हाळोद कपळा दा मेल भी तनितीदील. 37 अदकि यावारा मंळसा व्हाशोद अंगुर इन रास्सा हाळोद तोगुल इन चलिा दा तुममालुन, ईलारा व्हाशोद अंगुर इन रास्सा तोगुल इन चलिागोळी वळकु चेल्लेदति, अदकि तोगुल इन चलिागोळद भी नाश आगदीत. 38 लेकीन व्हाशोद अंगुर इन रास्सा व्हाशोद तोगुल इन चलिा दा अच तुमम पायजे. 39 यतकी मंळसा हाळोद अंगुर इन रास्सा कुड्कु व्हाशोद रास्सा अन्द इच्छा माळालुन यतकी आव अनतान, क्हा हाळोद रास्सा अच वळलीद आद.”

## 6

यहूदीगोळद आराम दनि इन बारा दा प्रश्न  
(मत्ती १२:१-८; मरकुस २:२३-२८)

1 बाक ऊंद आराम इन दनि दा हगि आत क्हीशु केईगोळ दा टु आगतेला होगोन, अदकि आऊन चेलागोळ गोदी नव लॉम्बा मुर-मुरकु अदकि कय देल मसुस-मसुसकु तति होगतोगोर. 2 आग फरीसीगोळ दा टु थ्वाळासा लॉकुर अनली कुरतुर, “नीव अद क्यालसा येती माळतीर जो आराम इन दनि दा नयिम इन वरिद्ध आद.”

3 यीशु आंदरी उत्तर कोट्टुन, “येन नीव ईद वाचुसीदील क्हीदाऊद, याग आव अदकि आऊन साथी उपासा ईरोर रा येन माळदुन? 4 आव हयांग परमेश्वर उन भवन दा होदुन, अदकि भेट इन रोटीगोळ हुळकु तदिन, यवरी तनिाद याजकगोळी बटिकु अदकि बाकी मुंदुर साटी नयिम इन वरिद्ध आद, अदकि आव तान संगीगोळी भी कोट्टुन?”

5 अदकि यीशु आंदुर से अंदुन, “ना मंळसा अन पार आराम इन दनि इनव भी स्वामी हुईन.”

यीशु कय इन लकवा वाळा मंळसा अक चंगा माळदुन

6 हगि आत क्हीयातोदारा मात्त दुसरा आराम इन दनि दा यीशु यहूदी लॉकुरद सभागूह दा होगकु उपदेश माळली कुरतुन; अदकि अल ऊंद मंळसा ईरोन जो ऊम्मा कय देल लकवा ग्रस्त ईरोन. 7 आग नयिम इन गुरु अदकि फरीसी यीशु मा दोष हचोद मौका अन्द ताक मा ईरोर क्ही नोळाता आव आराम इन दनि दा आऊक चंगा माळतान का ईला. 8 लेकीन आव आंदुर वचिार जानसोन; इदुरसाटी आव वंळगीद कयवाळा मंळसा से अंदुन, “येळ, न्याड्या दा नीदुर.” आव यदकु नीदरेदुन. 9 यीशु आंदुर से अंदुन, “ना नीम से ईद केळतीन क्ही नयिम इन अनुसार आराम इन दनि दा येन उचित आद, भलाई माळोद या बुरा माळोद; जीव इक ऊळसोद या अदुरद नाश माळोद?” 10 आग आव नाकु दी आ सप्पा मुंदुर इक नोळकु आ मंळसा से अंदुन, “तान कय मुंद माळ.” आव हांग अच माळदुन, अदकि आऊन कय मात्त वळलीद आगत.

11 लेकीन आंदुर गुस्सा दा तान सप्पा सुद-बुद मारतकु आपस दा मातचीत माळकु वचिार माळली हतदुर क्ही “नाव यीशु उन सांगुळ येन माळेव?”

यीशु उन द्वारा हननेळ परेरतिगोळी नयिकुत माळोद

12 आ दनिगोळ दा यीशु पहाळी मा प्रारथना माळली होदुन, अदकि ईळलक तीम परमेश्वर ऊंद प्रारथना माळतेला ईततुन. 13 याग व्हातुर आत रा आव तान चेलागोळी कारकु आंदुर दा टु हननेळ मुंदुर चुनाव माळदुन, अदकि आंदरी प्ररति हगि हेसुर कोट्टुन; 14 अदकि आंदुर हेसुर हगि आव: शमोन यार्द हेसुर आव पतरस भी ईट्टुन, अदकि आऊन वार्द अन्दर्यास, अदकि याकूब, अदकि यहून्ना, अदकि फलिपिपुस, अदकि बरतुलमै, 15 अदकि मत्ती, अदकि थोमा, अदकि हलफई नव पार याकूब, अदकि शमोन याऊक दयाश भक्त भी अनतोगोर, 16 अदकि याकूब उन पार यहूदा, अदकि यहूदा इस्करियोती जो आऊक हुळसुसावाळा आदुन.

यीशु उन द्वारा शकिषा कोळोद अदकि चंगा माळोद

(मत्ती ४:२३-२५)

17 आग यीशु आंदुर सांगुळ ईळकु चौरस जागा दा नदिरदुन, अदकि आऊन चेलागोळद धोळद भीळ, अदकि सप्पा यहूदया, यूसलम, अदकि सूर अदकि सैदा अन्द समुद्र अन्द कनारा अन्द हापाळ लॉकुर, 18 जो आऊन उपदेश केळली अदकि तान बमारगोळ देल चंगा आगोर साटी आऊन हात्ती बंदीदुर, जो अल नदिरकु ईरोर. अदकि अशुध्द आत्मागोळ देल परेशान लॉकुर भी आऊन हात्ती चंगा आगतोगोर. 19 सप्पा मुंदुर आऊक मुट्टोद चाहासोर, यतकी आऊन दा टु सामर्थ्य होटकु सप्पा मुंदुर इक चंगा माळतोगोद.

आशीष अदकि सराप इन वचन

(मत्ती ५:१-१२)

20 आग यीशु तान चेलागोळ दी नोळकु अंदुन,

“धन्य आईर नीव जो मन देल गरीव आईर,  
यतकी परमेश्वर उन राज्य नीम्द हुन.”

21 “धन्य आईर नीव जो हस्तकु आईर,  
यतकी नीव संतुष्ट माळकु आदीर.”

“धन्य आईर नीव जो ईग वरलेतीर,  
यतकी बाददा नेगगीर.”

22 “धन्य आईर नीव याग ना मंळसा अन पार उन कारण लॉकुर नीम से दुश्मनी ईट्यार, अदकि नीमी तेगद बुट्टार, अदकि नीम अपमान माळ्यार, अदकि नीम हेसुर इक बेकार जानस्यार.” 23 “आ दनि खुश आगकु हारेत, यतकी नोळी, नीम साटी स्वरग दा धोळद प्रतफिल आद; यतकी आंदुर आप्प-दादागोळ भी भवषियवक्तागोळ सांगुळ हांग अच माळतोगोर.”

24 लेकीन नीम मा हाय जो धनवान आईर,  
यतकी नीव तान सुख ताकोम कोंडीर.

25 “हाय नीम मा जो ईग संतुष्ट आईर, यतकी बाददा उपासा ईत्तीर, हाय नीम मा जो ईग नेगेतीर,  
यतकी शोक माळीर अदकि वरलीर.”

26 हाय नीम मा याग सप्पुन मंळसा नीमी भला अनुल, यतकी आंदुर आप्प-दादागोळ भी स्वाटा भवषियवक्तागोळद सांगुळ भी हगि अच माळतोगोर.

दुश्मनगोळ से प्यार

(मत्ती ५:३८-४८; ७:१२)

27 “लेकीन ना नीव जो केळेतीर नीम से अनतीन कति तान दुश्मनगोळ से प्यार ईटी; जो नीम से नफरत माळतार, आंदुरद भला माळी. 28 जो नीमी श्राप कोट्टार, आंदरी आशीष कोळी; जो नीम सांगुळ दुर-व्यवहार माळुल, आंदुर साटी प्रार्थना माळी. 29 जो नीन ऊंद गालुला मा कयाबरा बडुल रा आऊन दी दुसरा गालुला भी तरिगुस बुळ; अदकि जो नीन कोट कसुल, रा आऊक कुळता ओयोर देल भी रोक्सबाळ. 30 जो यावारा नीन से बेळुल, आऊक कोळ; अदकि जो नीन चीजगोळ कस्तबुळुल, आऊन से बाक वापस बेळबाळ. 31 ह्यांग नीव चाहासतीर कति लॉकुर नीम सांगुळ व्यवहार माळुल, नीव भी आंदुर सांगुळ हांग अच व्यवहार माळी.

32 “अगर नीव तान प्यार ईटावाळेरेद सांगुळ प्यार ईटी, रा नीम येन बळाई? यतकी पापी लॉकुर भी तान प्यार ईटावाळेरेद सांगुळ प्यार ईटतार. 33 अगर नीव तान भलाई माळावाळेरेद सांगुळ भलाई माळतीर, रा नीम येन बळाई? यतकी पापी लॉकुर भी रा हगि अच माळतार. 34 यार्द हात्ती टु वापस सकिकोद आशा आद आंदरी नीव उदार कोट्टीर, रा अदुर दा नीम येन बळाई? याट कोटीर आट वापस सकिकोद आशा देल पापी लॉकुर भी पापी लॉकुरी उदार कोळतार. 35 लेकीन तान दुश्मनगोळ से प्यार ईटी, अदकि आंदुरद भलाई माळी, अदकि उदार कोटकु वापस सकिकोद आशा माळबाळी, अदकि नीम साटी प्रतफिल धोळद आदीत अदकि नीव परमप्रधान उन पारगोळ ठहूसरि, यतकी आव खुद अच दुष्टगोळ मा उपकार माळतान. 36 ह्यांग नीम स्वरगीय आप्प दयालु आन, हांग अच नीव भी दयालु बन्सी.

दोष हचबाळी

(मत्ती ७:१-४)

37 “यारदारा मा दोष हचबाळी, रा नीम मा भी दोष हचकु आगतीदील. याऊकु दोषी ठहूसबाळी रा नीव भी दोषी ठहूसकु आगतीदील. माफ माळीर रा नीमी भी माफ माळकु आदीत. 38 कोळतोगी, रा परमेश्वर भी नीमी कोट्टान. लॉकुर नीम क्वारा दा पुरा-पुरा नाप, वत्त-व्योतकु अदकि आलगाळ-आलगाळसकु सीग हचकु हाक्यार. यतकी या नाप देल नीव दुसरा अन साटी आळेतीर, अदा नाप देल नीम साटी भी आळुकु आदीत.”

39 “बाक यीशु आंदुर से ऊंद उदाहरण अंदुन: “येन ऊंद कुढ मंळसा, दुसरा कुढ मंळसा अक हादी हेळ सकतान? येन आंदुर येदुदु मुंदुर खांदरा दा बळितीदील? 40 “चेला गुरु से धोडडेव ईरालुन, लेकीन पुरा तरीका देल सप्पा ग्यान ताकोमकु आगदुर बाददा हर ऊंद चेला गुरु उन घाई आगेगतान.”

41 नी तान वार्ट उन कण्ण इन तनिका अक येती नोळत्या? येन नी तान कण्ण इन लट्टा नोळ सकाल? 42 जब नी तान अच कण्ण इन लट्टा नोळ सकाल, रा तान वार्ट उन से ह्यांग अन सकत्या, “हे वार्ट; थामसेग ना नीन कण्ण दा टु तनिका तेगु कोळतीन?” हे कपटी, पयला तान कण्ण इन लट्टा तेगु, आग जो तनिका नीन वार्ट उन कण्ण दा आद, अदरी वळलीसा तरीका देल नोळकु तेगु सक्या.

ह्यांग मारर हांग अच काय

(मत्ती ७:१६-२०; १२:३३-३५)

43 “यातोदारा वळलीद मारर बेकार काय कोळालुद अदकि ना यातोदारा बेकार मारर वळलीद काय कोळतद. 44 “हर ऊंद मारर तान काय देल अरतकु आगतद; यतकी लॉकुर मूळल इन झाळीगोळ दा टु अंजीर कोयालुर अदकि ना मईन काय इन मारर मा टु अंगुर. 45 “वळलीद मंळसा तान आत्मा अन्द वळलीद भंडार दा टु वळलीद मातगोळी का तेगुतान, अदकि बुरा मंळसा तान दलि इन बुरा भंडार दा टु बुरा मातगोळी तेगुतान; यतकी जो दलि दा तुमकु आद अदा आऊन बाय दा वरतद.

मान्ना माळावाळेरे येदुदु मंळसा

(मत्ती ७:२४-२७)

46 “याग नीव नान कहना मानसालरि रा येती नानी हे प्रभु, हे प्रभु, अनतीर? 47 जो यावारा नान हात्ती बरतान अदकि नान मातगोळ केळकु अवरी मानसतान, ना नीमी हेळतीन कि आव यार घाई आन: 48 आव आ मंळसा अन घाई आन, याव मान्ना माळाहीती जमीन खोल अगुळकु चट्टान मा पायवा हाकदुन, अदकि याग बाळ बत्त रा धारा आ मान्ना अक हत्त लेकीन अदरी आलगाळस सकदिल; यतकी अद मजबूत माळकु ईरोद. 49 लेकीन जो केळकु मान्नासालुन आव आ मंळसा अन घाई आन, याव पृथ्वी मूणण जागा भूमी जमीन मा बनि पायवा अन्द मान्ना माळदुन, याग अदुर मा धारा हत्त रा अद तुरन्त बदिदोत अदकि बदिक् अदुरद सत्यानाश आगेत.”

## 7

ऊद सुबेदार उन वशिवास  
(मत्ती ८:५-१३)

1 याग यीशु लॉकुर से ई सप्पा मातगोळ अंद बुट्टुन, रा कफरनहूम नगर दा होदुन. 2 अल यावारा सौ रोमी सपिाहीगोळद सुबेदार उन ऊद दास जो आऊन प्ररिय ईरोन, बमिारी देल सायोर मा ईरोन. 3 आव यीशु उन चर्चा केळकु यहूदीगोळद हापाळ स्याणागोळी आऊन से ईद वनिती माळली आऊन हात्ती कळदुन कि बंदकु नान दास उक चंगा माळुल. 4 आंदुर यीशु उन हात्ती बंदुर, अदकि आऊन से धोळ वनिती माळकु अनली हतदुर, “आव ई लायक आन कानि आऊन साटी ई सप्पा माळ सक्या, 5 यतकी आव नाम जाती से प्यार ईटतान, अदकि आवा नाम यहूदी लॉकुरद सभागूह कटकु कोटान.”

6 यीशु आंदुर सांगुळ होदुन, लेकीन याग आव मान्ना अन्द हात्ती पोहचुसदुन, रा सुबेदार आऊन हात्ती तान संगीगोळी ईद अनली कळदुन, “हे प्रभु नी तान तान इक यक्कुल कष्ट कोळबाळ, यतकी ना ई लायक हैलेच कानि नान मान्ना अन्द छपरया ताका बर सक्या. 7 ईदा कारण ना तान तान इक ई लायक भी समसदिलि कानि ना नीन हात्ती बराईन, लेकीन सर्रिफ आग्या कोटबुळ रा नान सेवक चंगा आगेदान. 8 ना भी वास्तव दा शासन इन हात्ती आईन, अदकि सपिाही नान हात्ती आर; अदकि याग ऊद सपिाही इक अनतीन, ‘होग;’ रा आव होगतान; अदकि दुसरा से अनतीन, ‘बर;’ रा बरतान; अदकि तान यावारा दास उक अनतीन कि अमुक क्यालसा माळ; रा आव अदा माळतान.”

9 ईद केळकु यीशु उक अचम्भा आत अदकि आव मार्रा तरिगुसकु आ भीळ से जो आऊन हदि बरोद, अंदुन, “ना नीम से अनतीन कानि ना इसत्राएल दा भी हगि वशिवास नोळीदील.”

10 अदकि जो कळकु आगदुरि आ लॉकुर मान्या बंदकु आ दास उक चंगा नोळदुर.

यीशु रांड्यागीत इन पार उक जतिता माळदुन

11 थूवाळासा दिन इन बाददा यीशु नाईन हेसुर इन ऊद नगर दा होदुन. अल आऊन चेलागोळ अदकि धोळद भीळ आऊन सांगुळ होगोद. 12 याग यीशु नगर इन फाटक इन हात्ती पोहचुसदुन, रा लॉकुर ऊद मुरदा अक व्हारया वोरार; जो तान मोय इन ऊंदा पार ईरोन, अदकि आक रांड्या ईरोर; अदकि नगर इन हापाळ सा लॉकुर आकनि सांगुळ ईरोर. 13 आकी नोळकु प्रभु उक दया बत्त, अदकि आव आकनि से अंदुन, “वरलबाळ.” 14 आग आव हात्ती बंदकु सकोली इक मुट्टुन, अदकि सकोली नेगावाळेर रूकसेदुर. आग आव अंदुन, “हे जवान, ना नीन से अनतीन, येळ!” 15 आग आ सोतकु पार यदकु कुरतुन, अदकि आ पार माताळली कुरतुन. बाक आव आ पार उक आऊन मोय इक सोप्स बुट्टुन.

16 इदुर देल सप्पा मुंदुर मा अंजक तुममेत, अदकि आंदुर परमेशवर उन बळाई माळकु अनली हतदुर, “नाम न्याड्या दा ऊद धोडडेव भवषियवक्ता बंदान, अदकि परमेशवर तान लॉकुर मा कृपा दृष्टी माळयान.”

17 अदकि आऊन बारा दा ईद मात सप्पा यहूदिया अदकि आसपास इन सप्पा प्रदेश दा फैलुसेत.

यूहन्ना नीर संस्कार कोळावाळा अन्द प्रश्न  
(मत्ती ११:२-१९)

18 बपतसिमा कोळावाळा यूहन्ना अक आऊन चेलागोळ ई सप्पा मातगोळद समाचार कोट्टुर. 19 आग यूहन्ना तान चेलागोळ दा टु येदुद मुंदुर इक कारकु प्रभु उन हात्ती ईद केळली कळदुन, “येन बरावाळा नीना हुय, या नाव यावारा दुसरा अन्द हादी नोळव?”

20 आंदुर यीशु उन हात्ती बंदकु अंदुर, “यूहन्ना बपतसिमा कोळावाळा नामी नीन हात्ती ईद केळली कळयान कि येन बरावाळा नी अच हुय, या नाव यावारा दुसरा अन्द हादी नोळव?”

21 अदा समय आव हापाळ सा लॉकुरी बमिारगोळ देल अदकि दुखगोळ अदकि दुष्टआत्मागोळ देल चंगा माळदुन; अदकि हापाळ सा कुदुद मंळसागोळी कण्ण कोट्टुन; 22 अदकि आव आंदुर से अंदुन, “जो येनारा नीव नोळीर अदकि केळीर, होगकु बपतसिमा कोळावाळा यूहन्ना से अंदबुळी; कि कुदुदगोळ नोळतार, अदकि लंगळा नळुतार अदकि टेटतार, कोदी लॉकुर शुद्ध माळकु आगतार, बयरागोळ केळतार, मुरदागोळ जतिता माळकु आगताव, अदकि कंगालगोळी सुशखबरी केळसकु आगतद. 23 धन्य आर आंदुर जो नान बारा दा ठोकर तनालुर.”

24 याग बपतसिमा कोळावाळा यूहन्ना अन्द कळद लॉकुर होटोदुर रा यीशु यूहन्ना अन्द बारा दा लॉकुर से अनली कुरतुन, “नीव आळी दा येन नोळली होगीदरि? येन हवा देल हालुसद सरकण्डागोळी?” 25 रा बाक नीव येन नोळली होगीदरि? येन मुलायम कपळा हागद मंळसा अक? जो भळकीला कपळा हाकतार अदकि सुखवलास देल ईरतार, आंदुर राजभवनगोळ दा ईरतार. 26 रा बाक येन नोळली होगीदरि? येन यावारा भवषियवक्ता अक? हव, ना नीम से

अनतीन, उलटा भवषियवक्ता से भी धोडडेव उक. 27 ईव आवा यूहन्ना हुन, यार्द बारा दा लखिसकु आद: “परमेश्वर अंदुन, ना तान स्वर्गदूत उक नीन मुंद-मुंद कळतीन, जो नीन मुंद अपमान हादी सरका माळयान.” 28 “ना नीम से अनतीन कजि आर्तेर दा टु पैदा आग्यार, आंदुर दा टु यूहन्ना वपतसिमा कोळावाळा से धोडडेव यारू हैलेच. पर जो परमेश्वर उन राज्य दा स्याण से स्याणव आन, आव आऊन से भी धोडडेव आन.”

29 \*अदकि सप्या साधारण लॉकुर केळकु अदकि कर ताकोमावाळेर भी यूहन्ना अन्द वपतसिमा ताकोमकु परमेश्वर उन हादी इक खरा मान्स कोडुर. 30 लेकीन फरीसीगोळ अदकि व्यवस्थापकगोळ यूहन्ना से वपतसिमा ईला ताकोमकु तान संबंघ दा परमेश्वर उन योजना अक अस्वीकार माळदुर.

31 “इदुरसाटी ना ई पीढी इन लॉकुरद तुलना यार देल कोळाईन कजि आंदुर यार घाई आर? 32 इंदुर आ चकिोर घाई आर जो सात्तागोळ दा कूरतकु ईरतार अदकि आबुर दाबुरी इक कारूकु अनतार, ‘नाव नीम साटी कोळल मूरसदेव, अदकि नीव कुणदीदलि; नाव वलियाप इन हाळ हाळदेव, अदकि नीव वरलीदलि!’ 33 यतकी यूहन्ना वपतसिमा कोळावाळा ना रा रोटी तति बंदुन अदकि ना अंगुर इन रास्सा कुडुत बंदुन, अदकि नीव अनतीर, ‘आऊन दा दुष्टआत्मा आद.’ 34 ना मंळसा अन पार तति-कुडुत बंदीन, अदकि नीव अनतीर, ‘नोळी, व्हाट्टा तुम्मावाळा अदकि कुडावाळा मंळसा, कर ताकोमावाळेर अदकि पापीगोळव संगी.’ 35 जो लॉकुर परमेश्वर उन ग्यान स्वीकार माळतार आंदुर साबति माळतार कजि अद ग्यान खरा आद.”

यीशु उन पापी आरत इक माफ माळोद

36 बाक यावारा ऊंद फरीसी यीशु से वनिती माळदुन कजि आव आऊन सांगूळ ऊमली कूरल, इदुरसाटी यीशु आ फरीसी इन मान्या होगकु ऊमली कुरतुन. 37 \*आ नगर इन ऊंद पापी आरत ईद जान्सकु कजि आव फरीसी इन मान्या ऊमली कुरतान, संगमरमर इन बाटुल दा ईत्तर तंदुर, 38 अदकि आऊन कालगोळ हात्ती, हदि नदिरकु, वरलेतेला आऊन कालगोळी आसुगोळ देल नेनाकली अदकि तान ताल्ला अन्द चुट्टी देल सट्टीली हतदुर, अदकि आऊन कालगोळद घळी-घळी चुम्मा ताकोमकु अऊर मा अत्तर मलुसदुर. 39 ईद नोळकु आ फरीसी याव यीशु उक कारददिन, तान मन दा सोचली कुरतुन, “अगर ईव भवषियवक्ता ईरायदुन रा जान्सेगायदुन कजि इक जो आऊक मुटेत्यार, आक यार अदकि ह्यांग आरत आर, यतकी आक रा पापीगीत आर.”

40 यीशु आऊन उत्तर दा अंदुन, “हे शमौन, नानी नीन से येनारा अनोद आद.”

आव माताळदुन, “हे गुरु, अन.”

41 यीशु अंदुन, “यावारा महाजन उन येदद करजदार ईरोर, ऊंद अईद सौ चाँदी इन सक्कागोळद अदकि दुसरा पचास सक्का अन्द करजदार ईरोन. 42 याग आंदुरद हात्ती चुकुसली येनु ईतीदील, रा आव येददु मुंदुर इक माफ माळ बुट्टुन. इदुरसाटी आंदुर दा टु याव आऊन से यक्कुल प्यार ईटयान?”

43 शमौन उत्तर कोट्टुन, “नान समझ देल आव, यार्द आव यक्कुल बटि बुट्टुन.”

आव आऊन से अंदुन, “नी बरावर वचिर माळया.” 44 अदकि आ आरत इन दी तरिगकु आव शमौन से अंदुन, “येन नी ई आरत इक नोळीत्या? ना नीन मान्या बंदीन लेकीन नी नान काल तोळोर साटी नीर कोटीदील, पर इक नान काल आसुगोळ देल नेनाकदुर अदकि तान चुट्टीगोळ देल सट्टिदुर. 45 नी नानी चुमसीदलि, पर यागी टु ना बंदीन आगी टु इक नान कालगोळद चुम्मा ताकोमोद बट्टिदलि. 46 नी नान ताल्ला मा याणणा मलुसदलि, पर इक नान कालगोळी ईत्तर मलुस्यार. 47 इदुरसाटी ना नीन से अनतीन कजि ईकीन पाप जो हापाळ ईरव, माफ आदव, यतकी इक हापाळ प्यार माळदुर; पर यार्द थवाळा पाप माफ आग्याव, आव थवाळा अच प्यार माळतान.”

48 अदकि यीशु आ आरत इन से अंदुन, “नीन पाप माफ आदव.”

49 आग जो लॉकुर यीशु उन सांगूळ ऊमली कूरतकु ईरोर, आंदुर तान-तान मन दा वचिर माळली हतदुर, “ईव याव हुन जो पापगोळी भी माफ माळतान?”

50 बाक यीशु आ आरत इन से अंदुन, “नीन वश्र्वास नीनी ऊळ्सबुटाद, शांती देल होटोग.”

## 8

यीशु उन स्यावा माकळोर चेलागोळ

1 इंदुर बाददा यीशु नगर-नगर अदकि ऊर-ऊर दा प्रचार माळतेला, अदकि परमेश्वर उन राज्य अन्द खुशखबरी केळसतला टेटली कुरतुन, अदकि आ हुनेळ चेलागोळ आऊन सांगूळ ईरोर, 2 \*यीशु उन स्यावा माकळोर आरतेर भी ईरोर जो दुष्टआत्मागोळ देल अदकि बमिरागोळ देल चंगा माळकु आगीदुर, अदकि इंदुर आंदुर उर: मरयिम जो मगदलीनी अंदकु आगतार, यारदा टु येळ दुष्टआत्मागोळ होटीदव, 3 अदकि हेरोदेस उन सेवक खुजा अन्द हगिस येअन्ना, अदकि सूसन्नाह, अदकि हापाळ सा दुसरा आरतेर. इंदुर तान धन सम्पत्ति दा टु आऊन स्यावा माळतोगोर.

बीजा बोऊसावाळा अन्द उदाहरण

(मत्ती १३:१-९; मरकुस ४:१-९)

4 याग धोळद भीळ जमा आत अदकि नगर-नगर इन लॉकुर यीशु उन हात्ती बरतोगोर, रा यीशु उदाहरण दा अंदुन:

\* 7:29 ७:२९ मत्ती २१:३२; लूका ३:२२

\* 7:37 ७:३७ मत्ती २६:१७; मरकुस १४:३; यूहन्ना १२:३

\* 8:2 ८:२ मत्ती २७:२५,५६; मरकुस

१५:६०,६१; लूका २३:४९



5 “ऊंद बोऊसावाळा बीजा बोऊसली होट्टान. बोऊसतेला येनारा हादी इन कनारा मा बतित, अदकि काल देल मेठकु आत, आकाश इन पक्षीगोळ बंदकु अदरी तनि कोंडव. 6 येनारा बीजा कल्ल इन जागा बतित, अदकि वेळुतेला अच वळंगेत, यतकी अदुरदा नमी ईला ईरोद. 7 थवाळासा बीजा मुळलगोळ मारर इन नयाड्या दा बतित, अदकि माररगोळ सांगुळ-सांगुळ वाळुसकु अदरी वतत बुट्टव. 8 थवाळासा बीजा वळ्लीद जागा मा बतित, अदकि वेळुकु सौ गुणा बीजा तरत.”

ईद अंदकु आव धोळद आवाज देल अंदुन, “यारव केळव कवि इतदाव आव केळ कोमुल.”

उदाहरणगोळद उद्देश

(मत्ती १३:१०-१७; मरकुस ४:१०-१२)

9 यीशु उन चेलागोळ यीशु से केळदुर कि ई उदाहरण इन मतलब येन आद? 10 आव अंदुन, “नीमी परमेश्वर उन राज्य अनद भेदगोळद समझ कोटकु आग्याद, पर दुसरा अक उदाहरणगोळ दा केळसकु आगतद;” इदुरसाटी कि “आंदुर नोळतेला भी ना नोळल, अदकि केळतेला भी ना समसुल.”

बीजा बोऊसावाळा उदाहरण इन मतलब समझुसोद

(मत्ती १३:१८-२३; मरकुस ४:१३-२०)

11 “उदाहरण इन मतलब ईद आद: बीजा परमेश्वर उन वचन हुन. 12 हादी इन कनारा दोर आंदुर उर, यार वचन रा केळदुर; लेकीन श्रैतान बंदकु आंदुर मन दा टु वचन नेगुकु वोयतान कि ईदारा हगि आगवाळुल कि आंदुर वशिवास माळकु आंदुर उद्धार आगुल. 13 कल्ल माकळोर आंदुर उर जो वचन केळदुर मा अदरी हापाळ खुशी देल गरहण रा माळतार, पर जळी मजबूत ईला ईटदुर कारण घळी तमि रा वशिवास माळतार पर याग परीक्षा बरतद रा बैकृसेगतार. 14 जो मुळलगोळ मारर दा बतित, इंदुर आंदुर उर जो केळतार, पर मुंद नळुकु चनिता, अदकि धन, अदकि जीवन इन सुखवलास दा फसुसेगतार अदकि परपिक्वता अनद साटी आंदुर काय हण्ण आगाल. 15 लेकीन वळ्लीद जागा मा बदिक्ु बीजा इंदुर उर, जो वचन केळकु तान शुद्ध अदकि वळ्लीद दलि दा अदरी मजबूती देल ईटतार अदकि आंदुर बळा धीरज देल काय तरतार.”

दगिया अनद उदाहरण

(मरकुस ४:२१-२५)

16 “याऊ दगिया होत्ताकु बरतन देल मुचचालुन, अदकि ना व्हर्स इन ल्यालमा ईटतान, लेकीन दीवट मा ईटतान कि वुळक बरावाळेर इक ऊजूळ सकिकुल.

17 “यतकी येनु भी होचकु हेल्लेच जो परगट आगतीदील, ना येनारा गुप्त मात आद जो जानुसकु आगतीदील.

18 “इदुरसाटी सावधान ईती कि नीव याता प्रकार देल केळतीर? यतकी यारद हात्ती आद आऊक मात्त कोटकु आदीत, अदकि यार हात्ती हेल्लेच आऊन से अद भी ताकोमकु आगेदीत, यदरी आव तान समस्तान.

यीशु उन मोय अदकि वारटुर

(मत्ती १२:४६-५०; मरकुस ३:३१-३५)

19 यीशु उन मोय अदकि आऊन वारटुर यीशु उन हात्ती बंदुर, पर भीळ इन कारण आऊन से भेट माळ सकदील. 20 आऊक हेळकु आत, “नीन मोय अदकि नीन वारटुर वहारया नदुरकु आर, आंदुर नीन से मलिसोद चाहास्तार.”

21 यीशु इदुर उत्तर दा आंदुर से अंदुन, “नान मोय अदकि नान वारटुर इंदुरा उर, जो परमेश्वर उन वचन केळतार अदकि मानुसतार.”

यीशु उन आँधी इक शांत माळोद

(मत्ती ८:२३-२७; मरकुस ४:३५-४१)

22 वाक ऊंद दग्गी यीशु अदकि आऊन चेलागोळ इवांगा मा येरदुर, अदकि यीशु आंदुर से अंदुन, “बरी, झील इन आप्पाटी होगता.” इदुरसाटी आंदुर इवांगा खोलस बुट्ट. 23 लेकीन याग इवांगा नळोद, रा यीशु मगिदुन: अदकि झील दा तुफान बत्त, अदकि इवांगा नीर देल तुमली हत्त अदकि आंदुर जोखमि दा ईरोर. 24 आग आंदुर हात्ती होगकु आऊक येव्सदुर, अदकि अंदुर, “स्वामी! स्वामी! नाव नाश आगतेला होगीतेव.”

आग आव यदकु तुफान इक अदकि नीर इन लयरगोळी दनकुसदुन अदकि अव थामसेदव अदकि सप्पा शांत आगेत. 25 आग आव आंदुर से अंदुन, “नीम वशिवास यल ईरोद?”

लेकीन आंदुर अजेदुर अदकि अचम्भति आगकु आपस दा अनली हतदुर, “ईव याव हुन जो तुफान अदकि नीर इक भी आग्या कोळतान, अदकि अव सप्पा आऊन मात केळताव?”

यीशु उन दुष्टआत्माग्रस्त मळसा अक चंगा माळोद

(मत्ती ८:२८-३४; मरकुस ५:१-२०)

26 वाक यीशु अदकि आऊन चेलागोळ गरिसेनयागोळद प्रदेश दा पोहचुसदुर, जो गलील इन झील इन आप्पाटी आद. 27 याग यीशु कनारा मा ईळदुन रा आ नगर इन ऊंद मळसा आऊक सकिदुन यारदा दुष्टआत्मागोळ ईरव. आव हापाळ दनिगोळ टु ना कपळा हाकतोगोन अदकि ना मान्या ईरतोगोन उलटा कबरगोळ दा ईरतोगोन. 28 आव यीशु उक नोळकु चलिळासदुन अदकि आऊन मुंद बदिक्ु धोळद आवाज दा अंदुन, “हे परमप्रधान परमेश्वर उन पार

यीशु! नानी नीन से येन क्यालसा? ना नीन से वनिती माळतीन, नानी पीळा कोळबाळ.” 29 यतकी आव आ अशुध्द आत्मा अक आ मंळसा दा टु होळोद आग्या कोळोन, इदुरसाटी क अद आऊन मा घळी घळी प्रगट आगतोगोद. याग क लॉकुर आऊक शंकलीगोळ अदक बेळीगोळ देल कटक आऊन मा पहरा हचीदुर तरी आव बंधनगोळी मूरुक भळितोगोन, अदक दुष्टआत्मा आऊक आळी दा वयाळसतेला टेटतोगोद.

30 यीशु आऊक केळदुन, “नीन येन हेसुर आद?”

आव अंदुन, “सेना,” यतकी हापाळ दुष्टआत्मागोळ आऊन दा होककोडीदव. 31 आंदुर आऊन से वनिती माळदुर क नामी अनन्त अधोलोक दा होगोद आग्या कोळबाळ.

32 अल पहाळी मा हंदीगोळद ऊंद धोळद झुण्ड आळोद, इदुरसाटी आंदुर आऊन से वनिती माळदुर क नामी अऊर दा हाकबुळ. यीशु आंदरी होगोद आग्या कोट्टुन. 33 आग दुष्टआत्मागोळ आ मंळसा दा टु होटकु हंदीगोळ दा होदव अदक आ झुण्ड ढलान मा टु झपटुसकु झील दा होगकु बदिदव अदक मुळककु सोत्तव.

34 चरवाहागोळ ईद सप्पा जो आगीत नोळकु ओळदुर, अदक नगर दा अदक ऊरगोळ दा होगकु आ घटना अनूद खबर कोट्टुर. 35 लॉकुर ईद जो आगीत अदरी नोळली होट्टुर, अदक यीशु उन हात्ती बंदकु या मंळसा दा टु दुष्टआत्मागोळ होटीदव, आऊक यीशु उन काल इन हात्ती कपळा हाकत अदक सचेत अवस्था दा कुरत नोळकु अंजदुर; 36 अदक जो यावारा ई सप्पा नोळीदुर आंदुर आ लॉकुरी हेळदुर क आव दुष्टआत्मा अनूद सतुसद मंळसा यात्ता प्रकार देल वळलेव आग्यान. 37 आग गरिसेनया अनूद आसपास इन सप्पा लॉकुर यीशु से वनिती माळदुर क नाम नगर दा टु होटोग; यतकी आंदुर हापाळ अंजोगीदुर, इदुरसाटी आव इवांगा मा येरकु होटोदुन. 38 या मंळसा दा टु दुष्टआत्मागोळ होटीदव आव आऊन से वनिती माळली कुरतुन क नामी तान सांगुळ ईरगोळ,

लेकीन यीशु आऊक वदि माळकु अंदुन, 39 “तान माननी होटोग अदक लॉकुरी हेळ क परमेश्वर नीन साटी ह्यांग धोळ धोडडेव क्यालसा माळ्यान.”

आव होगकु सप्पा नगर दा प्रचार माळली कुरतुन क यीशु नान साटी ह्यांग धोळ-धोडडेव क्यालसा माळ्यान.

याईर उन सोत्त पोर अदक ऊंद रोगी आरत

(मत्ती ९:१८-२६; मरकुस ५:२१-४३)

40 याग यीशु गलील वापस बंदुन रा लॉकुर आऊन स्वागत माळदुर, यतकी आंदुर सप्पा आऊन हादी कायोर. 41 इदुर दा याईर हेसुर ईनव ऊंद यहूदी मंळसा जो यहूदी लॉकुरद सभागूह अनूद सरदारगोळ दा टु ऊंद सरदार ईरोन, बंदुन अदक यीशु उन काल मा बदिकु आऊन से वनिती माळली कुरतुन क नाम माननी नळ, 42 यतकी आऊन हननेळ वर्ष इन ऊंद टैसा अच पोर ईरोर, अदक आक सायोर मा ईरोर.

याग आव होगोन, आग लॉकुर आऊन मा बळिली आगोर. 43 ऊंद आरत आक इक हननेळ वर्ष टु खून होगोद रोग ईरोद, अदक जो तान सप्पा पैस्या कवळी वैदयगोळद हदि बरबाद माळ बुटीदुर, तरी भी यारदु कय देल चंगा आगसकीदलि, 44 हदि टु बंदकु आऊन कपळा अनूद कनारार अक मुटदुर, अदक तुरन्त आकनि खून होगोद बंद आगेत.

45 इदुर मा यीशु अंदुन, “नानी याव मुटदुन?”

याग सप्पा इनकार माळली कुरतुन, रा पतरस अंदुन, “हे स्वामी, नीनी रा भीळ वोत्तेत्याद अदक नीन मा बळित्याद.”

46 लेकीन यीशु अंदुन, “यावारा रा नानी मुट्यार, यतकी ना जान्स कोडीन कानान दा टु सामर्थ्य होटाद.” 47 याग आ आरत नोळदुर क नाम होचकोम सकालीन, आग नळगतेला बंदुर अदक आऊन काल मा बदिकु सप्पा लॉकुरद मुंद हेळदुर क आक यात्ता कारण देल आऊक मुटदुर, अदक ह्यांग तुरन्त चंगा आगेदुर. 48 यीशु आकनि से अंदुन, “पोरी, नीन विश्वास नीनी वळलीद माळ्याद, कुशल देल होटोग.”

49 यीशु ईद अनतेला अच ईरोन क यावारा यहूदी यहूदी लॉकुरद सभागूह अनूद सरदार उन अल टु बंदकु अंदुन, “नीन पोर सोतोदुर: गुरु उक दुख कोळबाळ.”

50 यीशु ईद मात केळकु याईर उक उत्तर कोट्टुन, “अंजबाळ; सर्फ विश्वास ईट, रा आक ऊळदोदार.”

51 मान्या बंदकु आव पतरस, यूहनना, याकूब, अदक पोर इन मोय-आपु उक बटिकु दुसरा यारीकु तान सांगुळ बुळक बर गोटीदील. 52 सप्पा आकनि साटी वोरलोर, लेकीन आव अंदुन, “बर्लवाळी; आक सायली आर लेकीन मगित्यार.”

53 आंदुर ईद जानसकु क आक सोतोग्यार आऊन मज्याक हारसली हतदुर. 54 लेकीन आव आऊन कय हूळदुन, अदक कारतेला अंदुन, “हे पोरी, येळ!” 55 आग आकनि जीव वापस बत्त अदक आक तुरन्त यदकु नदिरेदुर. बाक आव आग्या कोट्टुन क आकी येनारा तनिली कोळी. 56 आकनि मोय-आपु चकति आदुर, लेकीन आव आंदरी आदेश कोट्टुन क ईद जो आग्याद यारदारार से अनवाळेतीर.

## 9

यीशु उन द्वारा हननेळ प्रेरतिगोळी कळुकु आगोद

(मत्ती १०:५-१५; मरकुस ६:१७-१३)

1 बाक यीशु तान हननेळ चलागोळी तान हात्ती कारदुन आंदरी सप्पा दुष्टआत्मागोळ अदक बमिरगोळी दुर माळोद सामर्थ्य अदक अधकार कोट्टुन, 2 अदक आंदरी परमेश्वर उन स्वर्गीय राज्य अनूद प्रचार माळली अदक बमिरगोळी वळलीद माळोद साटी कळुदुन. 3 यीशु आंदुर से अंदुन, “तान यात्रा अनूद साटी येनु वोयवाळेतीर,

ना रा कोल, ना झवारा, ना रोटी, ना पैस्या अदकि ना येदुद-येदुद कूळता. 4 जो यातोदु मान्या नीव ईळदीर, अल्या ईरी, अदकि अल टु उच वदि आगी. 5 जो यावारा नीमी ग्रहण माळालुर, आ नगर टु होळावती तान कालगोळद धुळा झाळस बुळी कं आंदुर मा गवाही आगुल.”

6 इदुरसाटी आंदुर होटकु उरा-उरा खुशखबरी केळसोर, अदकि हर जागा दा लॉकुरी चंगा माळत टेटतेला ईततुर.

राजा हेरोदेस उन परेशानी

(मत्ती १४:१-१२; मरकुस ६:७-२९)

7 द्याश इन चौथाई इन राजा हेरोदेस याग ई सप्पा घटनागोळ बारा दा केळदुन रा आव हापाळ घबूसेदुन, यतकी थवाळासा लॉकुर अंदुर कं यूनना बपतसिमा कोळावाळा सोततुर दा टु जतिता आगयान, 8 अदकि थवाळासा लॉकुर ईद अंदुर कं एलियाहा काळसयान, अदकि थवाळासा दुसरा लॉकुर ईद अंदुर कं हाळोद भवषियवक्तागोळ दा टु यावारा जतिता आगयान. 9 लेकीन हेरोदेस अंदुन, “यूनना अनद रा तालला ना कळसुसीदीन, ईग ई मळसा याव हुन यारद बारा दा ना हगि मातगोळ केळेतीन?” अदकि आव यीशु उक नोळोद प्रयतन माळतेला ईततुन.

यीशु अईद हजार लॉकुरी तनिसदुन

(मत्ती १४:१३-२१; मरकुस ६:३०-४४; यूनना ६:१-१४)

10 वाक प्रेरतिगोळ वापस बंदकु जो येनारा आंदुर माळीदुर, यीशु उक हेळ वटुर; अदकि यीशु आंदरी अलग माळकु बैतसैदा हेसुर इन नगर दा ओतुन. 11 ईद जानसकु भीळ आऊन हदि आगेत, अदकि आव खुशी देल आंदुर से मलिसदुन, अदकि आंदुर से परमेश्वर उन राज्य अनद मातगोळ हेळली कुरतुन, अदकि जो चंगा आगोद चाहासोर आंदरी चंगा माळदुन.

12 याग द्याव आगली हतुर रा हननेळ चलागोळ बंदकु यीशु से अंदुर, “भीळ इक वदि माळ कं नाकु दकिळोद ऊरगोळ अदकि ऊरगोळ दा होगकु तान साटी ईरली जागा अदकि तनिली येनारा तरी दुंदूस सकुल, यतकी नाव ईल सुनसान जागा दा आयेव.”

13 यीशु आंदुर से अंदुन, “नीव अच आंदरी तनिली इक कोळी.”

चलागोळ अंदुर, “नाम हातती अईद रोटी अदकि येदुद मेनगोळी वटिकु अदकि येनु हैलेच; लेकीन हव, अगर नी चाहासत्या कं नाव होगकु ई सप्पा लॉकुर साटी भोजन कोडेव, रा आग सकतद.” यतकी आ लॉकुरद संख्या रा अईद हजार इन हाततीपास ईरोद. 14 आग यीशु तान चलागोळ से अंदुन,

“लॉकुरी पचास-पचास माळकु पंगत-पंगत दा कूरस बुळी.”

15 आंदुर हगि अच माळदुर, अदकि सप्पा मुंदरी कूरस वटुर. 16 आग आव अव अईद रोटीगोळी अदकि येदुद मेनगोळी हुळदुन, अदकि स्वरग दी नोळकु परमेश्वर उक धन्यवाद माळदुन, अदकि रोटी मुहू-मूरकु चलागोळी कोळत होदुन कं लॉकुरी वाळसुल. 17 आग सप्पा लॉकुर तनिकु संतुष्ट आदुर, अदकि चलागोळ ऊळद टुकळागोळ दा टु हननेळ फुटटी तुमकु नेगदुर.

पतरस उन यीशु उक “मसीह” स्वीकार माळोद

(मत्ती १६:१३-२०; मरकुस ८:२७-३०)

18 याग यीशु आबना दा प्रार्थना माळोन अदकि चलागोळ आऊन सांगुळ ईरोर, रा आव आंदुर से केळदुन, “लॉकुर नान बारा दा येन अनतार?”

19 चलागोळ उत्तर कोटदुर, “यूनना बपतसिमा कोळावाळा, अदकि यावारा यावारा एलियाहा, अदकि यावारा ईद कं हाळव भवषियवक्तागोळद दा टु यावारा जतिता आगयान.”

20 यीशु आंदुर से केळदुन, “लेकीन नीव नानी येन अनतीर?”

पतरस उत्तर कोटदुन, “परमेश्वर उन द्वाारा कळुद मसीह.”

तान सायोद बारा दा यीशु उन भवषियवाणी

(मत्ती १६:२१-२३; मरकुस ८:३१-३३)

21 आग यीशु आंदरी आदेश कोटकु अंदुन कं ईद मात इन उल्लेख यारदु से माळबाळेतीर. 22 वाक यीशु अंदुन, “ना मळसा अन पार उन साटी जर्री आद कं ना दुख नेगाईन, अदकि स्याणा अदकि प्रधान याजक अदकि नयिम इन गुरु नानी तुच्छ जानसकु कोद वटुटार, अदकि ना मुर दनि दा जतिता आगाईन.”

23 यीशु सप्पा मुंदुर से अंदुन, “अगर यावारा नान हदि बरोद चाहासतान, रा आव तान तान इक इनकार माळुल अदकि रोज जो तान जीव नान साटी कूरस मा समरपति माळुल आवा नान हदि आगेगुल. 24 यतकी जो यावारा तान जीव ऊळसोद चाहासयान आव अंदरी खोऊसयान, लेकीन जो यावारा नान साटी तान जीव खोऊसयान आव अंदरी ऊळसयान. 25 अगर मळसा पुरा दुनया अक हासलि माळुल अदकि तान जीव खोऊस बुळुल या अदुरद हाना नेगुल, रा आऊक येन लाभ आदीत? 26 जो नान देल अदकि नान वचन देल लज्जति आगतान, आऊन देल ना मळसा अन पार भी, आ समय लज्जति आदान याग आव खुद अदकि तान आप्प उन अदकि पवतिर स्वरगदूतगोळद महसिमा

\* 9:5 १:५ प्रेरतिगोळ १३:५१ \* 9:5 १:५ लूका १०:४-११ \* 9:7 १:७ मत्ती १६:१४; मरकुस ८:२८; लूका १:१९ \* 9:19 १:१९ मत्ती १४:१२; मरकुस ६:१४,१५; लूका १:७,८ \* 9:20 १:२० यूनना ६:६८,६९ \* 9:23 १:२३ मत्ती १०:३८; लूका १४:२७ \* 9:24 १:२४ मत्ती १०:३९; लूका १७:३३; यूनना १२:२५

दा बंदान. 27 ना नीम से खरा माताळतीन, कं जो ईल नदिरकु आर, आंदुर दा टु यारारा हगि आर कं यागासताका परमेश्वर उन राज्य नोळतीदलि, आगासताका सायतीदलि.”

यीशु उन रूपान्तर

(मत्ती १७:१-८; मरकुस ९:२-८)

28 ई मातगोळद लगभग येठठ दनि इन बाद्दा यीशु पतरस, यूहन्ना अदकि याकूब उक सांगुळ हळकु प्रार्थना माळोर साटी पहाळी मा होदुन. 29 याग आव प्रार्थना माळतेला अच ईरोन, रा आऊन चेहरा अन्द रूप बदलुसेत, अदकि आऊन कपळा बळिव आगकु चमकुसली हत्त. 30 अदकि अचानक, मूसा अदकि एलियाह, ई येदद मळसा आऊन सांगुळ मातगोळ हेळोर. 31 आंदुर स्वर्गीय महमा सहति काळसदुर अदकि यीशु उन सायोद चर्चा माळोर, जो परमेश्वर उन उद्देश यरूशलेम दा पुरा आगोद ईरोद. 32 पतरस अदकि आऊन साथीगोळ कण्णगोळ जप देल तुमकु ईरव, लेकीन याग आंदुर पुरण रूप देल च्याता आदुर, रा आंदुर आऊन महमा अक अदकि आ येदद मळसागोळी, जो यीशु उन सांगुळ नदिरकु ईरोर, नोळदुर. 33 याग आंदुर आऊन हात्ती टु होगली हतदुर, रा पतरस यीशु से अंदुन, “हे स्वामी, नाम्द ईल ईरोद वळलीद आद: इदुरसाटी नाव मुर हांदरा माळेव, ऊंद नीन साटी, ऊंद मूसा अन्द साटी, अदकि ऊंद एलियाह अन्द साटी.” आव ईला जानसोन कं आव येन माळेत्यान.

34 आव ईद माताळतेला अच ईरोन कं ऊंद बादल बंदकु आंदरी होचकोमत्त, अदकि याग चेलागोळ आ बादल देल घेरुसली हतदुर रा अंजेदुर. 35 आग आ बादल दा टु आवाज होळत, “ईव नानव पार अदकि नान चुनुसदव हुन, ईऊंद केळी.”

36 ईव आवाज आगतेला अच यीशु आवना अच काळसदुन; अदकि आंदुर सुंगा ईत्तुर, अदकि जो येनारा नोळीदुर अदुरद बारा दा आंदुर आ दनिगोळ दा यारदारा से येनु माळीदलि.

दुष्टआत्माग्रस्त पार उक चंगा माळोद

(मत्ती १७:१४-१८; मरकुस ९:१४-२७)

37 दुसरा दनि याग यीशु अदकि आऊन मुर चेलागोळ पहाळ मा टु ईळदुर रा ऊंद धोळद भीळ बंदकु यीशु से मळिसुत. 38 अदकि नोळी, भीळ दा टु ऊंद मळसा चळिलासकु अंदुन, “हे गुरु, ना नीन से वनिती माळतीन कं नान पार उन म्याकुच कृपादुष्टि माळ; यतकी आव नानव ऊंद ठैसा पार आन. 39 अदकि नोळ, ऊंद दुष्टआत्मा आऊक हुडूतद, अदकि आव अचानक चळिलासकु येळतान; अदकि अद आऊक हगि मुरकुळस्तद कं आव बाय दा फेस तुमकु तरतान; अदकि आऊक कठनिई देल बळितद. 40 ना नीन चेलागोळ से वनिती माळदीन कं आ दुष्टआत्मा अक तेगुल लेकीन आंदुर तेगु सकदील.”

41 यीशु आंदरी उत्तर कोट्टुन, “हे अवशिवासी अदकि जदिदी लांकुरा, ना यागासताका नीम सांगुळ ईराइन अदकि नीम सहन माळाईन? तान पार उक ईल तर.”

42 आव पार बरतेला अच ईरोन कं दुष्टआत्मा आऊक पटकुसकु मुरकुळसुत, लेकीन यीशु अशुधद आत्मा अक दनकुसदुन अदकि पार उक वळलीद माळकु आऊन आप्प उक सौप्सदुन. 43 आग सब लांकुर परमेश्वर उन महासामर्थ्य देल चकति आदुर.

तान सायोद बारा दा यीशु उन दुसरा घन भवषियवाणी

(मत्ती १७:२२,२३; मरकुस ९:३०-३२)

लेकीन याग सब लांकुर आ सब क्याल्सागोळ देल जो यीशु माळतोगोन, अचम्भति ईरोर, रा आव तान चेलागोळ से अंदुन, 44 “नीव ई मातगोळ मा ध्यान कोळी, यतकी ना मळसा अन पार मळसागोळद कय दा सौप्सकु आगाईन.”

45 लेकीन आंदुर ई मात इक ईला समसोर, अदकि ईद आंदुर से होचकु ईत कं आंदुर आऊक जान्स ईला सकुल; अदकि आंदुर ई मात इन बारा दा यीशु उक केळली अंजतोगोर.

सब से धोडडेव याव?

(मत्ती १८:१-५; मरकुस ९:३३-३७)

46 आक आंदुरदा ईद वविाद आगली कुरत कं नाम दा टु धोळ याव आन. 47 लेकीन यीशु आंदुरद मन इन वचिार जान्स कोडुन, अदकि ऊंद पार उक हळकु तान हात्ती नीदरूसदुन, 48 अदकि आंदुर से अंदुन, “जो यावारा नान हेसुर देल ई पार उक ग्रहण माळतान, आव नानी ग्रहण माळतान; अदकि जो यावारा नानी ग्रहण माळतान, आव नान कळावाळेर इक ग्रहण माळतान, यतकी जो नीम दा सब से स्याणेव टु स्याणेव आन, आवा धोडडेव आन.”

जो वरिध दा ईला, आव पक्ष दा आन

(मरकुस ९:३८-४०)

49 आग यूहन्ना अंदुन, “हे स्वामी, नाव ऊंद मळसा अक अपमान हेसुर देल दुष्टआत्मागोळी तेगुतेला नोळदेव, अदकि नाव आऊक मना माळदेव, यतकी आव नाम सांगुळ आगकु अपमान हदि आगालुन.”

50 यीशु यूहन्ना अदकि बाकी चेलागोळ से अंदुन, “आऊक मना माळबाळी; यतकी जो नीम वरिध दा हैलेच, आव नीमद सांगुळ आन.”

✱ 9:35 ९:३५ मत्ती ३:१७; १२:१८; मरकुस १:११; लूका ३:२२  
९:४८ मत्ती १०:४०; लूका १०:१६; यूहन्ना १३:२०

✱ 9:35 ९:३५ २ पतरस १:१७,१८

✱ 9:46 ९:४६ लूका २२:२४

✱ 9:48

सामरीयागोळ द्वारा यीशु उन वरीध

51 याग यीशु उन स्वर्ग दा नेगूकु आगोद दनि हात्ती बरली हतदव रा आव यरूशलेम होगोद मजवूत नश्चय माळदुन. 52 आव तान मुंद स्वर्गदूत कळुदुन. आंदुर सामरीगोळद ऊंद ऊर दा होदुर क आऊन साटी जागा तयार माळुल. 53 लेकीन आ लॉकर आऊक ईळु गोटीदील, यतकी आव यरूशलेम होगोन. 54 ईद नोळकु यीशु उन चेलागोळ याकूब अदकि यूहन्ना अंदुर, “हे प्रभु, येन नी चाहासत्या कनिाव आग्या कोट्टेव, क आकाश टु बेक्की बळिसुसकु आंदरी भसम माळसुस बुळुल?”

55 लेकीन यीशु तरिगकु आंदरी दनकुसदुन. 56 यीशु अदकि आऊन चेलागोळ दुसरा ऊर दा होटोदुर.

यीशु उक मान्सावाळेर ह्यांग ईर पायजे  
(मत्ती ८:१९-२२)

57 याग आंदुर हादी देल होगोर, रा चेलागोळ दा टु यावारा यीशु से अंदुन, “यल-यल नी होद्या, ना नीन हदि आगोर्गईन.”

58 यीशु आऊन से अंदुन, “कोल्यागोळ गुफा अदकि आकाश इन पक्षीगोळ ग्वादा ईरताव, लेकीन ना मळसा अन पार उन साटी ताल्ला होचकोमोर साटी भी जागा हेलैच.”

59 यीशु दुसरा से अंदुन, “नान हदि आगोर्ग.”

आव अंदुन, “हे प्रभु, नानी पयले होगोळ कतान आप्प उक नळसाईन.”

60 यीशु आऊन से अंदुन, “सोदद मळसागोळी तान मुरदा नळसगोळ, लेकीन नी होगकु परमेश्वर उन राज्य अन्द पुरा प्रचार माळ.”

61 ऊंद मातूत मळसा भी अंदुन, “हे प्रभु, ना नीन हदि आगोर्गईन; लेकीन पयले नानी होगोळ कतान मान्ना अन्द लॉकर से वदि ताकोमकु बराईन.”

62 यीशु आऊन से अंदुन, “जो यावारा तान कय नांगर मा ईटकु हदि नोळतान, आव परमेश्वर उन राज्य अन्द लायक हेलैच.”

## 10

यीशु बहात्तर चेलागोळी कळुदुन

1 ई मातगोळद बाद्दा प्रभु यीशु मातूत बहात्तर मळसागोळी नयिकूत माळदुन, अदकि याता-याता नगर अदकि जागा अक आव होगली ईरोन, अल आंदरी येदद-येदद माळकु तान मुंद कळुदुन. 2 यीशु आंदुर से अंदुन, हण्ण केई हापाळ आव, पर क्याल्सा माळावाळेर मजदुर गोरत आर; इदुरसाटी फसल इन स्वामी से वनिती माळी क आव तान फसल कडोर साटी मजदूर कळु बुळुल. 3 हांगी; ना नीमी म्यांडागोळ धाई लांडग्यागोळ न्याड्या कळुतीन. 4 इदुरसाटी तान सांगूळ ना चीला, ना झवारा, ना केरूगोळ हुडी; अदकि ना हादी मा यारदारा से नमस्कार माळी. 5 यातारा मान्या होगी, पयले अनी, “ई मान्ना मा कल्याण आगुल.” 6 अगर अल यावारा कल्याण इन लायक ईतीदान, रा नीम कल्याण आऊन मा ईत्तीत, ईलारा नीम हात्ती वापस बंदीत. 7 अदा मान्या ईरी, अदकि जो येनारा आंदुर से सकिकीत, अदा तर्नि-कुडी, यतकी मजदूर उक तान मजदूरी सकि पायजे; मान्या-मान्या टेटावाळतीर. 8 या नगर दा नीव होगी, अदकि अलेर लॉकर याग नीम स्वागत माळ्यार रा जो येनारा नीम मुंद ईटकु आदीत अदा तर्नि. 9 अलेर बमारगोळी चंगा माळी अदकि आंदुर से अनी, “परमेश्वर उन राज्य हात्ती होट बंदाद.” 10 लेकीन या नगर दा होदरि, अदकि अलेर लॉकर नीमी ग्रहण माळतीदील, रा आंदुरद गलीगोळ दा होगकु अनी, 11 नीम वरिध दा नाव नीम नगर इन धुळा अक भी जो नाम कालगोळ मा हत्याद झाळस कोळतेव; फरि भी ईद जान्स कोमी क परमेश्वर उन राज्य नीम हात्ती होट बंदाद.” 12 ना नीम से अनतीन क आ दिन परमेश्वर न्याय माळ्यान आ दशि सदोम इन दशा आ नगर से हापाळ गुणा सहन माळा लायक ईत्तीत.

अवशिवासी नगरगोळी धक्कार  
(मत्ती ११:२०-२४)

13 “हाय सुराजीन! हाय बैतसेदा! जो सामर्थ्य ईनव क्याल्सा नीम दा माळकु आदव, अगर अव सूर अदकि सैदा दा माळकु आगायदव रा बॉरा होदुक अदकि राख दा कुरतकु आंदुर यागुटु मन तरिगुसायदुर. 14 लेकीन न्याय इन दिन सूर अदकि सैदा अन्द दशा नीम से यककुल सहन माळा लायक ईत्तीत. 15 अदकि हे कफरनहूम, येन नी स्वर्ग ताका म्याकूच नेगूकु आद्या? नी पाताल लोक ताका ल्यालमा होद्या.”

16 यीशु तान चेलागोळ से अंदुन, “जो नीम केळतान, आव नान केळतान; अदकि जो नीमी तुच्छ जान्सतान, आव नानी तुच्छ जान्सतान; अदकि जो नानी तुच्छ जान्सतान, आव नान कळावाळेर इक तुच्छ जान्सतान.”

बहात्तर चेलागोळद वापस बरोद

17 आंदुर बहात्तर चेलागोळ खुशी माळतेला बंदुर अदकि अनली हतदुर, “हे प्रभु, नीन हेसुर देल दुष्टआत्मा भी नाम आग्या मान्सताव.”

\* 10:2 १०:२ मत्ती ९:३७,३८ \* 10:3 १०:३ मत्ती १०:१६ \* 10:7 १०:७ १ कुरनिथि १:१४; १ तीमथियुस १:१८ \* 10:10 १०:१० प्रेरतिगोळ १३:५१ \* 10:11 १०:११ मत्ती १०:७-९; मरकुस ६:२-११; लूका ९:३-५ \* 10:12 १०:१२ मत्ती ११:२४; मत्ती १०:१५ \* 10:16 १०:१६ मत्ती १०:४०; मरकुस ९:३७; लूका ९:४८; यूहन्ना १३:२०

18 यीशु आंदुर से अंदुन, “ना श्रौतान उक वजिली इन घाई स्वर्ग टु वळिस नोळीन. 19 केळी, का ना नीमी हाव अदकि पुरा सामर्थ्य मा अधकार कोटीन; अदकि नीमी येनु हाना आगतीदील. 20 फरि भी ईदुर देल खुश आगवाळी का आत्मा नीम वश दा आद, लेकीन इदुर देल खुश आगी का नीम हेसुर स्वर्ग दा लखिसकु आद.”

यीशु उन खुश आगोद

(मत्ती ११:२५-२७; १३:१६,१७)

21 आ समय यीशु पवतिर आत्मा दा आगकु खुशी देल तुममेदुन, अदकि अंदुन, हे आप्पा, स्वर्ग अदकि पृथ्वी नव प्रभु, ना नीन धन्यवाद माळतीन का नी ई मातगोळी आंदुर से जो ग्यानी आर अदकि कलत माळकु लॉकुर से होचकोमकु ईदुद, अदकि चकोरगोळ मा प्रगट माळुद. हव, हे आप्पा, यतकी नीनी ईदा वळलीद हतुत.

22 नान आप्प नानी सप्पा येनारा सोप्स बुटुदुन; अदकि याऊ जानसालुन का पार याव हुन सरिफ आप्प, “अदकि आप्प याव हुन ईद भी याऊ जानसालुन सरिफ पार अदकि आव यार मा पार अदरी प्रगट माळोद चाहासतान.”

23 आग चेलागोळ दी तरिगकु आवना दा अंदुन, “धन्य आव अव कण्णगोळ, जो ई मातगोळ जो नीव नोळतीर अव नोळताव. 24 यतकी ना नीम से अनतीन का हापाळ सा भवषियवक्तागोळ अदकि राजागोळ चाहासदुर का जो मातगोळ नीव नोळतीर आंदुर नोळुल पर नोळीदील, अदकि जो मातगोळ नीव केळतीर आंदुर केळुल पर केळीदील.”

दयालु सामरी इन उदाहरण

25 अदकि ऊंद व्यवस्थापक येदुन अदकि ईद अनतेला यीशु उन परीक्षा माळली कुरतुन, “हे गुरु, अनन्त जीवन सकिद साटी ना येन माळाईन?”

26 यीशु आऊन से अंदुन, “मूसा अन्द व्यवस्था दा येन लखिसकु आद? नी ह्यांग वाचुसत्या?”

27 आव उत्तर कोटुदुन, “मूसा अन्द व्यवस्था अनतद, नी प्रभु तान परमेश्वर से तान सप्पा मन अदकि तान सप्पा जीव अदकि तान सप्पा शक्ति अदकि तान सप्पा बुद्धी इन सांगुळ प्यार ईट अदकि तान मान्ना हातळोर से तान घाई प्यार ईट.”

28 यीशु आऊन से अंदुन, “नी बरावर उत्तर कोटुद, ईदा माळ रा नी जतिता ईत्या.”

29 लेकीन आव तान तान इक न्यायी ठहरोद इच्छा देल यीशु से केळुदुन, “रा नान मान्ना हातळोर याव हुन?”

30 यीशु उत्तर कोटुदुन, “ऊंद मंळसा यूरुशलेम टु यरीहो अक होगोन का डाकूगोळ आऊक घेरसकु आऊन कपळा ईळस बुटुर, अदकि बडु माळकु आऊक सायोर साटी बटिकु होटोदुर. 31 अदकि हगि आत का अदा हादी देल ऊंद याजक होगोन, लेकीन आऊक नोळकु आव अनदेखा माळुदुन अदकि होटोदुन. 32 ईदा रीतिले ऊंद लेवी भी आ जागा मा बंदुन, आव भी आऊक अनदेखा माळकु होटोदुन. 33 लेकीन ऊंद सामरी जाती नव यात्री अल टु होगोन, अदकि आऊक नोळकु आऊन मा तरस तदिन. 34 आव आऊन हात्ती बंदकु आऊन जखमगोळ मा याण्णा अदकि अंगुर इन राससा हाककु पट्टी कटुदुन, अदकि तान सवारी मा येरसकु आऊक सरई दा ओतुन, अदकि आऊन स्यावा टहल माळुदुन. 35 दुसरा दिन आव येदुद वेळली इन सकिका तेगुकु सरई इन मालकि उक कोटुदुन, अदकि अंदुन, ‘ईऊन स्यावा टहल माळेत, अदकि जो येनारा अपमान दी टु हत्तीत, अद ना वापस बंदुर मा नीनी तुम कोळाईन.’”

36 ईग यीशु “नीन वचिर देल ई मूद दा टु आ मंळसा अन्द जो डाकूगोळद कय दा सकिकेगीदुन, याव मान्ना हातळोर आदुन?”

37 आव अंदुन, “आवा याव आऊन मा दया माळुदुन.”

यीशु आऊन से अंदुन, “हाग, नी भी हगि अच माळ.”

मार्था अदकि मरयिम इन मान्या यीशु

38 याग आंदुर होगोर रा यीशु ऊंद ऊर दा होदुन, अदकि मार्था हेसुर इनोर ऊंद आरत यीशु उन तान मान्या स्वागत माळुदुर. 39 मरयिम हेसुर इनोर आकनि ऊंद आकतीग ईरोर. आक प्रभु उन कालगोळ दी कुरतकु आऊन वचन केळतोगोर. 40 लेकीन मार्था स्यावा माळुत-माळुत व्याकुल आगेदुर, अदकि आऊन हात्ती बंदकु अनली हतदुर, “हे प्रभु, येन नीनी येनु अच चनिता हेलेच का नान आकतीग नानी स्यावा माळोद साटी आवना अच बटि वुटार? इदुरसाटी आकनि से अन का नान सहायता माळुल.”

41 प्रभु आक इक उत्तर कोटुदुन, “मार्था, हे मार्था; नी हापाळ मातगोळद साटी चनिता माळुतया अदकि व्याकुल आगत्या. 42 लेकीन ऊंद मात जर्री आद, अदकि आ वळलीद भाग इक मरयिम चुनुस कोंडार जो आकनि से कस्तकु आगतीदील.”

## 11

यीशु आंदरी प्रार्थना माळोद कलसदुन

(मत्ती ६:९-१३)

1 यीशु यातोदारा जागा दा प्रार्थना माळोन. याग यीशु प्रार्थना माळ कोंडुन, रा आऊन चेलागोळ दा टु ऊंद चेला आऊन से अंदुन, “हे प्रभु, ह्यांग नीर-संस्कार कोळावाळा यूहनना तान चेलागोळी प्रार्थना माळोद कलसयान हाग अच नामी भी नी कलसबुळ.”

2 यीशु आंदुर से अंदुन, याग नीव प्रार्थना माळी रा अनी: हे आप्पा:

नीन हेसुर पवत्रिर मान्सकु आगुल,  
नीन राज्य ब्रूल.

3 नाम हागुल तरिमुद रोट्टी रोज-रोज नामी कोळतोग,

4 ह्यांग नाव तान हर ऊंद अपराधीगोळी माफ माळतेव,  
हांग अच नी भी नाम पापगोळी माफ माळ,  
अदकि नामी परीक्षा दा तरबाळ.

5 आग यीशु आंदुर से अंदुन, “नीम दा टु याव आन कि आऊन संगी आगुल, अदकि आव आरधा ईळ्लकी आऊन हात्ती होगकु आऊन से अनुल, हे संगी; नानी मुर रोट्टीगोळ कोळ. 6 यतकी ऊंद यात्री संगी नान हात्ती बंदान, अदकि आऊन तनिसोर साटी नान हात्ती येनु हैलेच.” 7 अदकि आव तान मन इन बुळक टु उत्तर कोळ्ल, “नानी माळबाळ; ईंग रा दरवाजा बंद आद अदकि नान चकिोर नान हात्ती हासक्या मा आर, इदुरसाटी ना यदकु नीनी रोट्टी कोळ सकालीन?” 8 ना नीम से अनतीन, अगर आव आऊन संगी हुन तरी भी आव आऊक यदकु रोट्टी कोळालुन, फरि भी रोट्टी बेळावाळी तान शरम बटिकु बेळुल रा ईद कारण आव यदकु आऊक याट जरवत आद आस रोट्टी कोट्टान.

9 अदकि ना नीम से अनतीन कि बेळी, रा नीमी कोटकु आदीत; हुंदूसी, रा नीमी सक्कीत; टोकसीर, रा नीम साटी तेरकु आदीत. 10 यतकी जो यावारा बेळतान, आऊक कोटकु आगतद; अदकि जो हुंदूसतान, आऊक सक्तद; अदकि जो टोकसतान, आऊन साटी तेरकु आगतद. 11 नीम दा टु हगि याव आप्प आन, कि आऊन पार मेन बेळतान\*, रा मेन इन जागा आऊक हाव कोळतान? 12 या तत्ती बेळुल रा आऊक चेळ कोळुल? 13 इदुरसाटी याग नीव बुरा ईतकु तान चिकोरी वळ्लीद वस्तु कोळोद जानसतीर, रा नीम स्वर्गीय आप्प तान बेळावाळीर पवत्रिर आत्मा यती कोळतीदील.

यीशु अदकि बालजबूल

(मत्ती १२:२२-३०; मरकुस ३:२०-२७)

14 वाक यीशु ऊंद दुष्टआत्मा अक जो आऊन बुळक होगदुर मा आ मळसा माताळ ईला सकोन आ दुष्टआत्मा अक तेगदुन. याग दुष्टआत्मा होट बुळत रा मुक्का मळसा माताळली कुरतुन; अदकि लॉकुरी अचम्भा आत. 15 लेकीन आंदुर दा टु ध्वाळासा लॉकुर अंदुर, “ईव रा बालजबूल हेसुर ईनव दुष्टआत्मागोळव सरदार उन मदत देल दुष्टआत्मागोळी तेगुतान.”

16 दुसरा लॉकुर यीशु उन परीक्षा माळोर साटी आऊन से आकाश इन चमत्कार बेळदुर जो हगि तोरसुल कि परमेश्वर आऊन सांगुळ आन. 17 लेकीन आव आंदुर मन इन मातगोळी जान्सकु, आंदुर से अंदुन, “या-या राज्य दा फूट बळितद, अद राज्य बरबाद आगेगतद; अदकि या मान्या फूट बळितद, अद नाश आगेगतद. 18 अगर श्रैतान तान अच वरिधी आगेगुल, रा आऊन राज्य ह्यांग वनसकु ईत्तीत? यतकी नीव नान बारा दा रा अनतीर कि ईव बालजबूल उन सहायता देल दुष्टआत्मा तेगुतान. 19 भला अगर ना बालजबूल उन सहायता देल दुष्टआत्मागोळी नेगुतीन, रा नीम मान्सावाळेर या सहायता देल तेगुतार? इदुरसाटी आंदुर अच नीम न्याय माळावाळेर आदार. 20 लेकीन अगर ना परमेश्वर उन आत्मा अन्द सहायता देल दुष्टआत्मागोळी नेगुतीन, रा परमेश्वर उन राज्य नीम हात्ती होट बंदाद.

21 “याग ताकतवर मळसा हथयार हुडुकु तान हवेली इन रखवाली माळतान, रा आऊन संपत्ती ऊळदकु ईरतद.” 22 पर याग आऊन से धोड्डेव यावारा मात्त ताकतवर मळसा चढाई माळकु अदरी जीकुस कोमतान, रा आऊन अव हथयार यऊर मा आऊक भरोसा ईरोद, कस्त कोमतान अदकि आऊन संपत्ती कस्तकु वाटस वूळतान.

23 जो नान सांगुळ हैलेच आव नान वरिध दा आन, अदकि जो नान सांगुळ जमा माळालुन आव बगरूसतान.

दुष्टआत्मा अन्द वापसी

(मत्ती १२:४३-४५)

24 “याग दुष्टआत्मा मळसा दा टु होट वूळतद रा वळगीद जागागोळ दा आराम हुंदूसतेला टेटतद, अदकि याग जागा सकाल रा अनतद, ना तान अदा मान्या दा यल टु ना होटीदनि होटोर्गाईन.” 25 अदकि बंदकु आ मान्या अक झाळ-झुळसकु अदकि सजुसकु नोळतद. 26 आग अद होगकु तान से बेकार येळ अदकि आत्मागोळी तान सांगुळ तरतद, अदकि अव आ मान्या होक्कु अल नवास माळताव, अदकि आ मळसा अन्द दशा पयला टु भी बेकार आगेगताव.”

खरा सुख

27 याग यीशु ईव मातगोळ अनतेला अच ईरोन रा भीळ दा टु यातारा आरत धोळद आवाज देल अंदुर, “धन्य आद अद गरभ यदुरदा नी इत्या अदकि अव सतन यार्द हाल नी कुळदया.”

28 यीशु अंदुन, “हव; लेकीन धन्य आंदुर आर जो परमेश्वर उन वचन केळतार अदकि मान्सतार.”

परमेश्वर दी टु चमत्कार अन्द मांग

(मत्ती १२:३८-४२)

\* 11:11 ११:११ ईद वाचा हर ऊंद हस्तलेखा दा लखिसकु हैलेच.

\* 11:15 ११:१५ मत्ती ९:३४; १०:२५

\* 11:16 ११:१६ मत्ती १२:३८; १२:६

मरकुस ८:११ \* 11:23 ११:२३ मरकुस ९:४०

29<sup>०</sup>याग धोळद भीळ जमा आगतोगोद रा यीशू अनली कुरतून, “ई दुनिया अन्द लॉकर बुरा आर; आंदुर चमत्कार हुंदसतार; पर योना अन्द चमत्कार अक बटिकु यातोदारा दुसरा चमत्कार आंदरी कोटकु आगतीदील. 30 हयांग योना नीनवे अन्द लॉकरुद साटी चमत्कार ठहरूसदुन, हांग अच मंळसा अन पार भी ई दुनिया अन्द लॉकरुद साटी ठहरूसयान. 31 दक्षणि इन रानी न्याय इन दशिी ई दुनिया अन्द मंळसागोळद सांगुळ यदक आंदरी दोषी ठहरूसयार, यतकी आक सुलैमान उन ग्यान केळली पृथवी इन छोर टु बंदार, अदकि नोळी, ईल आव आन जो सुलैमान से भी धोडडेव आन. 32 नीनवे नगर इन लॉकर न्याय इन दशिी ई दुनिया अन्द लॉकर सांगुळ नदिरकु, आंदरी दोषी ठहरूसयार; यतकी आंदुर योना अन्द प्रचार केळकु पाप माळोद बटि बुटुर, अदकि नोळी, ईल आव आन जो योना से भी धोडडेव आन.

मय इन दगिया

(मत्ती ५:१५; ६:२२,२३)

33<sup>०</sup>यावारा मंळसा दगिया होतताकु येलयारा होचकु या बरतन इन ल्यालमा ईटालून, लेकीन दीवट मा ईटतान क्कि बुळक बरावाळेर इक ऊजुळ सकिल. 34 नीन मय इन दगिया नीन कण्ण हून, इदुरसाटी याग नीन कण्ण नरिमल आव रा नीन सप्पा मय भी ऊजुळ इन घाई आद; लेकीन याग नीन कण्णगोळ अच बुरा आव रा नीन मय भी अंधार इन घाई आद. 35 इदुरसाटी सावधान ईरत क्कि जो ऊजुळ नीन दा आद अद अंधारकुप आगवाळुल. 36 इदुरसाटी अगर नीन सप्पा मय ऊजुळ आगुल अदकि अदुरद यातोदु भाग अंधार ईरवाळुल रा सप्पा अन्द सप्पा हगि ऊजुळ आदीत, हयांग आ समय आगतद याग दगिया तान चमक देल नीनी ऊजुळ कोळतद.”

नयिम इन गुरुगोळ अदकि फरीसीगोळद शक्षिा

(मत्ती २३:१-३६; मरकुस १२:३८-४०)

37 याग यीशू उन मातगोळ हेळकु आगेगीत रा यातोवारा फरीसी आऊन से वनिती माळदुन क्कि नान मान्या भोजन माळ. यीशू बुळक होगकु भोजन माळली कुरतून. 38 फरीसी इक ईद नोळकु अचमभा आत क्कि आव ऊमोर से पयले यहूदीगोळद रीत इन अनुसार कय तोळददील. 39 प्रभु आऊन से अंदुन, “हे फरीसीगोळा, नीव वाटी अदकि तंळग्या अक म्याक म्याकुच टु रा ऊदतीर, लेकीन नीम बुळक अंधार अदकि दुष्टता तुमकु आद. 40 हे नरिवुद्धीगोळा, याव व्हारया अन्द भाग माळयान, येन आव बुळक इन भाग माळीदलि? 41 लेकीन हा, जो नीम हात्ती आद अद गरीबगोळी कोटबुळी, रा नोळी, सब येनारा नीम साटी शुद्ध आगेदीत.

42 “पर हे फरीसीगोळा, नीम मा हाय! नीव पदीना अदकि सुदाब इन अदकि हापाळ प्रकार इन साग पात इन दसवा अंश कोळतीर, लेकीन न्याय इक अदकि परमेश्वर उन प्यार इक टाल्स बुळतीर; माळोद रा हून क्कि इवरी भी माळतेला ईरायदीर अदकि अवरी भी ईला बळायदरि.”

43 “हे फरीसीगोळा, नीम मा हाय! नीव यहूदी लॉकरुद सभागुहगोळ दा मुख्य-मुख्य आसन अदकि सात्तागोळ दा नमस्कार अदकि प्यार चाहासतीर. 44 हाय नीम मा! यतकी नीव आ होचकोमद कबरगोळ घाई आईर, यार मा लॉकरु नळुतार लेकीन अरालुर.”

45 आग ऊंद व्यवस्थापक आऊक उत्तर कोट्टुन, “हे गुरु, ई मातगोळद अंदुर देल नी नाम अपमान माळत्या.”

46 आव अंदुन, “हे व्यवस्थापकगोळा, नीम मा भी हाय! नीव हगि ओझा यदरी नेगोद कठनि आद, मंळसागोळ मा रचतीर लेकीन नीव सुद आ ओजागोळी नेगोर साटी तान ऊंद बेळुल भी हचालीर. 47 हाय नीम मा! नीव आ भवषियवक्तागोळद कबरगोळ माळतीर, यवरी नीमद अच आप्प-दादागोळ कोंद बुटीदुर. 48 इदुरसाटी नीव गवाह आईर, अदकि तान आप्प-दादागोळद कयालसागोळ देल सयमत आईर; यतकी आंदुर आंदरी कोंद बुटुर अदकि नीव आंदुरद कबरगोळ माळतीर. 49 इदुरसाटी परमेश्वर उन बुद्धी भी अंदाद, ‘ना आंदुर हात्ती भवषियवक्तागोळ अदकि प्ररतिगोळी कळाईन, अदकि आंदुर आंदुर दा टु यारारा अक कोंद बुट्टार, अदकि यारारा अक सतुस्यार.’ 50 ताकी यास भवषियवक्तागोळद खून दुनिया अन्द उत्पत्त दिेल वाहुसकु आग्याद, सप्पा मुंदुरद हिसाब ई दुनिया अन्द लॉकरु देल ताकोमकु आगुल: 51 हाबील उक कोंदकु आगीत आगुट्टु हुडुकु जकरयाह अक कोन्नोद ताका, जो वेदी अदकि मंदरि इन न्याड्या दा घात माळकु आगीत. ना नीम से खरा अनतीन, ई सप्पा मुंदुरद हिसाब ई समय इन लॉकरु देल ताकोमकु आदीत.

52 “हाय नीव व्यवस्थापकगोळ मा! नीव ग्यान इन कुंजी रा तान हात्ती इच ईटदीर, लेकीन नीव सुद अच प्रवेश माळीदलि, अदकि प्रवेश माळावाळेर इक भी रोक्स बुट्टीर.”

53 याग यीशू अल टु होट्टुन, रा नयिम इन गुरु अदकि फरीसी कय तोळकु आऊन हदि बदिदुर अदकि हापाळ धोळद वाद माळली हतदुर क्कि आव हापाळ सा मातगोळद चर्चा माळुल, 54 अदकि घात मा हतकु ईत्तुर क्कि आऊन बाय इन यातोदारा मात हुडुल.

## 12

पाखंड इन वरिद्ध चेतानवी

(मत्ती १०:२६,२७)



1 <sup>०</sup>ईददुर दा याग हजारो लॉकुरद भीळ हततेत, ईल ताका क्वांदुर आवुर दाबुर मा बळिली आगतोगोर, रा यीशु सब से पयले तान चेलागोळ से अनली कुरतुन, “फरीसीगोळद कपटरूपी खमीर देल सावधान ईरतीर. 2 <sup>०</sup>येनु होचकु हेलेच, जो तेरूकु आगतीदील; अदकि ना येनारा होचकु आद, जो जानूसकु आगतीदील. 3 इदुरसाटी जो येनारा नीव अंधार दा अंदीर, अद ऊजूळ दा केळकु आदीत; अदकि जो नीव बुळ्क इन कमरागोळ दा कानो कान अंदीर, अद छत मा टु प्रचार माळकु आदीत.

यार देल अंजेव?

(मत्ती १०:२८-३१)

4 “ना नीम से जो नान संगी हुईर अनतीन क्वां जो मय इन घात माळतार लेकीन अदुरद हदि मात्त येनु माळ सकालुर, आंदुर से अंजवाळी. 5 ना नीमी चेतवनी कोळतीन क्वां यार से अंज पायजे, घात माळदुर बाद्दा यार इक नरक दा हाक्कोद अधिकार आद, आ परमेश्वर से अच अंजी; हव, ना नीम से अनतीन, आऊन से अच अंजी.

6 <sup>०</sup>येन येदुद पैस्या अन्द अईद चमिणी पक्षी मारालव? तरी भी परमेश्वर अऊर दा टु ऊंद जीव इक भी मारालुन. 7 नीमव ताल्ला अन्द सप्पा चुट्टी भी आळकु आव, इदुरसाटी अंजवाळी, नीव हापाळ चमिणीगोळ से भी कमिती आईर.

यीशु अक् स्वीकार या अस्वीकार माळोद

(मत्ती १०:३२,३३; १२:३२; १०:११,२०)

8 “ना नीम से अनतीन जो यावारा मंळसागोळ मुंद नानी मानस कौडान आऊक मंळसा अन पार भी परमेश्वर उन स्वर्गादूतगोळद मुंद मानस कौडान. 9 लेकीन जो मंळसागोळद मुंद नान इनकार माळुल आऊन परमेश्वर उन स्वर्गादूतगोळद मुंद इनकार माळकु आदीत.

10 <sup>०</sup>जो यावारा मंळसा अन पार उन बरिध दा यातोवारा मात अनुल, आऊन अद अपराध माफ माळकु आदीत, लेकीन जो पवतिर आत्मा अन्द अपमान माळुल, आऊन अपराध माफ माळकु आगतीदील.

11 <sup>०</sup>याग लॉकुर नीमी सभागोळ अदकि न्यायाधीशगोळ अदकि अधकियारीगोळद मुंद ओतार, रा चनिता माळबाळेतीर क्वां नाव याता रीतदिले या येन उत्तर कोटटेव, या येन अदेव. 12 यतकी पवतिर आत्मा अदा समय नीमी कल्स बुट्टीत क्वां येन अनोद आद.”

ऊंद धनवान मूरख मंळसा अन्द उदाहरण

13 वाक भीळ दा टु ऊंद मंळसा यीशु से अंदुन, “हे गुरु, नान वार्ट से अन क्वां आप्प उन संपत्ती नान सांगुळ वाट्स कोमुल.”

14 आव आऊन से अंदुन, “हे मंळसा, याव नानी नीन न्यायी या बटवारा माळावाळा नयिकुत माळयान?” 15 अदकि आव आंदुर से अंदुन, “सावधान ईरी, अदकि हर प्रकार इन लोभ देल तान तान इक ऊळ्सकु ईटी; यतकी यारदारा जीवन आऊन संपत्ती मा नरिभर ईराल्द.”

16 यीशु आंदुर से ऊंद उदाहरण अंदुन: “यावारा धनवान उन जमीन मा धोळ उपज आत. 17 आग आव तान मन दा वचार माळली कुरतुन, ‘ना येन माळाईन? यतकी नान अल जागा हेलेच यल तान उपज ईट सकाईन.’ 18 अदकि आव अंदुन, ‘ना ईद माळाईन: ना तान लेल इन खर्यान मुरदकु अदुर से वळलीद माळाईन; अदकि अल तान सप्पा अन्न अदकि संपत्ती ईटाईन; 19 अदकि ना खुद तान जीव से अनाईन क्वां, नीन हात्ती हापाळ वर्ष इन साटी हापाळ संपत्ती ईटकु आद; चैन ईट, तनि, कुडु, वळलीद देल ईर.’ 20 लेकीन परमेश्वर आऊन से अंदुन, हे मूरख! ईदा ईळलक नीन जीव नीन से ताकोमकु आदीत; आग जो येनारा नी जमा माळया अद यारद आदीत?

21 “हगि अच आव मंळसा भी आन जो तान साटी धन जमा माळतान, लेकीन परमेश्वर उन नजर दा धनी हेलेच.”

परमेश्वर मा भरोसा ईटी

(मत्ती ६:२५-३४)

22 वाक यीशु तान चेलागोळ से अंदुन, “इदुरसाटी ना नीम से अनतीन, तान जीव इन चनिता माळबाळी क्वां नाव येन तनिदेव; ना तान मय इन क्वां येन हाक्केव. 23 यतकी भोजन से जीव, अदकि फळक्यागोळ से मय कमिती आद. 24 आकाश ईनव पक्षीगोळी नोळी; अवं ना बीजा हचताव, ना कोयताव; ना तान तनि जागा दा संगरूसकु ईटताव; तरी भी परमेश्वर अवरी पालसतान. नीम कमित रा पक्षीगोळ से हापाळ यक्कुल आद! 25 नीम दा टु हगि याव आन जो चनिता माळकु तान जदिगी दा ऊंद घळी भी वाळुस सकतान? 26 इदुरसाटी अगर नीव सब से स्याळद क्यालसा भी माळ सकालीर, रा दुसरा मातगोळद साटी येती चनिता माळतीर? 27 आळी दाकळव फूलगोळ मा ध्यान माळी क्वां अवं हयांग वाळुसताव, ना तान साटी फळक्यागोळ माळताव; तरी भी ना नीम से अनतीन क्वां सुलेमान राजा भी तान पुरा जीवन दा, अऊर दा टु यारदु धाई कपळा हाक्कु ईला ईरोन. 28 इदुरसाटी अगर परमेश्वर मैदान इन काडडा अक, जो ईद आद अदकि नाळ बेक्की दा झोकसकु आदीत, हगि कपळा हाकसुसतान; रा हे अल्पवशिवासीगोळा, आव नीमी येती हाकसुसतदिलि?”

☆ 12:1 १२:१ मत्ती १६:६; मरकुस ८:१५

☆ 12:2 १२:२ मरकुस ४:२२; लूका ८:१७

☆ 12:10 १२:१० मत्ती १२:३२; मरकुस ३:२९

☆ 12:11

१२:११ मत्ती १०:११,२०; मरकुस १३:११; लूका २१:१६,१५

29 “अदकि नीव ई मात इन खोज दा ईरवाळी कियेन तनिदेव अदकि येन कूळदेव, अदकि वचिर भी माळवाळी. 30 यतकी ई दुनया अन्द लॉकुर ई सप्पा वस्तुगोळ्द खोज दा ईरतद: अदकि नीम आप्प जान्सतान क्नि नीमी ई वस्तुगोळ्द जखवत आद. 31 लेकीन आऊन राज्य अन्द खोज दा ईरी, रा ई वस्तुगोळ्द भी नीमी सक्केदव.”

स्वर्गीय धन  
(मत्ती ६:१९-२१)

32 “हे नान स्याळ्द झण्ड इन लॉकुरा, अंजवाळी; यतकी नीमव आप्प परसनता देल, नीमी राज्य कोळोद चाहासयान. 33 तान संपत्ती मारकु दान माळबुळी; अदकि तान साटी हगि चीलागोळ्द माळी जो हाळोदव आगालव, मतलब स्वर्ग दा धन जमा माळी जो कम आगाल अदकि यऊर हात्ती काळल होगालुन, अदकि कळि भी बगिळुसाल. 34 यतकी यल नीम धन आद, अल नीम मन भी हतकु ईत्तीत.”

जागसतेला ईरी

35 “नीम नेळुगोळ्द कटकु ईरूल अदकि नीम दगिया होत्ताकु ईटी, 36 अदकि नीव आ मंळसागोळ्द धाई बनसी, जो तान स्वामी इन हादी कायेत्यार क्नि आव मदा दा टु याग बंदान, क्नि याग आव बंदकु दरवाजा ठोकसुल रा तुरनत आऊन साटी तेरू बुळल 37 धन्य आर आ दासगोळ्द यारी स्वामी बंदकु च्याता नोळल; ना नीम से खरा अनतीन क्नि आव नेळु कटकु आंदरी भोजन माळली कुरसयान, अदकि हात्ती बंदकु आंदुरद स्यावा माळयान. 38 अगर आव ईळलक इन दुसरा पहर या तसिरा पहर इक बंदकु आंदरी च्याता नोळल, रा आ दासगोळ्द धन्य आर.

39 “लेकीन “नीव ईद ध्यान ईटी क्नि अगर मान्ना अन्द स्वामी अरायदुन क्नि काळल याता समय बंदान, रा च्याता ईरायदुन अदकि तान मान्या मान्ना अन काळलपनी ईला आग गोळायदुन.” 40 नीव भी तयार ईरी; यतकी याता घळी नीव भी सोचालीर, अदा घळी ना मंळसा अन पार होट बंदान.

वशिवासलायक या अवशिवासलायक दास  
(मत्ती २४:४५-५१)

41 आग पतरस अंदुन, “हे परभु, येन ईद उदाहरण नी नाम से अच या सप्पा मंदुर से अनत्या.”

42 परभु अंदुन, आव वशिवासलायक अदकि बुद्धमिान सेवक याव हुन, यार्द मुनीम आऊक नौकर चाकरगोळ्द म्याकुच अधिकारी नयिक्त माळल क्नि आंदरी समय मा भोजन सामग्री कोळल. 43 धन्य आन आव दास, यारी आऊन स्वामी बंदकु हगि अच माळल नोळल. 44 ना नीम से खरा अनतीन, आव आऊक तान सप्पा संपत्ती मा अधिकारी नयिक्त माळयान. 45 लेकीन अगर आ दास तान मन दा ईद अनल क्नि नान स्वामी हापाळ समय देल बंदान, अदकि दास अदकि दासीगोळी बडुली-मेटली हतुल अदकि तदुर-कुळदुर दा हत्त ईतकु नशा दा चूर ईरूल. 46 रा आ दास उन स्वामी हगि दनि, याग आव आऊन हादी ईला कायतीदान, अदकि हगि समय यदरी आव जान्सालुन, बंदान अदकि आऊक भारी दण्ड कोटकु आऊन जागा अवशिवासीगोळ्द सांगुळ्द ठहरसयान.

47 आ दास जो तान स्वामी इन इच्छा जानसोन, पर तयार आगकु आऊन इच्छा अन्द अनुसार कार्य माळीदलि, हापाळ बळसकोडान. 48 लेकीन जो ईद ईला जान्सकु बळसकोमोद कार्य माळल आव कम बळसकोडान. इदुरसाटी यारी हापाळ कोटकु आग्याद, आऊन से हापाळ बेळकु आदीत; अदकि यारी हापाळ सौपसकु आग्याद, आऊन से हापाळ ताकोमकु आदीत.

यीशु उन कारण फूट बळोद  
(मत्ती १०:३४-३६)

49 “ना पृथ्वी मा बेक्की हचली बंदीन; अदकि नान हापाळ इच्छा आद क्नि अद बेक्की ईगलया हत्तेगाईत! 50 “नानी रा दुसरा प्रकार देल वपतसिमा ताकोमोद आद, अदकि यागासताका अद पुरा आगाल आगासताका ना ह्याग दुवधा दा ईराइन! 51 नीव येन समसतीर क्नि ना धरती मा मलिाप माळसुसली बंदीन? ना नीम से अनतीन; ईला, उलटा ब्यार माळसुसली बंदीन. 52 यतकी ईगी टु ऊद मान्या दा अईद मंदुर आपस दा दुश्मनी ईट्यार, मुर मंदुर येदद मंदुर से अदकि येदद मंदुर मुर मंदुर से. 53 आप्प पार उन, अदकि पार आप्प उन खलिाप होदान; मोय पोर इन, अदकि पोर मोय इन, आत्त साससा अन्द, अदकि सासस आत्ता अन्द खलिाप होदार.”

समय इन चमत्कार  
(मत्ती १६:२,३)

54 यीशु भीळ से अंदुन, “याग नीव बादल इक पश्चिमि टु येळत नोळतीर रा तुरनत अनतीर क्नि माळ बंदीत, अदकि हांग अच आगतद; 55 अदकि याग दक्षिण टु हवा नळत नोळतीर रा अनतीर क्नि बसिल हत्तीत, अदकि हांग अच आगतद. 56 हे कपटीगोळा, नीव पृथ्वी अदकि आकाश इन रूप-रंग दा भेद माळ सकतीर, लेकीन ई युग इन बारा दा भेद माळोद येती जान्सालीर?

सांगुळवाळेर सांगुळ समझौता  
(मत्ती ५:२५,२६)

57 “नीव खुद अच नरिणय येती माळ कोमालीर क्नि उचित येन आद? 58 याग नी तान मुदई इन सांगुळ न्यायाधीश उन हात्ती होगोत्या रा हादी मा अच आऊन से बळिसुसोद प्रयत्न माळकोम, हगि आगवाळल क्नि आव नीनी न्यायी

\* 12:35 १२:३५ मत्ती २५:१-१३

\* 12:36 १२:३६ मारकुस १३:३६-३६

\* 12:39 १२:३९ मत्ती २४:४३,४४

\* 12:50 १२:५० मारकुस

इन हात्ती जेडुकु वॉइल, अदकि नयायी नीनी सपिाही इक सोपसूल अदकि सपिाही नीनी बंदीगृह दा हाक बुळ्ल. 59 ना नीम से अनतीन कं यागासताका नी कवळी-कवळी तुम कोळतीदील आगासताका नी तान तान इक अल टु बळिस सकतीदलि.”

## 13

पाप माळोद बंद माळी या सोतोगी

1 आ समय थवाळासा लॉकुर पोहबुसदुर, अदकि यीशु से आ गलीलीगोळद वारा दा चर्चा माळली कुरतुर, यारुद खुन पलातुस माळीदुन. 2 ईद केळकु यीशु आंदुर से उत्तर दा ईद अंदुन, “येन नीव समसतीर कंई गलीली येन सप्पा गलीलीगोळ से यककुल पापी ईरोर कं आंदुर मा हगि वपित्ती बत्त? 3 ना नीम से अनतीन कंईला; लेकीन अगर नीव पाप माळोद बंद माळतीदील रा नीव सप्पा मुंदुर भी ईदा रीतदिल नाश आगीदीर. 4 या, येन नीव समसतीर कं आंदुर अठरा मुंदुर यार मा शीलोलोह इन गुम्मत बत्त, अदकि आंदुर दबसकु सोतोदुर: यूरूशलेम इन अदकि ईरावाळर से यककुल अपराधी ईरोर? 5 ना नीम से अनतीन का ईला; लेकीन अगर नीव पाप माळोद बंद माळतीदील रा नीव सप्पा मुंदुर भी ईदा रीतदिल नषट आदीर.”

बर्ना काय इन अंजीर इन मारर इन उदाहरण

6 बाक यीशु ईद उदाहरण भी अंदुन: “यारदारा अंगुर इन केई दा ऊंद अंजीर इन मारर हतकु ईरोद. आव अदुरदा काय हुंदसली बंदुन, लेकीन नोळीदील. 7 आग आव बेल इन कायावाळा से अंदुन, ‘नोळ, मूर वर्ष टु ना ईद अंजीर इन मारर दा काय हुंदसली बरतीन, लेकीन नोळालीन. इदरी कळद बुळ कंईद जागा अक भी येती रोक्सकु ईटुल?’ 8 आग बेली कायावाळा उत्तर कोटदुन, ‘हे स्वामी, इदरी ई वर्ष अदकि ईरगोळ कं ना इदुर नाकु दी अगुळकु खात हाककाईन. 9 बरावाळा साल दा अगर फलसत रा भला, ईलारा अदरी कडु कोमेत.’”

आराम इन दनि कुबळी आरत इक चंगा माळोद

10 वशिराम इन दनि यीशु ऊंद यहूदी लॉकुरद सभागृह दा उपदेश माळोन. 11 अल ऊंद आरत ईरोर यारी अठरा वर्ष टु ऊंद कमजोर माळावाळा दुष्टआत्मा हतकु ईरोद, अदकि आक कुबळा आगेगीदुर अदकि यातोदु रीतदिल सीधा ईला आग सकोर. 12 यीशु आक इक नोळकु कारदुन अदकि अंदुन, “हे आरत, नी तान कमजोरी देल वळ्लेर आगेद.” 13 आग आव आकनि मा कय ईटदुन, अदकि आक तुरन्त सरका आगेदुर अदकि परमेश्वर उन महिमा माळली हतदुर.

14 इदुरसाटी कं यीशु वशिराम इन दनि आकी वळलीसा माळीदुन, यहूदी इन यहूदी लॉकुरद सभागृह अन्द सरदार सट्टि दा बंदकु लॉकुर से अनली कुरतुन, “आर: दनि आव यहूदा कयाल्सा माळ पायजे अत: आ अच दनिगोळ दा बंदकु चंगा आगुल, लेकीन वशिराम इन दनि दा ईला.”

15 ईद केळकु परभु उत्तर कोटदुन, “हे कपटीगोळा, येन वशिराम इन दनि नीम दा टु हर ऊंद मंळसा तान वस्ता या गधा अक क्वाटक्या दा टु खोलसकु नीर कुळसली वयालीर? 16 रा येन उचति ईला ईरोद कंई आरत जो अब्राहम इन औलाद उर यारी शैतान अठरा वर्ष टु कटकु ईटीदुन, आराम इन दनि ईद बंधन देल वळिसकु आगायदुर?” 17 याग आव ई मातगोळी अंदुन, रा आऊन सप्पा वरिाधी सर्मुसेदुर, अदकि सप्पा भीळ अव महिमा अन्द कयाल्सागोळ से जो आव माळतोगोन, खुश आदुर.

राई इन बीजा अन्द उदाहरण

(मत्ती १३:३१-३२; मरकुस ४:३०-३२)

18 बाक यीशु अंदुन, “परमेश्वर उन राज्य यार घाई आद? अदकि ना आऊन उपमा यार देल कोळाईन? 19 आव राई इन ऊंद बीजा अन्द घाई आन, यारी यावारा मंळसा हुळकु तान केई दा बोऊसदुन: अदकि अद वाळुसकु मारर आगेत; अदकि आकाश इन पक्षीगोळ अदुर डगालीगोळ मा बसेरा माळदव.”

खमीर इन उदाहरण

(मत्ती १३:३३)

20 यीशु बाक अंदुन, “ना परमेश्वर ऊन राज्य अन्द उपमा यार देल कोळाईन? 21 आव खमीर इन घाई आन, यदरी याकारा आरत हुळकु हापाळ सा हीट दा मल्लुसदुर, अदकि आगूत-आगूत अद सप्पा हीट खमीर आगेत.”

स्याळद दरवाजा

(मत्ती ७:१३,१४-२१-२३)

22 यीशु नगर-नगर, अदकि ऊर-ऊर आगकु उपदेश माळतेला यूरूशलेम इन दी होगोन, 23 रा यावारा आऊन से केळदुन, “हे परभु, यारी उद्धार सकितद आंदुर थवाळासा अच आर?”

यीशु आऊन से अंदुन, 24 “स्याळद हादी टु प्रवेश माळोद कोशशि माळी, यतकी ना नीम से अनतीन कं हापाळ सा प्रवेश माळोद चाहस्यार, अदकि माळ सकतीदलि. 25 याग मान्ना अन्द स्वामी यदकु दरवाजा बंद माळ कोंडान, अदकि नीव व्हार्या नीदुरकु दरवाजा ठोकसकु अनी, हे परभु, नाम साटी खोलस बुळ, अदकि आव उत्तर कोळुल, ‘ना नीमी अरालीन, नीव येलेर हुईर?’ 26 आग नीव अनली हत्तीर, नाव नीन सामन तदिन-कुळदीन अदकि नी नाम सात्तागोळ दा उपदेश माळद. 27 लेकीन आव अंदान, ना नीम से अनतीन, ‘ना अरालीन नीव येलेर हुईर. हे अन्याय माळावाळरा, नीव सब नान से दुर आईर.’ 28 ००अल वोरलोद अदकि हल्ल कचचोद आदीत; याग नीव अब्राहम

अदकि इसहाक अदकि याक्व अदकि सब भवषियवक्तागोळी परमेश्वर उन राज्य दा कुरतकु नोळीर, अदकि तान तान इक व्हाऱ्या तेगुत नोळीर. <sup>29</sup> अदकि पूरव अदकि पश्चिमि; उत्तर अदकि दक्षणि टु लॉकुर बंदकु परमेश्वर उन राज्य अनंद भोज दा भागी आदार. <sup>30</sup> अदकि आंदुर जो ईग हदिळोर आर आंदुर पयला आदार, अदकि जो ईग पयला आर, आंदुर हदिळोर आदार.”

यीशु उन यूरश्लेम इन साटी प्यार

<sup>31</sup> अदा घळी येनारा फरीसीगोळ बंदकु यीशु से अंदुर, “ईल टु होटक येल्यारा अलग होटोग, यतकी हेरोदेस नीनी कोंद बुळोद चाहासतान.”

<sup>32</sup> यीशु आंदुर से अंदुन, “होगकु आ कोलया से अंदबुळी कानोळ, ना ईद अदकि नाळ दुष्टआत्मागोळी नेगुतीन अदकि बमिरागोळी चंगा माळतीन, अदकि तसिरा दनि तांद क्यालसा पुरा माळाईन. <sup>33</sup> तरी नीनी ईद अदकि नाळ अदकि तसिरा दशि नळोद जरूरी आद, यतकी आगसकाल कयावारा भवषियवक्ता यूरश्लेम इन व्हाऱ्या कोन्सुसकु आगुल.

<sup>34</sup> “हे यूरश्लेम! हे यूरश्लेम! नी जो भवषियवक्तागोळी कोंद बुळत्या, अदकि जो परमेश्वर उन दी टु अपमान हात्ती कळकु आग्यार आंदुर मा पथराव माळत्या. यास अच घन ना ईद चाहासदीन क हयांग कोळी तान पाड्डगोळी तांद पक्किगोळद ल्यालमा जमा माळतद, हांग अच ना भी नीन चकिरगोळी जमा माळाईन, पर नीव ईद चाहासीदलि. <sup>35</sup> नीम मानना नीम साटी उजाळ बटिकु होगतद, अदकि ना नीम से अनतीन: यागासताका नीव ईला अंदीर, धन्य आन आव, जो प्रभु ऊंद हेसुर देल बरतान, आगासताका नीव नानी बाक यागलु नोळतीदलि.”

## 14

आराम इन दशि चंगा माळोद

<sup>1</sup> बाक आव आराम इन दनि फरीसीगोळ सरदारगोळ दा टु यारदारा मान्या रोटी तनिली होदुन; अदकि आंदुर आऊंद घात दा ईरोर. <sup>2</sup> अल ऊंद मंळसा आऊन सामने ईरोन, यारी मय इन सुजन इन बमिरी ईरोद. <sup>3</sup> ईदुर मा यीशु व्यवस्थापकगोळ अदकि फरीसीगोळ से अंदुन, “नाम नयिम इन अनुसार येन आराम इन दनि वळलीद माळोद उचित आद या ईला?”

<sup>4</sup> लेकीन आंदुर सुंगा ईतुर. आग आव आऊक मूटकु चंगा माळदुन अदकि होग गोटीदुन, <sup>5</sup> यीशु आंदुर से अंदुन, “नीम दा टु हगि याव आन, यार्द पार या वस्ता भाय दा बदिगुल अदकि आव आराम इन दनि अदरी तुरन्त व्हाऱ्या तेगुतदील?”

<sup>6</sup> आंदुर ई मातगोळद येनु उत्तर कोळ सकदील.

नम्रता अदकि अतथि-सत्कार

<sup>7</sup> याग यीशु नोळदुन क आमन्तरति लॉकुर हयांग मुख्य-मुख्य जागा नीवळुस कोमतार रा ऊंद उदाहरण कोटक आंदुर से अंदुन; <sup>8</sup> “याग यावारा नीनी मदा दा कारदान, रा मुख्य जागा मा कुरबाळत, ईदारा हगि आगबाळल क आव नीन से भी यावारा धोड्डेव उक नेवता कोटीदान, <sup>9</sup> अदकि याव नीनी अदकि आऊक येदुदु मुंदरी नेवता कोटान, बंदकु नीन से अनुल, ईऊक जागा कोळ, अदकि आग नीनी सर्मादि आगकु सब से ल्यालमा जागा दा कुरोद बदिदीत. <sup>10</sup> पर याग नीनी काक्कु आगुल रा सब से ल्यालमागोळद जागा मा होगकु कुर क याग आव, याव नीनी बावस्या कोटान बर्ल, रा नीन से अनुल, ‘हे संगी, मुंद बंदकु कुर,’ आग नीन सांगुळ कुरावाळेरद मुंद नीन वळाई आदीत. <sup>11</sup> यतकी जो यावारा तान तान इक धोड्डेव हेळ्यान, आव स्याणैव माळकु आदान; अदकि जो यावारा तान तान इक स्याणैव हेळ्यान, आव धोड्डेव माळकु आदान.”

<sup>12</sup> आग यीशु तान बावस्या कोटावाळा से भी अंदुन, “याग नी हागुल इन या ईळलक इन भोज ईट, रा तान संगीगोळी या वार्दुरी या कुटुम्बगोळ या धनवान मानना हातळोर इक कार्वाळ, ईदारा हगि आगबाळल क आंदुर भी नीनी बावस्या कोळल, अदकि नीन वाटा खंळसेगुल. <sup>13</sup> लेकीन याग नी भोज माळ्या रा कगालगोळी, लंगळा, लुलागोळी अदकि कुड्डगोळी कारू. <sup>14</sup> आग नी धन्य आदया, यतकी आंदुर हात्ती नीनी बदला कोळली येनु हेलेच, लेकीन नीनी न्यायीगोळ जतिता आगदुर मा इदुर प्रतफल सक्कीत.”

धोळद भोज इन उदाहरण

(मत्ती २२:१-१०)

<sup>15</sup> आऊन सांगुळ भोजन माळावाळेर दा टु ऊंद मंळसा ई मातगोळी केळकु यीशु से अंदुन, “धन्य आन आव जो परमेश्वर उन राज्य दा धोळद भोज तदिन.”

<sup>16</sup> यीशु आऊन से अंदुन, “यावारा मंळसा धोळद भोज कोटदुन अदकि हापाळ मुंदुर इक कारदुन. <sup>17</sup> याग भोजन तयार आगेत रा आव ताम दास उन कय देल आमन्तरति लॉकुरी कार्ली कळदुन ‘बरी, ईग भोजन तयार आद.’ <sup>18</sup> पर आंदुर सब इन सब माफ वेळली कुरतुर. पयला आऊन से अंदुन, ना केई कोंड कोंडीन, अदकि जरूरी आद कनि अदरी नोळाईन; ना नीन से वनिती माळतीन, नानी माफ माळकोम. <sup>19</sup> दुसरा मंळसा अंदुन, ना अईद जोडी वस्ता कोंड कोंडीन, अदकि अऊर जाँव माळली होगतीन; ना नीन से वनिती माळतीन नानी माफ माळ बुळ. <sup>20</sup> ऊंद मंळसा मात्त अंदुन, ना मदा माळीन, इदुरसाटी ना बर सकालीन.

21 “आ दास बंदकु तान स्वामी इक ई मातगोळी अंदकु हेळदुन. आग मान्यागोळ स्वामी सट्टि दा बंदकु तान दास से अंदुन, ‘नगर इन सात्तागोळ दा अदकि गलीगोळ दा तुरन्त होगकु कंगालगोळी, लुला, लंगळागोळ अदकि कुढगोळी ईल तरी.’” 22 दास मातत अंदुन ‘हे स्वामी, ह्यांग नी अंददि, हांग अच माळकु आग्याद; अदकि तरी भी जागा आद.’ 23 स्वामी दास से अंदुन, ‘सळकगोळ मा अदकि वाळागोळ दी होग अदकि लॉकुरी वविश माळकु ता ताकी नान मान्ना तुममेगुल. 24 यतकी ना नीम से अनतीन कि आ आमन्त्रति लॉकुर दा टु यारू नांद भोज इक नेकतीदलि.’”

चेला वनसोद कमित

(मत्ती १०:३७,३८)

25 याग धोळद भीळ आऊन सांगुळ होगोद, रा यीशू हदि तरिगकु आंदुर से अंदुन, 26 \* “अगर यावारा नान हात्ती वंदान अदकि तान आप्प अदकि मोय अदकि हगिस अदकि चकिोर अदकि वार्दुर अदकि आकतीगेर उलटा तान जीव इक भी नान से यककुल अपर्ययि जान्तालुन, रा आव नान चेला आग सकालुन; 27 \* अदकि जो यावारा मंळसा दुख नेगुकु कूरस मा सायली तयार आगालुन, अदकि नान हदि बरालुन, आव भी नान चेला आग सकालुन.

28 “नीम दा टु याव आन जो मान्ना माळोद चाहस्तीदान, अदकि पयला कुरतकु खरच जोळसालुन कयात खरचा आदीत अदरी पुरा माळोद ताकत नान हात्ती आद का ईला? 29 ईदारा हगि आगवाळुल कि याग आव पायवा रा हाकक बुट्टुन पर पुरा तयार माळसकीदलि, रा सप्पा नोळावाळेरे ईद अंदकु आऊक मज्याक दा हारसली हतदुर, 30 ईव मंळसा माळली रा कुरतुन पर तयार माळ सकदील!”

31 “या याव हगि राजा आन जो दुसरा राजा से युद्ध माळली होगतान, अदकि पयले कुरतकु वचारि माळ कोमालुन कि जो ईप्पत हजार सेना हुळकु नान मा येरकु बरतान, येन ना हत्त हजार सेना हुळकु आऊंद सामना माळ सकतीन, या ईला? 32 ईलारा आऊन दुर ईरतेला अच आव स्वर्गदूतगोळ इक कळुकु मलिाप माळोद चाहास्यान. 33 ईदा रीतदिल नीम दा टु जो यावारा तान सब येनारा त्यागसालुन, आव नांद चेला आग सकालुन.

बनि स्वाद इन ऊप्प

(मत्ती ५:१३; मरकुस ९:५०)

34 “ऊप्प रा वळलीसा आद, लेकीन अगर ऊप्प इन स्वाद बगिळुसेत, रा अद याता चजि देल नमकीन माळकु आदीत. 35 अद ना रा जागा अन्द अदकि ना खात इन साठी कयाल्सा दा बरतद: अदरी रा लॉकुर व्हारया भीट बुळतार. यारव केळव कवि आव आव केळ कोमुल.”

## 15

काळद म्यांडा अन्द उदाहरण

(मत्ती १८:१२-१४)

1 \* सब कर ताकोमावाळेरे अदकि पापी यीशु उन हात्ती बंदुर ताकी आऊन केळुल. 2 पर फरीसी अदकि नयिम इन गुरु कुळकुळसुकु अनली कुरतुर, “ईव पापीगोळ से सकितान अदकि आंदुर सांगुळ तनितान.” 3 आग आव आंदुर से ईद उदाहरण अंदुन:

4 “नीम दा टु याव आन यारद सौ म्यांडागोळ ईरुल, अदकि अऊर दा टु ऊंद काळदोगुल, रा नीन्यानव म्यांडागोळी आळी दा बटिकु, आ काळद म्यांडा अक यागासताका सकिकाल आगासताका हुँदसतेला ईरवाळुल? 5 अदकि याग सकिकेगताव, आग आव बळा खुशी देल अदरी खांदा मा नेगु बुळतान; 6 अदकि मान्या बंदकु संगीगोळी अदकि मान्ना हातळोरे लॉकुरी जमा माळकु अनतान, ‘नान सांगुळ खुशी माळी, यतकी नान म्यांडा जो काळदोगीत सकिकेग्याद.’ 7 ना नीम से अनतीन कि ईदा रीतदिल ऊंद मन तरिगुसावाळा पापी इन बारा दा भी स्वर्ग दा ईट अच खुशी आदीत, याट कि नीन्यानव ईत्ता न्यायीगोळद बारा दा आगाल्द, जो पाप माळोद पयला अच बटि बुटार.

काळद सकिका अन्द उदाहरण

8 “या याक हगि आर्त ईतीदार यारद हात्ती हत्त सकिकागोळ ईरुल, अदकि अऊर दा टु ऊंद काळदोगुल, रा आक दगिया होत्ताकु अदकि मान्ना उळ्यग उळ्यगकु, यागासताका आ सकिका सकिकेगाल जी जान हचकु हुँदसतीदलि? 9 अदकि याग सकिकेगताव, रा आक तान सैलीगोळी अदकि मान्ना बाजुवाळेरे इक जमा माळकु अनतार, ‘नांद सांगुळ खुशी माळी, यतकी नांद सकिका जो काळदोगीत सकिकेग्याद.’ 10 ना नीम से अनतीन कि ईदा रीतदिल ऊंद मन तरिगुसावाळा पापी अन्द बारा दा परमेश्वर उन स्वर्गदूतगोळद मुंद खुशी आगतद.”

काळकु पार ऊंद उदाहरण

11 बाक यीशु अंदुन, “यावारा मंळसा नव येदह चकिोर ईरोर. 12 आंदुर दा टु स्याणेव आप्प से अंदुन, ‘हे आप्पा, संपत्ती दा टु जो भाग नांद आद अद नानी कोटबुळी.’ आव आंदरी तान सम्पत्ति वाट्सदुन. 13 यककुल दिन बतिसलीका ईरव कि स्याणेव पार सब येनारा जमा माळकु दुर द्याश इक होटोदुन, अदकि अल कुकुरम इन कयाल्सा दा तान सप्पा सम्पत्ति हारस बुट्टुन. 14 याग आव सब येनारा खरच माळ कौडुन, रा आ द्याश दा धोळद अकाल वतित, अदकि आव कंगाल आगेदुन. 15 इदुरसाटी आव आ द्याश दा अल ईरावाळा ऊंद मंळसा अन्द मान्या कयाल्सा नोळली होदुन. आव आऊक तान कय दा हंदी आळसोर साटी कळुदुन. 16 अदकि आव चाहासोन कि अव

\* 14:26 १४:२६ मत्ती १०:३७

\* 14:27 १४:२७ मत्ती १०:३८; १६:२४; मरकुस ८:३४; लूका ९:२३

\* 15:1 १५:१ लूका ५:२९,३०

फललीगोळ से यवरी हंदी तनिव, तांद व्हाट्टा तुममुल; अदकि आऊक याऊ येनु ईला कोळोन. 17 याग आव तान होश दा बंदुन आग अनली कुरतुन, नान आप्प ऊंद यासारा अच मजदूरगोळी व्हाट्टा से यककुल रोट्टी सकिताव, अदकि ना ईल उपास सायेंतनि. 18 ना ईग यदकु तान आप्प उन हात्ती होगाईन अदकि आऊन से अनाईन क्कि हे आप्प, ना स्वर्ग इन वरिध दा अदकि नीन नजर दा पाप माळदीन. 19 ईग ई लायक ईतीदील क्कि नानी नीन पार अंदकु आगुल, नानी तान ऊंद मजदूर उन घाई ईट कोम. 20 आग आव यदकु, तान आप्प उन हात्ती होदुन:

“आव ईगलया दुर अच ईरोन क्कि आऊन आप्प उक आऊक नोळकु दया वत्त, अदकि ओळतेला आऊक तान याददा से हचदुन, अदकि आऊंद हापाळ चुममा ताकोडुन. 21 पार आऊन से अंदुन, हे आप्प, ना स्वर्ग इन वरिध दा अदकि नीन नजर दा पाप माळीन; ना ईग नीन पार अना लायक ईतीदील.” 22 लेकीन आप्प तान दासगोळ से अंदुन, ‘जल्दी वळलीसा सा वळलीसा कपळा तेगुक्क आऊक हाकसुसी, अदकि आऊंद कय दा ऊंगरा, अदकि कालगोळ दा केरू हाकसुसी, 23 अदकि पालसद व्हात तनकु कोणणी ताकी नाव तनिदेव अदकि खुशी मान्सेव. 24 यतकी नानव ईव पार सोतोगदिन, बाक जत्तिता आग्यान: काळदोगदिन, ईग सकिकेग्यान.’ अदकि आंदुर खुशी माळली कुरतुर.

25 “लेकीन आऊन धोळ पार केई दा ईरोन. याग आव बरतेला मान्ना अनंद हात्ती पोहचुसदुन, रा आव गाना मुरसोद अदकि कृणोद आवाज केळदुन. 26 इदुरसाटी आव ऊंद दास उक कारूकु केळदुन, ‘ईद येन आगेत्याद?’ 27 आव आऊन से अंदुन ‘नीन स्याणेव वार्ट बंदान, अदकि नीन आप्प आऊक भला चंगा नोळ्यान, इदुरसाटी नीन आप्प धोळद पालसद व्हात कळसुसयान.’

28 “ईद केळकु आव सट्टि देल तुममेदुन अदकि बुळक होगोद चाहासीदिल, लेकीन आऊन आप्प व्हाण्या बंदकु आऊक मनुसली कुरतुन. 29 आव तान आप्प उक उत्तर कोट्टुन, ‘नोळ, ना ईस वर्ष टु नीन स्यावा माळीतीन अदकि ना यागलु भी नीन आग्या टालसीदील, तरी नी नानी यागलु ऊंद मर्री इन पाड्डा भी कोटीदील क्कि ना अदरी वोतकु तान संगीगोळी सांगुळ खुशी माळाईन. 30 लेकीन याग नीनव ईव पार बंदुन, याव नीन सप्पा संपत्ती वेश्यागोळ मा हारस बुट्टुन, तरी आऊन साठी नी धोळद पालसद पाड्डा कळसुस बुट्टु.’ 31 आप्प तान धोळ पार उन से अंदुन, ‘नान पारा, नी हमेशा नान सांगुळ ईत्या; अदकि जो येनारा नांद आद अद सप्पा अपमान अच हुन. 32 लेकीन नामी ईग खुशी माळोद अदकि मग्न ईरोद आद यतकी नीनव ई वार्ट सोतोगदिन, ईग जत्तिता आगेग्यान; अदकि पयले काळदोगदिन, ईग सकिकेग्यान.’”

## 16

### चतुर मुनीम

1 बाक यीशु चेलागोळ से भी अंदुन, “यातोवारा धनवान ईनव ऊंद मुनीम ईरोन, अदकि लॉकुर आऊन सामने आऊन मा ईद दोष हचदुर क्कि आव अपमान सप्पा सम्पत्ती हारस कोमतान. 2 इदुरसाटी आव आऊक कारूकु अंदुन, ईद येन हुन जो ना नीन बारा दा केळेतीन? तांद मुनीमगीरी इन लेखा कोळ, यतकी नी मुंद नळकु भंडारी ईरसकाल.” 3 आग मुनीम वचिर माळली कुरतुन, “ईग ना येन माळाईन? यतकी नान स्वामी रा ईग इन कयाल्सा नान कय दा टु कसेत्यान. मुण्ण रा नान से अगुळकु आगाल; अदकि भीख वेळदुर दा नानी शरम बरतद. 4 ना सम्सेगीन क्कि येन माळाईन ताकी याग ना मुनीम इन कयाल्सा मा टु तेगुक्क आगाईन रा लॉकुर नानी तान मान्नागोळ दा ताकोम कोमुल.”

5 “आग आव ताम स्वामी इन देनदारगोळी ऊंद-ऊंद माळकु कारदुन अदकि पयला देनदार उन से केळदुन, नीन मा नान स्वामी इन याट करज आद?” 6 आव अंदुन, “सौ माफ जैतुन इन याण्णा,” आग आव आऊन से अंदुन, “तान खाता हुडु अदकि कुरतुकु तुरन्त पचास मन लखिस कोम.” 7 बाक आव दुसरा से केळदुन, नीन मा याट करज आद? आव अंदुन, “सौ मन गोदी नव बाँरा,” आग आव आऊन से अंदुन, तान खाता दा येदट सौ लखिस कोम.

8 “स्वामी आ नयायी मुनीम उन वाहवाही माळदुन यतकी आव चतुराई देल कयाल्सा माळदुन. ई दुनया अन लॉकुर तान समय इन लॉकुर सांगुळ रीत वियवहारगोळ दा ऊजुळ दा नळावार्ड लॉकुर से यककुल चालाक आर.”

9 अदकि यीशु आंदुर से अंदुन क्कि दुनया अन धन देल तान साठी संगी माळकोमी, यतकी याग आंदुर होगुत ईत्तार रा आंदुर नीमी अननत नवासगोळ दा ताकोम कोमुल. 10 जो थवाळासा दा वशिवासलायक आन, आव हापाळ दा वशिवासलायक आन: अदकि जो थवाळासा दा अनयायी आन, आव हापाळ दा भी अनयायी आन. 11 इदुरसाटी याग नीव दुनया अन धन दा खरा ठहूसतीदील, रा वशिवासलायक धन नीमी याव सोपसयान? 12 अदकि अगर नीव दुसरा लॉकुर धन इन प्रती वशिवासयोग्य ईरतीदील रा जो नीमद धन आद, अदरी नीमी यार कोट्टार?

13 “यावारा दास येदद स्वामीगोळद स्यावा माळ सकालुन: यतकी आव रा ऊंद से दुश्मनी अदकि दुसरा से प्यार ईत्यान; या ऊंद मंळसा अक ईमानदार अदकि दुसरा अक नीच जानसयान. नीव परमेश्वर अदकि धन येदद स्यावा माळ सकालीर.”

यीशु उन थवाळासा उपदेश

(मत्ती ११:१२,१३; ५:३१,३२; मरकुस १०:११,१२)

14 फरीसी जो धन इन लालवी ईरोर, ई सब मातगोळी केळकु अवरी मज्याक दा हारसली हतदुर. 15 यीशु आंदुर से अंदुन, नीव रा मंळसागोळ मुंद तान तान इक नयायी ठहूसतरि, लेकीन परमेश्वर नीम मन इक जानसतान, यतकी जो वस्तु मंळसागोळद नजर दा महान आद, अद परमेश्वर ऊंद हात्ती बेकार आद.

16 \*मूसा अन्द व्यवस्था अदकि भवषियवक्ता यहून्ना बपतसिमा कोळावाळा ताका ईरूल; आ समय टु परमेश्वर उन राज्य अन्द खुशखबरी केळसकु आगेत्याद, अदकि हर यावारा अदुर दा प्रबलता देल प्रवेश माळतान. 17 \*आकाश अदकि पृथ्वी इन टलसोद व्यवस्था अन्द ऊद बदि उन मटिसोर से यक्कुल आसान आद."

18 \*जो यावारा मळसा तान हगिस उक छोळ चट्टी कोटकु दुसरा से मदा माळतान, आव व्यभचार माळतान, अदकि जो यावारा हगि छोळ चट्टी वळत आरत इन से मदा माळतान, आव भी व्यभचार माळतान."

धनी मळसा अदकि लाज़र

19 "ऊद धनवान मळसा ईरोन जो रेशमी धागा अन्द कपळा अदकि मुलायम कपळा हाकतोगोन अदकि हर रोज सुख-विलास देल ईरतोगोन. 20 अदकि लाज़र हेसुर नव ऊद कंगाल मळसा धावगोळ देल तुमकु आ धनी मळसा अन्द दरवाजा मा बटिकु आगतोगोन, 21 अदकि आव चाहामोन कि धनवान इन मेज माकळोद बदिद खाना देल तान वहाट्टा तुमयान; ईल ताका कि नायगोळ भी बंदकु आऊन धावगोळी नेकतोगव."

22 "हगि आत कि आव गरीब मळसा सोतोदुन, अदकि स्वर्गदूतगोळ आऊक वोतकु अब्राहम उन हात्ती पोहचुसदुर. आव धनवान मळसा भी सोततुन अदकि नळसकु आदुन, 23 अदकि मृत्यु अन्द नुनया दा आव पीळा दा बटिकु तान कण्णगोळी नेगदुन, अदकि दुर अब्राहम उन हात्ती लाज़र उक नोळदुन." 24 आग आव कारकु अंदुन, "हे आप्प अब्राहम, नान मा दया माळकु लाज़र उक कळुबुळ, ताकी आव तान बेळल इन सरि नीर दा नेनाककु नान लयालग्या अक टंडा माळुल, यतकि ना ई ज्वाला दा तळपुसेतनि."

25 लेकीन अब्राहम अंदुन, "हे पारा, याद माळ कि नी तान जीवन दा वळ्लीद वस्तुगोळी कोड कोडया, अदकि हांग अच लाज़र बेकार वस्तुगोळी: लेकीन ईग आव ईल सुख ताकोमेत्यान, अदकि नी तळपुसेत्या. 26 ई सब मातगोळी बटिकु नाम्द अदकि नीम्द न्याडया ऊद गडडा ठहसकु आग्याद कि जो ईल टु आप्पाटी नीम हात्ती होगोद चाहासतार, आंदुर होगसकीदलि; अदकि ना यावारा अल टु ईपाटी नाम हात्ती बरसकीदलि."

27 आ धनी मळसा अंदुन, "रा हे आप्पा अब्राहम, ना नीन से वनिती माळतीन कि नी लाज़र उक नान आप्प उन मान्या कळु, 28 यतकि अल नान अईद वारट्टर आर; आव आंदुर मुंद ई मातगोळ्द चेतावनी कोळुल, हगि आगवाळुल कि आंदुर भी ई पीळा अन्द जागा दा बरूल."

29 अब्राहम आऊन से अंदुन, "नीन वारट्टर हात्ती रा मूसा अन्द नयिम अदकि भवषियवक्तागोळ्द कतावगोळ आव जो आदरी चेतावनी कोळताव, आंदुर अदुर्द केळुल." 30 आव अंदुन, "ईला, हे आप्प अब्राहम; पर अगर यावारा जतिता आगकु आंदुर हात्ती होगुल, रा आंदुर पापगोळी माळोद बंद माळ बुट्टार." 31 अब्राहम आऊन से अंदुन, "जब आंदुर मूसा अदकि भवषियवक्तागोळ्द केळालुर, रा अगर सोत्तुर दा टु यावारा जतिता भी आगुल तरी आऊद मान्सालुर."

## 17

पाप, वशिवास, कर्तव्य

(मत्ती १८:६,७,२१,२२; मरकुस ९:४२)

1 वाक यीशु तान चेलागोळ से अंदुन, "ईद रा आगोद अच आद कि मळसा थवाळासा मातगोळ कारण पाप दा वळिल, लेकीन हाय, आ मळसा मा यार कारण पाप आगताव! 2 जो ई स्याणेर दा टु यावारा ऊद मळसा अक पाप दा हाकतान, आऊन साटी ईद भला आगाईत कि चक्की इन पट्टा आऊन कुतक्या दा हल्लिगुसकु आगाईत, अदकि आऊक समुर्द दा हाककु आगाईत." 3 \*सचेत ईरी;

अगर "नीन वार्ट अपराध माळुल रा आऊक समझुस, अदकि अगर पसतावा माळतान रा आऊक माफ माळ. 4 अगर हागुल तमि दा आव येळ घन नीन खलिाप पाप माळुल अदकि येळु घन नीन हात्ती बंदकु अनुल, ना पसतावा माळ्तेन; रा आऊक माफ माळ."

वशिवास

5 आग प्रेरतिगोळ यीशु से अंदुर, "नाम्द वशिवास वाळुस."

6 प्रभु अंदुन, "अगर नीमी राई इन बीजा अन्द बराबर भी वशिवास ईराईत, रा नीव ई शहतत इन मारर से अनायदीर कि तान ताना जळ सकट कतिकु समुर्द दा हत्तेग, रा अद नीम आग्या मान्स कोमाईत.

वळलेव सेवक बनसी

7 "नीम दा टु हगि याव आन, यार्द दास नांगर जोत्सतदिन या म्यांडागोळी आळसतदिन, अदकि याग आव केई दा टु बरूल, रा आऊन से अनुल, तुन्त बंदकु ऊमली कुर?" 8 नश्चिति अच ईला! आव आऊन से ईला अंदान, 'नान ऊमार साटी येनारा माळ अदकि अदकि यागासताका ना तनिोद-कुडोद माळ कोमालीन, आगासताका नान स्यावा माळ; अदुर बाददा नी भी तनिोद-कुडोद माळ कोमेत?' 9 आग्यागोळ्द पालन माळोर साटी येन आव तान दास उक धन्यवाद कोट्टान? 10 ईदा रीतदिल नीव भी याग आ सप्पा क्याल्सागोळी माळ कोडीर यदुर्द आग्या नीमी कोटकु आगीत, रा अनी, 'नाव साधारण दास आयेव; जो नामी माळ पायजे ईरोद नाव सरिफ अदा माळदेव.'"

कोड इन हत्त रोगीगोळी चंगा माळोद

11 हगि आत कि यीशु यरूशलेम होगाहोती सामरीया अदकि गलील इन नयाइया टु आगूत होगोन. 12 यातोदारा ऊर दा प्रवेश माळाहोती आऊक हतूत कोदी लॉकुर सकिदुर जो आऊन से दुर नदिरकु ईरोर. 13 आंदुर धोळद आवाज दा कारूकु अंदुर, "हे यीशु, हे स्वामी, नाम मा दया माळ!"

14 यीशु आंदरी नोळकु अंदुन, "होगी, अदकि तान तान इक याजकगोळी तोरसी."

अदकि होगूत-होगूत अच आंदुर शुद्ध आगोदर. 15 आग आंदुर दा टु ऊंद ईद नोळकु काना चंगा आगोगनि, ऊँचा आवाज देल परमेश्वर उन बळाई माळतेला वापस बंदुन; 16 अदकि यीशु उन कालगोळ मा बाय इन भार बदिक् आऊन धन्यवाद माळली कुरतुन; अदकि आव सामरी ईरोन. 17 ईदुर मा यीशु अंदुन, "येन हतूत मुंदुर शुद्ध आगीदील, रा बाक आंदुर ऊंम्वत यल आर? 18 येन ई परदेशी अक बटिकु मातूत यावारा वापस बंददिल जो परमेश्वर उन बळाई माळायदुन?" 19 आग यीशु आऊन से अंदुन, "यदकु होटोग; नीन वशिवास नीनी वळलीद माळयाद."

परमेश्वर उन राज्य अन्द आगमन

(मत्ती २४:२३-२८, ३७-४१)

20 याग फरीसीगोळ यीशु से केळदुर कि परमेश्वर उन राज्य याग बंदीत, रा यीशु आंदरी उत्तर कोट्टुन, "परमेश्वर उन राज्य दृश्य रूप दा बराल. 21 अदकि लॉकुर ईद अनतीदलि, 'नोळी, ईल आद, या अल आद.' यतकी, परमेश्वर उन राज्य नीम नयाइया आद."

22 बाक आव चेलागोळ से अंदुन, "हगि दनि बंदव, यारदा नीव मंळसा अन पार उन दनिगोळ दा टु ऊंद दनि इक नोळोद चाहासीर, अदकि नीव नोळ सकतीदलि. 23 लॉकुर नीम से अंदार, 'नोळी, अल आन!' या 'नोळी, ईल आन!' लेकीन नीव होगवाळेतीर अदकि आंदुर हदि भी आगवाळेतीर. 24 यतकी हयांग बजिली आकाश इन ऊंद छोर टु दुसरा छोर ताका चमकुसतद, हांग अच मंळसा अन पार भी तान दनि दा प्रगट आदान. 25 लेकीन पयला जरी आद की आव हापाळ दुख नेगदान, अदकि ई समय इन लॉकुर द्वारा आऊक तुचछ ठहरुसकु आदीत. 26 हयांग नूह अन्द दनिगोळ दा आगीत, हांग अच मंळसा अन पार उन दनिगोळ दा भी आदीत. 27 याता दनि ताका नूह जहाज मा येरीदलि, आ दनि ताका लॉकुर तनिर-कुडोर, अदकि आंदुर दा मदा आगतोगोव. आग नीर इन बाळ बंदकु आ सब मुंदरी नाश माळत. 28 अदकि हयांग लूत इन दनिगोळ दा आगीत कि लॉकुर तनिर-कुडोर, लेन-देन माळोर, मार् हचोर अदकि मानना माळतोगोर; 29 लेकीन याता दशि लूत सदोम टु होटदुन, आ दशि बेक्की अदकि गन्धक आकाश टु बरसुत अदकि सब मुंदरी नाश माळ बुळत. 30 मंळसा अन पार उन प्रगट आगोद दशि भी हगि अच आदीत."

31 \*आ दशि जो मानना अन्द आळा मा ईतूतान अदकि आऊन सामान मानया ईतूतीत, आव अदरी नेगुनी ईळुबाळुन; अदकि हांग अच जो केई दा आन आव वापस माननी होगवाळुन. 32 लूत इन हगिस उक याद ईटी! 33 \*जो यावारा तान जीव ऊळसोद चाहासुयान आव अदरी खोऊसुयान, अदकि जो यावारा अदरी खोऊसुयान आव अदरी ऊळसुयान. 34 ना नीम से अनतीन, आ ईळलक इक येदद मंळसा ऊंद वहरस मा मगित ईतूतार; ऊंद ताकोमकु आदान अदकि दुसरा बटिकु आदान. 35 येदद आर्तेर ऊंद सांगुळ जाता दा पीसुतेला ईतूतार, ऊंद ताकोमकु आदार अदकि दुसरा बटिकु आदार. 36 येदद मुंदुर केई दा ईतूतार, ऊंद ताकोमकु आदान अदकि दुसरा बटिकु आदान."

37 ईद केळकु आंदुर आऊन से केळदुर, "हे परभु ईद यल आदीत?" आव आंदुर से अंदुन, "यल लाश बदिक् आद, अल गीधाळ जमा आदव."

## 18

न्यायी न्यायाधीश अदकि रांड्या आर्त इन उदाहरण

1 बाक यीशु चेलागोळ से इदुर बारा दा लगातार प्रार्थना माळ पायजे अदकि हम्मिमत ईला बळि पायजे, हगि उदाहरण अंदुन: 2 "यातोदारा नगर दा ऊंद न्यायी ईरतोगोन, जो ना परमेश्वर से अंजतोगोन अदकि ना यातोवारा मंळसा अन्द परवा माळतोगोन. 3 अदा नगर दा ऊंद रांड्या भी ईरतोगोर, जो आऊन हातूती बंद-बंदकु अनतोगोर, नांद न्याय माळकु नानी आरोपी देल ऊळस.' 4 थवाळासा समय ताका रा आव मानसदिलि लेकीन आखरी दा आव तान तान इक अंदुन, 'यतकी ना परमेश्वर से अंजतीन, अदकि ना मंळसागोळद येनारा परवा माळतीन; 5 तरी ई रांड्या नानी सतुसतेला ईरतार, इदुरसाटी ना आकनि न्याय माळाईन, ईदारा हगि आगवाळुन कि घळी-घळी बंदकु अनंत दा नांद मुग्ग दा दम माळुल.'"

6 परभु अंदुन, "केळी, ईव न्यायी येन अनतान? 7 इदुरसाटी येन परमेश्वर तान नविळसुद लॉकुरद न्याय माळतीदील, जो ईळलक-हागुल मदत साटी वरलूत ईरतार? येन आव आंदुरद बारा दा समय माळयान? 8 ना नीम से अनतीन, आव तुनूत आंदुरद न्याय माळयान. तरी मंळसा अन पार याग बंदान, रा येन आव पृथवी मा वशिवास नोळयान?"

फरीसी अदकि कर ताकोमावाळा अन्द उदाहरण

9 यीशु आंदुर से जो तान म्याकुच भरोसा ईटतोगोर, कानाव न्यायी आयेव, अदकि दुसरागोळी तुचछ जानुसतोगोर, ईद उदाहरण अंदुन: 10 "येदद मंळसा मंदरि दा प्रार्थना माळोर साटी होदुर; ऊंद फरीसी ईरोन अदकि दुसरा कर ताकोमावाळा."

\* 17:31 १७:३१ मत्ती २४:१७,१८; मरकुस १३:२५,१६

\* 17:33 १७:३३ मत्ती १०:३९; १६:२५; मरकुस ८:३५; लूका ९:२४; यूहन्ना १२:२५

\* 17:36 १७:३६ ईद वचन हाळोद शास्त्र लेख दा लखिसकु हेलेच.



11 फरीसी नीदुरकु तान मन दा ईद प्रार्थना माळली कुरतुन, “हे परमेश्वर, ना अपमान धन्यवाद माळतीन कि ना दुसरा मंळसागोळ्द घाई लोभी, बयमान अदकि व्यभचिारी हल्लेच, अदकि ई कर ताकोमावाळा अन्द घाई भी हल्लेच. 12 ना हप्तता दा येद्वद गण उपास ईदतीन; ना तान सपपा कमाई इन दसवा हसिसा भी कोळतीन.”

13 “लेकीन कर ताकोमावाळा दुर नीदुरकु, स्वर्ग दी कण्णगोळी नेगोद भी चाहासीदलि, उलटा तान याददा पटिस-पटिसकु अंदुन, हे परमेश्वर, ना पापी मंळसा मा दया माळ! 14 \*ना नीम से अनतीन कि आव दुसरा आलच, लेकीन ईवा कर ताकोमावाळा मंळसा न्यायी ठहूरूस्कु आदुन अदकि तान माननी होदुन; यतकी जो यावारा तान तान इक महान माळयान, आव नमूर माळकु आदान; अदकि जो तान तान इक नमूर माळयान, आव महान माळकु आदान.”

चकिोर इक आशरिवाद

(मत्ती १९:१३-१५; मरकुस १०:१३-१६)

15 बाक लॉकुर तान चकिोरी भी आऊन हात्ती तरली कुरतुर कि आव आंदुर मा कय ईदुल; लेकीन चेलागोळ नोळकु आंदरी चलिळासली कुरतुर. 16 यीशु चकिोरी हात्ती कारूकु अंदुन, “चकिोरी नान हात्ती वरगोळी, अदकि आंदरी मना माळवाळी: यतकी परमेश्वर उन राज्य आंदुद अच घाई आद. 17 ना नीम से खरा अनतीन कि जो यावारा परमेश्वर उन राज्य अक चग्िद उन घाई ग्रहण माळतीदील आव अदुरदा यागलु प्रवेश माळ सकतीदलि.”

धनी मंळसा अदकि अनन्त जीवन

(मत्ती १९:१६-३०; मरकुस १०:१७-३१)

18 ऊंद यहूदी अधकिारी यीशु से केळदुन, “हे वळ्लीद गुरु, अनन्त जीवन इन अधकिारी आगोर साटी ना येन माळाईन?”

19 यीशु आऊन से अंदुन, “नी नानी वळ्लीद येती अनत्या? याऊ वळ्लीद हल्लेच, सर्फ ऊंद, मतलब परमेश्वर उक बटिकु याऊ वळ्लीद हल्लेच. 20 नी आग्यागोळी रा जानसत्या: ‘व्यभचिार माळवाळी, यारीकु कोनन बाळी, अदकि काळलपनी माळवाळी, यारदु खवाटा कोळवाळी, तान आपप अदकि तान मोय इन आदर माळी.’”

21 यहूदी अधकिारी अंदुन, “ना रा ई सपपा आग्यागोळी स्याणपणी टु अच मानसतेला बंदीन.”

22 ईद केळकु यीशु आऊन से अंदुन, “नीन दा ईग भी अदकि ऊंद मात माळोद आद, तान सच येनारा मारकु कंगालगोळ दा वाटस बुळ; नीनी स्वर्ग दा धन सकिकीत, अदकि बंदकु नान हदि आगेग.” 23 आव ईद केळकु हापाळ उदास आदुन, यतकी आव हापाळ धनी ईरोन.

24 यीशु आऊक नोळकु अंदुन, “धनवानगोळ्द परमेश्वर उन राज्य दा प्रवेश माळोद याट कठनि आद! 25 परमेश्वर उन राज्य दा धनवानगोळ साटी प्रवेश माळदुर देल ऊंट इन मुग्ग दा टु चुजी होटबुळोद आसान आद.”

26 ईदुर मा केळावाळे अंदुर, “रा बाक यारद उदधार आग सकतद?”

27 यीशु अंदुन, “जो मंळसा अन्द साटी असंभव आद, अद परमेश्वर उन साटी संभव आद.”

28 अतरस अंदुन, “नोळ, नाव रा मानन-मार बटिकु नीन हदि आगेगेव.”

29 आव आंदुर से अंदुन, “ना नीम से खरा माताळतीन कि हगि याऊ हल्लेच जो परमेश्वर उन राज्य अन्द साटी मानन मार, या हगिस, या वारदुर, या मोय-आपप, या चकिोर चळिगेर बटि वुटीदान; 30 याऊक ई समय हापाळ यक्कुल अदकि बरावाळा युग दा अनन्त जीवन सकतीदलि हगि याऊ हल्लेच.”

तान सायोद बारा दा यीशु उन तसिरा भवषियवाणी

(मत्ती २०:१७-१९; मरकुस १०:३२-३४)

31 बाक यीशु हन्नेळ चेलागोळी बाजू दा वोतकु आंदुर से अंदुन, “नोळी, नाव यूरूशलेम इक होगतेव, अदकि यास मातगोळ मंळसा अन पार उन साटी भवषियवक्तागोळ द्वारा लखिसकु आग्याव, अव सपपा पुरा आदव. 32 यतकी आव गैरयहूदीगोळ कय दा सोपस्कु आदान, अदकि आंदुर आऊक मज्याक दा हारस्यार; अदकि आऊंद अपमान माळ्यार, अदकि आऊन मा ऊगळ्यार, 33 अदकि आऊक क्वाळा बळदार, अदकि घात माळ्यार; अदकि आव तसिरा दशी जतिता आदान.”

34 पर चेलागोळी ई मातगोळ दा टु जो यीशु अंददिन यातोदु मात उमसीदलि; अदकि ई मात आंदुर से होचकु ईत्त, अदकि जो अंदकु आगीत अद आंदुरद समझ दा बंददील.

कुद्वद भखिारी इक दृष्टीदान

(मत्ती २०:२९-३४; मरकुस १०:४६-५२)

35 याग यीशु यरीहो अन्द हात्ती पोहचुसदुन, रा ऊंद कुद्वद मंळसा सळक इन कनारारा मा कुरतकु भीख वेळोन.

36 आव लॉकुरद भीळ इन नळोद आवाज केळकु केळली कुरतुन, “ईद येन आगेत्याद?”

37 आंदुर आऊक हेळदुर, “यीशु नासरी होगेत्यान.”

38 आग आव कारूकु अंदुन, “हे यीशु, दाऊद उन औलाद, नान मा दया माळ!”

39 जो मुंद मुंद होगोर, आंदुर आऊक दनकुसली कुरतुर कि आव सुंगा ईरूल; लेकीन आव अदकि जोर से चलिळासली कुरतुन, “हे दाऊद उन औलाद नान मा दया माळ!”

40 आग यीशु नीदुरकु आग्या कोट्टुन कि आ कुद्वद मंळसा अक नान हात्ती तरी, अदकि याग आव हात्ती बंदुन रा आव आऊन से केळदुन, 41 “नी येन चाहासत्या कि ना नीन साटी माळाईन?”

\* 18:14 १८:१४ मत्ती २३:१२; लूका १४:११

आव अंदुन, “हे परभु, ईद कनि ना मातूत नोळली हतूतल.”

42 यीशु आऊन से अंदुन, “नोळली हतूत; नीन वशिवास नीनी वळलीद माळवुटाद.”

43 आग आव तुरन्त नोळली कुरतुन अदकि परमेश्वर उन बळाई माळतेला आऊन हदि आगेदुन; अदकि सप्पा लॉकुर नोळकु परमेश्वर उन स्तुती माळदुर.

## 19

कर ताकोमावाळा जककई

1 यीशु यरीहो दा प्रवेश माळकु होगोन. 2 अल जककई हेसुर ईनव ऊद मळसा ईरोन जो कर ताकोमावाळे प्रधान ईरोन अदकि धनी ईरोन. 3 आव यीशु अक नोळोद चाहासोन कि आव याव हुन. लेकीन भीळ इन कारण नोळ ईला सकोन, यतकि आव गुड्ड ईरोन. 4 आग आऊक नोळोर साटी आव मुंद ओळकु ऊद उम्बर इन मार्र मा येरेदुन, यतकि यीशु अदा हादी देल हागावाळा ईरोन. 5 याग यीशु आ जागा पोहचुसदुन, रा म्याकुच दृष्टी माळकु आऊन से अंदुन, “हे जककई, झट से लयालमा ईळकु बर; यतकि ईद नानी नीन मान्या ईरोद जर्री आद.”

6 आव तुरन्त ईळकु खुशी देल आऊद स्वागत माळदुन.

7 ईद नोळकु सप्पा लॉकुर कूळकूळसकु अनली कुरतुर, “आव रा ऊद पापी मळसा अन मान्या पाऊना बन्सकु ईळदान.”

8 जककई नीदुरकु परभु से अंदुन, “हे परभु, नोळ, ना तान आरधा सम्पत्ती कंगालगोळी कोळतीन, अदकि अगर यारदारा येनारा भी अन्याय माळकु ताकोम कौडीन रा अदरी नाकगुना वापस माळ बुळतीन.”

9 आग यीशु आऊन से अंदुन, “ईद ई मान्या उद्धार बंदान, इदुरसाटी कि ईव भी अब्राहम उन ऊद औलाद हुन.

10 यतकि मळसा अन पार जो काळदोग्यार आंदरी हुंढसली अदकि आंदुरद उद्धार माळली बंदान.”

हतूत व्हानना नव सक्किगोळद उदाहरण

(मत्ती २५:१४-३०)

11 याग आंदुर ई मातगोळी केळोर, रा यीशु उन उदाहरण अंदुन, इदुरसाटी कि आव यूरुशलेम इन हातूती ईरोन, अदकि आंदुर सम्सतोगोर कि परमेश्वर उन राज्य प्रगट आगोद आद. 12 इदुरसाटी आव अंदुन, “ऊद धोळ पद इन मळसा दुर राज्य दा होदुन ताकी राजपद हासलि माळकु बर सकुल. 13 आव तान दासगोळ दा टु हतूत मुंदुर इक कारूकु आंदरी हतूत व्हानना अन्द सक्किा कोटदुन अदकि आंदुर से अंदुन, ‘नांद वापस बरासताका ताका लेन देन माळतीर.’ 14 लेकीन आऊन खुद इन लॉकुर आऊन से दुशमनी ईंटतोगोर, अदकि आऊन हदि स्वर्गदूतगोळ द्वारा खबर कळदुर, ‘नाव चाहासालेव कि ईव नाम मा राज्य माळल.’”

15 “याग आव राजपद हासलि माळकु बंदुन, रा हगि आत कि आव तान दासगोळी यारी व्हानना अन्द सक्किा कोटीदुन, तान हातूती कारूसदुन ताकी आऊक मालूम नळुल कि आंदुर लेन देन देल येन-येन कमुसदुर. 16 आग पयला दास बंदकु अंदुन, हे स्वामी, नीन व्हानना अन्द सक्किा देल ना मातूत हतूत व्हानना नव सक्किा कमूसीन.’ 17 आव आऊन से अंदुन, ‘शाबवास, हे वळलेव अदकि वशिवासयोग्य दास! नी हापाळ अच गोरूत दा वशिवासलायक होट्ट ईग हतूत नगरगोळ मा अधकार ईट.’ 18 दुसरा दास बंदकु अंदुन, हे स्वामी, नीन सक्किा देल अईद मातूत सक्किा कमूसीन.’ 19 स्वामी आऊन से भी अंदुन, ‘नी भी अईद नगरगोळ मा अधकार ईट.’”

20 तसिरा बंदकु अंदुन, “हे स्वामी, नोळ नीन सक्किा ईद हुन, यदरी ना कपळा अन्द तुकळा दा कटकु ईटदिन. 21 यतकि नी कटोर मळसा आय, इदुरसाटी ना नीन से अंजतोगीन: जो नी ईटीदील अदरी नेगु कोमत्या, अदकि जो नी वोऊसीदलि, अदरी भी कळद बुळत्या.” 22 आव आऊन से अंदुन, “हे दुष्ट दास, ना नीन आवाज देल अच नीनी दोषी ठहूरसतीन. नी नानी अरूतोग्या कि कटोर मळसा आईन, जो ना ईटीदील अदरी नेगु कोमतीन, अदकि जो ना वोऊसीदलि अदरी कळद बुळतीन; 23 रा नी नान सक्किा सावकार उन हातूती येती ईट कौडीदलि कि ना बंदकु ब्याज समेत ताकोम कोमयदीन?”

24 अदकि जो लॉकुर हातूती नीदुरकु ईरोर, आव आंदुर से अंदुन, “अद सक्किा आऊन से ताकोमकोमी, अदकि यारद हातूती हतूत व्हानना नव सक्किा आव आऊक कोट्ट वूळी.” 25 आंदुर आऊन से अंदुर, “हे स्वामी, आऊन हातूती रा पयले टु अच हतूत सक्किागोळ आव.” 26 “ना नीम से अनतीन कि यारद हातूती आद, आऊक मातूत कोट्ट आदीत; अदकि यार हातूती हेल्लेच, आऊन से अद भी जो आऊन हातूती आव ताकोमकु आदीत. 27 “लेकीन नानोर आ दुश्मनगोळ जो ईला चाहासोर कि ना आंदुर मा राज्य माळाईन, आंदरी ईल तनकु नान मुंद घात माळी.”

यूरुशलेम दा वजिय प्रवेश

(मत्ती २१:१-११; मरकुस ११:१-११; यूहनना १२:१२-१९)

28 ईव मातगोळी अंदकु यीशु यूरुशलेम इन दी आंदुर मुंद मुंद नळदुन. 29 याग आव जैतून हेसुर इन पहाळ मा बैतफगे अदकि बैतनयियाह अन हातूती पोहचुसदुन, रा आव तान चेलागोळ दा टु येदुद मुदरी ईद अनकु कळदुन, 30 “मुंदळोद ऊर दा होगी; अदकि अल होगूत अच ऊद गधा अन्द पाड्डा यदुर मा याऊ यागलु सवार आगीदील, कटकु नीमी सक्किीत, अदरी खोल्सकु नरी. 31 अगर यावारा नीम से केळ्यान कियेती खोल्सतीर, रा ईद अंद बुळतीर कि परभु अक इदुरद प्रयोजन आद.”

32 जो कळकु आगीदुर, आंदुर होगकु ह्यांग यीशु आंदुर से अंददिन, हांग अच नोळदुर. 33 याग आंदुर गधा अन्द पाड्डा अक खोलसोर, रा गधा अन्द मालकि आंदुर से केळदुन, “ई पाड्डा अक येती खोलसतीर?”

34 आंदुर अंदुर, “परभु उक ईदुरद जरवत आद.” 35 आंदुर अदरी यीशु उन हातती तंदुर, अदकि तान कपळा आ पाड्डा मा हाककु यीशु उक अदुर मा कुरस बुदुर. 36 याग आव होगोन, रा आंदुर तान कपळा हादी मा हासतेला होगतोगोर.

37 हातती बरतेला याग आव जैतून पहाळ इन ढलान मा पोहचुसदुन, रा चेलागोळद सपपा मंडली आ सपपा सामर्थ्य अन्द क्याल्सागोळद कारण जो आंदुर नोळीदुर, खुश आगकु थोळद आवाज देल परमेश्वर उन सतुर्ता माळली हतदुर: 38 “परमेश्वर आ राजा अक आशीष कोळुल, जो परभु अन हेसुर देल बरतान! स्वर्ग दा शांती अदकि आकाश मंडल दा महामा आगुल!”

39 आग भीळ दा टु येनारा फरीसी आऊन से अनली कुरतुर, “हे गुरु, तान चेलागोळी आग्या कोटक दनकुस.”

40 आव उत्तर कोट्टुन, “ना नीम से अनतीन, अगर इंदुर सुंगा ईतुर रा कल्ल चलिळासली हततेव.”

यूशलेम इन साटी वलिपा

41 “याग आव हातती बंदुन रा नगर इक नोळकु अदुर मा वरलदुन 42 अदकि अंदुन, अगर नी, ईद इन दशी शांती नव मातगोळ जानस कोमाईद, रा याट वळलीद आगंगाईत, लेकीन ईग अब नीन कण्ण इन हातती टु गुप्त ईटकु आगेग्याव. 43 यतकी अब दनि नीन मा बंदव क नीन से दुशमनी ईटावाळेर मोरचा कटकु नीनी घेरस कांडार, अदकि नाकु दी टु नीनी वत्त बुट्टार; 44 अदकि नीनी अदकि नीन चकिोरगोळी जो नीन दा आर, मृण्ण दा मलिस्यार, अदकि नीन दा ऊंद कल्ल मा दुसरा कल्ल भी वळितीदील; यतकी परमेश्वर नीमी ऊळसली बंदीदुन ई समय इक नीव अरतीदलि.”

मंदरि टु व्यापारीगोळद तेगु कु आगोद

(मत्ती २१:१२-१७; मरकुस ११:१५-१९; यूहन्ना २:१३-२२)

45 आग यीशु मंदरि दा होगकु व्यापारीगोळी व्हारया तेगुली कुरतुन, 46 अदकि परमेश्वर अनतान, “शास्त्र दा लखिसकु आद, नान मान्ना प्रार्थना अन्द मान्ना आदीत,” लेकीन नीव अदरी डाकूगोळद हड्डा माळ बुट्टीर.”

47 “यीशु रोज मंदरि दा उपदेश माळतोगोन; अदकि प्रधान याजक अदकि नयिम इन गुरु अदकि लॉकुरद परमुख आऊक कोनोद चाहासोर. 48 लेकीन याऊ उपाय तेगु सकदिलि कि ईव याता प्रकार माळव, यतकी सपपा लॉकुर वळा चाह देल आऊंद केळतोगोर.

## 20

यीशु उन अधिकार मा प्रश्न

(मत्ती २१:२३-२७; मरकुस ११:२७-३३)

1 ऊंद दशी हगि आत कि याग यीशु मंदरि दा लॉकुरी उपदेश कोळोन अदकि सुशखबरी केळसोन, रा प्रधान याजक अदकि नयिम इन गुरु, पुनयिगोळद सांगुळ हातती बंदकु नदिरदुर; 2 अदकि अनली हतदुर, “नामी हेळ, नी ई क्याल्सागोळी याता अधिकार देल माळत्या, अदकि आव याव हुन याव नीनी ईद अधिकार कोटान?”

3 यीशु आंदरी उत्तर कोट्टुन, “ना भी नीम से ऊंद सवाल केळतीन; नानी हेळी 4 यूहन्ना अक वपतसिमा कोळोद अधिकार स्वर्ग दी टु ईरोद या मळसागोळ दी टु ईरोद?”

5 “आग आंदुर आपस दा चर्चा माळली कुरतुर, नाव येन अंदेव, अगर स्वर्ग इन दी टु,” रा आव अंदान, “बाक नीव आऊंद वशिवास येती माळीदलि?” 6 अदकि अगर नाव अंदेव, मळसागोळ दी टु, रा सपपा लॉकुर नाम मा कलगोळ भटार, यतकी आंदुर खराखुरा अरूतार कि यूहन्ना भवषियवक्ता ईरोन. 7 इदुरसाटी आंदुर उत्तर कोट्टुन, “नाव अरालेव कि आव यार दी टु ईरोन.”

8 यीशु आंदुर से अंदुन, “रा ना भी नीमी हेळालीन कि ना ईद क्याल्सा याता अधिकार देल माळतीन.”

दुष्ट कसानगोळद उदाहरण

(मत्ती २१:३३-४६; मरकुस १२:१-१२)

9 आग यीशु लॉकुर से ईद उदाहरण अनली कुरतुन: “यावारा मळसा अंगुर इन केई हचदुन, अदकि कसानगोळी अदरी बटई दा कोट बुट्टुन अदकि हापाळ दनिगोळद साटी परदेश होटोदुन. 10 याग अंगुर इन जमा माळोद समय वत्त रा मालक कसानगोळ हातती ऊंद दास उक कळदुन कि आंदुर अंगुर इन केई अन येनारा कायगोळ भाग आऊक कोळुन, पर कसानगोळ आऊक वळकु खाली कय कळ बुदुर. 11 बाक आव ऊंद अदकि दास उक कळदुन, अदकि आंदुर आऊक भी वळकु अदकि आऊन अपमान माळकु खाली कय कळ बुदुर. 12 बाक आव तसिरा दास उक कळदुन, अदकि आंदुर आऊक भी घायल माळकु व्हारया तेगु बुदुर. 13 आग अंगुर इन केई नव स्वामी अंदुन, ना येन माळीईन? ना तान प्रयि पार उक कळीईन, जरूर अच आंदुर आऊन आदर माळ्यार. 14 याग कसानगोळ आऊक नोळदुर रा आपस दा वचिार माळली कुरतुर, ईव रा वारीस हुन; बरी, नाव ईऊक कोंद बुळाती रा बाक आऊन जायदाद नाम्द आगेदीत. 15 अदकि आंदुर आऊक अंगुर इन केई टु व्हारया तेगु कु कोंद बुदुर.”

“इदुरसाटी अंगुर इन केई इन स्वामी आंदुरद सांगुळ येन माळयान? 16 आव बंदकु आ कसानगोळी नाश माळयान, अदकि अंगुर इन केई दुसरा अक सोपस्यान.”

ईद केळकु आंदुर अंदुर “परमेश्वर माळुल हगि आगवाळुल.”

17 यीशु आंदुर दी नोळकु अंदुन, वाक ईद येन लखिसकु आद:

“याता कल्ल इक राजमहल माळावाळेर बेकार ठहुरुसीदुर,  
अदा क्वाना अन्द सरिा आगेत.”

18 “जो यातोवारा कल्ल मा वदिदान आव चकनाचुर आगेदान; अदकि यदुर मा अद बदिदीत, अदरी पीसुस बुट्टीत.”

कर कोळोद प्रश्न

(मत्ती २२:१५-२२; मरकुस १२:१३-१७)

19 आटा होती नयिम इन गुरुगोळ अदकि प्रधान याजकगोळ आऊक हुडोद चाहासदुर, यतकी आंदुर समसेगदुरि क आव नाम मा ईद उदाहरण अंदान, लेकीन आंदुर लॉकुर से अंजदुर. 20 अदकि आंदुर आऊन ताक दा हतदुर अदकि भेद ताकोमावाळेरी कळुदुर कन्याय इन भेष हुळकु यीशु उक आंदुर सवाल दा हुडुल, ताकी वाक आऊक रोमन शासक उन कय दा सौपस बुळुल. 21 आ जासुसगोळ यीशु से केळदुर, “हे गुरु, नाव जानसतेव क नी बराबर अनत्या अदकि कलसत्या, अदकि यारुद पकषपात माळाल, उलटा परमेश्वर उन हादी सच्चाई देल हेळत्या. 22 येन नामी कैसर सरकार उक कर कोळोद उचित आद या ईला?”

23 आव आंदुर चतुराई इक अरूकु आंदुर से अंदुन, 24 “ऊद चाँदी इन सक्का नानी तोरसी. ईदुर मा यारुद छाप अदकि हेसुर आद?”

आंदुर अंदुर “कैसर सरकार उन.”

25 यीशु आंदुर से अंदुन, “रा जो कैसर सरकार उन हुन, अद सरकार उक कोळी; अदकि जो परमेश्वर उन आद, अद परमेश्वर उक कोळी.”

26 आंदुर लॉकुर मुंद ईद मात दा यीशु उक फसुस सकदिल, उलटा आऊन उत्तर देल अचम्भति आगकु सुंगा आगेदुर.

पुनरूतधान अदकि मदा

(मत्ती २२:२३-३३; मरकुस १२:१८-२७)

27 वाक सद्कीगोळ जो अनतार क सोत्तुर दा टु जतिता आगोद अच हैलेच, आंदुरदा टु थवाळासा लॉकुर आऊन हात्ती बंदकु केळदुर, 28 “हे गुरु, मूसा नाम साठी हगि नयिम लखिस्यान: अगर यारोवारा धोळ वारट तान हगिस उन ईतकु भी बनि औलाद सोतोदान, रा आऊन वारट आ रांड्यागति इन से मदा माळ कोमुल, अदकि तान वारट उन साठी वंश पैदा माळुल. 29 येळ वारटुर ईरोर, पयला वारट मदा माळकु बनि औलाद सोतोदुन. 30 वाक दुसरा वारट भी आकनि से मदा माळदुन, 31 अदकि तसिरा वारट भी अदा आरत से मदा माळ कौडुन. ईदा रीत देल येळु वारटुर बनि औलाद देल सोतोदुर. 32 आखरी दा आ आरत भी सोतोदुर. 33 इदुरसाटी जतिता आगदुर मा आक आंदुरदा टु यारो हगिस आदार? यतकी आ येळु वारटुर आकनि से मदा माळीदुर.”

34 यीशु आंदुर से अंदुन, “ई युग इन लॉकुर दा रा मदगोळ आगताव, 35 लेकीन जो लॉकुर ई लायक ठहूरस्यार क आ युग इक अदकि सोत्तुर दा टु जतिता आगोद प्रापत माळुल, आंदुर ना मदा माळयार अदकि ना मदा दा कोटकु आदार. 36 वाक आंदुर ना रा यागलु सोत्तार, यतकी आंदुर पुनरूतधान इन औलाद बनसकु स्वरागदुतगोळद घाई अदकि सोत्तुर दा टु जतिता आगदुर कारण देल परमेश्वर उन औलाद ईत्तार. 37 लेकीन ई मात इक क सोत्तुर जतिता आगताव, मूसा भी होतत झाळी इन उदाहरण दा प्रगट माळयान क आव प्रभु अक अब्राहम उन परमेश्वर, अदकि इसहाक उन परमेश्वर अदकि याकूब उन परमेश्वर” अनतान. 38 परमेश्वर रा मुरदागोळ ईला लेकीन जतितागोळद परमेश्वर हुन: यतकी आऊन हात्ती सप्पा जतिता आर.”

39 आग ईद केळकु शास्त्रीगोळ दा टु येनारा ईद अंदुर, “हे गुरु, नी बराबर उत्तर कोट्ट.” 40 अदकि आ सद्कीगोळी वाक आऊन से येनारा अदकि केळोद हम्मिमत आगीदाल.

मसीह यार पार हुन?

(मत्ती २२:६१-६६; मरकुस १२:३५-३७)

41 वाक यीशु आंदुर से केळदुन, “मसीह अक दाऊद उन औलाद हयांग अनतार?” 42 दाऊद तान भजन संहिता अन कतिव दा अनतान:

“प्रभु नान प्रभु से अंदुन,

43 नान ऊम्मा कय दी कुर,

यागासताका कानि नान से दुश्मनी ईटावाळेर इक नान काल दशिी माळ कोमालीन.”

44 “दाऊद रा आऊक प्रभु अनतान; रा वाक आव आऊन औलाद हयांग ठहूरसदुन?”

शास्त्रीगोळ से सावधान

(मत्ती २३:१-३६; मरकुस १२:३८-४०)

45 याग सप्पा लॉकुर केळोर, रा यीशु तान चेलागोळ से अंदुन, 46 “शास्त्रीगोळ से सावधान ईरी, यारी ऊद-ऊद चवांगा हाक्कु वयाळोद वळलीद हततद, अदकि यारी सात्तागोळ दा नमसकार अदकि आदर, अदकि यहूदी लॉकुरद सभागूहगोळ दा मुख्य आसन अदकि भोज दा मुख्य जागा प्रयि हतताव. 47 आंदुर रांड्यागोळद माननागोळ इक

तदि वुळतार अदकि आंदुर फायदा नेगुतार, अदकि लॉकुरी दखिवा साटी हापाळ होतत ताका प्रार्थना माळतेला ईरतार: इंदरी यक्कुल से यक्कुल दण्ड सकिकीत.”

## 21

कंगाल रांडयागीत इन दान  
(मरकुस १२:४१-४४)

1 बाक यीशु नाकु दी कण्ण नेगुकु पैस्यावाळेर लॉकुर इक तान मंदरि इन दानपेटी दा दान हाकत नोळदुन. 2 आव ऊंद कंगाल रांडया अक भी अदुरदा येदूद तांबा नव सकिका हाकत नोळदुन. 3 आग यीशु आंदुर से अंदुन, “ना नीम से खरा अनतीन कर् ई कंगाल रांडयागीत सप्पा मुंदुर से यक्कुल हाक्यार. 4 यतकी आ सप्पा मुंदुर तान तान बचत दा टु दान कोट्टुर, लेकीन इक तान कंगालपन दा टु तान सप्पा जीवकि, हाक्क बुटुर.”

मंदरि इन वनिश इन भवषियवाणी  
(मत्ती २४:१,२; मरकुस १३:१,२)

5 याग चेलागोळ दा टु ध्वाळासा चेलागोळ मंदरि इन वारा दा अनोर कर् अद ह्यांग सुंदर कल्लगोळ अदकि परमेश्वर उक कोळद भेट इन वस्तुगोळ से सवारसकु आग्याद, रा यीशु अंदुन, 6 “अव दनि बंदव, यारदा ईद सप्पा जो नीव नोळतीर, अऊरदा टु ईल ऊंद कल्ल मा कल्ल भी ईरतीदील जो केडुकु आगतीदील.”

संकट अदकि सताप  
(मत्ती २४:३-१४; मरकुस १३:३-१३)

7 आंदुर यीशु से केळदुर, “हे गुरु, ई सब याग आदीत? अदकि ई मातगोळ याग पुरा आगदुर मा ईतत्व, रा आ समय इन येन चमत्कार ईततीत?”

8 आव अंदुन, “सावधान ईरी कर् नीव भरमुसकु आगतीदील, यतकी हापाळ सा नान हेसुर देल बंदकु अंदार, ना आवा हुईन, अदकि ईद भी कर्, समय हात्ती होट्ट बंदाद. नीव आंदुर हदि होगबाळेतीर. 9 याग नीव लळाईगोळ मातचीत केळीर अदकि लळाईगोळद वारा दा अफवाह केळीर रा घबूस बाळेतीर, यतकी ईऊरद आगोद जर्री आद; लेकीन आ समय तुरन्त अनत आगतीदील.”

10 आग आव आंदुर से अंदुन, “दयाश मा दयाश अदकि राज्य मा राज्य चढाई माळीत, 11 अदकि धोड्डेव-धोड्डेव भूकम्प आदव, अदकि जागा जागा मा अकाल अदकि महामारी बदिदव, अदकि आकाश टु भयंकर मातगोळ अदकि धोड्डेव-धोड्डेव चमत्कार परगट आदव. 12 लेकीन इव सप्पा मातगोळ से पयले आंदुर नान हेसुर इन कारण नीमी हुळदार, अदकि सतुस्यार, अदकि पंचायतगोळ दा सोपस्यार, अदकि बंदीगूह दा हाकसुस्यार, अदकि राजागोळ अदकि शासकगोळ मुंद ओतार. 13 पर ईद नीम साटी खुशखबरी इन गवाही कोळोद मवका आगेदीत. 14 इदुरसाटी तान तान मन दा टानसकु ईटी कर् नाव पयले टु तान तान इक ऊळसोर साटी येन अंदेव ईदुर चनिता माळबाळेतीर. 15 यतकी ना नीमी हगि बोल अदकि बुद्धी कोळाईन कर् नीम यावारा भी वरिधी सामना या खंडन माळ सकतीदलि. 16 नीम मोय आप्, अदकि वारटुर, अदकि रशितेदार, अदकि संगी भी नीमी हुळसुस्यार; ईल ताका कर् नीम दा टु ध्वाळासा मुंदुर इक कोसुस बुट्टार. 17 नान कारण सप्पा लॉकुर नीम से दुश्मनी ईट्टार. 18 लेकीन नीम ताल्ला अनद ऊंद चूट्टी भी कति सकतीदलि. 19 धीरज ईट्टीर रा नीव तान जीवगोळी ऊळसकु ईट्टीर.

यूरुशलेम इन वनिश इन भवषियवाणी  
(मत्ती २४:१५-२१; मरकुस १३:१४-१९)

20 “याग नीव यूरुशलेम इक सेनागोळ से घेरसकु नोळीर, रा जान्स कोमेतीर कर् अदुरद वरबाद आगोद हात्ती आद. 21 आग जो यहूदयिया दा आर आंदुर पहाळीगोळ मा ओळेगुल; अदकि जो यूरुशलेम इन वुळक आर आंदुर व्हारया होट्ट वुळुल; अदकि जो ऊरगोळ दा आर आंदुर नगरगोळ दा होगबाळुल. 22 यतकी ईव बदला ताकोमव हगि दनि ईतत्व, यदुर दा वचन दा लखिसकु अव सप्पा मातगोळ पुरा आगेदव. 23 आ दनिगोळ दा जो व्हाट्ट्या दी अदकि हाल कूळसतीदार, आंदुर साटी हाय, हाय! यतकी पृथ्वी मा धोळद क्लेश अदकि ई लॉकुर मा धोळद परकोप ईततीत. 24 आंदुर तलवार देल कौसुसकु आदार, अदकि सप्पा दयाशगोळ लॉकुर दा बंदी आगकु पोहचुसकु आदार; अदकि यागासताका गैरयहूदीगोळद समय पुरा आगाल्द, आगासताका यूरुशलेम गैरयहूदीगोळ देल मेटकु आदीत.

मंळसा अन पार उन दुवारा बरोद  
(मत्ती २४:२९-३१; मरकुस १३:२४-२७)

25 आसूरज, अदकि चंद्र, अदकि तारागोळ दा चमत्कार काळसेव; अदकि पृथ्वी मा दयाश-दयाश इनोर लॉकुरी संकट आदीत, यतकी आंदुर समुंदर अन गर्जन अदकि लयरगोळ आवाज देल घबूसदार. 26 अजुक इन कारण अदकि दुनयिया मा बरोद घटनागोळद हादी नोळत-नोळत लॉकुरद जीव दा जीव ईरतीदील, यतकी आकाश इन शक्तगोळी आलगाळसकु आदीत. 27 आग आंदुर मंळसा अन पार उक सामर्थ्य अदकि धोळद महिमा अनद सांगुळ बादल मा बरतेला नोळ्यार. 28 याग ई मातगोळ आगली कुरतव, रा नदिरकु तान ताल्ला म्याकुच नेगेतीर; यतकी नीम छुटकारा हात्ती आदीत.”

अंजीर इन मार्र इन उदाहरण

(मत्ती २४:३२-३५; मरकुस १३:३८-३९)

29 यीशु आंदुर से ऊंद उदाहरण भी अंदुन: “अंजीर इन मार्र अदकि सप्पा मार्रगोळी नोळी. 30 ह्यांग अऊरदा कोम होळताव, रा नीव नोळकु खुद अच जान्स कोमतीर क बसिल इन दनि हात्ती आव. 31 ईदा रीतदिल याग नीव ईव मातगोळी आगतेला नोळीर, आग जान्स कोमी क परमेश्वर उन राज्य हात्ती आद.

32 “ना नीम से खरा अनतीन का यागासताका इव सप्पा मातगोळ आगालव, आगासताका ईद पीदी इन यागलु अनत् आगतीदील. 33 आकाश अदकि पृथ्वी टलुसेदति, लेकीन नान मात्तगोळ यागलु टलुसतीदति.”

वशिवास दा ईरी

(मत्ती २४:३६-४४; मरकुस १३:३२-३७)

34 “इदुरसाटी सावधान ईरी, हगि आगवाळलु क नीम मन दुराचार, पयिककळपन अदकि जीवन इन चनितागोळद भार देल वत्तेगुल, अदकि अद दनि अचानक नीम मा फंदा अनूद घाई होट्ट बरूल. 35 यतकी अद सप्पा पृथ्वी अन सब ईरावाळर मा ईदा प्रकार देल बंदकु बदिदीत. 36 इदुरसाटी जागुसतेला ईरी अदकि हर घळी वनिती माळ्ट ईरी क नीव ई सप्पा बरावाळा घटनागोळ देल वुळली अदकि मळसा अन पार उन मुद नदिरोद लायक आगी.”

37 यीशु हर रोज मंदरि दा शकषिा कोळतोगोन, अदकि हर रोज द्यावगा होगकु जैतून हेसुर इन पहाळी मा ईळलक कडुतोगोन; 38 अदकि रोज हुंजकुका सप्पा लॉकुर आऊंद शकषिा केळोर साटी मंदरि दा आऊन हात्ती बरतोगोर.

## 22

यीशु उन वरिद्ध साजीश

(मत्ती २६:१-५; मरकुस १४:१-२; यूहनना ११:४५-५३)

1 अखमीरी रोटी अन हाव्व जो फसह कहलुसतद, हात्ती ईरोद; 2 अदकि प्रधान याजक अदकि नयिम इन गुरु ई मात इन खोज दा ईरोर क यीशु उक ह्यांग कोंद सुटेव, पर आंदुर लॉकुर से अंजतोगोर.

यहूदा अनूद वशिवासघात

(मत्ती २६:१४-१६; मरकुस १४:१०,११)

3 आग शैतान यहूदा दा समुस्त, जो इस्करयिती कहलुसतान अदकि हन्नेळ चलागोळ दा आळकु आगतोगोन. 4 आव यहूदा दा होगकु प्रधान याजकगोळ अदकि मंदरि इन पहरेदारगोळद सरदारगोळ सांगुळ मातचीत माळदुन क यीशु उक याता प्रकार आंदुर कय देल हूळसुस्यार. 5 आंदुर खुश आदुर, अदकि आऊक पैस्या कोळोर साटी तयार आदुर. 6 आव मान्स कोंडुन, अदकि मौका दुंदुसली कुरतून क याग भीळ ईरतीदील रा आऊक आंदुर कय देल हूळसुस कोंडेव.

चलागोळद सांगुळ फसह अन आखरी भोज

(मत्ती २६:१७-२५; मरकुस १४:१२-२१; यूहनना १३:२१-३०)

7 आग अखमीरी रोटी अन हाव्व इन दनि बत्त, यारदा फसह म्यांडा अनूद पाड्डा अनूद बलिकोळोद जरूरी ईरोद. 8 यीशु पतरस अदकि यूहनना अक ईद अनक कळदुन: “होगकु नाम फसह अनूद ऊमोद तयारी माळी.”

9 आंदुर आऊन से केळदुर, “नी यल चाहासत्या क नाव इदरी तयार माळेव?”

10 आव आंदुर से अंदुन, “नोळी, नगर दा प्रवेश माळतेला अच ऊंद मळसा नीर इन माळका नेगुकी नीमी सकियान; याता मान्ना दा आव होदान नीव आऊन हदि होटोगतीर, 11 अदकि आ मान्ना अन स्वामी से अनेतीर: गुरु नीन से अनतान क अद पाऊनागोळद कमरा यल आद यदुर दा ना तान चलागोळ सांगुळ फसह अनूद भोजन तनिाईन?” 12 आव नीमी ऊंद सजुसद धोळद म्याकुच इन कमरा तोरस्यान; अलत्या तयारी माळतीर.

13 “आंदुर होगकु, ह्यांग यीशु आंदुर से अंददिन, हांग अच नोळदुर अदकि फसह अनूद भोजन तयार माळदुर.”

प्रभु उन आखरी भोज

14 याग घळी होट्ट बत्त, रा आव चलागोळ सांगुळ ऊमली कुरतून. 15 अदकि आव आंदुर से अंदुन, “नान हापाळ इच्छा ईरोद क दुख भोगसोर से पयले ईद फसह अनूद भोजन नीम सांगुळ तनिाईन. 16 यतकी ना नीम से अनतीन क यागासताका अद परमेश्वर उन राज्य दा पुरा आगाल आगासताका ना अदरी यागलु तनितीदील.”

17 आग यीशु कटोरा हूळकु धन्यवाद माळदुन अदकि अंदुन, “इदरी हुडी अदकि आपस दा वाट्स कोमी. 18 यतकी ना नीम से अनतीन क यागासताका परमेश्वर उन राज्य बराल्द आगासताका ना अंगुर इन राससा ईगी टु यागलु कुडुतीदील.”

19 बाक आव रोटी हूळदुन, अदकि धन्यवाद माळकु मुरदुन, अदकि आंदरी ईद अनतेला कोट्टुन, “ईद नांद शरीर हुन जो नीम साटी कोट्टु आगतद: नांद याद इन साटी ईदा माळतोगी.” 20 ईदा रीतदिल आव भोजन इन बाद्दा कटोरा भी ईद अनतेला कोट्टुन, “ईद कटोरा नांद आ खुन इन व्हाशोद वाचा हुन. जो नीम साटी वाहुसकु आगतद.

21 “पर नोळी, नानी हूळसुसावाळा अन कय नान सांगुळ मेज मा आद. 22 यतकी मळसा अन पार रा जसा आऊन साटी ठहूसकु आग्याद, हांग अच आव सोत्तान, पर हाय आ मळसा मा यारद दवारा आव हूळसुसकु आदान!”

23 आग आंदुर आपस दा वचिार माळली कुरतून क नाम दा टु याव आन, जो ईद क्याल्सा माळयान.

सब से यककुल महान याव?

24 \*आंदुरदा ईद वाद-ववाद भी आत कि आंदुर दा टु याव धोडडेव समसकु आगतान. 25 यीशु आंदुर से अंदुन, "गौरयहूदीगोळद राजा आंदुर मा परभुता माळतार; अदकि जो आंदुर मा अधकार ईटतार, आंदुर उपकार माळावाळद कहलुसतार. 26 \*लेकीन नीव हांगि आगवाळतीर; उलटा जो नीम दा धोडडेव आन, आव स्याणेव उन घाई अदकि जो स्याणा आन, आव सेवक उन घाई आगुल. 27 \*धोडडेव याव आन, आव जो ऊमोर साटी कुरतकु आन, या आव जो स्यावा माळतान? येन आव ईला जो ऊमली कुरतकु आन? लेकीन ना नीम न्याड्या सेवक उन घाई आईन.

28 "नीव आंदुर हुईर, जो नान परीक्षागोळ दा लगातार नान सांगुळ ईतीर; 29 अदकि ह्यांग नान आप्प नानी राज्य मा अधकार कोटान, हांग अच ना भी नीमी हांग अच अधकार कोळतीन, 30 \*ताकी नीव नान राज्य दा नान मेज मा तर्नी-कुडी, उलटा सहासनगोळ मा कुरतकु इस्त्राएल इन हन्नेळ वंशगोळद न्याय माळी.

पतरस उन इनकार

(मत्ती २६:३१-३५; मरकुस १४:२७-३१; यूहन्ना १३:३६-३८)

31 "शमौन, हे शमौन! शैतान नीम लॉकुरी परखुसोर साटी आग्या वेळ कोडान कि बेकार दा टु वळ्तेर इक अलग माळल ह्यांग केईवाळा गोदी दा टु फरकडा अलग माळतान, 32 लेकीन ना नीन साटी वनिती माळदीन कि नीन वशिवास गोरत आगवाळल; अदकि याग नी वापस बंद्या, रा तान वार्दुर इक हमिमत कोळेत."

33 पतरस यीशु से अंदुन, "हे परभु, ना नीन सांगुळ बंदीगुह दा हांगली, अदकि सायली भी तयार आईन."

34 यीशु अंदुन, "हे पतरस, ना नीन से अनतीन कि ईद हुंज कुग्गतदील आगासताका नी मुर घन नांद इनकार माळ कोड्या कि नी नानी जानसाल."

चीला, झवारा, अदकि तलवार

35 \*बाक यीशु आंदुर से अंदुन, "याग ना नीमी चीला, झवारा, अदकि जुता बनि कळीदीन, रा येन नीमी यातोदारा वस्तु उन कमी आगीत?"

"आंदुर अंदुर, यातोदु वस्तु उन ईला."

36 आव आंदुर से अंदुन, "लेकीन ईंग यार्द हातती चीला आद आव अदरी हुडुल अदकि हांग अच झवारा भी, अदकि यार्द हातती तलवार ईला ईतीदाद आव तान कपळा मारकु ऊंद कोड कोमूल." 37 यतर्की ना नीम से अनतीन, कि ईद जो लखिसकु आद: "अद अपराधीगोळ सांगुळ आळुकु आग्याद, अदुरद नान दा पुरा आगोद जरूरी आद; यतर्की नान वारा दा लखिसद मातगोळ पुरा आगदुर मा आव."

38 आंदुर अंदुर, "हे परभु, ईल येदुद तलवारगोळ आव."

आव आंदुर से अंदुन, "हापाळ आव."

जैतून इन पहाळी मा यीशु उन प्रार्थना

(मत्ती २६:३६-४६; मरकुस १४:३२-४२)

39 आग यीशु व्हार्या होटकु तान रीत इन अनुसार जैतून इन पहाळी मा होदुन, अदकि चेलागोळ आऊन हदि आगेदुर. 40 आ जागा दा हांगकु आव आंदुर से अंदुन, "प्रार्थना माळी कि नीव परीक्षा दा बळिवाळी."

41 आव आंदुर से अलग लगभग कल्ल भीळोद ईट दुर ताका होदुन अदकि टवांगरा टेक्सकु प्रार्थना माळली कुरतून, 42 "हे आप्पा, अगर नी चाहास्या रा ईद दुख देल तुमद कटोरा अक नान हातती टु सरकुसबुळ, तरी भी नान ईला लेकीन नीन इच्छा पुरा आगुल." 43 आग स्वर्ग दा टु ऊंद स्वर्गदूत आऊक काळसदुन जो आऊक सामर्थ्य कोळतोगान. 44 आव हापाळ वयाकुल आगकु मातत यककुल वेदना देल प्रार्थना माळली कुरतून; अदकि आऊन पच्ची रा खुन इन धोळद-धोळद बुंद इन घाई धरती मा बळितोगोद.

45 आग आव प्रार्थना माळकु येदुन अदकि तान चेलागोळद हातती बंदकु आंदरी उदासी इन मारा देल मगित नोळदुन 46 अदकि आंदुर से अंदुन, "येती मगितीर? येळी, प्रार्थना माळी कि नीव परीक्षा दा बळिवाळी."

यीशु उक धवाका देल हुडुकु आगोद

(मत्ती २६:४७-५७; मरकुस १४:४३-५०; यूहन्ना १८:३-१२)

47 यीशु ईद अंत अच ईरोन कि ऊंद भीळ वतत, अदकि आ हन्नेळ दा टु ऊंद यार्द हेसुर यहूदा ईरोद आंदुरद मुंद मुंद बरोन. आव यीशु उन हातती वंदुन कि आऊन गाल्ला अनद चुम्मा ताकोम सकुल. 48 यीशु आऊन से अंदुन, "हे यहूदा, येन नी चुम्मा ताकोमकु मंळसा अन पार उक हूळसुसली बंद्या?"

49 आऊन चेलागोळ जो यीशु उन सांगुळ ईरोर याग नोळदुर कियेन आगावाळा आद, रा अंदुर, "हे परभु, येन नाव तलवार नळसेव?" 50 अदकि आंदुर दा टु ऊंद मंळसा महायाजक ऊंद दास मा तलवार नळसकु आऊन ऊम्मा कवि हारस बुददुन.

51 इदुर मा यीशु अंदुन, "ईंग बस माळी." अदकि आऊन कवि इक मुटकु आऊक वळ्तीद माळदुन.

52 आग यीशु प्रंधान याजकगोळ अदकि मंदिर इन पहरेदारगोळद सरदारगोळ अदकि पुरनधियागोळ से, जो आऊन मा येरकु बंदीदुर, अंदुन, "येन नीव नानी वदिरोह जान्सकु तलवारगोळ अदकि कोलगोळ हुडुकु होटीर? 53 \*याग ना

\* 22:24 २२:२४ मत्ती १८:१; मरकुस ९:३४; लूका ९:४६ \* 22:26 २२:२६ मत्ती २३:११; मरकुस ९:३५ \* 22:26 २२:२६ मत्ती २०:२५-२७; मरकुस १०:४२-४४ \* 22:27 २२:२७ यूहन्ना १३:२२-२५ \* 22:30 २२:३० मत्ती १९:२८ \* 22:35 २२:३५ मत्ती १०:९,१०; मरकुस ६:२९,९; लूका ९:३; १०:४ \* 22:53 २२:५३ लूका १९:४७; २१:३७

मंदिर दा हर रोज नीम सांगुळ ईरीन, रा नीव नानी हुडोद कोशशि माळीदील; पर ईद नीम समय आद, अदकि अंधकार इन राज आद.”

पतरस उन इनकार

(मत्ती २६:५७,६१-७५; मरकुस १४:५३,५४,६६-७२; यूहन्ना १८:२५-२७)

54 बाक आंदुर यीशु उक हुडुकु ओतुर, अदकि महायाजक उन मान्या तंदुर. पतरस दुर दुर टु उच आऊन हदि-हदि नळुतोगोन; 55 अदकि याग आंदुर आंगुळ दा बेक्की होत्ताक ऊंद ऊज्या कुरतुर, रा पतरस भी आंदुर न्याड्या दा कुरतोदुन. 56 आग ऊंद दासी आऊक सगिळी इन उजुळ दा कुरत नोळुकु अदकि आऊक वळीसा नोळुकु अनली कुरतुर, “ईव भी रा यीशु उन सांगुळ ईरोन.”

57 लेकीन पतरस ईद अंदकु इनकार माळदुन, “हे आरत, ना आऊक अरालीन.”

58 थवाळासा समय इन बाददा यावारा दुसरा मळसा आऊक नोळुकु अंदुन, “नी भी रा आंदुर दा टु ऊंद ह्यु.”

पतरस अंदुन, “हे मळसा, ना आलच.”

59 बाक मातूत ऊंद घंटा अनूद बाददा ऊंद मळसा भरोसा माळुकु अंदुन, “जरूर ईव भी रा आऊन सांगुळ ईरोन, यतकी ईव गलीली हुन.”

60 पतरस अंदुन, “हे मळसा, ना जान्सालीन कि नी येन अनेत्या!”

आव अनतेला अच ईरोन कि तुरनुत हुंज कुगत. 61 आग प्रभु तरिगकु पतरस उन दी नोळदुन, अदकि पतरस उक प्रभु उन आ मात याद बतूत जो आव अंददिन: “ईद हुंज इन कुगगोर से पयला, नी मुर घन नान इनकार माळ्या.”

62 अदकि आव व्हार्या होटक हुदक्या कोट कोटक वरलदुन.

यीशु उन अपमान

(मत्ती २६:६७,६८; मरकुस १४:६५)

63 जो मळसागोळ यीशु उक हुडुकु ईरोर, आंदुर आऊन मज्याक हारसकु आऊक बडुली कुरतुर; 64 आंदुर आऊन कण्णगोळ मा पट्टी कटकु आऊन से केळदुर, “भवषियवाणी हेळ कि नीनी याव बळदुन!” 65 अदकि आंदुर आऊन अपमान माळुकु आऊन वरिोध दा हापाळ सा मातगोळ अंदुर.

महासभा अनूद मुंद यीशु

(मत्ती २६:५९-६६; मरकुस १४:५५-६४; यूहन्ना १८:१९-२४)

66 याग हागुल आत रा लॉकुरद स्याणा अदकि प्रधान याजक अदकि नयिम इन गुरु जमा आदुर, अदकि यीशु उक तान महासभा दा तनकु केळदुर, 67 “येन नी मसीह ह्यु? रा नाम से अंद बुळ!”

यीशु आंदरी उत्तर कोटदुन, “अगर ना नीम से अनाईन, तरी भी नीव वशिवास माळतीदील; 68 अदकि अगर ना सवाल केळाईन रा नीव उत्तर कोळतीदील. 69 लेकीन ईगी टु ना मळसा अन पार सर्वशक्तमिान परमेश्वर उन ऊमा कय दी कुरतकु ईराइन.”

70 इदुर मा सपपा मुंदुर अंदुर, “रा येन नी परमेश्वर उन पार ह्यु?”

यीशु उत्तर कोटदुन, “नीव खुद अच अंतरी, कि ना हुईन.”

71 आग आंदुर अंदुर, “ईग नामी गवाही इन येन जरवत आद; यतकी नाव खुद आऊन बाय देल केळ कोडेव.”

## 23

पलातुस उन मुंद यीशु

(मत्ती २७:१,२,११-१४; मरकुस १५:१-५; यूहन्ना १८:२८-३८)

1 आग सपपा सभा यदकु यीशु उक पलातुस उन हात्ती ओतुर. 2 आंदुर ईद अनकु आऊन मा दोष हचली कुरतुर: “नाव ईऊक यहूदी लॉकुरी बयकुसत, अदकि रोमन सम्राट उक कर कोळोद से मना माळत, अदकि तान तान इक मसीह, अन राजा अनतेला केळेव.”

3 पलातुस यीशु उक केळदुन, “येन नी यहूदीगोळद राजा ह्यु?”

यीशु आऊक उत्तर कोटदुन, “नी खुद अच अनेत्या.”

4 आग पलातुस प्रधान याजकगोळ अदकि लॉकुर से अंदुन, “ना ई मळसा अनूद बुळक यातोदु दोष नोळालीन.”

5 लेकीन आंदुर मातूत यक्कुल यकीन देल अनली कुरतुर, “ईव गलील टु ईल ताका, सपपा यहूदी प्रदेश दा उपदेश कोट कोटक लॉकुरी भळकुसतान.”

हेरोदेस उन मुंद यीशु

6 ईद केळुकु पलातुस केळदुन, “येन ईव मळसा गलीली हुन?” 7 अदकि याग पलातुस ईद जानसदुन कि आव हेरोदेस उन रध्यासत ईनव हुन, रा आऊक हेरोदेस उन हात्ती कळु बुटदुन, यतकी आ दनिगोळ दा हेरोदेस भी यूरशलेम दा ईरोन. 8 हेरोदेस यीशु उक नोळुकु हापाळ खुश आदुन, यतकी आव हापाळ दर्नी टु आऊक नोळोद चाहासोन; यतकी हेरोदेस आऊन बारा दा केळीदुन, अदकि आऊन से येनारा चमतकार नोळोद आशा ईटोन. 9 आव आऊन से हापाळ सा प्रश्न केळत ईतुन, पर आव आऊक येनु उत्तर कोटीदील. 10 प्रधान याजक अदकि नयिम इन गुरु नदिरकु आऊन मा गंभीर आरोप हचतेला ईतुन. 11 आग हेरोदेस तान सपिाहीगोळद सांगुळ आऊन अपमान माळुकु आऊक मज्याक दा हारसदुन, अदकि सुंदर कपळा हाकसुसकु आऊक पलातुस उन हात्ती कळु बुटदुन. 12 अदा दशी पलातुस अदकि हेरोदेस संगी आगेदुर; इदुर से पयले आंदुर आबुर दाबुरद दुश्मन ईरोर.



पलितासु दवारा यीशु उक मृत्यु दण्ड

(मत्ती २७:१५-२६; मरकुस १५:६-१५; यूहन्ना १८:३१-१९:१६)

13 पलितासु प्रधान याजकगोळ अदकि सरदारगोळ अदकि लाँकुरी कारदुन, 14 अदकि आंदुर से अंदुन, “नीव ई मंळसा अक लाँकुरी बयकुसावाळा समसकु नान हात्ती तदीर, अदकि नोळी, ना नीम मुद आऊन जाँच माळदीन, लेकीन या मातगोळद नीव आऊन मा दोष हचेतीर आ मातगोळद बारा दा रा ना आऊन बुळक दा येनु अच दोष नोळीदील; 15 अदकि ना रा हेरोदेस राजा आऊन दा येनारा दोष नोळदुन, यतकी आव आऊक नाम हात्ती कळु बुटदुन; अदकि नोळी, आऊन से हगि यातोदु दोष आगीदील क् आऊक मृत्यु दण्ड कोटकु आगुल. 16 इदुरसाटी ना आऊक बळसुसकु बटि बुळतीन.” 17 यतकी आ हाब्व इन समय दा पलितासु उक आंदुर साटी ऊद बंदी इक बळिोद बळितोगोद\*.

18 आग सप्पा मंदुर गुट माळकु चळिलासकु येददुर, “ईऊक कोद बुळ, अदकि नाम साटी बरअबवा अक बटि बुळ!” 19 बरअबवा दंगा फसाद इन कारण जो नगर दा आगीत, अदकि हत्या अन्द कारण बंदीगृह दा हाक्कु आगीदुन.

20 लेकीन पलितासु यीशु उक बळिोद इच्छा देल लाँकुरी मात्त समजुसदुन, 21 लेकीन आंदुर मात्त चळिासकु अंदुर, “आऊक कूस मा येरस, कूस मा!”

22 आव तसिरा घन आंदुर से अंदुन, “येती, आव याता गुणा माळयान? ना आऊन बुळक मृत्यु दण्ड इन लायक यातोदु दोष नोळीदील. इदुरसाटी ना आऊक क्वाळा बळसुसकु बटि बुळतीन.”

23 लेकीन आंदुर चळिास-चळिासकु आऊन हदि हत्तेदुर क् आऊक कूस मा येरसकु आगुल, अदकि आखरी दा आंदुर चळिासोद सफल आगेत. 24 इदुरसाटी ह्यांग लाँकुर चाहासदुर हांग अच पलितासु आंदुर मांग इन अनुसार सहमती कोटदुन. 25 आव आ मंळसा अक जो दंगा फसाद अदकि हत्या अन्द कारण बंदीगृह दा हाक्कु आगीदुन, अदकि यारी आ लाँकुर बेळोर, आऊक बटि बुटदुन; अदकि यीशु उक आ लाँकुरद इच्छा अन्द अनुसार सौपस बुटदुन, क् आंदुर जो चाहस्यार अद आऊन सांगुळ माळ सकुल.

यीशु उक कूस मा येरसोद

(मत्ती २७:३२-४४; मरकुस १५:२१-३२; यूहन्ना १९:१७-२७)

26 याग आंदुर यीशु उक ओयोर, रा आंदुर शमीन हेसुर इन ऊद कुरेनी मंळसा जो नगर दी टु बरोन, आऊक हुडकु आऊन मा कूस मंळसा बुटुर क् आऊक यीशु ऊद हदि-हदि वोय सकुल.

27 लाँकुरद धोळद भीळ आऊन हदि आगेत अदकि अदुरदा हापाळ सा आरतेर भी ईरोर जो आऊन साटी याददा-पटिसोर अदकि वलिाप माळतोगोर. 28 यीशु आंदुर दी तरिगकु अंदुन, “हे यरूशलेम इन पोरगोळा, नान साटी वरुलबाळी; लेकीन तान अदकि तान चकिोरगोळ साटी वरली. 29 यतकी नोळी, अव दनि बरताव, या दनि दा लाँकुर अंदार, ‘अन्य आर आंदुर जो वांझला आर अदकि अव गरभ जो हाळददील अदकि अव सतन जो हाल कुळसदील.’ 30 ‘आ समय आंदुर पहाळीगोळ से अंदार क् नाम मा बळी, अदकि ट्याकरागोळ से अंदार क् नामी मुचच बुळी.’ 31 यतकी याग आंदुर हविरा मारर इन सांगुळ हगि माळतार, रा वंळगीद मारर इन सांगुळ येन-येन माळतीदील?”

32 आंदुर अन्य येदद मंळसागोळी जो अपराधी ईरोर आंदरी भी यीशु उन सांगुळ कोनली ओतुर. 33 याग आंदुर आ जागा यारी खोपळी अनतार होदुर, रा आंदुर अल यीशु उक अदकि आ अपराधीगोळी भी, ऊद मंळसा अक ऊमा कय दी अदकि दुसरा मंळसा अक डाक्या कय दी कूसगोळ मा येरसदुर. 34 आग यीशु अंदुन, “हे आप्पा, इंदरी माफ माळ, यतकी इंदुर जानुसालुर क् इंदुर येन माळीत्यार.”

अदकि आंदुर चटिठी गोळी हाक्कु आऊन कपळा वाटस कोडुर. 35 लाँकुर नदुर-नदुरकु नोळोर, अदकि सरदार भी मज्याक माळ माळकु अनतोगोर: “ईव दुसरा अक ऊळसदुन, अगर ईव परमेश्वर उन मसीह हुन, अदकि आऊन नविळुसदव हुन, रा तान तान इक ऊळस कोमुल.”

36 सपिाही भी हात्ती बंदकु अदकि केय हळलग अंगुर इन रास्सा कोटकु आऊन मज्याक हारसकु अनतोगोर, 37 “अगर नी यहूदीगोळद राजा हुय, रा तान तान इक ऊळस!”

38 अदकि आऊन म्याकुच ऊद दोष चटिठी भी हच बुटुर: “ईव यहूदीगोळद राजा हुन.”

39 जो अपराधीगोळ अल लटकुकु आगदुर, आंदुर दा टु ऊद अपराधी यीशु उन अपमान माळकु अंदुन, “येन नी मसीह आलच? रा बाक तान तान इक अदकि नामी ऊळस!”

40 इंदुर मा दुसरा अपराधी आऊन मा चळिलासकु अंदुन, “येन नी परमेश्वर से भी अंजाल? नीनी भी रा अदा दण्ड सकिकेत्याद, 41 अदकि नामी रा न्यायनुसार दण्ड सकित्याद, यतकी नामी तान क्याल्सागोळद बराबर फल सकित्याद; लेकीन ईव रा यातोदु अपराध माळीदलि.” 42 आग आव अंदुन, “हे यीशु, याग नी तान राज्य दा बंद्या, रा नांव याद माळत.”

43 यीशु आऊन से अंदुन, “ना नीन से खरा माताळतीन क् ईदल्या अच नी नान सांगुळ सुखदलोक दा ईत्या.”

यीशु उन जीव त्यागसोद

(मत्ती २७:४५-५६; मरकुस १५:३३-४१; यूहन्ना १९:२८-३०)

\* 23:17 २३:१७ ईद वचन हाळोद हसतलेखा दा लखिसकु हेलेच ✧ 23:30 २३:३० प्रकाशतिवाक्य ६:१६

44 ईग ईद हागुल इन लगभग हनुनेळ मुरांद समय ईरोद अदकि हागुल इन मुर मुरास ताका सप्पा दयाश दा अंधार आगकु ईत्त, 45 अदकि सुर्य अनंद उजुळ हागुत ईत्त, अदकि मंदर इन परदा न्याड्या दा टु हरदोत, 46 अदकि यीशु धोळद आवाज देल कारूकु अंदुन, “ह् आप्प, ना तान आत्मा नीन कय दा सोपसतीन.” अदकि ईद अंदकु सोतोदुन.

47 सपिाहीगोळव अधकरी, जो येनारा आगीत नोळकु परमेश्वर उन स्तुति माळदुन, अदकि अंदुन, “नशिचय ई मंळसा न्यायी ईरोन.”

48 अदकि भीळ जो ई येनारा आगीत नोळली जमा आगीत, ई घटना अक नोळकु याददा बडुत वापस होटोत. 49 लेकीन आऊनोर सप्पा जान पयचान वाळेर, अदकि जो आरतेर गलील टु आऊन हदि बंदीदुर, दुर नदिरकु ई सप्पा नोळेर.

यीशु उक नळसोद

(मत्ती २७:५७-६१; मरकुस १५:४२-४७; यूहनना १९:३६-४२)

50 अल यूसुफ हेसुर ईनव महासभा अनंद ऊंद वळलीद सदस्य ईरोन जो सज्जन अदकि न्यायी ईरोन. 51 अदकि आंदुरद फैसला देल अदकि आंदुरद ई कयालसा देल सयमत ईला ईरोन. आव यहूदीगोळद अरमितिया नगर इन ईरावाळा अदकि परमेश्वर उन राज्य अनंद हादी कायावाळा ईरोन. 52 आव पलातुस उन हात्ती हागकु यीशु ऊंद लाश वेळदुन; 53 अदकि आग यीशु उक कूस मा टु ईळसकु मलमल इन चदर दा गुळसदुन, अदकि ऊंद कवर दा ईटदुन, जो कल्ल इन जागा दा अगुळकु ईरोद; अदकि आ जागा दा यावारा अक भी यागलु ईटकु आगीदील. 54 अद तयारी इन दनि ईरोद, अदकि आराम इन दनि सूरु आगोद ईरोद.

55 मरयिम मगदलीनी जो यीशु उन सांगुळ गलील टु बंदीदुर, यूसुफ उन हदि हदि हागकु आ कवर अक नोळदुर, अदकि ईद भी नोळदुर क आऊन लाश इक याता रीत देल ईटकु आग्याद. 56 आग आंदुर वापस मान्या बंदकु सुगन्धति अत्तर अदकि मसालागोळ तयार माळदुर; अदकि आराम इन दनि आंदुर आग्या अनंद अनुसार आराम माळदुर.

## 24

यीशु उन पुनरुत्थान

(मत्ती २८:१-१०; मरकुस १६:१-८; यूहनना २०:१-१०)

1 लेकीन हप्ता अनंद पयला दशिी हापाळ व्हातरया का आंदुर आ सुगन्धति सामानगोळी जो आंदुर तयार माळीदुर, हुळकु कवर मा बंदुर. 2 आंदुर जो कल्ल कवर अनंद दरवाजा मा झाकसकु ईरोद अदरी सरकुसकु नोळदुर, 3 पर याग आंदुर बुळक होदुर रा आंदरी प्रभु यीशु उन लाश काळसीदील. 4 याग आंदुर ई मात देल चकति आगार रा नोळी, येदुळ मंळसा बरफ इन घाई वळिव चमकदार झलकुसुत कपळा हाककु आंदुर हात्ती बंदकु नदिरदुर. 5 याग आंदुर अजेदुर अदकि पृथ्वी इन दी बाय बांगसोर रा आ स्वर्गदूतगोळ आंदुर से अंदुर, “नीव जतिता मंळसा अक सोततकु मंळसा दा येती दुदुसेतीर? 6 आब ईल हैलेच, लेकीन जतिता आगयान. याद माळी क आब गलील दा ईतकु नीम से येन अंददिन, 7 जर्री आद क ना मंळसा अन पार पापीगोळद कय दा हुळसुसकु आगाईन, अदकि कूस मा येरसकु आगाईन, अदकि तसिरा दशिी मात्त जतिता आगाईन.”

8 आग यीशु जो मातगोळ आंदरी अंददिन अव मातगोळ आंदरी याद वंदव, 9 अदकि कवर टु बंदकु आंदुर आ हनुन मुंदरी, अदकि अन्य सप्पा मुंदरी, इव मातगोळी अनकु केळसदुर. 10 आंदुर प्रेरतिगोळ से ईव मातगोळी अंदुर आंदुर मरयिम मगदलीनी अदकि योअनुना अदकि याकुब उन मोय मरयिम अदकि आंदुर सांगुळ इन दुसरा आरतेर भी ईरोर. 11 लेकीन आंदुर मातगोळ आंदरी फालतु हतदव, अदकि आंदुर आंदुरद वशिवास माळीदील. 12 आग पतरस यदकु कवर दी ओळतेला होदुन, अदकि बांगकु सरिफ कफन इन कपळा बदिकु नोळदुन, अदकि जो आगीत अदुर देल अचमभा माळतेला तान मान्नी होटोदुन.

इममाऊस ऊर इन हादी मा यीशु तान चेलागोळ सांगुळ

(मरकुस १६:१२-१३)

13 अदा दशिी आंदुर दा टु येदुळ मुंदुर इममाऊस हेसुर इन ऊंद ऊर इक हागोर, जो यरूशलेम टु येनारा येळ कोस इन दुरी मा ईरोद. 14 आंदुर इव सप्पा मातगोळ मा जो आगीदव, आपस दा मातचीत माळतेला हागोर, 15 अदकि याग आंदुर आपस दा मातचीत अदकि जांच माळोर, रा यीशु खुद हात्ती बंदकु आंदुर सांगुळ आगोदुन. 16 आंदुर आऊक नोळदुर लेकीन अरू सकदील. 17 यीशु आंदुर से केळदुन, “ईव येन मातगोळ आव, जो नीव नळुत नळुत आपस दा माळतीर?”

आंदुर उदास सा नदिरकु ईतोदुर. 18 ईद केळकु आंदुर दा टु क्लयिोपास हेसुर ईनव ऊंद मंळसा अंदुन, “येन नी यरूशलेम दा आवना परदेशी आय, जो जान्सालुन क ई दनिगोळ दा अदुरदा येन येन आग्याद?”

19 आव आंदुर से केळदुन, “यातव मातगोळ?”

आंदुर आऊन से अंदुर, “यीशु नासरी इन बारा दा जो परमेश्वर अदकि सप्पा लॉकर हात्ती कयालसा अदकि वचन दा सामर्थी भवषियवक्ता ईरोन, 20 अदकि प्रधान याजकगोळ अदकि नाम सरदारगोळ आऊक हुळसुस बुटुर क आऊन मा मृत्यु ऊंद आग्या कोटकु आगुल; अदकि आऊक कूस मा येरसुसदुर. 21 लेकीन नामी आशा ईरोद क

ईवा इस्त्राएल दयाश इक छुटकारा कोट्टान. इव सब मातगोळ्द अलावा ईद घटना अक आत तसिरा दनि हुन, 22 अदकि नाम दा टु हापाळ आरतेर भी नामी आशचर्य दा हाक बुटार, जो हुंजकुका अच कवर मा होगीदुर; 23 अदकि याग यीशु उन लाश नोळीदील रा ईद अनतेला बंदुर क नाव स्वर्गदूतगोळ्द दर्शन माळदेव, यार अंदुर क आव जतिता आन. 24 आग नाम साथीगोळ दा टु हापाळ मुंदुर कवर मा होदुर, अदकि हयांग आरतेर अंदीदुर हांग अच नोळदुर; लेकीन आऊक नोळीदील.”

25 आग यीशु आंदुर से अंदुन, “हे नरिबुदधीगोळा, अदकि भवषियवक्तागोळ्द सब मातगोळ मा वशिवास माळदुर दा याट धीर आईर! 26 येन जरूरी ईला ईरोद क मसीह ईद दुख नेगुकु तान महमा दा प्रवेश माळुल?” 27 आग आव मूसा से अदकि सप्या भवषियवक्तागोळ से सूरवात माळकु सप्या पवतिरशास्त्र दा टु तान बारा दा लखिसदव मातगोळ्द अरथ, आंदरी समझस बुट्टन.

28 इदुर दा आंदुर आ ऊर इन हात्ती पोहचुसदुर यल आंदुर होगोर, अदकि आऊन ढंग देल हगि समझ दा बरोद क आव मुद आगोद चाहासतान. 29 लेकीन आंदुर ईद अनकु आऊक वनिती माळकु रोकसदुर, “नाम सांगुळ ईर, यतकी दयाव मूळकत बरेत्याद अदकि हागुल हापाळ ढलुसीग्याद.” आग आव आंदुर सांगुळ ईरोर साठी बुळक होदुन. 30 याग आव आंदुर सांगुळ ऊमली कुरतुन, रा आव रोटी हुळकु परमेश्वर उन धन्यवाद माळदुन अदकि अदरी मूरुकु आंदरी कोळली कुरतुन. 31 आग आंदुर कण्णगोळ तेरदोदव; अदकि आंदुर आऊक अरत कोडुर, अदकि आव आंदुर कण्णगोळ देल पचचेदुन. 32 आंदुर आपस दा अंदुर, “याग आव हादी मा नाम से मातगोळी माळतोगोन अदकि पवतिरशास्त्र अनद अरथ नामी समझस तोगोन, रा येन नाम मन दा उततेजना पैदा आगीदील?”

33 आंदुर अदा समय यदकु मातत यरूशलेम इक होटोदुर, अदकि आ हनुन चेलागोळी अदकि आंदुर संगीगोळी जमा नोळदुर. 34 आंदुर अनतोगोर, “प्रभु खराखुरा जतिता आगयान, अदकि शमीन उक काळस्यान.”

35 आग आंदुर हादी इन मातगोळी आंदरी हेळ बुटुर अदकि ईद भी कियेदुदु मुंदुर यीशु उक रोटी मुरा होती हयांग अरतुर.

यीशु चेलागोळी काळसदुन

(मत्ती २८:१६-२०; मरकुस १६:१४-१८; यूहनना २०:११-२३; प्रेरतिगोळ १:६-८)

36 आंदुर ई मातगोळी अनतेला अच ईरोर क आव खुद अच आंदुर न्याड्या दा नदिरदुन, अदकि आंदुर से अंदुन, “नीमी शांती सकिल.”

37 लेकीन आंदुर घबरसेदुर अदकि अंजेदुर, अदकि समसेदुर क नाव यातोदारा भूत इक नोळीतेव. 38 आव आंदुर से अंदुन, “येती घबरसेतीर? अदकि नीम मन दा येती संदेह येळताव? 39 नान कय अदकि नान कालगोळी नोळी क ना आवा हुईन. नानी मुटकु नोळी, यतकी भूत इन येलु दा मास ईराल हयांग नान दा नोळतीर.”

40 ईद अंदकु यीशु आंदरी तान कय काल तोरसदुन. 41 आंदरी खुशी इन मारा देल वशिवास ईला आगोद, अदकि आंदुर आशचर्य माळतोगोर, रा आव आंदुर से केळदुन, “येन ईल नीम हात्ती येनारा ऊममोद आद?” 42 आंदुर आऊक सुळद मेन इन तुकळा कोट्टुर. 43 आव हुडुकु आंदुर मुंद तदिन.

44 वाक आव आंदुर से अंदुन, “ईव नानव अव मातगोळ हु, जो ना नीम सांगुळ ईरतेला नीम से अंददिन क जरूरी आद कयास मातगोळ मूसा अन व्यवस्था अदकि भवषियवक्तागोळ अदकि भजनगोळ कतिबगोळ दा नान बारा दा लखिसकु आव, सप्या पुरा आगुल.”

45 आग यीशु पवतिरशास्त्र जानसोर साठी आंदुर समझ खोलसदुन, 46 अदकि यीशु अंदुन, “ईद लखिसकु आद क मसीह दुख नेगदान, अदकि तसिरा दाशी सोततुर दा टु जतिता आदान, 47 अदकि यरूशलेम टु हुळकु सप्या जातीगोळ्द लॉकुर दा आंदुर हगि प्रचार माळली कुरतुर क आंदुर तान पाप माळोद बंद माळुल अदकि परमेश्वर आंदरी माफ माळुल. 48 नीव ई सप्या मातगोळ्द गवाह आईर. 49 अदकि नोळी, जो ईनाम नान आपप नानी कोळोद वादा माळीदुन, ना अदरी नीम मा ईळसाईन अदकि यागासताका म्याकुच स्वर्ग टु सामरथ्य सकाल, आगासताका नीव ईदा नगर दा रूकसकु ईरी.”

यीशु उन स्वर्गारोहण

(मरकुस १६:१९, २०; प्रेरतिगोळ १:९-११)

50 आग यीशु आंदरी बैतनयियाह ताका नगर इन वहारया ओतुन, अदकि तान कय नेगुकु आंदरी आशीष कोट्टुन; 51 अदकि आंदरी आशीष कोळतेला आव आंदुर से अलग आगोदुन अदकि स्वर्ग मा नेगुकु आदुन. 52 आग आंदुर आऊक दण्डवत माळकु बळा खुशी देल यरूशलेम इक मातत वापस बंदुर; 53 अदकि आंदुर लगातार मंदिर दा उपस्थति आगकु परमेश्वर उन धन्यवाद माळतोगोर.

## यूहन्ना रचति यीशु मसीह का सुसमाचार यूहन्ना अन्द लखिसद यीशु मसीह अन बारा दा खुशखबरी परचिय

ईद यूहन्ना अन लखिसद ई खुशखबरी इन कतिब वहाशेव नयिम इन नाक खुशखबरी इन कतिबगोळ दा टु ऊंद हुन, जो यीशु मसीह अन जीवन इन बारा दा हेळतद. यीशु मसीह अन सोत्तुर बाद्दा, मत्ती, मरकुस, लूका, अदकि यूहन्ना अन द्वारा ई कतिबगोळी लखिसकु आग्याद. ई सप्पा कतिबगोळी खुशखबरी इन कतिब अनतार. मसीह अन जनम इन १० वर्ष इन बाद्दा ईद खुशखबरी परेरति यूहन्ना लखिसयान. ई कतिब दा ईद लखिसकु हैलेच की इदरी लखिसावाळा लेखक यूहन्ना हुन, तरी भी पयला यूहन्ना, दुसरा यूहन्ना अदकि तिसरा यूहन्ना अन लखिावट देल मेल तनितद. आ समय यूहन्ना इफसिस शयर दा ईरतोगोन इदुरसाटी ई कतिब इफसिस दा लखिसकु आग्याद हगि येनारा स्याणा लेखकगोळ मानसतार.

यूहन्ना ई कतिब लखिसोद उद्देश सफाई देल ईटतान की लॉकुरी, यीशु मसीह हुन अदकि जित्ता परमेश्वर उन पार हुन यूहन्ना २०:३१ ई मात मा वशिवास माळोर साटी लॉकुरी मदत सकिल. आऊन मा वशिवास माळदुर द्वारा आऊन हेसुर देल नामी जीवन सकि सकुल. ईद कतिब यहूदी अदकि गौरयहूदी येदहु मुंदुर साटी लखिसकु आग्याद. यूहन्ना अन खुशखबरी दा बाकी नव मुर खुशखबरी दा टु येनारा मातगोळ अलग आव. यीशु मसीह अन माळद चमत्कारगोळ मा यूहन्ना ऊजुळ हाकतान अदकि आऊन उदाहरणगोळ बारा दा यक्कुल लखिसकु आगीदील. यीशु अन बपतसिमा अदकि सुनसान जागा दा परीक्षा, ऊंदा घाई जरूरी घटनागोळी ई खुशखबरी दा लखिसकु आगीदील. रूप रेखा:

१. यूहन्ना खुशखबरी इन सूवात १:१-१८
२. बाद्दा आव आ चमत्कारगोळ बारा दा लखिसतान जो यीशु माळयान १:१९-१२:५०
३. मुंद आव हापाळ घटनागोळ बारा दा हेळतान जो यीशु मसीह इन जीवन इक मृत्यु अदकि पुनरूत्थान ताका ओयताव १३:१-२०:३१
४. यूहन्ना अन २१ आ पाठ दा खुशखबरी खतम माळतान, यदुर दा यीशु सोत्तुर दा टु जित्ता आगकु लॉकुर मुंद बरतान. अदकि आखरी दा तान कतिब लखिसोद उद्देश हेळतेला खतम माळतान.

### जीवन इन शब्द

१ सूवात दा शब्द ईरोद, अदकि शब्द परमेश्वर उन सांगुळ ईरोद, अदकि शब्द परमेश्वर ईरोन. २ ईदा शब्द सूवात टु परमेश्वर उन सांगुळ ईरोद. ३ सप्पा येनारा शब्द इन द्वारा पैदा आत, अदकि जो येनारा पैदा आग्याद अदुर दा टु यातोदारा भी चजि आऊन सवािय बनसीदील. ४ शब्द जीवन इन स्त्रोत ईरोद अदकि अद जीवन लॉकुर साटी ऊजुळ तर्त. ५ ऊजुळ अंधार दा चमकुसतद, अदकि अंधार यागलु इदरी हारूस सकाल.

६ परमेश्वर ऊंद बातणी कोळावाळा कळदुन यार्द हेसुर यूहन्ना ईरोद. ७ आव गवाही कोळली बंदुन की ऊजुळ इन गवाही कोळल, ताकी सप्पा मुंदुर आऊन बातणी केळकु वशिवास माळुल. ८ आव खुद रा ऊजुळ ईला ईरोन, लेकीन आ ऊजुळ इन गवाही कोळोर साटी बंदीदुन. ९ खर ऊजुळ जो हर ऊंद मळसा अक प्रकाशति माळतद, दुनया दा बरावाळा ईरोद.

१० अद शब्द दुनया दा ईरोद, अदकि परमेश्वर आऊन द्वारा दुनया माळदुन, तरी भी दुनया आऊक अरतीदलि. ११ आव तान खुद इन लॉकुर हाती बंदुन लेकीन आऊन खुद इन लॉकुर आऊक ग्रहण माळीदील. १२ लेकीन यास मुंदुर आऊक ग्रहण माळदुर, मतलब आंदरी जो आऊन हेसुर मा वशिवास ईटतार, आव आंदरी परमेश्वर उन औलाद आगोद अधकार कोटदुन. १३ आंदुर ना रा स्वाभाविक तरीका देल परमेश्वर उन औलाद बनसदुर, मतलब मानवीय आप्प उन देल पैदा आगीदील बल्की परमेश्वर खुद आंदुरव आप्प ईरोन.

१४ अदकि वचन देहधारी आत; अदकि अनुग्रह अदकि सच्च्चाई देल परिपुर्ण आगकु नाम न्याइया इयारा हाकत, अदकि नाव अदुरद हगि महिमा नोळदेव, जसा आप्प उन ऊंद ठैसा अन्द महिमा.

१५ यूहन्ना आऊन बारा दा गवाही कोटदुन, अदकि कार्कु अंदुन, "ईव आवा हुन, यार्द वर्णन ना माळदीन की जो नान बाद्दा बरेत्थान, आव नान से वाळुसकु आन यतकी आव नान से पयले ईरोन."

१६ यतकी आऊन परिपुर्णता दा टु नाव सप्पा मुंदुर प्राप्त माळदेव मतलब अनुग्रह मा अनुग्रह प्राप्त माळदेव. १७ इदुरसाटी कविषयस्था रा मूसा अन्द द्वारा कोटकु आत, लेकीन अनुग्रह अदकि सच्च्चाई यीशु मसीह अन्द द्वारा बत्त. १८ परमेश्वर उक याऊ यागलु नोळीदील, ऊंद ठैसा पार जो आप्प उन क्वारा दा आन, आवा परमेश्वर उक प्रगट माळदुन.

यूहन्ना बपतसिमा कोळावाळा अन्द बातणी  
(मत्ती ३:१-१२; मरकुस १:१-८; लूका ३:१-१८)

19 यूहन्ना अन्द गवाही ईद आद, कऱ याग यहूदीगोळ यरूशलेम टु याजकगोळ अदकि कर ताकोमावाळेर इक आऊन से ईद केळोर साटी कळुदुर, “नी याव हुय?”

20 रा आव ईद मान्स कोडुन अदकि इनकार माळीदलि, लेकीन मान्स कोडुन, “ना मसीह आलच.”

21 आग आंदुर आऊन से केळुदुर, “रा बाक नी याव हुय? येन नी एलयियाह हुय?”

आव अंदुन, ईला, “ना एलयियाह आलच.”

“रा येन नी आ भवषियवक्ता हुय?”

आव उत्तर कोट्टुन, “ईला.”

22 आग आंदुर आऊन से केळुदुर, “बाक नी हुय याव? यतकी नाव तान कळावाळेर इक उत्तर कोट्टेव. नी तान बारा दा येन हेळत्या?”

23 यूहन्ना अंदुन, “हयांग यशायाह भवषियवक्ता अंदान:

“ना आळी दा ऊंद कारावाळा अन्द आवाज हुईन  
कऱ नीव परभु उन हादी सरका माळी.”

24 आंदुर फरीसीगोळद दी टु कळुक् आगीदुर. 25 आंदुर आऊन से केळुदुर, “अगर नी मसीह आलच, अदकि ना एलयियाह, अदकि ना आ भवषियवक्ता हुय, रा बाक बपतसिमा येती कोळत्या?”

26 बपतसिमा कोळावाळा यूहन्ना आंदरी उत्तर कोट्टुन, “ना रा नीर देल बपतसिमा कोळतीन, लेकीन नीम बीच दा ऊंद मंळसा नदिरकु आन यारी नीव अरालीर. 27 मतलब नान बाद्दा बरावाळा आन, आऊन केरू उन बन्ध भी ना खोलसा लायक हैलेच.”

28 “ई मातगोळ यरदन गांगा अन्द आप्पाटी बैतनयियाह नगर दा आदव, यल यूहन्ना बपतसिमा कोळतोगेन.”

परमेश्वर उन मेमना\*

29 “दुसरा दशि यूहन्ना यीशु उक तान दी बरत नोळकु अंदुन, नोळी ईव परमेश्वर उन म्यांडा अन पाड्डा हुन जो दुनया अन्द पाप नेगुक् वोयतान. 30 ईव आवा हुन यार्द बारा दा ना अंददिन, ऊंद मंळसा नान हदि बरतान जो नान से श्रष्ट आन, यतकी आव नान से पयले ईरोन. 31 ना भी रा आऊक ईला अरीन, लेकीन इदुरसाटी ना नीर देल बपतसिमा कोळतेला बंदीन कऱ आव इस्त्राएल मा परगट आगेगुल.”

32 अदकि बपतसिमा कोळावाळा यूहन्ना ईद गवाही कोट्टुन: “ना पवतिर आत्मा अक कबूतर इन घाई स्वर्ग टु ईळुतेला नोळीन, अदकि नोळदीन कऱ आ आत्मा आऊन मा बंदकु टेहूरसेत. 33 ना रा आऊक ईला अरीन, लेकीन याव नानी नीर देल बपतसिमा कोळली कळुदुन, आवा नान से अंदुन, ‘यार मा नी आत्मा अक ईळुत अदकि टेहूरसेत नोळ्या, आवा पवतिर आत्मा देल बपतसिमा कोळावाळा हुन.’ 34 अदकि ना नोळदीन, अदकि गवाही कोट्टीन कऱ ईवा परमेश्वर उन पार हुन.”

यीशु नोर पयला चेलागोळ

35 दुसरा दनि मातत यूहन्ना तान येदद चेलागोळ सांगुळ नदिरकु ईरोन, 36 अदकि आव यीशु उक होगुत नोळदुन, अदकि अंदुन, “नोळी, ईव परमेश्वर उन म्यांडा अन पाड्डा हुन.”

37 आग आंदुर येददु चेलागोळ आऊन मातगोळ केळुक् यीशु उन हदि आगेदुर. 38 यीशु तरिगकु आंदरी बरत नोळदुन अदकि आंदुर से अंदुन, “नीव यार्द खोज दा आईर?”

आंदुर आऊन से अंदुर, “हे गुरु, नी यल ईरत्या?”

39 यीशु आंदुर से अंदुन, “नळी, रा नोळ कोंडीर.” आग आंदुर होगकु आऊन ईरोद जागा नोळदुर, अदकि आ दनि आऊन सांगुळ ईत्तुर. यतकी द्यावमुळका नव लगभग नाक मुरदोगदिव.

40 आ येददु मुंदुर दा टु, जो यूहन्ना अन्द मात केळुक् हदि आगेगीदुर, ऊंद शमौन पतरस उन वार्ट अन्दरय्यास ईरोन. 41 आव पयले तान सग्गा वार्ट शमौन से सकिक् आऊन से अंदुन, “नामी खरसित, मतलब मसीह, सकिकेगयान.” 42 अन्दरय्यास आऊक यीशु उन हातती तंदुन.

यीशु आऊन मा दृष्टी माळुक् अंदुन, “नी यूहन्ना अन्द पार शमौन हुय: नीनी कैफा मतलब पतरस अंदकु आदीत.

फलिपिपुस अदकि नतनएल उक कारूक् आगोद

43 “दुसरा दशि यीशु गलील नगर इक होगोद चाहासदुन. यीशु फलिपिपुस से भेट माळदुन अदकि अंदुन, ‘नान हदि आगेग.’” 44 फलिपिपुस, अन्दरय्यास अदकि पतरस उन नगर बैतसैदा नव ईरावाळा ईरोन. 45 फलिपिपुस नतनएल से भेट माळदुन अदकि आऊन से अंदुन, ‘यार्द वर्णन मूसा व्यवस्था अन्द कतिब दा अदकि भवषियवक्तागोळ माळ्यार, आव नामी सकिकेदुन; आव यूसुफ उन पार, यीशु नासरी हुन.’

46 नतनएल आऊन से अंदुन, “येन येनारा वळुलीद वस्तु भी नासरत नगर टु होळ सकतद?”

फलिपिपुस आऊन से अंदुन, “नळुक् नोळ कोम.”

47 यीशु नतनएल उक तान दी बरत नोळुक् आऊन बारा दा अंदुन, “नोळी, ईव सही दा इस्त्राएली हुन: ईऊन बुळक कपट हैलेच.”

48 नतनएल आऊन से अंदुन, “नी नानी हयांग अरूत्या?”

\* 1:28 १:२९ म्यांडा अन पाड्डा

यीशु आऊक उत्तर कोट्टुन, “इदुर से पयले क्क फलिपिपुस नीनी कारदुन, याग नी अंजीर इन मारूर इन ल्यालमा ईर्या, आग ना नीनी नोळीदीन.”

<sup>49</sup> नतनएल आऊक उत्तर कोट्टुन, “हे गुरु, नी परमेश्वर उन पार हुय; नी इस्त्राएल इन राजा हुय.”

<sup>50</sup> यीशु आऊक उत्तर कोट्टुन, “ना जो नीन से अंदीन क्क ना नीनी अंजीर इन मारूर इन ल्यालमा नोळदीन, येन नी इदुरसाटी नान मा वशिवास माळत्या? नी इदुर से भी धोड-धोडडेव क्क्यालसा नोळ्या.” <sup>51</sup> बाक आऊन से अंदुन, “ना नीम से खरा खरा माताळतीन क्क नीव स्वर्ग इक तैरुतेला, अदक परमेश्वर उन स्वर्गदूतगोळ इक मळसा अन पार उन म्याकुच ईळुत अदक म्याकुच होगत नोळीर.”

## 2

काना नगर दा मदा

<sup>1</sup> तसिरा दशिी गलील इन काना नगर दा यारदारा मदा ईरोद, अदक यीशु उन मोय भी अल ईरोर. <sup>2</sup> यीशु अदक आऊन चेलागोळ भी आ मदा दा आमंत्रति ईरोर. <sup>3</sup> याग अंगुर इन रास्सा खतम आगेत, रा यीशु उन मोय यीशु से अंदुर, “आंदुर हात्ती अंगुर इन रास्सा मकिदिलि.”

<sup>4</sup> यीशु आकनि से अंदुन “हे आरत, नानी नीन से येन क्क्यालसा? ईगल्या नान समय वरली आद.”

<sup>5</sup> आऊन मोय सेवकगोळ से अंदुर, “जो येनारा आव नीम से अंदान, अदा माळेतीर.”

<sup>6</sup> अल यहूदीगोळद कय-काल तोळीद प्रथा अन्द अनुसार कल्लगोळद आर: माळका ईटकु ईरव, हर ऊंद माळका दा लगभग येदद-येदद, मुर-मुर मन तुमकु आगोद. <sup>7</sup> यीशु सेवकगोळ से अंदुन, “माळकागोळ दा नीर तुम बुळी.” आंदुर अवरी सीगासीग तुम बुदुर. <sup>8</sup> आग आव आंदुर से अंदुन, “ईग थवाळासा नीर तेगुकु सयपाक माळावाळा प्रधान उन हात्ती ओई.” अदक आंदुर ओतुर. <sup>9</sup> याग सयपाक माळावाळा प्रधान अद नीर इक नेकदुन, जो अंगुर इन रास्सा बनसगति अदक आव ईला अरोन क्क अद यल टु बदाद लेकीन जो सेवकगोळ नीर तेगददुर आंदुर अरोर, रा सयपाक माळावाळा प्रधान मळगार उक कारुकु आऊन से अंदुन, <sup>10</sup> “हर ऊंद मळसा पयले वळलीद अंगुर इन रास्सा कोळतान, अदक याग लॉकर कुडुकु संतुषट आगेगता, आग थवाळासा मध्यम प्रकार इन रास्सा कोळतान; लेकीन नी रा वळलीद अंगुर इन रास्सा ईगासताका मक्सकु ईट्या.”

<sup>11</sup> यीशु गलील इन काना नगर दा तान ईद पयला चमत्कार तोरसकु तान महमा प्रगट माळदुन अदक आऊन चेलागोळ आऊन मा वशिवास माळदुर.

<sup>12</sup> इदुर बाददा यीशु अदक आऊन मोय अदक आऊन वारदुर अदक आऊन चेलागोळ कफरनहूम नगर इक होदुर अदक अल थवाळासा दिन ईत्तुर.

यीशु उन मंदिर दा होगोद

(मत्ती २१:१२,१३; मरकुस ११:१५-१७; लुका १९:४५,४६)

<sup>13</sup> यहूदीगोळद फसह अन्द हाब्व हात्ती ईरोद, अदक यीशु यूरुशलेम इक होदुन. <sup>14</sup> आव मंदिर दा वस्ता, म्यांडा अदक कबूतर मारावाळेर अदक वहान्ना मारावाळेर लॉकुरी कुर्तकु नोळदुन. <sup>15</sup> आग आव जाळीगोळद क्वाळा माळकु, सप्पा म्यांडागोळ अदक वस्तागोळी मंदिर टु तेगद बुट्टुन, अदक वहान्ना मारावाळेर लॉकुरद पैसया भटिकु सळा माळ बुट्टुन अदक पांळसीगोळी उलटूस बुट्टुन, <sup>16</sup> अदक कबूतरमारावाळेर से अंदुन, “इवरी ईल टु राटनेरी ओई. नान आपु उन मान्ना अक व्यापार इन मान्ना माळवाळी.” <sup>17</sup> \*आग आऊन चेलागोळी याद बत्त क्क लिखिसकु शास्त्र आद, “नीन मान्ना अन्द धुन नानी तदि बुट्टीत.”

<sup>18</sup> इदुर मा यहूदीगोळ आऊन से अंदुर, “नी जो ईद माळत्या रा नामी यातोद चमत्कार तोरसत्या?”

<sup>19</sup> यीशु आंदरी उत्तर कोट्टुन, “ई मंदिर इक केळद बुळी, अदक ना इदरी मुर दिन दा नदिरूस बुळाईन.”

<sup>20</sup> यहूदीगोळ अंदुर, “ई मंदिर इक माळदुर दा छ्यालीस वर्ष हत्याव, अदक येन नी ईदरी मुर दिन दा नदिरूस बुट्ट्या?”

<sup>21</sup> लेकीन यीशु तान मय इन मंदिर इन बारा दा अंददिन. <sup>22</sup> इदुरसाटी याग आव सोत्तुर दा टु जित्ता आदुन रा आऊन चेलागोळी याद बत्त क्क आव ईद अंददिन; अदक आंदुर पवत्रिश्रास्त्र अदक आ वचन इन जो यीशु अंददिन, वशिवास माळदुर.

यीशु मळसा अन्द मन इक अरूतान

<sup>23</sup> याग यीशु यूरुशलेम दा फसह अन्द समय हाब्व दा ईरोन, रा हापाळ मुंदुर आ चमत्कारगोळी जो आव तोरसतोगोन नोळकु आऊन हेसुर मा वशिवास माळदुर. <sup>24</sup> लेकीन यीशु तान तान इक आंदुर भरोसा मा बटिदिलि, यतकी आव सप्पा मुंदुर मनगोळी अरूतोगोन; <sup>25</sup> अदक आऊक जरवत ईला ईरोद क्क मळसा अन्द बारा दा यावारा गवाही कोळुल, यतकी आव खुद अच अरोन क्क मळसा अन्द मन दा येन आद?

## 3

यीशु अदक नीकुदेमुस

\* 2:12 २:१२ मत्ती ६:१३

\* 2:17 २:१७ भजन सहति ६ ९:१९

\* 2:19 २:१९ मत्ती २६:६१; २७:४०; मरकुस १६:५८; १५:२९

1 फरीसीगोळ दा नीकुदेमुस हेसुर ईनव ऊंद मंळसा ईरोन, जो यहूदी लॉकुरव सरदार ईरोन. 2 आव ईळ्लक इक यीशु उन हात्ती बंदकु आऊन से अंदुन, "हे गुरु, नाव जान्सतेव कनि परमेश्वर दी टु गुरु आगकु बंद्या, यतकी ई चनिहगोळी जो नी तोर्सत्या, अगर परमेश्वर नीन सांगुळ ईला ईरायदुन रा नी ई चनिहगोळी ईला तोर्स सकाईद."

3 यीशु आऊक उत्तर कोट्टुन, "ना नीन से खरा खरा अनतीन, अगर यावारा व्हाशोद रीत देल पैदा आगालुन रा आव परमेश्वर उन राज्य नोळ सकालुन."

4 नीकुदेमुस यीशु उक अंदुन, "मंळसा याग हाळावाट आगेदुन, रा हयांग पैदा आग सकतान? येन आव तान मोय इन गर्भ दा दुसरा घन प्रवेश माळकु पैदा आग सकतान?"

5 यीशु उत्तर कोट्टुन, "ना नीन से खरा खरा अनतीन, यागासताका यावारा मंळसा नीर अदकि आत्मा देल पैदा आगालुन आगासताका आव परमेश्वर उन राज्य दा प्रवेश माळ सकालुन. 6 यतकी जो मय देल पैदा आग्याद, अद मय हुन; अदकि जो आत्मा देल पैदा आग्याद, अद आत्मा हुन. 7 अचम्भा माळवाळ कनि ना नीन से अंदीन, 'नीनी व्हाशोद रीत देल पैदा आगेद जरूरी आद.' 8 हवा यात चाहासतद आत नळुतद अदकि नी अदुरद शब्द केळत्या, लेकीन अरू सकाल कनि अद यातु टु बरतद अदकि यात होगतद? जो यावारा आत्मा देल पैदा आग्यान आव हगि अच आन."

9 नीकुदेमुस आऊक उत्तर कोट्टुन, "ईव मातगोळ हयांग आग सकताव?"

10 ईद केळकु यीशु आऊन से अंदुन, "नी इस्त्राएलीगोळद गुरु ईतकु भी येन ई मातगोळी समसाल? 11 ना नीन से खरा खरा अनतीन कनि नाव जो अरूतेव अद माताळतेव, अदकि यदरी नाव नोळेव अदुरद गवाही कोळतेव, अदकि नीव नाम गवाही ग्रहण माळालीर. 12 याग ना नीम से पृथ्वी इन मातगोळ माळदीन अदकि नीव वशिवास माळीदलि, रा अगर ना नीम से स्वर्ग इन मातगोळ माळईन रा बाक हयांग वशिवास माळीर? 13 याऊ स्वर्ग मा येरीदलि, सर्गि आवा जो स्वर्ग टु ईळदान, मतलव मंळसा अन पार जो स्वर्ग दा आन."

14 अदकि याता रीत देल मूसा आळी दा हाव इक ऊँचाई मा येरसदुन, अदा रीत देल जरूरी आद कनि मंळसा अन पार भी ऊँचाई मा येरसकु आगुल; 15 ताकी जो यावारा आऊन मा वशिवास माळयान आऊक अननूत जीवन सकुल. 16 "यतकी परमेश्वर दुनया से हगि प्यार ईटदुन कनि आव तान ऊंद टैसा पार कोट बुट्टुन, ताकी जो यावारा आऊन मा वशिवास माळयान आऊन नाश आगबाळुल, लेकीन आऊक अननूत जीवन सकुल. 17 परमेश्वर तान पार उक दुनया दा इदुरसाटी कळीदलि कनि दुनया मा दण्ड इन आग्या कोळुल, लेकीन इदुरसाटी कळयान कनि दुनया अक आऊन दवारा उदधार सकुल.

18 "जो आऊन मा वशिवास माळतान, आऊन मा दण्ड इन आग्या आगाल, लेकीन जो आऊन मा वशिवास माळालुन, आव दोषी ठहरसतान; इदुरसाटी कनि आव परमेश्वर उन ऊंद टैसा पार उन हेसुर मा वशिवास माळीदलि. 19 अदकि दण्ड इन आग्या अनद कारण ईद आद कनि ज्योती दुनया दा बंदाद, अदकि मंळसागोळ अंधार इक ज्योती से यककुल पर्यि समसदुर यतकी आंदुर कयालसा बुरा ईरव. 20 यतकी जो यावारा बुराई माळतान, आव ज्योती से दुश्मनी ईटतान, अदकि ज्योती इन हात्ती बरालुन, हगि आगबाळुल कनि आऊन कयालसागोळ मा दोष हचकु आगुल. 21 लेकीन आव जो सचचाई मा नळुतान, अदकि ज्योती इन हात्ती बरतान, यदुर देल ईद प्रगट आगेगुल कनि आऊन कयालसा परमेश्वर उन दी टु माळकु आग्याव."

यीशु अदकि यूहन्ना

22 इदुर बाददा यीशु अदकि आऊन चेलागोळ यहूदया दयाश दा बंदुर; अदकि यीशु अल आंदुर सांगुळ ईतकु बपतसिमा कोळली कूतुन. 23 यूहन्ना भी शालेम नगर इन हात्ती ऐनोन दा बपतसिमा कोळतोगोन, यतकी अल हापाळ नीर ईरोद, अदकि लॉकुर बंदकु बपतसिमा ताकोम तोगोर. 24 \*यूहन्ना आ समय ताका बंदीगूह दा हाक्कु आगली ईरोन.

25 अल यूहन्ना अनद चेलागोळद यावारा यहूदी इन सांगुळ शुद्धीकरण इन वारा दा वाद-ववाद आत. 26 अदकि आंदुर यूहन्ना अनद हात्ती बंदकु आऊन से अंदुर, "हे गुरु, जो मंळसा यरदन इन आप्पाटी नीन सांगुळ ईरोन, अदकि यार्द नी गवाही कोट्या; नोळ, आव बपतसिमा कोळतान, अदकि सप्पा मुंदुर आऊन हात्ती बरतार."

27 यूहन्ना उत्तर कोट्टुन, "यागासताका मंळसा अक स्वर्ग इन दी टु कोटकु आगाल, आगासताका आव येनु हासलि माळ सकालुन. 28 \*नीव रा खुद अच नान गवाह हुईर कनि अंदीन, 'ना मसीह आलच, लेकीन आऊन मुंद कळकु आगीन.' 29 यार्द मंळगीत आर, आवा मंळगार हुन; लेकीन मंळगार उन संगी जो नदिरकु आऊन केळतान, मंळगार उन शब्द केळकु हापाळ खुश आगतान: ईग नान ईद खुशी पुरा आग्याद. 30 जरूरी आद कनि आव धोड्डेव आगुल अदकि ना स्याणव.

स्वर्ग टु बरावाळा आव याव हुन

31 "जो म्याकुच टु बरतान आव सब से वळलेव आन; जो पृथ्वी टु बरतान आव पृथ्वी नव हुन, अदकि पृथ्वी इन मातगोळी हेळतान: जो स्वर्ग टु बरतान, आव सप्पा मुंदुरद म्याकुच आन. 32 जो येनारा आव नोळयान अदकि केळयान, अदुरदा गवाही कोळतान; अदकि याऊ आऊन गवाही ग्रहण माळालुन. 33 याव आऊन गवाही ग्रहण माळ कौडुन आव ई मात मा छाप हच बुट्टुन कनि परमेश्वर खरा आन. 34 यतकी यारी परमेश्वर कळयान, आव परमेश्वर उन मातगोळ अनतान; यतकी आव आत्मा आळु आळुकु कोळालुन. 35 \*आप पार से प्यार ईटतान,

\* 3:24 ३:२४ मत्ती १४:३; मरकुस ६:१७; लूका ३:११,२०

\* 3:28 ३:२८ यूहन्ना १:२०

\* 3:35 ३:३५ मत्ती ११:२७; लूका १०:२२

अदकि आव सप्पा वस्तुगोळ आऊन कय दा ईट व्टान. <sup>36</sup> जो पार मा वशिवास माळतान, अनन्त जीवन आऊन हुन; लेकीन जो पार उन मातगोळी मान्सालुन, आव जीवन इक नोळतीदल, लेकीन परमेश्वर उन सट्टि आऊन मा ईरतद.”

## 4

यीशु अदकि सामरी आरत

<sup>1</sup> फरीसीगोळ केळयार क् यीशु बपतसिमा माळावाळा यूहन्ना से यक्कुल चेलागोळी बपतसिमा कोळतान. <sup>2</sup> यीशु खुद यागलु ईला उलटा आऊन चेलागोळ बपतसिमा कोळतोगोर. <sup>3</sup> याग यीशु अक पता नळुत क् फरीसीगोळ हगि मातगोळी माळतार रा आव यहूदयिा बटिकु गलील इक ओळदुन, <sup>4</sup> अदकि आऊक सामरीया टु आगकु होगोद जरूरी ईरोद. <sup>5</sup> इदुरसाटी आव सूखार हेसुर इन सामरीया अन्द ऊंद नगर ताका बंदुन, जो आ भूमी इन हात्ती आद यदरी याक्ब तान पार यूसुफ उक कोटीदुन; <sup>6</sup> अदकि याक्ब उन भाय भी अलया ईरोद. इदुरसाटी यात्रा टु थक्स माळकु यीशु भाय इन हात्ती हगि अच कुरतोदुन. आ समय लगभग हागुल इनव हन्नेळ मुरददिव. <sup>7</sup> इदुर दा ऊंद सामरी जाती नोर आरत नीर तुमली बंदुर. यीशु आकनि से अंदुन, “नानी नीर कुळस.” <sup>8</sup> यतकी आऊन चेलागोळ रा नगर दा भोजन कोम्मोर साटी हांगीदुर. <sup>9</sup> आ सामरी जात इन आरत आऊन से अंदुर, “नी यहूदी ईतकु ना सामरी जाती नोर आरत इन से नीर येती वेळत्या?” यतकी यहूदी सामरी जात इन लॉकुर सांगुळ यातोदु प्रकर इन व्यवहार ईटालुर. <sup>10</sup> यीशु उत्तर कोट्टुन, “आगर नी परमेश्वर उन वरदान इक जानसाईद, अदकि ईद भी जानसाईद क् आव याव हुन जो नीन से अनतान, “नानी नीर कुळस,” रा नी आऊन से बेळाईद, अदकि आव नीनी जीवन इन नीर कोळायदुन.” <sup>11</sup> आरत आऊन से अंदुर, “हे परभु, नीन हात्ती नीर तुमली रा बाल्टी भी हैलेच, अदकि भाय खोल आद; रा बाक अद जीवन इन नीर नीन हात्ती यल टु बत्त? <sup>12</sup> येन नी नाम आप्प याक्ब से धोड्डेव आय, याव नामी ईद भाय कोट्टुन; अदकि खुद अच तान औलाद, अदकि तान जनावरगोळ सांगुळ इदुर दा टु नीर कुळदुन?” <sup>13</sup> यीशु आक इक उत्तर कोट्टुन, “जो यावारा ईद नीर कुळदान आव मात्त प्यासा ईत्तान, <sup>14</sup> लेकीन जो यावारा आ नीर इक कुळदान जो ना आऊक कोळाईन, आव बाक अनन्त काल ताका प्यासा आगतीदल; लेकीन जो नीर ना आऊक कोळाईन, अद आऊन दा ऊंद झरना बनसेदति जो अनन्त जीवन इन साटी उमळुसतेला ईत्तीत.” <sup>15</sup> आरत आऊन से अंदुर, “हे परभु, अद नीर नानी कोळ ताकी ना प्यासा आगबाळुल अदकि ना नीर तुमली ईट दुर बराईन.” <sup>16</sup> यीशु आकनि से अंदुन, “होग, तान गांडड उक ईल कारकु तर.” <sup>17</sup> आरत उत्तर कोट्टुर, “ना बनि गांडड उन आईन.” यीशु आकनि से अंदुन, “नी ठीक अनत्या, ‘ना बनि गांडड उन आईन.’” <sup>18</sup> यतकी नी अईद गांडुरी माळ कोड्या, अदकि यार हात्ती नी ईंग आय आव भी नीन गांडड आल्लच. ईद नी सही अच अनत्या.” <sup>19</sup> आरत आऊन से अंदुर, “हे परभु, नानी हततद क् नी भवषियवकता हुय. <sup>20</sup> नाम आप्प दादागोळ ईदा पहाळी मा आराधना माळदुर, अदकि नीव अनतीर क् अद जागा यल आराधना माळ पायजे यूरशलेम दा आद.” <sup>21</sup> यीशु आकनि से अंदुन, “हे आरत, नान मात इन वशिवास माळ क् अद समय बरतद क् नीव ना रा ईद पहाळी मा आप्प उन आराधना माळीर, ना यूरशलेम दा. <sup>22</sup> नीव यारी जानसालीर, आऊन आराधना माळतीर; अदकि नाव यारी जानसतेव आऊन आराधना माळतेव; यतकी उध्दार यहूदीगोळ दा टु आद. <sup>23</sup> लेकीन अद समय बरतद, लेकीन ईंग भी आद, यारदा खरा भक्त आप्प उन आराधना आत्मा अदकि सच्चाई देल माळेव, यतकी आप्प तान साटी हगि अच आराधकगोळी हुंदुसतान. <sup>24</sup> परमेश्वर आत्मा आन, अदकि जरूरी आद क् आऊन आराधना माळावाळेर आत्मा अदकि सच्चाई देल आराधना माळुल.” <sup>25</sup> आरत आऊन से अंदुर, “ना जानसतीन क् मसीह जो खरसित कहलुसतान, बरावाळा आन; याग आव बंदान, रा नामी सप्पा मातगोळी हेळ वुट्टान.” <sup>26</sup> यीशु आकनि से अंदुन, “ना जो नीन से अनेतीन, आवा हुईन.” <sup>27</sup> इदुर दा यीशु उन चेलागोळ होट्ट बंदुर, अदकि अचमभा माळली कुरतुर क् आव आरत से मातगोळी हेळेत्यान; तरी याऊ केळीदल, “नी येन चाहासत्या?” या “यदुर साटी आकनि से मातगोळी हेळेत्या?” <sup>28</sup> आग आरत तान घागरी बटिकु नगर दा वोळदुर, अदकि लॉकुर से अनली कुरतुर, <sup>29</sup> “बरी, ऊंद मळसा अक नोळी, याव सप्पा येनारा जो ना माळीन नानी हेळ वुट्टन. येनारा ईवा रा मसीह आल्लच?” <sup>30</sup> इदुरसाटी लॉकुर नगर टु होट्टकु आऊन हात्ती बरली कुरतुर. <sup>31</sup> ईदुर बीच दा आऊन चेलागोळ यीशु से ईद वनिती माळदुर, “हे गुरु, येनारा तनि कोम.” <sup>32</sup> लेकीन आव आंदुर से अंदुन, “नान हात्ती तनिोर साटी हगि भोजन आद यदरी नीव जानसालीर.” <sup>33</sup> आग चेलागोळ आपस दा अंदुर, “येन यावारा आऊन साटी येनारा तनिली तंदान?” <sup>34</sup> यीशु आंदुर से अंदुन, “नान भोजन ईद आद क् तान कळावाळा अन्व इच्छा अन अनुसार नळाईन अदकि आऊन क्यालसा पुरा माळाईन. <sup>35</sup> येन नीव अनालीर, ‘कटनी आगदुर दा ईंग भी नाक तगिळ बाकी आव?’ नोळी, ना नीम से अनतीन, तान कण्णगोळी नेगुकु केयगोळ मा नजर हाक्की क् अच कटाई इन साटी फसल पकसेग्याद. <sup>36</sup> फसल कडावाळा अक मजदूरी सक्तिद अदकि अनन्त जीवन इन साटी काय जमा माळतान, ताकी हचावाळा अदकि कडावाळा येदुह मुदुर मल्लिसकु आनन्द माळुल. <sup>37</sup> यतकी ईल ईद कहावत सही कुरतद: ‘फसल हचावाळा दुसरा आन अदकि कडावाळा दुसरा.’ <sup>38</sup> ना नीमी अद केई कडोर साटी कळुदीन यदुरदा नीव मेहनत माळीदल: दुसरागोळ मेहनत माळदुर अदकि नीव आंदुर मेहनत इन फल दा हसिसेदार आदीर.”

<sup>39</sup> आ नगर इन हापाळ सा सामरी लॉकुर आ आरत इन अंदुर देल यीशु मा वशिवास माळदुर; यतकी आक ईद गवाही कोटीदुर: आव सप्पा येनारा जो ना माळदीन, नानी हेळ वुट्टन. <sup>40</sup> इदुरसाटी याग ई सामरी लॉकुर आऊन हात्ती बंदुर, रा आऊन से वनिती माळली कुरतुर क् नाम ईल ईर. इदुरसाटी आव अल येदुह दनि ताका ईत्तुन. <sup>41</sup> आऊन वचन इन कारण अदकि भी हापाळ सा लॉकुर वशिवास माळदुर <sup>42</sup> अदकि आ आरत से अंदुर, “ईंग नाव



नीन अंदुर देल अच वशिवास माळालेव; यतकी नाव खुद अच केळ कोडेव, अदकि जान्सतेव कर्ईवा सही दा दुनया अन उद्धारकर्ता हुन."

यीशु अधिकारी अन पार उक चंगा माळदुन

43 बाक आ येद्वेद दनिगोळ बाददा यीशु अल टु होटक गलील इक होदुन, 44 यतकी यीशु खुद अच गवाही कोटदुन कर् भवविषयवक्ता अनूद तान दयाश दा आदर आगाल्द. 45 आग आव गलील दा बंदुन, रा गलीली लॉकुर खुशी देल आऊन सांगुळ मलिसदुर; यतकी यास कयाल्सा आव यूरुशलेम दा हाब्व इन समय माळीदुन, आंदुर आ सप्पा अक नोळीदुर, यतकी आंदुर भी हाब्व दा होगीदुर.

46 आग यीशु बाक गलील इन काना नगर दा बंदुन, यल आव नीर इक अंगुर इन रास्सा माळीदुन. अल राजा अन ऊद कर्मचारी ईरोन यार पार कफरनहूम नगर दा बमिार ईरोन. 47 आव ईद केळकु कर् यीशु यहूदया टु गलील दा होट बंदान, आऊन हातती होदुन अदकि आऊन से ईद वनिती माळली कुरतुन कर् नळकु नान पार उक चंगा माळुल: यतकी आव सोत्तुर मा ईरोन. 48 यीशु आऊन से अंदुन, "यागासताका नीव चमत्कार अदकि अदभूत कयाल्सा नोळालीर आगासताका यागुल वशिवास माळतीदील." 49 राजा अन कर्मचारी आऊन से अंदुन, "हे प्रभु, नान पार उन सायोर से पयले नळ." 50 यीशु आऊन से अंदुन, "होग, नीन पार जतिता आन." आ मळसा यीशु उन अंद मात इन भरोसा माळदुन अदकि ओळदुन. 51 आव हादी मा का ईरोन कर् आऊन दास आऊन से बंदकु सकिदुर अदकि अनली कुरतुर, "नीन पार जतिता आन." 52 आव आंदुर से केळदुन, "याता घळी आव वळलेव आगली कुरतुन?" आंदुर आऊन से अंदुर, "नाळ सातवा तास दा आऊन मय ईळदव." 53 आग आप्प जान्स कोडुन कर् ईद अदा घळी आत याता घळी यीशु आऊन से अंदुन, "नीन पार जतिता आन," अदकि आव अदकि आऊन सप्पा परिवार वशिवास माळदुर. 54 ईद दुसरा आश्रयकर्म ईरोद जो यीशु यहूदया टु गलील दा बंदकु तोरसदुन.

## 5

अळतीस वर्ष इन रोगी अक चंगा माळोद

1 ई मातगोळ बाददा यहूदीगोळद ऊद हाब्व आत, अदकि यीशु यूरुशलेम इक होदुन. 2 यूरुशलेम दा भेट-फाटक इन हातती ऊद कुण्ड आद जो इव्रानी भाषा बैतसैदा कहलुसतद; अदुर अईद छपरया आव. 3 इऊर दा हापाळ सा बमिार, कुद्व, लंगळा अदकि लकवा अन रोगी लॉकुर बदिकु ईरंतोगोर. 4 यतकी नविळुसद समय मा परमेश्वर उन स्वर्गदूत कुण्ड दा ईळकु नीर इक हालुसतोगोर. नीर हालुसतेला अच जो यावारा पयले ईळुतोगोन आव चंगा आगेग तोगोन बाक आऊक यातोदारा बमिारी येती आगबाळुल. 5 अल ऊद मळसा ईरोन, जो अळतीस वर्ष टु बमिारी देल बदिकु ईरोन. 6 यीशु आऊक बदिकु नोळकु अदकि ईद जान्सकु कर् आव हापाळ दिन टु ई दशा दा बदिकु आन, आऊन से केळदुन, "हेलेच कर् जो नी चंगा आगेद चाहासत्या?" 7 आ बमिार मळसा आऊक उत्तर कोटदुन, "हे प्रभु, नान हातती याऊ मळसा हैलेच कर् जो नीर हालुसकु आगुल, रा नानी कुण्ड दा ईळस्यान; लेकीन नान पोहचुस ताका यावारा दुसरा नान से पयले ईळदोगतान." 8 यीशु आऊन से अंदुन, "येळ, तान वहरस नेगु, नळु अदकि वयाळ." 9 आव मळसा तुरन्त चंगा आगेदुन, अदकि तान वहरस नेगु नळुली कुरतुन.

10 अद आराम इन दनि ईरोद. इदुरसाटी यहूदी आऊन से जो चंगा आगीदुन, अनली कुरतुर, "ईद रा आराम इन दनि आद, नीनी वहरस नेगोद उचति हैलेच." 11 आव आंदरी उत्तर कोटदुन, "याव नानी चंगा माळदुन, आव नान से अंदुन, तान वहरस नेगु, नळु अदकि वयाळ." 12 आंदुर आऊन से केळदुर, "आव याव मळसा हुन याव नीन से अंदुन, वहरस नेगु, नळु अदकि वयाळ." 13 लेकीन जो चंगा आगेगदिन आव ईला जानसोन कर् आव याव हुन, यतकी आ जागा दा भीळ इन कारण यीशु अल टु हटसेगदिन. 14 ई मातगोळ बाददा आव यीशु अक मंदरि दा सकिदुन. यीशु आऊन से अंदुन, "नोळ, नी चंगा आगेग्या: मात्त पाप माळवाळत, हगि आगबाळुल कर् इदुर देल यातोदारा भारी परेशानी नीन मा बंदकु बळुल." 15 आ मळसा होगकु यहूदी लॉकुर से अंद बुदुन कर् याव नानी चंगा माळदुन आव यीशु हुन. 16 ईद कारण यहूदी यीशु अक सतुसली कुरतुर, यतकी आव ईत्ता कयाल्सा आराम इन दशिी माळतोगोन. 17 इदुर मा यीशु आंदुर से अंदुन, "नान आप्प ईगासताका कयाल्सा माळतान, अदकि ना भी कयाल्सा माळतीन." 18 ईद कारण यहूदी अदकि भी यक्कुल आऊक कोद बुळोद कोशशि माळली कुरतुर, यतकी आव ना सरिफ आराम इन दनि इन वधी अक मुरोन, लेकीन परमेश्वर उक तान आप्प अंदकु तान तान इक परमेश्वर उन घाई भी ठहरूसतोगोन.

पार उन अधिकार

19 इदुर मा यीशु आंदुर से अंदुन, "ना नीम से खरा खरा अनतीन, पार खुद देल येनु माळ सकालुन, सरिफ आव जो आप्प उक माळत नोळतान; यतकी याता याता कयाल्सागोळी आव माळतान अवरी पार भी अदा रीत दिेल माळतान. 20 यतकी आप्प पार उन से प्यार ईटतान अदकि जो जो कयाल्सा आव खुद माळतान, आव सप्पा आऊक तोरसतान; अदकि आव इऊर से भी थोड्डेव कयाल्सा आऊक तोरसतान, ताकी नीव अचममा माळीर. 21 हयांग आप्प सोत्तुरी नेगुतान अदकि जतिता माळतान, हांग अच पार भी यारी चाहासतान आंदरी जतिता माळतान. 22 आप्प यारदु न्याय माळालुन, लेकीन न्याय माळोद सप्पा कयाल्सा पार उक कोटद बुदुन, 23 कर् सप्पा लॉकुर हयांग आप्प उन आदर माळतार हांग अच पार उन भी आदर माळुल. जो पार आदर माळालुन, आव आप्प उन यारी आव कळ्यान, आदर माळालुन. 24 ना नीम से खरा खरा अनतीन, जो नान वचन केळकु नान कळावाळा मा वशिवास

माळतान, अनन्त जीवन आऊंद हुन; अदकि आऊन मा दण्ड इन आग्या आगालद लेकीन आव मृत्यु टु आप्पाटी आगकु जीवन दा प्रवेश माळ कोंडान.

25 "ना नीम से खरा खरा अनतीन अद समय बरतद, अदकि ईग आद, यारदा सायावाळेर परमेश्वर उन पार उन आवाज केळ्यार, अदकि जो केळ्यार आंदुर जित्ता ईततार. 26 यतकी याता रीत दिल आप्प तान तान दा जीवन ईटतान, अदा रीतदिल आव पार उक भी ईद अधकार कोटान कितान तान दा जीवन ईटुल; 27 लेकीन आऊक न्याय माळोद भी अधकार कोटान, इदुरसाटी क आब मळसा अन पार हुन. 28 इदुर देल अचम्भा माळवाळी; यतकी अद समय बरतद क यास कबर्गोळ दा आर आंदुर आऊन आवाज केळकु व्हार्या होटकु बंदार. 29 यार वळ्लीद माळ्यार आंदुर जीवन इन पुनरूत्थान इन साटी जित्ता आदार अदकि यार बुराई माळ्यार आंदुर दण्ड इन पुनरूत्थान इन साटी जित्ता आदार.

यीशु अन बारा दा गवाही

30 "ना तान तान देल येनु माळ सकालीन; ह्यांग केळतीन, हांगा न्याय माळतीन; अदकि नान न्याय खरा आद, यतकी ना तान इच्छा देल ईला लेकीन तान कळावाळा अनद इच्छा चाहासतीन. 31 अगर ना खुद अच तान गवाही कोळाईन, रा नान गवाही खरा हैलेच. 32 दुसरा अदकि आन जो नान गवाही कोळतान, अदकि ना जानसतीन क नान जो गवाही आव कोळतान, अद खरा आद. 33 \*नीव यूहन्ना से केळसुसदीर अदकि आव सच्चाई इन गवाही कोटदुन. 34 लेकीन ना तान बारा दा मळसा अन गवाही चाहासालीन; तरी ना ई मातगोळी इदुरसाटी अनतीन क नीमी उद्धार सकिकुल. 35 आव रा होततेला अदकि चमकुसतेला दगिया ईरोन, अदकि नीमी येनारा समय ताका आऊन ज्योर्ता दा मग्न आगोद वळ्लीद हत. 36 लेकीन नान हात्ती जो गवाही आद अद यूहन्ना अन गवाही देल धोळद आद; यतकी जो क्याल्सा आप्प नानी पुरा माळोर साटी कोटान मतलब ईदा क्याल्सा जो ना माळतीन, अव नान गवाह आव क आप्प नानी कळयान. 37 \*अदकि आप्प याव नानी कळयान, आवा नान गवाही कोटान. नीव ना यागल्यारा आऊंद आवाज केळदीर, अदकि ना आऊंद रूप नोळदीर; 38 अदकि आऊन वचन इक मन दा जमा ईटालीर, यतकी आव यारी कळयान नीव आऊंद वशिवास माळालीर. 39 नीव पवतिरशासुत्तर दा हुंदसतीर, यतकी समसतीर क अदुरदा अनन्त जीवन नीमी सकितद; अदकि ईद आवा हुन जो नान गवाही कोळतान; 40 तरी भी नीव जीवन साटी नान हात्ती बरोद चाहासालीर. 41 ना मळसागोळ से आदर चाहासालीन. 42 लेकीन ना नीमी जानसतीन क नीम दा परमेश्वर उन प्यार हैलेच. 43 ना तान आप्प उन हेसुर देल बंदीन, अदकि नीव नानी ग्रहण माळालीर; अगर दुसरा यावारा तांद अच हेसुर देल बंदान, रा आऊक ग्रहण माळ कोंडीर. 44 नीव जो आबुर दाबुर से आदर चाहासतीर अदकि अद आदर जो ऊंद मात्र परमेश्वर उन दी टु आद, चाहासालीर, याता प्रकार वशिवास माळ सकतीर? 45 ईद समसवाळी क ना आप्प उन मुंद नीम मा दोष हचाईन; नीम मा दोष हचावाळा रा मूसा हुन, यार मा नीव भरोसा ईटीर. 46 यतकी अगर नीव मूसा अन वशिवास माळायदीर, रा नान भी वशिवास माळायदीर, इदुरसाटी क आव नान बारा दा लखिस्यान. 47 लेकीन अगर नीव आऊन लखिसद मातगोळ मा वशिवास माळालीर, रा नान मातगोळ मा ह्यांग वशिवास माळीर?"

## 6

अईद हजार मळसागोळी तनिसोद

(मत्ती १४:१३-२१; मरकुस ६:३०-४४; लूका ९:१०-१७)

1 ई मातगोळद बाददा यीशु गलील इन झील\* मतलब तविरियास इन झील इन आप्पाटी होदुन. 2 अदकि ऊंद धोळद भीळ आऊन हदि आगेत यतकी जो आशचर्यकरम आव बमिारगोळ मा तोरसतोगोन आंदुर अवरी नोळतोगोर. 3 आग यीशु पहाळी मा येरकु तान चेलागोळ सांगुळ अल कुरतोदुन. 4 यहूदीगोळद फसह अन हाबव हात्ती ईरोद. 5 याग यीशु तान कण्णगोळी नेगुकु ऊंद धोळद भीळ इक तान हात्ती बरत नोळदुन, रा फलिपिपुस से अंदुन, "नाव इंदुर भोजन इन साटी यल टु रोटी कोडकु तंदेव?" 6 आव ईद मात आऊक परखुसोर साटी अंदुन, यतकी आव खुद जानसन क आव येन माळयान. 7 फलिपिपुस आऊक उत्तर कोटदुन, "येद्व सौ दीनार इन रोटी भी आंदुर साटी पुरा आगतीदील क आंदुर दा टु हर ऊंद इक थवाळा-थवाळा सकिकेगुल." 8 आऊन चेलागोळ दा टु शमीन पतरस उन वारट अन्दरियास आऊन से अंदुन, 9 "ईल ऊंद पार आन यार हात्ती जवारी इन अईद रोटी अदकि येद्व मेनगोळ आव; लेकीन ईस लॉकुर साटी अव येन आव?" 10 यीशु अंदुन, "लॉकुरी कुरस बुळी." आ जागा दा हापाळ काड्या ईरोद: आग लॉकुर यारदा गळसुरद संख्या लगभग अईद हजार इन ईरोद, कुरतोदुर. 11 आग यीशु रोटीगोळी हुळदुन, अदकि धन्यवाद माळकु कुरावाळेर इक वाट्स बुदुन; अदकि हांग अच मेनगोळ दा टु यास आंदुर चाहासोर वाट्स बुदुन. 12 याग आंदुर तनिकु संतुष्ट आगेदुर रा आव तान चेलागोळ से अंदुन, "मकिकु तुकळागोळी जमा माळबुळी क येनु भटिकु आगवाळुल." 13 इदुरसाटी आंदुर जमा माळदुर, अदकि जवारी इन अईद रोटीगोळ तुकळागोळ से जो तनिवाळेर ऊळोर, हननेळ फूट्टी तुमदव. 14 आग जो आशचर्यकरम आव माळकु तोरसदुन अदरी आ लॉकुर नोळकु अनली कुरतुर, "आव भवषियवक्ता जो दुनिया दा बरावाळा ईरोन नशिचय ईवा हुन." 15 यीशु ईद जानसकु क आंदुर नानी राजा माळोर साटी हुडोद चाहासतार, बाक पहाळी मा आबना ओळदुन.

\* 5:33 ५:३३ यूहन्ना १:११-२७; ३:२७-३०

\* 5:37 ५:३७ मत्ती ३:१७; मरकुस १:११; लूका ३:२२

\* 6:1 ६:१ झील इन मतलब धोळ क्यारार

यीशु उन नीर मा नळोद

(मत्ती १४:२२-३३; मरकुस ६:४५-५२)

16 याग द्याव मुळकत, रा यीशु उन चेलागोळ झील इन कनारा मा होदुर, 17 अदक इवांगा मा येरकु झील इन आप्पाटी कफरनहूम इक होगली कुरतुर. आ समय अंधार आगोगीत, अदक यीशु ईगासताका आंदुर हात्ती ईला बंदीदुन. 18 आंधी अन कारण झील दा लयरगोळ येळली कुरतव. 19 याग आंदुर केई केई अईद-आर कोस इन लगभग होतोदुर, रा आंदुर यीशु उक झील मा नळुत अदक इवांगा अन हात्ती बरत नोळदुर, अदक अंजेदुर. 20 लेकीन आव आंदुर से अंदुन, “ना हुईन; अंजवाळी.” 21 इदुरसाटी आंदुर आऊक इवांगा मा येरसांर साटी तयार आदुर अदक तुरन्त अद इवांगा आ जागा मा पोहचुसेत यल आंदुर होगोर.

लॉकुरद यीशु उक ढुंढसोद

22 दुसरा दशिी आ भीळ, जो झील इन आप्पाटी नदुरिकु ईरोद, ईद नोळदुर क ईल ऊंद इक वटिकु अदक यातोदु इवांगा ईला ईरोद; अदक यीशु तान चेलागोळ सांगूळ आ इवांगा मा ईला येरीदुन, लेकीन सरिफ आऊन चेलागोळ अच होगीदुर. 23 आग हापाळ इवांगागोळ तबिरियास टु आ जागा अन हात्ती बंदव, यल आंदुर प्रभु उक धन्यवाद माळदुर बाददा रोट्टी तर्बिदुर. 24 इदुरसाटी याग भीळ नोळत क ईल ना यीशु आन अदक ना आऊन चेलागोळ, रा आंदुर भी इवांगागोळ मा येरकु यीशु उक ढुंढसतेला कफरनहूम पोहचुसदुर.

यीशु जीवन इन रोट्टी

25 झील इन आप्पाटी याग लॉकुरद भीळ यीशु से सकिदुर रा अंदुर, “हे गुरु, नी ईल याग बंद?” 26 यीशु आंदरी उत्तर कोटदुन, “ना नीम से खरा खरा अनतीन, नीव नानी इदुरसाटी ढुंढसालीर क नीव आश्चर्यकरम नोळदीर, लेकीन इदुरसाटी क नीव रोट्टीगोळी तनिकु संतुष्ट आदीर. 27 नाशवान भोजन इन साटी मेहनत माळबाळी, लेकीन आ भोजन इन साटी जो अनन्त जीवन ताका टहूरसतद, यारी मंळसा अन पार नीमी कोट्टान; यतकी आप्प मतलब परमेश्वर अदुर मा छाप हचयान.” 28 आंदुर आऊन से अंदुर, “परमेश्वर उन कयालसा माळोर साटी नाव येन माळवे?” 29 यीशु आंदरी उत्तर कोट्टुन, “परमेश्वर उन कयालसा ईद आद क नीव आऊन मा वशिवास माळी, यारी आव कळयान.” 30 आग आंदुर आऊन से अंदुर, “बाक नी यातोद चमत्कार तोरसत्या क नाव अदरी नोळकु नीन वशिवास माळवे? नी यातोद कयालसा तोरसत्या?” 31 नाम आप्प दादागोळ आळी दा मनना तदुर; हयांग लखिसकु आद, “आव आंदरी तनिर साटी स्वर्ग टु रोट्टी कोट्टुन.” 32 यीशु आंदुर से अंदुन, “ना नीम से खरा खरा अनतीन क मूसा नीमी अद रोट्टी स्वर्ग टु कोटीदील, लेकीन नान आप्प नीमी खरा रोट्टी स्वर्ग टु कोळतान. 33 यतकी परमेश्वर उन रोट्टी अदा हुन जो स्वर्ग टु ईळुत दुनिया अक जीवन कोळतद.” 34 आग आंदुर आऊन से अंदुर, “हे प्रभु, ईद रोट्टी नामी हमेशा कोळतेला ईर.”

35 यीशु आंदुर से अंदुन, “जीवन इन रोट्टी ना हुईन: जो नान हात्ती बरतान आव यागलु उपासा ईरतीदील, अदक जो नान वाशिवास माळतान आव यागलु प्यासा ईरतीदील. 36 लेकीन ना नीम से अंददिन क नीव नानी नोळ भी कोडीर तरी वशिवास माळालीर. 37 जो येनारा आप्प नानी कोळतान अद सप्पा नान हात्ती बंदीत, अदक जो यावारा नान हात्ती बंदान आऊक ना यागलु तेगुतदील. 38 यतकी ना तान इच्छा ईला लेकीन तान कळावाळा अनूद इच्छा पुरा माळोर साटी स्वर्ग टु ईळदीन; 39 अदक नान कळावाळा अन इच्छा ईद आद क जो येनारा आव नानी कोटान, अदुर दा टु ना येनारा खोऊसालीन, लेकीन आऊक आखरी दशिी बाक जतिता माळाईन. 40 यतकी नान आप्प उन इच्छा ईद आद क जो यावारा पार उक नोळल अदक आऊन मा वशिवास माळल, आऊक अनन्त जीवन सकिकीत; अदक ना आऊक आखरी दशिी बाक जतिता माळाईन.” 41 “इदुरसाटी यहूदी लॉकुर आऊन मा कळकळसली हतदुर, यतकी आव अंददिन, जो रोट्टी स्वर्ग टु ईळुत, अद ना हुईन.” 42 अदक आंदुर अंदुर, “येन ईव यूसुफ उन पार यीशु आल्लच, यार मोय-आप्प उक नाव अरूतेव? रा आव हयांग अनतान क ना स्वर्ग टु ईळदीन?” 43 यीशु आंदरी उत्तर कोट्टुन, आपस दा कळकळसबाळी. 44 याऊ नान हात्ती बर सकालुन यागासताका आप्प, याव नानी कळयान, आऊक जेडु कोमालुन; अदक ना आऊक आखरी दशिी बाक जतिता माळाईन. 45 भवषियवक्तागोळद लेखगोळ दा ईद लखिसकु आद: “आंदुर सप्पा परमेश्वर उन दी टु कलसकु ईततार.” जो यावारा आप्प से कळयान अदक कलतान, आव नान हात्ती बरतान. 46 ईद ईला क यावारा आप्प उक नोळयान; लेकीन जो परमेश्वर उन दी टु आन, सरिफ आवा आप्प उक नोळयान. 47 “ना नीम से खरा खरा अनतीन क जो यावारा वशिवास माळतान, अनन्त जीवन आऊंदा हुन. 48 जीवन इन रोट्टी ना हुईन. 49 नीम आप्प दादागोळ आळी दा मनना तदुर लेकीन आंदुर सोतोदुर. 50 लेकीन ईद अद रोट्टी हुन जो स्वर्ग टु ईळुतद ताकी मंळसा अदरी तनिल अदक सायबाळुल. 51 जीवन इन रोट्टी जो स्वर्ग टु ईळुत, ना हुईन. अगर यावारा ईद रोट्टी दा टु तदिन, रा सदा जतिता ईततान; अदक जो रोट्टी ना दुनिया अक जतिता ईरोरसाटी कोळाईन, अद नान मय हुन.”

52 इदुर मा यहूदी ईद अनकु आपस दा झगळा माळली कुरतुर, “ईव मंळसा हयांग नामी तान मय तनिली कोळ सकतान?” 53 यीशु आंदुर से अंदुन, “ना नीम से खरा खरा अनतीन क यागासताका नीव मंळसा अन पार उन मय तनिलीर, अदक आऊन खून कुडालीर, नीम दा जीवन हैलेच. 54 जो नान मास तनितान अदक नान खून कुडुतान, अनन्त जीवन आऊंदा आद; अदक ना आऊक आखरी दशिी बाक जतिता माळाईन. 55 यतकी नान मास सही दा तनिंद चजि हुन, अदक नान खून सही दा कुडोद चजि हुन. 56 जो नान मास तनितान अदक नान खून कुडुतान आव नान दा संधी बनसकु ईरतान, अदक ना आऊन दा. 57 हयांग जतिता आप्प नानी कळयान, अदक ना आप्प उन

कारण जतिता आईन, हांगा आव भी जो नानी तदिान नान कारण जतिता ईत्तान. 58 जो रोटी स्वर्ग टु ईळ्ळत अदा हुन, आ रोटी अन घाई यारी आप्प दादागोळ तदुर अदकि सोतोदुर; जो यावारा ईद रोटी तदिान, आव सदा जतिता ईत्तान.” 59 ई मातगोळी आव कफरनहूम इन ऊद यहूदी लॉकुरद सभागूह दा उपदेश कोळाहोती अंदुन.

अनन्त जीवन इन वचन

60 यीशु उन चेलागोळ दा टु हापाळ मुंदुर ईद केळकु अंदुर, “ईद कठोर मात आद; इदरी याव केळ सकतान?” 61 यीशु तान मन दा ईद जान्सकु की नान चेलागोळ आपस दा ईद मात मा कुळकुळुसतार, आंदुर से केळदुन, “येन ईद मात देल नीमी टोकर हततद? 62 अगर नीव मळसा अन पार उक येल आव पयले ईरोन, अल म्याकुच होगुत नोळीर, रा येन आदीत? 63 आत्मा रा जीवनदायक आद, मय देल येनु लाभ हैलेच; जो मातगोळी ना नीम से अंदीन अव आत्मा हु, अदकि जीवन भी हुन. 64 लेकीन नीम दा टु येनारा हगि आर जो वशिवास माळालुर.” यतकी यीशु पयले टु अच जानसोन कजो वशिवास माळालुर, आंदुर यार उर; अदकि याव नानी हुळसुसयान. 65 अदकि आव अंदुन, “इदुरदा साटी ना नीम से अंदीन कज यागासताका यारीकारा आप्प उन दी टु ईद वरदान कोटकु आगालद आगासताका आव नान हात्ती बर सकालुन.”

66 इदुर मा आऊन चेलागोळ दा टु हापाळ मुंदुर वापस आगेदुर अदकि अदुर वाद्दा आऊन सांगुळ होगीदल. 67 आग यीशु आ हन्नेळ चेलागोळी अंदुन, “येन नीव भी होगोद चाहासतीर?” 68 श्मौन पतरस आऊक उत्तर कोटदुन, “हे प्रभु, नाव यार हाती होदेव? अनन्त जीवन इन मातगोळ रा नीद अच हाती आव; 69 अदकि नाव वशिवास माळदेव अदकि जान्स कोंडेव कज परमेश्वर उन पवतिर जन नीना हुय.” 70 यीशु आंदरी उत्तर कोटदुन, “येन ना नीव हन्नेळ मुंदरी नीवळुसीदल? तरी नीम दा टु ऊद मळसा श्रैतान आन.” 71 ईद आव श्मौन इस्करयिती इन पार यहूदा अन बारा दा अंददिन, यतकी आवा जो हन्नेळ चेलागोळ दा टु ऊद ईरोन, आऊक हुळसुसोद ईरोद.

## 7

यीशु अदकि आऊन वारटुर

1 ई मातगोळद वाद्दा यीशु गलील दा टेटाळतेला ईत्तुन; यतकी यहूदी लॉकुर आऊक कोंद बुळोद कोशशि माळोर, इदुरसाटी आव यहूदिया दा टेटाळोद ईला चाहासोन. 2 यहूदीगोळद झोपळीगोळद हाब्व\* हात्ती ईरोद. 3 इदुरसाटी आऊन वारटुर आऊन से अंदुर, “ईल टु यहूदिया अक होग, कज जो क्यालसा नी माळतया अवरी नीन चेलागोळ अल भी नोळुन. 4 यतकी हगि याऊ ईला ईतीदान जो प्रसदिध आगोद चाहासल, अदकि होचकु क्यालसा माळुल. अगर नी क्यालसा माळतया, रा तान तान इक दुनया मा प्रगट माळ.” 5 यतकी आऊन वारटुर भी आऊन मा वशिवास ईला माळतोगोर. 6 आग यीशु आंदुर से अंदुन, “नान समय ईगासताका बंददिल, लेकीन नीम साटी सपपा समय आद. 7 दुनया नीम से दुश्मनी माळ सकाल, लेकीन अद नान से दुश्मनी माळतद यतकी ना अदुर वरिध दा ईद गवाही कोळतीन कज अदुर क्यालसा बुरा आद. 8 नीव हाब्व दा होगी; ना ईगलया ईद हाब्व दा हांगालीन, यतकी ईगासताका नान समय पुरा आगीदल.” 9 आव आंदुर से ई मातगोळी अनकु गलील दा अच ईतोदुन.

झोपळीगोळद हाब्व दा यीशु

10 लेकीन याग आऊन वारटुर हाब्व दा वोळेदुर रा आव खुद भी, प्रगट दा ईला लेकीन मान्सी गुप्त रूप देल होदुन. 11 यहूदी हाब्व दा आऊक ईद अनकु हुंदूसली कुरतुर, “आव यल आन?” 12 अदकि लॉकुर दा आऊन बारा दा सुंगा मुंगा हापाळ सा मातगोळ आदव: यारारा अनतोगोर, “आव वळलेव मळसा आन.” अदकि यारारा अनतोगोर, “ईला, आव लॉकुरी भरमसतान.” 13 तरी यहूदीगोळद अंजक इन कारण याऊ मळसा आऊन बारा दा खुलसकु ईला माताळोन.

14 याग हाब्व इन आर्था दिन बतिसेदव; रा यीशु मंदिर दा होगकु उपदेश माळली कुरतुन. 15 आग यहूदीगोळ चकति आगकु अंदुर, “ईऊक बनि वाचुसद अक्कल हयांग होतवत?” 16 यीशु आंदरी उत्तर कोटदुन, “नान उपदेश नांद ईला, लेकीन नान कळावाळा अन हुन. 17 अगर यावारा आऊन इच्छा मा नळोद चाहासतान, रा आव ईद उपदेश इन बारा दा जान्स कोंडान कज ईद परमेश्वर उन दी टु हुन या तान दी टु अनतीन. 18 जो तान दी टु येनारा अनतान, आव तांद अच बळाई चाहासतान; लेकीन जो तान कळावाळा अन बळाई चाहासतान आवा खरा आन, अदकि अदुर दा अनयाय ईला. 19 येन मूसा नीमी व्यवस्था कोटीदल? तरी नीम दा टु याऊ व्यवस्था मा नळालुन. नीव येती नानी कोंद बुळोद चाहासतीर?” 20 लॉकुर उत्तर कोटदुन, “नीन दा दुष्टआत्मा आद! याव नीनी कोंद बुळोद चाहासतान?” 21 यीशु आंदरी उत्तर कोटदुन, “ना ऊंद क्यालसा माळदीन, अदकि नीव सपपा आश्चर्य माळतीर. 22 ईदा कारण मूसा नीमी खतना अन आग्या कोटान ईद ईला कज अद मूसा अन दी टु आद लेकीन आप्प दादागोळ टु नळुत बंदाद, अदकि नीव आराम इन दिन मळसा अन खतना माळतीर. 23 याग आराम इन दिन मळसा अन खतना माळकु आगतद ताकी मूसा अन व्यवस्था अन आग्या टलुस बाळुल, रा नीव नान मा येती इदुरसाटी सटिट माळतीर कज ना आराम इन दिन ऊंद मळसा अक पुरा रीतदिल चंगा माळदीन. 24 बाय नोळद न्याय माळवाळी, लेकीन ठीक ठीक न्याय माळी.”

येन यीशु अच मसीह हुन?

25 आग येनारा यरूशलेम इन लॉकुर अनली कुरतुर, “येन ईव आवा आल्लच यारी कोंद बुळोद कोशशि माळकु आगेत्याद? 26 लेकीन नोळी, आव रा मसीहगोळ घाई खुल्लम खुल्ला मातगोळी माळतान अदकि याऊ सरदार

\* 6:68 ६:६६ मत्ती १६:१६; मरकुस ८:२९; लूका ९:२०

\* 7:2 ७:२ हाब्व इन मतलव त्योंहार

\* 7:23 ७:२३ यूहन्ना ५:१

आऊन से येनु अनालुर. 27 ईऊक रा नाव जान्सतेव कर्ईव येलेव हुन; लेकीन मसीह याग बंदान रा याऊ जान्सतीदील कर् आव येलेव हुन.” 28 आग यीशु मंदरि दा उपदेश कोळतेला कारूकु अंदुन, “नीव नानी जान्सतीर, अदकि ईद भी जान्सतीर कर् ना येलेव हुईन. ना रा खुद देल बंददील, लेकीन नानी कळावाळा खरा आन, आऊक नीव जान्सालीर. 29 ना आऊक जान्सतीन यतकी ना आऊन दी टु आईन अदकि आवा नानी कळयान.” 30 इदुर मा आंदुर आऊक हुडोद चाहासदुर, तरी याऊ आऊन मा कय हाकर्दील यतकी आऊन सही समय ईगासताका बरली का ईरोद. 31 तरी भी भीळ दा टु हापाळ सा लॉकुर आऊन मा वशिवास माळदुर, अदकि अनली कुरतुर, “मसीह याग बंदान रा येन इदुर से यक्कुल आश्चर्यकरम तोरसयान जो ईव तोरसदुन?”

यीशु उक हुडोद कोशशि

32 फरीसीगोळ लॉकुरी यीशु उन बारा दा ई मातगोळ सुंगा मुंगा अंत केळदुर; अदकि प्रधान याजकगोळ अदकि फरीसीगोळ आऊक हुडोर साटी सपिाही कळदुर. 33 इदुर मा यीशु अंदुन, “ना थवाळासा समय ताका अदकि नीम सांगुळ आईन, आग तान कळावाळा अन हात्ती होटोगाईन. 34 नीव नानी हुंडसीर, लेकीन नीमी सकितीदील; अदकि येल ना आईन, अल नीव बर सकालीर.”

35 इदुर मा यहदीगोळ आपस दा अंदुर, “ईव येल होदान कर् नामी सकितीदील? येन ईव आंदुर हात्ती होदान जो ग्रीकगोळ दा ततिर-बतिर आगकु ईरतार, अदकि ग्रीकगोळी भी उपदेश कोट्टान? 36 ईद येन मात आद जो आव अंदुन, कर् ‘नीव नानी हुंडसीर, लेकीन सकितीदील; अदकि येल ना आईन, अल नीव बर सकालीर.’”

जीवन नीर इन गांगा

37 हाव्व इन आखरी दशिी, जो मुखय दनि आद, यीशु नदिरदुन अदकि कारूकु अंदुन, “अगर यावारा प्यासा आन रा नान हात्ती बरूल अदकि कुडुल. 38 जो नान मा वशिवास माळयान, ह्यांग पवतिरशास्त्र दा बंदाद, ‘आऊन दलि दा टु जीवन इन नीर इन गांगा वाहुसकु होट्टीत.’” 39 आव ईद वचन पवतिर आत्मा अन बारा दा अंदुन, यारी आऊन मा वशिवास माळावाळेरी सकिकोद ईरोद; यतकी आत्मा ईगासताका ईला ईळदीत, यतकी यीशु ईगासताका तान महामिा अक ईला पोहचुसीदुन.

लॉकुर दा भेदभाव

40 आग भीळ दा टु यारारा यारारा ई मातगोळी केळकु अंदुर, “सही दा ईवा आव भवषियवक्ता हुन.” 41 दुसरागोळ अंदुर, “ईव मसीह हुन.” लेकीन येनारा लॉकुर अंदुर, “येती? येन मसीह गलील टु बंदान? 42 येन पवतिरशास्त्र दा ईद बंददील कर् मसीह दाऊद इन वंश टु अदकि बैतलहम ऊर टु बंदान, यल दाऊद ईरतान?” 43 इदुरसाटी आऊन कारण लॉकुर दा फूट बतित. 44 आंदुर दा टु यारारा आऊक हुडोद चाहासोर, लेकीन याऊ आऊन मा कय हाकीदील.

यहूदी अधिकारीगोळ्द अवशिवास

45 आग सपिाही प्रधान याजक अदकि फरीसीगोळ हात्ती वापस बंदुर; आंदुर सपिाहीगोळ से अंदुर, “नीव आऊक येती तंददील?” 46 सपिाहीगोळ उत्तर कोट्टुर, “यावारा मळसा यागलु हगि मातगोळी माळीदील.” 47 फरीसीगोळ आंदरी उत्तर कोट्टुर, “येन नीव भी भरमुसकु आगीर? 48 येन सरदारगोळ या फरीसीगोळ दा टु यारारा आऊन मा वशिवास माळयार? 49 लेकीन ई लॉकुर जो व्यवस्था जान्सालुर, शापति आर.” 50 \*नीकुदेमुस, जो पयले आऊन हात्ती बंदीदुन अदकि आंदुर दा टु ऊद ईरोन, आंदुर से अंदुन, 51 “येन नाम व्यवस्था यावारा मळसा अक, यागासताका पयले आऊद केळकु जान्स कोमालुर कर् आव येन माळतान, दोषी ठहरसतार?” 52 आंदुर आऊक उत्तर कोट्टुर, “येन नी भी गलील इन हुय? हुंदस अदकि नोळ कर् गलील टु यावारा भवषियवक्ता परगट ईला आगोद.” 53 आग सप्पा लॉकुर तान तान मान्नी वोळदुर.

## 8

व्यभचारिणी इक माफ

1 लेकीन यीशु जैतून इन पहाळी मा होदुन. 2 व्हातरया आव मातत मंदरि दा बंदुन; सप्पा लॉकुर आऊन हात्ती बंदुर अदकि आव कृतकु आंदरी उपदेश कोळली कुरतुन. 3 आग शास्त्री अदकि फरीसी ऊद आरत इक तंतुर जो व्यभचारि दा हुळकु आगीदुर, अदकि आकी बीच दा नदिरसकु यीशु से अंदुर, 4 “हे गुरु, ई आरत व्यभचारि माळत हुळकु आदुर. 5 व्यवस्था दा मूसा नामी आग्या कोटान कर् हगि आरतेर मा पथराव माळुल. इदुरसाटी नी ई आरत इन बारा दा येन अनत्या?” 6 आंदुर आऊक परखुसोर साटी ईद मात अंदुर ताकी आऊन मा दोष हचोर साटी येनारा मात सकिकुल. लेकीन यीशु बांगकु वेळुल देल जागा मा लखिसली कुरतुन. 7 याग आंदुर आऊन से केळतेला अच ईत्तुर, रा आव सधा नदिरकु आंदुर से अंदुन, “नीम दा जो नषिपाप आन, आवा पयले आकी कलुल होळदान.” 8 अदकि बाक बांगकु जागा मा वेळुल देल लखिसली कुरतुन. 9 लेकीन आंदुर ईद केळकु धोड्डेर टु हुळकु स्याणेर ताका, ऊद ऊद माळकु होट्ट वुटुर, अदकि यीशु आबना ईतोदुन, अदकि आरत अल्या बीच दा नदिरकु ईतोदुर. 10 यीशु सरका आगकु आकनि से अंदुन, “हे आरत, आंदुर येल होदुर? येन यारारा दण्ड इन आग्या कोटीदील?” 11 आक अंदुर, “हे परभु, याऊ ईला.” यीशु अंदुन “ना भी नीनी दण्ड इन आग्या कोळालीन; होग, अदकि बाक पाप माळवाळेत.”

यीशु दुनयिा अन ज्योतर्

12 यीशु बाक लॉकर से अंदुन, “दुनयिया अन ज्योतना हईन; जो नान हदि आगेदान आव अंधकार दा नळ्तीदील; लेकीन जीवन इन ज्योतना सक्कीत.” 13 फरीसीगोळ आऊन से अंदुर, “नी तान गवाही खुद अच कोळत्या, नीन गवाही सही हैलेच.” 14 यीशु आंदरी उत्तर कोट्टुन, “भला ही ना तान गवाही खुद अच कोळतीन, तरी भी नान गवाही खरा आद, यतकी ना जानसतीन काना यल टु बंदीन अदक यल होगतीन? लेकीन नीव जानसालीर काना यल टु बरतीन या यल होगतीन. 15 नीव मय इन अनुसार न्याय माळतीर; ना यारदु न्याय माळालीन. 16 अदक अगर ना न्याय माळाईन भी, रा नान न्याय खरा आद; यतकी ना आवना हैलेच, लेकीन ना हईन, अदक आप्प आन याव नानी कळ्ळुदुन. 17 नीम व्ययस्था दा भी लखिसकु आद काना येदुद मंदुर गवाही मल्लिसकु सही आगतद; 18 ऊंद रा ना खुद तान गवाही कोळतीन, अदक दुसरा आप्प नान गवाही कोळतान याव नानी कळ्ळुन.” 19 आंदुर आऊन से अंदुर, “नीन आप्प यल आन?” यीशु उत्तर कोट्टुन, “ना नीव नानी जानसतीर, ना नान आप्प उक, अगर नानी जानसायदीर रा नान आप्प उक भी जानसायदीर.” 20 ई मातगोळी आव मंदरि दा उपदेश कोळतेला भंडार मान्या अंदुन, अदक याऊ आऊक हळदीदलि, यतकी आऊन समय ईंगासताका ईला बंदीत.

तान बारा दा यीशु उन कथन

21 यीशु बाक आंदुर से अंदुन, “ना होगतीन, अदक नीव नानी ढुंदसीर अदक तान पाप दा सोत्तीर; यल ना होगतीन, अल नीव बर सकालीर.” 22 इदुर मा यहूदीगोळ अंदुर, “येन आव तान तान इक कोंद बुटान, जो अनतान, यल ना होगतीन अल नीव बर सकालीर.” 23 आव आंदुर से अंदुन, “नीव लयालमा नोर हईर, ना म्याकुच इनव हईन; नीव दुनयिया नोर हईर, ना दुनयिया इनव आल्लच. 24 इदुरसाटी ना नीम से अंदीन काना तान पापगोळ दा सोत्तीर, यतकी अगर नीव वशिवास माळतीदील काना आवा हईन रा तान पापगोळ दा सोत्तीर.” 25 आंदुर आऊन से अंदुर, “नी याव ह्यु?” यीशु आंदुर से अंदुन, “आवा हईन जो सूरवात टु नीम से अनतेला बंदीन. 26 नीम बारा दा नानी हापाळ येनारा अनोद अदक नरिणय माळोद आद; लेकीन नान कळावाळा खरा आन, अदक जो ना आऊन से केळदीन अदा दुनयिया अक अनतीन.” 27 आंदुर ईद समसीदील काना नाम से आप्प उन बारा दा अनतान. 28 आग यीशु अंदुन, “याग नीव मळसा अन पार उक म्याकुच येरसीर, रा जानसीर काना आवा हईन; ना तान तान से येनु माळालीन लेकीन ह्यांग नान आप्प नानी कलसुयान हांग अच ई मातगोळी अनतीन. 29 नान कळावाळा नान सांगुळ आन; आव नानी आवना बर्तीदलि यतकी ना सदा अदा कयाल्सा माळतीन यदुर देल आव परसनुन आगतान.” 30 आव ईव मातगोळी अनतेला अच ईरोन काना हापाळ मुदुर आऊन मा वशिवास माळदुर.

सचचाई नीमी स्वतंत्र माळीत

31 आग यीशु आ यहूदीगोळ से याग आऊन मा वशिवास माळीदुर, अंदुन, “अगर नीव नान वचन दा बन्सकु ईत्तीर, रा सही दा नान चेलागोळ ठहूसीर. 32 नीव सही अक जानसीर, अदक सही नीमी स्वतंत्र माळीत.” 33 आंदुर आऊक उत्तर कोट्टुन, “नाव रा अब्राहम उन वंश टु आयेव, अदक यागलु यारदु दास आगीदील. बाक नी ह्यांग अन्त्या काना नीव स्वतंत्र आगेदीर?” 34 यीशु आंदरी उत्तर कोट्टुन, “ना नीम से खरा खरा अनतीन काना यावारा पाप माळतान आव पाप इन दास आन. 35 दास सदा मान्या ईरालुन; पार सदा ईरतान. 36 इदुरसाटी अगर पार नीमी स्वतंत्र माळयान, रा सचमुच नीव स्वतंत्र आगेदीर. 37 ना जानसतीन काना नीव अब्राहम उन वंश टु आईर; तरी नान वचन नीम दलि दा जागा हुडालद, इदुरसाटी नीव नानी कोंद बुळोद चाहासतीर. 38 ना अदा अनतीन, जो तान आप्प उन मान्या नोळदीन; अदक नीव अदा माळतेला ईरतीर जो नीव तान आप्प उन से केळदीर.” 39 आंदुर आऊक उत्तर कोट्टुन, “नाम आप्प रा अब्राहम हुन.” यीशु आंदुर से अंदुन, “आग नीव अब्राहम उन औलाद आगयदीर, रा अब्राहम उन घाई कयाल्सा माळायदीर. 40 लेकीन ईंग नीव नान घाई मळसा अक कोंद बुळोद चाहासतीर, याव नीमी अद सही वचन हेळदुन जो परमेश्वर से केळदेव; हगि रा अब्राहम ईला माळीदुन. 41 नीव तान आप्प उन घाई कयाल्सा माळतीर.” आंदुर आऊन से अंदुर, “नाव व्यभचारि देल पैदा आगीदील, नाम ऊंद आप्प आन मतलब परमेश्वर.” 42 यीशु आंदुर से अंदुन, “अगर परमेश्वर नीम आप्प ईयायदुन, रा नीव नान से प्यार ईटायदीर; यतकी ना परमेश्वर उन दी टु बंदीन. ना खुद देल बंदीदलि, लेकीन आवा नानी कळयान. 43 नीव नान मात येती समसालीर? इदुरसाटी काना नीव नान वचन केळ सकालीर. 44 नीव तान आप्प शैतान उन दी टु आईर अदक तान आप्प उन लालसागोळी पुरा माळोद चाहासतीर. आव रा सूरवात टु हत्यारा आन अदक सही मा संची ईतीदील; यतकी सही आऊन दा हैलेच. याग आव ख्वाटा माताळतान, रा तान स्वभाव देल अच माताळतान; यतकी आव झुटा आन अदक झुट इन आप्प आन. 45 लेकीन ना जो खरा माताळतीन, इदुरदा साटी नीव नांद वशिवास माळालीर. 46 नीम दा टु याव नानी पापी ठहूसतान? अगर ना खरा माताळतीन, रा नीव नान वशिवास येती माळालीर? 47 जो परमेश्वर टु आगतान, आव परमेश्वर उन मातगोळी केळतान; अदक नीव इदुरसाटी केळालीर काना परमेश्वर उन दी टु आल्लच.”

यीशु अदक अब्राहम

48 ईद केळकु यहूदीगोळ यीशु से अंदुर, “येन नाव खरा अनालेव काना नी सामरी ह्यु, अदक नीन दा दुष्टआत्मा आद?” 49 यीशु उत्तर कोट्टुन, “नान दा दुष्टआत्मा हैलेच; लेकीन ना तान आप्प उन आदर माळतीन, अदक नीव नान नरिदर माळतीर. 50 लेकीन ना तान प्रतषिटा चाहासालीन; हव, ऊंद आन जो चाहासतान अदक न्याय माळतान. 51 ना नीम से खरा खरा अनतीन काना अगर यावारा मळसा नान वचन मा नळदान, रा आव अनन्त काल

ताका मृत्यु अक नोळतीदलि.” 52 यहूदीगोळ आऊन से अंदुर, “ईंग नाव जान्स कोडेव क्नीन दा दुष्टआत्मा आद. अब्राहम सोतोदुन, अदकि भवषियवक्तागोळ भी सोतोग्यार; अदकि नी अनत्या, अग्र यावारा नान वचन मा नळदान रा आव अनन्त काल ताका मृत्यु नोळतीदलि.” 53 नाम आप्प अब्राहम रा सोतोदुन. येन नी आऊन से धोड्डेव आय? अदकि भवषियवक्तागोळ भी सोतोदुर. नीमी येन हततद क्नीव येन हुईर?” 54 यीशु उत्तर कोट्टुन, “अगर ना खुद तान महमा माळाईन, रा नान महमा येनु ईला; लेकीन नान महमा माळावाळा नान आप्प आन, यारी नीव अनतीर क्नी आव नीम परमेश्वर हुन. 55 नीव रा आऊक जानसीदील: लेकीन ना आऊक जानसतीन. अगर ना अनाईन क्नी ना आऊक जानसालीन, रा ना नीम घाई ख्वाटा ठहरूसईन; लेकीन ना आऊक जानसतीन अदकि आऊन वचन मा नळतीन. 56 नीम आप्प अब्राहम नान हागुल नोळोद आशा देल हापाळ मगन ईरोन; अदकि आव नोळदुन अदकि खुश आदुन.” 57 यहूदीगोळ आऊन से अंदुर, “ईगासताका नी पचास वरष इन हेल्लेच, तरी भी नी अब्राहम उक नोळ्या?” 58 यीशु आंदुर से अंदुन, “ना खरा खरा अनतीन, क्नी पयले इदुरद क्नी अब्राहम पैदा आदुन, ना आईन.” 59 आग आंदुर आऊक बडोर साटी कल्ल नेगदुर, लेकीन यीशु होचकु मंदरि टु होट्टुदुन.

## 9

जनम इन कुद्व उक कण्ण कोळोद

1 होगाहोती यीशु ऊद मळसा अक नोळदुन जो जनम टु कुद्व ईरोन. 2 आऊन चेलागोळ आऊन से केळदुर, “हे गुरु, याव पाप माळीदुन क्नी ईव कुद्व पैदा आदुन, ई मळसा या ईऊन मोय या ईऊन आप्प?” 3 यीशु उत्तर कोट्टुन, “ना रा ईव पाप माळीदुन, ना ईऊन मोय ना आप्प; लेकीन ईद इदुरसाटी आत क्नी परमेश्वर उन क्यालसा आऊन मा प्रगत आगुल. 4 याव नानी कळयान, नामी आऊन क्यालसा हागुल ईरतेला अच माळोद जूरी आद; अद ईळलक बरोद आद यदुरदा याऊ क्यालसा माळ सकतीदलि. 5 यागासताका ना दुनयिा दा आईन, आगासताका दुनयिा अन ज्योती आईन.” 6 ईद अनकु आव जागा मा ऊगुळदुन, अदकि आ ऊगळा देल मुण्ण इक कालसदुन, अदकि अद मुण्ण आ कुद्व उन कण्णगोळ मा हचकु 7 आऊन से अंदुन, “होग, शीलोह अन कुण्ड दा तोळकोम” आव होगकु तोळदुन, अदकि नोळतेला वापस बंदुन. 8 आग आऊन वाजुवाळेर अदकि यार पयले आऊक भीख वेळतेला नोळीदुर, अनली कुरतुर, “येन ईव आवा आल्लच, जो कुरतकु भीख वेळतोमोन?” 9 येनारा लॉकर अंदुर, “ईव आवा हुन; दुसरागोळ अंदुर, “ईला, लेकीन आऊन घाई आन.” आव अंदुन, “ना आवा हुईन.” 10 आग आंदुर आऊन से केळली कुरतुर, “नीन कण्णगोळ ह्यांग खुलसेदव?” 11 आव उत्तर कोट्टुन, “यीशु हेसुर इन ऊद मळसा मुण्ण कालसदुन, अदकि नान कण्णगोळ मा हचकु नान से अंदुन, शीलोह दा होगकु तोळकोम; इदुरसाटी ना होदीन अदकि तोळदनि अदकि नोळली कुरतीन.” 12 आंदुर आऊन से केळदुर, “आव यल आन?” आव अंदुन, “ना जान्सालीन.”

फरीसीगोळ द्वारा चंगाई इन जाँच पळतल

13 लॉकर आऊक जो पयले कुद्व ईरोन फरीसीगोळ हातती ओतुर. 14 याता दशिी यीशु मुण्ण कालसकु आऊन कण्णगोळी तेरदीदुन, अद आराम इन दनि ईरोद. 15 बाक फरीसीगोळ भी आऊन से केळदुर क्नी आऊन कण्णगोळ याता रीत दिल खुलसेदव. आव आंदुर से अंदुन, “आव नान कण्णगोळ मा मुण्ण हचदुन, बाक ना तोळु कोडीन, अदकि ईंग ना नोळ सकतीन.” 16 इदुर मा येनारा फरीसी अनली कुरतुर, “ई मळसा परमेश्वर उन दी टु आल्लच, यतकी आव आराम इन दनि मानसालुन.” दुसरागोळ अंदुर, “पापी मळसा हगि चमत्कार ह्यांग तोरस सकतान?” इदुरसाटी आंदुर दा फूट बदिता. 17 आंदुर आ कुद्व मळसा से मात्त अंदुर, “आव नीन कण्णगोळी खोलसयान. नी आऊन बारा दा येन अनत्या?” आव अंदुन, “आव भवषियवक्ता आन.”

18 लेकीन यहूदीगोळी वशिवास आगीदील क्नी आव कुद्व ईरोन अदकि ईंग नोळतान, यागासताका आंदुर आऊन, यारद कण्णगोळ खुलसेगदिव, आऊन मोय-आप्प उक कारूकु 19 आंदुर से केळीदील, “येन ईव नीम पार हुन, यारी नीव अनतीर क्नी कुद्व पैदा आगीदुन? बाक ईंग ह्यांग नोळतान?” 20 आऊन मोय-आप्प उत्तर कोट्टुन, “नाव रा जानसतेव क्नी ईव नाम पार हुन, अदकि कुद्व पैदा आगीदुन: 21 लेकीन नाव ईद जानसालेव क्नी ईंग ह्यांग नोळतान, अदकि ना ईद जानसतेव क्नी याव आऊन कण्णगोळी तेरदुन. आव स्याणा आन, आऊन से अच केळ कोमी: आव तान बारा दा खुद अंद बुटान.” 22 ई मातगोळी आऊन मोय आप्प इदुरसाटी अंदुर यतकी आंदुर यहूदीगोळ से अंजोर, यतकी यहूदी ऊद मत आगेगीदुर क्नी अगर यावारा अंदान क्नी आव मसीह हुन, रा आव सभागूह टु तेगुकु आदान. 23 ईदा कारण आऊन मोय आप्प अंदुर, “आव स्याणा आन, आऊन से अच केळ कोमी.”

24 आग आंदुर आ मळसा अक जो कुद्व ईरोन, दुसरा घन कारूकु आऊन से अंदुर, “परमेश्वर उन स्तुती माळ. नाव रा जानसतेव क्नी आ मळसा पापी आन.” 25 आव उत्तर कोट्टुन, “ना जानसालीन क्नी आव पापी आन या हेल्लेच; ना ऊद मात जानसतीन क्नी ना पयले कुद्व ईरोन अदकि ईंग नोळतीन.” 26 आंदुर आऊन से मात्त अंदुर, “आव नीन सांगुळ येन माळदुन? अदकि याता प्रकार देल नीन कण्णगोळी खोलसदुन?” 27 आव आंदुर से अंदुन, “ना रा नीम से अंद कोडीन, अदकि नीव केळीदील; ईंग दुसरा घन येती केळोद चाहासतीर? येन नीव भी आऊन चेला वनसोद चाहासतीर?” 28 आग आंदुर आऊक बुरा भला अनली कुरतुर, “नी अच आऊन चेला आय, नाव रा मूसा अन चेला हुयेव. 29 नाव जानसतेव क्नी परमेश्वर मूसा से मातगोळी हेळदुन; लेकीन ई मळसा अक जानसालेव क्नी येलेव हुन.” 30 आव आंदुर उत्तर कोट्टुन, “ईद रा आश्रय अन मात आद क्नी नीव जानसालीर क्नी आव येलेव हुन, लेकीन आव

नान कण्णगोळी खोल्स बुट्टुन. <sup>31</sup> नाव जानसतेव क्क परमेश्वर पापीगोळ्द केळालुन, लेकीन अगर यावारा परमेश्वर उन भक्त आन अदकि आऊन इच्छा मा नळ्ळतान, रा आव आऊन केळतान. <sup>32</sup> दुनिया अन सूवात देल ईद यागलु केळ्दुरा दा बंददिल क्क यावारा जनम इन कुढ्द उन कण्णगोळी खोल्सदुन. <sup>33</sup> अगर ईव मंसात परमेश्वर उन दी टु ईला ईरायदुन, रा येनु भी ईला माळ सकायदुन.” <sup>34</sup> आंदुर आऊक उत्तर कोट्टुर, “नी रा बलिकुल पापगोळ्द दा पैदा आग्या, नी नामी येन कल्सत्या?” अदकि आंदुर आऊक व्हार्या तेगद बुट्टुन.

आत्मकि कुढ्दपन

<sup>35</sup> यीशु केळ्दुन क्क आंदुर आऊक व्हार्या तेगद बुट्टुर, अदकि याग आऊन से भेट आत रा अंदुन, “येन नी परमेश्वर उन पार उन मा वश्वास माळत्या?” <sup>36</sup> आव उत्तर कोट्टुन, “हे परभु, आव याव हुन, क्क ना आऊन मा वश्वास माळाईन?” <sup>37</sup> यीशु आऊन से अंदुन, “नी आऊक नोळ्या, अदकि जो नीन सांगुळ्द मातगोळी हेळेत्यान आव आवा हुन.” <sup>38</sup> आव अंदुन, “हे परभु, ना नीन मा वश्वास माळतीन.” अदकि आऊक बांगकु प्रणाम माळ्दुन. <sup>39</sup> आग यीशु अंदुन, “ना ई दुनिया दा न्याय इन साटी बंदीन, ताकी जो नोळालुर आंदुर नोळ्ळुन, अदकि जो नोळतार आंदुर कुढ्द आगोळुल.” <sup>40</sup> जो फरीसी आऊन सांगुळ्द ईरोर आंदुर आऊन ई मातगोळी केळकु आऊन से अंदुर, “येन नाव भी कुढ्द आयव?” <sup>41</sup> यीशु आंदुर से अंदुन, “अगर नीव कुढ्द ईरायदीर रा पापी ईला टहूरसायदीर; लेकीन ईग अनतीर क्क नाव नोळतेव, इदुरसाटी नीम दा पाप बन्सकु ईरतद.

## 10

चरवाहा अदकि म्यांडागोळ्द उदाहरण

<sup>1</sup> “ना नीम से खरा खरा अनतीन क्क जो यावारा दरवाजा टु म्यांडाशाला दा प्रवेश माळालुन, लेकीन दुसरा दी टु येरतान, आव काल्ळ अदकि डाकु हुन. <sup>2</sup> लेकीन जो दरवाजा टु बुळ्क प्रवेश माळतान आव म्यांडागोळ्द चरवाहा हुन. <sup>3</sup> आऊन साटी चौकीदार दरवाजा खोल्स बुळतान, अदकि म्यांडा आऊन आवाज केळताव, अदकि आव तान म्यांडागोळी हेसुर ताकोम ताकोमकु क्कृतान अदकि व्हार्या वोयतान. <sup>4</sup> याग आव तान सपपा म्यांडागोळी व्हार्या तेगु कोमतान, रा अऊर मुंद मुंद नळ्ळतान, अदकि म्यांडागोळ्द आऊन ह्दि ह्दि आगेगताव, यतकी अव आऊन आवाज अरूताव. <sup>5</sup> लेकीन अव दुसरा अन ह्दि होगतीदील, लेकीन आऊन से दुर ओळेव, यतकी अव दुसरा अन आवाज अरालव.” <sup>6</sup> यीशु आंदुर से ईद उदाहरण अंदुन, लेकीन आंदुर समसीदील क्क ईव याता मातगोळ्द हु जो आव नाम से अनतान.

यीशु वळ्लेव चरवाहा

<sup>7</sup> आग यीशु आंदुर से मात्त अंदुन, “ना नीम से खरा खरा अनतीन, म्यांडागोळ्द दरवाजा ना हुईन. <sup>8</sup> यास नान से पयले बंदुर आंदुर सपपा काल्ळुर अदकि डाकु उर, लेकीन म्यांडागोळ्द आंदुर केळीदील. <sup>9</sup> दरवाजा ना हुईन; अगर यावारा नान द्वारा बुळ्क प्रवेश माळयान, रा उद्धार सक्कीत, अदकि बुळ्क व्हार्या होग्त बर्त ईतान अदकि चारा सक्कीत. <sup>10</sup> काल्ळ यातोदारा क्क्याल्सा अन साटी ईला लेकीन सरिफ चोरी माळली अदकि घात माळली अदकि नाश माळली इक बरतान; ना इदुरसाटी बंदीन क्क आंदुरी जीवन सक्किल, अदकि हापाळ जीवन सक्किल.”

<sup>11</sup> “वळ्लेव चरवाहा ना हुईन; वळ्लेव चरवाहा म्यांडागोळ्द साटी तान जीव कोळतान. <sup>12</sup> मजदूर जो ना चरवाहा आन अदकि ना म्यांडागोळ्द मालकि आन, लांडग्या अक बर्त नोळ्द म्यांडागोळी बटिकु वोळ्गतान; अदकि लांडग्या अवरी हुडुतद अदकि ततिर बतिर माळ्द बुळतद. <sup>13</sup> आव इदुरसाटी वोळ्गतान क्क आव मजदूर हुन, अदकि आऊक म्यांडागोळ्द चिता हैलेच. <sup>14</sup> वळ्लेव चरवाहा ना हुईन; ना तान म्यांडागोळी जानसतीन, अदकि नान म्यांडागोळ्द नानी जानसताव. <sup>15</sup> ह्यांग आप्प नानी जानसतान अदकि ना आप्प उक जानसतीन अदकि ना म्यांडागोळ्द साटी तान जीव कोळतीन. <sup>16</sup> नान अदकि भी म्यांडागोळ्द आव, जो ई म्यांडाशाला अन आल्लच. नानी अवरी भी तरोद जर्री आद. अव नान आवाज केळेव, आग ऊंद अच झूण्ड अदकि ऊंद अच चरवाहा ईतान. <sup>17</sup> आप्प इदुरसाटी नान से प्यार ईतान क्क ना तान जीव कोळतीन क्क अदुरी मात्त ताकोम कोमाईन. <sup>18</sup> याऊ अदुरी नान से कसालुन, लेकीन ना अदुरी खुद अच कोळतीन. नानी आऊंद कोळ्दो भी अधिकार आद, अदकि अदुरी वाक ताकोम कोमोद भी अधिकार आद: ईद आग्या नान आप्प उन देल नानी सक्क्याद.”

<sup>19</sup> ई मातगोळ्द कारण यहूदीगोळ्द दा मात्त फूट बदिता. <sup>20</sup> आंदुर से हापाळ सा लॉकुर अनली कुरतुर, “आऊन दा दुष्टआत्मा आद, अदकि आव येरर आन; आऊंद येती केळतीर?” <sup>21</sup> अनय लॉकुर अंदुर, “ई मातगोळ्द ईत्ता मंसा नव आल्लच थारदा दुष्टआत्मा आद. येन दुष्टआत्मा कुढ्दगोळ्द कण्णगोळी खोल्स सकतद?”

यीशु उक नकारसोद

<sup>22</sup> यूश्लेम दा स्थापना हाव्व मनुस्कु आगोद; अदकि सोळ्द इन दनि ईरव. <sup>23</sup> यीशु मंदरि दा सुलैमान उन छपर्या दा टेटाळ्ळन. <sup>24</sup> आग यहूदीगोळ्द आऊक बंदकु घेरसदुर अदकि केळ्दुर, “नी नाम मन इक यागासताका दुवधिा दा ईट्या? अगर नी मसीह हुय रा नाम से साफ साफ अंद बुळ्द.” <sup>25</sup> यीशु आंदुरी उत्तर कोट्टुन, “ना नीम से अंद बुटीन पर नीव वश्वास अच माळालीर. जो क्क्याल्सा ना तान आप्प उन हेसुर देल माळतीन अव अच नान गवाह हु, <sup>26</sup> लेकीन नीव इदुरसाटी वश्वास माळालीर यतकी नीव नान म्यांडागोळ्द दा टु आल्लच. <sup>27</sup> नान म्यांडागोळ्द नान आवाज केळताव; ना अवरी जानसतीन, अदकि अव नान ह्दि ह्दि नळ्ळताव; <sup>28</sup> अदकि ना अवरी अनन्त जीवन



कोळतीन. अव यागल् नाश आगतीदील, अदकि याऊ अवरी नान कय दा टू कसु सकालुन. <sup>29</sup> नान आप्प, याव अवरी नानी कोटान, सप्पा से धोड्डेव आन अदकि याऊ अवरी आप्प उन कय देल कसु सकालुन. <sup>30</sup> ना अदकि नान आप्प ऊद आयेव.” <sup>31</sup> यहूदीगोळ आऊन मा पथराव माळीर साटी मात्त कल्लगोळी नेगदुर. <sup>32</sup> इदुर मा यीशु आंदुर से अंदुन, “ना नीमी तान आप्प उन दी टू हापाळ सा भला क्यालसा तोरसदीन; अऊर दा टू याता क्यालसा अन साटी नीव नान मा पथराव माळतीर?” <sup>33</sup> यहूदीगोळ आऊक उत्तर कोटदुर, “भला क्यालसा अन साटी नाव नीन मा पथराव माळालेव लेकीन परमेश्वर उन अपमान माळोद कारण; अदकि इदुरसाटी क्नी नी मंळसा आगकु भी तान तान इक परमेश्वर माळत्या.” <sup>34</sup> यीशु आंदरी उत्तर कोटदुन, “येन नीम व्यवस्था दा लखिसकु हेल्लेव, ‘ना अंदीन, नीव मय हईर?’” <sup>35</sup> अगर आव आंदरी मय अंदुन यार हात्ती परमेश्वर उन वचन पोहचुसत अदकि शास्त्र अन मात खवाटा आग सकालव. <sup>36</sup> रा यारी आप्प पवतिर ठहूसकु दुनया दा कळदुन, नीव आऊन से अनतीर, ‘नी अपमान माळत्या,’ इदुरसाटी क्नी ना अंदीन, ‘ना परमेश्वर उन पार हईन?’” <sup>37</sup> अगर ना तान आप्प उन क्यालसा माळालीन, रा नान वशिवास माळबाळी. <sup>38</sup> लेकीन अगर ना माळतीन, रा चाहे नान वशिवास भी माळबाळी, लेकीन आ क्यालसागोळद रा वशिवास माळी, ताकी नीव जान्सी अदकि समसी क्नी आप्प नान दा आन अदकि ना आप्प दा आईन.” <sup>39</sup> आग आंदुर मात्त आऊक हुडोद कोशशि माळदुर लेकीन आव आंदुर कय दा टू होटबुदुन.

<sup>40</sup> वाक आव यरदन इन आप्पाटी आ जागा मा ओळदुन, यल यूहन्ना पयले बपतसिमा कोळतोगोन, अदकि अलया ईत्तुन. <sup>41</sup> हापाळ सा लॉकुर आऊन हात्ती बंदकु अनतोगोर, “यूहन्ना रा यातोदु चमत्कार तोरसीदील, लेकीन जो येनारा यूहन्ना ईऊद बारा दा अंददिन, अद सप्पा सही ईरोद.” <sup>42</sup> अदकि अल हापाळ सा लॉकुर यीशु मा वशिवास माळदुर.

## 11

लाजर उन मृत्यु

<sup>1</sup> मरयिम अदकि आकनि आकतीग मारथा अनद ऊर बैतनयियाह अनद लाजर हेसुर इन ऊद मंळसा बमारि ईरोन. <sup>2</sup> इक आका मरयिम ईरोर यार प्रभु मा अत्तर हाक्कु आऊन कालगोळी तान चुट्टीगोळ देल सट्टीदुर, ईकी नवा वारट लाजर बमारि ईरोन. <sup>3</sup> इदुरसाटी आऊन आकतीगर यीशु उक बातणी कळदुर, “हे प्रभु, नोळ, यार से नी प्यार ईटत्या, आव बमारि आन.”

<sup>4</sup> ईद केळकु यीशु अंदुन, “ईद बमारी सायोद आलच; लेकीन परमेश्वर उन महमा अनद साटी हुन, क्नी आऊन दवारा परमेश्वर उन पार ऊद महमा आगुल.”

<sup>5</sup> यीशु मारथा अदकि आकनि आकतीग अदकि लाजर से प्यार ईटतोगोन. <sup>6</sup> तरी भी याग आव केळदुन क्नी आव बमारि आन, रा याता जागा मा आव ईरोन, अल येदद दनि मात्त रूकसेदुन. <sup>7</sup> ईदुर बाददा आव चेलागोळ से अंदुन, “बरी, नाव मात्त यहूदया नगर इक होगाता.”

<sup>8</sup> चेलागोळ यीशु से अंदुर, “हे गुरु, ईगल्या रा यहूदी लॉकुर नीन मा कल्लगोळी होडोद चाहासोर, अदकि येन नी मात्त अलया होगोद चाहासत्या?”

<sup>9</sup> यीशु उत्तर कोटदुन, “येन हागुल ईनव हननेळ घंटा ईरालव? अगर यावारा हागुल इन होती नळुतान रा टोकर तनिलुन, यतकी ई दुनया अनद उजुळ नोळतान. <sup>10</sup> लेकीन अगर यावारा ईळलक इन होती नळुतान रा टोकर तनितान, यतकी अदुरदा उजुळ हेल्लेव.” <sup>11</sup> आव ई मातगोळ अंदुन, अदकि ईदुर बाददा आंदुर से अनली कुरतुन, “नाम संगी लाजर मगिग्यान, लेकीन ना आऊक येवसली होगतीन.”

<sup>12</sup> आग चेलागोळ आऊन से अंदुर, “हे प्रभु, अगर आव मगिग्यान, रा वळ्लेव आगोदान.” <sup>13</sup> यीशु रा आऊन मृत्यु ऊद बारा दा अंददिन, लेकीन आंदरी हगि हत्त क्नी आव जप देल मगिगोद बारा दा अंदान. <sup>14</sup> आग यीशु आंदुर से साफ साफ अंद बूटदुन, “लाजर सोतोग्यान; <sup>15</sup> अदकि ना नीम कारण खुश आईन क्नी ना अल ईला ईरीन यदुर देल नीव वशिवास माळी. लेकीन ईग बरी, नाव आऊन हात्ती होगाता.” <sup>16</sup> आग थोमा यारी ददिमुस अनतर, तान साथी चेलागोळ से अंदुन, “बरी, नाव भी आऊन सांगुळ सायली होगाता.”

यीशु ऊद पुनरूत्थान अदकि जीवन

<sup>17</sup> अल होगदुर मा यीशु उक ईद मालूम आत क्नी लाजर उक कबर दा ईटकु नाक दनि आगोग्याव. <sup>18</sup> बैतनयियाह यरुशलेम इन हात्ती येदद मील इन दुरी मा ईरोद. <sup>19</sup> हापाळ सा यहूदी मारथा अदकि मरयिम इन हात्ती आकनि वारट ऊद मृत्यु मा शांती कोळोर साटी बंदीदुर.

<sup>20</sup> याग मारथा यीशु ऊद बरोद समाचार केळदुर रा आऊन से मुलाकात माळली होदुर, लेकीन मरयिम मान्या अच ईत्तुर. <sup>21</sup> मारथा यीशु से अंदुर, “हे प्रभु, अगर नी ईल ईराईद, रा नान वारट ईला सायायदुन. <sup>22</sup> लेकीन ना ईग भी जान्सतीन क्नी नी जो येनारा परमेश्वर से बेळया, परमेश्वर नीनी कोटदान.”

<sup>23</sup> यीशु आकनि से अंदुन, “नीन वारट मात्त जत्तिता आदान.”

<sup>24</sup> मारथा आऊन से अंदुर, “ना जान्सतीन क्नी आखरी दनिगोळ दा पुनरूत्थान इन समय आव जत्तिता आदान.”

<sup>25</sup> यीशु आकनि से अंदुन, “पुनरूत्थान अदकि जीवन ना अच हईन; जो यावारा नान मा वशिवास माळतान आव अगर सोतो भी दान तरी भी जत्तिता आदान, <sup>26</sup> अदकि जो यावारा जत्तिता आन अदकि नान मा वशिवास माळतान, आव अनन्त काल ताका सायतीदील. येन नी ई मात मा वशिवास माळत्या?”

27 आक आऊन से अंदुर, “हव हे प्रभु, ना वश्वासि माळतीन कि परमेश्वर उन पार मसीह जो दुनिया दा बरावाळा ईरोन, आव नी अच ह्युय.”

यीशु वरलदुन

28 ईद अनकु आक होटोदुर, अदकि तान आकतीग मरयिम इक कारूकु सुंगासुंग अंदुर, “गुरु ईवा हून अदकि नीनी कारूतान.” 29 ईद केळत अच आक तुरन्त यदकु आऊन हात्ती बंदुर. 30 यीशु ईंगल्या ऊर दा बरली इक ईरोन लेकीन अदा जागा मा ईरोन यल मारथा आऊन से मुलाकात माळीदुर. 31 आग जो यहूदी आऊन सांगुळ मान्या ईरोर अदकि आऊक शांती कोळोर, ईद नोळकु कि मरयिम तुरन्त यदकु व्हार्या होग्यार आंदुर ईद सम्सदुर कि आक कवर मा वरली होगेत्यार, रा आकनि हदि आगेदुर.

32 याग मरयिम अल पोहचुसदुर यल यीशु ईरोन, रा आऊक नोळत अच आऊन कालगोळ मा बदिदुर अदकि अंदुर, “हे प्रभु, अगर नी ईल ईराईद रा नान वारट ईला सायायदुन.”

33 याग यीशु आक इक अदकि आ यहूदीगोळी जो आकनि सांगुळ बंदीदुर, वरलतेला नोळदुन, रा तान आत्मा दा हापाळ अच उदास अदकि व्याकूल आदुन, 34 अदकि अंदुन, “नीव आऊक यल ईटीर?”

आंदुर आऊन से अंदुर, “हे प्रभु, नळकु नोळ कोम.”

35 यीशु वरलदुन. 36 आग यहूदी अनली हतदुर, “नोळी, आव आऊन से याट प्यार ईटतान.”

37 लेकीन आंदुर दा टु थवाळासा यहूदीगोळ अंदुर, “येन ईव याव कुद्वड मळसा अन्द कण्णगोळ तेरदुन, येन ईद भी माळ सकदिल कि ई मळसा ईला सायायदुन?”

यीशु लाजर उक जतिता माळदुन

38 यीशु तान मन दा मातत हापाळ अच उदास आगकु कवर मा बंदुन. अद ऊद गुफा ईरोद अदकि ऊद कल्ल आ गुफा मा ईटकु ईरोद. 39 यीशु अंदुन, “कल्ल सरकुसी.”

जो सोतकु ईरोन आऊन आकतीग मारथा आऊन से अनली हतदुर, “हे प्रभु, आऊन दा टु ईंग वास बरतद, यतकी आऊक सोतकु नाक दनि आगेग्याव.”

40 यीशु आकनि से अंदुन, “येन ना नीन से ईला अददिन कि अगर नी वश्वासि माळ्या, रा परमेश्वर ऊद महमा अक नोळ्या.” 41 आग आंदुर आ कल्ल इक सरकुसदुर. यीशु तान कण्णगोळ नेगुकु अंदुन, “हे आप्पा, ना नीद धन्यवाद माळतीन कि नी नांद केळ कोड्या. 42 ना जानसीन कि नी हमेशा नांद केळत्या, लेकीन जो भीळ आसपास नदिरकु आद, आंदुर कारण ना हगि अंदीन, यदुर देल कि आंदुर वश्वासि माळुल कि नी नानी कळ्या.” 43 ईद अंदकु आव थोळद आवाज देल कारदुन, “हे लाजर, व्हार्या बा!” 44 जो सोतोगदिन आव कवर दा टु ह्यांग आऊनव कय काल कटकु ईरव हांगा व्हार्या बंदुन, अदकि आऊन बाय गमछा देल होचकु ईरोद. यीशु आंदुर से अंदुन, “आऊक तेरू वळी अदकि होगगोळी.”

यीशु उन खलिाप साजीश

(मत्ती २६:१-५; मरकुस १४:१,२; लुका २२:१,२)

45 आग जो यहूदी मरयिम इन हात्ती बंदीदुर अदकि यीशु उन ईद क्यालसा नोळीदुर, आंदुर दा टु हापाळ मुंदुर आऊन मा वश्वासि माळदुर. 46 लेकीन आंदुर दा टु थवाळासा यहूदीगोळ फरीसीगोळद हात्ती होगकु यीशु उन क्यालसागोळद बातणी कोट्टुर. 47 ईदुर मा प्रधान याजकगोळ अदकि फरीसीगोळ महासभा कारसदुर, अदकि अंदुर, “नाव येन माळेतेव? ई मळसा रा हापाळ चमतकार तोरसतान. 48 अगर नाव आऊक हगि अच बट्टि बुटेव, रा सप्पा आऊन मा वश्वासि माळ कोडार, अदकि रोमी साम्राज्य अन्द लॉकर बंदकु नाम जागा अदकि जाती येदुह मा अधकारि माळ कोडार.”

49 आग आंदुर दा टु कैफा हेसुर ईनव ऊद मळसा जो आ वर्ष ईनव महायाजक ईरोन, आंदुर से अंदुन, “नीव येनु अच जानसालीर; 50 अदकि ना नीमी ईद ऊम्सतद कि नीम साटी ईद वळलीद आद कि नाम लॉकरद साटी ऊद मळसा सायुल, अदकि सप्पा जाती इन नाश आगबाळुल.” 51 ईद मात आव तान दी टु अददिल, लेकीन आ वर्ष इन महायाजक आगकु भवषियवाणी माळदुन, कि यीशु आ जाती इन साटी सोत्तान; 52 अदकि ना सर्रिफ आ जाती इन साटी, उलटा इदुरसाटी भी कि परमेश्वर उन जो ततिर-बतिर औलाद आव अवरी ऊद माळ सकुल.

53 इदुरसाटी अदा दनि टु आंदुर आऊक कोंद वळोद साजीश माळली कुरतुर. 54 इदुरसाटी यीशु आ समय टु यहूदीगोळ दा प्रगत आगकु टेंटीदलि, लेकीन अल टु आळी इन हात्तीपास इन प्रदेश इन इफ्राईम हेसुर इन ऊद नगर इक होटोदुन; अदकि तान चेलागोळद सांगुळ अलया ईरली कुरतुन.

55 यहूदीगोळद फसह अन्द हाबव हात्ती ईरोद, अदकि हापाळ सा लॉकर फसह से पयले देहात टु यूरशलेम इक होदुर कि तान तान इक शुध्द माळुल. 56 इदुरसाटी आंदुर यीशु उक हुंदूसली हतदुर अदकि मंदरि दा नदिरकु आपस दा अनली हतदुर, “नीव येन सोचतीर? येन आव हाबव दा बरतीदील?” 57 प्रधान याजकगोळ अदकि फरीसीगोळ ईद आदेश कोटकु ईटीदुर कि यावारा यीशु उक नोळुल रा खबर कोळुल, कि आंदुर आऊक हुडु सकुल.

## 12

यीशु उन कालगोळ मा अत्तर हाक्कोद

(मत्ती २६:६-१३; मरकुस १४:३-९)

1 यीशु फसह हाब्व इन आर दनि पयले बैतनयियाह दा बंदुन यल लाजर ईरोन, यारी यीशु सोत्तुर दा टु जतिता माळीदुन. 2 अल आंदुर आऊन साठी भोजन तयार माळदुर; अदकि माथा स्यावा माळोर, अदकि लाजर आंदुर दा टु ऊंद ईरोन जो आऊन सांगुळ भोजन माळली कुरतीदुन. 3 आग मरयिम जटांमांसी इन आरधा लीटर कमिती शुद्ध अत्तर तनकु यीशु उन कालगोळ मा हाकदुर, अदकि तान चुट्टीगोळ देल आऊन काल सट्टिदुर; अदकि अत्तर इन वास देल सप्पा मानुना सुगन्धति आगेत. 4 लेकीन आऊन चेलागोळ दा टु यहूदा इस्करयिती हेसुर ईनव ऊंद चेला जो आऊक हुळसुसदुर मा ईरोन, अनली कुरतुन, 5 “ईद अत्तर मुर सौ दीनार दा मारकु कंगालगोळी येती कोटक आगीदील?” 6 आव ईद मात इदुरसाटी अंददील कं आऊक कंगालगोळद चनिता ईरोद लेकीन इदुरसाटी कं आव काळल ईरोन, अदकि आऊन हात्ती आंदुरद झ्वारा ईरतोगोद अदकि अदुरदा जो येनारा भी हाक्कु आगतोगोद, आव तेगु कोम तोगोन.

7 यीशु अंदुन, “आऊक ईरगोळी. आऊक ईद नांद नळसा दशिं इन साठी ईटगोळी. 8 यतकी कंगाल रा नीम सांगुळ सदा ईरतार, लेकीन ना नीम सांगुळ सदा ईरतीदील.”

लाजर इन वरिद्ध साजीश

9 याग यहूदीगोळद धोळद भीळ जानसेत कं आव अल आन, रा आंदुर ना सर्फि यीशु उन कारण बंदुर लेकीन इदुरसाटी भी कं लाजर उक नोळल, यारी आव सोत्तुर दा टु जतिता माळदुन. 10 आग प्रधान याजकगोळ लाजर उक भी कोंद बुळोद साजीश रचसदुर. 11 यतकी आऊन कारण हापाळ सा यहूदी होटोदुर अदकि यीशु मा वशिवास माळदुर.

यूरशलेम दा वजिय-प्रवेश

(मत्ती २१:१-११; मरकुस ११:१-११; लूका १९:२८-४०)

12 दुसरा दशिं हापाळ सा लॉकुर जो हाब्व दा बंदीदुर ईद केळदुर कं यीशु यूरशलेम दा बरेतयान. 13 इदुरसाटी आंदुर खजर इन डगालगोळी हुळदुर अदकि आऊन से भेट माळोर साठी होट्टुर, अदकि कारली कुरतुर, “होशाना\*! धन्य इस्त्राएल ईनव राजा, जो प्रभु उन हेसुर देल बरतान.”

14 याग यीशु उक गधा अनूद पाड्डा सकित; रा आव अदुर मा कुरतुन, हयांग शास्त्र दा लखिसकु आद, 15 “हे सयियोन इन पोरी, अंजबाळ; नोळ, नीन राजा

गधा अनूद पाड्डा मा येरकु नीन हात्ती बरेतयान.”

16 आऊन चेलागोळ ई मातगोळी पयले समस सकदील, लेकीन याग यीशु उन महमा प्रगट आत रा आंदरी याद बत्त कं ई मातगोळ आऊन बारा दा लखिसकु ईरोव अदकि लॉकुर आऊन से ईदा प्रकार इन व्यवहार माळीदुर. 17 आग भीळ इन आ लॉकुर गवाही कोट्टुर, जो आ समय आऊन सांगुळ ईरोव याग आव लाजर उक कवर दा टु कारूकु सोत्तुर दा टु जतिता माळदुन. 18 ईदा कारण लॉकुर आऊन से मुलाकात माळली बंदीदुर यतकी आंदुर केळीदुर कं आव ईद आश्चर्यकरम तौरसयान. 19 आग फरीसीगोळ आपस दा अंदुर, “सोची रा सही कं नीम से येनु बनसाल. नोळी, दुनया आऊन हदि आगेत्याद.”

गैरयहूदीगोळद यीशु उक ढुंढसोद

20 जो लॉकुर आ हाब्व दा आराधना माळली बंदीदुर आंदुर दा टु येनारा गैरयहूदी ईरोर. 21 आंदुर गलील इन बैतसैदा नोर ईरावाळेर फलिपिपुस उन हात्ती बंदकु आऊन से वनिती माळदुन, “श्रीमान, नाव यीशु से मुलाकात माळोद चाहासतेव.”

22 फलिपिपुस बंदकु अनूदरयास से अंदुन, आग अनूदरयास अदकि फलिपिपुस होगकु यीशु से अंदुन. 23 ईदुर मा यीशु आंदुर से अंदुन, “आ समय होट वंदाद कं मंळसा अन पार उन महमा आगुल. 24 ना नीम से खरा खरा अनतीन कं यागासताका गोदी इन बीजा जमीन मा बदिकु सोतोगाल, अद आवना ईरतद; लेकीन याग सोतोगतद, रा हापाळ फसल तरतद. 25 आगे तान जीव इक प्रथि जानसतान, आव अदरी खोऊस बुळतान; अदकि जो ई दुनया दा तान जीव इक अप्रथि जानसतान, आव अननूत जीवन इन साठी अदुरद रक्षा माळयान. 26 अगर यावारा नान स्यावा माळयान, रा नान हदि आगेगुल; अदकि यल ना आईन, अल नान सेवक भी ईत्तान. अगर यावारा नान स्यावा माळयान, रा नान आप्प आऊन आदर माळयान.

कूरस इन मृत्यु इन इशारा

27 “ईग नान जीव व्याकुल आद. इदुरसाटी ईग ना येन अनईन, हे आप्पा, नानी ई घळी देल ऊळस?” ईला, यतकी ना ईदा कारण ई घळी इक पोहचुसीन. 28 हे आप्पा, तान हेसुर इन महमा माळ.”

“आग ईद आकाशवाणी आत, ना आऊंद महमा माळीन, अदकि मात्त माळाईन.”

29 आग जो लॉकुर नदिरकु केळोर आंदुर अंदुर कं बादल गरजुत्त. दुसरागोळ अंदुर, येनारा स्वर्गदूत आऊन से माताळदुन.

30 ईदुर मा यीशु अंदुन, “ईद आवाज नान साठी ईला, लेकीन नीम साठी वंदाद. 31 ईग ई दुनया अन न्याय आगतद, ईग ई दुनया अन सरदार तेगुकु आदान; 32 अदकि ना अगर पृथ्वी मा टु म्याकुच येरसकु आगाईन, रा सप्पा मुंदुरी तान हात्ती जेडाईन.” 33 हगि अंदकु आव ईद प्रगट माळ बुट्टुन कं आव हयांग मृत्यु देल सोत्तान.

\* 12:3 १२:३ लूका ७:३७,३८

\* 12:13 १२:१३ प्रभु अनूद जय

\* 12:25 १२:२५ मत्ती १०:३९; १६:२५; मरकुस ८:३५; लूका ९:२६; १७:३३

34 इदुर मा लॉकर आऊन से अंदुर, “नाव व्यवस्था अन्द ईद मात केळेव कि मसीह हमेशा ईतान, वाक नी येती अनत्या कि मंळसा अन्द पार उक म्याकूच येरसोद जरूरी आद? ईव मंळसा अन पार याव हुन?”

35 यीशु आंदुर से अंदुन, “ज्योती ईंग थवाळासा देर ताका नीम बीच दा आद. यागासताका ज्योती नीम सांगुळ आद आगासताका नळुतला ईरी, हगि आगवाळुल कि अंधकार नीमी बंदकु घेरसुल; जो अंधकार दा नळुतान आव जानसालुन कि यातुत होगतान. 36 यागासताका ज्योती नीम सांगुळ आद, ज्योती मा वशिवास माळी ताकी नीव ज्योती अन औलाद आगी.”

यहूदीगोळ अवशिवास दा बन्सकु ईरेतीर

ईव मातगोळी अंदकु यीशु ओळेदुन अदकि आंदुर से होचकु ईततुन 37 आव आंदुर मुंद ईस चमत्कारां तोरसदुन, तरी आंदुर आऊन मा वशिवास माळीदलि; 38 ताकी यशायाह भवषियवक्ता अन्द वचन पुरा आगुल जो आव अंदुन: “हे प्रभु, नाम बातणी इन याव वशिवास माळयान?

अदकि प्रभु अन्द ताकत यार मा प्रगट आग्याद?”

39 ई कारण आंदुर वशिवास माळ सकदिल, यतकि यशायाह ईद भी अंदान:

40 “आव आंदुर कण्णगोळी कुदद,

अदकि आंदुर मन कठोर माळ बुदुन;

येल्यारा हगि आगवाळुल कि आंदुर कण्णगोळ देल नोळुल,

अदकि मन देल समसुल,

अदकि तरिगुल,

अदकि ना आंदरी चंगा माळाईन.”

41 यशायाह ई मातगोळी इदुरसाटी अंदुन कि आव आऊन महिमा नोळदुन, अदकि आव आऊन बारा दा मातगोळी हेळदुन.

42 तरी अधिकारीगोळ दा टु हापाळ लॉकर आऊन मा वशिवास माळदुर, लेकीन फरीसीगोळ कारण प्रगट दा ईला मानसोर, येल्यारा हगि आगवाळुल कि आंदुर यहूदी लॉकरद सभागूह दा टु तेगुकु आदार: 43 यतकि मंळसागोळ दी टु प्रशंसा आंदरी परमेश्वर उन दी टु प्रशंसा अन्द अपेक्षा यक्कुल प्ररिय हततोगोद.

यीशु नव वचन: न्याय इन आधार

44 यीशु कारूकु अंदुन, “जो नान मा वशिवास माळतान, आव नान मा ईला उलटा नान कळावाळा मा वशिवास माळतान. 45 अदकि जो नानी नोळतान, आव नान कळावाळा अक नोळतान. 46 ना दुनिया दा ज्योती आगकु बंदीन, ताकी जो यावारा नान मा वशिवास माळुल आव अंधकार दा ईरवाळुल. 47 अगर यावारा नान मातगोळी केळकु मानसालुन, रा ना आऊक दोषी ठहरूसालीन; यतकि ना दुनिया अक दोषी ठहरूसोर साटी ईला, लेकीन दुनिया अन्द उदधार माळोर साटी बंदीन. 48 जो नानी तुचछ जानसतान अदकि नान मातगोळी ग्रहण माळालुन आऊक दोषी ठहरुसावाळा रा ऊद आन: मतलब जो वचन ना अंदीन, अदा हदिळोव दनि दा आऊक दोषी ठहरूसीत. 49 यतकि ना तान दी टु मातगोळी माळीदलि; लेकीन आप्प याव नानी कळयान आवा नानी आग्या कोटान कि येन येन अनाईन अदकि येन येन माताळाईन? 50 अदकि ना जानसतीन कि आऊन आग्या अनन्त जीवन आद. इदुरसाटी ना जो येनारा माताळतीन, अद ह्यांग आप्प नान से अंदान हांगा माताळतीन.”

## 13

यीशु उन चेलागोळद काल तोळोद

1 फसह इन हावब से पयले, याग यीशु जानस कौडुन कि नांद आ घळी होटद बंदाद कि दुनिया बटिक आप्प उन हातूती होगाईन, रा तान लॉकर से जो दुनिया दा ईरोर ह्यांग प्यार आव ईटतोगोन, आखरी ताका हांग अच प्यार ईटतेला ईततुन. 2 याग शैतान शमोन उन पार यहूदा इस्करियोती इन मन दा ईद हाक बुटीदुन कि आऊक हुळसुसुल, रा भोजन इन समय 3 यीशु, ईद जानसकु कि आप्प सप्पा येनारा नांद कय दा माळ बुटान अदकि ना परमेश्वर उन हातूती टु बंदीन अदकि परमेश्वर उन हातूती होगतीन, 4 भोजन मा टु यदकु तान म्याकळव कपळागोळी ईळस बुटदुन, अदकि गमछा हुडुकु ताने नेळु कटदुन. 5 आग बरतन दा नीर तुमकु चेलागोळद काल तोळुली अदकि याता गमछा देल आऊन नेळु कटकु ईरोद अदुर देल अच सीटली कुरतुन. 6 याग आव शमोन पतरस उन हातूती बंदुन, आग पतरस आऊन से अंदुन, “हे प्रभु, येन नी नांद काल तोळुतया?” 7 यीशु आऊक उत्तर कोटदुन, “जो ना माळतीन, नी अदरी ईगल्या जानसाल, लेकीन ईदुर बाददा नीनी ऊमसीत.” 8 पतरस आऊन से अंदुन, “नी नान काल यागलु तोळु सकतीदलि!” ईद केळकु यीशु आऊन से अंदुन, “अगर ना नीन काल तोळुतीदलि, रा नांद सांगुळ नीद येनु संबंध हल्लेच.” 9 शमोन पतरस आऊन से अंदुन, “हे प्रभु, रा वाक नान काल अच ईला, उलटा कय अदकि ताल्ला भी तोळु कोळ.” 10 यीशु आऊन से अंदुन, “जो मय तोळु कौडान आऊक काल इन अलावा अदकि येनु तोळोद जरवत हल्लेच, लेकीन आव बलिकुल शुद्ध आन; अदकि नीव शुद्ध आईर, लेकीन सप्पा अन्द सप्पा मुंदुर ईला.” 11 आव रा तान हुळसुसावाळा अक अरोन इदुरसाटी आव अंदुन, “नीव सप्पा मुंदुर शुद्ध हल्लेच.” 12 १२ याग आव आंदुर काल तोळुद बुटदुन, अदकि तान कपळा हाककु मातुत कुरतोदुन, रा आंदुर से अनली कुरतुन, “येन नीव सम्सदीर कि ना नीम सांगुळ येन माळदीन? 13 नीव नानी गुरु अदकि प्रभु अनकु कारूतीर, अदकि ठीक अच अनतीर, यतकि ना आवा

हुईन. 14 अगर ना परभु अदकि गुरु ईतकु नीम काल तोळदनि, रा नीमी भी आबुर दाबुर काल तोळु पायजे. 15 यतकी ना नीमी नमुना तोरस बूटीन कि ह्यांग ना नीम सांगुळ माळदीन, नीव भी हांग अच माळतोगी. 16 \*ना नीम से खरा खरा माताळतीन, दास तान स्वामी देल धोड्डेव हेल्लेच, अदकि ना कळुदव तान कळावाळा से. 17 नीव ई मातगोळ जानसतीर, अदकि अगर अऊर मा नळी रा धन्य आईर. 18 ना नीम सप्या मंदुर बारा दा अनालीन; यारद ना चुनाव माळीन, आंदरी ना अरूतीन; लेकीन ईद इदुरसाटी हुन कि पवतिरशास्त्र अनूद अद वचन पुरा आगुल, 'जो नांद रोटी तनितान, आव नान मा ल्यात नेगदुन.' 19 ईग ना अदुर आगोर से पयले नीमी हेळ बुळतीन कि याग ईद पुरा आगेदीत रा नीव वशिवास माळतीर कि ना आवा हुईन. 20 \*ना नीम से खरा खरा माताळतीन कि जो नानी कळावाळा अक ग्रहण माळतान, आव नानी ग्रहण माळतान; अदकि जो नानी ग्रहण माळतान, आव नानी कळावाळा अक ग्रहण माळतान."

यीशु अन वशिवासघात माळावाळा अन दी इशारा

(मत्ती २६:२०-२५; मरकुस १४:१७-२१; लूका २२:२१-२३)

21 ई मातगोळ अंदकु यीशु आत्मा दा व्याकुल आदुन अदकि ईद गवाही कोट्टुन, "ना नीम से खरा खरा अनतीन कि नीम दा टु ऊंद मंळसा नानी हुळसुसयान." 22 चेलागोळ संदेह देल, आबुर दाबुर दी नोळली कुरतुर कि आव यार बारा दा अनेत्यान. 23 आऊन चेलागोळ दा टु ऊंद यार से यीशु प्यार ईततगोन, यीशु उन याददा अनूद दी बांगकु कुरतकु ईरोन. 24 शमीन पतरस आऊन दी इशारा माळकु आऊन से केळदुन, "रा हेळ, आव यार बारा दा अनेत्यान?" 25 आग आव हांग अच यीशु उन याददा अनूद दी बांगकु आऊन से केळदुन, "हे परभु, आव याव हुन?" 26 यीशु उत्तर कोट्टुन, "यारी ना ईद रोटी इन तुकळा तंळग्या दा डोब्सकु कोळाईन आवा हुन." अदकि आव तुकळा डोब्सकु शमौन इस्करयिती इन पार यहूदा अक कोट्टुन. 27 तुकळा ताकोमत् अच शैतान आऊन दा समुसेत. आग यीशु आऊन से अंदुन, "जो नी माळत्या, तुनत्त माळ." 28 लेकीन कुरावाळेर दा टु यावारा भी जानसीदलि कि आव ईद मात आऊन से यदुर साटी अंदुन. 29 यहूदा अनूद हात्ती झवारा ईरतगोद, इदुरसाटी यारारा यारारा समसदुर कि यीशु आऊन से अनेत्यान कि जो येनारा नामी हाब्व इन साटी पायजे अद कोंड कोम, या ईद किंगालगोळी येनारा कोळ. 30 इदुरसाटी आव तुकळा हुळकु तुरन्त वहार्या होटोदुन; अदकि ईद ईळलक इन समय ईरोद.

व्हाशोद आग्या

31 याग आव वहार्या होटोदुन रा यीशु अंदुन, "ईग मंळसा अन पार उन महिमा आग्याद, अदकि परमेश्वर उन महिमा आऊन दा आग्याद; 32 अगर परमेश्वर उन महिमा आऊन द्वारा आत, रा परमेश्वर भी तान द्वारा आऊन महिमा परगट माळयान अदकि तुरन्त माळयान. 33 \*हे चकिोरगोळा, ना मात्त धळी तमि नीम हात्ती आईन: बाक नीव नानी हुंढसीर, अदकि ह्यांग ना यहूदीगोळे से अदीन, 'यल ना होगतीन अल नीव बर सकालीर,' हांग अच ना ईग नीम से भी अनतीन. 34 \*ना नीमी ऊंद व्हाशोद आग्या कोळतीन कि आबुर दाबुर से प्यार ईटी; ह्यांग ना नीम से प्यार ईटीन, हांग अच नीव भी आबुर दाबुर से प्यार ईटी. 35 अगर नीव आपस दा प्यार ईटीर, रा ईदुर देल सप्या मंदुर जानस्यार कि नीव नांद चेलागोळ हुईर."

यीशु उन द्वारा पतरस उन इनकार इन इशारा

(मत्ती २६:३१-३५; मरकुस १४:२७-३१; लूका २२:३१-३४)

36 शमीन पतरस यीशु से अंदुन, "हे परभु, नी यल होगत्या?" यीशु उत्तर कोट्टुन, "यल ना होगतीन अल नी इंगल्या नान हदि बर सकाल; लेकीन बाददा नी नान हदि बंद्या." 37 पतरस आऊन से अंदुन, "हे परभु, इंगल्या ना नीन हदि येती बर सकालीन? ना रा नीन साटी तान जीव भी कोट्ट बूळाईन." 38 यीशु उत्तर कोट्टुन, "येन नी नान साटी तान जीव कोट्ट्या? ना नीन से खरा खरा माताळतीन कि हुंज कृगोर से पयले ताका नी नांद मुर घन इनकार माळ कोंड्या.

## 14

परमेश्वर ताका होगोद हादी

1 "नीम मन व्याकुल आगवाळुल; परमेश्वर मा वशिवास ईटी अदकि नान मा भी वशिवास ईटी. 2 नान आपप उन मान्या हापाळ सा ईरोद जागा आद, अगर ईला ईराईत रा ना नीम से अनबुळायदनि; यतकी ना नीम साटी जागा तयार माळली होगतीन. 3 अदकि अगर ना होगकु नीम साटी जागा तयार माळाईन, रा बाक बंदकु नीमी तान मान्या ओयाईन कि ना यल इराईन नीव भी अल ईरी. 4 ना यल होगतीन नीव अल ईद हादी अरूतीर." 5 थोमा आऊन से अंदुन, "हे परभु, नाव ईद अरालेव कि नी यल होगेत्या; रा हादी ह्यांग अरतेव?" 6 यीशु आऊन से अंदुन, "हादी अदकि सचचाई अदकि जीवन ना अच हुईन; बनि नान द्वारा याऊ आपप उन हात्ती होग सकालुन. 7 आव आंदुर से अंदुन अगर नीव नानी अर्त कोमायदीर, रा नान आपप उक भी अरायदरि; अदकि ईग आऊक अरूतीर, अदकि आऊक नोळीर भी."

8 फलिपिपुस आऊन से अंदुन, "हे परभु, आपप उक नामी तोरस बूळ, ईदा नाम साटी हापाळ आद." 9 यीशु आऊन से अंदुन, "हे फलिपिपुस, ना ईस दिन टु नीम सांगुळ आईन, अदकि येन नी नानी जानसाल? याव नानी नोळयान

\* 13:16 १३:१६ मत्ती १०:२४; लूका ६:४०; यूहन्ना १५:२०

\* 13:20 १३:२० मत्ती १०:४०; मरकुस ९:३७; लूका ९:४६; १०:१६

\* 13:33 १३:३३

यूहन्ना ७:३४

\* 13:34 १३:३४ यूहन्ना १५:२२,१७; १ यूहन्ना ३:२३; २ यूहन्ना १:५

आव आप्प उक नोळयान. नी येती अनत्या क्वा आप्प उक नामी तोरस?" 10 येन नी वशिवास माळाल क्वा ना आप्प दा आईन अदक आप्प नान दा आन? ई मातगोळी जो ना नीम से अनतीन, तान दी टु अनालीन, लेकीन आप्प नान दा ईतकु तान क्वालसा माळतान. 11 नान वशिवास माळी क्वा ना आप्प उन दा आईन अदक आप्प नान दा आन; ईदारा क्वालसागोळ्द अच कारण नान वशिवास माळी. 12 "ना नीम से खरा खरा अनतीन क्वा जो नान मा वशिवास ईटतान, ई क्वालसा जो ना माळतीन आव भी माळयान, बल्की ईऊर से भी धोडडेव क्वालसा माळयान, यतकी ना आप्प उन हात्ती होगतीन. 13 जो येनारा नीव नान हेसुर देल बेळीर, अदा ना माळाईन क्वा पार उन दरवाजा मा आप्प उन मह्मा आगुल. 14 अगर नीव नान से नान हेसुर देल येनारा बेळीर, रा ना अदरी माळाईन."

पवतिर आत्मा अन वादा

15 "अगर नीव नान से प्यार ईटतीर, रा नान आग्यागोळी मानसीर. 16 ना आप्प उन से वनिती माळाईन, अदक आव नीमी ऊंद अदक सहायक कोट्टान क्वा आव सदा नीम सांगुळ ईरूल. 17 मतलब खरा अन आत्मा, यारी दुनया ग्रहण माळ सकाल्द, यतकी आव ना आऊक नोळतान अदक ना आऊक अरूतान; नीव आऊक अरूतीर, यतकी आव नीम सांगुळ ईरतान, अदक आव नीम दा ईत्तान. 18 ना नीमी अनाथ वळितीदील; ना नीम हात्ती बरतीन. 19 अदक थवाळासा समय ईतोग्याद क्वा बाक दुनया नानी नोळतीदल, लेकीन नीव नानी नोळीर; इदुरसाटी क्वा ना जित्ता आईन, नीव भी जित्ता ईत्तीर. 20 आ दशि नीव जानसीर क्वा ना तान आप्प दा आईन, अदक नीव नान दा, अदक ना नीम दा. 21 यार हात्ती नान आग्यागोळ आव अदक आव अदरी मानसतान, आवान नान से प्यार ईटतान; अदक जो नान से प्यार ईटतान आऊन से नान आप्प प्यार ईटयान, अदक ना आऊन से प्यार ईटाईन अदक तान तान इक आऊन मा प्रगट माळाईन." 22 आ यहूदा जो इस्करियोती ईला ईरोन, आऊन से अंदुन, "हे प्रभु, येन आत क्वा नी तान तान इक नाम मा प्रगट माळोद चाहासत्या अदक दुनया मा ईला?" 23 यीशु आऊक उत्तर कोट्टुन, "अगर यावारा नान से प्यार ईटयान रा आव नान वचन इक मानसयान, अदक नान आप्प आऊन से प्यार ईटयान, अदक नाव आऊन हात्ती बंदेव अदक आऊन सांगुळ वास माळेव. 24 जो नान से प्यार ईटालुन, आव नान वचन मानसालुन; अदक जो वचन नीव केळतीर अद नांद ईला लेकीन आप्प उन हुन, याव नानी कळ्दुन." 25 "ई मातगोळी ना नीम सांगुळ ईतकु नीम से अंदीन. 26 लेकीन सहायक मतलब पवतिर आत्मा यारी आप्प नान हेसुर देल कळयान, आव सप्पा मातगोळी कलसयान, अदक जो येनारा ना नीम से अंदीन, आव सप्पा नीमी याद माळसुसयान. 27 ना नीमी शांती कोटकु होगतीन, तान शांती नीमी कोळतीन; ह्यांग दुनया कोळतद, ना नीमी हांग कोळालीन: नीम मन व्याकुल आगबाळुल अदक अंजबाळुल." 28 नीव केळदीर क्वा ना नीम से अंदीन, "ना होगतीन, अदक नीम हात्ती मातु बराईन." अगर नीव नान से प्यार ईटायदीर, रा ई मात देल खुश आगायदीर क्वा ना आप्प उन हात्ती होगतीन, यतकी आप्प नान से धोडडेव आन. 29 अदक ना ईग इदुरद आगोर से पयले नीम से अंद बुटीन, क्वा याग अद आगेदीत, रा नीव वशिवास माळी. 30 ना ईग नीम सांगुळ अदक हापाळ मातगोळी माळतीदील, यतकी ई दुनया अन सरदार बरतान. नान मा आऊन येनु अधकार हेलेच; 31 लेकीन ईद इदुरसाटी आगतद क्वा दुनया जानसुल क्वा ना आप्प से प्यार ईटतीन, अदक ह्यांग आप्प नानी आग्या कोट्टुन ना हांग अच माळतीन. येळी, ईल टु नळी.

## 15

यीशु खरा दाखलता

1 "खरा दाखलता ना हुईन, अदक नान आप्प कसान आन. 2 जो खांदी नान दा आद अदक फलसाल्द, अदरी आव कळ्द बुळतान; अदक जो फलसतद, अदरी आव छाट्सतान ताकी अदक फलसुल. 3 नीव रा आ वचन इन कारण जो ना नीम से अंदीन, शुद्ध आईर. 4 नीव नान दा बन्सकु ईरी, अदक ना नीम दा. ह्यांग खांदी अगर दाखलता दा बन्सकु ईरतीदील रा तान तान देल फलस सकाल्द, हांगा नीव भी अगर नान दा बन्सकु ईरतीदील रा फलस सकालीर. 5 ना दाखलता हुईन: अदक नीव खांदीगोळ हुईर. जो नान दा बन्सकु ईरतान अदक ना आऊन दा, अद हापाळ काय ततद, यतकी नान से अलग आगकु नीव येनु माळ सकालीर. 6 अगर यावारा नान दा बन्सकु ईरूल, रा आव खांदी अन धाई भटिकु आगतान, अदक वळ्गेगतान; अदक लॉकर अदरी सकलसुकु बेक्की दा भीट बुळतार, अदक अव होततेगताव. 7 अगर नीव नान दा बन्सकु ईत्तीर अदक नान वचन नीम दा बन्सकु ईत्तीत, रा जो चाहासीर वेळी अदक अद नीम साटी आगेदीत. 8 नान आप्प उन मह्मा ईदुर देल आगतद क्वा नीव हापाळ सा काय तरी, आग अच नीव नान चेला ठहूसीर." 9 ह्यांग आप्प नान से प्यार ईटदुन, हांग अच ना नीम से प्यार ईटदीन; नान प्यार दा बन्सकु ईरी. 10 अगर नीव नान आग्यागोळी मानसीर, रा नान प्यार दा बन्सकु ईत्तीर; ह्यांग क्वा ना तान आप्प उन आग्यागोळी मानसदीन, अदक आऊन प्यार दा बन्सकु ईरतीन. 11 ना ई मातगोळी नीम से इदुरसाटी अंदीन, क्वा नान खुशी नीम दा बन्सकु ईरूल, अदक नीम खुशी पुरा आगेगुल. 12 "नान आग्या ईद आद, क्वा ह्यांग ना नीम से प्यार ईटदीन, हांग अच नीव भी आबुर दाबुर से प्यार ईटी. 13 इदुर से धोळ्द प्यार यारदु ईला क्वा यावारा तान संगीगोळ साटी तान जीव कोळुल. 14 जो आग्या ना नीमी कोळतीन, अगर अदरी मानसीर रा नीव नान संगी हुईर. 15 ईगी टु ना नीमी दास अनतीदल, यतकी दास जानसालुन क्वा आऊन मालक येन माळतान; लेकीन ना नीमी संगी अंदीन, यतकी जो मातगोळी ना तान आप्प से केळदीन, अव सप्पा नीमी हेळ बुटीन. 16 नीव नानी नीवळुसीदील लेकीन ना नीमी नीवळुसदीन क्वा नीव होगकु काय तरी अदक नीम काय बन्सकु ईरूल, क्वा नीव नान हेसुर देल जो

येनारा आप्प से बेळी, अद नीमी कोळुल. 17 ई मातगोळ आग्या ना नीमी इदुरसाटी कोळतीन कि नीव आबुर दाबुर से प्यार ईटी.”

### दुनया अन दुश्मनी

18 “अगर दुनया नीम से दुश्मनी ईटतद, रा नीव जानसतीर कि आव नीम से पयले नान से दुश्मनी ईटदुर. 19 अगर नीव दुनया नोर आगायदीर, रा दुनया तानोर से प्यार ईटाईत; लेकीन ईद कारण कि नीव दुनया अन आल्लच, लेकीन ना नीमी दुनया दा टु नीवळुस कोडीन, इदुरसाटी दुनया नीम से दुश्मनी ईटतद. 20 जो मात ना नीम से अंददीन, ‘दास तान स्वामी से थोडेव ईरालुन,’ अदरी याद ईटी. अगर आंदुर नानी सतुसदुर, रा नीमी भी सतुस्यार; अगर आंदुर नान मात मानसदुर, रा नीमद भी मानस्यार. 21 लेकीन ईद सप्पा येनारा आंदुर नान हेसुर इन कारण नीम सांगूळ माळ्यार, यतकि आंदुर नानी कळावाळा अक जानसालुर. 22 अगर ना ईला बरायदीन अदकि आंदुर से मातगोळी ईला माळ्यायदीन, रा आंदुर पापी ईला ठहूसयदुर; लेकीन ईग आंदरी पाप इन साटी येनु बहाना हेल्लेच. 23 जो नान से दुश्मनी ईटतान, आव नान आप्प से भी दुश्मनी ईटतान. 24 अगर ना आंदुर दा आंदुर कयालसा ईला माळ्यायदीन जो अदकि याऊ माळीदील, रा आंदुर पापी ईला ठहूसयदुर; लेकीन ईग रा आंदुर नानी अदकि नान आप्प येदुदु मुंदरी नोळदुर अदकि येदुदु से दुश्मनी माळदुर. 25 ईद इदुरसाटी आत कि अद वचन पुरा आगुल, जो आंदुरद वयवस्था दा लखिसकु आद, आंदुर नान से फालतु दुश्मनी माळदुर. 26 लेकीन याग आव मदतगार बंदान, यारी ना नीम हाती आप्प उन दी टु कळाईन, मतलब सचचाई अन आत्मा जो आप्प उन दी टु होळतान, रा आव नान गवाही कोट्टान; 27 अदकि नीव भी नान गवाह आईर यतकि सूरवात टु नान सांगूळ ईतीर.”

## 16

1 “ई मातगोळी ना नीम से इदुरसाटी अंदीन कि नीव टोकर तनिवाळी. 2 आंदुर नीमी यहूदी लांकुरद सभागूहगोळ दा टु तेगु बुट्टार, लेकीन अद समय बंदाद, कि जो यावारा नीमी कोंद बुट्टान आव समसयान कि ना परमेश्वर उन स्यावा माळतीन. 3 हगि आंदुर इदुरसाटी माळ्यार कि आंदुर ना आप्प उक जानस्यार अदकि ना नानी जानसतार. 4 लेकीन ई मातगोळी ना इदुरसाटी अंदीन, कि याग इंदुर समय बंदीत रा नीमी याद होट बंदीत कि ना नीम से पयले अच अद बुटीदीन.”

### पवतिर आत्मा अन कयालसा

“ना सूरवात टु नीम से ई मातगोळी इदुरसाटी अंददील यतकि ना नीम सांगूळ ईरीन. 5 लेकीन ईग ना तान कळावाळा अन हात्ती होगतीन; अदकि नीम दा टु याऊ नान से केळालुन, कि नी येल होगत्या.” 6 लेकीन ना जो ई मातगोळी नीम से अंदीन, इदुरसाटी नीम मन शोक देल तुममेग्याद. 7 तरी ना नीम से खरा माताळतीन कि नांद होगोद नीम साटी चळलीद आद, यतकि अगर ना होगतीदील रा आव सहायक नीम हात्ती बरतीदील; लेकीन अगर ना होगाईन, रा आऊक नीम हात्ती कळाईन. 8 आव बंदकु दुनया अक पाप अदकि न्यायीपन अदकि न्याय इन बारा दा समझुसयान. 9 पाप इन बारा दा इदुरसाटी कि आंदुर नान मा वशिवास माळालुर; 10 अदकि न्यायीपन अन बारा दा इदुरसाटी कि ना आप्प उन हात्ती होगतीन, अदकि नीव नानी बाक नोळतीदलि; 11 न्याय इन बारा दा इदुरसाटी कि दुनया अन सरदार दोषी ठहूसकु आगयान. 12 “नानी नीम से अदकि भी हापाळ सा मातगोळी अनोद आद, लेकीन ईगल्या नीव अवरी सहन माळ सकालीर. 13 लेकीन याग आव मतलब सचचाई अन आत्मा बंदान, रा नीमी सप्पा सचचाई अन हादी हेळयान, यतकि आव तान दी टु ईला अंदान लेकीन जो येनारा केळयान अदा अंदान, अदकि बरावाळा मातगोळी नीमी हेळयान. 14 आव नांद महामा माळयान, यतकि आव नान मातगोळ दा टु हुळकु नीमी हेळयान. 15 जो येनारा आप्प उन आद, अद सप्पा नान हुन; इदुरसाटी ना अंदीन कि आव नान मातगोळ दा टु हुळकु नीमी हेळयान.

### दुख सुख दा बदलुसेदीत

16 “घळी तीमुर दा नीव नानी नोळतीदलि, अदकि बाक घळी तीमुर दा का नानी नोळीर.” 17 आग आऊन येनारा चेलागोळ आपस दा अंदुर, “ईद येन हुन जो आव नाम से अनतान, घळी तीमुर दा नीव नानी नोळतीदलि, अदकि बाक घळी तीमुर दा का नानी नोळीर?” अदकि ईद ‘इदुरसाटी कि ना आप्प उन हात्ती होगतीन.’” 18 आग आंदुर अंदुर, “ईद ‘घळी तीमुर’ जो आव अनतान, येन मात आद? नाव जानसालेव कि आव येन अनतान.” 19 यीशु ईद जानसकु कि आंदुर नान से केळोद चाहासतार, आंदुर से अंदुन, “येन नीव आपस दा नान ई मात इन बारा दा जाँच माळतीर, ‘घळी तीमुर दा नीव नानी नोळतीदलि, अदकि बाक घळी तीमुर दा का नानी नोळीर?’” 20 ना नीम से खरा खरा अनतीन कि नीव वरलीर अदकि दुख माळीर, लेकीन दुनया खुशी माळीत; नीमी शोक आदीत, लेकीन नीम शोक खुशी दा बदलुसेदीत. 21 चगिद हाळोद समय आरत इक दुख आगतद, यतकि आकनि दुख इन घळी होट बंदाद, लेकीन याग आक चगिद उक जनम कोट बुळतार, रा ईद खुशी देल कि दुनया दा ऊद मळसा पैदा आदुन, आ संकट इक बाक याद माळालुर. 22 अदा प्रकार नीमी भी ईंग रा दुख आद, लेकीन ना नीम से बाक सकाईन अदकि नीम मन खुशी देल तुममेदव; अदकि नीम खुशी याऊ नीम से कसु सकतीदलि. 23 आ दशी नीव नान से येनु कोळतीदील. ना नीम से खरा खरा माताळतीन, अगर आप्प उन से येनारा बेळीर, रा आव नान हेसुर देल नीमी कोट्टान. 24 ईगासताका नीव नान हेसुर देल येनु बेळीदील; बेळीर रा नीमी सकिकीत ताकी नीम खुशी पुरा आगेगुल.

दुनयिया मा वजिय

25 “ना ई मातगोळी नीम से उदाहरणगोळ दा अंदीन, लेकीन अद समय बंदीत क्ति ना नीम से वाक उदाहरणगोळ दा अनतीदलि, लेकीन खुलसकु नीमी आप्प उन बारा दा हेळ्वाईन. 26 आ दशिी नीव नान हेसुर देल बेळीर; अदक ना नीम से ईद अनालीन क्ति ना नीम साटी आप्प उन से वनिती माळ्वाईन; 27 यतकी आप्प रा खुद अच नीव से प्यार ईटतान, इदुरसाटी क्ति नीव नान से प्यार ईटदीर अदकि ईद भी वशिवास माळदीर क्ति आप्प उन दी टु बंदीन. 28 ना आप्प उन दी टु दुनयिया दा बंदीन; ना मात्त दुनयिया अक बटिकु आप्प उन हात्ती हांगतीन.” 29 आऊन चेलागोळ अंदुर, “नोळ, ईंग रा नी खुलसकु अनत्या, अदकि येनु उदाहरण अनाल. 30 ईंग नाव जान्स कोंडेव क्ति नी सब येनारा जानसत्या, अदकि इदुर जरवत हैलेच क्ति यावारा नीन से येनारा केळ्ल; इदुर देल नाव वशिवास माळतेव क्ति नी परमेश्वर उन दी टु बंद्या.” 31 ईद केळकु यीशु आंदुर से अंदुन, “येन नीव ईंग वशिवास माळतीर? 32 नोळी, अद घळी बरतद बलकी होट बंदाद क्ति नीव सप्पा ततिर बतिर आगकु तान तान हादी हूळदीर, अदकि नानी आबना बटि बूट्टीर; तरी ना आबना ईला यतकी आप्प नान सांगुळ आन. 33 ना ई मातगोळी नीम से इदुरसाटी अंदीन क्ति नीमी नान दा शांती सकुल. दुनयिया दा नीमी दुख आगतद, लेकीन हमिमत ईटी, ना दुनयिया अक जीत्स कोंडीन.”

## 17

यीशु उन महायाजकीय प्रारथना: खुद इन साटी

1 यीशु ई मातगोळी अंदुन अदकि तान कण्णगोळी आकाश इन दी मयाकुच नेगुकु अंदुन, “हे आप्पा, अद घळी होट बंदाद; तान पार उन महिमा माळ क्ति पार भी नीन महिमा माळ्ल, 2 यतकी नी आऊक सप्पा प्राणीगोळ मा अधिकार कोट्या, क्ति यारी नी आऊक कोट्या आ सप्पा अक आव अनन्त जीवन कोळ्ल. 3 अदकि अनन्त जीवन ईद आद क्ति आंदुर नीन ऊंद मात्त खरा परमेश्वर उक अदकि यीशु मसीह अक, यारी नी कळ्या, जानसुल. 4 जो क्त्वाल्सा नी नानी माळली कोटीद, अदरी पुरा माळकु ना पृथ्वी मा नीन महिमा माळीन. 5 ईंग हे आप्प, नी तान सांगुळ नान महिमा आ महिमा देल माळ जो दुनयिया अन दुनयिया से पयले, नांद नीन सांगुळ ईरोद.

6 “ना नीन हेसुर आ मंळसागोळ मा प्रगट माळीन यारी नी दुनयिया दा टु नानी कोट्ट. आंदुर नीनोर ईरोर अदकि नी आंदरी नानी कोट्ट, अदकि आंदुर नीन वचन इक मान्स कोंडुर. 7 ईंग आंदुर जान्स कोंडुर क्ति जो येनारा नी नानी कोट्या अद सप्पा नीन दी टु आद; 8 यतकी जो वचन नी नानी कोट्ट, ना अवरी आंदुर हाती पोहचुस बुटीन; अदकि आंदुर अवरी ग्रहण माळदुर, अदकि खरा जान्स कोंडुर क्ति ना नीन दी टु बंदीन, अदकि वशिवास माळ कोंडुर क्ति नी अच नानी कळ्या. 9 ना आंदुर साटी वनिती माळतीन; दुनयिया अन साटी वनिती माळालीन लेकीन आंदुरदा साटी यारी नी नानी कोट्या, यतकी आंदुर नीनोर उर; 10 अदकि जो येनारा नांद आद अद सप्पा नीद हुन, अदकि जो नीद हुन अद नांद हुन, अदकि ईऊर देल नांद महिमा प्रगट आग्याद. 11 ना ईंग दुनयिया दा ईरतीदील, लेकीन इंदुर दुनयिया दा ईत्तार, अदकि ना नीन हात्ती बरतीन. हे पवतिर आप्प, तान आ हेसुर देल जो नी नानी कोट्या, अऊरद रक्शा माळ क्ति अव नाम घाई ऊंद आगुल. 12 १२याग ना आंदुर सांगुळ ईरीन, रा ना नीन अद हेसुर देल, जो नी नानी कोट्या अदुरद रक्शा माळदीन. ना आंदुरद सावधानी माळदीन, अदकि वनिश इन पार उक बटिकु आंदुर दा टु याऊ नाश आगीदील, इदुरसाटी क्ति जो पवतिरशास्त्र दा अंदकु आग्याद अद पुरा आगुल. 13 ईंग ना नीन हात्ती बरतीन, अदकि ई मातगोळी दुनयिया\* दा अनतीन, क्ति आंदुर नान खुशी तान दा पुरा आगुल. 14 ना नीन वचन आंदरी पोहचुस बुटीन; अदकि दुनयिया आंदुर से दुश्मनी माळत, यतकी ह्यांग ना दुनयिया नव आल्लच, हांग अच आंदुर भी दुनयिया नोर आल्लच. 15 ना ईद वनिती माळालीन क्ति नी आंदरी दुनयिया टु नेगु कोम; लेकीन ईद क्ति नी आंदरी आ दुष्ट टु ऊळसकु ईट. 16 ह्यांग ना दुनयिया नव आल्लच, हांग आंदुर भी दुनयिया नोर आल्लच. 17 सच्चाई अन द्वारा आंदरी पवतिर माळ: नीन वचन सही आद. 18 ह्यांग नी नानी दुनयिया दा कळ्ळद, हांगा ना भी आंदरी दुनयिया दा कळ्ळदीन; 19 अदकि आंदुर साटी ना तान तान इक पवतिर माळतीन, ताकी आंदुर भी सही अन द्वारा पवतिर माळकु आगुल.

20 “ना सर्फि इंदुरदा साटी वनिती माळालीन, लेकीन आंदुर साटी भी जो इंदुर वचन इन द्वारा नान मा वशिवास माळ्यार, 21 क्ति आंदुर सप्पा ऊंद आगुल; ह्यांग नी हे आप्प नान दा आय, अदकि ना नीन दा आईन, हांग अच आंदुर भी नाम दा आगुल, यार से दुनयिया वशिवास माळ्ल क्ति नी अच नानी कळ्या. 22 अद महिमा जो नी नानी कोट्या ना आंदरी अद कोट्टीन, क्ति आंदुर हांग अच ऊंद आगुल ह्यांग क्ति नाव ऊंद आयेव, 23 ना आंदुर दा अदकि नी नान दा क्ति आंदुर सदिह आगकु ऊंद आगुल, अदकि दुनयिया जानसुल क्ति नी अच नानी कळ्या, अदकि ह्यांग नी नान से प्यार ईटद हांग अच आंदुर से प्यार ईटद. 24 हे आप्प, ना चाहासतीन क्ति यारी नी नानी कोट्या, येन ना आईन अल आंदुर भी नान सांगुळ ईरल, क्ति आंदुर नान आ महिमा अक नोळ्ल जो नी नानी कोट्या, यतकी नी दुनयिया अन उत्पत्तति से पयले नान से प्यार ईटद. 25 हे न्यायी आप्प, दुनयिया नानी जानसीदील, लेकीन ना नीनी जान्सदीन; अदकि इंदुर भी जान्सदुर क्ति नी अच नानी कळ्या. 26 ना नीन हेसुर आंदरी हेळदीन अदकि हेळ्ट ईराइन क्ति जो प्यार नीनी नान से ईरोद अद आंदुर दा ईरल, अदकि ना आंदुर दा ईरल.”

## 18

यीशु उक हूळसुसकु आगोद

(मत्ती २६:४७-५६; मरकुस १४:४३-५०; लूका २२:४७-५३)

\* 17:12 १७:२२ यूहन्ना १३:१८

\* 17:13 १७:२३ पुरा दुनयिया



1 यीशु ई मातगोळी अनकु तान चलागोळ सांगुळ कविरोन नाला अन आपपाटी होदुन. अल ऊंद बेली ईरोद, यदुरदा आव अदकि आऊन चलागोळ होदुर. 2 आऊक हुळसुसावाळा यहूदा भी अद जागा जानसोन, यतकी पयले हापाळ घन यीशु तान चलागोळ सांगुळ अल हांगीदुन. 3 आग यहूदा, सैनिकिगोळद ऊंद दल इक अदकि प्रधान याजकगोळी अदकि फरीसीगोळ दी टु चौकीदारगोळी हुळकु, कदीलगोळ, मशालगोळी अदकि हथयारगोळी हुळकु अल बंदुन. 4 आग यीशु, आ सपपा मातगोळी जो आऊन मा बरावाळा ईरव जानसकु, होट्टुन अदकि आंदुर से अंदुन, “यारी हुंदसतीर?” 5 आंदुर आऊक उत्तर कोट्टुन, “यीशु नासरी अक.” यीशु आंदुर से अंदुन, “ना हुईन.” आऊक हुळसुसावाळा यहूदा भी आंदुर सांगुळ नदिरकु ईरोन. 6 आऊद ईद अनतेला अच, “ना हुईन,” आंदुर हदि सरकुसकु जागा मा बदिदुर. 7 आग आव मातुत आंदुर से केळदुन, “नीव यारी हुंदसतीर.” आंदुर अंदुर, “यीशु नासरी अक.” 8 यीशु उत्तर कोट्टुन, “ना रा नीम से अंद कोडीन कि ना हुईन, अगर नानी हुंदसतीर रा इंदरी हांगगोळी.” 9 ईद इदुरसाटी आत कि अद वचन पुरा आगुल जो आव अंददिन: “यारी नी नानी कोट्ट्या आंदुर दा टु ना ऊंद इक भी खोऊसीदील.” 10 आग शमोन पतरस तलवार, जो आऊन हात्ती ईरोद, जेळदुन अदकि महायाजक उन दास मा नळसकु आऊन ऊमा कवि हारस बुदुन. आ दास उन हेसूर मलखुस ईरोद. 11 आग यीशु पतरस से अंदुन, “तान तलवार म्यान दा ईट. जो कटोरा आपप नानी कोटान, येन ना अदरी कुडुतीदील?”

हन्ना अन पयले यीशु

12 आग सैनिकिगोळ अदकि आंदुर सूवेदार अदकि यहूदीगोळ चौकीदारगोळ यीशु उक हुळकु कट बुदुर, 13 अदकि पयले आऊक हन्ना अन हात्ती ओतुर, यतकी आव आ वरष इन महायाजक कैफा अन माँव ईरोन. 14 ईव आव कैफा ईरोन, यार यहूदीगोळी सलाह कोटीदुन किनाम लॉकर साटी ऊंद मंळसा अन सायोद वळलीद आद.

पतरस उन इनकार

(मत्ती २६:६९,७०; मरकुस १४:६६-६८; लूका २२:५५-५७)

15 शमोन पतरस अदकि ऊंद अन्य चेला भी यीशु उन हदि आगोदुर. ईव चेला महायाजक उन जाना पयचाना ईरोन, इदुरसाटी आव यीशु उन सांगुळ महायाजक उन आंगुळ दा होदुन, 16 लेकीन पतरस व्हाऱ्या दरवाजा मा नदिरकु ईतुन. आग आव दुसरा चेला जो महायाजक उन जान पयचान इनव ईरोन, व्हाऱ्या होट्टुन अदकि चौकीदारगीत इन से अनकु पतरस उक बुळक तंदुन. 17 आ दासी जो चौकीदारगीत ईरोर, पतरस से अंदुर, “येनारा नी भी ई मंळसा अन चलागोळ दा टु रा हल्लेच?” आव अंदुन, ईला “ना आल्लच.” 18 दास अदकि चौकीदार सोळ इन कारण कॉरसा होत्ताकु नदिरकु बेक्की सेकसोर, अदकि पतरस भी आंदुर सांगुळ नदिरकु बेक्की सेकसोन.

महायाजक उन द्वारा यीशु उन जाँच

(मत्ती २६:५९-६६; मरकुस १४:५५-६४; लूका २२:६६-७१)

19 आग महायाजक यीशु से आऊन चलागोळ वारा दा अदकि आऊन उपदेश इन वारा दा जाँच माळदुन. 20 यीशु आऊक उत्तर कोट्टुन, “ना दुनिया अन सांगुळ खुलसकु मातगोळी हेळदीन; ना सभागूहगोळ अदकि मंदरि दा, यल सपपा यहूदी जमा आगतोगोर, सदा उपदेश माळदीन अदकि गुप्त दा येनु अंददील. 21 नी नान से येती केळत्या? केळावाळेर से केळ किना आंदुर से येन अंदीन. नोळ, आंदुर जानसतार किना येन येन अंदीन.” 22 याग आव ईद अंदुन, रा चौकीदारगोळ दा टु ऊंद जो हात्ती नदिरकु ईरोन, यीशु उक कथाबरा वळकु अंदुन, “येन नी महायाजक उक ईत्ता प्रकार दल उत्तर कोळत्या?” 23 यीशु आऊक उत्तर कोट्टुन, “अगर ना बुरा अंदीन, रा आ बुराई अन गवाही कोळ; लेकीन अगर भला अंदीन, रा नानी येती बडुत्या?” 24 हन्ना आऊक कटकु कैफा महायाजक उन कळु बुदुन.

पतरस उन दुवारा इनकार

(मत्ती २६:७१-७५; मरकुस १४:६९-७२; लूका २२:५८-६२)

25 शमोन पतरस नदिरकु बेक्की सेकसोन. आग आंदुर आऊन से अंदुर, “येनारा नी भी रा आऊन चलागोळ दा टु रा हल्लेच?” आव इनकार माळकु अंदुन, “ना आल्लच.” 26 महायाजक उन दासगोळ दा टु ऊंद, जो परवारि दा टु ईरोन यार्द कवि पतरस कोद बुटीदुन, अंदुन, “येन ना नीनी आऊन सांगुळ बेली दा ईला नोळीदनि?” 27 पतरस मातुत इनकार माळदुन, अदकि तुरन्त हुंज कुगत.

पलिातुस उन मुंद यीशु

(मत्ती २७:१,२,११-१४; मरकुस १५:१-५; लूका २३:१-५)

28 आग आंदुर यीशु उक कैफा अन हात्ती टु कलिा अक ओतुर, अदकि व्हातुर इन समय ईरोद, लेकीन आंदुर खुद कलिा अन बुळक हांगीदील ताकी अशुध्द आगवाळुल लेकीन फसह तनि सकुल. 29 आग पलिातुस आंदुर हात्ती व्हाऱ्या होट्टु अदकि अंदुन, “नीव ई मंळसा मा याता मात इन आरोप हचतीर?” 30 आंदुर आऊक उत्तर कोट्टुन, “अगर आव कुकर्मि ईला ईरायदुन रा नाव आऊक नीन कय दा ईला कोळायादेव.” 31 पलिातुस आंदुर से अंदुन, “नीव अच ईऊक वोतकु तान व्यवस्था अन अनुसार आऊद न्याय माळी.” यहूदीगोळ आऊन से अंदुर, “नामी अर्धकारि हल्लेच कि यारदारा जीव ताकोडव.” 32 ईद इदुरसाटी आत कि यीशु उन अद मात पुरा आगुल जो आव ईद संकेत कोळाहोती अंददिन कि आऊद मृत्यु ह्याग आदीत.

33 आग पलातुस मात्त कलिा अन बुळ्क होदुन, अदकि यीशु उक कार्कु आऊन से केळदुन, “येन नी यहूदीगोळ राजा हुय?” 34 यीशु उत्तर कोटदुन, “येन नी ईद मात तान दी टु अनतया या दुसरागोळ नान बारा दा नीन से ईद अंदार?” 35 पलातुस उत्तर कोटदुन, “येन ना यहूदी हुईन? अपमान अच जाती अदकि प्रधान याजकगोळ नीनी नान कय दा कोटार. नी येन माळया?” 36 यीशु उत्तर कोटदुन, “नान राज्य ई दुनया अन आललच; अगर नान राज्य ई दुनया अन आगाईत, रा नान सेवकगोळ लळाई माळायदुर कनिनी यहूदीगोळ कय दा कोटकु आगवाळल: लेकीन नान राज्य ईल ईद आललच.” 37 पलातुस आऊन से अंदुन, “रा येन नी राजा हुय?” यीशु उत्तर कोटदुन, “नी अनतया कनिना राजा हुईन. ना इदुरसाटी पैदा आदीन अदकि इदुरसाटी दुनया दा बदीन कसिचचाई इन गवाही कोळाईन. जो यावारा सच्चाई नव आन, आव नान आवाज केळतान.” 38 पलातुस आऊन से अंदुन, “सही येन आद?”

मृत्यु दण्ड इन आगया

(मत्ती २७:१५-३१; मरकुस १५:६-२०; लूका २३:१३-२५)

ईद अनकु आव मात्त यहूदीगोळ हात्ती होदुन अदकि आंदुर से अंदुन, “नानी रा आऊन दा येनु दोष सक्कीदील. 39 लेकीन नीमद ईद रीत आद कनिना फसह दा नीमद साटी ऊद मंळसा अक बटि बुळाईन. इदुरसाटी येन नीव चाहासतीर कनिना नीम साटी यहूदीगोळ राजा अक बटि बुळाईन?” 40 आग आंदुर मात्त चलिळासकु अंदुर, “ईऊक ईला, लेकीन नाम साटी वरअबवा अक बटि बुळ.” अदकि वरअबवा डाकु ईरोन.

## 19

1 इदुर मा पलातुस यीशु उक क्वाळा बळसुसदुन. 2 सपिाहीगोळ मुळलगोळ मुकुट माळकु आऊन तालला मा ईटदुर, अदकि जांभळा कलर इन कपळा हाकसुसदुर. 3 अदकि आऊन हात्ती खुशी देल बंद बंदकु अनली कुरतुर, “हे यहूदीगोळ राजा, प्रणाम!” अदकि आऊक क्यावरा भी बळदुर. 4 आग पलातुस मात्त व्हार्या होटकु लांकुर से अंदुन, “नोळी, ना आऊक नीम हात्ती मात्त व्हार्या तरतीन; ताकी नीव जान्सी कनिना आऊन दा नानी येनु भी दोष सक्कीदील.” 5 आग यीशु मुळलगोळ मुकुट अदकि जांभळा कलर इन कपळा हाककु व्हार्या होटदुन; अदकि पलातुस आंदुर से अंदुन, “नोळी, ईव मंळसा!” 6 “याग प्रधान याजकगोळ अदकि चौकीदारगोळ आऊक नोळदुर, रा चलिळासकु अंदुर, आऊक कूस मा येरस, कूस मा!” पलातुस आंदुर से अंदुन, “नीव अच आऊक हळकु कूस मा येरसी, यतकी नानी आऊन दा येनु दोष सक्कीदील.” 7 यहूदीगोळ आऊक उत्तर कोटदुर, “नामू भी व्यवस्था आद अदकि आ व्यवस्था अन अनुसार आव कोंद बुळोद योग्य आन, यतकी आव तान तान इक परमेश्वर उन पार माळदुन.” 8 याग पलातुस ईद मात केळदुन रा अदकि भी अंजेदुन, 9 अदकि मात्त कलिा अन बुळ्क होदुन अदकि यीशु से अंदुन, “नी येलेव हुय?” लेकीन यीशु आऊक येनु भी उत्तर कोटीदील. 10 इदुर मा पलातुस आऊन से अंदुन, “नान से येती माताळाल? येन नी जानसाल कनिनी बटि बुळोद अधिकार नानी आद, अदकि नीनी कूस मा येरसाद भी अधिकार नानी आद.” 11 यीशु उत्तर कोटदुन, “अगर नीनी मयाकुच टु कोटकु ईला आगाईत, रा नीन नान मा येनु अधिकार ईला ईराईत; इदुरसाटी याव नानी नीन कय दा हळसुसयान आऊन पाप यक्कुल आव.” 12 इदुर मा पलातुस आऊक बटि बुळोद चाहासदुन, लेकीन यहूदीगोळ चलिळास चलिळासकु अंदुर, “अगर नी ईऊक बटिवुट्या, रा नीन भक्ती कैसर सरकार उन दी हैलेच. जो यावारा तान तान इक राजा माळतान आव कैसर सरकार इन सामना माळतान.” 13 ई मातगोळी केळकु पलातुस यीशु उक व्हार्या तंदुन अदकि आ जागा कलल इन ऊद चवूतरा ईरोद जो इब्रानी भाषा दा “गव्वता” कहलुसतद, अदकि अल न्याय आसन मा कुरतुन. 14 ईद फसह अन तयारी इन दनि ईरोद, अदकि सहावा घंटा अन लगभग ईरोद. आग आव यहूदीगोळ से अंदुन, “नोळी नीम राजा!” 15 लेकीन आंदुर चलिळासदुर, “ओय! ओय! आऊक कूस मा येरस!” पलातुस आंदुर से अंदुन, “येन ना नीम राजा अक कूस मा येरसाईन?” प्रधान याजकगोळ उत्तर कोटदुर, “कैसर सरकार उक बटिकु नाम याऊ राजा हैलेच.” 16 आग पलातुस यीशु उक आंदुर कय दा कोट बुटुन ताकी आव कूस मा येरसकु आगुल.

यीशु उक कूस मा येरसकु आगोद

(मत्ती २७:३२-४४; मरकुस १५:२१-३२; लूका २३:२६-४३)

इदुरसाटी आंदुर आऊक तान कबजा दा माळदुर. 17 आग आंदुर यीशु उक ओतुर, अदकि आव तान कूस नेगुकु आ जागा ताका व्हार्या होदुन, जो “खोपळी इन जागा” अनकु आगतद अदकि इब्रानी भाषा दा “गुलगुता.” 18 अल आंदुर आऊक अदकि आऊन सांगुळ अदकि येदढ मंळसागोळी कूस मा येरसदुर, ऊद इक इत्त अदकि ऊद इक आत्त, अदकि न्याइया दा यीशु उक. 19 पलातुस ऊद दोष चिट्टी लखिसकु कूस मा हच बुटुन, अदकि अंदुर दा ईद लखिसकु ईरोद, “यीशु नासरी, यहूदीगोळ राजा.” 20 ईद दोष चिट्टी हापाळ सा यहूदीगोळ वाचुसदुर, “यतकी अद जागा यल यीशु कूस मा येरसकु आगीदुन नगर इन हाती ईरोद; अदकि चिट्टी इब्रानी अदकि लतीनी अदकि ग्रीक भाषा दा लखिसकु ईरोद. 21 आग यहूदीगोळ प्रधान याजकगोळ पलातुस से अंदुर, ‘यहूदीगोळ राजा’ लखिसवाळ लेकीन ईद कनिना आव अंदुन ना यहूदीगोळ राजा हुईन.” 22 पलातुस उत्तर कोटदुन, “ना जो लखिस बुटीन, अद लखिस बुटीन.” 23 याग सैनिक यीशु उक कूस मा येरस बुटुर, रा आऊन कपळा हळकु नाक भाग माळदुर, हर सैनिक उन साटी ऊद भाग, अदकि कळता. भी ताकोडुर, लेकीन कळता. बनि होलदकु मयाकुच टु ल्यालमा ताका बनसकु ईरोद. 24 इदुरसाटी आंदुर आपस दा अंदुर, “नाव इदरी हरालेव, लेकीन इदुर मा चिट्टी हाककेव कनिना ईद यारद आदीत.” ईद इदुरसाटी आत कनिना पवतिरशासत्र दा जो लखिसकु आद पुरा आगुल

“आंदुर नान कपळा आपस दा वाट्स बुदुर अदकि नान कपळा मा चट्टी हाकदुर.” <sup>25</sup> इदुरसाटी सैनकिगोळ हगि अच माळदुर. यीशु उन कूरस इन हाती आऊन मोय, अदकि आऊन मोय इन आकतींग, क्लोपास उन हगिअ मरयिम, अदकि मरयिम मगदलीनी नदिरकु ईरोर. <sup>26</sup> याग यीशु तान मोय, अदकि आ चेला अक यार से आव प्यार ईटतोगोन हात्ती नदिरकु नोळदुन रा तान मोय से अंदुन, “हे आरत, नोळ, ईव नीन पार हुन.” <sup>27</sup> आग आव चेला से अंदुन, “ईक नीन मोय उर.” अदकि अदा समय टु आव चेला आकी तान मान्या ओतुन.

यीशु उन मृत्यु

(मत्ती २७:४५-५६; मरकुस १५:३३-४१; लूका २३:४४-४९)

<sup>28</sup> इदुर बाद्दा यीशु ईद जान्सकु का ईंग सप्पा येनारा पुरा आगेग्याद, इदुरसाटी कपवतिरशासत्र दा जो अंदकु आगीत अद पुरा आगुल, अंदुन, “ना प्यासा आईन.” <sup>29</sup> अल हुळलग अंगुर इन रास्सा देल तुमकु ऊंद वरतन ईटकु ईरोद, इदुरसाटी आंदुर सरिका दा नेनाकद ऊंद सपंज इक हसिसप इन डगालगोळ मा ईटदुर अदकि म्याकुच नेगुकु, आऊन बाय इक हचदुर. <sup>30</sup> याग यीशु अद सरिका हुळदुन अदकि अंदुन, “पुरा आत.” अदकि ताल्ला ल्यालमा माळकु जीव वटि बुटुन.

भाला देल छेद माळोद

<sup>31</sup> इदुरसाटी कपि अद तयारी अन दनि ईरोद यहूदीगोळ पलातुस से वनिती माळदुर कपि आंदुर कालगोळी मुरदकु आगुल अदकि आंदुर ईळसकु आगुल, ताकी आराम इन दशी आंदुर कूरस मा ईरबाळुल, यतकी अद आराम इन दनि धोळद दनि ईरोद. <sup>32</sup> इदुरसाटी सैनकिगोळ बंदकु आ मंळसागोळ दा टु पयला मंळसा अन कालगोळी मुरदुर आग दुसरा अन भी, जो यीशु उन सांगुळ कूरस मा येरसकु आगीदुर; <sup>33</sup> लेकीन यीशु उन हात्ती बंदकु नोळदुर कपि आव सोतोग्यान, रा आऊन कालगोळी मुरदीदील. <sup>34</sup> लेकीन सैनकिगोळ दा टु ऊंद सैनकि बरबी देल आऊंद हतोरी दा छेद माळदुन, अदकि अदुर दा टु तुरनत खुन अदकि नीर होळत. <sup>35</sup> याव ईद नोळदुन, आव गवाही कोटान, अदकि आऊन गवाही खरा आद; अदकि आव जान्सतान कपि आव सही अनतान कपि नीव भी वशिवास माळी. <sup>36</sup> ई मातगोळ इदुरसाटी आदव कपि पवतिरशासत्र दा जो अनकु आगीत अद पुरा आगुल, “आऊंद यातोदु येतु मूरकु आगतीदील.” <sup>37</sup> मातुत ऊंद अदकि शासत्र दा ईद लखिसकु आद, “यारी आंदुर छेद माळ्यार, अदुर मा आंदुर नजर हाक्यार.”

यीशु उक नळसकु आगोद

(मत्ती २७:५७-६१; मरकुस १५:४२-४७; लूका २३:५०-५६)

<sup>38</sup> ई मातगोळ बाद्दा अरमितया अन यूसुफ जो यीशु उन चेला ईरोन, लेकीन यहूदीगोळ अंजक देल ई मात इक होचकु ईटतोगोन, पलातुस से वनिती माळदुन कपि येन आव यीशु उन लाश ओय सकतान. पलातुस आऊन वनिती केळदुन, अदकि आव बंदकु आऊन लाश ओतुन. <sup>39</sup> नीकुदेमुस भी, जो यीशु उन हात्ती ईळलकी होगीदुन, पचास सेर इन लगभग मलिसूद अत्तर अदकि एलवा तंदुन. <sup>40</sup> आग आंदुर यीशु उन लाश ताकोडुर, अदकि यहूदीगोळ नळसोद रीति अन अनुसार आऊक सुगन्ध द्रव इन सांगुळ मलमल इन चदुर दा गुंळसदुन. <sup>41</sup> आ जागा मा यल यीशु कूरस मा येरसकु आगीदुन, ऊंद बेली ईरोद, अदकि आ बेली दा ऊंद वहाशोद कवर ईरोद यल यागलु यारदु लाश ईटकु ईला आगीत. <sup>42</sup> इदुरसाटी यहूदीगोळ तयारी अन दनि इन कारण आंदुर यीशु उक अदुर दा ईटदुर, यतकी अद कवर हाती ईरोद.

## 20

खाली कवर

(मत्ती २८:१-८; मरकुस १६:१-८; लूका २४:१-१२)

<sup>1</sup> हप्ता अन पयला दशी मरयिम मगदलीनी वहातर्या का अंधार ईरतेला अच कवर मा बंदुर, अदकि कल्ल इक कवर मा टु हटुसकु नोळदुर. <sup>2</sup> आग आक ओळतेला होदुर अदकि शमोन पतरस अदकि आ दुसरा चेला अन हात्ती यार से यीशु प्यार ईटतोगोन, बंदकु अंदुर, “आंदुर प्रभु उक कवर दा टु तेगुकु ओतुर, अदकि नाव जानसालेव कपि आऊक येत ईट बुटार.” <sup>3</sup> आग पतरस अदकि आव दुसरा चेला होटकु कवर अन दी होदुर. <sup>4</sup> आंदुर येदुहु मुंदुर सांगुळ सांगुळ ओळोर, लेकीन दुसरा चेला पतरस से मुंद वाळुसकु कवर मा पयले पोहचुसदुन; <sup>5</sup> अदकि बांगकु कफन इन कपळा बंदिकु नोळदुन, तरी आव बुळक होगीदील. <sup>6</sup> आग शमोन पतरस आऊन हदि हदि पोहचुसदुन, अदकि कवर अन बुळक होदुन अदकि कफन इन कपळा बंदिकु नोळदुन; <sup>7</sup> अदकि अद गमछा जो आऊन ताल्ला अक कटकु ईरोद, कफन इन कपळागोळ सांगुळ बंदिकु ईला ईरोद, लेकीन अलग ऊंद जागा दा लपटुसकु ईटकु नोळदुन. <sup>8</sup> आग दुसरा चेला भी जो कवर मा पयले पोहचुसीदुन, बुळक होदुन अदकि नोळकु वशिवास माळदुन. <sup>9</sup> आंदुर रा ईगासताका पवतिरशासत्र अन अद मात ईला समसीदुर कपि आऊक सोत्तुर दा टु जतिता आगोद वदिदीत. <sup>10</sup> आग ई चेलागोळ तान मान्नी होटोदुर.

मरयिम मगदलीनी मा प्रगट आगोद

(मत्ती २८:९,१०; मरकुस १६:९-११)

<sup>11</sup> लेकीन मरयिम वरलतेला कवर अन हात्ती अच वहार्या नदिरकु ईत्तुर, अदकि वरलत वरलत कवर अन दी बांगकु, <sup>12</sup> येदुहु स्वर्गदूतगोळ इक बळिव कपळा हाक्कु ऊंद इक ताल्ला अन दी अदकि दुसरा अक काल इन दी

कुर्तकु नोळदुर, यल यीशु उन लाश ईटकू आगीत. <sup>13</sup> आंदुर आकनि से अंदुर, “हे नारी, नी येती वरलत्या?” आक आंदुर से अंदुर, “आंदुर नान प्रभु उक नेगुकु ओतुर अदकि ना जानसालीन कऱि आऊक येल ईटयार.” <sup>14</sup> ईद अनकु आक हदि नोळदुर अदकि यीशु उक नदिरकु नोळदुर, लेकीन पहचानसीदील कऱि ईव यीशु हुन. <sup>15</sup> यीशु आकनि से अंदुर, “हे नारी, नी येती वरलत्या? यारी ढूँढसत्या?” आक माली समसकु आऊन से अंदुर, “हे महाराज, अगर नी आऊक नेगु कौडया रा नानी हेळ कऱि आऊक येल ईटया, अदकि ना आऊक ओयाईन.” <sup>16</sup> यीशु आकनि से अंदुर, “मरयिम!” आक हदि नोळकु आऊन से इव्रानी भाषा दा अंदुर, “रब्वूनी!” मतलब “हे गुरु.” <sup>17</sup> यीशु आकनि से अंदुर, “नानी मुटवाळ, यतकी ना ईगासताका आपुन उन हात्ती म्याकुच हांगली आईन, लेकीन नान वारटुर हात्ती हांगकु आंदुर से अंद वूळ, कऱि ना तान आपुन अदकि नीम आपुन, अदकि तान परमेश्वर अदकि नीम परमेश्वर उन हात्ती म्याकुच हांगतीन.” <sup>18</sup> मरयिम मगदलीनी हांगकु चलागोळी हेळदुर, “ना प्रभु उक नोळदीन, अदकि आव नान से ई मातगोळी अंदुर.”

चेलागोळ मा प्रगट आगोद

(मत्ती २८:१६-२०; मरकुस १६:१४-१८; लूका २४:३६-४९)

<sup>19</sup> अदा दशिी जो हपता अन पयला दनि ईरोद, दयावगा अन होती याग अलेव दरवाजा येल चेलागोळ ईरोर, यहूदीगोळ अंजक इन मारा देल बंद ईरव, आग यीशु बंदुन अदकि आंदुर न्याइया दा नदिरकु आंदुर से अंदुर, “नीमी शांती सकुल.” <sup>20</sup> अदकि ईद अनकु आव तान कय अदकि तान हतारी आंदरी तोर्सदुन. आग चेलागोळ प्रभु उक नोळकु खुश आदुर. <sup>21</sup> यीशु आंदुर से मातत अंदुर, “नीमी शांती सकुल; हयांग आपुन नानी कळयान, हांग अच ना भी नीमी कळतीन.” <sup>22</sup> ईद अनकु आव आंदुर मा ऊरदुन अदकि आंदुर से अंदुर, “पवतिर आत्मा हुडी. <sup>23</sup> प्यार पाप नीव माफ माळी, अव आंदुर साटी माफ माळकु आग्याव; यार नीव ईटी, अव ईटकू आग्याव.”

थोमा मा प्रगट आगोद

<sup>24</sup> लेकीन हनुनेळ दा टु ऊंद, मतलब थोमा जो ददिमुस कहलुस्तान, याग यीशु बंदुन रा आंदुर सांगुळ ईला ईरोन. <sup>25</sup> याग अन्य चेलागोळ आऊन से अनली कुरतुर, “नाव प्रभु उक नोळेव,” आग आव आंदुर से अंदुर, “यागासताका ना आऊन कयगोळ दा खलिंलागोळ छेद नोळ कोमालीन, अदकि खलिंलागोळ छेद दा तान बेळल हाकक कोमालीन, अदकि आऊन हतारी दा तान कय हाकक कोमालीन, आगासताका ना वशिवास माळतीदील.” <sup>26</sup> येटुद दनि इन बाददा आऊन चेलागोळ मातत मानना अन वूळक ईरोर, अदकि थोमा आंदुर सांगुळ ईरोन; अदकि दरवाजा बंद ईरव, आग यीशु बंदुन अदकि आंदुर बीच दा नदिरकु अंदुर, “नीमी शांती सकुल.” <sup>27</sup> आग आव थोमा से अंदुर, “तान बेळल ईल तनकु नान कयगोळी नोळ अदकि तान कय तनकु नान कुसी दा हाकक, अदकि अवशिवासी ईला लेकीन वशिवासी आग.” <sup>28</sup> ईद केळकु थोमा उत्तर कोटदुन, “हे नान प्रभु, हे नान परमेश्वर!” <sup>29</sup> यीशु आऊन से अंदुर, “नी नानी नोळया, येन इदुरसाटी वशिवास माळद? धन्य आंदुर आर यार बनि नोळद वशिवास माळदुर.”

ई कतिब इन उद्देश

<sup>30</sup> यीशु अदकि भी हापाळ सा चमत्कार चेलागोळ मुंद तोर्सदुन, जो ई कतिब दा लखिसकु आगीदील; <sup>31</sup> लेकीन ईव इदुरसाटी लखिसकु आदव कऱि नीव वशिवास माळी कऱि यीशु अच परमेश्वर उन पार मसीह हुन, अदकि वशिवास माळी कऱि आऊन हेसुर देल जीवन सकुल.

## 21

तविरियास झील इन कनिरा चेलागोळ मा प्रगट आगोद

<sup>1</sup> ई मातगोळ बाददा यीशु तान तान इक तविरियास झील इन कनिरा चेलागोळ मा प्रगट माळदुन, अदकि ई रीतऱि देल प्रगट माळदुन: <sup>2</sup> शमौन पतरस, अदकि थोमा जो ददिमुस कहलुस्तान, अदकि गलील इन काना नगर इन नतनएल, अदकि जब्दी अन पार, अदकि आऊन चेलागोळ दा टु येदद मुंदुर जमा ईरोर. <sup>3</sup> शमौन पतरस आंदुर से अंदुर, “ना मेन हुडुली हागेतीन.” आंदुर आऊन से अंदुर, “नाव भी नीन सांगुळ बरतेव.” इदुरसाटी आंदुर होटकू इवांगा मा येरदुर, लेकीन आ ईळलकी येनु हुळदीदील. <sup>4</sup> वहातुर आगतेला अच यीशु कनिरा मा बंदकु नदिरदुन; तरी चेलागोळ पहचानसीदील कऱि ईव यीशु हुन. <sup>5</sup> आग यीशु आंदुर से अंदुर, “हे चकिरगोळा, येन नीम हात्ती येनारा मेनगोळ आव?” आंदुर उत्तर कोटदुर, “ईला.” <sup>6</sup> आव आंदुर से अंदुर, “इवांगा अन ऊमा कय इन दी जार हाककी रा सकिकेव.” इदुरसाटी आंदुर जार हाकदुर, अदकि सप्पा मेनगोळ बहुतायत इन कारण अदरी जेडु सकदिदल. <sup>7</sup> आग आ चेला यार से यीशु प्यार ईटतोगोन, पतरस से अंदुर, “ईव रा प्रभु हुन!” शमौन पतरस ईद केळकु कऱि आव प्रभु हुन, नेळु मा गमच्छा कसुपदुन, यतकी आव बनि कपळा नव ईरोन, अदकि झील दा हारेदुन. <sup>8</sup> लेकीन दुसरा चेलागोळ इवांगा मा मेनगोळ देल तुमकु जार जेडुतेला बंदुर, यतकी आंदुर कनिरा टु यक्कुल दुर ईला ईरोर, लेकीन येनारा येदद सौ कय मा ईरोर.

<sup>9</sup> याग आंदुर कनिरा मा ईळदुर, रा आंदुर कॉरसा अन बेक्की अदकि अदुर मा मेन ईटकू, अदकि रोटी नोळदुर. <sup>10</sup> यीशु आंदुर से अंदुर, “जो मेनगोळी नीव ईगलया हुळदीर, अऊर दा टु येनारा तरी.” <sup>11</sup> रा शमौन पतरस इवांगा मा येरकु ऊंद सौ तरपून धोडुडव मेनगोळ देल तुमकु जार कनिरा मा जेळदुन, अदकि ईस मेनगोळ ईततुर मा भी जार हरीदील. <sup>12</sup> यीशु आंदुर से अंदुर, “बरी, भोजन माळी.” चेलागोळ दा टु यारूक साहस आगीदील कऱि आऊन

से केळल, “नी याव हुय?” यतकी आंदुर जानसोर किईव परभु अच हुन. 13 यीशु बंदन अदकि रोट्टी हुळकु आंदरी कोट्टुन, अदकि हांग अच मेन भी. 14 ईद तसिरा बार हुन कि यीशु सोत्तुर दा टु जतिता आगदुर बाददा चेलागोळी काळ्स्सदुन.

यीशु अदकि पतरस

15 भोजन माळदुर बाददा यीशु शमौन पतरस से अंदुन, “हे शमौन, यूहन्ना अन पार, येन नी इंदुर से वाळुसकु नान से प्यार ईटत्या?” आव आऊन से अंदुन, “हव, परभु; नी रा जान्सत्या कि ना नीन से प्यार ईटतीन.” आव आऊन से अंदुन, “नान म्यांडा अन पाड्डागोळी आळस.” 16 आव मात्त दुसरा घन आऊन से अंदुन, “हे शमौन, यूहन्ना अन पार, येन नी नान से प्यार ईटत्या?” आव आऊन से अंदुन, “हव, परभु; नी रा जान्सत्या कि ना नीन से प्यार ईटतीन.” आव आऊन से अंदुन, “नान म्यांडागोळ रखवाली माळ.” 17 आव तसिरा घन आऊन से अंदुन, “हे शमौन, यूहन्ना अन पार, येन नी नान से प्यार ईटत्या?” पतरस उदास आदुन कि यीशु आऊन से तसिरा घन अंदुन, “येन नी नान से प्यार ईटत्या?” अदकि आऊन से अंदुन, “हे परभु, नी रा सप्पा येनारा जान्सत्या; नी ईद जान्सत्या कि ना नीन से प्यार ईटतीन.” यीशु आऊन से अंदुन, “नान म्यांडागोळी आळस. 18 ना नीन से सही सही अनतीन, याग नी हारोदव ईरया रा तान नेळु कटक येल चाहसया अल टेटाळ्या; लेकीन नी याग हाळाबाट आदया रा तान कय फैलुसया, अदकि दुसरा नीन नेळु कटक येल नी चाहासतीदील अल नीनी वोतान.” 19 आव ई मातगोळ देल इशारा कोट्टुन कि पतरस ह्यांग मृत्यु देल परमेश्वर उन महिमा माळयान. अदकि आग आव आऊन से अंदुन, “नान हदि आगेग.”

यीशु अदकि आऊन प्रयि चेला

20 पतरस पलटुसकु आ चेला अक हदि बरतेला नोळदुन, यार से यीशु प्यार ईटतोगोन, अदकि याव भोजन इन समय आऊन याददा अन दी बांगकु केळीदुन, “हे परभु, नीनी हुळसुसावाळा याव हुन?” 21 आऊक नोळकु पतरस यीशु से अंदुन, “हे परभु, ईऊंद येन हाल आदीत?” 22 यीशु आऊन से अंदुन, “अगर ना चाहासाईन कि आव नान बरासताका रूक्सकु ईरूल, रा नीनी इदुर से येन? नी नान हदि आगेग.” 23 इदुरसाटी वारटुर दा ईद मात फैलुसेत कि आव चेला सायतीदील, तरी यीशु आऊन से ईद अंददिल कि आव सायतीदील, लेकीन ईद कि “अगर ना चाहासाईन कि आव नान बरासताका रूक्सकु ईरूल, रा नीनी इदुर से येन?”

24 ईव आवा चेला हुन जो ई मातगोळ गवाही कोळतान अदकि याव ई मातगोळी लखिस्यान, अदकि नाव जान्सतेव कि आऊन गवाही खरा आद.

उपसंहार

25 अदकि भी हापाळ सा क्यालसा आव, जो यीशु माळदुन; अगर अव ऊंद ऊंद माळकु लखिसकु आगायदव, रा ना समसतीन कि किताबगोळ जो लखिसकु आगायदव अव दुनया दा भी ईला समुसयदव.

## प्रेरतिों के कामों का वर्णन प्रेरतिगोळ क्याल्सागोळ्द वर्णन परचिय

प्रेरतिगोळ क्याल्सागोळ्द कतिाब मंडली अनूद सूरवात इन कात्ता हुन अदकि ईद यूशलेम टु यहूदिया, सामरीया अदकि अदुर मुंद ताका ह्यांग फैलुस्त, जसा यीशु तान चेलागोळी स्वर्ग दा होगी से पयले हेळीदुन १:८ इदरी लूका लखिस्यान, आव ऊंद डाक्टर ईरोन अदकि ऊंद सीधा खाता ईटोरसाटी हापाळ सावधान ईरोन. आंदुर तान खुशखबरी अदकि अधनियिमगोळ्द कतिाब थयिफलिस् उक संभोधति माळदूर, जो ऊंद ग्रीक ईरोन, लेकीन कतिाबगोळ्द उद्देश शायद मसीह समुदायगोळ साटी भी ईरोद यदुर दा ग्रीक अदकि यहूदी येदूदु शामलि ईरो १:१

प्रेरतिगोळ क्याल्सा आग सकतद यीशु मसीह अन जनम इन बाददा ६०-६४ साल इन बीच दा लखिसकु आगीदव यतकी कतिाब, कैद टु पौलुस उन रीहाई से पयले खतम आगतद. लूका भी प्रेरति पौलुस उन सांगुळ यात्रा माळदुन अदकि शायद अन्ताकिया नगर दा अधनियिम लखिसदुन. प्रेरतिगोळ लूका अन खुशखबरी इक चालु ईट्यार अदकि यीशु उन स्वर्ग दा होगी सांगुळ सूर आगतद. लेखन दा लूका अन उद्देश आंदुर खुशखबरी इन घाई अच आद. ईद थयिफलिस् चाहासोन, सांगुळ अच मसीहगोळ्द वाळुस्त गनिती देल नश्चिति आद कि आंदरी येन कलसकु आगीत अदकि इदुरसाटी आंदुर यीशु उन जीवन अदकि मसीह न्याय प्रचार इन ऊंद सीधा लेख लखिसदुर.

प्रेरतिगोळ्द कतिाब नाम साटी सूरवाती मंडली अन उदाहरण प्रदान माळतद अदकि यीशु दा वशिवास दा जीवन जीऊरो साटी ईद ह्यांग तोरसतद. प्रेरतिगोळ्द उदाहरण नामी तोरसताव कि दुसरागोळी खुशखबरी बातणी फैलुसदुर दा पवतिर आत्मा अन शक्ति मा भरोसा ह्यांग माळोद आद.

रूप रेखा:

१. पयले आत्मा चेलागोळ मा बरतद अदकि मंडली वाळुसली हततद १:१-८:१
२. इदुर बाददा मंडली अक सतुसकु आगतद अदकि यूशलेम टु मुंद फैलुसली हततद ८:२-१२:२३
३. अदुर बाददा पौलुस तान पयला प्रचार यात्रा मा होगतान १२:२४-१४:२८
४. इदुर बाददा मंडली यूशलेम दा बाक माळकु ईद तय माळत कि व्हाशोर वशिवासीगोळ्द येन जरवत आव १५:१-३५
५. बाक पौलुस तान दुसरा प्रचार यात्रा मा होगतान १५:३६-१८:२२
६. इदुर बाददा आव तान तिसरा प्रचार यात्रा मा होगतान १८:२३-२०:३८
७. आग पौलुस उक यूशलेम दा गरिफतार माळकु आत २१:२६
८. आखरी दा पौलुस उक रोम शयर दा पोहचुसकु आत. २७-२८

### परचिय

1 \*हे प्रयि, थयिफलिस्:

ना पयला कतिाब आ सपुा मातगोळ्द बारा दा लखिसीन जो यीशु सूरवात टु माळतेला अदकि कलसतेला ईत्तुन 2 आ दशिी ताका यागासताका आव आ प्रेरतिगोळी यारी आव नीवळुसदिन पवतिर आत्मा अनूद द्वारा आग्या कोटकु म्याकुच नेगुकु आगीदील, नरिदेश कोळतेला ईत्तुन 3 आव सोत्तुर बाददा हापाळ सा पक्का परमाणगोळ देल तान-तान इक आंदरी जतिता तोरसदुन, अदकि चालीस दिन ताका आव आंदरी काळसतेला ईत्तुन, अदकि परमेशवर उन राज्य अनूद मातगोळी हेळतेला ईत्तुन. 4 \*अदकि आंदुर से सीककु आंदरी आग्या कोटदुन, "यूशलेम इक बळिवाळी, लेकीन आप्प उन आ वादा अनूद पुरा आगोद हादी कायतेला ईरी, यारद बारा दा ना नीमी हेळीदनि. 5 \*यतकी बपतसिमा कोळावाळा यूहनुना रा नीर दा बपतसिमा कोटान लेकीन थवाळासा दनिगोळ्द बाददा नीव पवतिर आत्मा देल बपतसिमा ताकोडीर."

यीशु उन स्वर्गारोहण

6 इदुरसाटी आंदुर जमा आगकु आऊन से केळदुर, "हे प्रभु, येन नी ईदा समय इस्त्राएल इक राज्य मात्त वापस माळ कांडया?"

7 यीशु आंदुर से अंदुन, "आ समयगोळी या कालगोळी जानसोद, यारी आप्प तांद अच अधिकार दा ईट्यान, नीमूद क्याल्सा आलव. 8 \*लेकीन याग पवतिर आत्मा नीम मा बंदीत आग नीमी सामरथ्य सकिीत; अदकि यूशलेम अदकि पुग यहूदिया अदकि सामरीया दा, अदकि पृथ्वी इन आखरी ताका नान गवाह ईत्तार." 9 \*ईद अनकु आव आंदुर नोळत-नोळत अच म्याकुच नेगुकु आदुन, अदकि आकाश इन ढग आऊक आंदुर कणणगोळ देल होच बुळत.

10 यीशु उन होगाहोती याग आंदुर आकाश दी तार हचकु नोळोर, रा नोळी, येदूद मळसागोळ बळिव चमकदार कपळा हाक्कु आंदुर हात्ती बंदकु नदिरदुर, 11 अदकि आंदुर से अंदुर, "हे गालीली लौकुरा, नीव येती नदिरकु आकाश

\* 1:1 १:१ लूका १:१-४ \* 1:4 १:४ लूका २:४:४९ \* 1:5 १:५ मत्ती ३:११; मरकुस १:८; लूका ३:१६; यूहनुना १:३३ \* 1:8 १:८ मत्ती २८:११; मरकुस १६:१५; लूका २४:४७, ४८ \* 1:9 १:९ मरकुस १६:१९; लूका २४:५०, ५१

दी नोळेतीर? ईवा यीशु, जो नीम हात्ती टु स्वर्ग मा नेगुकु आदुन, याता रीतदिल नीव आऊक स्वर्ग इक होगूत नोळदीर अदा रीतदिल आव मातूत बंदान.”

यहूदा अन्द जागा मा मत्तयाह अन्द नविळ

12 आग पररति जैतून हेसुर इन पहाळी टु ईळदुर जो यूरशलेम नगर इन हात्ती आरधा कोश इन दुरी मा आद, यूरशलेम इक मातूत वापस बंदुर. 13 \*याग आंदुर अल पोहचुसदुर रा आ म्याकुच इन कमरा दा होदुर, यल पतरस अदकि यूहना अदकि याकूब अदकि अन्दरयास अदकि फलिपिपुस अदकि थोमा अदकि बरतुल्म अदकि मत्ती अदकि हलफई नव पार याकूब अदकि द्याश भक्त शमौन अदकि याकूब उन पार यहूदा ईरतोगोर. 14 ई सपपा मुंदुर हापाळ आरतेर अदकि यीशु उन मोय मरयिम अदकि आ वारटुर सांगुळ ऊंद मन अदकि जमा आगकु प्रार्थना दा हतकु ईतुर.

15 अवा दनिगोळ दा पतरस, वशिवासी वारटुर बीच दा जो ऊंद सौ ईपूत मळसागोळ लगभग ईरोर, नदिरकु अनली कुरतुर, 16 “हे नान वारटुरा,” यीशु अक बंदी माळावाळेर अगूवा यहूदा अन बारा दा पवतिरशास्त्र अन अद लेख यारी दाऊद उन बाय देल पवतिर आत्मा हापाळ पयले अच अंद वृतीत, अदुर पुरा आगोद जर्री ईरोर.

17 यतकी यहूदा रा नाम दा टु ऊंद ईरोन, अदकि ई कयाल्सा दा सहभागी आगोर साटी आऊक नविळुसकु आगीत. 18 \*आव अनयाय इन कमाई देल ऊंद केई कोंड कोंडुन, अदकि ताल्ला अन्द भार देल वदिदुन अदकि आऊन वहाट्टा वळदोत अदकि आऊन कळलपचचीगोळ होटकु बदिदोव. 19 ई मात इक यूरशलेम ईनोर सपपा ईरावाळेर अर्त कोंडुर, ईल ताका की आ केई इन हेसुर आंदुर भाषा दा हकलदमा, मतलब “खुन इन केई” बदिदोत.

20 \* “भजन संहिता अन्द कतिबा दा लखिसकु आद,”

आऊन मानना बरवाद आगेदीत;

अदकि अदुर दा याहू ईरबाळी.

अदकि आऊन पद यावारा

दुसरा ताकोम कोमुल.

21 \*इदुरसाटी यास दनि ताका प्रभु यीशु नाम सांगुळ होगूत बरत ईतूतून, मतलब यूहना अन्द बपतसिमा टु हुडुकु आऊन नाम हात्ती टु नेगासताका जो लॉकुर बराबर नाम सांगुळ ईतूतुर,

22 उचित आद की आंदुर दा टु ऊंद मळसा नाम सांगुळ प्रभु अन्द जतिता आगोद गवाह आगोतून.

23 आग आंदुर येदूह मुंदुर इक नदिरसदुर, ऊंद यूसुफ उक यार इक बरसव्वा अंदकु आगतद, आऊन दुसरा हेसुर यूसुतुस आद, दुसरा मत्तयाह अक, 24 अदकि ईद प्रार्थना माळदुर, “हे प्रभु, नी जो सपपा मुंदुरद मन अरूत्या, ईद प्रगट माळ की ई येदूह मुंदुर दा टु नी यार इक नीवळुसया, 25 ताकी आव ई सेवकाई अदकि पररति पद इन जागा ग्रहण माळ्ल, यदरी यहूदा बटिकु तान जागा अक होटोदुन.” 26 आग आंदुर तान साटी चटिटी गोळ हाकदुर, अदकि चटिटी मत्तयाह अन्द हेसुर देल होळत. इदुरसाटी आव आ हनुन पररतिगोळद सांगुळ आळुकु आदुन.

## 2

पवतिर आत्मा अन्द ईळोद

1 याग पनितेकुसूत उन दनि बंदव, “मतलब फसह अन हाब्व खतम आगतद आग टु पचासवा दनि” बत्त, रा आंदुर सपपा वशिवासी ऊंद जागा मा जमा ईरोर. 2 अचानक आकाश दी टु धोळद आंधी घाई सनसनाहट इन शब्द केळ बत्त, अदकि आ शब्द देल सपपा मानना यल आंदुर सपपा मुंदुर कुरतकु ईरोर, तुममेत. 3 अदकि आंदरी बेक्की इन घाई लयालगया हूरतेला अदकि फैलुसतेला काळसत अदकि आंदुर दा टु हर ऊंद मळसा मा बंदकुरूसत. 4 आंदुर सपपा मुंदुर पवतिर आत्मा देल तुममेदुर, अदकि या प्रकार देल आत्मा आंदरी माताळोद सामर्थ्य कोळत, आंदुर अलग-अलग भाषा दा माताळली कुरतुर.

5 आकाश इन लयालमा नोर सपपा द्याशगोळ दा टु बरावाळेर अलग-अलग प्रकार इन भाषा माताळावाळेर यहूदी भक्त आ समय यूरशलेम दा ईरतोगोर. 6 याग ईद शब्द आत रा हापाळ भीळ हत्तेत अदकि लॉकुर चकति आगोदुर, यतकी हर ऊंद मळसा अक ईंदा केळ बरतोगोद की ईंदुर नांद अच मात दा माताळेत्यार. 7 आंदुर सपपा मुंदुर चकति अदकि अचम्भति आगकु अनली कुरतुर, “नोळी, ईंदुर जो माताळेत्यार येन सपपा गलीली आल्लच? 8 रा वाक येती नाम दा टु हर ऊंद मळसा तान-तान जनम भूमी इन भाषा केळतान? 9 नाव जो पारथी अदकि मेदी अदकि एलामी अदकि मेसोपोटामिया अदकि यहूदया अदकि कपूदूकया अदकि पुनतुस अदकि आसया, 10 अदकि फूरगया अदकि पंफूलया अदकि मसितुर अदकि लीबया द्याश जो कुरेन इन आसपास आद, ई सपपा द्याश इनोर ईरावाळेर अदकि रोमी प्रवासी, 11 मतलब यहूदी अदकि यहूदी मत धारण माळावाळेर, कुरेती अदकि अरबी भी आर, लेकीन तान-तान भाषा दा आंदुर से परमेश्वर उन धोळद-धोळद कयाल्सागोळद चर्चा केळतार.” 12 अदकि आंदुर सपपा मुंदुर चकति आंदुर अदकि धवूरसकु आबुर दाबुर से अनली कुरतुर, “ईद येन आगेत्याद?”

13 लेकीन दुसरा लॉकुर मज्याक माळकु अंदुर, “आंदुर रा कुडुकु नशा दा चूर आर.”

पतरस उन बातणी

\* 1:13 1:१३ मत्ती १:०२-४; मरकुस ३:१६-१९; लूका ६:१४-१६

\* 1:18 1:१८ मत्ती २:७:३-८

\* 1:20 1:२० भजन संहिता ६९:२५, भजन संहिता

१:०९:८ \* 1:21 1:२१ मत्ती ३:१६; मरकुस १:९; लूका ३:२२; मरकुस १६:१९; लूका २४:५१

14 आग पतरस आ हनुन प्रेरतिगोळद सांगुळ नदिरदुन अदकि धोळद शबव दा अनली कुरतुन, "हे यहुदी अदकि हे यूरुशलेम इनोर सप्पा ईरावाळेर लॉकुरा, ईद अरत कोमी अदकि कवि हचकु नान मातगोळ केळी. 15 ह्यांग नीव समसेतरि; ई लॉकुर नशा दा हैलेच, यतकी ईंगल्या रा व्हातुर ईनव ऊम्बत अच मुरदाव. 16 लेकीन ईद अद मात हुन, जो परमेश्वर उन दी टु बातणी तरावाळा योएल उन द्वारा अंदकु आगीत" 17 परमेश्वर अनतान:

कॉ आखरी इन दनिगोळ दा हगि आदीत कॉ  
ना तान आत्मा सप्पा मंळसा जाती मा हाक्काईन.

अदकि नीम पारगोळ अदकि पोरगोळ  
परमेश्वर उन दी टु बातणी कोट्टार, अदकि नीम हारोदोर मंळसागोळ दर्शन नोळ्यार,  
अदकि नीम स्याणागोळ कान्सा नोळ्यार.

18 ना तान दासगोळ अदकि तान दासीगोळ मा भी  
आ दनिगोळ दा तान आत्मा दा टु हाक्काईन,  
अदकि आंदुर परमेश्वर उन दी टु बातणी कोट्टार.

19 अदकि ना म्याकुच आकाश मा अदभुत कयाल्सा  
अदकि ल्यालमा पृथवी मा चमत्कारगोळी तोरसाईन,  
मतलव खुन अदकि बेककी अदकि धुंगा अन्द बादल तोरसाईन.

20 प्रभु उन महान अदकि तेजस्वी दनि इन बरोर  
से पयले सुर्य करीद अदकि चंद्र खुन घाई कयाचांद  
आगेदीत.

21 अदकि जो यावारा परमेश्वर उन हेसुर देल प्रार्थना माळयान, आऊन उदधार आदीत.

22 हे इस्त्राएलगोळा, ई मातगोळी केळी: यीशु नासरी ऊंद मंळसा ईरोन यार्द परमेश्वर उन दी टु आगोद प्रमाण  
आ सामर्थ्य अन्द कयाल्सागोळ अदकि आश्चर्य अन्द कयाल्सागोळ अदकि चमत्कारगोळ देल प्रगट आद, जो  
परमेश्वर नीम न्याइया आऊन द्वारा माळकु तोरस्यान यदरी नीव खुद अच अरूतीर. 23 अदकि नीव आवा यीशु  
उक, जो परमेश्वर उन ठहरसद योजना अदकि पूर्व ग्यान इन अनुसार हूळसुसकु आदुन, नीव अन्यायीगोळद कय  
देल कूरुस मा येरसुसकु कोंद बुट्टीर. 24 लेकीन आऊका परमेश्वर मृत्यु उन बंधन दा टु बळिसकु जित्ता माळदुन;  
यतकी ईद अशक्य ईरोद कॉ यीशु परमेश्वर उन वश दा ईरायदुन. 25 यतकी दाऊद आऊन बारा दा अनतान,  
ना परमेश्वर उक हमेशा तान मुंद नोळतेला ईत्तीन:

यतकी आव नांद ऊम्मा कय दी आन, कॉ नान मनोबल कम आगेगवाळुल.

26 ईदा कारण नान मन खुश आत,  
अदकि नान ल्यालग्या मग्न आत;

उलटा नान मय इक भी  
आशा देल आराम सक्कीत.

27 यतकी नी नान जीव इक मृत्यु अन दुनया दा बळितीदील;  
अदकि ना तान पवतिर जनगोळी कब्रगोळ दा हुळु गोट्ट्या.

28 नी नानी जीवन इन हादी हेळ्या;  
नी नानी तान दर्शन इन द्वारा खुशी देल तुम बुट्ट्या.

29 हे वारटुरा, ना नाम पूर्वज दाऊद उन बारा दा नीम से हमिमत देल अन सकतीन कॉ आव रा सोतोदुन अदकि  
नळसकु भी आदुन लेकीन आऊन कवर ईद भी नाम अल उपस्थति आद. 30 यतकी आव परमेश्वर उन दी टु बातणी  
तरावाळा ईरोन, आव जानसोन कॉ परमेश्वर नान से हगि करिया तदिन कॉ ना नीद वंश दा टु ऊंद मंळसा अक नीन  
सहासन मा कुरसाईन; 31 आव आगावाळा मात इक पयले टु अच नोळकु मसीह अन्द जित्ता आगोद बारा दा  
भवधिष्यवाणी माळदुन कॉ ना रा आऊन जीव  
मृत्यु अन्द दुनया दा बटिकु आदीत अदकि  
ना आऊन मय हूळतति.

32 ईवा यीशु उक परमेश्वर सोततुर दा टु जित्ता माळदुन, यार्द नाव सप्पा मुंदुर गवाह आयेव. 33 ई प्रकार आव  
नेगुकु आदुन अदकि परमेश्वर उन उजवा कय देल सर्वोच्च पद ताकोमकु, अदकि आपप से अद पवतिर आत्मा हासलि  
माळकु यदुद वादा माळकु आगीत, आव ईद रचिस बुटान जो नीव नोळतीर अदकि केळतीर. 34 यतकी दाऊद रा  
स्वर्ग मा येरीदलि; लेकीन आव खुद अनतान,  
प्रभु नान परमेश्वर से अंदुन,  
नान ऊमा कय दी कुर,

35 यागासताका कॉ ना नीन से दुश्मनी ईटावाळेर इक नीन काल दशिी तनकु आंदरी नीन काल इन आशन माळ  
कोमालीन.

36 "इदुरसाटी ईंग इस्त्राएल इन सप्पा घराना नश्चिति रूप देल अरत कोमुल कॉ परमेश्वर आवा यीशु अक यारी  
नीव कूरुस मा येरसदरि, प्रभु भी ठहरसदुन अदकि मसीह भी."



37 आग केळावाळेर मन तुममेदव, अदकि आंदुर पतरस अदकि मक्कि कुप्रेरतिगोळ से केळली कुरतुर, "हे वारटुरा, नाव येन माळेव?"

38 पतरस आंदुर से अंदुन, "मन तरिगुसी, अदकि नीम दा टु हर ऊंद मंळसा तान-तान पापगोळद माफ अनद साटी यीशु मसीह अनद हेसुर देल वपतसिमा ताकोम; रा नीमी पवतिर आत्मा अनद दान सकिकीत. 39 यतकी ईद वादा नीम, अदकि नीम औलादगोळ, अदकि आ सप्पा दुर-दुर इन लॉकुर साटी भी हुन यारी प्रभु नाम परमेश्वर तान हातती कारस्यान."

40 आव मातूत हापाळ मातगोळ देल भी गवाही कोट कोटकु समजूसदुन कि "तान-तान इक ई बेकार पीढी देल ऊळसकु ईटी." 41 इदुरसाटी यार आऊन वचन ग्रहण माळदुर आंदुर वपतसिमा ताकोडुर; अदकि अदा दशी मुर हजार मंळसागोळ हाततीपास आंदुरदा जमा आगदुर. 42 अदकि आंदुर प्रेरतिगोळ से शकिषा ताकोमली, अदकि संगत ईटली, अदकि भोजन माळली, अदकि प्रार्थना माळदुर दा मग्न ईरतोगोर.

वशिवासीगोळद जीवन

43 अदकि सप्पा लॉकुर मा अंजक तुममेत, अदकि हापाळ सा अदभूत क्याल्सा अदकि चमत्कार प्रेरतिगोळ द्वारा प्रगट आगतोगोव. 44 अदकि सप्पा वशिवास माळावाळेर ऊंदा ऊज्या जमा ईरतोगोर, अदकि आंदुर सप्पा वस्तुगोळ गुट दा ईरव. 45 आंदुर तान-तान संपत्तति अदकि सामान मार मारकु यार्द ह्यांग जरवत ईरतोगोद वाटसतोगोर. 46 आंदुर हर दशी ऊंद मन आगकु मंदिर दा ऊंदा ऊज्या जमा आगतोगोर, अदकि मानोन मान्नी खुशी अदकि पवतिर मन देल ऊमतोगोर, 47 अदकि परमेश्वर उन सत्तति माळतोगोर, अदकि सप्पा लॉकुर आंदुर से खुश ईरोर: अदकि यारी उद्धार सकितोगोद, आंदरी प्रभु हर दशी आंदुर दा जमा माळ वुळतोगोन.

### 3

लंगळा भीख वेळावाळा अनद वळलीद आगोद

1 पतरस अदकि यूहन्ना मदणी अनद मुर मुरा प्रार्थना अनद होती आंदुर म्याकुच मंदिर दी होगोर. 2 अदकि लॉकुर ऊंद पैदायसी लंगळा अक तरोर, यारी आंदुर रोज मंदिर इन आ दरवाजा मा यदरी सुंदर अंदकु आगतद, कुरस वुळतोगोर कि आव मंदिर दा होगावाळेर से भीख वेळ सकूल. 3 याग आव पतरस अदकि यूहन्ना अक मंदिर दा होगूत नोळदुन, रा आंदुर से भीखा वेळदुन. 4 पतरस यूहन्ना अनद सांगुळ आऊन दी ध्यान देल नोळकु अंदुन, "नाम दी नोळ!" 5 इदुरसाटी आव आंदुर से येनारा ताकोमोद लालसा ईटतेला आंदुर दी तार हचकु नोळली कुरतुन. 6 लेकीन पतरस अंदुन, "वहान्ना वेळली रा नान हाती हैलेच, लेकीन जो नान हाती आद अद नीनी कोळतीन; यीशु मसीह नासरी इन हेसुर देल नळु अदकि ओयाळ." 7 अदकि पतरस आऊन ऊमा कय हुडुक् आऊक नेगदुन; अदकि तुरन्त आऊन कालगोळ अदकि टवांगरागोळ दा जोर होट वत्त. 8 आव यदकु नदिरदुन अदकि नळुली कुरतुन; अदकि नळुतेला, हारतेला अदकि परमेश्वर उन सत्तति माळतेला आंदुर सांगुळ मंदिर दा होदुन. 9 सप्पा लॉकुर आऊक नळुत टटाळत अदकि परमेश्वर उन सत्तति माळत नोळकु, 10 आऊक अरत कौडुर कि ईव आवा हुन जो मंदिर इन सुंदर फाटक मा कुरतकु भीखा वेळतोगोन; अदकि आ घटना देल जो आऊन सांगुळ आगीत आंदुर हापाळ अचमभति अदकि चकति आंदुर.

मंदिर दा पतरस उन उपदेश

11 याग आव पतरस अदकि यूहन्ना अक हुडुक् ईरोन, रा सप्पा लॉकुर हापाळ आशचर्य माळतेला आ छपर्या दा यदरी सुलैमान उन छपर्या अंदकु आगतद, आंदुर हाती ओळतेला बंदुर. 12 ईद नोळकु पतरस लॉकुर से अंदुन, "हे इस्त्राएलगोळा, नीव ई मंळसा मा येती आशचर्य माळतीर, अदकि नाम दी हगि येती नोळतीर जसा नाव अच तान सामरथ्य या भक्ती देल ईऊक नळोद अदकि टेटाळोद लायक माळ बुटेव. 13 अब्राहम अदकि इसहाक अदकि याकूब उन परमेश्वर, नाम आपप दादागोळ परमेश्वर तान सेवक यीशु उन महमा माळदुर, यारी नीव हुळसुस बुट्टीर, अदकि याग पलितुस आऊक बळोद वचारि माळदुन, आग नीव आऊन मुंद आऊन इनकार माळदीर. 14 नीव आ पवतिर अदकि न्यायी मंळसा अनद इनकार माळदीर, अदकि वनिती माळदीर कि ऊंद हद्वयारा अक नीम साटी बटिकु आगेगुल; 15 अदकि नीव जीवन इन करता धरता अक कौद बुट्टीर, यारी परमेश्वर सोत्तुर दा टु जित्ता माळदुन; अदकि ई मात इन गवाह नाव आयेव. 16 अदकि आऊंदा हेसुर, आ वशिवास इन द्वारा जो आऊन हेसुर मा आद, ई मंळसा अक यारी नीव नोळतीर अदकि अरूतीर सामरथ्य कोटान. अदा वशिवास जो आऊन द्वारा आद, ईऊक नीम सप्पा मुंदुर मुंद बलिकुल भला चंगा माळ बुटान.

17 "इंग हे वारटुरा, नानी मालुम आद कि ईद क्याल्सा नीव अग्यानता दा माळदीर, अदकि हांगा नीम अधकिरीगोळ भी माळदुर. 18 लेकीन याता मातगोळी परमेश्वर सप्पा भवषियवक्तागोळ बाय देल पयले अच हेळ बुटीदुन, कि आऊन मसीह दुख नेगदान, अवरी आव ई रीत देल पुरा माळदुन. 19 इदुरसाटी, मन तरिगुसी अदकि वापस बरी कि नीम पाप माफ माळकु आदव, 20 ताकी आत्मकिता शांती इन समय प्रभु उन देल बरूल अदकि आव यीशु अक कळल जो नीम साटी पयले टु ना मसीह ठहर्सकु आग्यान, 21 जरी आव कि आव स्वर्ग दा आ समय ताका ईरूल यागासताका कि आव सप्पा मातगोळद सुधार माळ कोमालुन यदुरद चरचा स्याणा लॉकुर काल टु परमेश्वर तान पवतिर भवषियवक्तागोळ बाय देल माळयान. 22 \* ह्यांग कि मूसा अंदुन, प्रभु परमेश्वर नीम वारदुर दा टु नीम

\* 2:44 2:२६ प्रेरतिगोळ १:३२-३५

\* 3:14 ३:१६ मत्ती २७:१५-२३; मरकुस १५:६-१६; लुका २३:१३-२३; यूहन्ना १९:१२-१५

\* 3:22 ३:२२

साटी नान घाई ऊंद भवषियवक्ता पैदा माळयान, जो येनारा आव नीम से अंदान, नीव आऊन केळी. <sup>23</sup> लेकीन हर ऊंद मळसा जो आ भवषियवक्ता अनंद केळतीदलि, परमेश्वर उन लॉकुर दा टु वयार माळकु नाश माळकु आदान. <sup>24</sup> अदकि शमूएल इन हात्ती टु हुडुकु रा आऊन बादवाळेर ताका यास भवषियवक्ता माताळदुर आ सपपा ई दनिगोळ बारा दा बातणी कोटार. <sup>25</sup> नीव भवषियवक्तागोळ औलाद अदकि आ वादा अन भागी हुईर, जो परमेश्वर नीम आपप दादागोळ से कटदुन, याग आव अब्राहम से अंदुन, नीन घराना अनंद द्वारा पृथ्वी इन सपपा लॉकुरी आरशवािद सकिकीत. <sup>26</sup> परमेश्वर तान सेवक उक नेगुकु पयले नीम हात्ती कळदुन, क नीम दा टु हर ऊंद मळसा अक आऊन बुराईगोळ देल तरिगुसकु आरशवािद कोळुत.”

## 4

महासभा अन मुंद पतरस अदकि यूहन्ना

<sup>1</sup> याग पतरस अदकि यूहन्ना लॉकुर से ईद अनोर, रा याजक अदकि मंदरि इन रखवाली माळावाळेरद शासक अदकि सद्की आंदुर मा येरकु बंदुर. <sup>2</sup> यतकी आंदुर हापाळ सट्टी बंदुर क पतरस अदकि यूहन्ना लॉकुरी उपदेश कोळतेना यीशु उन सोत्तुर दा टु जतिता आगोद द्वारा अदकि यीशु उन उदाहरण कोट कोटकु सोत्तुर दा टु जीत्ता आगोद प्रचार माळतोगोर. <sup>3</sup> आंदुर आंदरी हुडुकु दुसरा दिन ताका जयल दा ईटदुर यतकी द्याव मुळकेगति. <sup>4</sup> लेकीन वचन इक केळावाळेर दा टु हापाळ मुंदुर वशिवास माळदुर, अदकि आंदुर गनिती अईद हजार मळसागोळद हात्तीपास आगेत.

<sup>5</sup> दुसरा दशिी यरूशलेम दा यहूदी अधिकारीगोळ अदकि स्याणा लॉकुर अदकि न्यायशास्त्र अनंद गुरगोळ, <sup>6</sup> अदकि महायाजक हन्ना अदकि कैफा अदकि यूहन्ना अदकि सकिन्दर अदकि यास महायाजक इन घराना नोर ईरोर, सपपा यरूशलेम दा जमा आदुर. <sup>7</sup> आंदुर पतरस अदकि यूहन्ना अक न्याड्या नदिरसकु केळली कुरतुर क “नीव ईद कयालसा याता सामरथ्य देल अदकि याता हेसुर देल माळीर.”

<sup>8</sup> आग पतरस पवतिर आत्मा देल परपूरण आगकु आंदुर से अंदुन, “हे लॉकुरदव अधिकारी अदकि स्याणा लॉकुरा. <sup>9</sup> ई लंगळा मळसा अनंद सांगुळ जो भलाई माळकु आग्याद, अगर ईद नाम से आऊन बारा दा केळकु आगतद, क आव ह्यांग वळ्लेव आदुन. <sup>10</sup> रा नीव सपपा अदकि पुरा इस्त्राएली लॉकुर जानस कोमी क यीशु मसीह नासरी इन हेसुर दा जो सामरथ्य आद अदुर द्वारा ई लंगळा मळसा नीम मुंद भला चंगा नदिरकु आन, या यीशु अक नीव कुरस मा येरसदरि, अदकि परमेश्वर सोत्तुर दा टु जतिता माळदुन. <sup>11</sup> शास्त्र दा लखिसकु आद, ईव यीशु अदा कलल हुन यारी नीव राजमसितरीगोळ बेकार मानसदरि अदकि आव हापाळ महत्वपूरण कलल आगेदुन.

<sup>12</sup> यावारा दुसरा अनंद द्वारा उदधार ईला; यतकी स्वर्ग इन ल्यालमा मळसागोळ दा अदकि यातोदु दुसरा हेसुर कोटकु आगीदील, यार्द द्वारा नामी उदधार सकिल.”

<sup>13</sup> याग आंदुर पतरस अदकि यूहन्ना अनंद हम्मिमत नोळदुर, अदकि ईद अरतुर क इंदुर अनपद अदकि साधारण मळसा आर, रा आशचर्य माळदुर; बाक आंदरी अरतुर, क इंदुर यीशु उन सांगुळ ईतार. <sup>14</sup> आ लंगळा मळसा अक जो वळ्लेव आगीदुन, पतरस अदकि यूहन्ना अनंद सांगुळ नदिरत नोळकु, आंदुर वरिध दा येनु अन सकदील. <sup>15</sup> लेकीन आंदरी सभा अनंद व्हार्या होगोद आग्या कोटकु, आंदुर तांदुर दा वचिार माळली कुरतुर, <sup>16</sup> अदकि अनली कुरतुर, “नाव ई मळसागोळ सांगुळ येनायाद? यतकी यरूशलेम इन सपपा ईरावाळेर मा प्रगट आद, क इंदुर द्वारा ऊंद प्रसदिध चमत्कार तोरसकु आग्याद, अदकि नाव अदुरद इनकार माळ सकालेव. <sup>17</sup> इदुरसाटी क ई मात लॉकुर दा मातत यककुल फैलुस बाळुल, नाव आंदरी धमकुसेव, क आंदुर यीशु उन हेसुर देल बाक यातोदु मळसा से मातगोळी हेळतीदील.”

<sup>18</sup> आग आंदुर पतरस अदकि यूहन्ना अक कारदुर अदकि चेतावनी कोटकु ईद अंदुर, “यीशु उन हेसुर देल येनु अच माताळ बाळेतीर अदकि कलस बाळेतीर.” <sup>19</sup> लेकीन पतरस अदकि यूहन्ना आंदरी उत्तर कोटदुर, “नीवा न्याय माळी; येन ईद परमेश्वर उन नजर दा भला आद क नाव परमेश्वर उन मात से यककुल नीम मात केळेव. <sup>20</sup> यतकी ईद रा नाम से आगसकाल क जो नाव नोळेव अदकि केळेव, अद अनतीदलि.” <sup>21</sup> आग आंदुर आंदरी मातत यककुल धमकी कोटकु बटि बुटुर, यतकी आंदरी समझ दा बंददील क आंदरी ह्यांग दण्ड कोटदेव, यतकी जो घटना आगीत अदुर कारण सपपा लॉकुर परमेश्वर उन बळाई माळतोगोर. <sup>22</sup> आ लंगळा मळसा, यार मा ईद चंगाई इन चमत्कार तोरसकु आगीत, चालीस साल से यककुल उमर ईनव ईरोन.

वशिवासीगोळद साटी हम्मिमत इन प्रारथना

<sup>23</sup> पतरस अदकि यूहन्ना बटिकु तान संगीगोळ हात्ती बंदुर, अदकि जो येनारा प्रधान याजकगोळ अदकि स्याणा लॉकुर आंदुर से अंदीदुर, आंदरी केळस बुदुर. <sup>24</sup> ईद केळकु वशिवासीगोळ ऊंद मन आगकु धोळद आवाज देल परमेश्वर से अंदुर, हे स्वामी, नी आवा हुय याव स्वर्ग अदकि पृथ्वी अदकि समुद्र अदकि जो येनारा अऊदा आद माळ्या. <sup>25</sup> नी पवतिर आत्मा अन द्वारा तान सेवक नाम पुर्वज दाऊद उन बाय देल अंद, गैयहूदीगोळ हल्ला येती मचसदुर? अदकि द्याश-दयाश इन लॉकुर

येती बनिा मतलब इन मातगोळद वचिार माळदुर?

<sup>26</sup> प्रभु अदकि आऊन मसीह अनंद वरिध दा

पृथ्वी इन राजा नदिरदुर,

अदकि अधकारीगोळ ऊंद सांगुळ जमा आगेदुर.

27 यतकी खराखुरा नीन पवतिर सेवक यीशु उन खलिाप दा, यार्द नी अभषिक माळद, हेरोदेस अदकि पुनतयिस पलितासु भी गैरयहूदीगोळ अदकि इस्त्राएलीगोळ सांगुळ ई नगर दा जमा आदुर, 28 आंदुर जमा आदुर यतकी नीन ताकत अदकि इच्छा अन अनुसार जो येनारा पयले अच नश्चिति आगोगीत अद पुरा आगुल. 29 ईग हे प्रभु, आंदुर धमकीगोळी नोळ; अदकि तान दासगोळी ईद इजाजत कोळ कफि नीन वचन हापाळ हमिमत देल केळसुल. 30 चंगा माळोर साटी नी तान कय मुंद माळ कफि चमत्कार अदकि अदभुत कयाल्सा नीन पवतिर सेवक यीशु उन हेसुर देल माळकु आगुल.

31 याग आंदुर प्रारथना माळ कोंडुर, रा अद जागा यल आंदुर जमा ईरोर हालुसेत, अदकि आंदुर सप्पा मुंदुर पवतिर आत्मा देल परपिरण आगेदुर, अदकि परमेश्वर उन वचन हमिमत देल केळसतेला ईततुर.

वशिवासीगोळद एकता अन जीवन

32 वशिवास कळावारळेद मंडली ऊंद चतित अदकि ऊंद मन इन ईरोद, ईल ताका कफि यावारा भी तान धन सम्पत्ता तान ईला अनतोगोन, लेकीन सप्पा येनारा गुट दा ईरोद. 33 प्रेरति वळा सामरथय देल परभु यीशु उन जित्ता आगेद गवाही कोळत ईततुर अदकि आ सप्पा मुंदुर मा हापाळ अनुगारह ईरोद. 34 आंदुर दा याऊ भी गरीव वेळावाळा ईला ईरोन; यतकी यार्द हात्ती जागा अदकि माननागोळ ईरव, आंदुर अवरी मार-मोटकु, मारद वस्तुगोळद दाम तरोर, 35 अदकि अवरी प्रेरतिगोळद कालगोळ मा ईटतोगोर; अदकि ह्यांग यारी जरवत ईरतोगोद, अदुर अनुसार हर ऊंद मळसा अक कोट वुळतोगोर.

36 यूसुफ हेसुर ईनव साइप्रस नगर इन ऊंद लेवी ईरोन यार्द हेसुर प्रेरतिगोळ बरनवास मतलब हमिमत कोळावाळा ईटीदुर. 37 आऊन थवाळासा जागा जमीन ईरोद, यदरी आव मारदुन, अदकि दाम इन पैस्या तनकु प्रेरतिगोळद कालगोळ मा ईट बुटुन.

## 5

हनन्याह अदकि सफीरा

1 हनन्याह हेसुर इन ऊंद मळसा ईरोन, अदकि आव तान हगिस सफीरा अन सांगुळ तान थवाळासा जागा मारदुन. 2 अदकि आव आ जागा अन दाम दा टु थवाळासा पैस्या ईट बुटुन; अदकि ईद मात आऊन हगिस भी जानसोर, अदकि अदुर मगिद भाग तनकु प्रेरतिगोळद कालगोळ मुंद ईट बुटुन. 3 पतरस अंदुन, “हे हनन्याह! शैतान नीन मन दा ईद मात ह्यांग हाकत कफि नी पवतिर आत्मा से खवाटा माताळया, अदकि जागा अन दाम दा टु येनारा ईट्या? 4 यागासताका अद नीन हात्ती ईतत, येन अद जागा अपमान ईतीदील? अदकि याग अद मारेत रा येन अदुर कमित नीन अधकारि दा ईला ईरोद? अदकि नी ई मात इन तान मन दा येती बचिर माळद? नी मळसागोळ से ईला, लेकीन परमेश्वर से खवाटा माताळद.” 5 ई मातगोळ केळकु हनन्याह बदिदुन अदकि जीव बटि बुटुन, अदकि सप्पा केळावाळेर मा धोळद अंजक तुम्मेत. 6 बाक हारोद मळसागोळ यदकु आऊन सकोली तयार माळदुर अदकि आऊन लाश व्हाऱ्या ओतकु नळस बुदुर.

7 लगभग मुर तास इन बाददा आऊन हगिस, जो येनारा आगीत ईला जानसकु, वुळक बंदुर.

8 आग पतरस आकनि से अंदुन, “नानी हेळ येन नीव अद जागा इटुर दा अच मार बुटीदीर?” आक अंदुर, “हव, इटुर दा अच.”

9 पतरस आकनि से अंदुन, “ईद येन मात हून कफि नीव येदुदु मुंदुर परभु अनद आत्मा अन परीक्षा साटी ऊंद मन माळदीर? नोळ, नीन गांडड उक नळसावाळेर दरवाजा मा अच नदिरकु आर, अदकि नीनी भी व्हाऱ्या ओतार.”

10 आग आक तुरन्त आऊन कालगोळ मा बदिदुर, अदकि सोतोदुर; अदकि हारोद मळसागोळ वुळक बंदकु आकी सोतकु नोळदुर, अदकि व्हाऱ्या वोटकु आकनि गांडड उन हात्ती नळस बुदुर. 11 सप्पा मंडली मा अदकि ई मातगोळद सप्पा केळावाळेर मा धोळद अंजक तुम्मेत.

चमत्कार अदकि अदभुत कयाल्सा

12 प्रेरतिगोळद कयगोळ देल हापाळ चमत्कार अदकि अदभुत कयाल्सा लॉकुर न्याड्या दा तोरसकु आगतोगोव, अदकि आंदुर सप्पा ऊंद मन आगकु सुलेमान उन छप्र्या दा जमा आगतोगोर. 13 लेकीन हापाळ दा टु यारीकु ईद हमिमत ईला आगतोगोद कफि आंदुर दा होगकु मलुसेव; तरी लॉकुर आंदुरद वळाई माळतोगोर. 14 वशिवास माळावाळेर हापाळ सा मळसा अदकि आऱेर मंडलीगोळ दा धोळद संख्या दा सकित ईततुर. 15 ईल ताका कफि लॉकुर बमारगोळी सळकगोळ मा तन तनकु, व्हूसगोळ मा मगिस बुळतोगोर कफि याग पतरस बंदान, रा आऊन सावली अच आंदुर दा टु यारदारा मा बदिगुल. 16 यूरूशलेम इन आसपास इन नगरगोळ से भी हापाळ लॉकुर बमारगोळ अदकि अशुध्द आत्मागोळद सतुसद लॉकुरी तन तनकु, जमा आगतोगोर, अदकि सप्पा वळ्लेर माळकु आगोर.

प्रेरतिगोळद गरिफ्तारी

17 आग महायाजक अदकि आऊन सप्पा संगी जो सदकीगोळद पंथ नोर ईरोर, जलनखोरी देल तुम्मेदुर. 18 अदकि प्रेरतिगोळी हुडकु बंदीगूह दा बंद माळ बुदुर. 19 लेकीन ईळ्ल इक परभु उन ऊंद स्वर्गदूत बंदीगूह अनद दरवाजा

तेरकु आंदरी व्हाण्या तनकु अंदुन, <sup>20</sup> “होगी, मंदरि दा नदिरकु ई व्हाशोद जीवन इन सपपा मातगोळ लॉकुरी केळसी.” <sup>21</sup> आंदुर ईद केळकु व्हातुर आगतेला अच मंदरि दा होगकु शकिसा कोळली कुरतुर.

लेकीन महायाजक अदकि आऊन साथीगोळ बंदकु इस्त्राएलगोळ सपपा स्याणा लॉकुरद पुरा सभा अक जमा माळदुर, अदकि बंदीगूह दा बातणी कळदुर क आंदरी तरूल. <sup>22</sup> लेकीन अधिकारीगोळ अल पोहचुसकु आंदरी बंदीगूह दा नोळीदील, अदकि वापस बंदकु बातणी कोट्टुर, <sup>23</sup> “नाव बंदीगूह अक हापाळ सावधानी देल बंद माळकु, अदकि पहरेदारगोळी व्हाण्या दरवाजागोळ मा नदिरकु नोळदेव; लेकीन याग तेरदेव, रा बुळक याऊ सकिकीदील.” <sup>24</sup> याग मंदरि इन सरदार अदकि प्रधान याजक ई मातगोळी केळदुर, आंदरी समझ दा बंदीदरलि क प्रेरतिगोळद येन आत अदकि ईंग येन आदीत! <sup>25</sup> ईदुर दा यावारा बंदकु आंदरी हेळदुन, “नोळी, यारी नीव बंदीगूह दा बंद ईटीदीर, आ मंळसागोळ मंदरि दा नदिरकु लॉकुरी शकिसा कोळत्यार.” <sup>26</sup> आग सरदार, अधिकारीगोळ सांगुळ होगकु, आंदरी तंदुन, लेकीन ताकत देल ईला, यतकी आंदुर लॉकुर से अंजतोगोर क नाम मा पथराव माळबाळुल.

<sup>27</sup> आंदुर प्रेरतिगोळी तनकु महासभा अन्द मुंद नदिरस बुदुर; अदकि महायाजक आंदुर से पूळताळ माळदुन, <sup>28</sup> “येन नाव नीमी कठोर आग्या कोटीदील क नीव ई हेसुर देल शकिसा कोळ बाळेतोर? तरी भी नोळी, नीव सपपा यरूशलेम इक तान शकिसा देल तुम बुट्टीर अदकि आ मंळसा अन्द खुन नाम कुतक्या मा तरोद चाहासतीर.”

<sup>29</sup> आग पतरस अदकि दुसरा प्रेरतिगोळ उत्तर कोट्टुर, “मंळसागोळद आग्या से वाळुसकु परमेश्वर उन आग्या अन्द पालन माळोद अच नाम्द करतव्य आद. <sup>30</sup> नाम आप्प दादागोळद परमेश्वर यीशु उक सोततुर दा टु जतिता माळदुन, यारी नीव कूस मा येरसकु कोंद बुटीदीर. <sup>31</sup> आऊक अच परमेश्वर शासक अदकि उदधारकरता ठहूसकु, तान ऊमा कय मा नेगद बुट्टुन, क आव इस्त्राएलगोळी मन तरिगुसोद ताकत अदकि पापगोळद माफ प्रदान माळुल. <sup>32</sup> नाव ई मातगोळ गवाह आयेव अदकि हांगा पवतिर आत्मा भी, यारी परमेश्वर आंदरी कोटान जो आऊन आग्या मानसतार.”

<sup>33</sup> ईद केळकु आंदुर सट्टी होट बंदुर, अदकि प्रेरतिगोळी कोंद बुळोद चाहासदुर. <sup>34</sup> लेकीन गमलीएल हेसुर इन ऊद फरीसी जो व्यवस्था अन शकिसक अदकि सपपा लॉकुर दा मानवाईक ईरोन, न्याय सभा दा नदिरकु प्रेरतिगोळी धवाळासा समय इन साटी व्हाण्या माळोद आग्या कोट्टुन. <sup>35</sup> आग आव अंदुन, “हे इस्त्राएलगोळा, नीव जो येनारा ई मंळसागोळ सांगुळ माळोद चाहासतीर, सोच वचिर माळकु माळेतोर. <sup>36</sup> यतकी ई दनिगोळ से पयले थयिदास ईद अनतेला अच वदिरोह अन्द झंडा नेगदीदुन, क ना भी येनारा आईन; अदकि कम से कम नाक सौ मंळसा आऊन सांगुळ आगोदुर, लेकीन आव कोनुसकु आदुन अदकि यास लॉकुर आऊक मानसतोगोर, सपपा ततिर बतिर आदुर अदकि मटिसेदुर. <sup>37</sup> आदुर बाददा जनगणना अन्द दनिगोळ दा गलील दा ईरावाळा यहूदा वदिरोह दा ताल्ला नेगदुन, अदकि धवाळासा लॉकुरी तान दी माळ कोंडुन; अदकि आव भी नाश आगेदुन अदकि यास लॉकुर आऊक मानसतोगोर, सपपा ततिर बतिर आगेदुर. <sup>38</sup> इदुरसाटी ईंग ना नीम से अनतीन, ई मंळसागोळ से दुर अच ईरी अदकि इंदरी होगोळी; यतकी अगर ईद न्याय या कयाल्सा मंळसागोळ दी टु आद आग रा मटिसेदीत; <sup>39</sup> लेकीन अगर परमेश्वर उन दी टु आद, रा नीव आंदरी यागलु मटिस सकतीदरलि. ईलाग हांगि आगवाळुल क नीव परमेश्वर से भी लळुसावाळेर ठहूसी. आग सभा अन लॉकुर गमलीएल उन मात मानस कोंडुर.” <sup>40</sup> अदकि प्रेरतिगोळी कारसकु वळसुसदुर; अदकि ईद आदेश कोटकु बटि बुदुर क यीशु उन हेसुर देल बाक यातोदु मात माळबाळेतोर. <sup>41</sup> प्रेरतिगोळ ई मात देल खुश आगकु महासभा अन्द मुंदु टु अनतेला होटोदुर, क नाव यीशु उन हेसुर इन साटी अपमानीत आगोद लायक रा ठहूसदेव. <sup>42</sup> आंदुर रोज मंदरि दा अदकि मानोन मान्नी लगतार खुशखबरी इन प्रचार माळतोगोर अदकि कलसतोगोर क यीशु उच मसीह हुन.

## 6

### येळ सेवक

<sup>1</sup> आ दनिगोळ दा चेलागोळद संख्या हापाळ वाळुसली कुरत, आग गैरयहूदी भाषा माताळावाळेर इब्रानी भाषा मातावाळेर मा कूळकाळ माळली हतदुर, क रोज इन दान दा नाम रॉडयागोळद बारा दा वचिर माळकु आगालुद. <sup>2</sup> आग आ हन्नेळ प्रेरतिगोळ चेलागोळद मंडली इक तान हात्ती कारूकु अंदुर, “ईद ठीक हलैच क नाव परमेश्वर उन वचन बटिकु तनिसदुर कुळसदुर स्यावा दा ईत्तेव. <sup>3</sup> इदुरसाटी हे वारटुरा अदकि आकतींगेरा, तान दा टु येळ मानवाईक मंळसागोळी जो पवतिर आत्मा अदकि बुद्धी देल परपिरण आर, नविळुस कोमी, क नाव आंदरी ई कयाल्सा मा ठहूस बुटेव. <sup>4</sup> लेकीन नाव रा प्रार्थना दा अदकि वचन केळसोद सेवकाई दा हतकु ईत्तेव.”

<sup>5</sup> ईद मात सपपा मंडली इक वळलीद हत, अदकि आंदुर सतफिनस हेसुर इन ऊद मंळसा अक जो वशिवास अदकि पवतिर आत्मा देल परपिरण ईरोन, अदकि फलिपिपुस, अदकि पुरुखूस, अदकि नीकानोर, अदकि तीमोन, अदकि परमनास, अदकि अनताकयिया वासी नीकुलाउस उक जो यहूदी मत दा होट्ट बंदीदुन, नीवळुस कोंडुर. <sup>6</sup> इंदरी प्रेरतिगोळद मुंद नदिरसदुर अदकि आंदुर प्रार्थना माळकु आंदुर मा कय ईददुर.

<sup>7</sup> परमेश्वर उन वचन फैलुस्तेला होत अदकि यरूशलेम दा चेलागोळ गनिती हापाळ वाळुसेत; अदकि याजकगोळद ऊद धोळद समाज ई मत इक मानसावाळा आगेत.

सतफिनस उन गरिफ्तारी

8 स्तफिनुस अनुग्रह अदकि सामर्थ्य देल परंपुरण आगकु लॉकुर दा धोळ धोडडेव अदभूत कयाल्सा अदकि चमत्कार तोरसतोगोन. 9 आग आ सभागूह दा टु जो लबिरितीन इन कहलुसतोगोद, अदकि कुरेनी अदकि सकिन्दरया अदकि कलिकिया अदकि आसया अन लॉकुर दा टु थवाळासा लॉकुर यदकु स्तफिनुस से झगळा माळली हतदुर. 10 लेकीन आ गयान अदकि आ आत्मा अन्द यार देल प्रेरति आगकु स्तफिनुस मातगोळी माळतोगोन, आंदुर सामना माळ सकदील. 11 इदुर मा आंदुर थवाळासा लॉकुरी भळकुसदुर जो अनली कुरतुर, “नाव ईऊक मूसा अदकि परमेश्वर उन वरिध दा तरिसकार इन मातगोळी अनतेला केळेव.” 12 अदकि लॉकुर अदकि स्याणागोळ अदकि शास्त्रीगोळी भळकुसदुर अदकि आंदुर आऊक हुडकु महासभा दा तंदुर. 13 अदकि खवाटा गवाह नदिरूसदुर, आंदुर अंदुर, “ईव मळसा ई पवतिर जागा अदकि व्यवस्था अन्द वरिध दा माताळोद बळालुन. 14 यतकी नाव आऊक ईद अनतेला केळेव कि ईवा यीशु नासरी ई मंदिर इक केळ्द बुट्टान, अदकि आ रीतीगोळी बदलुस बुट्टान जो मूसा नामी सोपस्यान.” 15 आग सप्पा लॉकुर जो सभा दा कुरतकु ईरोर, स्तफिनुस मा नजर हाकदुर रा आऊन बाय स्वर्गादूत उन घाई नोळदुर.

## 7

स्तफिनुस उन भाषण

1 आग महायाजक स्तफिनुस से अंदुन, “येन ई मातगोळ सही आव?”

2 स्तफिनुस अंदुन, “हे वार्दुरा, अदकि आप्पगोळा केळी. नाम स्याणा अब्राहम हारान द्याश दा कुरोर से पयले मेसोपोटामिया दा ईरोन; रा तेजोमय परमेश्वर आऊक दर्शन कोट्टुन, 3 अदकि आऊन से अंदुन, नी तान द्याश अदकि तान कुट्टुम्व टु होटकु आ द्याश दा होग, यदरी ना नीनी तोरसाईन.” 4 आग आव कसदयागोळ द्याश दा टु होटकु हारान द्याश दा होगकु कुरतुन. अब्राहम उन आप्प उन सोतुतु बाददा परमेश्वर आऊक अल टु ई द्याश दा तनकु कुरसदुन यदुरदा ईग नीव कुरतीर, 5 अदकि आऊक येनारा मीरास मतलब काल ईटली भी आऊक जागा कोटीदील, लेकीन वादा माळदुन कि ना ईद द्याश नीद अदकि नीन बाददा नीन वंश इन कय दा माळ बुळाईन; लेकीन आ समय आऊन यातोदु औलाद भी ईला ईरोद. 6 अदकि परमेश्वर ईद अंदुन, “नीन औलाद इन लॉकुर दुसरा द्याश दा परदेशी आदार, अदकि लॉकुर आंदरी दास माळ्यार अदकि नाक सौ वर्ष ताका सतुसकु आदार.” 7 वाक परमेश्वर अंदुन, “या राष्ट्र इन आंदुर दास आदार, आंदरी ना दण्ड कोळाईन, अदकि इदुर बाददा आंदुर होटकु ईदा जागी नान स्यावा माळ्यार.” 8 अदकि परमेश्वर आऊन से खतना अन्द वादा माळदुन; अदकि ईदा दशा दा इसहाक आऊन से पैदा आदुन अदकि आऊन जनम इन बाददा आठवा दशी आऊन खतना माळकु आत; अदकि इसहाक से याकूब पैदा आदुन अदकि याकूब से हन्नेळ पारगोळ पैदा आदुर ईदुरद भी खतना माळकु आत आंदुर नाम कुलपती बनसदुर.

9 “कुलपतगोळ यूसुफ से जलन माळकु आऊक मसित्तर द्याश होगावाळेर इक मारदुर. लेकीन परमेश्वर आऊन सांगूळ ईरोन, 10 अदकि आऊक आऊन सप्पा दुखगोळ देल बळिसकु मसित्तर अन्द राजा फरीन उन नजर दा अनुग्रह अदकि बुद्धी प्रदान माळदुन, अदकि आव आऊक मसित्तर मा अदकि तान सप्पा मानुना मा शासक नयिकुत माळदुन. 11 आग मसित्तर अदकि कनान इन सप्पा द्याश दा अकाल बलित्त; यदुर देल भारी दुखगोळ बंदव, अदकि नाम आप्प दादागोळी तनिली ईला सकितोगोद. 12 लेकीन याकूब ईद केळकु कि मसित्तर द्याश दा अनाज आद, नाम आप्प दादागोळी पयला घन कळ्दुन. 13 दुसरा घन यूसुफ खुद इक तान वारदुर मा प्रगट माळदुन अदकि यूसुफ उन जाती फरीन उक मालूम आगेत. 14 आग यूसुफ तान आप्प याकूब अदकि तान सप्पा कुट्टुम्व इक, जो पच्यात्तर मळसा ईरोर, बातणी कळ्दुन. 15 आग याकूब मसित्तर दा ल्यालमा होदुन; अदकि अल आव अदकि आऊन चिकोर सोतोदुर. 16 आंदुर लाश शकम नगर दा पोहचुसकु आ कबर दा ईटकु आदव, यारी अब्राहम चांदी इन सकिका कोटक शकम दा हमोर उन औलाद से कोडीदुन.

17 “लेकीन याग आ वादा अन्द पुरा आगोद घळी हात्ती बत्त जो परमेश्वर अब्राहम से माळीदुन, रा मसित्तर द्याश दा आ लॉकुर वाळुसेदुर अदकि हापाळ आगेदुर. 18 आग मसित्तर दा दुसरा राजा आदुन जो यूसुफ उक ईला अरोन. 19 आव नाम जाती से चालाकी माळकु नाम आप्प दादागोळ सांगूळ ईल ताका बुरा व्यवहार माळदुन, कि आंदरी तान चिकोरी भीट बुळोर साटी मजबुर माळदुन. 20 आ समय मूसा पैदा आदुन. आव परमेश्वर उन नजर दा हापाळ अच सुंदर ईरोन. आव मूर तगिळ ताका तान आप्प उन मान्या पालसकु आदुन. 21 याग भटिकु आदुन रा फरीन उन पोर आऊक नेगु कोडुर, अदकि तान पार उन घाई पालसदुर. 22 मूसा अक मसित्तीगोळ सप्पा वदिया कलसकु आत, अदकि आव वचन अदकि कर्म येदुदु दा ताकतवर ईरोन.

23 “याग आव चालीस वर्ष इनव आदुन, रा आऊन मन दा बत्त कि ना इस्तराएली वारदुर से मुलाकात माळाईन. 24 आव ऊंद मळसा मा अन्याय आगूत नोळकु आऊक ऊळसदुन, अदकि मसित्तीर इक कोंदकु अत्याचार माळद मळसा अन्द बदला ताकोडुन. 25 आव वचिर माळदुन कि आऊन लॉकुर समस्यार कि परमेश्वर आऊन कयगोळ देल आंदुरद उद्धार माळयान, लेकीन आंदुर समसीदील. 26 दुसरा दशी याग आंदुर आपस दा झगळा माळोर, रा आव अल बंदुन; अदकि ईद अनकु आंदरी मल्लुसोर साटी समजुसदुन, हे मळसागोळा, आव अंदुन, नीव रा वारदुर-वारदुर हुईर, आवूर दाबुर मा येती अन्याय माळतीर? 27 लेकीन जो तान बाजूवाळा मा अन्याय माळोन, आव आऊक ईद अनकु हटुस बुदुन, नीनी याव नाम मा अधिकार अदकि न्याय माळावाळा ठहरूसयान? 28 येन याता रीतदिल नी नीन मसित्तीर इक कोंद बुट्ट नानी भी कोंद बुळोद चाहासत्या? 29 ईद मात केळकु मूसा ओळदुन अदकि मद्यान द्याश दा परदेशी आगकु ईरली कुरतुन, अदकि अल आऊन येदुदु पारगोळ पैदा आदुर.

30 “याग पुरा चालीस वर्ष बतिसेवद, रा ऊंद स्वरगदूत सीनै पहाळी इन आळी दा आऊक होततेला झाळी इन बेक्की अन लपेट दा दर्शन कोटदुन. 31 मूसा अक ईद दर्शन नोळ्कु आशचर्य आत, अदकि याग नोळेर साटी आव हात्ती होदुन, रा प्रभु अनंद ईद आवाज बतत, 32 ना नीन आप्प दादागोळ, अब्राहम, इसहाक अदकि याकूब उन परमेश्वर हुईन. आग रा मूसा नळगाली कुरतुन, ईल ताका क् आऊक नोळोद हमिमत आगीदील. 33 आग प्रभु आऊन से अंदुन, तान कालगोळ दा टु केरु तेगु कोम, यतकी याता जागा दा नी नदिरकु आय, अद पवतिर जागा हुन. 34 ना सचमुच तान लॉकरुद जो मसित्तर द्याश दा आर, दुर्दशा अक नोळीन; अदकि आंदुरद आह अदकि आंदुरद वोरलोद केळीन; इदुरसाटी आंदरी बळिसोर साटी ईळदीन. ईग बा, ना नीनी मसित्तर द्याश दा कळाईन.’

35 “या मूसा अक आंदुर ईद अनकु अस्वीकार माळीदुर, ‘नीनी यार नाम मा अधकार अदकि न्याय माळावाळा ठहरूस्यार?’ आऊक अच परमेश्वर शासक अदकि बळिसावाळा ठहरूसकु, आ स्वरगदूत उन द्वारा यार आऊक झाळी दा दर्शन कोटीदुन, कळ्दुन. 36 ईवा मळसा मसित्तर द्याश अदकि क्याचांद समुद्र अदकि आळी दा चालीस वर्ष ताका अदभुत क्यालसा अदकि चमत्कार तोरस तोरसकु आंदरी तेगुकु तंदुन. 37 ईव आवा मूसा हुन, याव इस्त्राएल्लगोळ से अंदुन, ‘परमेश्वर नीम वारटुर दा टु नीम साटी नान चाई ऊंद बातणी तरावाळा नेगदान.’ 38 ईव आवा हुन, याव आळी दा मंडली अन न्याइया आ स्वरगदूत उन सांगुळ सीनै पहाळी मा आऊन से मातगोळी हेळदुन अदकि नाम आप्प दादागोळ सांगुळ ईरोन, आऊक अच जीवति वचन सकियाव क् नाम ताका पोहचुसुल. 39 लेकीन नाम आप्प दादागोळ आऊन मानसोद चाहसीदील, बल्की आऊक हटुसकु तान मन मसित्तर दी फेरसदुर, 40 अदकि हारून से अंदुन, ‘नाम साटी हगि देवता माळ, जो नाम मुंद-मुंद नळुल, यतकी ईव मूसा जो नामी मसित्तर द्याश टु तेगुकु तंदुन, नाव जानसालेव आऊक येन आग्याद?’ 41 आ दनिगोळ दा आंदुर ऊंद वस्ता अन घाई कांळसावाळा मूर्त माळदुर, अदकि अदुर मा बली येरसदुर, अदकि तान कयगोळ देल पाऊनचार माळ्कु खुशी मानसदुर. 42 इदुरसाटी परमेश्वर अनदेखा माळ्कु आंदरी बटि बुटुन, क् आकाशगण इन पुजा माळुल, हयांग भवषियवक्तागोळ कतिब दा लखिसकु आद, हे इस्त्राएल इन घराना, येन नीव

आळी दा चालीस वर्ष ताका पशुवली अदकि अन्नबली  
नान इक अच येरसत ईत्तीर?

43 नीव मोलेक इन तम्बू

अदकि रफान देवता अन्द तारा अक हुडुकु टेटाळ तोगीर,  
मतलब आ मूर्तगोळी यारी नीव दणडवत माळोर साटी माळदीर.

इदुरसाटी ना नीमी बेबीलोन इन हात्ती ओतकु कुरसाईन.’

44 “नाम आप्प दादागोळ हात्ती परमेश्वर उन सानधिय अन्द तम्बू, हयांग परमेश्वर मूसा अक हेळदुन हांग माळीदुन. अद आ नमुना अन घाई ईरोद जो मूसा अक तोरसकु आगीत.” 45 अदा तम्बू अक नाम आप्प दादागोळ पूर्वकाल टु हुडुकु यहाँ अनंद सांगुळ ईल तंदुर; याता समय इन आंदुर आ गैरयहूदीगोळ मा अधकार माळदुर, यारी परमेश्वर नाम आप्प दादागोळ मुंद टु तेगु बुटुदुन, अदकि अद तम्बू दाऊद उन समय ताका ईत्त. 46 आऊन मा परमेश्वर अनुग्रह माळदुन; इदुरसाटी आव वनिती माळदुन क् आव याकूब उन परमेश्वर उन साटी नवास स्थान माळुल. 47 आव ईला लेकीन सुलैमान आऊन साटी मान्ना माळदुन.

48 लेकीन परमप्रधान कय इन माळ्द मान्नागोळ दा ईरालुन, हयांग क् भवषियवक्ता अंदुन,

49 प्रभु अनतान, स्वरग नांद सहासन

अदकि पृथ्वी नान कालगोळ तल्ला अन्द आशन हुन,

नान साटी नीव याता प्रकार इन मान्ना माळीर?

अदकि नांद आराम इन साटी यातोद जागा ईत्तीर?

50 येन ई सप्पा वस्तुगोळ नान कय इन माळदव आल्लच?

51 “नीव याट जीददी आईर, अदकि मन अदकि कवि इन खतनारहति लॉकरा, नीव हमेशा पवतिर आत्मा अन्द वरिध माळतीर. हयांग नीम आप्प दादागोळ माळतोगोर, हांगा नीव भी माळतीर. 52 भवषियवक्तागोळ दा टु यारी नीम आप्प दादागोळ सत्सीदील? आंदुर आ न्यायी अन्द आगमन इन पूर्वकाल टु बातणी कोळावाळेर इक कोंद बुटुर; अदकि ईग नीव भी आ न्यायी मळसा अक हुळसुसावाळेर अदकि कोनुसुसावाळेर आदीर. 53 नीव स्वरगदूतगोळ द्वारा ठहरूसद व्यवस्था रा नोळदीर, लेकीन अदुर पालन माळदीर.”

स्तफिनस कल्लगोळ होळदुर देल सोत्तुन

54 ई मातगोळी केळकु आंदुर होत्तेदुर अदकि आऊन मा हलल कचली कुरतुर. 55 लेकीन आव पवतिर आत्मा से परिपुर्ण आगकु स्वरग दी नोळदुन अदकि परमेश्वर उन महिमा अक अदकि यीशु उक परमेश्वर उन ऊमा कय दी नदिरुत नोळ्कु अंदुन, 56 “नोळी, ना स्वरग इक तेरूत अदकि मळसा अन पार उक परमेश्वर उन ऊमा कय दी नदिरुक् नोळतीन.”

57 आग आंदुर धोळद आवाज देल चळिलासकु कवि बंद माळ बुटुर, अदकि सभा अन सभासदगोळ ऊंद सांगुळ आऊन मा झपट्टा होळदुर; 58 अदकि आऊक नगर इन वहारया तेगुकु आऊन मा कल्लगोळी होडुली कुरतुर. गवाहगोळ तान कपळा शाऊल हेसुर ईनव ऊंद हारोद मळसा अन कालगोळ हात्ती तेगुकु ईट बुटुर. 59 आंदुर स्तफिनस मा कल्लगोळी होडुतेला ईत्तुर, अदकि आव ईद अनकु प्रार्थना माळतेला ईत्तुन, “हे प्रभु यीशु, नान

आत्मा अक ग्रहण माळ.”<sup>60</sup> बाक टवांगरा टेकसकु धोळद आवाज देल कारदुन, “हे प्रभु, ईद पाप आंदुर मा हचबाळ.” अदकि ईद अनकु आव सोतोदुन.

## 8

1 शाऊल आऊक कोन्नोर दा सहमत ईरोन.

मंडली मा अत्याचार

अदा दशिी टु यूरशलेम इन मंडली मा धोळद दुख इन सूरवात आत अदकि प्रेरतिगोळी बटिकु सप्पा अनद सप्पा मुंदुर यहूदयिा अदकि सामरीया द्याशगोळ दा ततिर बतिर आगेदुर. 2 येनारा भक्तगोळ स्तफिनस उक कवर दा ईटदुर अदकि आऊन साटी जोर जोर देल वरलदुर.

3 शाऊल मंडली अक बरबाद माळोन; अदकि मानोन मान्नी होक्कु मंळसागोळी अदकि आर्तेर इक जेडु जेडुकु बंदीगृह दा हाक्क तोगोन.

सामरीया दा फलिपिपुस उन प्रचार

4 जो वशिवासी लॉकुर ततिर बतिर आगीदुर, आंदुर खुशखबरी केळसतेला टेटाळोर; 5 अदकि फलिपिपुस ल्यालमा सामरीया नगर दा होगकु लॉकुर दा मसीह अनद प्रचार माळली कुरतुन. 6 जो मातगोळी फलिपिपुस अंदुन अवरी लॉकुर केळकु अदकि जो चमत्कार आव तोरसतोगोन अवरी नोळ नोळकु, ऊंद चतित आगकु मन हचदुर. 7 यतकी हापाळ दा टु अशुध्द आत्मागोळ धोळद शब्द दा चलिळासतेला होट्ट वुटव, अदकि हापाळ सा लकवा अनद रोगी अदकि लंगळागोळ भी वळलेर माळकु आदुर; 8 अदकि आ नगर दा धोळद खुशी छसेत.

9 इदुर से पयले आ नगर दा शमौन हेसुर इनव ऊंद मंळसा ईरोन, जो जादू टोना माळकु सामरीया अनद लॉकुरी चकति माळतोगोन अदकि तान तान इक ऊंद धोळद मंळसा हेळतोगोन. 10 स्याणेरे से धोडडेर ताका सप्पा आऊंद सममान माळकु अनतोगोर, “ईव मंळसा परमेश्वर उन अद ताकत हुन, जो महान कहलुसतद.” 11 आव हापाळ दनिगोळ टु आदरी तान जादू अनद कयालसागोळ देल चकति माळकु ईटीदुन, इदुरसाटी आंदुर आऊक हापाळ मानसोर. 12 लेकीन याग आंदुर फलिपिपुस उन बातणी इन वशिवास माळदुर जो परमेश्वर उन राज्य अदकि यीशु मसीह अनद हेसुर इन खुशखबरी केळसतोगोन, रा लॉकुर, येन मंळसा, येन आर्तेर, वपतसिमा ताकोमली कुरतुर. 13 आग शमौन खुद भी वशिवास माळदुन अदकि वपतसिमा ताकोमकु फलिपिपुस उन सांगुळ ईरली कुरतुन. आव धोडडेव-धोडडेव चमत्कार अदकि चमत्कार इन कयालसा आगत नोळकु चकति आगतोगोन.

14 याग प्रेरतिगोळ जो यूरशलेम दा ईरोर, केळदुर क सामरीयागोळ परमेश्वर उन वचन मानस कौंडार रा पतरस अदकि यूहन्ना अक आंदुर हाती कळदुर. 15 आंदुर होगकु वशिवासीगोळ साटी प्रार्थना माळदुर क पवतिर आत्मा सक्कुल. 16 यतकी ईगासताका आंदुर दा टु यारदु मा पवतिर आत्मा ईळदीदलि; आंदुर रा सर्फि प्रभु यीशु अनद हेसुर देल वपतसिमा ताकोडीदुर. 17 आग पतरस अदकि यूहन्ना आंदुर मा कय ईटदुर अदकि आंदरी पवतिर आत्मा सक्कित.

18 याग शमौन नोळदुन क प्रेरतिगोळ कय ईटदुर देल पवतिर आत्मा कोटकु आगतद, रा आंदुर हात्ती पैस्या तनकु अंदुन, 19 “ईद अधकार नानी भी कोळी, क जी जो यावारा मंळसा मा कय ईटाईन आऊक पवतिर आत्मा सक्कुल.”

20 पतरस आऊन से अंदुन, “नीन पैस्या नीन सांगुळ नाश आगुल, यतकी नीन परमेश्वर उन दान पैस्यागोळ देल कौंड कोमोद वचिर माळद. 21 ई मात दा ना नान हसिसा आद, ना भाग; यतकी नीन मन परमेश्वर उन मुंद वळलीद हेलेच. 22 इदुरसाटी तान ई बुराई देल मन तरिगुस प्रभु से प्रार्थना माळ, आग सकतद क अपमान मन इन वचिर माफ माळकु आगुल. 23 यतकी ना नोळतीन क नी पति त घाई केयजोर अदकि अन्याय अनद बंधन दा बदिक् आय.”

24 शमौन, पतरस अदकि यूहन्ना से अंदुन, “नीव नान साटी प्रभु से प्रार्थना माळी क जी जो मातगोळी नीव अंदीर, अऊर दा टु यातोदारा नान मा बंदकु बळिबाळल.”

25 इदुरसाटी आंदुर गवाही कोटकु अदकि प्रभु उन वचन केळसकु यूरशलेम इक होटोदुर, अदकि सामरीगोळद हापाळ सा ऊरगोळ दा खुशखबरी केळसत होदुर.

फलिपिपुस अदकि कृश द्याश इन अधकारी

26 बाक प्रभु अनद ऊंद स्वर्गदूत फलिपिपुस से अंदुन, “येळ, अदकि दक्षणि दी आ हादी मा होग, जो यूरशलेम टु गाजा अक होगतद.” ईद धुळा अनद हादी हुन. 27 आव यदकु होटोदुन, अदकि नोळी, कृश द्याश इन ऊंद मंळसा बरोन जो खोजा जाती अदकि कृश इन रानी कन्दाके अनद मंत्री अदकि पैस्या अनद हसिाव ईटावाळा खजांची ईरोन. आव आराधना माळली यूरशलेम बंदीदुन. 28 आव तान रथ मा कुरतकु ईरोन, अदकि यशायाह भवषियवक्ता अनद कतिाव वाचुसतेला वापस होगोन. 29 आग पवतिर आत्मा फलिपिपुस से अन्त, “हात्ती होगकु ई रथ इन सांगुळ आगेर.” 30 फलिपिपुस आऊन दी हरदुन अदकि आऊक यशायाह भवषियवक्ता अनद कतिाव वाचुसतेला केळदुन, अदकि आऊन से केळदुन, “नी जो वाचुसतिया येन अदरी नी समसत्या भी?”

31 आव अंदुन, “यागासताका यावारा नानी समझसतीदील रा ना हयांग समसाईन?” अदकि आव फलिपिपुस से वनिती माळदुन क आव येरकु आऊन हात्ती कूरल. 32 पवतिरशास्त्र अनद जो अध्याय आव वाचुसोन, अद ईद ईरोद: “आव म्यांडा अन घाई बली आगली पोहचुसकु आदुन,

अदकि ह्यांग म्यांझा अन पाडडा तान चुट्टी कातरूसावारळेद मुंद चुपचाप ईरतद,  
हांगा आव भी तान बाय खोलसीदील.

33 आऊन दीनता दा आऊंद न्याय ईला आग पायजे  
आऊंद समय इन लॉकुरद वर्णन याव माळयान?  
यतकी पृथ्वी टु आऊंद जीव तेगुकु आगेत.”

34 इंदुर मा खोजा जाती इन ऊंद अधिकारी मळसा फलिपिपुस से केळदुन, “ना नीन से वनिती माळतीन, ईद हेळ  
क भवषियवकता ईद यार बारा दा अनतान, तांद या यावारा दुसरा अनंद बारा दा?” 35 आग फलिपिपुस तान बाय  
खोलसदुन, अदकि ईद शास्त्र भाग से सूरवात माळकु आऊक यीशु उन खुशखबरी केळसदुन. 36 हादी मा नळुत नळुत  
आंदुर यातोदारा नीर इन जागा मा पोहचुसदुर. आग खोजा जाती इन अधिकारी मळसा अंदुन, “नोळ ईल नीर आद,  
ईग नानी वपतसिमा ताकोडुर दा येन रोक आद.” 37 फलिपिपुस अंदुन, “अगर नी पुरा मन देल वशिवास माळत्या रा  
ताकोम सकत्या.” आव उत्तर कोटदुन, “ना वशिवास माळतीन क यीशु मसीह परमेश्वर उन पार हुन.”

38 आग आव रथ नदिरूसोद आगया कोटदुन, अदकि फलिपिपुस अदकि खोजा नीर दा ईळदुर, अदकि आव खोजा  
अक वपतसिमा कोटदुन. 39 याग आंदुर नीर दा टु होटकु म्याकुच बंदुर, रा परभु अनंद आत्मा फलिपिपुस उक  
नेगुकु ओईत, अदकि खोजा जाती इन अधिकारी आऊक वाक नोळीदील, अदकि आव खुशी माळतेला तान हादी मा  
होटोदुन. 40 फलिपिपुस उक हगि हतुत क आव अशदोद नगर दा आन, अदकि यागासताका कैसरया दा पोहचुसीदील,  
आगासताका नगर नगर खुशखबरी केळसतेला होदुन.

## 9

शाऊल उन दलि इन बदलाव

1 शाऊल जो ईगासताका परभु अनंद चेलागोळी धमकुसोद अदकि कोंद बुळोद धुन दा ईरोन, महायाजक उन हात्ती  
होदुन 2 अदकि आऊन से दमशिक इन सभागुहगोळ दा हेसुर मा ई अभपिराय इन चट्टी गोळी बेळदुन कियेन गंळस  
येन आत, यारी आव ई पंथ मा नोळ्यार आंदरी कटकु यूरुशलेम तरूल.

3 लेकीन नळुत नळुत याग आव दमशिक इन हात्ती पोहचुसदुन, रा अचानक आकाश टु आऊंद नाकु दी ज्योत  
चमकुस्त, 4 अदकि आव जमीन मा बदिदुन अदकि ईद शब्द केळदुन, “हे शाऊल, हे शाऊल, नी नानी येती  
सतुसेत्या?”

5 शाऊल केळदुन, “हे परभु, नी याव हुय?”

आव अंदुन, “ना यीशु हुईन, यारी नी सतुसेत्या. 6 लेकीन ईग यदकु नगर दा होग, अदकि जो नीनी माळोद आद  
अद नीन से अंदकु आदीत.”

7 जो मळसागोळ आऊन सांगुळ ईरोर, आंदुर सट्ट ईतोदुर; यतकी शब्द रा केळ बरतोगोद लेकीन याऊ  
कांळसतोगोन ईला. 8 आग शाऊल भूमी मा टु येददुन, लेकीन याग कण्णगोळी तेरदुन रा आऊक येनु कांळसीदील,  
अदकि आंदुर आऊन कय हुडुकु दमशिक नगर दा ओतुर. 9 आव मुर दनि ताका नोळ सकदील, अदकि ना तदिन अदकि  
ना कुळदुन.

10 दमशिक दा हनन्याह हेसुर इन ऊंद चेला ईरोन, आऊन से परभु दर्शन दा अंदुन, “हे हनन्याह!”

आव अंदुन, “परभु, ना हुईन.”

11 आग परभु आऊन से अंदुन, “यदकु आ गली दा होग जो सरका कहलुसतद, अदकि यहदा अनंद मानना दा  
शाऊल हेसुर इन ऊंद तरसुसवासी इक केळ; नोळ, आव प्रार्थना माळेत्यान, 12 अदकि आव हनन्याह हेसुर इन ऊंद  
मळसा अक बुळक बरत अदकि तान म्याकुच कय ईटतेला उदाहरण दा नोळदुन; ताकी दुबारा नोळ सकुल.”

13 हनन्याह उत्तर कोटदुन, “हे परभु, ना ई मळसा अनंद बारा दा हापाळ मुंदुर से केळीन क ईव यूरुशलेम दा  
नीन पवतिर लॉकुर सांगुळ धोळद-धोळद बुराईगोळ माळयान; 14 अदकि ईल भी ईऊक प्रधान याजकगोळद दी टु  
अधिकार सक्याद क जो लॉकुर नीन हेसुर ताकोमतार, आ सप्पा मुंदरी कटबुळ.”

15 लेकीन परभु आऊन से अंदुन, “नी होटोग; यतकी आव रा गैरयहूदीगोळी अदकि राजगोळी अदकि  
इस्त्राएलीगोळद मुंद नान हेसुर परगट माळोर साटी नान नीवळसद पात्र हुन. 16 अदकि ना आऊक हेळाईन  
क नान हेसुर इन साटी आऊक ह्यांग-ह्यांग दुख नेगोद बदिदीत.”

17 आग हनन्याह यदकु आ मानना दा होदुन, अदकि आऊन मा तान कय ईटकु अंदुन, “हे वारट शाऊल, परभु,  
मतलब यीशु, जो आ हादी मा, याता हादी देल नी बंद्या नीनी कांळसीदुन, आवा नानी कळयान क नीनी मातत  
कण्णगोळ देल कांळसुल अदकि नी पवतिर आत्मा देल परपिरण आगेगुल.” 18 अदकि तुरन्त आऊन कण्णगोळ दा  
टु छलिका घाई वतित अदकि आव नोळली कुरतुन, अदकि यदकु वपतसिमा ताकोडुन; 19 वाक भोजन माळकु आऊक  
आऊंद ताकत वापस सकित.

दमशिक दा शाऊल द्वारा प्रचार

शाऊल हापाळ दनि ताका आ चेलागोळद सांगुळ ईततुन जो दमशिक दा ईरोर. 20 अदकि आव तुरन्त यहूदी  
लॉकुरद सभागुहगोळ दा यीशु उन प्रचार माळली कुरतुन क आव परमेश्वर उन पार हुन.

21 सप्पा केळावाळेर चकति आगक अनली कुरतुर, “येन ईव आवा मळसा आल्लच जो यूरुशलेम दा आंदरी जो  
यीशु उन उपासना माळावाळेर इक, नाश माळतोगोन; अदकि ईल भी इदुरसाटी बंदीदुन क आंदरी कटकु प्रधान  
याजकगोळद हात्ती तरूल?”



22 लेकीन शाऊल मातूत ताकतवर आगतेला होदुन, अदकि ई मात इन प्रमाण कोट कोटकु कि मसीह ईवा हुन, दमशिक इन ईरावाळेर यहूदीगोळी आश्चर्य चकति माळत ईततुन.

23 याग हापाळ दनि बतिसेदव, रा यहूदीगोळ मलिसकु आऊक कोंद बुळोद साजीश रचसुदुर. 24 लेकीन आंदुरद साजीश शाऊल उक मालूम नळदोत. आंदुर रा आऊक कोननोर साटी ईळलक हागुल नगर इन फाटकगोळ मा तयार ईरतोगोर. 25 लेकीन ईळलकी आऊन चेलागोळ आऊक फुट्टी दा कुरसुदुर, अदकि दवार इन खवादरा दा ट्ट हलिगुकसकु ईळस बुदुर.

यूरशलेम दा शाऊल

26 यूरशलेम दा पोहचुसकु शाऊल चेलागोळ सांगुळ मलिसोद कोशशि माळदुन; लेकीन सप्पा आऊन से अंजतोगोर, यतकि आंदरी वशिवास ईला आगतोगोद, कि आव भी चेला हुन. 27 लेकीन बरनवास आऊक तान सांगुळ प्रेरतिगोळ हातूती ओतकु आंदरी हेळदुन कि ईव याता रीत दिल हादी मा प्रभु उक नोळदुन, अदकि आव ईऊन से मातगोळी हेळदुन; बाक दमशिक दा ईव ह्यांग हमिमत देल यीशु उन हेसुर देल प्रचार माळदुन. 28 आव आंदुर सांगुळ यूरशलेम दा होगत बरत अदकि पुरा हमिमत देल प्रभु उन हेसुर इन प्रचार माळली कुरतुन. 29 अदकि गैरयहूदी भाषा माताळावाळेर यहूदीगोळद सांगुळ मातचीत अदकि झगळा माळतोगोन; लेकीन आंदुर आऊक कोंद बुळोद कोशशि माळली कुरतुन. 30 ईद जानसकु वारट्टर आऊक कैसरया बंदरगाह दा तंदुर, अदकि तरसुस नगर इक कळु बुदुर.

31 ई प्रकार सप्पा यहूदिया, गलील, अदकि सामरीया दा मंडली अक शांती सकित, अदकि अदुरद उननती आगूत ईतूत; अदकि अद प्रभु उन अंजक अदकि पवतिर आत्मा अनूद शांती दा नळूत अदकि वाळुसूत ईतूत.

लुददा अदकि याफा नगर दा पतरस

32 बाक हगि आत कि पतरस हर जागा टेटाळतेला, परमेश्वर उन पवतिर लॉकुर हातूती भी पोहचुसदुन जो लुददा नगर दा ईरतोगोर. 33 अल आऊक पुनयास हेसुर इन लकवा अनूद ऊंद रोगी मंळसा सकिदुन, जो येदट वर्ष ट्टु बहुरस मा बदिकु ईरोन. 34 पतरस आऊन से अंदुन, "हे पुनयास! यीशु मसीह नीनी चंगा माळतान. येळ, तान हासक्या नेगु." आग आव तुरन्त यदकु नदिरदुन. 35 आग लुददा अदकि शारोन इन सप्पा ईरावाळेर आऊक नोळकु प्रभु उन दी तरिगदुर.

36 याफा दा तबीता गैरयहूदी दा दोरकास मतलब हरिण हेसुर इनोर ऊंद वशिवासनी ईरतोगोर. आक हापाळ सा वळलेव क्याल्सा अदकि दान माळतोगोर. 37 अवा दनिगोळ दा आक बमिार आगकु सोतोदुर; अदकि आंदुर आकनि मय तोळसकु म्याकुच इन कमरा दा ईट बुदुर. 38 इदुरसाटी किलुददा याफा अन हातूती ईरोद, चेलागोळ ईद केळकु कि पतरस अल आन, येदढ मंळसा कळुकु आऊन से वनिती माळदुर, "नाम हाती बरोर साटी देर माळबाळ." 39 आग पतरस यदकु आंदुर सांगुळ आगोदुन, अदकि याग आव पोहचुसदुन रा आंदुर आऊक आ अटारी म्याकुच मा ओतुर. सप्पा रांडयागतिर वरलतेला आऊन हातूती बंदकु नदिरदुर, अदकि जो कुळता गोळ अदकि कपळागोळ दोरकास याग आक जतिता ईरोर आंदुर सांगुळ ईरतेला माळीदुर, तोरसली कुरतुर. 40 आग पतरस सप्पा मुंदरी व्हारया माळ बुदुन, अदकि टवांगरा टेकुसकु प्रार्थना माळदुन अदकि लाश इन दी तरिगकु नोळदुन अदकि अंदुन, "हे तबीता, येळ." आग आक तान कपूणगोळी तेरदुन; अदकि पतरस उक नोळकु यदकु कुरतुर. 41 आव कय कोटकु आकी नेगदुन, अदकि परमेश्वर उन पवतिर लॉकुर अदकि रांडयागतिर इक कारकु आकी जतिता तोरस बुदुन. 42 ईद मात सप्पा याफा दा फैलुसेत; अदकि हापाळ सा लॉकुर प्रभु मा वशिवास माळदुर. 43 अदकि पतरस याफा दा शमौन हेसुर इन यावारा तोगुल इन धंदा माळावाळा अनूद मान्या हापाळ दनि ताका ईततुन.

## 10

कुरनेलयिस अदकि पतरस

1 कैसरया दा कुरनेलयिस हेसुर इन ऊंद मंळसा ईरोन, जो इटालयिन सेनादल इन अध्यक्ष ईरोन. 2 आव परमेश्वर उक अंजावाळा भक्त ईरोन, अदकि तान सप्पा बराना सांगुळ परमेश्वर उन आराधना माळतोगोन, अदकि यहूदी लॉकुरी हापाळ दान कोळतोगोन, अदकि रोज परमेश्वर उन से प्रार्थना माळतोगोन. 3 आव मदणी लगभग मूर मुरा अन हातूती दर्शन दा स्पष्ट रूप देल नोळदुन कि परमेश्वर उन ऊंद स्वरगदूत आऊंद हातूती बुळक बंदकु अनतान, "हे कुरनेलयिस!"

4 कुरनेलयिस स्वरगदूत उक ध्यान देल नोळदुन अदकि अंजकु अंदुन, "हे प्रभु, येन हुन?"

स्वरगदूत आऊन से अंदुन, "नीन प्रार्थनागोळ अदकि नीन दान न्याय इन क्याल्सा हिसाब कोळोर साटी परमेश्वर उन मुंद पोहचुसयाव; 5 अदकि ईग याफा दा मंळसा कळुकु शमौन उक, जो पतरस कहलुसतान, कार्स कोमी. 6 आव शमौन हेसुर इनव मंळसा जो तोगुल इन धंदा माळतान आऊन मान्या पतरस पाऊना आन, यार्द मान्या समुदर अनूद कनिरा मा आद." 7 याग आव स्वरगदूत याव आऊन से मातगोळी हेळीदुन होतोदुन, रा आव येदढ सेवक, जो आऊन हातूती मौजूद ईरतोगोर आंदुर दा ट्ट ऊंद भक्त सपिाही इक कारदुन, 8 अदकि आंदरी सप्पा मातगोळी हेळकु याफा नगर इक कळुदुन.

9 दुसरा दशी याग आंदुर नळूत नळूत याफा नगर इन हातूती पोहचुसदुर, रा मदणी इन हातूती पतरस छत मा प्रार्थना माळली येरदुन. 10 आऊक हसु हत अदकि येनारा तनिाद चाहासोन, लेकीन याग ऊम्मोद बनसोद आग

अच आऊक दर्शन आत; 11 अदकि आव नोळदुन, क् आकाश खुलसेत; अदकि ऊंद पात्र धोळद चादर इन घाई नाकु क्वाना टु लटकुसतेला, पृथ्वी इन दी ईळेत्याद. 12 आ चादर दा पृथ्वी इन सप्पा प्रकार इन नाक कालवाळा पशु अदकि रंगासावाळा जन्तु अदकि आकाश इन पक्षी ईरव. 13 आऊक ऊंद हगि शब्द केळ बत्त, "हे पतरस येळ, कोनून अदकि तीन."

14 लेकीन पतरस अंदुन, "ईला प्रभु, यागलु ईला; यतकी ना यागलु यातोदु अपवतिर या अशुध्द वस्तु तंददिल."

15 वाक दुसरा घन आऊक शब्द केळ बत्त, "जो येनारा परमेश्वर शुद्ध ठहरूसयान, अदरी नी अशुध्द मान्सवाळ."

16 मुर घन हगि अच आत; अदकि तुरन्त अद चादर आकाश मा नेगु कु आगत.

17 याग पतरस तान मन दा दुवधा दा ईरोन, क् ईद दर्शन जो ना नोळदीन अद येन आग सकतद, रा नोळी, आ मंळसागोळ यारी कुनेलियुस कळीदुन, शमौन उन मान्ना अन्द पता हचकु दरवाजा मा बंदकु नदुरदुर, 18 अदकि कारूक केळली कुरतुर, "येन शमौन जो पतरस कहलुस्तान, ईवा पाऊना हुन?"

19 पतरस रा आ दर्शन मा सोचतेला अच ईरोन, क् आत्मा आऊन से अंदुन, "नोळ, मुर मंळसा नीन खोज दा आर.

20 इदुरसाटी यदकु ल्यालमा होग, अदकि बनिा संकोच देल आंदुर सांगुळ आगोग; यतकी ना अच आंदरी कळीन."

21 आग पतरस ईळकु आ मंळसागोळ से अंदुन, "नोळी, यार्द खोज नीव माळोतीर, आव ना अच हुईन. नीम्द बरोद येन कारण आद?"

22 आंदुर अंदुर, "कुनेलियुस सुबेदार नामी कळयान जो न्यायी अदकि परमेश्वर उन उपासना माळावाळा अदकि सप्पा यहूदी लॉकुर दा मानवाईक मंळसा आन, आऊक ऊंद परमेश्वर उन पवतिर स्वर्गदूत से ईद नरिदेश सकियाद क् नीनी तान मान्या कारूक नीन से वचन केळुल."

23 आग पतरस आंदरी बुळक कारूक आंदुर पाऊनचार माळदुन. दुसरा दशिी आव आंदुर सांगुळ होदुन, अदकि याफा अन्द वारटुर दा टु येनारा आऊन सांगुळ आगेदुर. 24 दुसरा दशिी आंदुर कैसरिया पोहचुसदुर, अदकि कुनेलियुस तान परविार अदकि हात्तीगोळोर संगीगोळी जमा माळकु आंदुरद हादी कायोन. 25 याग पतरस बुळक बरोन, रा कुनेलियुस आऊन से भेट माळदुन, अदकि आऊन कालगोळ मा बदि कु आऊक प्रणाम माळदुन; 26 लेकीन पतरस आऊक नेगु कु अंदुन, "नदुर, ना भी रा सर्फ मंळसा हुईन." 27 अदकि पतरस कुनेलियुस उन सांगुळ मातचीत माळतेला बुळक होदुन, यल आव हापाळ सा लॉकुरी जमा नोळदुन. 28 आंदुर से अंदुन, "नीव जानसतीर क् गैरयहूदी अन्द संगत माळोद या आऊन मान्या होगोद यहूदीगोळ इन साटी अन्याय आद, लेकीन परमेश्वर नानी हेळदुन क् यावारा मंळसा अक अपवतिर या अशुध्द अनवाळेत. 29 इदुरसाटी ना याग कारूक आदीन रा बनिा येनारा माताळोद होटबंदीन. ईंग ना केळतीन क् नानी याता क्यालसा अन्द साटी कारूक आग्याद?"

30 कुनेलियुस अंदुन, "ईदा घळी टु पुरा नाक दिन पयले, ना तान मान्या मदणी इन मुर मुरा अन लगभग प्रार्थना माळीन; रा नोळी, अचानक ऊंद मंळसा चमकीला कपळा हाककु, नान मुंद बंदकु नदुरदुन 31 अदकि अनली कुरतुन, हे कुनेलियुस, नीन प्रार्थना केळकु आगोग्याद अदकि नीन दान न्याय इन स्यावा परमेश्वर उन मुंद याद माळकु आग्याव. 32 इदुरसाटी यारीकारा याफा कळकु शमौन उक जो पतरस कहलुस्तान, कारू. आव समुद्र अन्द कनिारा मा शमौन जो तोगुल इन धंदा माळतान अन्द मान्या पाऊना आन." 33 आग ना तुरन्त नीन हात्ती लॉकुरी कळुदीन, अदकि नी भला माळद जो होटबंद. ईंग नाव सप्पा ईल परमेश्वर उन मुंद आयेव, ताकी जो येनारा परमेश्वर नीन से माताळोर साटी अंदान अदरी केळेव."

पतरस उन भाषण

34 आग पतरस अंदुन, "ईंग नानी सही दा पता नळुत क् परमेश्वर यारदु पक्षपात माळालुन, 35 लेकीन हर राष्ट्र अन्द लॉकुर दा जो आऊन से अंजतार अदकि न्याय इन क्यालसा माळतार, आंदुर आऊक भाऊस्तार. 36 अद वचन नीव जानसतीर, जो वचन आव इस्त्राएलगोळ हात्ती कळुदुन, याग आव यीशु मसीह अन्द दवारा जो सप्पा मुंदुर प्रभु आन शांती इन खुशखबरी केळसदुन, 37 नीव आ महान घटना अक जानसतीर, जो इस्त्राएल इन जागा मा आगीत, गलील दा सुरवात आगकु यूहन्ना अन दवारा बपतिसिमा कोटदुर बाददा टु यदुरद प्रचार माळकु आगीत: 38 नीव नासरी यीशु उन बारा दा जानसायदीर क् ह्यांग परमेश्वर आऊन मा पवतिर आत्मा अदकि सामर्थ्य पलटुसीदुन, अदकि यीशु वळलेव क्यालसा माळतेला अदकि आ सप्पा मुंदरी जो शैतान उन वश दा ईरोर चंगा माळतेला नाकु दी आव इस्त्राएल ओयाळोन, यतकी परमेश्वर आऊन सांगुळ ईरोन. 39 नाव आ सप्पा क्यालसागोळ्द गवाह आयेव; जो आव इस्त्राएल इन भूमी मा अदकि यरूशलेम दा भी माळदुन, अदकि आंदुर आऊक कूस मा येरसकु कोंद बुदुर. 40 लेकीन आऊक परमेश्वर तसिरा दशिी मातुत जतिता माळदुन, अदकि प्रगट भी माळ बुदुन; 41 सप्पा लॉकुर मा ईला लेकीन आ गवाहगोळ मा यारी परमेश्वर पयले टु नविळुस कोडीदुन, मतलब नाम मा यार आऊन सोत्तुर दा टु जतिता आगदुर बाददा आऊन सांगुळ तनिदेव कुळदेव; 42 अदकि आव नामी आग्या कोटदुन क् लॉकुर दा प्रचार माळी अदकि गवाही कोळी, क् ईव आवा हुन यारी परमेश्वर जीवति अदकि सोतकु लॉकुरद न्यायी ठहरूसयान. 43 आऊंद सप्पा भविष्यवक्ता गवाही कोळतार क् जो यावारा आऊन मा वशिवास माळयान, आऊक आऊंद हेसुर इन ताकत इन दवारा पापगोळ्द माफ सक्कीत."

गैरयहूदीगोळ मा पवतिर आत्मा ईळुत

44 पतरस ई मातगोळी अनतेला अच ईरोन क् पवतिर आत्मा वचन इन सप्पा केळावाळेर मा ईळकु वत्त. 45 अदकि यास यहूदी वशिवासी जो याफा टु पतरस उन सांगुळ बंदीदुर, आंदुर सप्पा चकति आदुर क् गैरयहूदीगोळ मा भी पवतिर आत्मा अन्द दान पलटुसकु आग्याद. 46 यतकी आंदुर आंदरी अलग अलग भाषा माताळ्द अदकि

परमेश्वर उन बळाई माळत केळदुर. इदुर मा पतरस अंदुन, 47 “येन यावारा इंदरी नीर देल बपतसिमा ताकोमली रोक्स सकतान, यारी नाम घाई पवतिर आत्मा सकियाद?” 48 अदकि आव आग्या कोटदुन क आंदरी यीशु मसीह अन्द हेसुर देल बपतसिमा कोटकु आगुल, आग आंदुर पतरस से वनिती माळदुर क आव येनारा दनि अदकि आंदुर सांगुळ ईरूल.

## 11

पतरस उन यूरशलेम इन मंडली अक तान कयाल्सागोळ बारा दा हेळोद

1 बाक प्रेरतिगोळ अदकि वशिवासी वारटुर जो यहूदिया दा ईरोर केळदुर क गैरयहूदीगोळ भी परमेश्वर उन वचन मानस कौडार. 2 इदुरसाटी याग पतरस यूरशलेम दा बंदुन, रा यहूदी वशिवासी खतना माळद लॉकुर आऊन से झगळा माळली कुरतुर, 3 “नी खतना ईला माळद गैरयहूदी लॉकुर मान्या होगकु आंदुर सांगुळ तदि.” 4 आग पतरस आंदरी सूवात टु येन येन आत अद सप्पा हेळदुन:

5 “ना याफा नगर दा प्रार्थना माळीन, आग ऊद दर्शन नोळदीन क ऊद वस्तु, धोळद चादर इन घाई नाकु क्वाना टु लटकुसद, आकाश टु ईळकु नान हात्ती बत्त. 6 याग ना अदुर मा ध्यान माळदीन, रा अदुरदा पृथ्वी इन नाक कालवाळा पालतु पशुगोळ अदकि वनपशु अदकि रोगसावाळा जनुतु अदकि आकाश इन पक्षी नोळदीन; 7 अदकि ईद शब्द भी केळदीन, ‘हे पतरस येळ, कोन्न अदकि तनि!’ 8 लेकीन ना अंदीन, ‘ईला प्रभु, ईला; यतकी यातोदु अपवतिर या अशुध्द भोजन नान बाय दा यागलु होगीदील.’ 9 इदुर उत्तर दा आकाश टु दुसरा घन आवाज आत, ‘जो येनारा परमेश्वर शुध्द ठहरस्यान, अदरी अशुध्द अनवाळ.’ 10 मूर घन हांगा आत; आग सप्पा येनारा बाक आकाश मा जेडुकु आगेत. 11 अदकि नोळी, तुरन्त मूर मळसा जो कैसरिया टु नान हात्ती कळकु आगीदुर, आ मान्या यल नाव ईरेव, बंदकु नदिरदुर. 12 आग आत्मा नान से आंदुर सांगुळ बनि संकोच देल आगली हेळत, अदकि याफा दा टु आर वशिवासी वारटुर भी नान सांगुळ कैसरिया बंदुर; अदकि नाव कुरनेलयिस उन मान्या होदेव. 13 कुरनेलयिस नामी हेळदुन, क आव ऊद स्वरगदूत उक तान मान्या नदिरकु नोळदुन, याव आऊन से अंदुन, ‘याफा दा यातारा मळसा अक कळकु शमौन उक जो पतरस कहलुस्तान, कारसुस वुळ. 14 आव नीम से हगि मातगोळी अंदान, यार दवारा नीनी अदकि अपमान सप्पा परवार इक उदधार सकिकीत.’ 15 याग ना मातगोळी हेळली कुरतीन, रा पवतिर आत्मा आंदुर मा अदा रीत देल ईळुत याता रीत देल सूवात दा नाम मा ईळदीत. 16 आग नानी प्रभु उन अद वचन याद वत्त; जो आव अंददिन, ‘बपतसिमा कोळावाळा यूहन्ना रा नीर देल बपतसिमा कोटदुन, लेकीन नीमी पवतिर आत्मा देल बपतसिमा सकिकीत.’ 17 इदुरसाटी याग परमेश्वर गैरयहूदीगोळी भी अदा दान कोटदुन, जो नामी प्रभु यीशु मसीह मा वशिवास माळदुर देल सकिकीत; रा ना याव ईरीन जो परमेश्वर उक रोक्स सकीन?”

18 ईद केळकु आंदुर अपमान माळोद बंद माळकु, अदकि परमेश्वर उन बळाई माळकु अनली कुरतुर, “आग रा परमेश्वर गैरयहूदीगोळी भी जीवन इन साटी मन तरिगुसोद दान कोटान.”

अन्ताकिया अन्द मंडली

19 वशिवासीगोळ दा टु थवाळासा लॉकुर आ दुख इन मारा देल जो सूतफिनसु उन मृत्यु उन समय दा बदिता, ततिर बतिर आगेगीदुर, आंदुर वयाळत-वयाळत फानीकी अदकि साइप्रस अदकि अन्ताकिया दा बंदुर; लेकीन यहूदीगोळी बटिकु यारीकु वचन ईला केळसतोगोर. 20 लेकीन आंदुर दा टु थवाळासा साइप्रस नवासी अदकि कुरेनी ईरोर, जो अन्ताकिया दा बंदकु गैरयहूदीगोळी भी प्रभु यीशु उन खुशखबरी इन मातगोळी केळसली कुरतुर. 21 प्रभु उन सामर्थ्य आंदुर सांगुळ ईरोद, अदकि हापाळ लॉकुर वशिवास माळकु प्रभु उन दी तरिगुदुर.

22 याग आंदुर चर्चा यूरशलेम इन मंडली अन्द केळदुर दा वत्त, रा आंदुर बरनबास उक अन्ताकिया कळदुर, 23 याग आव अल पोहचसदुन अदकि नोळदुन क परमेश्वर लॉकुरी हयांग आशषीत माळयान, अदकि आव खुश आदुन अदकि आंदुर से वनिती माळदुन क तान सप्पा मन इन सांगुळ पुरा सच्चाई देल अदकि वशिवासयोग्य प्रभु उन सांगुळ बन्सकु ईरी. 24 बरनबास ऊद वळलेव मळसा ईरोन, अदकि पवतिर आत्मा अदकि वशिवास देल परपिरण ईरोन; अदकि अन्य हापाळ सा लॉकुर प्रभु दा बंदकु मलिसदुर.

25 आग आव शाऊल उक नोळोर साटी तरसुस नगर इक होटोदुन. 26 याग आव आऊन से मलिसदुन रा आऊक अन्ताकिया तंदुन; अदकि हगि आत क आंदुर ऊद वर्ष ताका मंडली अन्द सांगुळ सकोर अदकि हापाळ सा लॉकुरी उपदेश कोळतेला ईत्तुर; अदकि सब से पयले अन्ताकिया दा ईदा चेलागोळी मसीह अदकु आत.

27 अवा दनिगोळ दा थवाळासा भवषियवक्ता यूरशलेम टु अन्ताकिया बंदुर. 28 आंदुर दा टु अगवुस हेसुर इन ऊद मळसा नदिरकु आत्मा अन्द अगुवाई दा भवषियवाणी माळदुन क सप्पा दुनया दा धोळद अकाल बदिदीत. अद अकाल क्लौदियुस उन समय दा वत्तित. 29 आग चेलागोळ नरिण्य माळदुर क हर ऊद तान तान पूजी इन अनुसार यहूदिया दा ईरावाळेर वशिवासी वारटुर मदात अन्द साटी येनारा कळलु. 30 आंदुर हांगा माळदुर; अदकि बरनबास अदकि शाऊल उन कय मंडली अन्द स्याणागोळ हात्ती थवाळासा पस्य्या कळदुर.

## 12

अदकि छल

1 आ समय हेरोदेस राजा मंडली अनूद थवाळासा सदस्यगोळी सत्सोद सूरवात माळदुन. 2 आव यूहन्ना अनूद वार्त याकूब उक तलवार देल कोनसुस बुट्टुन. 3 याग आव नोळदुन कां यहुदी लॉकर आऊन से खुश आगतार, रा आव पतरस उक भी हुडुकोडुन. अव दनि अशमीरी रोट्टी इन हाब्व ईनव दनि ईरव. 4 आव पतरस उक हुडुकु बंदीगूह दा हाकदुन, अदकि रखवाली माळोर साटी नाक नाक सपिाहीगोळद नाक समूह माळीदुन; ईद वचिार देल कां फसह अन वाद्दा आऊक लॉकर मुंद तरूल. 5 बंदीगूह दा पतरस बंद ईरोन; लेकीन मंडली आऊन साटी मन हचकु परमेश्वर से प्रार्थना माळोद.

पतरस उन बंदीगूह दा टु बळिोद

6 याग हेरोदेस आऊक लॉकर मुंद तरली ईरोन, अदा ईळलकी पतरस येदूद शंकलीगोळ देल कटकु येदूद सपिाहीगोळद बीच दा मगिोन; अदकि पहरेदारगोळ दरवाजा मा बंदीगूह अनूद रखवाली माळोर. 7 रा नोळी, प्रभु उन ऊद स्वर्गदूत बंदकु नदिरदुन अदकि आ कोठरी दा ज्योर्ता चमकुसूत, अदकि आव पतरस उन पासळी मा कय बळकु आऊक येदूदुन अदकि अंदुन, “येळ, जलदी माळ.” अदकि आऊन कयगोळ दा टु शंकलीगोळ बटिकु बदिोदव. 8 आग स्वर्गदूत आऊन से अंदुन, “नेळु कट, अदकि तान केू हाकुक कोम.” आव हांगा माळदुन. बाक स्वर्गदूत आऊन से अंदुन, “तान कपळा हाकुकु नान हींद आगेग.” 9 पतरस होटकु आऊन हींद नळुत नळुत बंदीगूह टु व्हार्या वंदुन; लेकीन ईद ईला जानसोन कां जो येनारा स्वर्गदूत माळेत्यान अद सही आद, लेकीन ईद समसदुन कां ना दर्शन नोळेतान. 10 आग आंदुर पयला अदकि दुसरा पहरा टु होटकु आ लोवा अनूद फाटक मा पोहचुसदुर, जो नगर दी हादी होगतद. अद फाटक आंदुर साटी तान ताना खुलसेत, अदकि आंदुर होटकु ऊद अच गली टु आगकु ऊद हादी मा बंदुर, अदकि तुरन्त अच स्वर्गदूत आऊक बटिकु होटोदुन.

11 आग पतरस सावधान आगकु अंदुन, “ईग ना जानस कोडीन कां प्रभु तान स्वर्गदूत कळुकु नानी हेरोदेस उन कय देल अदकि यहुदीगोळद सप्पा आशा टु बळिस बुट्टुन.”

12 ईद जानसकु पतरस आ यूहन्ना अनूद मोय मरयिम इन मान्या वंदुन, जो मरकुस कहलुसतान. अल हापाळ सा लॉकर जमा आगकु प्रार्थना माळोर. 13 याग आव फाटक इन खळिकी टोकसदुन, रा रूदे हेसुर इन ऊद दासी दरवाजा तेोर साटी बंदुर. 14 पतरस उन शब्द केळकु आक खुशी अन मारा देल फाटक तेरददील, लेकीन ओळकु बुळक होदुर अदकि हेळदुर कां पतरस दरवाजा मा नदिरकु आन. 15 आंदुर आकनि से अंदुर, “नी यर आय.” लेकीन आक हस्मित माळकु अंदुर कां हिगि अच आद, “आग आंदुर अंदुर आऊन स्वर्गदूत आगीदान.”

16 लेकीन पतरस टोकसतेला अच ईततुन: आखरी दा आंदुर खळिकी खोलसदुर, अदकि आऊक नोळकु चकति ईतोदुर. 17 आग आव आंदरी कय देल इशारा माळदुन कां चूप ईरूल; अदकि आंदरी हेळदुन कां प्रभु याता रीत दिल आऊक बंदीगूह दा टु तेगुकु तंदान. बाक अंदुन, “याकूब अदकि बाकी वशिवासी वार्टुरी ईद मात हेळ बुळेतेर.” आग होटकु येल्यारा दुसरा जागा अक होटोदुन.

18 हुंजकुका अच सपिाहीगोळ दा बळा हलचल मचुसेत कां पतरस उन येन आत.

19 याग हेरोदेस सपिाहीगोळ से आऊन खोज माळोद आदेश कोट्टुन लेकीन पतरस सक्कीदील, रा पहरेदारगोळ जाँच माळकु आग्या कोट्टुन कां आंदरी कोंदकु आगुल: अदकि आव यहुदिया अक बटिकु कैसरया दा होगकु ईरली कुरतुन अदकि अल आव थवाळासा समय बतिसदुन.

हेरोदेस उन सायोद

20 हेरोदेस सूर अदकि सैदा अनूद लॉकर से हापाळ सदिट दा ईरोन. इदुरसाटी आंदुर ऊद समूह माळकु राजा से मलिसली बंदुर, पयले आंदुर बलासतुस उक जो राजा अनूद ऊद सेवक ईरोन, समझुसकु मेल माळोद चाहासदुर; यतकी हेरोदेस राजा अनूद द्याश देल आंदुर द्याश इन पालन पोषण आगतोगोद.

21 ठहरूसद दशी हेरोदेस राजा अन कपळा हाकुकु सहासन मा कुरतुन, अदकि आंदरी भाषण कोळली कुरतुन.

22 आग लॉकर चलिळास कुरतुर, “ईद रा मंळसा अनूद ईला परमेश्वर उन आवाज हुन.” 23 अदा घळी प्रभु उन ऊद स्वर्गदूत तुरन्त आऊक बळदुन, यतकी आव परमेश्वर उक महमा कोटीदील; अदकि आव कळिा हतकु सोतोदुन अदकि आव कळिागोळ आऊक तनिनी हतवव.

24 लेकीन परमेश्वर उन वचन लगातार वाळुसूत अदकि फैलुसतेला होत.

25 याग बरनबास अदकि शाऊल यूरशलेम दा तान क्याल्लासा पुरा माळकु यूहन्ना अक जो मरकुस कहलुसतान, सांगुळ हुडुकु अन्ताकया वापस बंदुर.

## 13

बरनबास अदकि शाऊल उक नविळुसोद अदकि कळोद

1 अन्ताकया अनूद मंडली दा कई भवषियवक्ता अदकि गुरु ईरोर; जसा: बरनबास, शमौन जो (नीगर) करेव कहलुसतान; अदकि लूकियुस कुरेनी, अदकि मनाहेम जो हेरोदेस शासक उन सांगुळ दा धोड्डेर आदुन, अदकि शाऊल. 2 याग आंदुर उपास सहति प्रभु उन स्यावा माळोर, रा पवतिर आत्मा आंदुर से अन्त, “नान साटी बरनबास अदकि शाऊल उक आ क्याल्लासा अनूद साटी अलग माळी यार साटी ना आंदरी कारसीन.”

3 आग आंदुर उपास अदकि प्रार्थना माळकु अदकि आंदुर मा कय ईटकु आंदरी सार माळदुर.

कुप्रा दा बरनबास अदकि शाऊल

4 इदुरसाटी बरनबास अदकि शाऊल पवतिर आत्मा अन कळूद सल्लिकया अक होदुर; अदकि अल टू जहाज मा कुरतकु साइपरस इक होदुर; 5 अदकि सलमीस दा पोहचुसकु, परमेश्वर उन वचन यहूदीगोळद सभागूहोळ दा केळसदुर. यूहन्ना जो मरकुस कहलुसोन, मदत माळावाळा अन रूप दा आंदुर सांगुळ ईरोन.

6 आंदुर आ सप्पा टाप्पु दा आगतेला पाफुस ताका पोहचुसदुर. अल आंदरी बार-यीशु हेसुर इन ऊंद यहूदी जादुगर अदकि ख्वाटा भवषियवक्ता सकिदुन. 7 आव शासक सरिगयिस पौलुस उन संगी ईरोन, जो बुद्धमिन मंळसा ईरोन. आव बरनबास अदकि शाऊल उक तान हात्ती कार्कु परमेश्वर उन वचन केळोद चाहासदुन. 8 लेकीन इलीमास जादुगर, यतकी गैरयहूदीगोळ दा ईदा आऊन हेसुर इन मतलब आद, आंदुर वरिध माळकु शासक उक वशिवास माळोर से रोकसोद चाहासदुन. 9 आग शाऊल यारद हेसुर पौलुस भी आद, पवतिर आत्मा देल परपिरण आगकु इलीमास जादुगर उन दी टकटकी हचकु नोळदुन अदकि अदुन, 10 “हे सप्पा कपट अदकि सप्पा चतुराई देल तुमकु शौतन उन औलाद, सप्पा न्यायीपन अन्द दूश्मन, येन नी प्रभु उन सरका हादीगोळी वाकळा माळोद बळितीदील? 11 ईग नोळ, प्रभु उन कय नीन वरिध दा येदोग्याद; अदकि नी थ्वाळासा समय ताका कुढइ ईत्या अदकि सुर्य अन्द उजुळ नोळतीदलि.”

आग तुरन्त धंधरापन अदकि अंधार आऊन कणणगोळ मा छासेत, अदकि आव ईत्त आत्त ताळु कुरतुन ताकी यावारा आऊन कय हुडुक् आऊक संभाळसुन. 12 आग शासक जो येनारा अल आगीत अदरी नोळकु अदकि प्रभु उन उपदेश देल चकति आगकु वशिवास माळदुन.

पसिदिया अन्द अन्ताकया दा

13 पौलुस अदकि आऊन संगी पाफुस टू जहाज इन द्वारा पंफूलिया प्रदेश इन परिगा नगर दा बंदुर; अदकि यूहन्ना आंदरी बटिकु यूश्लेम इक होटोदुन. 14 परिगा नगर टू मुंद वाळुसकु आंदुर पसिदिया अन्द अन्ताकया दा पोहचुसदुर; अदकि आराम इन दनि यहूदी लॉकुरद सभागूह दा हागकु कुरतादुर. 15 मूसा अन्द व्यवस्था अदकि भवषियवक्तागोळ कतिब देल वाचुसदुर बाददा यहूदी लॉकुरद सभागूह अन्द अधिकारीगोळ आंदुर हात्ती बातणी कळुदुर, “हे वारटुरा अदकि आकर्तीगरा, नाव चाहासतेव किलॉकुरी प्रोत्साहिति माळोर साटी नीम मन दा येनारा मात आद रा अनी.”

16 आग पौलुस नदिरकु अदकि कय देल इशारा माळकु अंदुन, “हे इस्त्राएलगोळा, अदकि सप्पा गैरयहूदीगोळा जो परमेश्वर उन आराधना माळतीर, केळी: 17 ई इस्त्राएली लॉकुरद परमेश्वर नाम आप्प दादागोळी नीवळुस कोडीदुन, अदकि याग ई लॉकुर मसित्तर द्याश दा परदेशी आगकु ईरतोगोर, रा आंदुरद उननती माळदुन; अदकि थोळद सामरथय देल आंदरी इजपित टू तेगुकु तंदुन. 18 आव येनारा चालीस वर्ष ताका रेगसितान दा आंदुरद सहन माळतेला ईत्तुन, 19 अदकि कनान द्याश दा येळ राषट्रगोळद नाश माळकु परमेश्वर अद पृथ्वी इस्त्राएल इन लॉकुरी अत्तरधकारी इन रूप दा कोट बुट्टुन. 20 इदुर बाददा आव शमुएल भवषियवक्ता ताका आंदुर दा न्यायी ठहूसदुन. 21 अदुर बाददा आंदुर ऊंद राजा बेळदुर: आग परमेश्वर चालीस वर्ष इन साटी बनियामीन इन जाती दा टू ऊंद मंळसा; मतलब कीश उन पार शाऊल उक आंदुर मा राजा ठहूसदुन. 22 वाक आऊक अलग माळकु दाऊद उक आंदुर राजा माळदुन; यार बारा दा आव गवाही कोट्टुन, नानी ऊंद मंळसा, यशेि उन पार दाऊद, नान मन इन अनुसार सक्केदुन; आवा नांद सप्पा इच्छा पुरा माळयान. 23 दाऊद उन वंश दा टू परमेश्वर तान वादा अन्द अनुसार इस्त्राएल इन हात्ती ऊंद उद्धारकर्ता, मतलब यीशु उक कळुदुन. 24 \*यीशु तान कार्यगोळद सुरवात माळोर से पयले यूहन्ना सप्पा इस्त्राएलगोळ दा मन तरिगुसोद प्रचार माळदुन अदकि बपतसिमा माळदुन. 25 \*याग बपतसिमा कोळावाळा यूहन्ना तांद स्यावा पुरा माळदुर मा ईरोन, रा आव अंदुन, ‘नीव नानी येन समसतीर? ना आव आल्लच यार हादी नीव कायेतीर. उलटा नोळी, नान बाददा ऊंद बरावाळा आन, आऊन कालगोळ केरू उन बंध भी ना खोलसा लायक हौलेच.’

26 “हे इस्त्राएली वारटुरा, नीव जो अब्राहम उन औलाद हुईर; अदकि सप्पा गैरयहूदी जो परमेश्वर उन आराधना माळतार, नीम हात्ती ई उद्धार इन वचन कळुकु आग्याद. 27 यतकी यूश्लेम इन ईरावाळेर अदकि आंदुर अधिकारीगोळ ना उद्धारकर्ता अक अरतुर अदकि ना भवषियवक्तागोळद अव मातगोळ जो हर ऊंद आराम इन दनि वाचुसकु आगतद आऊक समसत. अदकि यीशु उक दोषी ठहूसदुर द्वारा भवषियवक्तागोळद मातगोळी सही साबति माळद. 28 \*आंदरी कौद बळोद लायक येनु दोष आऊन दा सकिकीदील, तरी भी पलातुस से वनिती माळदुर कं आव कौदकु आगुल. 29 \*याग शास्त्र दा आऊन बारा दा लखिसद सप्पा मातगोळ आंदुर पुरा माळदुर, रा आऊक कूर मा टू इळसकु कवर दा ईटदुर.” 30 लेकीन परमेश्वर आऊक सोत्तुर दा टू जतिता माळदुन, 31 \*अदकि आव आंदरी जो आऊन सांगुळ गलील टू यूश्लेम बंदीदुर, हापाळ दनिगोळ ताका कांळसतेला ईत्तुन; इस्त्राएल लॉकुरद मुंद ईग आंदुर अच आऊन गवाह आर. 32 नाव नीमी आ वादा अन्द बारा दा जो नाम आप्प दादागोळ से माळकु आगीत, ईद खुशखबरी केळसतेव, 33 कं परमेश्वर यीशु उक जतिता माळकु, अदा वादा नाम औलाद इन साटी पुरा माळदुन; ह्यांग भजन संहिता दा भी लखिसकु आद, नी नान पार हुय;

ईद ना अच नीनी पैदा माळीन.

\* 13:24 १३:२४ मरकुस १:४; लुका ३:३      \* 13:25 १३:२५ यूहन्ना १:२०; मत्ती ३:११; मरकुस १:७; लुका ३:१६; यूहन्ना १:२७      \* 13:28 १३:२८ मत्ती २७:२२,२३; मरकुस १५:२३,१४; लुका २३:२१-२३; यूहन्ना १९:१५      \* 13:29 १३:२९, मत्ती २७:७-६१; मरकुस १५:४२-४७; लुका २३:५०-५६; यूहन्ना १९:३८-४२      \* 13:31 १३:३१ प्रेरतिगोळ १:३

34 अदकि परमेश्वर आऊक सोततुर दा टु जतिता माळकु येबसदुन ताकी सळूसोर साटी कबर दा बदिक् ईला ईरूल, इदुरसाटी आव ईद अंदुन,

ना नीनी पवतिर अदकि अटल आशीष कोळाईन

जो ना दाऊद उन सांगुळ वादा माळीन.

35 इदुरसाटी आव भजन संहिता दा भी अंदान,

नी तान वशिवासयोग्य सेवक उक कबर दा सळुस गोळतीदील.

36 यतकि दाऊद रा परमेश्वर उन इच्छा अन्द अनुसार तान समय दा स्यावा माळकु सोतोदुन, अदकि तान आप्प दादागोळ सांगुळ दा नळसकु आदुन, अदकि आऊन मय कबर दा सळुसेत. 37 लेकीन यारी परमेश्वर सोततुर दा टु जतिता माळदुन, आव सळुसीदील. 38 इदुरसाटी, हे नान इस्त्राएली संगीगोळा, नीव जान्स कोमी कथीशु उन द्वारा पापगोळद माफ अन्द बातणी नीमी कोटक आगतद; 39 अदकि याता मातगोळ दा नीव मूसा अन्द व्यवस्था अन्द द्वारा पापगोळ देल मुक्त आग सकालीर, अवा सप्पा दा हर ऊद यीशु मा वशिवास माळावाळा पापगोळ देल मुक्त आगतान. 40 इदुरसाटी सावधान ईरी, हगि आगवाळुल कथि जो भविष्यवक्तागोळ कतिब दा वंदाद, नीम मा भी अद घटुस बाळुल:

41 हे अपमान माळावाळेरा, नोळी, चकति आगी, अदकि सोतोगी;

यतकि ना नीम दनिगोळ दा ऊद क्यालसा माळतीन,

हगि क्यालसा कथि अगर यावारा नीम से आऊन बारा दा मातचीत माळुल,

रा नीव यागलु वशिवास माळतीदील.

42 पौलुस अदकि बरनबास उन यहूदी सभागूह टु वहारया होळा समय लॉकुर आंदुर से वनिती माळली कुरतुर कथि अगला आराम इन दनि नामी ई मातगोळी बाक केळसकु आगुल. 43 याग सभा येदोत रा यहूदीगोळ अदकि गैरयहूदी मत दा बरावाळेर भक्तगोळ दा टु हापाळ सा पौलुस अदकि बरनबास इन हदि आगदुर; अदकि प्रेरतिगोळ आंदुर से मातगोळी हेळकु प्रोतसाहति माळदुर कथि परमेश्वर उन अनुग्रह दा जीवन बनसकु ईटी.

44 अगला आराम इन दनि नगर इन सप्पा लॉकुर परमेश्वर उन वचन केळोर साटी जमा आगदुर. 45 लेकीन यहूदी भीळ इक नोळकु जलन देल तुम्मेदुर, अदकि अपमान माळतेला पौलुस उन मातगोळद वरिध दा अपशब्द अनली कुरतुर. 46 आग पौलुस अदकि बरनबास नडिर आगकु अंदुर, जरूरी ईरोद कथि परमेश्वर उन वचन पयले नीमी केळसकु आगाईत; लेकीन याग नीव अदरी टुकूस बुळतीर, अदकि खुद इक अननत् जीवन इन योग्य ठहूरसालीर, रा नोळी, नाव नीमी बटिकु गैरयहूदी लॉकुर दी तरिगतेव. 47 यतकि प्रभु नामी ईद आग्या कोटान,

ना नीनी गैरयहूदीगोळ साटी ज्योति ठहूरसीन,

ताकी पुग संसार ऊळसकु आगुल.

48 ईद केळकु गैरयहूदीगोळ खुश आदुर, अदकि परमेश्वर उन वचन इन वळाई माळली कुरतुर; अदकि यास अननत् जीवन इन साटी ठहूरसकु आगीदुर, आंदुर वशिवास माळदुर.

49 आग प्रभु उन वचन आ सप्पा द्याश दा फैलुसली कुरत. 50 लेकीन यहूदीगोळ परमेश्वर उन आराधना माळावाळेर अदकि प्रसदिध गैरयहूदी आरतेर इक अदकि नगर इन प्रमुख लॉकुरी उकसुसदुर, अदकि पौलुस अदकि बरनबास इन वरिध उपदरव माळसुसकु आंदरी तान सीमा दा टु तेगुद बुदुर. 51 आग प्रेरति आंदुर मुंद आंदुर वरिध दा तान कालगोळ धुळा झाळसकु इकुनयिमु नगर इक होटोदुर. 52 अदकि अन्ताकथिया नोर वशिवासी पुग खुशी देल अदकि पवतिर आत्मा देल परपुर्ण आगतेला होदुर.

## 14

इकुनयिमु दा पौलुस अदकि बरनबास

1 इकुनयिमु दा हगि आत कथि पौलुस अदकि बरनबास यहूदीगोळद सभागूहगोळ दा सांगुळल्या होदुर, अदकि ई प्रकर देल मातगोळी हेळदुर कथि यहूदीगोळ अदकि गैरयहूदीगोळ येदुह दा टु हापाळ मुंदुर वशिवास माळदुर. 2 लेकीन वशिवास ईला माळावाळेर यहूदीगोळ गैरयहूदी लॉकुरद मन दा वशिवासी वारटुर वरिध दा उकसुसदुर अदकि आंदुर मन दा कळवाहटपन पैदा माळ कोडुर. 3 पौलुस अदकि बरनबास हापाळ दनि ताका अल ईततुर, अदकि प्रभु उन बारा दा नरिभयता देल प्रचार माळत ईततुर आंदुरद द्वारा प्रभु अदभुत चनिह अदकि आश्चर्यगोळी माळसुसतेला तान अनुग्रह अन्द बातणी ईद पुरा सचचाई देल आद इदरी प्रगट माळतेला ईततुन. 4 लेकीन नगर इन लॉकुर दा फूट बदिता, इदुर देल यास रा यहूदीगोळ दी अदकि यास प्रेरतिगोळद दी आगोदुर.

5 आग थवाळासा गैरयहूदी अदकि यहूदी तान अधिकारीगोळ सांगुळ मलुसकु आंदुर सांगुळ बुरा व्यवहार माळली अदकि आंदुर मा कल्लगोळ भळोद चाल नळदुर. 6 आग पौलुस अदकि बरनबास उक ई मात इन पता नळुत आग आंदुर लुकाउनयि अन्द लुसुत्रा अदकि दरिबे घाई नगरगोळ दा अदकि अदुरद आसपास इन कषेत्रगोळ दा ओळदुर. 7 अदकि आंदुर अल खुशखबरी केळसली कुरतुर.

लुसुत्रा अदकि दरिबे दा पौलुस अदकि बरनबास

8 लुसूत्रा दा ऊंद मंळसा कुरतकु ईरोन, जो कालगोळ देल अपंग ईरोन. आव जनम टु अच लंगळा ईरोन अदकि यागलु नळु ईला सकोन. 9 आव पौलुस उक मातगोळी माळत केळोन. पौलुस आऊंद दी तार हचकु नोळदुन कि आऊक वळलेव आगोद वशिवास आद, 10 अदकि धोळ शब्द देल अंदुन, "तान कालगोळ बल देल सीधा नदुर." आग आव हारकु नळली टेटाळली कुरतुन. 11 लॉकुर पौलुस उन ईद कयालसा नोळकु लुकाउनया अनंद भाषा दा धोळद आवाज देल अंदुर, "दयावगोळ मंळसागोळद रूप दा आगकु नाम हातती ईळकु बंदार." 12 आंदुर बरनबास उक ज्यूस, अदकि पौलुस उक हरिमेस अंदुर, यतकी पौलुस मातगोळ हेळदुर दा मुख्य ईरोन. 13 ज्यूस दयाव उन आ मंदरि इन पुजारी जो आंदुर नगर इन मुंद ईरोन, वस्ता अदकि फूलगोळ हार फाटकगोळ मा तनकु लॉकुर सांगुळ बलदानि माळोद चाहासोन.

14 लेकीन बरनबास अदकि पौलुस प्रेरतिगोळ याग ईद केळदुर, रा तान कपळा हरदुर अदकि भीळ दा होदुर, अदकि कारूकु अनली कुरतुर, 15 "हे लॉकुरा, नीव ईद येती माळेतीर? नाव भी रा नीम घाई मंळसा हुयेव, अदकि नीमी परमेश्वर उन खुशखबरी केळसोर साटी नाव ईल आयेव, कि नीव ई बेकार वस्तुगोळ देल अलग आगकु जतिता परमेश्वर उन दी तरिगी, याव स्वर्ग अदकि पृथ्वी अदकि समुद्र अदकि जो येनारा अऊरदा आद माळदुन. 16 आव बतिसुद समयगोळ दा सप्पा लॉकुरी तान तान हादीगोळ दा नळु गोटदुन. 17 लेकीन आव हमेशा भला कयालसा माळदुर द्वारा तान असततिव अक प्रमाणाति माळदुन: आव नीमी आकाश टु माळ कोटदुन अदकि मौसम इन अनुसार फसल कोटदुन; आवा नीमी तनिली कोळतान अदकि नीम दलिगोळी खुशी देल तुमम बुळतान." 18 ईद अनकु भी प्रेरतिगोळ लॉकुरी धोळद परेशानी देल रोक्सदुर कि आंदुर साटी बलदानि माळबाळुन.

19 लेकीन येनारा यहूदीगोळ पसिदिया अनंद अन्ताकया अदकि इकुनयिम टु बंदकु लॉकुरी तान दी माळ कोडुर, अदकि पौलुस मा कल्लगोळ देल वळदुर, अदकि सोतकु समसकु आऊक नगर इन वहाया जेडुकु ओतुर. 20 पर याग चेलागोळ आऊन नाकु दी बंदकु नदुरदुर, रा आव यदकु मातत नगर दा होदुन अदकि दुसरा दशी बरनबास उन सांगुळ दरिबे अक होटोदुन.

सीरया अनंद अन्ताकया दा वापस बरोद

21 पौलुस अदकि बरनबास दरिबे नगर इन लॉकुरी खुशखबरी केळसकु, अदकि हापाळ सा चेलागोळी माळकु, लुसूत्रा अदकि इकुनयिम अदकि पसिदिया अनंद अन्ताकया अक वापस बंदुर, 22 अदकि चेलागोळ मन इक संची माळत ईततुर अदकि ईद प्रोत्साहन कोळोर कि विश्वास दा सचचाई देल वनसकु ईरी; अदकि ईद शकिषा कोळतोगोर, "नामी बळा दुख नेगुकु परमेश्वर उन राज्य दा प्रवेश माळोद आद." 23 अदकि आंदुर हर ऊंद मंडली दा आंदुर साटी स्याणा लॉकुरी नयिकुत माळदुर अदकि उपास सहति प्रार्थना माळकु आंदरी प्रभु उन कय दा सौपसदुर यार मा आंदुर विश्वास माळतोगोर.

24 आग पसिदिया टु आगतेला आंदुर पंफुलिया पोहचुसदुर; 25 बाक परिगा दा वचन केळसकु अतल्लिया दा बंदुर, 26 अदकि अल टु आंदुर जहाज अन्ताकया होदुर, यल आंदुर आ कयालसा अनंद साटी जो आंदुर पुरा माळीदुर परमेश्वर उन अनुग्रह दा कोटकु आगीदुर.

27 याग आंदुर अन्ताकया बंदुर रा आंदुर मंडली अन लॉकुर जमा माळकु जो परमेश्वर आंदुर सांगुळ माळदुन अद केळसदुर अदकि हेळदुर कि ह्यांग परमेश्वर गैरयहूदीगोळद विश्वास माळोर साटी दरवाजा तेरदुन. 28 अदकि आंदुर विश्वासीगोळ सांगुळ हापाळ दनि ताका अल ईततुर.

## 15

यूशलेम इन सभा

1 बाक थ्वाळासा लॉकुर यहूदिया टु अन्ताकया बंदकु विश्वासी वारदुरी कलसली हतदुर: "अगर मूसा अनंद व्यवस्था अन अनुसार नीमद खतना ईला आगाईत रा नीमी उद्धार सकि सकाल." 2 इदुर बारा दा पौलुस अदकि बरनबास आंदुर से सहमत ईला ईरोर ईदा कारण देल आंदुर सांगुळ आंदुरद हापाळ धोळद झगळा आत रा ईद ठहर्सकु आत कि पौलुस अदकि बरनबास अदकि आंदुर दा टु थ्वाळासा संगीगोळ ई मात इन समाधान माळोर साटी प्रेरतिगोळ अदकि मंडली नोर स्याणा मंळसागोळ हातती यूशलेम इक कळकु आगुल.

3 इदुरसाटी मंडली आंदरी येनारा दुर ताका सफर माळोर साटी पोहचुसदुर; अदकि आंदुर फनीकी अदकि सामरीया टु आगतेला गैरयहूदी लॉकुर ह्यांग परमेश्वर उन दी तरिगदुर इदुरद जानकारी केळसतेला होदुर, अदकि ई जानकारी देल विश्वासी वारदुर हापाळ खुश आदुर. 4 याग आंदुर यूशलेम पोहचुसदुर, रा मंडली अदकि प्रेरति अदकि मंडली नोर स्याणा लॉकुर आंदुर स्वागत माळदुर, अदकि आंदुर हेळदुर कि परमेश्वर आंदुर सांगुळ आगकु येन-येन कयालसा माळीदुन. 5 लेकीन फरीसीगोळ समुह दा टु थ्वाळासा लॉकुर जो यार विश्वास माळीदुर, आंदुर यदकु अंदुर, "गैरयहूदीगोळद खतना आग अच पायजे अदकि आंदुर मूसा अनंद व्यवस्था अन पालन माळ पायजे."

6 आग प्रेरति अदकि मंडली अन स्याणा लॉकुर ई मात इन बारा दा वचारि माळोर साटी जमा आदुर. 7 आग पतरस हापाळ झगळा आगदुर बाददा नदुरिकु आंदुर से अंदुन, "हे वारदुरा, नीव जानसतीर कि हापाळ दनि पयले परमेश्वर नीम दा टु नानी नीवळुस कोडुन कि नान बाय देल गैरयहूदीगोळी खुशखबरी इन वचन केळसुसुल ताकी आंदुर केळकु विश्वास माळुल. 8 सप्पा मुंदुरद मन अरावाळा परमेश्वर आंदरी भी नाम घाई पवतिर आत्मा कोटकु

आंदुर गवाही कोटकू आंदुरद संबंघ दा तान समरथन दरशुसदिन; 9 अदकि वशिवास इन द्वारा आंदुर पापगोळी माफ माळदुन आंदुरद अदकि नामद न्याड्या येनु भेदभाव ईटीदलि. 10 रा इंग नीव येती परमेश्वर उन परीक्षा माळतीर कि वशिवासीगोळ कुतक्या मा हांगि जुआळी ईटी, यारी ना नाम आप्प दादागोळ नेगु सकीदुर अदकि ना नाव नेगु सकतेव? 11 ईला, नामद ईद वशिवास आद कि जसा ह्यांग नाम प्रभु यीशु उन अनुग्रह देल उदधार आग्याद; हांगा आंदुरद भी आग्याद.”

12 आग सप्पा सभा चुपचाप बरनबास अदकि पौलुस उन केळली कुरतुर, कि परमेश्वर आंदुर द्वारा गैर्यहूदीगोळ दा ह्यांग धोळ धोळ चमत्कार अदकि अदभुत कयाल्सा तोर्सदुन. 13 याग आंदुर चुप आदुर रा याकूब अनली कुरतुन, हे वारटुरा, अदकि आकतीगेरा, नांद केळी. 14 शमौन ईगल्या हेळदुन कि परमेश्वर पयले गैर्यहूदीगोळ मा ह्यांग कृपा दृष्टी माळदुन, कि आंदुर दा टु तान हेसुर इन साटी ऊंद लॉकुर माळ कोमुल. 15 इदुर देल भवषियवक्तागोळ वचन भी समरथन माळताव, जसा कि शास्त्र दा लखिसकु आद,

16 इदुर बाददा ना मातत बंदकु दाऊद उन

बदिकु राजय मातत स्थापति माळाईन,  
अदकि आऊन खंडरगोळी मातत  
मजबूत कटाईन,

17 इदुरसाटी कि मगिद मंळसागोळ, मतलब सप्पा

गैर्यहूदी जो नान हेसुर इन कहलुस्तार, प्रभु अक वुढसुल,

18 ईद आवा प्रभु अनतान जो दुनय्या अन उत्पत्ति देल ई मातगोळी प्रगट माळतेला बंदान.

19 “इदुरसाटी नान वचिर ईद आद कि गैर्यहूदीगोळ दा टु जो लॉकुर परमेश्वर उन दी तरिगतार, नाव आंदरी दुख कोळतीदील; 20 बल्की नामी आंदुर हातती चिट्टी लखिसकु कळु पायजे: कि आंदुर भोजन तनिबाळुल जो प्रथा अन अनुसार अशुधद आद यतकी अद मूर्तीगोळ मा येरसद हुन, व्यभचिर देल आंदुर दुर ईरूल अदकि कुतक्या ओतकु कोद यातोदु पशु उन मास अदकि खुन तनिबाळुल. 21 यतकी स्याणा लॉकुर काल टु नगर नगर मूसा अनद व्यवस्था अनद प्रचार माळावाळेर आगत बंदार, अदकि अद हर आराम इन दनि सभागूह दा वाचुसकु आगतद.”

गैर्यहूदी वशिवासीगोळी चिट्टी

22 आग सप्पा मंडली सहति प्रेरतिगोळ अदकि मंडली अनद स्याणागोळ नशिचय माळदुर कि नाम दा टु येनारा येदुळ मंळसागोळी नीवळुसुल, मतलब यहूदा जो बरसबवा कहलुस्तान, अदकि सीलास उक जो वारटुर दा स्याणा ईरोन; अदकि आंदरी पौलुस अदकि बरनबास उन सांगुळ अनताकिया कळुल.

23 आंदुर आंदुरद कय दा ईद चिट्टी लखिसकु कळुदुर: “अनताकिया अदकि सीरिया अदकि कलिकिया अनद ईरावाळेर वारटुर इक जो गैर्यहूदीगोळ दा टु आर, प्रेरतिगोळ अदकि स्याणा लॉकुर वारटुरद नमस्कार. 24 नाव ईद केळदेव कि नाम दा टु यावारा आदेश हासलि माळद बनिा अच नाम दा टु थवाळासा लॉकुर होगकु, तान शब्दगोळ देल नीमी परेशानी अदकि दुख पोहचुसयान. 25 नाव सप्पा मुंदुर आपस दा सहमत आगकु ईद नशिचय माळदेव कि नाम दा टु नविळुसुद मंळसागोळी तान प्रयि बरनबास अदकि पौलुस उन सांगुळ नीम हातती कळेव. 26 ई हांगि मंळसा आर यार तान जीव नाम प्रभु यीशु मसीह अनद कयाल्सागोळ साटी जोखमि दा हाक्यार. 27 इदुरसाटी नाव यहूदा अदकि सीलास उक कळेव, जो मातगोळ नाव लखिसेतेव, आंदुर ऊंद आगकु नीमी ईवा मातगोळ हेळयार. 28 पवतिर आत्मा अक अदकि नामी उचति जानसकु बलि त कि ई जरूरी मातगोळी बटिकु, नीम मा बोझ हाकबाळुल; 29 कि नीव मूर्तीगोळ मा बली माळावाळेर से अदकि खुन देल, अदकि कुतक्या वत्त पशुगोळद मास देल, अदकि व्यभचिर देल दुर ईरी. ईऊर से दुर ईरी रा नीमद भला आदीत. नाम शुभकामनागोळ मुंदु नीम सांगुळ ईरूल.”

30 बाक आंदुर सार आगकु अनताकिया पोहचुसदुर, अदकि वशिवासीगोळद सभा अक जमा माळकु अद चिट्टी आंदरी कोट्ट बुदुर. 31 आ लॉकुर चिट्टी जोर देल वाचुसकु अद प्रोत्साहन सकिकावाळा बातणी इन द्वारा हापाळ खूश आगेदुर. 32 यहूदा अदकि सीलास जो खुद भी भवषियवक्ता ईरोर, हापाळ मातगोळ देल वारटुरी शकिषा कोटकू प्रोत्साहति अदकि संची माळदुर. 33 आंदुर येनारा दनि ईतकु, वशिवासी वारटुर आंदरी शांती देल आंदुर दा हातती वापस होगली वदिा माळदुर जो आंदरी कळीदुर. 34 \* लेकीन सीलास उक अल ईरोद वळलीद हत.

35 लेकीन पौलुस अदकि बरनबास अनताकिया दा ईतोदुर: अदकि अन्य हापाळ सा लॉकुरद सांगुळ प्रभु उन वचन केळसतेला ईततुर.

पौलुस अदकि बरनबास उन अलग आगोद

36 थवाळासा दनि बाददा पौलुस बरनबास से अंदुन, “या नगर दा नाव प्रभु उन वचन केळसीदेव, बरी, बाक आंदुर दा नळुकु तान वारटुरी अदकि आकतीगेरी नोळाता कि आंदुर ह्यांग आर.” 37 आग बरनबास यूहनुना अक जो मरकुस कहलुस्तान, सांगुळ हुडोद वचिर माळदुन. 38 लेकीन पौलुस ईद वळलीद समसीदील कि आऊक तान सांगुळ हुळदेव, यतकी यूहनुना जो मरकुस कहलुस्तान, पंफूलिया टु आंदुर हातती वापस हदि तरिगेगदिन अदकि आंदुर स्यावा कार्य पुरा आगासताका आंदुर सांगुळ ईला ईरोन. 39 इदुर मा बरनबास अदकि पौलुस उन दा धोळद वरिोध पैदा आगेत अदकि परणिाम ईद सकित कि आंदुर आपस दा आबुर दाबुर से अलग आगेदुर; बरनबास, मरकुस उक हुडुकु जहाज मा साइप्रस होटोदुन. 40 लेकीन पौलुस सीलास उक नविळुसु कौडुन, अदकि वशिवासी वारटुर से परमेश्वर

\* 15:34 १५:३४ येनारा हस्तलेखगोळ दा ईद वचन सकिलद

☆ 15:38 १५:३८ प्रेरतिगोळ १३:१३



उन अनुग्रह दा कोटकु अल टु होटोदुन; 41 अदकि आव मंडलीगोळी संची माळतेला सीरिया अदकि कलिकिया टु आगतेला होटोदुन.

## 16

तीमथयिस उन पौलुस अदकि सीलास उन सांगुळ होगोद

1 बाक पौलुस दरिबे अदकि लुसत्रा दा भी होदुन. अल तीमथयिस हेसुर इन ऊंद मसीह ईरोन, आऊन मोय यहूदी विशिवासी ईरोर, लेकीन आऊन आप्प गैरयहूदी ईरोन. 2 आव लुसत्रा अदकि इकुनयिम उन वार्दुर दा वळ्लेव मळसा ईरोन. 3 पौलुस उन इच्छा ईरोद कती तीमथयिस आऊन सांगुळ बरूल; अदकि जो यहूदी लॉकुर आ जागागोळ दा ईरोर आंदुर कारण आव आऊंद खतना माळदुन, यतकी आंदुर सप्पा जानसोर, क आऊन आप्प गैरयहूदी ईरोन. 4 अदकि नगर नगर होगतेला आंदुर आ नयिमगोळी जो यरूशलेम इन प्ररतिगोळ अदकि स्याणागोळ टहरसीदुर, मानसोर साटी आंदरी हेळकु आगोद. 5 ई प्रकार मंडलीगोळ विशिवास दा संची आगतेला होत अदकि संख्या दा रोज वाळुस्त होत.

त्रोआस दा पौलुस उन दर्शन

6 आंदुर फ्रूगिया अदकि गलातिया प्रदेशगोळ दा टु आगकु होदुर, यतकी पवत्रि आत्मा आंदरी आसिया दा वचन केळसोर से मना माळत. 7 आंदुर मूसिया अनंद सीमा अन हात्ती पोहचुसकु, बतूनिया कषेत्तर दा होगोद चाहासदुर; लेकीन यीशु उन आत्मा आंदरी इजाजत कोटीदील. 8 इदुरसाटी आंदुर मूसिया टु आगकु त्रोआस दा बंदुर. 9 अल पौलुस ईळलकी ऊंद दर्शन नोळदुन क ऊंद मकदिनी मळसा नदुरकु आऊन से वनिती माळकु अनेतयान, "ईपाटी ईळकु मकदिनिया दा बा, अदकि नामद मदत माळ." 10 आऊन ईद दर्शन नोळतेला अच नाव तुरन्त मकदिनिया होगोद चाहासदेव, ईद समसकु क परमेश्वर नामी आंदरी खुशखबरी केळसोर साटी कारस्यान.

फलिपिपी दा: लुदिया अनंद मन-बदलुसोद

11 इदुरसाटी त्रोआस टु जहाज कुरतकु नाव सधा सुमात्राके होदेव अदकि दुसरा दशिी नयिपुलसि दा बंदेव. 12 अल टु नाव फलिपिपी पोहचुसदेव, जो मकदिनिया द्याश इन मुखय नगर अदकि रोमीगोळद ऊर हुन; अदकि नाव आ नगर दा थवाळासा दनि ताका ईत्तेव. 13 आराम इन दनि नाव नगर इन फाटक इन व्हारया गांगा अनंद कनिरा ईद समसकु होदेव क अल प्रार्थना माळोद जागा ईतीदाद, अदकि कुरतकु आ आर्तेर से जो जमा आगीदुर, मातगोळी माळली कुरतेव. 14 लुदिया हेसुर इन थुआतीरा नगर इन जांभळा रंग इन कपळा मारावळत ऊंद भक्त आर्त केळोर. परभु आकनि मन खोलसदुन क आक पौलुस उन मातगोळ मा मन हचुल. 15 याग लुदिया तान घराना समेत वपतसिमा ताकोडुर, रा आक नाम से वनिती माळदुर, "अगर नीव नानी प्रभु उन विशिवासिनी समसतीर, रा नळकु नान मान्या ईरी," अदकि आक नामी मान्सकु ओतुर.

पौलुस अदकि सीलास बंदीगूह दा

16 ऊंद दशिी याग नाव प्रार्थना माळोद जागा मा होगेव, रा नाम मुलाकात ऊंद हारोद आर्त दासी से आत यारदा भवषिय हेळावाळा दुष्ट आत्मा ईरोद; अदकि लॉकुरद भवषिय हेळदुर देल स्वामीगोळ साटी हापाळ पैस्या कमसकु तरतोगोद. 17 आक पौलुस उन दी नाम हीद बंदकु चलिळासली कुरतुर, "ई मळसा परमप्रधान परमेश्वर उन दास हुय, जो नामी उदधार इन हादी इन कात्ता केळसतार." 18 आक हापाळ दनि ताका हगि अच माळतेला ईत्तुर; लेकीन पौलुस परेशान आदुन, अदकि पलटुसकु आ दुष्ट आत्मा से अंदुन, "ना नीनी यीशु मसीह अनंद हेसुर देल आगया कोळतीन क आकनि दा टु होटबुळ." अदकि अद आत्मा अदा घळी होट बुळत. 19 याग आ पोर इन स्वामीगोळ नोळदुर क नामद कमाई इन आशा होगुत ईत्त, रा पौलुस अदकि सीलास उक होळकु चौक दा प्रधानगोळ हात्ती जेडुकु ओतुर; 20 अदकि आंदरी रोमन अधिकारीगोळ हात्ती ओतुर अदकि अंदुर, "ई लॉकुर जो यहूदी आर, नाम नगर दा बळा अशांती फैलुसेत्तार; 21 अदकि हगि रीत रवाजगोळी कलसेत्तार, यारी ग्रहण माळोद या मानसोद नाम रोमीगोळ साटी वळलीद हेल्लेच अदकि नाव ईदुरद पालन भी माळ सकालेव अदकि मान्स भी सकालेव."

22 आग भीळ इन लॉकुर आंदुरद वरिध दा जमा आगकु पौलुस अदकि सीलास उन मा येरतेला बंदुर, अदकि शासकगोळ आंदुर कपळा हरदुर अदकि अदकि आंदरी कोळागोळ बडोद आग्या कोटदुर. 23 हापाळ कोळा वळसुसकु आंदुर आंदरी बंदीगूह दा हाक बुटुर अदकि दरोगा अक आग्या कोटदुर क आंदरी कळक बंदोबसत दा ईदुल. 24 आऊक हगि आग्या सक्तिेला अच आव आंदरी बुळक इन कोठरी दा ईटदुन अदकि आंदुर कालगोळ कोल इक टोक्स बुदुन.

25 आरधा ईळलक इन लगभग पौलुस अदकि सीलास प्रार्थना माळतेला परमेश्वर उन भजन हाळोर, अदकि कैदी आंदुरद केळोर. 26 इदुरद दा अचानक धोळद भूकम्प बत्त, ईल ताका क बंदीगूह अनंद पायवा हालुसेदव अदकि तुरन्त सप्पा दरवाजा खुलसेदव; अदकि सप्पा कैदीगोळव बंधन खुलसेदव. 27 दरोगा जप दा टु येदुन, अदकि बंदीगूह अनंद दरवाजा खुला नोळकु समसदुन क कैदी ओळग्यार, इदुरसाटी आव तलवार तेगु कु तान तान इक कौद बुळोद चाहासदुन. 28 लेकीन पौलुस धोळ शब्द दा कारकु अंदुन, "तान तान इक येनु हाना पहचुसबाळ, यतकी नाव सप्पा ईल्या आयेव."

29 आग बंदीगूह अनंद दरोगा दगिया कारसदुन अदकि राटनेरी बुळक होदुन, अदकि अंजक देल नळगतेला पौलुस अदकि सीलास उन मुंद बंदोदुन; 30 अदकि आंदरी व्हारया तनकु अंदुन, "हे सज्जनगोळा, उदधार सकिरोर साटी ना येन माळीन?"

31 आंदुर अंदुर, “परभु यीशु मसीह मा वशिवास माळ, रा नीनी अदकि नीन घराना अक उद्धार सकिकीत.” 32 अदकि आंदुर आऊक अदकि आऊद सप्पा मान्ना अनंद लॉकुरी प्रभु उन वचन केळसदुर. 33 ईळलकी अदा घळी दरोगा आंदरी ओतकु आंदुरद जखमगोळी तोळदुन, अदकि आव तान सप्पा घराना समेत तुरनुत बपतसिमा ताकोडुन. 34 आग आव पौलुस अदकि बरनवास उक तान मान्या ओतकु आंदुरद मुंद भोजन ईटदुन, अदकि सप्पा घराना समेत परमेश्वर मा वशिवास माळकु खुशी माळदुन.

35 याग हागुल आत आग रोमन शासकगोळ तान सपिाहीगोळ अधकारीगोळद कय देल वातणी कळुदुर क आ मंळसागोळी बटि बुळी.

36 दरोगा ईद मातगोळी पौलुस से अंदुन, “शासकगोळ नीमी बटि बुळोद आग्या कळु बुटार. इदुरसाटी ईग होटकु शांती देल होटोगी.”

37 लेकीन पौलुस सपिाहीगोळ अधकारीगोळ से अंदुन, “आंदुर नामी जो रोमी मंळसा आर, दोषी ठहूसद बनिा लॉकुर मुंद बळदुर अदकि बंदीगूह वा हाकदुर. ईग येन नामी चुपचाप तेगेत्यार? हगि ईला; लेकीन आंदुर खुद बंदकु नामी व्हार्या तेगुल.”

38 सपिाहीगोळद अधकारीगोळ ई मातगोळद रोमी शासकगोळी जानकारी कोटदुर, अदकि आंदुर ईद केळकु कर् पौलुस अदकि सीलास रोमन नागरीत्वावाळेर लॉकुर उर, अंजेदुर, 39 आग रोमन अधकारीगोळ बंदकु आंदुर से माफ वनिती माळदुर, अदकि आंदरी बंदीगूह टु व्हार्या तनकु नगर बटिकु होगली हेळदुर. 40 पौलुस अदकि सीलास बंदीगूह टु होटकु लुदया अनंद ईल होदुर, अदकि वशिवासी वारटुर से भेट माळकु आंदरी प्रोत्साहन कोटकु होटोदुर.

## 17

थसिसलुनीके नगर दा

1 बाक पौलुस अदकि सीलास अम्फपुलिस अदकि अपुल्लोनिया आगकु थसिसलुनीके दा वंदुर, यल यहूदीगोळद ऊंद यहूदी लॉकुरद सभागूह ईरोद. 2 पौलुस तान रीर्ता इन अनुसार सभागूह दा होदुन, अदकि मुर आराम इन दनि नयिम शास्त्रगोळ देल यहूदी लॉकुर सांगुळ झगळा माळदुन; 3 अदकि अऊर अर्थ आसान भाषा दा समझुस तोगोन कर् मसीह अक दुख नेगोद, अदकि सोत्तुर दा टु जतिता माळोद, जरूरी ईरोद; अदकि “ईवा यीशु यारद बारा दा ना नीमी हेळतीन, मसीह हुन.” 4 आंदुर दा टु येनारा लॉकुर वशिवास माळदुर अदकि पौलुस अदकि सीलास उन सांगुळ मीलुसेदुर. परमेश्वर उन आराधना माळावाळेर हापाळ पुरा गैरयहूदीगोळ भी आंदुर दा मीलुसेदुर, ईदुर दा मुख्य आरतेर भी ईरोर,

5 लेकीन यहूदीगोळ जलन देल तुमकु बाजारू लॉकुर दा टु येनारा दुष्ट मंळसागोळी तान सांगुळ दा हुळदुर, अदकि भीळ जमा माळकु नगर दा हल्ला मचुसली कुरतुर, अदकि यासोन उन मान्ना मा चढाई माळकु अदकि कोशशि माळली कुरतुर कर् हयांगारा तरी पौलुस अदकि सीलास उक लॉकुर मुंद तंदेव. 6 आंदरी अल ईला नोळकु आंदुर ईद चलिळासतेला यासोन अदकि येनारा वशिवासी वारटुरी नगर इन शासकगोळ मुंद जेडुतेला तंदुर अदकि अंदुर, “ई लॉकुर यार सप्पा दी मूसीबत पैदा माळ बुटार, आंदुर नाम नगर दा भी होट वंदार. 7 अदकि यासोन आंदरी तान मान्या ईटयान. ई सप्पा च्या सप्पा ईद अनतार कर् यीशु राजा आन, अदकि कैसर उन नयिमगोळद वरिध माळतार.” 8 आंदुर लॉकुरी अदकि नगर इन शासकगोळी ईद केळसकु भळकुस बुटुर. 9 इदुरसाटी आंदुर यासोन अदकि वाकी लॉकुर से जमानत ताकोमकु आंदरी बटि बुटुर.

बरीया नगर दा

10 वशिवासी वारटुर तुरनुत ईळलक इन ईळलक इच पौलुस अदकि सीलास उक बरीया कळु बुटुर; अदकि आंदुर अल पोहचुसकु यहूदीगोळद सभागूह दा होदुर. 11 आ लॉकुर रा थसिसलुनीके अनंद लॉकुर से भला ईरोर, अदकि आंदुर धोळ लालसा देल वचन ग्रहण माळदुर, अदकि रोज शास्त्रगोळ दा अध्ययन माळ माळकु नोळेर कर् जो ई मातगोळ पौलुस हेळदुन अव सही आव का ईला. 12 अदकि इदुर परणिाम स्वरूप हापाळ सा यहूदीगोळ अदकि मानवाईक युनानी आरतेर मंळसागोळ भी वशिवास ग्रहण माळदुर. 13 लेकीन याग थसिसलुनीके अनंद यहूदी जानुस कोडुर कर् पौलुस बरीया दा भी परमेश्वर उन वचन केळसतान, रा अल भी बंदकु लॉकुरी भळकुसली अदकि दंगा माळली कुरतुर. 14 आग वशिवासी वारटुर तुरनुत पौलुस उक वदिा माळदुर कर् समुदर अनंद कनारा होटोगुल; लेकीन सीलास अदकि तीमूथयुस अलुया ईतोदुर. 15 पौलुस उक वशिवासी वारटुर एथेस ताका ओतुर; अदकि सीलास अदकि तीमूथयुस उन साटी आंदुर पौलुस उन से ईद आग्या ताकोमकु वदिा आदुर कर् आंदरी नान हातती जलदी से जलदी कळुल.

एथेस नगर दा

16 याग पौलुस एथेस दा तीमूथयुस अदकि सीलास उन हादी कायोन, अदकि एथेस नगर इक मूरतीगोळ देल तुमकु नोळकु आव हापाळ नरिाश आगेदुन. 17 इदुरसाटी आव यहूदी लॉकुरद सभागूह दा यहूदीगोळ अदकि गैरयहूदीगोळ जो परमेश्वर उन आराधना माळतोगोर, अदकि चौक दा हागा बरावाळेर लॉकुर आऊन से सकितोगोर आंदुर से हर रोज झगळा माळतोगोन.

18 आग इपकिरी अदकि स्तोईकी गुरुगोळ दा टु थवाळासा गुरु आऊन से तरक माळली कुरतुर, अदकि येनारा अंदुर, “ईव अग्यानी येन अनोद चाहासतान?” लेकीन दुसरा अंदुर, आव “अन्य देवतागोळद प्रचारक मालूम बळितान.” यतकी आव यीशु उन अदकि आऊन पुनूत्थान इन खुशखबरी केळसतोगोन. 19 आग आंदुर पौलुस उक तान सांगुळ

अरथिपगुस इन नगर दा ओतुर अदकि केळदुर, “येन नाव जान्स सकतेव किईद व्हाशोद शकिषा जो नी हेळतया, येन हुन? 20 यतकी नी अनोखा मातगोळी नामी केळसतया, इदुरसाटी नाव जानसोद चाहासतेव किईऊद अर्थ येन आद.” 21 इदुरसाटी क सप्या एथेंसवासी अदकि परदेशी जो अल ईरतोगोर, सप्या आऊन व्हासा व्हासा मातगोळी केळली अदकि हेळदुर दा समय वतिसुतोगोर.

22 आग पौलुस अरथिपगुस उन नगर इन सभा अन न्याडया दा नदिरकु अंदुन, हे एथेंस इन लॉकुरा, ना नोळतीन कनिव हर प्रकार देल धार्मकि आईर. 23 यतकी ना नगर दा टेटाळतेला याग नीमद आराधना माळोद जागागोळी नोळीन, रा ऊद हगि वेदी भी नोळदीन, यदुर मा लखिसकु ईरोद, अनजाना परमेश्वर उन साटी. इदुरसाटी यार्द नीव बनिा नोळद आराधना माळतीर, ना नीमी आऊद बारा दा हेळतीन. 24 “या परमेश्वर पृथ्वी अदकि अदुर सप्या वस्तुगोळी माळदुन, आव स्वर्ग अदकि पृथ्वी इन स्वामी आन, अदकि आव कय इन माळद मंदरिगोळ दा ईरालुन; 25 ना यातोदु वस्तु उन जवत इन कारण मंळसागोळद कयगोळद स्यावा ताकोमतान, यतकी आव खुद अच सप्या मुंदरी जीवन अदकि श्वास अदकि सप्या येनारा कोळतान. 26 आव ऊद अच मंळसा द्वारा पुरा मंळसागोळद पैदा माळदुन अदकि सप्या पृथ्वी मा आव ईरसकुल इदुरसाटी आव माळदुन. अदकि आव पयले टुच लॉकुरद समय नशिचति माळ कोडान अदकि आंदुर नवास इन यल आंदुर ईरतार अदुरद सीमागोळी कट बुटदुन, 27 ईद इदुरसाटी माळदुन क लॉकुर परमेश्वर उक हुंडसुल, आग सकतद क आंदुर आऊन ताका पोहचसकु हासलि माळ कोमुल, तरी भी आव नाम दा टु यार्दु से दुर हेल्लेच. 28 जसा यावारा अंदान कनि नाव आऊंदा जतिता ईरतेव, अदकि नळुतेला वयाळतेला ईरतेव, अदकि आऊन दा अच नाम असततिव आद. ईदा प्रकार खुद नीमद अच थवाळासा कवगिोळ भी अंदार, नाव रा आऊंदा औलाद हुयेव.

29 इदुरसाटी परमेश्वर उन औलाद आगकु नामी ईद समसोद उचति हेल्लेच कनि परमेश्वर उन दवि्य रूप व्हांनना या पैसया या कल्ल इन घाई आद, जो मंळसा अन्द कारीगरी अदकि कल्पना देल माळकु आगीदाव. 30 “इदुरसाटी परमेश्वर याग लॉकुर परमेश्वर उक ईला जानसोर आ समयगोळ मा ध्यान कोटीदील, लेकीन ईग हर जागा सप्या मंळसागोळी मन तरिगुमोद आग्या कोळतान. 31 परमेश्वर ऊद दनि नशिचति माळयान आ दशिी आव तान नविळसुद ऊद मंळसा अन द्वारा सचचाई देल दुनया अन न्याय माळयान अदकि ई मात इन प्रमाण आव आ मंळसा अक सोततुर दा टु जतिता माळकु सप्या मुंदुरी कोटान.”

32 सोततुर दा टु जतिता आगोद इन मात केळकु थवाळासा लॉकुर पौलुस से मज्याक माळली कुरतुर, लेकीन दुसरा थवाळासा लॉकुर अंदुर, “नाव ईद मातगोळ नीन से केळोद चाहासतेव.” 33 ईदुर मा पौलुस आंदुर न्याडया दा टु होटबुटुन. 34 लेकीन थवाळासा मंळसा आऊन सांगुळ मीलुसेदुर, अदकि वशिवास माळदुर, यार्दा दयिनुसयिसुस जो नग सभा अन सदस्य ईरोन, अदकि दमरसि हेसुर इन ऊद आर्त ईरोर, अदकि आंदुर सांगुळ मातुद दुसरा लॉकुर ईरोर.

## 18

कुरनिथुस नगर दा पौलुस

1 इदुर बाददा पौलुस एथेंस नगर इक वटिकु कुरनिथुस नगर दा वंदुन. 2 अल आऊक अक्वलिा हेसुर इन ऊद यहूदी सकिदुन, यार्द जनम पुनतुस दा आगीत. आव तान हगिस प्रसिकलिला अन्द सांगुळ इटली टु ईग ईग अच बंदीदुन, यतकी क्लौदयिस सप्या यहूदीगोळी रोम टु होट्ट बुळोद आग्या कोटीदुन. इदुरसाटी आव आंदुर अल होदुन. 3 आंदुर ऊंदा ऊज्या ईरतोगोर अदकि आंदुर कयाल्सा ऊंदा ईरोद आंदुर तान कमाई इन साटी तम्बू माळोद कयाल्सा माळतोगोर. 4 आव हर ऊद आराम इन दनि यहूदी लॉकुरद सभागूह दा झगळा माळकु यहूदीगोळ अदकि गैरयहूदीगोळी भी समझुस तोगोन.

5 याग सीलास अदकि तीमुथयिसुस मकादिनया टु बंदुर, रा पौलुस वचन केळसदुर दा पुरा समय कोटदुन अदकि यहूदीगोळी गवाही कोळली कुरतुन क यीशु उच मसीह हुन. 6 लेकीन याग आंदुर वरिोध अदकि अपमान माळली कुरतुर, रा आव तान कपळा झालसकु आंदुर से अंदुन, “नीम सायोद कारण नीव खुद आईर! ना नरिदोष आईन. अदकि इदुर जमिमेदार ना हेल्लेच, ईग टु ना गैरयहूदीगोळद हाती होगाईन.” 7 अल टु होट्ट आव तीतुस यूस्तुस हेसुर इन परमेश्वर उन आराधना माळावाळा ऊद मंळसा अन्द मान्या वंदुन; यार्द मान्या यहूदी सभागूह टु हतकु ईरोद. 8 आग सभागूह अन सरदार कुरसिपुस तान सप्या घराना समेत प्रभु मा वशिवास माळदुन; अदकि हापाळ सा कुरनिथवासी ईद बातणी केळकु वशिवास माळदुर अदकि वपतसिमा ताकोडुर.

9 प्रभु ऊद ईळ्लकी दर्शन इन द्वारा पौलुस से अंदुन, “अजबाळ, उलटा अनतेला ईर अदकि सुंगा ईरबाळ; 10 यतकी ना नीन सांगुळ आईन, अदकि याऊ नीन मा चढाई माळकु अपमान हानि माळतीदील; यतकी ई नगर दा नान हापाळ सा लॉकुर आर.” 11 इदुरसाटी आव आंदुरदा परमेश्वर उन वचन कलसतेला दळि वरष ताका ईतुन.

12 याग गल्लयिो अक अखाया द्याश इन शासक माळकु आत, आग यहूदी लॉकुर ऊद आगकु पौलुस मा येरतेला वंदुर, अदकि आऊक न्याय आसन इन मुंद तंदुर, 13 अदकि अनली कुरतुर, “ईव लॉकुरी समझुसतान कनि परमेश्वर उन उपासना हगि रीत देल माळी, जो नाम्द व्यवस्था अन्द वपिरीत आद.”

14 याग पौलुस माताळदुर मा अच ईरोन, रा गल्लियो यहुदीगोळ से अंदुन, “हे यहुदीगोळा, अगर ईद येनारा अन्याय या दुषटता अन्द मात आगाईत, रा उचति ईरोद का ना नीम्द केळायदिन. 15 लेकीन अगर ईद झगळा शब्दगोळ, अदकि हेसुरगोळ, अदकि नीम खुद इन व्यवस्था अन्द बारा दा आद, रा नीव अच खुद सुलझुसी; यतकी ना ई मातगोळद न्यायी बनसोद चाहासालीन.” 16 अदकि आव आंदरी न्याय आसन इन मुंद टु तेगसुसबुदुन. 17 आग सप्पा लॉकुर सभागूह अन अध्यक्ष सोस्थिनस उक हुळकु न्याय आसन इन मुंद बळदुर. लेकीन गल्लियो ई मातगोळ मा ध्यान कोटीदील.

अन्ताकिया अक वापस होगोद

18 पौलुस हापाळ दिन ताका कुरनिथुस दा ईत्तुन. बाक वशिवासी वार्दुर से वदि ताकोमकु जहाज देल सीरया होदुन आग आऊन सांगुळ प्रसिकलिला अदकि अक्वलिा भी ईरोर. पौलुस कखिरया दा तान मुंडन माळदुन, यतकी आव ऊंद मन्नत बेळीदुन. 19 आव इफसिस पोहचुसकु प्रसिकलिला अदकि अक्वलिा अक अल बट्टिदुन, अदकि खुद सभागूह दा होगकु यहुदीगोळ से झगळा माळली कुरतुन. 20 याग अलेर लॉकुर आऊन से वनिती माळदुर, “नाम सांगुळ अदकि थवाळासा दिन ईर.” रा आव स्वीकार माळीदील; 21 लेकीन ईद अनकु आंदुर से सार आदुन, “अगर परमेश्वर चाहासयान रा ना नीम हातती मात्त बराईन.” आग आव इफसिस टु जहाज मा कुतकु हांटीदुन;

22 अदकि कैसरया दा ईळकु यूरुशलेम इक होदुन अदकि मंडली अक मुलाकात माळकु अन्ताकिया दा बंदुन. 23 बाक येनारा दिन अन्ताकिया दा ईतकु गलातिया अदकि फ्रूगिया कषेत्तुर टु आगतेला होट्टुन, अदकि सप्पा चेलागोळी वशिवास दा संची माळतेला तरिगुन.

इफसिस अदकि कुरनिथुस दा अपुल्लोस

24 अपुल्लोस हेसुर इन ऊंद यहुदी ईरोन, यार्द जनम सकिन्दरया दा आगीत, जो अककलवाळा मळसा ईरोन अदकि शास्त्र अक वळलीद तरीका देल जानसोन, इफसिस दा बंदुन. 25 आव प्रभु उन हादी इन शकिषा ताकोंडिदुन, अदकि मन हचकु अदकि पुरा उत्साह देल यीशु उन बारा दा वळलीद-वळलीद केळसोन अदकि कलसोन, लेकीन आव सरिफ यूहन्ना अन्द बपतसिमा अन्द मात जानसोन. 26 आव सभागूह दा नडिर आगकु माताळली कुरतुन, लेकीन प्रसिकलिला अदकि अक्वलिा आऊंद मातगोळी केळकु आऊक तान मान्या ओतुर अदकि परमेश्वर उन हादी आऊक मात्त वळलीद-वळलीद हेळदुन. 27 याग अपुल्लोस नशिचय माळदुन का आपुपागी ईळकु अखाया अक होदेव इफसिस उन वशिवासी वार्दुर आऊन हसिमत वाळसदुर अदकि अखाया अन अनुयायीगोळी आऊन स्वागत माळोर साटी ऊंद चट्टी कळदुर; अदकि आव अल पोहचुसकु आ लॉकुरद बळा सहायता माळदुन जो परमेश्वर उन अनुगूह अन कारण वशिवास दा बंदीदुर. 28 यतकी आव शास्त्र देल प्रमाण कोट कोटकु का यीशु उच मसीह हुन, धोळ प्रबलता देल यहुदीगोळद सप्पा मुंदुर मुंद बोलती बंद माळत्त ईत्तुन.

## 19

इफसिस नगर दा पौलुस

1 याग अपुल्लोस कुरनिथुस दा ईरोन, रा पौलुस म्याकुच इन सप्पा प्रदेश टु यात्रा माळतेला इफसिस दा बंदुन. अल आऊक थवाळासा चेलागोळ सकिदुर

2 आव आंदुर से केळदुन, “येन नीव वशिवास माळावती पवतिर आत्मा अक नोळदीर?” आंदुर आऊन से अंदुर, “नाव रा पवतिर आत्मा अन्द चरचा भी केळीदील.”

3 आव आंदुर से अंदुन, “रा बाक नीव यार्द बपतसिमा ताकोंडीर?” आंदुर अंदुर,

“यूहन्ना अन्द बपतसिमा.”

4 पौलुस अंदुन, यूहन्ना आंदरी बपतसिमा कोट्टुन का आंदुर तान पापगोळ देल तरिगुल, का जो नान बाददा बरावाळा आन, आऊन मा मतलब यीशु मा वशिवास माळेतीर.

5 ईद केळकु आंदुर प्रभु यीशु उन हेसुर दा बपतसिमा ताकोंडुर. 6 याग पौलुस आंदुर मा कय ईट्टुन, रा पवतिर आत्मा आंदुर मा ईळुत, अदकि आंदुर अलग-अलग भाषा माताळली अदकि भविष्यवाणी माळली कुरतुर. 7 इंदुर सप्पा लगभग हन्नेळ मळसा ईरोर.

8 आव यहुदी सभागूह दा होगकु मुर तगिळ ताका नडिर आगकु माताळतेला ईत्तुन, अदकि परमेश्वर उन राज्य अन्द बारा दा झगळा माळतेला अदकि समझसतेला ईत्तुन. 9 लेकीन याग येनारा लॉकुर कठोर आगकु आऊंद मानसीदील उलटा लॉकुर मुंद ई हादी अक बेकार अनली कुरतुर, रा आव आंदरी बट्टि बुदुन अदकि चेलागोळी अलग माळ बुदुन, अदकि रोज तुरनुस उन शकिषा अन मानुन दा झगळा माळतोगोन. 10 येद्व वरष ताका ईदा आगतेला ईत्त, ईल ताका का आसया नोर ईरावाळेर येन यहुदी येन गैरयहुदी सप्पा प्रभु उन वचन केळ कोंडुर.

स्केवा अन पार

11 परमेश्वर पौलुस उन कयगोळ देल सामरथय अन्द अनोखा क्यालसा तोरसतोगोन. 12 ईल ताका का र्माल अदकि गमळा आऊन मय देल स्पर्श माळसुसकु बमिरगोळ मा हाकतोगोर, अदकि आंदुर बमिरीगोळ होगुत ईरतोगोव; अदकि दुषटआत्मागोळ आंदुर दा टु होट बुळतोगव. 13 लेकीन येनारा यहुदी जो झाळ फुक माळत्त टेटाळोर, आंदुर प्रभु यीशु मसीह अन हेसुर इस्तेमाल माळली कुरतुर आंदुर दुषटआत्मागोळी अनतोगोर, “या यीशु

उन प्रचार पौलुस माळतान, ना नीमी आ यीशु उन हेसुर देल आग्या कोळतीन.”<sup>14</sup> अदकि सक्कवा हेसुर इन ऊंद यहूदी प्रधान याजक उन येळ चकिर ईरोर, जो हांगि माळतोगोर.

<sup>15</sup> लेकीन दुष्टआत्मा आंदरी उत्तर कोळत, “यीशु उक ना अरूतीन, अदकि पौलुस उक भी अरूतीन, लेकीन नीव यार हूईर?”

<sup>16</sup> अदकि आ मंळसा यारदा दुष्टआत्मा ईरोद आंदुर मा हावी आगकु अदकि आंदरी वश दा तनकु, आंदरी हांगि बडुत क आंदुर ऊगळा अदकि घायल आगकु आ मान्या टु होटकु ओळदुर.<sup>17</sup> ईंद मात इफसिस इन ईरावाळेर सप्पा यहूदी अदकि गैरयहूदी भी जान्स कौडुर, अदकि आ सप्पा मुंदुर दा अंजक तुममेत; अदकि प्रभु यीशु उन हेसुर इन बळाई आत.<sup>18</sup> यार वशिवास माळीदुर, आंदुर दा टु हापाळ मुंदुर बंदकु तान तान बेकार कयालसागोळी मान्स कौडुर अदकि अल बंदुर.<sup>19</sup> जादू माळावाळेर दा टु हापाळ मुंदुर तान तान पोथळीगोळी जमा माळकु सप्पा मुंदुर मुंद होताक बुदुर, अदकि याग अऊरद दाम जोळसकु आत, रा पचास हजार बेळली इन सकिगागोळ बराबर होळत.<sup>20</sup> ईं प्रकार प्रभु उन वचन बलपूर्वक फेलुसत अदकि मजबूत आगतेला होत.

इफसिस नगर दा दंगा

<sup>21</sup> याग ई मातगोळ आगेदव रा पौलुस मन दा टान्सदुन क मकदिनया अदकि अखाया टु आगकु यूरुशलेम इक हांगाईन, अदकि अंदुन, “अल हांगदुर बाद्दा नानी रोम इक भी नोळोद जरूरी आद.”<sup>22</sup> इदुरसाटी तान स्यावा माळावाळेर दा टु तीमुथयिस अदकि इरास्तुस उक मकदिनया कळकु खुद धवाळासा दनि आसया दा ईतोदुन.

<sup>23</sup> आ समय इफसिस दा प्रभु उन हादी इन बारा दा बळा हंगामा आत.<sup>24</sup> अल बेळली इन कयालसा माळावाळा देमेतुरयिस हेसुर इनव ऊंद सोनार ईरतोगोन आव देवी अरतमिसि इन बेळली इन मंदरि माळतोगोन, यदुर देल कारीगरगोळी हापाळ फायदा सक्तिगोद.<sup>25</sup> आव आंदरी अदकि हांगि अच वस्तुगोळद कारीगरगोळी जमा माळकु अंदुन, “हे मंळसागोळा, नीव जान्सतीर क ई कयालसा देल नामी याट धन सक्तिद.<sup>26</sup> नीव नोळतीर अदकि केळतीर क सरिफ इफसिस अच दा ईला, उलटा सप्पा आसया क्शेतर दा ईद अन अनकु ई पौलुस हापाळ सा लॉकुरी समझुसदुन, क जो कय इन कारीगरी आद, आंदुर परमेश्वर आल्लच.<sup>27</sup> इदुर देल ईंग सरिफ ईदा मात इन अच अंजक हेल्लेच क नाम ई धंदा अनद महत्व होत ईततीत, उलटा ईद क महान देवी अरतमिसि इन मंदरि तुच्छ समसकु आदीत, अदकि यारी सप्पा आसया अदकि दुनया पुजा माळतद आकिन महत्व भी हांगुत ईततीत.”

<sup>28</sup> आंदुर ईद केळकु सट्टि देल तुममेदुर अदकि चलिळास चलिळासकु अनली कुरतुर, इफसिगोळ अरतमिसि देवी, महान आर!<sup>29</sup> अदकि सप्पा नगर दा धोळद हंगामा मचुसेत, अदकि लॉकुर गयुस अदकि अरसितरुसुस उक जो पौलुस उन संगी यात्री ईरोर जो मकदिनया टु बंदीदुर, आंदरी हूळद बुदुर, अदकि नाटक घर दा ओतुर.<sup>30</sup> याग पौलुस लॉकुरद हात्ती बुळक हांगोद चाहासदुन रा चेलागोळ आऊक हांग गोटीदील.<sup>31</sup> आसया नोर शासकगोळ दा टु भी आऊन कई संगीगोळ आऊन हात्ती बातणी कळदुर अदकि वनिती माळदुर क नाटक घर दा हांगकु जोखमि नेगुवाळेत.<sup>32</sup> अल यावारा येनार चलिळासोन रा यावारा येनार, यतकी सभा दा बळा गळबळी आगोद, अदकि हापाळ सा लॉकुर रा ईद जानसोर भी ईला क नाव यदुर साटी जमा आगेव.<sup>33</sup> आग आंदुर सकिन्दर उक, यारी यहूदीगोळ नदिरुसदुर, भीळ दा टु मुंद वाळुसदुर. सकिन्दर कय देल इशारा माळकु लॉकुर मुंद खुद इन बचाव इन साटी भाषण कोळोद चाहासोन.<sup>34</sup> लेकीन याग आंदुर जान्स कौडुर क आव यहूदी हुन, रा सप्पा च्या सप्पा ऊंद आवाज देल कम से कम येढद तास ताका चलिळासतेला ईततुर, “इफसिगोळ अरतमिसि, महान आर.”

<sup>35</sup> आग नगर इन लेखा जोखा ईटावाळा लॉकुरी शांत माळकु अंदुन, “हे इफसिस इन लॉकुरा, येन दुनया दा हांगि यावारा मंळसा आन जो जान्सालुन क इफसिगोळ नगर इन महान देवी अरतमिसि, मंदरि इन अदकि स्वरग टु बळिवाळा पवतिर कल्ल इन रक्षा माळावळत उर.<sup>36</sup> इदुरसाटी जब क ई मातगोळद खंडन अच आगसकाल, रा उचति आद क नीव शांत ईरी अदकि बनिा सोचद समद येनु माळबाळी.<sup>37</sup> यतकी नीव ई मंळसागोळी तंदीर जो ना मंदरि इन लुटसावाळेर आर ना नाम देवी इन अपमान माळावाळेर उर.<sup>38</sup> अरग देमेतुरयिस अदकि आऊन संगी कारीगरगोळी यारदारा से शकियत आद रा कचेरी खुला आद अदकि शासक भी आन; अल हांगकु आंदुर आबुर दाबुर मा आरोप हचुल.<sup>39</sup> लेकीन अगर नीव यातोदारा दुसरा मात इन बारा दा येनार केळोद चाहासतीर, रा कानूनी सभा दा फेसला माळकु आदीत.<sup>40</sup> यतकी ईद इन दंगा अनद कारण नाम मा दोष हचुचोद अंजक आद, इदुरसाटी क ईदुर येनु कारण हेल्लेच, अदकि नाव ई भीळ इन जमा आगोद येनु उत्तर कोळ सकालेव.”<sup>41</sup> ईद अनकु नगर इन लेखा जोखा कोळावाळा सभा अक सार माळदुन.

## 20

मकदिनया अदकि अखाया दा पौलुस

<sup>1</sup> याग दंगा धामसेत रा पौलुस चेलागोळी कारसुसकु हम्मिमत वाळुसदुन, अदकि आंदुर से सार आगकु मकदिनया अनद दी होतोदुन.<sup>2</sup> आ सप्पा प्रदेश दा टु आगकु अदकि चेलागोळी हापाळ उत्साहीत माळकु आव अखाया दा वंदुन.<sup>3</sup> याग मुर तगिुळ ईतकु आव अल टु जहाज मा सीरयिया अन दी हांगोन, रा यहूदी आऊक कोनली ताक दा हतकु ईरोर, इदुरसाटी आव ईद नशिचय माळदुन क मकदिनया आगकु वापस आगेगुल.<sup>4</sup> बरिया अनद पुरुरस उन पार सोपतुरस अदकि थसिसलुनीके अनद अरसितरुसुस अदकि सकिनुदुस, अदकि दरिबे अनद गयुस, अदकि तीमुथयिस, अदकि आसया अनद तुषकुस अदकि त्रुफमिस आसया ताका आऊन सांगुळ ईरोर.<sup>5</sup> आंदुर मुंद होतोदुर अदकि त्रुआस दा नाम हादी कायतेला ईततुर.<sup>6</sup> अदकि नाव अखमीरी रोटी इन हाब्व खतम आगदुर बाद्दा फलिप्पी

टु जहाज देल होटकु अईद दनि इन बाद्दा त्रोआस दा बंदकु आंदुर से मुलाकात माळदेव, अदकि ऊंद हपता अल्या ईत्तेव.

पौलुस उन त्रोआस दा आखरी मुलाकात

7 बाक नाव शण्यार इन द्यावगा याग ऊमोर साटी आपस दा जमा आदेव, रा पौलुस आंदुर से मातचीत हेळली कुरतुन, आऊक दुसरा दशिी इच होगोद ईरोद, इदुरसाटी आव आर्था ईळ्लक ताका मातगोळी हेळतेला ईत्तुन. 8 या म्याकूच इन कमरा दा नाव जमा ईरेव, अदुर दा हापाळ दगिया होतव. 9 अदकि यूतुखुस हेसुर इन ऊंद हारोदेव खळिकी मा कुरतकु भर जपू देल डोलसोन. याग पौलुस हापाळ होत ताका मातगोळी हेळतेला ईत्तुन रा आव जपू इन झुवाका देल तसिरा मंजील मा टु ल्यालमा वदिदुन, अदकि याग आंदुर आऊक नेगदुर रा आव सोतोगीदुन. 10 लेकीन पौलुस ल्यालमा ईळ्दुन अदकि आऊन से लपटुसेदुन, अदकि कृतक्या हतकु अंदुन, “घबरूसबाळी; यतकी आव जतिता आन.” 11 अदकि पौलुस म्याकूच होगकु ऊंडुन अदकि ईट होत ताका आंदुर से मातगोळी हेळतेला ईत्तुन कविहापुर आगेत. बाक आव होटोदुन. 12 अदकि आंदुर आ हारोदेव पार उक जतिता तंदुर अदकि हापाळ शांती सकित.

त्रोआस टु मलितुस इक होगोद

13 नाव पयले अच जहाज मा कुरतकु असुसुस इक ईद वचार देल मुंद होदेव कि अल टु नाव पौलुस उक सांगुळ हुडुकोडेव, यतकी आव ईद इदुरसाटी ठहरीसीदुन कि खुद अच पैदल बरोद चाहासोन. 14 याग पौलुस असुसुस दा नामी सकिदुन रा नाव आऊक जहाज दा कुरसकु मलितुलेने नगर दा वळेदेव. 15 अल टु जहाज दा कुरतकु नाव दुसरा दशिी खयुस नगर इन मुंद पोहचुसदेव, अदकि दुसरा दशिी सामुस नगर दा बंदेव; बाक अदुर दुसरा दशिी नाव मलितुस नगर दा बंदेव. 16 यतकी पौलुस इफसुस उन हातती टु आगकु होगोद नशिचय माळीदुन कि येलयारा हगि आगवाळ्ल कि आऊक आसया दा समय हतुल; यतकी आव जल्दी दा ईरोन कि अगर आग सकुल रा आव पनितेकुसत हाबव दशिी यरूशलेम दा ईरूल.

पौलुस उन इफसुस उन स्याणागोळी आखरी भाषण

17 पौलुस मलितुस नगर टु इफसुस नगर दा वातणी कळुदुन, अदकि मंडली अनूद स्याणागोळी कारसुसदुन. 18 याग आंदुर आऊन हातती बंदुर, रा आव अंदुन: नीव जानसतीर कि पयला अच दशिी टु याग ना आसया दा पहचुसदीन, ना हर समय नीम सांगुळ याता प्रकार देल ईत्तीन. 19 मतलब बळा नमरता देल, अदकि वरल वरलकु, अदकि आ परीकषागोळ दा जो यहूदीगोळद साजीश इन कारण नान मा बंदकु वतित, ना प्रभु उन स्यावा माळतेला अच ईत्तीन; 20 अदकि जो जो मातगोळ नीम फायदा नव ईरेव, आंदरी हेळली अदकि लॉकुरद मुंद अदकि मानोन माननी कलसोर से यागलु हदि आगीदील, 21 उलटा यहूदीगोळ अदकि गैरयहूदीगोळद मुंद गवाही कोळत ईत्तुन कि परमेश्वर उन दी मन तरिगुसोद अदकि नाम प्रभु यीशु मसीह मा वशिवास माळ पायजे. 22 ईग नोळी, ना पवतिर आत्मा अन आग्या अन अनुसार यरूशलेम इक होगतीन, अदकि जानसालीन कि अल नान मा येन येन बतिसीत; 23 ना रा बस ईट चाहासतीन कि हर ऊंद नगर दा पवतिर आत्मा नानी चेतावनी कोळतद कि बंदीगूह अदकि मुशकिल घळीगोळ नान हादी कायताव. 24 एलेकीन ना तान जीव इक येनु समसालीन, सरिफ ईट चाहासतीन कि प्रभु यीशु उन कोळद क्यालसा अक पुरा माळाईन, जो क्यालसा आव नानी कोटान, अदकि अद क्यालसा ईद कि परमेश्वर उन अनुग्रह अनूद खुशखबरी इन घोषणा माळाईन.

25 ना परमेश्वर उन राज्य अन प्रचार नीम सपूपा मुंदुर दा माळत ओयाळदनि, अदकि ना जानसतीन कि नीम दा टु नानी यावारा भी यागलु नोळ सकतीदलि. 26 इदुरसाटी ना ईद इन दशिी पुरा रीत अदकि सफाई देल नीम से अनतीन, कि नीम नाश इन जमिंदार ना आल्लच ना नरिदोष आईन. 27 यतकी ना परमेश्वर उन पुरा योजना जो नीम साटी आव, पुरा रीतदिल हेळोर साटी हदि आगीदील. 28 तान अदकि तान लॉकुरद पुरा गुट इन देखभाल माळावाळेर वन्सी यतकी पवतिर आत्मा आंदुर दा टु नीमी आंदुरद चति माळावाळा माळयान, कि नीव परमेश्वर उन मंडली अनूद रखवाली माळी, यारी आव तान खुन देल कोंडोदुन. 29 ना जानसतीन कि नान होगदुर बाद्दा भयंकर लांडग्यागोळ नीम लॉकुर न्याड्या होककेव अदकि अव ई भोला भाला लॉकुर गुट इक वळ्ळतीदील. 30 हगि समय बंदीत कि नीमूद अच न्याड्या दा टु भी हगि-हगि लॉकुर येददार जो चेलागोळी तान हीद जेडुली उलटा सधा मातगोळी हेळ्यार. 31 इदुरसाटी सावधान ईरी, अदकि याद ईंटेतीर कि ना मुर वर्ष ताका ईळ्ल हागुल वरल वरलकु हर ऊंद मळसा अक कलसीन.

32 अदकि ईग ना नीमी परमेश्वर उक, अदकि आऊन अनुग्रह अनूद वातणी इन कय दा सोपूस बुळतीन; जो नीमी पवतिर माळ सकतान अदकि सपूपा लॉकुर दा सपूपा आशीष कोळ सकतान. 33 ना यारदारा बेळली, व्हानुना या कपळा अन लालच माळीदील. 34 नीव खुद अच जानसतीर कि ईवा कयगोळ नान अदकि नान संगीगोळद जरवत पुरा माळदव. 35 ना नीमी सपूपा येनारा माळकु तोरसदीन कि ईद रीतदिल मेहनत माळतेला नरिबलगोळी संभालसोद अदकि प्रभु यीशु उन वचन याद ईंटेोद ज़रूरी आद, जो आव खुद अच अंददिनु: ताकोमोर से कोळोद वळ्ळीद आद.

36 ईद अनकु पौलुस आंदुर सांगुळ ट्वांगरा टेक्सदुन प्रारथना माळदुन. 37 आग आंदुर सपूपा मुंदुर हापाळ वरलदुर अदकि पौलुस उन कृतक्या हुडुकु आऊन चूममा ताकोमली कुरतुर अदकि सार माळदुर. 38 आंदुर खास माळकु ई मात देल शोक दा ईरोर जो आव अंददिनु कि नीव नान मार्रा बाक नोळतीदलि. आग आंदुर आऊक जहाज ताका पोहचुसदुर.

## 21

पौलुस उन यूरुशलेम इक होगोद

1 याग नाव आंदुर से अलग आगकु जहाज खोलसुदेव, रा सरका हादी देल कोस नगर दा बंदेव, अदकि दुसरा दशिी रूदुस दा अदकि अल टु पतरा दा होदेव. 2 अल ऊंद जहाज फनीकी अक होगतेला सकित, अदकि नाव अदुर मा येरकु अदुर मा कुरुतोदेव. 3 याग साइप्रस कांळसत, रा नाव अदरी डाक्या कय दी बटिदेव, अदकि सीरया अक नळुकु सूर दा ईळदेव; यतकी अल जहाज इन माल ईळसोद ईरोद. 4 अल नामी थवाळासा वशिवासीगोळ सकिदुर अदकि नाव अल येळ दनि ताका ईततेव. आंदुर आत्मा अनद सामरुथय अन दवारा पौलुस से अंदुर कय यूरुशलेम होगवाळेत. 5 वाक अल रूकसोद नाम समय पुरा आगेत, रा नाव आंदुर से वदिा ताकोमकु अल टु सार आगेदेव; अदकि सप्पा मुंदुर आरतेर अदकि चकिोर समेत नामी नगर इन व्हारया ताका पोहचुसदुर; अदकि नाव कनिारा मा टवांगरा टेकसकु प्रारथना माळदेव, 6 आग आबुर दाबुर से वदिा आगकु, नाव रा जहाज मा येरदेव अदकि आंदुर तान तान माननी वापस होटोदुर.

7 आग नाव सूर टु जलयात्रा पुरा माळकु पतुलमियसि दा पोहचुसदेव, अदकि वशिवासी वारटुरी नमस्कार माळकु आंदुर सांगुळ ऊंद दनि ईततेव. 8 दुसरा दशिी नाव अल टु नळुकु कैसरया दा बंदेव, अदकि फलिपुस खुशखबरी प्रचारक उन मान्या जो नविळुसद वशिष येळ सेवकगोळ दा टु ऊंद ईरोन; होगकु आऊन मान्या ईततेव. 9 आऊन नाक कुवारा पोरगोळ ईरोर, जो परमेश्वर उन दी टु बरावाळा बातणी कोळतोगोर. 10 याग नाव अल हापाळ दनि ईत कोडेव, रा अगबुस हेसुर इन ऊंद भवषियवक्ता यहूदया टु बंदुन. 11 आव नाम हात्ती बंदकु पौलुस उन पट्टा ताकोडुन, अदकि तान कय काल कटकु अंदुन, “पवतिर आत्मा ईद अनतद कय याता मंळसा अनद ईद पट्टा हुन, आऊक यूरुशलेम दा यहूदी ईदा रीतदिल कट्यार, अदकि गैरयहूदीगोळ कय दा सोपस्यार.”

12 याग नाव ई मातगोळ केळदेव, रा नाव अदकि अलेर लांकुर आऊन से वनिती माळदुर कय यूरुशलेम इक होगवाळल. 13 लेकीन पौलुस उत्तर कोटदुन, “नीव येन माळतीर, हगि वरल वरलकु नान मन मूरतीर? ना रा प्रभु यीशु उन हेसुर इन साटी यूरुशलेम दा सरिफ कटकु आगोर साटी अच ईला उलटा सायोर साटी भी तयार आईन.”

14 याग आव मानसीदील रा नाव ईद अनकु चुप आगेदेव, “प्रभु उन इच्छा पुरा आगुल.”

15 अल काईक दनि ईततुर बाद्दा नाव तयारी माळदेव अदकि यूरुशलेम इक होटोदेव. 16 कैसरया टु भी थवाळासा चेलागोळ नाम सांगुळ आगेदुर, अदकि नामी मनासोन हेसुर इन साइप्रस इन ऊंद हाळव चेला अनद मान्या तंदुर, कय नाव आऊन मान्या इततेव.

पौलुस उन याकूब उन से मुलाकात

17 याग नाव यूरुशलेम दा पोहचुसदेव, रा वशिवासी वारटुर बळा खुशी इन सांगुळ नाम स्वागत माळदुर. 18 दुसरा दशिी पौलुस नामी हळकु याकूब उन हात्ती होदुन, यल सप्पा स्याणा लांकुर जमा ईरोर. 19 आग पौलुस आंदरी नमस्कार माळकु, जो जो कयालसा परमेश्वर आऊन सेवकाई इन दवारा गैरयहूदीगोळ दा माळीदुन, ऊंद ऊंद माळकु सप्पा हेळदुन. 20 आंदुर ईद केळकु परमेश्वर उन महमा माळदुर, वाक आऊन से अंदुर, “हे वारट पौलुस, नी नोळतया कय यहूदीगोळ दा टु कई हजार लांकुर वशिवास माळदुर; अदकि सप्पा व्यवस्था अन साटी धुन हचकु आर. 21 आंदरी नीन बारा दा कलसकु आग्याद कय नी गैरयहूदीगोळ दा ईरावाळेर यहूदीगोळी मूसा अन व्यवस्था अक बटि बुळोद कलसतया, अदकि अनतया, कनिा तान चकिोरद खतना माळसुसी अदकि ना रीतगोळ मा नळी. 22 रा वाक येन माळ पायजे? लांकुर जरूर केळ्यार कय नी बंद्या. 23 इदुरसाटी जो नाव नीन से अनतेव, अद माळ. नाम ईल नाक मंळसा आर यार मननत बेळ्यार. 24 आंदरी हळकु आंदुर सांगुळ तान तान इक शुद्ध माळ; अदकि आंदुर साटी खरचा माळ कय आंदुर मुंडन आगुल. आग सप्पा जानस कोंडार कय जो मातगोळ आंदरी नीन बारा दा हेळकु आग्याद, अऊरदा येनु सचचाई हेलेच लेकीन नी खुद भी मूसा अन व्यवस्था अक मानसकु अदुर अनुसार नळुतया. 25 लेकीन आ गैरयहूदीगोळद बारा दा यार वशिवास माळ्यार, नाव ईद नरिणय माळकु आंदरी चट्टी लखिसकु कळदेव कय आंदरी येनारा ईतता भोजन ईला तनि पायजे जो मूरतीगोळ मा वली येरसकु आग्याद, अदकि खुन देल अदकि कुतक्या वतत पशु उन मास देल, अदकि व्यभचार देल ऊळदकु ईरूल.”

26 ई प्रकर पौलुस आ मंळसागोळी तान सांगुळ हळदुन, अदकि दुसरा दशिी आंदुर सांगुळ शुद्धीकरण इन रीतय इन अनुसार तान तान इक शुद्ध माळदुन अदकि मंदिर दा होदुन यल आव घोषणा माळदुन, कय शुद्धीकरण इन दनि याग पुरा आदव अदकि नाम दा टु हर ऊंद मंळसा अन साटी चढावा याग येरसकु आदीत.

मंदिर दा पौलुस उक हडुकु आगोद

27 याग अव येळ दनि पुरा आगदुर मा ईरव, रा आसया अन यहूदीगोळ पौलुस उक मंदिर दा नोळकु सप्पा भीळ इक भळकुस बुदुर, अदकि पौलुस उक हडुकोडुर, 28 आंदुर चळिलासकु अनली कुरतुर, “हे इस्त्राएलगोळा, सहायता माळी; ईव आवा मंळसा हुन, जो इस्त्राएली लांकुरद, अदकि मूसा अन व्यवस्था अन, अदकि ई मंदिर इन वरिध दा हर जागा सप्पा लांकुरी कलसतान, ईल ताका कय गैरयहूदीगोळी भी मंदिर दा तनकु आव ई पवतिर जागा अक अपवतिर माळयान.” 29 आंदुर हगि इदुरसाटी अंदुर, यतकी आंदुर इदुर से पयले इफसुसवासी तुरुफसुस उक आऊन सांगुळ नगर दा नोळीदुर, अदकि समसीदुर कय पौलुस आऊक मंदिर दा हळकु बंदान.

✱ 21:8 २१:८ परंतुगोळ ६:५; ८:५

✱ 21:10 २१:१० परंतुगोळ ११:२८

✱ 21:25 २१:२५ परंतुगोळ १५:२९

✱ 21:29 २१:२९

30 आग सप्पा नगर भळकुसेत, अदकि लॉकुर ओळकु जमा आदुर अदकि पौलुस उक हळकु मंदिर इन व्हारया जेडुकु तंदुर, अदकि तुरन्त दरवाजा बंद माळकु आदव. 31 याग भीळ इन लॉकुर आऊक कोंद वुळोद चाहासोर, रा रोमी तुकळी इन सेनानायक उक खबर सकित कऱ पुरा यूरशलेम दा खलबली मचुसेग्याद. 32 आग आव तुरन्त सैनकिगोळी अदकि सूबेदारगोळी हळकु आंदुर हात्ती ल्यालमा ओळकु बंदुन; अदकि आंदुर पलटन इन सूबेदार उक अदकि सैनकिगोळी नोळकु पौलुस उक बडोद बटि बूदुर. 33 आग रोमी सेनानायक पौलुस उन हात्ती बंदुन अदकि आऊक बंदी माळ कोंडुन; अदकि आव आऊक येदूद शंकलीगोळ देल कटोद आग्या कोटकु केळदुन, “ईव याव हुन अदकि ईव येन माळयान?” 34 लेकीन भीळ दा टु यावारा येनारा रा यावारा येनारा चलिळासतेला ईत्तुर. याग आव दंगा इन कारण नश्चित रूप देल सच्चार्ई जान्स सकदील, रा आऊक कलिा दा ओयोद आग्या कोटदुन. 35 याग आव सीळी मा पोहचुसदुन, रा हगि आत कऱ भीळ इन दबाव इन कारण सैनकिगोळी आऊक नेगुकु ओयोद बतित, 36 यतकी लॉकुरद भीळ ईद चलिळासतेला आऊन हदि बदिकु ईरोद, “आऊक कोंद वुळी.”

पौलुस उन खुद इक ऊळसोद

37 याग सैनिक पौलुस उक कलिा दा ओयोर मा ईरोर, रा आव रोमी सेनानायक से अंदुन, “येन नानी आग्या आद कऱ ना नीन से येनारा अनाईन?”

आग सेनानायक आव अंदुन, “येन नी गरीक भाषा माताळत्या? 38 येन नी आव मसित्ती मंळसा रा आल्लच, याव थवाळासा समय पयले वदिरोह सूर माळसुसदिन, अदकि जो ईल रेगसितान दा नाक हजार कटारबन्द आतंकवादीगोळद अगुवाई माळोन?”

39 आग पौलुस अंदुन, “ना रा तरसुस इन यहूदी मंळसा हुईन! कलिकिया अन्द प्रसदिध नगर इन नवासी हुईन. ना नीन से वनिती माळतीन कऱ नानी लॉकुर से मातगोळी हेळगोळ.”

40 याग आव आग्या कोटदुन, रा पौलुस सीळी मा नदिरकु लॉकुरी कय देल इशारा माळदुन. याग आंदुर चुप आगोदुर रा आव इब्रानी भाषा दा माताळली कुरतुन:

## 22

1 “हे वार्दुरा अदकि आप्प उन घार्ई सज्जनगोळा, नान बचाव दा जो नानी माताळोद आद अदरी केळी, जो ना ईग नीम मुंद प्रसुतुत माळतीन.” 2 आंदुर ईद केळकु कऱ आव नाम से इब्रानी भाषा दा माताळतान, रा आंदुर मातुत यकुकुल चुप आगोदुर. आग आव अंदुन:

3 “ना रा ऊद यहूदी मंळसा हुईन, कलिकिया अन तरसुस दा पैदा आदीन; लेकीन ईदा यूरशलेम नगर दा गमलीएल इन कालगोळद हात्ती कुरतुकु पुरवजगोळद नयिमगोळी कठनि नरिदेशगोळी प्राप्त माळदीन, अदकि परमेश्वर उन साटी हगि धुन हचकु ईरीन, हयाग नीव सप्पा ईद हचकु आईर. 4 ना मंळसा अदकि आरतेर येदूदु मुंदरी कैदी माळ माळकु बंदीगृह दा हाकदीन, ई हादी मा नळावाळेर इक ईल ताका सतुसदीन कऱ आंदरी कोनुसुस भी वुटीन. 5 ना सही माताळतीन ई मात इन साटी महायाजक अदकि सप्पा स्याणागोळ गवाह आर, ना दमशिक दा यहूदी वार्दुरद हेसुर देल ईंदुर से चटिटी भी ताकोडीदिन, कऱ जो लॉकुर ई हादी मा नळुतार आंदरी बंदी माळकु यूरशलेम दा तराईन कऱ आंदरी ना दण्ड कोळसुस सकाईन.

पौलुस तान मन परविरतन इन बारा दा हेळतान

6 “याग ना यात्रा माळतेला दमशिक इन हात्ती पहचुसदीन, रा हगि आत कऱ ललगभग मदणी इक अचानक ऊंद तेज उजुळ आकाश टु नान नाकु दी चमकुसुत. 7 अदकि ना जागा मा बदिदीन अदकि ईद आवाज केळदीन, हे शाऊल, हे शाऊल, नी नानी येती सतुसत्या?” 8 ना उत्तर कोटीन, हे प्रभु, नी याव हुय? आव नान से अंदुन, ना यीशु नासरी हुईन, यात्री नी सतुसत्या. 9 नान संगीगोळ ज्योर्ता रा नोळदुर, लेकीन जो नान से माताळोन आऊन आवाज केळीदील. 10 आग ना अदीन, हे प्रभु, ना येन माळाईन? प्रभु नान से अंदुन, थदकु दमशिक दा होग, अदकि जो येनारा नीन माळोर साटी ठहूरसुकु आग्याद अल नीन से सप्पा हेळकु आगेदीत. 11 आ तेज ऊजुळ इन कारण ना कुदूद आगेगदिन, रा नान संगीगोळ नान कय हुडुकु दमशिक दा तंदुर.

12 “आग हनन्थाह हेसुर इन व्ययसथा अन अनुसार नळावाळा ऊंद भक्त मंळसा, जो अल ईरावाळेर सप्पा यहूदीगोळ दा सुनाम ईरोन, नान हात्ती बंदुन, 13 अदकि नदिरकु नान से अंदुन, हे वार्दुर शाऊल, बाक नोळली हत. अदा घळी नान कणणगोळ खुलसेदव अदकि ना आऊक नोळदीन. 14 आग आव अंदुन, नाम आप्प दादागोळ परमेश्वर नीनी इदुरसाटी ठहूरसेव कऱ नी आऊन इच्छा अक जानस्या, अदकि आ न्यायी सेवक उक नोळ्या अदकि आऊन बाय देल मातगोळी केळ्या. 15 यतकी नी आऊन दी टु सप्पा मंळसागोळद मुंद आ मातगोळद गवाह आद्या जो नी नोळ्या अदकि केळ्या. 16 ईग येती देर माळत्या? येळ, बपतसिमा ताकोम, अदकि आऊन हेसुर ताकोमकु तान पापगोळी तोळद वुळ.”

पौलुस उन गैरयहूदीगोळ दा प्रचार इन बुलावा

17 “याग ना बाक यूरशलेम दा बंदकु मंदिर दा प्रार्थना माळीन, रा ऊंद दरशन नोळदीन, 18 अदकि यदुर दा ना प्रभु उक नोळदीन कऱ आव नान से अनतान, जल्दी माळकु यूरशलेम टु राटनेरी होटवुळ; यतकी आ लॉकुर नान बारा दा नीन गवाही मानसतीदील. 19 ना अदीन, हे प्रभु, अद रा नीव जानसतीर कऱ ना नीन मा वशिवास



माळावाळेरी बंदीगूह दा हाक तोगीन अदकि जागा जागा सभागूह दा बळसुस तोगीन. <sup>20</sup>याग नीन गवाह स्तफिनुस उक कोन्सुसकु आत आग ना भी अल नदिरकु ईरीन अदकि ई मात दा सयमत ईरीन, अदकि आऊन कोन्नावाळेर्द कपळागोळ रखवाली माळ तोगीन.' <sup>21</sup>अदकि प्रभु नान से अंदुन, 'होटोग: यतकी ना नीनी गैरयहूदीगोळ हात्ती दुर दुर कळाईन.'"

<sup>22</sup>आंदुर ईद मात ताका पौलुस उन केळतेला ईत्तुर, आग ऊँचा आवाज दा चलिळासदुर, "हगि मंळसा अन अनूत माळी, आऊन ई संसार दा जतिता ईरोद उचित हैलेच!" <sup>23</sup>याग आंदुर चलिळास तोगोर अदकि कपळा भीळतोगोर अदकि हवा दा धुळा हार्स तोगोर; <sup>24</sup>रा रोमी सेनानायक अंदुन, "इऊक कलिा दा ओयी, अदकि क्वाळा बळकु जाँच माळी, काना जानुसाईन कियहूदी लॉकर याता कारण आऊन वरिध दा हगि चलिळासेत्तुर." <sup>25</sup>याग आंदुर आऊक बडोर साटी कटदुर रा पौलुस आ सुवेदार से अंदुन जो हात्ती नदिरकु ईरोन, "येन ईद उचित आद कनिव ऊद रोमी मंळसा अक, अदकि आव भी वनिा दोषी ठहूसद, क्वाळा बडी?"

<sup>26</sup>सुवेदार ईद केळकु सेनानायक उन हात्ती होगकु अंदुन, "नी ईद येन माळतया? ईव रा रोमी मंळसा हुन."

<sup>27</sup>आग रोमी सेनानायक आऊन हात्ती बंदकु अंदुन, "नानी हेळ, येन नी रोमी मंळसा हुय?" आव अंदुन, "हव."

<sup>28</sup>ईद केळकु सेनानायक अंदुन, "नानी रोमी नागरीक आगोद पद हापाळ पैस्या कोटक सकियाद."

पौलुस अंदुन, ना रा जनम टु रोमी मंळसा हुईन.

<sup>29</sup>आग जो लॉकर आऊक जाँच माळावाळेर्द ईरोर, आंदुर तुरन्त आऊन हात्ती टु हटसेदुर; अदकि रोमी सेनानायक भी ईद जानुसकु काँ ईव रोमी हुन अदकि ना ईऊक कट्टीन, अंजेदुन.

महासभा अन मुंद पौलुस

<sup>30</sup>दुसरा दर्शि रोमी सेनानायक ठीक ठीक जानसोद इच्छा देल कियहूदी आऊन मा येती दोष हचतार, आऊन बंधन खोलस बुटदुन; अदकि प्रधान याजकगोळ अदकि पुरा महासभा अक जमा आगोद आग्या कोटदुन, अदकि पौलुस उक ल्यालमा ओतकु आंदुर मुंद नदिरस बुटुन.

## 23

<sup>1</sup>पौलुस महासभा दी टकटकी हचकु नोळदुन अदकि अंदुन, "हे इस्त्राएल इन वारटुरा, ना ईद ताका परमेश्वर उन साटी बलिक्ल वळ्लीद वविक देल जीवन बतिसीन." <sup>2</sup>इदुर मा हनन्याह महायाजक आंदरी जो आऊन हाती नदिरकु ईरोर, आऊन बाय मा क्यावरा बडोद आग्या कोटदुन. <sup>3</sup>आग पौलुस आऊन से अंदुन, "हे चुना हचद भीती, परमेश्वर नीनी वळदान. नी व्यवस्था अन अनुसार नान न्याय माळली कुरत्या, अदकि नी खुद व्यवस्था अन वरिद्ध नानी बडोद आग्या कोळत्या?"

<sup>4</sup>जो पौलुस उन हात्ती नदिरकु ईरोर आंदुर अंदुर, "येन नी परमेश्वर उन महायाजक उक बुरा भला अनतया?"

<sup>5</sup>पौलुस अंदुन, "हे नान इस्त्राएल इन वारटुरा, ना ईला जानसीन काँ ईव महायाजक हुन; यतकी शास्त्र दा लखिसकु आद: तान लॉकरद अधिकारी इक बुरा माताळबाळेत."

<sup>6</sup>आग पौलुस ईद जानुसकु काँ ऊद दल सद्कीगोळ अदकि दुसरा फरीसीगोळद हुन, सभा दा कारकु अंदुन, "हे इस्त्राएल इन वारटुरा, ना फरीसी अदकि फरीसीगोळद वंश इन हुईन, सोत्तुर आंदुर आशा अदकि पुनरूथान इन बारा दा नान मुकदमा आगेत्तयाद."

<sup>7</sup>याग आव ईद मात अंदुन रा फरीसीगोळ अदकि सद्कीगोळ दा झगळा आगली कूरत; अदकि सभा दा फूट बदिता. <sup>8</sup>यतकी सद्की रा ईद अनतार, काना सोत्तुर दा टु जतिता आगोद आद, ना स्वरगदूत अदकि ना आत्मा आद; लेकीन फरीसी ईव सप्पा अक मानसतार. <sup>9</sup>आग बळा हल्ला मचुसत अदकि येनारा नयिम इन गुरुगोळ जो फरीसीगोळ दल इन ईरोर, यदकु नदिरदुर अदकि ईद अनकु झगळूसली कुरतुर, "नाव ई मंळसा दा येनु बुरा ई नोळालेव, अदकि अगर यातोदारा आत्मा या स्वरगदूत आऊन से माताळयान रा बाक येन?"

<sup>10</sup>याग हापाळ झगळा आत, रा पलटन इन सरदार ईद अंजक देल काँ आंदुर पौलुस उन तुकळा तुकळा माळबाळुल, पलटन इक आग्या कोटदुन काँ ईळकु आऊक आंदुर न्याइया दा टु जवरदस्ती तेगुल, अदकि गदु दा ओयुल.

<sup>11</sup>अदा ईळलकी प्रभु आऊन हात्ती नदिरकु अंदुन, "हे पौलुस, हम्मत ईट; यतकी ह्यांग नी यरूशलेम दा नान गवाही कोटद, हांग अच नीनी रोम दा भी गवाही कोळोद बदिदीत."

पौलुस उन हत्या अन साजीश

<sup>12</sup>दुसरा दर्शि थवाळासा यहूदीगोळ मलिसकु साजीश रचदुर अदकि करिया तदुर काँ यागासताका नाव पौलुस उक कोद बुळालेव, आगासताका नाव येनारा तनिदेव या कुळदेव. <sup>13</sup>यार आपस दा ईद साजीश रचुसीदुर, आंदुर चालीस मुंदुर से यक्कुल ईरोर. <sup>14</sup>आंदुर प्रधान याजकगोळ अदकि स्याणागोळ हात्ती होगकु अंदुर, "नाव ईद टान्स कोडेव काँ यागासताका नाव पौलुस उक कोद बुळालेव, आगासताका येनु तनितीदील अदकि कुडुतीदील. <sup>15</sup>इदुरसाटी ईग महासभा समेत पलटन इन सरदार उक समझूसी काँ आऊक नीम हात्ती तूरल, मानूसी काँ नीव आऊन बारा दा यक्कुल अच वळलीसा जाँच माळोद चाहासतीर; अदकि नाव आऊन पोहचुसोर से पयले अच आऊक कोन्नोर साटी तयार ईत्तेव."

☆ 22:20 २२:२० प्रेरतिगोळ ७:५८

☆ 23:3 २३:३ मत्ती २३:२७,२८

☆ 23:6 २३:६ प्रेरतिगोळ २६:५; फलिपिगोळ ३:५

☆ 23:8

16 पौलुस उन आकतीग इन पार केळदुन क्हांदुर आऊन घात दा आर, रा गढ दा होगकु पौलुस उक बातणी कोट्टुन.  
 17 पौलुस सूवेदारगोळ दा टु ऊंद मळसा अक तान हात्ती कारूकु अंदुन, "ईव आऊन से येनारा अनोद चाहासतान."  
 18 इदुरसाटी आव आऊक पलटन इन सरदार उन हात्ती ओतकु अंदुन, "बंदी पौलुस नानी कारूकु वनिती माळदुन क्हां ईव जवान पलटन इन सरदार से येनारा अनोद चाहासतान; ईऊक आऊन हाती ओय."  
 19 पलटन इन सरदार आऊन कय हुडुकु अदकि अलग ओतकु केळदुन, "नी नान से येन अनोद चाहासत्या?"  
 20 आव अंदुन, "यहूदीगोळ साजीश रचुस्यार क्हां नीन से वनिती माळुल क्हां नाळ पौलुस उक महासभा दा तूल, आंदुर हगि दखिवा माळ्यार क्हां अदकि ठीक देल आऊंद जाँव माळोद चाहासतार. 21 लेकीन आंदुरद मान्सवाळेत, यतकी आंदुर दा टु चालीस से म्याकुच मळसा आऊन घात दा आर, यार टान्स कोंडार क्हां यागासताका आंदुर पौलुस उक कोंद व्हालुल, आगासताका ना तदिर अदकि ना कुळदार. अदकि ईग आंदुर तयार आर अदकि नीन फैसला अन हादी कायेत्यार."  
 22 आग पलटन इन सरदार जवान उक ईद आग्या कोटकु सार माळदुन, "यारदु से अनवाळेत क्हां नीन नान ईक ई मातगोळ हेळ्या."

पौलुस उक फेलकिस शासक उन हात्ती कळोद

23 आग आव येदद सूवेदारगोळी तान हात्ती कारूकु अंदुन, "कैसरया होगोर साटी ईळलीकी ऊंम्वत मुरा ताका येदद सौ सैनिक, सत्तर घोळसवार, अदकि येदद सौ भालावाळेर इक तयार ईटी." 24 अदकि पौलुस उन सवारी साटी घ्वाळागोळी तयार ईटी, क्हां आऊक फेलकिस शासक उन हात्ती वळ्लीसा पोहचुस वुळुल. 25 आव ई प्रकार इन चट्टी भी लखिसदुन:

26 "महामहमि फेलकिस शासक उक क्लौदयिस लूसयिस उन नमस्कार. 27 ई मळसा अक यहूदीगोळ हुडुकु कोंद वुळोद चाहासदुर, लेकीन याग ना जान्सदीन क्हां रोमी हुन, रा पलटन हुळुकु वळिसकु तदीन. 28 ना जान्सोद चाहासीन क्हां आंदुर आऊन मा याता कारण दोष हचतार, इदुरसाटी आऊक आंदुरद सभा दा वतीन. 29 आग ना जान्स कोंडीन क्हां आंदुर तान व्यवस्था अन वविदागोळ बारा दा आऊन मा दोष हचतार, लेकीन कोंद वुळोद या शंकलीगोळ देल कटकु आगोद योग्य आऊन दा येनु दोष हेलेच. 30 याग नानी हेळुकु आत क्हां आंदुर ई मळसा अन घात दा हतकु आर रा ना तुरन्त आऊक नीन हात्ती कळु वुटीन; अदकि आऊन मा दोष हचावाळेर इक भी आग्या कोट्टीन क्हां आंदुरद हचद दोष आव नीन मुंद ईदुल."

31 इदुरसाटी हयांग सैनिकगोळी आग्या कोटकु आगीत, हांग अच आंदुर पौलुस उक हुळुकु ईळलीकी इन ईळलीकी अनत्पितरसि उन हात्ती तंदुर. 32 दुसरा दशी घ्वाळा अन सवारगोळी पौलुस उन सांगुळ मुंद होगोर साटी पैदल नळावाळेर सपिाहीगोळ बटि वुदुर अदकि आंदुर वापस कलिा दा होट बंदुर. 33 आंदुर कैसरया पोहचुसकु शासक उक चट्टी कोट्टुन; अदकि पौलुस उक भी आऊन मुंद नदिरूसदुर. 34 आव चट्टी वाचुसकु केळदुन, ईव याता दयाश इन हुन? अदकि याग जान्स कोंडुन क्हां कलिकिया अन हुन, 35 रा आव अंदुन, "याग नान दोष हचावाळेर बंदार, आग ना नीन केळाईन." अदकि आव आग्या कोट्टुन क्हां आऊक हेरोदेस शासक उन कलिा दा सुरक्षा दा ईटकु आगुल.

## 24

पौलुस उन खलिाप कारवाई

1 अईद दनि इन बाद्दा हनन्याह महायाजक कई स्याणागोळ अदकि तरितुलुस हेसुर इन वकील उक सांगुळ हुळुकु बंदुन. आंदुर शासक फेलकिस उन मुंद पौलुस मा आरोप हचदुर. 2 याग पौलुस उक कारूकु आत रा तरितुलुस आऊन मा दोष हचकु अनली कुरतुन:

"हे महामहमि फेलकिस, नीन अगुवाई दा नाव हापाळ समय टु धोळद शांती इन सांगुळ ईरेतेव, अदकि नीन दुर दूषटी देल द्याश दा हापाळ वळलेव सुधार आग्याव. 3 फेलकिस शासक उक नाव हर जागा अदकि हर प्रकार देल इदुरद स्वागत माळतेव अदकि नाव नीम प्रती हापाळ आभारी आयेव. 4 ना नीमद हापाळ यक्कूल समय ताकोमोद चाहासलीन, रा ना नीन से वनिती माळतीन क्हां कृपया नीव ध्वाळासा दा नाम्द केळकोम. 5 यतकी नाव ई मळसा अक उपदरवी अदकि दुनया दा सप्पा यहूदीगोळ दा फूट हाकावाळा, अदकि नासरीगोळी समूह दा स्याणा मानसतेव. 6 आव मंदरिगोळी अपवतिर माळोद चाहासदुन, लेकीन नाव आऊक हुडुकोडेव. 7 लेकीन पलटन इन सरदार लूसयिस आऊक जवरदस्ती नाम कय दा टु कसु कोंडुन, 8 ई सप्पा मातगोळी यदुरद बारा दा नाव आऊन दोष हचतेव, नी खुद अच आऊक जाँव माळुकु जान्स कोंड्या." 9 यहूदीगोळ भी इदुर दा शामिल आगकु हम्मित देल सांगुळ कोटकु अंदुर, क्हां ई मातगोळ सप्पा सही आव.

फेलकिस उन मुंद पौलुस उन बचाव

10 याग शासक पौलुस उक माताळोद इशारा माळदुन, रा आव उत्तर कोट्टुन:

"ना ईद जान्सकु क्हां नी हापाळ साल टु ई जाती इन न्याय माळेत्या, ईद जान्सकु ना खुशी देल तान बचाव साटी ध्वाळासा मातगोळी माताळोद चाहासतीन. 11 नी खुद जान्स सकत्या क्हां यागी टु ना यरूशलेम दा आराधना माळली बंदीन, नानी हन्नेळ दनि से यक्कूल आगीदील. 12 यहूदीगोळ नानी ना रा यहूदी सभागूह दा अदकि ना रा नगर दा लॉकरु भीळ दा दंग माळत नोळदुर. 13 अदकि ना रा आंदुर आ मातगोळी, यारद बारा दा नान मा दोष हचतार, नीन मुंद सच प्रमाणति माळ सकतार. 14 लेकीन ना नीन मुंद ईद मान्स कोमतीन क्हां याता हादी इक आंदुर ख्वाटा

अनतार, अदुर्दा रीतमा ना तान आप्प दादागोळ परमेश्वर उन आराधना माळतीन. लेकीन ना ईद भी वशिवास माळतीन जो मातगोळ मूसा अन व्यवस्था अदक भवषियवक्ता अन कतिबा दा लखिसकु आद. 15 अदक परमेश्वर उन मा हांगा आशा ईटतीन हयांग आंदुर खुद भी ईटतार, किवळेर अदक बेकार येदहु लांकुर भी पुनरूथान आदीत. 16 इदुर से ना खुद भी कोशशि माळतीन क्क परमेश्वर उन, अदक मंळसागोळ दी नान वविक हमेशा नरिदोष ईरूल.

17 \*हापाळ वरष इन बाददा ना तान गरीव लांकूरी पैस्या कोळली, अदक बलदान येरसली बंददीन. 18 याग आंदुर नानी हासलि माळदुर आग ना शुद्धीकरण इन रीत इक पुरा माळीन अदक ना नान हातूती यातोदारा भीळ ईरोद अदक ना यातोदारा अव्यवस्था फेलुसदीन. 19 लेकीन अल आसया क्षेत्तर अन थ्वाळासा यहूदी भी ईरोर. आंदरी जरूरी ईरोद, क्क अगर नान वरिध दा आंदुर हातूती येनारा मात आद रा ईल नीन मुंद बंदकु नान मा दोष हचायदुर. 20 या ईद खुद अच हेळल क्क याग ना महासभा अन मुंद नदिरकु ईरीन, रा आंदुर नान दा यातोद अपराध नोळदुर? 21 \*सवाय ईदुर्द क्क याग आंदुर न्याइया दा ईरीन आग ना धोळ दण दा अंददीन 'सोत्तुर' दा टु जितता आगोद बारा दा नान वशिवास इन कारण नान न्याय माळकु आगेत्याद: ”

22 फेलकिस, जो ई हादी इन बारा दा ठीक ठीक जानसोन, आंदरी ईद अनकु टालस बुदुन, “याग पलटन इन सरदार लूसयास बंदान, रा नीम मात इन नरिणय माळाईन.” 23 अदक सुबेदार उक आग्या कोटदुन क्क पौलुस उक येनारा छूट कोटकु रखवाली माळेत, अदक आऊन संगीगोळ दा टु यारीकु भी आऊन स्यावा माळोर से रोकसवाळेत.

फेलकिस अदक दुरसलिला अन मुंद पौलुस

24 थ्वाळासा दिनगोळ बाददा फेलकिस तान हगिस दुरसलिला अक, जो यहूदीनी ईरोर, सांगूळ हुळकु बंदुन अदक पौलुस उक कारससकु आ वशिवास इन बारा दा जो मसीह यीशु मा आद, आऊन से केळदुन. 25 याग आव वळ्लेव मातगोळ, अदक संयम, अदक बरावाळा न्याय इन दिन इन चरचा माळोन, रा फेलकिस अंजकु उत्तर कोटदुन, “ईंग नी होग; मवका नोळकु ना नीनी मातुत काराईन.” 26 आऊक पौलुस टु येनारा पैस्या सीकोव भी आशा ईरोद, इदुरसाटी घळी घळी कारूकु आऊन से मातगोळ हेळतोगोन.

27 लेकीन याग येदह वरष वीतसेदव रा पुरकयुस फेस्तुस, फेलकिस इन जागा मा व्हासा शासक बनसकु बंदुन; अदक फेलकिस यहूदीगोळी खुश माळोद इच्छा देल पौलुस उक बंदी इच वटिकु होदुन.

## 25

पौलुस उन रोमी साम्राज्य अक अपलि

1 फेस्तुस आ दयाश दा पोहचुसोद मूर दिन बाददा कैसरया टु यरूशलेम इक होदुन. 2 आग प्रधान याजकगोळ अदक यहूदीगोळद प्रमुख लांकूर आऊन मुंद पौलुस उन मा आरोप हचदुर; अदक आऊन से वनिती माळदुर. 3 क्क आव पौलुस उक यरूशलेम दा कारसुल क्क आंदुर आऊक हादी मा अच कोंदबुळुल. 4 फेस्तुस उत्तर कोटदुन, “पौलुस कैसरया अनद केंद दा आन, अदक ना खुद रादनेरी अल होगाईन.” 5 वाक अंदुन, “नीम दा जो अधिकार ईटतार आंदुर नान सांगूळ कैसरया नळुल, अदक आर ई मंळसा येनारा अनुचित क्क्यालसा माळयान रा आऊन मा दोष हचुन.”

6 आंदुर न्याइया येनारा येदह हत्त दिन ईतकु फेस्तुस कैसरया होटोदुन; अदक दुसरा दशि न्याय आसन मा कुरतकु पौलुस उक तरोद आग्या कोटदुन. 7 याग पौलुस बंदुन रा जो यहूदी यरूशलेम टु बंदीदुर, आंदुर आसपास नदिरकु आऊन मा हापाळ सा गंभीर आरोप हचदुर, यदरी आंदुर सावति ईला माळसकोर. 8 लेकीन पौलुस खुद इन बचाव दा उत्तर कोटदुन, “ना रा ना यहूदीगोळद व्यवस्था अन अदक ना मंदर इन, अदक ना रोमन शासक कैसर उन वरिद्ध येनारा पाप माळीन.”

9 आग फेस्तुस यहूदीगोळी खुश माळोद इच्छा देल पौलुस से अंदुन, “येन नी चाहासत्या क्क यरूशलेम इक होदया; अदक अल नान मुंद नीन ईद मुकदमा तय माळकु आगुल?”

10 पौलुस अंदुन, “ना कैसर इन न्याय आसन इन मुंद नदिरकु आईन; नान मुकदमा अनद ईलया फैसला आग पायजे. हयांग नी वळ्लीद तरीका देल जानसत्या, यहूदीगोळद ना येनु अपराध माळीदील. 11 अगर ना अपराधी आईन अदक कोंद बुळोद लायक येनारा क्क्यालसा माळीन, रा सायोर से मारू तरिगुसालीन लेकीन याता मातगोळद ईदुर नान मा दोष हचतार, अगर अऊर दा टु यातोदारा भी मात सही आगीदील, रा नानी याऊ आंदुर कय दा कोळ सकालुन. हगि ना कैसर उन से वनिती माळतीन.”

12 आग फेस्तुस सलाहकारगोळ से सलाह मसवरा माळकु उत्तर कोटदुन, “नी कैसर उन से वनिती माळया, इदुरसाटी नीनी कैसर उन हातूती इच ओतकु आदीत.”

राजा अग्रपिपा अदक बरनक अन मुंद पौलुस

13 येनारा दिन बतिसदुर बाददा अग्रपिपा राजा अदक बरिनीके कैसरया दा बंदकु फेस्तुस से भेट माळदुर. 14 आंदुर हापाळ दिन अल ईत्तुर बाददा फेस्तुस पौलुस उन बारा दा राजा अक हेळदुन: “ऊद मंळसा आन, यारी फेलकिस बंदीगूह दा बटिकु होटोग्यान. 15 याग ना यरूशलेम होगीदीन, रा प्रधान याजक अदक यहूदीगोळद स्याणागोळ आऊन मा आरोप हचदुर अदक चाहासदुर क्क ना आऊक दोषी सावति माळाईन. 16 लेकीन ना आंदरी उत्तर कोटीन क्क रोमीगोळद ईद रीत हिलेच क्क यावारा मंळसा अक दण्ड इन साटी यारदारा कय दा कोट्ट बुळुल, यागासताका आरोपी इक तान दोष हचावाळेर मुंद नदिरकु दोष इन उत्तर कोळोद मवका सकाल. 17 इदुरसाटी याग आंदुर नान



दी, अदकि शैतान इन अधकार देल परमेश्वर उन दी तरिगुल; कऱि आंदुरद वशिवास इन दवारा जो नान मा आद आंदुर आंदुरद पापगोळद माफ अदकि परमेश्वर उन नविळुसद लांकुर सांगुळ पवतिर स्थान हासलि माळ्यार.'

पौलुस उन तान क्यालसागोळ बारा दा हेळोद

19 "इदुरसाटी हे राजा अग्रपिपा, ना आ स्वर्गीय दर्शन इन आग्या टालसीदील, 20 लेकीन पयले दमशिक इन, बाक यूरशलेम इन, अदकि आग यहूदिया अन सप्या द्याश इन ईरावाळेर इक, अदकि गैरयहूदीगोळी समझुसतेला ईत्तीन, कऱि पापगोळ से पश्चाताप माळी अदकि परमेश्वर उन दी तरिगुल मन तरिगुसोद लायक क्यालसा माळी. 21 ई मातगोळद कारण यहूदी नानी मंदिर दा हुडुकु कैद दा हाकदुर अदकि कोद वुळोद कोशशि माळतोगोर. 22 लेकीन परमेश्वर उन सहायता देल ना ईद ताका बनसकु आईन अदकि स्याणेर थोडेर सप्या मुंदुर मुंद ईल नदुरकु गवाही कोळतीन, अदकि आ मातगोळी बटिकु येनु अनालीन जो भविष्यवक्तागोळ अदकि मूसा भी अंदुन कऱि आगावाळा आद, 23 कऱि मसीह अक दुख नेगोद बदिदीत, अदकि आवा सब से पयले सोततुर दा टु जतिता आगकु, नाम यहूदी लांकुर दा अदकि गैरयहूदीगोळ दा मुक्ता इन ऊजुळ इन बातणी कोट्टान."

24 याग पौलुस तान बचाव दा ई मातगोळी माताळोन, रा फेस्तुस थोळ्द शब्द देल चळिलासकु अंदुन, "हे पौलुस, नी यूर आय. हापाळ अककल नीनी यूर माळवुटाद."

25 लेकीन पौलुस अंदुन, "हे ग्यानी फेस्तुस, ना यूर हेल्लेच, लेकीन सही अदकि समसावाळा मातगोळी अनतीन. 26 खुद राजा अग्रपिपा भी ई मातगोळी जानसतान अदकि ना पुरा हमिमत इन सांगुळ ई मातगोळ आऊन से हेळोतीन यतकी ना पक्का जानसतीन कऱि ईऊर दा टु यातोदु मात आंदरी पता हेल्लेच हागि हेल्लेच ना हागि इदुरसाटी अनेतीन कऱि ईव मात यातोदारा क्वाना दा होचकोमकु आगीदील. 27 हे राजा अग्रपिपा, येनी नी भविष्यवक्तागोळ्द वशिवास माळत्या? हव, ना जानसतीन कऱि नी वशिवास माळत्या."

28 आग अग्रपिपा पौलुस से अंदुन, "येनी नी ईद वचिर माळत्या कऱि ईट सरलता देल अदकि कम समय दा नी नानी मसीह माळ सकत्या?"

29 पौलुस उत्तर कोट्टुन, थवाळा समय दा अन या यक्कुल समय दा, "परमेश्वर से नान प्रार्थना आद कऱि ना सरिफ नी हांगा आगो ह्यांग ना आईन लेकीन सवाय ई शंकलीगोळ्द."

30 आग राजा, शासक, बरिनीके अदकि आंदुर सांगुळ कुरावाळेर नदुरदुर; 31 अदकि ब्यारर होगकु आपस दा अनली कुरतुर, "ईव मंळसा हागि रा येनु माळालुन, जो मृत्यु दण्ड या बंदीगूह दा हाककु आगोद लायक ईरूल." 32 अग्रपिपा फेस्तुस से अंदुन, "अगर ईव मंळसा कैसर उक न्याय ईला बेळायदुन, रा बळि सकोन."

## 27

पौलुस उन रोम दा कळुकु आगोद

1 याग ईद तय आगेत कऱि नाव जहाज दवारा इटली होदेव, रा आंदुर पौलुस अदकि थवाळासा दुसरा बंदीगोळी भी यूलियुस हेसुर ईनव औगुस्तुस उन पलटन इन ऊंद सुबेदार उन कय दा कोट्ट वुदुर. 2 याग ना आसिया क्शेत्तर अन कनारिा मा जो ऊंद बंदरगाह ईरोद अल टु होगावाळेर अदरमुत्तयिमु हेसुर इन नगर इन ऊंद जहाज मा कुरतकु होट्टुर आग मकदिनया अन थसिलुनीके नगर इन ऊंद अरसितरखुस हेसुर इन मंळसा नाम सांगुळ ईरोन. 3 दुसरा दनि नाव सैदा नगर दा जहाज टु ईळदेव, अदकि यूलियुस पौलुस मा कृपा माळकु आऊक संगीगोळ अल होग गोदुन कऱि आऊक जो वस्तुगोळ हतताव अदुरद पुरती माळ सकुल. 4 अल टु नाव समुद्र अन हादी देल होट्टेव हवा नाम वरिद्ध दशिा दा ईरोद ई कारण नाव साइपरस टापू उन बाजू दा टु आगकु होदेव; 5 अदकि कलिकिया अदकि पंपूलया नगर इन हात्तीगोळ्द समुद्र दा टु आगत् लूसिया अनद मूरा नगर दा ईळदेव. 6 अल सेनानायक उक सकिनदरया अनद ऊंद जहाज इटली होगतेला सकित, अदकि आव नामी अदुर मा येरस वुट्टुन.

7 याग नाव हापाळ दनि ताका धीरू-धीरू नळुतेला कठनिाई देल कनदिस नगर इन मुंद पोहचुसदेव, रा इदुरसाटी कऱि हवा नामी मुंद वाळुस ईला गोळोद, नाव सलमोनो नगर इन मुंदु टु आगत् क्रेते टापू उन आड्ड आगतेला नळदेव. 8 अदकि अदुर कनारिा-कनारिा कठनिाई देल नळुकु सुरक्षति बंदरगाह हेसुर इन ऊंद जागा दा पोहचुसदेव, यल टु लूसिया नगर हात्ती ईरोद.

9 याग नाव हापाळ समय अल वीतुसदेव अदकि जहाज इक मुंद वाळुसोर साटी इदुरसाटी तकलीफ आगोद यतकी उपास इन दनि ईग खतम आगेगीदव. इदुरसाटी पौलुस आंदरी ईद अंदुक समजुसदुन, 10 "हे लांकुरा, नानी हागि हतेत्याद कऱि ईद समुद्र यात्रा हापाळ खतरनाक आदीत, ना सरिफ माल मत्ता अदकि जहाज इन साटी अच उलटा नाम जीवन इन साटी भी." 11 लेकीन सुबेदार पौलुस उन मातगोळ से यक्कुल जहाज नळसावाळा अदकि जहाज इन मालकि इन मातगोळी वाळुसकु मानसदुन. 12 ईद बंदरगाह सोळ इन समय कडोद साटी वळ्लीद ईला ईरोद, इदुरसाटी हापाळ मुंदुरद आग सकुल रा फीनक्स पोहचुसोद कोशशि माळोद अच टानसदुर अदकि सोळ इन समय अलया कडोद नशिचय माळदुर. ईद रा क्रेते अनद ऊंद बंदरगाह आद जो दक्षिण-पश्चिम अदकि उत्तर पश्चिम येदुदु दशिा अन दी खुलसतद.

समुद्र दा तुफान

13 याग थवाळा-थवाळा दक्षिणी टु हवा बरली हत, रा ईद समसकु का नाम योजना पुरा माळ सककेव, लंगर नेगदेव अदकि करेते अन कनिरा टु नळतेला जहाज इक मुंद वाळसली हतदेव. 14 लेकीन घळी तमिरु दा जमीन दी टु ऊंद धोळद तुफान येळत, यदरी उत्तर पूरव तुफान अंदकु आगतद. 15 याग तुफान जहाज से टकरसत रा आ जहाज अदुर कारण मुंद ईला वाळस सकोद, अदकि नाव कोशशि माळोद बटि बूटेव अदकि जहाज इक हवा सांगुळ यात होगोद आत होग गोटेव. 16 आग कौदा हेसुर इन ऊंद स्यांळदतुसा टापू उन आळ दा वाहुसत-वाहुसत नाव कठनीई देल जहाज इक वश दा माळदेव. 17 बाक जहाज नळसावाळेर अदरी नेगकु अनेक उपाय माळकु जहाज इक ल्यालमा टु कटदुर, अदकि सुरतसि इन चोरबालु मा टकिसोद अंजक देल पाल अदकि सामान ईळसकु जहाज इक नीर दा वाहुस गोटेदुर. 18 याग नाव तुफान देल हापाळ ऊफान अदकि धक्कागोळ तनिदेव, रा दुसरा दनि आंदुर जहाज इन माल भीळली हतदुर; 19 अदकि तसिरा दनि आंदुर तान कयगोळ देल जहाज इन साज-सामान भी भीट बुदुर. 20 याग हापाळ दनिगोळ ताका ना सूर्य अदकि तारागोळ कांळसीदील अदकि धोळद तुफान नळतेला ईत्त, रा आखरी दा तान ऊळोद सपपा आशा नाव बटि बूटेव.

21 याग आंदुर हापाळ दनिगोळ ताका उपासा ईतोदुर, रा पौलुस आंदुर न्याइया नदिरकु अंदुन, “हे लॉकुरा, अगर करेते टु रवाना ईला आगोद नान सलाह नीव मान्स कोमायदीर रा ई वनिश अदकि नुकसान देल ऊळदोगायदीर. 22 लेकीन ईग ना नीम से वनिती माळतीन कति तान हम्मिमत कटकु ईटी, यतकी नीम दा टु यारदु जीव इन हानि आगतीदील, पर सरिफ ईद जहाज नषट आगेदीत. 23 यतकी अंसी इन ईळलकी, याता परमेश्वर उन ना हुईन अदकि यारद ना आराधना माळतीन आऊन ऊंद स्वरगदूत नान हात्ती बंदुन, 24 अदकि अंदुन हे पौलुस, अंजबाळ! नीनी कैसर उन मुंद नदिरोद जरूरी आद. नोळ, परमेश्वर सपपा मुंदुरी जो नीन सांगुळ यात्रा माळेत्थार, आंदुर भी जीवन नीन सांगुळ आद: 25 इदुरसाटी, हे लॉकुरा, हम्मिमत ईटी; यतकी ना परमेश्वर उन वशिवाश माळतीन, कति हयांग आव नाव से अदान, हाग अच आदीत. 26 लेकीन नामी यातोदारा टापू मा होगकु टकिसोद बदिदीत.”

27 याग चौदावा ईळलक वत्त, अदकि नाव भूमध्य समुद्र दा भटकुसतेला टेटाळेव, रा आरधा ईळलक इन हात्ती जहाज नळसावाळेर अनुमान हचकु जानसदुर का नाव यातोदारा जमीन इन हात्ती पोहचुसेतेव. 28 नीर इन गहराई अन अंदाज ताकोडुर मा ऊंद सी ईप्पत फूट इन गहराई ईरोद, अदकि थवाळा मुंद वाळसकु बाक गहराई अन अंदाज ताकोडुर रा नब्वे फूट गहराई ईरोद. 29 आग कलल इन जागागोळ देल टकूसोद अंजक देल आंदुर जहाज इन हदिळोद भाग दा नाक लंगर हाकदुर, अदकि व्हातुर आगोद प्रार्थना माळोर. 30 लेकीन याग जहाज नळसावाळेर जहाज मा टु ओळोद कोशशि माळोर, अदकि गली टु लंगर हाककोद बहाना देल जहाज समुद्र दा ईळस बुदुर; 31 लेकीन पौलुस सूवेदार अदकि सैनिकिगोळ से अंदुन, “अगर इंदुर जहाज मा ईतीदील, रा नीव भी ऊळु सकालीर.” 32 आग सैनिकिगोळ जाळी कडुकु जहाज समुद्र दा हाग गोटेदुर.

33 याग व्हातुर आगदुर मा ईरोद, आग पौलुस ईद अनकु, सपपा मुंदरी ऊममोर साटी वनिती माळदुन, “ईद चौदा दनि आदव कति नीव हादी काईत काईत उपास ईतीर, अदकि येनु तंददील. 34 ना इदुरसाटी नीमी तनिर साटी वनिती माळतीन कति नीम जतिता ईरोरसाटी जरूरी आद; यतकी नीम दा टु यारदु ताल्ला अनूद ऊंद चुट्टी भी वळिवाळुल.” 35 ईद अनकु आव रोटी हडुकु सपपा मुंदुर मुंद परमेश्वर उन धन्यवाद माळदुन अदकि मूरकु तनिली कुरतुन. 36 आग आंदुर सपपा मुंदुर भी हम्मिमत कटकु ऊमली कुरतुर. 37 नाव सपपा मल्लुसकु जहाज मा येदद सौ छयात्तर मुंदुर ईरेव. 38 याग आंदुर ऊंडकु संतुषट आदुर, रा गोदी इक समुद्र दा भटिकु जहाज इक हलका माळली कुरतुर.

जहाज इन बरवादी

39 याग व्हातुर आत रा आंदुर आ दयाश इक अरतीदलि, लेकीन ऊंद खाळी इन कनिरा कांळसत, अदकि वचिर माळदुर कति अगर आग सकुल रा इदुर मा जहाज इक टेकसेव. 40 आग आंदुर लंगरगोळी खोलसकु समुद्र दा बटि बुदुर अदकि अदा समय जाळीगोळद वंधन खोलस बुदुर, अदकि जहाज इन मुंद मुंदळोद पाल येरसकु कनिरा दी होटोदुर. 41 लेकीन येदद समुद्र अन संगम इन जागा हडुकु आंदुर जहाज इक टेकसदुर, अदकि जहाज इन मुंदळोद हसिसा धक्का तनिकु नटटोत अदकि आलगाळ सकादील; लेकीन हदिळोद लयरगोळद बल देल मूरली हत.

42 आग सैनिकिगोळ ईद वचिर आत कति वंदीगोळी कोंद बूटेव, हाग आगवाळुल कति यावारा तैरसकु ओळेगुल. 43 लेकीन सूवेदार पौलुस उक सुरक्षति माळोद इचछा देल आंदरी ईद वचिर देल रोकसदुन अदकि उलटा ईद आग्या कोटदुन, कति जो तैरस सकतार, पयले हारकु कनिरा मा होट बुळुल; 44 अदकि बाकी यारारा पट्टीगोळ मा, अदकि यावारा जहाज इन मुरद तुकळा गोळद सहारा देल होट बुळुल. ईद रीत देल सपपा मुंदुर कनिरा मा सुरक्षति ऊळदकु होटदुर.

## 28

माल्टा टापू दा पौलुस

1 याग नाव कनिरा मा सुरक्षति पोहचुसदेव, आग पता नळत कति ईद टापू उक माल्टा अंदकु आगतद. 2 अलेर नवासीगोळ नाम मा अनोखा कृपा माळदुर; यतकी माळ बरोद कारण सोळ इन ईरोद, इदुरसाटी आंदुर बेककी होत्ताकु नाम सपपा मुंदुरद स्वागत माळदुर. 3 याग पौलुस वंळगेव हळुलीगोळद गट्टा सकलुसकु बेककी मा ईटदुन, रा ऊंद हाव बेककी इन आच देल होळत अदकि आऊन कय इक गुणसेत. 4 याग आ नवासीगोळ हाव इक आऊन कय इक गुंडसकु नोळदुर, रा आपस दा अंदुर, “सचमुच ईव मळसा हत्थारा आन लेकीन ईऊन कसिमत वळलेव आव जो समुद्र दा ऊळदोदुन, तरी भी न्याय जीवति ईर गोटीदील.” 5 आग आव हाव इक बेककी दा झटकुस बुदुन,

अदकि पौलुस उक येनु हानि भी पोहचुसीदील. <sup>6</sup>लेकीन आंदुर हादी कायतोगोर कि आव वातोदान या एकाएक बदिक् सोतोदान, लेकीन याग आंदुर हापाळ होत ताका नोळत ईत्तुर अदकि नोळकु आऊक असाधारण रूप दा भी येनु आगदील, रा तान वचिार बदलुसकु अनली हतदुर, “ईव रा यावारा देवता हुन.”

<sup>7</sup>आ जागा अन आसपास आ टापू उन प्रथान अधिकारी पुबलयिस उन जागा ईरोद. आव नामी तान मान्या ओतकु नाम स्वागत माळदुन मूर दिन संगीभाव देल पाऊनचार माळदुन. <sup>8</sup>पुबलयिस उन आपप मय देल अदकि आव खुन देल रोगी बदिक् ईरोन. इदुरसाटी पौलुस आऊन हात्ती मान्या होगकु प्रार्थना माळदुन अदकि आऊन मा कय ईटकु आऊक चंगा माळदुन. <sup>9</sup>याग हगि आत रा आ टापू उन बाकी बमिार बंदुर अदकि चंगा माळकु आदुर. <sup>10</sup>आंदुर नामुद हर प्रकार देल आदर माळदुर, अदकि याग नाव होगली कुरतेव रा जो येनारा नाम साटी जरूरी ईरोद, जहाज मा ईट बुदुर.

मालटा टापू रोम दी

<sup>11</sup>मूर तगिळ इन बाददा नाव सकिनदरया अन्द ऊंद जहाज मा येरदेव, अदकि ई जहाज ईदा टापू दा सोळ इन दिनगोळ कारण ईल्या रूसकु ईरोद, आ जहाज इक जुळवा ईश्वर अंदकु आगोद. <sup>12</sup>नाव सुरकूसा दा पोहचुसदेव अदकि मूर दिन ताका अल्या ईत्तेव. <sup>13</sup>अल टू नाव रवाना आगकुरेगियुम नगर दा बंदेव; अदकि दुसरा दशिी दक्षणि टू हवा नळत, अदकि नाव दुसरा दशिी पुतयिली नगर दा बंदेव. <sup>14</sup>अल नामी वशिवासी वारदुर सकिदुर, अदकि आंदुर कहना देल नाव आंदुर अल येळ दिन ताका ईत्तेव; अदकि ई रीत देल नाव रोम इक होतोदेव. <sup>15</sup>याग रोम इन वशिवासी वारदुर इक नाम सुचना सकित रा अप्पयिस इन सात्ता अदकि मूर-सराए ताका नाम से मुलाकात माळली बंदुर, यारी नोळकु पौलुस परमेश्वर उन धन्यवाद माळदुन अदकि प्रोत्साहित आदुन.

रोम दा पौलुस

<sup>16</sup>याग नाव रोम दा पोहचुसदेव, रा पौलुस उक ऊंद सैनिक उन सांगुळ जो आऊन रखवाली माळतोगोन, आवना ईरोद आग्या सकिकेत.

<sup>17</sup>मूर दिन इन बाददा आव यहूदीगोळद प्रमुख लॉकुरी कारदुन, अदकि याग आंदुर जमा आदुर रा आंदुर से अंदुन, “हे वारदुरा, ना तान लॉकुरद या आप्प दादागोळ व्यवहारगोळद वरिध दा येनु अच माळीदील, तरी नानी बंदी माळकु यूरुशलेम टू रोमीगोळद कय दा कोटकु आत. <sup>18</sup>आंदुर नान जांच माळदुर अदकि नानी बटि बुळोद चाहासदुर, यतकी नान दा मृत्यु उन योग्य येनु दोष ईला ईरोद. <sup>19</sup>लेकीन याग यहूदी ईदुरद वरिध दा माताळली कुरतुर, रा नानी कैसर से न्याय बेळोद प्रार्थना माळोद बतित: इदुरसाटी ईला कि नानी तान लॉकुर मा येनारा दोष हचोद ईरोद. <sup>20</sup>इदुरसाटी ना नीमी कारदन कि नीम से मल्लुसाईन अदकि मातचीत हेळाईन; यतकी आ मंडसा अन साटी ना ई शंकली देल जकळुसकु आईन यारद इस्त्राएल इन लॉकुर आशा माळतोगोर.”

<sup>21</sup>आंदुर आऊन से अंदुर, “ना नामी नीन बारा दा यहूदीगोळ से चट्टी गोळ सकिदव, अदकि ना वारदुर दा टू यावारा बंदकु नीन बारा दा येनारा हेळदुर अदकि ना बुरा अंदुर. <sup>22</sup>लेकीन नीन वचिार येन आद? अदा नाव नीन से केळोद चाहासतेव, यतकी नाव जानसतेव कि नी याता समुह टू बरत्या अद समुह अन वरिध सप्पा दी लॉकुर माळतार.”

<sup>23</sup>आग आंदुर आऊन साटी ऊंद दिन ठहूरसदुर, अदकि हापाळ सा लॉकुर जमा आदुर, अदकि आव परमेश्वर उन राज्य अन गवाही कोळतेला, अदकि मूसा अन व्यवस्था अदकि भवषियवक्तागोळद कतिावगोळ देल यीशु उन बारा दा समझुस समझुसकु व्हातरया टू द्यावगा ताका वरणन माळतेला ईत्तुन. <sup>24</sup>आग थवाळासा लॉकुर आ मातगोळी मानुस कोडुर, अदकि थवाळासा लॉकुर वशिवास माळीदील. <sup>25</sup>वाक आंदुर आपस दा आवुर दाबुर देल असयमत आगतेला आंदुर अल टू होग कुरतुर, आग पौलुस ईद ऊंद मात अंदुन अदकि यशायाह भवषियवक्ता अन द्वारा पवतिर आत्मा नीम आप्प दादागोळ से याट सही अंदीत, <sup>26</sup>यतकी आव अंदुन,

होगकु ई लॉकुर से अन,

कि नीव केळीर, लेकीन समस्तदील,

अदकि नीव नोळतेला अच ईत्तीर, लेकीन नीमी काळसतदील;

<sup>27</sup>यतकी ई लॉकुरद मन कठोर अदकि आंदुर तान कवि बंद माळ बुटार,

अदकि आंदुर कण्णगोळ बंद आगेग्याव,

हगि आगबाळुल कि आंदुर यागलु कण्णगोळ देल नोळुल अदकि कविगोळ देल केळुल

अदकि मन देल समसुल अदकि नान दी तरिगुल,

अदकि ना आंदरी चंगा माळाईन.

<sup>28</sup>अदकि पौलुस ई मात देल ईदुरद समापन माळदुन कि “नीमी जानुस कोम पायजे कि परमेश्वर उन ई उद्धार इन बातणी गैरयहूदीगोळ हात्ती कळुकु आगेग्याद, आंदुर ईदरी केळ्यार.” <sup>29</sup>\* याग आव ईद अंदुन रा यहूदी आपस दा हापाळ झगळा माळली कुरतुर अदकि अल टू होटोदुर.

<sup>30</sup>पौलुस पुरा येदद वरष तान करिया अन मान्या ईत्तुन, अदकि जो आऊन हात्ती आऊन से मुलाकात माळली बरतोगोर, आ सप्पा मुंदुद स्वागत माळत ईत्तुन. <sup>31</sup>अदकि पुरा स्वतंत्रता अदकि हमिमत इन सांगुळ परमेश्वर उन राज्य अन्द प्रचार माळोन अदकि प्रभु यीशु मसीह अन बारा दा कलसतेला ईत्तुन.

## रोमियों के नाम पौलुस प्रेरति की पत्री रोमियों अन्द हेसुर पौलुस प्रेरति उन चट्टी परचिय

रोमियों अन्द कतिब आग सकतद प्रेरति पौलुस ५ ४-५८ वर्षगोळ बीच दा यीशु मसीह अन्द जनम इन बाददा लखिसकु आगीत. पौलुस ईगासताका रोमियोंगोळद दवरा ईला ताकोडीदुन, इदुरसाटी आंदुर ईद चट्टी रोम दा ईसाईगोळी नरिदेश कोळोर साटी कळुदुर, येदहु यहुदी अदक गैरयहुदी. आंदुर कूरुनथियों शयर टु चट्टी लखिसीदुर, येल आंदुर आ समय ईरतोगोर. पौलुस लखिसदुन क सप्पा राष्टर यीशु मसीह १६:२६ मा वशिवास अदक पालन माळ सकुल.

रोमियोंगोळद कतिब हर जागी अदक हर समय ईसाईगोळ साटी ऊंद खास कतिब आद यतकी पौलुस आसान रूप देल अदक वळलीद तरीका देल समझसतान कानाव यीशु मसीह अन्द उद्धार इन बारा दा हेळ सकतार. पौलुस यीशु मसीह अन्द खुशखबरी इक हाळोद नयिम देल भी जोळसदुन. हापाळ ग्यानी लॉकुरद तरक आद क कतिब दा सब से खास कवता १:१६ आद जो अनतद, "नानी खुशखबरी देल येनु शरम हैलेच, यतकी ईद सप्पा मुंदुर उद्धार इन साटी परमेश्वर उन ताकत हुन, पयले यहुदीगोळ साटी बाक गैरयहुदीगोळ साटी जो हगि मानसतार." रोमियोंगोळद पयला भाग रोमियों १-१२ गयरा न्यायशास्त्र आद अदक दुसरा भाग १३-१५ दा ईसाई जीवन इन साटी हापाळ व्यावहारिक नरिदेश आव.

रूप-रेखा

१. पौलुस साधारण रूप देल तान पयचान कोळतेला तान चट्टी अन्द सूरवात माळतान अदक अनतान क आव यारी लखिसेत्यान १:१-१५
२. इदुर बाददा आव यीशु मसीह अन्द जरीया देल मंळसा जाती अन्द स्थिति अदक संभावति उद्धार इन बारा दा लखिसतान १:१६-११:३६
३. इदुर बाददा पौलुस ईसाई जीवन जीऊसोर साटी हापाळ व्यावहारिक नरिदेश कोळतान १२:१-१५:१३
४. आव रोम इन अध्याय १६ दा मंडली अन्द लॉकुरी हापाळ शुभकामना कोटकु रोमियों अन्द कतिब इक खतम माळतान.

१ पौलुस उन दी टु जो यीशु मसीह अन दास आन, अदक यारी परमेश्वर प्रेरति आगोर साटी कारस्यान, अदक परमेश्वर उन आ खुशखबरी इन प्रचार इन साटी अलग माळकु आत. २ यारी पयले अच संदेश कोळावाळेरद द्वारा प्रतगिया माळकु आत, हयांग पवत्रिशास्त्र दा लखिसकु आग्याद. ३ अद आऊन पार उन बारा दा हुन; आव मय इन भाव देल रा दाऊद उन वंश देल पैदा आदुन. ४ अदक पवत्रिता अन आत्मा अन भाव देल सोत्तुर दा टु जतिता आगोद कारण सामर्थ्य अन सांगुळ परमेश्वर उन पार ठहूरसकु आदुन; आव यीशु मसीह नाम प्रभु हुन. ५ आऊंदा द्वारा परमेश्वर नामी अनुग्रह कोटदुन क प्रेरिताई सकुल, ताकी सप्पा गैरयहुदी लॉकुर आऊन हेसुर मा वशिवास माळुल अदक आग्या अन पालन माळुल. ६ इदुर दा नीव भी शामिल आईर जो रोम दा ईरतीर, यारी परमेश्वर यीशु मसीह नोर आगोर साटी कारस्यान. ७ आ सप्पा मुंदुर हेसुर ना लखिसतीन जो रोम दा परमेश्वर उन प्रथि आर, अदक आंदरी परमेश्वर तान लॉकुर आगोर साटी कारस्यान. नाम आप्प परमेश्वर अदक प्रभु यीशु मसीह अन दी टु नीमी अनुग्रह अदक शांती सकितेला ईरुल.

धन्यवाद इन प्रार्थना

८ पयले ना नीम सप्पा मुंदुर साटी यीशु मसीह अन द्वारा तान परमेश्वर उन धन्यवाद माळतीन, यतकी नीम वशिवास इन बारा दा पुरा दुनयिया दा चर्चा आगेत्याद. ९ परमेश्वर यारद स्यावा ना तान आत्मा देल आऊन पार उन खुशखबरी इन बारा दा माळतीन, आवा नान गवाह आन कान नीमी याता प्रकार लगातार याद माळत ईरतीन, १० अदक लगातार तान प्रार्थनागोळ दा ना हमेशा अच वनिती माळतीन क यातोदारा रीत देल इंग नीम हाती बरोद नान यातुर परमेश्वर उन इच्छा देल सफल आगुल. ११ यतकी ना नीम से मलिसोद इच्छा हापाळ ईटतीन क नीम सांगुळ आत्मिक आशीषगोळ वाट्स सकाईन यदुर देल नीमी सामर्थ्य सकुल; १२ मतलब ईद कयाग ना नीम बीच दा आगाईन, रा नामी आ वशिवास इन द्वारा जो नान दा अदक नीम दा आद, आबुर दाबुर से प्रोत्साहन सकुल. १३ हे वारटुरा अदक आकतीगोरा, ना घळी घळी नीम हाती बरोद चाहासदीन, क हयांग नानी गैरयहुदीगोळ दा वहासा वशिवासीगोळद काय सकित, हांग अच नीम दा भी सकुल, लेकीन ईगासताका रूकावटगोळ बंदव. १४ ना सप्पा लॉकुरद कर्जदार आईन यूनानीगोळद अदक गैर यूनानीगोळद, कलतकु अदक अशक्तिगोळद. १५ इदुरसाटी ना नीमी भी जो रोम नगर दा ईरतीर, खुशखबरी केळसोर साटी हापाळ उत्साहीत आईन.

खुशखबरी इन सामर्थ्य

१६ यतकी ना खुशखबरी देल नाचालीन, इदुरसाटी क अद हर ऊंद वशिवास माळावाळा अन साटी, पयले रा यहुदी बाक गैरयहुदी, यतकी ईद उद्धार तरावाळा परमेश्वर उन सामर्थ्य हुन. १७ यतकी खुशखबरी ईद पगट



माळतद कऱ परमेश्वर मंळसागोळी तान प्रती सही हयांग माळतान ईद सूरवात टु आखरी ताका वश्रिवास इन दवारा अच आद. हयांग कऱ शास्त्र दा लखिस्क आद, “जो मंळसा परमेश्वर उन सांगुळ न्यायी आन आव वश्रिवास इन दवारा जतिता ईततान.”

मंळसा जाती इन पाप

18 परमेश्वर उन सट्टि रा आ लॉकुरद पाप अदकऱ बुराई मा स्वरग टु परगट आगतद, जो सतय अक बुराई देल वोतकु ईटतार. 19 इदुरसाटी कऱ परमेश्वर उन ग्यान आंदुरद मनगोळ दा परगट आद, यतकी परमेश्वर आंदुर मा परगट माळ्यान. 20 यागी टु परमेश्वर दुनया अनद रचना माळदुन आगी टु आऊन अदृश्य वश्रिषतागोळ, मतलब अननत ताकत अदकऱ आऊन देवकऱ स्वभाव आ वस्तुगोळ दा जो परमेश्वर रच्यान पुरा रीतऱ देल साफ कांळसकु वळितद. इदुरसाटी आ लॉकुर हात्ती येनु बहाना हैलेच. 21 यतकी आंदुर परमेश्वर उक अरूतार लेकीन जो आऊन सम्मान आद अद आऊक कोळालुर अदकऱ ना धन्यवाद माळतार. लेकीन आऊन जागा आंदुर वचिर पुरा रीतऱ देल नरिथक आग्याव अदकऱ आंदुरव खाली दमिक अंधार देल तुम्मेग्याव. 22 आंदुर तान तान इक बुद्धमिन सम्सतार लेकीन मूरख आर, 23 अदकऱ अवनिशी परमेश्वर उन महमिा अक नाशवान मंळसागोळ, पक्षीगोळ, नाक कालवाळा जनावरगोळ, अदकऱ रेंगसावाळा कळिागोळ मूरतऱ इन समानता दा आंदुर बदलसु बुदुर. 24 ई कारण परमेश्वर आंदरी आंदुर मन इन अभलिाषागोळ अनुसार अशुधदता अन साटी बट्टि बुदुन कऱ आंदुर आपस दा तान शरीर इन अनानद माळुन. 25 यतकी आंदुर परमेश्वर उन सच्चाई अक बदलसु खुवाटा माळ बुदुर, अदकऱ परमेश्वर उन बदला दुनया अन उपासना अदकऱ स्यावा माळदुर यदरी आव घळुस्यान, ना कऱ आ माळावाळा अनद जो हमेशा धन्य आन! अमीन. 26 इदुरसाटी परमेश्वर आंदरी नीच वासनागोळ कय दा सोपस बुदुन; ईल ताका कऱ आंदुर आरतेर स्वाभावकऱ यौन संबंघगोळ बदला अस्वभावकऱ यौन संबंघ ईटली कुरतुर. 27 हांग अच गंळसुर भी आरतेर सांगुळ स्वाभावकऱ व्यवहार बटिकु आपस दा कामातुर आगकु होतली हतदुर, अदकऱ गंळसुर दुसरा गंळसुर सांगुळ नरिलज कयाल्सा माळकु तान गालत करमगोळद सजा ताकोडुर. 28 याग आंदुर परमेश्वर उक अरोद चाहासीदील, रा परमेश्वर भी आंदरी आंदुरद भ्रष्ट मन मा बटि बुदुन कऱ आंदुर अनुचति कयाल्सा माळली हतुल जो ईला माळ पाहीजे होता. 29 इदुरसाटी आंदुर सप्पा प्रकार इन अन्याय, दुषटता, लोभ, अदकऱ अनैतिकता देल तुम्मेग्यार; अदकऱ आंदुर जलन, हत्या, अदकऱ झगळा, छल कपट, अदकऱ बुराईगोळ देल तुम्मेदुर, अदकऱ चुगलीखोर आगदुर, 30 अदकऱ आवुर दाबुर बुराई माळावाळे, परमेश्वर उन अपमान माळावाळे, अदकऱ अय्यासी माळावाळे, घमण्डी अदकऱ अहंकारी, अदकऱ बुराई माळोर साटी अनेक हादी दूहसावाळे, अदकऱ मोय आपपुरद आग्या ईला मानसावाळे वनसतार, 31 आंदुर मन इन कमजोर, अदकऱ तान कोळद वचन मुरावाळे, अदकऱ आवुर दाबुरद प्रती नरिदयी आगोग्यार. 32 आंदुर जानसतार कऱ परमेश्वर उन व्यवस्था येन अनतद जो लॉकुर ई हादी मा नळुतार आंदुर मृत्यु दण्ड इन लायक आर, तरी भी ई लॉकुर ना सरिफ आ कयाल्सागोळी माळतार उलटा हांग माळावाळे इक साथ भी कोळतार.

## 2

परमेश्वर उन न्याय

1 इदुरसाटी हे दोष हचावाळा, नी यावारा येती आगबाळुल, नी नरितुतर आय; यतकी याता मात दा नी दुसरा मा दोष हचत्या अदा मात दा तान तान इक भी दोषी ठहरूसत्या, इदुरसाटी कऱ नी जो दोष हचत्या खुद अच अद कयाल्सा माळत्या. 2 यतकी नाव जानसतेव कऱ जो लॉकुर हगि कयाल्सा माळतार, परमेश्वर आंदुरद सच्चाई देल न्याय माळतान. 3 लेकीन हे मंळसा, नी जो हगि-हगि कयाल्सा माळावाळे रा दोष हचत्या अदकऱ खुद अच अव कयाल्सा माळत्या; येन ईद सम्सत्या कऱ नी परमेश्वर उन न्याय देल ऊळदोदया? 4 येन नी आऊन महान दया, अदकऱ शहनशीलता, अदकऱ धीरज इक तुच्छ जानसत्या? येन नी सही दा ईद समसाल कऱ परमेश्वर उन दया नीनी मन फरिव दी ओयतद? 5 लेकीन नी तान कठोरता अदकऱ जीदवी मन इन कारण आ दिन इन साटी, जो दिन परमेश्वर उन सट्टि अदकऱ खरा न्याय परगट आदीत, नी तान साटी दण्ड तयार माळेत्या. 6 परमेश्वर नाम सप्पा मुंदुरी तान करमगोळद हसाव देल प्रतफिल कोट्टान: 7 जो लॉकुर वळलीद कयाल्सा दा हतकु ईरतार परमेश्वर उन दी टु सीकतद महमिा, आदर, अदकऱ अमरता अन खोज दा आर, आंदरी परमेश्वर अननत जीवन कोट्टान; 8 लेकीन जो लॉकुर मतलबी आर अदकऱ जो सच्चाई इक स्वीकार माळतार. ताकी बुरा कयाल्सा माळ सकुल ईतता लॉकुर मा परमेश्वर तान सट्टि अदकऱ प्रकोप पलटुस्यान. 9 दुख अदकऱ परेशानी हर ऊंद मंळसा मा जो बुराई माळतान बंदीत, पयले यहूदी मा बाक गैरयहूदीगोळ मा; 10 लेकीन परमेश्वर जो वळलेव कयाल्सा माळतार आंदरी महमिा, आदर अदकऱ शांती प्रदान माळ्यान, पयले यहूदीगोळ इक बाक गैरयहूदीगोळ इक. 11 यतकी परमेश्वर बनिा पक्षपात देल सप्पा मुंदुरद न्याय माळतान.

12 गैरयहूदीगोळ हात्ती मूसा अनद व्यवस्था हैलेच अदकऱ आंदुरद न्याय भी बनिा व्यवस्था देल आदीत, यहूदीगोळ हात्ती मूसा अनद व्यवस्था आद अदकऱ आंदुरव माळदव पापगोळ न्याय व्यवस्था अन अनुसार अच आदीत. 13 यतकी परमेश्वर उन मान्या व्यवस्था अक केळावाळर न्यायी हैलेच, लेकीन व्यवस्था मा नळावाळे न्यायी ठहरूसकु आदार. 14 गैरयहूदी लॉकुर यार हात्ती व्यवस्था हैलेच, लेकीन आंदुर तान तान दा व्यवस्था मा नळुतार, इदुरसाटी आंदुर तान तान दा अच व्यवस्था आर, जब की आंदुर हात्ती मूसा अनद व्यवस्था हैलेच. 15 आ लॉकुरद चाल चलन तोरसतद कऱ व्यवस्था आंदुरद दलिगोळ दा लखिस्क आग्याद. अदकऱ आंदुरव मन भी अनताव

कई ईदा सत्य हून, अदकि ईदरी हूडकु आंदुरव वचिार आंदरी यागलु नरिदोष या यागलु अपराधी ठहरसताव; 16 आ दर्शी परमेश्वर नान प्रचार माळद खुशखबरी इन अनुसार परमेश्वर यीशु मसीह अन द्वारा मंळसागोळ गुप्त वचिारगोळद न्याय माळ्यान.

यहूदी अदकि व्यवस्था

17 अगर नी तान तान इक यहूदी अनत्या, अदकि नीनी तान परमेश्वर मा अभिमान आद, 18 अदकि नीनी मालूम आद कि परमेश्वर नीन से येन माळसुसोद चाहासतान अदकि सही मातगोळ इक नचिळुसोद नी व्यवस्था देल कलत्या; 19 अदकि तान तान मा भरोसा ईततान कि ना कुददगोळव अगुवा, अदकि अंधकार दा बदिक् आर आंदुर ज्योर्ता, 20 मुखगोळ इक नरिदेश कोळावाळा, अदकि भोला मंळसा गोळोव शकिषक आन. अदकि नी सही आय कि जो नयिम शास्त्र नीन हात्ती आद, अदुरदा पुरा सत्यता अदकि पुरा ग्यान इन समावेश आद. 21 इदुरसाटी येन नी जो दुसरागोळी कलसत्या, तान तान मा येती लागु माळाल? येन नी जो काळलपन ईला माळोद शकिषा कोळत्या, खुद अच काळलपन येती माळत्या? 22 नी जो अनत्या, “व्यभचिार ईला माळ पायजे,” रा खुद अच व्यभचिार येती माळत्या? नी जो मूर्तीगोळ से घृणा माळत्या, येन खुद अच मंदरिगोळी येती लुटसत्या? 23 नी जो व्यवस्था अन बारा दा घमण्ड माळत्या, रा खुद परमेश्वर उन व्यवस्था ईला मानसकु परमेश्वर उन अनानद माळत्या? 24 “यतकी नीम कारण गैरयहूदीगोळ दा परमेश्वर उन हेसुर इन अपमान माळकु आगतद,” ह्यांग शास्त्र दा लखिसकु आद.

25 अगर नी व्यवस्था अनद पालन माळ्या रा खतना देल लाभ रा आद, लेकीन अगर नीव व्यवस्था अन उल्लंघन माळत्या रा नीद खतना बनि खतना अनद दशा ठहरसत. 26 इदुरसाटी अगर गैरयहूदी यारद खतना आगीदील तरी भी व्यवस्था अनद पालन माळतान रा येन आऊन खतनारहित आगदुर मा भी खतना माळकु आत आळकु आगतीदील? 27 अदकि खुद यहूदीगोळी गैरयहूदीगोळ द्वारा दोषी ठहरसकु आदीत जब की नीम हात्ती लखिसद व्यवस्था अदकि खतना माळकु आगीर लेकीन गैरयहूदी व्यवस्था अन पालन माळतार जब की आंदुरद शारीरकि रूप देल खतना आगीदील. 28 ऊद खरा यहूदी यारद सही दा खतना आग्याद, आव याव हून? खरा यहूदी आव आलच जो सरिफ बाहरी रूप देल यहूदी आन, यारद खतना सरिफ शारीरकि आद. 29 लेकीन खरा यहूदी आवा हून जो वुळक टू यहूदी आन; यारद दलि देल खतना आग्याद अदकि ईद परमेश्वर उन आत्मा अनद क्यालसा हून, ना कि लखिसद व्यवस्था अनद. ईतता मंळसा परमेश्वर उन दी टु प्रशंसा पाऊस्यान ना कि मंळसा अन दी टु.

### 3

1 इदुरसाटी गैरयहूदीगोळ मुंद नीमद यहूदी आगोद येन फायदा? अदकि नीमद खतना अनद येन लाभ? 2 सप्पा प्रकार देल हापाळ लाभ आद. पयले रा ईद कि परमेश्वर उन वचन यहूदीगोळी कोटकु आग्याव. 3 अगर येनारा यहूदी वशिवासघाती होटदुर भी रा येन आत? येन आंदुर वशिवासघाती आगदुर देल परमेश्वर उन सचचाई बेकार ठहरसीत? 4 यागलु ईला! लेकीन परमेश्वर खरा आन अदकि हर ऊद मंळसा खवाटा ठहरस सकतान, ह्यांग शास्त्र दा लखिसकु आद, “याग नी खुद इन वचाव दा माताळ्या आग नी सही ठहरसीया अदकि न्याय माळावती नीनी जीत प्राप्त आदीत.” 5 इदुरसाटी अगर नाम गलत क्यालसा परमेश्वर उक सही ठहरस बुळतद, रा नाव येन अंदेव? येन ईद कि परमेश्वर जो दण्ड कोळतान गलत माळतान? ईद रा ना साधारण सवाल केळीतीन. 6 यागलु ईला! ईदारा परमेश्वर ह्यांग दुनिया अन न्याय माळ्यान? 7 अगर नान झुठ इन कारण परमेश्वर उन सचचाई आऊन महिमा अन साटी, यककुल माळकु प्रागट आत रा बाक येती पापी अन घाई ना दण्ड इन साटी ठहरसकु आगतीन? 8 “नाव येती बुराई माळेव किभलाई होळ्ल?” ह्यांग नाम मा ईदा दोष हचकु भी आगतद, अदकि येनारा अनतार कि इंदुरद ईदा अनोद आद. लेकीन ईततारी दोषी ठहरसोद ठीक आद.

याऊ न्यायी हैलेच

9 रा बाक येन आत? येन नाव यहूदी आ गैरयहूदीगोळ से वळलेर आयेव? यागलु ईला; यतकी नाव यहूदीगोळ अदकि गैरयहूदीगोळ येदुदु मा ईद दोष हच कोंडेव कि आंदुर सप्पा च्या सप्पा पाप इन वश दा आर. 10 ह्यांग शास्त्र दा लखिसकु आद:

“याऊ न्यायी हैलेच, ऊद भी हैलेच.

11 याऊ समझदार हैलेच;

याऊ परमेश्वर उक दुंडसावाळा हैलेच.

12 सप्पा परमेश्वर उन से भटकसेग्यार, सप्पा च्या सप्पा नकिम्मा बनसेग्यार;

याऊ भलाई माळावाळा हैलेच, ऊद भी हैलेच.

13 आंदुरद कुतक्या खुलसद कबर हून,

आंदुर तान लयालग्यागोळ देल छल माळ्यार,

आंदुरद टुट्टीगोळ दा हावगोळद जहर आद.

14 आंदुरद बाय श्राप अदकि कळवाहट देल तुमकु आद.

15 आंदुर काल खुन वाहुसली फुरतीला आव,

16 आंदुर हादीगोळ मा नाश अदकि क्लेश आद,

17 आंदुर शांती इन हादी अरालुर.

18 \*आंदुरद कण्णगोळ मुंद परमेश्वर उन अंजुक हेल्लेच.”

19 नाव जानसतेव किव्यवस्था जो येनारा अनतद आंदुर से अच अनतद, जो व्यवस्था अन हात्ती आर; इदुरसाटी क हिंर ऊंद बाय बंद माळकु आगुल अदकि पुरा दुनयिा परमेश्वर उन न्याय इन लायक ठहूरसुल; 20 \*यतकी व्यवस्था अन क्यालसागोळ देल यातोदु मळसा परमेश्वर उन मुंद न्यायी ठहूरसतीदील, इदुरसाटी किव्यवस्था अन द्वारा पाप इन पयचान आगतद.

वश्वास द्वारा न्यायीपन

21 लेकीन ईग व्यवस्था टु अलग परमेश्वर उन अद न्यायीपन प्रगट आग्याद, यदुरद गवाही मूसा अन व्यवस्था अदकि भवश्चिवकता कोळतार, 22 \*मतलब परमेश्वर उन अद न्यायीपन जो यीशु मसीह मा वश्वास माळदुर देल सप्पा वश्वास माळावाळेर साटी आद. यतकी येनु फरक हेल्लेच; 23 इदुरसाटी क सप्पा मुंदुर पाप माळयार अदकि परमेश्वर उन महिमा देल हापाळ दुर आर, 24 लेकीन आऊन अनुग्रह देल आ छुटकारा अन द्वारा जो मसीह यीशु दा आद, सप्पा च्या सप्पा न्यायी ठहूरसकु आगतार. 25 यीशु उक परमेश्वर आऊन रक्ता अन दवारा ऊंद हांगि प्रायश्चित बली ठहूरसदुन, जो वश्वास माळदुर देल कार्यकारी आगतद, कजो पाप पयले माळकु आग्याव अदकि यऊर मा परमेश्वर तान सहनशीलता अन कारण ध्यान कोटीदील. यीशु उन रक्ता अन बारा दा आव तान न्यायीपन प्रगट माळुल. 26 लेकीन ईदा समय आऊन न्यायीपन प्रगट आगुल कियदुर देल आव खुद अच न्यायी ठहूरसुल, अदकि जो यीशु मा वश्वास माळुल आऊन भी न्यायी ठहूरसावाळा ईरूल. 27 रा घमण्ड येल आद? अदकि घमण्ड इक व्हारया माळकु आत? येन नाव व्यवस्था अन पालन माळतेव? ईला, लेकीन नाव वश्वास माळतेव इदुरसाटी. 28 इदुरसाटी नाव ईद परिणाम मा पोहचसतेव क मळसा व्यवस्था अन क्यालसागोळ से अलग आन, मळसा परमेश्वर मा वश्वास इन द्वारा अच न्यायी ठहूरसतान. 29 या परमेश्वर सर्फि यहूदीगोळव अच हुन? येन गेर यहूदीगोळव परमेश्वर हेल्लेच? नश्चिति अच आव गेर यहूदीगोळव भी परमेश्वर हुन. 30 \*यतकी ऊंद अच परमेश्वर आन, जो यहूदीगोळी वश्वास देल अदकि गैरयहूदीगोळी भी वश्वास इन द्वारा न्यायी ठहूरसयान. 31 रा येन नाव व्यवस्था अच वश्वास इन द्वारा बेकार ठहूरसतेव? यागलु ईला! लेकीन व्यवस्था अच कायम ईटतेव.

## 4

अब्राहम उन उदाहरण

1 इदुरसाटी नाव येन अंदेव नाम शारीरिक आप्प अब्राहम उक येन हासलि आत? 2 यतकी अगर अब्राहम क्यालसागोळ देल न्यायी ठहूरसकु आगायदुन, रा आऊक घमण्ड माळोद जागा ईराईत, लेकीन परमेश्वर उन नजर दा ईला. 3 \*पवत्रिशास्त्र येन अनतद? ईद क “अब्राहम परमेश्वर मा वश्वास माळदुन, अदकि आऊन वश्वास इन कारण परमेश्वर आऊक न्यायी ठहूरसदुन.” 4 क्यालसा माळावाळा अनंद मजदुरी कोळोद दान आलच, लेकीन हकुक समसकु आगतद. 5 लेकीन जो वश्वास मा नरिभर ईरतान ना कियालसागोळ मा, अदकि परमेश्वर मा वश्वास माळतान जो परमेश्वर अभक्तहिनि उक भक्तहिनि माळतान, आऊन ईदा वश्वास देल परमेश्वर आऊक न्यायी ठहूरसतान. 6 यारी परमेश्वर बनिा कर्मगोळद न्यायी ठहूरसतान, आऊक दाऊद भी धन्य अनतान:

7 धन्य आर आंदुर यारव अन्याय माफ आदव, अदकि यारव पाप होतुरसकु आदव.

8 धन्य आन आ मळसा यारी परमेश्वर पापी ठहूरसतीदील.

9 “जो धन्य आगोद मात दाऊद अनेत्यान, येन खतना माळद यहूदीगोळद साटी अच हुन या बनिा खतना माळद गैरयहूदीगोळद साटी भी हुन. अब्राहम परमेश्वर मा वश्वास माळदुन अदकि आऊन वश्वास इन कारण अच परमेश्वर आऊक न्यायी स्वीकार माळदुन.” 10 रा ईद याग आत? येन याग आऊन खतना आगोगीत या आव बनिा खतना अनंद ईरोन. ईला, खतना अन बाददा ईला उलटा खतना आगा पयले हांगि आत. 11 अदकि आऊन खतना आगोद अद ऊंद चनिह वनसत क तोरस सकुल क परमेश्वर आऊक खतना आगा पयले अच आऊन वश्वास इन द्वारा न्यायी स्वीकार माळदुन. अदकि अब्राहम सप्पा वश्वासीगोळद आत्मिक आप्प वनसदुन यतकी आंदुर बनिा खतना नोर आर लेकीन वश्वासी आर, इदुरसाटी आंदुर भी न्यायी ठहूरसकु आदार. 12 अदकि आव आंदुर भी आप्प हुन यारद खतना आग्याद, आ लॉकर सर्फि खतना माळकु ना ईला ईरोर उलटा नाम आप्प अब्राहम उन वश्वास इन पद चनिहगोळ मा नळावाळेर ईरोर आव अब्राहम जो खतना आगोर से पयले नळदुन.

वश्वास इन द्वारा परमेश्वर उन प्रतगिया सकोद

13 \*याग परमेश्वर अब्राहम अदकि आऊन वंशजगोळ से प्रतगिया माळदुन क आंदुर दुनया अनंद वारीस आदार, ईद प्रतगिया अब्राहम उक व्यवस्था अन पालन माळदुर देल अच सकादील लेकीन आव वश्वास माळदुन अदकि आव परमेश्वर उन द्वारा न्यायी स्वीकार माळकु आदुन ई कारण अच सकित. 14 \*अदकि इदुरसाटी अगर नीव मानसतीर क परमेश्वर उन कोळद प्रतगिया ईद व्यवस्था अन पालन माळावाळेर कारण सकित रा नीमद वश्वास बेकार अदकि परमेश्वर उन कोळद प्रतगिया भी बेकार आद. 15 यतकी व्यवस्था देल परमेश्वर उन सट्टिट पैदा आगतद, लेकीन यल व्यवस्था हेल्लेच, अल अदुरद उल्लंघन भी हेल्लेच. 16 \*ईदा कारण प्रतगिया वश्वास मा

\* 3:18 ३:१६ भजन संहिता ३:६:१    \* 3:20 ३:२० गलातगिळ २:१६    \* 3:22 ३:२२ गलातगिळ २:१६    \* 3:30 ३:३० गलातगिळ ३:२०  
\* 4:3 ४:३ गलातगिळ ३:६    \* 4:13 ४:१३ गलातगिळ ३:२९    \* 4:14 ४:१४ गलातगिळ ३:२६    \* 4:16 ४:१६ गलातगिळ ३:१७

आधारित आद अदकि ईद परतगिया ई सपपा अब्राहम उन वंशजगोळ साटी परमेश्वर उन मुफ्त उपहार हुन, ईद सरिफ व्यवस्था अन पालन माळावाळेर साटी इच ईला लेकीन आंदुर साटी भी आद जो वशिवास माळतार ह्यांग वशिवास अब्राहम माळदुन यतकी अब्राहम नाम सपपा मुंदुरव आत्मकि आप्प हुन. <sup>17</sup>ह्यांग शास्त्र दा लखिसकु आद, “ना नीनी हापाळ सा द्याशगोळ्द आप्प ठहूसीन” अदकि ईद परतगिया परमेश्वर उन नजर दा वळलीद आद. ईव आव परमेश्वर हुन यार मा अब्राहम वशिवास माळदुन अदकि जो सोत्तुरी जतिता माळतान, अदकि ईव आव परमेश्वर हुन जो मातगोळ असत्तव दा हैलेच आ मातगोळी असत्तव दा तरतान. <sup>18</sup>ह्यांग शास्त्र दा लखिसकु आद, “नी हापाळ सा द्याशगोळ्द आत्मकि आप्प आदया. अदकि नीन वंशजगोळ तारागोळ घाई आदार ई मात मा आशा ईटोद येनु कारण ईला ईरोद तरी भी अब्राहम वशिवास अदकि आशा ईटदुन,” <sup>19</sup>यतकी आव लगभग सौ साल इनव आगेगदिन लेकीन आऊन वशिवास आऊन शरीर इन घाई कमजोर ईला आगीत ह्यांग कि आऊन शरीर लगभग सायापनी आगेगीत अदकि सच्चाई रा ईद भी आद कि सारा अन क्वाता भी चगिद उक हाळ्दु ईला सकोद. <sup>20</sup>तरी भी आव तान वशिवास इक वटीदलि अदकि ना आव परमेश्वर उन परतगिया मा सक माळदुन आऊन वशिवास आऊक सामर्थ्य देल तुम्त अदकि आव परमेश्वर उन महिमा माळदुन; <sup>21</sup>अदकि आऊक पुरा भरोसा ईरोद कि परमेश्वर आऊक जो परतगिया कोटीदुन, आव अदरी पुरा माळदुर दा भी समर्थ आन. <sup>22</sup>ई कारण परमेश्वर अब्राहम उक आऊन वशिवास इन द्वारा न्यायी स्वीकार माळदुन. <sup>23</sup>अदकि ईद वचन, “वशिवास इन द्वारा न्यायी स्वीकार माळोद” सरिफ आऊन आवना अन साटी लखिसकु ईला आगति. <sup>24</sup>ऊलटा ईद नाम साटी भी लखिसकु आत जो नाव न्यायी ठहूसकु आगेव अदकि जो यीशु नाम प्रभु जो सोत्तुर दा टु जतिता आदुन आऊन मा वशिवास माळतार. <sup>25</sup>यतकी आव नाम पापगोळ कारण मृत्यु उन साटी सौप्सकु आदुन अदकि नामी परमेश्वर उन सांगुळ न्यायी ठहूसोर साटी सोत्तुर दा टु जतिता आदुन.

## 5

परमेश्वर उन से मेल मलियाप

<sup>1</sup>ईग जो नाव तान वशिवास इन कारण परमेश्वर उन मुंद न्यायी ठहूसेव, रा नाम प्रभु यीशु मसीह अन कारण परमेश्वर नामी शांती कोटान. <sup>2</sup>अदकि ईग आऊदा द्वारा वशिवास इन कारण नाव परमेश्वर उन अनुग्रह दा जीवन व्यतीत माळतेव. अदकि नाव आ आशा मा घमण्ड माळतेव यदुर द्वारा नामी परमेश्वर उन महिमा अन सांगुळ भागीदारी सकियाद. <sup>3</sup>सरिफ ईटा ईला, यतकी नाव तान आपदगोळ मा घमण्ड माळतेव यतकी नामी मालुम आद नाम आपद धीरज इक उत्पन्न माळतद. <sup>4</sup>अदकि धीरज देल वळलीद चरतिर बनसतद, अदकि वळलीद चरतिर देल आशा उत्पन्न आगतद; <sup>5</sup>अदकि ईद आशा नामी नगिश माळाल, यतकी परमेश्वर आऊन प्यार नाम मनगोळ दा हाक्यान, मतलब पवतिर आत्मा जो नाम साटी परमेश्वर उन उपहार हुन.

<sup>6</sup>यतकी याग नाव आशाहीन ईरेव, रा ठीक समय मा नाव भक्तहीनगोळ साटी मसीह तान बलदान माळदुन. <sup>7</sup>यावारा न्यायी जन इन साटी यावारा सायुल, ईद रा दुर्लब आद; लेकीन आग सकतद यावारा वळतेव मळसा अन साटी यावारा सायोद भी हमिमत माळुल. <sup>8</sup>लेकीन परमेश्वर नाम मा तान प्यार इन भलाई ई रीति देल प्रगट माळतान कथियाग नाव पापी अच ईरेव आग भी मसीह नाम साटी सोत्तुन. <sup>9</sup>इदुरसाटी याग कि नाव ईग आऊन रक्ता अन कारण न्यायी ठहूसदेव, रा आऊन द्वारा परमेश्वर उन सटिट देल येती ऊळसकु आगतीदील? <sup>10</sup>यतकी याग नाव परमेश्वर उन दुश्मन ईरेव लेकीन परमेश्वर तान पार उन मृत्यु उन द्वारा नाम सांगुळ मेल मलियाप माळदुन, रा ईग नाव परमेश्वर उन संगी आयेव रा आ मसीह अन जीवन इन द्वारा नाम हापाळ यक्कुल उदधार आदति. <sup>11</sup>सरिफ ईदा ईला, लेकीन नाव तान प्रभु यीशु मसीह से, यार्द द्वारा नाम परमेश्वर उन सांगुळ मेल मलियाप आत, परमेश्वर दा खुश आगतार.

आदम अदकि मसीह

<sup>12</sup>इदुरसाटी ह्यांग ऊंद मळसा अन द्वारा पाप दुनयिया दा बत्त, अदकि पाप इन द्वारा मृत्यु बत्त, अदकि ई रीति देल मृत्यु सपपा मळसागोळ दा फैलुसेत, यतकी सपपा मुंदुर पाप माळदुर. <sup>13</sup>व्यवस्था अन कोटकु आगेर से पयले ताका पाप दुनयिया दा रा ईरोद, लेकीन येल व्यवस्था हैलेच अल पाप आळ्दकु आगाल्द. <sup>14</sup>लेकीन आग भी आदम टु मूसा ताका पुरा मृत्यु आ लाँकुर मा राज्य माळत याग कि आ लाँकुर आदम घाई आग्या मूरोद पाप माळीदलि तरी भी पापी ठहूसीदील, जो आ बरावाळा अन चमत्कार हुन, आ अपराध घाई पाप माळीदलि.

<sup>15</sup>लेकीन ह्यांग अपराध इन दशा आद, हांगा अनुग्रह अन वरदान इन हैलेच, यतकी याग ऊंद आदम उन अपराध देल हापाळ लाँकुर सोत्तुर, रा परमेश्वर उन अनुग्रह अदकि आऊन जो दान ऊंद मळसा अन, मतलब यीशु मसीह अन अनुग्रह देल हापाळ लाँकुरी कृपा सकित. <sup>16</sup>अदकि परमेश्वर उन भेट अदकि ऊंद मळसा अन पाप ई येदुदु दा फरक आद. तरी भी पाप इन कारण दोष इन न्याय बत्त, लेकीन हापाळ पुरा पापगोळ्द बाद्दा अदकि नरिदोष आगेद यदुरद नाव लायक ईला ईरेव अद भेट बत्त. <sup>17</sup>यतकी याग ऊंद मळसा अन अपराध इन कारण मृत्यु आ ऊंद मळसा अन द्वारा अच राज्य माळत, रा जो लाँकुरी अनुग्रह अदकि न्यायर्पी वरदान बहुतायत देल सकितद आंदुर ऊंद मळसा अन, मतलब यीशु मसीह अन द्वारा जर्री अच अननत जीवन दा राज्य माळयार.

<sup>18</sup>इदुरसाटी ह्यांग ऊंद अपराध सपपा मळसागोळ साटी दण्ड इन आग्या अन कारण आत, हांग अच ऊंद न्यायीपन इन कयाल्सा भी सपपा लाँकुरी मुक्त माळतद अदकि आंदरी जीवन कोळतद. <sup>19</sup>यतकी ह्यांग ऊंद मळसा अन आग्या ईला मान्सदुर देल हापाळ लाँकुर पापी ठहूसदुर, हांग अच ऊंद मळसा अन आग्या मानसोद

कारण सप्पा लॉकर परमेश्वर उन मुंद न्यायी ठहूसकु आदार. 20 व्यवस्था अन पयचान इदुरसाटी आत कि अपराध वाळसेगुल, लेकीन यल पाप वाळसुत अल परमेश्वर अनुग्रह अदकि यककुल वाळसुत, 21 कि ह्यांग पाप मृत्यु फैलुसतेला राज्य माळत, हांग अच नाम प्रभु यीशु मसीह अन द्वारा अनुग्रह भी अनन्त जीवन इन साटी न्यायीपन इन द्वारा राज्य माळीत.

## 6

पाप इन साटी मृतक: मसीह दा जीवति

1 रा नाव ईंग येन अंदेव? येन नाव लगगतार पाप माळतेला ईततेव कि परमेश्वर उन अनुग्रह आगुल? 2 नश्चिति अच ईला! नाव याग पाप इन साटी सोतोदेव रा बाक ईदुर मुंद अदुर दा ह्यांग जीवन बतिसेव? 3 येन नीव जानुसालीर कि नाव सप्पा यार मसीह यीशु दा बपतसिमा ताकोडेव, आऊन मृत्यु उन भागीदारी दा बपतसिमा ताकोडेव. 4 इदुरसाटी आ मृत्यु उन बपतसिमा ताकोडुर देल नाव आऊन सांगुळ नळसकु आदेव, ताकी ह्यांग मसीह आपु उन महिमा अन द्वारा सोततुर दा टु जतिता आदुन, हांग अच नाव भी वहाशोद जीवन इन घाई चाल नळदेव.

5 यतकी अग्र नाव आऊन मृत्यु उन समानता दा आऊन सांगुळ जमा आगेगेव, रा नश्चिय आऊन जतिता आगोद समानता दा भी जमा आगेदेव. 6 नाव जानुसतेव कि नाम हाळोद मनुष्यत्व आऊन सांगुळ कूरस मा येरसकु आत ताकी पाप इन मय बेकार आगेगुल, अदकि नाव मुंद पाप इन दासत्व दा ईरतीदील. 7 यतकी जो सोतोदुन, आव पाप इन बंधन देल न्यायी आगेदुन. 8 इदुरसाटी अग्र नाव मसीह अन सांगुळ सोतोदेव, रा नाम वशिवास ईद आद कि आऊन सांगुळ जतिता भी ईततेव. 9 यतकी ईदुर जानुसतार कि मसीह सोततुर दा टु जतिता आगकु मातत सायतीदील; आऊन मा मातत मृत्यु उन प्रभुता आगतीदील. 10 अदकि आव सोतोदुन आऊन मा पाप इन बंधन हैलेच अदकि ईंग आव परमेश्वर उन सांगुळ आऊन जीवन व्यतीत माळतान. 11 हगि अच नीव भी तान बारा दा ईद समसी कि नीव भी पाप इन साटी सोतोगीर, लेकीन मसीह यीशु उन द्वारा परमेश्वर दा जतिता समसी.

12 इदुरसाटी पाप नीम मरनहार शरीर दा राज्य माळबाळुल, कि नीव अदुर लालसागोळ हात्ती ईरी, 13 तान शरीर इन अंगगोळी अर्धम इन स्यावा अन साटी पाप इन हवाला माळबाळी, उलटा सोततुर दा टु जतिता आगावाळेर घाई परमेश्वर उन हवाला माळबुळी, अदकि तान शरीर इन अंगगोळी न्यायीपन इन स्यावा अन साधन इन रूप दा परमेश्वर उन हवाला माळबुळी. 14 आग नीम मा पाप इन प्रभुता आगतीदील, यतकी नीव व्यवस्था अन हात्ती ईला उलटा परमेश्वर उन अनुग्रह अन हात्ती आईर.

न्यायीपन इन दास

15 रा नाव येन माळव? येन नाव पाप माळव यतकी नाव व्यवस्था अन हात्ती हैलेच उलटा परमेश्वर उन अनुग्रह अन हात्ती जीऊसतेव? नश्चिति अच ईला! 16 येन नीव जानुसालीर कि यावारा ऊद मळसा अन आग्या मानसोर साटी नीव तान तान इक दासगोळ घाई सोपस बुळतीर रा यार्द आग्या मानसतीर आऊदा दास बन्सेगतीर: चाहे बाक पाप इन, यदुरद परणाम मृत्यु आद, चाहे बाक आग्या मानसावाळेरद, यार्द अनत न्यायीपन आद? 17 लेकीन परमेश्वर उन धन्यवाद आगुल कि नीव जो पाप इन दास ईरीर ईंग मन देल आ सचचाई इक ग्रहण माळदीर अदकि उपदेश मानसावाळेर आगेदीर, यार्द साचा दा ढलसकु आगेदीर, 18 अदकि नीव पाप देल बटिकु न्याय इन दास आगेदीर. 19 ना नीम शारीरिक कमजोरी अन कारण मळसागोळ रीतमा अनतीन. ह्यांग नीव तान अंगगोळी कुकर्म अदकि अशुधदता अन दास माळकु सौपसदीर, हांग अच ईंग तान अंगगोळी पवतिरता अन साटी न्यायीपन इन दास माळकु सौपस बुळी.

20 याग नीव पाप इन दास ईरीर, रा न्याय इन दी टु स्वतंत्र ईरीर. 21 इदुरसाटी याता मातगोळ देल ईंग नीव लजुजति आगतीर, अऊर से आ समय नीमी येन काय सक्तोगोद? यतकी आ मातगोळ अनत रा मृत्यु आद. 22 लेकीन ईंग पाप देल स्वतंत्र आगकु परमेश्वर उन दास बन्सकु नीमी काय सक्ति यदुर देल पवतिरता हासलि आगतद, अदकि अदुर अनत अनन्त जीवन आद. 23 यतकी पाप इन मजदूरी रा मृत्यु आद, लेकीन नाम परमेश्वर उन अनुग्रह अन भेट नाम प्रभु मसीह यीशु दा अनन्त जीवन आद.

## 7

मदा जीवन इन उदाहरण

1 हे वारटुरा अदकि आकतीगेरा, येन नीव जानुसालीर, ना व्यवस्था अन जानुसावाळेर से अनतीन, कि यागासताका मळसा जतिता ईरतान, आगासताका आऊन मा व्यवस्था अन अधकार ईरतद? 2 उदाहरण इन साटी ऊद मदावळत आरत तान मानुनावाळा अन व्यवस्था अन अनुसार आगासताका बंधन दा आर यागासताका आकनि मानुनावाळा जतिता आन लेकीन अग्र आकनि मानुनावाळा सोतोगतान रा आक मदा संबधी व्यवस्था देल मुक्त आगेगतार. 3 इदुरसाटी अग्र गांडड उन जीते जी आक यावारा दुसरा गळस उन आगेगुल, रा व्यभचारिणी अंदकु आदार, लेकीन अग्र गांडड सोतोगुल, रा आक आ व्यवस्था देल बटिटोदुर, ईल ताका कि अग्र यावारा दुसरा गळस उन आगेदुर तरी भी व्यभचारिणी ठहूसतीदील. 4 हांग अच हे नान वारटुरा अदकि आकतीगेरा, नीव भी मसीह अन मय इन द्वारा व्यवस्था अन साटी सोतकु बनसेदीर, कि आ दुसरा अन आगेगी, जो सोततुर दा टु जतिता आदुन: ताकी नाव परमेश्वर उन स्यावा दा उपयोगी ठहरसुल. 5 यतकी याग नाव शारीरिक स्वभाव इन हात्ती ईरव, रा पापगोळ

अभिलाषागोळ जो व्यवस्था अन द्वारा ईरोद, मृत्यु अन काय पैदा माळोर साटी नाम अंगोळ दा कयाल्सा माळोद. <sup>6</sup> लेकीन यार्द बंधन दा नाव ईरेव आऊन साटी सोतकु, ईंग व्यवस्था देल हगि बटोदेव, क शास्त्र लेख इन हाळोद रीतमा ईला, उलटा आत्मा अन व्हाशोद रीतमा स्यावा माळतेव.

व्यवस्था अदकि पाप

<sup>7</sup> रा नाव येन अंदेव? येन व्यवस्था पाप आद? यागलु ईला! उलटा बनिा व्यवस्था अन ना पाप इक अरालीन: व्यवस्था अगर ईला अनाईत, क लालच माळबाळ रा ना लालच इन बारा दा ईला जान्स सकायदनि. <sup>8</sup> लेकीन पाप मौका नोळकु आग्या अन द्वारा नान दा सप्पा प्रकार इन लालच पैदा माळत, यतकी बनिा व्यवस्था अन पाप मूर्दा आद. <sup>9</sup> ना रा व्यवस्था अन बनिा पयले जतिता ईरीन, लेकीन याग आग्या बत्त, रा पाप जतिता आगेत, अदकि ना सोतोदीन. <sup>10</sup> अदकि अदा आग्या जो जीवन तरोरसाटी ईरोद, नान साटी मृत्यु उन कारण ठहूरस्त. <sup>11</sup> यतकी पाप मवका नोळकु आग्या अन द्वारा नानी बहकूस्त, अदकि अदुरदा द्वारा नानी कोंद भी वुळत.

<sup>12</sup> \*इदुरसाटी व्यवस्था पवतिर आद, अदकि आग्या भी सही अदकि वळलीद आद. <sup>13</sup> रा येन अद जो वळलीद ईरोद, नान साटी मृत्यु ठहूरस्त? यागलु ईला! लेकीन पाप आ वळलीद वस्तु उन द्वारा नान साटी मृत्यु उक पैदा माळावाळा आत क अदुर पाप आगोद प्रगट आगुल, अदकि आग्या अन द्वारा पाप हापाळ अच पापमय ठहूरसुल.

वुळक इन लळाई

<sup>14</sup> नाव जान्सतेव क व्यवस्था रा आत्मिक आद, लेकीन ना शारीरिक अदकि पाप इन कय देल मारकु आईन. <sup>15</sup> \*जो ना माळतीन अदरी अरालीन; यतकी जो ना चाहासतीन अद माळालीन, लेकीन यदुर देल नानी घूणा बरतद अदा माळतीन. <sup>16</sup> अगर जो ना चाहासालीन अदा माळतीन, रा ना मान्स कोमतीन क व्यवस्था भला आद. <sup>17</sup> रा हगि दशा दा अदुरद माळावाळा ना आल्लच, उलटा पाप हुन जो नान दा कुरतकु आद. <sup>18</sup> यतकी ना जान्सतीन क नान दा मतलब नान मय दा यातोदु वळलीद वस्तु वास माळाल्द. इच्छा रा नान दा आद, लेकीन वळलीद कयाल्सा नान से आग सकालव. <sup>19</sup> यतकी यातोद वळलीद कयाल्सा अन ना इच्छा माळतीन, अद रा माळालीन, लेकीन यातोद बुराई अन इच्छा माळालीन, अदा माळतीन. <sup>20</sup> इदुरसाटी अगर ना अदा माळतीन यदुरद इच्छा माळालीन, रा अदुरद माळावाळा ना ईतीदील, लेकीन पाप जो नान दा कुरतकु आद.

<sup>21</sup> ई प्रकार ना ईद अनुभव ताकोमतीन क याग भलाई माळोद इच्छा माळतीन, रा बुराई नान से आगतद. <sup>22</sup> यतकी ना अंतर आत्मा देल रा परमेश्वर उन नयिम देल हापाळ खुश ईरतीन. <sup>23</sup> लेकीन नानी तान शरीर दा दुसरा प्रकार इन व्यवस्था काळसकु बळितद, जो नान दमिक इन नयिम देल लळाई माळतद अदकि नानी पाप इन नयिम इन बंधन दा हाकतद जो नान शरीर दा आद. <sup>24</sup> ना हयांग दुखी मंळसा आईन! नानी ई मृत्यु उन मय देल याव बळिस्यान? <sup>25</sup> जो नानी पापगोळ देल छुटकारा कोळतान आ प्रभु यीशु मसीह अन द्वारा आ परमेश्वर उन धन्यवाद माळतीन. ईत्ता प्रकार बुधी देल परमेश्वर उन नयिम इन पालन माळतीन.

## 8

पवतिर आत्मा अन द्वारा जीवन

<sup>1</sup> इदुरसाटी ईंग जो मसीह यीशु दा जीवन व्यतीत माळतार, आंदुर मा दण्ड इन आग्या हैलेच. <sup>2</sup> यतकी जीवन इन आत्मा अन व्यवस्था मसीह यीशु दा नानी पाप इन अदकि मृत्यु अन व्यवस्था देल स्वतंत्र माळबुटाद. <sup>3</sup> यतकी जो कयाल्सा व्यवस्था शरीर इन कारण दुरबल आगकु माळ सकदील, अदरी परमेश्वर माळदुन, मतलब तांद अच पार उक पापमय शरीर इन समानता दा अदकि पाप बली आगोर साटी कळकु, शरीर दा पाप मा दण्ड इन आग्या कोट्टुन. <sup>4</sup> इदुरसाटी क व्यवस्था अन आवश्यकतागोळ नाम दा शरीर इन अनुसार ईला उलटा आत्मा अन अनुसार नळुतार, पूरा माळकु आगुल. <sup>5</sup> यतकी शारीरिक मंळसागोळ शरीर इन मातगोळ मा मन हचतार; लेकीन जो आत्मा अन मातगोळ मा मन हचतार. <sup>6</sup> शरीर मा मन हचोद रा मृत्यु हुन, लेकीन आत्मा मा मन हचोद जीवन अदकि शांती हुन; <sup>7</sup> यतकी शरीर मा मन हचोद रा परमेश्वर उन से दुश्मनी ईटोद हुन, यतकी ना रा परमेश्वर उन व्यवस्था अन हात्ती आद अदकि ना आग सकतद; <sup>8</sup> अदकि जो शरीर इन हात्ती आर, आंदुर परमेश्वर उक खुश माळ सकालुर.

<sup>9</sup> लेकीन याग क परमेश्वर उन आत्मा नीम दा वास माळतद, रा नीव शारीरिक दशा दा ईला लेकीन आत्मिक दशा दा आईर. अगर यारदारा दा मसीह अन आत्मा हैलेच रा आंदुर आऊन लॉकर आल्लच. <sup>10</sup> अगर मसीह नीम दा आन, रा शरीर पाप इन कारण सोतकु आद; लेकीन आत्मा न्यायीपन इन कारण जतिता आद. <sup>11</sup> \*अगर आऊंदा आत्मा याव यीशु उक सोतुर दा टु जतिता माळदुन, नीम दा वास माळत्याद, रा याव मसीह अक सोतुर दा टु जतिता माळदुन आव नीम सोतकु शरीरगोळी भी तान आत्मा अन द्वारा जो नीम दा वास माळत्याद, जतिता माळ्यान.

<sup>12</sup> इदुरसाटी हे वारदुरा अदकि आकतींगेरा, नाम मा भौतिक शरीर इन कर्जा रा आद लेकीन ईदुरद ईद मतलब हैलेच क नाव ईदुर अनुसार जित्ता ईत्तेव, <sup>13</sup> यतकी नीव मय इन अनुसार दनि कळदीर रा सोत्तीर, अगर आत्मा देल मय इन कयाल्सागोळी कोदीर रा जतिता ईत्तीर. <sup>14</sup> इदुरसाटी क यास लॉकर परमेश्वर उन आत्मा अन अनुसार नळुतार, आंदुर अच परमेश्वर उन चकीर उर. <sup>15</sup> \*यतकी नीमी दासगोळद आत्मा सकदील क मातत अंजबाळुल, लेकीन परमेश्वर उन सन्तान इन आत्मा सकियाद, यदुर देल नाव हे अब्बा, हे आप्पा अनकु कार्तेव. <sup>16</sup> परमेश्वर

\* 7:12 ७:१२ हाळोद नयिम दा ईद वचन सकालुद ✨ 7:15 ७:१५ गलातगोळ ५:१७ ✨ 8:11 ८:११ १ कुरन्थि ३:१६ ✨ 8:15 ८:१५ गलातगोळ ८:५-७ ✨ 8:15 ८:१५ मरकुस १८:३६; गलातगोळ ८:६

उन आत्मा खुद अच नाम आत्मा अन सांगुळ गवाही कोळतद, कानाव परमेश्वर उन सन्तान हुयेव; 17 अदकि अगर सन्तान आर रा वारीस भी आर, उलटा परमेश्वर उन वारीस अदकि मसीह अन सांगुळ वारीस आयेव, कानाव नाव आऊन सांगुळ दुख नेगदेव रा आऊन सांगुळ महिमा भी सकिल.

भवषिय दा प्रगट आगावाळा महिमा

18 यतकी ना समझुसतीन कानाव ई समय इन दुख अदकि क्लेश आ महिमा अन मुंद, जो नाम मा प्रगट आगावाळा आद, येनु अच हैलेच. 19 यतकी दुनिया हापाळ आशा तुम्द नजर देल परमेश्वर उन पारगोळ प्रगट आगोद हादी कायेत्याद. 20 यतकी दुनिया तान इच्छा देल ईला लेकीन हात्ती माळावाळा अन दी टु, व्यर्थया अन हात्ती ई आशा देल माळकु आग्याद 21 कानाव भी खुद अच वनिश इन दासत्व देल छुटकारा ताकोमकु, परमेश्वर उन चकिरद महिमा अन स्वतंत्रता प्राप्त माळीत. 22 यतकी नाव जानसतेव कानाव सप्पा दुनिया ईगासताका मलिसकु कननासतेला अदकि दुखगोळ दा बदिकु तळपुसतद; ह्यांग कचिगिद पैदा आगा समय मा तळपुसतान. 23 अदकि सरिफ आवा ईला लेकीन नाव भी यार हाती आत्मा अन पयला काय आद, खुद अच तांदुर दा कननासतेव; अदकि लेपालक आगोद, मतलब तान मय इन छुटकारा अन हादी कायेतेव. 24 ई आशा अन द्वारा नाम उद्धार आग्याद; लेकीन याता वस्तु अन आशा माळकु आगतद, याग अद नोळदुर दा बंदीत रा बाक आशा येल ईतत? यतकी याता वस्तु अक यावारा नोळत्यान अदुर आशा येन माळ्या? 25 लेकीन याता वस्तु अक नाव नोळ सकालेव, अगर अदुरद आशा ईततेव, रा धीरज देल अदुरद हादी भी कायेतेव.

26 ईदा रीत दिल आत्मा भी नाम कमजोरी दा सहायता माळतद: यतकी नाव जानसालेव कानाव प्रार्थना याता रीत दिल माळ पायजे, लेकीन आत्मा खुद अच हगि आहट तुम तुमकु, जो बयान देल व्हाण्या आद, नाम साटी वनिती माळतद; 27 अदकि परमेश्वर जानसतान कानाव मनगोळ दा येन आद, कानाव परमेश्वर आत्मा अन मनसा येन आद? यतकी आव पवतिर लॉकर साटी परमेश्वर उन इच्छा अन अनुसार वनिती माळतान.

28 नाव जानसतेव कानाव लॉकर परमेश्वर से प्यार ईततार, आंदुर साटी सप्पा मातगोळ मलिसकु वळ्दीद इका पैदा माळतान; मतलब आंदुरदा साटी जो आऊन इच्छा अन अनुसार कार्सकु आग्यार. 29 यतकी यारी आव पयले टु जानस कोडान आंदरी पयले टु अच ठहरूस्यान कानाव आऊन पार उन स्वरूप दा आगुल, ताकी आव हापाळ वारदुर दा पयला ठहरसुल. 30 बाक यारी आव पयले टु ठहरूसदुन, आंदरी कार्सदुन भी; अदकि यारी कार्सदुन, आंदरी न्यायी भी ठहरूसदुन अदकि आंदरी महिमा भी कोट्टुन.

परमेश्वर उन प्यार

31 इदुरसाटी नाव ई मातगोळ बारा दा येन अदेव? अगर परमेश्वर नाम दी आन, रा नाम खलिाप याव आग सकतान? 32 याव तान नजि पार उक भी ईटीदील, लेकीन आऊक नाम सप्पा मुंदुर साटी कोट्ट वुटुन, आव आऊन सांगुळ नामी अदकि सप्पा येनारा मुफ्त दा येती कोळतीदील? 33 परमेश्वर उन नविळुसद लॉकर मा दोष याव हच्यार? परमेश्वर अच आन जो आंदरी न्यायी ठहरूसावाळा आन. 34 बाक याव आन जो दण्ड इन आग्या कोट्टान? यीशु मसीह अच आन जो सोतोदुन लेकीन मुदागोळ दा टु जतिता भी आदुन, अदकि परमेश्वर उन ऊमा कय इन दी आन, अदकि नाम साटी समझौता भी माळतान. 35 याव नामी मसीह अन प्यार देल अलग माळयान? येन क्लेश, या कठनि समय, या सताव, या अकाल, या गरीबी, या जोखिम, या मृत्यु? 36 ह्यांग शास्त्र दा लखिसकु आद, नीन साटी नाव हागुल तीम घात माळकु आगतेव;

नाव वध आगावाळा म्यांडागोळ घाई आळुकु आगेव.

37 लेकीन ई सप्पा मातगोळ दा नाव आऊन द्वारा याव नाम से प्यार माळयान, पुरा तरीका देल वजिय प्राप्त माळतेव. 38 यतकी ना नश्चिय जानसतीन कानाव याऊ नामी आऊन प्यार देल अलग माळ सकालुन ना मृत्यु, ना जीवन, ना स्वरुगदूत, ना दुष्ट शासन, ना वर्तमान, ना भवषिय, ना सामर्थ्य, ना ऊँचाई, 39 ना धरती इन गहराई, अदकि ना धरती इन ऊँचाई अदकि ना संसार इन यातोदु नरिमति वस्तु नामी परमेश्वर उन प्यार देल जो नाम प्रभु मसीह यीशु दा आद, अलग माळ सककीत.

## 9

परमेश्वर अदकि आऊन नविळुसदोर लॉकर

1 ना मसीह दा सही अनतीन, ना ख्वाटा माताळालीन अदकि नान मन भी पवतिर आत्मा दा गवाही कोळतद 2 कानाव वळा दुख आद, अदकि नान मन हमेशा दुखी ईरतद, 3 यतकी ना ईल ताका चाहासीन कानाव वारदुर साटी जो मय इन भाव देल नान कुटुंबी आर, खुद अच परमेश्वर देल श्रापति अदकि मसीह से अलग आगेगतद. 4 आंदुर इस्त्राएली उर, अदकि परमेश्वर उन पार उन अधिकार अदकि महिमा अदकि वादागोळ अदकि व्यवस्था अन उपहार अदकि परमेश्वर उन उपासना अदकि प्रतगियागोळ आंदुरवा हुव. 5 पूरवज भी आंदुरदा उर, अदकि मसीह भी मय इन भाव देल आंदुर दा टु आदुन. परमेश्वर जो सप्पा मुंदुर म्याकुच राज्य माळतान आव हमेशा हमेशा धन्य ईल्ल. आमीन.

6 लेकीन ईद ईला कानाव परमेश्वर उन वचन टलसेत, इदुरसाटी कानाव जो इस्त्राएल इन वंश आर, आंदुर सप्पा इस्त्राएली आल्लच; 7 अदकि ना अब्राहम उन वंश आगेद कारण सप्पा आऊन औलाद ठहरूसदुर, लेकीन शास्त्र दा लखिसकु आद, "इसहाक टु अच नीन वंश कहलुस्यान." 8 मतलब मय इन औलाद परमेश्वर उन औलाद आल्लच,

लेकीन परतगिया अन औलाद वंश आळ्कु आगतद. <sup>9</sup> यतकी परतगिया अन वचन ईद हुन: “ना उचित समय इन अनुसार बराईन, अदकि सारा अक पार आदान.” <sup>10</sup> अदकि सर्फ ईदा ईला, लेकीन याग रविका भी ऊंद देल मतलब नाम आप इसहाक देल येदह पागोळ आदुर, <sup>11</sup> लेकीन आकनि ऊंद चगिद उक नविळुसोद ईद पुरा तरीका देल परमेश्वर उन खुद इन उपदेश इन परणाम ईरोद, परमेश्वर आकनि से अंदुन, धोडडेव स्याणव उन स्यावा माळयान. <sup>12</sup> ई मातगोळ परमेश्वर आंदुर जनम इन पयले अदकि आंदुर येनारा बुरा भला माळ से पयले अंदुन रा परमेश्वर उन पसंद आऊन कारदुर मा नरिभर आद, ना अदुर मा क आंदुर येन माळदुर. <sup>13</sup> ह्यांग शास्त्र दा लखिसकु आद, “ना याकूब से प्यार माळदीन, लेकीन एसाव उक अप्रिय जानसदीन.”<sup>०</sup>

<sup>14</sup> इदुरसाटी नाव येन अंदेव? येन परमेश्वर उन हाती अन्याय आद? यागलु ईला. <sup>15</sup> यतकी आव मूसा से अनतान, “ना याता मंळसा मा दया माळोद चाहासाईन आऊन मा अच दया माळसाईन, अदकि याता मंळसा मा कृपा माळोद चाहासाईन, आऊन मा का कृपा माळसाईन.”

<sup>16</sup> इदुरसाटी ईद ना रा चाहासावाळा अन, ना मयनत माळावाळा अन लेकीन दया माळावाळा परमेश्वर मा नरिभर आद. <sup>17</sup> यतकी शास्त्र दा फरिन से अंदकु आत, “ना नीनी इदुरदा साटी नदिरसीन क नीन दा तान सामरथ्य तोरसाईन, अदकि नान हेसुर इन प्रचार पुरा पृथ्वी मा आगुल.”<sup>०</sup> <sup>18</sup> इदुरसाटी आव यार मा चाहासतान आऊन मा दया माळतान, अदकि यारी चाहासतान आऊक कठोर माळ बुळतान.

परमेश्वर उन सट्टि अदकि आऊन दया

<sup>19</sup> इदुरसाटी नीम दा टु यावारा नानी ईद अंदान, “रा बाक परमेश्वर नामी दोषी येती ठहूसतान? याव परमेश्वर उन इच्छा अन सामना माळ सकतान?” <sup>20</sup> हे मंळसा, नी याव हुय जो परमेश्वर उन वरिध दा माताळत्या? ऊंद धळुसुद वस्तु तान धळुसावाळा से केळ सकतद, “नी नानी हगि येती माळया?” <sup>21</sup> येन कुंभार उक मुणुण मा अफिकार हेल्लेच क ऊंद अच लवांदा दा टु ऊंद बरतन आदर इन साटी अदकि दुसरा अक अनादर इन साटी माळयान? <sup>22</sup> परमेश्वर तान सट्टि तोरसली अदकि तान सामरथ्य प्रगट माळोद इच्छा देल सट्टि इन बरतनगोळद, जो वनिश इन साटी तयार माळकु आगीसव, बळा धीरज देल सहन माळदुन; <sup>23</sup> अदकि दया अन बरतनगोळ मा, यबरी आव महिमा इन साटी पयले टु तयार माळदुन, तान महिमा अन धन इक प्रगट माळोद इच्छा माळदुन? <sup>24</sup> मतलब नाम मा यारी आव ना सर्फ यहुदीगोळ दा टु, उलटा गैरयहुदीगोळ दा टु भी कारदुन. <sup>25</sup> ह्यांग आव होशे अन कतिब दा भी अनतान, “जो नान लॉकुर ईला ईरोर, आंदरी ना तान लॉकुर अनाईन; अदकि याता लॉकुर मा प्यार ईला ईरोद, आंदरी प्रिय अनाईन. <sup>26</sup> अदकि हगि आदीत क याता जागा दा आंदुर से ईद अनकु आगीत क नीव नान लॉकुर आल्लच, अदा जागा आंदुर जतिता परमेश्वर उन औलाद अंदकु आदार.”

<sup>27</sup> अदकि यशायाह इस्त्राएल इन बारा दा कारकु अनतान, “चाहे इस्त्राएल इन औलादगोळ गनिती समुदर अन धुळा अन बराबर ईरूल, तरी भी आंदुर दा टु थवाळासा अच ऊळसकु आदार. <sup>28</sup> यतकी प्रभु तान वचन पृथ्वी मा पुरा माळकु, राटनेरी अदरी सदिध माळयान.”

<sup>29</sup> ह्यांग यशायाह पयले भी अंददिन,

“अगर सेनागोळ प्रभु नाम साटी येनारा वंश बळालुन,

रा नाव सदोम उन घाई आगोगायदेव, अदकि गमोरा अन सदृश ठहूसायदेव.”

इस्त्राएल इन अवशिवास

<sup>30</sup> इदुरसाटी नाव येन अंदेव? ईद क गैरयहुदीगोळ जो न्यायीपन इन खोज ईला माळतोगोर, न्यायीपन हाशील माळदुर मतलब आ न्यायीपन इक वशिवास देल हाशील माळयार; <sup>31</sup> लेकीन इस्त्राएली, जो न्यायीपन इन व्यवस्था अन खोज माळतोगोर आ व्यवस्था ताका पोहचुसीदील. <sup>32</sup> यदुर साटी? इदुरसाटी क आंदुर वशिवास देल ईला, लेकीन करमगोळ देल अदुर खोज माळतोगोर. आंदुर आ टोकर इन कल्ल मा टोकर तदुर, <sup>33</sup> ह्यांग पवत्रिशास्त्र दा लखिसकु आद, “नोळी, ना सयियोन दा ऊंद चट्टान ईटतीन, अदकि जो परमेश्वर उन वचन मा वशिवास माळयान आव लज्जति आगतीदील.”<sup>०</sup>

## 10

<sup>1</sup> हे वारदुरा अदकि आकतीगेरा, नान मन इन अमलाषा अदकि आंदुर साटी परमेश्वर से नान प्रारथना आद क आंदरी उद्धार सकिकुल. <sup>2</sup> यतकी ना ई मात देल गवाही कोळतीन आंदुर परमेश्वर दा मगन ईरतार, लेकीन आंदुर भर्त खरा ग्यान मा आधारति हेल्लेच. <sup>3</sup> यतकी आंदुर परमेश्वर उन न्यायीपन देल अनजान आगक, अदकि तान न्यायीपन स्थापति माळोद कोशशि माळकु, परमेश्वर उन न्यायीपन इन हात्ती आगीदील. <sup>4</sup> मसीह व्यवस्था अन अनंत माळदुन क हिर ऊंद जो वशिवास माळतान परमेश्वर उन साटी न्यायी आगुल.

उद्धार सप्पा मुंदुर साटी

<sup>5</sup> यतकी मूसा ईद लखिस्यान क जो मंळसा आ न्यायीपन मा जो व्यवस्था देल आद, नळुतान, आव अदुर देला जतिता ईततान. <sup>6</sup> लेकीन जो न्यायीपन वशिवास देल आद, अदुर बारा दा शास्त्र ईद अनतद, “नी तान मन दा ईद अनबाळेत क, मसीह अक ईळसकु तरोरसाटी स्वर्ग मा याव यर्यान?” मतलब मसीह अक ल्यालमा तरोरसाटी, <sup>7</sup> या “मसीह अक सोत्तुर दा टु जतिता माळकु म्याकुच तरोरसाटी अधोलोक दा याव ईळदान?” मतलब मसीह अक



सोत्तुर बाददा मयाकूच ओयोर साटी. <sup>8</sup>लेकीन अद येन अनतद? ईद कि “वचन नीन हाती आद, नीन बाय दा अदकि नीन मन दा आद,” ईद अदा वशिवास इन वचन हुन, जो नाव प्रचार माळतेव, <sup>9</sup>कि अगर नी तान बाय देल यीशु उक प्रभु जानसकु अंगीकार माळया, अदकि तान मन देल वशिवास माळया कि परमेश्वर आऊक सोत्तुर दा टु जतिता माळदुन, रा नीन जरूर उद्धार आदति. <sup>10</sup>यतकी वशिवास माळदुर देल नाव परमेश्वर उन सांगूळ सही संबंध दा बरतेव अदकि बाय देल कबुल माळदुर देल नामी मुकत सकिताद. <sup>11</sup>यतकी पवतिरशास्त्र ईद अनतद, “जो यावारा आऊन मा वशिवास माळतान आव लज्जति आगतीदील.” <sup>12</sup>यहूदीगोळ अदकि गैरयहूदीगोळ दा येनु फरक हेलेच, इदुरसाटी कि आव परमेश्वर सप्पा मुदुर प्रभु हुन अदकि आव सप्पा मुदुरी बहूतायत देल आशषित माळतान जो आऊक कारूतार. <sup>13</sup>यतकी शास्त्र दा लखिसकु आद, “जो यावारा प्रभु उक मदत साटी कारूतान, आव ऊळसकु आदान.”

<sup>14</sup>लेकीन यार मा आंदुर वशिवास माळीदील, आंदुर आऊक हयांग मदत साटी कारदान? अदकि यार संदेश केळीदील आऊन मा हयांग वशिवास माळयार? अदकि प्रचारक बनिा हयांग केळयार? <sup>15</sup>अदकि अगर संदेश केळसावाळेर कळुकु आगतीदील, रा हयांग प्रचार माळयार? हयांग शास्त्र दा लखिसकु आद, “आंदुर काल येन सुहावना आव, जो खुशखबरी हुडुकु बरतार.” <sup>16</sup>लेकीन सप्पा मुदुर आ खुशखबरी मा कवि हचौदलि: यशायाह अनतान, “हे प्रभु, याव नाम समाचार मा वशिवास माळयान?” <sup>17</sup>इदुरसाटी वशिवास संदेश इन केळदुर देल अदकि संदेश मसीह अन वचन देल आगतद.

<sup>18</sup>लेकीन ना अनतीन, येन आंदुर केळीदील? केळोद रा जरूरी आद; यतकी शास्त्र दा लखिसकु आद, “आंदुर स्वर सप्पा पृथ्वी मा,

अदकि आंदुर वचन दुनयिा अन आखरी ताका पोहचुसेग्याव.”

<sup>19</sup>ना मात्त अनतीन, येन इस्त्राएली ईला जानसोर? पयले रा मूसा अनतान, “ना आंदुर द्वारा जो लॉकुर ईला, नीम मन दा जलन उपजुसाईन; ना ऊद मूळ लॉकुर द्वारा नीमी सटिट तोरसाईन.”

<sup>20</sup>बाक यशायाह हापाळ हमिमत इन सांगूळ अनतान, “जो नानी ईला दुंदसोर, आंदुरी ना सकिदीन;

अदकि जो नानी केळतोगोर भी ईला, आंदुर मा ना प्रगट आगेदीन.”

<sup>21</sup>लेकीन इस्त्राएल इन बारा दा आव ईद अनतान, “ना पुरा दनि तान कय ऊद आग्या ईला मानसावाळेर अदकि झगळा माळावाळेर लॉकुर दी पसरूसकु ईत्तीन.”

## 11

इस्त्राएल मा परमेश्वर उन दया

<sup>1</sup>इदुरसाटी ना अनतीन, येन परमेश्वर तान लॉकुरी त्याग्स बुदुन? यागलु ईला! ना भी रा इस्त्राएली हुईन; अब्राहम उन वंश अदकि बनियामीन उन मोत्तुर दा टु आईन. <sup>2</sup>परमेश्वर तान लॉकुरी त्यागसीदील, यारी आव पयले टु अच नविळुसदुन. येन नीव जानसालीर कि शास्त्र एलयियाह अन बारा दा येन अनतद, याग आव इस्त्राएल इन वरिोध दा परमेश्वर से वनिती माळतान? <sup>3</sup>“हे प्रभु, आंदुर नीन भवषियकतागोळद घात माळदुर, अदकि नीन वेदीगोळी केळद बुटार; अदकि ना अच आवना ऊळदीन, अदकि आंदुर नानी भी कोननोर साटी खोज माळेत्तार.” <sup>4</sup>लेकीन परमेश्वर से आऊक येन उत्तर सक्ति? “ना तान साटी येळ हजार गंळसुरी ईटकु बदिन, यार खवाटा बाअल भगवान उन उपासना माळीदलि.” <sup>5</sup>ठीक ईदा रीतदिल ई समय भी, अनुग्रह देल नविळुसद थवाळासा लॉकुर मकिकु आर. <sup>6</sup>अगर ईद अनुग्रह देल आग्याद, रा बाक करमगोळ देल ईला; ईदारा अनुग्रह बाक अनुग्रह ईतीदील.

<sup>7</sup>इदुरसाटी परणाम येन आत? ईद कि इस्त्राएल यारद खोज दा ईरोर, अद आंदुरी सकदिील; लेकीन नविळुसद लॉकुरी सक्ति, अदकि बाकी लॉकुर कटोर माळकु आदुर. <sup>8</sup>हयांग शास्त्र दा लखिसकु आद, “परमेश्वर आंदुर मन अदकि दलिगोळी चेतना शुन्य माळ बुटान, अदकि हगि कणणगोळी कोट्टुन जो नोळबाळुल अदकि हगि कवि जो केळबाळुल.”

<sup>9</sup>अदकि दाऊद अनतान,

“आंदुर भोजन आंदुर साटी जाल अदकि फासा,

ताकी आंदुर बळिल अदकि आंदुरी दण्ड सक्लि.

<sup>10</sup>आंदुर कणणगोळ मा अंधार छासेगुल ताकी नोळ ईला सकुल, अदकि नी हमेशा आंदुर वेन इक वांगसकु ईट.”

<sup>11</sup>इदुरसाटी ना अनतीन येन आंदुर इदुरसाटी टोकर तदुर कि बदिगुल? यागलु ईला! लेकीन आंदुर बळोद कारण गैरयहूदीगोळी उद्धार सक्ति, कि आंदुरी जलन आगुल. <sup>12</sup>इदुरसाटी अगर आंदुरद बळोद दुनयिा अन साटी धन अदकि आंदुर घटी गैरयहूदीगोळ साटी सम्पत्ति इन कारण आत, रा आंदुरद भरपुरी देल येन आगतीदील.

गैरयहूदीगोळद उद्धार

✱ 10:15 १०:१५ यशायाह ५२:७

✱ 10:16 १०:१६ यशायाह ५३:१

✱ 10:19 १०:१९ वयवस्थावचरण ३२:२१

✱ 10:20 १०:२० यशायाह

६५:१

✱ 10:21 १०:२१ यशायाह ६५:२

✱ 11:1 ११:१ कलिपिपिगोळ ३:५

13 ईग ना नीव गैरयहूदीगोळ से ई मातगोळी अनतीन. यागासताका ना वशिष रूप देल गैरयहूदीगोळ साटी प्रेरति आईन, रा ना तान स्यावा अन प्रती बळाई माळतीन, 14 ताकी यातोदारा रीत दैल ना तान कुटुम्बगोळ दा जलन पैदा माळसुकु आंदुर दा टु थ्वाळासा लांकुरद उद्धार माळसुसाईन. 15 यतकी अगर परमेश्वर उन दवारा आंदुर नकार माळकु आगोद इदुर देल परमेश्वर उन सांगुळ मेल मलिाप आगतद रा बाक आंदुर अपनुसदुर देल येन सोततुर दा टु जतिता आगोद आगतीदील? 16 याग भेट इन पयला लोई पवतिर ठहरूसत, रा पुरा कालसद हीट भी पवतिर आद; अदकि याग मारर इन जळ पवतिर ठहरूसत, रा खांदीगोळ भी हगि अच आव.

17 लेकीन अगर थ्वाळासा खांदीगोळ मूरकु आदव, अदकि नी आळी दाकळोद जैतून आगकु अऊरदा हचकु आद, अदकि जैतून इन जळ इन चकिनाई इन भागी आग्या, 18 रा खांदीगोळ मा घमण्ड माळबाळेत; अदकि अगर नी घमण्ड माळ्या रा जान्स कोम कि नी जळ इक ईला लेकीन जळ नीनी संभालसतद. 19 बाक नी अंद्या, “खांदीगोळ इदुरसाटी मूरकु आदव कि ना अल हचकु आगईन.” 20 ठीक आद, अव रा अवशिवास इन कारण मूरकु आदव, लेकीन नी रा वशिवास देल बन्सकु ईरत्या इदुरसाटी अभिमानी आगबाळ, लेकीन अंजक मान्स, 21 यतकी परमेश्वर स्वाभाविक खांदीगोळी बटिंदल रा नीनी भी बळितीदील. 22 इदुरसाटी परमेश्वर उन कृपा अदकि कठोरता अक नोळ! जो बदिदुर आंदुर मा कठोरता, लेकीन नीन मा कृपा, अगर नी आऊन दा बन्सकु ईरत्या, रा ठीक आद ईदारा नी भी कळकु आद्या. 23 अगर यहूदी भी अवशिवास दा ईतीदील, रा हचकु मारर से जोळसकु आदार; यतकी परमेश्वर समर्थ आन अदकि आंदरी मातत जोळस सकतान. 24 यतकी अगर गैरयहूदी आ जैतून देल, जो स्वभाव देल आळी दाकळोद आद, कळकु आत अदकि स्वभाव इन वरिद्ध वळ्ळीद जैतून दा जोळसकु आत, रा ईव जो यहूदी खांदीगोळ आव, तांद अच जैतून दा येती हचकु आगतीदील.

पुरा इस्त्राएल इन उद्धार

25 हे वारटुरा अदकि आकतींगेरा, ईदारा हगि आगबाळुल कि नीव तान तान इक बुद्धमिान सम्स कोमी; इदुरसाटी ना चाहासालीन कि नीव ई भेद देल अनजान ईरी कि यागासताका गैरयहूदीगोळ पुरा रीत दैल प्रवेश माळ कोमालुर, आगासताका इस्त्राएल इन ऊंद भाग हगि अच कठोर ईत्तीत. 26 अदकि ई रीत दैल सप्पा इस्त्राएल इक उद्धार सकिकीत. हयांग शास्त्र दा लखिसकु आद, “बळिसावाळा सयियोन टु बंदान, अदकि अभकर्त इक याकूब उन वंशगोळ से दुर माळयान;” 27 अदकि आंदुर सांगुळ नान ईदा वादा आग आदति, याग ना आंदुर पापगोळी दुर माळ बुळाईन.” 28 यतकी आंदुर सुखखरी इक अस्वीकार माळदुर अदकि गैरयहूदीगोळ हेसुर इन कारण यहूदी परमेश्वर उन दुश्मन आगेदुर, लेकीन नविळुसकु आगदुर देल आंदुर आंदुरद आप्पा दादागोळद कारण परमेश्वर उन प्रयि आर. 29 यतकी परमेश्वर तान वरदानगोळ देल यागलु बदलुसालुन अदकि आशीषगोळ अटल आव. 30 यतकी हयांग नीव गैरयहूदीगोळ पयले परमेश्वर उन आग्या मानसीदील, लेकीन हांगा ईग यहूदीगोळद आग्या ईला मानसदुर देल नीम मा दया आत; 31 नीम मा जो दया आत अदुर कारण यहूदी ईग परमेश्वर उन आग्या मानसालुर, इदुरसाटी कि ईग नीम घाई दया आंदुर मा भी आगुल. 32 यतकी परमेश्वर सप्पा मुंदरी आग्या उल्लंघन माळदुर कारण बंदी माळकु ईटदुन, ताकी आव सप्पा मुंदुर मा दया माळुल.

परमेश्वर उन सुत्तति

33 आहा! परमेश्वर उन धन अदकि दमिक अदकि गयान येन महान आद! आऊन फैसलागोळी याव सपष्ट माळ सकतान अदकि आऊन हादीगोळी याव सम्स सकतान!

34 हयांग शास्त्र दा लखिसकु आद, “प्रभु उन मन इक याव जान्स सकतान? अदकि आऊक याव सलाह कोळ सकतान? 35 येन यावारा परमेश्वर उक येनारा कोटान यदरी आव मातत आऊक वापस कोळुल?”

36 यतकी आऊदा दी टु, अदकि आऊदा दवारा, अदकि आऊदा साटी सब कुछ माळकु आग्याद. आऊन महमा हमेशा हमेशा आगतेला ईरूल: आमीन.

## 12

परमेश्वर उन स्यावा अन जीवन

1 इदुरसाटी हे वारटुरा अदकि आकतींगेरा, ना नीम से परमेश्वर उन दया याद तोरसकु वनिती माळतीन कि तान शरीर इक जतिता, अदकि पवतिर, अदकि परमेश्वर उक संतोष कोळावाळा बलदान माळकु येरसी. अगर नीमद खरा उपासना आद. 2 ई दुनिया अन घाई आगबाळी; लेकीन नीम मन इन व्हाशोद आगदुर देल नीम चाल चलन भी बदलुसतेला ईरूल, यदुर देल नीव परमेश्वर उन भला, अदकि भावती, अदकि सदिध इच्छा अनुभव देल मालूम माळतेला ईत्तीर.

3 यतकी ना आ अनुग्रह अन कारण जो नानी सक्याद, नीम दा टु हर ऊंद मंळसा से अनतीन कि हयांग सम्स पायजे अदुर देल यक्कुल यावारा भी तान तान इक सम्सबाळुल; लेकीन हयांग परमेश्वर हर ऊंद मंळसा अक वशिवास परणाम इन अनुसार वाटस वटान, हांग अच सुबुध्दति इन सांगुळ तान इक समसुल. 4 यतकी हयांग नाम शरीर दा हापाळ सा अंग आव, अदकि सप्पा अंगगोळद ऊंदा घाई कयालसा हैलेच; 5 हांग अच नाव जो हापाळ अंग ईतकु भी मसीह दा आबुर दाबुर अंग आयव. 6 ययाग कि आ अनुग्रह अन अनुसार जो नामी कोटकु आग्याद, नामी संदेश हेळोद वरदान सक्याद, रा यारी भवषियवाणी इन दान सक्याद, आव वशिवास इन परणाम इन अनुसार भवषियवाणी

माळुल; 7 अगर स्यावा माळोद दान सकीदाद, रा स्यावा दा हतकु ईरूल; अगर यावारा कलसावाळा आन, रा कलसदुर दा हतकु ईरूल; 8 जो प्रोत्साहन कोळवाळा आन, आव प्रोत्साहन कोळुल; दान कोळावाळा उदारता देल कोळुल; अदकि जो अगुवाई माळावाळा आन, आव लगन इन सांगुळ अगुवाई माळुल; अदकि यारी दया तोरसोद दान आद, माळुल, आव खुशी देल दान माळुल.

9 नीम प्यार नषिकपट ईरूल; बुराई देल घृणा माळी; अदकि भलाई दा हतकु ईरी. 10 भाईचारा अन भाव देल आवुर दाबुर से प्यार ईटी; परस्पर आदर माळदुर दा आवुर दाबुर से वाळुसकु नळी. 11 कोशशि माळदुर दा आलसी ईरबाळुल; आत्मकि उत्सुक दा तुमकु ईरी; प्रभु उन स्यावा माळतेला ईरी. 12 आशा दा खुश ईरी; क्लेश दा स्पर्धर ईरी; हर समय प्रार्थना दा हतकु ईरी. 13 पवत्रि लॉकुरी जो येनारा जरूरी आद, अदुर दा आंदुरद मदत माळी; पाहुनचार माळदुर दा हतकु ईरी.

14 तान सतुसावाळेरी आशीष कोळी; आशीष अच कोळी श्राप कोळवाळी. 15 आनन्द माळावाळेर सांगुळ आनन्द माळी, अदकि वर्ला वाळेर सांगुळ वरली. 16 आपस दा ऊद घाई मन ईटी; अशमिनी आगवाळी, लेकीन गरीबगोळ सांगुळ संगत ईटी; तान नजर दा तान तान इक बुद्धमिान समसबाळी. 17 बुराई इन बदला यारदु से बुराई माळवाळी; जो मातगोळ सप्पा लॉकर नजर दा भला आव, अवरी माळोद कोशशि माळी. 18 येल ताका आग सकुल, नीव सप्पा मंडसागोळ सांगुळ शांती देल ईरी. 19 हे प्रयिगोळा, बदला ताकोम बाळतीर, लेकीन परमेश्वर उन सट्टि इक मौका कोळी, यतकी शास्त्र दा लखिसकु आद, “बदला ताकोमोद नान क्यालसा आद, प्रभु अनतान ना अच बदला ताकोमाईन.” 20 लेकीन “अगर नीन दुश्मन उपासा आन रा आऊक तनिनी कोळ, अगर नीरअळक देल आन रा आऊक नीर कुळस; यतकी हगि माळदुर देल आव खुद अच नीन से शर्मदा आदान.” 21 बुराई देल हारसबाळी, लेकीन भलाई देल बुराई इक जीतुस कोमी.

## 13

राज्य अन अधिकारीगोळ प्रती कर्तव्य

1 हर ऊद मंडसा शासकीय अधिकारीगोळ हातुती ईरूल, यतकी यातोदु अधिकार हगि हैलेच जो परमेश्वर उन दी टु ईला ईतीदाद; अदकि जो अधिकार आद, अद परमेश्वर उन दी टु ठहरसकु आव. 2 इदुरसाटी जो यावारा अधिकार इन वरिध माळतान, आव परमेश्वर उन वधी इन वरिध माळतान, अदकि वरिध माळावाळेरी दण्ड सकिकीत. 3 यतकी शासक वळलीद क्यालसा नोर हैलेच, लेकीन बेकार क्यालसा अन साटी अंजुक इन कारण आर; इदुरसाटी अगर नी शासक से नोडर ईगोद चाहासत्या, रा वळलीद क्यालसा माळ, अदकि आऊन दी टु नीन वळाई आदति; 4 यतकी आव नीन भलाई इन साटी परमेश्वर उन सेवक आन. लेकीन अगर नी बुराई माळया, रा अंज, यतकी आव तलवार बेकार हुळकु हैलेच; अदकि परमेश्वर उन सेवक हुन कि आऊन सट्टि इन अनुसार बेकार क्यालसा माळावाळा अक दण्ड कोळुल. 5 इदुरसाटी नीव अधिकारीगोळद आग्या मानसी, सर्फ परमेश्वर उन दण्ड इन कारण ईला, लेकीन नाम मन इन कारण देल. 6 इदुरसाटी कर भी कोळी यतकी शासन माळावाळेर परमेश्वर उन सेवक उर अदकि हमेशा ईदा क्यालसा दा हतकु ईरतार. 7 इदुरसाटी हर ऊद मंडसा अन हकक चुक्ता माळी; यारी कर पायजे, आऊक कर कोळी; यारी महसूल पायजे, आऊक महसूल कोळी; यारी मान पायजे, आऊक मान कोळी; यारद आदर माळ पायजे, आऊन आदर माळी.

आबुर दाबुर प्रती प्यार

8 आपस इन प्यार इक बटिकु अदकि यातोदु मात दा यारदु करजदार आगवाळी; यतकी जो दुसरा से प्यार ईटतान, आवा व्यवस्था अन पालन माळयान. 9 यतकी ईद कि “व्यभचार माळबाळेतीर, कोन्न बाळेतीर, चोरी माळबाळेतीर, लालच माळबाळेतीर,” अदकि इवरी बटिकु अदकि यातोदु भी आग्या ईतीदाद रा सप्पा अन सारांश ई आग्या दा सकितद, “तान मानना हातुतीवाळेर से तान घाई प्यार ईट.” 10 प्यार तान संगी इन यागलु बुरा माळाळद, इदुरसाटी प्यार माळोद ईद व्यवस्था अन पालन माळोद हुन.

11 समय इक अरुकु हगि अच माळी, इदुरसाटी कि ईंग नीम साटी जप्प दा टु येळोद समय होट वंदाद; यतकी याता समय नाव वशिवास माळीदेव, आ समय इन वचार देल ईंग नाम उद्धार हातुती आव. 12 ईळलक हापाळ आगेग्याद, अदकि वहाबुर आगदुर मा आद; इदुरसाटी नाव अंधकार इन क्यालसागोळी त्यागसकु ज्योति ईन हथयार कट कोडेव. 13 ह्यांग हागुल इक शोभा कोळतद, हांग अच नाव सीधा चाल ईटटेव, ना कि कामवासना अदकि पथिककळपन दा, ना व्यभचार अदकि लुचपन दा, अदकि ना झगळा अदकि डाह दा. 14 लेकीन प्रभु यीशु मसीह अन हथयार हुडु कोमी, अदकि तान मानव स्वभाव इन शरीर इन अभलाषागोळी पुरा माळदुर दा हतकु ईरवाळी.

## 14

आबुर दाबुरद न्याय माळवाळी

1 जो वशिवास दा नरिबल आन, आऊक तान संगती दा ताकोमकोमी, लेकीन आऊन व्यक्तगित वचारगोळ मा झगळा माळोरे साटी ईला. 2 ऊद मंडसा अक वशिवास आद कि सप्पा येनारा तनिोद उचति आद, लेकीन जो वशिवास दा नरिबल आन आव साग पात अच तनितान. 3 तनिवाळा जो तनिलुन आऊक तुच्छ जान्स बाळुल, अदकि जो

तनिलानुन आव तनिवाळ्या मा दोष हचवाळुल; यतकी परमेश्वर आऊक ग्रहण माळयान. <sup>4</sup>नी याव ह्य जो दुसरा अन सेवक मा दोष हचत्ता? आऊक स्थरि ईरोद या बदिगोद आऊक स्वामी से अच संबंघ ईटतद; बल्की आव स्थरि अच माळकु आदान, यतकी प्रभु आऊक स्थरि ईट सकतान.

<sup>5</sup>यावारा रा ऊंद दनि इक दुसरा दनि से यक्कूल महत्वपुरण मानसतान, अदकि यावारा सप्पा दनिगोळी ऊंदा घाई मानसतान. हर ऊंद तांद अच मन दा नश्चय माळ कोमुल. <sup>6</sup>जो यातोदारा दनि इक महत्वपुरण मानसतान, रा आव प्रभु उक महत्वपुरण मानसतान. अदकि जो सब कृच्छ तनितान, आव प्रभु उन साटी तनितान, यतकी आव आंदुर भोजन इन द्वारा परमेश्वर उन धन्यवाद माळतान, अदकि जो मास बटिकु साग पात तनितान, आव प्रभु उन साटी तनिलानुन अदकि परमेश्वर उन धन्यवाद माळतान. <sup>7</sup>यतकी नाम दा टु यावारा तान साटी जत्तिता अन, अदकि ना यावारा तान साटी सायतान. <sup>8</sup>अगर नाव जत्तिता आयेव, रा प्रभु उन साटी जत्तिता आयेव; अदकि अगर सायतेव, रा प्रभु उन साटी सायतेव; इदुरसाटी नाव जत्तिता ईत्तेव या सोत्तेव, नाव प्रभु नोर अच हुयेव. <sup>9</sup>यतकी मसीह इदुरसाटी सोत्तुन अदकि जत्तिता भी आग्यान क आिव सोत्तुरी अदकि जत्तिता आग्याय येदहु मुंदुर प्रभु आगुल.

<sup>10</sup>नी तान वारट उन मा येती दोष हचत्ता? या नी बाक येती तान वारट उक तुच्छ जानसत्ता? नाव सप्पा च्या सप्पा मुंदुर परमेश्वर उन न्याय सहासन इन मुंद नदिरेव. <sup>11</sup>यतकी शास्त्र दा लखिसकु आद, “प्रभु अनतान, नान जीवन इन करिया क हिर ऊंद ट्वांगरा नान मुंद टकिसीत, अदकि हर ऊंद ल्यालगाया ईद कबुल माळीत क ना परमेश्वर हुईन.”

<sup>12</sup>इदुरसाटी नाम दा टु हर ऊंद मंळसा परमेश्वर उक तान तान लेखा जोखा कोट्टान.

तान वारट उन कमजोर आगोद कारण बनसबाळी

<sup>13</sup>इदुरसाटी मुंद टु नाव आबुर दाबुर मा दोष हचतदील, लेकीन नीव ईद ठान्स कोमी क यावारा तान वारट उन मुंद टोकर तनिकु पाप दा बळोद कारण बनसबाळुल. <sup>14</sup>प्रभु यीशु दा ऊंद आगदुर नाता देल ना नश्चित जानसतीन यातोदारा वस्तु तांदुर देल अशुध्द हल्लेच, लेकीन जो अदरी अशुध्द समसतान आऊक साटी अशुध्द आद. <sup>15</sup>अगर नीन वारट या आकतींग नीन भोजन इन कारण दुखी आगतार, रा बाक नी प्याद इन रीत देल नळाल; यदुर साटी मसीह सोत्तुन, आऊक नी तान भोजन इन द्वारा नाश माळवाळ. <sup>16</sup>यारी नीव भला मानसतीर आऊक यारीकु बुरा माताळगोळ बाळेतीर. <sup>17</sup>यतकी परमेश्वर उन राज्य तनिद कुडोद ईला, लेकीन न्यायीपन, शांती अदकि आनन्द जो पवतिर आत्मा कोळतद. <sup>18</sup>जो यावारा ई रीत देल मसीह अन स्यावा माळतान, आव परमेश्वर उक भाऊस्तान अदकि मंळसागोळ दा ग्रहण माळा लायक ठहूसतान. <sup>19</sup>इदुरसाटी नाव आ मातगोळ दा हतकु ईत्तेव यऊर देल मेल मलिप अदकि आबुर दाबुरी आत्मिक उन्नती दा मदत सकितद. <sup>20</sup>भोजन इन साटी जो परमेश्वर माळयान अदरी नष्ट माळवाळी. सप्पा येनारा शुध्द रा आद, लेकीन आ खाना देल यारीकारा टोकर हततद रा अद बेकार आद. <sup>21</sup>भला रा ईद आद क नी ना रा मास तनि अदकि ना रा सारा कुडु, अदकि ना रा हांग येनारा माळेत यदुर देल नीन वशिवासी वारट या आकतींग टोकर तनिल. <sup>22</sup>नीन जो वशिवास ईरूल, अदरी परमेश्वर उन मुंद तांद अच मन दा ईट. धन्य आन आव जो आ मात दा, यदरी आव ठीक समसतान, तान तान इक दोषी ठहूसालुन. <sup>23</sup>लेकीन जो लॉकर संदेह माळकु तनितार आंदरी परमेश्वर दोषी ठहूसतान, यतकी आंदुर कार्य वशिवास इन आधार मा हल्लेच; अदकि जो येनारा वशिवास इन आधार मा हल्लेच, अद पाप हुन.

## 15

दुसरा अक संतुष्ट माळी

<sup>1</sup>इदुरसाटी नाव बलवानगोळी पायजे क नरिबलगोळद नरिबलतागोळी सहन माळेव, ना क तान तान इक संतुष्ट माळेव. <sup>2</sup>नाम दा टु हर ऊंद तान मान्ना अन आंदुरद भलाई इन साटी खुश माळेव ताकी आंदुरद वशिवास दा उन्नती आगुल. <sup>3</sup>यतकी मसीह तान तान इक खुश माळीदील, लेकीन ह्यांग शास्त्र दा लखिसकु आद: “नीन अपमान माळावाळेद अपमान नान मा बंदकु बदिाद.” <sup>4</sup>यास मातगोळ पयले टु लखिसकु आग्याव, अब नाम्द अच शकिषा अन साटी लखिसकु आग्याव क नाव धीरज अदकि शास्त्र अन प्रोत्साहन द्वारा आशा ईदुल. <sup>5</sup>धीरज अदकि शांती अन दाता परमेश्वर नीमी ईद वरदान कोळुल क मसीह यीशु अन अनुसार आपस दा ऊंद मन ईरी. <sup>6</sup>ताकी नीव ऊंद मन अदकि ऊंद स्वर दा नाम प्रभु यीशु मसीह अन आप्प परमेश्वर उन स्तुर्ता माळी.

<sup>7</sup>इदुरसाटी, ह्यांग मसीह परमेश्वर उन महमिा अन साटी नीमी ग्रहण माळयान, हांग अच नीव भी आबुर दाबुर इक ग्रहण माळी. <sup>8</sup>इदुरसाटी ना अनतीन क जो वादागोळ आप्प दादागोळी कोटकु आगीदव अवरी मजबूत माळोर साटी मसीह, परमेश्वर उन सचचाई इन प्रणाम कोळोर साटी, यहूदी लॉकरद सेवक बनसदुन; <sup>9</sup>अदकि गैरयहूदीगोळ भी दया अन कारण परमेश्वर उन स्तुर्ता माळुल; ह्यांग शास्त्र दा लखिसकु आद, “इदुरसाटी पुरा राष्ट्र दा नीन धन्यवाद माळाईन, अदकि नीन हेसुर इन भजन हाळाईन.”

<sup>10</sup>बाक अंदान,

“हे गैरयहूदीगोळ,

परमेश्वर उन नविळुस्द लॉकर सांगुळ आनन्द माळी.”

<sup>11</sup>अदकि बाक,

“हे गैरयहूदीगोळ सप्पा लॉकर, प्रभु उन स्तुर्ता माळी;

अदकि हे राष्ट्र अन लॉकुरा, आऊक समसी.”

12 अदकि बाक यशायाह अनतान,  
“यशै अन ऊद वंशज प्रगट आदीत,

अदकि आव गैरयहूदीगोळ मा शासन माळ्यान,  
अदकि आ लॉकुर आऊन मा आशा ईट्यार.”

13 परमेश्वर जो आशा अन दाता आन नीमी वशिवास माळदुर दा सप्पा प्रकार इन आनन्द अदकि शांती देल परपूरण माळुल, कऱ पवतिर आत्मा अन सामर्थ्य देल नीम आशा बाळुसतेला होगुल.

साहस देल लखिसोद कारण

14 हे नान वारदुरा अदकि आकतीगेरा, ना खुद नीम बारा दा सही दा जानसतीन कऱ नीव भी खुद अच भलाई देल तुमकु अदकि ईश्वरीय ग्यान देल भरपुर आँर, अदकि आवुर दाबुर इक कलस सकी. 15 तरी भी ना येलयारा-येलयारा याद दल्लोसोरा साटी नीमी जो हापाळ हम्मिमत माळकु चट्टी लखिसदीन. ईद आ अनूरह अन कारण आत जो परमेश्वर नानी कोट्टान, 16 कऱ ना गैरयहूदीगोळ साटी मसीह यीशु उन सेवक आगकु परमेश्वर उन खुशखबरी इन स्यावा याजक उन घाई माळाईन, यदुर देल गैरयहूदीगोळ मान्नी चळुसकु आगोद, पवतिर आत्मा देल पवतिर बनसकु ग्रहण माळकु आगुल. 17 इदुरसाटी आ मातगोळ बारा दा जो परमेश्वर उन से संबध ईटताव, ना मसीह यीशु दा बळाई माळ सकतीन. 18 यतकी आ मातगोळी बटिकु नानी अदकि यातोदु मात इन बारा दा अनोद हम्मिमत हेलच, जो मसीह गैरयहूदीगोळ हात्ती ता अन साटी वचन, अदकि कर्म, 19 अदकि चमत्कारगोळ, अदकि अदभुत क्यालसागोळ सामर्थ्य देल, अदकि पवतिर आत्मा अन सामर्थ्य देल नांद अच द्वारा माळकु आदव; ईल ताका कऱ ना यूरुशलेम टु ताकोमकु नाकु डी इललूरकुम ताका मसीह अन खुशखबरी इन पुरा पुरा प्रचार माळदीन. 20 लेकीन नान मन इन उमंग आद कऱ येल येल मसीह अन हेसुर ताकोमकु आगीदील, अदा खुशखबरी केळसाईन ताकी हगि आगवाळुल कऱ दुसरा अन पायवा मा मान्ना माळाईन. 21 लेकीन ह्यांग शास्त्र दा लखिसकु आद हांग अच आगुल, “यारी आऊन खुशखबरी पोहचुसीदील, आंदुर अच नोळ्यार अदकि यार केळीदील आंदुर अच समस्यार.”

रोम यात्रा अन पौलुस उन योजना

22 इदुरदा साटी ना नीम हाती बरोर से घळी घळी थाम्सकु ईततीन. 23 लेकीन ईग ई द्याशगोळ दा नान क्यालसा अन साटी अदकि जागा ईतीदील, अदकि हापाळ साल टु नानी नीम हाती बरोद लालच आद. 24 इदुरसाटी याग ना स्पेन इक होगाईन रा नीम हाती टु आगतेला होगाईन, यतकी नानी आशा आद कऱ आ यात्रा दा नीम से मुलाकात आदीत, अदकि याग नीम से सीकाईन रा नीव नानी येनारा दुर मुंद पोहचुस बुळेतीर. 25 लेकीन ईगल्या रा ना परमेश्वर उन लॉकुरद स्यावा माळोर साटी यूरुशलेम इक होगतीन. 26 यतकी मकादिनया अदकि अखाया अन लॉकुरी ईद वळलीद हतत कऱ यूरुशलेम इन पवतिर लॉकुर दा नरिधनगोळ साटी येनारा चंदा माळुल. 27 आंदरी वळलीद रा हतत, लेकीन आंदुर आंदुरद करजदार भी आर, यतकी अगर गैरयहूदीगोळ आंदुरद आत्मिक मातगोळ दा भागी आदुर, रा आंदरी भी उचित आद कऱ शारीरिक मातगोळ दा आंदुरद स्यावा माळुल. 28 इदुरसाटी ना ईद क्यालसा पुरा माळकु अदकि आंदरी ईद भेट कोटकु नीम हाती टु आगतेला स्पेन इक होगाईन. 29 अदकि ना जानसतीन कऱ याग ना नीम हाती बराईन, रा मसीह अन पुरा आरुषावादगोळ सांगुळ बराईन.

30 हे वारदुरा अदकि आकतीगेरा, नाम प्रभु यीशु मसीह अन अदकि पवतिर आत्मा अन प्यार इन याद दल्लुसकु ना नीम से वनिती माळतीन, कऱ नान साटी परमेश्वर से प्रार्थना माळदुर दा नान सांगुळ हतकु ईरी 31 कऱ ना यहूदिया अन अवशिवासी लॉकुर से ऊळदकु ईराइन, अदकि नान अद स्यावा जो यूरुशलेम इन साटी आद, परमेश्वर उन लॉकुरी पंसद बरूल; 32 अदकि ना परमेश्वर उन इच्छा देल नीम हाती आनन्द इन सांगुळ बंदकु नीम सांगुळ आराम माळाईन. 33 शांती अन परमेश्वर नीम सप्पा मुंदुर सांगुळ ईरूल. आमीन.

## 16

व्यक्तगित अभिवादन

1 ना नीम से फीबे अन साटी जो नाम आकतीग अदकि कखरिया अन मंडली नोर सेवका आर, वनिती माळतीन 2 कऱ नीम, ह्यांग कऱ परमेश्वर उन लॉकुरी पायजे, आकी प्रभु दा ग्रहण माळी; अदकि यातोदारा मात दा आकी नाम जखत आद, आकनि मदत माळी, यतकी आक भी हापाळ मुंदुरद बलुकी नान भी मदत माळावळत ईतार.

3 प्रसिका अदकि अक्विला अक जो मसीह यीशु दा नान सहकर्मी आर, नमस्कार. 4 आंदुर नान जीव इन साटी तांद अच जीवन जोखिम दा हाक बुटीदुर; अदकि सर्फ ना अच ईला, बलुकी गैरयहूदीगोळद सप्पा मंडलीगोळ भी आंदुरद धन्यवाद माळतव. 5 आ मंडली अक भी नमस्कार जो आंदुर मान्या आद. नान प्रयि इपेनतुस उक, जो मसीह अन साटी आसया; प्रोत इन पयला फल आद, नमस्कार. 6 मरथिम इक, याक नीम साटी हापाळ मयनत माळदुर, नमस्कार. 7 अन्दुनीकुस अदकि युनयास उक जो नान घरजनी नोर आर, अदकि नान सांगुळ कैद आगीदुर अदकि प्रेरतिगोळ दा हेसुर वाळेर आर, अदकि नान से पयले मसीह आगीदुर, नमस्कार. 8 अमपलयातुस उक, जो प्रभु दा नान प्रयि संगी आन, नमस्कार. 9 उरवानुस उक, जो मसीह दा नाम सहकर्मी आन, अदकि नान प्रयि इस्तखुस उक नमस्कार. 10 अपुल्लोस उक जो मसीह दा सही होट्टुन, नमस्कार. अरसितुबुलुस उन घराना इक नमस्कार. 11 नान

रशितेदार हेरोदयोन यहूदी संगी इक नमस्कार. नरकसिसुस उन घराना इन जो लॉकुर प्रभु दा आर, आंदरी नमस्कार. 12 त्रूफेना अदकि त्रूफोसा अक जो प्रभु दा मेहनत माळतार, नमस्कार. प्रयि परिससि उक, याव प्रभु दा हापाळ मेहनत माळदुन नमस्कार. 13 फूस उक जो प्रभु दा नविळसकु आन अदकि आऊन मोय इक, जो नान भी मोय उर, येद्वु मुंदरी नमस्कार. 14 असुंकरतिस, फलिगोन, हरिसेस, पत्रबास, हरिमास अदकि आंदुर सांगुळ इन वारटुर अदकि आकतीगेरी नमस्कार. 15 फलिलुगुस, यूलिया, नेर्युस अदकि आकनि आकतीग, अदकि उलुमुपास अदकि आंदुर सांगुळ इन सप्पा परमेश्वर उन लॉकुरी नमस्कार. 16 आपस दा पवतिर चुम्बन देल नमस्कार माळी. नीमी मसीह अन सप्पा मंडलीगोळ दी टु नमस्कार.

#### आखरी नरिदेश

17 ईग हे वारटुरा अदकि आकतीगेरा, ना नीम से वनिती माळतीन, क्जि जो लॉकुर आ शक्षिा अन वपिरीत, जो नीमी सकियाद, फूट हाककोद अदकि टोकर तनिसोद कारण वन्सतार, आंदरी अरूत कोमी अदकि आंदुर से दुर ईरी. 18 यतकी हगि लॉकुर नाम प्रभु मसीह नोर आल्लच, लेकीन तान वहाट्टा अन स्यावा माळतार; अदकि चकिना चुपळा मातगोळ देल सीधा साधा मन इन लॉकुरी बयकुस बुळतार. 19 नीम आग्या मानसोद चर्चा सप्पा लॉकुर दा फेलुसेत, इदुरसाटी ना नीम बारा दा आनन्द माळतीन, लेकीन ना ईद चाहासतीन क्जि नीव भलाई इन साटी बुद्धिमान लेकीन बुराई इन साटी भोला वन्सकु ईरी. 20 शांती इन परमेश्वर श्रौतान उक नीम कालगोळ देल राटनेरी मेटसुस बुट्टान.

नाम प्रभु यीशु मसीह अन अनुग्रह नीम मा आगतेला ईरूल. 21 नान सहकर्मी तीमुथियुस उन, अदकि नान घराना इन लूकियुस, यासोन अदकि सोसपितरुस ई नान यहूदी संगीगोळद नीमी नमस्कार. 22 ना चिट्टी लखिसावाळा तरितियुस उन, प्रभु दा नीमी नमस्कार. 23 (२४) गयुस जो नान अदकि मंडली अन पाहुनचार माळावाळा आन, आऊन नीमी नमस्कार. इरास्तुस जो नगर इन भंडारी आन, अदकि वारट क्वारतुस उन नीमी नमस्कार. 24

#### परमेश्वर उन सतुत

25 आ परमेश्वर उन महिमा आगुल नीम वशिवास ईग जो नीमी नान खुशखबरी मतलब यीशु मसीह अन संदेश इन प्रचार इन अनुसार स्थरि माळ सकतद, परमेश्वर उन ई रहस्य पुरण सत्य युगयुग टु होचकु ईरोद, 26 लेकीन ईग प्रगट आगकु सनातन परमेश्वर उन आग्या देल भवषियवक्तागोळद कतिबगोळ द्वारा सप्पा जातीगोळी हेळकु आग्याद क्जि आंदुर वशिवास देल आग्या मानसावाळेर आगुल, 27 आवा सर्फ ऊंद बुद्धिमान परमेश्वर उन यीशु मसीह अन द्वारा हमेशा हमेशा महिमा आगतेला ईरूल. आमीन.

## कुरनिथियों के नाम पौलुस प्रेरति की पहली पत्री कुरनिथिगोळ्द हेसुर पौलुस प्रेरति उन पयला चट्टी परचिय

प्रेरति पौलुस पयला कुरनिथि ईद चट्टी यीशु उन जनम इन ५५ साल इन बाददा लखिसदुन. १:१ पौलुस कुरनिथिवासीगोळी येदद चट्टी लखिसयान पौलुस उन ईद इच्छा ईरोद कं आव मकदिनया होगाईन अल होगा समय अदकि वापस बरा समय कुरनिथिवासीगोळ से मुलाकात माळाईन मकदिनया अक होगा से पयले पौलुस ईद चट्टी लखिसदुन आग आव इफसियों दा ईरतोगोन. १:६-९

पौलुस उक कुरनिथिगोळ मंडली दा जो फूट, व्यभचार, अनैतिकता घाई अलग अलग समस्यागोळ नळव अऊरद अहवाल आऊक सकीत ई अहवाल इक प्रतिसाद कोळोर साटी पौलुस ईद चट्टी लखिसदुन. कुरनिथि नगर व्यभचार घाई अनैतिकता दा प्रसदिध ईरोद. इदुरसाटी ईद स्वाभाविक अच ईरोद कं हगि समस्यागोळ मंडली दा भी प्रवेश माळयाव. पयला कुरनिथिगोळ्द ईद चट्टी दा प्यार इन बारा दा जो सुप्रसदिध अध्याय आद, अदुरद भी समावेश आद. १:३  
रूप-रेखा:

१. पौलुस उन दी टु कुरनिथिवासीगोळी नमस्कार १:१-९.
२. कुरनिथिगोळ्द मंडली दा आगावाळा दलबन्दी इन बारा दा पौलुस उन उत्तर १:१०-४:२१
३. लैगिक अदकि अनैतिकता अन अळचन अदकि आबुर दाबुर न्यायालयीन झगळा ५-६
४. मदा अन समस्या अदकि मूर्तपुजक चढावा, सामुहिक आराधना, आत्मिक दान अदकि पुनरूत्थान ७-१५
५. व्यावहारिक अदकि व्यक्तगित मुददागोळ बारा दा पौलुस उन सलाह १६

1 पौलुस उन दी टु जो परमेश्वर उन इच्छा देल यीशु मसीह अनूद प्रेरति आगोर साटी कारूकु आत अदकि वार्द सोस्थनिस दी टु,

2 परमेश्वर उन आ मंडली अनूद हेसुर जो कुरनिथुस दा आद, मतलब आंदुर हेसुर जो मसीह यीशु दा पवतिर माळकु आग्यार, अदकि पवतिर आगोर साटी कारूकु आग्यार; अदकि आ सप्पा मुंदुर हेसुर भी जो हर जागा दा आंदुर अदकि नाम प्रभु यीशु मसीह अनूद हेसुर देल प्रार्थना माळतार.

3 नाम आप परमेश्वर अदकि प्रभु यीशु मसीह अनूद दी टु नीमी अनुग्रह अदकि शांति सकितेला ईरूल.

यीशु मा वशिवास ईटावाळेर मा आशीषगोळ

4 ना नीमद बारा दा तान परमेश्वर उन धन्यवाद हमेशा माळतीन, इदुरसाटी कं परमेश्वर उन ईद अनुग्रह नीम मा यीशु मसीह दा आत. 5 कं नीव यीशु मसीह दा ऊंद आगदुर कारण नीव हर मात दा, मतलब सप्पा वचन अदकि सप्पा ग्यान दा धनी माळकु आदीर. 6 यीशु मसीह अनूद बारा दा बातणी नीम दा पक्का होळल. 7 इदुरसाटी कं यातोदारा वरदान दा नीमी कमी ना आगुल, हयांग नीव नाम प्रभु यीशु मसीह अनूद बरोद हादी नोळतेला ईरतीर. 8 आव नीमी आखरी ताका पक्का भी माळयान कं नीव नाम्द प्रभु यीशु मसीह अनूद वापस बरोद दनि दा नरिदोष ठहरूसी. 9 परमेश्वर वशिवास इन लायक आन, याव नीमी तान पार नाम्द प्रभु यीशु मसीह इन संगत दा कारस्यान.

वशिवासीगोळ्द मंडली दा दरा

10 हे वार्दुरा, ना नीम से नाम प्रभु यीशु मसीह अनूद हेसुर देल वनिती माळतीन कं नीव सप्पा मुंदुर ऊंद अच मात अनी, अदकि नीम दा फूट बळिवाळुल, लेकीन ऊंद अच मन अदकि ऊंद अच मत आगकु मल्लिसकु ईरी. 11 हे नान वार्दुरा अदकि आकतींगेरा, खलोए अनूद घराना अनूद लांकुर नानी नीमद बारा दा हेळदुर कं नीम दा झगळा आगेतुयाव. 12 नांद अनोद मतलब ईद आद कं नीम दा टु यावारा रा तान तान इक "पौलुस उन," यावारा "अपुनलोस उन," यावारा "कैफा अन," रा यावारा "मसीह अनूद" अनुयायी अनतार. 13 येन मसीह अनूद वाटा हसिसा आगेत? येन पौलुस नीम साटी कूस मा येरसुसकु आदुन? या नीमी पौलुस उन हेसुर मा बपतसिमा सकित?

14 ना परमेश्वर उन धन्यवाद माळतीन कं कुरसिपुस अदकि गथुस उक बटिकु ना नीम दा टु याऊकु भी बपतसिमा कोटीदील, 15 इदुरसाटी हगि आगवाळुल कं यावारा अनुल कं नीमी नान हेसुर मा बपतसिमा सकित. 16 अदकि हा, ना सतफिनस इन घराना अक भी बपतसिमा कोट्टीन; इदरी बटिकु ना जानसालीन कं ना अदकि यारीक बपतसिमा कोट्टीन. 17 यतकी मसीह नानी बपतसिमा कोळली ईला, लेकीन खुशखबरी केळसली कळुदुन, अदकि ईद भी मळसा अनूद ग्यान इन आवाजगोळ्द अनुसार ईला, हगि आगवाळुल कं यीशु मसीह अनूद कूस बेकार ठहरसुल.

मसीह परमेश्वर उन ग्यान अदकि सामर्थ्य हुन

18 यतकी कूस इन कात्ता नाश आगावाळेर साटी मूरखता आद, लेकीन नाव उद्धार ताकोमावाळेर साटी परमेश्वर उन सामर्थ्य आद. 19 यतकी शास्त्र दा लखिसकु आद, "ना ग्यानवंतगोळ ग्यान इक नाश माळाईन,

अदकि समझदार गोळद समझ इक सब से बेकार माळ बुळाईन.”

20 येल आन ग्यानवान? येल आन नयिम इन गुरु? येल आन ई दुनिया अन वविद माळावाळा? येन परमेश्वर ई दुनिया अन ग्यान इक मूरखता ठहरूसीदील?

21 यतकी याग परमेश्वर उन ग्यान इन अनुसार ईद दुनिया तान ग्यान देल परमेश्वर उक जान्स सकदील, रा परमेश्वर उक ईद वळ्नीद हत की ई प्रचार इन “मूरखता” अन्द द्वारा वशिवास माळावाळेर इक उद्धार कोळुल. 22 यहूदी रा चमत्कार इन चमत्कार चाहासतार, अदकि ग्रीक ग्यान इन खोज दा आर, 23 लेकीन नाव रा आ क्रूस मा येरसकु आग्यान आ मसीह अन्द प्रचार माळतेव, जो यहूदीगोळद साटी टोकर इन कारण अदकि गैरयहूदीगोळ साटी मूरखता आद; 24 लेकीन जो कारूकु आग्यार, येन यहूदी येन गैरयहूदी, आंदुर हात्ती मसीह परमेश्वर उन सामर्थ्य अदकि परमेश्वर उन ग्यान आद. 25 यतकी परमेश्वर उन मूरखता मळसागोळद ग्यान देल ग्यानवान आद, अदकि परमेश्वर उन कमजोरी मळसागोळद ताकत देल हापाळ बलवान आद.

26 हे वारटुरा अदकि आकतीगोरा, तान कारूकु आगोद मा रा सोची काना मय इन अनुसार हापाळ ग्यानवान, अदकि ना हापाळ सामर्थी, अदकि ना हापाळ वळ्नीद घराना टु कारूकु आग्यार. 27 लेकीन परमेश्वर दुनिया अन मूरखगोळी नीवळुसदुन की ग्यानवतगोळी शर्मदा माळुल, अदकि परमेश्वर दुनिया अन कमजोर मळसागोळी नविळुसदुन की बलवानगोळी शर्मदा माळुल; 28 अदकि परमेश्वर दुनिया अन नीचगोळी अदकि तुचछगोळी इक भी जो खुद ईला अन्द बराबर समसतार आंदरी भी नीवळुसदुन, ताकी महत्वपुण मातगोळ आंदरी व्यर्थ ठहरूसुल. 29 परमेश्वर हांगि माळदुन ताकी यातोदु प्राणी आऊन मुंद घमण्ड माळबाळुल. 30 लेकीन परमेश्वर नामी यीशु मसीह दा ऊद माळदुन, जो परमेश्वर उन दी टु नाम साटी ग्यान ठहरूसत. आऊन द्वारा नाव परमेश्वर उन मुंद न्यायी ठहरूसुल, अदकि पवतिर अदकि स्वतंत्र माळकु आदेव; 31 ताकी हयांग शास्त्र दा लखिसकु आद, हांग अच आगुल, “जो घमण्ड माळ्यान आव प्रभु दा घमण्ड माळुल.”

## 2

क्रूस मा येरसकु आग्यान मसीह अन्द बारा दा बातणी

1 हे वारटुरा अदकि आकतीगोरा, याग ना परमेश्वर उन रहस्यमय सचचाई अदकि भेद केळसतेला नीमद हात्ती बंदीन, रा आवाजगोळ या ग्यान इन उत्तमता अन्द सांगुळ बंददील. 2 यतकी ना ईद टान्स कोंडीदनि की नीमद न्याड्या यीशु मसीह बलकी क्रूस मा येरसकु आदुन मसीह अदकि आऊन मृत्यु इक बटिकु यातोदु अदकि मात इक जानसतीदील. 3 \*ना कमजोरी अदकि अंजुक इन सांगुळ, अदकि हापाळ नळगत-नळगत नीम हात्ती बंदीन; 4 अदकि नान वचन, अदकि नान प्रचार दा ग्यान इक लुभावना मातगोळ ईला, बलकी आत्मा अदकि सामर्थ्य इन प्रमाण ईरोद, 5 इदुरसाटी की नीमद वशिवास मळसागोळद ग्यान मा ईला, लेकीन परमेश्वर उन सामर्थ्य मा नरिबर ईरुल.

परमेश्वर उन ग्यान

6 तरी भी जानकार लॉकर दा नाव ग्यान केळसतेव; लेकीन ई दुनिया अन अदकि ई दुनिया अन नाश आगावाळेर शासकगोळद ग्यान ईला; 7 लेकीन नाव परमेश्वर उन अद होचकु ग्यान, भेद इन रहस्य अन्द वरणन माळतेव मतलब आ होचकु ग्यान इक यारी परमेश्वर दुनिया माळोद पयले टु ना नामद महमा अन्द साटी ठहरूस्यान, 8 यारी ई दुनिया अन शासकगोळ दा टु यार जानसीदलि, यतकी अगर आंदुर जानसायदुर रा महमा माळावाळा प्रभु उक क्रूस मा ईला येरसायदुर. 9 लेकीन हयांग लखिसकु आद,

“जो मात कण्णगोळ नोळीदील अदकि कविगोळ केळीदील,

अदकि जो मातगोळ मळसा अन्द मगज दा तुमीदलि,

आंदुर अच उर जो परमेश्वर तान प्यार ईटावाळेर साटी तयार माळ्यान.”

10 लेकीन परमेश्वर आंदरी तान आत्मा अन्द द्वारा नाम मा प्रगट माळदुन, यतकी आत्मा सप्पा मातगोळ, उलटा परमेश्वर उन रहस्यमय मातगोळ भी जाँच तान. 11 मळसागोळ दा टु याव यावारा मळसा अन्द मातगोळी जानसतान, सर्फि मळसा अन आत्मा जो आऊदा आद? हांग अच परमेश्वर उन मातगोळ भी याऊ जान सकालुन, सर्फि परमेश्वर उन आत्मा अच जान सकतद. 12 लेकीन नामी दुनिया अन आत्मा ईला, लेकीन अद आत्मा सकियाद जो परमेश्वर उन दी टु आद कानाव आ मातगोळी जानसेव जो परमेश्वर नामी कोटान.

13 यारी नाव मळसागोळद ग्यान इन कलसद मातगोळ दा ईला, लेकीन परमेश्वर उन आत्मा अन्द कलसद मातगोळ मा, यारी परमेश्वर उन आत्मा आद आंदरी आत्मकि मातगोळ केळसतेव. 14 जो मळसा परमेश्वर उन आत्मा अन्द मातगोळी ग्रहण माळालुन, यतकी अव आऊन नजर दा मूरखता नव मातगोळ आव, अदकि ना आव आंदरी जान्स सकतान यतकी आंदुर जाँच आत्मा अन्द रीतदिल आगतद. 15 यारी परमेश्वर उन आत्मा आद आव मळसा सप्पा येनारा जाँच तान, लेकीन आव खुद यारदु से जाँच कु आगालुन. 16 हयांग पवतिरशास्त्र दा लखिसकु आद,

“याव जान्स सकतान प्रभु उन मन इक?

याव आऊक सलाह कोळ सकतान?”

लेकीन नाम दा मसीह अन्द मन आद.



## 3

परमेश्वर उन सेवक

1 हे वारटुरा अदकि आकतींगेरा, ना नीम से ई रीत देल मातगोळ माळ सकदील हयांग कि आत्मकि लॉकर से, लेकीन हयांग कि दुनिया अन लॉकर से, अदकि आंदुर से जो मसीह दा चकिोर आर. 2 ०ना नीमी हाल कुळसदीन, अनाज तनिंसदील; यतकी नीव अदरी पचुस ईला सकीर; सही दा नीव ईगास ताका अदरी पचुस सकालीर, 3 यतकी नीव ईगास ताका दुनिया अन लॉकर घाई आईर. यागासताका नीम दा मतभेद अदकि झगळा आद, रा येन नीव ई दुनिया नोर आल्लच? अदकि येन मंळसा अन्द रीतमा नळालीर? 4 ०यतकी याग पयला अनतान, “ना पौलुस उन हुईन,” अदकि दुसरा अनतान, “ना अपुल्लोस उन हुईन,” रा येन नीव दुनिया अन मंळसागोळद घाई जीऊस सकालीर?

5 येन हुन अपुल्लोस? अदकि येन हुन पौलुस? सर्रिफ सेवक, याऊन द्वारा नीव वशिवास माळदीर, हयांग हर ऊंद मंळसा अक प्रभु सौपसदुन हांग आंदुर कयाल्सा माळ पायजे. 6 ०ना हचदीन, अपुल्लोस सच्चिसदुन, लेकीन परमेश्वर वाळुसदुन. 7 इदुरसाटी ना हचावाळा येनारा आन अदकि अदरी सचिवाळा, लेकीन परमेश्वर अच सप्पा येनारा आन जो वाळुसावाळा आन. 8 हचावाळा अदकि सचिवाळा येदुहु ऊंद सारखा आर; लेकीन हर ऊंद मंळसा अक तान अच मेहनत इन अनुसार आऊक परमेश्वर आऊन कयाल्सा अन्द अनुसार आऊक मजदूरी कोट्टान. 9 यतकी नाव परमेश्वर उन सहकर्मी आयेव; नीव परमेश्वर उन केई

अदकि परमेश्वर उन रचना हुईर. 10 परमेश्वर उन आ अनुग्रह अन्द अनुसार जो नानी कोटकु आग्याद, ना बुद्धमिान राजमसित्री इन घाई पायवा हाकदिन, अदकि दुसरा अदुर मा रद्दा मंळसतान. लेकीन हर ऊंद मंळसा सावधान ईरूल कि आव आऊन मा हयांग रद्दा ईटतान. 11 यतकी आ पायवा अक बटिकु जो बदिकु आद, अदकि अद यीशु मसीह हुन, याऊ दुसरा पायवा हाक सकालुन. 12 अगर यावारा मंळसा ई पायवा मा व्हानना, बेळ्ली, बारर कल्ल, हुळली या काड्डा देल रद्दा मंळसयान, 13 रा हर ऊंद मंळसा अन्द कयाल्सा प्रगट आगोदीत; यतकी न्याय इन अद दिन आऊक हेळीत, इदुरसाटी कि बेक्की इन सांगुळ प्रगट आदान अदकि अद बेक्की हर ऊंद मंळसा अन्द कयाल्सा परखुसीत कि हयांग आद. 14 याऊन कयाल्सा आ नीव मा माळकु स्थरि ईटतीत, रा आऊक मजदूरी सकीकीत. 15 अगर यावारा मंळसा अन्द कयाल्सा होतेदति, रा आव घाटा नेगदान; लेकीन आव खुद ऊळदोदान लेकीन व्हत्तेला-व्हत्तेला.

16 ०येन नीव जान्सालीर कि नीव परमेश्वर उन मंदरि हुईर, अदकि परमेश्वर उन आत्मा नीम दा वास माळतद? 17 अगर यावारा मंळसा परमेश्वर उन मंदरि इक नाश माळयान रा परमेश्वर आऊक नाश माळयान; यतकी परमेश्वर उन मंदरि पवतिर आद, अदकि अद नीव हुईर.

18 याऊ तान तान इक धवाका कोळवाळुल. अगर नीम दा टु यावारा ई दुनिया दा तान तान इक ग्यानी समसतान, रा आव मूरख बनसुल कि ग्यानी आगेगुल. 19 यतकी ई दुनिया अन ग्यान परमेश्वर उन हात्ती मूरखता आद, हयांग शासत्र दा लखिसकु आद, “आव ग्यानीगोळी आंदुरद चतुराई दा फसुस कोमतान,” 20 शासत्र दा हगि लखिसकु आद कि, “परभु ग्यानीगोळद वचिरागोळी इक जानसतान कि अव व्यर्थ आव.” 21 इदुरसाटी मंळसागोळ वारा दा यारू घमण्ड माळवाळी, यतकी सप्पा येनारा नीम दा हुन: 22 येन पौलुस, येन अपुल्लोस, येन कैफा, येन दुनिया, येन जीवन, येन सायोद, येन वर्तमान, येन भविष्य, सप्पा येनारा नीमदा हुन: 23 नीव मसीह नव हुईर, अदकि मसीह परमेश्वर उन हुन.

## 4

मसीह अन्द प्रेरति

1 मंळसा नामी मसीह अन सेवक अदकि परमेश्वर उन मातगोळद मुनीम समसुल. 2 बाक ईल भंडारी दा ईद मात जर्री आद कि भंडारी देखरेख माळवाळा मुनीम वशिवासलायक ईरूल. 3 लेकीन नांद नजर दा ईद हापाळ सयांळद मात आद कि नीव या मंळसागोळद यावारा न्यायालय नानी न्याय दलिसुल, बलकी ना खुद तान तान इक न्याय दलिस सकालीन. 4 यतकी नांद मन नान न्याय माळाल्द, लेकीन इदुर देल ना नरिदोष ठहूसालीन, यतकी नांद जांच माळवाळा परभु आन. 5 इदुरसाटी यागासताका परभु बरालुन, समय टु पयला यातोदु मात इन न्याय माळवाळी: आवा अंधकार इन होचकु मातगोळ ज्योती दा तोरसयान, अदकि मनगोळ अभिपिरायगोळी इक प्रगट माळयान, आग परमेश्वर उन दी टु हर ऊंद मंळसा अन्द प्रशंसा आदीत.

6 हे वारटुरा अदकि आकतींगेरा, ना ई मातगोळ दा नीम साटी तान अदकि अपुल्लोस उन मातगोळ उदाहरण इन रीतमा माळीन, इदुरसाटी कि नीव नाम द्वारा ईद कली कि जो शासत्र दा लखिसकु आद अदुर से मुंद आगवाळेतीर, अदकि ऊंद मंळसा अन्द वरिध दा अदकि दुसरा मंळसा अन्द वरिध दा गरव माळवाळेतीर. 7 नीन दा अदकि दुसरा मंळसा दा याव भेद माळतान? अदकि नीन हात्ती येन आद जो नीनी परमेश्वर देल सकिकीदील? अदकि याग कि नीनी परमेश्वर देल सकियाद, रा हगि घमण्ड येती माळतया कि मानसी नानी सकिकीदील?

8 नीव रा संतुष्ट आगीदीर, नीव धनी आगीदीर, नीव नाम बनिा राज्य माळदीर; लेकीन भला आगाईत कि नीव राज्य माळायदीर कि नाव भी नीम सांगुळ राज्य माळायदेव. 9 नान समझ दा परमेश्वर नाव प्रेरतिगोळी सब मुंदुर्द

☆ 3:2 ३:२ इबरानगोळ ५:१२,१३

☆ 3:4 ३:४ १ कुरनिर्घ १:१२

☆ 3:6 ३:६ प्रेरतिगोळ १८:४-११; प्रेरतिगोळ १८:२४-२८

☆ 3:16 ३:१६

१ कुरनिर्घ ६:१९; २ कुरनिर्घ ६:१६

बाददा आ लॉकुर घाई ठहूरस्यान, यार्द सायोद आग्या आगेग्याद; यतकी नाव दुनया अदकि स्वरगदूतगोळ अदकि मंळसागोळ साटी ऊंद तमाशा ठहूरसूकु आयेव. <sup>10</sup> नाव मसीह अन साटी मूरख आयेव, लेकीन नीव मसीह दा बुद्धमिान आईर! नाव कमजोर आयेव, लेकीन नीव बलवान आईर! नीमी आदर सक्तिद, लेकीन नाम्द अपमान आगतद! <sup>11</sup> नाव ई घळी ताका हस्तकु नीरअळक अदकि हरकु कपळा हाकतेव, नाम सांगुळ बुरा तरीका देल वयवहार माळतार अदकि नाव मारा मारा टेटतेव; <sup>12</sup> अदकि तान अच कयगोळ देल क्यालसा माळकु मेहनत माळतेव. लॉकुर नामी बुरा अनतार, नाव आशीष कोळतेव; आंदुर सतुस्तार, नाव सहन माळतेव. <sup>13</sup> आंदुर बदनाम माळतार, नाव वनिती माळतेव. नाव ईद ताका दुनया अन मईल अदकि सप्पा वस्तुगोळ्द खात कचरा अन घाई ठहूरसूकु आयेव.

<sup>14</sup> ना नीमी शर्मदा माळोर साटी ईव मातगोळ लखिसालीन, लेकीन नानव प्रयि चकिोर घाई समसकु नीमी चेतावनी कोळतीन. <sup>15</sup> यतकी अगर मसीह दा नीमी कल्सावाळेर हतूत हजार भी ईरायदुर, तरी भी नीमव गुरगोळ हापाळ सा हेल्लेच; इदुरसाटी क्म मसीह यीशु दा खुशखबरी इन द्वारा ना नीमव आप् आदीन. <sup>16</sup> इदुरसाटी ना नीम से वनिती माळतीन क्म नीव नान अनुकरण माळी. <sup>17</sup> ईदा कारण ना तीमुथयिस उक, जो प्रभु दा नानव प्रयि पार अदकि वशिवासयोग्य सेवक आन, नीम हात्ती कळदीन. आव नीमी मसीह दा नान आचरण इन याद माळ्यान, हयांग क्म ना हर जागा दा, हर ऊंद मंडली अक उपदेश कोळतीन.

<sup>18</sup> येनारा लॉकुर घमण्ड देल हगि बातोग्यार, मान्सी ईग ना नीम हात्ती बरातीदील. <sup>19</sup> लेकीन प्रभु चाहास्यान रा ना नीम हात्ती राटनेरी इच बराईन, अदकि आ बातकुगोळ्द मातगोळ इक ईला, लेकीन आंदुर सामर्थ्य इक जानस कोमाईन. <sup>20</sup> यतकी परमेश्वर उन राज्य मातगोळ दा ईला लेकीन सामर्थ्य दा आद. <sup>21</sup> नीव येन चाहासतीर? येन ना कोल हुळकु नीम हात्ती बराईन, या प्यार अदकि नम्रता अन सांगुळ?

## 5

मंडली दा अनैतकित्त

<sup>1</sup> ईद सही दा केळ सकियाद क्म नीम बीच दा व्यभचार आगतद, अदकि हगि व्यभचार जो गैरयहूदीगोळ दा भी आगाल्द, मतलब ऊंद मंळसा तान आप् उन हगिस उक ईटतान. <sup>2</sup> पर नीव घमण्ड देल बातोगीर, अदकि नीव इदुर बदला दुख माळालीर, यदुर देल क्म हगि क्यालसा माळावाळा नीम बीच दा टू तेगु आगायदुन. <sup>3-4</sup> ना रा मय देल दुर ईरीन, लेकीन आत्मा देल नीम सांगुळ आगकु मान्सी उपस्थिती इन दशा दा हगि क्यालसा माळावाळेरद बारा दा ईद आग्या कोटबुट्टीन क्म याग नीव अदकि नांद आत्मा, नामव प्रभु यीशु उन सामर्थ्य इन सांगुळ जमा आगुल, रा हगि मंळसा नामव प्रभु यीशु उन हेसुर देल <sup>5</sup> रा हगि मंळसा मय इन वनिाश इन साटी भूत इक सौपसकु आगुल, क्म आऊन आत्मा अक प्रभु यीशु उन दनि दा उद्धार सकिकुल.

<sup>6</sup> नीमद घमण्ड माळोद वळलीद ईल्लेच; येन नीव जान्सालीर क्म थवाळासा खमीर पुरा कालसकु हीट इक खमीर माळ वळतद? <sup>7</sup> हाळोद खमीर तेगुकु तान तान इक शुद्ध माळी क्म व्हाशोद कालसकु हीट आगेगी; मतलब नीव अखमीरी हीट आगेगी हयांग नीव सही दा आईर. यतकी नाम्द भी फसह, जो मसीह आन, आऊन बलदान आग्याद. <sup>8</sup> इदुरसाटी बरी, नाव हाव्व दा खुशी मानसाता, ईदारा हाळोद खमीर टू अदकि ना बुराई अदकि दुष्टता अन खमीर टू, लेकीन सीधाई अदकि सचचाई इन अखमीरी रोट्टी देल.

<sup>9</sup> ना तान चट्टी दा नीमी लखिसीन क्म व्यभचारीगोळ्द संगती माळवाळेत. <sup>10</sup> ईद ईला क्म नीव ई दुनया अन व्यभचारीगोळ, या लोभ माळावाळेर, या अंधार माळावाळेर, या मूर्तइन पुजा माळावाळेरद संगती माळवाळी; यतकी ईद दशा दा टू होटवुळोद अच बळीईत. <sup>11</sup> पर नान कहना ईद आद क्म अगर यावारा वार्द अंदकु, व्यभचारी, या लोभ माळावाळा, या मूर्तइन पुजा माळावाळा, या बोयावाळा, या सारा माळावाळा, या अंधार माळावाळा हुन, रा आऊन संगती माळवाळेत; उलटा हगि मंळसा अन्द सांगुळ ऊम भी बाळेंतीर.

<sup>12</sup> यतकी नानी व्हारयावाळेरद न्याय माळदुर देल येन क्यालसा? येन नीमी आंदुरद न्याय माळोद ईल्लेच जो मंडली दा आर? <sup>13</sup> लेकीन व्हारयावाळेरद न्याय परमेश्वर माळतान. इदुरसाटी आ कुकुरमी अक तान बीच दा टू तेगु बुळी.

## 6

मसीहगोळ दा मुकदमेबाजी

<sup>1</sup> याग नीम न्याड्या आपस दा झगळा आगतद रा येन नीम दा टू हगि यावारा आन जो पवतिर लॉकुर हात्ती होगोद बदला अवशिवासीगोळ देल न्याय माळसुसोद दुससाहस माळतान? <sup>2</sup> येन नीव जान्सालीर क्म विश्वासी पवतिर लॉकुर दुनया अन न्याय माळ्यार? इदुरसाटी याग नीमी दुनया अन न्याय माळोद आद, रा येन नीव स्याळ्द से स्याळ्द झगळागोळ्द भी नरिणय माळोद लायक ईल्लेच? <sup>3</sup> येन नीव जान्सालीर क्म नाव स्वरगदूतगोळ न्याय माळेंव? रा येन सांसारकि मातगोळ्द नरिणय माळतीदील? <sup>4</sup> अगर नीमी सांसारकि मातगोळ्द नरिणय माळोद ईतीदाद, रा येन आंदरी अक अच कुरसेतीर यार्द मंडली दा येनु भी संबंघ ईल्लेच? <sup>5</sup> ना नीमी शर्मदा माळोर साटी ईद अनतीन. येन खराखुरा नीम दा ऊंद भी बुद्धमिान सकालुन, जो तान वार्दुर नरिणय माळ सकुल? <sup>6</sup> नीम दा वार्दुर वार्दुर दा मुकदमा आगतद, अदकि अद भी अवशिवासीगोळ मुद.

7 लेकीन सही दा नीम दा हापाळ दोष रा ईद आद कि आपस दा मुकदमा माळतीर. अन्याय येती सहन माळालीर? तान हानि येती सहन माळालीर? 8 लेकीन नीव रा खुद अच अन्याय माळतीर अदकि हानि पद्दुसतीर, अदकि अद भी वारट्टरी का. 9 येन नीव जानसालीर कि अन्यायी लांकुर परमेश्वर उन राज्या अनंद वारीस आगसकालुर? धवाका तनिवाळी; ना यौन संबंध, ना मूर्त इन पुजा माळावाळा, ना परस्त्रीगामी, ना गंळसगामी, 10 ना काळल, ना लोभी, ना सारा कुडावाळा, ना बोयावाळा, अदकि टगुसावाळेर परमेश्वर उन राज्या अनंद वारीस आदार. 11 अदकि नीम दा टु यास हगि अच ईरोर, लेकीन नीव प्रभु यीशु मसीह अनंद हेसुर देल अदकि नाम परमेश्वर उन आत्मा देल तोळ्ळु आदव अदकि पवतिर आदुर अदकि न्यायी ठहरूसदुर.

मय परमेश्वर उन महिमा अनंद साटी

12 सपपा वस्तुगोळ नान साटी उचति रा आद, लेकीन सपपा वस्तुगोळ लाभ इन आलच; सपपा वस्तुगोळ नान साटी उचति आद, लेकीन ना यारदु मात इन हात्ती आगालीन. 13 आमली काणणा व्हाट्टा अनंद साटी, अदकि व्हाट्टा आमली काणणा अनंद साटी आद, लेकीन परमेश्वर इदरी अदकि अदरी येदुहु उक नाश माळयान. लेकीन शरीर व्यभचार इन साटी ईला, बलकी प्रभु उन साटी हुन, अदकि प्रभु शरीर इन देखभाल माळोर साटी आन. 14 परमेश्वर तान सामर्थ्य देल प्रभु उक जतिता माळदुन, अदकि नामी भी जतिता माळयान.

15 येन नीव जानसालीर कि नीमद मय मसीह अनंद मय इन अंग हुन? रा येन ना मसीह अनंद मय इन अंग हुळ्ळु आंदरी वेश्या अनंद अंग माळाईन? यागलु ईला. 16 येन नीव जानसालीर कि जो यावारा वेश्या से संगती माळतान, आव आकनि सांगुळ ऊंद तन आगेगतान? यतकि शास्त्र दा लखिसकु आद: “आदुर येदुहु मुंदुर ऊंद तन आदार.” 17 अदकि जो प्रभु उन संगती दा जोळसकु आग्या, आव आऊन सांगुळ ऊंद आत्मा वनसगुल.

18 व्यभचार देल ऊळदकु ईरी. यास अन्य पाप मंळसा माळतान अव मय इन व्हार्या आद, लेकीन व्यभचार माळावाळा तान अच मय इन वरिद्ध पाप माळतान. 19 येन नीव जानसालीर कि नीमद मय पवतिर आत्मा अनंद मंदीर आद, जो नीम दा कुरतकु आद अदकि नीमी परमेश्वर उन दी टु सकियाद; अदकि नीव तानव आलच? 20 यतकि परमेश्वर नीमी दाम कोटक कुंडुन, इदुरसाटी तान मय इन दवारा परमेश्वर उन महिमा माळी.

## 7

मदा से संबंधति प्रश्न

1 आ मातगोळ वारा दा जो नीव लखिसीर,

ईद वळ्लीद आद कि गंळस आरत इक मुठबाळुल. 2 लेकीन व्यभचार इन अंजक देल हर ऊंद गंळस उन हगिस, अदकि हर ऊंद आरत इन गांडु ईरूल. 3 गांडु तान हगिस उन हक्क पुरा माळुल; अदकि हांग अच हगिस भी तान गांडु उन हक्क पुरा माळुल. 4 हगिस उक तान मय मा अधिकार हैलेच लेकीन आकनि गांडु उन अधिकार आद; हांग अच गांडु उक भी तान मय मा अधिकार हैलेच, लेकीन हगिस उन आद. 5 नीव आवुर दावुी ई अधिकार देल वंचति माळवाळी, लेकीन सर्फि आपसी सहमती देल धवाळासा समय ताका अलगा ईरी कि प्रार्थना अनंद साटी मवका सकिकुल, अदकि बाक ऊंद सांगुळ आगेगी, ईदारा हगि आगबाळुल कि नीमद असंयम इन कारण भूत नीमद परीक्षा ताकोमुल.

6 लेकीन ना इजाजत इन रूप दा ईद अनतीन, आदेश इन रूप दा ईला. 7 ना ईद चाहासतीन कहियांग ना आईन, हांग अच सपपा मंळसा ईरूल; लेकीन हर ऊंद मंळसा अक परमेश्वर उन दी टु वशिष वशिष वरदान सकियाव; यारीकारा यातोदारा प्रकार इन, अदकि यारीकारा यातोदारा अलगा प्रकार इन.

8 ईंग ना कुवारा अदकि रांड्यागीतेर वारा दा अनतीन कि आंदुर साटी हगि अच ईरोद वळ्लीद आद, ह्यांग ना आईन. 9 लेकीन अगर आंदुर संयम ईट सकालुर, रा मदा माळुल; यतकि मन दा गलत बचार माळदुर देल मदा माळीद भला आद.

10 थारद मदा आगेग्याद, आंदरी ना ईला, बलकी प्रभु आग्या कोळतान कि हगिस तान गांडुन से अलगा आगबाळुल. 11 अदकि अगर अलगा भी आदार, रा दुसरा मदा माळबाळुल हांगा ईरूल; या तान गांडु उन से बाक मेल माळ कोमुल, अदकि ना गांडु तान हगिस उक बळिबाळुल.

12 दुसरा से प्रभु ईला लेकीन ना अच अनतीन, अगर यावारा वारट्ट उन हगिस वशिषास ईला ईटतीदार अदकि आऊन सांगुळ ईत्तुर देल खुश ईतीदार, रा आव आक इक बळिबाळुल. 13 या आरत इन गांडु अवशिवासी ईतीदान, अदकि आकनि सांगुळ ईत्तुर देल खुश ईरूल; रा आक तान गांडु उक बळिबाळुल. 14 यतकि हगि गांडु जो अवशिवासी ईतीदान, आव हगिस उन कारण पवतिर ठहरूसतान; अदकि हगि हगिस जो वशिषास ईला ईटतीदार, गांडु उन कारण पवतिर ठहरूसतार; ईदारा नीमव चकिोर-चळिगेर अशुधद ईरायदुर, लेकीन ईंग रा पवतिर आर. 15 लेकीन जो गंळस अवशिषास ईतीदान, अगर आव अलगा आदान रा अलगा आगगोळी, हगि दशा दा याऊ वारट्ट या आकतींग बंधन दा ईला. परमेश्वर नामी मेल मलिप माळोर साटी कारसयान. 16 यतकि हे आरत, नी येन जानसत्त्या कि नी तान गांडु उन उद्धार माळसुस कोंड्या? अदकि हे गंळसा, नी येन जानसत्त्या कि नी तान हगिस उन उद्धार माळसुस कोंड्या?

परमेश्वर ह्यांग कारूतान अदुर अनुसार नळी

17 ह्यांग प्रभु हर ऊंद मंळसा अक जीवन कोट्टुन, अदकि ह्यांग परमेश्वर हर ऊंद मंळसा अक कारदुन, हांग अच आव नळ्ळु. ना सप्पा मंडलीगोळ दा हगि अच कलसतीन. 18 येन यावारा खतना अन्द दशा दा कारूकु आग्यान, अदकि परमेश्वर ह्यांग यारी कारस्यान, आव खतनारहति बनसबाळुल. जो खतनारहति दशा दा कारूकु आग्यान? आव खतना माळवाळुल? 19 ना खतना येनु आद अदकि ना खतनारहति, लेकीन परमेश्वर उन आग्यागोळ अनुसार नळोद सप्पा येनारा आद. 20 हर ऊंद मंळसा या दशा दा परमेश्वर कारदान, आव अदा दशा दा ईरुल. 21 अगर नी दास उन दशा दा कारूकु आगीदया रा चनिता माळवाळ; लेकीन अगर नी आजाद आगोद चाहासत्या, रा हगि अच क्यालसा माळ. 22 यतकि जो दास उन दशा दा प्रभु दा कारूकु आग्यान, आव प्रभु उन स्वतत्तर माळकु जन हुन. हांग अच जो स्वतत्तरता अन्द दशा दा कारूकु आग्यान, आव मसीह अन्द दास हुन. 23 नीमी परमेश्वर दाम कोटकु कोडुन; मंळसागोळद दास बनसबाळी. 24 हे वारटुरा अदकि आकतीगेरा, जो यावारा या दशा दा कारूकु आग्यान, आव परमेश्वर उन मुंद ईरुल.

बनिा मदावळत अदकि रांड्यागीतेर

25 कुवारा पोरगोळ बारा दा प्रभु उन यातोदु आग्या नानी सकिकीदील, लेकीन वशिवासयोग्य आगोर साटी ह्यांग दया प्रभु नान मा माळदुन, ना अदुरा अनुसार सम्मति कोळतीन.

26 नांद समझ दा ईद वळ्लीद आद कि ईद नाळ क्लेश इन कारण, मंळसा ह्यांग आन हांग अच ईरुल. 27 अगर नीन हगिस आर, रा आकनि से अलग आगोद प्रयास माळवाळ; अदकि अगर नीन हगिस ईलच, रा हगिस उन खोज माळवाळ. 28 लेकीन अगर नी मदा भी माळया रा पाप माळाल. अदकि अगर कुवारा पोर मदा माळुल, रा आक पाप माळालुर. तरी भी मदा माळतार आंदरी ई जीवन दा शारीरकि दुख आदीत, अदकि ना नीमी ऊळसोद चाहासतीन.

29 हे वारटुरा अदकि आकतीगेरा, ना ईद अनतीन कि समय कम माळकु आग्याद, इदुरसाटी ईंग टु यार हगिस आर आंदुर हगि ईरी मान्सी कि आंदुरद हगिस ईलच; 30 अदकि वरला वाळेर हगि ईरुल मान्सी वरलालुर, अदकि खुशी माळावाळेर हगि ईरुल मान्सी खुशी माळालुर. अदकि जो पैस्या कोटकु कोमावाळेर आर आंदुर हगि ईरुल मान्सी आंदुर हात्ती येनु हईच ईलच. 31 अदकि ई दुनिया अन सांगुळ व्यवहार माळावाळेर हगि ईरुल, मान्सी कि आंदुर आ व्यवहार होचकु हेल्लेच; यतकी ई दुनिया अन रीति अदकि व्यवहार खतम आगेगताव.

32 लेकीन ना ईद चाहासतीन कि नीमी चिता आगवाळुल. बनिा मदावाळा गंळस प्रभु उन मातगोळद चिता दा इरतान कि प्रभु उक ह्यांग खुश ईटुल. 33 लेकीन मदावाळा मंळसा दुनिया अन मातगोळद चनिता दा इरतान कि तान हगिस उक याता रीत दिल खुश ईटुल. 34 मदावळत अदकि बनिा मदावळत पोर दा भी भेद आद: बनिा मदावळत पोर प्रभु उन चनिता दा ईरतार कि आक मय अदकि आत्मा येदुदु दा पवतिर ईरुल, लेकीन मदावळत दुनिया अन चनिता दा ईरतार कितान गांडड उक खुश ईटुल.

35 ना ईद मात नीमदा लाभ साटी अनतीन, ना कि नीम मा बंधन हचोर साटी, बलकी इदुरसाटी कि ह्यांग शोभा कोळतद हांग अच माळ पायजे, कि नीव ऊंद मगज आगकु प्रभु उन स्यावा दा हतकु ईरी.

36 या सगाई माळत जवाळा मदा ईला माळोद नरिणय ताकोडाद, लेकीन अगर आ मंळसा अक हततद, कि आऊन व्यवहार आ कुवारा पोर इन प्रती वळ्लीद हेल्लेच, अदकि आऊन भावनागोळ हापाळ मजबूत आव अदकि आऊक हततद, कि आंदरी मदा माळकोम पायजे, रा आंदरी जरूर मदा माळ पायजे ह्यांग आव चाहासतान, ईदुर दा येनु पाप हेल्लेच. 37 लेकीन याव ईद मामला अक तान दमािक दा तय माळदुन, जो यातोदारा भी मजबुगी अन हात्ती हेल्लेच, लेकीन तान इच्छा मा कावु ईटतान, अदकि याव कुवारा पोर इन से मदा ईला माळोद तान मन माळ कोडांन, आव मंळसा भी वळ्लीद माळतान. 38 जो मदा माळतान, आव वळ्लीद माळतान, अदकि जो मदा माळालुन, आव मात्त अदकि भी वळ्लीद माळतान.

39 यागासताका यातारा आरत इन गांडड जतिता इरतान, आगासताका आ आरत आऊन बंधन दा ईरतार; लेकीन अगर आकनि गांडड सोतोदान रा यारी चाहस्यार आऊन से मदा माळ सकतार, लेकीन प्रभु दा पश्चिवासी ईर पायजे. 40 लेकीन अगर आक बनिा मदा माळदुर देल ईरुल, रा नान वचिार दा अदकि भी धन्य आर; अदकि ना सम्सतीन कि परमेश्वर उन आत्मा नान दा भी आद.

## 8

मूर्तगोळी येरसकु आगोद आमली काण्णा

1 ईंग मूर्तगोळद मुंद बली माळद भोजन वस्तुगोळद बारा दा नाव जानसतेव कि नाव सप्पा मुंदरी ग्यान आद. ग्यान धमण्ड पैदा माळतद, लेकीन प्यार देल उनती आगतद. 2 अगर यावारा समसुल कि ना येनारा जानसतीन, रा ह्यांग जानसोद पायजे हांगा ईंग ताका जानसालुन. 3 लेकीन अगर यावारा परमेश्वर से प्यार ईटतान, रा परमेश्वर आऊक अरूतान.

4 इदुरसाटी मूर्तीगोळद मुंद बली माळद वस्तुगोळद तनिाद बारा दा नाव जानसतेव कि मूर्त इन दुनिया दा येनु अस्ततिव ईलच, अदकि आऊक बटिकु याऊ परमेश्वर ईलच. 5 इदुरसाटी आकाश दा अदकि पृथ्वी मा हापाळ सा "दयाव" कहलुसतार. ह्यांग कि हापाळ सा दयाव अदकि हापाळ सा "प्रभु" आर. 6 तौभी नाम साटी रा ऊंद अच परमेश्वर आन: मतलब आप्प याऊन दी टु सप्पा वस्तुगोळ माळकु आग्याव, अदकि नाव आऊन साटी आयेव. अदकि आव ऊंद अच प्रभु आन, मतलब यीशु मसीह याऊन द्वारा सप्पा वस्तुगोळ माळकु आव, अदकि नाव भी आऊन द्वारा माळकु आगेव.

7 लेकीन सप्पा मंळसागोळी ईद ग्यान ईलच, लेकीन येनारा लॉकुर ईग ताका मूर्तइन संपर्क दा ईत्तुर कारण ईग ताका बली कोळद वस्तु अक हगि तनितार मानसी खराखुरा मूर्तइन मुंद बली माळकु आग्याद, अदकि आऊन वविक नरिबल आगोद कारण अशुध्द आगेगतान. 8 ऊमोद नामी परमेश्वर उन हात्ती पहचुसालुद. अगर नाव तनितीदील रा नाम्द येनु हानि ईलच, अदकि अगर तनिदेव रा येनु लाभ ईलच.

9 लेकीन सावधान! हगि आगबाळल क नीमद ईद आजादी ईदारा नरिबलगोळ साटी ठोकर इन कारण आगेगुल. 10 अगर यावारा मंळसा नीन घाई ग्यानी इक मूर्तइन मंदरि दा ऊमतेला नोळयान अदकि आव नरिबल जन आगुल रा येन इदुर देल आऊन वविक इक मूर्तइन मुंद बली माळद वस्तु तनिद हम्मिमत आगतीदील. 11 ई रीत दिेल अपमान ग्यान इन कारण आव नरिबल वार्ट यारद साटी मसीह सोत्तुन, नाश आगेदान. 12 ई प्रकार वार्टगोळ वरिद्ध अपराध माळदुर देल अदकि आदुरद नरिबल मन इक दुख पोहचुसदुर देल, नीव मसीह अन्द वरिद्ध अपराध माळतीर. 13 ई कारण अगर ऊमोद नान वार्ट उक ठोकर तनिसीत, रा ना यागलु यातारा रीतदिल मांदरा तनितीदील, ना आगुल क ना तान वार्ट उन साटी ठोकर इन कारण बनसाईन.

## 9

प्रेरतिगोळद अधिकार अदकि कर्तव्य

1 येन ना आजाद हल्लेच? येन ना भी प्रेरति आल्लच? येन ना यीशु उक जो नामव प्रभु हुन, नोळीदील? येन नीव प्रभु दा नांद मेहनत इन प्रतफिल आल्लच. 2 अगर ना दुसरा अन्द साटी प्रेरति आल्लच, तरी भी नीम साटी रा हुईन; यतकी ना परमेश्वर उन क्यालसा माळदीन, नीम प्रभु दा एकता अच नान प्रेरति आगेद प्रमाण आद.

3 जो नानी जांच तार, आंदुर साटी ईदा नांद उत्तर आद. 4 येन नामी कमाई माळकु तनिद कुडोद अधिकार ईलच? 5 येन नामी ईद अधिकार ईलच, क यातारा मसीह आकतींग इन सांगुळ मदा माळकु आक इक हुळकु टेटेव, ह्यांग दुसरा प्रेरति अदकि प्रभु उन वार्ट अदकि कैफा माळतार? 6 या सरिफ नानी अदकि बरनबास उक अच कमाई माळकु तनिद अधिकार ईलच. 7 हगि याव आन जो तांद अच खर्च मा सेना दा स्यावा माळतान? याव आन जो अंगुर इन केई हचकु अदुरद काय तनिलुन? हगि याव आन जो म्यांडागोळद रखावली माळकु अऊरद हाल कुडालुन?

8 येन ना ईव मातगोळ मंळसागोळद अच रीतमा अनतीन? यतकी व्यवस्था अन्द कतिब दा ईदा मात लखिसकु आद. 9 येन व्यवस्था ईद अनालद? यतकी मूसा अन्द व्यवस्था दा लखिसकु आद, “दावन दा नळुतेला वस्तु अन्द बाय कट बाळतीर.” येन परमेश्वर वस्तुगोळद अच चनिता माळतान? 10 या वशिष माळकु नाम साटी अनतान. हा नाम साटी अच लखिसकु आग्याद, यतकी उचित आद क नांगर नळसावाळा आशा देल केई नळसुल, अदकि दावन कोळावाळा फसल सकिकोद आशा देल दावनी माळल. 11 येग नाव नीमद साटी आत्मिक मातगोळ बोऊसदेव, अदकि अगर नाव आ शारीरिक वस्तुगोळद फसल कडुतेव, रा येन अद धोळद मात आद. 12 अगर नीम मा दुसरा लॉकुर अधिकार जतुसतार, रा येन नाम्द नीम मा यककुल अधिकार हल्लेच?

तरी भी नाव ई अधिकार इन इस्तेमाल माळीदलि, लेकीन नाव सब येनारा सहन माळतेव क नाम्द द्वारा मसीह अन खुशखबरी दा अळचन बरबाळल. 13 येन नीव जानसालीर क जो मंदरि दा स्यावा माळतार, आंदुर मंदरि दा टु तनितार; अदकि जो वेदी इन स्यावा माळतार, आंदुर वेद इन भेट इन सहभागी आगता? 14 ईदा रीतदिल प्रभु भी ठहरसदुन क जो लॉकुर खुशखबरी केळसतार, आंदुर जीविका खुशखबरी देल आगुल.

15 लेकीन ना इदुर दा टु यातोदारा भी मात इक क्यालसा दा तंददील, अदकि ना ईव मातगोळ इदुरसाटी लखिसीदलि क नांद साटी हगि माळल, यतकी इदुर देल रा नांद सायोद अच भला आद क यावारा नांद घमण्ड इक बेकार ठहरसूल. 16 अगर ना खुशखबरी केळसाईन, रा नांद साटी येनु घमण्ड इन मात आलच; यतकी ईद रा नांद साटी जरूरी आद. अगर ना खुशखबरी ईला केळसाईन, रा नान मा हाय! 17 यतकी अगर तान इच्छा देल ईद माळतीन रा मजदूरी नानी सकितद, अदकि अगर तान इच्छा देल माळालीन तरी भी परमेश्वर नानी ईद सौपसदुन अदकि ईदा नांद कर्तव्य हुन. 18 रा नांद मजदूरी येन हुन? ईद क याग ना खुशखबरी प्रचार माळाईन रा अदरी फुटक दा माळाईन, अदकि खुशखबरी दा जो नान अधिकार आद अदरी पुरा रीतदिल उपयोग दा ईला तराईन.

19 यतकी ना मंळसागोळ से आजाद आईन तरी भी ना तान तान इक सप्पा मुदुरद दास माळ कोडीन क हापाळ लॉकुर परमेश्वर उन राज्य दा तर सकुल. 20 ना यहूदीगोळ साटी यहूदी आदीन क यहूदीगोळी परमेश्वर उन राज्य दा तर सकुल. जो लॉकुर मूसा अन्द व्यवस्था अन्द हात्ती आर आंदुर साटी ना व्यवस्था अन्द हात्ती ईला आगदुर मा भी व्यवस्था अन्द हात्ती आदीन क आंदरी जो व्यवस्था अन्द हात्ती आर, आंदरी भी परमेश्वर उन राज्य दा तर सकुल. 21 जो व्यवस्थाारहति आर आंदुर साटी ना यीशु मसीह जो परमेश्वर उन व्यवस्था देल रहति आईन, व्यवस्थाारहति-सा आगेदीन क जो व्यवस्थाारहति आर आंदरी भी परमेश्वर उन राज्य दा तर सकुल. 22 ना नरिबलगोळ साटी नरिबल सा आगेदीन क नरिबलगोळी जकिसकु तराईन. ना सब मंळसागोळ साटी सब येनारा वनसदीन क यातोद ना यातोद रीतदिल यावारा ऊंद मंळसा अन्द उदधार माळसुसाईन.

23 ना ईद सब येनारा खुशखबरी इन साटी माळतीन क दुसरा अन्द सांगुळ अदुरद भागी आगेगाईन. 24 येन नीव जानसालीर क दिवळ दा रा सप्पा अच वोळतार, लेकीन ईनाम ऊंदा मंळसा वोयतान? नीव भी ई प्रकार देल वोळी क नीव जीत्स सकी. 25 आळोद प्रतयोगिता दा भाग ताकोमावाळा हर ऊंद खलाळी सप्पा प्रकार इन संयम ईटतान. आव रा नाश आगेद हार इन प्राप्ती इन साटी ईद सप्पा येनारा माळतार, लेकीन नाव रा आ मुकुट साटी माळतेव

जो मूरुझसाल. 26 इदुरसाटी ना रा ईदा रीत देल हर्तीन, लेकीन लक्ष्मणीन ईलच; ना भी ईदा रीत देल बुक्की देल आळतीन, लेकीन अदुर घाई ईला जो हवा पीटसतेला आळतान. 27 लेकीन ना तान मय इक बडुतीन कूटतीन अदकि वश दा तरतीन, यागल्यारा हांगि ना आगवाळुल क दिसरा अक प्चार माळकु ना खुद अच यातोदारा रीत देल नकिम्मा ठहूसईन.

## 10

इस्त्राएल इन इतहास देल चेतावनी

1 हे वारटुरा अदकि आकतींगेरा, ना चाहसालीन क नीव ई मात देल अनजान ईरी क नाम सप्पा आपपुर मृतीगोळ बादल इन लयालमा ईरोर, अदकि सप्पा च्या सप्पा समुद्र अनद न्याइया टु आपपाटी होटोदुर; 2 अदकि सप्पा मुंदुर बादल दा अदकि समुद्र दा, मूसा अनद वपतसिमा ताकोडुर; 3 अदकि सप्पा मुंदुर ऊंद अच आत्मकि भोजन माळदुर; 4 अदकि सप्पा मुंदुर ऊंद अच आत्मकि नीर कूळदुर, यतकी आंदुर आ आत्मकि चटटान देल कुडोर जो आंदुर सांगूळ-सांगूळ नळोद, अदकि अद चटटान मसीह ईरोन. 5 लेकीन परमेश्वर आंदुर दा टु हापाळ सा मंळसागोळ देल खुश आगीदील, इदुरसाटी आंदुर आळी दा सोतकु ढेर आगेदुर.

6 ई मातगोळ नाम साटी उदाहरण ठहूसदव, क हियांग आंदुर लालच माळदुर, हांग नाव बेकार वस्तुगोळ देल लालच माळतीदील; 7 अदकि मूर्ति इन पुजा माळावाळेर आगवाळी जसा क आंदुर दा टु यास मुंदुर आगगीदुर, हयांग शास्त्र दा लखिसकु आद, “लॉकर तनिली-कुडुली कुरतुर, अदकि बाददा आवुर दाबुर सांगूळ कुकुरम माळली कुरतुर.” 8 अदकि नाव वयभचार माळालेव, हयांग आंदुर दा टु यास मुंदुर माळदुर; अदकि ऊंद दनि दा तेवीस हजार मंळसागोळ सोतोदुर. 9 नामी प्रभु यीशु मसीह अक परीक्षा दा हाककोद हेलिच, हयांग आंदुर दा टु यास मुंदुर माळदुर, जसा क आंदुर दा टु थवाळासा मुंदुर हांगि माळीदुर अदकि आंदुर हावगोळ द्वारा नाश माळकु आदुर. 10 अदकि नीव कुळकुळुस बाळतीर, या रीत देल आंदुर दा टु यास कुळकुळुसदुर अदकि स्वर्गादूत उन द्वारा नाश माळकु आदुर.

11 लेकीन ई सप्पा मातगोळ, जो आंदुर मा घळुसदव, उदाहरण इन रीत मा ईरव; अदकि आंदुर नाम चेतावनी इन साटी जो दुनयिया अन आखरी समय दा ईरतार लखिसकु आगीदव.

12 इदुरसाटी जो समस्तान, “ना स्थरि आईन,” आव सावधान ईरूल क येल्यारा बळिबाळुल. 13 नीव यातोदारा हांग परीक्षा दा बळिबाळी, जो मंळसागोळ देल सहन इन व्हारया आद. परमेश्वर खरा आन अदकि आव नीमी सामर्थ्य देल व्हारया परीक्षा दा बळिगोळालुन, बलकी परीक्षा अनद सांगूळ ऊळसोद आपय भी माळयान क नीव अदरी सहन माळ सककीर.

14 ई कारण, हे पर्यि नान वारटुरा अदकि आकतींगेरा, मूर्तपुजा देल ऊळकु ईरी. 15 ना नीमी बुद्धिमान जानसकु नीम से अनतीन: जो ना अनतीन, अदरी नीव परखुसी. 16 जो प्याला प्रभु भोज दा उपयोग माळतार यदुर दा टु नाव कुडुतेव प्रभु उन धन्यवाद माळतेव; अद रोटी यदरी नाव मूरतेव, येन अद मसीह अनद मय इन सहभागी ईलच? 17 इदुरसाटी क ऊंद अच रोटी आद रा नाव भी जो हापाळ आयेव, ऊंद शरीर आयेव: यतकी नाव सब अदा ऊंद रोटी दा भागीदार आगतेव.

18 जो इस्त्राएली आर, आंदरी नोळी: येन बलदान इन तनिवाळेर परमेश्वर उन वेदी इन सहभागी ईलच? 19 नांद अनोद मतलव येन आद? येन ईद क मूर्तीगोळ देल मुंद बली येरसद वस्तु येनारा दुसरा आद, या मूर्त यिनारा दुसरा आद? 20 ईला, पर ना ईद अनतीन क प्रभु उक ईला जानसावाळेर लॉकर जो बलदान माळतार; आंदुर परमेश्वर उन साटी ईला लेकीन दुष्टआत्मागोळ साटी बलदान माळतार अदकि ना चाहसालीन क नीव दुष्टआत्मागोळ देल सहभागी आगी. 21 नीव प्रभु उन प्याला अदकि दुष्टआत्मागोळ देल प्याला येदुदु दा टु कुडू सकालीर. नीव प्रभु उन मेज अदकि दुष्टआत्मागोळ देल मेज येदुदु मुंदुर सहभागी आग सकालीर. 22 येन नाव प्रभु उक सटिट तरसुसोद चाहसतेव? येन नाव आऊन से ताकतवर आयेव?

23 येनारा लॉकर अनतार, सप्पा वस्तुगोळ देल उपयोग माळोद नान साटी उचित आद, लेकीन सप्पा फायदा अनद ईलच: लेकीन दुसरा लॉकर अनतार, “सप्पा वस्तुगोळ नांद साटी सही रा आव.” लेकीन सप्पा वस्तुगोळ देल उन्नती ईलच. 24 याऊ तान हति इन चनिता माळबाळुल लेकीन दुसरा अनद हति इन चनिता माळुल.

25 जो माँदरा कसाई सात्ता दा मारतान, अदरी तनि, अदकि वविक इन कारण येनु केळबाळी? क नीमद मन नीमी मन इन मन दा अच तनिबाळुल. 26 यतकी पवतिरशास्त्र अनतद, पृथ्वी अदकि जो येनारा अदुर दा आद सप्पा प्रभु उन हुन.

27 अगर अवशिवासीगोळ दा टु यावारा नीमी बावसया कोळुल, अदकि नीव होगोद चाहासीर, रा जो येनारा नीमद मुंद ईटकु आगुल अदा तनि; अदकि मन इन कारण येनु केळबाळी. 28 लेकीन अगर यावारा नीम से अनुल, “ईद रा मूर्त इक बली माळ देल वस्तु हुन,” रा आवा हेळावाळा अनद कारण अदकि मन इन कारण तनिबाळी. 29 नान मतलव नीम मन से हेलिच लेकीन आ दुसरा मंळसा अनद मन देल आद.

“भला नांद,” आजादी आ दुसरा अनद मन देल येती परखुसकु आदीत. 30 अगर ना परमेश्वर उक धन्यवाद माळकु सहभागी आगतीन, रा यार मा ना धन्यवाद माळतीन आऊन कारण नान बदनामी येती आगतद?

31 इदुरसाटी नीव चाहे तनि, चाहे कुडी, चाहे जो येनारा माळी, सप्पा येनारा परमेश्वर उन महिमा अनद साटी माळी. 32 नीव ना यहूदीगोळ, ना गेरयहूदीगोळ, अदकि ना परमेश्वर उन मंडली अनद साटी टोकर इन कारण बनसी.

33 ह्यांग ना भी सप्पा मातगोळ दा सप्पा मुंदुरी खुश ईटतीन, अदकि तान ईला लेकीन हापाळ मुंदुरद फायदा दुंदूसतीन क्कि आंदरी उद्धार सकिल.

## 11

1 १० ह्यांग ना मसीह अनूद अनुकरण माळतीन, हांग अच नीव भी नांद अनुकरण माळी.

आराधना दा तालला होचचोद

2 हे वारटुरा अदकि आकतींगेरा, ना नीमद बळाई माळतीन क्कि सप्पा मातगोळ दा नीव नानी याद माळतीर; अदकि जो शक्किषागोळ इक ना नीमी सौपसदीन, अदुरद पालन माळतीर. 3 लेकीन ना चाहासतीन क्कि नीव ईद जान्स कोमी क्कि हर ऊंद गळस उन ताल्ला मसीह हुन, अदकि आर्त इन ताल्ला गळस हुन, अदकि मसीह अनूद ताल्ला परमेश्वर हुन. 4 जो गळस ताल्ला होचकु प्रार्थना या परमेश्वर उन दी टु बातणी कोळतान, आव तान ताल्ला अनूद अपमान माळतान. 5 लेकीन जो आर्त ताल्ला तेरूकु प्रार्थना या परमेश्वर उन दी टु बातणी कोळतार, आक तान ताल्ला अनूद अपमान माळतार, यतकी आक हगि आर्त इन घाई आर आकनि ताल्ला मुंडन माळकु आग्याद. 6 अगर आर्त ओदनी देल शेरग्या हाकालुर रा चुट्टी भी कळद बुळुल; अगर आर्त इन साटी चुट्टी कळसुसोद या मुंडन माळसुसोद शरम इन मात आद, रा ओदनी देल शेरग्या हाकुल. 7 हा, गळस उक तान ताल्ला होचचोद बराबर ईलच, यतकी आव परमेश्वर उन स्वरूप अदकि महमा हुन; लेकीन आर्त रा गळस उन महमा हळ. 8 यतकी गळस आर्तेर देल आगीदील, लेकीन आर्त गळस देल आग्यार; 9 अदकि गळस आर्त इन साटी माळकु आगीदील, लेकीन आर्त गळस उन साटी माळकु आग्यार. 10 ई कारण अदकि स्वरगदूतगोळद कारण आर्त इक जर्री आद क्कि अधकिर इन चनिह समसकु तान ताल्ला मा ईटुल. 11 तरी भी, प्रभु दा एकता अनूद कारण, आर्त बनिन गळस उन अलग ईलच अदकि गळस उन बनि आर्त अलग ईलच. 12 यतकी ह्यांग आर्त गळस देल आर, हांग अच गळस आर्त इन द्वारा जनम ताकोमतान; लेकीन सप्पा वस्तुगोळ परमेश्वर उन द्वारा बंदाद.

13 नीव खुद अच बचिर माळी, येन आर्त इक बनि शेरग्या देल परमेश्वर से प्रार्थना माळोद शोभा कोळतद? 14 येन स्वाभाविक रीत देल भी नीव जानसालीर क्कि अगर गळस ऊदद चुट्टी ईटुल, रा आऊन साटी अपमान आद. 15 लेकीन अगर आर्त ऊदद चुट्टी ईरूल रा आक इक शोभा कोळतद यतकी चुट्टी आक इक शेरग्या हाक्कोर साटी कोटकु आग्याव. 16 लेकीन अगर यावरा झगळा माळोद चाहस्यान, रा ईद जान्स कोमुल क्कि ना नामद अदकि ना परमेश्वर उन मंडलीगोळद हगि रीत आद.

प्रभु भोज इन वारा दा

(मत्ती २६:२६-२९; मरकुस १४:२२-२५; लूका २२:१४-२०)

17 याग नीव परमेश्वर उन आराधना माळोर साटी जमा आगतीर. रा ईद आग्या कोळतेला ना नीमद ईज्जत माळालीन, इदुरसाटी क्कि नीम जमा आगदुर देल भलाई आगालद, लेकीन नुसक्यान आगतद. 18 यतकी पयला रा ना ईद केळतीन, क्कि याग नीव मंडली दा जमा आगतीर रा नीम दा फूट बळितद, अदकि ना ईदुर मा थवाळा-थवाळा वशिवास भी माळतीन. 19 यतकी गुटबनदी भी नीम दा जर्री ईतीदाद, इदुरसाटी क्कि जो लांकरु नीम दा सही आर आंदुर परगट आगेगुल. 20 इदुरसाटी नीव जो ऊंद जागा दा जमा आगतीर रा ईदुर मतलब प्रभु-भोज तनिर साटी आल्लच, 21 यतकी तनिोद समय ऊंद मळसा दुसरा मळसा से पयला तान भोज तनि कोमतान, ई प्रकार यावारा रा हस्तकु ईतान अदकि यावारा मस्त आगेगतान. 22 येन तनिोद-कुडोद साटी नीमद मान्ना हेल्लेच? या परमेश्वर उन मंडली अक तुच्छ जानसतीर, अदकि यावरा हात्ती हेल्लेच आंदरी शरमदा माळतीर? ना नीम से येन अनाईन? येन ई मात दा नीमद प्रशंसा माळाईन? ईला, ना प्रशंसा माळालीन.

23 यतकी ईद शक्किषा नानी जो प्रभु दी टु सकित, अदकि ना नीम दी भी पहचुस वुटीन क्कि प्रभु यीशु या ईळलक आव हळसुसकु आगीदुन, रोट्टी ताकोडुन, 24 अदकि परमेश्वर उन धन्यवाद माळकु अदरी मुरदुन अदकि अंदुन, "ईद नान शरीर हुन, जो नीम साटी कोटकु आग्याद: नांद याद साटी ईदा माळतेला ईरी." 25 ईदा रीत देल आव कटोरा भी हळुदुन अदकि अंदुन, "ईद कटोरा नांद खुन दा वहाशोद वादा हुन: जब यागल्यारा कुडी, रा नांद याद साटी ईदा माळतेला ईरी."

26 यतकी जब यागलु नीव ईद रोट्टी तीनतीर अदकि ई कटोरा दा टु कुडुतीर, रा प्रभु उन मृत्यु इक यागासताका आव बरालुन, प्रचार माळतेला ईरी. 27 इदुरसाटी जो यावारा अनुचति रीत देल प्रभु उन रोट्टी तनिल या आऊन कटोरा दा टु कुडुल, आव प्रभु उन मय अदकि खुन उन पापी ठहूरस्यान. 28 इदुरसाटी मळसा तान तान इक जाँच कोमुल अदकि ईदा रीत देल ई रोट्टी दा टु तनिल, अदकि ई कटोरा दा टु कुडुन. 29 यतकी जो तनिोद-कुडोद समय प्रभु उन मय इक अरालुन, आव ई तनिोद अदकि कुडोर देल तान म्याकूच दण्ड तरतान. 30 ईदा कारण नीम दा हापाळ सा नरिबल अदकि रोगी आर, अदकि हापाळ सा सोतोग्यार. 31 अगर नाव तान तान इक जाँचायदेव रा दण्ड ईला सकाईत. 32 लेकीन प्रभु नामी दण्ड कोटकु नामद न्याय माळतान, इदुरसाटी क्कि नाव दुनयिा अन सांगुळ दोषी ईला ठहूरसुन.

33 इदुरसाटी, हे नांद वारटुरा अदकि आकतींगेरा, याग नीव प्रभु भोज तनिर साटी जमा आगतीर रा आवुर दावुर साटी थाम्सी. 34 अगर यावारा हस्तकु ईरूल रा तान मान्या तनिल, यदुर देल नीमद जमा आगोद दण्ड इन कारण आगबाळुल. मकिदव मातगोळी ना बंदकु वळलीद माळाईन.

## 12

आत्मिक वरदान

1 हे वार्दुरा अदकि आकतीगोरा, ना चाहसालीन क नीव पवतिर आत्मा अन्द वरदानगोळ बारा दा अनजान ईरी. 2 नीव जानसतीर क याग नीव खरा परमेश्वर उक अरालीर, हापाळ मुक्का मूरतीगोळद पुजा माळकु अदकि अवरी मानसोर अदकि अऊर हदि नळोर. 3 इदुरसाटी ना नीमी चेतावनी कोळतीन क जिो यावारा परमेश्वर उन आत्मा अन्द अगुवाई देल माताळतान, आव अनालुन क यीशु स्रापति आन; अदकि ना यावारा पवतिर आत्मा अन बनिा अन सकतान क यीशु प्रभु आन.

4 वरदान रा हापाळ प्रकार इन आव, लेकीन पवतिर आत्मा ऊंद अच आद; 5 अदकि स्यावा भी हापाळ प्रकार इन आव, लेकीन प्रभु ऊंद अच आन; 6 अदकि प्रभावशाली क्यालसा हापाळ प्रकार ईनव आव, लेकीन परमेश्वर ऊंद अच आन, जो सब दा हर प्रकार इन प्रभाव पैदा माळतान. 7 लेकीन सप्पा मुंदरी लाभ पहचुसोर साटी हर ऊंद इक परमेश्वर उन पवतिर आत्मा अन प्रगट आगोद. 8 यतकी ऊंद अक आत्मा अन्द द्वारा बुद्धी इन मातगोळ कोटकु आगतव, अदकि दुसरा अक अदा आत्मा अन्द अनुसार ग्यान इन मातगोळ. 9 यावारा अक अदा आत्मा देल वशिवास, अदकि यावारा अक अदा ऊंद आत्मा देल चंगा माळोद वरदान कोटकु आगतद. 10 बाक यावारा अक सामर्थ्य अन्द क्यालसा माळोद शक्ति, अदकि यावारा अक परमेश्वर उन वचन कोळोद दान कोटदुन, अदकि यावारा अक परमेश्वर उन आत्मा अन्द दान इक परखुशोर साटी, अदकि यावारा अक अनेक प्रकार इन भाषा माताळोर साटी, अदकि यारीकारा अग्यात भाषागोळद अर्थ हेळोर साटी. 11 लेकीन ईव सप्पा प्रभावशाली क्यालसा अदा ऊंद अच परमेश्वर उन पवतिर आत्मा माळसुसतद, अदकि यारी जो चाहासतान अद वाट्स कोमतान.

मय ऊंद: अंग हापाळ

12 यतकी या प्रकार शरीर रा ऊंद आद अदकि अदुरव अंग हापाळ सा आव, अदकि आ ऊंद शरीर इन सप्पा अंग हापाळ आगदुर मा भी सप्पा मलिसकु ऊंद अच शरीर आद, अदा प्रकार मसीह अन्द मय भी आद. 13 यतकी नाव सप्पा मुंदुर येन यहूदी आगुल येन गैरयहूदी, येन दास आगुल येन स्वतंत्र, ऊंद अच आत्मा अन्द द्वारा ऊंद शरीर आगोर साटी बपतसिमा ताकोडेव, अदकि नाव सप्पा मुंदरी ऊंद अच परमेश्वर उन आत्मा कोटकु आग्याद.

14 इदुरसाटी क शरीर दा ऊंद अच अंग ईला लेकीन हापाळ सा आव. 15 अगर काल अनुल, "ना कय आलच, इदुरसाटी शरीर इन आलच," रा येन अद ई कारण शरीर इन आलच? 16 अदकि अगर कवि अनुल, "ना कण्ण आलच, इदुरसाटी शरीर इन आलच," रा येन अद ई कारण शरीर इन आलच? 17 अगर पुरा शरीर कण्ण अच आगाईत रा केळोद यल टु आगाईत? अगर पुरा शरीर कवि अच आगाईत, रा सूँघसोद यल टु आगाईत? 18 लेकीन परमेश्वर अंगगोळी तान इचछा अन्द अनुसार ऊंद ऊंद माळकु मय दा ईट्यान. 19 अगर आंदुर सप्पा ऊंद अच अंग ईरायदुर, रा मय यल ईराईत? 20 लेकीन ईंग अंग रा हापाळ सा आव, लेकीन मय ऊंद अच आद.

21 कण्ण कय देल अन सकालद, "नानी नीद जरवत हैलेच," अदकि ना ताल्ला कालगोळ देल अन सकतद, "नानी नीमद जरवत हैलेच." 22 लेकीन मय इन आ अंग जो दुसरागोळ देल नरिबल हतताव, हापाळ अच जरवत आद; 23 अदकि मय इन या अंगगोळी इक यदरी तोरसोर देल नामी शरम बरतद हंगि अंगगोळी नाव वळलीद तरीका देल मुचतेव. अदरी नाव आदर इन योग्य समसालेव आंदरी अक अच नाव यक्कुल आदर कोळतेव; अदकि नामव जंग अंग अदकि भी हापाळ सुंदर आगोताव. 24 तरी भी नामद सुंदर अंगगोळी इक इदुर जरवत हैलेच. लेकीन परमेश्वर मय इक हंगि माळ कौंडुन क या अंग इक आदर इन कमी ईरोद अदरी का अदकि भी हापाळ आदर सकतद. 25 ताकी मय दा फूट बळि वाळुल, लेकीन अंग इन अवयव आबुर दाबुर बराव चनिता माळुल. 26 इदुरसाटी अगर ऊंद अंग इन हसिसा अक दुख सकतद, रा सब अंगगोळ हसिसा अक अदुर सांगुळ दुख सकिताव; अदकि अगर ऊंद अंग इनव हसिसा अन बळाई आगतद, रा अदुर सांगुळ सब अंग आनन्द माळताव.

27 ई प्रकार नीव सब मलिसकु मसीह इन मय हुईर, अदकि अलग अलग आऊनव अंग हुईर; 28 अदकि परमेश्वर मंडली दा अलग अलग मळसागोळद नविळ माळदुन: पयला प्रेरति, दुसरा भवषियवक्ता; तसिरा गुटु, बाक सामर्थ्य इन क्यालसा माळावाळेर, बाक चंगा माळावाळेर, अदकि उपकार माळावाळेर, अदकि व्यवस्था अन वरदान माळावाळेर, अदकि अग्यात प्रकार इन भाषा माताळावाळेर. 29 येन सब प्रेरति आर? येन सब भवषियवक्ता आर? येन सब शक्ति कोळावाळा गुटु हुन? येन सब सामर्थ्य अन्द क्यालसा माळावाळेर आर? 30 येन सप्पा मुंदरी चंगा माळोद वरदान सकियाद? येन सप्पा मुंदुर अग्यात प्रकार इन भाषा माताळतर? येन सप्पा मुंदुर अग्यात भाषा अन्द अनुवाद माळ सकतार? 31 नीव धोळ से धोळ वरदानगोळद लालसा ईटतीर. लेकीन ना नीमी अदकि भी सब से वळलीद हादी हेळतीन.

## 13

प्यार-सब से वळलीद हादी

1 अगर ना मळसागोळ अदकि स्वर्गदूतगोळद भाषागोळ माताळाईन अदकि प्यार ईटालीन, रा ना ठनठनासकु पीतल इन धोळ घंटी अदकि झनझनासकु झौंझ हुईन. 2 अदकि अगर ना परमेश्वर उन दी टु बरावाळा बातणी इन प्रचार माळ सकाईन, अदकि सब भेदगोळ अदकि सब प्रकार इन ग्यान इक समसाईन, अदकि नानी ईल ताका पुरा



वश्रिवास आगेदीत काना पहाळगोळी सरकूस बुळाईन, लेकीन प्यार ईटालीन, रा ना येनु अच हैलेच. ३ अगर ना तान पुरा धन संपत्ती कंगालगोळी तनिस् बुळाईन, या तान मय होताकोर साटी कोट बुळाईन, अदकि प्यार ईटालीन, रा नानी येनु अच लाभ हैलेच.

४ प्यार धीरजवनत आद, अदकि कृपालु आद; प्यार जलन माळालद; प्यार तान बळाई माळालद, अदकि बायालद, ५ अद अनरीतनळाळद, अद तान भलाई चाहसालद, चळिसालद, प्यार दुसरा अन्द बुरा मातगोळ लेखा ईटालद. ६ अन्याय देल खुश आगालद, लेकीन सच्चाई देल खुश आगतद. ७ आव सप्पा मातगोळ सहन माळतान, सप्पा मातगोळ मा वश्रिवास माळतान, सप्पा मातगोळद आशा ईटतान, सप्पा मातगोळ दा धीरज ईटतान.

८ प्यार यागलु खतम आगालद; परमेश्वर उन दी टु बरावाळा बातणी खतम आगेदव; अग्यात भाषागोळ दा सक्किवावाळा दान आगुल रा होगतेला ईत्तव; ग्यान आगुल, रा मटिसेदाव. ९ यतकी नामद ग्यान अधूरा आद, अदकि परमेश्वर उन दी टु बरावाळा बातणी अधूरा आद; १० लेकीन याग परमेश्वर सप्पा पुरा माळ्यान, रा अधूरा पन मटिसेदवति.

११ याग ना चगिद ईरीन, रा ना चगिदुरगोळ घाई माताळीन, चगिदुरगोळ घाई मन ईरोद, चगिदुर घाई समझ ईरोद; लेकीन याग समझदार आगेदीन रा स्यानपनी नव मातगोळ वटि वुटीन. १२ ईंग नामी आरसा दा धुंधला सा काळसतद, लेकीन आ समय आमने सामने नोळेव; ई समय नांद ग्यान अधूरा आद, लेकीन आ समय हगि पुरा रीर्ता देल अराईन, ह्यांग नानी परमेश्वर अरतुन.

१३ पर ईंग वश्रिवास, आशा, प्यार ईव मूर नाम सांगुळ आव, पर इऊर दा सब से धोळद प्यार आद.

## 14

पवतिर आत्मा अन्द वरदान इन बारा दा यककुल शक्किषागोळ

१ प्यार इन अनुकरण माळोर साटी कोशशि माळी, अदकि आत्मिक वरदानगोळद भी धुन दा ईरी, खास माळकु परमेश्वर उन दी टु बरावाळा बातणी इन दान माळी. २ यतकी जो अग्यात भाषा दा मातगोळ माळतान आव मंळसागोळ से ईला लेकीन परमेश्वर से मातगोळ माळतान; इदुरसाटी क आऊन मातगोळी याऊ समसालुन, यतकी आव भेद इन मातगोळ पवतिर आत्मा अन्द सामर्थ्य दा आगकु माताळतान. ३ लेकीन जो परमेश्वर उन बातणी वाळसतान, आव मंळसागोळ से उन्नती अदकि उपदेश अदकि दलिसा अन्द मातगोळ माताळतान. ४ जो अग्यात भाषा दा मातगोळ माळतान, आव तांद अच उन्नती माळतान; लेकीन जो भवषियवाणी माळतान, आव मंडली अन्द उन्नती माळतान.

५ ना चाहासतीन कानीव सप्पा मंदुर अग्यात भाषागोळ दा मातगोळ माळी लेकीन इदुर से यककुल ईद चाहासतीन कानि परमेश्वर उन दी टु बरावाळा बातणी इन मातगोळ माळी: यतकी अगर अग्यात भाषा माताळावाळा मंडली अन्द उन्नती इन साटी अनुवाद माळबाळुल रा परमेश्वर उन दी टु बरावाळा बातणी अग्यात भाषा टु वाळसकु आद. ६ इदुरसाटी हे वारटुरा अदकि आकतीगेरा, अगर ना नीम हात्ती बंदकु अग्यात भाषागोळ दा मातगोळ माळाईन, रा नान से नीनी येन लाभ आदीत. अदकि ऊजूळ या ग्यान या परमेश्वर उन दी टु बरावाळा बातणी या उपदेश इन मातगोळ माळाईन, रा नीमी यककुल फायदा आदीत,

७ ईदा प्रकार अगर नरिजीव वस्तुगोळ भी यदुर देल आवाज होळतद, जसा कोळल या बीन, अगर अऊरद स्वरगोळ दा भेद ईरतीदील रा जो कोळल ऊयकु या बनि मुरसकु आगतद, आ हाळ इक ह्यांग अरूकु आदीत? ८ अदकि अगर तुरही इन आवाज साफ ईरतीदील, रा याव लळाई इन साटी तयारी माळ्यान? ९ हगि अच नीव भी अगर ल्यालगया देल साफ मातगोळ अनतीदलि, रा जो येनारा अंदकु आगतद अद ह्यांग समसकु आदीत? नीव रा हवा देल मातगोळ हेळावाळेर ठहूसीर. १० दुनया दा यासारा अच प्रकार इन भाषागोळ येती ईला इतदाव, लेकीन अऊर दा टु यातोदारा भी बनि मललब इन ईला ईतीदाद. ११ इदुरसाटी अगर ना यातोदारा भाषा अन्द मललब समसालीन, रा माताळावाळा अन्द नजर दा ना परदेशी ठहूसीर अदकि माताळावाळा नान नजर दा परदेशी ठहूस्यान. १२ इदुरसाटी नीव भी याग आत्मिक वरदानगोळद धुन दा आईर, रा हगि कोशशि माळी कया वरदानगोळ देल मंडली अन्द उन्नती आगतद. आ वरदानगोळद कोशशि माळी.

१३ ई कारण जो अग्यात भाषा माताळुल, आव दान सक्किद साटी प्रार्थना माळुल कानि अदुरद अनुवाद भी माळ सकुल. १४ इदुरसाटी अगर ना अग्यात भाषा दा प्रार्थना माळाईन, रा नान आत्मा प्रार्थना माळतद लेकीन नान दमिक कयाल्सा कोळाल. १५ इदुरसाटी येन माळ पायजे? ना आत्मा देल भी प्रार्थना माळाईन, अदकि दमिक देल भी प्रार्थना माळाईन; ना आत्मा देल भी हाळाईन, अदकि दमिक देल भी हाळाईन. १६ ईलारा अगर नी आत्मा देल अच धन्यवाद माळ्या, रा बाक लॉकरु नीन धन्यवाद मा आमीन अनकु सहमत ह्यांग आदार? यतकी आव रा आरालुन कानि येन अनतया? १७ नी रा सही देल धन्यवाद माळत्या, लेकीन दुसरा अन्द उन्नती आगाल.

१८ ना तान परमेश्वर उन धन्यवाद माळतीन, कानि ना नीम सप्पा मंदुर से यककुल अग्यात भाषागोळ दा माताळतीन. १९ लेकीन मंडली दा अग्यात भाषा दा हतुत हजार मातगोळ माताळदुर देल नानी ईद वळलीद समसतद, कानि दुसरा मंळसागोळी कलसोर साटी दमिक देल अईद अच मातगोळ अनाईन.

२० हे वारटुरा अदकि आकतीगेरा, नीव समझदारी दा चकिोर घाई आगवाळी: बुराई दा रा चकिोर घाई अनजान ईरी, लेकीन समझदारी दा स्याणा मंळसा घाई आगी. २१ व्यवस्था दा लखिसकु आद कानि प्रभु अनतान,

“ना अपरचिति भाषा माताळावाळेरद द्वारा,

अदकि परयाय बाय देल माताळावाळेर लॉकरु द्वारा

ई लॉकुर से मातगोळ माळाईन

तरी भी आंदुर नांद केळतीदलि."

22 इदुरसाटी अग्यात भाषागोळ माताळोद वरदान वशिवासीगोळ साटी ईला, लेकीन अवशिवासीगोळ साटी चमत्कार इन चमत्कार हुन; लेकीन परमेश्वर उन दी टु बरावाळा बातणी अवशिवासीगोळ साटी ईला, लेकीन वशिवासीगोळ साटी चमत्कार इन चमत्कार हुन.

23 इदुरसाटी अगर मंडली ऊंद जागा दा जमा आगुल, अदकि सप्पा च्या सप्पा मुंदुर अग्यात भाषागोळ माताळुल, अदकि व्हार्यावाळेरा या अवशिवासी लॉकुर बुळक होट बरूल रा येन आंदुर नीमी पागल अनतीदलि? 24 लेकीन अगर सप्पा मुंदुर परमेश्वर उन दी टु सकिवाळा बातणी कोळली हत्यार, अदकि यावारा अवशिवासी या व्हार्यावाळा मळसा बुळक होट बरूल, रा सप्पा मुंदुर आऊक दोषी ठहूस बूट्टार अदकि जाँच कौडार कौ आव पापी आन; अदकि आव जान्स कौडान कौ आऊक पश्चाताप इन जरवत आद. 25 अदकि आऊन मन इन भेद प्रगट आगोदव, अदकि आग आव बाय इन भा देल वदिकु परमेश्वर उक दण्डवत माळ्यान, अदकि कबुल माळ कौडान कौ खराखुरा परमेश्वर नाम न्याइया आन.

मंडली दा आराधना अनद अनुशासन

26 इदुरसाटी हे वारट्टुरा अदकि आकतीगेरा, येन माळ पायजे? याग नीव जमा आगतीर, रा हर ऊंद मळसा अनद मन दा हाळ या उपदेश या अग्यात भाषा या प्रकाशक या अग्यात भाषा अनद अर्थ हेळोद ईरतद. सप्पा येनारा मंडली अनद उन्नती इन साटी आग पायजे. 27 अगर अग्यात भाषा दा मातगोळ माळोद आद रा येद्व या हापाळ मुंदुर ईरूल रा मुर मुंदुर पारी-पारी देल माताळुल, अदकि ऊंद मळसा अनुवाद माळुल. 28 लेकीन अगर अनुवाद माळावाळा हलैच, रा अग्यात भाषा माताळावाळा मंडली दा सुंगा ईरूल, अदकि तान मन देल परमेश्वर से मातगोळ माळुल. 29 परमेश्वर उन दी टु बरावाळा बातणी इक माताळावाळेरा दा टु येद्व या मुर मुंदुर माताळुल, अदकि बाकी लॉकुर आंदुर वचन इक परखुसुल. 30 लेकीन जो कुरतकु आन अगर आऊन मा, येनारा मय उन दी टु बातणी प्रगट आत. रा आव पयला मळसा सुंगा आगोगुल. 31 यतकी नीव सप्पा मुंदुर ऊंद ऊंद माळकु परमेश्वर उन दी टु सकिवाळा बातणी इक कलस सकतार, ताकी सप्पा मुंदुर कलुल अदकि सप्पा मुंदुरी शांती सकिल. 32 यतकी परमेश्वर उन दी टु बातणी कोळावाळा अनद आत्मा बातणी कोळावाळा अनद वश दा आद. 33 यतकी परमेश्वर अव्यवस्था अनद ईला, लेकीन शांती इन परमेश्वर हुन.

ह्यांग पवतिर लॉकुरद सप्पा मंडलीगोळ दा हगि अच आगतद. 34 आरतेर मंडली अनद सभा दा सुंगा ईरूल, यतकी आंदरी मातगोळ माळोद आग्या हलैच, लेकीन आंदुर हात्ती ईरोद आग्या आद, ह्यांग व्यवस्था दा लखिसकु आद. 35 अगर आंदुर येनारा कलोद चाहसतार, रा मान्या तान तान मान्नावाळा से केळुल, यतकी आरत इन मंडली अनद सभा दा मातगोळ माळोद नाचक इन मात आद.

36 येन परमेश्वर उन वचन नीम दा टु होटाद? या सरिफ नीम ताका अच पोहचुसयाद? 37 अगर यावारा मळसा तान तान इक परमेश्वर उन दी टु बरावाळा बातणी कोळावाळा समसुल या आऊन हात्ती पवतिर आत्मा अनद वरदान आद, रा ईद अरत कोमुल कौ जो मातगोळ ना नीमी लखिसतीन, अव प्रभु उन आग्यागोळ हु. 38 लेकीन अगर यावारा ईद स्वीकार माळालुर, रा आंदरी भी स्वीकार माळकु आगतीदील.

39 इदुरसाटी हे वारट्टुरा अदकि आकतीगेरा, परमेश्वर उन दी टु बरावाळा बातणी इन धुन दा ईरी अदकि अग्यात भाषा माताळुदुर देल मना माळबाळी; 40 पर सप्पा मातगोळ क्रम देल अदकि व्यवस्थिति रूप देल माळकु आगुल.

## 15

यीशु उन सोत्तुर दा टु जतिता आगोद

1 हे वारट्टुरा अदकि आकतीगेरा, ईंग ना नीमी याद दलिसोद चाहसतीन अदा खुशखबरी केळसतीन जो पयला केळस बुटीन, यारी नीव अंगीकार भी माळदीर अदकि यदुर दा नीव स्थरि भी आईर. 2 अदुरदा द्वारा नीमद उद्धार भी आगतद, अगर आ खुशखबरी इक जो ना नीमी केळसीदनि ध्यान दा ईटतीर; ईदारा नीम वशिवास माळोद बेकार आत.

3 ईदा कारण ना सब से पयले नीमी अदा मात पहुचुसदीन, जो नान हात्ती पहुचुसीत ईद पयला महत्वपूरण हुन कौ पवतिरशास्त्र अन वचन इन अनुसार यीशु मसीह नाम पापगोळ साटी सोतोदुन, 4 अदकि नळसकु आदुन, अदकि पवतिरशास्त्र अन अनुसार तसिरा दशिी जतिता भी आदुन, 5 आव कैफा अक अदकि हनुनेळ प्रेरतिगोळी काळसदुन. 6 बाक आव अईद सौ से यक्कुल वशिवासी वारट्टुरी सांगुळल्या काळसदुन, यारदा टु हापाळ सा ईंगासताका जतिता आर पर येनारा मळसा सोतोग्यार. 7 बाक आव याकूब उक काळसदुन आग सप्पा प्रेरतिगोळी काळसदुन.

8 सप्पा मुंदुर बाद्दा नानी भी काळसदुन, जो मान्सी समय इन पयला पैदा आगीदान. 9 यतकी ना प्रेरतिगोळ दा सब से स्याणव आईन, बलकी प्रेरति अनोद योग्य भी हलैच, यतकी ना परमेश्वर उन मंडली इक सतुपीदीन. 10 लेकीन ना जो येनारा भी आईन, परमेश्वर उन अनुग्रह देल आईन. आऊन अनुग्रह जो नान मा आत, अद बेकार आगीदील; लेकीन ना आ सप्पा मुंदुर से वाळुसकु मेहनत भी माळदीन: तरी भी ईद नान दी टु आगीदील लेकीन

\* 15:4 १५:४ मत्ती १२:४०; प्रेरतिगोळ २:२४-३२ \* 15:5 १५:५ लुका २४:३४; मत्ती २८:१६,१७; मरकुस १६:१४; लुका २४:३६; यहुनना २०:१९

\* 15:8 १५:८ प्रेरतिगोळ ९:३-६ \* 15:9 १५:९ प्रेरतिगोळ ८:३

परमेश्वर उन अनुग्रह देल जो नान मा ईरोद. 11 इदुरसाटी चाहे बाक ना आगुल, चाहे बाक आंदुर आगुल, नाव सब ईदा प्रचार माळतेव, अदकि इदुर मा नीव भी वशिवास माळदीर.

### नाम जतिता आगोद

12 इदुरसाटी याग भी यीशु मसीह अनूद ईद प्रचार माळकु आगतद कि आव सोततुर दा टु जतिता आग्यान, रा नीम दा टु यास मुदुर हयांग अनतार कि सोततकु मळसा जतिता आग अच सकालुन? 13 अगर सोततुर मळसा अनूद जतिता आगोद अच ईलच, रा मसीह भी जतिता आगीदील; 14 अदकि अगर मसीह जतिता आगीदील, रा नाम्द प्रचार माळोद भी बेकार आद, अदकि नीमूद वशिवास भी बेकार आद. 15 इदुर से भी वाळुसकु नाव परमेश्वर उन खवाटा गवाह ठहूरसेव; यतकी नाव परमेश्वर उन बाया दा ईद गवाही कोट्टेव कि आव मसीह इक जतिता माळदुन, लेकीन सोतकु मळसा सही दा जतिता माळ सकालुर रा आव मसीह अक भी जतिता माळीदील. 16 अदकि अगर मुर्दा जतिता आगालव, रा मसीह भी जतिता आगीदील; 17 अदकि अगर मसीह जतिता आगीदील, रा नीमूद वशिवास बेकार आद, अदकि नीव ईंग ताका तान पापगोळद भागीदार आईर. 18 बलकी जो मसीह मा वशिवास माळतार आंदुर भी सोतोग्यार. 19 अगर नाव सर्फि ईदा जीवन दा मसीह देल आशा ईटतेव रा नाव सब मळसागोळ देल यक्कुल अभागा आयेव.

20 लेकीन सही दा मसीह सोततुर दा टु जतिता आग्यान, अदकि जो सोतोग्यार आंदुर भी जतिता आदर ईद पयला प्रमाण हुन. 21 यतकी याग ऊंद मळसा अनूद द्वारा मृत्यु बत्त, रा ऊंद मळसा अनूद अच द्वारा सोततुर मळसा अनूद पुनरूत्थान भी बत्त. 22 अदकि हयांग आदम सब मा मृत्यु तंदुन, हांग अच मसीह भी वशिवास ईटावाळेर इक जतिता माळयान, 23 लेकीन हर ऊंद तान तान पारी देल: पयला मसीह जतिता आदुन, बाक मसीह अनूद वापस बंदुर देल आऊन मा वशिवास माळवाळेर लॉकुर जतिता आदर. 24 इदुर बाददा अनूत आदीत. आ समय सब प्रधान माळवाळा दुष्टआत्मा अदकि पुरा अधिकार. अदकि सामर्थ्य अनूद मसीह अनूद द्वारा अनूत माळकु आदीत अदकि राज्य अक परमेश्वर आपु उन कय दा सौपस कौडान. 25 यतकी यागासताका आव तान दुश्मनी ईटावाळेरि तान काल इन लयालमा तरतीदील, आगासताका मसीह अनूद राज्य माळोद जर्री आद. 26 सब से आखरी दुश्मनी माळवाळा जो नाश माळकु आदान, अद मृत्यु हुन. 27 यतकी पवतिर शास्त्र अनूतद, “परमेश्वर सप्पा येनारा आऊन काल इन लयालमा माळ कौडुन,” लेकीन याग आव अनतान कि सप्पा येनारा मसीह अनूद हात्ती माळकु आगयाद दा प्रत्यक्ष आद कि यार आऊन हात्ती माळ कौडुन, परमेश्वर खुद अलग ईत्तुन. 28 अदकि याग सप्पा हात्ती आगेदार, रा पारा खुद अच परमेश्वर उन हात्ती आगेदान, याव सप्पा येनारा आऊन हात्ती माळ कौडुन, यदुर देल कि परमेश्वर सब वस्तुगोळ मा पुरा तरीका देल राज्य माळयान.

29 ईदारा जो लॉकुर सोतकु मळसा अनूद साटी बपतसिमा ताकोमतार आंदुर येन माळयार? अगर सोतकु मळसा जतिता आगालुर रा बाक येती आंदुर साटी बपतसिमा ताकोमतार? 30 अदकि नाव भी येती हर घळी जोखमि दा बदिक् ईरतार? 31 हे वारटुरा अदकि आकतीगेरा, नानी आ घमण्ड इन करिया जो नाम्द मसीह यीशु दा ना नीमूद बारा दा माळतीन कि ना हर दिन सायतीन. 32 अगर ना मळसा अनूद रीत मा इफसिस दा आळी अन पशुगोळ घाई लळाई आळदीन रा नानी येन लाभ आत? अगर मुर्दा जतिता माळकु आगालव, “रा बरी, तनि-कुडी, यतकी नाळ रा सायोद अच आद.”

33 धवाका तनिवाळी, “बुरा संगत वळलीद चरतिर अक बगिळुस बुळतद.” 34 सही वचार माळोद सूर माळी अदकि पाप इक बटि बुळी; यतकी येनारा हगि आर जो परमेश्वर उक जानुसालुर, ना नीमी शर्मदा माळोर साटी ईद अनतीन.

### पुनरूत्थान इन मय

35 ईंग यावारा ईद अंदान, “मुर्दा या रीत देल जतिता आगताव, अदकि हयांग मय इन सांगुळ बरताव?” 36 हे नरिबुदधी! जो येनारा नी बोऊसत्या, यागासताका आव सायालुन जतिता माळकु आगालुन. 37 अदकि जो नी बोऊसत्या, ईद अद मारर आलच जो वाळुसावाळा आद, लेकीन सर्फि दाना हुन, चाहे गोदी इन चाहे यातोद अदकि अनाज इन. 38 लेकीन परमेश्वर तान इच्छा अनूद अनुसार आऊक मय कोळतान, अदकि हर ऊंद बीजा अक अदुरद वशिष मय.

39 सब मय ऊंद घाई ईलच: मळसागोळद मय अलग आद, पशुगोळद मय अलग आद; पक्षीगोळद मय अलग आद; मेनगोळद मय अलग आद.

40 स्वरगीय मय आद अदकि अलग पार्थवि मय भी आद लेकीन स्वरगीय मयगोळद तेज अलग आद, अदकि पार्थवि इन अलग. 41 सुर्य अनूद तेज अलग आद, चंद्रमा अनूद तेज अलग आद, अदकि तारागनगोळद तेज अलग आद, यतकी ऊंद तारा से दुसरा तारा अनूद तेज दा फरक आद.

42 मुर्दागोळद जतिता आगोद भी हगि अच आद. मय नाशवान दशा दा बोऊसकु आगतद अदकि अवनिशी रूप दा जतिता आगतद. 43 अद अपमान इन सांगुळ बोऊसकु आगतद, अदकि तेज इन सांगुळ जतिता आगतद; नरिबलता अनूद सांगुळ नळसकु आगतद. अदकि सामर्थ्य इन सांगुळ जतिता आगतद. 44 स्वाभाविक मय नळसकु आगतद, अदकि आत्मिक मय जतिता आगतद: जब कि स्वाभाविक मय आद, रा आत्मिक मय भी आद. 45 हगि अच शास्त्र दा लखिसकु आद, कि “पयला मळसा मतलब आदम जतिता प्राणी आदुन” अदकि आखरी आदम, जीवनदायक आत्मा आदुन. 46 लेकीन पयला आत्मिक मय ईला ईरोद पर स्वाभाविक ईरोद, इदुर बाददा आत्मिक आत. 47 पयला मळसा आदम पृथ्वी टु मतलब मुण्ण इन ईरोन; दुसरा स्वरगीय आन. 48 हयांग आव मुण्ण इनव ईरोन, हांग अच आंदुर भी

आर जो मूण्ण इनोर आर; अदकि ह्यांग आव स्वरगीय आन, हांग अच आंदुर भी आर जो स्वरगीय आर. 49 अदकि ह्यांग नाव आऊन मय धारण माळदेव जो मुण्ण इन ईरोद हांग अच आ स्वरगीय अन्द मय भी धारण माळेव.

50 हे वारटुरा अदकि आकतींगरा, ना ईद अनतीन कमास अदकि खुन परमेश्वर उन राज्य दा प्रवेश माळ सकालव, अदकि ना नाशवान अवनिशी इन प्रवेश आग सकतद.

51 ओळी, ना नीम से भेद इन मात अनतीन: नाव सप्पा मुंदुर सायालेव, लेकीन सब बदलुसेव, 52 अदकि ईद कृषण भर दा, पतनी होडुतेला अच आखरी तुरही ऊएतेला अच ईतीदान. यतकी तुरही ऊयकु आदीत अदकि मुर्दा अवनिशी दशा दा नेगुकु आदाव, अदकि नाव बदलुसेदव. 53 यतकी जूरी आद क ईद नाशवान मय अवनिशा इक हाक्क कोमुल, अदकि ईद मरनहार मय अमरता अक हाक्क कोमुल. 54 याग अद वचन जो शास्त्र दा लखिसकु आद पुरा आगेदीत: अदकि याग ईद नाशवान अवनिशा इक हाक्क कौडीत, अदकि ईद मरनहार अमरता अक हाक्क कौडीत, मृत्यु इन अन्त आत अदकि वजिय प्रापत आत.

55 हे मृत्यु, अपमान जय यल ईतत?

हे मृत्यु, अपमान डंक यल ईतत?

56 मृत्यु इन डंक पाप आद, अदकि पाप इन बल मूसा अन्द नयिम शास्त्र टु वरतद. 57 लेकीन परमेश्वर उन धन्यवाद आगुल, जो नाम्द प्रभु यीशु मसीह अन्द दवारा नामी जयवन्त माळतान.

58 इदुरसाटी हे नान पर्यि वारटुरा अदकि आकतींगरा, मजबूत अदकि अटल ईरी, अदकि प्रभु उन कयाल्सा दा सदा वाळुसतेला होगी, यतकी ईद जानसतीर क नीम्द मेहनत प्रभु दा बेकार ह्येलेच.

## 16

वशिवासीगोळ साटी दान

1 ईंग आ चन्दा अन्द बारा दा जो परमेश्वर उन पवतिर यहदा लॉकर साटी माळकु आगोद, ह्यांग आगया ना गलातया अन्द मंडलीगोळ इक कोट्टीन, हांग अच नीव भी माळी. 2 हपुता अन्द पयला दनि नीम दा टु हर ऊंद तान आमदनी अन्द अनुसार येनारा तान हात्ती ईटकु ईरूल कान बंदुर मा चन्दा माळोद वळिवाळुल. 3 अदकि याग ना बराईन, रा यारी नीव चाहासीर आंदरी ना चटिटी गोळ कोटकु कळु बुळाईन क नीम्द दान यूरुश्लेम पहुचुस बुळुल. 4 अगर नांद भी होगोद उचित आत, रा आंदुर नांद सांगुळ होदार.

पौलुस उन यात्रा अन्द कार्यक्रम

5 आ मकदिनया आगकु नीम्द हात्ती बराईन, यतकी नानी मकदिनया आगकु होगोद अच आद. 6 लेकीन संभव आद कान नीम्द सांगुळ ठहरसाईन अदकि सोळी इन मौसम दा भी नीम्द सांगुळ ईल कढाईन, आग या दशा दी नांद होगोद आगुल आ दशा दी नीव नानी पहुचुस बुळेतीर. 7 यतकी ना ईंग हादी दा नीम से भेट माळोद चाहासालीन; लेकीन नानी आशा आद क अगर प्रभु चाहस्यान रा येनारा समय ताका नीम्द सांगुळ ईराइन.

8 लेकीन ना पनितेकुसत इन हाव्व ताका इफसिस दा ईराइन, 9 नान साटी अल ऊद धोळ अदकि उपयोगी दरवाजा तेरकु आद, अदकि वरिधी हापाळ सा आर.

10 अगर तीमथयिस होट बंदान, रा नोळेतीर क आऊक नीम्द अल सममान सकिल; यतकी आव नान घाई प्रभु उन कयाल्सा माळतान. 11 इदुरसाटी याऊ आऊक बेकार समसबाळी, लेकीन अदरी खुशी देल ईपाटी पोहचुस बुळी कान हात्ती होट बरूल; यतकी ना आऊद हादी नोळेतीन क आव वारटुर सांगुळ बरूल.

12 वारटु अपुल्लोस से ना हापाळ वनिती माळदीन क नीम्द हात्ती वारटुगोळ सांगुळ होगोद; लेकीन आव ई समय होगोद येनु भी इच्छा माळीदलि, लेकीन याग मवका सकिकीत आग होट बंदान.

आखरी आदेश अदकि अभविादन

13 जागसतेला ईरी, वशिवास दा सथरि ईरी, हमिमत ईटी, अदकि बलवन्त आगी. 14 जो येनारा माळतीर प्यार देल माळी.

15 हे वारटुरा, नीव सतफिनास उन घराना अक जानसतीर क आंदुर अखाया अन्द पयला वशिवासी उर, अदकि परमेश्वर उन पवतिर लॉकर द स्यावा अन्द साटी तयार ईरतार. 16 इदुरसाटी ना नीम से वनिती माळतीन क हगि माळावाळेर हात्ती ईरी, अदकि हर ऊंद मळसा अन्द जो ई कयाल्सा दा मेहनती अदकि सहकर्मी आन.

17 ना सतफिनास अदकि फूरतूनातुस अदकि अखईकुस उन बंदुर देल खुश आईन, यतकी आंदुर नीम्द घट इक पुरा माळदुर. 18 आंदुर नानी अदकि नीम्द आत्मागोळ इक चैन कोट्टुर, इदुरसाटी हगि माळावाळेर इक मान्सी.

19 आसया इन मंडलीगोळद दी टु नीमी नमस्कार; अक्विला अदकि प्रसिका अन्द अदकि आंदुर मान्ना अन्द मंडली अन्द भी नीमी प्रभु दा हापाळ हापाळ नमस्कार! 20 सप्पा वशिवासी वारटुर नीमी नमस्कार.

पवतिर चुम्मा आवुर दावुर इक कुतक्या अक हचकु आपस दा नमस्कार माळी.

21 ना पौलुस उन तान कय देल लखिसकु ईरोद नमस्कार.

22 अगर यावारा प्रभु से प्यार ईला ईदुल रा आऊन मा हाय.

हे नाम प्रभु, बर!

23 प्रभु यीशु उन अनुग्रह नीम मा आगतेला ईरूल.

24 नांद प्यार मसीह यीशु दा नीव सप्पा मुंदुर सांगुळ ईरूल. आमीन.

## कुरनिर्थायों के नाम पौलुस प्रेरति की दूसरी पत्री कुरनिर्थागोळ्द हेसुर पौलुस प्रेरति उन दुसरा चट्टी परचिय

दुसरा कुरनिर्था ईद चट्टी प्रेरति पौलुस यीशु मसीह अनद जनम इन ५५-५६ साल इन बाद्दा लखिसदुन १:१ ईद आ येदद चट्टी गोळ्द दा टु दुसरा चट्टी हुन जो पौलुस कुरनिर्थावासीगोळ्द साटी लखिसदुन. हापाळ पंडीत वधिवान हगि समसतार कि ई चट्टी इन पयले कुरनिर्थागोळी ऊंद धोळ्द कळक चट्टी लखिसीदुन इदुर बारा दा आव २:३-४ ई वचन दा उल्लेख माळतान लेकीन ई चट्टी इन प्रतकि नाम हात्ती हैलेच. ईद दुसरा कुरनिर्था इन चट्टी पौलुस संभव अच मकदिनुया नगर दा टु लखिसीदान. २:१३

दुसरा कुरनिर्था ई चट्टी इन वशिषता ईद आद कि चट्टी दा वैक्तिक अदकि भावनात्मक मातगोळ्द चर्चा माळकु आग्याद ई चट्टी दा पौलुस जो वळ्दीद अहवाल आव कुरनिर्थागोळ्द बारा दा तीतुस से हासलि माळ्दुन अदुर बारा दा खुशी जाहीर माळतान. ई चट्टी दा वसितार देल शकिषा कोळोद बारा दा व्हाशोद नयिम इन दृष्टीकोन देल कांळसतद. ईद शकिषा ई वभाग दा सकितद याता वभाग दा पौलुस आ चंदा अनद बारा दा मात हेळतान जो चंदा यूरुशलेम इन वशिवासीगोळ्द सहायता साटी ताकोमकु आगीत ८-९ मंडली दा ध्वाळासा लांकुर पौलुस उन खलिाप ईरोर लेकीन ध्वाळासा मुंदुर अल बरावाळेर ख्वाटा प्रेरति ई वरिध इन फायदा नेगुकु पौलुस उक वोतकु खुद उन्नती माळोद चाहासोर. आंदुर पौलुस उन अधिकार माळदुर मा प्रश्न नरिमाण माळदुर इदुरसाटी ई चट्टी इन आखरी भाग दा यीशु मसीह अनद प्रेरति आगदुर नाता देल जो अधिकार आऊक सकियाद आ अधिकार मा पौलुस जोर कोळतान.

रूप-रेखा:

१. पौलुस उन मंडलीगोळी नमस्कार १:१-७
२. पौलुस उन तान यात्रा अनद बारा दा बदलाव अदकि जो अहवाल कुरनिर्थागोळ्द बारा दा हासलि आगीत अदुर बारा दा चर्चा अदकि हदिळा कळक चट्टी यदुर बारा दा आंदुर प्रश्न नरिमाण माळीदुर अऊर बारा दा हेळोद १:८-७:१६
३. यूरुशलेम दा ईरावाळेर वशिवासीगोळ्द साटी चंदा माळदुर बारा दा सुचना ८:१-९:१५
४. आखरी दा पौलुस उन तान प्रेरतिपन इन बचाव माळोद अदकि तान बरावाळा मुलाकात इन बारा दा चेतावनी कोळोद १०:१-१३:१०

1 पौलुस उन दी टु जो परमेश्वर उन इच्छा देल मसीह यीशु उन प्रेरति हुन, अदकि वार्ट तीमुथियुस उन दी टु परमेश्वर उन आ मंडली इन हेसुर,

जो कुरनिर्थास दा आद, अदकि सप्पा अखाया नगर इन सप्पा पवतिर लांकुर हेसुर:

2 नाम आप्प परमेश्वर अदकि परभु यीशु मसीह अनद दी टु नीमी अनुग्रह अदकि शांती सकितेला ईरूल.

परमेश्वर उन धन्यवाद माळोद

3 नामव परभु यीशु मसीह अनद परमेश्वर अदकि आप्प उन धन्यवाद आगुन, जो दया अनद आप्प अदकि सप्पा प्रकार इन शांती इन परमेश्वर हुन 4 आव नामव सप्पा क्लेशगोळ्द दा दलियासा कोळतान; ताकी नाव आ दलियासा अनद कारण जो परमेश्वर नामी कोळतान, आंदरी भी दलियासा कोळ सकुल जो यातारा प्रकार इन क्लेश दा इतीदार. 5 यतकी ह्यांग मसीह अनद दुखगोळ्द दा नाव यक्कुल सहभागी आगतेव, हांग अच नाव शांती दा भी मसीह अनद द्वारा यक्कुल सहभागी आगतेव. 6 अगर नामी क्लेश सकितद, रा ईद नीमूद शांती अदकि उद्धार इन साटी हुन; अदकि अगर शांती सकितद, रा ईद नीमूद शांती इन साटी हुन; यदुर प्रभाव देल नीव धीरज इन सांगुळ आ क्लेशगोळ्द इक सहन माळ कोमतीर, यदरी नाव भी सहन माळतेव. 7 नाम्द आशा नीमूद बारा दा मजबूत आद; यतकी नाव अरुतेव कि नीव ह्यांग नाम दुखगोळ्द दा, हांग अच शांती दा भी सहभागी आईर.

8 हे वार्दुरा अदकि आकतींगेरा, नाव चाहसालेव कि नीव नाम आ क्लेश देल अनजान ईरी जो आसिया प्रदेश दा नाम मा वतित; नाव ईतता भारी बोझ देल वत्तेगीदेव, जो नाम सामरथ्य अन व्हारया ईरोद, ईल ताका कि नाव जीवन देल भी कय तोळकु कुरतीदेव. 9 अदकि नाव तान मन दा समसेगीदेव कि नाम मा मृत्यु उन आग्या आगेग्याद. ताकी नाव तान भरोसा ईदतीदलि बल्की आ परमेश्वर उन जो सोत्तुर इक जतिता माळतान. 10 आवा नामी मृत्यु उन हगि धोळ्द संकट देल ऊळ्दसदुन, अदकि ऊळ्दसयान; अदकि आऊन मा नामी ईद आशा आद कि आव मुंद भी ऊळ्दसतेला ईततान. 11 नीव भी ऊंद आगकु प्रार्थना अनद द्वारा नाम सहायता माळीर कि जो वरदान नामी हापाळ मुंदुर द्वारा सकित, अदुर कारण हापाळ लांकुर नाम दी टु धन्यवाद माळ्दुल.

पौलुस उन यात्रा-योजना दा परविरतन

12 यतकी नाव तान अंतर मन इन ई गवाही मा धमण्ड माळतेव, किदुनया दा अदकि वशिष माळकु नीम न्याइया, नाम चरतिर परमेश्वर उन योग्य हगि पवतिरता अदकि सच्चाई सहति ईरोद, जो शारीरिक ग्यान देल ईला लेकीन

परमेश्वर उन अनुग्रह अनूद सांगुळ ईरोद. 13 नाव अदा लखिसतेव जो नीव वाचुस या समस सकतीर. लेकीन बाक भी नीव नामी थ्वाळासा समसतीर. 14 अदकि नानी आशा आद कऱ या दनि प्रभु यीशु मसीह नीम हात्ती बंदान आ दनि नीव धमण्ड इन दनिगोळ दा अदकि अनंत ताका भी मानसतेला ईत्तीर.

15 ईदा भरोसा देल ना चाहासीन कऱ पयले नीम हात्ती बराईन कऱ नीमी दुगना खुशी सकुल; 16 ॐना सोचदनि कऱ नीम हात्ती टु आगकु मकदिनया नगर इक होगतेला, नीम से सीकाईन, अदकि बाक मकदिनया नगर टु नीम हात्ती बराहोती; मातूत सीकाईन; अदकि नीव नानी यहूदीगोळ दी थ्वाळासा दुर ताका सार माळी. 17 इदुरसाटी ना जो ईद इच्छा माळीदनि रा येन ना अनुचति ईरीन? या जो माळोद चाहासतीन येन मय इन अनुसार माळोद चाहासतीन कऱ ना मात दा “हव, हव” भी माळाईन अदकि थ्वाळासा समय दा “ईला ईला” भी माळाईन? 18 परमेश्वर खरा गवाह आन कऱ नाम आ बातणी दा जो नीम से अंदुन “हव” अदकि “ईला” येदहु शब्द सकालव. 19 यतकी परमेश्वर उन पार यीशु मसीह यार्द नाम द्वारा मतलब नान अदकि सलिवानुस अदकि तीमुथयिस उन द्वारा नीम नयाडया दा प्रचार आत, अदुर दा “हव” अदकि “ईला” येदहु ईला ईरव, इदुरसाटी परमेश्वर नामव हव हुन. 20 यतकी परमेश्वर उन यास भी वादा आव, अव सप्पा अदुर दा “हव” इन सांगुळ आव. इदुरसाटी आऊन द्वारा “आमीन” भी आत कऱ नाम द्वारा परमेश्वर उन महमा आगुल. 21 अदकि जो नामी नीम सांगुळ मसीह दा ऊंद माळकु मजवूत माळतान, अदकि याव नामी अभिषिक्त माळ्यान आवा परमेश्वर हुन, 22 नाव आऊन नव हुयव याव नाम मा आऊन आगोद छाप हचयान अदकि बयाना दा आत्मा अक नाम मनगोळ दा कोटान. जो भवषिय दा सकिंद आद.

23 ना परमेश्वर उक गवाह माळकु अनतीन कऱ ना ईगासताका कुरनिथुस दा इदुरसाटी वंददील, कऱ ना ईला चाहासीन कऱ नीमी बोयाईन. 24 ईद ईला कऱ नाव वशिवास इन बारा दा नीम मा प्रभुता जतुसोद चाहासतेव; लेकीन नीम खुशी दा सहायक आयव यतकी नीव वशिवास देल अच संची ईरतीर.

## 2

1 ना तान मन दा ईदा टान्स कोडीदनि कऱ बाक मातूत नीम हात्ती नीमी उदास माळली बरतीदील. 2 यतकी ना अगर नीमी उदास माळाईन, रा नानी खुशी कोळावाळा याव ईत्तान, सर्फ आवा यारी ना उदास माळदीन? 3 अदकि ना ईदा मात नीमी इदुरसाटी लखिसदीन कऱ यागल्यारा हगि आगवाळुल कऱ नान बंदुर मा, यार देल नानी खुशी सीक पायजे नानी आंदुर से उदासी सकुल; यतकी नानी नीम सप्पा मुंदुर मा ई मात इन भरोसा आद कऱ जो नान खुशी आद, अदा खुशी नीम सप्पा मुंदुरद भी आद. 4 धोळ क्लेश अदकि मन इन दुख देल ना हापाळ सा नीर कण्णगोळ दा टु वाहुसकु नीमी लखिसीदीन, अद इदुरसाटी ईला कऱ नीव उदास आगी लेकीन इदुरसाटी कऱ नीव नान आ धोळ प्यार इक अरत कोमी, जो नानी नीम से आद.

गलती माळावाळेर इक माफ

5 अगर यावारा नीमी दुख कोटान, रा नानी का ईला बल्की ना आऊन सांगुळ यककुल दुख इन व्यवहार माळालीन थ्वाळा-थ्वाळा नीम सप्पा मुंदरी भी उदास माळयान. 6 ईत्ता मळसा अनूद साटी ईद दण्ड जो वार्दुर दा टु हापाळ मुंदुर कोटार, हापाळ आद. 7 इदुरसाटी ईदुर से वळलीद ईद आद कऱ आऊन अपराध माफ माळी अदकि आऊक दलिासा कोळी, ईदारा हगि आगवाळुल आ मळसा हापाळ उदासी दा मूळकेगुल. 8 ई कारण ना नीम से वनिती माळतीन कऱ आऊक तान प्यार इन एहसास तोरसी. 9 यतकी ना इदुरसाटी भी लखिसीदीन कऱ नीमी वळलीद देल परकुस कोमाईन कऱ नीव नान सप्पा मातगोळ मानसोर साटी तयार आईर का ईला. 10 अगर नीव यारीकारा माफ माळतीर रा आऊक ना भी माफ माळतीन, यतकी ना भी जो येनारा माफ माळीन, अगर हगि माळीन, रा नीम कारण मसीह अनूद जागा दा ईतकु माफ माळीन 11 कऱ नाम मा शैतान उन दावपेच नळु वाळुल, यतकी नाव आऊन युक्तगिगोळ देल अनजान हल्लेच.

त्रोआस दा पौलुस उन व्याकुलता

12 ॐयाग ना मसीह अनूद खुशखबरी केळसली त्रोआस नगर दा बंदीन, अदकि प्रभु नान क्यालसा अक पुरा माळोर साटी ऊंद दरवाजा तेरद बुट्टुन, 13 रा नान मन इक चैन सकीदील, यतकी ना तान वार्ट तीतुस उक अल नोळीदील; इदुरसाटी आंदुर से वदिता ताकोमकु ना मकदिनया नगर इक होटोदनि.

मसीह दा वज्रिय-हाब्व

14 लेकीन परमेश्वर उन धन्यवाद आगुल जो मसीह दा हमेशा नामी जय इन हाब्व दा हुळकु वयाळतान, अदकि मसीह अनूद गयान इन वास नाम द्वारा सप्पा जागा दा फैलसतान. 15 यतकी नाव परमेश्वर उन हात्ती उद्धार ताकोमावाळेर अदकि नाश आगावाळेर येदहु मुंदुर साटी मसीह अनूद वास हुयव. 16 थ्वाळासा लॉकुर साटी रा सोत्तुर घाई मृत्यु उन वास, अदकि हापाळ सा लॉकुर साटी जीवन इन घाई जीवन इन वास. ई मातगोळ्द लायक याव आन? 17 यतकी नाव आ हापाळ मुंदुर घाई हल्लेच जो तान फायदा साटी परमेश्वर उन वचन इत्तेमाल माळतार; परमेश्वर नामी कळयान. मन इन सच्चाई देल अदकि परमेश्वर उन सेवक आगोद नाता देल नाव परमेश्वर उक उपस्थति जान्सकु मसीह दा माताळतेव.

## 3

व्हाशोद वाचा अनूद सेवक

1 येन नाव मात्त तान बळाई माळली हत्तेव? या मात्त नामी दुसरा लॉकुर घाई सफिरीश इन चट्टी गोळ नीम हात्ती तरोद या नीम से ताकोमोद आद? 2 नाम चट्टी नीवा हुईर, जो नाम दलिगोळ मा लखिसकु आद अदकि अदरी सपपा मंळसा अरूतार अदकि वाचुसतार. 3 ईद प्रगट आद कि नाम नीम नयाड्या दा सेवकाई इन कारण देल नीव मसीह अनद चट्टी हुईर. अदकि जो स्याही देल ईला लेकीन जतिता परमेश्वर उन आत्मा देल, कल्ल इन पाटीगोळ मा ईला, लेकीन दलि इन मास रूपी पाटीगोळ मा जो मसीह लखिसयान.

4 नामी मसीह अनद द्वारा परमेश्वर मा भरोसा आद अदा कारण नाव हगि अनतेव. 5 नाव ई लायक हैलेच कातान दी टु यातारा क्याल्सा माळ सककेव, लेकीन नाम लायकीयत परमेश्वर उन दी टु आद, 6 परमेश्वर नामी वहाशोद वाचा अनद सेवक आगोद लायक भी माळदुन, जो लखिसद व्यवस्था अनद नयिम देल ईला पर आत्मा अनद नयिम देल आद; यतकी नयिम कोंतद, लेकीन आत्मा जतिता माळतद.

7 मूसा अनद व्यवस्था यऊर अक्षर कल्लगोळ मा अगुळकु आगीदव, ईल ताका चमकदार आदव कि मूसा अनद मार्रा मा ऊजुळ इन कारण जो गोरत भी आगतोद, इसत्राएली लॉकुर आऊन मार्रा मा दूष्टी माळ ईला सकोर. 8 ईद गौरव मुरुजुसेत रा पवतिर आत्मा अनद स्यावा अदकि यक्कुल चमकदार येती आगतीदील? 9 याग मृत्यु दण्ड कोळोद क्याल्सा चमकदार आद, रा उदधार कोळोद क्याल्सा याट चमकदार ईत्तीत? 10 अदकि जो चमकदार ईरोद, अद भी आ तेज इन कारण जो अदुर से यक्कुल चमकदार ईरोद, हाळोद तेज पचेत्याद अदकि वहाशोद तेज यक्कुल चमकदार आगेत्याद. 11 यतकी याग जो गोरत आग्त हागोद अद चमकदार ईरोद, रा अद जो संची ईत्तीत मात्त यक्कुल चमकदार येती ईरतीदील?

12 इदुरसाटी हगि आशा ईटकु नाव हम्मिमत इन सांगुळ माताळतेव, 13 अदकि मूसा अनद घाई ईला, याव तान बाय मा पळदा माळ बुटीदुन ताकी इसत्राएली लॉकुर आ गोरत आगावाळा तेज इन अनत इक नोळ सकबाळुल. 14 लेकीन आंदुर मतमिन्द आगेदुर, यतकी ईगासताका हाळोद नयिम वाचुसाहोती आंदुर दलिगोळ मा अदा पळदा बदिक्कू ईरतोद, याग यावारा मंळसा मसीह दा होट बरतान आग अद पळदा येदोगतद. 15 ईगासताका यागल्यारा भी मूसा अनद कतिब वाचुसकु आगतद, रा आंदुरद दलिगोळ मा पळदा बदिक्कू ईरतद. 16 लेकीन याग भी आंदुरद दलि प्रभु उन दी तरिगति, आग अद पळदा येदोदीत. 17 प्रभु रा आत्मा हुन: अदकि येल्यारा भी प्रभु उन आत्मा आद अल आजादी आद. 18 लेकीन याग नाव सपपा मुंदुरद खुला चेहरा देल प्रभु उन तेज इत्ता प्रकार प्रगट आगतद, हयांग आरसा दा, रा प्रभु उन द्वारा जो आत्मा आद, नाव अदा तेजसवी रूप दा अंश अंश माळकु बदलुस्त होगतव.

## 4

मुण्ण इन गळग्यागोळ दा धन

1 इदुरसाटी याग नाम मा हगि दया आत कि नामी ईद स्यावा सकित, रा नाव हम्मिमत बळालेव. 2 लेकीन नाव शरम इन होचकु क्याल्सागोळद त्याग माळ बुटेव, अदकि ना चतुराई देल नळतेव, अदकि ना परमेश्वर उन वचन दा मलावट माळतेव; लेकीन सचचाई इक प्रगट माळकु, परमेश्वर उन मुंद हर ऊंद मंळसा अनद अंतर मन दा तान भलाई कूरसतेव. 3 लेकीन ईद खुशखबरी जो नाव केळसतेव इदुर मा पळदा बदिक्कू आद, रा ईद नाश आगावाळेर दा साटी बदिक्कू आद. 4 अदकि आ अवशिवासीगोळद साटी, यारद बुदधी ई दुनयिा अन मय कुदद माळ बुटान, ताकी मसीह जो परमेश्वर उन प्रतरिप हुन, आऊन चमकदार खुशखबरी इन उजुळ आंदुर नोळ सकबाळुल. 5 यतकी नाव तान तान इक ईला, लेकीन मसीह यीशु उक प्रचार माळतेव कि आव प्रभु हुन; अदकि तान बारा दा ईद अनतेव कि नाव खुद यीशु मसीह नव सेवक हुयव. 6 इदुरसाटी कि परमेश्वर अच हुन, याव अंदुन, “अंधार दा टु ज्योती चमकुसुल.” अदकि अदा नाम दलिगोळ दा चमकुस्त कि परमेश्वर उन महमिा अनद पयचान इन ज्योती यीशु मसीह अनद मार्रा मा टु प्रकाशमान आगुल.

7 लेकीन नाव जो मुण्ण इन गळग्यागोळ घाई आयेव यदुर दा अद आत्मिक धन ईटकु आद कि ईद तोरसोर साटी कि ईद असीम सामरथय नाम दी टु ईला, बल्की परमेश्वर उन दी टु अच हुन. 8 नाव नाकु दी टु क्लेश रा भोगसतेव, लेकीन मूसीबत दा बळालेव; नीर उपाय रा आयेव, पर नरिश आगालेव; 9 सत्सुकु रा आगतेव, पर त्यागसुकु आगालेव; केडुकु रा आगतेव; लेकीन नाश आगालेव. 10 नाव यीशु उन मृत्यु उक तान मय मा हर समय हुडुकु वयाळतेव कि यीशु उन जीवन भी नाम मय दा प्रगट आगुल. 11 यतकी नाव जतिता जी हमश याशु उन कारण मृत्यु उन कय दा सोपसुकु आगतेव कि यीशु उन जीवन भी नाम मरनहार मय दा प्रगट आगुल. 12 ई प्रकार सायोद कार्य नाम मा प्रभाव हाकतद अदकि जीवन नीम मा.

13 इदुरसाटी कि नाम दा अदा वशिवास इन आत्मा आद, यदुर बारा दा शास्त्र दा लखिसकु आद, “ना वशिवास माळदीन, इदुरसाटी ना माताळदनि.” इदुरसाटी नाव भी वशिवास माळतेव, इदुरसाटी माताळतेव. 14 यतकी नाव जानसतेव कि याव प्रभु यीशु मसीह अक जतिता माळदुन, आवा नामी भी मसीह दा भागी जानसकु जतिता माळयान, अदकि नीमी तान मुंद उपस्थति माळयान. 15 यतकी सपपा वस्तुगोळ नीम साटी हुव, ताकी अनुगरह हापाळ मुंदुर द्वारा यक्कुल आगकु परमेश्वर उन महमिा साटी धन्यवाद कोळोद यक्कुल वाळुसति.

वशिवास देल जनिदगी माळोद

16 इदुरसाटी नाव हम्मिमत बळालेव; यतकी नाम मय इन नाश आग्त ईरतद, तरी भी नाम बुळक इन मंळसातत्व दनि रोज वहाशोद आग्त होगतद. 17 यतकी नाम घळी तमिरुद स्याळदतुसा क्लेश नाम साटी हापाळ महत्वपुण अदकि अननत महमिा उत्पन्न माळत होगतद; 18 अदकि नाव रा नोळद वस्तुगोळी ईला लेकीन अनदखा वस्तुगोळी



नोळत ईरतेव; यतकी नोळद वस्तुगोळ थवाळासा अच दनि साटी आव, लेकीन अनदेखा वस्तुगोळ अनन्त काल ताका वनसकु ईरताव.

## 5

1 यतकी नाव जानसतेव कियोग नाम पृथ्वी माकळोद ड्यारा घाई मानना केडुकु आदीत, रा नामी परमेश्वर उन दी टु स्वरग मा ऊंद हगि भवन सक्कितीत जो मानना कय देल माळकु ईरतीदील, लेकीन अनन्तकालीन आद. 2 ईदुर दा रा नाव यक्कुल श्वास ताकोमकु माताळतेव अदकि हापाळ लालसा ईटतेव कितान स्वरगीय मानना अक हाक्क कोडेव 3 क ईदुर हाकदुर देल नाव दंगदंगा सीक बाळुल. 4 अदकि नाव ई ड्यारा दा ईरतेला बोझ देल वोतकु श्वास ताकोमतेला माताळत ईरतेव, यतकी नाव ईळसोद ईला बल्की हाक्कोद चाहासतेव, ताकी अद जो मरनहार आद जीवन दा मूळकेगुल. 5 याव नामी ईदा मात इन साटी तयार माळयान आव परमेश्वर हुन, याव नामी बयाना दा आत्मा भी कोटान.

6 इदुरसाटी नाव हमेशा हम्मित कटकु ईरतेव अदकि ईद जानसतेव कियोगसाताका नाव मय दा ईरतेव, आगासताका प्रभु से ब्यार आयेव. 7 यतकी नाव रूप इक नोळकु ईला, लेकीन वशिवास देल नळुतेव. 8 इदुरसाटी नाव हम्मित कटकु ईरतेव, अदकि मय टु ब्यार आगकु प्रभु उन सांगुळ ईरोद मातत यक्कुल वळलीद समसतेव. 9 ईदुर कारण नाम मन इन उमंग ईद आद क चाहे सांगुळ ईततेव चाहे ब्यार ईततेव, लेकीन नाव आऊक भाऊसत ईततेव. 10 यतकी जरूरी आद क नाव सप्पा मुंदुरद हाल मसीह अनद न्याय आसन इन मुंद तेरदोगुल, कहर ऊंद मळसा तान तान वळलीद बुरा क्यालसागोळद बदला जो आव मय इन द्वारा माळयान सकिल.

परमेश्वर से मेल-मल्लिाप

11 इदुरसाटी प्रभु उन अंजक मानसकु नाव लॉकुरी समझसतेव; लेकीन परमेश्वर मा नाम हाल प्रगट आद, अदकि नान आशा ईद आद क नीम वविक मा भी प्रगट आगीदाद. 12 नाव तरी भी तान बळाई नीम मुंद माळालेव, बल्की नाव तान बारा दा नीमी घमण्ड माळोद मवका कोळतेव क नीव आंदरी उत्तर कोळ सकी, जो मन मा ईला बल्की दखावटी मातगोळ मा घमण्ड माळतार. 13 अगर नाव बेसुध आयेव रा परमेश्वर उन साटी, अदकि अगर चैतन्य आयेव रा नीम साटी आयेव. 14 यतकी मसीह अन प्यार नामी मजबुर माळ बुळतद; इदुरसाटी क नाव ईद समसतेव कियोग ऊद सप्पा मुंदुर साटी सोततुन रा सप्पा सोततुर. 15 अदकि आव ई नमित्तित सप्पा मुंदुर साटी सोततुन क जो जतिता आर, आंदुर मुंद इक तान साटी जतिता ईरबाळुल लेकीन आऊन साटी जो आंदुर साटी सोततुन अदकि वाक जतिता आदुन.

16 इदुरसाटी ईग टु नाव यारीकु मय इन अनुसार समसतीदील. यतकी नाव मसीह अक भी मय इन अनुसार जानसीदेव, तरी भी ईग टु आऊक हगि जानसतीदील. 17 इदुरसाटी अगर यावारा मसीह दा आन रा आव वहाशोद दुनयिया आन: हाळोद मातगोळ बतिसेग्याव; नोळी, सप्पा मातगोळ वहाशेव आगेग्याव. 18 ईव सप्पा मातगोळ परमेश्वर उन दी टु आव, याव मसीह अन द्वारा तान सांगुळ नाम मेल-मल्लिाप माळ कौडुन, अदकि मेल-मल्लिाप इन स्यावा नामी सौप्सदुन. 19 मतलव परमेश्वर मसीह अन द्वारा तान सांगुळ दुनयिया अन मेल-मल्लिाप माळ कौडुन, अदकि आंदुरद अपराधगोळद दोष आंदुर मा हचीदलि, अदकि आव मेल-मल्लिाप इन वचन नामी सौप्सदुन.

20 इदुरसाटी, नाव मसीह अन राजस्वरगदूत हुयेव; मानसी परमेश्वर नाम द्वारा वनिती माळेयान. नाव मसीह अन दी टु नविदन माळतेव क परमेश्वर उन सांगुळ मेल-मल्लिाप माळकोमी. 21 जो पाप देल अग्यात ईरोन, आऊक अच आव नाम साटी पाप ठहरसदुन क नाव आऊन दा आगकु परमेश्वर उन मुंद नेक मळसा वनसेगुल.

## 6

1 नाव जो परमेश्वर उन सहकुरी आयेव ईद भी हेळतेव क आऊन अनुग्रह जो नीम मा आत, अदरी वाया होगोळवाळी. 2 यतकी आव रा अनतान, "तान खुश आगोद समय दा ना नीन केळ कौडीन, अदकि उद्धार इन दनि ना नीन सहायता माळदीन."

नोळी, ईग अद खुश  
इन समय आद;

नोळी, ईग अद उद्धार इन दनि आद.

3 नाव यातोदु मात दा ठोकर तनिोद यातोद भी मवका कोळालेव ताकी नाम स्यावा मा यातोद भी दोष वरबाळुल. 4 लेकीन हर मात देल परमेश्वर उन सेवकगोळद घाई तान लायकत इक प्रगट माळतेव, बळा धीरज देल, क्लेशगोळ देल, दरदिरगोळ देल, संकटगोळ देल, 5 क्वाळा तनिोद देल, कैद आगदुर देल, दंगा देल, मयनत देल, च्याता ईरोद देल, उपास माळदुर देल, 6 पवतिरता देल, आ ग्यान देल, धीरज देल, परमेश्वर उन प्यार अदकि कृपा देल, पवतिर आत्मा देल, 7 सही प्यार देल, सचचाई इन वचन देल, परमेश्वर उन सामरथ्य देल, न्यायीपन इन हथियारगोळ देल जो उजवा डाक्या कयगोळ दा आव, 8 आदर अदकि नरिादर देल, बेकार कीरति अदकि वळलीद कीरति देल. अगर भरमुसावाळेर घाई मालूम आगतेव तरी भी सही आयेव; 9 अनजानगोळद घाई आयेव, तरी भी प्रसदिध आयेव; सोततुर घाई आयेव अदकि नोळी जतिता आयेव; बळसकोमावाळेरद घाई आयेव पर जीव देल कोनसुसकु आगालेव;

10 शोक माळावाळेरद घाई आयेव, पर हमेशा खुश ईरतेव; कंगालगोळद घाई आयेव, पर हापाळ मुंदुर इक धनवान माळ बुळतेव; हगि आयेव जसा नाम हातूती येनु हँलेच तरी भी सब येनारा ईटतेव.

11 हे कुरनिर्धगोळा, नाव तान मन तेरूकु नीम से मातगोळ हँलेव, नाम मन नीम दी तेरूकु आव 12 नीम साटी नाम मन दा यातोद् संकोच हँलेच, लेकीन नीमद अच मनगोळ दा संकोच आद. 13 लेकीन तान चकिर जान्सकु नीम से अनतीन कानिीव भी अदुर बदला दा तान मन तेरुद बुळी.

देवभक्तर्त ईला ईटावाळेर से सावधान

14 अवशिवासीगोळद सांगुळ संबंघ माळकु जुआळी दा जुत्सवाळी, यतकी न्यायीपन अदकि अन्याय इन येन मेल-जोल आद? या उजुळ अदकि अंधार इन येन संगती? 15 अदकि मसीह अनूद शौतान उन सांगुळ येन लगाव? या वशिवासी इन सांगुळ अवशिवासी इन येन नाता? 16 अदकि मूर्तीगोळद सांगुळ परमेश्वर उन मंदरि इन येन संबंघ? यतकी नाव रा जतिता परमेश्वर उन मंदरि हुयेव; ह्यांग परमेश्वर अदान,

“ना आंदुर दा ईराइन

अदकि आंदुर दा नळुतोगाईन;

अदकि ना आंदुर परमेश्वर आगाईन,

अदकि आंदुर नान लाँकुर आदार.”

17 इदुरसाटी प्रभु अनतान,

“आंदुर न्याड्या दा टु होळी

अदकि ब्यारर ईरी;

अदकि अशुधद वस्तु उक मूट बाळी,

रा ना नीमी ग्रहण माळाईन;

18 अदकि ना नीम आप्प आगाईन,

अदकि नीव नान पार अदकि पोर आदीर.

ईद सर्वशक्तमान प्रभु परमेश्वर उन वचन हुन.”

## 7

1 इदुरसाटी हे प्रथिगोळा, याग कर्त ई वादागोळ नामी सकियाव, रा बरी, नाव तान तान इक मय अदकि आत्मा अनूद सप्पा मलनिता देल शुद्ध माळेव, अदकि परमेश्वर उन अंजक ईटतेला पवत्रिता अक सदिध माळेव.

पौलुस उन खुशी

2 नामी तान दलि दा जागा कोळी. नाव ना रा यारदु सांगुळ अन्याय माळेव, ना यारीकारा वगिळुसेव अदकि ना यारीकारा टगुसेव. 3 ना नीनी दोषी ठहूसोर साटी ईद अनालीन. यतकी ना पयले अच अन बुटीन कानिी नाम दलि दा हगि कुरतोग्या कानिी नाव नीन सांगुळ सायोर अदकि ऊळोर साटी तयार आयेव. 4 ना नीम से हापाळ हम्मिमत इन सांगुळ माताळेतनि, नानी नीम मा बाळा घमण्ड आद; ना शांती देल तुमगेगिन. तान सप्पा क्लेश दा ना खुशी देल हापाळ तुमकु ईरतीन.

5 अतकी याग नाव मकदिनया नगर दा बंदेव, आग भी नाम मय इक चैन सकीदील, लेकीन नामी नाकु दी टु क्लेश सकितोगोद; व्हारया लळाईगोळ ईरव, वुळक भयंकर मातगोळ ईरव. 6 फरि भी दनि गरीव मंळसागोळी शांती कोळावाळा परमेश्वर तीतुस उन बंदुर देल नामी शांती कोट्टुन; 7 अदकि ना सरिफ आऊन बंदुर देल लेकीन आऊन आ शांती देल भी, जो आऊक नीम दी टु सकीत. आव नीम लालसा, नीम दुख अदकि नान साटी नीम धुन इन बातणी नामी केळसदुन, यदुर देल नानी मातुत खुशी आत.

8 यतकी कदाचित ना तान चटिटी देल नीनी दुखी माळदीन, लेकीन अदुर देल पछतासालनि ह्यांग कानिी पयले पछतासनि, यतकी ना नोळतीन कानिी आ चटिटी देल नीनी दुख रा आत लेकीन अद घळी तमिर्द साटी ईरोद. 9 ईंग ना खुश आईन पर इदुरसाटी ईला कानिीनी दुख पोहचुस्त, उलटा इदुरसाटी कानिी आ दुख इन कारण मन तरिगुसद, यतकी नीन दुख परमेश्वर उन इच्छा अनूद अनुसार ईरोद कानिी नाम दी टु नीनी यातोद् मात दा हानि पोहचुस बाळुल. 10 यतकी परमेश्वर-भक्तर्त इन दुख हगि पशुचाताप पैदा माळतान यदुरद परणाम उद्धार आद अदकि बाक अदुर देल पछतासोद बाळाल. लेकीन दुनया अक दुख मृत्यु पैदा माळतद. 11 इदुरसाटी नोळी ईंदा मात देल कानिीनी परमेश्वर उन दी टु बरोद दुख आत नीम दा याट उत्साह अदकि खुद इक उळसोद इच्छा अदकि हातास, अदकि अंजक, अदकि लालसा, अदकि आस्था अदकि न्याय कोळोद वचिर पैदा आत? नीव हर प्रकार देल ईद सदिध माळकु तोरसदीर कानिीव ई मात दा नरिदोष आईर.

12 बाक ना जो नीम हातूती लखिसीदनि, अद ना रा आऊन कारण लखिसीदनि याव अन्याय माळदुन अदकि ना आऊन कारण यार मा अन्याय माळकु आत, लेकीन इदुरसाटी कानिीम उत्साह जो नाम साटी आद, अद परमेश्वर उन मुंद नीम मा प्रगट आगेगुल. 13 इदुरसाटी नामी दलिासा सकित. नाम ई दलिासा अनूद सांगुळ तीतुस उन खुशी इन कारण मातुत यककुल खुशी आत यतकी आऊन जीव नीम सप्पा मुंदुर कारण खुश आगेत. 14 यतकी अगर ना आऊन मुंद नीम बारा दा येनारा घमण्ड तोरसदीन, रा लज्जति आगीदील, लेकीन ह्यांग नाव नीम से सप्पा मातगोळ सही-सही अन बुटदिव, हांग अच नाम घमण्ड तोरसोद तीतुस उन मुंद भी सही होळत. 15 याग आऊक नीम सप्पा

मुंदुरद आग्याकारी आगोद याद आगतद कि ह्यांग नीव अंजक अदकि नळगतेला आऊन से मुलाकात माळदीर; रा आऊन प्यार नीम दी मात्त यक्कुल वाळुसेगतद. <sup>16</sup>ना खुश आईन यतकी ना हर मात दा नीम मा पुरा भरोसा माळ सकतीन.

## 8

उदारता पुरवक दान कोळोद

<sup>1</sup>ईग हे वार्दुरा अदकि आकतीगेरा, नाव नीमी परमेश्वर उन अनुग्रह जो मकदिनया नगर इन मंडलीगोळ मा आत नाव चाहासतेव कि नीमी मालूम नळुल. <sup>2</sup>कि क्लेश इन धोळद परीक्षा दा आंदुरद धोळद खुशी अदकि भारी कंगालपन दा आंदुर उदारता हापाळ वाळुसेत. <sup>3</sup>आंदुर बारा दा नान ईद गवाही आद कि आंदुर तान सामर्थ्य तुमकु उलटा सामर्थ्य से भी व्हार्या, मन देल कोटार. <sup>4</sup>अदकि ई दान दा अदकि यहूदीगोळद परमेश्वर उन पवतिर लॉकुरद स्यावा दा सहभागी आगोद अनुग्रह अनूद बारा दा, नाम से घळी-घळी हापाळ वनिती माळदुर, <sup>5</sup>अदकि ह्यांग नाव आशा माळीदेव, हांग अच ईला उलटा आंदुर परभु उक बाक परमेश्वर उन इच्छा देल नामी भी तान तान इक कोट बुट्टर. <sup>6</sup>इदुरसाटी नाव तीतुस से वनिती माळीदेव कि ह्यांग आव पयले सूरवात माळीदुन, हांग अच नीम न्याड्या दा ई दान कोळोद कृपा अनूद क्यालसा अक लगतार पुरा माळुल. <sup>7</sup>इदुरसाटी ह्यांग नीव सप्पा मात दा मतलब वशिवास, वचन, ग्यान अदकि सप्पा प्रकार इन कोशशि दा, अदकि आ प्यार दा जो नाम से ईटतीर, वाळुस्त होगतीर, हांग अच ई दान इन कृपा अनूद क्यालसा दा भी वाळुस्त होगी.

<sup>8</sup>ना आग्या अनूद रीतमा रा ईला, लेकीन दुसरा लॉकुरद तोरसद उत्साह देल नीम प्यार इन सचचाई इक परखुसोर साटी अनतीन. <sup>9</sup>नीव नाम परभु यीशु मसीह अन अनुग्रह अरूतीर कि आव धनी ईतकु भी नीम साटी कंगाल आगेदुन, ताकी आऊन कंगाल आगदुर देल नीव धनी आगेगी.

<sup>10</sup>ई मात दा नान सला ईदा आद: ईद नीम साटी वळीद आद, जो ऊद साल टु ना रा सर्फि क्यालसा अक माळदुर दा अच, लेकीन ई मात इन चाहासदुर दा भी पयला आगदुर, <sup>11</sup>इदुरसाटी ईग ईद क्यालसा पुरा माळी कि ह्यांग इच्छा माळदुर दा नीव तयार ईरीर, हांग अच तान तान पूंजी इन अनुसार पुरा भी माळी. <sup>12</sup>यतकी अगर मन देल कोळोद तयारी आद रा अदुर अनुसार परमेश्वर आ दान इक ग्रहण भी माळयान जो आऊन हात्ती आद, ना कि आऊन अनुसार जो आऊन हात्ती हेलेच.

<sup>13</sup>हांग ईला कि दुसरा अक चैन अदकि नीमी क्लेश सकिल, <sup>14</sup>लेकीन बराबरी इन वचिार देल ई समय नीम वळती आंदुर घटी दा क्यालसा बरूल, ताकी आंदुर वळती भी नीम घटी दा क्यालसा बरूल कि बराबरी आगेगुल. <sup>15</sup>ह्यांग शास्त्र दा लिखिसकु आद, “याव हापाळ जेळदुन आऊन ज्यादा होटीदलि, अदकि याव थवाळासा जेळदुन आऊन गोर्त भी होटीदलि.”

तीतुस अदकि आऊन सहकृमी

<sup>16</sup>परमेश्वर उन धन्यवाद आगुल, याव नीम साटी अदा उत्साह तीतुस उन दलि दा हाक्क बुटान! <sup>17</sup>कि आव नाम समजुसोद मानस कोडुन उलटा हापाळ उत्साही आगकु आव तान इच्छा देल नीम हात्ती होग्याद. <sup>18</sup>नाव आऊन सांगुळ आ वार्ट उक भी कळेव यार्द हेसुर खुशखबरी इन बारा दा सप्पा मंडली दा फैलुसकु आद; <sup>19</sup>अदकि ईट अच ईला, लेकीन आव मंडली द्वारा नयिकुत भी आदुन कि ई दान इन क्यालसा अनूद साटी नाम सांगुळ होगुल. नाव ईद स्यावा इदुरसाटी माळतेव कि परभु उन महमा अदकि नाम मन इन तयारी पराट आगेगुल.

<sup>20</sup>नाव ई मात दा सावधान ईरतेव कि ई उदारता अनूद क्यालसा अनूद बारा दा यार स्यावा नाव माळतेव, यावारा नाम मा दोष हच सकबाळुल. <sup>21</sup>यतकी जो मातगोळ सर्फि परभु उन हात्ती इच ईला, लेकीन मळसागोळद हात्ती भी भला आव नाव अऊरद चिन्ता माळतेव.

<sup>22</sup>नाव आऊन सांगुळ तान वार्ट उक भी कळेव, यारी नाव घळी-घळी परखुसु कु हापाळ सा मातगोळ दा उत्साही आगतेला नोळेव; लेकीन ईग नीम मा आऊक हापाळ भरोसा आद, ई कारण आव मात्त यक्कुल उत्साही आन. <sup>23</sup>अगर यावारा तीतुस उन बारा दा केळुल, रा आव नान संगी अदकि नीम साटी नान सहकर्मि हुन; अदकि अगर नाम वार्दुरद बारा दा केळुल, रा आंदुर मंडलीगोळद कळुकु अदकि मसीह अनूद महमा उर. <sup>24</sup>इदुरसाटी तान प्यार अदकि नाम अद घमण्ड जो नीम बारा दा आद मंडलीगोळद मुंद सदिध माळकु आंदरी तोरसी.

## 9

संगी-मसीहगोळद साटी सहायता

<sup>1</sup>ईग आ स्यावा अनूद बारा दा जो पवतिर लॉकुरद साटी माळकु आगतद, नानी नीमी लिखिसोद जर्री हेलेच. <sup>2</sup>यतकी ना नीम मन इन तयारी इक अरूतीन, यदुर कारण ना नीम बारा दा मकदिनया नगर इन ईरावाळेर्द मुंद घमण्ड तोरसतनि कि अखाया नगर इन लॉकुर ऊद साल टु तयार आग्यार, अदकि नीम उत्साह मात्त हापाळ मुंदुर इक भी तयार माळ्याद. <sup>3</sup>लेकीन ना वार्दुर इक इदुरसाटी कळीन कि नाव जो घमण्ड नीम बारा दा तोरसदेव, अद ई मात दा व्यर्थ ईरबाळुल; लेकीन ह्यांग ना अंदीन हांग अच नीव तयार ईरी, <sup>4</sup>हांग आगवाळुल कि अगर यावारा मकदिनया नगर ईरावाळेर्द नान सांगुळ बरूल अदकि नीमी तयार ईला नोळुल, रा आग सकतद कि ई भरोसा अनूद कारण नाव ईद अनालेव कि नीव लज्जति आदेव. <sup>5</sup>इदुरसाटी ना वार्दुर से ईद वनिती माळोद जर्री समसदीन कि

आंदुर पयले टु नीम हात्ती होगुल, अदकि नीम उदारता अन्द काय यदुर बारा दा पयले टु वचन कोटक आगीत, तयार माळकु ईदुल कि ई दबाव देल ईला लेकीन उदारता अन्द काय इन घाई तयार आगुल.

6 लेकीन मात ईद आद: जो थवाळासा बोऊसतान, आव थवाळा अच कळदान; अदकि जो हापाळ बोऊसतान, आव हापाळ कळदान. 7 हर ऊंद मंळसा ह्यांग मन दा टानस्यान हांग अच दान माळुल; ना कुळकुळस तेला अदकि ना दबाव देल, यतकी परमेश्वर खुशी देल जो कोळतान आऊन से अच प्यार ईटतान. 8 परमेश्वर सप्पा प्रकार इन अनुग्रह नीमी हापाळ तरीका देल कोळ सकतान यदुर देल हर मात दा अदकि हर समय, सप्पा येनारा, जो नीमी जरूरी आद, नीम हात्ती ईरूल; अदकि हर ऊंद वळ्दीद क्याल्सा अन्द साटी नीम हात्ती हापाळ येनारा ईरूल. 9 ह्यांग शास्त्र दा लखिसकु आद,

“आव सळग्यान माळदुन, आव कंगालगोळी दान कोट्टुन,

आऊन न्याय हमेशा बन्सकु ईत्तीत.”

10 इदुरसाटी जो बोऊसावाळा अक बीजा अदकि ऊमोर साटी रोटी कोळतान, आव नीमी बीजा कोट्टान, अदकि आऊक फलवन्त माळयान; अदकि नीम न्याय इन कायगोळी वाळुस्यान. 11 नीव हर मात दा सप्पा प्रकार इन उदारता अन्द साटी जो नाम दवारा परमेश्वर उन धन्यवाद माळसुसतद, धनवान माळकु आदीर. 12 यतकी ई स्यावा अक पुरा माळदुर देल ना सर्फि पवतिर लॉकुरद जरवतगोळ पुरा आगताव, लेकीन लॉकुर दी टु परमेश्वर उन भी हापाळ धन्यवाद आगतद. 13 यतकी ई स्यावा अक प्रमाण स्वीकार माळकु आंदुर परमेश्वर उन महिमा प्रगट माळतार कि नीव मसीह अन्द खुशखबरी इक मानसकु आऊन हात्ती ईरतीर, अदकि आंदुरद अदकि सप्पा मुंदुरद सहायता माळदुर दा उदारता प्रगट माळतेला ईरतीर. 14 अदकि आंदुर नीम साटी प्रारथना माळतार; अदकि इदुरसाटी कि नीम मा परमेश्वर उन हापाळ अच अनुग्रह आद, नीम लालसा माळतेला ईरतार. 15 परमेश्वर उन, आऊन आ दान इन साटी जो वर्णन टु व्हाऱ्या आद, धन्यवाद आगुल.

## 10

पौलुस उन अधकारि

1 ना आवा पौलुस हुईन जो नीम मुंद गरीव आईन लेकीन बेन हदि नीम दी साहस माळतीन, नीमी मसीह अन्द नमरता अदकि कोमलता अन्द कारण समझुसतीन. 2 ना ईद वनिती माळतीन कि नीम मुंद नानी नर्भय आगकु साहस माळोद बळिबाळुल, ह्यांग ना थवाळासा लॉकुर मा जो नामी मय इन अनुसार नळावाळेर समसतार, आंदरी साहस तोरसोद वचारि माळतीन. 3 यतकी नाव मय इन अनुसार नळतेव अदकि वयाळतेव, तरी भी नाव मय इन अनुसार लळाई माळालेव. 4 यतकी नाम लळाई इन हथयार शारीरिक ईला, लेकीन कलिलागोळ्द नाश माळोर साटी परमेश्वर उन सामर्थ्य देल परपूरण आद. 5 इदुरसाटी नाव कल्पनागोळ्द अदकि हर ऊंद थोळ्द मात इन, जो परमेश्वर उन पयचान इन वरिध दा यळतद, खंडन माळतेव; अदकि हर ऊंद भावना अक कैद माळकु मसीह अन्द आग्याकारी माळ बुळतेव, 6 अदकि तयार ईरतेव कि याग नीम आग्या पालन पुरा आगुल, रा हर ऊंद प्रकार इन आग्या अन्द उल्लंघन माळावाळेर इक दण्डति माळव.

7 नीव अवा मातगोळी नोळी, जो कण्णगोळ्द मुंद आव. अगर यारीकारा तान मा ईद भरोसा आद कि ना मसीह नव हुईन, रा आव ईद भी जानुस कोमूल कि ह्यांग आव मसीह नव हुन हांग अच नाव भी हुयेव. 8 यतकी अगर ना आ अधकारि इन बारा दा मातुत यककुल घमण्ड तोरसाईन, जो प्रभु नीम वीगळुसोर साटी ईला लेकीन सुधूसोद साटी नामी कोटान, रा ना लज्जति ईला आगाईन. 9 ईद ना इदुरसाटी अनतीन कि चिट्ठी गोळ्द दवारा नीमी अंजक्या तोरसावाळा ठहूसतीदील. 10 यतकी आंदुर अनतार, “आऊन चिट्ठी गोळ रा गंभीर अदकि प्रभावशाली आव; लेकीन याग आव मुंद इरतान, रा आव मय देल कमजोर अदकि माताळदुर दा हलका अरकु आगतान.” 11 जो हगि अनतान, आव ईद ऊमसुल कि ह्यांग बेन हदि चिट्ठी गोळ दा नामव वचन आव, हांग अच नीम मुंद नामव क्याल्सा भी ईत्ताव.

12 यतकी नामी ईद साहस हलैच कि नाव तान तान इक आंदुर दा टु येनारा सांगुळ आळुल या आंदुर से खुद इक मीलसुल, जो तान प्रशंसा खुद माळतार, अदकि तान तान इक आपस दा आळ्दकु तौलुसकु आवुर दावुर से मलान माळतार, आ लॉकुर खुद मूर्ख ठहूसतार. 13 नाव रा सीमा टु व्हाऱ्या घमण्ड यागलु भी माळतीदील, लेकीन अदा सीमा ताका जो परमेश्वर नाम साटी ठहूस्यान, अदकि अदुरदा नीव भी होट बंदीर, अदकि आऊंदा अनुसार घमण्ड भी माळ्यार. 14 यतकी नाव तान मर्यादा अन्द व्हाऱ्या हांगालेव, जसा कि नीम ताका पोहचुसोद दशा दा ईला ईराईत, उलटा मसीह अन्द खुशखबरी केळसतेला नीम ताका पोहचुसग्याव. 15 नाव मर्यादा टु व्हाऱ्या दुसरा अन मेहनत मा घमण्ड माळालेव; लेकीन नामी आशा आद कि याग-याग नीम विश्वास वाढुसतेला होदीत आग-आग नाव तान मर्यादा अन्द अनुसार नीम कारण मातुत वाढुसत होदेव, 16 ताकी नाव नीम मर्यादा से मुंद वाढुसकु खुशखबरी केळसेव, अदकि ईद ईला कि नाव दुसरा अन मर्यादा अन्द बुळ्क माळदव क्याल्सा मा घमण्ड माळव.

17 ह्यांग शास्त्र अनतद, घमण्ड माळोद आद, आव प्रभु मा घमण्ड माळुल. 18 यतकी जो तान बळाई माळतान आव ईला, लेकीन यार्द बळाई प्रभु माळतान, आवा ग्रहण माळकु आगतान.

## 11

पौलुस अदकि खवाटा प्रेरति

1 अगर नीव नान थवाळासा मूरखता सहन माळ कोमायदीर रा येन ईद भला आगाईत; हव, नान सहन भी माळी. 2 ना नीम बारा दा ईरण्या ईटतीन हयांग परमेश्वर ईटतान, नीव ऊंद पवतिर कुवारा पोर इन घाई आईर, यारी ना सर्फि ऊंद मळसा अक, खुद मसीह अनूद सांगुळ मदा माळोद वादा माळीदनि. 3 लेकीन ना अंजतीन कर्हि हयांग हाव तान चतुराई देल हवा अक बयकुसुत, हांग अच नीम सीधा साधा मन अदकि पवतिरता देल जो मसीह अनूद सांगुळ ईर पायजे, येलयारा भरषट माळकु आगावाळुल. 4 अगर यावारा नीम हात्ती बंदकु यावारा दुसरा यीशु उन प्रचार माळुल, यार्द प्रचार नाव माळीदील; या यातारा दुसरा आत्मा नीमी सकुल, जो पयले ईला सर्कीदाद; या मातत यावारा खुशखबरी केळसुल यदरी नीव पयले मानसीदील, रा नीव अदरी स्वीकार माळ कोमतीर.

5 ना रा समसतीन कर्हि ना यातारा मात दा धोळ से धोळ प्रेरतिगोळ से गोरत हैलेच. 6 अगर ना माताळदुर दा अनाळी आईन, तरी भी गयान दा गोरत हैलेच. नाव इदरी हर मात दा सप्या प्रकार देल नीम साटी प्रगट माळव.

7 येन ईदुर दा ना येनारा पाप माळीन कर्हि ना नीमी परमेश्वर उन खुशखबरी हयांगारा-मुंगारा केळसदीन; अदकि तान तान इक नम्र माळदीन कर्हि नीव म्याकुच आगोगी? 8 ना दुसरा मंडलीगोळी लुटसदनि, मतलब ना आंदुर से मजदूरी ताकोडीन ताकी नीम स्यावा माळाईन. 9 अदकि याग ना नीम सांगुळ ईरीन अदकि नानी गोरत आत, रा ना यार्दु मा बोझ हाक्कीदलि, यतकी वार्दुर मकदुनिया नगर टु बंदकु नान जो गोरत ईरोद अदरी पुरा माळदुर; अदकि ना हर मात दा तान तान इक नीम मा बोझ आगदुर देल रोक्सदनि, अदकि रोक्सकु ईटाईन. 10 अगर मसीह अनूद सच्चाई नान दा आद रा अखाया द्याश दा याऊ नानी ई धमण्ड देल रोक्सतदिलि. 11 येती? येन इदुरसाटी कर्हि ना नीम से प्यार ईटालीन? परमेश्वर ईद अरतान कर्हि ना प्यार ईटतीन.

12 लेकीन जो ना माळतीन, अदा माळत ईराइन कर्हि जो धोळ प्रेरति मवका हुंढसतार ना आ धोळ सीक गोळालीन, ताकी याता मात दा आंदुर धमण्ड माळतार, अदुरदा आंदुर नामद अच घाई ठहूसुल. 13 यतकी ईतता लॉकुर खवाटा प्रेरति, अदकि छल कपट देल कयालसा माळावाळेर, अदकि मसीह अनूद प्रेरतिगोळद रूप ताकोमावाळेर उर. 14 ईद येनु अचम्भा अनूद मात आल्लच यतकी शैतान खुद भी ज्योतरिमय स्वरगदूत उन रूप धारण माळतान. 15 इदुरसाटी अगर आऊन सेवक भी न्याय इन सेवकगोळद घाई रूप ताकोमुल, रा येनु धोळद मात हैलेच, लेकीन आंदुर न्याय आंदुर कर्मगोळद अनुसार आदीत.

प्रेरति उन रूप दा पौलुस उन दुख भोगसोद

16 ना मातत अनतीन, याऊ नानी मूरख समसवाळुल; ईलारा मूरख अच समसकु नान सहन माळी, ताकी थवाळासा ना भी धमण्ड माळ सकाईन. 17 ई आत्मवश्वास इन धमण्ड दा जो येनारा ना अनतीन, अद प्रभु उन आग्या अनूद अनुसार ईला पर मानसी मूरखता देल अच अनतीन. 18 याग कर्हि हापाळ सा लॉकुर मय इन अनुसार धमण्ड माळतार, रा ना भी धमण्ड माळाईन. 19 नीव रा समझदार ईतकु खुशी देल मूरख लॉकुर सहन माळ कोमतीर. 20 यतकी याग यावारा नीमी दास माळ कोमतान, या फायदा नेगुतान, या फसुस कोमतान, या तान तान इक धोड्डेव माळतान, या नीम बाय मा कयावरा बडुतान, रा नीव सहन माळ कोमतीर. 21 नान अनोद अनादर इन अच बारा दा आद, मानसी नाव इदुरसाटी नरिबल घाई ईरेव.

लेकीन याग यावारा यातोदारा मात दा हमिमत माळतान-ना मूरखता देल अनतीन-रा ना भी हमिमत माळतीन. 22 येन आंदुर अच इब्रानी उर? ना भी हुईन. येन आंदुर अच इस्त्राएली उर? ना भी हुईन. येन आंदुर अच अब्राहम उन वंश उर? ना भी हुईन. 23 येन आंदुर अच मसीह अनूद सेवक उर ना यर इन घाई अनतीन ना आंदुर से यककुल आईन. यककुल मयनत माळदुर दा; घळी घळी कैद आगदुर दा; क्वाळागोळ तदिर दा; घळी घळी मृत्यु उन जोखीमगोळ दा. 24 अईद घन ना यहूदीगोळद कय देल उंच्यालीस क्वाळागोळ तनिदनि. 25 मुर घन ना ऊंदसाकोडडीन; ऊंद घन नान मा कल्लगोळ देल पथराव माळकु आत; मुर घन जहाज, यऊर मा ना येरीदनि, मुरदोदव; ऊंद ईळलक ऊंद हागुल ना समदुर दा कळदनि. 26 ना घळी घळी यातरगोळ दा; गांगागोळ जोखीमगोळ दा; डाकुगोळ जोखीमगोळ दा; तान जातीवाळेर देल जोखीमगोळ दा; गैरयहूदीगोळ देल जोखीमगोळ दा; नगरगोळ जोखीमगोळ दा; आळी इन जोखीमगोळ दा; समुद्र अनूद जोखीमगोळ दा; खवाटा वार्दुरद न्याड्या जोखीमगोळ दा ईततीन. 27 मयनत अदकि कषट दा; घळी घळी च्याता ईरदुर दा; हसु-नीरअळक दा; घळी घळी उपास माळदुर दा; सोळ इन दनि दा; बनि फळकया अनूद ईरदुर दा; 28 अदकि दुसरा मातगोळी बटिकु यऊर वरणन ना माळालीन; सप्या मंडलीगोळद चनिता हर दनि नानी वतत बुळतद. 29 यार नरिबलता देल ना नरिबल आगालीन? यार्द टोकर तदिर देल नान जीव नोयाल?

30 आग धमण्ड माळोद जरूरी आद, रा ना तान नरिबलता अनूद मातगोळ मा धमण्ड माळाईन. 31 प्रभु यीशु उन परमेश्वर अदकि आप्प जो हमेशा धन्य आन, अरतान कर्हि ना खवाटा माताळालीन. 32 धमशिक नगर दा अरतिास राजा दी टु जो शासक ईरोन, आव नानी हुळसुसोर साटी धमशिकगोळद नगर मा पयरा कुरसकु ईटीदुन. 33 लेकीन नानी जाळी इन माळद फुट्टी दा कुरसकु ऊंद दवार इन खळिकी टु ईळसकु आत, ईतता प्रकार देल ना आऊन कय दा टु ऊळदकु होटोदनि.

## 12

पौलुस उन दविय दर्शन

☆ 11:9 ११:९ फलिपिगोळ ४:१५-२८ ☆ 11:23 ११:२३ प्रेरतिगोळ १६:२३ ☆ 11:25 ११:२५ प्रेरतिगोळ १६:२२; प्रेरतिगोळ १४:१९  
☆ 11:26 ११:२६ प्रेरतिगोळ ९:२३; प्रेरतिगोळ १४:५ ☆ 11:32 ११:३२ प्रेरतिगोळ ९:२३-२५

1 यतकी घमण्ड माळोद नान साटी ठीक हेल्लेच तरी भी माळोद बळितद; इदुरसाटी ना प्रभु उन कोळद दरशनगोळ अदकि प्रकाशगोळद चरचा माळाईन. 2 ना मसीह दा ऊंद मंळसा अक अरतीन; जो चौदा वर्ष आग्याव कर्मा मालूम ईला शरीर सहति, मालूम ईला शरीर रहति, परमेश्वर अरतान; हगि मंळसा तसिरा स्वर्ग ताका नेगुकु आदुन. 3 ना हगि मंळसा अक अरतीन कर्मा मालूम ईला शरीर सहति, या मालूम ईला शरीर रहति परमेश्वर अच अरतान 4 कर्मा स्वर्गलोक मा नेगुकु आदुन, अदकि हगि मातगोळ केळदुन जो माताळकु आगालव; अदकि आ मातगोळी बाय मा तरोद बराबर हेल्लेच. 5 हगि मंळसा मा रा ना घमण्ड माळाईन, लेकीन तान मा तान नरिबलतागोळी बटिकु, तान बारा दा घमण्ड माळतीदील. 6 यतकी अगर ना घमण्ड माळोद चाहसाईन भी रा मूर्ख आगतीदील, यतकी ना सही माताळाईन; तरी भी रूक्सेगतनि, हगि आगबाळुल कर्मा ह्यांग नानी यावारा नोळतान या नान से केळतान, नानी अदुर देल यक्कुल समसुल.

7 इदुरसाटी कर्मा ना परमेश्वर उन प्रकाशन इन यक्कुलता अन कारण तुममेगाईन, नान मय दा ऊंद मुळल नळसकु आत, मतलब शैतान उन ऊंद स्वरुगदूत नानी बुक्की बडुल अदकि घमण्ड माळदुर देल नानी रोकसकु ईदुल. 8 ईदुर बारा दा ना प्रभु से मुर धन वनिती माळीन कर्मा ईद नान से दुर आगेगुल. 9 अदकि आव नान से अंदुन, "नान अनुग्रह नीन साटी हापाळ आद; यतकी नान सामर्थ्य नरिबलता दा सदिध आगतद." इदुरसाटी ना हापाळ खुशी देल तान नरिबलतागोळ मा घमण्ड माळाईन कर्मा मसीह अनंद सामर्थ्य नान मा सावली माळतेला ईल्ल. 10 ई कारण ना मसीह अनंद साटी नरिबलतागोळ दा, अपमान गोळ दा, अदकि गरीबी दा, अदकि उपद्रवगोळ दा, अदकि संकटगोळ दा खुश आईन; यतकी याग ना नरिबल ईरतीन आग अच सामर्थी आगतीन.

कुरनिर्धगोळद साटी पौलस उन चनिता

11 ना मूर्ख वा बन्सदीन, लेकीन नीव अच नानी ईद माळोर साटी मजबुर माळदीर. नीव रा नान प्रशंसा माळायदीर, यतकी अगर ना येनु हेल्लेच, तरी भी आ धोड्डेर से धोड्डेर प्रेरतिगोळ से यातोदारा मात दा गोर्त हेल्लेच. 12 सही प्रेरतिगोळद लक्षण भी नीम न्याड्या सप्पा प्रकार इन धीरज सांगुळ चमत्कारगोळ, अदकि अदभूत क्यालसागोळ, अदकि सामर्थ्य अनंद क्यालसागोळ देल तोरसकु आदव. 13 नीव याता मात दा दुसरा मंडलीगोळ देल गोर्त ईरीर, सर्फि इदुर दा कर्मा नीम मा तान भार हाक्कीदलि. नान ईद अन्याय माफ माळी.

14 ना तसिरा धन नीम हात्ती बरली तयार आईन, अदकि ना नीम मा यातोदारा भार हाकतदलि, यतकी ना नीम धन दौलत ईला उलटा नीमी का चाहासतीन. यतकी चकिरगोळी मोय-आप्प उन साटी धन दौलत जमा माळोद बळिल, पर मोय-आप्प उक चकिरगोळ साटी धन जमा माळोद बळितद. 15 ना नीम आतमागोळ साटी हापाळ खुशी देल खर्च माळाईन, उलटा खुद भी खर्च आगेगाईन. येन याट यक्कुल ना नीम से प्यार ईटतीन, आट अच गोर्त नीव नान से प्यार ईटटीर?

16 हगि आग सकतद कर्मा नीम मा भार हाक्कीदलि, लेकीन चतुराई देल नीमी धवाका कोटकु फसुस कौडीन! 17 भला, यारी ना नीम हात्ती कळदीन, येन आंदुर दा टु यारदारा द्वारा ना छल कपट माळकु नीम से येनारा ताकोम कौडीन? 18 ना तीतुस उक वनिती माळदीन अदकि आऊन सांगुळ ऊंद वार्ट उक कळदीन, ना तीतुस छल कपट माळकु नीम से येनारा ताकोडुन का? नाव ऊंद अच आत्मा देल सारखा अच हादी देल नळददिल का?

19 नीव ईगासताका समसतदीर कर्मा नाव नीम मुंद खुद इन बचाव माळतेव. नाव रा परमेश्वर उक उपस्थिति जानसकु मसीह दा माताळतेव, अदकि हे प्रियगोळा, सप्पा मातगोळ नीम उनुनती साटी अच अनतेव. 20 नानी अजुक आद, ईदारा हगि आगबाळुल कर्मा ना बंदकु ह्यांग चाहासतीन, हाग नीमी नोळतीदलि; अदकि नानी भी ह्यांग नीव चाहासलीर हांग अच नोळीर; अदकि नीम दा झगळा, जलन, सट्टि, वरिध, ईर्ष्या, चुगली, अभिमान अदकि चेंगळ आगुल; 21 अदकि ईलारा हगि आगबाळुल कर्मा नान परमेश्वर नान मातुत नीम मान्या बंदुर मा नान मा दबाव हाकुल अदकि नानी हापाळ मुंदुर साटी मातुत शोक माळोद बळिल, यार पयले पाप माळीदुर अदकि खराब क्यालसा अदकि व्यभिचार अदकि वासना देल, जो आंदुर माळदुर, मन तरिगुसदिल.

## 13

आखरी चेतावनी

1 ईग तसिरा बार ना नीम हात्ती बरतीन: हर ऊंद मुकदमा सदिध माळोर साटी येद्व या मुर गवाहगोळद जरवत ईरतद. 2 ह्यांग ना दुसरा बार नीम सांगुळ ईरीन, हांगा ईग दुर ईरतेला आ लॉकर से यार पयले पाप माळयार, अदकि अन्य सप्पा लॉकर से ईग पयले से अन बळतीन कर्मा अगर ना मात बराईन रा बळितीदील, 3 यतकी नीव रा इदुरद सबुत चाहासलीर कर्मा मसीह नान दा माताळतान, जो नीम साटी कमजोर ईला लेकीन नीम दा सामर्थी आद. 4 आव कमजोर इन कारण क्रूस मा येरसकु रा आदुन, तरी भी परमेश्वर उन सामर्थ्य देल जतिता आन. नाव भी अदुरदा कमजोर आयेव, लेकीन परमेश्वर देल जो नीम साटी आन, आऊन सांगुळ ऊळदेव.

5 तान तान इक जाच विश्वास दा आईर का ईला. तान तान इक जाच. येन नीव तान बारा दा ईद जानसालीर कर्मा यीशु मसीह नीम दा आन? ईलारा नीव जाच दा नकिम्मा होटीर. 6 लेकीन नान आशा आद कर्मा नीव जानस कौडीर कर्मा नाव नकिम्मा हेल्लेच. 7 नाव तान परमेश्वर से ईद प्रार्थना माळतेव कर्मा नीव येनु बुराई माळबाळी, इदुरसाटी ईला कर्मा नाव सही कांळसीगेव, लेकीन इदुरसाटी कर्मा नीव भलाई माळी, बाक नाव नकिम्मा अच ठहरूसेगुल. 8 यतकी नाव सच्चाई इन वरिध दा येनु माळ सकालेव, लेकीन सच्चाई इन साटी इच माळ सकतेव. 9 याग नाव कमजोर आयेव अदकि नीव ताकतवर आईर, रा नाव खुश आगतेव, अदकि ईद प्रार्थना भी माळतेव कर्मा नीव सदिध आगेगी.

10 ईदुर कारण ना नीम बेन हीद ई मातगोळी लखिसतीन, क उपस्थति आगकु नानी आ अधिकार इन अनुसार यदरी प्रभु बीगळुसोर साटी ईला लेकीन नीम भलाई इन साटी कोटान, कटनाई देल येनु माळोद बळिबाळुल.

आखरी अभिवादन

11 इदुरसाटी हे वारटुरा अदकि आकतींगेरा, खुश ईरी; सद्धि आगतेला होगी; हमिमत ईटी; ऊदा मन ईटी; मेल मलियाप देल ईरी. अदकि प्यार अदकि शांती इन दाता परमेश्वर नीम सांगुळ ईत्तान.

12 परमेश्वर उन शुद्ध प्यार दा आबुर दाबुरी पवतिर चुममा देल नमस्कार माळी.

13 सप्पा मसीह परमेश्वर उन लॉकुर नीमी प्यार अदकि नमस्कार अनतार.

14 प्रभु यीशु मसीह अन अनुग्रह अदकि परमेश्वर उन प्यार अदकि पवतिर आत्मा अन सहभागीता नीम सप्पा मुंदुर सांगुळ आगतेला ईरूल.

## गलातियों के नाम पौलुस प्रेरति की पत्री गलातगोळ हेसुर पौलुस प्रेरति उन चट्टी परचिय

गलातिया अनूद ईद चट्टी प्रेरति पौलुस लखिसदुन १:१ ईद अद चट्टी हुन जो पौलुस गलातिया अनूद मंडली इक मसीह अन जनम इन बाददा ४८-५७ साल इन बीच दा लखिसदुन, गलातिया आ लॉकुर उर जो गलातिया हेसुर इन रोमी प्रांत दा ईरतोगोर, ग्यानी लॉकुरी ईद चट्टी सही रूप देल मालूम हैलेच, याग आव ईद चट्टी लखिसदुन आग आव यल ईरोन. मानसकु आगतद कि आव इफसिगोळ कुरनिथानगर दा ईतकु ईद कतिब लखिसीदान.

आ यहूदी अदकि गैरयहूदी मसीह लॉकुर हेसुर जो गलातिया दाकळोर मंडली इन सभासद ईरोर आंदुर हेसुर देल ईद चट्टी लखिसदुन. मसीहगोळी यहूदी नयिमगोळद वशिष रूप देल खतना अन पालन माळ पायजे ईद अनावाळेर खाटा शकिसकगोळद सामना माळोर साटी पौलुस वशिष रूप देल ईद चट्टी लखिसदुन. ईद मसीहगोळ दा हगि समुह ईरोद यदरी जूळाइजर अंदकु आगोद इंदुर मानसतोगोर कि गैरयहूदी मसीहगोळद खतना माळोद जरूरी आद, आंदुर पौलुस उन प्रेरतिपन इन अधिकार मा प्रश्न चनिह हाकदुर. पौलुस आंदुरद थवाळासा जीवन कात्ता अन थवाळासा भाग हेळकु तान प्रेरतिपन इन पुष्टी माळदुन. १:११-२:१४ ईद स्पष्ट माळतेला कि मुक्ती सर्फि यीशु मसीह मा वशिवास माळदुर देल अच सकितद, आव खुशखबरी इन पुष्टी माळदुन. २:१६ मुक्ती परमेश्वर उन प्यार इन फल हुन अद लॉकुरद कर्मकांड इन फल आल्लच.

रूप-रेखा

१. गलातिया अन मंडली इक नमस्कार अंदकु पौलुस ईद चट्टी इन सूवात माळतान. १:१-५
२. तान शकिसा कोळोद अधिकार इन पुष्टी माळोर साटी पौलुस तान जीवन इन थवाळासा पार्श्वभुमी स्पष्ट माळतान आव ईद हेळोर साटी कि आव नयिम शास्त्र अन अनुसार ईरोद ईद जीवन इन कोशशि माळदुन, लेकीन आव येनु सफलता हासिल माळीदलि. १:६-२:२१
३. इदुर बाददा नयिम अदकि कृपा नामी मुक्ती कोळोर साटी येन भुमकि नभिसताव ईद आव स्पष्ट माळतान. ३-४
४. वळलीद मसीह जीवन इन साटी आव थवाळासा साधारण सुचना कोळतान. ५:१-६:१०
५. पौलुस आखरी दा आखरी वनिती माळतान कि परमेश्वर उन द्वारा व्हाशोद मंळसा बनसोद ईद खतना घाई व्हारयागोळद रीति देल हापाळ महत्वपुर्ण आद इदरी याद ईटी अदकि नमस्कार माळकु आव ई चट्टी इक खतम माळतान. ६:११-१८

१ पौलुस उन दी टु यारी प्रेरति नविळसकु आत जो ना मंळसागोळ दी टु अदकि ना मंळसा अन दवाग, उलटा यीशु मसीह अदकि परमेश्वर आप्प उन द्वारा, याव आऊक सोत्तुर दा टु जतिता माळदुन, प्रेरति हुन २ अदकि सप्पा वशिवासी वारटुर दी टु जो नान सांगुळ आर, गलातिया अन मंडलीगोळी शुभकामनागोळ कळदुर दा शामिल आर:

३ नाम परमेश्वर आप्प अदकि प्रभु यीशु मसीह अन दी टु नीमी अनगूरह अदकि शांती कोळतेला ईरूल. ४ प्रभु यीशु मसीह तान तान इक नाम पापगोळ साटी कोट बुट्टुन, ताकी नाम परमेश्वर अदकि आप्प उन इच्छा अन अनुसार नामी ई वर्तमान बुरा युग देल बळिसुसुल. ५ परमेश्वर उन स्तुति अदकि महिमा हमेशा आगतेला ईरूल. आमीन.

यातोदु दुसरा खुशखबरी हैलेच

६ नानी आशुचर्य आगतद कि याव नीमी मसीह अन अनगूरह देल कारसदुन आऊन से नीव ईट जलदी तरिगकु दुसरा अच प्रकार इन खुशखबरी इन दी झुकसली हतदीर. ७ लेकीन अद दुसरा खुशखबरी इच हैलेच: लेकीन मात ईद आद कि यास हगि आर जो नीमी उलझन दा हाकक बुळतार, अदकि मसीह अन खुशखबरी इक वगिळुसोद चाहासतार.

८ लेकीन अगर नाव, या स्वर्ग टु यावारा स्वर्गदूत भी खुशखबरी इक बटिकु जो नाव नीमी प्रचार माळकु केळसेव, यावारा अलग खुशखबरी नीमी प्रचार माळकु केळसुल, जो आ खुशखबरी टु अलग आद, रा आंदुर शापति आदार.

९ ह्यांग नाव पयले अंद कोडेव, हांग अच ना ईंग मात्त अनतीन कि आ खुशखबरी इक बटिकु यदरी नीव ग्रहण माळीर, अगर यावारा मात्त खुशखबरी केळसतान, रा शापति आगुन.

१० ईंग ना येन मंळसागोळी मानसतीन या परमेश्वर उक? येन ना मंळसागोळी समझुसोद चाहासतीन? अगर ना ईंगासताका मंळसागोळी इच समझुसतेला ईरायदीन रा मसीह अन दास ईला आगायदीन.

पौलुस ह्यांग प्रेरति बनसदुन

११ हे वारटुरा अदकि आकतीगोरा, ना नीमी हेळ बुळतीन कि जो खुशखबरी ना केळसदीन, अद मंळसागोळद आल्लच. १२ यतकी अद नानी मंळसा अन दी टु पोहचुसीदील, अदकि ना नानी केळसकु आत, लेकीन यीशु मसीह अन प्रकाशन देल सकित. १३ यहूदी मत दा जो पयले नांद चाल चलन ईरोद अदुरद बारा दा नीव केळ कोडीर कि ना परमेश्वर उन मंडली इक हापाळ अच सतुसीन अदकि नाश माळ तोगीन. १४ तान हापाळ सा जातीवाळेर से



जो नान अवस्था अन ईरोर, यहूदी मत दा यक्कूल वाळूसतेला होगतोगोद अदकि तान आप्प दादागोळ परंपरागोळ साटी हापाळ अच उत्साही ईरीन. <sup>15</sup>लेकीन परमेश्वर उन, याव नान मोय इन गर्भ टु अच नानी ठहूसदुन अदकि तान अनुग्रह देल कारूस बुट्टुन, <sup>16</sup>याग इच्छा आत कं नान दा तान पार उक प्रगत माळुल कं ना गैरयहूदीगोळ दा आऊन खुशखबरी केळसाईन, रा ना मास अदकि रकता देल सलाह ताकोडीन, <sup>17</sup>अदकि ना यूरशलेम इक आंदुर हाती होदीन जो नान से पयले प्रेरति ईरोर, लेकीन अरब इक ओळेदीन अदकि बाक अल टु दमशिक इक वापस बंदीन.

<sup>18</sup>बाक मुर वर्ष इन बाददा ना कैफा टु मुलाकात माळोर साटी यूरशलेम होदीन, अदकि आऊन हाती पंदरा दिन ताका ईततीन. <sup>19</sup>लेकीन प्रभु उन वार्ट याकूब उक बटिकु अदकि प्रेरतिगोळ दा टु याकूब नोळीदील. <sup>20</sup>जो मातगोळ ना नीमी लखिसतीन, नोळी, परमेश्वर उक उपस्थति जान्सकु अनतीन कं अव ख्वाटा हेल्लेच. <sup>21</sup>इदुर बाददा ना सीरया अदकि कलिकिया अन ऊरगोळ दा बंदीन. <sup>22</sup>लेकीन यहूदया अन मंडलीगोळ जो मसीह दा ईरोर, नान बाय यागलु ईला नोळीदुर; <sup>23</sup>लेकीन ईदा केळतोगोर कं जो नामी पयले सतुस तोगोन, आव ईंग अदा वशिवास इन खुशखबरी केळसतान यारी पयले नाश माळतोगोन. <sup>24</sup>अदकि आंदुर नान बारा दा परमेश्वर उन महिमा माळतोगोर.

## 2

अन्य प्रेरतिगोळ द्वारा पौलुस उक मान्यता

<sup>1</sup>चौदा वर्ष इन बाददा ना बरनवास उन सांगुळ मातुत यूरशलेम इक होदीन, अदकि तीतुस उक भी सांगुळ ओतीन. <sup>2</sup>नान होगोद ईश्वरीय प्रकाशन इन अनुसार आत; अदकि जो खुशखबरी ना गैरयहूदीगोळ दा प्रचार माळतीन, अदरी ना आंदरी हेळ बुटीन, लेकीन आवना दा आंदरी जो धोड्डेर समसकु आगोर, ताकी हगि आगवाळुल कं नान ई समय इन या पछिला दवळ धूप बेकार ठहरसुल. <sup>3</sup>लेकीन तीतुस उक भी जो नान सांगुळ ईरोन अदकि गैरयहूदी आन, खतना माळसुसोर साटी मजबूर माळकु आगीदील. <sup>4</sup>ईद आ ख्वाटा वारटुर कारण आत जो चोरी देल बंदीदुर, कं आ स्वतंत्रता अन जो मसीह यीशु दा नामी सकियाद, भेद ताकोमकु नाम ना नयितरण हासलि माळुल. <sup>5</sup>ऊद घळीतीम आंदुर हातुती आगोद नाव मानसीदील, इदुरसाटी कं खुशखबरी इन उपज नीम दा बनसकु ईरूल. <sup>6</sup>बाक जो लॉकुर येनारा समसकु आगोर आंदुर चाहे हयांग भी ईतीदार नानी इदुर से येनु लेना-देना हेल्लेच; परमेश्वर यारदु पक्षपात माळालुन आंदुर से जो येनारा समसकु आगोर, नानी येनु भी प्रापुत आगीदील. <sup>7</sup>लेकीन इदुर वपिरित याग आंदुर वशिवास इक नोळदुर कं हयांग यहूदी लॉकुर साटी खुशखबरी इन कयाल्सा पतरस उक कोटकु आत, हांग अच गैरयहूदीगोळ साटी नानी खुशखबरी केळसोद कोटकु आत. <sup>8</sup>यतकी याव पतरस से खतना माळद लॉकुर दा प्रेरति ई इन कयाल्सा बळा प्रभाव सहति माळसुसदुन, आवा नान से भी गैरयहूदीगोळ दा प्रभावशाली कयाल्सा माळसुसदुन. <sup>9</sup>अदकि याग आंदुर आ अनुग्रह अक जो नानी सकिकीत जान्स कोंडुर, रा याकूब, अदकि कैफा, अदकि यहूनना जो मंडली इन खंबा समसकु आगोर, नानी अदकि बरनवास उक संगती इन ऊमा कय कोट्टुर कं नाव गैरयहूदीगोळ हातुती होदेव अदकि आंदुर खतना माळद लॉकुर हातुती; <sup>10</sup>सरिफ ईद अंदुर कं नाव कंगालगोळद सुधी ताकोडेव, अदकि ईदा कयाल्सा अक माळोद ना खुद भी कोशशि माळीन.

पौलुस द्वारा पतरस उन बरीध

<sup>11</sup>लेकीन याग कैफा अन्ताकिया दा बंदुन, रा ना आऊन बाय मा आऊन सामना माळदीन, यतकी आव दोषी ठहरसीदुन. <sup>12</sup>इदुरसाटी कं याकूब उन दी टु येनारा लॉकुर बरोर से पयले आव गैरयहूदीगोळ सांगुळ तनिंतोगोन, लेकीन याग आंदुर बंदुर रा खतना माळद लॉकुर अंजक इन कारण आव हति सरकुसेदुन अदकि कनारा माळली कुरतुन. <sup>13</sup>आऊन सांगुळ जमा यहूदीगोळ भी कपट माळदुर, ईल ताका कं बरनवास भी आंदुर कपट दा बदिदुन. <sup>14</sup>लेकीन याग ना नोळदीन कं आंदुर खुशखबरी इन सचचाई मा सीधा चाल नळालुर, रा ना सप्पा मुंदुर मुंद कैफा से अंदीन, "याग नी यहूदी आगकु गैरयहूदीगोळ घाई नळुत्या अदकि यहूदीगोळ घाई ईलारा नी गैरयहूदीगोळी यहूदीगोळ घाई नळुली येती अनत्या?"

वशिवास द्वारा न्यायी ठहरसोद

<sup>15</sup>नाव रा जनम टु यहूदी हुयेव, अदकि पापी गैरयहूदीगोळ दा टु हेल्लेच. <sup>16</sup>उरी ईद जान्सकु कं मिंळसा व्यवस्था अन कयाल्सागोळ देल ईला, लेकीन सरिफ यीशु मसीह मा वशिवास माळोद द्वारा न्यायी ठहरसतान, नाव खुद भी मसीह यीशु मा वशिवास माळदेव कं नाव व्यवस्था अन कयाल्सागोळ देल ईला, लेकीन मसीह मा वशिवास माळदुर देल न्यायी ठहरसदेव; इदुरसाटी कं व्यवस्था अन कयाल्सागोळ देल यातोदु प्राणी न्यायी ठहरसतीदील. <sup>17</sup>नाव जो मसीह दा न्यायी ठहरसोद चाहासतेव, अगर खुद अच पापी होट्टेव रा येन मसीह पाप इन सेवक आन? यागलु ईला! <sup>18</sup>यतकी जो येनारा ना केळद बुटीन अगर अदरी मातुत माळतीन, रा तान तान इक अपराधी ठहरसतीन. <sup>19</sup>ना रा व्यवस्था अन द्वारा व्यवस्था अन साटी सोतोदीन कं परमेश्वर मसीह अनद साटी जतिता ईराइन. <sup>20</sup>ना मसीह अन सांगुळ क्रूस मा येरसकु आगीन, ईंग ना जतिता ईतीदील, लेकीन मसीह नान दा जतिता आन; अदकि ना मय दा ईंग जो जतिता आईन रा सरिफ आ वशिवास देल जतिता आईन जो परमेश्वर उन पार उन मा आद, याव नान से प्यार माळदुन अदकि नान साटी तान तान इक कोट बुट्टुन. <sup>21</sup>ना परमेश्वर उन अनुग्रह अक बेकार ठहरसालीन; यतकी अगर व्यवस्था अन द्वारा न्यायीपन आगाईत, रा मसीह अन सायोद बेकार आगाईत.

✱ 1:15 १:१५ प्रेरतिगोळ १:१५-६; २:२-६-९; २:६-१३-१६

✱ 1:18 १:१८ प्रेरतिगोळ १:२६-३०

✱ 2:1 २:१ प्रेरतिगोळ १:१:३०; १:५:२

✱ 2:16

२:१६ रोमथि ३:२०; रोमथि ३:२२

## 3

## व्यवस्था या विश्वास

1 हे नरिबुद्धी गलातगोळा, याव नीमी मोहीत माळ कोंडान? नीम रा मान्सी कण्णगोळ मुंद यीशु मसीह क्रूस मा येरसकु आदुन! 2 ना नीम से सरिफ ईद जानसोद चाहासतीन क नीमी आत्मा, येन व्यवस्था अन क्यालसागोळ देल या विश्वास इन समाचार देल सकित? 3 येन नीव हगि नरिबुद्धी आईर क आत्मा अन रीतमा सूरवात माळकु ईग मय इन रीतमा अनूत माळीर? 4 येन नीव ईट दुख बेकार अच नेगदीर? लेकीन यागलु बेकार हल्लेच. 5 जो नीमी आत्मा दान माळतान अदकि नीम दा सामर्थ्य नव क्यालसा माळतान, आव येन व्यवस्था अन क्यालसागोळ देल या खुशखबरी मा विश्वास देल हगि माळतान?

6 "अब्राहम रा परमेश्वर मा विश्वास माळदुन अदकि ईद आऊन साटी न्यायीपन आळुकु आत." 7 "इदुरसाटी ईद जानस कोमी क जो विश्वास माळावाळेर आर, आंदुर अच अब्राहम उन औलाद उर. 8 अदकि पवतिरशास्त्र पयले टु अच ईद जानसकु क परमेश्वर गैर्यहूदीगोळी विश्वास देल न्यायी ठहूस्यान, पयले टु अच अब्राहम उक ईद खुशखबरी केळस बुट्टुन क "नीन दा सप्पा जातीगोळी आशीष सकिकीत." 9 इदुरसाटी जो विश्वास माळावाळेर आर, आंदरी अब्राहम उन सांगुळ आशीष सकिकीत.

10 इदुरसाटी यास लॉकुर व्यवस्था अन क्यालसागोळ मा भरोसा ईटतार, आंदुर सप्पा श्राप इन हात्ती आर, यतकी शास्त्र दा लखिसकु आद, "जो यावारा व्यवस्था अन कताव दा लखिसकु सप्पा मातगोळ माळदुर दा सधरि ईरालुन, आव श्रापति आन." 11 लेकीन ईद मात प्रगट आद क व्यवस्था अन द्वारा परमेश्वर उन ईल याऊ न्यायी ठहूसालुन, यतकी न्यायी जन विश्वास देल जतिता ईततान. 12 लेकीन व्यवस्था अन विश्वास देल येनु संबंभ हल्लेच; यतकी "जो अवरी मानस्यान, आव अऊर कारण जतिता ईततान." 13 मसीह जो नाम साटी श्रापति बनसुदुन, नामी कोंडकु व्यवस्था अन श्राप देल वळिसुसुदुन, यतकी शास्त्र दा लखिसकु आद, "जो यावारा क्रूस मा लटकुसकु आगतान आव श्रापति आन." 14 ईद इदुरसाटी आत क अब्राहम उन आशीष मसीह यीशु दा गैर्यहूदीगोळ ताका पोहचुसुल, अदकि नाव विश्वास इन द्वारा आ आत्मा अक प्राप्त माळव यदुरद वादा आग्याद.

## व्यवस्था अदकि वाचा

15 हे वारदुरा अदकि आकतीगेरा, ना मंळसा अन रीतमा अनतीन; मंळसा अन वाचा जो पक्का आगेगतद, रा ना यावारा अदरी टालसतान अदकि ना अदुरदा येनारा वाळूसतान. 16 इदुरसाटी वादागोळ अब्राहम उक अदकि आऊन वंश इक कोटकु आग्याव. आव ईद अनालुन, "वंशगोळी," हयांग हापाळ मुंदुर वारा दा अंदुन; लेकीन हयांग ऊंद इन वारा दा क "नीन वंश इक" अदकि आव मसीह हुन. 17 लेकीन ना ईद अनतीन: जो वाचा परमेश्वर पयले टु पक्का माळीदुन, अदरी व्यवस्था नाक सौ तीस वर्ष इन वाददा बंदकु टालस सकालद क वादा बेकार ठहूसुल. 18 यतकी अगर मीरास व्यवस्था देल सकियाद रा बाक वादा देल ईला, लेकीन परमेश्वर अब्राहम उक वादा अन द्वारा कोट बुटान.

19 आग वाक व्यवस्था येती कोटकु आत? अद रा अपराधगोळ कारण वाददा कोटकु आत क आ वंश इन बरासताका ईरूल, यारी वादा कोटकु आगीत; अदकि आव स्वर्गदूतगोळ द्वारा ऊंद मध्यस्थ अन कय दा ठहूसकु आत. 20 मध्यस्थ रा ऊंद इन आगालद, लेकीन परमेश्वर ऊंद अच आन.

## व्यवस्था अन उददेश

21 रा येन व्यवस्था परमेश्वर उन वादागोळ वरिध दा आद? यागलु ईला! यतकी अगर हगि व्यवस्था कोटकु आगाईत जो जीवन कोळ सकाईत, रा खराखुरा न्यायीपन व्यवस्था देल ईराईत. 22 लेकीन पवतिरशास्त्र सप्पा मुंदरी पाप इन हात्ती माळ वुळत, ताकी अद वादा यदुरद आधार यीशु मसीह मा विश्वास माळोद आद, विश्वास माळावाळेर साटी पुरा आगेगुल.

23 लेकीन विश्वास इन बरोर से पयले व्यवस्था अन हात्ती ता दा नाम रखवाली आगतोगोद, अदकि आ विश्वास इन बरासताका जो प्रगट आगावाळा ईरोद, नाव अदुरदा बंधन दा ईततेव. 24 इदुरसाटी व्यवस्था मसीह ताका पोहचुसोर साटी नाम गुरु आग्याद क नाव विश्वास देल न्यायी ठहूसेव. 25 लेकीन याग विश्वास होट्ट बत्त, रा ईग नाव गुरु उन हात्ती ईतीदील. 26 यतकी नीव सप्पा आ विश्वास इन द्वारा जो मसीह यीशु मा आद, परमेश्वर उन औलाद हुईर. 27 अदकि नीम दा टु यास मुंदुर मसीह दा बवतसिमा ताकोंडार आंदुर मसीह दा हाक्क कोंडार. 28 ईग ना यावारा यहूदी ईततुन अदकि ना यावारा गैर्यहूदी, ना यावारा दास ना यावारा स्वतंत्र, ना यावारा नर ना नारी, यतकी नीव सप्पा यीशु मसीह दा ऊंद आईर. 29 अदकि अगर नीव मसीह अन आईर रा अब्राहम उन वंश अदकि वादा अन अनुसार वारीस भी हुईर.

## 4

1 ना ईद अनतीन क वारीस यागासताका चगिद आन, बल्की सप्पा वस्तुगोळद स्वामी आन, तरी आऊन दा अदकि दास दा यातोदु भेद हल्लेच. 2 लेकीन आपुप उन ठहूसुद समय ताका संरक्षकगोळ अदकि मुनीमगोळ वश दा ईरतान. 3 हांग अच नाव भी, याग किकोर ईरव, रा दुनया अन पयले टु शिक्षा अन वश दा आगकु दास बनसकु ईरव. 4 लेकीन याग समय पुरा आत, रा परमेश्वर तान पार उक कळुदुन जो आरत देल पैदा आदुन, अदकि व्यवस्था

अन हात्ती पैदा आदुन, <sup>5</sup>ताकी व्यवस्था अन हात्ती गोळी कोंडकु बळिस कोमुल, अदकि नामी पार आगोद हक्क सकिल. <sup>6</sup>अदकि नीव जो पार हुईर, इदुरसाटी परमेश्वर तान पार उन आत्मा अक, जो "हे अब्बा, हे आप्प" अनकु कारूतान, नाम दलिंगोळ दा कळ्यान. <sup>7</sup>इदुरसाटी नी ईंग दास हेल्लेच, लेकीन पार हुय; अदकि याग पार आद, रा परमेश्वर उन द्वारा वारीस भी आद.

गलतीगोळ बारा दा पौलुस उन चिन्ता

<sup>8</sup>पयले रा नीव परमेश्वर उक ईला जानसकु आंदुर दास ईरोर जो स्वभाव देल परमेश्वर हेल्लेच, <sup>9</sup>लेकीन ईंग जो नीव परमेश्वर उक अरूत कोंडीर बलकी परमेश्वर नीमी अरतुन, रा आ नरिबल अदकि नकिम्मा पयले टु शक्ति अन मातगोळ दी येती तरिगतीर, याद नीव दुबारा दास आगोद चाहासतीर? <sup>10</sup>नीव दनिगोळ अदकि तगिळुगोळ अदकि नयित समयगोळ अदकि वर्षगोळी मानसतीर. <sup>11</sup>ना नीम बारा दा अंजतीन, येल्यारा हगि आगवाळुल कजि मेहनत ना नीम साटी माळदीन अद बेकार ठहरूसुल.

<sup>12</sup>हे वारटुरा अदकि आकतींगेरा, ना नीम से वनिती माळतीन, नीव नान घाई आगेगी; यतकि ना भी नीम घाई आगेगीन; नीव नांद येनु बगिळुसीदील. <sup>13</sup>लेकीन नीव जानसतीर कजि पयले पयले ना मय इन नरिबलता अन कारण नीमी खुशखबरी केळसदीन. <sup>14</sup>अदकि नीव नान शारीरिक दशा अक जो नीम परीक्षा अन कारण ईरोद, तुच्छ जानसीदील; ना अदुर देल घृणा माळदीन; अदकि परमेश्वर उन स्वर्गादूत बलकी खुद यीशू मसीह अन घाई नानी ग्रहण माळदुन. <sup>15</sup>रा अद नीम खुशी मानसोद येल होत? ना नीम गवाह हुईन कजि अगर आग सकाईत रा नीव तान कण्णगोळी भी तेगुकु नानी कोट्ट बुळायदीर. <sup>16</sup>रा येन नीम से सही माताळोद कारण ना नीम दुश्मन बनसेगीन? <sup>17</sup>आंदुर नीमी संगी माळोद रा चाहासतार, लेकीन भला उददेश देल ईला; बलकी नीमी ब्यार माळोद चाहासतार कजि नीव आंदरी का संगी माळकोमी. <sup>18</sup>लेकीन ईद भी वळलीद आद कभला मात दा हर समय संगी माळोद कोशशि माळकु आगुल, ना सर्फि अदा समय याग ना नीम सांगुळ ईरतीन. <sup>19</sup>हे नान चिकीरा, यागासताका नीम दा मसीह अन रूप बनसेगालद, आगासताका ना नीम साटी बाक चिगिद हाळाहोती जो दुख आगतद अद दुख नेगुतीन. <sup>20</sup>इच्छा रा ईद आगतद कजि ईंग नीम हाती बंदकु दुसरा अच प्रकार देल माताळाईन, यतकि नीम बारा दा ना उलझन दा आईन.

पुरा अदकि हाजरा अन उदाहरण

<sup>21</sup>नीव जो व्यवस्था अन हात्ती आगोद चाहासतीर, नानी हेळी, येन नीव व्यवस्था अन केळालीर? <sup>22</sup>शास्त्र दा ईद लखिसकु आद कजि अब्राहम उन येदूद पारगोळ आदुर; ऊद दासी देल अदकि ऊद स्वतंत्र आरत देल. <sup>23</sup>लेकीन जो दासी देल आदुन, आव शारीरिक रीत देल पैदा आदुन; अदकि जो स्वतंत्र आरत देल आदुन, आव वादा अन अनुसार पैदा आदुन. <sup>24</sup>ई मातगोळ दा उदाहरण आद: ई आरतेर मानसी येदूद वाचागोळ आर, ऊद रा सीने पहाळ इन यदुर देल दास अच पैदा आगतार; अदकि आक हाजरा हुळ. <sup>25</sup>अदकि हाजरा मानसी अरब इन सीने पहाळ हुळ, अदकि आधुनकि यरूशलेम आकनि बराबर आद, यतकि आक तान चिकीर समेत दासत्व दा आर. <sup>26</sup>लेकीन म्याकुच इन यरूशलेम स्वतंत्र आद, अदकि अद नाम मोय हुन. <sup>27</sup>यतकि शास्त्र दा लखिसकु आद,

"हे वांझला, नी जो पैदा माळाल खुशी माळ;

नी यारी दुख नेगाल, कृतक्या खोल्सकु जय जयकार माळ;

यतकि त्यागसद मळसा अनूद औलाद सुहागीन इन औलाद देल भी यक्कुल आद."

<sup>28</sup>हे वारटुरा अदकि आकतींगेरा, नाव इसहाक इन घाई वादा अन औलाद हुयेव. <sup>29</sup>अदकि हयांग आ समय मय इन अनुसार पैदा आगद आत्मा अन अनुसार पैदा आगद उक सत्सोद, हांग अच ईंग भी आगतद. <sup>30</sup>लेकीन पवत्रिशास्त्र येन अनतद? "दासी अदकि आकनि पार उक तेगु बुळ, यतकि दासी अन पार स्वतंत्र आरत इन पार उन सांगुळ उत्तराधिकारी आगतीदील." <sup>31</sup>इदुरसाटी हे वारटुरा अदकि आकतींगेरा, नाव दासी नोर ईला लेकीन स्वतंत्र आरत इनोर औलाद हुयेव.

## 5

स्वतंत्रता अक सुरक्षति ईटी

<sup>1</sup>मसीह स्वतंत्रता अन साटी नामी स्वतंत्र माळयान; इदुरसाटी इदुरदा अच स्थरि ईरी, अदकि दासत्व अन जुआ दा मातूत बळिबाळी. <sup>2</sup>नोळी, ना पौलुस नीम से अनतीन कजि अगर खतना माळसुसीर, रा मसीह देल नीमी येनु लाभ आगतीदील. <sup>3</sup>तरी भी ना हर ऊद खतना माळसुसावाळा अक वनिती माळतीन कजि आऊक सप्पा व्यवस्था मानसोद बदिदीत. <sup>4</sup>नीव जो व्यवस्था अन द्वारा न्यायी ठहरसोद चाहासतीर, मसीह देल अलग अदकि अनुग्रह देल बदिगीर. <sup>5</sup>यतकि आत्मा अन कारण नाव वशिवास देल, आशा माळद न्यायीपन इन हादी कायतेव. <sup>6</sup>मसीह यीशू दा ना खतना अदकि ना खतनारहित येनारा क्यालसा अन आद, लेकीन सर्फि वशिवास, जो प्यार इन द्वारा प्रभाव हाकत्या. <sup>7</sup>नीव रा भला भात हीर. ईंग याव नीमी रोकस बटुन कजि सचचाई इन भरोसा माळबाळी. <sup>8</sup>हगि सीख नीम कारावाळा अन दी टु हेल्लेच. <sup>9</sup>थवाळासा खमीर सप्पा कालसद हीट इक खमीर माळ बुळतद. <sup>10</sup>ना प्रभु मा नीम बारा दा भरोसा ईटतीन कजि नीम यातोदारा दुसरा वचिरा ईरतीदील; लेकीन जो नीमी घबरूस बुळतान, आव यावारा येती आगवाळुल फैसला आदीत. <sup>11</sup>लेकीन हे वारटुरा अदकि आकतींगेरा, अगर ना ईंगासताका खतना अन

परचार माळतीन, रा येती ईगासताका सतुसकु आगतीन? बाक रा कूरस इन टोकर होगतेला ईतत. <sup>12</sup> भला आगाईत कजो नीमी डावाडोल माळतार, आंदुर तान मय अच कोद वुळायदुर.

<sup>13</sup> हे वारटुरा अदक आकतींगेरा, नीव स्वतंत्र आगोर साटी कार्सकु आगीर; लेकीन हगि आगबाळुल कर् ईद स्वतंत्रता शारीरक क्यालसागोळ साटी मवका बनसुल, बल्की प्यार देल आबुर दाबुर दास बनसी. <sup>14</sup> यतकी सप्पा व्यवस्था ई ऊंद अच मात दा पुरा आगेगतद, “नी तान हातळेर से तान घाई प्यार ईट.” <sup>15</sup> लेकीन अगर नीव आबुर दाबुर इक हल्ल देल कचतीर अदक ह्रूकु तनितीर, रा सावधान ईरी कर् आबुर दाबुर सत्यानाश ना माळवुळी.

पवतिर आत्मा द्वारा संचालन

<sup>16</sup> लेकीन ना अनतीन, आत्मा अन अनुसार नळदीर रा नीव मय इन लालसा यातोदारा रीतदिल पुरा माळतीदील. <sup>17</sup> यतकी मय आत्मा अन वरिध दा अदक आत्मा मय इन वरिध दा लालसा माळतद, अदक ईव आबुर दाबुर वरिधी आव, इदुरसाटी कर् जो नीव माळोद चाहासतीर अद माळ सकवाळी. <sup>18</sup> अदक अगर नीव आत्मा अन नळसदुर देल नळतीर रा व्यवस्था अन हात्ती ईतीदील. <sup>19</sup> मय इन क्यालसा रा परगट आव, मतलब व्यभचार, खराब क्यालसा, लुचपन, <sup>20</sup> मूर्तपूजा, जादु टोना, दुश्मनी, झगळा, जलन, सट्टि, वरिध, फूट, स्वार्थीपन, <sup>21</sup> जलन, मतवालापन, अवैध संबंध, अदक ईऊर घाई मातत दुसरा क्यालसा आव, ईऊर बारा दा ना नीम से पयले टू अच अंद वुळतीन ह्यांग पयले अंद भी कौडीन, कर् ईतता क्यालसा माळावाळेर परमेश्वर उन राज्य अन वारीस आगतीदील. <sup>22</sup> लेकीन आत्मा अन काय, प्यार, खुशी, शांती, धीरज, कृपा, भलाई, वशिवास, <sup>23</sup> नम्रता, अदक संयम आद; हगि-हगि क्यालसागोळ वरिध दा यातोदारा भी व्यवस्था हेल्लेच. <sup>24</sup> अदक जो मसीह यीशु नोर आर, आंदुर मय इक आऊन लालसागोळ अदक अभलिषागोळ समेत कूरस मा येरस बुटार.

<sup>25</sup> अगर नाव आत्मा अन द्वारा जतिता आयेव, रा आत्मा अन अनुसार नळदेव भी. <sup>26</sup> नाव घमण्डी आगकु ना आबुर दाबुर इक छेळसेव, अदक ना आबुर दाबुर से जलनखोरी माळेव.

## 6

आबुर दाबुर सहायता माळी

<sup>1</sup> हे वारटुरा अदक आकतींगेरा, अगर यावारा मंळसा यातोदारा अपराध दा हुळकु भी आगतान रा नीव जो आत्मक आईर, नम्रता अन सांगुळ ईतता मंळसा अक संभाळसी, अदक तांद भी सावधानी ईटी कर् नीव भी परीक्षा दा वळिवाळी. <sup>2</sup> नीव आबुर दाबुर बोझ नेगी, अदक ईतता प्रकार मसीह अन व्यवस्था अक पुरा माळी. <sup>3</sup> यतकी अगर यावारा येनु ईला ईततुर मा भी तान तान इक येनारा समसतान, रा तान तान इक धवाका कोळतान. <sup>4</sup> लेकीन हर ऊंद तांद अच क्यालसा अक जाच कोमुल, अदक आग दुसरा अन बारा दा ईला लेकीन तांद अच बारा दा आऊक घमण्ड माळोद मवका सकिकीत. <sup>5</sup> यतकी हर ऊंद मंळसा तांद अच बोझ नेगदान.

<sup>6</sup> यारी वचन इन शक्तिषा सक्तिद, आव सप्पा वळलेव वस्तुगोळ दा कलसावाळा अक भागी माळुल.

<sup>7</sup> धवाका तनिवाळी; परमेश्वर मज्याक दा हारसकु आगालुन, यतकी मंळसा जो फसल हचयान आव अदा कळदान. <sup>8</sup> यतकी जो तान मय इन साटी हचतान, आव मय इन द्वारा वनिश इन कटनी कळदान; अदक जो आत्मा अन साटी हचतान, आव आत्मा अन द्वारा अनन्त जीवन इन कटनी कळदान. <sup>9</sup> नीव भला क्यालसा माळदुर दा साहस वळिवाळी, यतकी अगर नाव ढलिा ईरतीदील रा ठीक समय मा कटनी कळदेव. <sup>10</sup> इदुरसाटी येल ताका समय सकिकीत नाव सप्पा धराना अन सांगुळ वळ्लीद माळेव, वशिष माळकु वशिवासी वारटुर सांगुळ.

आखरी चेतावनी अदक अभिचान

<sup>11</sup> नोळी, ना ह्यांग धोळ धोळ अक्षरगोळ दा नीमी तान कय देल लखिसीन. <sup>12</sup> जो लॉकर शारीरक दखावा चाहासतार आंदुर अच नीमद खतना माळसुसोर साटी दबाव हाकतार, सरिफ इदुरसाटी कर् आंदुर मसीह अन कूरस इन कारण सतुसकु आगबाळुल. <sup>13</sup> यतकी खतना माळसुसावाळेर खुद रा व्यवस्था मा नळालुर, लेकीन नीम खतना इदुरसाटी माळसुसोद चाहासतार कर् नीम शारीरक दशा मा घमण्ड माळुल. <sup>14</sup> लेकीन हगि आगबाळुल कर् ना दुसरा यातोदारा मात मा घमण्ड माळाईन, सरिफ नाम प्रभु यीशु मसीह अन कूरस इन, यारद द्वारा दुनय्या नान नजर दा अदक ना दुनय्या अन नजर दा कूरस मा येरसकु आगीन. <sup>15</sup> यतकी ना खतना अदक ना खतनारहति येनारा आद, लेकीन वहाशोद दुनय्या. <sup>16</sup> यास ई नयिम मा नळदार आंदुर मा, अदक परमेश्वर उन इस्त्राएल मा शांती अदक दया आगतेला ईरूल.

<sup>17</sup> मुंद नानी याऊ दुख कोळवाळुल, यतकी ना यीशु अन दागगोळी तान मय दा हुळकु टेटाळतीन. <sup>18</sup> हे वारटुरा अदक आकतींगेरा, नाम प्रभु यीशु मसीह अन अनुग्रह नीम आत्मा अन सांगुळ ईरूल. आमीन.

## इफसियों के नाम पौलुस प्रेरति की पत्री इफसिगिोळ हेसुर पौलुस प्रेरति उन चट्ठी परचिय

मसीह अन जनम इन साठ वर्ष पयले इफसिगिोळ चट्ठी अदकि क्लुससगिोळ चट्ठी लगभग सांगुळ लखिसकु आगीत.

प्रेरति पौलुस ईद सूचति माळतान कि आवा चट्ठी इन लेखक हुन १:१ क्लुससगिोळ चट्ठी इन घाई ईद चट्ठी दा व्यक्तित्व शुभेच्छा नोळकु आगाल. तरी भी ज्यादा तर वधिवानगोळ ईद मानसतार कि पौलुस अच ईद चट्ठी लखिसीदान. ईदा कारण प्रांत इन अलग अलग मंडली दा ईद चट्ठी तरिगुसकु वाचुसकु आगुल हगि पौलुस उन ईरादा आग सकतद, याग आव ईद चट्ठी लखिसदुन आग पौलुस ईद हेळतान कि आव कैद दा ईरोन, ३:१; ४:१ अदकि ६:२० याग तकिकुस इफसिगिोळ मंडली इक सकिली इफसियों होगोन आग पौलुस ईद चट्ठी आऊन कय दा कळुदुन ६:२१-२२

इफसियों ऊंद हापाळ धोळद शयर ईरोद, आ समय एशिया माइनर प्रांत इन अद राजधानी ईरोद. शयर दा अरुतमसि हेसुर ईनव ग्रीक द्याव उन ऊंद धोळद मंदिर ईरोद यदुर कारण देल इफसियों अक हापाळ परसदिधी सकित, प्रेरतिगोळ ११:२३-३१ ईद इफसिगिोळ मंडली सूरवात वळलीद आत लेकीन बाददा कमजोर भी काळसत प्रकाशतिवाक्य २:१-७ परमेश्वर तान लांकुरी नविळुसकु यीशु मसीह अन द्वारा हयांग आंदुरव पापगोळ से छुटकारा कोट्टुन ईद मात पौलुस उन चट्ठी इन पयला भाग स्पष्ट माळतद, आव मंडली इन तुलना आ शरीर इन सांगुळ माळतान कि यारद मसतक मसीह अच हुन अदकि आव अद क्वाना अन्द कल्ल आ इमारत देल यारद क्वाना अन्द कल्ल मसीह हुन कतिाव इन दुसरा भाग दा मसीह जीवन हयांग जीऊस पायजे ईदुर बारा दा हेळतान.

रूप रेखा

१. पौलुस खुद इन परचिय कोटकु इफसियों अक शुभेच्छा कोळतान. अधयाय १:१-२
२. बाददा आ मंडली इन मसीह अन सांगुळ हयांग रशिता ईर पायजे १:३-३:११
३. बाददा पौलुस मसीह जीवन हयांग जीऊस पायजे ईदुर बारा दा हेळतान ४:१-६:२०
४. पौलुस आखरी शब्द दा चट्ठी लखिसकु खतम माळतान ६:२१-२४

1 <sup>१</sup>नान पौलुस उन दी टु जो परमेश्वर उन इच्छा देल यीशु मसीह अन प्रेरति आन, आ पवतिर अदकि मसीह यीशु दा वशिवासी लांकुरद हेसुर जो इफसिस दा आद:

2 नाम्द आप्प परमेश्वर अदकि प्रभु यीशु मसीह अन्द दी टु नीमी अनुग्रह अदकि शांती सकितेला ईरूल.

मसीह दा आत्मकि आशीषगोळ

3 नाम्द प्रभु यीशु मसीह अन्द परमेश्वर अदकि आप्प उन धन्यवाद आगुल कि आव नामी मसीह दा स्वर्गीय जागागोळ दा सब प्रकार इन आत्मकि आशीष कोट्टुन. 4 हयांग आव नामी दुनिया अन उत्पत्ति टु पयला अदुरदा नीवळुस कोडान

कि नाव आऊन हात्ती प्यार दा पवतिर अदकि नरिदोष आगुल. 5 अदकि तान इच्छा अन्द भला अभिप्राय इन अनुसार नामी तान साटी पयला टु ठहूसदुन कि यीशु मसीह अन्द द्वारा नाव आऊन गोद पार आगुल, 6 कि आऊन आ अनुग्रह अन्द महिमा अन्द स्तुति आगुल, यारी आव नामी आ प्रियि दा सेत-सेत कोट्टुन. 7 <sup>१</sup>नामी अदुरदा आऊन रक्ता अन द्वारा छुटकारा, मतलब अपराधगोळद माफी, आऊन आ अनुग्रह अन्द धन इन अनुसार सकियाद, 8 यारी आव पुरा ग्यान अदकि समझ सहति

नाम मा बहुतायत देल माळदुन. 9 यतकि आव तान इच्छा अन्द भेद आ भला अभिप्राय इन अनुसार नामी हेळदुन, यारी आव खुद तान दा टान्स कौडीदुन 10 कि समयगोळद पुरा आगोद हगि प्रबन्ध आगुल कि जो येनारा स्वरग दा आद अदकि जो येनारा पृथ्वी मा आद, सप्पा येनारा अद मसीह दा जमा माळल.

11 अदुरदा यदुरदा नाव भी आऊन मनसा देल जो तान इच्छा अन्द मत इन अनुसार सप्पा येनारा माळतान, पयला टु ठहूसकु आगकु मीरास बनसुल 12 कि नाव, यार पयला टु मसीह मा आशा ईटीदेव, आऊन महिमा अन्द स्तुति इन कारण आगुल.

13 अदकि अदुरदा नीम मा भी, याग नीव सच्चाई इन वचन केळदीर जो नीम्द उद्धार इन खुशखबरी आद अदकि यदुर मा नीव वशिवास माळदीर, वादा माळकु आत पवतिर आत्मा अन्द छाप हतत. 14 परमेश्वर उन साटी पैस्या देल कोडकु आग्यार आंदुरद छुटकारा अन्द साटी नाम्द मीरास इन बयाना हुन, कि आऊन महिमा अन्द स्तुति आगुल.

पौलुस उन प्रार्थना

15 ई कारण, ना भी आ वशिवास इन बातणी केळकु जो नीम लांकुर दा प्रभु यीशु मा आन अदकि सप्पा पवतिर लांकुर मा प्यार प्रगट आद, 16 नीम साटी धन्यवाद माळोद बळालीन, अदकि तान प्रार्थनागोळ दा नीमी याद माळतेला ईरतीन 17 कि नाम्द प्रभु यीशु मसीह अन्द परमेश्वर जो महिमा अन्द आप्प हुन, नीमी तान पहचान दा

ग्यान अदक प्रकाश इन आत्मा कोळ्ल, <sup>18</sup> अदक नीमद मन इन कणणगोळ ज्योतरिमय आगुल क नीव जान्स कोमी क आऊन बुलाहट इन आशा येन आद, अदक पवतिर लॉकुर दा आऊन मीरास इन महमा अन्द धन ह्यांग आद, <sup>19</sup> अदक आऊन सामर्थ्य नाम दा जो वशिवास माळतार, याट महान आद, आऊन शकृती इन प्रभाव इन आ कार्य अन्द अनुसार <sup>20</sup> जो आव मसीह दा माळदुन क आऊक सोतुतुर दा ट जतिता माळकु स्वर्गीय जागागोळ दा तान ऊम्मा कय दी कुरसदुन <sup>21</sup> ताकी सब प्रकार इन प्रधानता, अदक अधिकार, अदक सामर्थ्य, अदक प्रभुता अन्द, अदक हर ऊंद हेसुर इन म्याकुच, जो ना सरिफ ई दुनिया दा पर बरावाळा दुनिया दा भी ताकोमकु आदीन, कुरसदुन; <sup>22</sup> अदक सप्पा येनारा आऊन कालगोळ ल्यालमा माळ बुट्टुन; अदक आऊक सब वस्तुगोळ मा श्रेष्ट ठह्रसकु मंडली इक कोट बुट्टुन, <sup>23</sup> ईद आऊन मय हुन, अदक आऊन परपिरणता आद जो सब दा सब येनारा पुरा माळतान.

## 2

मृत्यु टु जीवन दी

<sup>1</sup> आव नीमी भी जतिता माळदुन, जो तान अपराधगोळ अदक पापगोळद कारण सोतकु ईरोर <sup>2</sup> यदुर मा नीव पयला ई दुनिया अन रीत मा, अदक आकाश इन अधिकार इन शासक मतलब आ आत्मा अन्द अनुसार नळीर, जो इंग भी आग्या ईला मानसावाळेरद कार्य माळतान. <sup>3</sup> इंदुर दा नाव भी सप्पा अच मुंदुर पयला तान मय इन लालसागोळ दा दनि बतुसेव, अदक मय अदक मन इन इच्छागोळी पुरा माळेव, अदक अन्य लॉकुर घाई स्वभाव देल सटिट इन औलाद ईरव.

<sup>4</sup> लेकीन परमेश्वर जो दया अन्द धनी आन, तान आ धोळ प्यार इन कारण यार देल आव नाम से प्यार माळदुन, <sup>5</sup> याग नाव अपराधगोळद कारण सोतकु ईरव रा नामी मसीह अन्द सांगुळ जतिता माळदुन अनुग्रह देल अच नीमद उद्धार आत, <sup>6</sup> अदक मसीह यीशु दा आऊन सांगुळ नेगदुन, अदक स्वर्गीय जागा दा आऊन सांगुळ कुरसदुन <sup>7</sup> क आव तान आ कृपा देल जो मसीह यीशु दा नाम मा आद, बरावाळा समय इन दुनिया दा तान अनुग्रह अन्द असीम धन तोरसदुन. <sup>8</sup> यतकी वशिवास इन भेट इन द्वारा अनुग्रह देल अच नीमद उद्धार आत, अदक ईद नीमद दी टु ईला, बलकी परमेश्वर उन दान हुन, <sup>9</sup> अदक ना कर्मगोळद कारण, हंगि आगबाळुल क यावारा घमण्ड माळुल. <sup>10</sup> यतकी आव नामी माळयान, अदक मसीह यीशु दा आ वळलीद क्यालसागोळद साटी माळकु आगीर यारी परमेश्वर पयला टु नामी माळेर साटी तयार माळदुन.

मसीह दा ऊंद

<sup>11</sup> ई कारण याद माळी क नीव जो शारीरिक रीत देल गैरयहूदी आईर अदक जो लॉकुर मय दा कय इन माळकु खतना देल खतनावाळेर कहलुसतार, आंदुर नीम इक खतनारहति अनतार, <sup>12</sup> नीव लॉकुर आ समय मसीह टु अलग, अदक इसत्राएल इन प्रजा अन्द पद देल अलग माळकु आदीर, अदक वादा अन्द वाचागोळद भागी ईला ईरोर, अदक आशाहीन अदक दुनिया दा मय रहति ईरोर. <sup>13</sup> लेकीन इंग मसीह यीशु दा नीव जो पयला दुर ईरीर, मसीह अन्द रक्ता अन द्वारा हात्ती आगेगीर. <sup>14</sup> यतकी आवा नामद मेल हुन जो येदुहु मुंदरी ऊंद माळ कोडुन अदक अलग माळावाळा दवार इक जो बीच दा ईरोद केडु बुट्टुन, <sup>15</sup> अदक तान मय दा दुश्मनी मतलब अद व्यवस्था यदुद आग्यागोळ वधीगोळद रीत मा ईरव, मटिकुस बुट्टुन क येदुहु देल तान दा ऊंद वहाशोद मंडसा पैदा माळकु मेल माळसुस बुळुल, <sup>16</sup> अदक कूस मा दुश्मनी इक नाश माळकु इदुर द्वारा येदुहु मुंदरी ऊंद मय माळकु परमेश्वर देल भेट माळसुसयान. <sup>17</sup> आव बंदकु नीमी जो दुर ईरीर अदक आंदरी जो हात्ती ईरोर, येदुहु मुंदरी मेल मलिाप इन खुशखबरी केळसदुन. <sup>18</sup> यतकी आऊन द्वारा नाव येदुहु मुंदुर ऊंद आत्मा दा आप्प उन हात्ती प्रवेश आगतद.

<sup>19</sup> इदुरसाटी नीव इंग परदेशी अदक मुसाफिर ईतीदील, लेकीन पवतिर लॉकुरद संगी स्वदेशी अदक परमेश्वर उन घराना दोर आगेदीर. <sup>20</sup> अदक प्रेरतिगोळ अदक भवषियवक्तागोळद पायवा मा, यारद क्वाना अन्द कलल मसीह यीशु खुद अच आन, माळकु आगीर. <sup>21</sup> यदुरदा पुरा रचना ऊंद सांगुळ मलिसकु प्रभु दा ऊंद पवतिर मंदिर बन्सतेला होगतद, <sup>22</sup> यदुरदा नीव भी आत्मा अन्द द्वारा परमेश्वर उन नवास स्थान आगोर साटी ऊंद सांगुळ माळकु आगतीर.

## 3

गैरयहूदीगोळ दा पौलुस उन स्यावा

<sup>1</sup> ईदा कारण ना पौलुस जो नीव गैरयहूदीगोळद साटी मसीह यीशु दा बंदीन. <sup>2</sup> अगर नीव परमेश्वर उन आ अनुग्रह अन्द प्रबन्ध इन समाचार केळीदीर, जो नीमद साटी नानी कोटक आग्याद, <sup>3</sup> मतलब ईद क अद भेद नान मा प्रकाश इन इन द्वारा प्रगट आत, ह्यांग ना पयला अच थवाळासा दा लखिसदीन, <sup>4</sup> यारी नीव वाचुसकु जान्स सकतीर क ना मसीह अन्द अद भेद यल ताका सम्सतीन. <sup>5</sup> जो अन्य समयगोळ दा मंडसागोळद औलादगोळ इक हंगि ईला हेळकु आगीत, ह्यांग क आत्मा अन्द द्वारा इंग आऊन पवतिर प्रेरतिगोळ अदक भवषियवक्तागोळ मा प्रगट माळकु आग्याद. <sup>6</sup> मतलब ईद क मसीह यीशु दा खुशखबरी इन द्वारा गैरयहूदी लॉकुर मीरास दा हसिसेदार, अदक ऊंद अच मय इन अदक वादा अन्द भागी आर.

\* 1:22 १:२२ कुलुससगिोळ १:१८ \* 2:1 २:१ कुलुससगिोळ २:१३ \* 2:15 २:१५ कुलुससगिोळ २:१४ \* 2:16 २:१६ कुलुससगिोळ १:२०  
\* 3:4 ३:४ कुलुससगिोळ १:२६,२७

7 ना परमेश्वर उन अनुग्रह अनूद आ दान इन अनुसार, जो आऊन सामर्थ्य अनूद प्रभाव इन अनुसार नानी कोटकु आग्याद, आ खुशखबरी इन सेवक बन्सदीन, 8 नान मा जो सप्पा पवतिर लॉकुर दा टु स्याणेर दा टु भी स्याणेर आईन, ईद अनुग्रह आत कनि गैरयहूदीगोळ इक मसीह अनूद अगम्य धन इन खुशखबरी केळसाईन, 9 अदकि सब मा ईद मात प्रकाशति माळ्लु कनि आ भेद इन प्रबन्ध येन आद, जो सप्पा मुंदुर सृजनहार परमेश्वर दा सूरवात टु गुप्त ईरोद. 10 ताकी ईग मंडली इन द्वारा, परमेश्वर उन अलग अलग प्रकार इन ग्यान आ प्रधानगोळी अदकि अधिकारीगोळ मा जो स्वर्गीय जागा दा आर, प्रगट माळकु आगुल. 11 आ अनन्त मंडसा अनूद अनुसार जो आव नाम प्रभु मसीह यीशु दा माळीदुन. 12 यदुर दा नामी आऊन मा वशिवास माळदुर देल साहस अदकि भरोसा अनूद सांगुळ परमेश्वर उन हात्ती बरोद अधिकार आद. 13 इदुरसाटी ना वनिती माळतीन कनि जो क्लेश नीम साटी नानी आगत्याद, अदुर कारण साहस बळिवाळी, यतकी अदुर दा नीमद महिमा आद.

मसीह अनूद प्यार

14 ना ईदा कारण आ पृथ्वी मा आप्प उन मुंद टवांगरा टेक्सतीन, 15 यदुर देल स्वर्ग अदकि पृथ्वी मा, हर ऊंद घराना अनूद हेसुर ईटकु आगतद, 16 कनि आव तान महिमा अनूद धन इन अनुसार नीमी ईद दान कोळ्लु कनि नीव आऊन आत्मा देल तान बुळ्क इन मंडसातत्व दा सामर्थ्य हासलि माळकु बलवन्त आगतेला होगी; 17 अदकि वशिवास इन द्वारा मसीह नीमद दलि दा कूल कनि नीव प्यार दा जळ हुळकु अदकि पायवा हाक्कु, 18 सप्पा पवतिर लॉकुरद सांगुळ भला-भातलि समसोद शक्ती सकिळ कनि आऊन चौळाई, अदकि लंबाई, अदकि ऊंचाई, अदकि गहराई याट आद, 19 अदकि मसीह अनूद आ प्यार इक जानस सकी जो ग्यान देल अनजान आर कनि नीव परमेश्वर उन पुरा भरपुरी ताका परपुर्ण आगेगी.

20 ईग जो हगि सामर्थी आन कनि नामद वनिती अदकि समझ देल मातत यककुल क्याल्सा माळ सकतान, आ सामर्थ्य अनूद अनुसार जो नाम दा कार्य माळतान, 21 मंडली दा अदकि मसीह यीशु दा आऊन महिमा पीढी टु पीढी ताका हमेशा हमेशा आगतेला ईरूल. आमीन.

## 4

मसीह अन मय दा एकता

1 इदुरसाटी ना जो प्रभु दा बदीन नीम से वनिती माळतीन कनि बलाहट देल नीव कार्कु आगीदीर, अदुर लायक व्यवहार माळी; 2 मंतलब पुग दीनता अदकि नम्रता सहति, अदकि धीरज हुळकु प्यार देल आवुर् दाबुर्द सहन माळी; 3 अदकि मेल इन बंधन दा आत्मा अनूद एकता ईटोद यतन माळी. 4 ऊंद अच मय आद अदकि ऊंद अच आत्मा; ह्यांग नीमी जो कार्कु आगीदीर तान कार्कु आगोर देल ऊंद अच आशा आद. 5 ऊंद अच प्रभु आन, ऊंद अच वशिवास ऊंद अच वपतिसिमा, 6 अदकि सब मुंदुरव ऊंद अच परमेश्वर अदकि आप्प आन, जो सप्पा मुंदुर म्याकुच अदकि सप्पा मुंदुर वीच दा अदकि सब मुंदुर दा आन.

7 लेकीन नाम दा टु हर ऊंद मंडसा अक मसीह अनूद दान इन परिमाण इन अनुसार अनुग्रह सकियाद. 8 इदुरसाटी आव अनतान:

“आव ऊंचाई मा येरदुन

अदकि बंदीगोळ इक कटकु ओतुन,

अदकि मंडसागोळ इक दान कोटदुन.”

9 आऊन येरदुर देल, अदकि येन सकितद सर्फि ईद कनि अद पृथ्वी इन लयालमा जागागोळद दा ईळसी भी दुन. 10 अदकि जो ईळदुन ईव आवा हुन जो पुरा आकाश टु म्याकुच येरे भी दुन कनि सब येनारा परपुर्ण माळुल. 11 आव थवाळासा लॉकुरी परेरति नयिकृत माळकु, अदकि थवाळासा लॉकुरी भवषियवक्ता नयिकृत माळकु, अदकि थवाळासा लॉकुरी खुशखबरी केळावाळेर नयिकृत माळकु, अदकि थवाळासा लॉकुरी रखवाला अदकि उपदेशक नयिकृत माळकु कोट बुट्टुन, 12 यदुर देल पवतिर लॉकुर सदिध आगेगुल अदकि स्यावा अनूद क्याल्सा माळकु आगुल अदकि मसीह अनूद मय इक उन्नती सकिकुल, 13 यागासताका कनि नाव सब इन सब वशिवास अदकि परमेश्वर उन पार उन पहचान दा ऊंद आगवाळुल, अदकि ऊंद सदिध मंडसा आगवाळुल अदकि मसीह अनूद पुरा डील-डौल ताका ना वाळुसुल. 14 ताकी नाव मुंदु टु चकोर ईरतीदील जो मंडसागोळद टग-वदिया अदकि चतुराई देल, आंदुर भरम इन युक्तगोळद अदकि उपदेश इन हर ऊंद थवाका देल उछलसकु अदकि ईल अल तरिगुसकु आगताव. 15 बलकी प्यार दा सचचाई देल माताळतेला सब मातागोळ दा अदुरदा जो ताल्ला आद, मंतलब मसीह दा वाळुसतेला होगुल, 16 यदुर देल पुरा मय, हर ऊंद जोळ इन सहायता देल ऊंद सांगुळ मल्लिसकु अदकि ऊंद सामर्थ्य सांगुळ गटुसकु, आ प्रभाव उन अनुसार जो हर ऊंद अंग इन ठीक-ठीक कार्य माळोर द्वारा आऊन दा आगतद, तान तान इक वाळुसतद कनि आव प्यार दा उन्नती माळतेला होगुल.

मसीह दा व्हाशोद जीवन

17 इदुरसाटी ना ईद अनतीन अदकि प्रभु दा आग्रह माळतीन कनि ह्यांग गैरयहूदी लॉकुर तान मन इन अनर्थ रीति मा नळुतार, नीव ईगी टु बाक हगि व्यवहार माळबाळतीर. 18 यतकी आंदुर बुद्धी भ्रष्ट आगेग्याद, अदकि आ अग्यानता अनूद कारण जो आंदुर दा आद अदकि आंदुर मन इन कठोरता अनूद कारण आंदुर परमेश्वर उन जीवन

टु अलग माळकु आदुर; 19 अदकि आंदुर सुन्न आगकु लुचपन दा हातेदुर कसिब प्रकार इन खराव क्याल्सा लालसा देल माळुल.

20 पर नीव मसीह अनूद हगि शक़िषा ताकोडीदील. 21 बल्की नीव खराखुरा आऊदा केळदीर अदकि, ह्यांग यीशु दा सचचाई आद, अदुर दा कलसकु भी आग्यार 22 \*क़ि नीव पछिला चाल चलन इक हाळोद मंळसातत्व अक जो भरमुसावळत अभलिषागोळद अनुसार भरषट आगोगतद, ईळु बुळी 23 अदकि तान मन इन आत्मकि स्वभाव दा व्हाशोद बनसतेला होगी, 24 \*अदकि व्हाशोद मंळसातत्व अक हाकुक कोमी जो परमेश्वर उन अनूप सचचाई इन न्यायीपन अदकि पवतिरता दा सजूसकु आग्याद.

25 ई कारण खवाटा माताळोद वटिकु हर ऊद मंळसा तान मान्ना हातळोर से सही माताळुल, यतकी नाव आपस दा आबुर दाबुर अंग हुयेव. 26 सट्टि रा माळी, पर पाप माळवाळी; सुर्य मुळका ताका नीमद गुस्सा ईरबाळुल, 27 अदकि ना शैतान उक मवका कोळी. 28 काळताना माळावाळा बाक काळताना माळवाळुल, बल्की वळलीद क्याल्सा माळोर साटी तान कयगोळ देल मेहनत माळुल, इदुरसाटी क़ि यारी प्रयोजन आद आऊक कोळली आऊन हात्ती येनारा ईरूल. 29 यातोदु सही मात नीमद बाय देल होळवाळुल, पर ज़रवत इन अनुसार अदा होळुल जो उन्नती इन साटी वळलीद ईरूल, ताकी आऊन से केळावाळेर मा अनुग्रह ईरूल. 30 परमेश्वर उन पवतिर आत्मा अक दुख माळवाळी, यदुर देल नीम मा छुटकारा अनूद दनि इन साटी छाप कोटकु आग्याद. 31 सब प्रकार इन कळवाहट, अदकि प्रकोप अदकि सट्टि, अदकि कलह, अदकि अपमान, सप्पा बैरभाव समेत नीम से दुर माळकु आगुल. 32 \*आबुर दाबुर मा क्पा माळी अदकि मेहरवान आगी, अदकि ह्यांग परमेश्वर मसीह दा नीमद अपराध माफ माळदुन, हांग अच नीव भी आबुर दाबुरद अपराध माफ माळी.

## 5

ऊजुळ दा ईरोद

1 इदुरसाटी प्रयि चिकोरगोळ घाई परमेश्वर उन अनुकरण माळी, 2 अदकि प्यार दा नळी ह्यांग मसीह भी नीम से प्यार माळदुन, अदकि नाम साटी तान तान इक सुखदायक सुगन्ध इन साटी परमेश्वर उन मुंद भेंट माळकु बलदान माळ बुटदुर.

3 ह्यांग पवतिर लॉकुर्द लायक आद. हांग नीम दा व्यभचार अदकि यातोदु प्रकार इन अशुध्द क्याल्सा या लोभ इन मात भी आगवाळुल; 4 अदकि ना नरिलज्जता, ना मूढता अनूद मातचीत माळदेव, ना मज्याक माळदेव; यतकी ईव मातगोळ शोभा कोळालव, बल्की धन्यवाद अच केळकु आगुल. 5 यतकी नीव ईद जानसतीर क़ियावारा व्यभचारी, या अशुध्द जन, या लोभी मंळसा अनूद, जो मूर्त इन पुजा माळावाळा अन बराबर आन, मसीह अदकि परमेश्वर उन राज्य दा मीरास ईल्लच.

6 यावारा नीमी व्यरथ मातगोळ देल धवाका कोळवाळुल, यतकी ईवा क्याल्सागोळद कारण परमेश्वर उन सट्टि आग्या ईला मान्सावाळेर मा भळकुसतद. 7 इदुरसाटी नीव आंदुर सहभागी ईरबाळी. 8 यतकी नीव रा पयला अधकार ईरीर लेकीन ईग प्रभु दा ज्योति आईर, इदुरसाटी ज्योति इन औलाद इन घाई नळी 9 यतकी ज्योति इन फल सब प्रकार इन भलाई, अदकि न्यायीपन, अदकि सचचाई आद, 10 अदकि ईद परखुसी क़ि परभु उक येन भाऊसतद. 11 अधकार इन नषिफल क्याल्सागोळ दा सहभागी ईरबाळी, बल्की अदुर मा उलाहना कोळी. 12 यतकी आंदुर गुप्त क्याल्सागोळद चर्चा भी शरम इन मात आद. 13 पर यास क्याल्सागोळ मा उलाहना कोटकु आगतद अच सप्पा ज्योति टु प्रगट आगतद, यतकी जो सप्पा येनारा अक प्रगट माळतद अद ज्योति हुन. 14 ई कारण आव अनतान, "हे मगिावाळा,

जागस अदकि मुरदागोळ दा टु जतिता येळ;

रा मसीह अनूद ज्योति नीन मा चमकुसीत."

15 इदुरसाटी ध्यान देल नोळी, क़ि ह्यांग चाल नळुतीर: नरिबुद्धीगोळद घाई ईला पर बुद्धिमानगोळद घाई नळी. 16 \*मवका अक बारर समसी, यतकी दनि बुरा आव. 17 ई कारण नरिबुद्धी ईरबाळी, पर ध्यान देल समसी क़ि परभु उन इच्छा येन आद.

18 अंगुर इन रास्सा टु मतवाला बनसवाळी, यतकी इदुर देल लुचपन आगतद, पर आत्मा देल परपिण आगतेला होगी, 19 \*अदकि आपस दा भजन अदकि स्तुति हाळ अदकि आत्मकि हाळगोळ हाळतोगी, अदकि तान तान मन दा परभु उन मुंद हाळतेला अदकि कीरतन माळतेला ईरी. 20 अदकि हमेशा सब मातगोळद साटी नामद प्रभु यीशु मसीह अनूद हेसुर देल परमेश्वर आपु उन धन्यवाद माळतेला ईरी.

गांड्ज अदकि हगिस

21 मसीह अनूद अंजुक देल आबुर दाबुरद हात्ती ईरी.

22 \*हे हगिसुरा, तान तान गांड्ज उन हगि हात्ती ईरी जसा परभु उन. 23 यतकी गांड्ज हगिस उन ताल्ला हुन ह्यांग क़ि मसीह मंडली इन ताल्ला आन अदकि खुद अच मय इन उद्धारकर्ता आन. 24 पर ह्यांग मंडली मसीह अनूद हात्ती आद, हांग अच हगिसुर भी हर मात दा तान तान गांड्ज उन हात्ती ईरूल.

\* 4:22 ४:२२ कुलसगिळ ३:१ \* 4:24 ४:२४ कुलसगिळ ३:१० \* 4:32 ४:३२ कुलसगिळ ३:१३ \* 5:16 ५:१६ कुलसगिळ ४:२५ \* 5:19 ५:१९ कुलसगिळ ३:१६,१७ \* 5:22 ५:२२ कुलसगिळ ३:१६; १ पतरस ३:१



25 ०हे गांडडुरा, तान तान हगिसुर से प्यार ईटी हयांग मसीह भी मंडली से प्यार माळकु तान तान इक अदुर साटी कोट वुट्टुन 26 कि आऊक वचन इन दवारा नीर इन मयतोळदुर देल शुद्ध माळकु पवतिर माळी, 27 अदकि आऊक ऊंद हगि तेजस्वी मंडली माळकु तान हात्ती नदिरसुल, यदुर दा ना कलक, ना झुररी, ना यातोदारा अदकि हगि वस्तु ईरूल वलकी पवतिर अदकि नरिदाष ईरूल. 28 ईदा प्रकार उचति आद किगांडड तान तान हगिसुर से तान मय इन घाई प्यार ईटली पायजे. जो तान हगिस उन से प्यार ईटतान, आव तान तान से प्यार ईटतान. 29 यतकी याऊ यागलु तान मय देल दुशमनी ईटीदलि वलकी अदुरद पालन-पोषण माळतान, जसा मसीह भी मंडली इन सांगुळ माळतान. 30 इदुरसाटी कि नाव आऊन मय इन अंग हुयेव. 31 "ई कारण मंळसा तान मोय-आपु उक बटिकु तान हगिस उन सांगुळ ईततान, अदकि आंदुर येदुहु ऊंद तन आदार." 32 ईद भेद रा धोळ आद, पर ना ईल मसीह अदकि मंडली इन वारा दा अनतीन. 33 पर नीम दा टु हर ऊंद तान हगिस उन से तान घाई प्यार ईटल, अदकि हगिस भी तान गांडड उन आदर माळलु.

## 6

मोय-आपु अदकि चकीर

1 ०हे चकीरगोळा, प्रभु दा तान मोय-आपु उन आग्याकारी बनसी, यतकी ईद उचति आद. 2 "तान मोय अदकि आपु उन आदर माळ ईद पयला आग्या हुन यदुर सांगुळ वादा भी आद. 3 कि अपमान भला आगुल, अदकि नी पृथवी मा हापाळ दनि ताका जतिता ईर." 4 ०हे चकीरवाळरा, तान चकीर इक गुस्सा तरगोळबाळी लेकीन प्रभु उन शकिसा अदकि चेतावनी कोळतेला आंदुरद पालन-पोषण माळी.

स्वामी अदकि दास

5 ०हे दासगोळा, जो लॉकर ई दुनिया दा नीम स्वामी आर, तान मन ईद सही देल अंजुक अदकि नळगतेला, हयांग मसीह अनंद हांगा आंदुरद भी आग्या मानसी. 6 मंळसागोळी खुश माळावाळेर घाई तोरसोर साटी स्यावा माळवाळी, लेकीन मसीह अनंद दासगोळ घाई अंतर आत्मा देल परमेश्वर उन इच्छा मा नळी, 7 अदकि आ स्यावा अक मंळसागोळद ईला लेकीन प्रभु उन स्यावा जान्सकु खरा मन देल माळी. 8 यतकी नीव जान्सतीर कि हर मंळसा हयांगारा वळलीद क्याल्सा माळयान, या रा दास ईरूल या रा स्वतंत्र, प्रभु से हांगा हासलि माळयान. 9 ०हे स्वामीगोळा, नीव भी धमकीगोळ कोळव बटिकु आंदुर सांगुळ हांग अच व्यवहार माळी; यतकी नीव जान्सतीर कि आंदुर अदकि नीम येदुहु मुंदुरव स्वामी स्वर्ग दा आन, अदकि आव यारदु पक्षपात माळालुन.

आत्मकि लळाई इन औजार

10 इदुरसाटी प्रभु दा अदकि आऊन शक्ति इन प्रभाव दा ताकतवर बनसी. 11 परमेश्वर उन सप्पा हथयार हाक्क बुळी कि नीव शैतान उन युक्तगोळ मुंद नदिरकु ईर सकीर. 12 यतकी नामद ईद मल्लयुद्ध रक्ता अदकि मास देल ईला लेकीन प्रधानगोळ देल, अदकि अधिकारीगोळ देल, अदकि ई दुनिया अन अंधकार इन शासकगोळ देल अदकि आ दुष्टता अनंद आत्मकि सेनागोळ देल आद जो आकाश दा आव. 13 इदुरसाटी परमेश्वर उन पुरा हथयार कट कोमी कि नीव बुरा दनि दा सामना माळ सकी, अदकि सप्पा येनारा पुरा माळकु संची ईर सकी.

14 इदुरसाटी सचचाई देल तान नेळु कसुसुक, अदकि न्यायीपन इन कवच हाक्कु, 15 अदकि कालगोळ दा मेल इन खुशखबरी इन तयारी इन जूता हाक्कु; 16 अदकि ई सब मुंदुर सांगुळ वशिवास इन ढाल हुडुकु स्थरि ईरी यदुर देल नीव आ दुष्ट इन सब होततेला तीरगोळ इक नुनाक सकी. 17 अदकि उद्धार इन टोप, अदकि आत्मा अनंद तलवार, जो परमेश्वर उन वचन हुन, ग्रहण माळकोमी. 18 हर समय अदकि हर प्रकार देल आत्मा दा प्रार्थना, अदकि वनिती माळतेला ईरी, अदकि इदुरसाटी जागसतेला ईरी कि सब पवतिर लॉकरुद साटी लगातार वनिती माळतेला ईरी, 19 अदकि नान साटी भी कि नानी माताळोद समय हगि प्रबल वचन कोटकु आगुल कि ना साहस इन सांगुळ खुशखबरी इन भेद खोलसोद कार्य माळ सकाईन, 20 ई खुशखबरी इन खातरि ना शंकली देल जकळुसकु राजस्वर्गदूत हुईन; हालाकि ईंग ना जयल दा आईन. प्रार्थना माळी कि ना खुशखबरी इन वारा दा माताळली साहसी आग सकतीन ईद जरूरी आद जसा कि ना आईन.

आखरी अभिवादन

21 ००तुखकिस, जो प्रथि वारट अदकि प्रभु दा वशिवासयोग्य सेवक आन, नीमी सब मातगोळ हेळयान कि नीव भी नान दशा जानसी कि ना हयांग ईरतीन. 22 आऊक ना नीमद हात्ती इदुरसाटी कळुदीन कि नीव नामद दशा अक जानसी, अदकि आव नीमद मनगोळ इक शांती कोळलु.

23 परमेश्वर आपु अदकि प्रभु यीशु मसीह अनंद दी टु वारटुरी शांती अदकि वशिवास सहति प्यार सकिल. 24 जो नामद प्रभु यीशु मसीह टु खरा प्यार ईटतार, आ सब मा अनुग्रह आगतेला ईरूल.

## फलिपिपी के नाम पौलुस प्रेरति की चट्टी फलिपिगोळ हेसुर पौलुस प्रेरति उन चट्टी परचिय

पौलुस फलिपिपी दा वशिवासीगोळ इक यीशु उन जनम इन लगभग ६१ वर्ष इन बाद्दा चट्टी लखिसदुन. आव बंदीगूह दा १:१३ ईरतेला लखिसदुन, शायद रोम दा. ईद चट्टी फलिपिपी नगर दा स्थति मंडली इक लखिसकु आगीत. नाव फलिपिपी इन बारा दा अधनियिमगोळद कतिब देल थवाळासा कलु सक्तेव. फलिपिपी मकदिनया प्रांत इन ऊंद राजधानी ईरोद. ईद पयला मंडली ईरोद यदरी मकदिनया दा स्थापति माळकु आगीत. पौलुस अदकि सलास ऊंद सांगुळ मंडली इन सूरवात माळदुर अदकि ईल ताका कऱ ऊंद ईळलक इन साटी बंदीगूह दा हाक्कु आत, याग आंदुर अल ईरोर प्रेरतिगोळ १६ ईद चट्टी इक लखिसोर दा पौलुस उन कई उद्देश ईर सकताव. आंदुर ईद मवका अन उपयोग मंडली इक आंदुर द्वारा कळकु आगयाव उपहार इन साटी धन्यवाद कोळोर साटी माळदुर याग आंदुर केळदुर कऱ आव बंदीगूह दा आन ४:१०-११ आंदुर बंदीगूह दा आंदुर स्थति मा आंदरी अधययन भी माळदुर अदकि मंडली इक तीमुथयिस अदकि एपाफ्रदितिस उन सफारीश माळदुर २:१९-३० ताकी आंदुर आंदुर स्वागत माळुल अदकि आंदुर नतृत्व अन्द सम्मान माळुल.

रूप रेखा

१. फलिपि फलिपिपी दा मंडली इक नमस्कार माळकु चट्टी सूरु माळतान. १:१-२
२. मुंद आव तान स्थति इन बारा दा थवाळासा जानकारी साझा माळतान अदकि थवाळासा चितिगोळ जो आऊन हात्ती आव १:३-२:३०
३. बाक आव ईसाई जीवन जीऊसोर साटी हापाळ व्यावहारकि नरिदेश कोळतान ३:१-४:९
४. पौलुस फलिपिपीया अन्द मंडली इक आंदुर उपहार इन साटी धन्यवाद कोटक अदकि आंदुर अभिवादन कळकु चट्टी खतम माळतान ४:१०-२३

१ मसीह यीशु उन दास पौलुस अदकि तीमुथयिस उन दी टु, सप्पा पवतिर लॉकुर हेसुर जो यीशु मसीह दा आगकु फलिपिपी दा, अध्यक्षगोळ अदकि सेवकगोळ सांगुळ ईरतार.

२ नामव आप् परमेश्वर अदकि प्रभु यीशु मसीह अन दी टु नीमी अनुग्रह अदकि शांती सकितेला ईरूल.

पौलुस उन प्रारथना अदकि धन्यवाद

३ ना याग याग नीमी याद माळतीन, आग आग तान परमेश्वर उन धन्यवाद माळतीन; ४ अदकि याग यागलु नीम सप्पा अन साटी वनिती माळतीन, रा हमेशा खुशी इन सांगुळ वनिती माळतीन. ५ इदुरसाटी कऱ नीव पयला दनि टु हुडुकु ईद ताका खुशखबरी बगूसदुर दा नान सहभागी ईतीर. ६ नानी ई मात इन भरोसा आद कऱियाव नीम दा वळलीद कयालसा सूरु माळयान, आवा अदरी यीशु मसीह अन्द दनि ताका पुरा माळयान. ७ उचित आद कऱ ना नीम सप्पा मुंदुर साटी हगि अच वचार माळाईन, यतकि नीव नान मन दा बंदकु बसुसेगीर, अदकि ना शंकलीगोळ देल कैद दा अदकि खुशखबरी इन साटी उत्तर अदकि प्रमाण कोळदुर दा नीव सप्पा मुंदुर नान सांगुळ अनुग्रह दा सहभागी आगी. ८ इदुर दा परमेश्वर नान गवाह आन कऱ ना मसीह यीशु उन घाई प्यार माळकु नीम सप्पा मुंदुर लालसा माळतीन. ९ ना तरी भी ईद प्रारथना माळतीन कऱ नीम प्यार गयान अदकि हर प्रकार इन वचिक सांगुळ अदकि यक्कुल वाळुसत होगुल, १० ईल ताका कऱ नीव वळलीद से वळलीद मातगोळद जाच माळी, अदकि मसीह अन्द दनि ताका खरा बन्सकु ईरी, अदकि टोकर तनिबाळी; ११ अदकि आ न्यायीपन इन काय देल जो यीशु मसीह अन्द द्वारा आगताव, यक्कुल आग्त होगी यदुर देल परमेश्वर उन महमा अदकि स्तुति आग्त ईरूल.

पौलुस उन कैद टु खुशखबरी इन उननती

१२ हे वारदुरा, ना चाहासतीन कऱ नीव ईद जानस कोमी कऱ नान मा जो घळुसयाद, अदुर देल खुशखबरी वाळुसतेला होगयाद. १३ ईल ताका कऱ कैसर उन राजभवन इन सप्पा पलटन अदकि मगिद सप्पा लॉकुर मा ईद प्रगत आगेगयाद कऱ ना मसीह अन्द साटी शंकलीगोळ देल कैद दा आईन; १४ अदकि प्रभु दा जो वारदुर आर, आंदुर दा टु यक्कुल मुंदुर नान शंकलीगोळ देल कैद आगदुर कारण, भरोसा माळकु परमेश्वर उन वचन बेधळक केळसोद मातत यक्कुल हम्मिमत माळतार.

१५ थवाळासा रा जलन अदकि झगळा अन्द कारण मसीह अन्द प्रचार माळतार अदकि थवाळासा भला इच्छा देल. १६ हापाळ पुरा रा ईद जानसकु कऱ ना खुशखबरी इन साटी उत्तर कोळली ठहरसकु आगीन, प्यार देल प्रचार माळतार. १७ अदकि हापाळ मुंदुर रा सरका ईला लेकीन मतलब देल मसीह अन्द कात्ता केळसतार, ईद वचार माळकु कऱ ना शंकलीगोळ देल कैद दा आईन नान साटी क्लेश पैदा माळुल. १८ रा येन आत? सरिफ ईद कऱ हर प्रकार देल, या बहाना देल या सच्चाई देल, मसीह अन्द कात्ता केळसकु आगतद, अदकि ना ईदुर देल खुश आईन अदकि खुश भी ईराइन. १९ यतकि ना जानसतीन कऱ नीम वनिती इन द्वारा, अदकि यीशु मसीह अन्द आत्मा अन्द दान इन द्वारा, इदुरद प्रतफिल नान उद्धार आदीत. २० ना रा ईदा हापाळ लालसा अदकि आशा ईदतीन कऱ ना यातोदु मात

दा लज्जति आगतीदील, लेकीन ह्यांग नान प्रबल हमिमत इन कारण मसीह अन्द बळाई नान मय इन द्वारा हमेशा आग्त ईताद, हांग अच ईंग भी आगुल, चाहे ना जतिता ईराइन या सोतोगाईन. <sup>21</sup> यतकी नान साटी जतिता ईरोद मसीह हुन, अदकि सोतोगोद फायदा हुन. <sup>22</sup> लेकीन अगर मय दा जतिता ईरोद अच नान क्याल्सा साटी फायदा मंद आद रा ना जानसालीन कियदुर चुनाव माळाईन. <sup>23</sup> यतकी ना येदुदु चीज इन न्याड्या अथर दा हलिगुसकु आईन; जीव रा चाहासतद क्ही हांगकु मसीह अन्द हात्ती ईराइन, यतकी ईद रा हापाळ वळलीद आद, <sup>24</sup> लेकीन मय दा ईरोद नीम कारण मात्त यक्कुल जरूरी आद. <sup>25</sup> इदुरसाटी क्ही नानी इदुरद भरोसा आद इदुरसाटी ना जानसतीन क्ही ना जतिता ईराइन, उलटा नीम सप्पा मुंदुर सांगुळ ईराइन यदुर देल नीव वशिवास दा मजबूत आग्त हांगी अदकि अदुर दा खुश ईरी; <sup>26</sup> अदकि जो धमण्ड नीव नान बारा दा माळतीर, अद नांद मात्त नीम हात्ती बंदुर देल मसीह यीशु दा यक्कुल वाळसेगुल.

<sup>27</sup> सरिफ ईट माळी क्ही नीम चाल-चलन मसीह अन्द खुशखबरी इन लायक ईरूल क्ही चाहे रा ना बंदकु नीमी नोळाईन, चाहे रा बर भी तदिलि, नीम बारा दा नानी ईदा केळ सकिल क्ही नीव ऊंद अच अंतरात्मा दा जतिता आईर, अदकि ऊंद मन आगकु खुशखबरी इन वशिवास इन साटी मयनत माळत ईरतीर. <sup>28</sup> अदकि यातोदारा मात दा वरिध माळावाळेरे से अंजुक तुमालीर. ईद आंदुर साटी वनिश इन स्पष्ट चमत्कार हुन, लेकीन नीम साटी उद्धार इन अदकि ईद परमेश्वर उन दी टु आद. <sup>29</sup> यतकी मसीह अन्द कारण नीम मा ईद अनुग्रह आत क्ही ना सरिफ आऊन साटी भरोसा कोळी लेकीन आऊन साटी दुख भी नेगी; <sup>30</sup> अदकि नीमी हांग अच मयनत माळोद आद, ह्यांग नीव नानी माळतेला नोळीर, अदकि ईंग भी केळतीर क्ही ना हांग अच माळतीन.

## 2

मसीह अन्द दीनता अदकि महानता

<sup>1</sup> इदुरसाटी अगर मसीह दा थ्वाळासा शांती, अदकि प्यार देल हमिमत, अदकि आत्मा अन्द प्रोत्साहन, अदकि थ्वाळासा करूणा अदकि संगती आद, <sup>2</sup> रा नान ईद खुशी पुरा माळी क्ही ऊंद मन आगकु ईरी, अदकि ऊंद अच प्यार, ऊंद अच चतित, अदकि ऊंद अच मनसा ईटी. <sup>3</sup> मतलब देल या ख्वाटा बळाई साटी येनु माळवाळी, लेकीन दीनता देल आबुर दाबुर इक तान से वळलेर समसी. <sup>4</sup> हर ऊंद तान हति इन ईला, उलटा दुसरा अन्द हति इन भी चनिता माळुल. <sup>5</sup> ह्यांग मसीह यीशु उन वचार ईरव हांग अच नीम भी वचार ईरूल;

<sup>6</sup> याव परमेश्वर उन स्वरूप दा ईतकु भी

परमेश्वर उन तुलय आगली तान वश दा ईटोद वस्तु समसीदील.

<sup>7</sup> उलटा तान तान इक हांग शुन्य माळ बुट्टुन,

अदकि दास उन रूप धारण माळदुन,

अदकि मंळसा अन्द समानता दा आगदुन.

<sup>8</sup> अदकि मंळसा अन्द रूप दा प्रगट आगकु तान तान इक दीन माळदुन,

अदकि ईल ताका आगयाकारी ईत्तुन क्ही मृत्यु, हव, क्रूस इन मृत्यु भी सहन माळदुन.

<sup>9</sup> ई कारण परमेश्वर आऊक हापाळ महान भी माळदुन,

अदकि आऊक अद हेसुर कोट्टुन जो सप्पा हेसुरगोळ से श्रेष्ठ आद,

<sup>10</sup> क्ही जो स्वर्ग दा अदकि पृथ्वी मा अदकि पृथ्वी इन ल्यालमा आद,

अव सप्पा यीशु उन हेसुर मा ट्वांगरा टेकसुल;

<sup>11</sup> अदकि परमेश्वर आपप उन महिमा साटी हर ऊंद ल्यालग्या अंगीकार माळ कोमुल

क्ही यीशु मसीह अच प्रभु हुन.

दुनिया दा ज्योत इन घाई चमकुसी

<sup>12</sup> इदुरसाटी हे नान प्रियोगोळा, ह्यांग नीव हमेशा टु आग्या मानसतेला बंदीर, हांग अच ईंग भी ना सरिफ नान सांगुळ ईरा होती लेकीन जरूर माळकु ईंग नान दुर ईत्तुर मा भी अंजुक अदकि नळगतेला तान तान उद्धार इन क्यालसा पुरा माळत हांगी; <sup>13</sup> यतकी परमेश्वर अच हुन याव तान खुद इन इच्छा अन्द कारण नीम मन दा इच्छा अदकि क्यालसा, येदुदु मातगोळद माळोद प्रभाव हाक्यान.

<sup>14</sup> सप्पा क्यालसा बनि बळबळ अदकि बनि बाय कय मूरसद माळतोगी, <sup>15</sup> क्ही नीव नरिदोष अदकि भोला आगकु वाकळा अदकि जिदी लॉकुर न्याड्या परमेश्वर उन नषिकलंक औलाद बनसकु ईरी, यार न्याड्या दा नीव जीवन इन वचन हुडुकु दुनिया दा होतकु दगियागोळ घाई काळसतीर, <sup>16</sup> क्ही मसीह अन्द दशिी नान हात्ती कारण ईरूल क्ही ना नान जतिता इरोद अदकि ना नांद धमण्ड माळोद बेकार आत. <sup>17</sup> अगर नानी नीम वशिवास रूपी बलदान अदकि स्यावा अन्द सांगुळ तान रक्ता भी वाहुसोद बळिल, तरी भी ना खुश आईन अदकि नीम सप्पा मुंदुर सांगुळ खुशी माळतीन. <sup>18</sup> हांग अच नीव भी खुश ईरी अदकि नान सांगुळ खुशी माळी.

तीमथयिस अदकि इपफरदीत्स

<sup>19</sup> नानी प्रभु यीशु दा आशा आद क्ही ना तीमथयिस उक नीम हात्ती तुरन्त कळाईन, ताकी नीम दशा केळकु नानी खुशी सकिल. <sup>20</sup> यतकी नान हात्ती हांग स्वभाव इनव याऊ हेलेच जो शुद्ध मन देल नीम चनिता माळुल. <sup>21</sup> यतकी सप्पा मुंदुर तान स्वार्थ इन खोज दा ईरतार, ना क्ही यीशु मसीह अन्द. <sup>22</sup> लेकीन आऊक रा नीव परकुसदीर

अदकि जान्स भी कौडीर क हियांग पार आपुप उन सांगुळ माळतान, हांग अच आव खुशखबरी इक फैलुसदुर दा नान सांगुळ स्यावा माळदुन. <sup>23</sup> इदुरसाटी नानी आशा आद क हियांग नानी समझ दा बंदीत क नान येन दशा आदीन, हांग अच ना आऊक तुरन्त कळु बुळाईन. <sup>24</sup> अदकि नानी प्रभु दा भरोसा आद क ना खुद भी राटनेरी बराईन.

<sup>25</sup> लेकीन ना इफरुदीतुस उक जो नान वारट अदकि सहकर्मी अदकि संगी योद्धा अदकि नीम स्वर्गदुत, अदकि जरूरी मातगोळ दा नान स्यावा टहल माळावाळा हुन, नीम हात्ती कळोद जरूरी समसदीन. <sup>26</sup> यतकी आऊन लालसा नीम सप्पा मुंदुर दा हतकु ईरोद, ई कारण आव व्याकुल ईरतोगोन यतकी नीव आऊन बमिारी इन बारा दा कळीदीर. <sup>27</sup> नशिचय आव बमिार रा आगेगदिन ईल ताका क सायोर मा ईरोन, लेकीन परमेश्वर आऊन मा दया माळदुन, अदकि सरिफ आऊन मा अच ईला लेकीन नान मा भी क नानी शोक मा शोक सकिवाळुल. <sup>28</sup> इदुरसाटी ना आऊक कळोद मातत यककुल कोशशि माळदीन क नीव आऊक मातत नोळकु खुश आगेगी अदकि नान भी दुख गोर्त आगेगुल. <sup>29</sup> इदुरसाटी नीव प्रभु दा आऊन से हापाळ खुशी इन सांगुळ मुलाकात माळेतीर, अदकि ईततोर्द आदर माळतोगेतीर. <sup>30</sup> यतकी आव मसीह अन्द कयाल्सा साटी तान जीव इक जोखमि दा हाककु मृत्यु उन हात्ती होट बंदीदुन ताकी जो कमी नीम दी टु नान स्यावा दा आत अदरी पुरा माळुल.

### 3

#### सही न्यायीपन

<sup>1</sup> इदुरसाटी हे नान वारटुरा, प्रभु दा खुश ईरी. अव अच मातगोळ नीमी घळी घळी लखिसली नानी रा येनु तकलीफ आगाल, अदकि ईदुर दा नीम कुशलता आद, <sup>2</sup> नायगोळ से सावधान ईरी, आ बेकार कयाल्सा माळावाळेरे से सावधान ईरी, आ काट कूट माळावाळेरे से सावधान ईरी. <sup>3</sup> यतकी खतनावाळेरे रा नाव अच हुयेव जो परमेश्वर उन आत्मा अन्द अगुवाई देल उपासना माळतेव, अदकि मसीह यीशु मा घमण्ड माळतेव, अदकि मय मा भरोसा ईटालेव. <sup>4</sup> लेकीन ना रा मय मा भी भरोसा ईट सकतीन. अगर यारा रा दुसरा अक मय मा भरोसा ईटोद वचिार आगुल, रा ना आऊन से यककुल ईट सकतीन. <sup>5</sup> आठवा दशिी नान खतना आत, इस्त्राएल इन वंश अदकि बनि्यामीन इन गोत्र नव हुईन; इब्रानगोळव इब्रानी हुईन; व्यवस्था अन्द बारा दा अगर अंदीर रा फरीसी हुईन. <sup>6</sup> उत्साह अन्द बारा दा अगर अंदीर रा मंडली इन सतुसावाळा; अदकि व्यवस्था अन्द न्यायीपन इन बारा दा अगर अंदीर रा नरिदोष ईरीन. <sup>7</sup> लेकीन जो जो मातगोळ नान फायदा नव ईरव, अवरीका ना मसीह अन्द कारण नुकसान सम्स कौडीन. <sup>8</sup> उलटा ना तान प्रभु यीशु मसीह अन्द पयचान इन उत्तमता अन्द कारण सप्पा मातगोळी नुकसान सम्सतीन. यदुर कारण ना सप्पा वस्तुगोळद नुकसान नेगदीन, अदकि अवरी काळी कचरा सम्सतीन, यदुर से ना मसीह अक हासलि माळाईन <sup>9</sup> अदकि अदुर दा ना सक्कि आगुल; ना क तान अद न्यायीपन इन सांगुळ, जो व्यवस्था देल आद, उलटा आ न्यायीपन इन सांगुळ जो मसीह मा वशिवास माळदुर कारण आद अदकि परमेश्वर दी टु वशिवास माळदुर मा सकितद; <sup>10</sup> ताकी ना अदरी अदकि अदुरद मृत्युंजय इन सामर्थ्य अक, अदकि अदुर सांगुळ दुखगोळ दा सहभागी आगोद मर्म इक जानसाईन, अदकि आऊन मृत्यु उन समानता अक हासलि माळाईन. <sup>11</sup> क ना यातोदारा भी रीत देल सोत्तुर दा टु जतिता आगोद पद ताका पोहचुसाईन.

#### नशिाना दी ओळोद

<sup>12</sup> ईद मतलब हेलिच क ना ईग हासलि माळ कौडीन, या सदिध आगेगनि; लेकीन आ पदार्थ अक हुडोर साटी ओळत होगतीन, यदुर साटी मसीह यीशु नानी हुळवदिन. <sup>13</sup> हे वारटुरा, नान ईद भावना हेलिच क ना हासलि माळ कौडीन; लेकीन सरिफ ऊंद कयाल्सा माळतीन क जो मातगोळ हदि ईतोग्याव अवरी मारुक्, मुंदळव मातगोळ दी वाळुसतेला, <sup>14</sup> नशिाना दी ओळत होगतीन, ताकी अद ईनाम हासलि माळाईन यदुर साटी परमेश्वर नानी मसीह यीशु दा म्याकुच कारदान. <sup>15</sup> नाम दा टु यास सदिध आर, ईदा वचिार ईटुल, अदकि अगर यातोदारा मात दा नीम दुसरा अच वचिार ईहूल रा परमेश्वर अदरी भी नीम मा प्रगट माळ बुट्टान. <sup>16</sup> इदुरसाटी यल ताका नाव पोहचुसेव, अदुरदा अनुसार नळदेव. <sup>17</sup> हे वारटुरा, नीव सप्पा मुंदुर मलिसकु नान घाई व्यवहार माळी, अदकि आंदरी पयचान दा ईटी जो ई रीतिमा नळुतार यदुर उदाहरण नीव नाम दा नोळतीर; <sup>18</sup> यतकी हापाळ सा हगि व्यवहार माळतार, यार्द चर्चा ना नीम से घळी घळी माळीन, अदकि ईग भी वरल वरलकु अनतीन क आंदुर तान चाल-चलन देल मसीह अन्द कूस देल दुश्मनी माळावाळेरे उर. <sup>19</sup> आंदुर अन्त वनिाश आद, आंदुर मय वहाट्टा हुन, आंदुर तान शरम इन मातगोळ मा वचिार माळतार अदकि पृथ्वी इन वस्तुगोळ मा महमा हचकु ईरतार. <sup>20</sup> लेकीन नाम स्वदेश स्वर्ग मा आद; अदकि नाव ऊंद उद्धारकर्ता प्रभु यीशु मसीह अन्द अल टु बरोद हादी कायेतेव. <sup>21</sup> आव तान शक्ती इन आ प्रभाव इन अनुसार यदुर द्वाारा आव सप्पा वस्तुगोळी तान वश दा माळ सकतान, नाम दीन-हीन मय इन रूप बदलुसकु, तान महमा अन्द मय इन अनुकूल माळ बुट्टान.

### 4

#### नरिदेश

<sup>1</sup> इदुरसाटी हे नान प्रथि वारटुरा, यदुर दा नान जीव हतकु ईरतद, जो नान खुशी अदकि मुकुट हुईर, हे प्रथि वारटुरा, प्रभु दा हगिमा हादी कायतेला स्यरि ईरी.

2 ना यूओदयिा अक भी वनिती माळतीन अदकि सुन्तुखे अक भी, कि आंदुर प्रभु दा ऊंद वचारि आगकु ईरूल. 3 हे खरा सहकरमी, ना नीन से भी वनिती माळतीन कि नी आ आर्तेर मदत माळ, यतर्कि आंदुर नान सांगुळ खुशखबरी प्रचार माळदुर दा, क्लेमेस अदकि नान दुसरा सहकरमीगोळ सांगुळ मयनत माळदुर, यार्द हेसुर जीवन इन कतिव दा लखिसकु आव. 4 प्रभु दा हमेशा खुश ईरी; ना मात्त अनतीन, खुश ईरी. 5 नीम कोमलता सप्पा मळसागोळ मा प्रगट आगुल. प्रभु हात्ती आन. 6 यातोदु मात इन चनिता माळवाळी; लेकीन हर ऊंद मात दा नीम नविदन, प्रार्थना अदकि वनिती इन द्वारा धन्यवाद इन सांगुळ परमेश्वर उन मुंद उपस्थति माळकु आगुल. 7 आग परमेश्वर उन शांती, जो सप्पा मुंदुर समझ इन व्हारया आद, नीम मन अदकि नीम वचारिगोळी मसीह यीशु दा सुरक्षति ईट्टीत. 8 इदुरसाटी हे वारटुरा, जो जो मातगोळ सच्चवाई आव, अदकि जो जो मातगोळ आदरणीय आव, अदकि जो जो मातगोळ उचति आव, अदकि जो जो मातगोळ पवतिर आव, अदकि जो जो मातगोळ सुहावनी आव, अदकि जो जो मातगोळ मनभावनी आव, मतलब जो भी सदगुण अदकि प्रशंसा अन्द मातगोळ आव अऊर मा ध्यान हचतोगी. 9 जो मातगोळ नीव नान हात्ती टु कलतीर, अदकि ग्रहण माळदीर, अदकि केळदीर, अदकि नादुरदा नोळदीर, अऊरदा पालन माळतोगी, आग परमेश्वर जो शांती नव सोता आन नीम सांगुळ ईत्तान.

दान इन साटी धन्यवाद

10 ना प्रभु दा हापाळ खुश आईन कि ईग ईस दनिगोळ वाद्दा नीम चनिता नान वारा दा मात्त जागृत आग्याद; नश्चय नीमी सूरवात दा भी इदुरद वचारि ईरोद, लेकीन नीमी मवका सकिदिल. 11 ईद ईला कि ना तान कमी इन कारण ईद अनतीन यतर्कि ना ईद कलतीन कयाता दशा दा आईन; अदा दशा दा संतुष्ट ईराइन. 12 ना दीन आगोद भी जानसतीन अदकि वाळुसोद भी जानसतीन; हर ऊंद मात अदकि सप्पा दशागोळ दा ना संतुष्ट आगोद, उपास ईरोद, अदकि वाळुसोद-घटुसोद कलतीन. 13 जो नानी सामर्थ्य कोळतद अदुर दा ना सप्पा येनारा माळ सकतीन.

14 तरी भी नीव वळलीद माळदीर कि नान क्लेश दा नान सहभागी आदीर. 15 हे फलिपिपिगोळा, नीव खुद भी जानसतीर कि खुशखबरी प्रचार इन सूरवात दा, याग ना मकदिनया टु वदि आदीन, आग नीमी बटिकु मात्त यातोदु मंडली लेन देन इन वारा दा नान सहायता माळीदलि. 16 ईदा प्रकार याग ना थसिसलुनीके दा ईरीन, आग भी नीव नान कमी पुरा माळोर साटी ऊंद घन येन उलटा येद्व घन येनारा कळीदरि. 17 ईद ईला कि ना दान वेळोद चाहासतीन लेकीन ना हगि काय चाहासतीन जो नीम फायदा साटी वाळुस्त होगुल. 18 नान हात्ती सप्पा येनारा आद, उलटा हापाळ पुरा भी आद; जो वस्तुगोळ नीव इपफुरदीतुस उन कय देल कळीदरि अवरी प्राप्त माळकु ना संतुष्ट आगोदिन, अद रा सुखदायक सुगन्ध, ग्रहण माळा लायक बलदिन आद, जो परमेश्वर उक वळलीद हततद. 19 नान परमेश्वर भी तान आ धन इन अनुसार जो महिमा सांगुळ मसीह यीशु दा आद, नीम हर ऊंद कमी इक पुरा माळीत. 20 नाम परमेश्वर अदकि आप्प उन महिमा हमेशा आगतेला ईरूल. आमीन.

आखरी नमस्कार

21 हर ऊंद पवतिर जन उक, जो यीशु मसीह दा आन नमस्कार अनी. जो वारटु नान सांगुळ आन, नीमी नमस्कार अनतार. 22 सप्पा पवतिर लॉकुर, वशिष माळकु जो कैसर उन घराना नोर उर, नीमी नमस्कार अनतार.

23 नाम प्रभु यीशु मसीह अन्द अनुग्रह नीम आत्मा अन्द सांगुळ ईरूल.

## कुलुससयियों के नाम पौलुस प्रेरति की पत्नी कुलुससगिळ हेसुर पौलुस प्रेरति उन चट्ठी परचिय

कुलुससयियों अन्द चट्ठी प्रेरति पौलुस उन १:१ द्वारा मंडली इक लखिसकु आगीत. आव ईद चट्ठी आग लखिसदुन याग आव जयल दा ईरोन, शायद रोम दा, मसीह अन जनम इन लगभग ६० साल बाददा. कुलुससयियों, इफसियों अदकि फलिमोन ईद चट्ठी पौलुस जयल दा इतकु लखिसीदुन इदुरसाटी ईदरी जयल चट्ठी अंदकु आगतद.

आव ईद चट्ठी कोलोसे शयर दा मंडली इक लखिसीदुन. पौलुस कुलुससे दा मंडली चालु माळलकिा ईरोन, यतकी आंदुर २:१ दा उल्लेख माळ्यार, लेकीन इदुरसाटी येनारा जमिमेदारी महसूल माळीदुर. ईद संभव आद कि एपाफ्रास मंडली इन स्थापना माळीदुर यतकी आंदुर कोलोसे टु ईरोर. पौलुस कोलोसे अन्द मंडली दा येनारा गलत शकिषागोळ देल संबधति ईरोन. आंदुर ईदुर बारा दा चट्ठी लखिसुसोर दा हापाळ खर्च माळदुर, आग सकतद कि यहूदी ईसाईगोळद ऊंद समूह ईतीदाद, जो हाळोद नयिम देल यहूदी कानुनगोळद पालन माळोर साटी दुसरा ईसाई वार्दुरगोळी मजबुर माळोद कोशशि माळोर, वशिष रूप देल खतना. पौलुस वशिष रूप देल लखिसतान कि मसीह अक परमेश्वर १:१५-२० उन द्वारा स्वीकार माळकु आगोद अलावा मसीह अन्द अलावा येनु ईला या यावारा दुसरा अन्द जरवत आद अदकि मानव तर्क मा आधारति शकिषागोळ बेकार आव २:८

रूप-रेखा

१. पौलुस कोलोसे दा मंडली इक नमस्कार माळकु चट्ठी सूर माळतान. १:१-२
२. बाक आव मसीह अन्द महानता अन्द बारा दा लखिसतान वशिष रूप देल कोलोसे १:३-३:४ दा खवाटा शकिषा अन जवाब दा.
३. पौलुस हापाळ चट्ठी गोळ दा, आव चट्ठी गोळद उत्तरार्ष इक व्यक्त माळतान, जो वळलीद ईसाई जीवन जीऊसोर साटी धवाळासा वशिषिट नरिदेश कोळतद ३:५-४:६
४. पौलुस अन्य मंडलीगोळ ४:१७-१८ दा जोर देल वाचुसद चट्ठी इन साटी शुभकामनागोळ अदकि नरिदेश कोळतान.

१ पौलुस अदकि आऊन वार्दु तीमुथयिस उन दी टु, जो परमेश्वर उन इच्छा देल मसीह यीशु उन प्रेरति आन,  
२ कुलुससे दा ईरावाळेर परमेश्वर उन आ पवतिर वशिवासयोग्य वार्दुर इक जो मसीह दा ऊंद आर:  
नाम आप्प परमेश्वर उन दी टु नीमी अनुग्रह अदकि शांती सकितेला ईरूल.

धन्यवाद इन प्रार्थना

३ नाव नीम साटी हमेशा प्रार्थना माळतेव आग नाव तान प्रभु यीशु मसीह अन्द आप्प परमेश्वर उन धन्यवाद माळतेव. ४ यतकी नाव मसीह यीशु दा नीम वशिवास अदकि सप्पा परमेश्वर उन पवतिर लॉकुर प्रती नीम प्यार इन बारा दा केळेव; ५ याग सही बातणी, खुशखबरी, पयला घन नीम हात्ती बतत, रा नीव ई आशा अन्द बारा दा केळदीर कि ईद प्रदान माळतद. इदुरसाटी नीम वशिवास अदकि प्यार आवसतु मा आधारति आद, यदुर नीव उम्मीद माळतीर, जो नीम साटी स्वर्ग दा सुरक्षति ईटकु आद. ६ खुशखबरी आशरिवाद तरेत्याद अदकि सप्पा दुनया दा फैलुसेत्याद, ठीक हांग अच हयांग नीम न्याइया दा आ दशिी टु आद या दशिी टु नीव पयला घन परमेश्वर उन कृपा अन बारा दा केळीदीर अदकि अदुर देल ईद पता नळुत कि ईद सही दा आद. ७ परमेश्वर उन अनुग्रह अक नीव नाम प्रयि सहकर्मी सेवक इफफ्रास उन से कलतीर, जो नाम दी टु मसीह नव वशिवासयोग्य कर्मचारी आन. ८ आवा नामी आ प्यार इन बारा दा हेळयान जो आत्मा नीमी कोटाद.

९ ई कारण यागी टु नाव नीम बारा दा केळेव आगी टु नाव नीम साटी हमेशा प्रार्थना माळेव, परमेश्वर उन से नाव प्रार्थना माळतेव कि अद पुरा बुद्धी अदकि समझ जो आऊन आत्मा कोळतद आऊन सांगुळ अदुरद इच्छा अन्द ग्यान देल नीमी तुम बुळुल. १० ताकी नीमद चाल चलन प्रभु उन लायक ईरूल, अदकि आव सब प्रकार देल प्रसनन ईरूल, अदकि नीम जीवन दा टु वळलेव कयालसा होळुल, अदकि नीव परमेश्वर उन ग्यान दा वाळुसतेला होगी. ११ आऊन महामिमय शक्तति देल जो सामर्थ्य प्राप्त आगतद अदुर दा शक्तशाली आगत ईरी, ताकी नीव धीरज इन सांगुळ सप्पा येनारा सहन माळा लायक बन्सी. १२ अदकि खुशी इन सांगुळ आप्प उक धन्यवाद माळी, याव नीमी ई लायक माळदुन कि परमेश्वर उन आ लॉकुर सांगुळ जो आव आंदुर साटी पयले टु ना सुरक्षति माळद प्रकाश इन राज्य दा नीव पवतिर लॉकुर सांगुळ उत्तराधिकार प्राप्त माळदुर दा सहभागी बन्सी. १३ आवा नामी अंधकार इन वश टु बचाव माळकु तान प्रयि पार उन राज्य दा प्रवेश माळसुसदुन, १४ अदकि आऊन द्वारा नाव स्वतंत्र माळकु आदेव, मतलब नामी नाम पापगोळद माफ सक्ति.

मसीह नव कयालसा अदकि व्यक्ततिव

१५ मसीह अदृश्य परमेश्वर उन समानता दा दृश्य रूप हुन अदकि आव सप्पा नरिर्तिगोळ दा पयला पार हुन.  
१६ परमेश्वर तान द्वारा स्वर्ग अदकि पृथ्वी मा सूवात टु सप्पा येनारा माळदुन, आध्यात्मिक शक्तगिळ,

परभूगोळ, शासकगोळ अदकि अधिकारीगोळ सहति नोळद या बनिनोळद वस्तुगोळ, परमेश्वर आऊन द्वारा पुरा ब्रम्हाण्ड इन नरिमाण माळदुन. 17 सपपा वस्तुगोळ से पयले मसीह अनंद अस्ततिव ईरोद अदकि आऊन दा सपपा वस्तुगोळ तान सही जागा मा स्थरि ईरताव. 18 आव तान मय इन स्याणा हुन, मतलब मंडली इन ताल्ला हुन; आवा सूरवात हुन, अदकि सोत्तुर दा टु जतिता आगावाळा पयला जनम ताकोमावाळा पार हुन, ताकी सपपा वस्तुगोळ दा पयला स्थान हासलि माळ सकुल. 19 यतकी परमेश्वर उन खुद इन ईद फैसला ईरोद कि आऊन दा परमेश्वर उन सपपा परिपूरणता वास माळुल. 20 आव उन माध्यम देल परमेश्वर पुरा दुनिया अक तान ताना वापस तरोद फैसला माळदुन परमेश्वर कूस मा तान पार उन रक्ता अन माध्यम देल शांती माळदुन अदकि इदुरसाटी पृथ्वी अदकि स्वर्ग दा सपपा वस्तुगोळी वापस तंदुन.

21 ऊंद समय ईरोद याग नीव परमेश्वर उन से हापाळ दुर ईरीर अदकि तान वचारिगोळ अदकि बेकार करमगोळ कारण परमेश्वर उन दुश्मन ईरीर; 22 लेकीन ईंग, आव तान पार उन शारीरक मय इन मृत्यु उन द्वारा नीमी तान संगी माळ कोंडान, ताकी नीमी तान हातूती पवतिर अदकि शुद्ध, अदकि नरिदोष माळकु उपस्थति माळुल. 23 अगार नीव वशिवास इन पायवा मा मजबूत बनसकु ईततीर अदकि आ खुशखबरी इन आशा अक यदरी नीव कळीर बळिवाळी, यदुरद प्रचार आकाश इन लयालमा अनंद पुरा दुनिया दा माळकु आत, अदकि यदुरद ना, पौलस, सेवक बनसदीन.

पौलस उन मंडली दा स्यावा कार्य

24 ईंग ना आ दुखगोळद कारण खुशी माळतीन, जो नीमद साटी नेगोतीन अदकि मसीह अनंद क्लेशगोळद कमी आऊन मय इन साटी, मतलब मंडली इन साटी, तान मय दा पुरा माळतीन; 25 अदकि नानी परमेश्वर उन द्वारा मंडली इन सेवक माळकु आत अदकि याव नानी नीम भलाई इन कयाल्सा अनंद साटी कोटदुन, अदकि ई कयाल्सा पुरा तरीका देल आऊन बातणीगोळद घोषणा माळतद. 26 ईद बातणी रहस्य पुरण सच्चाई आद जो सूरवात काल टु सपपा मंडसागोळ से गुप्त ईटसूसकु आग्याद, लेकीन ईंग आऊन पवतिर लॉकुर मा प्रगट माळकु आग्याद. 27 परमेश्वर उन ईद योजना ईरोद का तान लॉकुर मा ईद रहस्य प्रगट माळुल का ईद रहस्य याट महामिमय कमिती आ जो तान लॉकुर साटी आद. अदकि अद रहस्य ईद हुन का मसीह नीम दा आन, मतलब नीव परमेश्वर उन महामि अनंद सहभागी आग सकतीर. 28 इदुरसाटी नाव मसीह अनंद प्रचार सपपा मुंदुरी माळतेव, अदकि जो बुद्धी नामी प्रापूत आग्याद आ सपपा बुद्धी इन इस्तेमाल माळतेला नाव सपपा मुंदुरी नरिदेश अदकि शक्ति प्रादान माळतेव ताकी नाव आंदरी मसीह दा ऊंद व्यक्तगित परिपूरण मंडसा माळकु परमेश्वर उन मुंद उपस्थति माळ सककेव. 29 अदकि इदरी पुरा माळोर साटी मसीह अनंद महान सामर्थ्य जो नानी सकितेला ईरतद अदकि नान दा कार्य माळतद, अदुरद इस्तेमाल माळतेला ना कठिन मयनत अदकि संघर्ष माळतीन.

## 2

1 ना चाहासतीन नीमी ई मात इन पता नळदोगुल का ना नीम साटी, लौदीकथिा दा ईरावाळेर लॉकुर साटी अदकि आ सपपा मुंदुर साटी जो व्यक्तगित रूप देल नानी यागलु सकिदिल, ना याट कठिन मयनत माळतीन. 2 ताकी आंदुर मनगोळी प्रोत्साहति सकिल अदकि परस्पर प्यार दा एकजुट आगोगुल, अदकि अद पुरा वशिवास इन धन जो खरा समझ देल प्रापूत आगतद आंदरी सकिकेगुल. ई प्रकार देल आंदरी परमेश्वर उन भेद पता नळदोदति, जो मसीह खुश आन. 3 याऊन दा परमेश्वर उन बुद्धी इन भंडार अदकि ग्यान होचकु आद.

4 ईद ना इदुरसाटी अनतीन का यावारा मंडसा नीमी खवाटा वाद ववािद देल धवाका कोळबाळुल. वाक चाहे आंदुर याटारा भी वळलेर येती हतबाळुल. 5 ना मय इन भाव देल नीम से दुर आईन, तरी भी आत्मिक भाव देल नीमद हातूती आईन, अदकि नीमद व्यवस्थात जीवन इक अदकि नीमद वशिवास इन, जो मसीह दा आर, मजबूती नोळकु प्रसन्न आगतीन.

मसीह दा जीवन इन परिपूरणता

6 इदुरसाटी ह्यांग नीव मसीह यीशु अक प्रभु मानसकु ग्रहण माळ कोंडीर, हांगा आऊन दा बनसकु ईरी. 7 अदकि अदुरदा जळ हुळकु अदकि वाळुसतेला ईरी; अदकि ह्यांग नीव कलसकु आगीर हांग अच वशिवास दा मजबूत आगततेला होगी, अदकि यककुल से यककुल धन्यवाद माळतेला ईरी.

8 सावधान ईरी का यावारा नीमी आ मंडसा अनंद बुद्धी इन व्यर्थ धवाका देल गुलाम माळसुस बुळुल, जो मंडसागोळद परंपरागोळ देल प्रापूत आगततेला बंदाद अदकि ब्रम्हाण्ड इक शासन माळावाळा आत्मागोळद देन हुन, ना का मसीह अनंद. 9 यतकी आऊन दा ईश्वरत्व स्वभाव हमेशा मसीह अनंद मय दा वास माळतद. 10 अदकि नीमी आऊन एकता दा पुरा जीवन कोटकु आग्याद. आव सूरवात टु सपपा आध्यात्मिक शासकगोळ अदकि अधिकार इन स्याणा हुन.

11 मसीह अनंद सांगुळ दा नीमद खतना माळकु आग्याद, ना का आ खतना अनंद सांगुळ जो मंडसागोळ कय देल माळकु आग्याद, लेकीन मसीह अनंद द्वारा माळदु खतना अनंद सांगुळ, नीम पापगोळद सामर्थ्य देल मुक्त माळकु आगताव. 12 याग नीव बपतसिमा ताकोडीदरि रा नीमी मसीह अनंद सांगुळ दफनुसकु आगीत अदकि बपतसिमा दा नीम परमेश्वर उन सक्रिय शक्ति दा वशिवास इन माध्यम देल मसीह अनंद सांगुळ भी नेगुकु आगीत, आऊन सांगुळ जतिता भी आदुर. 13 ऊंद समय नीव भी आत्मकिता दा सोतकु ईरीर यतकी नीव पापी, अदकि गैरयहूदी

बनिा व्यवस्था नोर ईरोर. लेकीन ईंग परमेश्वर नीमी मसीह अनूद सांगूळ जीवन दा तंदान. परमेश्वर नाम सप्पा अपराधगोळ इक माफ माळयान. <sup>14</sup> परमेश्वर नाम बेकार क्वाल्सागोळद लेखा जोखा अक नाम न्याइया दा टु हटुस बुट्टुन यदुर दा आ वधीगोळद उल्लेख माळकु आगीत जो नाम प्रतकिल अदकि नाम वरिद्ध ईरोद आव अदरी क्रूस मा खल्लिागोळ देल टोकसकु मट्टिस बुटान. <sup>15</sup> अदकि मसीह क्रूस इन द्वारा आध्यात्मकि शासकगोळद सुरवात टु सामर्थ्य अक अदकि अधिकारीगोळी शासन हीन माळ बुट्टुन अदकि तान वजिय अभयान दा बंदी माळकु लॉकुर मुंद आंदुर तमाशा माळदुन.

<sup>16</sup> इदुरसाटी यावारा भी मंळसा नीम तनीद-कुडोद या हाव्व या व्हाशोद चांद इन हाव्व, या वशिराम इन दनि इन बारा दा नीमद याऊ न्याय माळवाळुल. <sup>17</sup> यतकी ईव सब बरावाळा मातगोळद छाया हुव, लेकीन वास्तवकिता अच मसीह हुन. <sup>18</sup> यातोवारा भी मंळसा अनूद द्वारा तान अपमान माळसूसोद इजाजत कोळवाळी जो वशिष दरशन इन कारण श्रष्ट आगोद दावा माळतद अदकि जो खवाटा वनिमृता अदकि स्वर्गदूतगोळद पुजा मा जोर कोळतद. बनिा यातोदारा कारण इन ईतता मंळसा तान मानवीय सोच देल व्यर्थ बायतान. <sup>19</sup> अदकि मसीह अक हळकु ईटोद बंद माळ बुटार, आव मसीह जो मय इन ताल्ला हुन. मसीह अनूद हात्ती ता दा सप्पा मय आद जो जोळगोळ अदकि नशगोळ से ऊंदा सांगूळ जोळसकु आव, अदकि परमेश्वर जसा वाळूसोद चाहासतान हांग वाळुस्त होगतद.

मसीह अनूद सांगूळ सायोद अदकि ऊळोद

<sup>20</sup> यतकी नीव मसीह अनूद सांगूळ सोतोगीर अदकि ब्रम्हाण्ड इन शासन माळावाळा आतमागोळ से मुक्त माळकु आगीर. रा बाक येती आंदुर घाई जो दुनिया नोर आर जीवन जीऊसतीर? नीव ईतता वधीगोळ वश दा येती ईरतीर. <sup>21</sup> कि “इदरी मुठवाळेतीर, अदरी नेकवाळेतीर, अदकि अदरी कय हचवाळेतीर?” <sup>22</sup> ईव सप्पा वस्तुगोळ क्वाल्सा दा तरास ताका नष्ट आगेदव यतकी ईव मंळसागोळ नयिम अदकि आगयागोळ अदकि शिक्षागोळद अनुसार आव. <sup>23</sup> नश्चित अच ईतता प्रकार इन सप्पा नयिम स्वर्गदूतगोळद जबरदस्ती देल पुजा अदकि खवाटा वनिमृता, अदकि मय इन गंभीर उपचारगोळ ग्यान मा आधारित आद लेकीन शारीरिक लालसागोळी रोकसदुर दा ईऊर देल येनु उच फायदा आगाल्द.

### 3

<sup>1</sup> याग नीव मसीह अनूद सांगूळ जतिता माळकु आगीर, इदुरसाटी तान दलि इक स्वर्गीय मातगोळ मा हची, यल मसीह तान ऊममा कय दी वराजमान आन अदकि परमेश्वर उन ऊममा कय दी कुरतकु आन. <sup>2</sup> पृथ्वी माकळव वस्तुगोळ ईला लेकीन स्वर्गीय वस्तुगोळ मा ध्यान हची, <sup>3</sup> यतकी नीव रा सोतोगीर अदकि नीमद जीवन मसीह अनूद सांगूळ परमेश्वर दा होचकु आद. <sup>4</sup> नीम खरा जीवन मसीह हुन याग मसीह प्रगट आदान, आग नीव भी आऊन सांगूळ महामा सहति प्रगट माळकु आदीर.

हाळोद अदकि व्हाशोद जीवन

<sup>5</sup> इदुरसाटी पृथ्वी माकळव तान आ संसारकि इच्छागोळी कोंद बुळी जो नीम दा कार्य माळतद, मतलब व्यवभचार, अशुध्दता, दुष्कामना, बेकार लालसा अदकि लोभ इक जो मूर्तपूजा अनूद बराबर आद. <sup>6</sup> यतकी ईवा मातगोळ कारण जो आऊन आगया मानसालुर आंदुर मा परमेश्वर उन सट्टि प्रगट आगली होगेत्याद. <sup>7</sup> अदकि ऊंद समय ईरोद याग नीव भी ईततव इच्छागोळ अनुसार तान जीवन जीऊसतोगीर, अदकि नीम जीवन आऊंदा प्रभुत्व दा का ईरोद.

<sup>8</sup> लेकीन ईंग नीव भी ईव सप्पा मातगोळी, मतलब सट्टि, उत्तेजना, बैरभाव, अपमान अदकि बाय देल बोयोद ईव सप्पा मातगोळ बटि बुळी. <sup>9</sup> आबुर दाबुर से खवाटा माताळवाळी, यतकी नीव हाळोद स्वभाव इक आऊन आदतगोळ सांगूळ ईळस कोंडीर. <sup>10</sup> अदकि व्हाशोद व्यक्तित्व अक धारण माळ कोंडीर, जो तान सृजनहार इन स्वरूप दा पुरा ग्यान प्राप्त माळोर साटी लगातार व्हाशोद बनसतेला ईरतद. <sup>11</sup> अदकि ईदुर परिणाम ईद आद कि अल यहुदी अदकि गैरयहुदी दा येनु फरक ईराल, अदकि ना रा यातोदारा खतना माळद अदकि खतनारहति दा, अदकि ना यातोदारा सभ्य अदकि ना असभ्य दा, ना दास अदकि ना स्वतंत्र मंळसा दा, लेकीन मसीह अच सब येनारा हुन अदकि सप्पा वशिवासीगोळ दा मसीह अनूद वास आद.

<sup>12</sup> अदकि नीव परमेश्वर उन लॉकुर हुईर आव नीम से प्यार माळतान अदकि आव तान पवतिर आगोर साटी नीम चुनाव माळयान. रा बाक सहानुभुती, दया, नम्रता, कोमलता अदकि धीरज इक धारण माळी. <sup>13</sup> अदकि अगर यारीकारा यारदारा मा दोष हचोद यातारा कारण ईरूल, रा आबुर दाबुर सहन माळी अदकि आबुर दाबुरद अपराध माफ माळी; ह्यांग प्रभु नीमद अपराध माफ माळदुन, हांग अच नीव भी माळी. <sup>14</sup> अदकि ई सप्पा मातगोळ अलावा प्यार इक धारण माळी, प्यार अच सप्पा मुंदुरी आपस दा कटकू ईटतद अदकि परिपूर्ण माळतद. <sup>15</sup> नीम साटी होगावाळा नरिणयगोळ मा अद शांती इन जो मसीह देल प्राप्त आगतद मारगदर्शन ईरूल, इदुरसाटी परमेश्वर नीमी ऊंदा सांगूळ आ शांती दा ऊंद मय आगोर साटी कारस्यान. अदकि हमेशा धन्यवाद माळत ईरी. <sup>16</sup> तान सप्पा संपन्नता अनूद सांगूळ मसीह अनूद बातणी नीम दलिगोळ दा वास माळुल. अदकि तान सप्पा बुद्धी देल आबुर दाबुर इक शिक्षा अदकि नरिदेश कोळत ईरी. भजनगोळ स्तुति अदकि आत्मकि हाळगोळी हाळतेला तान

\* 2:14 २:१६ इफसिगोळ २:१५

\* 2:16 २:१६ रोमथिं १४:१६

\* 2:19 २:१९ इफसिगोळ ४:१६

\* 3:9 ३:९ इफसिगोळ ४:२२

\* 3:10 ३:१० इफसिगोळ ४:२४

\* 3:12 ३:१२ इफसिगोळ ४:२२

\* 3:13 ३:१३ इफसिगोळ ४:२२

\* 3:16 ३:१६ इफसिगोळ १:१९,२०



दलिंगोळ दा परमेश्वर उक धन्यवाद कोळत ईरी. 17 जो येनारा भी नीव माळी या अनी अद सप्पा प्रभु यीशु उन हेसु मा आग पायजे, अदकि आऊन दवारा परमेश्वर आप्प उन धन्यवाद माळी.

व्हाशोद जीवन इन पारवारिक नयिम

- 18 \*हे हगिसुरा, तान तान गांडुडुरद हात्ती ईरी, हयांग मसीह अन्द अनुयायीगोळी शोभा कोळतद.  
 19 \*हे गांडुडुरा, तान तान हगिसुर से प्यार ईटी, अदकि आंदुर से कठोर व्यवहार माळवाळी.  
 20 \*हे चकिोरा, सप्पा मातगोळ दा तान तान मोय-आप्प उन आग्या अन्द पालन माळी, यतकी मसीह अनुयायी इन ईत्ता व्यवहार देल परमेश्वर प्रसन्न आगतान.  
 21 \*हे मोय आपपुरा, तान चकिोर इक तंग माळवाळी, हगि आगवाळुल क्कि आंदुरद साहस मुरदोगुल.  
 22 \*हे सेवकगोळा, जो मय इन अनुसार नीम्द स्वामी आन, सप्पा मातगोळ दा आंदुरद आग्या अन्द पालन माळी, सरिफ लॉकुरी खुश माळोर साटी अदा समय ईला याग आंदुर नोळतेला आर, बलकी खरा मन देल आंदुरद मानसी यतकी नीव प्रभु उन आदर माळतीर. 23 जो येनारा क्यालसा नीव माळतीर, तान पुरा मन देल माळी, ईद सम्सकु क्कि मंसागोळद साटी ईला लेकीन प्रभु उन साटी माळतेव; 24 याद ईटी क्कि प्रभु ईदुर प्रतफिल नीमी कोट्टान जो आव तान लॉकुर साटी ईट्टयान, यतकी मसीह खरा स्वामी हुन यार्द नीव स्यावा माळतीर. 25 \*जो अपराध माळतान आव तान अपराध ईद फल ताकोडान, यतकी परमेश्वर यारदारा सांगुळ पक्कपात माळालुन.

#### 4

1 \*हे स्वामीगोळा, नीव तान तान सेवकगोळी आंदुर क्यालसागोळ अनुसार जो सही बदला आद आंदरी कोळी. याद ईटी क्कि स्वर्ग दा नीमव भी यावारा स्वामी आन.

थवाळासा व्यावहारिक नरिदेश

2 प्रार्थना दा लगगातार हतकु ईरी, अदकि परमेश्वर उक धन्यवाद कोळतेला अदुर दा जागृत ईरी; 3 अदकि इदुर सांगुळ सांगुळ अच नाम साटी भी प्रार्थना माळतेला ईरी, क्कि परमेश्वर नाम साटी मसीह अन्द आ भेद इन बातणी प्रचार माळोर साटी वळलीद मवका प्रदान माळुल, यतकी इदुर दा कारण ना कैद दा आईन. 4 प्रार्थना माळी क्कि ना इदरी हगि स्पष्टता अन्द सांगुळ हेळ सकाईन हयांग नानी हेळोद ज़री आद.

5 \*समय इन पुरा पुरा इस्तेमाल माळी अदकि अवशिवासीगोळ सांगुळ बुद्धिमानी देल व्यवहार माळी. 6 नीम मातगोळ पुरा अनुग्रह देल तुमकु अदकि लॉकुरी पसंद बरा लायक ईरूल ताकी नीव जान्स कोमी क्कि हर मंळसा अक हयांग उत्तर कोळोद ज़री आद.

आखरी अभिवादन

7 \*नाम प्रयि वारट अदकि वशिवासयोग्य सेवक, तुखकिस, जो प्रभु दा नान सहकर्मी आन, नान सप्पा समाचार नीमी हेळ बुट्टान. 8 आऊक ना इदुरसाटी नीम्द हात्ती कळुदीन क्कि नीमी नाम्द दशा मालूम आगोगुल अदकि आव नीम्द दलिंगोळ इक प्रोत्साहति माळुल. 9 \*आऊन सांगुळ ना उनेसमिस उक भी कळुदीन जो वशिवासलायक अदकि प्रयि वारट अदकि नीम दा टु ना ऊंद हुन; ईदुर नीमी ईलेव सप्पा मातगोळ हेळ बुट्टार.

10 \*अरसितरखुस, जो नान सांगुळ बंदीगूह दा सांगुळ ईतान, अदकि बरनवास उन वारट मरकुस उन नीमी नमस्कार, मरकुस उन बारा दा नीमी नरिदेश सकिकेग्याद अच अगर आव नीम हात्ती बंदान रा आऊन स्वागत माळकु आऊक ग्रहण माळतीर. 11 यूसतुस अंदकु आगवाळा यीशु उन भी नीमी नमस्कार सकिल. सरिफ ई मुरा मुदुरा यहुदी वशिवासी परमेश्वर उन राज्य अन्द साटी नान सांगुळ क्यालसा माळेत्यार, अदकि ईदुरद नानी हापाळ सहायता सकियाद.

12 \*इपफ्रास, जो नीम दा टु ऊंद आन अदकि मसीह यीशु उन दास आन, नीमी नमस्कार अनतान अदकि सदा नीम साटी प्रार्थनागोळ दा प्रयत्न माळतान, ताकी नीव सदिध आगकु पुरा वशिवास इन सांगुळ परमेश्वर उन इच्छा मा सुथर ईरी. 13 ना व्यक्तगीत रीतदिल आऊन गवाह आईन क्कि आव नीम साटी अदकि लौदीकिया अदकि हयिरापुलसिवाळेर्द साटी कठिन मेहनत माळतेला ईरतान. 14 \*नाम प्रयि वैद्य लूका अदकि देमास नीमी नमस्कार कळुतार.

15 लौदीकिया अन्द वशिवासी वारदुर, अदकि आकतींग नुमफास अदकि आकनि मान्ना अन्द मंडली इक नाम दी टु नमस्कार अनेत. 16 याग ईद चट्टी नीम अल वाचुसकु आदीत रा हगि माळतीर क्कि लौदीकिया अन्द मंडली दा भी वाचुसकु आगुल, अदकि अदा समय अद चट्टी जो लौदीकिया नोर वशिवासी नीमी कळ्यार अदरी नीव भी वाचुसेतीर. 17 \*अदकि अरखपिसुस से अनेतीर क्कि "जो स्यावा प्रभु दा आऊक सौप्सकु आग्याद आव अदरी नश्चय इन सांगुळ पुरा माळुल.

18 "ना पौलुस खुद तान कय देल नीमी नमस्कार लखिसेतीन. याद ईटी क्कि ना शंकलीगोळ देल कटकु बंदीगूह दा आईन,"

\* 3:18 ३:१८ इफसिगोळ ५:२२; १ पतरस ३:१ \* 3:19 ३:१९ इफसिगोळ ५:२५; १ पतरस ३:१७ \* 3:20 ३:२० इफसिगोळ ६:१ \* 3:21 ३:२१ इफसिगोळ ६:४ \* 3:22 ३:२२ इफसिगोळ ६:५-८ \* 3:25 ३:२५ इफसिगोळ ६:९ \* 4:1 ४:१ इफसिगोळ ६:९ \* 4:5 ४:५ इफसिगोळ ५:१६ \* 4:7 ४:७ प्रेरतिगोळ २०:४; २ तीमुथियुस ४:१२ \* 4:7 ४:७ इफसिगोळ ६:२१,२२ \* 4:9 ४:९ फलिमोन १:१०-१२ \* 4:10 ४:१० प्रेरतिगोळ ११:२९; २७:२; फलिमोन १:२४; प्रेरतिगोळ १२:१२,२५; १३:१३; १५:३७-३९ \* 4:12 ४:१२ कुलसूस्सगोळ १:७; फलिमोन १:२३ \* 4:14 ४:१४ २ तीमुथियुस ४:११; फलिमोन १:२४; २ तीमुथियुस ६:१०; फलिमोन १:२४ \* 4:17 ४:१७ फलिमोन १:२

परमेश्वर उन अनुग्रह नीम सांगुळ बन्सकु ईरूल.

## थसिसलुनीकीयों के नाम पौलुस प्रेरति की पहली पत्री थसिसलुनीकीगोळ हेसुर पौलुस प्रेरति उन पयला चट्टी परचिय

थसिसलुनीकीगोळ पयला चट्टी पौलुस १:१ लखिसीदुन पयले पवत्रिशास्त्र अन भाग बनसत अदकि मसीह अन जनम इन ५१ साल इन बाददा लखिसकु आगीत, याग पौलुस चट्टी लखिसदुन आग आव कुरनिर्था नगर दा ईरोन थसिसलुनीकीगोळ मंडली यारी आव चट्टी लखिसदुन दुसरा मशिनरी यात्रा अन नयाड्या दा स्थापति माळकु आगीत प्रेरतिगोळ १७:१-१० प्रेरतिगोळ कयालसागोळ कतिबगोळ दा हगि हेळकु आग्याद कि ईद मंडली यहूदीगोळ अदकि ग्रीकगोळ बनसकु ईरोद.

ई मंडली इन स्थापना माळदुर बाददा पौलुस थसिसलुनीकीयों दा यक्कुल दिन ताका रूकसीदलि. इदुरसाटी आव ई चट्टी इक प्रोत्साहन कोळोर साटी लखिसदुन, ई चट्टी दा हापाळ वषियगोळ चर्चा माळकु आग्याद, जसा कि मसीहगोळ हयांग ईरली पायजे. पौलुस मसीह अन दुसरा आगमन इन ताका लखिसतान सायद इदुरसाटी कि थसिसलुनीकीगोळ मंडलीगोळ दा ईरावाळे वशिवासीगोळी केळसदुर दा हापाळ उत्साह ईरोद, पौलुस ई बारा दा चट्टी इन द्वाया यीशु उन दुसरा आगमन इक लखिसकु हगि जीवन व्यतीत माळली प्रोत्साहित माळतान यदुर देल परमेश्वर संतुष्ट आन ५:६-८

पू-रेखा:

१. मंडली इक नमस्कार अदकि परमेश्वर उन धन्यवाद १
  २. पौलुस तान कार्य अन बारा दा अदकि तीमुथयिस जो समाचार इन साटी ईरोन आऊन बारा दा चर्चा माळदुन २-३
  ३. यीशु उन दुसरा आगमन इन तयारी माळोर साटी मसीह दा हयांग जीवन व्यतीत माळ पायजे ४:१-५:१५
  ४. पौलुस उन मंडली इक नमस्कार अदकि सप्पा मुंदुर आऊन चट्टी वाचुस पायजे ईदुर बारा दा सुचना ५:१६-२८
- 1 पौलुस अदकि सलिवानुस अदकि तीमुथयिस उन दी टु थसिसलुनीकेगोळ मंडली नव हेसुर जो परमेश्वर आप्प अदकि प्रभु यीशु मसीह अन लॉकुर आर अनुग्रह अदकि शांती नीमी सकितेला ईरूल.

थसिसलुनीकीगोळ जीवन अदकि वशिवास

2 नाव तान प्रार्थनागोळ दा नीमी हमेशा याद माळतेव अदकि हमेशा नीम सप्पा अन बारा दा परमेश्वर उन धन्यवाद माळतेव. 3 अदकि तान परमेश्वर अदकि आप्प उन मुंद नीमव वशिवास इन कयालसा अदकि प्यार इन मेहनत अदकि नाम प्रभु यीशु मसीह दा धीरज देल हळकु आशा अक लगातार याद माळतेव. 4 नामोर वारटुरा अदकि आकतींगेरा, नाव जानसतेव कि परमेश्वर नीम से प्यार माळतान आव नीमी नीवळसुयान. 5 यतकी नाव नीम हात्ती नाम्द खुशखबरी सर्फि शब्दगोळ देल अच ईला लेकीन सामर्थ्य देल, अदकि पवति आत्मा अन्द पुरा सच्चाई इन नश्चिता देल तंदान; हयांग नीव जानसतीर कि नाव नीम सांगुळ ईरेव, रा नाव हयांग ईततेव ईद नीम भलाई इन साटी ईरोद. 6 नीव धोळद क्लेशगोळ बावजूद. पवत्रि आत्मा देल सकिद खुशी इन सांगुळ, वचन इक ग्रहण माळदुर अदकि नाम्द अदकि प्रभु उन अनुकरण माळली हतदुर. 7 इदुरसाटी हगि माळदुर देल मकदिनया अदकि अखाया दयाश इन सप्पा वशिवासीगोळ साटी नीव आदर्श बनसेदरि. 8 यतकी नीम हात्ती टु प्रभु उन वचन सर्फि मकदिनया अदकि अखाया दा अच केळसकु आत हगि अच ईला, लेकीन नीम वशिवास इन जो परमेश्वर मा आद, हर जागा दा अदुर चर्चा फौलुसेत कि ईदुर बारा दा नामी येनु अनोद जरवत अच हैलेच. 9 यतकी आ लॉकुर नाम बारा दा हेळतार कि नीमद् हात्ती नाम्द स्वागत हयांग आत; अदकि नीव हयांग मूर्तीगोळ देल परमेश्वर उन दी तरिगदरि ताकी जतिता अदकि खरा परमेश्वर उन स्यावा माळी, 10 अदकि आऊन पार उन स्वर्ग मा टु बरोद हादी कायतेला ईरी यारी आव सोत्तुर दा टु जतिता माळयान, अर्थात यीशु उन, जो नामी परमेश्वर उन बरोद आद प्रकोप देल उळस्तान.

## 2

थसिसलुनीकीयों दा पौलुस उन कार्य

1 हे वारटुरा अदकि आकतींगेरा, नीव खुद अच जानसतीर कि नाम नीम हात्ती बरोद बेकार आगीदील 2 लेकीन नीव खुद अच जानसतीर नीम हात्ती बरोर से पयले फलिपिपी दा दुख नेगुली अदकि अपमान सहन माळदुर मा भी नाम परमेश्वर नामी ईत्ता साहस कोट्टुन, कि नाव परमेश्वर उन खुशखबरी भारी वरिधगोळ ईरतेला भी नीमी केळसेव. 3 यतकी नाम्द उपदेश गलतीगोळ से हैलेच अदकि अशुध्द वचिार देल, अदकि चालाकी इन सांगुळ हैलेच; 4 लेकीन हयांग परमेश्वर नामी योग्य ठहरसकु खुशखबरी सौपसदुन, नाव हांग अच हेळतेव, अदकि इदुर दा मंडसागोळी इक ईला, लेकीन परमेश्वर उक, जो नाम मन इन उद्देशगोळी जाच तान, परसन्न माळतेव. 5 यतकी नीव जानसतीर, नाव ना रा यागलु चापलुसी माळेव अदकि ना पैस्या अन लालच इन साटी येनारा बहाना माळेव परमेश्वर नाम गवाह आन 6 अदकि नाव ना मंडसागोळ देल, ना दुसरा से, अदकि ना खुद देल प्रशंसा चाहसदेव. 7 यीशु मसीह अन

\* 1:1 १:१ प्रेरतिगोळ १७:१

\* 1:6 १:६ प्रेरतिगोळ १७:५-९

\* 2:2 २:२ प्रेरतिगोळ १६:१९-२४; प्रेरतिगोळ १७:१-९

प्रेरति आगा नाता देल नाम नीम मा बोझ हाक सकेव. लेकीन याता प्रकार मोय तान चकिरद पालन पोषण माळतार हांग अच नाव भी नीम न्याइया दा ईतकु धोळद कोमलता तोरसदेव; 8 अदकि हांग अच नाव नीमी हापाळ प्यार माळतेला, नाव खुशी इन सांगुळ परमेश्वर उन खुशखबरी दा नाम जीवन इन द्वारा पुरा तरीका देल सामर्थ्य देल नीमद मदत माळली तयार ईरेव, इदुरसाटी की नीव नाम प्रयि आगेगीदीर.

9 यतकी, हे वारटुरा अदकि आकतीगेरा, नश्चिति अच नीव नाम मेहनत अदकि कष्ट इक याद ईटतीर; नाव इदुरसाटी ईळलक हागुल क्यालसा धंदा माळतेला नीम दा परमेश्वर उन खुशखबरी प्रचार माळदेव की नीम दा टु यारदु मा भार आगबाळुल. 10 नीव ई मात इन गवाह हुईर, अदकि हांग अच परमेश्वर भी आन, की नाव नीम वशिवासीगोळ सांगुळ पवतिरता, लायकत अदकि नरिदोषता अन व्यवहार माळेव. 11 नीव जानसतीर की नाव नीम सांगुळ हांग अच व्यवहार माळतेव ह्यांग आप्प तान चकिरगोळ सांगुळ व्यवहार माळतान. 12 की नाव नीमी प्रोत्साहति माळदेव दलिासा कोट्टेव नाव नीमी वनिती माळतेला ईततेव की तान जीवन हगि बत्तिसी की परमेश्वर खुश आगुल, याव नीमी तान महिमा अदकि राज्य दा सहभागी आगोर साटी कारदान. 13 इदुरसाटी नाव भी परमेश्वर उन धन्यवाद लगातार माळतेव की याग नाम द्वारा परमेश्वर उन खुशखबरी इन वचन नीम हात्ती पोहचुसत, रा नीव अदरी मंळसागोळद ईला लेकीन परमेश्वर उन वचन समसकु ग्रहण माळदीर; अदकि सही दा ईद हगि अच आद; अदकि अद नीम वशिवासीगोळ दा जो वशिवास ईटतीर, प्रभावशाली आद. 14 इदुरसाटी हे वारटुरा अदकि आकतीगेरा, नीम सांगुळ भी अदा मात आगतद ह्यांग मसीह यीशु दा परमेश्वर उन आ मंडलीगोळद यहूदया दा आद, यतकी नीव तान लॉकर से हांग अच छल सहन माळतीर, ह्यांग आंदुर भी यहूदीगोळ द्वारा सहन माळीदुर, 15 प्यार प्रभु यीशु उक अदकि भविष्यवक्तागोळी भी कोंद कोंडुर अदकि नाम सांगुळ छल माळदुर, अदकि परमेश्वर आंदुर से प्रसन्न हेल्लेच, अदकि आंदुर सप्पा मंळसागोळद वरिध माळतार, 16 अदकि आंदुर गैरयहूदीगोळी आंदुर उदधार इन साटी परमेश्वर उन खुशखबरी हेल्लोर साटी नामी रोक्सतार की हमेशा तान पाप इन घळा तुमतेला ईरूल; लेकीन आंदुर मा परमेश्वर उन भयानक प्रकोप होट बंदाद.

पौलुस उन दुबारा थसिलनीकगिगोळी सकिद अभलिाषा

17 हे वारटुरा अदकि आकतीगेरा, याग नाव थवाळासा समय इन साटी, मन दा ईला लेकीन मय देल, नीम से अलग आगेगीदेव, रा नाव हापाळ कोशशिगोळ सांगुळ नीमी नोळोर साटी हापाळ कोशशि माळदेव. 18 इदुरसाटी नाव ऊंद धन ईला लेकीन घळी-घळी नीम हात्ती बरोद चाहसदेव, लेकीन शैतान नामी रोक्सकु ईटदुन. 19 भला नाम आशा या आनन्द या बळाई इन मुकुट येन आद? येन नाम प्रभु यीशु उन मुंद आऊन बरोद समय नीम अच ईरतीदील? 20 नाम बळाई अदकि खुशी नीव अच हुईर.

### 3

तीमुथयुस उन मुलाकात

1 इदुरसाटी याग नाम से अदकि ईतकु आगीदील, रा नाव ईद ठहूसदेव की एथेस नगर दा आबना ईतोगुल, 2 अदकि नाव तीमुथयुस उक, जो मसीह अन खुशखबरी दा नामव वार्ट अदकि परमेश्वर उन भी सेवक आन, इदुरसाटी कळयान की आव नीमी संची माळुल अदकि नीम वशिवास इन बारा दा नीमी समझुसुल.

3 की नीम दा टु यावारा भी इव क्लेशगोळ कारण डगमगुस बाळुल. यतकी नीव खुद अच जानसतीर की ईद सताप नाम साटी परमेश्वर उन इच्छा अन भाग हुन. 4 यतकी पयला अच, याग नाव नीम सांगुळ ईर तोगेव रा नीम से अन तोगेव की नामी क्लेश नेगव बदिदव, अदकि हगि अच आग्याद, ह्यांग की नीव जानसतीर भी. 5 ईद कारण याग नान से अदकि ईतकु आगीदील, रा नीमद वशिवास इन बारा दा जानसोर साटी कळुदीन, की यागलु हगि आगबाळुल की परीक्षा माळावाळेर शैतान नीम परीक्षा माळीदार, अदकि नाम मेहनत बेकार आगीदाद.

6 लेकीन ईगल्या तीमुथयुस, जो नीम हात्ती टु नाम हात्ती बंदान, नीमद वळलीद वशिवास अदकि प्यार इन बातणी केळसदुन अदकि ईद मात इक भी केळसदुन की नीव हमेशा प्यार इन सांगुळ नामी याद माळतीर, अदकि ह्यांग नाव नीमी नोळोर साटी लालच ईटतेव हांगा नीव भी ईटतीर. 7 इदुरसाटी हे वारटुरा अदकि आकतीगेरा, तान सप्पा दुख अदकि क्लेश दा नीम वशिवास इन कारण नामी नीम बारा दा प्रोत्साहन सकित. 8 यतकी ईग अगर नीव प्रभु दा संची ईरी रा नाव जित्ता आयेव. 9 यतकी नाव नीम साटी परमेश्वर उन धन्यवाद माळ सकतेव. जो खुशी नामी परमेश्वर उन उपस्थिति दा सकितद, इदुरसाटी परमेश्वर उन धन्यवाद माळतेव. 10 नाव ईळलक हागुल हापाळ अच प्रार्थना माळतेला ईरतेव की नीमी मुंद नोळेव, अदकि नीम वशिवास इन कमी पुरा माळेव.

11 ईग नामव परमेश्वर अदकि आप्प खुद अच अदकि नाम प्रभु यीशु, नीम हात्ती बरोर साटी नाम हादी तेरुल; 12 अदकि प्रभु हगि माळुल की ह्यांग नाव नीम से प्यार ईटतेव, हांग अच नीम प्यार भी आपस दा अदकि सप्पा मंळसागोळ सांगुळ वाळुसुल, अदकि उननती माळतेला हागुल, 13 ताकी आव नीम मनगोळी हगि संची माळुल की याग नामव प्रभु यीशु तान सप्पा पवतिर लॉकर सांगुळ बरूल, रा खुद नाम परमेश्वर आप्प उन उपस्थिति नरिदोष ठहूसुल.

✱ 2:14 २:१६ प्रेरतिगोळ १७:५

✱ 2:15 २:१५ प्रेरतिगोळ १:२३,२९; १३:४५,५०; १४:२,५,१९; १७:५,१३; १८:१२

✱ 3:1 ३:१ प्रेरतिगोळ

१७:१५ ✱ 3:6 ३:६ प्रेरतिगोळ १८:५

## 4

जीवन जो परमेश्वर उक खुश माळ्ल

1 इदुरसाटी हे वारटुरा अदकि आकतीगेरा, नाव नीम से वनिती माळतेव अदकि नीमी प्रभु यीशु मसीह दा समझुसतेव कं ह्यांग नीव नाम से योग्य चाल नळोद अदकि परमेश्वर उक खुश माळोद कलतीर, अदकि ह्यांग नीव नळुतीर भी, हांग अच अदकि भी वाळुसतेला हांगी. 2 यतकी नीव जानसतीर कं नाव प्रभु यीशु उन अधकार देल नीमी याता-याता शक्तिगोळ कोटेव. 3 परमेश्वर उन इच्छा ईद आद कं नीव पवतिर बन्सी: अर्थात व्यवचार देल उळदकु ईरी, 4 अदकि नीम दा टु हर ऊद मळसा अक ईद जानस पायजे कं तान-तान हगिस उन सांगुळ पवतिरता अदकि आदर इन सांगुळ व्यवहार माळोद आद ईद नीमी कलु पायजे, 5 अदकि ईद क्यालसा अभलाषा देल ईला, अदकि ना आ गोरयहूदीगोळ घाई जो परमेश्वर उक जानसालुर, 6 कं ईद मात दा याऊ तान सहकमी वार्ट उक टगुसवाळ्ल, अदकि आऊन फायदा नेगुवाळी, यतकी प्रभु ईव सप्पा मातगोळ बदला ताकोमावाळा आन; ह्यांग कं नाव पयले अच नीम से अंदेव अदकि चतुस देव भी. 7 यतकी परमेश्वर नामी अशुध्द दा ईरोरसाटी ईला, लेकीन पवतिर आगोर साटी कारदान. 8 ईद कारण जो ईद शक्ति अक नकारसतान, आव मळसा अक ईला लेकीन परमेश्वर उक नकारसतान, जो तान पवतिर आत्मा नीमी कोळतान.

9 लेकीन भाईचारा अन प्यार इन बारा दा ईद जरूरी हैलेच कं ना नीम हात्ती येनारा लखिसाईन, यतकी आपस दा प्यार इटोद नीव खुद अच परमेश्वर देल कलतीर; 10 अदकि पुरा मकदिनुया नोर सप्पा वारटुर आकतीगेर सांगुळ हगि प्यार माळतीर. लेकीन हे वारटुरा अदकि आकतीगेरा, नाव नीमी समझुसतेव कं यककुल अच वाळुसतेला हांगी, 11 अदकि ह्यांग नाव नीमी आग्या कोटेव, हांग अच शांती देल जीवन जीऊसोद अदकि तान-तान क्यालसा माळली अदकि तान-तान कय देल कमसोद कोशशि माळी; 12 ताकी व्हार्यावाळेर से आदर प्राप्त माळी, अदकि नीमी यातोदु वस्तु उन कमी आगवाळ्ल.

प्रभु उन दुबारा बरोद

13 हे वारटुरा अदकि आकतीगेरा, नाव चाहसालेव कं नीव आंदुर बारा दा जो सोतकु आर, अग्यानी ईरी; हगि आगवाळ्ल कं नीव दुसरा अन घाई शोक माळी यारी आशा हैलेच. 14 यतकी अगोर नाव वशिवास माळतेव कं यीशु सोततुन अदकि जतिता भी आदुन, रा हांग अच परमेश्वर आंदरी भी जो यीशु मा वशिवास माळतेला सोततुर, यीशु उन सांगुळ जतिता माळयान. 15 यतकी जो प्रभु नामी कलसयान नाव प्रभु उन वचन इन अनुसार नीम से ईद अनतेव कं नाव जो जतिता आयेव अदकि प्रभु उन बरासताका ताका उळदकु ईततेव, सोततुर देल मुंद वाळुसतीदल. 16 यतकी प्रभु खुद अच स्वर्ग टु ईळदान; आ समय ललकार, अदकि प्रधान स्वर्गदूत उन शब्द केळ बंदीत, अदकि परमेश्वर उन तुरही उदकु आदीत; अदकि जो मसीह दा वशिवास माळतेला सोतार, आंदुर पयले जतिता माळकु आदार. 17 आग नाव जो जतिता अदकि उळदकु ईततेव आंदुर सांगुळ बादलगोळ मा नेगुकु आदेव कं हवा दा प्रभु उन सांगुळ सकुल; अदकि ईद रीत देल नाव हमेशा प्रभु उन सांगुळ ईततेव. 18 ईद प्रकार इव मातगोळ देल आबुर दाबुरी प्रोत्साहित माळतोगी.

## 5

प्रभु उन बरोद साटी तयार ईरी

1 लेकीन हे वारटुरा अदकि आकतीगेरा, समय अदकि कालगोळ बारा दा नीमी येनु लखिसोद जरवत हैलेच. 2 यतकी नीव खुद अच जानसतीर कं ह्यांग ईळलक इक काळ्ल बरतान, हांग अच प्रभु उन दिन बरोद आद. 3 याग लाँकर अनतेला ईततार, “कुशल आद, अदकि येनु अंजक हैलेच,” रा आंदुर मा अचानक वनिश बंदीत, याता प्रकार व्हाट्या दी आरूत इक दुख; अदकि आंदुर यातोदु रीत देल ऊळुतीदील. 4 लेकीन हे वारटुरा अदकि आकतीगेरा, नीव रा अधकार दा हैलेच कं अद दिन नीम मा काळ्ल उन घाई बंदकु बळ्ल. 5 यतकी नीव सब ज्योति अदकि हागुल इन चकिोर हुईर; नाव ना ईळलक इन आयेव, ना अधकार इन आयेव. 6 इदुरसाटी नाव दुसरा अन घाई मगिकु ईरतीदील, लेकीन जागसतेला अदकि सावधान ईततेव. 7 यतकी जो मीगतार आंदुर ईळलकी इच मीगतार, अदकि जो मतवाला ईरतार आंदुर ईळलकी इच मतवाला ईरतार. 8 लेकीन नाव जो हागुल इनोर हुयेव, वशिवास अदकि प्यार इन कवच हाकुकु अदकि उद्धार इन आशा अन टोप हाकुकु सावधान ईततेव. 9 यतकी परमेश्वर नामी सट्टि इन साटी ईला, लेकीन इदुरसाटी ठहरसयान कं नाव तान प्रभु यीशु मसीह अन द्वारा उद्धार प्राप्त माळेव. 10 यीशु नाम साटी ईद कारण सोततुन कं नाव जतिता ईरूल या सोतकु ईरूल, याग आव बंदान आग सप्पा मीलुसुकु आऊंदा सांगुळ जीऊसेव. 11 ईद कारण आबुर दाबुरी दलासा कोळी अदकि आबुर दाबुर इन मदत इन कारण बन्सी, ह्यांग कं नीव माळतीर भी.

आखरी शक्तिषा

12 हे वारटुरा अदकि आकतीगेरा, नाव नीम से वनिती माळतेव कं जो नीम दा मेहनत माळतार, अदकि नीम मसीह जीवन दा नीमोर अगुवे आर, अदकि नीमी शक्तिषा कोळतार, आंदुरद सम्मान माळी. 13 अदकि आंदुर क्यालसा अन कारण प्यार इन सांगुळ आंदरी हापाळ अच आदर इन योग्य समसी. आपस दा मेल मलिाप देल ईरी. 14 हे वारटुरा अदकि आकतीगेरा, नाव नीमी समझुसतेव कं जो ठीक चाल नळालुर आंदरी समझुसी, कायरगोळी हम्मिमत

कोळी, नरिबलगोळी सभांळसी, सप्पा दी सहनशीलता तोरसी. <sup>15</sup> सावधान. याऊ यारदु से बुराई इन बदला बुराई माळवाळुल; लेकीन हमेशा वळलीद माळदुर मा तत्पर ईरी, आपस दा अदकि सप्पा मुंदुर से भी भलाई माळी. <sup>16</sup> हमेशा खुश ईरी. <sup>17</sup> हमेशा प्रार्थना दा हतकु ईरी. <sup>18</sup> हर मात दा धन्यवाद माळी; यतकी नीम मसीह यीशु दा परमेश्वर उन ईदा इच्छा आद. <sup>19</sup> आत्मा अक नुनाक बाळी. <sup>20</sup> परमेश्वर उन दी टु बरावाळा बातणी इन धक्कार माळवाळी. <sup>21</sup> सप्पा मातगोळी परखुसी; जो वळलेव आव अवरी हुळकु ईटी. <sup>22</sup> सप्पा प्रकार इन बुराई देल उळदकु ईरी.

<sup>23</sup> शांती नव परमेश्वर खुद अच नीमी पुरा रीतदिल पवतिर माळुल; अदकि नीमद आत्मा अदकि जीव अदकि शरीर नाम प्रभु यीशु मसीह अन बरोद ताका पुरा-पुरा अदकि नरिदोष सुरक्षति ईरूल. <sup>24</sup> नीमव कारावाळा वशिवासलायक आन, अदकि आव हगि अच माळयान.

<sup>25</sup> हे वारटुरा अदकि आकतीगेरा, नाम साटी प्रार्थना माळी.

<sup>26</sup> सप्पा वशिवासी वारटुरी परमेश्वर उन पवतिर प्यार दा नमस्कार.

<sup>27</sup> ना नीमी प्रभु उन अधिकार देल नीमी वनिती माळतीन कि ईद चदिठी सप्पा वशिवासी वारटुरी वाचुसकु केळसकु आगुल.

<sup>28</sup> नाम प्रभु यीशु मसीह अनद अनुग्रह नीम मा आगतेला ईरूल.

## थसिसलुनीकियों के नाम पौलुस प्रेरति की दूसरी पत्री थसिसलुनीकगोळ हेसुर पौलुस प्रेरति उन दुसरा चट्टी परचिय

ईद थसिसलुनीकगोळद लखिसद पौलुस उन दुसरा चट्टी १:१ पयला चट्टी लखिसदुर बाददा ईद चट्टी लगभग मसीह अनद जनम इन ५१ साल इन बाददा लखिसदुन. याग आव ईद चट्टी लखिसदुन आग आव कुरनिर्था नगर दा ईरोन ईद चट्टी जो थसिसलुनीकगोळद मंडली इक लखिसकु आगीत, ईद पौलुस तान दुसरा मशिनरी यात्रा अन नयाड्या दा स्थापति माळदुन प्रेरतिगोळ १:७:१-१० ईद मंडली यहूदी अदकि गैरयहूदीगोळद बनसकु ईरोद.

ई मंडली इन लॉकर आखरी समय इन बारा दा अदकि प्रभु अन दुसरा आगमन ईद बारा दा इन बारा दा जानसोर साटी हापाळ उत्सुक ईरोर, इदुरसाटी पौलुस तांद येदुदु चट्टी दा ई मातगोळद जकिर माळतोगोन. ईद दुसरा थसिसलुनीकगोळद चट्टी हुन आरधा से एककुल हसिसा आखरी समय इन बारा दा आद जो आलसी आर आंदुर बारा दा भी जकिर माळतान. अदकि ईद अनतान कर् हर ऊद मळसा तान जीवन नरिवाह माळोर साटी क्यालसा माळुल ३:६-१०

रूप-रेखा

१. पौलुस खुद इन अदकि तान संगीगोळद परचिय कोळतान १:१-२
२. पौलुस परमेश्वर उन थसिसलुनीकगोळद मंडली इक धन्यवाद माळतान, अदकि आंदुर साटी प्रार्थना माळतान १:३-१२
३. आखरी समय इन बारा दा चर्चा २
४. आलस इन वरिध दा अदकि मयनत इन जरवत इन बारा दा पौलुस उन शकिषा ३:१-१५
५. पौलुस उन मंडली इक दुबारा नमस्कार ३:१६-१८

1 पौलुस अदकि सलिवानुस अदकि तीमुथयिस इन सांगुळ नाम आप्प परमेश्वर अदकि प्रभु यीशु मसीह अन लॉकुरी चट्टी लखिसतीन, थसिसलुनीकगोळ मंडली दा आद: 2 नाम आप्प परमेश्वर अदकि प्रभु यीशु मसीह अन दी टु नीमी अनुग्रह अदकि शांती सकितेला ईरूल.

न्याय इन दनि

3 हे वारटुरा अदकि आकतीगोरा, नीम बारा दा नामी हर समय परमेश्वर उन धन्यवाद माळ पायजे, अदकि ईद उचति भी आद, इदुरसाटी कर् नीम वशिवास हापाळ वाळुसीग्याद, अदकि नीम सप्पा मुंदुरद प्यार आपस दा हापाळ अच वाळुसतेला होगेत्याद. 4 ईल ताका कर् नाव खुद परमेश्वर उन मंडली दा नीम बारा दा घमण्ड माळतेव कयास उपदरव अदकि क्लेश नीव सहन माळतीर, आ सब दा नीम धीरज अदकि वशिवास प्रगट आगतद.

5 ईद परमेश्वर उन खरा न्याय इन स्पष्ट प्रमाण हुन कर् नीव परमेश्वर उन राज्य अन योग्य ठहरसी, यदुर साटी नीव दुख भी नेगुतीर. 6 यतकी परमेश्वर उन हात्ती ईद न्याय आद कर् जो नीमी क्लेश कोळतार, आंदरी बदला दा क्लेश कोळुल 7 अदकि नीमी, जो क्लेश पाऊसतीर, नाम सांगुळ चैन कोळुल; आ समय याग कर् प्रभु यीशु तान सामरथी स्वरगदूतगोळ सांगुळ, धधकुसतेला बेककी दा स्वरग टु प्रगट आदान, 8 अदकि जो परमेश्वर उक अरालुर अदकि नाम प्रभु यीशु उन खुशखबरी इक मानसालुर आंदुर से बदला ताकोडान. 9 आंदुर प्रभु उन मुंदु टु अदकि आऊन ताकत इन तेज देल दुर आगकु अनन्त वनिश इन दण्ड ताकोडार. 10 ईद आ दशी आदीत, याग आव तान पवतिर लॉकुर दा महमिा ताकोमोर अदकि सब वशिवास माळावाळेर दा आश्चर्य अन कारण आगोर साटी वंदान; इंदुर दा नीव भी सहभागी आईर यतकी नीव नाम गवाही मा वशिवास माळदीर. 11 इदुरसाटी नाव हमशा नीम साटी प्रार्थना भी माळतेव कर् नाम परमेश्वर नीमी आ जीवन इन योग्य समसुल, अदकि भलाई इन हर ऊद इच्छा अदकि वशिवास इन हर ऊद क्यालसा अक सामरथ्य सहति पुरा माळुल, 12 ताकी नाम परमेश्वर अदकि प्रभु यीशु मसीह इन अनुग्रह अन अनुसार नाम प्रभु यीशु उन हेसुर इक महमिा सकुल, अदकि नीमी भी.

## 2

दुष्ट मळसा

1 हे वारटुरा अदकि आकतीगोरा, ईग नाव तान प्रभु यीशु मसीह अन बरोद, अदकि आऊन हात्ती तान जमा आगोद बारा दा नीम से वनिती माळतेव. 2 कर् परमेश्वर उन दी टु बरावाळा बातणी, या वचन, या चट्टी इन द्बारा, जो कर् नाम चट्टी इन द्बारा नीमी ईतीदाद, ईद समसकु कर् प्रभु उन दनि होट वंदोद, नीम मन अचानक असंकी आगबाळुल अदकि नीव दुखी आगबाळी. 3 यातारा रीर्ता देल यारदारा ध्वाका दा बरबाळतीर, यतकी प्रभु उन दनि आगासताका बरतीदील यागासताका परमेश्वर उन खलिाप आखरी विद्रोह सूर आगतीदील, अदकि आव पाप इन मळसा मतलब दुष्ट मळसा प्रगट आगतीदील जो नरक दा नष्ट माळकु आदान. 4 आव दुष्ट मळसा वरिध माळतान, अदकि हर ऊद से जो ईश्वर उन या पुजा अन वस्तुगोळद वरिध माळतान, तान तान इक अदुर से धोळद ठहरस्तान, ईल ताका कर् आव परमेश्वर उन मंदरि दा कुरतकु तान तान इक ईश्वर कहलुस्तान. 5 येन नीमी याद

हैलेच क यिाग ना नीम सांगुळ ईरीन, रा नीम से ईव मातगोळ अनतोगनि? <sup>6</sup>नीव आ मात इक जानसतीर, जो आऊक ईग प्रगट आगली रोक्सेत्याद. अदक आव दुष्ट मंळसा सही समय मा वंदान. <sup>7</sup>यतकी होचद दुष्ट शक्तगिोळ ईग भी क्याल्सा माळत हीगताव, लेकीन ईगल्या ऊंद रोक्सावाळा आन, अदक यागासताका अद दुर आगंगाल आव रोक्सकु ईत्तान. <sup>8</sup>आग आव दुष्ट मंळसा प्रगट आदान, लेकीन याग प्रभु यीशु मसीह वंदान अदक आ दुष्ट मंळसा अक तान बाय इन फूक देल कोंद बुट्टान, अदक तान आगमन इन तेज देल भसम माळयान. <sup>9</sup>आ दुष्ट मंळसा अन बरोद शैतान उन सामर्थ्य देल आदीत सब प्रकार इन खवाटा सामर्थ्य, अदक चमत्कार, अदक अदभुत क्याल्सागोळ सांगुळ आदीत, <sup>10</sup>अदक नाश आगावाळेर साटी सप्पा प्रकार इन दुष्टता देल फसुसयान. यतकी आ लॉकुरद नाश आदीत यार आ सत्य से प्यार ईटीदलि. <sup>11</sup>ईदा कारण परमेश्वर आंदुरदा ऊंद जो भटकसतद आ सामर्थ्य अक कळयान क आंदुर खवाटा अन वशिवास माळल, <sup>12</sup>ताकी यास लॉकुर सत्य अन वशिवास माळालुर, उलटा अन्याय देल प्रसन्न आगतार, आंदरी सप्पा मुंदुरी दण्ड सकिल.

मजवूत बनसकु ईरी

<sup>13</sup>हे वारटुरा अदक आकतीगेरा, अदक प्रभु उन प्रयि लॉकुरा, आगली होना कानाव नीम बारा दा हमेशा परमेश्वर उन धन्यवाद माळतेला ईत्तेव, यतकी परमेश्वर पयले टु नीमी नीवळुसयान क पवतिर आत्मा अन सामर्थ्य अनद द्वारा पवतिर आगकु, अदक सत्य अन वशिवास माळकु उदधार ताकोमी, <sup>14</sup>यदुर साटी नाव जो खुशखबरी नीमी केळसदेव, क नीव नाम प्रभु यीशु मसीह अन महिमा दा सहभागी आगी. <sup>15</sup>इदुरसाटी हे वारटुरा अदक आकतीगेरा, संची ईरी; अदक जो जो मातगोळ नीव उपदेश या चट्टी इन द्वारा नीमी कोटेव, अबरी हुळकु ईटी.

<sup>16</sup>नाम प्रभु यीशु मसीह खुद अच, अदक नाम आप्प परमेश्वर, याव नाम से प्यार ईटदुन अदक अनुग्रह देल प्रोत्साहन शांती अदक वळलीद आशा नामी कोटान, <sup>17</sup>नीम मनगोळ दा प्रोत्साहन कोळल अदक नीमी हर ऊंद वळलीद क्याल्सा अदक वचन दा मजवूत माळल.

### 3

नाम साटी प्रार्थना

<sup>1</sup>अनत दा, हे वारटुरा अदक आकतीगेरा, नाम साटी प्रार्थना माळतोगी क प्रभु उन वचन हगि राटनेरी फ़ैलुसुल अदक महिमा आगुल, हयांग नीम दा आत, <sup>2</sup>अदक नाव तेळा अदक दुष्ट मंळसागोळ देल उळ्दकु ईरूल यतकी हर मंळसा वचन मा वशिवास माळालुन.

<sup>3</sup>प्रभु वशिवासयोग्य आन; आव नीमी मजवूती देल संची माळयान अदक आ शैतान उन से सुरक्षित ईटयान. <sup>4</sup>नामी प्रभु नीम बारा दा भरोसा कोळतान क जो-जो आगया नाव नीमी कोळतेव, अबरी नीव मानसतरि, अदक मानसतेला भी ईत्तीर. <sup>5</sup>परमेश्वर उन प्यार अदक मसीह दा हम्मिमत ईला बळोद अदक प्रभु नीम मन इन अगुवाई माळल.

कार्य माळोद उत्तरदायित्व

<sup>6</sup>हे वारटुरा अदक आकतीगेरा, नाव नीमी तान प्रभु यीशु मसीह अन हेसुर देल आगया कोळतेव क नीव हर ऊंद ईत्ता वशिवासी से बयार ईरी जो अनुचित चाल नळुतान अदक जो शिक्षा आव नाम से ताकोडान अदुर अनुसार माळालुन. <sup>7</sup>यतकी नीव खुद अच जानसतीर क याता रीत देल नाम घाई चाल नळु पायजे, यतकी नाव नीम न्याइया दा ईरेव आग आलसी ईला ईरेव, <sup>8</sup>अदक यारदु रोटी फूकट दा तंददिल; लेकीन मयनत अदक कष्ट देल ईळलक हागुल क्याल्सा धंदा माळतोगेव क नीम दा टु यारदु मा भार बरवाळुल. <sup>9</sup>हगि ईला कानामी नीम से मदत वेळोद अधकार हैलेच, लेकीन इदुरसाटी क तान तान इक नीम साटी आदर्श ठहरसदेव क नीव नाम घाई चाल नळी. <sup>10</sup>यतकी याग नाव नीम मान्या ईरेव, आग भी ईद आगया नीमी कोळ तोगेव क "अगर यावारा क्याल्सा ईला माळोद चाहसतदिन रा ऊम भी बाळल. <sup>11</sup>नाव केळतेव क थवाळासा लॉकुर नीम न्याइया दा आलसी आर अदक येनु क्याल्सा धंदा माळालुर, लेकीन दुसरा अन क्याल्सा दा कय हाकतोगतार. <sup>12</sup>ईत्ता मंळसागोळी नाव प्रभु यीशु मसीह दा आगया कोळतेव अदक समझुसतेव क वळलीद रीत देल क्याल्सा माळकु तांद अच रोटी तनिल.

<sup>13</sup>"नीव, हे वारटुरा अदक आकतीगेरा, भलाई माळदुर दा हम्मिमत बळिबाळी. <sup>14</sup>अगर यावारा नाम ई चट्टी इन मात इक मानसालुन रा आऊन मा नजर ईटी, अदक आऊन संगत माळवाळी, यदुर देल आव लज्जति आगुल. <sup>15</sup>तरी भी आऊक दुश्मन सम्बवाळी, लेकीन सप्पा मुंदुरी वशिवासी जानसकु समझूसी."

आखरी शब्द

<sup>16</sup>ईग प्रभु जो शांती नव सोता हुन खुद अच नीमी हमेशा अदक हर प्रकार देल शांती कोळल. प्रभु नीम सप्पा मुंदुर सांगुळ हमेशा ईरूल.

<sup>17</sup>ना, पौलस, तान कय देल नमस्कार लखिसतीन. हर चट्टी इक ना हगि खतम माळतीन; ना ईदा प्रकार देल लखिसतीन अदक हर ऊंद चट्टी दा ना हगिा हस्ताक्षर माळतीन. <sup>18</sup>नाम प्रभु यीशु मसीह अनद अनुग्रह नीम सब मा आगतेला ईरूल.



## तीमथयिस के नाम पौलुस प्रेरति की पहली पत्री तीमथयिस उन हेसुर पौलुस प्रेरति उन पयला चट्टी परचिय

पयला तीमथयिस उन कतिब प्रेरति पौलुस तान चेला तीमथयिस उक लखिसद ऊंद चट्टी हुन. तीमथयिस उन कतिब शायद मसीह अन जनम इन बाददा ६२ से ६४ साल इन बाददा लखिसकु आगीत. ईद पौलुस उन जीवन इन अनंत इन हात्ती आत. पौलुस उन तीमथयिस उन सांगुळ ऊंद करीबी रशिता ईरोद अदकि आव आऊक हापाळ घन पार उन रूप दा संदरभति माळदुन फलिपिपिगोळ २:२२ तीमथयिस १:२; १:१८

ईद पौलुस उन नाक चट्टी गोळ दा टु ऊंद चट्टी हुन यदरी मंडली इन बजाय यातारा मंडसा अक संबोधति माळकु आगतद. दुसरा मुर चट्टी दुसरा तीमथयिस, तीतुस, अदकि फलिपिपी. पयला तीमथयिस दा मंडली इन आराधना २:१-१५ मंडली नोर अधिकारीगोळ साटी लायकत ३:१-१३ अदकि ख्वाटा गुरुगोळ खलिाप चेतावनीगोळ १:३-११; ४:१-५; ६:२-५ ईद तोरसतद कि पौलुस तीमथयिस उक मंडली इन न्याइया उपदेशक बनसोद प्रशक्षिषण कोळोन. पयला तीमथयिस दा हापाळ सदिधांतगोळ आव जो नाम मंडली इन मंत्रालय इन प्रबंधन माळोर दा सहायता माळ सकतेव.

रूप-रेखा

१. पौलुस तीमथयिस उन अभिवादन से सूवात माळतान. १:१-२
२. आग आव तीमथयिस उक ख्वाटा गुरुगोळ खलिाप चेतावनी कोळतान. १:३-११
३. पौलुस यीशु मसीह अन साटी याट आभारी आन, ईद हेळतान. १:१२-१९
४. ईदुर बाददा आव तीमथयिस उक आराधना अदकि मंडली इन अगुवा अन बारा दा नरिदेश कोळतान. २-३
५. पौलुस तीमथयिस उक थ्वाळासा आखरी नरिदेश कोटकु तान चट्टी पुरा माळतान. ४-६

1 नामव उद्धारकर्ता परमेश्वर अदकि नाम्द आशा अन आधार मसीह यीशु उन आग्या देल मसीह यीशु उन प्रेरति पौलुस उन दी टु,

2 \*तीमथयिस उन हेसुर जो वशिवास दा नानव खरा पार आन.

आपप परमेश्वर, अदकि नामव प्रभु यीशु मसीह अन दी टु नीनी अनुग्रह, अदकि दया अदकि शांती सकितेला ईरूल.

ख्वाटा गुरुगोळ वरिद्ध चेतावनी

3 ह्यांग ना मकादिनया अक होगतेला नीनी समझुसीदीन, कि इफसिस दा ईतकु थ्वाळासा लॉकुरी आग्या कोळुल कि ख्वाटा सदिधांतगोळ शक्ति कोळवाळुल, 4 आंदरी अन पुरातन काल्पनिक कात्तागोळ अदकि अनन्त वंशावलीगोळ मा मन हचवाळी, यदुर देल वविाद आगताव, इव परमेश्वर उन कार्य ईला, जो वशिवास इन द्वारा आव आन. 5 आग्या अन उद्देश ईद आद कि शुद्ध मन अदकि वळलीद वविक, प्यार अदकि कपट रहति वशिवास इन द्वारा बरतद. 6 इवरी बटिकु थ्वाळासा लॉकुर बेकार मातगोळ दी भटकुसंग्यार. 7 अदकि आंदुर व्यवस्था अन गुरु रा आगोद चाहसतार, लेकीन जो मातगोळ अनतार अदकि यवरी मजबूती देल माताळतार, आंदरी सम्सालेव भी.

8 लेकीन नाव जानसतेव कि अगर यावारा व्यवस्था अक उचित रीत देल क्यालसा दा तंदान रा अद भला आद. 9 नाव ईद भी जानसतेव कि व्यवस्था लॉकुर साटी ईला लेकीन व्यवस्था अक ईला मानसावाळेर, वदिरोह, परमेश्वर उन अनादर माळावाळेर, पापीगोळ, अपवतिर अदकि न्यायी मंडसागोळ, मोय आपप उन घात माळावाळेर, हत्या माळावाळेर, 10 व्यभिचारीगोळ, गळस गामगोळ, गुलाम उक मारावाळेर, ख्वाटा माताळावाळेर, अदकि ख्वाटा गवाही तीनावाळेर, अदकि इंदुरद अतरिकित खरा सदिधांतगोळ शक्ति अन वरिधीगोळ साटी टहूसकु आग्याद. 11 ईद खुशखबरी महामामय परमेश्वर यार हात्ती सप्पा आशीषगोळ आव अदकि आऊन द्वारा नानी सौप्सकु आग्याद.

पौलुस मा प्रभु उन अनुग्रह

12 ना तान प्रभु यीशु मसीह अन्द याव नानी सामर्थ्य कोटान, धन्यवाद माळतीन कि आव नानी वशिवासलायक सम्सकु तान स्यावा अन्द साटी टहूसदुन. 13 \*ना रा पयले अपमान माळावाळा, अदकि सतुसावाळा, अदकि हिसा माळावाळा ईरीन; तरी भी नान मा दया आत, यतकि ना अवशिवास इन दशा दा बनिा सोच समझुसकु ई क्यालसागोळ माळीदीन. 14 अदकि नाम प्रभु उन अनुग्रह आ वशिवास अदकि प्यार इन सांगुळ जो मसीह यीशु दा आद, हापाळ इदुर देल आत. 15 ईद मात खरा अदकि हर प्रकार देल मानसोद लायक आद कि मसीह यीशु पापीगोळ उद्धार माळोर साटी दुनयाि दा बंदुन, यारदा सब से बेकार पापी ना आईन. 16 लेकीन नान मा इदुरसाटी दया आत कि ना सब से बेकार पापी नान दा यीशु मसीह तान पुरा सहनशीलता तोरसुल, कि जो लॉकुर आऊन मा अनन्त जीवन साटी वशिवास माळ्यार आंदुर साटी ना ऊंद आदर्श बनसाईन. 17 ईग अनन्त राजा मतलब अवनिाशी, अदृश्य, ऊंद मातर परमेश्वर उन आदर अदकि महिमा हमेशा हमेशा आगतेला ईरूल. आमीन.

18 हे नान पारा तीमूथयुस, आ भवषियवाणीगोळ अनुसार जो पयले नीन वारा दा माळकु आगीदव, ना ईद आग्या कोळतीन कनि अऊरद अनुसार वळलीद लळाई माळतेला ईर, 19 अदकि वश्र्वास अदकि आ वळलीद वविक इक हुडुकु ईट, यदुरद इनकार माळदुर कारण यास मुंदुरद वश्र्वास रूपी जहाज मुळकेत. 20 आंदुर दा टु उच हुमनियुस अदकि सकिनदर हुन, यारी ना शैतान उक कोट्ट बुटीन कनि आंदुर परमेश्वर उन अपमान माळोद कलु बाळुल.

## 2

### आराधना अन नरिदेश

1 ईंग ना सब से पयले ईद आग्रह माळतीन कनि वनिती, प्रार्थना, नविदन, अदकि धन्यवाद सप्पा मळसागोळ साटी माळकु आगुल. 2 राजागोळ अदकि सप्पा धोळ अधिकारीगोळद नमितित इदुरसाटी कनिाव शांती अदकि चैन इन सांगुळ परमेश्वर उक आदर कोळतेला अदकि पवतिरता देल जीवन बीतुसेव 3 ईद नाम उद्धारकर्ता परमेश्वर उक वळलीसा हततद अदकि परसनन भी माळतद, 4 जो ईद चाहासतान कनि सप्पा मळसागोळ ऊळसकु आगुल, अदकि आंदुर सच्चाई इन गयान इक जान्स कोमुल. 5 यतकी परमेश्वर ऊद अच आन, अदकि परमेश्वर अदकि मळसागोळ न्याइया दा भी ऊद अच मध्यस्थ भी आन, मतलब मसीह यीशु जो मळसा हुन. 6 यीशु नाम सप्पा मुंदुरी छटकारा कोळोर साटी तान बलदान कोटकु आजादी कोंडुन, अदकि आऊन गवाही सही समय मा कोटकु आत. 7 सही अनतीन, ख्वाटा माताळालीन, कनि ना ईदा उद्देश देल प्रचारक अदकि प्रेरित अदकि गैरयहूदीगोळ साटी खरा वश्र्वास इन उपदेशक ठहूरसकु आदीन.

8 इदुरसाटी मंडली दा आराधना हाळाहोती ना चाहसतीन कनि हर जागा मळसा, बनिा सट्ट अदकि वविाद इन पवतिर कयगोळी नेगुकु प्रार्थना माळतोगुल. 9 हांग अच आरतेर भी नमरता अदकि खूद: नयितरण इन सांगुळ साधासुधा कपळागोळ देल तान तान इक सवारसुल; ना कनि चुट्टी सवारसकु अदकि ना व्हानना अदकि मोती अदकि कमिती कपळा देल, 10 लेकीन भला क्यालसा देल, यतकी परमेश्वर उन भक्ती माळावळतेर आरतेरी भी ईदा वळलीद आद. 11 आरत इक शांतता देल अदकि पुरा हातूती ता देल कलु पायजे. 12 ना आरतेरी ईजाजत कोळालीन कनि आरत ना शकषिा कोळुल अदकि ना मळसा मा अधिकार जतुसुल, लेकीन सुंगा मुंगा ईरूल. 13 यतकी आदम पयले, आऊन वाद्दा हवा माळकु आदुर; 14 अदकि आदम ईला जो बहकुसकु आगीदुन, लेकीन आ आरत हळु जो बहकुसकु आगदुर अदकि पापी ठहूरसदुर. 15 तरी भी आरत इक चकिोर पैदा माळोर द्वारा उद्धार सकिकीत, अगर आक संयम सांगुळ वश्र्वास, प्यार, अदकि पवतिरता दा सची ईरूल.

## 3

### मंडली नोर अध्यकष

1 ईद मात सही आद अगर यावारा तान मन दा सोचतान कनि स्याण्णा आगोद चाहासतान, आव भला क्यालसा अन इच्छा माळतान. 2 ईद जरूरी आद कनि स्याण्णा नरिदोष, अदकि ऊंदा हगिस उन गळस, शालीन, आत्मसंयमी, आदरणीय, अतथी-सत्कार माळावाळा, अदकि कलसोर दा नपुिण ईरूल. 3 कुडावाळा या बडाबडी माळावाळा ईला ईरूल; बलकी मुलायम ईरूल, अदकि ना झगळेळु, अदकि ना धन इन लालची ईरूल. 4 तान मानना अन वळलीद व्यवस्था माळुल, अदकि तान चकिोर चळिगेर अनुशासन दा ईटकु आंदुर से आदर ताकोमावाळा ईरूल. 5 अगर यावारा तान मानना अनूद अच व्यवस्था माळोद ईला जानसतीदान, रा परमेश्वर उन मंडली इन रखवाली ह्यांग माळयान? 6 वाक ईद कनि आव वश्र्वास दा परीपक्व ईरूल, ईदारा हगि आगबाळुल कनि अभिमान माळकु शैतान उन घाई दण्ड पाऊसुल. 7 अदकि मंडली इन व्हारया दा भी आऊन हेसुर आगुल, हगि आगबाळुल कनि अपमानीत आगकु शैतान उन फासा दा फसुसेगुल.

### मंडली नोर सेवक

8 हांग अच मंडली अनूद सेवकगोळी भी गंभीर आग पायजे, येदूद रंगवाळेर, कुडावाळेर अदकि नीच कमाई इन लोभ माळावाळेर ईला ईरूल; 9 लेकीन वश्र्वास इन भेद इन शुद्ध वविक इक गहराई देल हुडुकु ईटुल. 10 अदकि आंदुर पयले परख आगुल, आग अगर नरिदोष होटदुर रा वाक मंडली इन सेवक उन क्यालसा माळुल. 11 ईदा प्रकार देल आंदुर हगिसुर भी आदर ताकोमा लायक आरतेर ईरूल; अदकि अपमान इन मातगोळी माळावळतेर ईला ईरूल, लेकीन शालीन अदकि सप्पा मातगोळ दा वश्र्वास इन लायक ईरूल. 12 मंडली इन सेवक ऊंदा हगिस उन गळस ईरूल अदकि चकिोर चणिग अदकि तान मानना अनूद वळलीद व्यवस्था माळोद जानसुल. 13 यतकी जो मंडली इन सेवक वळलीद क्यालसा माळतार, आंदुर तान साटी वळलीद पद अदकि मसीह यीशु दा जो आंदुरद वश्र्वास आद, अदुरदा महान साहस हासल माळतार.

### महान राज

14 ना नीन हातूती राटनेरी बरोद आशा ईटदुर मा भी ई चट्टी नीनी इदुरसाटी लखिसतीन, 15 कनि अगर नान बंदुर दा समय आगुल, रा नी जानस कोम कनि परमेश्वर उन घराना दा जो जतिता परमेश्वर उन मंडली आद अदकि जो

\* 2:7 २:७ २ तीमूथयुस १:११ \* 2:9 २:९ १ पतरस ३:३ \* 2:15 २:१५ चकिोरी पैदा माळकु उद्धार ताकोडार: या चकिोरी हाळाहोती सुरक्षित ईटकु आदर. \* 3:2 ३:२ तीतुस १:६-९ \* 3:2 ३:२ सरिफ ऊंदा हगिस ईरूल; या ऊंदा घन मदा आगुल.

सच्चाई इन खंबा अदकि पायवा आद, लॉकुर आपस दा ह्यांग बरताव माळ पायजे. 16 ईदुर दा संदेह हैलेच कभिर्कृति  
 इन भेद गंभीर आद, मतलब  
 अद जो मय दा परगट आत,  
 आत्मा दा न्यायी ठहूसत,  
 स्वर्गदूतगोळ इक काळसदुन,  
 गैरयहूदीगोळ दा आऊन प्रचार आत,  
 दुनिया दा आऊन मा वशिवास माळकु आत,  
 अदकि महिमा दा म्याकुच नेगुकु आदुन.

## 4

तीमुथयुस उक नरिदेश

1 पवतिर आत्मा स्पष्टता देल अनतद कबरावाळा समयगोळ दा हापाळ सप्पा लॉकुर तान वशिवास इक त्यागस  
 बुट्टार अदकि भटकुसावाळा आत्मागोळ अदकि शैतान उन द्वारा कलसद मातगोळ हींद आगोदार. 2 ईद आ खवाटा  
 पाखंडी मंळसागोळद कारण आदीन, यारद वविक मानसी होततेला लोवा देल दागसकु आग्याद, 3 जो मदा माळोर से  
 रोकस्यार, अदकि ऊमोद येनारा वस्तुगोळ देल अलग ईरोद आग्या कोट्टार, यवरी परमेश्वर इदुरसाटी घळुस्यान  
 कविशिवासी अदकि सच्चाई इक अरावाळेर अवरी धन्यवाद इन सांगुळ तनिल. 4 यतकी परमेश्वर उन माळद हर  
 ऊंद वस्तु वळलीद आद, अदकि यातोद वस्तु अस्वीकार माळोद लायक हैलेच; लेकीन ईद कधिधन्यवाद इन सांगुळ  
 तनिकु आगुल, 5 यतकी परमेश्वर उन वचन अदकि प्रार्थना अन द्वारा शुद्ध आगोतद.

यीशु मसीह ऊंद वळलेव सेवक

6 अगर नी वारट्टर इक ई मातगोळद याद कोळतेला ईत्या, अदकि वशिवास इन सच्चाई अदकि आ वळलीद शकिषा  
 अन मातगोळ से, जो नी मानसतेला बंद्या; रा मसीह यीशु उन वळलेव सेवक ठहूस्या. 7 परमेश्वर रहति कात्ता-  
 कात्तागोळ देल जो सर्फ हाळामुंडगोळ द्वारा केळसकु अशुध्द कात्तागोळ आव येनु संबंघ ईटवाळ, लेकीन  
 भक्तुन इन साधना माळ. 8 यतकी मय इन साधना देल फायदा गोरत आगतद, लेकीन भक्तुन सप्पा मातगोळ साटी  
 लाभदायक आद, यतकी ई समय इन जीवन अदकि बरावाळा जीवन इन भी वादा इदुरदा साटी आद. 9 हगि ऊंद  
 वशिवास ईटा लायक कहावत आद, जो पुरा रीत देल स्वीकार माळा लायक आद. 10 यतकी नाव मयनत अदकि  
 कोशशि इदुरसाटी माळतेव कनि नाम आशा आ जित्ता परमेश्वर मा आद, जो सप्पा मंळसागोळद अदकि खास  
 माळकु वशिवासीगोळव उद्धारकर्ता आन.

11 इव मातगोळद आग्या कोळ अदकि कलसतेला ईर. 12 याऊ नीन जवानी इक तुच्छ समसबाळुल; लेकीन  
 वचन, माताळदुर दा, चाल-चलन, अदकि प्यार, अदकि वशिवास, अदकि पवतिरता दा वशिवासीगोळ साटी आदर्श  
 बनसेग. 13 यागासताका ना बरालीन, आगासताका लॉकुर न्याइया प्रभु उन वचन वाचुसदुर दा अदकि उपदेश कोळदुर  
 दा अदकि कलसदुर दा तान इक मगुन ईट. 14 आ वरदान इन प्रती जो नीन दा आद, अदकि भवषियवाणी इन द्वारा  
 स्याणागोळद कय दा ईटा होती नीनी सीकीत, अदरी अनदेखा माळवाळ. 15 ई मातगोळद वचिर माळत ईर अदकि  
 ईऊर दा तान ध्यान हचकु ईट, ताकी नीन उन्नती सप्पा मुंदुर मा परगट आगुल. 16 तान जीवन इन दी अदकि तान  
 शकिषागोळ सावधानी ईट. ई मातगोळ मा संची ईर, यतकी अगर हगि माळतेला ईत्या रा नी तान अदकि तान  
 केळावाळेर साटी भी उद्धार इन कारण आद्या.

## 5

वशिवासीगोळ प्रती जमिमेदारीगोळ

1 यातारा बाट्ट उक कठोरता देल दनकुस बाळेत, लेकीन आऊक आपप समसकु समझुसबुळ, अदकि हारोदोर  
 मंळसागोळी वारट समसकु; 2 हाळामुंड आर्तेर इक मोय समसकु; अदकि हारोदोर आर्तेर इक आकतीग समसकु  
 पुरा पवतिरता देल समझुसबुळ.

3 आ रांड्यागोळद ध्यान ईट, जो सही दा जरवतमद आर. 4 अगर यातारा रांड्या अन चकिोर या नातु-नतरागोळ  
 ईतीदार, रा आंदुर तान मोय-आपप अदकि आजा-आजी इन पालन पोषण इन बदला चुकुसली अदकि तान परिवार  
 इन चनिता माळोर द्वारा तान न्यायी मातगोळी जीवन कार्य दा तरोद पयले कलु पायजे, यतकी ईद परमेश्वर उक  
 पंसद आद. 5 जो रांड्या सही दा जरवतमद आर, अदकि आकनि यारू हैलेच, अदकि आक तान पुरा आशा परमेश्वर  
 मा ईट्यार, अदकि ईळलक हागुल वनिती अदकि प्रार्थना माळतेला परमेश्वर से मदत बेळतार; 6 लेकीन जो रांड्या  
 भोग वल्लास दा जीऊसतार, आक जित्ता हैलेच लेकीन जित्ता दा का सोतोग्यार. 7 इव मातगोळद भी लॉकुरी  
 नरिदेश कोळतोग ताकी आंदुर नरिदोष ईरूल. 8 लेकीन अगर यावारा तान रशितेदारगोळ दी, वशिष तान परिवार इन  
 सदस्यगोळद मदत माळालुन, रा आव वशिवास देल तरिगोग्यान अदकि अवशिवासी देल भी हापाळ बुरा बनसेग्यान.

9 आ रांड्यागोळद वशिष सूची दा जो आर्थिक सहायता ताकोमेत्यार आका रांड्या अन हेसुर लखिसकु आगुल  
 जो साठ वर्ष से कमीनोर ईला ईतीदार, अदकि तान गंळस उन वशिवासलायक ईतीदार, 10 अदकि भला क्यालसा  
 दा सुनाम ईतीदार, याक चकिोरद पालन-पोषण माळीदार; पाऊनागोळद स्यावा माळीदार, पवतिर लॉकुरद काल  
 तोळददार, दुषीगोळद सहायता माळीदार, अदकि हर ऊंद भला क्यालसा दा मन हचीदार.

11 लेकीन हारोदोर रांड्यागतिरद ईद सूची सममलीत माळवाळी यतकी मसीह अन प्रती आंदुरद समरपन मा याग आंदुरद बारा दा वासना पुरा इच्छागोळ हावी आगताव रा आंदुर मात मदा माळोद चाहसतार, 12 अदकि दोषी ठहूसतार, यतकी आंदुर तान पयला वचन इक मुरद बुट्टुर. 13 ईदुर अलावा आंदुर बेकार आगताव अदकि मानोन-माननी वयाळकु आलसी आगोद कलुतार, अदकि सरिफ आलसी ईला लेकीन ईतत आतूत माळतार अदकि बनिा मतलब इन अनुचति मातगोळ माताळतार. 14 इदुरसाटी ना ईद चाहासतीन का हारोदोर रांड्यागतिर मदा माळुल, अदकि चकिोर हाळुल अदकि मानून मकान संभाळसुल, अदकि यातारा वरिध इक वदनाम माळोद मवका कोळवाळुल. 15 यतकी हापाळ रा बयकुसकु शैतान उन हदि आगोग्यार. 16 अगार यातारा वशिवासीगीत इन मान्या रांड्यागोळ आर, रा आका आंदुरद सहायता माळुल कर्मंडली मा बोझ ईला आगुल, ताकी आंदुर आंदुरद सहायता माळ सकुल जो रांड्यागोळ खराखुरा जरवतमंद आर.

17 जो हाळावाटदुर मंडली इन वळलीद स्यावा माळतार, खास माळकु आंदुर जो वचन केळसोर अदकि कलूसदुर दा मयनत माळतार, आंदुर येदद गुणा आदर इन लायक समसकु आगुल. 18 यतकी शास्त्र अनतद, “जो वस्ता दावन इन आद अदुर बाय कट बाळतीर,” यतकी “मजदूर तान मजदूरी इन हकदार आन.” 19 यातारा दोष यातारा मंडली इन हाळावाटदुर मा हचकु आगुल रा येदद या मुर गवाहगोळद बनिा अदरी केळबाळ. 20 पाप माळावाळेर इक सप्या मुंदुर मुंद दनकुस, ताकी दुसरा लोकुर भी अंजुल.

21 परमेश्वर, अदकि मसीह यीशु अदकि नविळसूद स्वर्गदूतगोळ इक उपस्थति जानसकु ना नीनी चैतावनी कोळतीन काई नरिदेशगोळी बनिा मतभेद इन अदकि यावारा ऊद इन पक्षपात ताकोमकु यातोदु क्यालसा माळबाळ. 22 मंडली इन स्यावा अन्द नयिकृती इन साटी बनिा सोच समसकु यारदारा मा तान कय राटनेरी ईट बाळेत, अदकि दुसरा अन पापगोळ दा भागी आगबाळेत; तान-तान इक पवतिर माळकु ईटेत.

23 सरिफ नीर इक अच कुडावाळा ईरबाळ, लेकीन तान व्हाट्टा अन्द घळी-घळी बमिार आगोद कारण थवाळा-थवाळा अंगुर इन राससा भी क्यालसा दा तरतोग.

24 थवाळासा मळसागोळव पाप सपष्ट रूप देल परगट आगेगताव, अदकि न्याय इन साटी परसतुत माळकु आगेगताव, लेकीन दुसरा मळसागोळव पाप बाददा परगट आगताव. 25 ईदा प्रकार भला क्यालसा भी सपष्ट रूप देल परगट आगेगताव; लेकीन जो भला क्यालसा परगट आगालव अव भी होचकु ईर सकालव.

## 6

1 यास दासगोळ जुआळी इन ल्यालमा आर, आंदुर तान-तान स्वामी इक धोळद आदर इन लायक जानसुल, ताकी परमेश्वर उन हेसुर अदकि शकिषा अन्द अपमान आगबाळुल.

खवाटा शकिषा अदकि धन इन लोभ

2 यार स्वामी वशिवासी आर आंदुरी आंदुर कम आदर कोळवाळुल यतकी आंदुर वारटुर उर, बल्की आंदुरद मातूत यकुकुल स्यावा माळी, यतकी यारी स्यावा अन लाभ सीकतद आंदुर वशिवासी अदकि आंदुर परयि आर. ई मातगोळ शकिषा कोळी अदकि हांग अच माळोर साटी पुरोत्साहति माळतेला ईरी. 3 अगार यावारा दुसरा अच प्रकार इन शकिषा कोळतान अदकि सही मातगोळी, मतलब नाम प्रभु यीशु मसीह अन्द नरिदेशगोळ इक अदकि आ शकिषा इक मानसालुन, जो देवी शकिषा अन अनुसार आद, 4 रा आव अभिमानी आगेदुन, अदकि येनु जानसालुन; बल्की आऊक वविाद अदकि शब्दगोळ मा तरक हचोद बमिारी आद, यदुर देल ह्यावा, अदकि झगळा, अदकि अपमान नव मातगोळ, अदकि बेकार-बेकार संक्या, 5 अदकि आ मळसागोळ दा फालतु लळाई-झगळा पैदा आगताव यारद दमाक भ्रष्ट आगेगयाद, अदकि आंदुर सचचाई इन हादी देल अलग आगेग्यार, जो समसतार कर्मभक्ता कमाई ईद जरया हुन.

6 लेकीन सन्तोष इन सांगुळ भक्ती माळोद धोळद कमाई आद. 7 यतकी नाव रा ना दुनया दा येनारा हुडुक्कु बंदेव अदकि ना येनारा बय सकतेव. 8 अगार नाम हातूती तनिली अदकि हाकली आद, रा ईऊरदा का सन्तोष ईर पायजे. 9 लेकीन जो धनी आगोद चाहासतार, आंदुर ईतता परीक्षा अदकि फासा अदकि हापाळ सा मूरखतापुरण अदकि हानकारिक लालसागोळ दा फससतार, जो मळसागोळी वगिळस बुळतद अदकि वनिाश इन खाई दा ढकलुस बुळतद. 10 यतकी पैस्या अन्द लोभ हर प्रकार इन बुराईगोळद जळ हुन, यदरी हासल माळोद कोशशि माळतेला हापाळ मुंदुर वशिवास देल भटकुसकु तान-तान इक कई प्रकार इन दुखगोळ देल छल्लली माळ कोंडार.

तीमूथयुस उन व्यक्तगित नरिदेश

11 लेकीन हे परमेश्वर उन वशिवासी जन, नी ई मातगोळ हातूती टु ओळ, अदकि न्याय, भक्ती, वशिवास, प्यार, धीरज अदकि नमरता अन्द हदि हत. 12 वशिवास इन वळलीद कुसती आळ; अदकि तान साटी आ अननूत जीवन इक हासल माळकोम, यदुर साटी नी कारूकु आग्या अदकि हापाळ सा गवाहगोळ मुंद वळलीद अगीकार माळीद. 13 ना नीनी ईद आग्या परमेश्वर उन मुंद जो सप्या मुंदुरी जीवन कोळतान, अदकि मसीह यीशु उक गवाह माळकु याव पुनतयुस पलातुस उन मुंद वळलीद गवाही कोट्टुन. कोळतीन, 14 का नी नाम प्रभु यीशु मसीह अन्द परगट आगासताका ई आग्या अक नषिकलंक अदकि नरिदोष ईट, 15 परमेश्वर जो परमधन्य अदकि ऊद मातूर शासक अदकि राजागोळ राजा अदकि प्रभुगोळ प्रभु हुन, आऊन द्वारा यारी आव ठीक समय मा परगट माळयान. 16 अदकि

अमरता सर्फि आऊंदा हुन, अदकि आव ज्योती दा ईरतान, येल ताका याऊ पोहचूस सकालून, अदकि ना आऊक यावारा मंळसा नोळ्यान अदकि ना नोळ सकतान. आऊन प्रतषिटा अदकि सामर्थ्य हमेशा हमेशा ईत्तीत. आमीन.

17 ई दुनयिया अन धनवानगोळी आग्या कोळ कि आंदुर अभिमानी आगवाळुल अदकि चंचल धन मा आशा ईट बाळुल, लेकीन परमेश्वर मा जो नाम सुख इन साटी सप्पा येनारा बहुतायत देल कोळतान. 18 आंदरी आग्या कोळ कि आंदुर भलाई माळुल, अदकि भला क्यालसागोळ दा धनी आगुल. अदकि उदारता देल सहायता कोळदुर दा तयार ईरूल, 19 अदकि मुंदळाद साटी ऊंद वळ्तीद पायवा हाक्कु ईटुल कि खरा जीवन इक वश दा माळ कोमुल.

20 हे तीमूथयिस, ई धरोवर इन रखवाली माळ; अदकि यदरी येनारा लॉकुर गलती देल ग्यान अनतार, अदुरद बेकार मातगोळ अदकि वरिध इन मातगोळ देल अलग ईर. 21 यास मुंदुर ई ग्यान इक मान्सकु विश्वास देल भटकसेग्यार. नीम मा अनुग्रह आग्त ईरूल.

## तीमुथयुस के नाम पौलुस प्रेरति की दूसरी पत्री तीमुथयुस उन हेसुर पौलुस प्रेरति उन दुसरा चट्टी परचिय

दुसरा तीमुथयुस उन कतिब प्रेरति पौलुस उन दुसरा चेला तीमुथयुस उन साटी दुसरा चट्टी हुन. दुसरा तीमुथयुस पौलुस उन जीवन इन आखरी दा लखिसकु आगीत. ई समय रोम दा आऊक कैद माळकु आगीत १:१६ पौलुस तीमुथयुस उन सांगुळ घनषिट संबंध ईटदुन अदकि आऊक पार उन रूप दा संदर्भति माळदुन. फलिपिपिगोळ २:२२,१ तीमुथयुस १:२; १:१८

ईद पौलुस उन नाक चट्टी दा टु ऊंद हुन याऊक मंडली इन बजाय यातारा मंडसा अक संबोधति माळकु आगतद. अन्य हगि मुर चट्टी गोळ आव हयांग कफि पयला तीमुथयुस, तीतुस अदकि फलिपिपी. आ समय इन दौरान येदुद तीमुथयुस लखिसकु आगीदव, रोमन साम्राज्य देल मसीहगोळी सतुसकु आगोद. जायद ईदा कारण ईरोद कफि पौलुस जयल दा ईरोन अदकि तीमुथयुस उक कठनिई ईद सामना माळोद नरिदेश कोळोन. पयला तीमुथयुस दा, पौलुस तीमुथयुस उक ख्वाटा गुगोळ बारा दा हापाळ चेतावनीगोळ कोटदुन १ तीमुथयुस १:१६-१८ आव तीमुथयुस उक भी हेळतान कफि मुंद कठनि समय ईततव ३:१

रूप-रेखा

१. पौलुस तीमुथयुस उक बधाई कोळतान अदकि बाक आऊक प्रोत्साहति माळतान १:१-१८
२. आग आव तीमुथयुस उक मुंद वाळुसोर साटी चुनौती कोळतान २:१-१३
३. ईदुर बाददा आव आंदरी ध्वाळासा साधारण नरिदेश कोळतान २:१४-२६
४. बाक आव भवषिय अन घटनागोळ अदकि जवाब कोळोद सही तरीका अन बारा दा चेतावनी कोळतान ३:१; ४:८
५. पौलुस तीमुथयुस उन साटी येनारा व्यक्तगित टपिपणगोळ सांगुळ चट्टी खतम माळतान ४:१-२२

1 पौलुस इन दी टु जो परमेश्वर उन इच्छा देल मसीह यीशु उन प्रेरति आन, अदकि यारी यीशु मसीह दा ऊंद आगेर साटी वादा अन प्रचार माळोर साटी कळयान,

2 प्रयि पार तीमुथयुस उन हेसुर:

परमेश्वर आप्प अदकि नामव प्रभु मसीह यीशु उन दी टु नीनी अनुग्रह अदकि दया अदकि शांती सकितेला ईरूल.

धन्यवाद अदकि प्रोत्साहन

3 याता परमेश्वर उन स्यावा ना तान आप्प दादागोळ रीतिमा शुद्ध वविक देल माळतीन, आऊन धन्यवाद आगुल अदकि ईळलक हागुल याग ना प्रार्थनागोळ दा नीमी हमेशा याद माळतीन, अदकि आऊक धन्यवाद माळतीन.

4 अदकि नीन कण्ण दाकळव नीर इन याद माळ माळकु दलि देल नीनी भेट माळोद लालच ईटतीन कफि खुशी देल तुमेगाईन. 5 फना नीद आ खरा वशिवास इक याद माळतीन, जो पयले नीन आजी लोईस अदकि नीन मोय युनीके दा ईरोद, अदकि नानी पुरा यकीन आद कफि अदा वशिवास नीन दा भी आद. 6 ईदा कारण ना नीनी याद कोळतीन कफि नी आ वरदान इक जतिता ईट जो नीन म्याकुच नांद कय ईटदुर द्वारा परमेश्वर नीनी कोटान. 7 यतकी परमेश्वर नामी अजुक इन ईला लेकीन सामर्थ्य अदकि प्यार अदकि संयम इन आत्मा कोटान.

8 इदुरसाटी नामव प्रभु उन गवाही देल, अदकि नान देल जो मसीह अन कैदी आईन, लज्जति आगवाळ, लेकीन आ सामर्थ्य जो परमेश्वर नीनी कोटान अदुर अनुसार खुशखबरी साटी नान सांगुळ दुख नेगु 9 याव नामी ऊळस्यान अदकि पवतिर जीवन जीऊसोर साटी नामी कारदुन, अदकि ईद नाम क्यालसा अन अनुसार ईला लेकीन आऊन उददेश अदकि अनुग्रह अन अनुसार आद. आव ईद अनुग्रह नाम मा माळयान मतलब प्रभु यीशु मसीह अन द्वारा काल इन सूरवात देल नाम मा आग्याद, 10 लेकीन ईग नाम उद्धार माळावाळा मसीह यीशु उन प्रगट आगोद द्वारा प्रगटीत आत, याव मृत्यु उन सामर्थ्य अन नाश माळदुन अदकि जीवन इक खुशखबरी इन द्वारा प्रगट माळदुन.

11 प्यार साटी परमेश्वर नानी प्रेरति. अदकि शकिषा कोळावाळा नयिकत माळदुन, ताकी ना खुशखबरी इन प्रचार माळाईन. 12 ई कारण ना ई दुखगोळी भी नेगुतीन, लेकीन नाचालीन, यतकी ना आऊक यार मा ना वशिवास माळदीन, अरूतीन; अदकि नानी वशिवास आद कफि आव नांद धरोवर ईद आ दनि ताका रखवाली माळ सकतान. 13 जो सही मातगोळ नी नान बाय देल केळ्या अवरी आ वशिवास अदकि प्यार इन सांगुळ, जो मसीह यीशु दा आद, तान आदर्श माळकु ईट, 14 अदकि पवतिर आत्मा अन द्वारा जो नाम दा समुसकु आद, ई वळ्लीद मातगोळ रखवाली माळ.

15 नी जान्सतया कफि आसयाि नगर वाळेर सप्पा मुंदुर नान से तरिगोयार, यारदा फूगलुस अदकि हरिमुगनिस आर. 16 उनेसफ़ूरस उन घराना मा प्रभु दया माळल, यतकी आव हापाळ अनली नानी सुख पोहचुस्यान, अदकि आव नान शंकलीगोळ दा ईतुतुर देल नाचीदलि. 17 लेकीन याग आव रोम दा बंदुन, रा यागासताका ना सकिदिल आगासताका आव नानी हुंदहसतेला ईततुन, अदकि नान से मुलाकात माळदुन 18 प्रभु माळल कफि आ दर्शिय आऊन मा प्रभु उन दया आगुल अदकि जो जो स्यावा आव इफसिस दा माळयान अवरी भी नी वळ्लीद देल जान्सतया.

## 2

मसीह यीशु उन स्वामीभक्त सैनिक

<sup>1</sup> इदुरसाटी हे नान पारा, नी आ अनुग्रह देल जो मसीह यीशु दा आद, बलवन्त आगेग, <sup>2</sup> अदकि जो शक्तिषागोळ नी हापाळ सा वाहागोळ मुंद नान से केळ्या, अवरी वशिवासी मळसागोळी सौप्स बुळ; जो दुसरा अक भी कलसोद लायक ईरूल.

<sup>3</sup> मसीह यीशु उन वळ्लीद योद्धा अन घाई नान सांगूळ दुख नेगु, <sup>4</sup> याग यावारा योद्धा लळाई मा होगतान, रा इदुरसाटी कां आऊक जो भरती माळ्यार आंदरी खुश माळूल, आव तान तान इक दुनिया अन क्यालसागोळ दा फसुसालुन. <sup>5</sup> बाक अखाळा दा लळुसावाळा अगर नयिम इन अनुसार लळुसालुन रा ईनाम सीक सकाल. <sup>6</sup> जो मयनती कसान मयनत माळतान, रा काय इन अंश पयले आऊक सीक पायजे. <sup>7</sup> जो ना अनतीन ई सप्पा मातगोळ मा ध्यान कोळ, अदकि प्रभु नीनी सप्पा मातगोळद समझ कोळुल.

<sup>8</sup> यीशु मसीह अक याद ईट, जो दाऊद उन वंश देल आग्यान अदकि सोलतुर दा टु जतिता आदुन, अदकि ईद नान खुशखबरी इन अनुसार आद. <sup>9</sup> यार साटी ना कुकर्मो इन घाई दुख नेगुतीन, ईल ताका कां बंधन भी आईन; लेकीन परमेश्वर उन वचन कैद हेल्लेच. <sup>10</sup> ई कारण ना नविळसद लॉकुर साटी सप्पा येनारा सहन माळतीन, कां आंदरी भी आ उद्धार जो मसीह यीशु दा आद अनन्त महिमा अन्द सांगूळ सकिल. <sup>11</sup> ईद मात खरा आद,

कां अगर नाव आऊन सांगूळ सोतोगेव,  
रा आऊन सांगूळ जतिता भी आदेव;

<sup>12</sup> अगर नाव धीरज देल सहन माळत ईततेव,  
रा आऊन सांगूळ राज्य भी माळेव;

अगर नाव आऊन इनकार माळेव,

रा आव भी नाम इनकार माळयान;

<sup>13</sup> अगर नाव अवशिवासी भी आयेव,  
तरी भी आव वशिवासयोग्य बनसकु ईरतान,  
यतकी आव खुद तान इनकार माळ सकालुन.

वळ्लीद कारीगर

<sup>14</sup> ई मातगोळद याद आंदरी तोरस अदकि प्रभु उन मुंद वशिवास देल हेळ कशिबदगोळ मा तरक-वतिरक माळतोग वाळूल, यऊर देल येनु फायदा आगाल उलटा केळावाळेद नाश आगेगतद. <sup>15</sup> तान तान इक परमेश्वर उन ग्रहण माळा लायक अदकि हगि क्यालसा माळावाळा ठहरसोद कोशशि माळ, जो नाचक ईला पायजे, अदकि जो सच्चाई इन वचन इक बराबर रीत देल क्यालसा दा तरतोगुल. <sup>16</sup> लेकीन बेकार मातगोळ देल ऊळदकु ईर, यतकी हगि लॉकुर मातत यककुल अभक्ती दा वाळुसत ईततार, <sup>17</sup> अदकि आंदुर वचन हळुतकु दुख घाई फैलुसत होदति. हूमनियुस अदकि फलितुस आंदुर दा टु आर, <sup>18</sup> जो ईद अंदकू कां पुनरूतान आगेगयाद सच्चाई इन हादी टु काळदोग्यार, अदकि यास मुंदुरद वशिवास इक नाश माळ बुळतार. <sup>19</sup> तरी भी परमेश्वर उन पक्का पायवा बनसकु ईरतद, अदकि आऊन मा ईद छाप हतकु आद: "प्रभु तान लॉकुरी अरूतान," अदकि "जो यावारा प्रभु उन हेसुर ताकोमतान, आव अन्याय देल ऊळदकु ईरूल."

<sup>20</sup> धोळ मानया सरिफ व्हानुना-बेळली ईद अच ईला, लेकीन हळुली अदकि मुण्ण इन भी गळगया ईरताव; यातारा-यातारा आदर, अदकि यातारा-यातारा अनादर इन साटी. <sup>21</sup> अगर यावारा तान तान इक ईऊर देल शुद्ध माळयान, रा अद आदर इन गळगया मातत पवतिर ठहरूसीत; अदकि स्वामी इन क्यालसी बंदीत, अदकि सप्पा वळ्लीद क्यालसा साटी तयार आदीत. <sup>22</sup> हारोदपन इन मोहमाया देल ओळ, अदकि जो शुद्ध मन देल प्रभु उन हेसुर ताकोमतार आंदुर सांगूळ न्याय, अदकि वशिवास, अदकि प्यार, अदकि मेल मलिप इन हदि हत. <sup>23</sup> लेकीन मूरखपन अदकि अवदिया अन्द वविादगोळ देल अलग ईर, यतकी नी जानसतया कां ईऊर देल झगळा नरिमाण आगताव. <sup>24</sup> प्रभु उन दास उक झगळेले ईला ईर पायजे, लेकीन आव सप्पा मुंदुर सांगूळ मुलायम अदकि शक्तिषा दा नपिण अदकि सहन माळावाळा ईरूल. <sup>25</sup> आव वरिोध माळावाळेद इक नमरता देल समझसुल, येन मालूम परमेश्वर आंदरी मन तरिगुसोद मन कोळुल कां आंदुर भी सच्चाई इक अरूल, <sup>26</sup> अदकि आंदुर सचेत आगकु शैतान उन फासा दा टु बदिटोगुल. याव आंदरी आंदुरद इच्छा पुरा माळोर साटी बंदी माळदुन.

## 3

आखरी दनि

<sup>1</sup> लेकीन ईद याद ईट कां आखरी दनिगोळ दा कठनि समय बंदव. <sup>2</sup> यतकी मंळसा मतलबी, धन इन लालची, घमण्ड माळावाळेद, अभिमान, अपमान माळावाळेद, मोय-आप्पुद आग्या कडावाळेद, एहसान मारावाळेद, अपवतिर, <sup>3</sup> प्यार ईला माळावाळेद, माफ ईला माळावाळेद, अपमान माळावाळेद, असंयमी, कटोर, भलाई इन दुश्मन, <sup>4</sup> वशिवासघात माळावाळेद, लापरवाह, घमण्ड माळावाळेद, अदकि परमेश्वर उन ईला उलटा सुखवलास इक चाहासावाळेद ईततार. <sup>5</sup> आंदुर भक्ती इन भेष रा माळ्यार, लेकीन अदुरद ताकत इक मानसतदिलि; हगि लॉकुर से दुर ईरत. <sup>6</sup> ईदुर दा टु अच आ लॉकुर आर जो माननागोळ दा वत्त काल देल होक्कोमतार, अदकि आ दुर्बल आर्तर

इक वश दा माळ कोमतार जो पापगोळ देल वोतकु अदकि सप्पा प्रकार इंद अभलाषागोळ्द वश दा आर, 7 अदकि ईत्ता आरतेर हमेशा कलतेला रा ईरतार लेकीन सच्चाई इक जान्स सकालुर. 8 ह्यांग यन्नेस अदकि यम्ब्रेस मूसा अनूद वरिध माळीदुर, हांग अच ईदुर भी सच्चाई इन वरिध माळतार; ईदुर ह्यांग मंळसा आर, याद दमािक भ्रष्ट आगोग्याद अदकि ईदुर वशिवास दा असफल आर. 9 लेकीन ई लॉकुर ईदुर से मुंद वाळुस सकालुर, यतकी सप्पा लॉकुर नोळ्यार क्क आंदुर याद मूरख आर. हांग अच ह्यांग यन्नेस अदकि यम्ब्रेस उन सांगुळ आत.

तीमूथयिस उक वशिष नरिदेश

10 लेकीन नी नान शकिषा, नान जीवन इन आचरण, उद्देश वशिवास, धीरज, प्यार, सहनशीलता ई सप्पा मातगोळी वळलीद रीत दिल जान्सत्या; 11 \*नांद सताव अदकि नानव दुख, अदकि अन्ताकिया अदकि इकुनयिमु अदकि लुसुत्रा दा जो भयंकर यातनागोळ नानी कोटकु आगीदव अदकि यदरी ना सहन माळदीन, ईद नी जान्सत्या, तरी भी प्रभु नानी ईव सप्पा दुखगोळ से वीळसदुन. 12 लेकीन यास मसीह यीशु दा भक्ता इन सांगुळ जनिदगी बतिसोद चाहासतार आंदुर सप्पा मुंदुर सत्सुक आदार; 13 लेकीन दुष्ट अदकि वयकुसावाळेर धवाका कोळतेला अदकि धवाका तनितेला, बगिळुसत होटोदार. 14 लेकीन नी आ सच्चाई इन मातगोळ मा जो नी कलत्या अदकि वशिवास माळ्या. ईद जान्सकु मजबूत बनसुक ईर कानी अवरी याता लॉकुर से कलत्या, 15 अदकि स्याणपन टु पवतिरशास्त्र अपमान अरतकु आद, जो नीनी यीशु मसीह मा वशिवास माळदुर देल उद्धार हासलि माळोर साटी हुशयार माळ सकतद. 16 सम्पुरण पवतिरशास्त्र परमेश्वर उन प्रेरणा देल रचसुक आग्याद अदकि उपदेश, अदकि समजुसोद, अदकि सुभान माळोद, अदकि न्यायीपन इन शकिषा साटी फायदमंद आद, 17 ताकी परमेश्वर उन जन सदिध आगुल, अदकि हर ऊंद वळलीद क्यालसा साटी तयार आगोगुल.

#### 4

1 ना परमेश्वर अदकि मसीह यीशु उन मुंद जो जतिता अदकि सोतकु मंळसागोळ्द नयाय माळयान, अदकि राजा आगकु शासन माळोर साटी बंदान, आदरी गवाह मान्सकु ना वनिती माळतीन, 2 कानी वचन इन प्रचार माळ, समय बेसमय तयार ईर, सप्पा प्रकार इन सहनशीलता अदकि शकिषा अनूद सांगुळ नरिदेश कोळ, दनकुस अदकि समजुस. 3 यतकी ह्यांग समय बंदीत याग लॉकुर सच्चाई इन शकिषा केळतीदलि, लेकीन आंदुर खुद इक समाधान सीकुल ईत्ता मातगोळ केळोर साटी तान अभलाषागोळ्द अनुसार तान साटी हापाळ सा शकिषा कोळावाळेर जमा माळोडार, 4 अदकि तान कवि सच्चाई इन हादी टी टुरिगुसकु काल्पनकि काततागोळ मा हच्यार. 5 लेकीन नी सप्पा मातगोळ दा नयित्रण ईट, दुख नेगु, खुशखबरी प्रचार इन क्यालसा माळ, अदकि तान स्यावा अक पुरा माळ.

6 यतकी ईंग नांद अरपण इन घळी होट बंदाद, अदकि नान ईद जीवन इक त्यागसोद समय होट बंदाद. 7 ना वळलीद कुसुती आळ कोडीन, ना तान दवळ पुरा माळ कोडीन, ना वशिवास इन रखवाली माळीन. 8 भवषिय दा नान साटी वजियी ईनाम इन मुकूट ईटकु आद, यदरी प्रभु, जो आसान हादी देल नळसावाळा हून, नानी आ दाशी कोट्टान, अदकि नानी इच ईला उलटा आ सप्पा मुंदुर इक भी जो आऊन प्रगट आगोद प्रयि जान्सतार

व्यक्तगित वचन

9 नान हात्ती राटनेरी बरोद कोशशि माळ. 10 \*यतकी देमास ई दुनिया अक प्रयि जान्सकु नानी बटि वटान अदकि थसिसलुनीके अक होटोग्यान. क्रैसकैस गलातया अक अदकि तीतुस दलमतया अक होटोग्यान. 11 \*सरिफ लूका नान सांगुळ आन. मरकुस उक हुडुकु होटवच; यतकी स्यावा अनूद साटी आव हापाळ उपयोगी आन. 12 \*तुखकुस उक ना इफसिस कळीन. 13 \*याग नी बंद्या रा झागा अक यदरी ना तरोआस दा करपुस उन मान्या बटिकु बंददिन तरेत; अदकि नानव कतिबागोळ वशिष माळकु तोगुल इन चटिटी गोळी हुडुत बरेत.

14 \*धातु उन क्यालसा माळावाळा सकिन्दर नानी हापाळ नुकसान पोहचुसयान; प्रभु आऊक आऊन क्यालसागोळ अनुसार बदला कोट्टान. 15 नी भी आऊन से सावधान ईर, यतकी आव नाम उपदेशगोळ्द हापाळ अच वरिध माळयान.

16 नान पयले पक्क इन समय याऊ भी नान साथ कोटीदील, उलटा सप्पा मुंदुर नानी बटि वुटीदुर. 17 लेकीन प्रभु नान सांगुळ नीदुरकु ईत्तुन अदकि नानी सामर्थ्य कोट्टुन, ताकी नान दवाया पुरा पुरा प्रचार आगुल अदकि सप्पा गैरयहूदी लॉकुर केळ कोमुल. ना हूल्ल इन बाय देल बळिसकु आगीन. 18 अदकि प्रभु नानी हर ऊंद बुरा क्यालसा देल बळिसयान, अदकि तान स्वर्गीय राज्य दा उद्धार माळकु पोहचुसयान. आऊन महिमा हमेशा हमेशा आगतेला ईरूल. आमीन.

आखरी अभिवादन

19 \*प्रसिका अदकि अक्वलिा अक अदकि उनेसफिरूस इन घराना अक नमस्कार. 20 \*इरासतुस कुरनिथुस दा ईतोदुन, अदकि त्रुफामिस उक ना मलितुस दा बमिर आगा कारण बटिन. 21 सोळीन दिन से पयले बरोद कोशशि माळ. यूबूलस, अदकि पूदेस, अदकि लीनुस अदकि क्लौदिया, अदकि सप्पा वशिवासी वारदुरद नीनी नमस्कार.

\* 3:11 ३:११ प्रेरतिगोळ १:३१-४:२२; प्रेरतिगोळ १:४-१७; प्रेरतिगोळ १:४-२० \* 4:10 ४:१० कुलुससगिळ ४:१४; फलिमोन १:२४; २ कुरनिथि ८:२३; गलातगिळ २:३; तीतुस १:४ \* 4:11 ४:११ कुलुससगिळ ४:१४; फलिमोन १:२४; प्रेरतिगोळ १:२२,२५; १३:१३; १५:३७-३९; कुलुससगिळ ४:१०; फलिमोन १:२४ \* 4:12 ४:१२ प्रेरतिगोळ २०:४; इफसिसगिळ ६:२१,२२; कुलुससगिळ ८:१७,६ \* 4:13 ४:१३ प्रेरतिगोळ २०:६ \* 4:14 ४:१४ १ तीमूथयिस १:२०; रोमियों २:६ \* 4:19 ४:१९ प्रेरतिगोळ १:८:२; २ तीमूथयिस १:१६,१७ \* 4:20 ४:२० प्रेरतिगोळ १:१२:२; रोमियों १:६:३; प्रेरतिगोळ २०:४; २१:२९



22 प्रभु नीन आत्मा अन सांगुळ ईरूल.  
नीम मा अनुग्रह आगतेला ईरूल.

## तीतुस के नाम पौलुस प्रेरति की पत्री तीतुस उन हेसुर पौलुस प्रेरति उन चिट्ठी परचिय

तीतुस उन ईद कतिब पौलुस उन नाक चिट्ठी गोळ दा टु ऊंद आद यदरी मंडली इन बजाय यातारा मंळसा अक संबोधति माळकु आगतद. दुसरा मुर चिट्ठी गोळ १ तीमुथयुस, २ तीमुथयुस अदकि फलिमोन ईव हुव. पौलुस तीतुस उक लखिसोन, लेकीन आव ईद भी लखिसदुन कि ई चिट्ठी सार्वजनिक रूप देल धोळद रीति देल वाचुसकु आगतद. नाव ईऊक अरू सकतेव यतकी आव ऊंद प्रेरति उन रूप दा तान लायकत हेळतान, जो कि पौलुस पयले टु अच जानसोन. पौलुस शायद मसीह अन जनम इन बाददा ६३ से ६५ साल इन न्याड्या दा ई चिट्ठी लखिसीदुन.

पौलुस तीतुस उक करेते मा जो मंडलीगोळ आव अऊर नेतृत्व माळोद नरिदेश कोटीदुन. पौलुस उपदेशकगोळ इक मंडली इन उपदेशगोळद चयन शक़िषा मा नरिदेश कोळार साटी ई चिट्ठी इक लखिसीदुन. आव तीमुथयुस उक तान चिट्ठी गोळ दा सारखा नरिदेश कोटान. आंदुर चिट्ठी दा वर्णन माळकु आग्याद कि ह्यांग मंडली अन उपदेशकगोळी उच्च मानक इन साटी माळकु आग पायजे. मंडलीगोळ अदकि मंडली इन उपदेशकगोळी ईद नेतृत्व दा आ लाँकुर साटी जरूरी मानकगोळ मा सावधानी पुरवक ध्यान कोळ पायजे.

रूप-रेखा

१. पौलुस यात्रीगोळ इक नयिकृत माळोर साटी तीतुस उक नरिदेश कोळतान १:१-१६
२. आव लाँकुरी भी ईश्वरीय जीवन जीऊसोर साटी प्रशक़िषति माळोद नरिदेश कोळतान २:१-३:११
३. अन्त दा, पौलुस तान थवाळासा योजनागोळ इक साजा माळकु अदकि बधाई बातणी कळुकु चिट्ठी खतम माळतान ३:१२-१५

1 पौलुस उन दी टु जो परमेश्वर उन दास अदकि यीशु मसीह अन्द प्रेरति हुन.

नाम मंडली इन खरा ग्यान इन अगुवाई माळोर साटी कळुकु आग्याद अदकि सच्चाई इन पयचान जो भक्ति इन अनुसार आद, 2 आ अनन्त जीवन इन आशा मा यदुरद वादा परमेश्वर, जो खवाटा माताळालुन सनातन देल माळयान, 3 लेकीन सही समय मा तान वचन इक आ प्रचार इन द्वारा प्रगट माळदुन, जो नाम उद्धारकर्ता परमेश्वर उन आग्या अन अनुसार नानी सौपसकु आग्याद.

4 तीतुस उन हेसुर, जो वशिवास इन सहभागीता अन्द वचिर देल नान खरा पार हुन:

परमेश्वर आप्प अदकि नाम उद्धारकर्ता मसीह यीशु उन दी टु नीनी अनुग्रह अदकि शांती सकितेला ईरूल.

करेते दा तीतुस उन कार्य

5 ना इदुरसाटी नीनी करेते दा बटिकु बंददिन कि नी मगिद मातगोळद सुधारन माळया, अदकि नान आग्या अन अनुसार नगर नगर स्याणागोळी नयिकृत माळया. 6 जो नरिदोष अदकि ऊंदा हगिस उन गळस ईरूल, यारोर चकिोर वशिवासी ईरूल, अदकि अनुशासन इन हनिता अन्द दोष आंदुर मा हचकु ईला आग सकुल तथा आंदुर नरिकुश भी ईरवाळुल. 7 यतकी मंडली इन अध्यक्ष उक परमेश्वर उन कार्य अन नरिक्षक आगा कारण आव नरिदोष ईर पायजे; आऊक ना हटीला, ना सट्टि, या कुडावाळा, या झगळेले, या पैस्या अन लालची ईला ईर पायजे, 8 लेकीन पाऊनागोळद आदर माळावाळा, भलाई इक चाहसावाळा, सयमवाळा, न्याय माळावाळा, पवतिर अदकि सभ्यताशील ईरूल; 9 आऊक आ वशिवास माळा योग्य अदकि सिद्धांतगोळ मा सयमत आगावाळा बातणी इक मजबूती देल हुडुकु ईर पायजे ई प्रकार आव लाँकुरी सही शक़िषा कोटक आंदरी प्रोत्साहित माळुल अदकि ईदुर दा सांगुळ जो ईदुर वरिधी आर आंदुरद खंडन माळ सकुल.

10 यतकी हापाळ सा लाँकुर नरिकुश, वयर्थ माताळावाळेर अदकि धवाका कोळावाळेर आर; यक़ुल माळकु यहूदी दा टु बंदार. 11 ईद जरूरी आद कि ईदुर बाय बंद माळ पायजे. यतकी ई लाँकुर नीच कमाई साटी अनुचित मातगोळी कलसकु मानना अन्द मानना बगिळुस वळतार. 12 आंदुर दा टु ऊंद करेते नोर अच भवषियवक़ता, तान लाँकुर बारा दा खुद अंदान, "करेते अन नवासी हमेशा खवाटा माताळतार आंदुर आळी दाकळोद जनावर आर अदकि आलसी वहाट्टा तुमावाळेर आर." 13 ईद गवाही सत्य आद, इदुरसाटी आंदरी कळकता देल चेतावनी कोळतोग कि आंदुर वशिवास दा पक़का आगेगुल, 14 अदकि यहूदीगोळद कहानी कात्तागोळ अदकि आ मंळसागोळद आग्यागोळ मा मन हचवाळुल, जो सच्चाई इन हादी देल काळदोगतार. 15 शुद्ध लाँकुर साटी सप्पा वस्तुगोळ शुद्ध आव, लेकीन अशुध्द अदकि अवशिवासीगोळ साटी येनु भी शुद्ध हल्लेच, उलटा आंदुरद बुद्धी अदकि वचिक येदहु अशुध्द आव. 16 आंदुर अनतार कि नाव परमेश्वर उक अरूतेव, लेकीन तान क्यालसा देल आऊन इनकार माळतार; यतकी आंदुर बेकार अदकि आग्या ईला मानसावाळेर उर, अदकि यातोदु वळलीद क्यालसा अन लायक हल्लेच.

## 2

आचरण इन साटी सही शक़िषा

\* 1:4 १:४ २ कुरनिथि ८:२३; गलातगोळ २:३; २ तीमुथयुस ४:१०

\* 1:6 १:६ १ तीमुथयुस ३:२-७

1 लेकीन नी ईत्ता मातगोळ अनतोग जो सही सदिधांतगोळ लायक आव. 2 मतलब हाळावाट मंळसा शालीन, सचेत अदकि खुद नयित्तरति ईरूल, अदकि वशिवास दा मजबूत, प्यार अदकि धैर्य पुरण सहनशील ईरूल. 3 हांगा हाळासुड आरतेरद चाल-चलन पवतिर लॉकुर घाई ईरूल; आंदुर नदिक आगबाळुल तथा अंगुर शयद या याल्ला अनंद लत आंदरी ईरबाळुल लेकीन वळ्लीद मातगोळ कल्सावळतेर ईरूल. 4 ताकी आंदुर हारोदोर आरतेर इक चेतावनी कोळ्त्त ईरूल कति तान गांडुर से अदकि चकिोर से प्यार ईटुल; 5 अदकि खुद नयित्तरति, पवतिर, अदकि मान्ना अनंद वळ्लीद व्यवस्था माळावळत, अदकि तान गांडुड उन हात्ती ईरावळत ईरूल, ताकी यावारा भी परमेश्वर उन दी टु वरावाळा वचन इन अपमान ईला माळुल.

6 हगि अच हारोदोर मंळसागोळी भी समझसतोग क्खुद नयित्तरति आगुल. 7 सप्या मातगोळ दा तान तान इक वळ्लीद आचरण इन नमुना माळ. नीन शक्किषा दा सफाई, गंभीरता, 8 अदकि हगि सचचाई सकिल क्खुद यावारा अदुर्द आलोचना माळ सकबाळुल, ताकी नीन वरिधी लज्जति आगुल यतकी आंदुर हात्ती नीन वरिध दा अनली येनु ईरतीदील.

9 दासगोळी समजुस क्खुद तान-तान स्वामी इन सांगुळ ईरूल, अदकि सप्या मातगोळ दा आंदरी खुश ईटुल. अदकि तरिगकु जवाब कोळवाळुल; 10 काळुलपनी अदकि चालाकी माळवाळुल, लेकीन हर प्रकार देल पुरा वशिवासी होळुल क्खुद आंदुर सप्या मातगोळ दा नाम उद्धारकर्ता परमेश्वर उन बारा दा शक्किषा अन शोभा वाळुसुल.

11 यतकी परमेश्वर उन अद अनुग्रह परगट आद, जो सप्या मंळसागोळद उद्धार इन कारण आद, 12 अदकि अद अनुग्रह नामी कल्सतद क्खुद नाव अभक्ता इन जीवन अदकि सांसारिक अभलिषागोळी त्यागुस वुटेव अदकि खुद नयित्तरति, अदकि पवतिर अदकि भक्तमिय जीवन ईद दुनया दा माळव. 13 अदकि धन्य आर आ आशा अनंद मतलब तान महान परमेश्वर अदकि उद्धारकर्ता यीशु मसीह अनंद महिमा अनंद परगट आगोद हादी काईत ईरूल. 14 याव तान तान इक नाम साटी कोट वुट्टुन क्खुद नामी सप्या प्रकार इन अन्याय देल बीळसुस बुळुल, अदकि नामी आऊंदा पवतिर लॉकुर माळुल अदकि वळ्लेव-वळ्लेव क्खुद सांगोळ दा ईरूल.

15 तान पुरा अधिकार इन सांगुळ ई मातगोळ कल्स, हयांग नी तान वरिधीगोळी दनकुसत्या अदकि प्रोत्साहित माळत्या. ताकी याऊ नीनी तुच्छ सम्स्वाळुल.

### 3

मसीह चाल-चलन

1 लॉकुरी याद तोरस क्खुद शसक अदकि अधिकारीगोळ हात्ती ईरूल, अदकि आंदुरद आग्या मानसुल, अदकि हर ऊंद वळ्लीद क्खुद साटी तयार ईरूल, 2 आंदरी हेळ क्खुद यारदु बारा दा बुरा अनबाळुल, लेकीन शांती परिय अदकि संगीभाव देल ईरूल, अदकि सप्या मुंदुर सांगुळ हमेशा शालीन व्यवहार ईटुल. 3 यतकी नाव भी पयले नरिबुद्धी, अदकि आग्या ईला मानसावाळेर, अदकि गलत ईरेव. अदकि अलग अलग प्रकार इन अभलिषागोळ अदकि सुखविलास इन गुलामी दा ईरेव, अदकि दुश्मनी भाव, अदकि जलनखोरी माळदुर दा जीवन व्यतीत माळतोगेव, अदकि बेकार ईरेव, अदकि आबुर दाबुर से दुश्मनी ईटतोगेव. 4 लेकीन याग नाम उद्धारकर्ता परमेश्वर उन कर्णा अदकि प्यार परगट आत, 5 रा आव नाम उद्धार माळदुन; अदकि ईद वळ्लेव करमगोळ वजह देल ईला, जो नाव खुद माळव, लेकीन आऊन दया देल नामी उळसदुन पवतिर आत्मा अन द्वारा, जो नामी व्हाशोद जनम कोळतान अदकि शुद्ध माळकु व्हाशोद जीवन कोळतान. 6 परमेश्वर नाम मा पवतिर आत्मा अक उद्धारकर्ता यीशु मसीह अन द्वारा भरपुरी देल कोटान. 7 इदुरसाटी परमेश्वर नामी तान अनुग्रह अन द्वारा आऊन सांगुळ न्यायी ठहरूस्यान ताकी यारद आशा नाव माळव आ अननत जीवन इन उत्तराधिकारी इक हासिल माळ सककेव.

8 ईद सही अनकु आग्याद, अदकि ना चाहासतीन क्खुद नी ई मातगोळद बारा दा हिममत देल माताळ इदुरसाटी क्खुद यार परमेश्वर मा वशिवास माळ्यार, आंदुर वळ्लीद-वळ्लीद क्खुद सांगोळ दा हतकु ईरोद ध्यान ईटुल. ई मातगोळ वळ्लेव अदकि मंळसागोळद फायदा नव आव. 9 लेकीन मूरखपन ईद वविदागोळ अदकि वंशावलीगोळ, अदकि वरिध अदकि झगळागोळ देल जो व्यवस्था अनंद बारा दा आद, रा ऊळदकु ईर; यतकी अव नषिफल अदकि व्यर्थ आव. 10 यावारा फूट हाकावाळा मंळसा अक कम से कम येदुद धन चेतावनी कोळ, अदकि बाक आऊन सांगुळ ज्यादा येनु माळबाळ. 11 यतकी नीव जानसतीर क्खुद ईत्ता लॉकुर भरपूट आगोयार अदकि आंदुर पाप आंदुरद गलत आगोद प्रमाण कोळताव.

व्यक्तगित नरिदेश अदकि अभविदान

12 याग ना नीन हात्ती अरतमिास या तुखकुस उक कळाईन रा नान हात्ती नकिपुलसि नगर दा बरोद कोशशि माळेत, यतकी ना अलया सोळ कडोद तय माळीन. 13 जेनास व्यवस्थापक अदकि अपुल्लोस उक कोशशि माळकु मुंद पोहचुस बुळ, अदकि नोळ क्खुद आंदरी यातोदु चजि इन कमी आगबाळुल. 14 नाम लॉकुर भी वळ्लेव क्खुद सांगोळ माळोर साटी समय तेगोद कलु पायजे ताकी जो जर्री आद अदुरद पुरती आग सकुल ताकी आंदुर बेकार इन जीवन जीऊस वाळुल.

15 नान सप्या साथीगोळद नीनी नमस्कार. जो वशिवास इन कारण नाम से प्यार ईटतार, आंदरी नमस्कार.

नीम सप्या मुंदुर मा परमेश्वर उन अनुग्रह आगूत ईरूल.

## फलिमोन के नाम पौलुस प्रेरति की पत्री फलिमोन उन हेसुर पौलुस प्रेरति उन चट्टी परचिय

फलिमोन उन स्यांळद कतिव प्रेरति पौलुस द्वारा लखिसकु आगीत. १:१ पौलुस जयल दा ईरोन, जब क् आब लखिसीदुन, यदुर मतलब आद क् आब शायद रोम टु ईऊक लखिसोन. अगर आव रोम दा ईरोन रा ईद मसीह अन जनम इन ६१ साल इन बाददा लखिसीदान, जो अदा समय हुन याग आव कुलुससयिों लखिसोन.

आब ईद चट्टी इक फलिमोन हेसुर इनव मंळसा अक लखिसीदुन. फलिमोन मंडली इन सदस्य अदकि मालकि भी ईरोन. पौलुस आऊन से केळदुन क् आब तान दास ओनेसमिस उक दंडति माळतीदील जो फलिमोन टु ओळगीदुन. रोमन कानून द्वारा फलिमोन अदकि ओनेसमिस उक मृत्यु साटी ईटोद अधिकार ईरोद. पौलुस फलिमोन उक ऊंद मसीह वारट उन रूप दा ओनेसमिस उक स्वीकार माळोर साटी प्रोत्साहति माळोर साटी प्रेरति तरकगोळद इस्तेमाल माळतान अदकि ईद भी सलाह कोळतान क् ओनेसमिस उक पौलुस १:३-१४ उन सांगुळ स्यावा माळोद इजाजत कोटक आदीत.

रूप-रेखा

१. पौलुस फलिमोन उक नमस्कार कोळतान १:१-३
२. आग पौलुस ओनेसमिस उन दी टु केळतान क् फलिमोन आऊक ऊंद मसीह वारट उन रूप दा स्वीकार माळयान १:४-२१
३. पौलुस यात्रा माळली अदकि बधाई कोळोद तान ईरादा अन घोषणा माळकु चट्टी खतम माळतान १:२२-२५

1 पौलुस उन दी टु जो मसीह यीशु उन कैदी आन, अदकि वारट तीमथयिस उन दी टु नाम प्रयि सहकरमी फलिमोन, 2 अदकि आकतीग अफफिया, अदकि नाम संगी योद्धा अरखपिपुस अदकि फलिमोन उन मान्ना अन्द मंडली नव हेसुर:

3 नाम आप् परमेश्वर अदकि प्रभु यीशु मसीह अन्द दी टु अनुग्रह अदकि शांती नीमी सकित ईरूल.

फलिमोन उन प्यार अदकि वशिवास

4 वारट फलिमोन, ना हमेशा परमेश्वर उन धन्यवाद माळतीन, अदकि तान प्रार्थनागोळ दा भी नीनी याद माळतीन, 5 यतकी ना नीन आ प्यार अदकि वशिवास इन चर्चा केळतीन, जो सप्पा परमेश्वर उन पवतिर लॉकुर सांगुळ अदकि प्रभु यीशु मा आद. 6 ना प्रार्थना माळतीन क् खुद वशिवास दा नीन सहभागी आगोद, नीम सप्पा भलाई इन पयचान दा, मसीह अन्द साटी प्रभावशाली ईरूल. 7 यतकी हे वारट, नानी नीन प्यार देल हापाळ खुशी अदकि शांती सकियाद, इदुरसाटी क् नीन द्वारा परमेश्वर उन पवतिर लॉकुरद मन वळ्लेव आगोद्याव.

उनेसमिस उन साटी नविदन

8 इदुरसाटी अगर नानी मसीह दा हापाळ साहस आद क् जो मात ठीक आद, अदुर आग्या नीनी कोळाईन. 9 तरी भी ना वाट्ट पौलुस उक जो इंग मसीह यीशु उन साटी कैदी आईन, ईद मात्त वळलीद जानसकु आत क् प्यार देल वनिती माळाईन. 10 अना तान चगिद उनेसमिस उन साटी, जो नान देल नान बंधन दा पैदा आगयान, नीन से वनिती माळतीन. 11 आव रा पयले नीन येनु क्याल्सा नव ईला ईरोन, लेकीन इंग नीन अदकि नान येदु मुंदुरद हापाळ क्याल्सा नव आन.

12 आऊका मतलब जो नान दलि इन तुकळा हुन, ना नीन हात्ती वापस माळ व्टीन. 13 आऊक ना तान हात्ती इच ईटोद चाहसीन क् आब नीन दी टु ई बंधन दा जो खूशखबरी इन कारण आन, नान स्यावा माळुल. 14 लेकीन ना नीन इच्छा अन्द बगेर येनु भी माळोद चाहासीदलि, क् नीन ईद कृपा दबाव देल ईला लेकीन इच्छा देल आगुल

15 यतकी शायद आव नीन से थवाळासा दिन साटी ईदा कारण अलग आदुन क् हमेशा नीन हात्ती ईरूल. 16 लेकीन इंगी टु दास उन घाई ईला उलटा दास से भी वळ्लेव प्रयि वारट उन घाई, मतलब ना रा आऊन से प्यार माळतीन, लेकीन नीव आऊक मंळसा अन नाता देल अदकि प्रभु उन नाता देल नान से यक्कुल प्यार माळी.

17 इदुरसाटी अगर नी नानी तान सहभागी समस्त्या, रा आऊक ईत्ता प्रकार देल ग्रहण माळ ह्यांग नानी माळत्या. 18 अगर आव नीन येनारा नुकसान माळयान, या आऊन मा नांद येनारा कर्ज बरतद, रा नान हेसुर मा लखिस कोम. 19 ना पौलुस तान कय देल लखिसतीन क् ना खुद तुम कोळाईन; अदकि ईद अनोद येनु जरवत हैलेच क् नान कर्जा जो नीन मा आद आव नी अच हुय. 20 हे वारट, ईद खुशी नानी प्रभु दा नीन दी टु सकियाद. मसीह दा नान जीव इक हरिवा-गार माळ वुळ.

21 ना नीन आग्याकारी आगोद भरोसा ईटकु नीनी लखिसतीन, अदकि ईद जानसतीन क् जो येनारा ना अनतीन, नी नान से यक्कुल माळ्या. 22 अदकि ईद भी क् नान साटी ठहूसोद जागा तयार ईट. नानी आशा आद क् नीम प्रार्थनागोळ द्वारा ना नीमी कोटक आगोगाईन.

आखरी अभिवादन

23 \*इपफरास, जो मसीह यीशु दा नान सांगूळ कैदी आन, 24 \*अदकि मरकुस अदकि अरसित्खुस अदकि देमास अदकि लूका जो नान सहकर्मी आर, ईदुर्द नीनी नमस्कार.

25 नाम प्रभु यीशु मसीह अन्द अनुग्रह नीम आत्मा मा आगतेला ईरूल. आमीन.

## इब्रानियो के नाम पतरी इब्रानगिळ हेसुर चट्टी परचिय

यीशु हाळोद नयिम इन हापाळ सा भवषियवाणीगोळी पुरा हयांग माळतान ईदा तोरसावाळा “इब्रानियो अन्द चट्टी” ईद ऊद धरिज कोळावाळा कताब हुन. ऊद उपदेश देल इदुर रचना माळकु आग्याद. सप्पा भवषियवाणी अदकि स्याणा याजकगोळद जमिमेदारीगोळी यीशु हयांग पुरा माळदुन ईद सरलता देल तोरसावाळा ६० से यक्कुल हाळोद नयिम इन संदर्भ ई कताब दा आव. ईदा कारण देल ई कताब इक यहूदी मसीह लॉकुर साटी दलासा कोळावाळा मानसकु आग्याद. इदुर मुंद याजकगोळी यग्य माळोद जरवत हेल्लेच ईद व्यवस्था यीशु हयांग पुरा माळदुन ईद ई कताब दा स्पष्ट माळकु आग्याद. सप्पा पापगोळ साटी ऊंदा घन अदकि हमशा हमेशा अन्द यग्य हगि यीशु आदुन. ई कताब देल नामी हगि समझ दा बरतद क, यीशु मसीह, नामी परमेश्वर मा वशिवास माळोर साटी तयार माळतान. १:२ ईदा रीत देल ई युग इन नाव मसीह वशिवासीगोळ साटी ई कताब दा धोळद दलासा आद. नामी अदुर मा नरिभर ईर पायजे.

इब्रानियो अन्द चट्टी याव लखिसदुन ईद नामी मालूम हेल्लेच तरी भी थवाळासा वधिवान लॉकुर मान्ना आद क, ईद प्रेरति पौलुस, लूका या बरनबास ई परमेश्वर उन सेवकगोळ लखिसीदार. हांगा ईद कताब याग लखिसकु आग्याद ईद भी नामी मालूम हेल्लेच. तरी भी हापाळ सा वधिवान लॉकुर हगि मानसतार क, ईद मसीह अन्द जनम इन बाददा ७० वर्ष इन पयले लखिसकु आगीदाद. इदुर कारण हगि क, याग यूरुशलेम नगर ७० इन साल दा नाश माळकु आत तरी भी ई कताब दा यूरुशलेम इन वरणन ईत्ता प्रकार देल माळकु आग्याद, जसा क अद नाश माळकु अच ईला आगीत. ईद कताब हापाळ सा मंडलीगोळ दा हांगकु वाचुसकु आगीदाद. अद रोम नगर दा लखिसकु आगीत. १३:२४

रूप रेखा

१. लखिसावाळा हगि तोरसतान क, यीशु ईव परमेश्वर उन सप्पा भवषियवक्ता अदकि स्वर्गदूत इंदुर से भी महान आन १:१-४:३३
२. इदुर बाददा आव ईद तोरसतान क, जो याजकगोळ यूरुशलेम इन मंदिर दा स्यावा माळतार आंदुर से भी यीशु महान आन ४:१४-७:२८
३. मूसा अक कोटकु आगीद आ आग्यागोळ द्वारा जो हाळोद व्यवस्था परमेश्वर तान लॉकुर से माळदुन अदुर से भी यीशु उन स्यावा महान आद ८:१-१०:३१
४. यीशु हर मात दा श्रेष्ठ आन ईद स्पष्ट माळदुर बाददा लेखक हापाळ सा दनिचर्या अन्द व्यवहारगोळ बारा दा सुचना कोळतान १०:३२-१३:१७
५. आखरी दा थवाळासा बोध अदकि शुभेच्छा कोटकु लेखक ई चट्टी इक खतम माळतान १३:१८-२५

परमेश्वर उन वचन, पार उन द्वारा

1 पयला अन्द युग दा परमेश्वर आप्प दादागोळ से थवाळा-थवाळा माळकु अदकि अलग-अलग देल भवषियवक्तागोळ द्वारा मातगोळ हेळदुन, 2 ई आखरी दनिगोळ दा आव नाम से पार उन द्वारा मातगोळी हेळदुन, यारी आव सप्पा वस्तुगोळद वारीस ठहरूसदुन अदकि आऊंदा द्वारा परमेश्वर सप्पा दुनिया अन्द रचना माळयान. 3 आव परमेश्वर उन महमिा अन्द ऊजूळ अदकि आऊन स्वरूप इन छाप हुन, अदकि सप्पा वस्तुगोळी तान सामर्थ्य अन्द वचन देल संभाळसतान. आव मंळसा जाती इन पापगोळी माफ माळकु स्वर्ग दा हांगकु महामहमि परमेश्वर उन ऊमा कय दी हांगकु कुरतुन;

परमेश्वर-पार उन महानता

4 ई प्रकार पार स्वर्गदूतगोळ से महान माळकु आदुन, अदा प्रकार हयांग परमेश्वर आऊक स्वर्गदूतगोळ से वळलीद हेसुर कोटदुन. 5 यतकी परमेश्वर यातोदु भी स्वर्गदूतगोळ से हगि अददिल, “नी नान पार हुय, ईद ना नीन आप्प बनसीन.” अदकि ना यातोदु स्वर्गदूत से परमेश्वर ईद अंदुन, “ना नीन आप्प बनसाईन, अदकि नी नान पार बनस्या.”

6 अदकि याग परमेश्वर तान पयला पैदा आग्द पार उक दुनिया दा कळुतान, रा आव अनतान, “परमेश्वर उन सप्पा स्वर्गदूत आऊंदा उपासना माळुल.” 7 लेकीन स्वर्गदूतगोळद बारा दा परमेश्वर ईद अनतान, “आव तान दूतगोळी पवन, अदकि तान सेवकगोळी भळकुसद बेक्की माळतान.” 8 लेकीन परमेश्वर पार उन बारा दा अनतान, “हे परमेश्वर, नीन सहासन हमेशा हमेशा ईत्तीत: अदकि नीन शासन नीन लॉकुर मा न्याय इन सांगुळ आगतद. 9 नी सच्चाई से प्यार अदकि अन्याय से दुश्मनी ईटद; ईद कारण परमेश्वर, नीन परमेश्वर, आनन्द इन याण्णा देल अभिषिक माळदुर द्वारा नीन संगीगोळ से वाळुसकु नविळुसदुन.” 10 वचन ईद भी अनतद, “हे परभु, सूवात दा नी पृथ्वी इन पायवा हाकद, अदकि स्वर्ग नीन कय ईद कारीगरी हुन. 11 अव रा नाश आगेदव, लेकीन नी हांगा ईत्या; अदकि अव सप्पा फळक्यागोळ घाई कंदुसेदाव, 12 अदकि नी अवरी चादर इन घाई गुंडस्या, अदकि अव फळक्यागोळ घाई बदलुसेदव: पर नी हांग अच बनसकु ईत्या अदकि नीन जीवन इन अन्त आगतीदील.” 13 अदकि स्वर्गदूतगोळ दा

ट्ट परमेश्वर यार से याग अंदुन, “नी नान ऊममा कय दी कुर, यागासताका कनि नान दुश्मनगोळी नीन कालगोळद ल्यालमा अन्द पांळसी माळ कोमालीन?” 14 येन स्वर्गदूत अव आल्लच, जो आत्मागोळ परमेश्वर उन स्यावा अदकि आऊन द्वारा उद्धार ताकोमावाळेर इक मदत माळोर साटी कळ्कु आग्याव.

## 2

महान उद्धार

1 ई कारण पायजे कजो सत्य मातगोळी नाव केळेव, अदकि यक्कुल अच सावधानी देल अऊर मा मन हची, हगि आगवाळुल कवाहुसकु अऊर से दुर होटोगुल. 2 यतकी जो बातणी स्वर्गदूतगोळ द्वारा नाम पुरवजगोळी कोटकु आत अद खरा ठहूरसत, यार आंदुरद उल्लंघन माळदुर आंदरी दण्ड प्राप्त आत यदुर आंदुर लायक ईरोर. 3 अगर नाव ईद महान उद्धार मा ध्यान कोटीदील रा नाव ह्यांग उळु सकतेव? यदुर चर्चा पयले पहल पुरभु उन द्वारा आत, अदकि यार केळदुर आंदुर नामी ईद सावति माळदुर क अद उद्धार खरा आद. 4 अदकि सांगुळ अच परमेश्वर भी तान इच्छा अन्द अनुसार चमत्कारगोळ, अदकि अदभूत क्याल्सागोळ, अदकि अलग पुरकार इन सामर्थ्य इन क्याल्सागोळ, अदकि पवतिर आत्मा अन्द वरदानगोळी वाट्सदुर द्वारा इदुरद गवाही कोळतेला ईततुन.

उद्धार इन मार्गदर्शन

5 परमेश्वर आ बरावाळा दुनयिा अक यदुर चर्चा नाव माळतेव, स्वर्गदूतगोळ हातती माळीदलि. 6 \*बल्की यावारा शास्त्र दा ईद गवाही कोटान,

“मंळसा येन हुन कनि नी आऊक याद माळत्या?

या मंळसा येन हुन कनि नी आऊंद चिता माळत्या?

7 नी आऊक स्वर्गदूतगोळ से थवाळासा अच गोरत माळद;

नी आऊन मा महिमा अदकि आदर इन मुकुट ईदद,

8 अदकि आऊक तान कयगोळद क्याल्सागोळ मा अधिकार कोटद

नी सप्पा आऊन कालगोळ ल्यालमा माळद.”

इदुरसाटी याग आव सप्पा येनारा आऊन हातती माळ कोडुन, रा आव येनु भी बटिदलि जो आऊन हातती ईला ईरोद. लेकीन ईंग नाव सप्पा येनारा वस्तु आऊन हातती नोळालेव. 9 लेकीन नाव यीशु उक जो स्वर्गदूतगोळ से थवाळासा कम माळकु आगीदुन, मृत्यु उन दुख नेगदुर कारण महिमा अदकि आदर इन मुकुट हाककु नोळतेव, ताकी परमेश्वर उन अनुग्रह देल आव हर ऊंद मंळसा अन्द साटी सायुल.

10 ईद परमेश्वर उन साटी वळलीद हतत याव सप्पा मातगोळी माळदुन अदकि संभाळसकु ईददुन, यीशु उक भी यातनागोळ द्वारा परपूरण माळ पायजे ताकी हापाळ सा चकिोर आऊन महिमा दा भागी आगुल. यतकी यीशु अच आव ऊंद हुन जो आंदरी उद्धार इन दी ओयतान. 11 यतकी लॉकुरी आंदुर पापगोळ से पवतिर माळतान अदकि आंदुर येदुद पवतिर माळकु आग्यार, सप्पा मुदुरव आप्प ऊंद अच आन, इदुरसाटी यीशु आंदरी तान वारदुर अनोर से नाचालुन. 12 \*आव परमेश्वर से अनतान, “ना तान वारदुर अदकि आकतीगेर न्याड्या दा नीद हेसुर इन प्रचार माळाईन; सभा अन्द न्याड्या दा ना नीद प्रशंसा माळाईन.” 13 अदकि आव ईद भी अनतान, “ना तान भरोसा परमेश्वर मा ईटाईन. अदकि अनतान, ना ईल परमेश्वर उन कोळद चकिोर सांगुळ आईन,”

14 इदुरसाटी याग क पागोळ मास अदकि रक्ता अन्द भागी आर, रा यीशु खुद भी आंदुर घाई आंदुर सहभागी आगेदुन, ताकी मृत्यु उन द्वारा शैतान उक नाश माळ सकुल मतलव यार हाती मृत्यु उन शक्ति आद; 15 ईदा रीतिदेल आ मंळसागोळी मुक्त माळकोमी यारद जीवन मृत्यु उन अंजक इन मारा गुलामी या दासत्व दा ईरोर. 16 यतकी ईद स्पष्ट आद क आर रा स्वर्गदूतगोळ इक ईला बल्की अब्राहम उन वंश इन सहायता माळतान. 17 ई कारण आऊक चाहसोद ईरोद, क सप्पा मातगोळ दा तान वारदुरगोळ घाई बनसुल; यदुर देल आव आ मातगोळ दा जो परमेश्वर देल संबंघ ईदतद, ऊंद दयालु अदकि वशिवासलायक महायाजक बनसुल ताकी लॉकुरद पापगोळ साटी प्रायश्चित्त माळुल. 18 यतकी याग आव परीक्षा अन्द दशा दा दुख नेगदुन, रा आव आंदुरद भी मदत माळ सकतान यारद परीक्षा आगतद.

## 3

यीशु मूसा से महान आन

1 इदुरसाटी हे मसीह वारदुरा अदकि आकतीगेरा, नीव जो परमेश्वर उन द्वारा कारूकु आगरि नीव तान ध्यान यीशु मा हचकु ईटी यारी परमेश्वर प्रमुख याजक माळोर साटी कळ्कु आगीदुन, आ अदुर मा नाव तान कबुली कोळतेव. 2 आव याव आऊक नविळुसथान आ परमेश्वर उन प्रती वशिवासलायक ईरोन, टीक हांगा ह्यांग मूसा तान क्याल्सा अन प्रती परमेश्वर उन घराना दा वशिवासलायक ईरोन. 3 ह्यांग भवन इन नरिमाण माळावाळा अक खुद भवन से यक्कुल आदर सकितद, हांग अच यीशु मूसा से यक्कुल आदर इन पात्र मानसकु आदुन. 4 यतकी हर ऊंद मान्ना अन्द यावारा ना यावारा माळावाळा ईरतान, लेकीन परमेश्वर रा सप्पा वस्तु उन माळावाळा हुन. 5 मूसा रा परमेश्वर उन मान्या सेवक घाई वशिवासलायक ईरोन, अदकि आव अव मातगोळी अंदुन जो भवपिय दा परमेश्वर उन द्वारा अंदकु आगोव ईरव. 6 लेकीन मसीह पार आगा नाता देल परमेश्वर उन मान्या वशिवासलायक आन. अदकि आऊन

मान्ना नाव हुयेव, अगर नाव नाम साहस अदकि यदुर मा नाव घमण्ड माळतेव आ आशा मा मजबूती देल स्थरि ईरूल.

परमेश्वर उन लॉकुरी आराम

7 इदुरसाटी ह्यांग पवतिर आत्मा अनतद,  
“अगर ईद परमेश्वर उन आवाज केळी,

8 रा तान मन इक कठोर माळवाळेतीर,  
ह्यांग कनिमीर पुरवजगोळ याग आंदुरद मरूस्थल दा परीक्षा आगोद  
परमेश्वर उन खलिाप बगावत माळीदुर.

9 परमेश्वर अनतान कनि अल आंदुर नांद परीक्षा माळदुर अदकि परखुसदुर,  
अदकि नान कयाल्सागोळी नोळदुर  
यवरी ना चालीस साल टु माळतेला बरेतीन.”

10 ईद कारण ना आ समय इन लॉकुर से सट्टि दा ईत्तीन,  
अदकि अंदीन, “इदुर मन हमेशा टु अच अप्रामाणिकि आव  
अदकि नान आग्या अक टुकरसतार.”

11 \*इदुरसाटी ना सट्टि दा बंदकु करिया तदिन,  
“इदुरसाटी येल ना आंदरी आराम कोळाईन  
आ जागा दा आंदुर यागलु होग सकतीदलि.”

12 हे वारटुगा अदकि आकतीगैरा, सावधान ईरी कनि नीम दा ईत्ता बेकार अदकि अवशिवासी मन आगवाळल, जो नीमी जतिता परमेश्वर से दुर ओयुल. 13 लेकीन ईदुर बदला यागासताका ईद “ईद इन दनि” अनकु आगतद, नीव हर दशी आबुर दाबुर इक धीरज कोळतेला ईरी, ताकी नीम दा टु यावारा भी पाप दा भरमुसकु ईला आगुल, अदकि ना कठोर आगुल. 14 अगर नाव आखरी ताका मजबूती इन सांगुळ तान सूरवात इन आत्मवशिवास इक हुडुकु ईरतेव रा नाव मसीह अन भागीदार बनसेगतेव. 15 \*ह्यांग शास्त्र अनतद, “अगर ईद नीव परमेश्वर उन आवाज केळीर, रा तान मन इक कठोर माळवाळेतीर, ह्यांग कनि बगावत इन दनिगोळ दा नीम पुरवजगोळ माळीदुर.”

16 भला आंदुर या लॉकुर ईरीर यार परमेश्वर उन आवाज केळदुर अदकि आऊन खलिाप बगावत माळदुर? येन आंदुर आ लॉकुर ईला ईरोर, यारी मूसा मसित्तर दा टु उळसकु तेगदीदुन? 17 अदकि परमेश्वर चालीस वर्ष ताका याता लॉकुर से सट्टि दा ईत्तुन? येन आंदुर से अच ईला यार पाप माळदुर, अदकि आंदुर लाश मरूस्थल दा बदिक्कु ईत्तव? 18 अदकि परमेश्वर याता लॉकुर साटी करिया तदिन कनि नीव नान आराम इन जागा दा प्रवेश माळ सकतीदलि? येन आंदुर ई लॉकुर आल्लच यार आऊन आग्या मान्सीदील? 19 इदुरसाटी नाव नोळतेव कनि आंदुर अवशिवास इन कारण अच आ जागा दा प्रवेश माळ सकदील.

## 4

1 इदुरसाटी याग कनि परमेश्वर उन आराम इन जागा दा प्रवेश माळोद प्रतगिया ईगासताका ताका आद, रा नामी ध्यान ईट पायजे हगि आगवाळल कनि नीम दा टु यावारा जन आऊन से वंचति ईतोगुल. 2 यतकी नाव खुशखबरी केळदेव ह्यांग आंदुर केळीदुर, लेकीन जो बातणी आंदुर केळीदुर आंदुर साटी येनु कमित ईला ईरोद, यतकी याग आंदुर अदरी केळदुर रा ईदरी वशिवास इन सांगुळ स्वीकार माळीदलि. 3 नाव जो वशिवासी आयेव, आ आराम इक यदुरद परमेश्वर प्रतगिया माळीदुन अदरी नाव प्राप्त माळतेव. ह्यांग कनि परमेश्वर अंदान, “ना सट्टि दा ईदुर मा करिया तनिकु अंदीन आंदुर यागलु नान आराम इन जागा दा शामिल आग सकतीदलि.” आव ईद अंददिन, याग कदिनग्या अन्द रचना माळदुर बाददा आऊन कयाल्सा पुरा आगेगीत. 4 यतकी सातवा दनि इन बारा दा येलयारा तरी शास्त्र दा आद, “अदकि बाक सातवा दशी तान सप्पा कयाल्सागोळ माळकु परमेश्वर आराम माळदुन.” 5 अदकि ई संदर्भ दा आव मात्त अनतान, “आंदुर नान आराम इन जागा दा यागलु प्रवेश माळ सकतीदलि.” 6 यार पयले खुशखबरी केळदुर आंदुर आ आराम इक प्राप्त माळ सकदील यतकी आंदुर वशिवास ईला माळीदुर. लेकीन दुसरा अन साटी आराम इन दरवाजा ईगलु तेरकु आव. 7 \*इदुरसाटी परमेश्वर बाक ऊंद वशिषि दनि नश्चिति माळदुन अदकि अदरी अनकु आत “ईद इन दनि.” थवाळासा साल इन बाददा दाऊद उन द्वारा परमेश्वर आ दनि इन बारा दा शास्त्रगोळ दा हेळीदुन यदुरद उल्लेख शास्त्र पयले टु अच माळतद, “अगर ईद नीव परमेश्वर उन आवाज केळीर, ह्यांग पयले अंदकु आग्याद, रा तान मन इक कठोर माळवाळी.”

8 अगर यहोशू आंदरी आ आराम इन जागा दा ओयायदुन यदुरद परमेश्वर प्रतगिया माळीदुन, रा परमेश्वर बाददा यातोदु दुसरा दनि इन बारा दा ईला अनायदुन. 9 रा जो भी आगुल, ह्यांग परमेश्वर सातवा दनि दा आराम माळतान हांग अच परमेश्वर उन लॉकुर साटी अल ऊंद आराम मक्कि आव. 10 यतकी जो यावारा भी परमेश्वर उन प्रतगिया माळद आराम दा प्रवेश माळतार, आंदरी तान करम इन अनुसार अदुर दा आराम सक्किीत हांग अच ह्यांग परमेश्वर उक तान कयाल्सागोळ से आराम सक्क्याद. 11 इदुरसाटी बरी ईग नाव भी आ आराम इक हासलि माळीर साटी पुरा रीर्ता देल कोशशि माळता, ताकी हगि आगवाळल कनि नाम न्याड्या दा टु यावारा भी अदरी हासलि माळदुर दा असफल आगवाळल ह्यांग आंदुर तान वशिवास इन कमी इन द्वारा आगीदुर.



12 यतकी परमेश्वर उन वचन जतिता, कुरियाशील, अदकि हर ऊंद दोधारी तलवार से भी हापाळ तेज आद; अदकि हर जीव आत्मा अक, अदकि जोळ-जोळ इक व्यापर माळकु आर-पार गडडा माळतद अदकि मन इन इच्छागोळ अदकि वचारगोळद न्याय माळतद. 13 अदकि दुनयिा अन्द यातोदारा भी वस्तु परमेश्वर उन नजर देल होचकोमकु हैलेच, आऊन कणणगोळ मुंद यारी नामी लेखा जोखा कोळोद आद हर वस्तु बीना यातोदु आवरण इन तेरकु आद अदकि येनु अच ओझल हैलेच.

यीशु महान महायाजक

14 इदुरसाटी याग नामव ईतता धोड्डेव महायाजक आन, जो स्वर्ग दा टु आगकु होग्यान, मतलब परमेश्वर उन पार यीशु, रा बरी, तान वशिवास इक जो नाव प्रापत माळेव मजबूती देल हुड्डकु ईततेव. 15 यतकी नामव जो महायाजक आन आव हगि हैलेच क्ति जो नाम कमजोरीगोळ सांगुळ सहानुभूती ईट सक्यान, आऊक हर प्रकार देल हांगा परखसकु आत ह्यांग नामी लेकीन आव हमेशा पाप रहति ईततुन. 16 रा बाक बरी, नाव आत्मवशिवास इन सांगुळ अनुग्रह ताकोमोर साटी परमेश्वर उन सहिसन दी वाळुसेव ताकी जरवत बीळदुर मा नाम सहायता अन साटी नाव दया अदकि अनुग्रह अक हासलि माळ सककेव.

## 5

1 हर ऊंद महायाजक मंळसागोळ दा टु अच नविळ्ळसकु आगतान, अदकि लॉकुरद परतनिधीत्व माळोर साटी परमेश्वर इन स्यावा साटी नयिकृती माळकु आगतद ताकी आव पापगोळ साटी भेट अदकि बलदान येरसुल. 2 यतकी खुद भी हापाळ रीत देल कमजोरी इन हातती आन इदुरसाटी आव अग्यानीगोळ अदकि भुला भटका लॉकुर सांगुळ कोमलता देल व्यवहार माळ सकतान. 3 इदुरसाटी आऊक पायजे क्ति ह्यांग लॉकुर साटी हांग अच तान साटी भी पाप-बली येरसुल. 4 ईद मुखय याजक आदर इन पद याऊ तान तान इक नविळ्ळसकु ताकोमालुन, याग क्ति हारून उन घाई परमेश्वर उन दी टु ठहरसकु आगालुन.

5 हाग अच मसीह भी महायाजक आगोद आदर तांदुर देल ग्रहण माळीदील, बल्की परमेश्वर आऊन से अंदुन "नी नान पार ह्य, अदकि ईद ना नीन आप्प बनसीन." 6 ईदा प्रकार आव दुसरा जागा दा भी अनतान, "नी मलकिसिदिक इन रीतिमा हमेशा साटी याजक आय."

7 यीशु तान शरीर दा ईरोद दनिगोळ दा धोळद शब्द दा वरल-वरलकु अदकि कणण इन नीर वाहुसकु आऊन से जो आऊक मृत्यु देल ऊळस सकोन, प्रार्थना अदकि वनिती माळदुन, भक्ति अदकि नम्रता अन कारण परमेश्वर आऊन केळदुन. 8 लेकीन अगर आव परमेश्वर उन ईरोन तरी भी दुखगोळ झेलसतेला आव आग्या अन पालन माळोद कलतुन. 9 अदकि सिद्धि बनसदुर मा, तान सप्पा आग्या मानसावाळेर साटी अनन्त काल इन उद्धार इन स्त्रोत बनसेदुन, 10 अदकि आ परमेश्वर उन दी टु मलकिसिदिक इन रीतिमा महायाजक बनसकु आदुन.

वशिवास देल भटकुसकु होगोद वरिध दा चेतानवी

11 इदुर बारा दा नामी हापाळ सा मातगोळ माताळोव आव, लेकीन यऊरद वर्णन माळोद कठनि आद, यतकी नीव समसदुर दा हापाळ धीरा आईर. 12 वास्तव दा ई समय ताका रा नीमी शक्तिक आगेगोद हुन, तरी भी ईद जरूरी आगेग्याद क्ति यावारा नीमी परमेश्वर उन वचनगोळद शक्ति सूरवात टु मातत कलसुल. नीव रा हगि आगेदीर क्ति नीमी टोस भोजन इन बदला ईग भी हाल अच पायजे. 13 यतकी जो हाल कुडुतान आव चगिद अच आन अदकि आऊक सही गलत इन येनु अनुभव ईराल. 14 लेकीन टोस भोजन स्याणागोळ साटी आद, आव याव तान अनुभव देल वळलीद अदकि बुरा अन्द ग्यान माळोद कलतोग्यान.

## 6

1 इदुरसाटी बरी मसीह अन सूरवात इन स्तर शक्ति अक सूरवात इन मातगोळी बटिकु नाव सिद्धता दी मुंद वाळुसतेला हागाता, मृत्यु उन अगुवाई माळोर द्वारा प्रायश्चति इन पायवा मात हाकबाळुल, अदकि परमेश्वर मा वशिवास माळोद, 2 बपतसिमा अन्द शक्ति अदकि म्याकुच कयगोळी ईटोद, अदकि सोत्तुर दा टु जतिता आगोद, अदकि अनन्त न्याय ताका. 3 अगर परमेश्वर चाहास्यान रा नाव ईदा माळेव.

4 जो लॉकुर तान वशिवास इक त्यागस बुळतार आंदरी मात पश्चाताप माळोर साटी ह्यांग तनकु आग सकतद, आंदुर ऊंद घन परमेश्वर उन प्रकाश दा ईरोर, आंदुर स्वर्ग इन उपहार नेकदुर अदकि पवतिर आत्मा अन्द तान हिसिा हासलि माळदुर, 5 अदकि परमेश्वर उन वळलीद वचन इन अदकि बरावाळा दुनयिा अन सामर्थ्य अन अदकि आंदुर परमेश्वर उन वचन याट वळलीद आद ईदुरद अनुभव माळ्यार. 6 अगर आंदुर आंदुरद वशिवास देल भटकुसेदार रा आंदरी मन तरिगुसोर साटी मातत वापस तरोद असंभव आद; यतकी आंदुर परमेश्वर उन पार उक मातत कूस मा येरसतार, तथा आऊक सारवजनकि रूप देल अपमान इन वषिय बनसतार.

7 आ धरती जो हमेशा बळिवाळा बरसात इन नीर इक सोक्स बुळतद, जो जोतसावाळेर अदकि बोऊसावाळेर साटी उपयोगी फसल प्रदान माळतद, अद मुण्ण परमेश्वर से आशीष ताकोमतद. 8 लेकीन आ धरती मुळल अदकि घासपुस पैदा माळतद, रा अद बेकार इन आद अदकि अद परमेश्वर उन दी टु श्रापति आगदुर मा आद अदकि अदुरद अनत होताककु आगोद हुन.

9 हे पर्यि संगीगोळा, नाव भला ईतता प्रकार इन मातगोळ चाहसतेव लेकीन नीम बारा दा नामी ईदुर से भी वळलीद मातगोळद आत्मवश्रिवास आद अव मातगोळ जो नीम वश्रिवास से जुळसकु आव. 10 नीव परमेश्वर उन लॉकुरद लगातार मदत माळतेला जो प्यार तोरसीर, अदरी अदकि नीम दुसरा क्यालसागोळी परमेश्वर यागलु मारूतीदलि, आव अन्यायी हॅलेच. 11 नाव चाहसतेव की नीम दा टु हर ऊंद आखरी ताका हगि अच मेहनत माळतेला ईरूल, ताकी नीव नश्रिचय अदरी हासलि माळ सकीर यदुरद नीव आशा माळतेला ईतीर. 12 नाव चाहसालेव कॅ नीव आलसी आगेगी, बल्की आंदुरद अनुकरण माळी जो वश्रिवास अदकि धीरज इन सांगुळ आ वस्तुगोळी हासलि माळतेयार यऊरद परमेश्वर प्रतगिया माळयान.

परमेश्वर उन अटल प्रतगिया

13 परमेश्वर अब्राहम से प्रतगिया हाळाहोती याग करिया तीनोर साटी यारीकु तान से धोडडेव नोळीदील, रा तांद अच करिया तदिन, 14 अदकि अंदुन "ना सही दा नीनी हापाळ आशीष कोळाईन, अदकि नीनी अनेक वंशज कोळाईन." 15 अदकि ईतता रीतदिल अब्राहम धीरज हुडुकु परमेश्वर उन माळद प्रतगियागोळी हासलि माळदुन. 16 मंळसा रा तान से यातारा धोडडेव मंळसा अन करिया तीनतार, अदकि अद करिया सप्पा तरक वरितकगोळद अनंत माळकु जो येनारा अंदकु आगतद, अदरी पक्का माळ बुळतद. 17 परमेश्वर उन माळद प्रतगिया अक हासलि माळावाळेर इक परमेश्वर सपष्ट माळकोमोद चाहसतान कॅ आव तान उददेश इक यागलु बदलुसालुन इदुरसाटी आव तान प्रतगिया अन सांगुळ तान करिया अक जोळस बुट्टुन. 18 ईल येदुद मातगोळ आव आऊन प्रतगिया अदकि आऊन करिया जो यागलु बदलुस सकालव, अदकि यऊर बारा दा परमेश्वर यागलु ख्वाटा माताळ सकालुन. इदुरसाटी नाव जो परमेश्वर उन हात्ती सुरक्षा ताकोमोर साटी बंदेव, अदकि जो आशा आव नामी कोटान अदरी हुडुकु हापाळ उत्साहीत आयेव. 19 अद आशा नाम जीव इन साटी ईतता लंगर आद जो स्थरि अदकि मजबूत आद, अदकि परदा अन बुळक इन पवतिर जागा ताका पहुचुसतद, 20 यल यीशु नाम दी टु नाम से पयले प्रवेश माळदुन, अदकि मलकिसिदिक इन परंपरा दा हमेशा हमेशा साटी प्रमुख याजक बनसेदुन.

## 7

मलकिसिदिक याजक

1 ईव मलकिसिदिक शालेम इन राजा ईरोन, अदकि परमप्रधान परमेश्वर उन याजक ईरोन. याग अब्राहम नाक राजागोळी युद्ध दा पराजीत माळकु वापस आगोन आग मलकिसिदिक अब्राहम उक सकिदुन अदकि आऊक आशीष कोटदुन. 2 अदकि अब्राहम आ सप्पा दा टु जो आव युद्ध दा जीकसीदुन अदुरद दसवा हसिसा कोटदुन. मलकिसिदिक उन हेसुर इन पयला मतलब आद न्यायीपन इन राजा, अदकि अदुरद ईद भी मतलब आद, "शालेम उन राजा" मतलब "शांती इन राजा." 3 यार आपप, मॉय, अदकि पुर्वजगोळद यातोदु इतहास सकाल, आऊन जनम या मृत्यु उन भी यातोदु उल्लेख हॅलेच; लेकीन परमेश्वर उन पार उन घाई इच हमेशा अन साटी याजक बनसकु ईरतान.

4 थ्वाळासा वचिर माळी कॅ आव याट महान ईरोन यारी कुलपती अब्राहम युद्ध दा हासलि माळद माल इन दसवा हसिसा कोटदुन. 5 अदकि लेवी इन वंशज दा टु जो याजक इन पद हासलि माळतार, आंदरी व्यवस्था अन अनुसार आग्याद सकियाद कॅ इस्राएल इन लॉकुर से मतलब तान खुद इन लॉकुर से, दसवा हसिसा ताकोम बाक आंदुर अब्राहम उन वंशजगोळद भी वंशज येती आगबाळुल. 6 लेकीन मलकिसिदिक, जो लेवी वंशज दाकळव भी ईला ईरोन, अब्राहम से दसवा हसिसा ताकोडुन, अदकि आ अब्राहम उक आशीषगोळ कोटदुन यार हात्ती परमेश्वर उन प्रतगियागोळ ईरव. 7 इदुरदा येनु शक हॅलेच कॅ जो आश्रिवाद कोळतान आव आश्रिवाद ताकोमावाळा से धोडडेव ईरायदुन. 8 यल ताका लेवीगोळ सवाल आद आंदुर दा दसवा हसिसा आ मंळसागोळ द्वारा संघरसकु आगतद जो मंळसागोळ सायतार लेकीन मलकिसिदिक उन यल ताका सवाल आद दसवा हसिसा आऊन द्वारा संघरसकु आगाईत जो शास्त्र अन अनुसार ईंग भी जतिता आन. 9 रा नाव ईद भी अन सकेतेव कॅ लेवी भी, जो दसवा हसिसा ताकोमतान, अब्राहम उन द्वारा दसवा हसिसा कोटदुन. 10 यतकी याता समय मलकिसिदिक अब्राहम से भेट माळीदुन, आग रा लेवी इन जनम भी ईला आगति आव रा तान पुर्वजगोळद शरीर दा ईरोन.

11 अगर लेवी याजकता अन परंपरा अन द्वारा संपूरणता हासलि माळकु आग सकोद रा यावारा दुसरा याजक उन बरोद अच येन जरवत ईरोद? यतकी ईदुर दा आधार मा लॉकुरी व्यवस्था भी कोटकु आगति, ऊंद हगि याजक उन येन जरवत ईरोद जो मलकिसिदिक उन परंपरा नव ईरूल ना कॅ हांरुन उन परंपरा नव. 12 यतकी याग याजक उन पद बदलुसेगतद, रा व्यवस्था अन भी बदलुसोद जरूरी आद. 13 यतकी नाम प्रभु उन बारा दा ईव मातगोळ अनकु आगताव कॅ आव दुसरा गोत्र इनव हून, यार गोत्र दा टु याऊ याजक उन रूप दा वेदी इन स्यावा माळीदलि, 14 रा प्रगट आद कॅ नाम प्रभु यहूदा अन गोत्र दा टु पैदा आगयान, अदकि ई गोत्र अन बारा दा मूसा याजक पद इन येनु चर्चा माळीदलि.

मलकिसिदिक उन घाई दुसरा याजक

15 नाम दावा मातत सपष्टता देल प्रगट आगेगतद, याग मलकिसिदिक उन घाई दुसरा याजक पैदा आगतान, 16 जो शरीरक आग्यागोळ अन नयिमगोळ अनुसार ईला, लेकीन अवनिशी जीवन इन सामर्थ्य अन अनुसार याजक बनसयान. 17 यतकी शास्त्र अनतद, "नी मलकिसिदिक उन रीत मा युगानुयुग याजक आय." 18 पयला नयिम इदुरसाटी र्द माळकु आत, यतकी अद कमजोर अदकि व्यर्थ ईरोद. 19 इदुरसाटी कॅ मूसा अनद व्यवस्था

यारीकु पुरा सदिध माळ सकदील. अदकि ईग आऊन जागा मा ऊंद हगि वळ्लीद आशा ईटकु आग्याद यदुर द्वारा नाव परमेश्वर उन हात्ती होग सकतेव.

20 मसीह अन नयिकृती परमेश्वर उन करिया अन्द द्वारा आत लेकीन दुसरा अक बनिा करिया अन्द अच याजक माळकु आगीत.

21 \*लेकीन यीशु आग ऊंद करिया देल याजक बनसीदुन, याग परमेश्वर आऊन से अंददिन, "प्रभु करिया तदिान अदकि आव तान मन यागलु बदलुसतदील, 'नी हमेशा साटी याजक बनसकु इंत्या.'"

22 ई करिया अन कारण यीशु मात्त ऊंद वळ्लीद वाचा अन्द हमी बनसेदुन.

23 ईग नोळी, हगि हापाळ सा याजक ईरतोगोर लेकीन आंदरी मृत्यु आंदुर पदगोळ मा कायम ईर गोटीदील, 24 लेकीन यीशु अमर आन, अदकि आऊन याजक इन कयालसा हमेशा हमेशा साटी बनसकु ईरोदाद. 25 इदुरसाटी जो आऊन द्वारा परमेश्वर उन हात्ती बरतार, आव आंदुर पुरा रीतदि ल उद्धार माळदुर दा समर्थ आन यतकी आव परमेश्वर से आंदुर साटी वनिती माळली हमेशा जतिता आन.

26 हगिा महायाजक नाम जरवतगोळी पुरा माळ सकतान. आव पवतिर आन, आव नरिदोष आन अदकि आऊन दा यातोदु पाप हैलेच, आव पापीगोळ से भी ब्यारर माळकु आग्यान, अदकि स्वरग से भी आऊक मयाकुच नेगुकु आग्याद. 27 आ दुसरा महायाजकगोळ घाई आऊक जरूरी हैलेच कि हर रोज पयले तान पापगोळी अदकि बाक लांकुर पापगोळ साटी बलदिान येरसुल; यतकी आव तान तान इक बलदिान येरसकु अदरी ऊंद अच घन दा पुरा माळ कोडुन. 28 मूसा अन्द व्यवस्था मळसागोळी जो पुरा हैलेच आंदरी महायाजक नयिकृत माळतद, लेकीन परमेश्वर उन प्रतगिया आऊन करिया अन सांगुळ बनसकु आग्याद ईद प्रतगिया व्यवस्था अन्द बाददा बंदाद अदकि ई प्रतगिया प्रमुख याजक उन रूप दा पार उक नयिकृत माळ्याद जो हमेशा हमेशा साटी आद अदकि परपुरिण बनसकु ईरतद.

## 8

यीशु नाम महायाजक

1 ईग जो मातगोळ नाव अनतेव आंदुर दा टु अदुरदा सब से धोळद मात ईद आद कि नाम इतता महायाजक आन, जो स्वरग मा महा महिमा अन्द सहिसन इन ऊमा कय दी होगकु कुरतान, 2 अदकि पवतिर जागा दा मतलब खरा तम्बू दा यदरी परमेश्वर स्थापति माळयान ना कि मळसा, आ जागा दा आव महायाजक कयालसा माळतान. 3 यतकी हर ऊंद महायाजक भेट अदकि बलदिान येरसोर साटी ठहरसकु आगतान, ईद कारण जरूरी आद कि ई याजक उन हात्ती भी येनारा येरसली ईरुल. 4 अगर आव पृथ्वी मा ईरायदुन रा यागलु याजक ईला आगायदुन, यतकी अल पयले टु अच हगि याजक आर जो यहूदी व्यवस्था अन्द अनुसार भेट येरसतार. 5 जो याजकपन इन कयालसा आंदुर माळतार, अद स्वरग दा जो आद अदुरद ऊंद सावली अदकि प्रतीकृती आद. ईद हागा प्रकार आद याग मूसा पवतिर तम्बू उन नरिमाण माळावाळा अच ईरोन आग परमेश्वर आऊन से अंददिन, "ध्यान दा ईरुल कि नी हर चीज बराबर अदा प्रतरूप इन अनुसार माळ जो नीनी पहाळी मा तोरसकु आगीत." 6 लेकीन आ याजकगोळ से वाळसकु स्यावा यीशु उक सकित यतकी आव मात्त वळ्लीद-वळ्लीद वाचा अन मध्यस्थ ठहरसदुन, जो मात्त वळ्लीद प्रतगियागोळ आसरा देल कटकु आग्याद.

7 यतकी अगर अद पयला वाचा नरिदोष ईराईत, रा दुसरा वाचा साटी येनु जरवत ईला ईराईत. 8 लेकीन परमेश्वर उक आ लांकुर दा दोष सकित अदकि आव अनतान, "प्रभु अनतान, नोळी, अव दिन बरताव कि ना इस्त्राएल इन लांकुर सांगुळ, अदकि यहूदा अन्द लांकुर सांगुळ व्हाशोद वाचा कटाईन. 9 ईद आ वाचा अन घाई ईरतीदील, जो ना आंदुर आपु-दादागोळ सांगुळ आ समय कटकु आगीत, याग ना आंदुरद कय हूळकु आंदरी मसितर दयाश टु तेगुकु तंदीन; यतकी आंदुर नान वाचा मा वशिवासयोग्य ईतीदील यदरी ना आंदुर सांगुळ कटीदिन, अदकि इदुरसाटी ना आंदुर मा ध्यान हचीदलि. 10 बाक प्रभु अनतान, कि जो वाचा ना आ दनिगोळ बाददा इस्त्राएल इन घराना अन सांगुळ कटाईन, अद ईद हुन कि ना तान व्यवस्था अक आंदुर मनगोळ दा हाकाईन, अदकि अदरी आंदुर दलिगोळ मा लखिसाईन, अदकि ना आंदुर परमेश्वर ठहरसाईन अदकि आंदुर नान लांकु ठहरस्यार. 11 अदकि यावारा भी तान संगीगोळी अदकि मान्ना हात्तीवाळेर वारटुर इक ईद शकिषा कोळतीदील, किनी प्रभु उक अरु, यतकी स्याण हाती टु धोड्डेर ताका सप्पा नानी अरत कोडार. 12 ना आंदुर पापगोळी माफ माळाईन अदकि यागलु आंदुर पाप याद ईटतदिनि." 13 ई वाचा अक व्हाशोद अंदकु आव पयला वाचा अक हाळोद माळ वुदटुन अदकि जो हाळोद अदकि जीरण आगोतद अद रा बाक राटनेरी गायव आगेदीत.

## 9

पृथ्वी अदकि स्वरग इन आराधना

1 ईग नोळी आ पयला वाचा दा भी उपासना माळोद नयिम ईरव, अदकि ऊंद उपासना अन्द जागा ईरोद जो मळसा अन द्वारा माळकु आगीत. 2 ऊंद तम्बू माळकु ईरोद, यदुरद पयला कमरा दा दगिया ईटोद जागा, अदकि मेज अदकि परमेश्वर उक भेट माळव रोटीगोळ ईरव; अदकि आ जागा अक पवतिर जागा अंदकु आगतोगोद. 3 दुसरा परदा अन हदि मात्त ऊंद कमरा ईरोद, यदरी परम पवतिर जागा अंदकु आगतोगोद. 4 ईऊर दा सुगन्धति धूपदानी इन

साटी व्हांनना अन वेदी, अदकि व्हांनना देल मळ्हुसद वाचा अनूद संदुक ईरोद ई संदुक दा व्हांनना अनूद माळ्द मन्ना अनूद ऊंद जार ईरोद, अदकि ह्णून उन आ छळी ईरोद यदुर मा अंकुर वेळ्दीदव अदकि येदूद कल्ल यदुर मा आग्यागोळ लखिसकु ईरव. <sup>5</sup> संदुक इन म्याकुच परमेश्वर उन उपस्थिती इन प्रतिक मतलब करूब बन्सकु ईरव जो तान पक्कागोळी फैलुसकु माफ अन जागा मा सावली माळ्तोगव. लेकीन ई समय नाव ईव मातगोळ्द वसितार देल चर्चा माळ सकालेव.

<sup>6</sup> सप्पा येनारा संची आगदुर बाद्दा याजक पयला कमरा दा हर रोज प्रवेश माळ्हुक तान स्यावा अनूद कार्य पुरा माळोर साटी होगतोगोर. <sup>7</sup> लेकीन परदा अन बुळ्क इन दुसरा कमरा दा सरिफ प्रधान याजक अच साल दा ऊंद अनली प्रवेश माळ्तोगोन, आव बनिा आ रक्ता अन यागलु प्रवेश ईला माळ्तोगोन यदरी आव तान द्वारा अदकि तान लॉकुर द्वारा अनअजाना दा माळ्द पापगोळ साटी परमेश्वर उक भेट येरसदतोगोन. <sup>8</sup> ईदुर द्वारा पवतिर आत्मा सप्पट रीत दिल ईद कलसतद कियोगासताका ताका पयला तम्बू नदिरकु आद आगासताका ताका परम पवतिर जागा अनूद हादी ईगासताका तेरकु ईला ईरोद. <sup>9</sup> ईद ऊंद तम्बू हून जो वर्तमान समय इन साटी ऊंद उदाहण आद; मतलब यदुरदा उन ईत्ता भेट अदकि बलदान येरसदुर बाद्दा भी आराधना माळावाळेर मन सदिध आग सकालेव. <sup>10</sup> ईद रा सरिफ तनिोद कुडोद अदकि अलग-अलग प्रकार इन सुधकिरणगोळ्द वधीगोळ हुव. अद तम्बु यदुर दा आव स्यावा माळ्तान अद यक्कुल वळ्लीद परपिण तम्बु हून अद मळसागोळ्द कय इन माळ्द तम्बु आल्लच अदकि अद ई संसार इन नरिमती इन भाग आल्लच.

<sup>11</sup> लेकीन जो मातगोळ पयले टु अच ईल आव हगि वळ्लीद वस्तुगोळ्द याग मसीह पयले टु प्रधान याजक बन्सकु वंदान. रा आव मात्त यक्कुल धोळ्द अदकि सदिध तम्बु टु आगकु, जो मळसा अन कय ईद बन्सकु ईला मतलब ई सप्पटी इन ईला, <sup>12</sup> अदकि व्हातगोळ अदकि वस्तागोळ रक्ता अन द्वारा ईला लेकीन तांद अच रक्ता अन द्वारा, मसीह ऊंद अच घन तम्बु दा टु आगतेला महापवतिर जागा दा प्रवेश माळ्दुन अदकि नाम साटी पापगोळ देल अनन्त छटकारा प्राप्त माळ्दुन. <sup>13</sup> यतकी याग व्हातगोळ अदकि वस्तागोळ्द रक्ता अदकि होदद पाडगोळ्द राकळ इक वधी इन अनुसार अशुधद लॉकुर मा छळिकुसदुर देल आंदुर शुद्ध आगगतार अदकि वधी इन अनुसार आंदुर अशुधदता व्हार्यागोळ्द रीत दिल होतगतद. <sup>14</sup> याग ईद सही आद रा मसीह अन रक्ता याट प्रभावशाली ईतीदाद, आव अनन्त आत्मा अन द्वारा तान तान इक ऊंद संपूर्ण बली इन रूप दा परमेश्वर उक समरपति माळ्दुन. रा आऊन रक्ता नाम चेतना अक आ कर्मगोळ्द देल कोळसुसति जो मृत्यु दी ओयतार कानाव जतिता परमेश्वर उन स्यावा माळ सककेव.

<sup>15</sup> ईदा कारण मसीह ऊंद व्हाशोद वाचा अनूद मध्यस्थ आदुन, ताकी यारी परमेश्वर उन द्वारा कारूक आग्याद आंदुर परमेश्वर उन प्रतगिया माळ्द अनन्त आशषिगोळ्द वारीस आग सकूल. ईग नोळी पयला वाचा अन हात्ती ता दा माळ्द पापगोळ से मुक्त माळोर साटी फरिती इन रूप दा आव तान जीव कोट बुटान. <sup>16</sup> यल ताका वसीयत नामा अन सवाल आद रा अदुर साटी याव आऊक माळ्यान आऊन मृत्यु उक प्रमाणति माळोद जरूरी आद. <sup>17</sup> यतकी यातोदारा भी वसीयत नामा सरिफ आगा प्रभावति आगतद याग अदुरद लखिसावाळा अन मृत्यु आगगतद, यागासताका अदुरद लखिसावाळा जतिता ईरतान रा अदुरद यागलु प्रभावति बळाल. <sup>18</sup> इदुरसाटी पयला वाचा भी रक्ता अनूद इस्तेमाल द्वारा प्रभावति आत. <sup>19</sup> पयले मूसा याग व्यवस्था अन वधान इन सप्पा आदेशगोळी सप्पा लॉकुरी घोषणा माळ कोडान रा आव नीर इन सांगुळ व्हातगोळ्द अदकि पाडगोळ्द रक्ता अक क्युचांद इन अदकि हिसिप इन डगालगोळ्द देल व्यवस्था अन कतिब अदकि सप्पा लॉकुर मा छळिकुस बुटीदुन. <sup>20</sup> अदकि आव अंददिन, "ईद आ वाचा अन रक्ता हून, यदरी पालसोद आग्या परमेश्वर नीमी कोटान." <sup>21</sup> अदकि ईदा रीत दिल आव तम्बू अदकि उपासना माळोद सप्पा वस्तुगोळ्द मा रक्ता छळिकुसदुन. <sup>22</sup> वास्तव दा व्यवस्था अन अनुसार लगभग रक्ता द्वारा अच सप्पा वस्तुगोळ्द शुद्ध आगताव, अदकि बनिा रक्ता वाहुसद पापगोळी माफ ह्हेलेच.

मसीह अन बलदान द्वारा पाप-माफ

<sup>23</sup> रा बाक ईद जरूरी आद कानाव वस्तुगोळ्द जो स्वर्ग इन प्रतकृती आव अवरी जनावरगोळ्द बलदानगोळ से शुद्ध माळ्हुक आगुल लेकीन स्वर्गा टु वस्तुगोळ्द रा ईऊर से भी वळ्लीद बलदानगोळ्द देल शुद्ध माळ्हुक आगोद अपेक्षा माळतद. <sup>24</sup> यतकी मसीह मळसागोळ्द कय इन माळ्द पवतिर जागा दा, जो खरा पवतिर जागा अन नमुना आद, प्रवेश माळीदलि लेकीन स्वर्ग दा अच प्रवेश माळ्दुन, ताकी नाम दी टु परमेश्वर उन मुंद प्रगट आगुल. <sup>25</sup> ईद ईला कानाव तान तान इक घळी-घळी बली येरसुल, ह्यांग कानाव महायाजक हर साल पशुगोळ रक्ता हुडुकु पवतिर जागा दा प्रवेश माळ्तान, <sup>26</sup> ईलारा दुनिया अन उत्पत्ति टु हुडुकु मसीह अक घळी-घळी दुख नेगोद बाळ्डीत; लेकीन ईग युग इन अनन्त दा आव ऊंद अच घन सप्पा मुंदुर साटी प्रगट आग्यान, ताकी तांद अच बलदान इन द्वारा पाप इक दुर माळ्दुल. <sup>27</sup> अदकि ह्यांग मळसागोळ्द साटी ऊंद घन सायोद अदकि अदुर बाद्दा परमेश्वर उन द्वारा न्याय इन आगोद तय आद, <sup>28</sup> हांग अच मसीह भी हापाळ मळसागोळ्द पापगोळी नेगोर साटी ऊंद घन बलदान आदुन; अदकि जो लॉकुर आऊन हादी कायतार आंदुर उदधार इन साटी ईग आव दुसरा घन प्रगट आदान रा पापगोळी दुर माळोर साटी ईला बळकी जो आऊन हादी कायतार आंदरी उदधार कोळोर साटी.

## 10

<sup>1</sup> व्यवस्था रा बरावाळा वळ्लीद मातगोळ्द सरिफ सावली हून, लेकीन अद आ वास्तविक मातगोळ्द सप्पा अदकि वास्तविक मातगोळ्द दाखला ईला. इदुरसाटी अवा बलगोळ्द द्वारा यवरी लगातार हर साल अनन्त रूप देल

येरसकु आगतद, आराधना अन साटी हात्ती बरावाळेर इक हमेशा साटी सम्पूर्ण सदिध माळकु आगसकाल. <sup>2</sup> अग्र हांगि आग सकाईत रा येन अऊरद येरसकु आगोद बंद ईला आगोईत? यतकी बाक रा उपासना माळावाळेर ऊंदा घन दा हमेशा साटी पवतिर आगोयदुर अदकि तान पापगोळ साटी बाक यागलु तान इक दोषी ईला समसायदुर. <sup>3</sup> लेकीन हर साल येरसद बलगिळोळ मंळसागोळी आंदुर पाप याद तोरसतद. <sup>4</sup> यतकी वस्तागोळ अदकि वहातगोळद रक्ता पापगोळी दुर माळल, ईद संभव हौलेच.

<sup>5</sup> इदुरसाटी याग मसीह दुनिया दा बंदीदुन रा आव अंददिन, “नीनी याऊ बलदिन अदकि भेट चाहासीदलि, लेकीन नी नान साटी ऊंद शरीर तयार माळद.”

<sup>6</sup> अग्न-बलगिळोळद अदकि पाप-बलगिळोळ देल नी खुश आगीदील.

<sup>7</sup> आग बाक ना अंददिन, अदकि ह्यांग व्यवस्था अन कतिब दा भी लखिसकु आद, “ना ईल आईन, हे परमेश्वर, नीन इच्छा पुरा माळोर साटी बंदीन.”

<sup>8</sup> आव पयले अंददिन, “बलगिळोळ अदकि भेट, अग्न-बलगिळोळद अदकि पापबलीगोळ नी चाहसाल अदकि ना रा नी अऊर से खुश आगीद.” तरी भी व्यवस्था ईद चाहासतद कि आव येरसकु आगुल. <sup>9</sup> बाक आव अंददिन, ना ईल आईन, नान नीन इच्छा पुरा माळोर साटी बंदीन, रा आव दुसरा व्यवस्था अक स्थापति माळोर साटी पयला रदद माळ बूळतान. <sup>10</sup> परमेश्वर उन इच्छा देल नाव यीशु मसीह अन शरीर इन पयला अच घन बलदिन येरसकु आगदुर द्वारा पवतिर माळकु आदेव.

<sup>11</sup> हर ऊंद याजक हर रोज नीदुरकु तान नयाय इन करतव्यगोळी पुरा माळतान, अदकि ऊंद अच प्रकार इन बलदिन इक जो पापगोळी यागलु दुर माळ सकालव घळी-घळी येरसतान. <sup>12</sup> लेकीन मसीह रा याजक उन रूप दा पापगोळ साटी, हमेशा साटी ऊंदा बलदिन येरसकु परमेश्वर उन ऊम्मा कय दी होगकु कुरतुन, <sup>13</sup> अदकि अदा समय टु तान वरिधीगोळी परमेश्वर उन द्वारा कालगोळद पाळसी माळकु आगोद हादी कायतयान. <sup>14</sup> यतकी आव ऊंद अच चढावा अन द्वारा आंदरी जो पवतिर माळकु आगता, हमेशा साटी पुरा सदिध माळ कोंडान.

<sup>15</sup> अदकि पवतिर आत्मा भी नामी ईदा गवाही कोळतद; यतकी अद पयले अनतद.

<sup>16</sup> “प्रभु अनतान कि जो वाचा ना आ दनिगोळ बाददा आंदुर से कटाईन अद ईद हुन कि ना तान नयिमगोळी आंदुर दलिगोळ मा मंळसाईन अदकि ना आंदुर मनगोळ मा लखिसाईन.”

<sup>17</sup> बाक आव ईद अनतान, “ना आंदुर पापगोळी अदकि आंदुर अनयाय इन कयाल्सागोळी बाक यागलु याद माळतीदील.” <sup>18</sup> अग्र ईदुरद पापगोळद माफ आगोय्याद, रा यातोदु बली इन येनु जरवत अच हौलेच.

बरी नाव परमेश्वर उन हात्ती होगाता

<sup>19</sup> इदुरसाटी हे वारटुरा अदकि आकतीगेरा, यतकी यीशु उन रक्ता अन द्वारा आ परम पवतिर जागा दा प्रवेश माळोद नडिर आत्मवर्शवास आद, <sup>20</sup> यारी आव परदा अन द्वारा, मतलब आऊन खुद इन शरीर इन द्वारा ऊंद व्हाशोद अदकि जित्ता हादी इन माध्यम नाम साटी तेरद बुटान. <sup>21</sup> अदकि नाम हात्ती हांगि महान याजक आन, जो परमेश्वर उन मानुना अन अर्धकारी आन, <sup>22</sup> रा बरी, नाव खरा मन अदकि पुरा वर्शवास इन सांगुळ, अदकि नामी मन इन दोष इन भावनागोळी शुद्ध माळोर साटी अदकि दलि मा रक्ता छळिकुसकु, अदकि शरीर इक शुद्ध नीर देल तोळकु परमेश्वर उन हात्ती होदेव. <sup>23</sup> बरी नाव तान आशा अन अंगीकार इक मजबूती देल हुडुकु ईततेव, यतकी याव प्रतगिया माळयान, आव वर्शवासयोग्य आन; <sup>24</sup> अदकि बरी नाव ध्यान ईटाता कि नाव प्यार अदकि वळ्तीद कयाल्सागोळद प्रती आवुर् दाबुर् इक ह्यांग मदत माळ सकतेव, <sup>25</sup> अदकि ऊंद सांगुळ सभागोळ दा बरोद तान ई आदतगोळी वळिवाळी, ह्यांग कि थवाळासा लॉकुरी अल ईला बरोद आदत बदिगोय्याद, लेकीन आवुर् दाबुरी मात्त यक्कुल प्रोत्साहित माळतेला ईरी; ह्यांग कि नीव नोळेतीर प्रभु उन दनि हात्ती बरेतयाद.

<sup>26</sup> यतकी सत्य अन पयचान हासलि माळदुर बाददा अग्र नाव जान बुडुसकु पाप माळतेला ईततेव, रा पापगोळ साटी बाक यातोदु दुसरा बलदिन मकिकु हौलेच. <sup>27</sup> उलटा बाक रा बरावाळा न्याय अदकि भीषण बेककी इन अंजक इन सांगुळ हादी कायोद अच सरिफ मकिकु ईरतद जो परमेश्वर उन वरिधीगोळी भसम माळ कोंडीत. <sup>28</sup> जो यावारा मूसा अन व्यवस्था अन पालन माळालुन, आऊन मा बनि दया माळद येदद या मुर मुंदुर गवाहगोळद गवाही मानुसकु कोदकु आगतद, <sup>29</sup> रा वरिधार माळकोमी कि आव याट मात्त भारी दण्ड इन लायक ठहरूसयान, याव परमेश्वर उन पार उक काल देल मेटदुन अदकि वाचा अन रक्ता अक, यदुर द्वारा आव पवतिर ठहरूसकु आगीदुन, अपवतिर जानुसदुन, अदकि अनुग्रह अन आत्मा अन अपमान माळदुन. <sup>30</sup> यतकी नाव आऊक अरतेव, याव अंददिन, “बदला ताकोमोद नान कयाल्सा आद, ना अच बदला ताकोमाईन.” अदकि बाक आव ईद भी अनतान, कि “प्रभु तान लॉकुरद न्याय माळयान.” <sup>31</sup> जित्ता परमेश्वर उन कय दा बळोद भयानक मात आद.

<sup>32</sup> लेकीन आ हदिळोव दनिगोळी याद माळी, यदुर दा नीव परमेश्वर उन ऊजुळ हासलि माळकु, अदकि अदुर बाददा याग नीव मयनतगोळद सामना माळतेला कठोर संघर्ष दा मजबूती इन सांगुळ बनसकु ईततीर. <sup>33</sup> आग यागल्यारा रा सप्पा लॉकुर मुंद नीमी अपमानीत अदकि सतुसकु आत अदकि यागल्यारा यार सांगुळ हांगि बरताव माळकु आगतोगोद, नीव आंदुर साथ कोट्टीर. <sup>34</sup> यतकी नीव कैदीगोळ दुख दा भी सहभागी आदीर, अदकि तान संपत्ती भी खुशी देल लुटुस गोट्टीर; ईद जानुसकु कि नीम हात्ती ऊंद मात्त वळ्तीद अदकि हमेशा ठहरुसावाळा संपत्ती आद. जो हमेशा साटी बनसकु ईरतद. <sup>35</sup> इदुरसाटी तान नडिर आत्मवर्शवास वळिवाळी यतकी अदुरद प्रतफिल थोळद आद. <sup>36</sup> यतकी नीमी धीरज ताकोमोद जरूरी आद, ताकी परमेश्वर उन इच्छा अक पुरा माळ सकीर अदकि जो प्रतगिया माळकु आग्याद अदरी हासलि माळीर. <sup>37</sup> “यतकी ह्यांग शास्त्र अनतद, हापाळ जलदी जो

बरावाळा आन आव बंदान आव बलिकूल समय हचतदिल. 38 नान सच्चाई देल नळावाळेर लॉकुर वश्वास देल जतिता ईततार; अदकि अगर आंदुर दा टु यावारा हदि हटस्यान रा ना आऊन से खुश ईरतीदील.”

39 लेकीन नाव आंदुर दा टु हैलेच जो हदि हटसतार अदकि नाश आगेगतर उलटा आंदुर दा टु आयेव जो वश्वास माळतार अदकि ऊळसकु आगतार.

## 11

### वश्वास

1 वश्वास इन मतलब आद यार्द आशा हचकु ईटतेव आऊन साटी नश्चिति आगोद, अदकि यातोदारा वस्तु उक नाव चाहे नोळालेव अदुर अस्ततिव अन बारा दा नश्चिति आगोद अच वश्वास हुन. 2 ईदा कारण स्याणा लॉकुर काल इन लॉकुरी आंदुर वश्वास इन द्वारा परमेश्वर उन सहमती हासलि आगति.

3 ०वश्वास देल अच नाव जान्स कोमतेव कि पुरा दुनया अनुद रचना परमेश्वर उन शब्द अन द्वारा आग्याद. इदुरसाटी जो माळद मातगोळ दृश्य आव, अव दृश्य देल अच बनसीदील.

4 वश्वास इन द्वारा अच हावील परमेश्वर उक कैन से वळलीद बलदान येरसीदुन, अदकि आऊन वश्वास इन द्वारा अच सच्चाई देल नळावाळा मंळसा आगोद सहमती परमेश्वर से हासलि माळदुन; यतकी परमेश्वर खुद अच आऊन दानगोळी सहमती कोट्टुन. ईदुर मतलब हाबलि वश्वास इन कारण अच ईद भी माताळतान, याग कि आव सोतोग्यान.

5 वश्वास देल अच हनोक नेगु आदुन कि मृत्यु उक नोळवाळुल, अदकि आऊक याऊ हुंदस सकादील यतकी परमेश्वर आऊक म्याकुच नेगु कौडीदुन, शास्त्र अनतद कि हनोक उन म्याकुच नेगा से पयले आव परमेश्वर उक प्रसनन माळीदुन. 6 अदकि वश्वास बनि परमेश्वर उक खुश माळोद असंभव आद; यतकी जो परमेश्वर उन हात्ती बरतान आऊक वश्वास माळ पाहीजे यतकी परमेश्वर उन अस्ततिव आद अदकि आंदरी प्रतफिल कोळतान जो आऊक हुंदसतार.

7 वश्वास इन कारण देल अच नूह अक याग परमेश्वर उन द्वारा अव भवषिय अन मातगोळद बारा दा चेतावनी कोटकु आगति जो आव नोळीदुन भी ईला, रा आव पवतिर अंजक पूरक तान परवार इक ऊळसोर साटी ऊंद इवांगा अन नरिमाण माळीदुन. परिणाम स्वरूप आऊन वश्वास इन द्वारा अच आव दुनया अक दोषी ठहरसदुन; अदकि वश्वास इन द्वारा परमेश्वर से बरावाळा न्यायीपन इक हासलि माळदुन.

8 वश्वास देल अच अब्राहम उक याग परमेश्वर कारदुन रा आग्या मानसकु ईतता जागा दा होतोदुन यदुरद परमेश्वर प्रतगिया माळीदुन; अदकि आव ईला जानसोन कि आव यल होगेत्यान, तरी भी तान द्याश बटि बुट्टुन. 9 वश्वास इन कारण अच प्रतगिया माळद धरती मा आव ऊंद अनजाना परदेशी घाई तान मानना माळकु नवािस माळदुन. आव तम्बूगोळ दा हांगा ईततुन ह्यांग इसहाक अदकि याकूब ईतदुर जो आऊन सांगुळ परमेश्वर उन अदा प्रतगिया अन उत्तराधिकारी ईरोर. 10 अब्राहम आ नगर इन हादी कायोन, यदरी परमेश्वर आकार कोटकु माळदुन अदकि हमेशा मजबूत ईरावाळा पायवा हाकदुन.

11 वश्वास इन कारण अच अब्राहम जो हापाळ बाट्ट आगेगदिन अदकि सारा जो खुद वांझला ईरोर, लेकीन आक परमेश्वर वा वश्वास माळदुर कि आव आकनि प्रतगिया पुरा माळतान अदकि अब्राहम आप्प बनसेदुन. 12 ईद कारण अब्राहम देल अच, जो सोत्तुर घाई ईरोन, आकाश ईनव तारागोळ अदकि समुद्र अन धुळा घाई अनगनित वंशज पैदा आदुर.

13 वश्वास इक तान मन दा हुडुकु ई सप्पा लॉकुर सोतोदुर; याता वस्तुगोळद परमेश्वर प्रतगिया माळीदुन आंदुर ई वस्तुगोळ हासलि माळीदलि, आंदुर बस अवरी दुर टु ना नोळदुर अदकि अऊरद स्वागत माळदुर अदकि आंदुर ईद खुला हिसाब देल मान्स कोडुर कि आंदुर ई धरती मा परदेशी अदकि अनजाना आर. 14 आ लॉकुर जो ईतता मातगोळ अनतार, आंदुर ईद तोरसतार कि आंदुर ऊंद ईतता द्याश इन खोज दा आर जो आंदुरद खुद इन आद. 15 जो द्याश आंदुर बटिगार अदुर बारा दा आ लॉकुर वचिार माळतेला ईरालुर, अगर वचिार माळतेला ईरायदुर रा आंदरी मातत वापस बरोद मौका ईराइत. 16 लेकीन आंदुर ऊंद वळलीद मतलब स्वरगीय द्याश इन अभलाषी आर; इदुरसाटी परमेश्वर आंदुर परमेश्वर कहलुसली सरमुसालुन, यतकी आव आंदुर साटी ऊंद नगर तयार माळयान.

17 वश्वास इन कारण अच अब्राहम, याग परमेश्वर आऊन परीकषा ताकोमोन, तान पार इसहाक उक बलदान इन रूप दा भेट कोट्टुन; अब्राहम आव ईरोन या से परमेश्वर प्रतगिया माळीदुन तरी भी आव तान ऊंद टैसा पार उक बली येरसोर साटी तयार ईरोन. 18 रा इदुरसाटी परमेश्वर आऊन से अंददिन, “इसहाक उन द्वारा अच नीन वंश वाळुसति.” 19 अब्राहम वचिार माळीदुन परमेश्वर इसहाक उक सोत्तुर दा टु भी जतिता माळ सकतान, अदकि हांग नोळकु आगुल रा ऊंद प्रकार देल अब्राहम इसहाक उक मृत्यु दा टु मातत वापस नोळदुन.

20 वश्वास देल अच इसहाक याकूब अदकि एसाव उक आंदुर भवषिय अन बारा दा आशीष कोट्टुन.

21 वश्वास देल अच याकूब साया होती यूसुफ उन येदुहु पारगोळ दा टु ऊंद ऊंद पार उक आशीष कोट्टुन, अदकि तान कोल इन सहारा ताकोमकु परमेश्वर उन आराधना माळदुन.

22 वश्वास देल अच यूसुफ, याग आव सायदुर मा ईरोन, रा इस्त्राएलगोळी मस्तिर टु होटकु होगोद बारा दा माताळीदुन, अदकि तान अस्थीगोळ सांगुळ येन माळ पाहीजे अदुर नरदिश हेळीदुन.

23 वशिवास देल अच मूसा अन मोय आप्प आऊक पैदा आगदुर बाददा मूर तगिळ ताका होचकोमकु ईटदुर; यतकी आंदुर नोळदुर, कचिगिद सुंदर आद, अदकि आंदुर राजा अन्द आग्या मुरदुर देल अंजीदलि.

24 वशिवास देल अच मूसा धोडडेव आगकु फरिन उन पोर इन पार अंदकु आगली इनकार आदुन. 25 इदुरसाटी क्क आऊक पाप दा थवाळासा दनि इन सुख भोगसुदुर देल परमेश्वर उन लॉकुर सांगुळ दुख भोगसोद यककुल वळ्ळीद हत्त. 26 अदकि मसीह अन कारण ननिदीत आगली मसि्त्र अन भंडार देल धोळ्द धन सम्सदुन: यतकी आऊन कण्ण भवषिय अन प्रतफिल हासलि माळदुर दी हतकु ईरव.

27 वशिवास देल अच राजा अन सट्टि देल बनि अंजकु मूसा मसि्त्र अक वटि वुट्टुन, यतकी मान्सी क्क आऊक अदृश्य परमेश्वर काळसोन. 28 वशिवास देल अच आव फसह अन हाव्वा अदकि कवाळ मा रक्ता छळिकुसोद पालन माळदुन, क्क म्त्तुय उन दूत इस्त्राएलीगोळ्द पैदा आगद पयला औलादगोळी कोंद सकबाळुल.

29 वशिवास देल अच इस्त्राएली लॉकुर क्याचांद समुदर अन आप्पाटी हगि ईळदुर, ह्यांग कविंळगीद जागा मा द्दु; अदकि याग मसि्त्रीगोळ हांग अच माळोद चाहासदुर, रा सप्पा नीर दा मुळकेदुर.

30 वशिवास देल अच यरीहो अन दवार, याग येळ दनि ताका अददुर परकिम्मा इस्त्राएलीगोळ माळदुर रा अद बदिदत. 31 वशिवास देल अच राहाव वेश्या आग्या ईला मान्सावाळर सांगुळ कोनुसुसकु आगीदील; यतकी आक इस्त्राएली गुपतचरगोळ संगीपना पूरण स्वागत माळीदुर.

32 ईग ना मात्त येन अनाईन? यतकी समय ईतीदील, क्क गदिन, वाराक अदकि शमिशोन, यफिताह, दाऊद शमूएल अदकि भवषियवक्तागोळ्द वर्णन माळाईन. 33 इंदुर वशिवास इन द्वारा अच राज्य जीकुस कोंडुर; जो सही अवा क्यालसा माळदुर; अदकि परमेश्वर प्रतगियागोळ कोट्टुन अवरी हासलि माळदुर, आंदुर हुललीगोळव बाय बंद माळ वुट्टुर. 34 बैक्की इन लपटागोळी शांत माळदुर; तलवार इन धार देल उळ्दकु होट्टुर, नरिबलता दा ताकतवर आदुर; लळाई दा वीर होट्टुर; परदेशीगोळ फौजगोळ मा वजिय हासलि माळदुर.

35 वशिवास इन द्वारा आतेर तान सोतकु रशितेदारगोळी मात्त जलिता नोळदुर; यास रा सतुसतेला कोनुसुसकु आदुर; अदकि छुटकाया चाहासीदलि; इदुरसाटी आंदुर क्क वळ्ळीद जीवन इन पुनरूथान हासलि माळ सकुल.

36 हापाळ मुंदुर मज्याक हारसकु आत; अदकि क्वाळागोळ्द सामना माळकु आत याग क्क थवाळासा मुंदुरी संकलीगोळ देल कटकु बंदीगूह दा हाक्कु आत. 37 आंदुर मा पथराव माळकु आदव, आंदरी आरी देल सळिकु येद्वद भाग माळकु आदव, आंदरी तलवार देल मौत इन घाट ईळ्ळसकु आत. आंदुर गरीब ईरोर आंदरी यातनागोळ कोटकु आदव अदकि आंदुर सांगुळ बुरा व्यवहार माळकु आत. मर्री म्यांडागोळ तोगुल हाक्कु ईत्त आत्त भटकुसतेला ईत्तुर. 38 अदकि मरूस्थल, पहाळीगोळ, गुफागोळ दा अदकि धरती इन फुटगोळ दा वयाळदुर, ई दुनिया आंदुर लायक ईला ईरोद.

39 वशिवास देल अच आंदुर वळ्ळीद लेखा जोखा ईटकु आत, तरी भी परमेश्वर उन प्रतगिया माळ्द मातगोळ आंदरी सकदील. 40 यतकी परमेश्वर नाम साटी पयले ट्टु ऊंद वळ्ळीद योजना ठहरसीदुन, आऊन उददेश ईद ईरोद क्क आंदरी भी नाम सांगुळ अच संपूर्ण सदिध माळकु आगुल.

## 12

### परमेश्वर नाम आप्प

1 यल ताका नाव गवाहगोळ्द हगि धोळ्द बादल देल घेरसकु आयेव, रा बाक बरी, हर ऊंद बादा हाकावाळा वस्तु उक अदकि आ पाप इक जो आसानी देल नामी उलझूस बुळ्दत अदरी भीट वुटेव, अदकि बरी, अद दवळ जो नामी ओळोद आद अदरी धरिज इन सांगुळ ओळेव, 2 अदकि नाम वशिवास इन कर्ता अदकि सदिध माळावाळा यीशु उन दी तान कण्णगोळी हचकु ईत्तेव. याव तान मुंद उपस्थति खुशी इन साटी क्रूस इन यातनागोळ झेलसदुन, अदुर शरम इन येनु चिन्ता माळीदलि अदकि परमेश्वर उन सहिसन इन ऊमा कय दी वरिजमान आगेदुन.

3 इदुरसाटी आऊन मा ध्यान माळी, याव तान वरिध दा पापीगोळ्द ईट वरिध सहन माळदुन क्क नीव नरिाश आगकु साहस वटि बुळ्दतदलि. 4 नीव लॉकुरी पाप इन वरिध दा संघर्ष माळतेला ईट सहन माळोद बदिदील क्क नीम रक्ता वाहुसदिद; 5 येन नीव आ प्रोत्साहन इन शब्दगोळी, यारी परमेश्वर तान चिकोर सम्सकु नीम से अंदुन, येन नीव मारतोगीर? "हे नान पारा, याग परमेश्वर नीनी सुधूसथान आग ध्यान हच, अदकि याग आव नीन ताळना माळयान रा हताश आगबाळ. 6 यतकी प्रभु यार से प्यार माळतान, आऊक सुधूसतान भी, अदकि यारी पार माळ कोमतान, आऊक दण्ड भी कोळतान."

7 नीव दुख इक ताळना सम्सकु सहन माळकोमी; परमेश्वर नीमी पार जान्सकु नीम सांगुळ बर्ताव माळतान. हगि याता पार हुन जो आप्प उन द्वारा सजा भोगसालुन? 8 अगर अद ताळना यदुर भागी सप्पा आगता, नीमद आगीदील रा नीव आऊन चिकोर आल्लच, लेकीन नीव घटया मंळसा आईर. 9 बाक याग क्क नाम शारीरिक आप्प भी नाम ताळना माळतोगोर अदकि नाव आंदुर आदर माळदेव, रा येन नाव आत्मिक आप्प उन यककुल हात्ती आगकु जीवन ईला बीतुसेव. 10 नाम शारीरिक आप्पगोळ थवाळासा समय इन साटी ह्यांग आंदुर वळ्ळीद सम्सदुर नामी ताळना माळदुर, लेकीन परमेश्वर नाम भलाई इन साटी ताळना माळतान यदुर देल नाव आऊन पवतिरता अन सहभागी आग सककेव. 11 वर्तमान दा हर ऊंद प्रकार इन ताळना आनन्द इन ईला, लेकीन अद दुखद हततद; तरी भी जो अदरी सहन माळ-माळकु पक्का आगेग्यार, बाददा आंदरी न्यायीपन इन जीवन अदकि शांती इन प्रतफिल हासलि आगतद.

उपदेश अदकि चेतावनी

12 इदुरसाटी थक्स क्यगोळी नेगी अदकि नरिबल ट्वांगारगोळी मजबूत माळी, 13 अदकि तान कालगोळ साटी सीधा हादी माळी कि लंगळा भटकूस बाळुल लेकीन भला चंगा आगेगुल.

14 सप्या मुंदुर सांगुळ शांती इन सांगुळ ईरली अदकि पवतिर जीवन जीऊसोर साटी हर प्रकार देल पर्यतनशील ईरी, यतकी इदुर बनि यावारा भी प्रभु उक नोळ सकतीदलि. 15 तान तान इन सावधानी माळी, ताकी यावारा परमेश्वर उन अनुग्रह देल हींद होगबाळुल. अदकि यावारा भी केंय खांदी घाई बाळुस बाळुल, यतकी आदुर जहर देल यातोदारा झगळा उत्पन्न आग ईला पाहीजे. 16 यावारा भी अनैतिक अदकि अन्यायी या एसाव उन घाई आगबाळुल याव ऊंद घन इन भोजन इन बदला तान धोळ पार आगोद अधिकार मार बुट्टुन. 17 अदुर वाददा नीव जानसतीर कि याग आव तान आप्प उन से आशीष ताकोमोद चाहासदुन रा अयोग्य आळुकु आदुन, अदकि वरल-वरलकु आव आशीष ताकोमोद कोशशि माळदुन तरी भी आऊक आऊन पाप इन मन तरिगुसोद मौका सकिदलि.

18 नीव बेक्की देल होदद आ सनिया पहाळी इन हात्ती बंदीदलि, यदरी महसुस माळकु आग सकोद अदकि ना रा अंधार अदकि ना रा उदासीनता अदकि बवंडर इन हात्ती बंदीर ह्यांग इस्त्राएली लॉकर बंदीदुर. 19 अदकि तुरही इन आवाज, अदकि माताळावाळेरद ईत्ता शब्द अन हात्ती बंदीदलि, यार केळावाळेर बनिती माळदुर कि ईंग नाम से मात मातगोळ माळकु आगबाळुल. 20 यतकी आंदुर आ आग्या अक सहन माळ सकीदलि: “अगर यातोदारा प्राणी भी पहाळ इक मुट्टीत रा अदुर मा कल्लगोळ भटिकु आगुल.” 21 अदकि अद नजारा हगि भयानक ईरोद कि मूसा अंदुन, “ना हापाळ अंजक्या देल अदकि नळ्गेतीन.”

22 लेकीन नीव सयियोन इन पहाळी, जित्ता परमेश्वर उन नगर, अदकि स्वर्गीय यरूशलेम अदकि हजार स्वर्गदूतगोळ आनन्द पुरण सभा दा होट बंदीर. 23 नीव परमेश्वर से पयले पैदा आगद यार हेसुर स्वर्ग दा लखिसकु आव आंदुर सभा दा पोहचुसेगीर. नीव आ परमेश्वर उन हात्ती बंदीर जो सप्या लॉकर न्याय माळतान कि न्यायी लॉकरद आत्मागोळ सदिध आगुल. 24 अदकि ऊंद व्हाशोद वाचा अन मध्यस्थ यीशु अदकि छळिकाव इन आ रक्ता अन हात्ती होट बंदीर, जो हावील उन रक्ता अन अपेक्षा वळलीद वस्तुगोळद प्रतगिया माळतान.

25 सावधान ईरी, अदकि आ अनावाळा से बाय तरिगुसवाळी, यतकी आ लॉकर याग पृथ्वी माळव चेतावनी कोळावाळा से नकार माळकु ऊळ सकीदलि, रा नाव स्वर्ग मा टु चेतावनी कोळावाळा से बाय वाकळा माळकु ह्यांग ऊळु सककेव? 26 आ समय रा आऊन शब्द पृथ्वी इक आलगाळस कोमत्, लेकीन ईंग आव ईद प्रतगिया माळयान, “ऊंद घन बाक ना सरिफ पृथ्वी इक बलकी आकाश इक भी आलगाळसकु ईट बुळाईन.” 27 ईव शब्द “ऊंद घन मात्त” आ हर वस्तु दी प्रगट माळतद कि जो मातगोळ नरिमति माळकु आग्याव अव आलगाळसकु आदव अदकि अस्थिर ईत्ताव कि जो मातगोळ आलगाळसकु आगालव अव स्थिर ईरूल.

28 इदुरसाटी बाक याग नामी हगि राज्य सक्तियाद यदरी आलगाळसकु आगाल रा बरी धन्यवादी बनसाती अदकि आदर मलिसकु अंजक इन सांगुळ परमेश्वर उन उपासना माळव कि परमेश्वर अदुर देल प्रसन्न आगुल; 29 यतकी नाम परमेश्वर भसम माळावाळा बेक्की हुन.

## 13

परमेश्वर उक ह्यांग प्रसन्न माळव

1 आवुर दाबुर दा वशिवासी वाट्टुरद प्यार बनसकु ईरूल. 2 अनजाना लॉकरद तान मान्या सत्कार माळोद मारवाळी, यतकी हगि माळतेला अच थवाळासा लॉकर अनजाना दा स्वर्गदूतगोळद स्वागत माळदुर. 3 केंदीगोळद इत्ता सुधी ताकोमी, कि मानसी आंदुर सांगुळ नीव भी कैद आईर; अदकि यार सांगुळ बुरा बर्ताव माळकु आगतद, आंदुरद इत्ता प्रकार सुधी ताकोमी, मानसी नीव भी पळीत आगेतीर.

4 मदा सब दा आदर इन मात समसकु आगुल, अदकि गांड-हगिस आवुर दाबुर सांगुळ वशिवासयोग्य ईरूल, यतकी परमेश्वर अनैतिक अदकि व्यभिचारीगोळद न्याय माळयान.

5 \*नीम स्वभाव धन से प्यार माळोद ईरबाळुल, अदकि जो नीम हात्ती आद, अदुर दा संतुष्ट ईरी यतकी परमेश्वर अंदान ना नीनी यागलु बळितीदलि, अदकि यागलु मारतीदलि. 6 इदुरसाटी नाव बेधळक आगकु अनतेव, कि प्रभु, नान सहायक आन; ना अंजालीन; मळसा नान येन माळ सकतान.

7 जो नीमोर अगुवागोळ ईरोर, अदकि यार नीमी परमेश्वर उन वचन केळस्यार, आंदरी याद ईटी; अदकि ध्यान देल आंदुरद चाल चलन इन अनत नोळकु आंदुरद वशिवास इन अनुकरण माळी. 8 यीशु मसीह नीन अदकि ईद अदकि युगान्युग ऊंदा घाई आन. 9 हर प्रकार इन अपरचित शकिषागोळ देल भरमूसकु आगवाळी. नाम मन इन साटी ईद वळलीद आद कि आंदुर अनुग्रह अन द्वारा मजबूत बनसुल ना कतिनिद कुडोद संबंघ दा नयिमगोळी मानसदुर देल, यदुर देल आंदुर हागलु भला आगीदील यार अवरी मानसदुर.

10 नामद ऊंद हगि वेदी आद यदुर मा टु तनिद अधिकार आ याजकगोळी हेल्लेक, जो तम्बू दा स्यावा माळतार. 11 यतकी याता पशुगोळ रक्ता महायाजक पाप-बली इन साटी महापवतिर जागा दा ओयतान, अदकि आ जनावरगोळ शरीर आ तम्बूगोळद छावनी इन व्हार्या होताक्कु आगताव. 12 ईंदा कारण, यीशु भी नगर इन व्हार्या सोत्तुन ताकी लॉकर पापगोळ देल आऊन रक्ता अन द्वारा शुद्ध आग सकुल. 13 रा बाक बरी, आऊन हात्ती छावनी इन व्हार्या होगाता, अदकि आऊन अपमान दा सहभागी आगाता. 14 यतकी ईल पृथ्वी मा नाम

\* 13:5 १३:५ व्यवस्थावचरण ३१:६



येनु सथाई नगर हैलेच, बल्की नाव ऊंद बरावाळा नगर इन हादी कायेतेव. <sup>15</sup> नळी नाव यीशु उन द्वारा परमेश्वर उक स्तुतरिपी बलदान अर्पण माळाता जो आ टुटगोळद काय हुन यार आऊन हेसुर इक अरतार. <sup>16</sup> भलाई माळोद अदकि आवुर दाबुर सहायता माळोद मारूबाळी, यतकी परमेश्वर हगिा बलदानगोळ देल खुश आगतान.

<sup>17</sup> तान अगुवागोळद आग्या मानसी अदकि आंदुर आदेशगोळ मा नळी. आंदुर नीम मा बनिा आराम माळद हगि सावधानी ईटतार ह्यांग मानसी आंदरी तान कयाल्सागोळद लेखा जोखा परमेश्वर उक कोळोद आद; अगर नीव आंदुर आग्या मानसीर रा आनन्द इन सांगुळ तान कयाल्सा माळ्यार, अगर मानसतीदील रा आंदुर दुख इन सांगुळ तान कयाल्सा माळ्यार अदकि अद नीम साटी मदतगार साबति आगतीदील.

<sup>18</sup> नाम साटी प्रार्थना माळतेला ईरी, यतकी नामी भरोसा आद कि नाम वविक शुद्ध आद: अदकि नाव सप्पा मातगोळ दा वळलीद चाल नळोद चाहसतेव. <sup>19</sup> ना नीम से आग्रह माळतीन कि नीव प्रार्थना माळतोगी ताकी राटनेरी ना नीम हाती बर सकाईन.

#### आखरी प्रार्थना

<sup>20</sup> याव म्यांडागोळ घाई आ महान चरवाहा नाम प्रभु यीशु उन रक्ता अन द्वारा आ सनातन वाचा मा मोहर हचकु सोत्तुर दा टु जतिता माळदुन आव शांती इन दाता परमेश्वर, <sup>21</sup> नीमी सप्पा वळलीद साधनगोळ देल संपन्न माळुन, यदुर देल नीव आऊन इच्छा पुरा माळ सकीर, अदकि यीशु मसीह अन द्वारा आव नाम बळक आ सप्पा मातगोळी सक्रियि माळुल जो आऊक वळलीद हततद. मसीह अन महमिा युगानुयुग आगतेला ईरूल. आमीन.

#### आखरी शब्द

<sup>22</sup> हे वारटुरा अदकि आकतीगोरा, ना नीम से आग्रह माळतीन कि ईद प्रोत्साहन इन संदेश इक धीरज इन सांगुळ केळी, यतकी ई चट्टी जो ना नीमी लखिंसीन यक्कुल धोळद हैलेच. <sup>23</sup> ना चाहासतीन कि नीमी ईद पता नळुल नाम वार्ट तीमुथियुस कैद दा टु बटिकु आग्यान. अदकि अगर आव राटनेरी बंदुन रा ना आऊन सांगुळ नीम से मुलाकात माळली बराईन.

<sup>24</sup> तान सप्पा अगुवागोळी अदकि सप्पा परमेश्वर उन लॉकुरी नमस्कार अनेतार. इटलीवाळे वशिवासी लॉकुर नीमी नमस्कार अनतार.

<sup>25</sup> नीम सप्पा मुंदुर मा परमेश्वर उन अनुग्रह आगतेला ईरूल. आमीन.

## याकूब की पत्री याकूब उन चिट्ठी परचिय

याकूब उन साठी परचिय याकूब उन कतिब याकूब हेसुर इनव यातारा मंळसा द्वारा लखिसकु आगीत. ईव संभव यीशु उन वार्ट याकूब ईरोन, जो सूरवाती मंडली दा ऊंद अधकारी ईरोन अदकि यरूशलेम नगर इन हसिसा ईरोन परेरतिगोळ १५ :१३ परेरति पौलुस आऊक गलातगोळ २:१ दा मंडली इन खंवा भी अंदुन. वधिवानगोळ मानसोद भी आद क याकूब उन कतिब मसीह अन जनम इन ५० साल इन बाददा लखिसकु आगीत. यतकी याकूब यरूशलेम दा मंडली इन अधकारी ईरोन, इदुरसाठी आव अल ईरतेला शायद कतिब लखिसीदुन.

याकूब तान कतिब इक "राज्यगोळ न्याड्या बखिरूसद व्हार्या जनजातीगोळ" इक संबोधति माळदुन १:१ याकूब दा सप्पा च्या सप्पा मसीहगोळ मा लागु आगताव लेकीन "व्हार्या जनजाती" शब्दगोळ उपयोग ईद संभव आगतद क याकूब सीधा यहूदी मसीहगोळी लखिसोन. यतकी ईद कतिब पाठकगोळ ऊंद व्यापक समूह ताका पोहचुसोर साठी माळीदुन. ईद हापाळ वषियगोळी संबोधति माळत. याकूब वशिवास अदकि कार्यगोळ न्याड्या संबंधगोळ मा ध्यान केंद्रति माळतान. खरा आराम कारवाई दा तोरसकु आदीत २:१७. आव धनवान लांकुरी २:१-४ पक्षपात तोरसोर खलिप भी चेतावनी कोळतान अदकि नामी हेळतान कनिाव येन अनतेव ३:१-१२ रूपरेखा

१. याकूब तान पाठकगोळी धन्यवाद कोळतान. १:१
२. ईदुर बाददा आव मसीहगोळी सहन माळोर साठी प्रोत्साहति माळतान याग आंदुर बमिर आगतार. १:२-२७
३. बाक आव अनतान क वशिवासगोळ माध्यम देल वशिवास इन साठी ह्यांग जरूरी आद. २:१-२६
४. अदुर बाददा आव अनतान क यास शक्तशिली शब्द आग सकताव. ३:१-१२
५. आग याकूब हेळतान क ह्यांग परमेश्वर उन ग्यान दुनया अन ग्यान से अलग आद. ३:१३-४:१०
६. ईदुर बाददा आव तान पाठकगोळी घमण्डी आगा खलिप चेतावनी कोळतान. ४:११-५:६
७. याकूब थावाळासा साधारण नरिदेश कोटकु तान कतिब खतम माळतान. ५:१७-२०

1० परमेश्वर उन अदकि प्रभु यीशु मसीह नव दास याकूब उन दी टु आ हन्नेळ गोत्रगोळी जो ततिर-बतिर आगकु ईरतार नमस्कार पोहचुसुल.

वशिवास अदकि बुद्धिमानी

2 हे नान वारटुरा अदकि आकतींगेरा, याग नीव अलग प्रकार इन परीक्षागोळ दा बळी, रा इदरी पुरा खुशी इन मात समसी, 3 ईद जावसकु कनिीम वशिवास इन परख आगदुर देल धीरज पैदा आगतद. 4 लेकीन धीरज इक तान सप्पा कयालसा माळगोळी कनिीव पुरा अदकि सदिध आगेगी, अदकि नीम दा यातोद मात इन कमी ईरबाळुल.

5 लेकीन नीम दा टु यारीकारा दमािक इन कमी ईरूल रा परमेश्वर से बेळुल, जो सप्पा मुंदुरी बनिा दोष हचकु अनुग्रहपुर्वक कोळतान, अदकि आऊक कोटकु आदीत. 6 लेकीन वशिवास देल बेळुल, अदकि येनु सक माळबाळुल, यतकी सक माळावाळा समुद्र अन्द लयर इन घाई आन जो हवा देल वाहुसतद अदकि हारतद. 7 हगि मंळसा ईद मसबाळुल कनिानी प्रभु उन हाती टु येनारा सकिकीत, 8 आ मंळसा येदह चतितवाळा हुन अदकि तान सप्पा मातगोळ दा संची हैलेच.

गरीबी अदकि अमीरी

9 गरीब वारटुरा याग परमेश्वर नीमी धोळद पद कोळतान रा खुशी माळी, 10 अदकि अमीर तान नीच दशा मा; यतकी आव काड्डा अन्द फूल इन घाई ओळेदान. 11 यतकी सूरय अन होळतेला अच हापाळ बसिल बळितद अदकि काड्डा अक वंळगास वळतद, अदकि अदुरद फूल झळसेगतद अदकि अदुर शोभा नाश आगेगतद. ईदा प्रकार अमीर भी तान हादी मा नळुत-नळुत नाश आगेदान.

परख अदकि लालच

12 धन्य आन आ मंळसा जो परीक्षा दा स्थरि ईरतान, यतकी आव सही होटकु जीवन ईद अद मुकुट हासलि माळयान यदुरद वादा प्रभु तान प्यार माळावाळेर से माळयान. 13 याग यारदारा परीक्षा आगुल, रा आव ईद अनबाळुल कनिान परीक्षा परमेश्वर उन दी टु आगतद; यतकी ना रा बेकार मातगोळ से परमेश्वर उन परीक्षा आग सकतद, अदकि ना आव यारदारा परीक्षा खुद माळतान. 14 लेकीन हर ऊंद मंळसा तांद अच बेकार अभलिाषागोळ देल जेडुकु अदकि फसुसकु परीक्षा दा बळितान. 15 बाक बेकार अभलिाषा व्हाट्टा दी ईतकु खुद इन नरिमाण माळतद अदकि पाप याग पुरा रीत दिल वाळुसेगतद रा मृत्यु उक तयार माळतद.

16 हे नान प्रयि वारटुरा अदकि आकतींगेरा, धवाका तनिबाळी. 17 यतकी हर ऊंद वळलीद दान अदकि हर ऊंद परिपुण उपहार स्वर्ग टु अच आद, अदकि अद आ परमेश्वर उन द्वारा ज्योतीयाव स्वर्गीय प्रकाश इक माळयान ल्यालमा तनकु आगताव, आव हमेशा बदलुसत सावली घाई बदलुसालुन. 18 आव तांद अच इच्छा देल नामी सच्चाई

\* 1:1 १:१ मत्ती १३:५५; मरकुस ६:३; परेरतिगोळ १५:१३; गलातगोळ १:१९

अनंद वचन इन द्वारा तयार माळदुन, कनि नाव आऊन दुनयिा दा जो वस्तुगोळ आव अऊर दा टु ऊंद प्रकार इन पयला काय आदेव.

### केळोद अदकि माळोद

19 हे नान पर्यि वारटुरा अदकि आकतींगेरा, ईद मात नीव जानस कोमी: हर ऊंद मंळसा केळोर साटी तत्पर अदकि माताळदुर दा धीर अदकि सट्टि दा धीरा ईरूल, 20 यतकी मंळसा अनंद सट्टि परमेश्वर उन न्यायी उद्देश इक प्रापत माळ सकालद. 21 इदुरसाटी सप्या मईलपन अदकि दुश्मनी भाव इन वळती इक दुर माळकु, आ वचन इक नम्रता देल ग्रहण माळकोमी जो मन दा बोऊसकु आत अदकि जो नीम उद्धार माळ सकतद. 22 सर्फि केळावाळे अच ईला जो तान तान इक धवाका कोळतार, लेकीन वचन मा नळावाळे वनसी. 23 यतकी जो यावारा वचन इन केळावाळा ईरूल अदकि अदुर मा नळावाळा ईला आगुल, रा आव आ मंळसा अनंद घाई आन जो तान स्वाभावकि मार्रा आरसा दा नोळतान. 24 आव तान तान इक नोळकु होटोगतान अदकि तुरन्त मारतोगतान काना हायांग ईरीन. 25 लेकीन जो मंळसा स्वतंत्रता अनंद सदिध व्यवस्था मा ध्यान माळतान, आऊक परमेश्वर आऊन कयाल्सा दा इदुरसाटी आशीष कोट्टान कनि केळकु मारालुन लेकीन हांग अच कयाल्सा माळतान. 26 येन नीम दा टु यावारा तान तान इक न्यायी समसतान? अगर नीव तान लयालग्या अक वश दा माळ सकालीर रा नीव तान तान इक धवाका कोळतीर अदकि नीम न्यायीपन बेकार आद. 27 नाम परमेश्वर अदकि आप्प उन हात्ती शुद्ध अदकि नरिमल भक्ती ईद आद कनि अनाथगोळ अदकि राड्यागोळद क्लेश दा आऊन सुधी ताकोमुल, अदकि तान तान इक दुनयिा से नषिकलंक ईटुल.

## 2

### पक्षपात इन खलिाप चेटावनी

1 हे नान वारटुरा अदकि आकतींगेरा, नाम महामियुक्त प्रभु यीशु मसीह मा नीम वशिवास पक्षपात इन सांगुळ आगबाळुल. 2 समसी अगर ऊंद धनवान मंळसा वहानना अनंद छल्ला अदकि सुंदर फळक्या हाक्कु नीम सभा दा बरूल, अदकि ऊंद गरीब मंळसा भी रेदुसदव फळक्या हाक्कु बरूल, 3 अदकि नीव आ सुंदर फळक्यावाळा अनंद चेहरा नोळकु अंदीर, “नी अल वळलीद जागा दा कुर,” अदकि आ गरीब मंळसा से अंदीर, “नी ईल नदिरकु ईर,” या “नान कालगोळ हात्ती कुर.” 4 रा येन नीव आपस दा भेदभाव माळीदलि अदकि बेकार उद्देश देल न्याय माळावाळे ठहूसीदली? 5 हे नान पर्यि वारटुरा अदकि आकतींगेरा, केळी. येन परमेश्वर ई दुनयिा अनंद गरीबगोळद चुनाव माळीदलि कनि वशिवास दा धनी अदकि आ राज्य अनंद अधिकारी आगुल, यदुरद वादा आव आंदुर से माळयान जो आऊन से प्यार ईटतार? 6 लेकीन नीव गरीब उन अपमान माळदीर. अदकि आंदुर यार उर जो नीम मा अत्याचार माळतार अदकि नीमी कचेरीगोळ दा जेडु जेडुकु ओयतार?

7 येन आंदुर ईदुर आल्लच जो मसीह अन वळलीद हेसुर ईद अपमान माळतार? जो नीमी कोटकु आग्याद. 8 तरी भी अगर नीव पवतिरशास्त्र अनंद ई वचन इन अनुसार कनि “नी तान मानना हातळोर वाळे से तान घाई प्यार ईट” खराखुरा आ राज व्यवस्था अक पुरा माळतीर, रा वळलीद अच माळतीर. 9 लेकीन अगर नीव लॉकूद बाहरी पहारव नोळकु व्यवहार माळतीर, रा नीव पापी आईर, अदकि व्यवस्था नीमी नयिम मुरावाळा ठहूसतद. 10 यतकी जो यावारा सप्या व्यवस्था अनंद पालन माळतान लेकीन ऊंद अच मात दा चुकसेगुल रा आव सप्या मातगोळ दा दोषी ठहूसकु आग्यान. 11 याव ईद अंदुन, “नी व्यभचार माळवाळेत,” आवा ईद भी अंददिन, “नी हत्या माळवाळेत,” इदुरसाटी अगर नी व्यभचार रा माळीदलि लेकीन हत्या माळद तरी भी नी व्यवस्था अनंद उल्लंघन माळावाळा ठहूसद. 12 नीव आ लॉकूद घाई वचन माताळी अदकि कयाल्सा भी माळी, यारद न्याय आ व्यवस्था अनंद अनुसार आदीत जो नामी स्वतंत्र माळतद. 13 इदुरसाटी जो दयालु हैलेच आऊन साटी परमेश्वर उन न्याय भी बनि दया अनंद अच आदीत लेकीन दया न्याय मा वजियी आद.

### वशिवास अदकि करम

14 हे नान वारटुरा अदकि आकतींगेरा, अगर यावारा अनुल कनि नानी वशिवास आद लेकीन आव करम माळालुन, रा इदुर से येन फायदा? येन ईतता वशिवास यागल्यारा आऊन उद्धार माळ सकतद? 15 अगर यावारा वारटुरा या आकतींग इन हाती जंग कपळा ईरूल अदकि आंदीर हर रोज भोजन ईद कमी ईरूल, 16 अदकि नीम दा टु यावारा आंदुर से अनुल, “शांती देल होगी, नीमी पर्यापत कपळा सकिल अदकि नीव वळलीद खाना तीनकु संतुष्ट ईरी,”

लेकीन जो वस्तुगोळ मय इन साटी जर्री आव अव आंदीर ईला कोळुल रा येन फायदा? 17 हांग अच, अगर वशिवास भी करम सहित हैलेच रा तान स्वभाव दा सोतकु आद.

18 अगर यावारा अनतान, “नीनी वशिवास आद अदकि करम ना माळतीन.” नी तान वशिवास नानी करम इन बनि रा तोरस; अदकि ना तान वशिवास तान करमगोळद द्वारा तोरसाईन. 19 येन नीनी वशिवास आद कनि ऊंद अच परमेश्वर आन? नी वळलीद माळत्या. दुष्टआत्मा भी वशिवास ईतताव, अदकि नळगाताव. 20 लेकीन हे नकिममा मंळसा, येन नी ईद भी अरू सकाल कनि करम इन बनि वशिवास व्यर्थ आद? 21 याग नाम पुरवज अब्राहम तान पार इसहाक उक वेदी मा यरसदुन, रा येन आव करमगोळ देल न्यायी ईला ठहूसीदुन? 22 इदुरसाटी नी नोळ कंड कनि वशिवास आऊन कयाल्सागोळ सांगुळ मल्लसकु प्रभाव हाक्याद, अदकि करमगोळ देल वशिवास सदिध आत, 23\* अदकि पवतिरशास्त्र अनंद ईद वचन पुरा आत: “अब्राहम परमेश्वर उन वशिवास माळदुन, अदकि ईद आऊन

\* 2:23 २:२३ उत्पत्त १५:६

साटी न्यायी आळूकु आदुन," अदकि आऊक परमेश्वर उन संगी अंदकु आत. <sup>24</sup>ई परकार नीव नोळ कोंडीर किंमळसा सरिफ वशिवास देल अच ईला, उलटा कर्मगोळ देल भी न्यायी ठहूसकु आगतान. <sup>25</sup>हांगा राहाव वेश्या भी, याग आक स्वर्गदूतगोळी तान मान्या इळसदुर अदकि दुसरा हादी देल वदि माळदुर, रा येन आक कर्मगोळ देल न्यायी ठहूसदुर? <sup>26</sup>हांगा ह्यांग मय आत्मा अन्द बनि सोतकु आद, हांग अच वशिवास भी कर्म इन बनि सोतकु आद.

### 3

ल्यालग्या अक वश दा माळोद

<sup>1</sup> हे नान वारटुरा अदकि आकतींगेरा, नीम दा टु हापाळ सा लॉकुर शक्तिा कोळावाळेर वनसबाळल, यतकी जानसतीर किं नाव शक्तिा कोळावारळेद यककुल गंभीरता देल न्याय माळकु आदीत. <sup>2</sup> इदुरसाटी किं नाव सप्पा मुंदुर हापाळ धन चुकसेगतेव; लेकीन अगर यावारा माताळदुर दा यातोदारा भी गलती माळतीदील रा आव ऊंद सदिध मळसा आन अदकि सप्पा मय मा भी नयितरण ईट सकतान. <sup>3</sup> याग नाव तान आग्या मानसुसोर साटी ध्वाळा अन्द बाय दा लगाम हचतेव, रा नाव अदरी बाक यल चाहे अल तरिगुस सकतेव. <sup>4</sup> जहाज भी, हगि धोडडेव ईरताव अदकि प्रचंड हवा देल नळसकु आगताव, तरी भी ऊंद स्याळदतुसा सा पतवार इन द्वारा माँझी इन इच्छा अन्द अनुसार तरिगुसकु आगताव. <sup>5</sup> हांग अच ल्यालग्या भी ऊंद स्याळदतुसा सा हसिसा आद अदकि अद धोळद-धोळद डींग होडुतद. जरासा सोची, ध्वाळासा बेक्की देल याट धोळद आळी दा बेक्की हततेगतेव. <sup>6</sup> ल्यालग्या भी ऊंद बेक्की हुन; ल्यालग्या नाम मय इन हसिसा दा अन्याय इन दुनया हुन, अदकि सप्पा मय मा कलंक हचतद, अदकि जीवन-गति मा बेक्की हच बुळतद, अदकि नरक कुण्ड इन बेक्की देल होतत ईरतद. <sup>7</sup> यतकी सप्पा प्रकार इन आळी, पशु, पक्षी, अदकि रोगसावाळा जन्तु, अदकि नीर इन जीव जन्तु रा मळसा जाती इन वश दा आग सकताव अदकि आगोग्याव भी, <sup>8</sup> लेकीन ल्यालग्या अक मळसागोळ दा टु याऊ वश दा माळ सकालुन; अद ऊंद हगि बला आद जो यागलु अच रूकसाल, अद जीव नाशक जयर देल तुमकु आद. <sup>9</sup> इदुर देल अच नाव परभु अदकि आप्प उन स्तुती माळतेव, अदकि इदुर देल अच मळसागोळी जो परमेश्वर उन स्वरूप दा पैदा आग्यार शराप कोळतेव. <sup>10</sup> ऊंद अच बाय देल धन्यवाद अदकि शराप येदुदु होळताव. हे नान वारटुरा अदकि आकतींगेरा, हगि ईला आग पायजे. <sup>11</sup> येन नीर इन सोता अन्द ऊंद अच बाय देल सय अदकि डवला नीर येदुदु होळताव? <sup>12</sup> हे नान वारटुरा, येन अंजीर इन मार मा जैतुन, या अंगुर इन केई मा अंजीर हत सकताव? हांग अच डवला नीर इन सोता टु सय नीर होळ सकाल.

स्वर्गीय बुद्धी

<sup>13</sup> नीम दा बुद्धिमिान अदकि समझदार याव आन? जो हगि आन आव तान क्यालसागोळी वळलीद चाल चलन देल आ नमरता सहति प्रगट माळल जो ग्यान देल पैदा आगतद. <sup>14</sup> लेकीन नीव तान-तान मन दा जलन, कळवाहट अदकि स्वार्थीपन ईटतीर, रा बुद्धी मा धमण्ड माळकु सचचाई इन वरिध दा पाप माळबाळी. <sup>15</sup> ईद ग्यान अद आल्लच जो स्वर्ग टु ईळुतद, उलटा सांसारकि, अदकि शारीरकि, अदकि शैतानी आद. <sup>16</sup> यतकी यल जलन अदकि स्वार्थीपन ईरतद, अल अव्यवस्थापन अदकि सप्पा प्रकार इन बेकार मातगोळ आगताव. <sup>17</sup> लेकीन जो ग्यान स्वर्ग टु बरतद अद पयले रा पवतिर ईरतद बाक मलिनसार, मुलायम अदकि शांतीमय अदकि दया अदकि वळलीद काय देल लटालोम अदकि पक्षपात अदकि कपट रहति ईरतद. <sup>18</sup> शांती प्रस्थापति माळावाळेर लॉकुरी अच न्यायी जीवन इन काय प्राप्त आदीत अगर अदरी शांतीपूर्ण वातावरण दा बोऊसकु आग्याद.

### 4

दुनिया से संगीपना

<sup>1</sup> नीम दा लळाई झगळागोळ यल टु होटबंदव? येन ईद नीम इच्छागोळ देल आगालद जो नीम मय दा लळाई-झगळा माळताव? <sup>2</sup> नीव चाहासतीर, लेकीन नीमी सकाल; इदुरसाटी नीव हतया माळतीर. नीव पुरा रीत देल इच्छा ईटतीर, अदकि येनु हासलि माळ सकालीर; इदुरसाटी नीव लळाई अदकि झगळा माळतीर. जो नीव चाहासतीर नीमी सकाल यतकी नीव परमेश्वर से बेळालीर. <sup>3</sup> नीव बेळतीर लेकीन नीमी सकाल, इदुरसाटी किं बेकार इच्छा माळकु बेळतीर, किं तान भोग-वलिास दा हारस बुळी. <sup>4</sup> हे वशिवासहीन लॉकुरा, येन नीव जान्वालीर किं दुनिया से संगीपना माळोद परमेश्वर से दुश्मनी माळोद हुन? जो यावारा दुनिया अन्द संगी आगोद चाहासतान, आव तान तान इक परमेश्वर उन दुश्मन माळतान. <sup>5</sup> येन नीव ईद समस्तीर किं पवतिरशास्त्र बेकार अनतद, "याता आत्मा अक आव नाम बुळक घळुस्यान, येन अद हगि लालसा माळतद यदुर प्रतफिल इरष्या आगुल?" <sup>6</sup> आव रा मातत यककुल अनुग्रह कोळतान; ई कारण ईद शास्त्र दा लखिसकु आद, "परमेश्वर अभिमानीगोळद वरिध माळतान लेकीन गरीबगोळ मा अनुग्रह माळतान." <sup>7</sup> इदुरसाटी परमेश्वर उन हातती आगोगी; अदकि शैतान उन सामना माळी, रा अद नीमद हातती टु ओळकु होदति. <sup>8</sup> परमेश्वर उन हातती बरी रा आव भी नीमद हातती बंदान. हे पापीगोळा, तान कय तोळ कोमी; अदकि हे पाखंडी लॉकुरा, तान मन इक शुद्ध माळी. <sup>9</sup> दुखी आगी, अदकि शोक माळी, अदकि वरली. नीमद नेगोद शोक दा, अदकि नीमद खुशी उदासी दा बदलुसुल. <sup>10</sup> परभु उन मुंद नमर वन्सी रा आव नीमी म्याकुच नेगदान.

मसीह वारटुर मा दोष हचोद

<sup>11</sup> हे वारटुरा अदकि आकतींगेरा, आवुर दावुर अपमान माळबाळी. जो तान मसीह वारटु उन अपमान माळतान या मसीह वारटुन मा दोष हचतान, आव व्यवस्था अन्द अपमान माळतान अदकि व्यवस्था मा दोष हचतान; अदकि

अगर नी वयवस्था मा दोष हचत्त्या, रा नी वयवस्था मा नळावाळा ईला पर अदुर मा न्याय माळावाळा ठहरुसुद. 12 वयवस्था कोळावाळा अदक न्याय माळावाळा रा ऊंद अच परमेश्वर आन, आव आवना अच ऊळस सकतान या नाश माळ सकतान. नीव याव आगतीर तान मान्ना हातळोर न्याय माळावाळेर?

घमण्ड इन वरूद्ध चेतावन

13 केळी, नीव जो ईद अनतीर, “ईद या नाळ नाव यातोदारा अदक नगर दा होगकु अल ऊंद वर्ष बतुसेव, अदक व्यापार माळकु पैस्या कमुसेव.” 14 अदक ईद जान्सालेव कनि नाळ येन आदीत. केळ रा कोमी, नीमद जीवन आद अच येन? नीव रा भाप इन घाई आईर, जो घळीतीम काळसतद बाक गायव आगेगतद. 15 इदुर उलटा नीमी ईद अनली पायजे, “अगर प्रभु चाहास्यान रा नाव जतिता ईत्तेव, अदक ईद क्याल्सा या अद क्याल्सा भी माळवे.” 16 लेकीन ईग नीव तान डींग होडुतीर अदक घमण्ड माळतीर; हगि सप्पा घमण्ड बेकार आगतद.

17 इदुरसाटी जो यावारा भलाई माळोद जान्सतान लेकीन माळालुन, आव पाप इन दोषी आन.

## 5

धनवानगोळी चेतावनी

1 हे अमीरगोळा, केळ रा कोमी, नीव तान बरावाळा वपित्तीगोळ मा वर्ली अदक ऊँचा स्वर देल वलिाप माळी. 2 नीम धन हळतोग्याद अदक नीम फळक्यागोळी उदई हत्तेग्याद. 3 नीम व्हाणना-बेळली दा जंग हत्तेग्याद; अदक अद जंग नीम मा गवाही कोट्टीत, अदक बेक्की घाई नीम मास तदि बुट्टीत. नीव आखरी दुनिया दा धन जमा माळीर. 4 नोळी, याता क्याल्सावाळेर नीम केई दा मजदूरी माळदुर, आंदुरद अद मजदूरी जो नीव धवाका कोटकु ईट बुट्टीर कटिरेत्याद, अदक कडावाळेरद आक्रोश सर्वशक्तमान प्रभु उन कवि ताका ओळग्याद. 5 नीव पृथ्वी मा भोग-वलिास दा हतकु ईत्तीर अदक हापाळ सुख भोग्सदरि; नीव ई वध इन दनि इन साटी तान मन ईद पालन-पोषण माळकु खुद इक मोटा-तरोताजा माळदीर. 6 नीव न्यायी मंळसा अक दोषी ठहरूसकु कोद बुट्टीर, आव नीम सामना ईला माळायदुन.

धीरज अदक प्रार्थना

7 इदुरसाटी हे वार्दुरा अदक आकतींगेरा, प्रभु उन आगमन ताका धीरज ईटी. नोळी, कसान पृथ्वी इन कमिती फसल इन आशा ईटतेला पयला अदक आखरी माळ बळिस ताका धीरज ईटतान. 8 नीव भी धीरज ईटी; अदक तान आशा अक माळकु ईटी, यतकी प्रभु उन आगमन हात्ती होट बंदाद. 9 हे वार्दुरा अदक आकतींगेरा, आबुर दाबुर प्रती सिकायत माळबाळी ताकी परमेश्वर नीम न्याय माळबाळुल; नोळी, न्यायाधीश प्रगट आगदुर मा आन. 10 हे वार्दुरा अदक आकतींगेरा, याता भवषियवक्तागोळ प्रभु उन हेसुर देल मात माळदुर, आंदरी दुख नेगोद समय आदुर धैर्य अक ऊंद आदरश समसी. 11 नोळी, नाव आ भवषियवक्तागोळी यार धीरज ईटदुर धन्य अनतेव. नीव अय्युव उन धीरज इन बारा दा रा केळदीर अच, अदक प्रभु उन दी टु जो अदुरद प्रतफिल आत अदरी भी अर्त कोडीर, यदुर देल प्रभु उन यक्कुल करूणा अदक दया प्रगट आगतद.

12 लेकीन हे नान वार्दुरा अदक आकतींगेरा, सब से धोळ मात ईद आद ककरिया ईला तनिोद, ना आकाश इन, ना धरती इन, ना यातोवारा दुसरा चजि इन; लेकीन नीम मातकात हव इन हव, अदक ईला अनंद ईला ईरूल, कनि परमेश्वर उन न्याय नीम मा बरबाळुल.

13 अगर नीम दा यावारा वपित्ती दा बदिन? रा आंदरी प्रार्थना माळ पायजे. येन नीम दा यावारा सुश आन? रा आंदरी स्तुर्त अनंद भजन हाळ पायजे. 14 येन नीम दा यावारा रोगी आन? रा आंदरी पायजे कनि मंडली इन स्याणा गवाहगोळी कार्ल, कनि आंदुर आंदुर साटी प्रार्थना माळुल अदक आंदुर मा प्रभु उन हेसुर देल जैतून इन याणणा हचुल. 15 अदक विश्वास इन प्रार्थना अनंद द्वारा रोगी ऊळस्यान अदक प्रभु आऊक मातुत स्वस्थ मय प्रदान माळ्यान; अदक अगर आव पाप भी माळीदान, रा अव भी माफ आगेदव. 16 इदुरसाटी नीव आपस दा आबुर दाबुर मुंद तान-तान पापगोळी मान्स कोमी, अदक आबुर दाबुर साटी प्रार्थना माळी, यदुर देल चंगा आगेगी: न्यायी जन इन प्रार्थना प्रभावशाली अदक परिणाम कारक आगतद. 17 \* एल्यियाह भी रा नाम घाई दुख-सुख भोगसावाळा मंळसा ईरोन; अदक आव गळिगळिसकु प्रार्थना माळदुन कनि माळ बरबाळुल; अदक सादे मुर वर्ष ताका पृथ्वी मा माळ बंददिल. 18 बाक आव प्रार्थना माळदुन, रा आकाश टु माळ बत्त, अदक पृथ्वी फलवन्त आत्त. 19 हे नान वार्दुरा, अगर नीम दा टु यावारा सत्य अन हादी टु भटकुस्यान अदक यावारा आऊक हादी मा तरुल, 20 \* रा आव ईद जान्स कोमुल कनि जो यावारा यातोदारा भटकुस्त पापी इक हादी मा तंदान, आव ऊंद जीव इक सोत्तुर देल ऊळस्यान अदक अनेक पापगोळ मा परदा हाक्यान.

\* 5:2 ५:२ मत्ती ६:१९

\* 5:12 ५:१२ मत्ती ५:३४-३७

\* 5:14 ५:१४ मरकुस ६:३३

\* 5:17 ५:१७ १ राजा १७:१; १८:१

\* 5:20

## पतरस की पहली पत्री पतरस उन पयला चिट्ठी परचिय

१ पतरस उन चिट्ठी प्रेरति पतरस उन द्वारा लखिसकु आगीत. पतरस ईद अंदकु तान चिट्ठी इन सूरवात माळदुन कऱि आव याव ईरोन अदकि यार साटी आव लखिसोन. आव आ सप्पा इसाईगोळी चिट्ठी संबोधति माळदुन यारी आव “अजनबीगोळ” १:१; १:१७२:११ अंदुन. अदकि आव तान पाठकगोळी ईत्ता प्रकार देल हापाळ अनली संदर्भति माळदुन यतकी आंदुर ब्यार-ब्यार दयाशगोळ दा बगूसेगीदुर. यतकी ईद चिट्ठी थवाळासा तरीका देल इफिसीगोळी पौलुस उन चिट्ठी घाई काळसतद, हापाळ लांकुर मानसतार कऱि मसीह अन जनम इन ६५ साल इन बाददा इफिसीगोळी पयला पतरस लखिसकु आगीत. पतरस रोम नगर टु ईद चिट्ठी लखिसीदुन यदरी बेबीलोन अनतार ५:१३.

पतरस अनतान कऱि ई चिट्ठी इक “नीमी प्रोत्साहति माळली अदकि ईद प्रमाणति माळोद उद्देश देल लखिसीन कऱि ईद परमेश्वर उन खरा कृपा हुन” ५:१२. १ पतरस २:११-३:७, इफिसिगोळ ५:१८-६:१ अदकि कूलुससिगोळ ३:१८-४:६ अनद न्याइया दा हापाळ समानता आव. ई मूर कतिबगोळ दा पारिवारिक रशितागोळ अदकि अधिकारगोळद पालन माळोद बारा दा नरिदेश सक्तिद. अद दुखी लांकुरी दुखी आगदुर मा मजबूती देल प्रोत्साहति माळतद यतकी अनत हात्ती आद. ४:१

रूप-रेखा

१. पतरस खुद इक पेश माळतान अदकि तान पाठकगोळी संबोधति माळतान. १:१-२

२. बाक आव छुटकारा साटी परमेश्वर उन धन्यवाद माळतान कऱि आंदुर सप्पा मुंदुर साझा माळतार अदकि ईदुर मतलब आंदुर जीवन इन साटी येन आद १:३-२:१०

३. आव वशिवासीगोळी नरिदेश कोळतान कऱि ह्यांग दुनिया दा वळलीद रीत देल ईरोद आद अदकि गांडइ अदकि हगिस अदकि दास अदकि गुरु उन न्याइया दा अलग रशितागोळी संबोधति माळोद हुन. २:११-४:११

४. पतरस दुखी लांकुरी मजबूती देल प्रोत्साहति माळतान अदकि तान चिट्ठी बंद माळतान. ४:१२-५:११

५. आग आव तान चिट्ठी लखिसोद बंद माळतान. ५:१२-१४

1 पतरस उन दी टु जो यीशु मसीह अन प्रेरति आन,

आ नविळसकु आदुर परमेश्वर उन लांकुरद हेसुर जो ततिर बतिर आगकु पुनतुस, गलातिया, कप्पदूकिया, आसिया अदकि बतूनिया दा ईरतार,

2 नीव परमेश्वर आपु उन पूरव उद्देश इन अनुसार नविळसकु आगीर अदकि आऊन आत्मा अनद कयाल्सा द्वारा पवतिर लांकुर टहूसकु आगीर, इदुरसाटी कऱि यीशु मसीह अन आग्या मानसुल अदकि आऊन रक्ता अन द्वारा शुद्ध आगोगुल. नीमी अनुग्रह अदकि शांती बहुतायत देल सकितेला ईरूल.

ऊद जतिता आशा

3 नाम प्रभु यीशु मसीह अन परमेश्वर अदकि आपु उन धन्यवाद आगुल, याव यीशु मसीह अन सोत्तुर दा टु जतिता आगोर द्वारा, तान हापाळ प्यार देल नामी जतिता आशा कोळोर साटी वहाशोद जनम कोटदुन, 4 मतलब ऊद अवनिशी, अदकि नरिमल, अदकि अजर वरिसत इन साटी जो नीम साटी स्वर्ग दा ईटकु आद; 5 जो वशिवास इन द्वारा सुरक्षति आर, परमेश्वर उन सामर्थ्य अन द्वारा आ उद्धार इन साटी जो आखरी समय दा प्रगट आगोर साटी तयार आद.

6 ई कारण नीव हापाळ खुश ईरी, लेकीन येनारा थवाळासा समय इन साटी अलग अलग परीक्षागोळ दा बदिक् दुख नेगोद बदिदीत; 7 अदकि ईद इदुरसाटी आद कऱि नीमद वशिवास परखुसकु आगुल, शुद्ध होळी अदकि स्मरि ईरी, जो नाशवान वहांना आद यदरी बेक्की दा परखुसकु आगतद अदुर देल भी हापाळ यक्कुल वार आद, आ दनि याग यीशु मसीह प्रगट आदान आग नीमी प्रशंसा अदकि महिमा अदकि आदर प्राप्त आदीत. 8 नीव आऊन से प्यार माळतीर जब कऱि नीव आऊक नोळीदील, अदकि नीव आऊन मा वशिवास माळतीर जब कऱि नीव आऊक ईगल्या नोळीदील. रा नीव हापाळ महिमामय खुशी देल खुश आईर जो शब्दगोळ देल बयान माळकु आगसकाल; 9 नीमद आत्मागोळ उद्धार ईद जो नीमद वशिवास इन उद्देश नीव अदुरदा प्राप्त माळतीर.

10 ईदा उद्धार इन बारा दा आ भवषियवक्तागोळ ध्यान देल खोजबीन अदकि जाँव पळताल माळदुर, यार आ अनुग्रह अन बारा दा जो नीम मा आगली ईरोद, भवषियवाणी माळीदुर. 11 आ भवषियवक्तागोळ मसीह मा बरावाळा दुखगोळद समय अदकि अद महिमा जो ई दुखगोळद बाददा प्रगट आदव इदुरद खोज मसीह अनद आत्मा अन द्वारा माळदुन जो आंदुर दा ईरोद. 12 परमेश्वर आ भवषियवक्तागोळ मा प्रगट माळदुन कऱि आंदुर तान ईला बल्की नीमद स्यावा अन साटी ईव मातगोळ अनतोगोर, यारद जानकारी ईग नीमी आंदुरद द्वारा सक्ति यार पवतिर आत्मा अन द्वारा, जो स्वर्ग टु कळुकु आग्याद, नीमी खुशखबरी केळसदुन; अदकि ई मातगोळ इक स्वर्गदूत भी ध्यान देल नोळोद लालसा ईटतार.

पवतिर जीवन जगुसोद बुलाहट

13 ई कारण तान तान नेळु कटकु सावधान ईरी, खुद नयित्तरति ईरी, याग यीशु मसीह परगट आदान आग जो आशीष नीमी सकिोद आद, अदुर मा तान आशा पुरा रीतदिल हचकु ईटी. 14 आग्या मानसावाळेर चकिोरगोळ घाई, आ समय इन बेकार इच्छागोळ अदक अनुसार तान तान इक ढाल्सवाळी जो नीम दा पयले ईरोद, याग नीव अग्यानी ईरीर. 15 लेकीन ह्यांग नीम कारावाळा पवतिर आन, हांग अच नीव भी तान सप्पा चाल चलन दा पवतिर बन्सी. 16 यतकी शास्त्र दा लखिसकु आद, “पवतिर बन्सी, यतकी ना पवतिर आईन.”

17 अदकियाग क नीव “हे आप्प” अनकु आऊन से प्रार्थना माळतीर, जो बनिा पक्षपात हर ऊंद उन क्यालसा अन आचरण इन अनुसार न्याय माळतान, इदुरसाटी तान परदेशी आगोद समय अंजक देल बतिसी. 18 यतकी नीव जान्सतीर क नीमद नकिममा चाल चलन तरीका जो आप्प दादागोळ हाती टु नळुतेला बरेत्याद, अदुर देल नीमद छुटकारा व्हानना वेळली मतलब नाशवान चजिगोळ द्वारा आगीदील; 19 बलकी कमिती मसीह अनद अर्पण इन द्वारा जो ऊंद नरिदोष अदक कलंक रहति म्यांडा अन पाडडा अन रक्ता अन घाई ईरोन. 20 दुनयिा अन नरिमाण इन पयले परमेश्वर उन द्वारा मसीह अक चुनुसकु आगीत, लेकीन नीम साटी ईव आखरी दनिगोळ दा आऊक परगट माळकु आत. 21 आ मसीह अन द्वारा नीव आ परमेश्वर मा वशिवास माळतीर, यारी परमेश्वर आऊक सोत्तुर दा टु जतिता माळदुन अदक महिमा कोट्टुन ताकी नीमद वशिवास अदक आशा परमेश्वर मा पक्का आगुल.

22 ईग याग नीव सच्चाई इन पालन माळतेला खरा भाईचारा अन प्यार इक प्रदरशति माळीर साटी तान आत्मागोळ इक शुद्ध माळ कोंडीर, रा पुरा मन इन सांगुळ आवुर दाबुर से प्यार माळी. 23 यतकी नीमी नाशवान ईला लेकीन अवनिाशी बीजा देल, परमेश्वर उन जतिता अदक हमेशा ठहूसवाळा वचन इन द्वारा व्हाशोद जनम सकियाद. 24 यतकी पवतिरशास्त्र दा लखिसकु आद:

“हर ऊंद मळसा प्राणी काडडा अन घाई आन,

अदक आऊंद सप्पा शोभा आळी दाकळोद फूला अन घाई आव.

अदक काडडा वळगोगतद, अदक फूला झळसेगताव,

25 लेकीन प्रभु उन वचन हमेशा हमेशा संची ईरतद.”

अदक ईदा खुशखबरी इन वचन आद जो नीमी घोषति माळकु आगीत.

## 2

जतिता कल्ल अदक पवतिर परजा

1 इदुरसाटी सप्पा प्रकार इन बुराईगोळ अदक पाखंड अदक पुरा खवाटा मातगोळ या होत्तोद या अपमानीत माळीर भाषा देल तान तान इक ऊळसकु ईटी. 2 व्हासा पैदा आगा चकिोर इन घाई हमेशा नरिमल आत्मकि हाल इन लालच ईटी, इदुरसाटी इदरी कुडोद द्वारा नीमद विकास अदक उद्धार आगुल. 3 जसा क पवतिरशास्त्र दा लखिसकु आद, “नीव तान तान इन साटी जान्स कोंडीर क प्रभु याट भला आन.”

4 प्रभु उन हात्ती बरी, अद सजीव कल्ल जो लॉकर द्वारा बेकार समसकु नकारसकु आगीदुन लेकीन आव परमेश्वर साटी कमिती आन जो परमेश्वर उन द्वारा नविळुसकु आगीदुन. 5 नीव भी खुद जतिता कल्लगोळ घाई ऊंद आध्यात्मिक मंदिर इन रूप दा माळकु आगतीर, ताकी ऊंद हगि पवतिर याजक मंडल इन रूप दा स्यावा माळ सकी यदुरद करतव्य हगि आत्मकि बलदान समरपति माळोद आद जो यीशु मसीह अन द्वारा परमेश्वर उक ग्रहण लायक आगुल. 6 ईद कारण पवतिरशास्त्र दा भी लखिसकु आद:

“ना ऊंद कमिती कल्ल नविळुसकु

यारी ना सयियोन इन क्वाना अनद कल्ल माळकु ईटेतीन:

अदक जो यावारा आऊन मा वशिवास माळयान, आव यातोदारा रीतदिल नरिाश आगतीदील.”

7 नीव वशिवासीगोळ साटी ईद कल्ल हापाळ कमिती आद; लेकीन जो वशिवास माळालुर आंदुर साटी

“अद कल्ल यारी राजमसित्तीगोळ बेकार समसकु इनकार माळीदुर,

अदा कल्ल सप्पा मुंदुर साटी महत्वपूरण क्वाना अन कल्ल बनसेत,”

8 अदक शास्त्र दा ईद भी लखिसकु आद,

“ईद अद कल्ल हुन जो अपराधी लॉकुरी टेस पहचुसोद कारण बनसीत,

ईद चट्टान लॉकुरी टोकर हचकु केळदति.” आंदुर टोकर तदिर यतकी आंदुर परमेश्वर उन वचन मा वशिवास माळालुर

अदक ईदा आंदुर साटी परमेश्वर उन इच्छा ईरोद.

9 लेकीन नीव ऊंद नविळुसकु वंश, राज-पदधारी याजकगोळद समाज, पवतिर जाती, अदक परमेश्वर उन खुद इन लॉकर आईर, इदुरसाटी क याव नीमी अंधकार दा टु तान अदभूत ज्योतिदा कारसदुन, आऊन महान कार्य अनद घोषणा माळी. 10 ऊंद समय दा नीव परमेश्वर उन लॉकर ईला ईरीर, लेकीन ईग नीव आऊन लॉकर हुईर; ऊंद समय ईरोद याग नीम मा परमेश्वर उन दया ईला आगीत, लेकीन ईग नीम मा आऊन दया आग्याद.

परमेश्वर उन दास

11 हे प्रयि संगीगोळा, ना नीम से, जो ई दुनयिा दा अजनबीगोळ रूप दा आईर, नविदन माळतीन क आ शारीरकि इच्छागोळ देल दुर ईरी जो नीमद आत्मा से लळुस्तेला ईरतद. 12 दुसरा जातीगोळ न्याड्या तान चाल चलन

हर्गि वळ्लीद माळकु ईटी की चाहे आंदुर अपराधीगोळ्द रूप दा नीमद आलोचना माळ्यार लेकीन नीमद वळ्लीद कर्मगोळ्द परणिमा स्वरूप आऊन बरव दनि आंदुर परमेश्वर उक महिमा प्रदान माळ्ल.

13 प्रभु उन साटी तान तान इक हर मानव अधिकार इन हात्ती ईरी: राजा अन हात्ती इदुरसाटी की आव सब मा शासन माळतान, 14 अदक शासकगोळ्द, यतकी आंदुर बुरा लॉकुरी दण्ड कोळोद अदक वळ्लेव लॉकुरद प्रशंसा अन साटी आऊन द्वारा कळ्ळु आग्यार. 15 यतकी परमेश्वर उन नीम से ईद इच्छा आद की नीव तान भलाई इन क्यालसागोळ्द देल मूरख लॉकुरद अग्यान देल तुमकु मातगोळ्द इक सुंगा माळबुळी. 16 स्वतंत्र मळसा अन घाई जीवन बीतुसी, लेकीन तान स्वतंत्रता अनूद इस्तेमाल बुरा मातगोळ्द इक होचोर साटी माळबाळी; लेकीन परमेश्वर उन सेवकगोळ्द घाई जतिता ईरी. 17 सप्पा मुंदुरद आदर माळी, तान दुसरा वशिवासी वारटुर से प्यार ईटी, परमेश्वर उन आदर इन सांगुळ अंजक मानसी, राजा अन सम्मान माळी.

मसीह अनूद तकलीफ इन उदाहरण

18 हे सेवकगोळा, तान तान इक तान स्वामीगोळ्द हात्ती ईटी, अदक आंदरी पुरा रीत देल आदर कोळी, ना सर्फि आंदरी जो वळ्लेर आर अदक दुसरा अन भलाई माळतार बलकी आंदरी भी जो कठोर आर. 19 यतकी अगर यावारा परमेश्वर उन वचिार माळकु अनयाय देल दुख नेगुतेला क्लेश सहन माळतान रा ईद वळ्लीद आद. 20 यतकी अगर नीव अपराध माळकु बुक्की तंदीर अदक धीरज हुळदीर, रा ईदुर दा येन वळाई इन मात आद? लेकीन अगर भलाई इन क्यालसा माळकु दुख नेगुतीर अदक धीरज हुडुतीर, रा ईद परमेश्वर उक भाऊसतद. 21 लेकीन नीमी परमेश्वर इदुरसाटी कारदुन, यतकी मसीह नीम साटी दुख नेगदुन अदक हर्गि माळकु नामद साटी ऊंद उदाहरण बट्टिन ताकी नीव भी आऊन पद-चमत्कारगोळ्द मा नळ् सकीर. 22 आव येनु पागोळ्द माळीदल अदक यावारा यागल्यारा भी आऊन बाय देल ख्वाटा मातगोळ्द केळीदील. 23 याग आव अपमानीत आदुन आग आव याऊकु अपमानीत माळकु प्रती उत्तर माळीदील, याग आव दुख झेलसदुन आग आव यारूकु धमकी कोटीदील, बलकी आ खरा न्याय माळावाळा न्यायी परमेश्वर दा तान आशा अक ईटदुन. 24 मसीह खुद अच नामव पापगोळ्द तान मय मा ताकोमकु कूरस मा येरदुन, ताकी नाव तान पापगोळ्द प्रती नाम मृत्यु आगेगुल अदक न्यायीपन इन साटी जीवन बतुसेव: ईद आऊन आ बलदान इन कारण अच आत यऊर देल नीव चंगा माळकु आगीर. 25 यतकी नीव पयले भटकुसकु मयांडा अन घाई ईरीर, लेकीन ईग तान जीवगोळ्द रखवाला अदक अध्यक्ष अन हात्ती बंदीर.

### 3

गांड्द अदक हर्गिस

1 ईदा रीत देल हे हर्गिसुरा, नीव भी तान गांड्द उन हात्ती ईरी, ताकी याव परमेश्वर उन वचन मा वशिवास माळालुर रा तान चाल चलन देल अच नीव आऊक वशिवास देल जीत सकतीर. इदुरसाटी नीमी आऊन से मातचीत माळोद भी जखत हलेच. 2 यतकी आंदुर नोळ्यार नीमद चाल चलन हयांग पवतिर अदक भक्तपूरण आद. 3 तान तान इक सुंदर माळोर साटी व्हार्या अन साझ श्रुंगार इन इस्तेमाल माळबाळी, जसा की चूट्टी गृथसोर साटी, या वाक व्हानना अन बांगळागोळ्द, या वळ्लेव-वळ्लेव कपळा हाकूोर साटी, 4 बलकी नीमी सुंदर नीमद भतिरी व्यक्तित्व माळतद, मुलायम मन अदक शांत आत्मा अनूद अवनिशी सुंदरता देल युक्त आगी, परमेश्वर उन नजर दा जो कमिती आईर. 5 पूर्वकाल दा भक्त माळावाळेर आर्तेर भी, जो परमेश्वर मा पवतिर आशा ईदतोगोर, तान तान इक ईदा रीत देल सवारसतोगोर अदक तान तान गांड्द उन हात्ती ईरतोगोर. 6 जसा सारा तान गांड्द अब्राहम उन आग्या मानसोर अदक आऊक तान स्वामी अनतोगोर. ईदा प्रकार नीव भी अगर भलाई माळीर अदक यातोदारा प्रकार इन अंजक देल अंजतीदील, रा प्रभु पोरगोळ्द ठहरूसीर.

7 हांग अच हे गांड्द उरा, नीव तान हर्गिसुर सांगुळ समझदारी देल ईरी, अदक आंदरी कमजोर आरत जानसकु आंदुरद आदर माळी, परमेश्वर उन जीवन इन वरदान दा आंदरी तान सह उत्तराधिकारी मानसी, ताकी नीमद प्रारथनागोळ्द दा बाधा बळिवाळ्ल.

भलाई माळोद कारण कष्ट

8 अनूत दा नीव सप्पा मुंदरी समान वचिार, सहानुभूती, तान वारटुरगोळ्द से प्यार माळावाळा, दयालु अदक नम्र आगली पायजे. 9 बुराई इन बदला बुराई माळबाळी अदक श्राप इन बदला श्राप कोळबाळी; बलकी परतयुत्तर दा आशीष अच कोळी, यतकी आशीष अच आद जो परमेश्वर नीमी कोळोद वचन कोटीदुन याग नीमी कारसीदुन. 10 जसा शास्त्र दा लखिसकु आद,

“अगर आव जीवन इन प्यार ताकोमोद चाहासतान,

अदक वळ्लेव दनि नोळोद चाहासतान,

आव तान ल्यालग्या अक बुरा मातगोळ्द देल, अदक तान टुट्टीगोळ्द इक ख्वाटा माताळदुर देल रोकसकु ईटी इदुरदा अच भलाई आद.

11 आव बुराई इन सांगुळ बळ्ळिल, अदक भलाई इच माळ्ळल;

आव पुरा मन देल शांती इन साटी प्रयास माळ्ळल.

12 यतकी प्रभु उन कण्णगोळ्द न्याय मा हतकु ईरताव,



अदकि आऊन कवि आंदुरद वनिती दा हतकु ईरताव;  
लेकीन प्रभु बुराई माळावाळेरद वमिख ईरतान.”

13 अगर नीव भलाई माळोर साटी तयार ईततीर रा नीमद बुराई माळावाळा बाक याव आन? 14 अगर नीव सच्चार्ड इन कारण दुख भी नेगदीर, रा धन्य आईर; लेकीन लॉकुरद अंजुसदुर देल अंजवाळी, अदकि घवर्सवाळी, 15 लेकीन तान मन दा मसीह अन साटी सम्मान ईटी, आऊक प्रभु जानुसकु आदर कोळी. अदकि अगर यावारा नीम इक नीमद शुद्ध आशा अन वारा दा जो नीम दा आद समझुसली अनुल; रा आऊक उत्तर कोळोर साटी हमेशा तयार ईरी. 16 लेकीन ईद वनिमरता अदकि भलाई इन सांगुळ अच माळी. अदकि तान वविक इक भी शुद्ध ईटी, ताकी यीशु मसीह दा नीमद वळलीद चाल चलन देल नीम सम्मान आगुल अदकि नदि माळावाळेर लॉकुर नीमद अपमान माळाहोती लज्जति आगुल. 17 यतकी अगर परमेश्वर उन ईदा इच्छा आद कि नीव भलाई माळोद कारण दुख नेगी, रा बुराई माळोद बदला दुख नेगोद वळलीद आद. 18 इदुरसाटी मसीह भी पुरा पापगोळ न्याय माळोर साटी ऊद अच घन सोत्तुन, मतलब आव जो नरिदोष ईरोन नाव पापीगोळ साटी सोतोदुन कि नामी परमेश्वर उन हाती ओयुल. मय इन भाव देल रा आव कोंदकु आदुन, लेकीन आत्मा अन भाव देल जतिता माळकु आदुन. 19 अदकि आऊन आत्मा अनद स्थिति दा अच आव होगकु आ केंदी आत्मागोळ इक प्रचार माळदुन, 20 ईव अव आत्मागोळ हुव जो आ समय परमेश्वर उन आग्यागोळ मा वशिवास ईला माळतोगोर याग नूह अनद इवांगा माळकु आगोद अदकि परमेश्वर धीरज इन सांगुळ हादी कायोन आग आ इवांगा दा धवाळासा मतलब सरिक येदुठ मळसागोळ अच नीर दा टु ऊळदीदुर. 21 ईद नीर आ बपतसिमा अनद घाई आद यदुर देल नीमद भलाई आगतद इदुर दा मय इन मईल तोळोद ईला बल्की ऊद शुद्ध वविक इन साटी परमेश्वर से वनिती आद ईंग रा बपतसिमा नीमी यीशु मसीह अनद पुनरूथान इन द्वाारा ऊळस्तद. 22 आव स्वर्ग मा होगकु परमेश्वर उन ऊमा कय दी कुरतोदुन; अदकि स्वर्गदूत अदकि स्वर्गीय अधिकारी अदकि सामर्थ्य आऊन हात्ती माळकु आदुर.

## 4

परविरतति जीवन

1 इदुरसाटी याग कि मसीह मय दा आगकु दुख नेगदुन रा नीव भी अदा मनसा अक हथयार इन घाई धारण माळी, यतकी याती मय दा दुख नेगदुन आव पापगोळ देल बटोदुन, 2 ईंग टु मुंद नीमद वाचुस्त समय पृथ्वी इन जीवन मानवीय इच्छागोळद अनुसार ईला बल्की परमेश्वर उन इच्छा अन अनुसार जीवन व्यतीत माळुल. 3 यतकी मूर्ता पुजा माळावाळेरद इच्छा अनद अनुसार कयालसा माळोद, अदकि असभ्यता, वासना, पयिककळपन अवैध संबंध, रंगरेली, अदकि बेकार मूर्तपुजा दा यल ताका नाव पयले समय गऊसदेव, अदा हापाळ आत. 4 इदुर देल आंदुर अचमभा माळतार कि नीव हगि बोयोद जंगलीपन अदकि लापरवाह अनद जीवन जगुसोर दा आंदुर साथ कोळालीर, अदकि इदुरसाटी आंदुर नीमद अपमान माळतार; 5 लेकीन जो सोतकु आर अदकि जतितागोळद न्याय माळोर साटी तयार आन आ परमेश्वर उक नामी तान व्यवहार इन लेखा जोखा कोळोद बदिदीत. 6 इदुरसाटी आ वशिवासीगोळ इक जो सोतोगयार खुशखबरी इन उपदेश कोटक आगीत कि शारीरिक रूप देल चाहे आंदुरद न्याय मानवीय स्थल मा आगुल लेकीन आत्मिक रूप देल आंदुर परमेश्वर उन अनुसार जतिता ईरूल.

परमेश्वर उन वळलेर भंडारी

7 सपपा मातगोळद अनत तुरन्त आगावाळा आद; इदुरसाटी संयमी आगकु प्रार्थना माळोर साटी सचेत ईरी. 8 सब से धोळ मात ईद आद कि आवुर दाबुर से प्यार ईटी, यतकी प्यार अनेक पापगोळ इक मुच्च बुळतद. 9 बनिा कूळकूळसकु आवुर दाबुर अतथी-स्तकार माळी. 10 यारी जो वरदान सकियाद, आव अदरी परमेश्वर उन अलग-अलग प्रकार इन अनुग्रह अन भला भंडारीगोळ घाई आवुर दाबुर स्यावा दा हवी. 11 जो यावारा प्रचार माळुल, आव परमेश्वर उन वचन इन प्रचार माळुल; जो यावारा स्यावा माळुल, रा आ शक्त इन सांगुळ माळुल जो परमेश्वर कोळतान; इदुरसाटी ई सपपा मातगोळ दा यीशु मसीह अन द्वाारा, परमेश्वर उन स्तुति आगुल. महिमा अदकि साम्राज्य हमेशा हमेशा आऊन आद. आमीन.

मसीह आगोद नाता देल दुख नेगोद

12 हे पर्यि संगीगोळा, याग नीमद अगुन परीक्षा आगतद आग हगि असामान्य मातगोळ आगतेला नोळकु नीव आश्चर्य चकति आगवाळी. 13 लेकीन ह्यांग-ह्यांग मसीह अन दुख दा सहभागी आगतीर, खुश ईरी, यदुर देल याग आऊन महिमा प्रगट आदीत आ घन भी नीव पुरा रीत देल आनन्दति आगेगी. 14 बाक अगर मसीह अन हेसुर इन साटी नीव अपमानित आगतीर रा नीव धन्य माळी, यतकी आव महिमामय परमेश्वर उन आत्मा नीम मा आगतद. 15 नीम दा टु यावारा मळसा हत्यारा या काळल या कुरमी आगदुर मा, या पराया कयालसा दा कय हाका कारण दुख ईला सकुल. 16 लेकीन ई मात साटी परमेश्वर उन धन्यवाद माळी, यतकी नीव मसीह हेसुर ग्रहण माळदीर.

17 यतकी न्याय माळोद समय इन सूरवात आगेग्याद कि पयले परमेश्वर उन लॉकुरद न्याय माळकु आगुल; अदकि याग कि न्याय इन सूरवात नाम देल अच आदीत रा आंदुरद येन अनत आदीत जो परमेश्वर उन खुशखबरी मा वशिवास माळालुर? 18 हगि शास्त्र दा लखिसकु आद,

“अगर वळलेव न्याय माळावाळा मळसा अक अच कठनाई देल उद्वार सकिकीत,  
रा भक्तहीन बयमान अदकि पापी इन येन आदीत?”

19 इदुरसाटी जो परमेश्वर उन इच्छा अन अनुसार दुख नेगुतार, आंदुर भलाई माळतेला तान-तान जीव विश्वासलायक सृजनहार इन कय दा सौप्स बुळ्ळ.

## 5

स्याणागोळी अदकि नवयुवकगोळी वातणी

1 नीम दा जो स्याणा आन, ना आंदुर घाई स्याणा अदकि मसीह अन दुखगोळ्द गवाह अदकि प्रगट आगावाळा महिमा दा सहभागी आगकु आंदरी ईद समझुसतीन. 2 क्का परमेश्वर उन आ झुण्ड इन, जो नीमद न्याड्या दा आद रखवाली माळी; अदकि दबाव देल ईला लेकीन परमेश्वर उन इच्छा अन अनुसार खुशी देल, अदकि कमाई इन लालच साटी ईला लेकीन मन हचकु. 3 जो लॉकुर नीमद देखरेख इन साटी सौप्सकु आग्यार, नीव आंदुर मा अधिकार जतुसबाळी, बल्की झुण्ड इन साटी ऊंद आदर्श बनसी. 4 याग प्रधान रखवाला प्रगट आदान, रा नीमी महिमा अन मुकुट कोटकु आदीत यदुरद चमक यागलु खतम आगाल.

5 ईंदा प्रकार हे नवयुवकगोळा, नीव भी तान स्याणागोळ्द हात्ती ईरी, अदकि नीव सप्पा च्या सप्पा आबुर दाबुर स्यावा माळीर साटी वनिमूरता धारण माळी, यतकी शास्त्र दा लखिसकु आद, “परमेश्वर अभिमानगोळ्द वरिध माळतान, लेकीन नमूर लॉकुर मा अनुग्रह माळतान.”

6 इदुरसाटी परमेश्वर उन बलवन्त कय इन ल्यालमा दीनता देल ईरी, यदुर देल आव नीमी उचति समय मा वाळ्ळुसुल. 7 तान सप्पा चिन्ता आऊन मा हाक बुळी, यतकी आऊक नीमद ध्यान आद.

8 सचेत आगी, अदकि जागसतेला ईरी; यतकी नीमद दुश्मन शैतान गरजुसतेला हुल्ल इन घाई ईल अल ओयाळतेला ईं ताक दा ईरतान कियारीक हरकु तन्तिल. 9 विश्वास दा मजबूत आगकु, अदकि ईद जान्सकु आऊन सामना माळी कि नीम वारटुर जो दुनिया दा आर हगि अच दुख झेलसेत्यार. 10 ईंग परमेश्वर जो सप्पा अनुग्रह अन दाता आन, याव नीमी मसीह दा तान अनन्त महिमा अन साटी कारदुन, नीमद थवाळासा समय ताका दुख नेगदुर बाद्दा खुद अच नीमी सदिध अदकि संची अदकि बलवन्त माळ्यान. 11 आऊंदा साम्राज्य हमेशा हमशा ईरूल. आमीन.

आखरी अभिवादन

12 ना नीमी ऊंद संक्षिप्त चट्टी सलिवानुस उन सहयोग देल लखिसदीन, यारी ना विश्वासलायक मसीह वारट मान्सतीन. ना नीमी प्रोत्साहति माळोद चाहसतीन अदकि नांद गवाही कोळतीन जो परमेश्वर उन सही अनुग्रह हुन, ईदुर दा संची ईरी.

13 जो बेबीलोन दा नीमद घाई नविळ्ळुसद मंडली इन लॉकुर, आंदुर नीमी नमस्कार अनतार अदकि मसीह दा नान पार मरकुस उन भी नीमी नमस्कार. 14 मसीह दा प्यार पुर्ण भाव देल आबुर दाबुर इक कृतक्या हुडुकु नमस्कार माळी. नीमी सप्पा मुंदरी, जो मसीह दा आईर, शांती सकितेला ईरूल.

## पतरस की दूसरी पत्री पतरस उन दुसरा चिट्ठी परचिय

२ पतरस उन चिट्ठी दा अंदकु आग्याद कि ईद प्रेरति पतरस उन द्वारा लखिसकु आगीत, लेकीन ईदीनोर हापाळ वधिवानगोळी हताल कि ईद सही आद. ईद संभव आद कि यावारा दुसरा ई चिट्ठी इक पतरस उन दी टु लखिसीदान. लेखक अनतान कि आव यीशु उन जीवन अदकि वशिष रूप दा रूपान्तरण १:१७-१८ इन साटी ऊंद प्रत्यक्षदर्शी ईरोन, अगर पतरस चिट्ठी लखिसीदुन रा संभव आद कि आव रोम नगर दा ६५ टु ६९ साल इन बाददा अदकि मसीह अन्द जनम इन बाददा लखिसीदान. पतरस १ पतरस इन चिट्ठी इन बाददा लेखन इन तारीख ईटकु तान दुसरा चिट्ठी ३:१ भी लखिसदुन. आव सप्पा इसाईगोळी चिट्ठी संबोधति माळदुन.

पतरस ई चिट्ठी इक वळलीद जीवन जीऊसोर साटी प्रोत्साहति माळली अदकि खवाटा गुरुगोळद २ पालन ईला माळोर साटी चेतावनी कोळोर साटी लखिसीदुन. आव आंदरी आ लॉकुरी अनदेखा माळोर साटी प्रोत्साहति माळदुन जो अनेतयार कि यीशु वापस बरली हापाळ लंबा समय ताकोमेतयान. ईदुर उलटा आव आंदरी इंगति माळदुन कि परमेश्वर धीरा हैलेच बल्की सप्पा मुंदुरी ऊळसोद चाहासतान २ पतरस ३:८-९ ईद वळलीद जीवन जीऊसोद ऊंद कारण आद ३:१४.

रूप-रेखा

१. पतरस खुद इक पेश माळतान अदकि तान पाठकगोळी संबोधति माळतान. १:१-२
२. आव आंदरी वळलीद जीवन जीऊसोद याद तोरसतान यतकी परमेश्वर नामी सकुषम माळयान. १:३-२१
३. आव खवाटा गुरुगोळद खलाप चेतावनी कोळतान अदकि अनतान कि आखरी दा खवाटा गुरुगोळ सांगुळ येन आदीत. २:१-२२
४. पतरस यीशु उन बरोर साटी तयार आगोर साटी वळलीद जीवन जीऊसोद साटी वशिवासीगोळी प्रोत्साहति माळतान. ३:१-१७

1 शमौन पतरस उन दी टु, जो यीशु मसीह अन्द दास अदकि प्रेरति आर,  
आ लॉकुर हेसुर यार नामव परमेश्वर अदकि उद्धारकर्ता यीशु मसीह अन्द नयाय इन द्वारा नाम चाई कमिती वशिवास प्राप्त माळयार.

2 परमेश्वर उन अदकि नाम प्रभु यीशु उन पयचान इन द्वारा अनुग्रह अदकि शांती नीम दा बहुतायत देल वाळुस्त होगुल.

ईश्वरीय बुलाहट अदकि चुनाव

3 यतकी परमेश्वर उन ईश्वरीय सामर्थ्य सप्पा येनारा जो भक्तमिय जीवन हततद, नामी अदुरदा पयचान इन द्वारा कोटान, याव नामी तान अच महिमा अदकि सदगुण इन अनुसार कारदान. 4 यऊर द्वारा आव नामी कमिती अदकि हापाळ अच धोळद वादा कोटुन: कि इऊर द्वारा नीव आ भ्रष्टता देल बीळसकु, जो दुनय्या दा बेकार अभलिषागोळ देल आगतद, ईश्वरीय स्वभाव इन सहभागी आगेगी. 5 ईदा कारण सप्पा प्रकार इन कोशशि माळकु तान वशिवास दा भक्तभाव इक जोळसी; अदकि भक्तभाव दा ग्यान इक, 6 अदकि तान ग्यान दा आत्मसंयम इक जोळस, अदकि आत्मसंयम दा धीरज इक जोळसी, अदकि धीरज दा परमेश्वर उन भक्ति इक, 7 अदकि नीमद परमेश्वर उन भक्ति दा मसीह भाईचारा अक; अदकि मसीह भाईचारा दा प्यार इक जोळसी. 8 यतकी ईव पुरा गृणगोळद जरवत आद, अदकि अगर ईव मातगोळ नीम दा बहुतायत देल आव रा ईद नीमी नामद प्रभु यीशु मसीह अन ग्यान दा क्रयिशील अदकि प्रभावशाली माळयाव. 9 लेकीन अगर नीम दा ईव मातगोळ ईलच, रा नीम इक दुर दृष्टी ईला नीव कुदद आईर तथा मारतोगीर कि नीमद पयला अन पाप तोळकु आगेग्याव.

10 ईदा कारण हे वारट्टरा, तान कारकु आगोद, अदकि नविळसुद आगोद इक सदिध माळोर साटी वळलीद रीतदिल कोशशि माळतोगी, यतकी अगर हंगि माळीर रा यागलु ठोकर तनितीदील; 11 बल्की ई रीतदिल नीव नामद प्रभु अदकि उद्धारकर्ता यीशु मसीह अन्द अनन्त राज्य दा धोळद आदर इन सांगुळ प्रवेश माळ सकीर.

12 इदुरसाटी अगर नीव ईव मातगोळी जानसतीर, अदकि जो सच्चाई इन वचन नीमी सकियाद अदुर दा बन्सकु ईरतीर, तरी ना नीमी ईव मातगोळद याद तोरसोर साटी हमेशा तयार ईराइन. 13 ना ईद तान साटी सही समसतीन कि यागासताका ना ईद मय दा जतिता आईन, आगासताका ना नीमी याद तोरसतेला ईराइन. 14 यतकी ना जानसतीन कि ना तान नाशवन्त मय बळिवाळा आईन, हयांग कि नामव प्रभु यीशु मसीह नानी ईद हेळीदुन. 15 इदुरसाटी ना तान दी टु पुरा कोशशि माळाईन कि नान सोत्तुर बाददा भी नीव लॉकुर ईव सप्पा मातगोळ इक हमेशा याद माळ सकीर.

मसीह अन महिमा अन कण्णगोळ नोळद गवाह

16 यतकी याग नाव नीमी तान प्रभु यीशु मसीह अन सामर्थ्य इन अदकि आगमन इन समाचार कोटीदेव, रा अद चतुराई देल नटकु कात्तागोळद अनुकरण ईला ईरोद बल्की नाव खुद अच आऊन महानता अक नोळीदेव.

17 यतकी याग आऊक परमेश्वर आप्प से आदर अदकि प्रशंसा सकित अदकि आ प्रतापमय महिमा दा टु ईद वाणी बत्त, “ईव नान प्रयि पार हुन, यार देल ना खुश आईन.” 18 याग नाव आऊन सांगुळ पवतिर पहाळी मा ईरेव अदकि आकाश टु ईद वाणी बरत केळवत.

19 नाम हातती जो भवषियवक्तागोळ वचन आद, अद ई घटना देल मजबूत ठहरूसत. नीव ईद वळलीद माळतीर जो ईद समसकु आऊन मा ध्यान माळतीर क्वा आव ऊद दगिया हुन, जो अंधार जागा दा आ समय ताका उजुळ कोळतेला ईरतद यागासताका क्वाहातुर आगाल अदकि व्हातुर इन तारा नीमद मन दा चमकुसालद. 20 सब से धोळ मात ईद आद क्वा नीमी ईद जान्स कोम पायजे क्वा शास्त्र अन यातोदारा भी भवषियवाणी यातोदु भवषियवक्ता अन नीजी वचारगोळद आधार मा कोळद स्पष्टीकरण आल्लच. 21 यतकी यातोदारा भी भवषियवाणी मळसा अन इच्छा देल यागलु आगीदील, लेकीन भक्त जन प्रभावति आगकु पवतिर आत्मा अन द्वारा परमेश्वर उन दी टु माताळतोगोर.

## 2

### ख्वाटा गुरु

1 ह्यांग पूरवकाल दा लॉकुरद न्याड्या दा ख्वाटा भवषियवक्ता परगट आगीदुर, अदा प्रकार नीमद न्याड्या दा भी ख्वाटा गुरु परगट आदार. आंदुर भटकुसावाळा सच्चार्ई सदिधांतगोळ इक तंदार, अदकि आ स्वामी इन इनकार माळ्यार याव आंदरी कोड कोडान, अदकि हगि माळकु आंदुर तान जलुदी वनिश इक नर्मितरण कोट्टार. 2 तरी भी हापाळ पुरा लॉकुर आंदुरद अनैतिकि हादीगोळ मा नळदार; यतकी जो आंदुर माळतार, आदुर वजह देल दुसरा मुंदुर अपमान सच्चार्ई अनद बदला माळ्यार. 3 आंदुर लोभ दा बंदकु ख्वाटा मातगोळी माळ्यार अदकि नीम से अनुचति लाभ नेगदार. दण्ड इन आग्या रा आंदुर मा पयले टु अच आगेग्याद, अदकि आंदुरद वनिश इन नरिणय आगेग्याद.

4 यतकी याग परमेश्वर आ स्वरगदूतगोळ इक यार पाप माळदुर आंदरी बट्टीदलि, लेकीन नरक दा कळकु अंधार दा हाकुक बुटदुर ताकी न्याय इन दनि ताका शंकलीगोळ दा दुख सहन माळल; 5 अदकि स्याणा लॉकुर युग इन दुनिया अक भी बट्टीदलि बलकी भक्तहीन दुनिया मा महा जल प्रलय कळदुन, लेकीन न्याय इन प्रचार माळावाळा नूह अदकि येळ मंळसागोळी ऊळस बुटदुन; 6 अदकि सदोम अदकि गमोरा अन नगरगोळ इक दोषी ठहरूसकु दण्ड कोट्टुन अदकि आंदरी बेक्की देल भसम माळदुन ताकी आंदुर बरावाळेर भक्तहीन लॉकुरद शक्ति अन साटी उदाहरण बनसुल, 7 अदकि न्यायी लूत इक जो अन्यायीगोळद अनैतिकि चाल चलन देल हापाळ दुखी ईरोन छुटकारा कोट्टुन. 8 यतकी आव न्यायी आंदुर बीच दा ईरतेला अदकि आंदुर अन्याय इन क्याल्सागोळ इक नोळ नोळकु अदकि केळ केळकु, हर दनि दुख देल तळपुस तोगोन. 9 रा प्रभु भक्तगोळ इक परीक्षा दा टु तेगोद अदकि अन्यायीगोळ इक न्याय इन दनि ताका दण्ड इन दशा दा ईटोद भी जानस्तान, 10 विशेष माळकु आंदरी जो कलंकीत अभलिषागोळ हदि मय इन अनुसार नळतार अदकि प्रभु अक तुच्छ जानस्तार.

आंदुर दीठ, अदकि जदिदी आर, अदकि धोळ पदवाळेर इक भला बुरा माताळली अंजालुर, 11 तरी भी स्वरगदूतगोळ जो न्याय अदकि सामरथ्य दा ख्वाटा गुरुगोळ देल धोडंडेर आर, प्रभु उन मुंद आंदरी बुरा भला अनकु दोष हचालुर. 12 लेकीन ई लॉकुर नरिबुद्धी पशुगोळद अच तुल्य आर, जो हळकु आगोर साटी अदकि नाश आगोर साटी पैदा आग्यार; अदकि या मातगोळ इक जानसालुर अच अदुर बारा दा दुसरा अक भला बुरा अनतार, आंदुर आळी दाकळोद पशुगोळद घाई नाश माळकु आदार. 13 दुसरा अन बुरा माळोद बदला आंदुर दा बुरा आदीत. आंदरी ईळलक हागुल भोग वलिास माळोद भला हततद. हगि लॉकुर कलंकीत अदकि दोषी आर; याग आंदुर नीम सांगुळ तनितार अदकि कुडुतार, रा आंदुर धवाका धळी देल भोज माळकु भोग वलिास माळतार. 14 आंदुर कणणगोळ दा व्यभचार कुरतकु आद, अदकि आंदुर पाप माळदुर बनि रूकस सकालुर. आंदुर कमजोर लॉकुरी जाल दा फसुस कोमतार. आंदुर मन इक लोभ माळोद अभ्यास आगेग्याद; परमेश्वर उन शराप आंदुर मा आद. 15 आंदुर सीदा हादी अक बटिकु भटकुसेग्यार, अदकि बओर उन पार बलिाम उन हादी मा आगेग्यार, याव अन्याय इन मजदूरी इक प्रयि जानसदुर; 16 अदकि आऊक आऊन पाप इन बारा दा फटकार सकित, ईल ताका क्वा अबोल गधा मंळसा अन बोली देल आ भवषियवक्ता अक आऊन बावलापन देल रोक्सत.

17 ई लॉकुर वंळगीद भायगोळ, अदकि आंधी इन हारसद बादल उर; परमेश्वर आंदुर साटी अननत् खोल अंधकार ठहरूस्यान. 18 आंदुर बेकार घमण्ड इन मातगोळी माळ माळकु अनैतिकि क्याल्सागोळ द्वारा, आ लॉकुरी शारीरिक अभलिषागोळ दा फसुस बुळतार जो भटकुसकु दा टु होळोद सुरवात ईगल्ल्या अच माळेत्यार. 19 आंदुर आंदरी स्वतंत्र माळोद प्रतगिया रा माळतार, लेकीन खुद अच भ्रष्टता अन दास आर; यतकी जो मंळसा यार देल हारसेग्यान, आव आऊन दास बनसेगान. 20 याग आंदुर प्रभु अदकि उद्धारकर्ता यीशु मसीह अन पयचान इन द्वारा दुनिया अन नाना प्रकार इन कलंक देल उळदकु होट्टुद, अदकि मात आंदुर दा फसुसकु हारसेदूर, रा आंदुरद पछिला दशा पयले टु भी बेकार आगेग्याद. 21 यतकी न्याय इन हादी इन ईला जानसोद अच आऊन साटी इदुर से भला आगाईत क्वा अदरी जानसकु, आ पवतिर आग्या देल बदल्लेग्यादुर जो आंदरी कोटकु आगीत. 22 आंदुर मा ईद कहावत सही कुरतद, क्वा नाय तान माळस इन दी अदकि मय कय तोळद हंदी केसुर दा गळवळ्या होडार साटी मातत् ओळगतद.

## 3

प्रभु उन मातूत बरोद वाचा

1 हे प्रयि संगीगोळा, ईंग ना नीमी ईद दुसरा चट्टी लखिसतीन, अदकि येदहु दा याद कोळसुसकु नीमद शुद्ध मन इक जागूत माळोद वचिर माळतीन, 2 क नीव आ मातगोळ इक जो पवतिर भवषियवक्ता पयले टु अंदार, अदकि प्रभु अदकि उदधारकर्ता अन आ आग्या अक याद माळी जो नीमद परेतिगोळ उन द्वारा कोटकु आगीत. 3 <sup>०</sup>सब से पयले ईद जानस कोमी क आखरी दनिगोळ दा नीमद मज्याक हारसावाळेर बंदार जो तान अच अभलिषागोळद अनुसार नळदार 4 अदकि केळ्यार, “आव बरोद प्रतगिया माळीदुन, येन आव माळीदलि? आव येल आन? नाम पुर्वज रा पयला टु अच सांतोग्यार लेकीन यागी टु दुनिया बनस्याद सप्पा मातगोळ हांग अच नळुतेला बरेत्याव.” 5 आंदुर रा जान बुझुसकु ईद मारतोदुर क परमेश्वर उन कोळद आग्या देल आकाश अदकि पृथ्वी माळकु आग्याद अदकि पृथ्वी नीर दा टु वनसत अदकि नीर दा संची आद, 6 इदुरदा कारण आ दुनिया अन दुनिया नीर दा मुळककु नाश आगेत. 7 लेकीन ईद आकाश अदकि पृथ्वी ईद अस्तत्तिव दा आद, आऊंदा आदेश इन द्वारा बेक्की देल नाश आगोर साटी सुरक्षति आद; इंदरी आ दनि इन साटी ईटकु आगेत्याद याग अन्यायी लॉकुरद न्याय आदीन अदकि आंदुर नाश माळकु आदार.

8 हे प्रयि संगीगोळा, ईद ऊंद मात इक मारबाळी क प्रभु उन नजर दा ऊंद दनि अदकि ऊंद हजार साल दा येनु फरक हेलेच; आऊन साटी ईव येदहु बराबर आव. 9 प्रभु तान प्रतगिया अन बारा दा समय माळालुन, ह्यांग समय थवाळासा लॉकुर समसतार; लेकीन नीमद बारा दा संयम हुडुतान, अदकि चाहासालुन कयिवारा नाश आगुल, बल्की ईद क सप्पा मुंदरी मन फरिाव इन मवका सकिल.

10 <sup>०</sup>लेकीन प्रभु उन दनि काळल उन घाई होट बंदीत, आ दशि आकाश हापाळ गर्जना अन सांगुळ अदृश्य आगेदीत, अदकि आकाश इन पुरा चजिगोळ होतकु नाश आगेदव अदकि पृथ्वी अदकि अदुर दाकळव सप्पा मातगोळ गायव आगेदव. 11 जब क ईव सप्पा वस्तुगोळ ई रीत देल नाश आगावाळा आव, रा नीमी याता प्रकार इन लॉकुर आग पायजे? नीमद जीवन पवतिर अदकि परमेश्वर उन दी समरपति आगली पायजे, 12 अदकि परमेश्वर उन आ दशि इन हादी याता रीत देल काय पायजे अदकि आऊन जल्दी बरोद साटी ह्यांग कोशशि माळ पायजे, यदुर कारण आकाश बेक्की देल नाश माळकु आदीत, अदकि आकाश इन पुरा वस्तुगोळ गरमी देल पघिलुसेव. 13 <sup>०</sup>लेकीन आऊन वादा अन अनुसार नाव ऊंद वहाशोद आकाश अदकि वहाशोद पृथ्वी इन आस नोळतेव यदुर दा न्याय वास माळीत.

14 इदुरसाटी, हे प्रयि संगीगोळा, ह्यांग नीव आ दनि इन हादी कायेतीर, रा तान दी टु पुरा कोशशि माळी क नीव शांती देल परमेश्वर उन नजर दा आलोचना रहति अदकि नषिकलंक ठहूरसी, 15 नामद प्रभु उन धीरज इक जो आव नामी कोटान उदधार इन संधी समसी, ह्यांग नाम प्रयि संगी पौलुस भी आ ग्यान देल जो परमेश्वर वार्ट उक कोटीदुन अदुरद इस्तेमाल माळकु लखिसदुन. 16 हांग अच आव तान सप्पा चट्टी गोळ दा भी ईव मातगोळ इक लखिसदुन, यारदा येनारा मातगोळ हगि आव यवरी समसोद कठनि आद, अदकि अनपद अदकि चंचल लॉकुर अदुर अर्थगोळी इक भी शास्त्र अन अन्य मातगोळ घाई जेडुकु तांद अच नाश इन कारण माळतार.

17 इदुरसाटी हे प्रयि संगीगोळा, नीव लॉकुर पयला टु उच ईव मातगोळी जानसकु सावधान ईरी, ताकी न्यायवरिद्ध लॉकुरद गलतीगोळद द्वारा तान सथरिता अक येल्यारा कय देल काळुकोमी. 18 लेकीन नामव प्रभु अदकि उदधारकर्ता यीशु मसीह अन अन्गरह अदकि ग्यान दा वाळुसतेला होगी. आऊन दा प्रशंसा सही मायना दा आगुल, अदकि हमेशा आगतेला ईरूल. आमीन.

✱ 3:3 ३:३ यहूदा १:३८

✱ 3:10 ३:१० मत्ती २४:४३; लुका १२:३९; १ थमिसलूनीक ५:२; प्रकाशतिवाक्य १६:३५

✱ 3:13 ३:१३ प्रकाशतिवाक्य

## यूहन्ना की पहली पत्री यूहन्ना अन्द पयला चट्टी परचिय

१ यूहन्ना अन्द चट्टी प्रेरति यूहन्ना अन्द द्वारा मसीह अन्द जनम इन ५० से १०० साल इन न्याइया दा लखिसकु आगीत. यूहन्ना खुद इक लेखक इन रूप दा जानसालुन. लेकीन पयला अध्याय तोरसतद क आव यीशु उन जीवन अदक पुनरूत्थान इन साटी ऊंद प्रत्यक्षदर्शी आन १:१-३ पयला यूहन्ना दा लेखन शैली यूहन्ना अन्द अनुसार खुशखबरी दा सकिद लेखन शैली घाई काळसतद. हगि मानसकु आगतद क १ यूहन्ना अन्द चट्टी इन अनुसार खुशखबरी लखिसीदुन अदक इफसिस दा ईरतेला मुर चट्टी १ यूहन्ना, २ यूहन्ना अदक ३ यूहन्ना ईरव.

यूहन्ना ई चट्टी इक सप्पा इसाई लांकुरी लखिसीदुन याग मंडली इक "ग्यानवादी" हेसुर इनोर लांकुर इन समुह देल परेशानी आगोद. ई लांकुर मानस तोगोर क यीशु पुरा तरीका देल परमेश्वर ईरोन लेकीन आव सही दा पृथ्वी मा मास अदक रक्ता अन मय इन सांगुळ मळसा ईला ईरोन. ईदा कारण यूहन्ना यीशु उन जीवन इन प्रती प्रत्यक्षदर्शी आगोद बारा दा लखिसदुन अदक अंदुन क आऊन कयगोळ यीशु उक मुटदव १:१-३. ई चट्टी इक लखिसदुन दा यूहन्ना अन्द उद्देश आंदुर खुशी इक पुरा माळोद ईरोद १ यूहन्ना १:४, वशिवासीगोळी पाप माळदुर देल रोकसोर साटी १ यूहन्ना २:१, खवाटा अकिषा देल वशिवासीगोळद रक्षा माळोर साटी १ यूहन्ना २:२६ अदक वशिवासीगोळी आश्वसत माळोद क आंदुर ऊळसकु आग्यार. ५:१३ रूप-रेखा

१. यूहन्ना तान चट्टी प्रस्तुत माळदुन अदक इदरी लखिसोद ऊंद उद्देश कोटदुन. १:१-४
२. बाक आव समझुसतान क परमेश्वर हयांग ऊजुळ आन अदक नामी जीवन स्वरूप ईरली पायजे. १:५-३:१०
३. इदुर बाददा आव नामी आवुर दाबुर से प्यार माळोद आदेश इन याद तोरसतान. ३:११-५:२२
४. आव तान चट्टी खतम माळतान. ५:१३-२१

### जीवन इन बातणी

1 आ जीवन इन वचन इन बारा दा जो पयले टु ईरोद. यदरी नाव केळेव, अदक यदरी तान कण्णगोळ देल नोळदेव, उलटा यदरी नाव ध्यान देल नोळदेव अदक कयगोळ देल मुटदेव. 2 ईद जीवन प्रगट आतुत, अदक नाव आऊक नोळदेव, अदक आऊन गवाही कोळतेव, अदक नीमी आ अनन्त जीवन इन समाचार कोळतेव जो आपु उन सांगुळ ईरोन अदक नाम मा प्रगट आदुन. 3 जो येनारा नाव नोळेव अदक केळेव अदुरद समाचार नीमी भी कोळतेव, इदुरसाटी क नीव भी नाम सांगुळ सहभागी आगी; अदक नाम्द ईद सहभागीता आपु उन सांगुळ अदक आऊन पार यीशु मसीह अन सांगुळ आद. 4 अदक ई मातगोळ नाव इदुरसाटी लखिसतेव क नाम्द खुशी पुरा आगेगुल.

### प्रकाश दा नळोद

5 जो समाचार नाव आऊन से केळेव अदक नीमी केळसतेव, अद ईद हुन क परमेश्वर प्रकाश हुन अदक आऊन दा येनु उच अंधकार हूलेच. 6 अगर नाव अंदेव क आऊन सांगुळ नाम्द सहभागीता आद अदक मातुत पाप दा नळदेव, रा नाव खवाटा आयेव अदक सच्चाई मा नळालेव; 7 लेकीन अगर हयांग आव प्रकाश दा आन, हांग अच नाव भी प्रकाश दा नळदेव, रा आवुर दाबुर से सहभागीता ईटतेव, अदक आऊन पार यीशु उन रक्ता नामी सप्पा पापगोळ देल शुद्ध माळतद.

8 अगर नाव अंदेव क नाम दा येनु भी पाप ईल्लच, रा तान तान इक धवाका कोळतेव, अदक नाम दा सच्चाई ईल्लच. 9 अगर नाव तान पापगोळी मान्स कोडेव, रा परमेश्वर नामव पापगोळ इक माफ माळोद अदक नामी सप्पा पापगोळ देल शुद्ध माळदुर दा वशिवासलायक अदक न्यायी आन. 10 अगर नाव अंदेव क नाम येनु पाप माळीदलि, रा परमेश्वर उक खवाटा ठहरूसतेव, अदक आऊन वचन नाम दा हूलेच.

## 2

### मसीह नामव सहायक

1 हे नाच किकोरगोळा, ना ईव मातगोळ नीमी इदुरसाटी लखिसतीन क नीव पाप माळवाळी; अदक अगर यावारा पाप माळतान, रा आपु उन हात्ती नामव ऊंद सहायक आन, मतलब न्यायी यीशु मसीह; 2 अदक आवा नामव पापगोळ इक माफ माळतान, अदक उलटा नाम्द अच ईला बलकी पुरा दुनिया अन पापगोळद भी.

3 अगर नाव परमेश्वर उन आग्यागोळ इक मान्सतेव, रा इदुर देल नाव जान्स कोडेव क नाम आऊक जानसेगेव. 4 जो यावारा ईद अनतान, "क नाम आऊक जान्स कोडीन," लेकीन आऊन आग्यागोळ इक मानसालुन, रा आव खवाटा आन अदक आऊन दा सच्चाई ईल्लच; 5 पर जो यावारा आऊन आग्यागोळ मा नळुतान, आऊन दा खराखुरा परमेश्वर उन प्यार सिद्ध आग्याद. इदुर देल नाव जान्सतेव क नाम परमेश्वर उन संगती दा ऊंद आयेव:

6 जो यावारा ईद अनतान कनि आऊन दा बन्सकु ईरतीन, आऊक पायजे कखिद भी हांग अच नळ्ळु हयांग आव नळ्ळुतोगोन.

व्हाशोद आग्या

7 हे प्रिय, ना नीमी यातोदु व्हाशोद आग्यागोळ लखिसालीन, पर अदा हाळोद आग्या जो पयले टु नीमी सक्याद; ईद हाळोद आग्या अद वचन हुन यदरी नीव केळीर. 8 तरी भी ना नीमी व्हाशोद आग्यागोळ लखिसतीन, अदकि ईद अदुर दा अदकि नीम दा सही ठहूसतद; यतकी अंधकार खतम आगेगतद अदकि सच्चाई इन प्रकाश ईग चमकुसली हत्याद.

9 जो यावारा ईद अनतान कनि आऊन अदकि आव तान मसीह वार्ट से दुश्मनी ईटतान, आव ईगासताका अंधकार दा अच आन. 10 जो यावारा तान मसीह वार्ट से प्यार ईटतान आव प्रकाश दा ईरतान, अदकि आव यारदु ठोकर इन कारण बन्स सकालुन. 11 पर जो यावारा तान मसीह वार्ट से दुश्मनी ईटतान आव अंधकार दा आन अदकि अंधकार दा नळ्ळुतान, अदकि जानसालुन कनि याता जागा दा होगेत्यान, यतकी अंधकार आऊन कण्णगोळी कुदुद माळबुटाद.

12 हे चिकोरगोळा, ना नीमी इदुरसाटी लखिसतीन कनि आऊन हेसुर देल नीम पाप माफ आग्याव. 13 हे आप्पगोळा, ना नीमी इदुरसाटी लखिसतीन कनि जो पयले टु आद नीव अदरी अरतीर. हे हारोदोरा, ना नीमी इदुरसाटी लखिसतीन कनि नीव आ दुष्ट मा जय हासलि माळीर. हे पारगोळा, ना नीमी इदुरसाटी लखिसतीन कनि नीव आप्प उक जान्स कोडीर.

14 हे चिकोरगोळा, ना नीमी इदुरसाटी लखिसतीन कनि जो पयले टु आद नीव अदरी जान्स कोडीर. हे हारोदोरा, ना नीमी इदुरसाटी लखिसतीन कनि नीव ताकतवर आईर, अदकि परमेश्वर उन वचन नीम दा बन्सकु ईरतद, अदकि नीव आ दुष्ट मा जय हासलि माळीर.

15 नीव ना रा दुनयि से अदकि ना दुनयि अन्द वस्तुगोळ से प्यार ईटी. अगर यावारा दुनयि से प्यार ईटतान, रा आऊन दा आप्प उन प्यार हेल्लेच. 16 यतकी जो येनारा संपत्ती दुनयि दा आद, मतलब मय इन अभलाषा अदकि कण्णगोळद इच्छा अदकि जीव इन घमण्ड, अद आप्प उन दी टु ईला लेकीन दुनयि दी टु उच आद. 17 पुरा दुनयि अदकि अदुद अभलाषागोळ येदुदु मट्टिसेगताव, लेकीन जो परमेश्वर उन इच्छा मा नळ्ळुतान आव हमेशा बन्सकु ईततान.

मसीह-वरिधी

18 हे पारगोळा, ईद आखरी समय आद; अदकि हयांग नीव केळीर कनि मसीह अन्द वरिधी बरावाळा आन, अदुर अनुसार ईग भी हापाळ सा मसीह-वरिधी यदकु नदिरयार; इदुरसाटी नाव जान्सतेव कनि ईद आखरी समय हुन. 19 आदुर होटार भी रा नाम दा टु उच, लेकीन नाम दा टु ईला ईरोर; यतकी अगर आंदुर नाम दा टु ईरायदुर रा नाम सांगुळ ईरायदुर; लेकीन होटक इदुरसाटी होदुर कनि ईद प्रगट आगुल कनि आंदुर सप्पा मंदुर नाम दा टु आल्लेच.

20 लेकीन नीमद रा आ पवतिर आत्मा देल अभिक आग्याद, अदकि नीव सप्पा येनारा जान्सतीर. 21 ना नीमी इदुरसाटी लखिसदिलि कनि नीव सच्चाई इक जान्सालीर, लेकीन इदुरसाटी कनि आऊक जान्सतीर, अदकि इदुरसाटी कनि यातोदु भी खवाटा वस्तु, सच्चाई दी टु हेल्लेच.

22 खवाटा याव आन? सरिफ आव जो यीशु उन मसीह ईरोद से इनकार माळतान; अदकि मसीह अन्द वरिधी आवा हुन, जो आप्प उन अदकि पार उन इनकार माळतान. 23 जो यावारा पार उन इनकार माळतान आऊन हात्ती आप्प भी हेल्लेच: जो पार उक मान्स कोमतान, आऊन हात्ती आप्प भी आन.

24 जो येनारा नीव पयले टु केळीर, अदा नीम दा बन्सकु ईरूल; जो नीव सूरु टु केळीर, अगर अद नीम दा बन्सकु ईरूल रा नीव भी पार दा अदकि आप्प उन दा बन्सकु ईततीर. 25 अदकि यदुद आव नाम से वादा माळदुन अद अनन्त जीवन हुन.

26 ना ई मातगोळ नीमी आ लांकुर बारा दा लखिसतीन, जो नीमी बैकुसतार; 27 लेकीन नीमद अद अभिक जो आऊन दी टु माळकु आत, नीम दा बन्सकु ईरतद, अदकि नीमी इदुरद जरवत ईला कनि यावारा नीमी कलसुल, उलटा हयांग अद अभिक जो आऊन दी टु माळकु आत नीमी सप्पा मातगोळ कलसतद, अदकि ईद सही आद अदकि खवाटा हेल्लेच; अदकि हयांग आव नीमी कलसयान हांग अच नीव अदुरदा बन्सकु ईरतीर.

28 इदुरसाटी हे चिकोर, अदुरदा बन्सकु ईरी कनि याग आव प्रगट आदान रा नाम दा हमिमत ईरूल, अदकि नाव आऊन बंदुर मा आऊन मंद नाचकतदिलि. 29 अगर नीव जान्सतीर, कनि आव न्यायी आन, रा ईद भी जान्सतीर कनि जो यावारा न्याय इन कयालसा माळतान आव आऊन से पैदा आग्यान.

### 3

परमेश्वर उन चिकोर

1 \*नोळी, आप्प नाम से हयांग प्यार माळकु कारदुन कनि नाव परमेश्वर उन औलाद अंदकु आदेव; अदकि नाव आयेव भी. ईद कारण दुनयि नामी अराल, यतकी आव आंदरी भी अरतीदलि. 2 हे प्रिय संगीगोळा, ईग नाव परमेश्वर उन औलाद आयेव, अदकि ईगासताका ईद प्रगट आगीदिलि कनि नाव अदकि येन आदेव! ईट जान्सतेव

कियाग प्रगट आदीत रा नाव आऊन घाई आवेव, यतकी आऊक हांग अच नोळेव ह्यांग आव आन. <sup>3</sup> अदकि जो यावारा मसीह मा ईद आशा ईटतान, आव तान तान इक हांगा शुद्ध माळतान ह्यांग मसीह शुद्ध आन

<sup>4</sup> जो यावारा पाप माळतान, आव ब्यवस्था अन्द वरिध माळतान; अदकि पाप रा ब्यवस्था अन्द वरिध हुन. <sup>5</sup> नीव जानसतीर क आव इदुरसाटी प्रगट आदुन क पापगोळी तेगद बुळ्ल; अदकि आऊन स्वभाव दा पाप हैलेच. <sup>6</sup> जो यावारा आऊन एकता दा बन्सकु ईरतान, आव पाप माळालुन: जो यावारा पाप माळतान, आव ना रा आऊक नोळ्यान अदकि ना आऊक जानस्यान.

<sup>7</sup> हे चकिरा, यारदारा बैकावा दा बराळेतीर. जो न्याय इन क्यालसा माळतान, आव अच आऊन घाई आन. <sup>8</sup> जो यावारा पाप माळतान आव शैतान दी टु आन, यतकी शैतान पयले टु उच पाप माळत बंदान. परमेश्वर उन पार इदुरसाटी प्रगट आदुन क शैतान उन क्यालसागोळद नाश माळकु छुटकारा कोळ्ल.

<sup>9</sup> जो यावारा परमेश्वर उन से पैदा आग्यान आव पाप माळालुन; यतकी आऊन स्वभाव दा बन्सकु ईरतान, अदकि आव पाप माळ अच सकालुन यतकी आव परमेश्वर देल पैदा आग्यान. <sup>10</sup> इदुर देल अच परमेश्वर उन औलाद अदकि शैतान उन औलाद अरूकु आगतद; जो यावारा न्याय इन क्यालसा माळालुन आव परमेश्वर देल पैदा आगीदील, अदकि ना आव जो तान मसीह वार्ट से प्यार ईटालुन.

आबुर दाबुर से प्यार ईटी

<sup>11</sup> यतकी जो समाचार नीव पयले टु केळीर, अद ईद आग्या हुन क नाव आबुर दाबुर से प्यार ईटटेव; <sup>12</sup> अदकि कैन उन घाई बन्सवाळी जो आ दुष्टगोळ दा टु ईरोन, अदकि याव तान मसीह वार्ट उक कोंद बुट्टुन. अदकि आऊक याता कारण देल कोंद बुट्टुन? ई कारण कि ईऊन क्यालसा बुरा ईरव, अदकि आऊन क्यालसा न्याय इनव ईरव.

<sup>13</sup> हे मसीह वार्ट अदकि आकतींगेरा, अगर दुनया नीम से दुश्मनी माळतद रा अचम्भा माळबाळी. <sup>14</sup> नाव जानसतेव क नाव मृत्यु टु पार आगकु जीवन दा प्रवेश माळेव; यतकी नाव मसीह वार्टु से प्यार ईटतेव. जो प्यार ईटालुन आव मृत्यु उन दशा दा ईरतान. <sup>15</sup> जो यावारा तान मसीह वार्ट से दुश्मनी ईटतान, आव हत्यारा हुन; अदकि नीव जानसतीर क यावारा हत्यारा दा अनन्त जीवन ईरालद. <sup>16</sup> नाव प्यार इदुर देल अच जानसदेव क आव नाम साटी तान जीव कोट बुट्टुन; अदकि नामी भी खुद मसीह वार्ट अदकि आकतींगेरा साटी जीव कोळ पायजे. <sup>17</sup> लेकीन जो यारदारा हात्ती दुनया अन्द संपत्ती ईरू अदकि आव तान मसीह वार्ट उक कंगाल नोळकु आऊन जरवत मा तरस तनिाद चाहासालुन, रा आऊन दा परमेश्वर उन प्यार ह्यांग बन्सकु ईर सकतद? <sup>18</sup> हे चकिरा, नाव वचन अदकि ल्यालग्या देल अच ईला, लेकीन क्यालसा अदकि सच्चाई अन्द द्वारा भी प्यार ईटटेव.

परमेश्वर उन हात्ती हम्मिमत

<sup>19</sup> इदुर देल अच नाव जानसेव क नाव सच्चाई नव हुयेव; अदकि याता मात दा नाम मन नामी दोष कोट्टीत, अदुर बारा दा नाव परमेश्वर उन मुंद आत्मवश्वास देल ईत्तेव; <sup>20</sup> यतकी परमेश्वर नाम मन देल हापाळ धोडडेव आन, अदकि सप्या येनारा जानसतान. <sup>21</sup> हे प्रयि संगीगोळा, अगर नाम मन नामी दोष कोळाल, रा नामी परमेश्वर उन मुंद हम्मिमत ईरतद; <sup>22</sup> नाव आऊन से जो येनारा वेळतेव, अद नामी आऊन हात्ती टु सकितद, यतकी नाव आऊन आग्यागोळ इक मानसतेव अदकि जो आऊक वळ्लीद हततद अदा माळतेव. <sup>23</sup> आऊन आग्या ईद आद क नाव आऊन पार यीशु मसीह अन्द हेसुर मा वश्वास माळेव, अदकि ह्यांग आव नामी आग्या कोटान आऊंदा अनुसार आबुर दाबुर दा प्यार ईटटेव. <sup>24</sup> जो परमेश्वर उन आग्यागोळ इक मानसतान, आव परमेश्वर दा अदकि परमेश्वर आंदुर दा बन्सकु ईरतान: अदकि इदुर देल अच, मतलब आ आत्मा देल जो परमेश्वर नामी कोटान, नाव जानसतेव क परमेश्वर नाम दा बन्सकु ईरतान.

## 4

आत्मागोळद परख माळी

<sup>1</sup> हे प्रयि संगीगोळा, हर ऊंद आत्मा अन्द वश्वास माळबाळी, उलटा आत्मागोळद परख माळी क आव परमेश्वर दी टु हुव का आल्लच; यतकी हापाळ सा ख्वाटा भवषियवक्तागोळ दुनया दा होटकु नदिरकु आर. <sup>2</sup> परमेश्वर उन आत्मा नीव ईदा रीत देल जानस सकतीर: जो आत्मा मान्स कोमतद क यीशु मसीह मय दा टु आगकु बंदान आव परमेश्वर उन दी टु हुन, <sup>3</sup> अदकि जो आत्मा यीशु मसीह इक मानसाल, अद परमेश्वर उन दी टु आल्लच; अदकि अदा रा मसीह अन वरिधी इन आत्मा हुन, यदुर चर्चा नीव केळ कोडीर क आव बरावाळा आन, अदकि ईग भी दुनया दा आन. <sup>4</sup> हे चकिरा, नीव परमेश्वर नोर हुईर, अदकि नीव आ आत्मागोळ मा जय हासलि माळीर; यतकी जो नीम दा आद आऊन से जो दुनया दा आन, महान आन. <sup>5</sup> आंदुर दुनया नोर आर, ई कारण आंदुर दुनया अन मातगोळ माताळतार, अदकि दुनया आंदुर केळतद. <sup>6</sup> नाव परमेश्वर उन हुयेव. जो परमेश्वर उक जानसतान, आव नाम्द केळतान; जो परमेश्वर उक जानसालुन आव नाम्द केळालुन. ई प्रकार नाव सच्चाई इन आत्मा अदकि भ्रम ईद आत्मा अक अर्त कोमतव.

परमेश्वर प्यार हुन

<sup>7</sup> हे प्रयि, नाव आबुर दाबुर दा प्यार ईटटेव, यतकी प्यार परमेश्वर से आद, जो यावारा प्यार माळतान, आव परमेश्वर से पैदा आग्यान अदकि परमेश्वर उक जानसतान. <sup>8</sup> जो प्यार ईटालुन आव परमेश्वर उक जानसालुन,



यतकी परमेश्वर प्यार हुन. 9 जो प्यार परमेश्वर नाम से ईटतान, अद ईदुर देल परगट आग्याद कि परमेश्वर तान ऊंद ठैसा पार उक दुनयिया दा कळयान कि नाव आऊन द्वारा जीवन प्राप्त माळवे. 10 प्यार इदुर दा हैलेच कि नाव परमेश्वर से प्यार माळदेव, लेकीन इदुर दा आद कि आव नाम से प्यार माळदुन अदकि नाम पापगोळद माफ अन साटी तान पार उक कळदुन.

11 हे प्रिय, याग परमेश्वर नाम से हगि प्यार माळदुन, रा नामी भी आबुर दाबुर दा प्यार ईट पायजे. 12 परमेश्वर उक याऊ यागलु नोळीदील; अगर नाव आबुर दाबुर दा प्यार ईटटेव, रा परमेश्वर नाम दा बन्सकु ईरतान अदकि आऊन प्यार नाम दा सदिध आग्याद.

13 इदुर देल अच नाव जान्सतेव कि नाव आऊन दा बन्सकु ईरतेव, अदकि आव नाम दा; यतकी आव तान आत्मा नामी कोटान. 14 नाव नोळ भी कोण्डेव अदकि गवाही कोळतेव कि आपुप पार उक दुनयिया दा उदधारकर्ता माळकु कळयान. 15 जो यावारा ईद मान्स कोमतान कि यीशु परमेश्वर उन पार हुन, परमेश्वर आऊन दा बन्सकु ईरतान, अदकि आव परमेश्वर दा

16 जो प्यार परमेश्वर नाम से ईटतान, अदरी नाव जान्स कोडेव अदकि नामी आऊन वशिवास आद. परमेश्वर प्यार हुन, अदकि जो प्यार दा बन्सकु ईरतान आव परमेश्वर दा बन्सकु ईरतान, अदकि परमेश्वर आऊन दा बन्सकु ईरतान. 17 इदुर देल अच प्यार नाम दा सदिध आग्याद कि नामी न्याय इन दशी हम्मिमत ईरूल; यतकी हयांग मसीह आन हांग अच दुनयिया दा नाव भी आयेव. 18 प्यार दा अंजुक ईराल, उलटा सदिध प्यार अंजुक इक दुर माळ बुळतद; यतकी अंजुक इन संबंध दण्ड देल ईरतद, अदकि जो अंजुक ईटतान आव प्यार दा सदिध आगीदील.

19 नाव इदुरसाटी प्यार माळतेव, कि पयले आव नाम से प्यार माळदुन. 20 अगर यावारा अंदान, “ना परमेश्वर से प्यार ईटतीन,” अदकि तान मसीह वार्ट से दुश्मनी ईटुल रा आव ख्वाटा आन; यतकी जो तान वार्ट से यारी आव नोळयान प्यार ईटालुन, रा आव परमेश्वर से भी यारी आव नोळीदील प्यार माळालुन. 21 आऊन से नामी ईद आग्या सक्याद, कि जो यावारा परमेश्वर से प्यार ईटतान आव तान मसीह वार्ट से भी प्यार ईटुल.

## 5

दुनयिया मा जय हासलि माळोद

1 यार्द ईद वशिवास आद कि यीशु अच मसीह हुन, आव परमेश्वर से पैदा आग्यान; अदकि जो यावारा पैदा माळावाळा से प्यार ईटतान, आव आऊन से भी प्यार ईटतान जो आऊन से पैदा आग्यान. 2 याग नाव परमेश्वर से प्यार ईटतेव अदकि आऊन आग्यागोळ इक मान्सतेव, रा इदुर देल अच नाव जान्सतेव कि नाव परमेश्वर उन औलादगोळ से प्यार ईटतेव. 3 यतकी परमेश्वर से प्यार ईटोद ईद हुन कि नाव आऊन आग्या अक मानसेव; अदकि आऊन आग्यागोळ कठनि हैलेच. 4 यतकी जो येनारा परमेश्वर देल पैदा आग्याद, अद दुनयिया मा जय हासलि माळतद; अदकि अद वजिय यदुर देल दुनयिया मा जय हासलि आगतद अदा नाम वशिवास हुन. 5 दुनयिया मा जय हासलि माळावाळा याव हुन? सरिफ आव यार्द ईद वशिवास आद कि यीशु, परमेश्वर उन पार हुन.

यीशु मसीह अनूद बारा दा गवाही

6 ईवा हुन आव जो नीर अदकि खून अन द्वारा बंदीदुन, मतलब यीशु मसीह: आव सरिफ नीर इन द्वारा ईला लेकीन नीर अदकि रक्ता येदुदु चजि इन द्वारा बंदीदुन ईद गवाही सचचाई हुन. 7 अदकि जो गवाही कोळतद, अद आत्मा हुन; यतकी आत्मा सचचाई आद. 8 गवाही कोळावाळा मुर आव, आत्मा, अदकि नीर, अदकि रक्ता; अदकि मूर ऊंदा मात मा सयमत आव. 9 याग नाव मंळसागोळद गवाही मान्स कोमतेव, रा परमेश्वर उन गवाही रा अऊर से वाळुसकु आद; अदकि परमेश्वर उन गवाही ईद आद कि जो आव तान पार उन बारा दा कोटान. 10 जो परमेश्वर उन पार मा वशिवास माळतान आव तान मन दा अच गवाही ईटतान. याव परमेश्वर मा वशिवास माळीदलि आव आऊक ख्वाटा ठहूरसदुन, यतकी आव आ गवाही मा वशिवास माळीदलि जो परमेश्वर तान पार उन बारा दा कोटान. 11 अदकि अद गवाही ईद हुन कि परमेश्वर नामी अनन्त जीवन कोटान, अदकि ईद जीवन आऊन पार उन दा आद. 12 यार हात्ती पार आन, आऊन हात्ती जीवन आद, अदकि यार हात्ती परमेश्वर उन पार हैलेच, आऊन हात्ती जीवन भी हैलेच.

अनन्त जीवन

13 ना नीमी, जो परमेश्वर उन पार उन हेसुर मा वशिवास माळतीर, इदुरसाटी लखिसतीन कि नीव अरत कोमी कि अनन्त जीवन नीमूद आद. 14 अदकि नामी आऊन मुंद जो हम्मिमत सकितद, अद ईद हुन; कि अगर नाव आऊन इच्छा अनूद अनुसार येनारा बेळतेव, रा आव नाम केळतान. 15 याग नाव जो येनारा आऊन से बेळतेव आव नाम केळतान, रा ईद भी जान्सतेव कि जो येनारा नाव आऊन से बेळदेव, आव केळतान.

16 अगर यावारा तान मसीह वार्ट उक हगि पाप माळतेला नोळुल यदुरद अंजाम मृत्यु आगाल, रा वनिती माळकु बेळुल, अदकि परमेश्वर आऊक आदुर साटी, यार हगि पाप माळयार यदुरद अंजाम मृत्यु आगाल, जीवन कोटान. पाप हगि भी आगतद यदुरद अंजाम मृत्यु आगतद; इदुर बारा दा ना वनिती माळोर साटी हेळालीन. 17 सप्पा प्रकार इन अन्याय रा पाप हुन, लेकीन हगि पाप भी आद यदुरद अंजाम मृत्यु आल्लच.

18 नाव जान्सतेव, कजिो यावारा परमेश्वर उन से पैदा आग्यान, आव पाप माळालुन; लेकीन जो परमेश्वर से पैदा आग्यान, आऊक आव ऊळ्सकु ईटतान, अदकि आ दुष्ट आऊक मुट सकाल.

19 नाव जान्सतेव कजि नाव परमेश्वर से आयेव, अदकि सप्पा दुनिया आ दुष्ट उन वश दा बदिक् आद.

20 नाव ईद भी जान्सतेव कजि परमेश्वर उन पार होट बंदान अदकि आव नामी समझ कोटान कजि नाव आ सही परमेश्वर उक अरतेव; अदकि नाव अदुर दा जो सच्चाई आद, मतलब आऊन पार यीशु मसीह दा ईरतेव. खरा परमेश्वर अदकि अनन्त जीवन ईदा हुन.

21 हे चकिरा, तान तान इक मूर्तीगोळ देल ऊळ्सकु ईटी.

## यूहन्ना की दूसरी पत्री यूहन्ना अन्द दूसरा चिट्ठी परचिय

२ यूहन्ना अन्द चिट्ठी यूहन्ना अन्द द्वारा मसीह अन्द जनम इन ५० से १०० साल इन न्याइया दा लखिसकु आगीत. यूहन्ना खुद इक लेखक इन रूप दा अरालुन, बल्की आव खुद इक स्याणा अनतान. यूहन्ना अन्द अनुसार खुशखबरी दा सकिद सामगरी इन तुलना दा २ यूहन्ना अन्द सामगरी हात्ती टु सकिद. ईद वशिष रूप देल स्पष्ट आद क याता प्रकार देल आव आबुर दाबुर से प्यार माळोर साटी यीशु उन आदेश मा जोर कोळतान अदकि याता प्रकार देल आव तान आदेशगोळ पालन माळोर सांगुळ यीशु से प्यार माळतान १:५-६, यूहन्ना १५:१-१०. हगि मानसकु आगतद क १ यूहन्ना अन्द चिट्ठी इन अनुसार खुशखबरी लखिसीदुन अदकि इफसिस दा ईरतेला मुर चिट्ठी १ यूहन्ना, २ यूहन्ना अदकि ३ यूहन्ना ईरव.

यूहन्ना ई चिट्ठी इक नविळुसद आरतेर अदकि आकनि चकिोर इक संबोधति माळयान. आव शायद ऊद मंडली इन जकिर माळोन. ई चिट्ठी इक लखिसदुर दा यूहन्ना अन्द उद्देश मंडली इक प्रोत्साहति माळोद ईरोद अदकि आ खवाटा गुरुगोळी चेतवनी कोळोद ईरोद.

रूप-रेखा

१. यूहन्ना ईद अंदकु चिट्ठी प्रस्तुत माळतान क ईद यार्द साटी हुन अदकि इदरी प्राप्तकर्तागोळद अभिवादन इन द्वारा याव आन. १:१-३
२. बाक आव मंडली इक प्रोत्साहति माळतान अदकि आंदरी धोळद आदेश इन याद तोरसतान. १:४-६
३. ईदुर बाददा, आव आंदरी खवाटा गुरुगोळद चेतवनी कोळतान. १:१७-११
४. यूहन्ना मंडली दा वशिवासीगोळ से बधाई बातणी कोटकु तान चिट्ठी पुरा माळतान यल आव ईरतान. १:१२-१३

1 नानी स्याणा दी टु आ नविळुसद आरतेर अदकि आंदुरद चकिोरगोळव हेसुर, यार से ना खरा प्यार ईटतीन, अदकि सर्फि ना अच ईला उलटा आंदुर सप्पा मुंदुर भी प्यार ईटतार जो सच्चाई इक अरूतार; 2 अद सच्चाई जो नाम दा स्थरि ईरतद, अदकि हमेशा नाम सांगुळ अटल ईत्तीत;

3 परमेश्वर आप्प, अदकि आप्प उन पार यीशु मसीह दी टु अनुग्रह अदकि दया अदकि शांती, सच्चाई अदकि प्यार इन सांगुळ नाम सांगुळ ईत्ताव.

सच्चाई अदकि प्यार

4 ना हापाळ खुश आदीन क ना नीन थवाळासा चकिोर इक आ आग्या अन्द अनुसार, जो नामी आप्प उन दी टु सकिीत, सच्चाई मा नळुतेला सकिीत. 5 ईग हे आरत, ना नीनी ईग यातोदु वहाशोद आग्या ईला, लेकीन अदा जो पयले टु नाम हात्ती आद, लखिसतीन; अदकि नीन से वनिती माळतीन क नाव आबुर दाबुर से प्यार ईटटेव. 6 अदकि प्यार ईद हुन क नाव आऊन आग्या अन्द अनुसार नळदेव; ईद अदा आग्या हुन जो नीव पयले टु केळीर, अदकि नीमी इदुर मा नळुली भी पायजे.

7 यतकी हापाळ सा हगि बैकुसावाळेर दुनयिया दा होटकु बंदार, जो ईद मानसालुर क यीशु मसीह मय दा टु होटकु बंदान; बैकुसावाळा अदकि मसीह-वशिष माळावाळा ईवा हुन. 8 तान बारा दा सावधान ईरी, क जो मयनत नाव माळेव अद नीम से काळुबाळुन, उलटा अदुर सप्पा प्रतफिल नीव ताकोमी.

9 जो यावारा मसीह अन्द शकिषा देल मुंद वाळुसेगतान अदकि अदुर दा बन्सकु ईरालुन, आऊन हात्ती परमेश्वर हैलेच; जो यावारा आऊन शकिषा दा स्थरि ईरतान, आऊन हात्ती आप्प भी आन अदकि पार भी. 10 अगर यावारा नीम हात्ती बरतान अदकि ईदा शकिषा कोळालुन, आऊक ना रा मान्या बरगोळी अदकि ना नमस्कार माळी. 11 यतकी जो यावारा ईत्ता मळसा अक नमस्कार माळतान, आव आऊन बुरा क्वाल्सागोळ दा सहभागी आगतान.

आखरी अभिवादन

12 नानी हापाळ सा मातगोळ नीमी लखिसव आव, लेकीन कागद अदकि स्याही देल लखिसोद चाहासालीन, लेकीन आशा आद क ना नीम हात्ती बराईन अदकि आमने-सामने मातकात हेळाईन, यदुर देल नीम खुशी पुरा आगुल.

13 नीन नविळुसद आकतीग इन चकिोर नीनी नमस्कार अनतार.

## यूहन्ना की तसिरी पत्री यूहन्ना अन्द तसिरा चट्ठी परचिय

३ यूहन्ना अन्द चट्ठी यूहन्ना अन्द द्वारा मसीह अन्द जनम इन ५० से १०० साल इन न्याइया दा लखिसकु आगीत. यूहन्ना खुद इक लेखक इन रूप दा अरालुन, बल्की ईदुर बजाय खुद इक स्याणा १:१ अनतान. आव २ यूहन्ना १:१ दा भी अदा अनतान. हगि मानसकु आगतद कि यूहन्ना ३ यूहन्ना अन्द चट्ठी इन अनुसार खुशखबरी लखिसीदुन अदकि इफसिस दा ईरतेला मुर चट्ठी १ यूहन्ना, २ यूहन्ना अदकि ३ यूहन्ना ईरव.

यूहन्ना ई चट्ठी इक गोयास हेसुर इनव ऊंद आसतकि उक लखिसीदुन. आव गोयास उक ऊंद संगी इन रूप दा संबोधति माळतान अदकि आऊक आ कषेत्र अन्द माध्यम देल जो यात्रा माळेत्यार आ इसाई वार्दुर साटी पाऊना नयोजति आगोद नरिदेश कोळतान.

रूप-रेखा

१. यूहन्ना तान चट्ठी प्रस्तुत माळतान. १:१
२. अदुर बाददा आव गोयास उक प्रोत्साहति माळतान अदकि वार्दुर इक पाऊना तोरसोर साटी नरिदेश कोळतान. १:२-८
३. ईदुर बाददा, आव दुसरा येदुद मळसागोळ, दयितुरफिस अदकि दमितुरयिस उन मात माळतान. १:९-१२
४. आखरी दा आव तान चट्ठी खतम माळतान. १:१३-१४

1 \*नान स्याणा अन दी टु प्रयि गयुस उन हेसुर, यार से ना सही प्यार ईटतीन.

2 हे प्रयि, नान ईद प्रार्थना आद कि हयांग नी आत्मकि उननती माळेत्या, हांग अच नी सप्पा मातगोळ दा उननती माळ अदकि भला चंगा ईर. 3 यतकी याग वार्दुर बंदकु नीन आ सच्चाई इन गवाही कोट्टुर, यदुर मा खराखुरा नळेत्या, रा ना हापाळ खुश आदीन. 4 नानी इदुर से यककुल मातत यातोदु खुशी इन जरवत हैलेच यदरी ना केळाईन, कि नान चकिोर सच्चाई मा नळेतार.

गयुस उन प्रशंसा

5 हे प्रयि, जो येनारा नी आ वार्दुर सांगुळ माळेत्या, जो परदेशी आद, अदरी सच्चाई देल माळेत्या. 6 आंदुर मंडली इन मुंद नीन प्यार इन गवाही कोटार. अगर नी आंदरी आ प्रकार देल वदि माळेत्या यातता प्रकार देल परमेश्वर उन लाँकुर साटी उचति आद रा वळलीद माळेत्या. 7 यतकी आंदुर आ हेसुर साटी होटार, अदकि दुसरा जाती नोर लाँकुर से येनु ताकोमालुर. 8 इदुरसाटी नाव मसीह लाँकुरी हगि लाँकुरद स्वागत माळ पायजे, यदुर देल नाव भी सच्चाई अन्द पक्ष दा आंदुर सहकर्मी आदेव.

दयितुरफिस अदकि दमितुरयिस

9 ना मंडली इक येनारा लखिसीदनि, लेकीन दयितुरफिस जो आंदुर दा धोड्डेव आगोद चाहासतान, नामी ग्रहण माळालुन. 10 इदुरसाटी याग ना बराईन रा आऊन क्यालसागोळद जो आव माळेत्यान, सुधी तोरसाईन, कि आव नाम बारा दा बेकार-बेकार मातगोळ माताळतान; अदकि इदुर मा भी संतोष ईला आगकु खुद अच वार्दुर इक ग्रहण माळालुन; अदकि आंदरी जो ग्रहण माळोद चाहासतार मना माळतान अदकि मंडली दा टु तेगद बुळतान.

11 हे प्रयि, बुराई इन ईला लेकीन भलाई इन अनुयायी आगी. जो भलाई माळतान, आव परमेश्वर उन दी टु हुन; लेकीन जो बुराई माळतान, आव परमेश्वर उक नोळीदील.

12 देमेतुरयिस उन बारा दा सप्पा मुंदुर, उलटा सच्चाई भी खुद अच गवाही कोळत; अदकि नाव भी गवाही कोळतेव, अदकि नी जानसत्या कि नाम गवाही सही आद.

आखरी अभिवादन

13 नानी नीनी हापाळ येनारा लखिसोद रा ईरोद, लेकीन स्याही अदकि कलम देल लखिसोद चाहासालीन. 14 लेकीन नानी आशा आद कि नीन से राटनेरी मुलाकात माळाईन, आग नाव आमने-सामने मातकात हेळाता.

15 नीनी शांती सक्ति ईल.

ईलेर संगी नीनी नमस्कार माळतार. अलेर संगीगोळ हेसुर ताकोम ताकोमकु नमस्कार माळ कोमेत.

## यहूदा की पत्री यहूदा अन्द चिट्ठी परचिय

यहूदा हेसुर इन चिट्ठी इन हेसुर इदुर लेखक उन हेसुर मा ईटक आग्याद. यहूदा खुद इक याक्व, यीशु उन वार्ट उन रूप दा अरूतान. इदुरसाटी आव भी यीशु उन वार्टुर दा टु ऊंद मानसकु आगतान १. नाव जानुसालेव कि ई चिट्ठी ऊंद वशिष्ट मंडली इन साटी ईरोद अदकि हाळोद नयिम इन संदर्भगोळ कारण, यहूदा अन्द मुल पाठकगोळ संभावना यहूदीगोळ से आगीत. हालाका, आव तान चिट्ठी इक संबोधति माळतान “आ सप्पा मुंदुर इक यारी कार्क आग्याद, यारी आपु उन से प्यार आद अदकि यीशु मसीह अन्द साटी ईटक आद” १. ईद चिट्ठी शायद मसीह अन्द जनम इन ६० साल इन बाददा लखिसकु आगीत.

सप्पा इसाईगोळी चिट्ठी लखिसोद आंदुर उद्देश आंदरी खवाटा गुरुगोळ यहूदा १:४ द्वारा भटकसोद खलिाप चेतवनी कोळोद हुन. आव हाळोद नयिम इन घटनागोळ अदकि खातागोळी आंदुर तरकगोळी ताकत कोळोर साटी संदर्भति माळतान. ईद चिट्ठी दुसरा पतरस उन चिट्ठी इन सांगुळ खवाटा गुरुगोळ यहूदा १:४, २ पतरस २:१ सांगुळ-सांगुळ स्वर्गदूतगोळ अदकि सदोम अदकि अमोरा अन्द संदर्भगोळ खलिाप चेतवनी सहति हापाळ वचिर मुंद तरतद.

रूप-रेखा

१. यहूदा पयले तान पाठकगोळी संबोधति माळतान. १:१-२
२. ईदुर बाददा, आव लेखन इन साटी तान कारण कोळतान जो आंदरी खवाटा गुरुगोळ खलिाप चेतवनी कोळोद हुन. १:३-४
३. अदुर बाददा आव हाळोद नयिम दा लॉकुर अदकि घटनागोळ उदाहरण कोळतान. १:५-१६
४. बाक आव आंदरी हेळतान कि आंदुर प्रतिक्रिया चेतवनी इन साटी येन ईर पायजे. १:१७-२३
५. आखरी दा आव आ चिट्ठी इक परमेश्वर उन स्तुति माळकु खतम माळ बुळतान. १:२४-२५

- 1 यहूदा अन दी टु जो यीशु मसीह अन दास अदकि याक्व उन वार्ट हुन,  
जो कार्सकु आग्यार आंदुर हेसुर जो परमेश्वर आपु दा प्रयि अदकि यीशु मसीह अन साटी सुरक्षति आन.
- 2 दया अदकि शांती अदकि प्यार नीमी हापाळ सा प्राप्त आगतेला ईरूल.

खवाटा गुरु

३ हे प्रयि संगीगोळा, याग ना नीमी आ उद्धार इन बारा दा लखिसदुर दा हापाळ मेहनत देल कोशशि माळीन यदुर दा नाव सप्पा सहभागी आयेव, रा ना नीमी ईद समझसोद जरूरी समसदीन कि नीमी प्रोत्साहति माळाईन आ वशिवास इन साटी पुरा कोशशि माळी जो पवतिर लॉकुरी ऊंद अच घन सौप्सकु आगीत. 4 यतकी यास ईत्ता मळसा चुपचाप नाम दा बंदकु सकिदुर, यारद ई दण्ड इन वर्णन हाळोद समय दा पयले टु अच भविष्यवाणी माळकु आगीत: हगि लॉकुर परमेश्वर उन बनिा, अदकि हगि लॉकुर परमेश्वर उन अनुग्रह अक लुचपन दा बदलुस बुळतार, अदकि नाम ऊंद मातर स्वामी अदकि प्रभु यीशु मसीह अन इनकार माळतार.

5 लेकीन नीव सप्पा मात ऊंद घन जानुस कोंडीर, तरी ना नीमी ई मात इन सुधी कोळोद चाहासतीन कि प्रभु ऊंद कुल इक मसित्तर द्याश टु बीळसदुर बाददा वशिवास ईला तरावाळेर इक नाश माळ वुट्टुन. 6 बाक जो स्वर्गदूतगोळ तान धोळद पद इक संची ईटीदील उलटा तान नजि नवास इक बटि वुट्टुर, आव आंदरी भी आ भीषण दनि इन न्याय इन साटी अधिकार दा, जो सदा काल इन साटी आद बंधनगोळ दा ईटक आद. 7 याता रीत दिल सदोम अदकि गमोरा अदकि आंदुर आसपास इन नगर, जो स्वर्गदूतगोळ घाई व्यभचिारी आगेगीदुर अदकि पराया मय इन हदि हत्तेगीदुर बेक्की इन अनन्त दण्ड दा बदिकु उदाहरण टहरस्यार.

8 अदा रीत दिल ई स्वपुनदर्शी भी तान तान मय इक अशुधद माळतार, अदकि परमेश्वर उक तुच्छ जानुसतार, अदकि दविय स्वर्गदूतगोळ इक बुरा भला अनतार. 9 लेकीन प्रधान स्वर्गदूत मीकाईल, याग शैतान से मूसा अन लाश इन बारा दा वाद वचिाद माळदुन, रा आऊक बुरा भला अनकु दोष हचोद साहस माळीदील लेकीन ईद अंदुन, “प्रभु नीद न्याय माळूल.” 10 लेकीन ई लॉकुर याता मातगोळी जानुसालुर आंदरी बुरा भला अनतार, अदकि याता मातगोळी अचेतन पशुगोळ घाई स्वभाव देल अच जानुसतार, आंदुर दा तान तान इक नाश माळतार. 11 आंदुर मा हाय! यतकी आंदुर कैन इन चाल नळदुर, अदकि पैस्या अन लोभ इन साटी वल्लाम इन घाई भ्रष्ट आगेग्यार, अदकि कोरह अन घाई वरिध माळकु नाश आग्यार. 12 ईद नीम प्यार भोज दा आ होचकु चट्टानगोळ घाई आद जो घातक आद. जो सरिफ तान स्वार्थ इद अच चिता माळतार. अदकि बनिा नीर इन बादल इन घाई आर, आंदुर पतझळ इन ईत्ता मारर उर यदुर मा काय ईरालुद आंदुर येढे घन सोतकु आर अदकि आंदरी जळ देल कीतकु आग्याद. 13 इंदुर समुद्र अन प्रचंड लयर उर, जो तान शरम इन फेस भळितार; इंदुर डावाडोल तारा उर, यार साटी परमेश्वर सनातन काल ताका घोर अंधकार ईट्यान.

✧ 1:1 १:१ मत्ती १३:५५; मरकुस ६:३

✧ 1:9 १:९ प्रकाशतिवाक्य १२:७

14 हनोक भी जो आदम टु सातवा पीढी दा ईरोन, इंदुर बारा दा ईद भवषियवाणी माळदुन, “नोळी, प्रभु तान हजारो पवतिर स्वर्गदूतगोळ सांगुळ बंदान.” 15 कसपपा मुंदुर न्याय माळुल, अदकिसपपा भक्तहीनगोळी आंदुर अभक्ती इन सपपा क्याल्सागोळ बारा दा जो आंदुर भक्तहीन आगकु माळ्यार, अदकि आ सपपा कठोर मातगोळ बारा दा जो भक्तहीन पापीगोळ आऊन वरिध दा अंदार, दोषी ठहरसुल.

16 इंदुर रा असंतुष्ट, कूळकूळसावाळेर, अदकि तान बेकार लालसागोळद अनुसार नळावाळेर उर, अदकि तान बाय देल घमण्ड इन मातगोळ माताळतार, अदकि आंदुर लाभ इन साटी बाय नोळकु वळाई माळतार.

चेतावनी अदकि उपदेश

17 लेकीन हे प्रथिगोळा, नीव आ मातगोळी याद ईटी जो नाम प्रभु यीशु मसीह अन प्रेरति पयले अच अन कोंडार. 18 इंदुरसाटी आंदुर नीम से अनतोगोर, “आखरी दनिगोळ दा हृगि मज्याक माळावाळेर ईतार जो तान भक्तहीन लालसा अन अनुसार नळदार.” 19 इंदुर आंदुर उर जो फूट हाकतार; इंदुर जो शारीरिक इच्छागोळद नर्मिंरण दा आर, यारदा परमेश्वर उन आत्मा हैलेच. 20 लेकीन हे प्रथि संगीगोळा, नीव तान अति पवतिर वशिवास दा उन्नती माळतेला अदकि पवतिर आत्मा दा प्रार्थना माळतेला, 21 तान तान इक परमेश्वर उन प्यार दा माळकु ईटी; अदकि अनन्त जीवन इन साटी नाम प्रभु यीशु मसीह अन दया अन हादी कायतेला ईरी.

22 आंदुर मा जो शंका दा आर दया माळी; 23 अदकि हापाळ मुंदरी बेक्की दा टु झपटुसकु तेगी; अदकि हापाळ मुंदुर मा अंजुक इन सांगुळ दया माळी, लेकीन आंदुरद कपळागोळ से भी सदित माळी जो मय इन द्वारा कलंकीत आगग्याद.

आरशुवािद

24 ईग जो नीमी आऊन प्रती वळिदुर देल ऊळस सकतान, अदकि तान महमिा अन भरपुरी इन मुंद नरिदोष नदिरूस सकतान, 25 आ ऊंद मात्र परमेश्वर नामव उद्धारकर्ता अन महमिा अदकि गौरव अदकि पराक्रम अदकि अधिकार, नामव प्रभु यीशु मसीह अन द्वारा हयांग अनन्त काल टु आद, ईग भी आगुल अदकि हमेशा हमेशा ईरुल. आमीन.

## प्रकाशतिवाक्य यूहन्ना के द्वारा प्रकाशतिवाक्य यूहन्ना अन्द द्वारा परचिय

प्रकाशतिवाक्य अन ई कतिब वहाशोद नयिम इन आखरी कतिब हुन अदकि अद आखरी दा लखिसकु आग्याद प्रेरति यूहन्ना यीशु उन जनम इन बाददा इसवी सन १५ इन हात्तीपास लखिसकु आग्याद. १:१ अदकि आवा यूहन्ना रचति खुशखबरी अदकि यूहन्ना अन्द कतिब १, २, ३ लखिस्यान. ईवा यूहन्ना अक लॉकुर यार मा यीशु उन प्यार ईरोद हांगि माताळकु अरू तोगोर यूहन्ना १३:२३ यीशु मसीह अन खुशखबरी इन पातमा हेसुर इन टापू मा याग सजा कडोन आग आव ईद कतिब लखिस्यान. प्रकाशतिवाक्य १:१

ईद कतिब लखिसोद हीद यूहन्ना अन्द ईद उद्देश ईरोद की नानोर वाचुसावाळेर इक यीशु उन सांगुळ वशिवास दा ईरोरसाटी हमिमत कोळोद अदकि यीशु उन मातत वापस बरोद हात्ती ईरोद इदुरसाटी आऊंदा आशा नरिमाण माळी. १:३२२:७ आव सप्पा वशिवासीगोळ इक ईद चटिठी लखिसदुन वशिष माळकु येळ मंडली इक लखिसदुन यऊरुद उल्लेख अध्याय २३ दा सीकतद, यूहन्ना खुद इन लखावट इक परमेश्वर उन दी टु बंदाद बातणी, भवषियवाणी हांगि हेळतद. अदकि जो मातगोळ इक आव खुद नोळदुन आ मातगोळ्द वर्णन अद अलंकारी शब्द देल मीलुसतद ईद जो कतिब आद ईद हाळोद नयिम इन भागगोळ देल मीलता जुलता आद. वशिष माळकु जकरयाह ६:१-८ आयातगोळ से अदुद समानता आद हांग अच येळ तुतारी अदकि येळ कटोरा ईव परमेश्वर मसित्तर दा तंदुन आ दुखगोळ चाई आव. नरिगमन ७:१ प्रकाशतिवाक्य आखरी दनिगोळ्द वर्णन माळतद. आखरी दा यीशु वजियी ह्यांग आदान अदकि आऊन मा वशिवास ईटावाळेर आऊन सांगुळ अनन्त काल ताका ह्यांग जीवीत ईततार हांगि आव हेळतान ईद कतिब इन द्वारा नीमी शक्त सिकिल अदकि यीशु उन दुवारा बरोर साटी नीमी आशा सिकिल.

रूप-रेखा

१. यूहन्ना सूवात दा खुद इन पयचान माळकु आऊक भवषियवाणी ह्यांग हासलित आत ईद हेळकु सूवात माळतान प्रकाशतिवाक्य १:१-२०
२. यीशु उन दी टु येळ मंडली इक मुंद सकिद बातणी यूहन्ना कोळतान. प्रकाशतिवाक्य १:१-३:२२
३. बाक आव येळ सकिगागोळ्द बारा दा हेळतान प्रकाशतिवाक्य ४:१-८:५ अदकि येळ तुतारीगोळ्द वर्णन माळतान. ८:६-११:११
४. ईदुर बाददा यूहन्ना ऊंद स्याण पार येळ ताल्लावाळा हाव सांगुळ ह्यांग लळाई माळतान ईद हेळतान. १२:१-१४:२०
५. ईदुर बाददा यूहन्ना सट्टि इन कटोरा अन बारा दा लखिसतान १५:१-१६:१८
६. ईदुर बाददा परमेश्वर आऊन आकाश दाकळोर दुश्मनगोळ मा ह्यांग वजिय हासलित माळतान ईद हेळतान. प्रकाशतिवाक्य १७:१-२०:१५
७. जो वहाशोद स्वर्ग अदकि वहाशोद पृथ्वी आखरी दा बंदीत अदुद वर्णन माळतान. प्रकाशतिवाक्य २१:१-२२:२१

१ यीशु मसीह अन्द प्रकाशतिवाक्य, जो आऊक परमेश्वर इदुरसाटी कोटान कतिन दासगोळी आ मातगोळ, यऊरुद राटनेरी आगोद जरूरी आद, तोरसुल; अदकि आव तान स्वर्गदूतगोळ इक कळुकु आऊन द्वारा तान दास यूहन्ना अक हेळदुन, २ यूहन्ना परमेश्वर उन वचन अदकि यीशु मसीह अन्द गवाही, मतलब जो येनारा आव नोळीदुन अदुद गवाही कोटदुन. ३ धन्य आन आव जो ई भवषियवाणी इन वचन इक वाचुसतान, अदकि आंदुर जो केळतार अदकि इदुर दा लखिसद मातगोळी मानसतार; यतकी समय हात्ती आद.

येळ मंडलीगोळ्द अभिवादन

४ \*यूहन्ना अन्द दी टु आसिया अन्द येळ मंडलीगोळ्द हेसुर:

आऊन दी टु जो आन अदकि जो ईरोन अदकि जो बरावाळा आन; अदकि आ येळ आतमागोळ दी टु जो आऊन सहासन इन मुंद आन, ५ अदकि यीशु मसीह दी टु जो वशिवासयोग्य गवाह अदकि सोत्तुर दा टु जीतता आगावाळेर दा पयला अदकि पृथ्वी इन राजागोळ्द न्यायाधीश हुन, नीमी अनुग्रह अदकि शांती सकितेला ईरूल.

आव नाम से प्यार ईटतान, अदकि आव तान रक्त अन द्वारा नामी पापगोळ देल बळिसुस्यान, ६ \*अदकि नामी ऊंद राज्य अदकि तान आप्प परमेश्वर उन साटी याजक भी माळ बुटदुन; आऊंदा महमिा अदकि पराक्रम हमेशा ईरूल. आमीन.

७ \*नोळी, आव बादलगोळ सांगुळ बरावाळा आन, अदकि हर ऊंद कण्ण आऊक नोळीत, उलटा यार आऊक छेद केळदीदुर आंदुर भी आऊक नोळ्यार, अदकि पृथ्वी इन सप्पा जाती आऊन कारण याद्दा बळदार. हव. आमीन.

८ \*परभू परमेश्वर, जो आन अदकि जो ईरोन अदकि जो बरावाळा आन, जो सर्वशक्तमान आन, ईद अनतान, "ना अच पयला अदकि आखरी हुईन."

\* 1:4 १:४ प्रकाशतिवाक्य ४:५ \* 1:6 १:६ प्रकाशतिवाक्य ५:१० \* 1:7 १:७ मत्ती २४:३०; मरकुस १३:२६; लुका २१:२७; १ थिससलुनीक ४:१७; यूहन्ना ११:३४,३७; मत्ती २४:३० \* 1:8 १:८ प्रकाशतिवाक्य २२:१३

यूहन्ना अक मसीह अन्द दर्शन

9ना यूहन्ना, जो नीम वार्ट अदकि यीशु उन क्लेश अदकि राज्ज अदकि धीरज दा नीम सहभागी आईन, परमेश्वर उन वचन अदकि यीशु उन गवाही इन कारण पतमुस हेसुर इन टापू दा ईरीन. 10ना प्रभु उन दनि आत्मा दा होटबंदीन, अदकि तान ह्दि तुरीही घाई धोळ्द शब्द ईद अनतला केळदीन, 11“जो येनारा नी नोळत्या अदरी कतिब दा लखिसकु येळु मंडलीगोळ्द हात्ती कळ्बुळ, मतलब इफसिस, समुरना, परिगमुन, थुआतीरा, सरदीस, फलिदलिफिया, अदकि लौदीकिया अक.”

12 आग ना आऊक, जो नान से माताळोन, नोळोर साटी तान मार्रा तरिगुसदीन; अदकि ह्दि तरिगुक ना व्हान्ना अन्द येळ दगिया ईटोद जागा ऊंद जागा नोळदीन, 13 अदकि आ दगिया ईटोद जागा अन्द न्याड्या दा मळसा अन पार उन घाई ऊंद आरी इक नोळदीन, जो काल ताका फळक्या हाक्कु, अदकि याद्दा मा व्हान्ना अन्द पट्टा कटकु ईरोन. 14 आऊन ताल्ला अदकि चुट्टी बळिब ऊन बलकी पाला अन घाई चमकदार ईरव, अदकि आऊन कण्णगोळ बेक्की इन जवाला अन्द घाई ईरव. 15 आऊन कालगोळ वळ्लीद पीतळा अन घाई ईरव जसा हगि हतव कभट्टी दा सेक्सकु आग्याव, अदकि आऊन शब्द हापाळ नीर इन आवाज इन घाई ईरोद. 16 आव तान ऊम्मा कय दा येळ तारा हुळकु ईरोन, अदकि आऊन बाय देल तेज येदुद धार इन तलवार होळतोगोद. आऊन मार्रा हगि प्रज्वलति ईरोद, ह्याग सुर्य भर बसिल इन समय चमकुसतद. 17 \*याग ना आऊक नोळदीन रा आऊन कालगोळ मा मुरदा घाई वदिदीन. आव नान मा तान ऊम्मा कय ईटकु अंदुन, “अंजबाळ; ना पयला अदकि आखरी अदकि जीवता हुईन; 18 ना सोतोगीदीन, अदकि ईंग नोळ ना हमेशा हमेशा जतिता आईन; अदकि मृत्यु अदकि अधोलोक इन चावीगोळ नान दा हात्ती आव. 19 इदुरसाटी जो मातगोळ नी नोळ्या अदकि जो मातगोळ आगेत्याव अदकि जो मातगोळ ईदुर बाद्दा आगव आव, अव सप्पा मातगोळी लखिस कोम. 20 मतलब आ येळ तारागोळ्द भेद नी अवरी नान ऊम्मा कय दा नोळीद, अदकि आ येळ व्हान्ना अन्द दगिया ईटोद जागा अन्द भेद: अव येळ तारा येळु मंडलीगोळ्द स्वर्गदूत हव, अदकि अव येळ दगिया ईटव जागा येळ मंडलीगोळ हव.

## 2

इफसिस उक बातणी

1 “इफसिस उन मंडली इन स्वर्गदूत उक ईद लखिस:

“जो येळु तारा तान ऊम्मा कय दा हुळकु आन, अदकि व्हान्ना अन्द येळु दगिया ईटोद जागा अन्द न्याड्या दा टेटतद, अद ईद अनतद क 2 ना नीन क्यालसा, नीन मयनत, अदकि नीन धीरज इक जान्सतीन; अदकि ईद भी क 1 नी बेकार लॉकुरी नोळ सकाल, अदकि जो तान तान इक प्रेरति अनतार, अदकि आल्लच, आंदरी नी परखुसकु खवाटा माळ्द. 3 नी धीरज हुडुत्या, अदकि नान हेसुर इन साटी दुख नेगुत नेगुत थक्सीदील. 4 लेकीन नानी नीन खलिाप ईद अनोद आद क 1 नी तान पयला अन्द घाई प्यार बटिबुट्या. 5 इदुरसाटी याद माळ क 1 नी यल टु ब्दिया, अदकि मन तरिगुस अदकि पयला अन्द घाई क्यालसा माळ. अगरी नी मन तरिगुसतदिलि, रा ना नीन हात्ती बंदकु नीन दगिया ईटोद जागा अक अदुर जागा दा टु सरकुस वुळाईन. 6 लेकीन हव, नीन दा ईद मात रा आद क 1 नी नीकुलइयोगोळ्द क्यालसागोळ देल घुणा माळत्या, आंदुर देल ना भी नफरत माळतीन.

7 \*यार कवि ईतीदाव आव केळ कोमुल क आत्मा मंडलीगोळ से येन अनतद. जो वजिय हासलि माळतान, ना आऊक आ जीवन इन मार्र दा टु जो परमेश्वर उन स्वर्गलोक दा आद, काय तनिली कोळाईन.”

समुरना अक बातणी

8 \*समुरना अन्द मंडली इन स्वर्गदूत उक ईद लखिस:

“जो पयला अदकि आखरी आन, जो सोतोगीदुन अदकि ईंग जतिता आगेगयान, आव ईद अनतान क 9 ना नीन क्लेश अदकि गरीबी इक जान्सतीन लेकीन नी धनी आय, अदकि जो लॉकुर तान तान इक यहूदी अनतार अदकि आल्लच, लेकीन शैतान उन सभा उर, आंदुर अपमान इक भी जान्सतीन. 10 जो दुख नीनी झेलसोद बदिदीत, अऊर देल अंजबाळ. यतकी नोळी, शैतान नीम दा टु काईक मुंदुरी जेलखाना दा हाकावाळा आन ताकी नीम परख आग सकुल; अदकि नीमी हत्त दनि ताका क्लेश नेगोद बदिदीत. जीव कोळासताका वशिवासी ईर, रा ना नीनी जीवन इन मुकूट कोळाईन.

11 \*यार कवि ईतीदाव आव केळ कोमुल क आत्मा मंडलीगोळ से येन अनतद. जो वजिय हासलि माळतान, आऊक दुसरा मृत्यु देल नुकसान आगतीदील.”

परिगमुन उक बातणी

12 “परिगमुन उन मंडली इन स्वर्गदूत उक ईद लखिस:

“यार हात्ती येदुद धार इद अदकि तेज तलवार आद, आव ईद अनतान क 13 ना ईद जान्सतीन क 1 नी अल ईरत्या यल शैतान उन सहासन आद; नी नान हेसुर मा स्थरि ईरत्या, अदकि नान मा वशिवास माळदुर देल आ दनिगोळ दा भी ह्दि हटसीदलि यदुर दा नान वशिवासयोग्य गवाह अन्तपिस, नीम न्याड्या आ जागा मा घात माळकु आदुन यल शैतान ईरतद. 14 लेकीन नानी नीन खलिाप येनारा मातगोळ माताळोव आव, यतकी नीन अल काईक मुंदुर हगि आर, जो बलिाम इन शक्तिषा अक मान्सतार, याव बालाक उक इस्त्राएलीगोळ्द मुंद टोकर इन कारण ईटोद



कलसदुन क्कि आंदुर मूर्तीगोळ मा येरसद चीजगोळ तनुिल अदकि व्यभचारि माळुल. <sup>15</sup> हांगा नीन अल काईक हगि आर, जो नीकुलइयो अन्द शक्शिा अक मान्सतार. <sup>16</sup> इदुरसाटी मन तरिगुस, ईलारा ना नीन हात्ती राटनेरी बंदकु तान बाय इन तलवार देल आंदुर सांगुळ लळाई माळाईन.

<sup>17</sup> “यार कवि ईतीदाव आव केळ कोमुल क्कि आत्मा मंडलीगोळ से येन अनतद. जो वजिय हासलि माळतान, आऊक ना गुप्त मन्ना दा टु कोळाईन, अदकि आऊक ऊंद बळिद कलल भी कोळाईन; अदकि आ कलल मा ऊंद हेसुर लखिसकु ईत्तीत, अदरी हासलि माळावाळेर्द अलावा अदकि याऊ अदरी अरूतीदील.”

थुआतीरा अक बातणी

<sup>18</sup> “थुआतीरा अन्द मंडली इन स्वरगदूत उक ईद लखिस:

“परमेश्वर उन पार यारव कण्णगोळ बेक्की इन ज्वाला घाई, अदकि यारव कालगोळ वळ्लीद पीतळा अन्द घाई आव, आव ईद अनतान क्कि <sup>19</sup> ना नीन क्यालसागोळ, नीन प्यार अदकि वशिवास अदकि स्यावा अदकि धीरज, इक जान्सतीन अदकि ईद भी क्कि नीनव हदिळोव क्यालसा पयले से वळलेव आव. <sup>20</sup> लेकीन नानी नीन खलिाप ईद अनोद आद क्कि नी आ आरत इजेवेल इक ईरगोळत्या जो तान तान इक भविष्यवक्ता अनतार, अदकि नान दासगोळी व्यभचारि माळली अदकि मूर्तीगोळ मा येरसद चीजगोळी तनिद कलसकु भरमुसतार. <sup>21</sup> ना आककि मन तरिगुसोर साटी मवका कोट्टीन, लेकीन आक तान व्यभचारि देल मन तरिगुसोद चाहासालुर. <sup>22</sup> नोळ, ना आककि वहरस मा हाकतीन यल आक रोगशैय्या मा ईरोर; अदकि जो आकनि सांगुळ व्यभचारि माळतार अगर आंदुर भी आकनि घाई क्यालसागोळ देल मन तरिगुसतदिलि रा ना आंदरी धोळद क्लेश दा हाकाईन. <sup>23</sup> ना आकनि चिकोर इक कोंद बुळाईन; आग सप्पा मंडली जान्स कोंडीत क्कि दिलि अदकि मन इक अरावाळा ना अच हुईन, अदकि ना नीम दा टु हर ऊंद मंळसा अक आऊन क्यालसा अन्द अनुसार बदला कोळाईन. <sup>24</sup> लेकीन नीव थुआतीरा अन्द बाकी लॉकुर से, यास ई शक्शिा अक मान्सालुर अदकि आ मातगोळी यवरी शैतान उन गयरा मातगोळ अनतार जान्सालीर, ईद अनतीन क्कि ना नीम मा मातत ओझा हाकतदिलि. <sup>25</sup> लेकीन हव, जो नीम हात्ती आद अदरी नान बरासताका ताका रोक्सकु ईटी.

<sup>26</sup> “जो वजिय हासलि माळुल अदकि नान क्यालसागोळद अनुसार आखरी ताका माळत ईरूल, ना आऊक गैर यद्दी लॉकुर मा अधकारि कोळाईन, <sup>27</sup> अदकि आव लोवा अन्द छळी हुडुकु आंदुर मा राज्य माळयान, याता प्रकार गळग्या माळावाळा नव मुण्ण इन बर्तन चकनाचुर आगोगताव: नानी भी हगिा अधकारि तान आप्प उन हात्ती टु सकियाद; <sup>28</sup> अदकि ना आऊक वहातुर ईद तारा कोळाईन. <sup>29</sup> यार कवि ईतीदाव आव केळ कोमुल क्कि आत्मा मंडलीगोळ से येन अनतद.”

### 3

सरदीस उक बातणी

<sup>1</sup> सरदीस उन मंडली इन स्वरगदूत उक ईद लखिस:

“यार हात्ती परमेश्वर उन येळ आत्मागोळ अदकि येळ तारा आव, आव ईद अनतान क्कि ना नीन क्यालसागोळी जान्सतीन: नीनी जत्तिता रा अंदकु आगतद, लेकीन आय नी सोतकु <sup>2</sup> जागूत आग, अदकि आ चीजगोळी जो मक्किग्याव अदकि अऊर नाश आगली आद, अवरी मजबूत माळ; यतक्कि ना नीन यातोदु क्यालसा अक तान परमेश्वर उन हात्ती पुरा आगत नोळीदील. <sup>3</sup> इदुरसाटी याद माळ क्कि नी हांगां शक्शिा प्रदाप्त माळीद अदकि केळीद, अदकि अदुर दा बन्सकु ईर अदकि मन तरिगुस. अगर नी जागूत ईरतीदील रा नी यागलु जान्स सकतीदलि क्कि ना याता समय नीन मा बंदकु बळिाईन. <sup>4</sup> लेकीन हव, सरदीस दा नीन अल काईक हगि लॉकुर आर यार तान तान फळक्यागोळ अशुधद माळीदलि, आंदुर बळिव फळक्या हाक्कु नान सांगुळ टेट्यार, यतक्कि आंदुर ईदुर लायक आर.”

<sup>5</sup> “जो वजिय हासलि माळयान आऊक हगिा बळिव फळक्या हाक्सकु आदीत, अदकि ना आऊन हेसुर जीवन इन क्किताव दा टु यातोदु रीता देल कडुतदिलि; लेकीन आऊन हेसुर तान आप्प अदकि आऊन स्वरगदूतगोळ मुंद मान्स कोमाईन. <sup>6</sup> यार कवि ईतीदाव आव केळ कोमुल क्कि आत्मा मंडलीगोळ से येन अनतद.

फलदलिफाया अक बातणी

<sup>7</sup> “फलदलिफाया अन्द मंडली इन स्वरगदूत उक ईद लखिस:

“जो पवतिर अदकि सही आन, अदकि जो दाऊद उन चावी ईटतान, यार्द तेरदुर बाददा याऊ बंद माळ सकालुन अदकि बंद माळदुर बाददा याऊ तेरू सकालुन, आव अनतान क्कि <sup>8</sup> ना नीन क्यालसागोळी जान्सतीन; नोळ, ना नीन मुंद ऊंद दरवाजा तेरू ईटीन, यदरी याऊ बंद माळ सकालुन; नीन सामरथ्य थवाळासा रा आद, तरी भी नी नान वचन इन पालन माळद अदकि नान हेसुर इन इनकार माळीदलि. <sup>9</sup> नोळ, ना शैतान उन आ सभावाळेर्द इक नीन वश दा माळ बुळाईन जो यद्दी बन्सकु कुरतोग्यार, लेकीन आल्लच उलटा ख्वाटा माताळतार-नोळ, ना हगिा माळाईन क्कि आंदुर बंदकु नीनी प्रणाम माळ्यार, अदकि ईद जान्स कोंडार क्कि ना नीन से प्यार ईटीन. <sup>10</sup> नी नांद धीरज इन वचन इक हळदया, इदुरसाटी ना भी नीनी परीक्शा अन्द आ समय ऊळसकु ईटाईन जो पूथवी मा ईरावाळेर्द परख माळोर साटी दुनया मा बरावाळा आद. <sup>11</sup> ना राटनेरी इच बरावाळा आईन; जो येनारा नीन हात्ती आद अदरी हुडुकु ईर

☆ 2:17 २:१७ युहनना ६:४८-५०

☆ 3:3 ३:३ मत्ती २४:३३,४४; लुका १२:३९,४०; प्रकाशतिवाक्य १६:१५

☆ 3:5 ३:५ प्रकाशतिवाक्य २०:१२;

मत्ती १०:३२; लुका १२:८

कियाऊ नीन मुकूट कसुबाळल. <sup>12</sup> जो वजिय हासलि माळ्यान आऊक ना तान परमेश्वर उन मंदिर दा ऊंद खंबा माळाईन, अदकि आव बाक यागलु व्हाया होळतीदलि; अदकि ना तान परमेश्वर उन हेसुर अदकि तान परमेश्वर उन नगर मतलब व्हाशोद यरूशलेम इन हेसुर, जो नान परमेश्वर उन हात्ती टु स्वर्ग मा टु ईळोद आद, अदकि तान व्हाशोद हेसुर अदुर मा लखिसाईन. <sup>13</sup> यार कवि ईतीदाव आव केळ कोमुल क आत्मा मंडलीगोळ से येन अनतद.

लौदीकिया अक बातणी

<sup>14</sup> “लौदीकिया अन्द मंडली इन स्वर्गदूत उक ईद लखिस:

“जो आमीन अदकि विश्वासयोग्य अदकि खरा गवाह आन, अदकि परमेश्वर उन दुनिया अन मुल कारण हुन, आव अनतान क <sup>15</sup> ना नीन कयाल्सागोळी जानसतीन क नी रा ना टंडा आय अदकि ना बसिक्यांड: वळलीद आगाईत क नी टंडा या बसिक्यांड ईराईद. <sup>16</sup> इदुरसाटी क नी क्वामा-क्वामा आय, अदकि ना टंडा आय ना बसिक्यांड, अनकु ना नीनी तान बाय दा टु तेगदुर मा आईन. <sup>17</sup> नी अनत्या क नी धनी आईन अदकि धनवान आगेगिन अदकि नानी यातोदु चीज इन कमी हेलेव; अदकि ईद जानसाल क नी अभागा अदकि तुच्छ अदकि भखारी अदकि कुदूद अदकि ऊगळा आय. <sup>18</sup> इदुरसाटी ना नीनी समती कोळतीन क बेक्की देल शुद्ध माळद व्हांनना नान से कोम क नी धनी आगेग, अदकि बळिवे फळक्या कोंड कोम क हाक्कु नीनी तान ऊगळापन ईद शरम हतवाळल, अदकि तान कण्णगोळी हचोर साटी सुरमा कोंडकु रगळुस क नी नोळली हत्तेग. <sup>19</sup> ना यार यार से प्यार माळतीन, आ सप्पा मुदुरी उलाहना अदकि शकिसा कोळतीन; इदुरसाटी आस्था ईद अदकि मन तरिगुव. <sup>20</sup> नोळ, ना दरवाजा मा नदिरकु टोक्सतनि; अगार यावारा नान शब्द केळकु दरवाजा तेरदान, रा ना आऊन हात्ती बुळ्क बंदकु आऊन सांगुळ ऊमाईन अदकि आव नान सांगुळ.

<sup>21</sup> “जो वजिय हासलि माळ्यान ना आऊक तान सांगुळ तान सहिसन मा कुरसाईन, हयांग ना भी वजिय हासलि माळकु तान आप्प उन सांगुळ आऊन सहिसन मा कुरतोदनि. <sup>22</sup> यार कवि ईतीदाव आव केळ कोमुल क आत्मा मंडलीगोळ से येन अनतद.”

## 4

स्वर्ग दा आराधना

<sup>1</sup> ई मातगोळ बाददा जो ना दृष्टी माळदीन रा येन नोळतीन क स्वर्ग दा ऊंद दरवाजा तेरकु आद, अदकि यारी ना पयले तुरही इन घाई शब्द देल तान सांगुळ माताळत केळीदीन, आवा अनतान, “ईल मयाकुच होटबर; अदकि ना आ मातगोळ नीनी तोरसाईन, यऊरद ई मातगोळ बाददा पुरा आगेद जरूरी आद.” <sup>2</sup> तुरन्त ना आत्मा दा होटबंदीन; अदकि येन नोळतीन क ऊंद सहिसन स्वर्ग दा ईटकु आद, अदकि आ सहिसन मा यावारा कुरतकु आन. <sup>3</sup> जो अदुर मा कुरतकु आन आव यशब अदकि माणकिय घाई काळसदुर दा बरतान, अदकि आ सहिसन इन नाकु दी मरकत घाई ऊंद मेघधनुष काळसतद. <sup>4</sup> आ सहिसन इन नाकु दी ईप्पतनाक सहिसन आव; अदकि ई सहिसनगोळ मा ईप्पतनाक स्याणा लॉकर बळी फळक्या हाक्कु कुरतकु आर, अदकि आंदुर ताल्लागोळ मा व्हांनना नव मुकुट आव. <sup>5</sup> आ सहिसन दा टु बजिली अदकि गरजन गुमरान होळतद अदकि सहिसन इन मुंद बेक्की इन येळ दगिया होतेत्याव, अव परमेश्वर उन येळ आत्मागोळ हुव, <sup>6</sup> अदकि आ सहिसन इन मुंद मान्सी जसा बलिलौर घाई काँच इन समुद्र आद.

सहिसन इन न्याड्या दा अदकि सहिसन इन नाकु दी नाक प्राणी आव, यऊरद हदि मुंद कण्ण अच कण्ण आव. <sup>7</sup> पयला प्राणी हल्ल इन घाई आद, अदकि दुसरा प्राणी गोसी इन पाड्डा घाई आद, तसिरा प्राणी इन बाय मळसा अन्द घाई आद, अदकि चौथा प्राणी ऊळसतेला गीधाळ इन घाई आद. <sup>8</sup> नाकु प्राणीगोळव आर: पकिका आव, अदकि नाकु दी अदकि बुळ्क कण्ण अच कण्ण आव; अदकि अव ईळ्ळक हागुल बनि आराम ताकोम्त ईद अनतेला ईरताव,

“पवतिर, पवतिर, पवतिर प्रभु परमेश्वर, सर्वशक्तमिन,

जो ईरोन अदकि जो आन अदकि जो बरावाळा आन.”

<sup>9</sup> याग अव प्राणी आऊन जो सहिसन मा कुरतकु आन, अदकि जो हमेशा हमेशा जतिता आन, महिमा अदकि आदर अदकि धन्यवाद माळयाव; <sup>10</sup> आग ईप्पतनाक इन ईप्पतनाक स्याणा लॉकर सहिसन मा कुरावाळेर मुंद बदिदार; अदकि अदुरद पुजा माळतार, जो हमेशा हमेशा जीवति आर प्रणाम माळ्यार. अदकि आंदुर तान-तान मुकुट सहिसन इन मुंद ईद अनतेला हाक्क बुट्टार,

<sup>11</sup> “हे नाम प्रभु अदकि परमेश्वर, नी अच महिमा

अदकि आदर अदकि सामरथ्य अन्द लायक आय;

यतकी नी अच सप्पा चीजगोळी नरिमाण माळया

अदकि अव अपमान अच इच्छा देल ईरव अदकि अस्ततिव दा बंदव.”

## 5

मोहरबन्द कतिाव अदकि म्यांडा अन्द पाड्डा

1 जो सहिसन मा कूरतकु ईरोन, ना आऊन ऊममा कय दा ऊंद कतिब नोळदीन जो बूळक अदकि व्हारया टु लखिसकु ईरोद, अदकि अद येळ मोहर हचकु बंद माळकु आगीत. 2 बाक ना ऊंद ताकतवर स्वरगदूत उक नोळदीन जो धोळ शब्द देल ईद प्रचार माळतोगोन, "ई कतिब इक तेरोद अदकि अदुरद मोहर मुरोद लायक याव आन?" 3 लेकीन ना स्वरग दा, ना पृथ्वी मा, ना पृथ्वी इन लयालमा यावारा आ कतिब इक तेरोद या अदुर मा दृष्टी हाक्कोद लायक होट्टुन. 4 आग ना हुदक्या कोट कोटकु वरली हतदीन, यतकी आ कतिब इक तेरोद या अदुर मा दृष्टी हाक्कोद लायक याऊ सकिदील. 5 ईदुर मा आ स्याणागोळ दा टु ऊंद नान से अंदुन, "वरलबाळ; नोळ, यहूदा अन्द गोत्र नव अद हुल्ल जो दाऊद उन मुल आद, आ कतिब इक तेरोद अदकि अदुरद येळु मोहरगोळ मुरोद साटी जयवन्त आग्याद."

6 आग ना आ सहिसन अदकि नाकु प्राणीगोळ अदकि आ स्याणागोळद न्याड्या दा, मतलब ऊंद बली कोळद म्यांडा अन्द पाडडा नीदुरकु नोळदीन. अदुर येळ गाँट्टा अदकि येळ कण्णगोळ ईरव; ईव परमेश्वर उन येळु आत्मागोळ हुव, जो सप्पा धरती मा कळकु आग्याव. 7 आव बंदकु आऊन ऊममा कय देल जो सहिसन मा कूरतकु ईरोन, आ कतिब हुळद कोडुन. 8 याग आव कतिब हुळद कोडुन, रा अव नाकु प्राणी अदकि ईप्पतनाक इन ईप्पतनाक स्याणा लांकुर आ म्यांडा अन्द पाडडा अन्द मुद बदिदुर. आंदुर दा टु हर ऊंद जन उन कय दा वीणा अदकि ऊदबत्ती, जो पवतिर लांकुरद प्रारथनागोळ हुव, देल तुमकु व्हांनना नव कटोरा ईरव. 9 आंदुर ईद व्हाशोद हाळ हाळली कुरतुर, "नी ई कतिब इक हुडोद, अदकि ईदुरद मोहरगोळ

तेरोद लायक आय;  
यतकी नी बली आगकु तान रक्ता देल  
हर ऊंद कुल अदकि भाषा अदकि लांकुर अदकि  
जाती दा टु

परमेश्वर उन साटी लांकुरी कोड्या, 10 अदकि आंदरी नाम परमेश्वर उन साटी ऊंद  
राज्य अदकि याजक माळद;  
अदकि आंदुर धरती मा राज्य माळतार."

11 याग ना नोळदीन, रा आ सहिसन अदकि आ प्राणीगोळ अदकि आ स्याणागोळ नाकु दी हापाळ सा स्वरगदूतगोळद शब्द केळदीन, यार गनिती लाखों अदकि करोळो अन्द ईरोद, 12 अदकि आंदुर धोळ शब्द देल अनतोगोर,

"बली कोळद म्यांडा अन्द पाडडा अच  
सामर्थ्य अदकि धन अदकि ग्यान अदकि ताकत अदकि आदर  
अदकि महिमा अदकि धन्यवाद इन लायक आद!"

13 बाक ना स्वरग दा अदकि धरती मा अदकि धरती इन लयालमा अदकि समुद्र अन्द सप्पा माळद वस्तुगोळी, अदकि सप्पा येनारा जो अऊर दा आव, ईद अनतेला केळदीन,

"जो सहिसन मा कूरतकु आन आऊन अदकि म्यांडा अन्द पाडडा अन्द धन्यवाद  
अदकि आदर अदकि महिमा अदकि राज्य हमेशा ईरूल!"

14 अदकि नाकु प्राणीगोळ आमीन अंदव, अदकि स्याणागोळ बांगकु दण्डवत माळदुर.

## 6

येळ मोहरगोळद तेरूकु आगोद

1 बाक ना नोळदीन कि म्यांडा अन्द पाडडा आ येळ मोहरगोळ दा टु ऊंद मोहर इक तेरूत; अदकि आ नाकु प्राणीगोळ दा टु ऊंद प्राणी ईद गरजन घाई शब्द केळदीन, "बर!" 2 ना दृष्टी माळदीन, अदकि नोळी, ऊंद बळी घवाळा आद, अदकि अदुर सवारी माळावाळा बाण हुडुकु आन; अदकि आऊक ऊंद मुकुट कोटकु आत, अदकि आव जय जयकार माळत होट्टुन कि मात्त यक्कुल जय हासल माळुल.

3 याग अद दुसरा मोहर तेरूत, रा ना दुसरा प्राणी इक ईद अनतेला केळदीन, "बर!" 4 बाक मात्त ऊंद घवाळा होळत जो क्याचांद रंग इन ईरोद; अदुर सवारी माळावाळा अक ईद अधिकार कोटकु आत कि धरती मा टु मेल मलिाप नेगद बुळ, ताकी लांकुर आवुर् दाबुर इक कोनुन; अदकि आऊक ऊंद धोळद तलवार कोटकु आत.

5 याग अद तसिरा मोहर तेरूत, रा ना तसिरा प्राणी इक ईद अनतेला केळदीन, "बर!" ना दृष्टी माळदीन, अदकि नोळी, ऊंद करीद घवाळा आद, अदकि अदुर सवारी माळावाळा अन्द कय दा ऊंद तराजू आद; 6 अदकि ना आ नाकु प्राणीगोळ न्याड्या दा टु ऊंद शब्द ईद अनतेला केळदीन, "दीनार इन सेर तीम गोदी, अदकि दीनार इन मुर सेर जऊस, लेकीन याणणा अदकि अंगुर इन राससा अन्द नुकसान माळबाळतीर."

7 याग अद चौथा मोहर तेरूत, रा ना चौथा प्राणी इन शब्द ईद अनतेला केळदीन, "बर!" 8 ना दृष्टी माळदीन, अदकि नोळी, ऊंद पविळा रंग घाई घवाळा आद; अदकि अदुर मा सवारी माळावाळा अन्द हेसुर मृत्यु आद, अदकि अधोलोक आऊन हदि हदि आद; अदकि आंदरी धरती इन ऊंद चौथाई भाग मा ईद अधिकार कोटकु आत कि तलवार, अदकि अकाल, अदकि मरी, अदकि धरती इन आळी दाकळव पशुगोळ द्वारा लांकुरी कोंदबुळुल.

9 याग अद पाचवा मोहर तेरूत, रा ना वेदी इन लयालमा आंदुर जीवगोळी नोळदीन जो परमेश्वर उन वचन इन कारण अदकि आ गवाही इन कारण जो आंदुर कोटीदुर बली येरसकु आगीदव. 10 आंदुर धोळ शब्द दा कारूकु अंदुर,

“हे स्वामी, हे पवतिर अदकि सत्य; नी यागासताका न्याय माळ्या? अदकि धरती मा ईरावाळेर से नाम रक्ता अन बदला यागासताका ताकोड्या?” <sup>11</sup> आंदुर दा टु हर ऊंद जन उक बळी फळक्या कोटकु आत, अदकि आंदुर से अंदकु आत कनिमात घळी तमि आराम माळी, यागासताका कनिम संगी दास अदकि वारटुर जो नीम घाई बली येरसकु आगावाळेर आर आंदुर भी गनिती पुरा आगेगाल.

<sup>12</sup> याग अद सहावा मोहर तेरूत, रा ना नोळदीन कि ऊंद धोळद भुकम्प आत, अदकि सुर्य धुसा घाई करीद अदकि पुरा वेळदगि रक्ता अन घाई आगेत. <sup>13</sup> आकाश इन तारागोळ धरती मा हगि बदिदव जसा धोळद आंधी देल आळगोळकु अंजीर इन मारूर मा टु कच्चा काय झळसताव. <sup>14</sup> आकाश हगि सरकुसेत जसा चट्टी गुंळसदुर देल सरकुसेगतद; अदकि हर ऊंद पहाळी, अदकि टापू तान तान जागा मा टु सरकुसेदव. <sup>15</sup> आग धरती इन राजा, अदकि प्रधान, अदकि सरदार, अदकि धनवान अदकि सामरथी लॉकर, अदकि हर ऊंद दास अदकि हर ऊंद स्वतंत्र पहाळीगोळद गुफागोळ दा अदकि चट्टानगोळ दा होगकु होचकोडव, <sup>16</sup> अदकि पहाळीगोळ अदकि चट्टानगोळ देल अनली हतदव, “नाम मा बळी; अदकि नामी आऊन बाय देल जो सहिसन मा कुरतकु आन, अदकि म्यांडा अनूद पाड्डा अनूद प्रकोप देल होचसकोम बुळी. <sup>17</sup> यतकी आंदुर प्रकोप इन भयानक दनि होट बंदाव, ईग याव ऊंजेर सकतान?”

## 7

इसत्राएल इन 1,4400 लॉकर

<sup>1</sup> इदुर बाददा ना पृथ्वी इन नाकु क्वाना मा नाक स्वरगदूत नीदुरकु नोळदीन. आंदुर पृथ्वी इन नाकु हवा अक रोक्सकु ईरोर ताकी पृथ्वी या समुदर या यातोदु मारूर मा हवा नळु बाळुल. <sup>2</sup> बाक ना मातत ऊंद स्वरगदूत उक जतिता परमेश्वर उन मोहर हुडुकु पूरव टु म्याकुच बरत नोळदीन; आव आ नाकु स्वरगदूतगोळ देल यवरी पृथ्वी अदकि समुदर अनूद नुकसान माळोद अधिकार कोटकु आगीत, धोळ शब्द देल कारकु अंदुन, <sup>3</sup> “यागासताका नाव तान परमेश्वर उन दासगोळ ह्याणा मा मोहर हच कोमालेव, आगासताका पृथ्वी अदकि समुदर अदकि मारूरगोळी नुकसान पोहचुस बाळतीर.” <sup>4</sup> यार मा मोहर कोटकु आत ना आंदुर गनिती केळदीन, मतलब इसत्राएल इन औलादगोळद सप्पा गोत्र दा टु ऊंद लाख चौवालीस हजार मा मोहर कोटकु आत: <sup>5</sup> यहूदा अनूद गोत्र दा टु हननेळ हजार मा मोहर कोटकु आत; रूबेने अनूद गोत्र दा टु हननेळ हजार मा, गाद इन गोत्र दा टु हननेळ हजार मा. <sup>6</sup> आशेर इन गोत्र दा टु हननेळ हजार मा, नपताली इन गोत्र दा टु हननेळ हजार मा, मनशशहि अनूद गोत्र दा टु हननेळ हजार मा, <sup>7</sup> शमीन उन गोत्र दा टु हननेळ हजार मा, लेवी इन गोत्र दा टु हननेळ हजार मा, इससाकार इन गोत्र दा टु हननेळ हजार मा, <sup>8</sup> जबूलून उन गोत्र दा टु हननेळ हजार मा, यूसुफ उन गोत्र दा टु हननेळ हजार मा, अदकि बनि्यामीन उन गोत्र दा टु हननेळ हजार मा मोहर कोटकु आत.

ऊंद धोळद भीळ

<sup>9</sup> इदुर बाददा ना नजर तरिगुसदनि, अदकि नोळी, हर ऊंद जाती अदकि कुल अदकि लॉकर अदकि भाषा दा टु ऊंद हगि धोळद भीळ, यदरी याऊ आळु ईला सकोन, बळी फळक्या हाककु अदकि तान कयगोळ दा खजूर इन डगालगोळ हुडुकु सहिसन इन मुंद अदकि म्यांडा अनूद पाड्डा अनूद मुंद नदिरकु आद, <sup>10</sup> अदकि धोळद शब्द देल कारकु अनतद, “उद्धार इन साटी नाम परमेश्वर उन, जो सहिसन मा कुरतकु आन, अदकि म्यांडा अनूद पाड्डा अनूद जय-जयकार आगुल!” <sup>11</sup> अदकि सप्पा स्वरगदूत आ सहिसन अदकि स्याणागोळ अदकि नाकु प्राणीगोळ नाकु दी नदिरकु आर; बाक आंदुर सहिसन इन मुंद बाय इन भार देल बदिदुर अदकि परमेश्वर उक दण्डवत माळकु अंदुर, <sup>12</sup> “आमीन! नाम परमेश्वर उन सतृती अदकि महिमा अदकि ग्यान अदकि धन्यवाद अदकि आदर अदकि सामरथ्य अदकि ताकत हमेशा अनूद हनसकु ईरूल. आमीन!”

<sup>13</sup> इदुर मा स्याणागोळ दा टु ऊंद नान से अंदुन, “ई बळी फळक्यागोळ हाककु यार उर? अदकि यल टु बंदार?”

<sup>14</sup> ना आंदुर से अंदीन, “हे स्वामी, नी अच जानसत्या.”

आव नान से अंदुन, “ईदुर आंदुर उर, जो आ महाकलेश दा टु होटकु बंदार; इंदुर तान-तान फळक्या म्यांडा अनूद पाड्डा अनूद रक्ता दा तोळकु बळिव माळ्यार. <sup>15</sup> ईदा कारण आंदुर परमेश्वर उन सहिसन इन मुंद आर, अदकि आऊन मंदरि दा ईळलक-हागुल आऊन स्यावा माळतार, अदकि जो सहिसन मा कुरतकु आन, आव आंदुर म्याकुच तान तम्बू तानस्यान. <sup>16</sup> आंदुर बाक उपासा अदकि नीरअळक देल ईरतीदील; अदकि ना आंदुर मा यागल्यारा बसिल बदिदीत. <sup>17</sup> यतकी म्यांडा अनूद पाड्डा जो सहिसन इन न्याड्या दा आद आंदुर जागनी माळीत, अदकि आंदरी जीवन रूपी नीर इन डोबन इन हातती ओतीत; अदकि परमेश्वर आंदुर कण्णगोळी बाक यागलु वल्लगोळतदितल.

## 8

सातवा मोहर अदकि व्हान्ना अनूद ऊदबत्ती दान

<sup>1</sup> “याग आव सातवा मोहर तेरदुन, रा स्वरग दा आरधा घंटा ताका सन्नाटा आगेत. <sup>2</sup> आग ना आ येळु स्वरगदूतगोळ इक नोळदीन जो परमेश्वर उन मुंद नदिरकु ईरतार, अदकि आंदरी येळ तुरहीगोळ कोटकु आत.”

✱ 6:12 ६:१२ प्रकाशतिवाक्य ११:१३; १६:१८; मत्ती २४:२९; मरकुस १३:२४,२५; लुका २१:२५

✱ 6:14 ६:१४ प्रकाशतिवाक्य १६:२०

✱ 6:16

६:१६ लुका २३:३० ✱ 7:14 ७:१४ मत्ती २४:२१; मरकुस १३:१९

<sup>3</sup>बाक मातूत ऊंद स्वरगदूत व्हांनुद उदबत्ती दान हुड्कु बंदुन, अदकि वेदी इन हात्ती नदिरदुन; अदकि आऊक हापाळ उदबत्ती कोटकु आत क सप्या पवतिर लॉकुरद प्रार्थनागोळ सांगूळ व्हांना अनद आ वेदी मा, जो सहासन इन मुंद आद येरसुल. <sup>4</sup>आ ऊदबत्ती इन धुंगा पवतिर लॉकुरद प्रार्थना सहति स्वरगदूत उन कय दा टु परमेश्वर उन मुंद पोहचुसेत. <sup>5</sup>आग स्वरगदूत उदबत्ती दान हुड्कु अदुर दा वेदी इन बेक्की तुमदुन अदकि धरती मा हाक बुटदुन; अदकि गर्जन अदकि शब्द अदकि बजिलीगोळ अदकि भूकम्प आगली कुरतव.

येळ तुरहीगोळ

<sup>6</sup>आग आ येळ स्वरगदूत यार हात्ती येळ तुरहीगोळ ईरव अवरी ऊरूली तयार आदुर.

<sup>7</sup>पयला स्वरगदूत तुरही ऊरदुन, अदकि रक्ता देल मलिसकु क्यांडागोळ अदकि बेक्की तयार आत, अदकि धरती मा हाक्कु आत; अदकि धरती इन ऊंद तहिाई भाग होततेत, अदकि मार्रगोळद ऊंद तहिाई भाग होततेत, अदकि सप्या हविरा काड्डा भी होततेत.

<sup>8</sup>दुसरा स्वरगदूत तुरही ऊरदुन, रा बेक्की घाई होततेला ऊंद धोळद पहाळी समुद्र दा हाक्कु आत; अदकि समुद्र अनद ऊंद तहिाई भाग रक्ता आगेत, <sup>9</sup>अदकि समुद्र अनद ऊंद तहिाई जीव सोतोदव, अदकि ऊंद तहिाई जहाज नाश आगेदव.

<sup>10</sup>तसिरा स्वरगदूत तुरही ऊरदुन, अदकि ऊंद धोळ तारा जो मशाल घाई होततेगोद स्वरग दा टु मूरत, अदकि गांगागोळद ऊंद तहिाई मा अदकि नीर इन डोबनगोळ मा बंदकु बत्तित. <sup>11</sup>आ तारा अनद हेसुर नागदौना आद; अदकि ऊंद तहिाई नीर नागदौना घाई केय आगेत, अदकि हापाळ सा मंळसागोळ आ नीर इन केय आगदुर देल सोतोदुर.

<sup>12</sup>चौथा स्वरगदूत तुरही ऊरदुन, अदकि सुर्य अनद ऊंद तहिाई भाग, अदकि बेळदगिया अनद ऊंद तहिाई अदकि तारागोळद ऊंद तहिाई भाग मा आपत्त बत्त, ईल ताका कर् अऊरद ऊंद तहिाई भाग अंधार आगेत अदकि दनि इन ऊंद तहिाई भाग दा ऊजूळ ईतीदील, अदकि हांगा ईळलक दा भी.

<sup>13</sup>याग ना मातूत नोळदीन, रा आकाश इन न्याड्या दा गीधाळ इक ऊळुसतेला अदकि धोळ शब्द दा ईद अनतेला केळदीन, “आ मुर स्वरगदूतगोळद तुरही इन शब्दगोळ कारण, यारद ऊरोद ईगलया मक्कु आद, धरती नोर ईरावाळेर मा हाय, हाय, हाय!”

## 9

<sup>1</sup>याग पाचवा स्वरगदूत तुरही ऊरदुन, रा ना स्वरग टु पृथ्वी मा ऊंद तारा वळितेला नोळदीन, अदकि अदरी अथाह अधोलोक ईद चाबी कोटकु आत. <sup>2</sup>अद अथाह अधोलोक इक तेरत, अदकि कुंड दा टु धोळद भट्टी घाई धुंगा येळत, अदकि कुंड इन धुंगा देल सुर्य अदकि वायु अंधारकाय आगेदव. <sup>3</sup>आ धुंगा दा टु पृथ्वी मा हत्तीफाफा होट्टव, अदकि अवरी पृथ्वी इन चेळगोळ घाई शक्तिकोटकु आत. <sup>4</sup>अऊर से अंदकु आत कर्ना ना पृथ्वी इन काड्डा अक, ना यातोदारा ह्याली इक, ना यातोदारा मार्र इक नुकसान पोहचुसेत, सर्रिफ आ मंळसागोळी नुकसान पोहचुसेत यार ह्याणा मा परमेश्वर उन मोहर ह्येलेच. <sup>5</sup>अवरी लॉकुरी कोंद वुळोद रा ईला लेकीन अईद तगिळ ताका पीळा कोळोद अधकार कोटकु आत; अदकि आंदुर पीळा हगि ईरोद ह्यांग चेळ उन डंक होळदुर देल मंळसा अक आगतद. <sup>6</sup>आ दनिगोळ दा मंळसागोळ मृत्यु उक दुंडस्यार अदकि आंदरी मृत्यु सकितीदील; अदकि सायोद लालसा माळ्यार, अदकि मृत्यु आंदुर से दुर ओळीत.

<sup>7</sup>आ हत्तीफाफागोळद आकार लळाई इन साटी तयार माळद घवाळागोळ घाई ईरव, अदकि अऊर ताल्लागोळ मा व्हांना अनद मुकूट ईरव; अदकि अऊर मार्रगोळ मंळसागोळ घाई ईरव. <sup>8</sup>अऊर चुटगोळ आरतेर चुटगोळ घाई अदकि हल्ल हल्ल इन हल्लगोळ घाई ईरव. <sup>9</sup>अव लोवा घाई झलिम हाक्कु ईरव; अदकि अऊर पक्कागोळद शब्द हगि ईरोद जसा रथ अदकि हापाळ सा घवाळागोळद जो लळाई दा ओळताव. <sup>10</sup>अऊरद पुसटी चेळगोळ घाई ईरव अदकि अऊर दा डंक ईरव, अदकि अवरी अईद तगिळ ताका मंळसागोळी दुष पोहचुसोद जो शक्त सिकीत, अद अऊरद पुसटीगोळ दा ईरोद. <sup>11</sup>अथाह अधोलोक इन स्वरगदूत अऊर मा राजा ईरोन; आऊन हेसुर इब्रानी दा अबददीन, अदकि यूनानी दा अपुललयोन आद.

<sup>12</sup>पयला वपित्ती नष्ट आगेत, नोळी, ईग इदुर बाददा येढद परेशानीगोळ मातूत बरव आव.

<sup>13</sup>याग सहावा स्वरगदूत तुरही ऊरदुन रा व्हांना अनद वेदी जो परमेश्वर उन मुंद आद अदुर गॉट्टागोळ दा टु ना हगि शब्द केळदीन, <sup>14</sup>मतलब यावारा सहावा स्वरगदूत से, यार हात्ती तुरही ईरोद, अनतयान, “आ नाकु स्वरगदूतगोळ इक जो धोळ गांगा फुरात इन हात्ती कटकु आर, खोलस वुळ.” <sup>15</sup>आ नाकु स्वरगदूत खोलसकु आदुर जो आ समय, अदकि दनि, अदकि तगिळ, अदकि साल इन साटी मंळसागोळद ऊंद तहिाई भाग इक कोंद वुळली तयार माळकु आगदुर. <sup>16</sup>अऊरद फौज इन सवारगोळद गनिती ईपपत करोळ ईरोद; ना अऊरद गनिती केळदीन. <sup>17</sup>नानी ई दर्शन दा घवाळागोळ अदकि अऊरद हगि सवार काळसदुर यार झलिमगोळ बेक्की, अदकि धूमरकान्त, अदकि गन्धक घाई ईरोद, अदकि आ घवाळागोळद ताल्ला हल्ल इन ताल्ला घाई ईरव; अदकि अऊर बाय दा टु बेक्की, धुंगा अदकि गन्धक होळतोगोद. <sup>18</sup>ई मूर महामारीगोळद मतलब बेक्की अदकि धुंगा अदकि गन्धक देल, जो अऊर बाय दा टु होळतोगोद मंळसागोळद ऊंद तहिाई कोंदकु आत. <sup>19</sup>यतकी आ घवाळागोळद सामर्थ्य अऊर बाय अदकि पुसटीगोळ दा ईरोद; इदुरसाटी कर् अऊर पुसटीगोळ हावगोळ घाई ईरव, अदकि आ पुसटीगोळद ताल्ला भी ईरव अदकि ईऊर देला अव दुष पोहचुसतोगव.

20 मगिद मंळसागोळ जो आ मरी देल सायली ईरोर, तान कयगोळद कयाल्सा देल, मन तरिगुसदुर, क्क दुष्टआत्मागोळद, अदकि व्हांनना अदकि वेळ्ली अदकि पीतळा अदकि कल्ल अदकि ह्ळली इन मूरतीगोळद पुजा माळबाळुल जो ना नोळ सकताव, ना केळ सकताव, ना नळु सकताव; 21 अदकि जो रक्ता, अदकि जादू टोना, अदकि व्यभचार, अदकि काळलपनी आंदुर माळीदुर, अदुर देल मन तरिगुसदिलि.

## 10

स्वर्गदूत अदकि स्यांळद कतिब

1 वाक ना मात्त ऊंद ताकतवर स्वर्गदूत उक आकाश होचत स्वर्ग टु ईळूत नोळदीन. आऊन ताल्ला मा मेघधनुष ईरोद. आऊन बाय सुर्य अनूद घाई अदकि आऊन कालगोळ बेक्की इन खंबा घाई ईरव. 2 आऊन कय दा ऊंद स्यांळदतुसा कतिब तेरूकु ईरोद. आव तान ऊम्मा काल समुद्र मा अदकि डाक्या काल पृथ्वी मा ईटदुन, 3 अदकि हगि धोळद शब्द देल चलिळासदुन, हयांग हल्ल गरजुसतद; अदकि याग आव चलिळासदुन रा गरजन इन सांगुल शब्द केळ बंदव. 4 याग येळु गरजन इनव शब्द केळकु आगदव, रा ना लखिसदुर मा ईरीन, लेकीन ना स्वर्ग टु ईद शब्द केळदीन. “जो मातगोळ गरजन इन आ येळ शब्दगोळ से केळ्या अवरी गुप्त ईट, अदकि लखिसवाळ.”

5 याता स्वर्गदूत उक ना समुद्र अदकि पृथ्वी मा नदिरुत नोळीदिन, आव तान ऊम्मा कय स्वर्ग दी नेगदुन, 6 अदकि जो हमेशा हमेशा जतिता आन, अदकि याव स्वर्ग इक अदकि जो येनारा अदुर दा आद, अदकि पृथ्वी इक अदकि जो येनारा अदुर दा आद, अदकि समुद्र अक अदकि जो येनारा अदुर दा आद सजुसकु, अऊरदा करिया तनिकु अदुन, “ईग रा मात्त समय आगतीदील. 7 बल्की सातवा स्वर्गदूत उन तुरही ऊरदुर मा जो आगव आव शब्द इन दनिगोळ दा परमेश्वर उन गुप्त मनोरथ आ खुशखबरी इन अनुसार जो आव तान दास भविष्यवक्तागोळी कोट्टुन, पुरा आदीत.”

8 याता शब्द अक ना स्वर्ग टु माताळत केळीदीन, अद मात्त नान सांगुल मात हेळली कुरत, “होग, जो स्वर्गदूत समुद्र अदकि पृथ्वी मा नदिरुकु आन, आऊन कय दाकळोद अद कतिब ह्ळु कोम जो तेरूकु आद.”

9 ना स्वर्गदूत उन हात्ती होगकु अंदीन, “ईद स्यांळद कतिब नानी कोळ.” आव नान से अंदुन, “ह्ळु, इदरी तनि कोम; ईद नीन व्हाट्टा केय रा माळीत, लेकीन नीन बाय दा सयद घाई सय हत्तीत.”

10 अतः ना अद स्यांळद कतिब आ स्वर्गदूत उन कय दा टु ह्ळुकु तदि व्टीन. अद नान बाय दा सयद घाई सय रा हत, लेकीन याग ना अदरी नुंग वुट्टीन, रा नान व्हाट्टा केयजोर आगेत. 11 आग नान से ईद अंदकु आत, “नीनी हापाळ सा लॉकर, अदकि जातीगोळ, अदकि भाषागोळ अदकि राजागोळद बारा दा मात्त भविष्यवाणी माळोद बदिदीत.”

## 11

येद्व गवाह

1 वाक नानी आळोर साटी ऊंद सरकंडा कोटकु आत, अदकि यारारा अंदुर, “येळ, परमेश्वर उन मंदिर अदकि वेदी, अदकि अदुर दा उपासना माळावाळेर इक आळद कोम. 2 लेकीन मंदिर इन व्हारया अनूद आंगुळ बटि वुळ; अदरी आळुबाळ यतकी अद गैरयहूदी इक कोटकु आगयाद, अदकि आंदुर पवतिर नगर इक व्यालीस दिन ताका काल दशी मेट्टयार. 3 ना तान येद्व गवाहगोळी ईद अधिकार कोळाईन क्क टाट होदुकु ऊंद हजार येद्व सौ साठ दिन ताका भविष्यवाणी माळुल.

4 “ईव अवा जैतुन इन येद्व मारर अदकि येद्व दगिया ईटव जागा हव, जो पृथ्वी इन परभु उन मुंद नदिरुकु ईतार. 5 अगर यावारा आंदरी नुकसान पोहचुसोद चाहासतान, रा आंदुर बाय दा टु बेक्की होटकु आंदुर दुश्मनगोळी भसम माळतद; अदकि अगर यावारा आंदरी नुकसान पोहचुसोद चाहासयान, रा जरूर ईत्ता रीत दिल कोनुससकु आदान. 6 आंदरी अधिकार आद क्क आकाश इक बंद माळुल, क्क आंदुरद भविष्यवाणी इन दनिगोळ दा सयद बरसुसबाळुल; अदकि आंदरी सप्पा नीरनळी मा अधिकार आद क्क अदरी रक्ता माळुल, अदकि याग याग चाहास्यार आग आग पृथ्वी मा हर प्रकार ईद वपित्ती तरूल.”

7 याग आंदुरद गवाही कोटकु आगेदीत, रा अद पशु जो अथाह अधोलोक दा टु होट्टीत, आंदुर से लळाई माळकु अवरी जीवुसति अदकि आंदरी कोद वुट्टीत. 8 आंदुर लाश आ धोळद नगर इन चौक दा बदिकु ईत्ताव, यदरी आत्माकि रूप देल सदांम अदकि मसित्तर अंदकु आगतद, यल आंदुर परभु भी क्रूस मा येरसकु आगदिन. 9 सप्पा लॉकर अदकि कुलगोळ अदकि भाषागोळ अदकि जातीगोळद लॉकर आंदुर मुरदागोळी इक सादे मुर दिन ताका नोळतेला ईत्तार, अदकि आंदुर मुरदागोळ इक कबर दा ईट कोळतीदील. 10 धरती मा ईरावाळेर आंदुर सोत्तुर देल खुश अदकि मग्न आदार, अदकि आवुर दावुर हात्ती भेट कळ्यार, यतकी ई दनिगोळ दा भविष्यवक्तागोळ धरती मा ईरावाळेर इक सत्तुस्यार. 11 लेकीन सादे मुर दिन इन बाददा परमेश्वर उन दी टु जीवन इन श्वास आंदुर दा होक्त, अदकि आंदुर तान कालगोळ ताकत देल नदिरुदुर, अदकि आंदुर नोळावाळेर मा धोळद अंजक तुम्मेत. 12 आग आंदरी स्वर्ग टु ऊंद धोळद शब्द केळ बत्त, “ईल म्याकुच बरी!” ईद केळकु आंदुर बादल मा सवार आगकु तान दुश्मनगोळ नोळतेला अच स्वर्ग मा येरदुर. 13 वाक आ घळी ऊंद धोळद भूकम्प आत, अदकि नगर इन दहावा भाग बदिात; अदकि आ

भूकम्प देल येळ हजार मंळसागोळ सोतोदुर, अदकि बाकी नोर जो ऊळदकु ईरोर आंदुर अंजेदुर अदकि स्वर्ग इन परमेश्वर उन महिमा माळली कुरतुर.

14 दुसरा परेशानी बतिसेत; नोळी, तसिरा परेशानी जल्दी बरावाळा आद.

सातवा दूत उन दवारा तुरही ऊरकु आत

15 याग सातवा स्वर्गदूत तुरही ऊरदुन, रा स्वर्ग दा ई वारा दा धोड्डेव-धोड्डेव शब्द आगली कुरतव: “दुनया अन राज्य नामव प्रभु उन अदकि आऊन मसीह अन्द आगेत, अदकि आव हमेशा हमेशा राज्य माळयान.” 16 आग चौबीसा स्याणा लॉकुर जो परमेश्वर उन मुंद तान तान सहिसन मा कुरतकु ईरोर, वाय इन भार देल बदिक् परमेश्वर उक प्रणाम माळकु 17 ईद अनली कुरतुर,

“हे सर्वशक्तमान प्रभु परमेश्वर, जो आन अदकि जो ईरोन, नाव नीन धन्यवाद माळतेव कानी तान धोळ्द सामर्थ्य इक कयाल्सा दा तनकु राज्य माळया.

18 अन्य जातीगोळ सट्टि दा तुमकु ईरोर,

लेकीन नीद प्रकोप बंदकु बतित,

अदकि अद समय बंदाद का जो सोतुर आंदुर न्याय माळकु आगुल,

अदकि नीनोर दास परमेश्वर उन बातणी केळसावाळेर

अदकि पवतिर लॉकुरी अदकि आ स्याण धोड्डेर इक जो नीद हेसुर देल अंजतार बदलसुक् आगुल,

अदकि पृथ्वी इक वगिळसा वाळेर इक नष्ट माळकु आगुल.”

19 आग परमेश्वर उन जो मंदिर स्वर्ग दा आद अद तेरकु आत, अदकि आऊन मंदिर दा आऊंदा वाचा अन्द संदुक काळसत; अदकि बजिलीगोळ अदकि शब्द अदकि गर्जन अदकि भूकम्प आदव अदकि धोड्डेव ओला बदिदव.

## 12

आर्त अदकि अजगर

1 बाक स्वर्ग दा ऊंद धोळ्द चनिह काळसत, मतलब ऊंद आर्त जो सुर्य होदुकु ईरोर, अदकि वेळदगि आकनि काल दशिी ईरोद, अदकि आकनि तालला मा हनुनेळ तारागोळ्द मुकुट ईरोद. 2 आक वहाट्या दी आदुर, अदकि कटिरोर, यतकी आक प्रसव इन दुष दा ईरोर.

3 ऊंद अदकि चनिह स्वर्ग दा काळसत; अदकि नोळी, ऊंद धोळ्द कयाचांद अजगर ईरोद, अदरी येळ तालला अदकि हतत गाँट्टा ईरव, अदकि अदुर द तालला मा येळ राजमुकुट ईरव. 4 अदुर पुसटी आकाश इन तारा अन्द ऊंद तहाई इक जेडुक् पृथ्वी मा हाक कोम्त. अद अजगर येनारा ईरोर आ आर्त इन मुंद ईरोद, नदिरत का याग आक चिगिद हाळदार रा आ चिगिद उक नुंग कोमुल. 5 आक पार हाळदुर जो लोवा अन्द छळी इक ताकोमकु सप्पा जातीगोळ मा राज्य अन्द साटी बंदीदुन, अदकि आव पार एकाएक परमेश्वर उन हातती अदकि आऊन सहिसन इन हातती नेगकु पोहचसुक् आदुन; 6 अदकि आ आर्त आ आळी दा ओळतेला होदुर यल परमेश्वर उन दी टु आकनि साटी ऊंद जागा तयार माळकु आगीत क अल आक ऊंद हजार येद्व सौ साट दिन ताका सालकु आगुल.

7 आक स्वर्ग दा लळाई आत, मीकाईल अदकि आऊन स्वर्गदूत अजगर इन सांगुळ लळाई माळली होट्टुर; अदकि अजगर अदकि अदुर दूत आऊन सांगुळ लळुसदव. 8 लेकीन प्रबल आगीदील, अदकि स्वर्ग दा आंदुर साटी बाक जागा ईतीदील. 9 आग अद धोळ्द अजगर, मतलब अदा हाळोद हाव जो इब्लीस अदकि शैतान कहलुसतद अदकि पुरा दुनया अक भरमुसावाळा हुन, पृथ्वी मा केळसुक् आत, अदकि अदुर दूत अदुर सांगुळ केळसुक् आदव.

10 बाक ना स्वर्ग टु ईद धोळ्द शब्द बरतेला केळदीन,

“ईग नाम परमेश्वर उन उद्धार अदकि सामर्थ्य

अदकि राज्य

अदकि आऊन मसीह अन्द अधिकार प्रगट आग्याद,

यतकी नाम वारटुर मा दोष हचावाळा,

जो ईळलक हागुल नाम परमेश्वर उन मुंद आंदुर मा दोष हचतोगोन केळसुक् आदुन.”

11 “आंदुर म्यांडा अन्द पाड्डा अन कारण

अदकि तान गवाही इन वचन इन कारण

आऊन मा जयवन्त आदुर,

अदकि आंदुर तान जीव इक प्रयि जानसीदलि,

ईल ताका किमृत्यु भी सहन माळ कौडुर.”

12 “ई कारण हे स्वर्गगोळा अदकि अदुरदा ईरावाळेर,

मग्न ईरी; हे पृथ्वी, अदकि समुद्र, नीम मा हाय!

यतकी शैतान बळा सट्टि इन सांगुळ नीम हातती ईळुक् बंदुन,

यतकी जानसत्या कथिवाळासा अच समय अदकि बाकी आद."

13 याग अजगर नोळत काना पृथ्वी मा केडुकु आगेदीन, रा आ आरत इक जो पार हाळीदुर, सतुसुत. 14 लेकीन आ आरत इक धोळ गीधाळ इन येदढ पकिका कोटकु आगीदव क हाव उन मुंद टु ऊळुसकु आळी दा आ जागा दा होटोगुल, यल अद ऊंद समय अदकि समयगोळ, अदकि आरधा समय ताका पालसकु आगुल. 15 अदकि हाव आ आरत इन हदि तान बाय देल गांगा अनूद घाई नीर वाहुसुत क आकी ई गांगा देल वाहुस बुळुल. 16 लेकीन पृथ्वी आ आरत इन सहायता माळत, अदकि तान बाय खोलसकु आ गांगा अक जो अजगर तान बाय देल वाहुसीदुन कळुत. 17 आग अजगर आरत मा गुस्सा आतुत, अदकि आकनि बाकी नव चकोर देल, जो परमेश्वर उन आग्यागोळ इक मानसोर अदकि यीशु उन गवाही कोळदुर मा स्थरि आर, लळाई माळली होतुत. 18 अदकि अद समुद्र अनूद धुळा मा होगकु नीदुरकु ईतुत.

## 13

येदढ पशु

1 आग ना ऊंद पशु उक समुद्र दा टु होळत नोळदीन, यदुद्र हतुत गॉटटा अदकि येळ ताल्ला ईरव. अदुर गॉटटागोळ मा हतुत राजमुकुट अदकि अदुर ताल्लागोळ मा परमेश्वर उन ननिंदा नव हेसुर लखिसकु ईरव. 2 जो पशु ना नोळदीन अद चिता अनूद घाई ईरोद; अदकि अदुर कालगोळ भालू घाई, अदकि बाय हुलली इन घाई ईरोद. अद अजगर तान सामरथय अदकि तान सहिसन अदकि धोळद अधकार अदरी कोट बुळुत. 3 ना अऊरद ताल्लागोळ दा टु ऊंद मा हगि भयंकर घाव हतकु नोळदीन क हगि हतुल क अद सायदुर मा आद, बाक अदुरद प्राणघातक घाव वळलीद आगेत, अदकि सपपा धरती इन लॉकरु आ पशु उन हदि-हदि अचमभा माळतेला नळदुर. 4 लॉकरु अजगर इन पुजा माळदुर, यतकी अद पशु उक तान अधिकार कोट बुटीत, अदकि ईद अनकु पशु उन पुजा माळदुर, "ई पशु उन घाई याव आन? याव ईदुर से लळाई माळ सकतान?"

5 बळा बोल माताळली अदकि अपमान माळोर साटी अदरी ऊंद बाय कोटकु आग्याद, अदकि अदरी व्यालीस तगिळु ताका क्यालसा माळोद अधकार कोटकु आग्याद. 6 आव परमेश्वर उन अपमान माळोर साटी बाय तेरदुन क आऊन हेसुर अदकि आऊन तमवू मतलब स्वरग इन ईरावाळेर इन अपमान माळुल. 7 आऊक ईद भी अधकार कोटकु आग्याद क पवतिर लॉकरु सांगुळ लळाई माळुल अदकि आंदुर मा जय सकिल, अदकि आऊक हर ऊंद कुल अदकि लॉकरु अदकि भाषा अदकि जाती मा अधकार कोटकु आग्याद. 8 धरती मा ईरावाळेर आंदुर सपपा, यार हेसुर आ म्यांडा अनूद पाड्डा अनूद जीवन इन कतिब दा लखिसकु आगीदील जो दुनया अन उत्पत्ती इन समय टु घात आग्याद, आ पशु उन पुजा माळ्यार.

9 यार कवि आव आव केळुल. 10 यारी कैद दा बळोद आद, आव कैद दा बदिदान; जो तलवार देल कोदान, जरूरी आद क आव तलवार देल कोदकु आदान. पवतिर लॉकरुद धीरज अदकि वशिवास ईदुर दा आद.

11 बाक ना ऊंद अदकि पशु उक पृथ्वी दा टु होळतेला नोळदिन, अदुरद म्यांडा अनूद पाड्डा अनूद घाई येदढ गॉटटा ईरव, अदकि अद अजगर इन घाई माताळोद. 12 अद आ पयला पशु उन पुरा अधकार अदुरद मूंद क्यालसा दा तरोद; अदकि पृथ्वी अदकि अदुरद ईरावाळेर देल आ पयला पशु उन, यदुद्र जीव घातक घाव वळलीद आगेगीत, पुजा माळसुसोद. 13 अद धोळ-धोळ चनिह तोरसोन, ईल ताका क मंळसागोळद मूंद स्वरग टु पृथ्वी मा बेक्की बरसुस बुळोन. 14 आ चनिहगोळद कारण, यारी आ पशु उन मूंद तोरसोद अधकार अदरी कोटकु आगीत, अद पृथ्वी इन ईरावाळेर इक भरमुसोद अदकि पृथ्वी इन ईरावाळेर देल अनोद क या पशु उक तलवार हतीत अद जतिता आग्याद, अदुरद मूर्त माळी. 15 अदरी आ पशु उन मूर्त दा जीव हाककोद अधकार कोटकु आग्याद क पशु उन मूर्त माताळली हतुल, अदकि यास लॉकरु आ पशु उन मूर्त इन पुजा माळतीदील, आंदरी कोनुसुस बुळुल. 16 आव स्याळद-धोळ, धनी-कंगाल, स्वतंत्र-दास सपपा मूंदुर ऊममा कय दी या आंदुर मसतक मा ऊंद ऊंद छाप माळ बुट्टुन, 17 क अदरी बटिकु याऊन मा छाप मतलब आ पशु उन हेसुर या अदुर हेसुर इन अंक ईरुल, दुसरा यावारा लन-देन माळ ईला सकुल.

18 ग्यान ईदुर दा आद: यारी बुद्धी आद आव ई पशु उन अंक जोळस कोमुल, यतकी अद मंळसा अनूद अंक हुन, अदकि अदुर अंक आर सौ छैसठ आद.

## 14

मेमना अदकि अदुर लॉकरु

1 आक ना नजर माळदीन, अदकि नोळी, आ म्यांडा अनूद पाड्डा सयियोन पहाळ मा नीदुरकु आद, अदकि अदुर सांगुळ ऊंद लाख चौवालीस हजार मूंदुर आर, यार ह्याणा मा आऊन अदकि आऊन आपुप उन हेसुर लखिसकु आद. 2 अदकि स्वरग टु नानी ऊंद हगि शब्द केळ बतुत जो नीर इन हापाळ धारागोळ अदकि बळा गरजन इन शब्द ईरोद, अदकि जो शब्द ना केळदीन अद हगि ईरोद मानसी वीणा मुरसावाळेर वीणा मुरसेतयार. 3 आंदुर सहिसन इन मूंद अदकि नाकु प्राणीगोळ अदकि स्याणागोळद मूंद ऊंद व्हाशोद हाळ हाळोर. आ ऊंद लाख चौवालीस हजार लॉकुरी बटिकु, जो पृथ्वी मा टु कोंडकु आगीदुर, यारू आ हाळ इक कलु ईला सकोर. 4 ईदुर आंदुर उर जो आरतेर सांगुळ अशुध्द आगीदील, पर कुवारा आर; ईदुर आंदुरा उर क येल्यारा म्यांडा अनूद पाड्डा हांगतद, अऊर आऊन हदि



आगेगतर; इंदुर रा परमेश्वर उन नमित्तित पयला फल आगेर साटी मंळसागेळ दा टु कोडकु आग्यार. <sup>5</sup> आंदुर बाय दा टु यागलु खवाटा मात होटीदलि, आंदुर नरिदोष आर.

मुर स्वरगदूत

<sup>6</sup> बाक ना ऊंद अदकि स्वरगदूत उक आकाश इन नयाइया दा उळुसतेला नोळदीन, यार हातूती पृथ्वी माकळोर ईरावाळंदर हर ऊंद जाती, अदकि कुल, अदकि भाषा, अदकि लांकुरी केळसोर साटी अनन्त खुशखबरी ईरव. <sup>7</sup> स्वरगदूत धोळ शब्द देल अंदुन, “परमेश्वर से अंजी, अदकि आऊन महिमा माळी, यतकी आऊन नयाय माळोद समय होट बंदाद; अदकि आऊन भजन माळी, याव स्वरग अदकि पृथ्वी अदकि समुद्र अदकि नीर इन झरना माळयान.”

<sup>8</sup> बाक इदुर बाददा ऊंद मातूत, दुसरा, स्वरगदूत ईद अनतेला बंदुन, “बत्तित, आ धोळ बेबीलोन बत्तित, यार तान वयभंचार इन कोपमय सारा पुरा जातीगोळी इक कुळस्यद.”

<sup>9</sup> बाक इंदुर बाददा ऊंद मातूत, तीसरा, स्वरगदूत धोळ शब्द देल ईद अनतेला बंदुन, “जो यावारा आ पशु अदकि अदुरद मूर्ता इन पुजा माळुल, अदकि तान हयाणा या तान कय मा अदुरद छाप ताकोमुल <sup>10</sup> अद परमेश्वर उन प्रकोप इन नरी सारा, जो आऊन सट्टि इन कटोरा दा हाक्कु आग्याद, कुळदान अदकि पवतिर स्वरगदूतगोळद मुंद अदकि म्यांडा अन्द पाडडा अन्द मुंद बेक्की अदकि गन्धक इन पीळा दा बदिदान. <sup>11</sup> आदुरद पीळा अन्द धुंगा हमेशा हमेशा येळतेला ईतूती, अदकि जो आ पशु अदकि अदुरद मूर्ता इन पुजा माळतार, अदकि जो अदुर हेसुर इन छाप ताकोमतार, आंदरी ईळलक हागुल चैन सकितीदील.”

<sup>12</sup> पवतिर लॉकुरद धीरज इदुर दा आद, जो परमेश्वर उन आग्यागेळ इक मानसतार अदकि यीशु मा वशिवास ईटतार.

<sup>13</sup> बाक ना स्वरग टु ईद शब्द केळदीन, “कलिखिस: जो मुरदा प्रभु दा सायतान, आंदुर ईग टु धन्य आर.”

आत्मा अनतद, “हव, यतकी आंदुर तान पुरा मेहनत देल आराम ताकोडार, अदकि आंदुर कार्य आंदुर सांगुळ ईत्ताव.”

कटाई

<sup>14</sup> ना दृष्टी माळदीन, अदकि नोळी, नान मुंद ऊंद बळीद ढग आद, अदकि आ ढग मा मंळसा अन पार उन घाई यावारा कुरतकु आन, आऊन तालला मा व्हांनना अन्द मुकूट अदकि कय दा पन्यार कुळगुल आद. <sup>15</sup> बाक ऊंद अदकि स्वरगदूत मंदरि दा टु होटकु आऊन से, जो ढग मा कुरतकु ईरोन, धोळ शब्द देल कारकु अंदुन, “तान कुळगुल हचकु कटाई माळ, यतकी कटाई इन समय होट बंदान, इदुरसाटी कलि पृथ्वी इन केई इन फसल हण्ण आगेग्याद.”

<sup>16</sup> इदुरसाटी जो ढग मा कुरतकु ईरोन आव पृथ्वी मा तान कुळगुल हचदुन, अदकि पृथ्वी इन केई इन कटाई माळदुन.

<sup>17</sup> बाक ऊंद अदकि स्वरगदूत आ मंदरि दा टु होटदुन जो स्वरग दा आन, अदकि आऊन हातूती भी पन्यार कुळगुल ईरोद.

<sup>18</sup> बाक ऊंद अदकि स्वरगदूत, यारी बेक्की मा अधकार ईरोद, वेदी दा टु होटदुन, अदकि यार हातूती पन्यार कुळगुल ईरोद आऊन से धोळ शब्द देल अंदुन, “तान पन्यार कुळगुल हचकु पृथ्वी इन अंगुर इन केई इन काय इन गुच्छा कडुकोम, यतकी अद अंगुर इन काय हण्ण आगेग्याद.” <sup>19</sup> आग आ स्वरगदूत पृथ्वी मा तान कुळगुल हचदुन अदकि पृथ्वी इन अंगुर इन गुच्छा अन्द काय कडुकु तान परमेश्वर उन प्रकोप इन धोळ रसकुण्ड दा हाक्क बुटदुन; <sup>20</sup> अदकि नगर इन व्हांरया आ रसकुण्ड दा अंगुर मेटकु आदव, अदकि रसकुण्ड दा टु ईट रक्ता होळत कलि धवाळा अन्द लगामगोळ ताका पहचुसत, अदकि मुर सौ कलिमीटर ताका वाहुसेत.

## 15

आखरी परेशानीगोळ सांगुळ स्वरगदूत

<sup>1</sup> बाक ना स्वरग दा ऊंद अदकि धोळ अदकि अदभुत चनिह नोळदीन, मतलव येळ स्वरगदूत यार हातूती येळु आखरी परेशानीगोळ ईरव, यतकी अदुर खतम आगदुर मा परमेश्वर उन प्रकोप इन अनन्त आद.

<sup>2</sup> आग ना बेक्की दा मलिसकु काँच इन घाई ऊंद समुद्र नोळदीन; अदकि जो लॉकुर आ पशु मा अदकि अदुरद मूर्ता मा अदकि अदुर हेसुर इन अंक मा जयवन्त आगीदुर, आंदरी आ काँच इन समुद्र अन्द हातूती परमेश्वर उन वीणागोळ इक हूळकु नीदुरकु नोळदुर. <sup>3</sup> आंदुर परमेश्वर उन दास मूसा अन्द हाळ, अदकि म्यांडा अन्द पाडडा अन्द हाळ, हाळ हाळकु अनतोगोर,

“हे सरवशक्तमान प्रभु परमेश्वर,

नीन कार्य महान अदकि अदभुत आव;

हे युगयुग इन राजा,

नीन चाल वळ्लीद अदकि खरा आद.”

<sup>4</sup> “हे प्रभु, याव नीन से अंजतीदील

अदकि नीन हेसुर इन महिमा माळतीदील?

यतकी सरिफ नी आवना अच पवतिर आय.

पुरा द्याश इन लॉकुर बंदकु

नीन मूंद दण्डवत माळ्यार,  
यतकी नीन न्याय इन क्यालसा प्रगट आगेग्याव.”

5 इदुर बाददा ना नोळदीन कऱ स्वर्गा दा गवाही इन तम्बू उन मंदिर खोलसकु आग्याव; 6 अदक आंदुर येळु स्वर्गदूत यार हातूती येळु परेशानीगोळ ईरव, मलमल इन शुद्ध अदक चमकदार कपळा हाक्कु अदक याददा मा व्हानना अनद पट्टागोळ कटक मंदिर टु होटदुर. 7 आग आ नाकु पराणीगोळ दा टु ऊंद आ येळु स्वर्गदूतगोळी परमेश्वर, जो हमेशा हमेशा जतिता आन, आऊन प्रकोप देल तुमकु व्हानना अनद येळु कटोरा कोटदुर; 8 अदक परमेश्वर उन महिमा अदक आऊन सामर्थ्य अन कारण मंदिर धुंगा देल तुममेत, अदक यागासताका आ येळु स्वर्गदूतगोळद येळु परेशानीगोळ खतम आगीदील आगासताका याऊ मंदिर दा होग सकदील.

## 16

परमेश्वर उन प्रकोप इन येळु कटोरा

1 बाक ना मंदिर दा यारीकारा ऊँचा शब्द देल आ येळु स्वर्गदूतगोळ देल ईद अनतेला केळदिन, “होगी, परमेश्वर उन प्रकोप इन येळु कटोरागोळ इक पृथ्वी मा पलटुस वुळी.”

2 इदुरसाटी पयले स्वर्गदूत होगकु तान कटोरा पृथ्वी मा पलटुस बुट्टुन. आग आ मंळसागोळद, यार मा पशु उन छाप ईरव अदक जो अदुरद मूर्तऱ इन पुजा माळोर, ऊंद प्रकार इन बुरा अदक दुखदाई फवाळा होळत.

3 दुसरा स्वर्गदूत तान कटोरा समुद्र मा उलटुस बुट्टुन, अदक आव सोतकु मंळसा अनद रक्ता घाई बनसेदुन, अदक समुद्र दाकळव हर ऊंद जीवधारी सोतोदव.

4 तीसरा स्वर्गदूत तान कटोरा गांगागोळ अदक नीर इन झरनागोळ मा पलटुस बुट्टुन, अदक आंदुर रक्ता बनसदुर. 5 आग ना नीर इन स्वर्गदूत उक ईद अनतेला केळदीन, “हे पवतिर, जो आद अदक जो ईरोद, नी न्यायी आय अदक नी ईद न्याय माळद. 6 यतकी आंदुर पवतिर लॉकुर अदक भवषियवक्तागोळद रक्ता वाहुसीदुर, अदक नी आंदरी रक्ता कुळसद; यतकी आंदुर ईदा योग्य आर.” 7 बाक ना वेदी टु ईद शब्द केळदीन, “हव, हे सर्वशक्तमिान प्रभु परमेश्वर, नीन नरण्य वळलीद अदक खरा आद.”

8 चौथा स्वर्गदूत तान कटोरा सुर्य मा उलटुस बुट्टुन, अदक आऊक मंळसागोळ इक बेक्की देल झुलसुसोद अधिकार कोटकु आत. 9 मंळसा हापाळ वसिल देल झुलसुसदुर, अदक परमेश्वर उन हेसुर इन यारी ई परेशानीगोळ मा अधिकार आद, अपमान माळदुन लेकीन आऊन महिमा माळोर साटी मन तरिगुसदील. आऊन महानता अनद प्रशंसा माळतार.

10 पाचवा स्वर्गदूत तान कटोरा आ पशु उन सहासन मा पलटुस बुट्टुन, अदक आऊन राजय मा अंधार छासेत. लॉकुर दुख इन मारा तान तान ल्यालगया कचली हतदुर, 11 अदक तान पीळागोळ अदक फवाळागोळद कारण स्वर्गा इन परमेश्वर उन अपमान माळदुर; लेकीन तान तान क्यालसागोळ देल मन तरिगुसदील.

12 सहावा स्वर्गदूत तान कटोरा महागांगा फुरात मा पलटुस बुट्टुन, अदक अदुरद नीर वंळगेत कऱ पूरव दशिा अनद राजागोळद साटी हादी तयार आगेगुल. 13 बाक ना आ अजगर इन बाय देल, अदक आ पशु उन बाय देल अदक आ खवाटा भवषियवक्ता अनद बाय देल मुर अशुधद आत्मागोळ इक भ्याबकागोळद रूप दा होळतेला नोळदिन.

14 ईव चनिह तोरसावाळेर दुष्टआत्मागोळ हुव, जो पुरा दुनयिा अन राजागोळद हातूती होटकु इदुरसाटी होगताव कऱ आंदरी सर्वशक्तमिान परमेश्वर उन आ धोळ दिन इन लळाई इन साटी जमा माळुल.

15 “नोळ, ना काळुल उन घाई बरतीन; धन्य आव आन जो जागसतेला ईरतान, अदक तान कपळागोळद सावधानी माळतान कऱ ऊगळा वयाळवाळुल, अदक लॉकुर आऊन ऊगळापन नोळवाळुल.”

16 अदक आंदुर आंदरी आ जागा दा जमा माळदुर जो इब्रानी दा हर-मगदिन कहलुसतद.

17 सातवा स्वर्गदूत तान कटोरा हवा मा उलटुसदुन, अदक मंदिर इन सहासन टु ईद धोळ शब्द आत, “आगेग्याव!” 18 “बाक बजिलीगोळ चमकुसदव, अदक शब्द अदक गरजन आत, अदक ऊंद हगि धोळ भुकम्प बत्त कऱ यागी टु मंळसा अनद उत्पत्ती पृथ्वी मा आत, आगी टु हगि धोळ भुकम्प यागलु बंददील. 19 इदुर देल आ धोळ नगर इन मुर तुकळा आगेदव, अदक गैर यहूदीगोळव नगर बदिदव; अदक धोळ बेबीलोन इन याद परमेश्वर उन अल आत कऱ अल आत सट्टि इन जलजलाहट इन सारा आऊक कुळसुल. 20 “अदक हर ऊंद टापू तान जागा टु टलसेत, अदक पहाळगोळद पता हतीदील. 21 “आकाश टु मंळसागोळ मा मन-मन तुमकु धोळ गारगोटी बदिदव, अदक इदुरसाटी कऱ ईद वपित्ती हापाळ अच भारी ईरोद, लॉकुर गारगोटी इन वपित्ती इन कारण परमेश्वर उन अपमान माळदुर.

## 17

धोळ वेश्या

1 या येळु स्वर्गदूतगोळद हातूती अव येळु कटोरा ईरव, आंदुर दा टु ऊंद बंदकु नान से ईद अंदुन, “ईल बर, ना नीनी आ धोळ वेश्या अनद दण्ड तोरसाईन, जो हापाळ सा नीर मा कुरतकु आर, 2 यार सांगुळ पृथ्वी इन राजागोळ व्यभचार माळदुर; अदक पृथ्वी इन ईरावाळेर आऊन व्यभचार इन सारा देल मतवाला आगेगीदुर.”

✧ 16:15 १६:१५ मत्ती २४:१३,१४; लुका १२:३९,४०; प्रकाशतिवाक्य ३:३

✧ 16:18 १६:१८ प्रकाशतिवाक्य ८:५; ११:१३,१९

✧ 16:20 १६:२०

प्रकाशतिवाक्य ६:१६

✧ 16:21 १६:२१ प्रकाशतिवाक्य ११:१९

3 आग आव नानी आत्मा दा आळी दी ओतुन, अदकि ना क्याचांद पशु मा, जो अपमान इन हेसुरगोळ देल तुमकु ईरोद अदकि यार येळ ताल्ला अदकि हत्त गाँट्टा ईरव, ऊंद आरत इक कूरतकु नोळदनि. 4 ई आरत जाभळा रंग इन अदकि क्याचांद रंग इन कपळा हाक्कु ईरोर, अदकि वहानना अदकि कमिती मणगिगोळ अदकि मोतगिगोळ देल सजुसकु ईरोर, अदकि आकनि कय दा ऊंद वहानना अनद कटोरा ईरोद जो बेकार वस्तुगोळ देल अदकि आकनि व्यभचार इन अशुधद वस्तुगोळ देल तुमकु ईरोद. 5 आकनि ह्याणा मा ई हेसुर लखिसकु ईरोद, “भेद-धोळ बेबीलोन पृथ्वी इन वेश्यागोळ अदकि बेकार वस्तुगोळद मोय.” 6 ना आ आरत इक पवतिर लाँकुर रक्ता अदकि यीशु उन गवाहगोळद रक्ता कुळदुर देल मतवाला नोळदीन;

आकी नोळकु ना चकति आगेदीन. 7 आग आ स्वरगदूत नान से अंदुन, “नी येती चकति आद? ना ई आरत अदकि आ पशु उक, यदुर मा आक सवार आर अदकि यार येळ ताल्ला अदकि हत्त गाँट्टा आव, नीनी भेद हेळतीन.

8 “जो पशु नी नोळया, अद पयला रा ईरोद पर ईंग ईल्लच, अदकि अथाह अधोलोक दा टु होटकु वनिश दा वदिदीत; अदकि पृथ्वी इन ईरावाळेर यार हेसुर दुनयिा अन उत्पत्ती इन समय टु जीवन इन कतिब दा लखिसकु आगीदील, ई पशु उन ईद दशा नोळकु का प्हाण्टा ईरोद अदकि ईंग ईल्लच अदकि वाक होट बंदीत, अचम्भा माळयार. 9 आ बुद्धी इन साटी यारदा ग्यान आद, ईदा मवका आद: अव येळ ताल्ला येळ पहाळ हुव यार मा आ आरत कूरतकु आर. आंदुर येळ राजा भी उर. 10 अव येळ राजा भी हुव, अईद रा आगेग्याव, अदकि ऊंद ईंग आन, अदकि ऊंद ईंग ताका बरलो आन, अदकि याग बंदान रा येनारा समय ताका अदुरद ईरोद भी जर्री आद. 11 जो पशु पयला ईरोन, अदकि ईंग ईल्लच, आव खुद आठवा हुन अदकि आ येळु दा टु पैदा आदुन, अदकि वनिश दा वदिदान. 12 जो हत्त गाँट्टा नी नोळद अव हत्त राजा हुव यारी ईंग ताका राज्य सक्कीदील, पर आ पशु उन सांगुळ घळी तीमोर साटी राजागोळ घाई अधिकार सक्कीत. 13 ईव सप्पा ऊंद मन आदार, अदकि अव तान तान सामर्थ्य अदकि अधिकार आ पशु उक कोट्टार. 14 अव मेमनागोळ देल लळाई माळयाव, अदकि म्यांडा अनद पाड्डा अऊर मा जय पाऊसयाव, यतकी आव प्रभुगोळ प्रभु अदकि राजागोळ राजा हुव, अदकि जो कार्कु आग्याव अदकि नविळुसकु आग्याव अदकि वशिवासी आव अव आऊन सांगुळ आव; आंदुर भी जय पाऊसयाव.”

15 वाक आव नान से अंदुन, “जो नीर नी नोळद, यदुर मा वेश्या कूरतकु आर, आंदुर रा लाँकुर अदकि भीळ अदकि जातीगोळ अदकि भाषागोळ हुव. 16 जो हत्त गाँट्टा नी नोळद, अव अदकि पशु आ वेश्या देल दुशमनी ईटयाव, अदकि आकी लाचार अदकि नंगा माळ बुट्टाव, अदकि आकनि मास तीन बुट्टाव, अदकि आकी बेक्की दा होताक बुट्टाव. 17 यतकी परमेश्वर आंदुर मन दा ईद हाक्यान का आंदुर आऊन मनसा पुरा माळुल, अदकि यागासताका परमेश्वर उन वचन पुरा आगाल्द आगासताका ऊंद मन आगकु तान तान राज्य पशु उक कोटबुळी. 18 आ आरत, यारी नी नोळद, अद धोळ नगर हुन जो पृथ्वी इन राजागोळ मा राज्य माळतद.”

## 18

बेबीलोन इन पतन

1 इदुर बाददा ना ऊंद स्वरगदूत उक स्वरग टु ईळुतेला नोळदीन, यारी धोळ अधिकार प्राप्त ईरोद; अदकि पृथ्वी आऊन तेज देल चमकूसकु येळत. 2 आव धोळ शब्द देल कार्कु अंदुन, “वदिदोत, धोळ बेबीलोन वदिदोत! अद दुष्ट आत्मागोळद नवास, अदकि हर ऊंद अशुधद आत्मा अनद हड्डा, अदकि हर ऊंद अशुधद अदकि बेकार पक्षी इन हड्डा आगेत. 3 यतकी आऊन व्यभचार इन भयानक सारा अनद कारण सब जातीगोळ बदिव, अदकि पृथ्वी इन राजागोळ आऊन सांगुळ व्यभचार माळदुर, अदकि पृथ्वी इन व्यापारी आऊन सुख-विलास इन बहुतायत इन कारण धनवान आदुर.”

4 वाक ना स्वरग टु ऊंद अदकि शब्द केळदीन, “हे नान लाँकुरा, आऊन दा टु होटबुळी का नीव आऊन पापगोळ दा भागी आगबाळी, अदकि आऊन वत्तिगोळ दा टु याऊ नीम मा बरबाळुल. 5 यतकी आऊन पापगोळद ढेर स्वरग ताका पद्दुचसेत, अदकि आऊन अपराध परमेश्वर उक याद होट बंदाव. 6 ह्यांग आव नीमी कोट्टुन हांग अच आऊक कोळी, अदकि आऊन क्यालसागोळद अनुसार आऊक येदद गुणा ज्यादा कोळी; या कटोरा दा आव तुमकु कोटीदुन अदुर दा आऊन साटी येदद गुणा तुमकु कोळी.” 7 याट आव तीन बळाई माळदुन अदकि सुखविलास माळदुन, आट आऊक दुख अदकि शोक कोळी; यतकी अद तान मन दा अनतद, “ना रानी आगकु कुरतीन, राड्यागीत ईला; अदकि शोक दा यागलु बळितीदील.” 8 ई कारण ऊंद अच दनि दा आकी मा परेशानीगोळ होट बंदाव, मतलब सायोद, अदकि शोक, अदकि अकाल, अदकि आक बेक्की दा भसम माळकु आदार, यतकी आकनि न्यायी प्रभु परमेश्वर शक्तमिान आन.

9 “पृथ्वी इन राजा यार आऊन सांगुळ व्यभचार अदकि सुख-विलास माळदुन, याग आऊन होतूतोद धुंगा नोळयार, रा आऊन साटी बरलेयार अदकि याददा पीटस्यार.” 10 आऊन पीळा अनद अंजूक इन मारा आंदुर बळा दुर नीदुरकु अंदार, “हे धोळ नगर, बेबीलोन! हे मजवूत नगर, हाय! हाय! घळीतीम दा अच नीनी दण्ड सकिगयाद.”

11 “पृथ्वी इन व्यापारी आऊन साटी बरलेयार अदकि कलपूस्यार, यतकी ईंग याऊ आंदुर माल कोम सकालुन; 12 मतलब वहानना, वेळली, रत्न, मोती, अदकि मलमल, अदकि जाभळा, रेशमी, अदकि क्याचांद रंग इन कपळा, अदकि हर प्रकार इन सुगन्धति हुळली अदकि हत्ती इन हल्ल इन हर प्रकार इन वस्तुगोळ, अदकि कमिती काठ अदकि पीतळा अदकि लोवा अदकि संगमरमर इन सब प्रकार इन वस्तुगोळ, 13 अदकि व्याळा चाकरा, मसाला,

धूप, अत्तर, लुबान, सारा, जैतून इन याणणा, मैदा, गोदी, गोसी-वस्ता, म्यांडा-आळगोळ, घ्वाळा रथ, अदकि दास, अदकि मंळसागोळद जीव. 14 ईंग नीन मन भाऊसावाळा काय नीन हात्ती तु होगतेला ईततव, अदकि स्वादषिट अदकि भळकीला वस्तुगोळ नीन से दुर आगोण्याव, अदकि अब बाक यागलु सकितीदील.” 15 ई वस्तुगोळ व्यापारी जो आऊन बढारा धनवान आगीदुर, आऊन पीळा अन्द अंजक इन मारा दुर नीदुरकु ईततार, अदकि वरलतेला अदकि कलपुस्तेला अंदार, 16 “हाय! हाय! ईद धोळ नगर जो मलमल, अदकि जाभळा रंग इन अदकि क्याचांद रंग इन कपळा हाक्कु ईरोन, अदकि व्हान्ना अदकि रतुनगोळ अदकि मोतगोळ देल सजुसुकु ईरोन; 17 घळीतीम दा अच आऊन हगि भारी धन नाश आगेत.” हर ऊद मांझी अदकि यात्री अदकि मल्लाह, अदकि याट समुद्र टु कमुसतार, सब दुर नीदुरदुर, 18 अदकि आऊन होततोद धुंगा नोळकु कारकु अंदार, “यातोद नगर ई धोळ नगर इन घाई आद?” 19 अदकि तान तान ताल्लागोळ मा धुळा हाक्यार, अदकि वरलतेला अदकि कलपुस्तेला चलि्लास चळि्लासकु अंदार, “हाय! हाय! ईद धोळ नगर यदुरद समपुतर्ता इन दवारा समुद्र अन्द सब जहाजवाळेर् धनी आगोगीदुर, घळीतीम दा अच ऊजळसेत.”

20 हे स्वर्ग, अदकि हे पवतिर लांकुरा, अदकि प्रेरतिगोळा, भवषियवक्तागोळ, आऊन मा आनन्द माळी, यतकी परमेश्वर न्याय माळकु आऊन से नीम्द बदला ताकोडुन!

21 बाक ऊद बलवान स्वर्गदूत बळा चक्की इन पट्टा अन्द घाई ऊद कल्ल नेगदुन, अदकि ईद अनकु समुद्र दा भीट बुट्टुन, धोळ नगर बेबीलोन हगि अच धोळ ताकत देल केडुकु आदीत, अदकि बाक यागलु अदुर पता हततदील. 22 वीणा मुरसावाळे, अदकि गायकगोळा, अदकि कोळल मुरसावाळे, अदकि तुरही ऊयावाळेर्द शब्द बाक यागलु नीन दा केळ बरतीदील; अदकि यावारा उद्घम उन यावारा कारीगर भी बाक यागलु नीन दा मल्लिसतीदील; अदकि जाता अन्द नळोद आवाज बाक यागलु नीन दा केळ बरतीदील; 23 अदकि दगिया अन्द ऊजुळ बाक यागलु नीन दा चमकुसतीदील, अदकि मंळगार अदकि मंळगीत इन शब्द बाक यागलु नीन दा केळ बरतीदील; यतकी नीन व्यापारी पृथ्वी इन प्रधान ईरोर, अदकि नीन टोना देल सब जातीगोळ भरमुसकु आगीदव.

24 भवषियवक्तागोळ अदकि पवतिर लांकुर, अदकि पृथ्वी मा सब घात माळकु आदुर आंदुरद रक्ता आऊन दा सकियाद.

## 19

1 इदुर बाददा ना स्वर्ग दा मान्सी धोळ भीळ इक ऊँचा शब्द देल ईद अनतेला केळदीन, “हल्लल्लिय्याह! उद्धार अदकि महमा अदकि सामर्थ्य नाम्द परमेश्वर उन अच हुन. 2 यतकी आऊन नरिण्य खरा अदकि ठीक आव. आव आ धोळ वेश्या अन्द, जो तान व्यभिचार देल पृथ्वी इक भ्रष्ट माळोर, न्याय माळदुन अदकि आकनि से तान दासगोळद रक्ता अन बदला ताकोडुन.” 3 बाक दुसरा वार आंदुर अंदुर, “हल्लल्लिय्याह! आऊन होततोद धुंगा हमेशा हमेशा येळतेला ईतती.” 4 आग चोवीस स्याणागोळ अदकि नाक प्राणीगोळ बदिकु परमेश्वर उक प्राणाम माळदुर, जो सहिसन मा कुरतकु ईरोन, अदकि अंदुन, “आमीन! हल्लल्लिय्याह!”

मेमना अन्द मदा

5 आग सहिसन दा टु ऊद शब्द होळत, “हे नामव परमेश्वर देल सब अंजावाळेर् दासगोळा, येन स्याणव, येन धोडडेव; नीव सब आऊन स्तुतती माळी.” 6 बाक ना धोळ भीळ इन घाई अदकि हापाळ नीर इन घाई शब्द, अदकि गरजन इन घाई धोळ शब्द केळदीन: “हल्लल्लिय्याह! यतकी प्रभु नाम्द परमेश्वर सर्वशक्तमान राज्य माळतान. 7 बरी, नाव आनन्दति अदकि मगन आगाता, अदकि आऊन स्तुतती माळता, यतकी म्यांडा अन्द पाडडा अन्द मदा होट बंदाद, अदकि आऊन मंळगीत तान तान इक तयार माळ कोडुर. 8 आऊक शुद्ध अदकि चमकदार महीन मलमल हाक्कोद अधिकार कोटकु आग्याद.” यतकी आ साफ मलमल इन मतलब पवतिर लांकुरद न्याय इन क्याल्सा आद.

9 आग स्वर्गदूत नान से अंदुन, “ईद लखिस कि धन्य आंदुर आर, जो म्यांडा अन्द पाडडा अन्द मदा अन्द भोज दा कारकु आग्यार.” बाक आव नान से अंदुन, “ई वचन परमेश्वर उन सत्य वचन हुन.”

10 आग ना आऊक प्राणाम माळोर साटी आऊन कालगोळ मा बदिदीन. आव नान से अंदुन, “नोळ, हगि माळबाळ, ना अपमान अदकि नीन वार्दुगोळद संगी दास हुईन जो यीशु उन गवाही कोळदुर मा सथरि आन. परमेश्वर उक अच प्राणाम माळ.” यतकी यीशु उन गवाही भवषियवाणी इन आत्मा हुन.

बळीद घ्वाळा मा कुरावाळा

11 बाक ना स्वर्ग इक तैरुको नोळदीन, अदकि नोळतीन कि ऊंद बळीद घ्वाळा आद; अदकि अदुरा मा ऊंद सवार आन, जो विश्वासयोग्य अदकि सत्य कहलुस्तान; अदकि आव न्याय इन सांगुळ न्याय अदकि लळाई माळतान. 12 आऊन कण्णगोळ बेक्की इन ज्वाला आव, अदकि आऊन ताल्ला मा हापाळ सा राजमुकुट आव. आऊन मा ऊंद हेसुर लखिसकु आद, यारी आऊक बटिकु अदकि याऊ जान्सालुन. 13 आव रक्ता सपिसकु कपळा हाक्कु आन, अदकि आऊन हेसुर परमेश्वर उन वचन हुन. 14 स्वर्ग इन सेना बळीद घ्वाळागोळ मा सवार अदकि बळीद अदकि शुद्ध मलमल कपळा हाक्कु आऊन हदि हदि आर. 15 जाती जाती इक बडोर साटी आऊन बाय देल ऊंद तेज धार इन तलवार होळतद. आव लोवा अन्द छळी हुळकु आंदुर मा राज्य माळयान, अदकि सर्वशक्तमान परमेश्वर उन भयानक प्रकोप इन जलजलाहट इन सारा अन्द कुंड दा अंगुर मेटयान. 16 आऊन कपळा अदकि जांघ मा ईद हेसुर लखिसकु आद: “राजागोळ राजा अदकि प्रभुगोळ प्रभु.”

17 बाक ना ऊंद स्वर्गदूत उक सुर्य मा नीदुरकु नोळदीन. आव धोळ शब्द देल कारकु आकाश इन न्याड्या दा टु ऊळसावाळेर सब पक्षीगोळ देल अंदुन, “बरी, परमेश्वर उन धोळ भोज इन साटी जमा आगोगी, 18 यदुर देल नीव राजागोळद मास, अदकि सरदारगोळद मास, अदकि शक्तमानि गंळसगोळद मास, अदकि घवाळागोळद अदकि अऊर मा सवार आगतार आंदुर मास, अदकि येन स्वतंत्र येन दास, येन स्याणेव येन धोड्डेव, सब लॉकुरद मास तर्नी.”

19 बाक ना आ पशु, अदकि पृथ्वी इन राजागोळ इक अदकि आंदुरद सेनागोळ इक आ घ्वाळा अन्द सवार अदकि आऊन सेना से लळाई माळोर साटी जमा नोळदीन. 20 अद पशु, अदकि अदुर सांगुळ आव ख्वाटा भवषियवक्ता हुळकु आदुन याव आऊन मुंद हगि चनिह तोरसीदुन यदुर द्वारा आव आंदरी भरमुसदुन यदुर मा आ पशु उन छाप ईरोद अदकि जो अदुर मूर्ता इन पुजा माळतोगोर. ईव येदुदु जतिता जीव आ बेक्की इन झील दा, जो गन्धक देल होततद, हाककु आदुर. 21 बाकी नोर लॉकुर आ घ्वाळा अन्द सवार इन तलवार देल, जो अदुर बाय देल होळतोगोद, कोंदकु आदुर; अदकि सब पक्षी आंदुर मास देल संतुष्ट आगोदुर.

## 20

हजार वर्ष इन राज्य

1 बाक ना ऊंद स्वर्गदूत उक स्वर्ग टु ईळतेला नोळदीन, याऊन कय दा अथाह-अधोलोक इन कुंजी अदकि ऊंद धोळ शंकली ईरोद. 2 आव आ अजगर, मतलब हाळोद हाव इक, जो इवलीस अदकि शैतान आन, हुडकु हजार वर्ष इन साटी कट बुट्टुन. 3 अदकि अदरी अथाह-अधोलोक दा हाककु बंद माळ बुट्टुन अदकि अदुर मा मोहर हच बुट्टुन क्ति अद हजार वर्ष इन पुरा आगासताका गैर यहूदी लॉकुरी बाक भरमुस बाळुल. इदुर बाददा जरूरी आद क्ति अद घळी तीम साटी बाक खोल्सकु आगुल.

4 बाक ना सहिसन नोळदीन, अदकि अऊर मा लॉकुर कुरतुर, अदकि आंदरी न्याय माळोद अधिकार कोटकु आत. ना आंदुर आत्मागोळ इक भी नोळदीन, यार तालला यीशु उन गवाही कोळोद अदकि परमेश्वर उन वचन इन कारण कडुकु आगीदव, अदकि यार ना आ पशु उन, अदकि ना अदुर मूर्ता इन पुजा माळीदुर, अदकि ना अदुर छाप तान ह्याणा अदकि कयगोळ मा ताकोडीदुर. आंदुर जतिता आगकु मसीह अन्द सांगुळ हजार वर्ष ताका राज्य माळतेला ईरूल. 5 यागासताका ईव हजार वर्ष पुरा आगीदील आगासताका बाकी नोर सोतकु मंळसा जतिता आगीदील. ईद रा पयला पुनरुत्थान हुन. 6 धन्य अदकि पवतिर आव आन, जो ई पयला पुनरुत्थान इन भागी आर. हगिरु मा दुसरा मृत्यु उन यातोदु अधिकार हैलेच, पर आंदुर परमेश्वर अदकि मसीह अन्द याजक आदार अदकि आऊन सांगुळ हजार साल ताका राज्य माळ्यार.

शैतान उन बनिश

7 याग हजार साल पुरा आगेदव रा शैतान कैद टु बळिसुस्कु आगेदान. 8 अद आ जातीगोळी जो धरती इन नाकु दी ईत्तीत, मतलब गोग अदकि मागोग इक यऊरद गनिती समुद्र अन्द गागरा अन्द बराबर ईत्तीत, भरमुसकु लळाई इन साटी जमा माळली होट्टीत. 9 अव सप्पा धरती मा फौलसकु पवतिर लॉकुरद छावनी अदकि प्रयि नगर इक घेरस बुट्टाव; अदकि बेक्की स्वर्गा टु ईळुकु आंदरी भसम माळीत. 10 आंदुरद भरमुसावाळा शैतान बेक्की अदकि गन्धक इन आ झील दा, यदुर दा आ पशु अदकि ख्वाटा भवषियवक्ता भी ईत्तान, हाकसुसकु आदार; अदकि आंदुर ईळलक हागुल हमेशा हमेशा दुख दा तळपुळस्त ईत्तार.

आखरी न्याय

11 बाक ना ऊंद धोळ बळीद सहिसन अदकि आऊक, जो अदुर मा कुरतकु आन, नोळदीन; आऊन मुंद टु पृथ्वी अदकि आकाश ओळेदव, अदकि आंदुर साटी जागा सकिदील. 12 बाक ना स्याणेव धोड्डेर सब सोतकु मंळसागोळ इक सहिसन इन मुंद नीदुरकु नोळदीन, अदकि कतिबगोळ खोल्सकु आदव; अदकि बाक ऊंद मातत कतिब खोल्सकु आत, मतलब जीवन इन कतिब; अदकि ह्यांग आ कतिबगोळ दा लखिसकु ईरोद, हांग अच आंदुर क्यालसागोळद अनुसार सोतकु मंळसागोळद न्याय माळकु आत. 13 समुद्र आ सोतकु मंळसागोळ इक जो अदुर दा ईरव कोट बुळुत, अदकि मृत्यु अदकि अधोलोक आ सोतकु मंळसागोळ इक जो अदुर दा ईरव कोट बुळुत; अदकि आंदुर दा टु हर ऊंद मंळसा अक आंदुर क्यालसागोळ इन अन्दुन आंदुर न्याय माळकु आत. 14 मृत्यु अदकि अधोलोक बेक्की इन झील दा हाककु आदव. ईद बेक्की इन झील दुसरा मृत्यु हुन; 15 अदकि यारदारा हेसुर जीवन इन कतिब दा लखिसकु सकितीदील, आव बेक्की इन झील दा हाककु आदुन.

## 21

व्हाशोद आकाश अदकि व्हाशोद पृथ्वी

1 वाक ना व्हाशोद आकाश अदकि व्हाशोद पृथ्वी इक नोळदीन, यतकी पयला आकाश अदकि पयला पृथ्वी होगतेला ईरोद, अदकि समुद्र भी ईतीदील. 2 वाक ना पवतिर नगर व्हाशोद यूरुसलेम इक स्वर्ग टु परमेश्वर उन हात्ती टु ईळतेला नोळदीन. अद आ मंळगीत इन घाई ईरोद जो तान गांडड उन साटी सगार माळकु आर. 3 वाक ना सहिसन दा टु यावारा अक धोळ शब्द देल ईद अनतेला केळदीन, “नोळ, परमेश्वर उन ड्यारा मंळसागोळद न्याड्या दा आद. आव आंदुर सांगुळ ड्यारा माळ्यान, अदकि आंदुर आऊन लॉकुर आदार, अदकि परमेश्वर खुद

आंदुर सांगुळ ईततान अदकि आंदुर परमेश्वर आदान. <sup>4</sup> आव आंदुर कण्णगोळ देल सप्पा नीर सट्टि कोडान; अदकि इदुर बाददा मृत्यु ईला ईततीत, अदकि न शोक, न बलिाप, न पीळा ईततीत; पयला मातगोळ होगतेला ईतत्व.”

<sup>5</sup> जो सहिसन मा कृतकु ईरोन, आव अंदुन, “नोळ, ना सब येनारा व्हाशोद माळकु कोळतीन.” बाक आव अंदुन, “लखिस कोम, यतकी ईव वचन वशिवास इन योग्य अदकि सत्यु आव.” <sup>6</sup> बाक आव नान से अंदुन, “ईव मातगोळ पुरा आगोग्याव. ना अल्फा अदकि ओमेगा, पयला अदकि आखरी हुईन. ना प्यासा अक जीवन इन नीर इन झरना दा टु फुट्ट दा कुडोद अधिकार कोळाईन. <sup>7</sup> जो वजिय आदान आवा ई वस्तुगोळ्द वारीस आदान, अदकि ना आऊन परमेश्वर आगाईन अदकि आव नान पार आदान. <sup>8</sup> लेकीन डरपोकगोळा, अदकि अवशिवासीगोळा, अदकि नीच हरकत माळावाळेरा, अदकि हत्या माळावाळेरा अदकि व्यभिचारीगोळा, अदकि जादू टोना माळावाळेरा, अदकि मूर्त्ता इन पुजा माळावाळेरा, अदकि सब खवाटा मातगोळ्द भाग आ झील दा सक्कीत जो बेक्की अदकि गन्धक देल होततेला ईरतद: ईद दुसरा मृत्यु हुन.”

व्हाशोद यरूशलेम

<sup>9</sup> बाक आ येळ स्वर्गदूतगोळ हात्ती येळ आखरी परेशानी देल तुमकु येळ कटोरागोळ ईरव, आंदुर दा टु ऊंद नान हात्ती वंदुन, अदकि नान सांगुळ मातगोळ माळकु अंदुन, “ईल वर, ना नीनी मंळगीत मतलव म्यांडा अन्द पाडडा अन्द हगिस् तोरसाईन.” <sup>10</sup> आग आव नानी आत्मा दा ऊंद धोळ अदकि ऊँचा पहाळ मा ओतुन, अदकि पवतिर नगर यरूशलेम इक स्वर्ग टु परमेश्वर उन हात्ती टु ईळतेला तोरसदुन. <sup>11</sup> परमेश्वर उन महिमा आंदुरदा ईरोद, अदकि आऊन ज्योती हापाळ अच कमिती कल्ल, मतलव बलिलौर इन घाई यशब उन घाई स्वचछ ईरोद. <sup>12</sup> आऊन दविय शयरपनाह धोळ ऊँचा ईरोद, अदकि आऊन हन्नेळ फाटक अदकि फाटकगोळ मा हन्नेळ स्वर्गदूत ईरोर; अदकि आ फाटकगोळ मा इस्त्राएलीगोळ्द हन्नेळ गोत्रगोळ्द हेसुर लखिसकु ईरव. <sup>13</sup> पूरव दशिा अन दी मूर फाटक, उत्तर दशिा अन दी मूर फाटक, दक्षिण दशिा अन दी मूर फाटक, अदकि पश्चिम दशिा अन दी मूर फाटक ईरव. <sup>14</sup> नगर इन दविय इन शयरपनाह अन्द हन्नेळ नीवगोळ ईरव, अदकि अदुर मा म्यांडा अन्द पाडडा अन्द हन्नेळ प्रेरतिगोळ्द हन्नेळ हेसुर लखिसकु ईरव. <sup>15</sup> जो नान सांगुळ मातगोळ माळोन आऊन हात्ती नगर अदकि आऊन फाटकगोळ अदकि आऊन शयरपनाह अक आळोर साटी ऊद व्हानना अन्द गज ईरोद. <sup>16</sup> अद नगर वर्गाकार बसुसकु ईरोद अदकि अदुरद लंबाई, चौळाई इन बराबर ईरोद; अदकि आव आ गज देल नगर इक आळदुन, रा साढे येळ सो कोस इन होळत: अदुरद लंबाई अदकि चौळाई अदकि ऊँचाई बराबर ईरोद. <sup>17</sup> आव आऊन शयरपनाह अक मंळसा अन्द मतलव स्वर्गदूत उन नाप देल आळदुन, रा ऊंद सौ चौवालीस कय होळत. <sup>18</sup> आऊन शयरपनाह यशब इन वनसकु ईरोद, अदकि नगर हगि शुद्ध व्हानना अन्द ईरोद जो स्वचछ, काँच इन घाई ईरूल. <sup>19</sup> आ नगर इन नीवगोळ हर प्रकार इन कमिती कल्लगोळ देल सवारसकु ईरोद; पयला पायवा यशब देल, दुसरा नीलमणी देल, तीसरा लालळी देल, चौथा मरकत देल, <sup>20</sup> पाचवा गोमेदक देल, सहावा माणकिय देल, सातवा पीतमणी देल, आठवा पेरोज देल, नववा पुखराज देल, दसवा लहसनरि देल, ग्यारवा धूम्रकान्त देल, अदकि बारवा चन्द्रकांत मणी देल वनसकु ईरोद. <sup>21</sup> हन्नेळ फाटक हन्नेळ मोतीगोळ्द ईरव; ऊंद ऊंद फाटक ऊंद ऊंद मोती इन माळकु ईरोद. नगर इन सळक स्वचछ काँच इन घाई शुद्ध व्हानना अन्द ईरोद.

<sup>22</sup> ना अदुरदा यातोदु मंदरि नोळीदील, यतकी सर्वशक्तमिान प्रभु परमेश्वर अदकि म्यांडा अन्द पाडडा अदुरद मंदरि आद. <sup>23</sup> आ नगर दा सुर्य अदकि चंद्रमा अन्द ऊजुळ इन जवत हेल्लेच, यतकी परमेश्वर उन तेज देल अदुरदा ऊजुळ आगेत्याद, अदकि म्यांडा अन्द पाडडा आऊन दगिया हुन. <sup>24</sup> जाती-जाती इन लॉकुर आऊन ज्योती दा नळकु वयाळ्यार, अदकि पृथ्वी इन राजा तान तान तेज इन सामाईन अदुर दा तंदार. <sup>25</sup> आऊन फाटक हागुल इक यागलु बंद आगतीदील, अदकि ईळलक अल आगतीदील. <sup>26</sup> लॉकुर जाती जाती इन तेज अदकि वैभव इन सामाईन अदुर दा तंदार. <sup>27</sup> लेकीन अदुरदा यातोदु अपवतिर वस्तु या बेकार क्याल्सा माळावाळा, या खवाटा मातगोळ गढुसावाळा यातोदु रीत देल परवेश माळ सकालुन, पर सरिफ आ लॉकुर यार हेसुर म्यांडा अन्द पाडडा अन्द जीवन इन कतिाव दा लखिसकु आव.

## 22

<sup>1</sup> बाक आव नानी बलिलौर इन घाई झलकुसतेला, जीवन इन नीर इन गांगा तोरसदुन, जो परमेश्वर अदकि म्यांडा अन्द पाडडा अन्द सहिसन टु होटक <sup>2</sup> आ नगर इन सळक इन न्याड्या वाहुसोद. गांगा अन ईप्पाटी अदकि आप्पाटी जीवन इन मारर ईरोद; अदुरदा हन्नेळ प्रकार इन काय हत्तव, अदकि अदरी हर तगिळ काय हत्तव; अदकि आ मारर इन याल्लनागोळ देल गैर यहूदी लॉकुर चंगा आगतोगोर.

<sup>3</sup> बाक श्राप आगतीदील, अदकि परमेश्वर अदकि म्यांडा अन्द पाडडा अन्द सहिसन आ नगर दा ईततीत अदकि आऊन दास आऊन सयावा माळ्यार. <sup>4</sup> आंदुर आऊन बाय नोळ्यार, अदकि आऊन हेसुर आंदुर ह्याणागोळ मा लखिसकु ईततीत. <sup>5</sup> बाक ईळलक आगतीदील, अदकि आंदरी दगिया अदकि सुर्य अन्द ऊजुळ इन जवत बळितीदील, यतकी प्रभु परमेश्वर आंदरी ऊजुळ कोट्टान, अदकि आंदुर हमेशा हमेशा राज्य माळ्यार.

यीशु उन दुबारा बरोद

<sup>6</sup> बाक आव नान से अंदुन, “ईव मातगोळ वशिवास इन योग्य अदकि सही आव. प्रभु, जो भवषियवक्तागोळ आत्मागोळ्द परमेश्वर हुन, तान स्वर्गदूत उक इदुरसाटी कळदुन कतिान दासगोळी अव मातगोळ, यदुर राटनेरी पुरा आगोद जरूरी आद, तोरस्यार.”

7 “नोळ, ना राटनेरी बरावाळा आईन! धन्य आन आव, जो ई कतिब इन भवषियवाणी इन मातगोळ मानसतान.”

8 ना आवा यूहन्ना हुईन, जो ईव मातगोळ केळीन अदकि नोळतोगीन. याग ना केळदीन अदकि नोळदीन, रा जो स्वर्गदूत नानी ईव मातगोळ तोरसतोगीन, ना आऊन कालगोळ मा प्रणाम माळोर साटी बदिदीन. <sup>9</sup> लेकीन आव नान से अंदुन, “नोळ, हगि माळबाळ; यतकी ना नीन, अदकि नीन वार्ट भवषियवक्तागोळ, अदकि ई कतिब इन मातगोळ इक मानसावाळेरद संगी दास हुईन. परमेश्वर उक अच प्रणाम माळ.” <sup>10</sup> बाक आव नान से अंदुन, ई कतिब इन भवषियवाणी इन मातगोळी बंद माळबाळ; यतकी समय हात्ती आद. <sup>11</sup> जो अन्याय माळतान, आव अन्याय अच माळतेला ईरूल; अदकि जो मलनि आन, आव मलनि बन्सकु ईरूल; अदकि जो न्यायी आन, आव न्यायी बन्सकु ईरूल; अदकि जो पवतिर आन; आव पवतिर बन्सकु ईरूल.

12 “नोळ, ना राटनेरी बरावाळा आईन; अदकि हर ऊंद मंळसा अन्द कयाल्सा अन्द अनुसार मोहबदला कोळोर साटी प्रतफिल नान हात्ती आद. <sup>13</sup> \*ना अल्फा अदकि ओमेगा, पयला अदकि आखरी, पयले टु अदकि अन्त हुईन.

14 “धन्य आंदुर आर, जो तान कपळा ओगु कोमतार, यतकी आंदरी जीवन इन मारर इन हात्ती बरोद अर्धकार सक्कीत, अदकि आंदुर फाटकगोळ देल आगकु नगर दा प्रवेश माळ्यार. <sup>15</sup> लेकीन नायगोळ, अदकि टोना माळावाळेर, अदकि व्यभिचारी, अदकि खुनीगोळ अदकि मूर्त्ता इन पुजा माळावाळा, अदकि हर ऊंद ख्वाटपन इक चाहासावाळा अदकि घळुसावाळा व्हार्या ईत्तान.

16 “नानी यीशु तान स्वर्गदूत उक इदुरसाटी कळुदुन की नीम मुंद मंडलीगोळद बारा दा ई मातगोळद गवाही कोळुल. ना दाऊद उन मूल अदकि वंश, अदकि व्हातुर इन चमकुसतेला तारा हुईन.”

17 आत्मा अदकि मंळगीत येदहु अंतार, “बर!”

अदकि केळावाळा भी अंदान, “बर!”

जो नीरळकु ईतीदान आव बरूल, अदकि जो यावारा चाहासतान आव जीवन इन नीर फुकट दा ताकोमुल.

समापन

18 ना हर ऊंद मंळसा अक, जो ई कतिब इन भवषियवाणी इन मातगोळ केळतान, गवाही कोळतीन: अगर यावारा मंळसा ई मातगोळ दा येनारा वाळुस्यान रा परमेश्वर आ परेशानीगोळ इक, जो ई कतिब दा लखिसकु आव, आऊन मा वाळुस्यान. <sup>19</sup> अगर यावारा ई भवषियवाणी इन कतिब इन मातगोळ दा टु येनारा तेगु कोंडान, रा परमेश्वर आ जीवन इन मारर अदकि पवतिर नगर दा टु, यदुरद वरणन ई कतिब दा आद, अदुर भाग तेगु कोंडान.

20 जो ईव मातगोळद गवाही कोळतान आव ईद अनतान, “हव, ना जल्दी बरावाळा आईन.” आमीन.

हे प्रभु यीशु बर!

21 प्रभु यीशु उन अनुग्रह पवतिर लॉकरद सांगुळ ईरूल. आमीन.